

王右丞集箋注

四部備要

集部

上海中華書局據清乾隆

刻本校刊

桐鄉

陸費達總勘

杭縣

高時顯輯校

杭縣

吳汝霖監造

版權所有不許翻印

讀趙君松谷所箋註王右丞詩文二十八卷其約者不失之略其詳者不失之支析疑糾謬于後學大有裨益余嘗謂註書各有體裁郭景純註爾雅鄭康成註毛詩格應如是若裴松之註三國志劉孝標註世說新語皆能補原書所不載而其辭又雅馴頗見魏晉風軌郭象註莊直是借南華大旨自成一部子書酈道元註水經則又借桑欽標題自成一部山水記皆不當僅僅以註視之今觀松谷所註其考核精當能發前人之所未發竟可自成一家詩說校長絜美安在古今人不相及耶松谷天性純孝親疾嘗刲股和藥居喪柴毀骨立一時賢士大夫以狀聞于郡縣請以孝廉應選松谷以母制未終堅謝不肯就行義卓卓著兩浙間又其志趣卓犖工書好學左圖右史朝夕不暫釋著書多種未嘗輕出示人其所輯臨民金鏡錄載予令上海時薄政一條與彭城李公柏鄉魏公治浙中莠民事二則並大書特書于其間郭生培元間取以示余余愧謝不才得邀椽筆以此益知松谷留心世事若此行將大抒其所學以表見于世豈僅效書生輩尋章摘句摛華掞藻而已哉世之見聞者勿以鉅經鉅史淺視斯編更勿以雕蟲小技薄量松谷可矣慶湖李發枝拜題

膚核之學可以測其津岸矣吾友趙君松谷服膺是集沿波討源一字之根歷研辨不少寬假積數年註既成予間與之論右丞之出處明白其大節松谷未嘗不辯予言也右丞閨門友悌見推多士扈從不及受祿山僞署世遂以爲白圭之玷迹其服藥取痢稱瘖求免舊史已力爲湔雪而凝碧一詩秋槐野烟傷心掩泣是卽惓惓不忘君父之左證固不可與張均張垞諸人比倫矣小說鬱輪袍一事以時世考之右丞開元九年登第爾時姚崇秉國明皇方急于圖治親策試應制舉人于含元殿務收賢俊用寧軍國太平安樂之覆轍殷鑒不遠肯以狀頭付之嬰兒子之予奪乎迨其後別墅流連焚香禪誦蕭疎高遠不干榮進而謂早歲躁于進取肯自廁于優伶之伍乎右丞一代雅人而受誣者幾千載惟予與松谷有獨知之契松谷遂能窺尋其本末卓然成一家之言予特病懶而未獲飲助滋愧矣嘗見宋槧草堂集註杜詩號稱千家其中訛舛尙未得免後人之訾摘范石湖亦囑陸放翁註蘇文忠公詩放翁謝不敢任夫以放翁之深于詩學其去文忠時風流未遠猶愬焉謙避不遑今松谷立于千載之下獨能披陳往事搜錄遺文于恒河沙中時獲鉤金螢乾蠹老曾無倦容又非有千家集註爲之導揚其先聲較視昔賢尤稱難已松谷天性純摯居母喪柴毀郡縣以孝廉徵顧守禮弗肯就蓋其惇行勵俗作人倫坊表斷斷于名教之

地有如此予故因序右丞詩註而特詳論之有品目吾松谷者寧可求之文藝之末哉乾隆二年太歲在丁巳二月朔同學弟杭世駿拜手書

昔人稱詩爲有聲畫畫爲無聲詩二者罕能並臻其妙右丞擅詩名于開元天寶間得唐音之盛繪事獨絕千古所謂無聲之詩有聲之畫右丞蓋兼而有之吾友松谷先生好古不倦奮志搜討嘗取右丞集手自箋釋句斟字酌疑文墜字靡有放失用補前明顧氏之遺今年夏余歸自京師與松谷道故之暇出是編見示探奇索隱證據詳密大非顧氏所能及也夫右丞之詩天機清越辭旨元微謾聞庸學難可殫論既得松谷之註而燦然大白其畫輞川圖今既不復得見獨萬峰積雪卷猶在人間他日松谷脂車北來吾當力索舊藏與松谷共讀一過相顧動顏嗟賞默喻其無聲之中具有聲之趣不識松谷以爲何如也姑書此語以俟同里學弟符曾題

吾友仁和趙君松谷來京出所箋右丞全集示予蒼萃羣書削去華葉有是哉其既博且精也人代日遠衆言紛綸李嘉祐絕無白鷺黃鸝之句而或妄誣右丞以蹈襲向微晁子止辨之彼燕說之謬其有窮耶此猶其小者右丞以遺世之高致而見汚于祿山至今遺議未已松谷爲之洗其沉屈足比于眉山之雪太白予謂是時天子入蜀東宮起朔方右丞不死殆亦思乘間自脫向行在耳豈知託病不遂竟遭維繫

斯烈士于患難之際所以致戒于委蛇也雖然右丞風期高雅絕非塵世中人物吾故信其晚節之可原苟其人不如右丞而欲于生平波蕩之後藉口昔人山妖水怪反自訴其飛躍之不幸斯則論世者所弗寬也得吾說而存之未必不與松谷之說互相發也卽以右丞之禪悅言之唐人一時習氣多愛遊古松慈竹之間而右丞之清臞尤其性之所近若其弟夏卿爲之移華子岡孟城坳之幽閑欲以施之廟宇則荒矣是皆讀右丞集者所當知也近日浙西撰述之盛莫先趙氏松谷之弟谷林意林兩徵士谷林之子誠夫並博綜文史著書滿家而其家園林竹木之勝爲湖山生色亦幾幾藍田輞水寒村遠火犬吠如豹一門班管互相疏證如此著書豈有不傳松谷于是箋之成悵然于其子行久之多所欣助而今不及見也嗟乎公休壯輿能于其先人身後理史局之緒言而元澤之解三經卒不永年大化修短寧可究詰但使有可傳者其又奚悲焉乾隆二年丁巳十月之望謝山學弟全祖望拜手簞于雙韭寓寮

箋釋之學自古爲難註班書者服虔應劭如淳晉灼而外無慮十餘家至小顏新註穿漏解較指其牴牾差繆不少假借自謂無復遺恨而二劉兄弟父子旋起議之註文選者李善而外如呂延濟劉承祖張銑等又加疏通可稱該備而邱光庭作兼明書多是正其疏略求如鄭善長之于水經劉孝標之于世說歷

世久遠無有索癥摘垢者蓋指未易屈也詩之有箋
昉自鄭氏宋人箋杜集數十家近人多取唐名家集
爲之句櫛字解以便觀覽而王右丞集獨鮮善本右
丞詩在開寶間早擅英聲代宗批答弟縉進遺集表
有抗行周雅長揖楚詞之褒商璠謂維詩詞秀調雅
意新理愜在泉成珠著壁成繪一字一句皆出常境
千年來與儲太祝王龍標岑嘉州孟襄陽並驚天壤
尤推傑絕文格華整超逸雖不以此獲稱宋姚鉉撰
唐文粹持擇頗爲精密擷取不遺詩筆並茂洵乎才
人之極致也吾友趙君松谷愛翫是編殫見洽聞留
心綴述排比成二十八卷出以示予曰吾之爲是註
也唯詳且慎而已詳故世士所津逮之籍左證明白
根括完善卽至榆函貝葉之藏亦無缺漏而疑義所
在慎而闕如郢書燕說吾知免已又以餘力葺評跋
羅繪事具年譜展卷之下如與高人詞客在欽湖竹
里間繩坐靜言晤對于千載之上寧非藝苑勝引哉
若右丞迫祿山僞命當賊平時與鄭虔並囚宣陽里
虔以善畫祈崔圓得免謫台州司戶右丞以秋槐落
葉之句達肅宗從輕左遷中允善乎少陵之目右丞
曰共傳收庾信不得比陳琳一病緣明主三年獨此
心于鄭司戶則曰萬里傷心嚴譴日百年垂死中興
時又云反覆歸聖朝點染無蕩滌則王鄭之優劣詩
史先有定論又何待後人之喋喋邪予因歎箋釋之
難而喜松谷之詳慎可爲註書之法後世雖有索癥

摘垢者當亦俛首下心無可置喙矣乾隆丁巳冬十
一月十日同學弟厲鶚拜書于南湖葭菼軒

右丞詩句妙九州楚詞後語獨謂其詩萎弱少氣骨
又其丹青冠絕今古米友仁獨云王維畫見之極多
皆如刻畫不足學余嘗謂二語所謂別開生面者然
宇宙遼闊必有淹雅之士克辨其是非及讀松谷所
作右丞詩文箋註貫穿古今採擷史傳搜奇網逸昔
人評論罔不俱備一再披讀知前之二語有不待辨
而自明者松谷誠右丞異世知己哉右丞登第舊唐
書謂是開元九年新唐書但云開元初而楊升菴科
第題名考云開元五年進士二十五人狀元王維何
耶據雍錄長安志二書皆以凝碧池在西京胡三省
作通鑑音註謂徧檢諸書祿山反後未嘗至長安以
新史祿山入長安爲誤而指其所宴之凝碧池爲在
洛陽者引唐六典以爲證書之未易考核若此松谷
是編採錄甚富而片言隻句不肯妄輯有所評駁皆
能一空陳解不沾沾焉唯多之爲貴尤有當哉乾隆
丁巳長至日同學弟王琦

詩家有註始放鄭氏康成之箋毛詩呂忱云鄭以毛
學審備遵暢厥旨所以表明毛意記載其事故特稱
爲箋然則詮詁箋釋之學由來好古君子所宜盡心
已松谷三兄夙耽吟咏于有唐諸家尤嗜王右丞詩
繹諷之餘滋味研索復以援據該博使事奧衍每讀
輒註搜隱抉幽積以歲月令人見之心開目張今秋

三兄來京師謁選部曹聚首之暇發篋以示詩弓襄秩文集並爲之注又以詩話畫評及年表而彙收之可謂詳且盡已夫右丞去今已遠讀詩者以意逆志何能盡得微旨今三兄于是集用意勤且久豪髮靡遺憾于右丞洵得忠臣之名其遵暢厥旨表明記識幾于鄭氏同風至右丞值天寶之亂扈從不及陷身托疾拘于普施寺賊平以凝碧一詩聞于行在朝廷宥之責授太子中允杜拾遺贈詩云共傳收庾信不得比陳琳一病緣明主三年獨此心牧齋尙書箋此詩謂以侯景比祿山以子山比中允當時張均兄弟等皆與賊作權要官謗訕朝廷如陳琳之爲袁紹檄曹公者多矣右丞痛憤賦詩故曰不得比陳琳也一病三年不當復責授中允以譏肅宗之失刑是右丞生平忠憤志節拾遺固已論定誠可稱爲詩史余因序詩註而論及之乾隆丁巳臘八日愚弟昱謹書于京師寓齋

唐之詩家稱正宗者必推王右丞同時比肩接武如孟襄陽韋蘇州柳連州未能或之先也孟格清而薄韋體澹而平柳致幽而激唯右丞通於禪理故語無背觸甜徹中邊空外之音也水中之影也香之於沉實也果之於木瓜也酒之於建康也使人索之於離卽之間驟欲去之而不可得蓋空諸所有而獨契其宗然舊本不一有彼此互勝者如晴川帶長薄千山響杜鵑三江雁欲飛獨解倚門愁山中一半雨余知報國心種松皆老作龍鱗松下行齋折露葵而別本俱顛倒改竄漠漠陰陰向之斂衽右丞者謂能點鐵不意妄庸人之從而點金也雖然其故難言矣昔人分別佛語第一菩薩語第二較賢聖於秒忽之間非不苦心也客有侑某處花豬肉甚美買之豬一夕逸去饕人更之以他豬明日出以啖所貴舉座稱善且噉且嚙切齒作聲以爲非他肉味所及饕人睨于其旁匿笑而客不知也讀右丞詩以顛倒改竄者收入若瑛璧無乃類是乎吾弟松谷心摹右丞詩端居多暇并其全集討之左證右據旬披月揀積而成歲遂爲完編盡舉顛倒改竄無稽曲說一一疏通而是正之而詞客畫師之面目出矣臨川人黃鶴編杜詩稱千家註然止數家耳於時事心地寡所發明而劉須溪評在風雅家不甚貴重其中間得原詩字句竟有千家之所未及搜尋者海底珊瑚之鉤在鐵網收之而已余知吾弟之苦心而右丞之不沒也故爲此言

乾隆丁巳十二月鐵巖兄殿最書於藤花公署

註書難註唐以前書尤難蓋世遠則古書多亡不見故雖博瞻者猶難之況未亡者尙多未見安能註哉今世註家止取習見語填綴滿紙稍稀僻卽闕嘗見吳中陋者註昌黎詩首引學而篇釋學字不覺失笑世有未讀魯論乃欲讀昌黎詩者耶其有點者記問雖稍瞻又率誣古人以就己意如虞山錢叟註少陵義山詩並誣以學佛以自蓋其晚歲逃禪之謬不知身許雙峯自表遊興耳夜半安心蓋謝令狐楚授四六文法於佛何涉其舊解譌者未能駁正反舉不譌者譌之無益有害何以註爲乾隆丁巳余奉

命祭夏禹王陵過錢塘松谷趙君來見出所註王右丞全集貽余方請急省覲未暇展視至家而憂居踰三年取其書讀之則不陋且典不點且醇異乎近世之爲註者也右丞唐人又素學佛乃僻事必註而佛語則以爲素所不習其駁正舊說不下百十條其辨覓裳曲七疊始有拍以駁按樂圖妄說則不惟註右丞詩併可以糾新舊二唐書之謬其有功於學者大矣右丞晚節頗有警訛之者然其詩在盛唐名出少陵右侘文亦娟麗自當有註况其服藥取痢伴瘖賦凝碧池詩心未嘗忘君惟未能引決耳歐陽公謂老氏貪生釋氏畏死然則其不能引決亦學佛誤之也可不慎所習也夫趙君從兄大司空與余同佐戶部相親厚其兩從

第谷林意林余皆識之故樂爲序云臨川李紱題於京邸之紫藤軒東偏書屋

傳稱詩以道性情人之性情不一以是發于謳吟歌詠之間亦遂參差其不同蓋有不知所以然而然者唐之詩傳者幾百家其善爲行樂之詞與工爲愁苦之什相半雖于性情各得所肖而求其不悖夫溫柔敦厚之教者未易數數觀也右丞崛起開元天寶之間才華炳煥籠罩一時而又天機清妙與物無競舉人事之升沉得失不以膠滯其中故其爲詩真趣洋溢脫棄凡近麗而不失之浮樂而不流于蕩卽有送人遠適之篇懷古悲歌之作亦復渾厚大雅怨尤不露苟非實有得于古者詩教之旨焉能至是乎乃論者以其不能死祿山之難而遽譏議其詩以爲萎弱而少氣骨抑思右丞之服藥取痢與甄濟之陽爲歐血苦節何殊而一則竟脫于樊籠一則不免于維繫者遇之有幸有不幸也普施拘禁凝碧悲歌君子讀其辭而原其志深足哀矣卽謂揆之致身之義尙少一死至于辭章之得失何與而亦波及以微辭焉毋乃過歟又古今來推許其詩者或稱趣味澄復若清流貫達或稱如秋水芙蓉倚風自笑或稱出語妙處與造物相表裏之類揚詡亦爲曲當若其詩之溫柔敦厚獨有得于詩人性情之美惜前人未有發明之者詩註雖有數家頗多舛鑿至于文筆類皆缺

如鄙心有所未盡爰是校理舊文芟柞浮蔓搜遺補逸不欲爲空謬之談亦不敢爲深文之說總期無失作者本來之旨而已獨是能薄材謏讀書未廣縱有一隅之見譬之管窺筐舉所得幾何幸而生逢

聖世文教誕敷炳炳麟麟典籍于今大備而博物洽聞之彥接武于蘭臺麟閣之間可以折中而問難行將訪其所未知訂其所未合以定斯編之闕失其或有雌霓謬呼金根妄易薪歌延瀨之未詳者苟有見聞克以應時改定是固區區之志焉矣乾隆元年歲在丙辰正月望日仁和趙殿成松谷氏漫題于書圃之目耕堂

王右丞集箋註例略

摩詰詩集是其弟相國夏卿所編次諸家刻本予所見者廬陵劉氏須溪武陵顧氏元鎮句吳顧氏可久吳興凌氏初成四家而已此外尚有蜀本廣信本維揚本惜未得一見又谷林五弟言義門何氏有宋本右丞集考正疑誤最爲精確今在揚州一藏書家更恨未得寓目據所見而論惟須谿評本爲最善舊史載夏卿對代宗之言謂臣兄開元中詩百千餘篇天寶事後百不存一比于中外親故間相與編綴都得四百餘篇今須谿本所載者僅三百七十一篇則已非寶應中進御原本矣洪興祖謂王涯在翰林時與令狐楚張仲素所賦宮詞諸章俱誤入王維集中今吳興武陵二本所載遊春辭三十餘首卽是涯等所作須谿本獨無此誤以此知其本爲最善也是編自十四卷以前之詩皆須谿本所有者雖頗亦間雜他人之作然槩不敢損益其別本所增及他籍互見者另爲外編一卷

敘詩之法編年爲上別體次之分類又其次也今四家敘次互有不同擬欲編年苦無所本不敢強作解事特倣錢牧齋杜詩箋註之例以古詩近體分編而又析其五言七言律詩絕句各爲一聚以便檢閱須谿本于詩題下間有註云時年若干有云時爲某官之類或本右丞自註或是相國附書或繫劉氏傳聞俱未敢臆度酌加原註二字以冠其上

同時詩人唱和須谿本作夾行細書附錄于本詩之後武陵本另編同詠一帙餘本皆削去今從須谿本特改作大書而稍低一字以爲本集眉目之別至于贈答之篇無可附麗者以及後賢題詠總錄卷首若關涉繪事者則歸末卷畫錄中使之類聚羣分有條而不紊

豕亥變形魚魯易韻名士手校猶有異同况多經妄庸人改竄其中乎歐陽公言韓文印本初未必誤多爲校讎者妄改如羅池碑改步爲涉田氏廟改天明作王明之類是其一證卽云此是善本亦僅僅彼善于此未必親得作者手稿而以劉向揚雄之博雅爲之訂正者也爰是竊取朱子韓文考異之例採集諸本之異同其謬誤顯然者正之餘則兼存其字並載集中以聽覽者之自爲擇焉

夏卿進右丞集表謂詩筆共成十卷蓋古人通謂文爲筆南史任昉傳有沈詩任筆之稱劉孝儀傳有三筆六詩之目杜牧之絕句亦有杜詩韓筆愁來讀似倩麻姑癢處搔之句是已今考須谿本詩有六卷武陵本文有四卷合之正得十卷但須谿本以皇甫岳裴右丞寫真二贊宋進馬哀詞一章連珠詞五首俱雜編詩中武陵本旣以二贊哀詞類次文中而連珠詞獨離入外編是又何耶茲自十六卷白鸚鵡賦起至二十七卷祭鄴國夫人文以前皆依武陵本所錄惟送晁監還日本國序拔置詩前以相繫屬其連珠

詞則綴于祭文之後判一首乃文苑英華所錄者亦採附篇末以成完集庶使觀者無遺珠之嘆

詩集多有他本可校文集自武陵本外餘皆缺如也顧氏自言參訂之功糾其失款者八字補其脫缺者十七字更其差謬者三十四字總五十九字俾讀者有驗于嵩簡無迷于帝虎爲藝林一快可謂勤矣乃今讀之其差誤處尙多以意考證又得六十六字其介于疑似之間者一仍原本而附註于下以俟後人之論定

官制歷代更易地理屢朝遷變稽古家以二者爲最難考訂集中所用或近依李唐或遠從前代或隨時勦說或沿古雷同錯出紛如不同一例近則以新舊二史及六典通典元和郡縣志諸帙相參遠則以史漢三家及晉書隋書鄴道元水經註諸編互考隨時勦說者多索其微瑕沿古雷同者務尋其源委庶幾一覽瞭然不致見譏鹿馬無分菽麥不辨焉耳

唐人最重君諱文字中必避之以太祖故諱虎爲武以高祖故諱淵爲泉以太宗故諱世爲代諱民爲人以高宗故諱治爲理以中宗故諱顯爲明集中凡此諸字或諱或不諱未見畫一愚意以爲諱者是當時原筆不諱者疑後人妄改猶蕭士贇註李供奉詩謂異代不諱遂改猛武作猛虎之類大爲後學所譏茲皆悉依舊本未改者不敢妄更已改者不敢妄正疑以傳疑庶幾不失古書面目

畫學祕訣一篇關中石刻二則係後人偽造駕名右丞者宜棄勿錄然古今援引者多云是右丞語且久爲繪畫家所憲章去之似覺可惜因存之卷後并資好學者博覽

古人典籍代有消亡以張燕公之淹博晚生王子安不過十數年尙不能知五雲太甲之句今去右丞之世幾及千載開元天寶間所存之書亡失又不知幾何卽令竭三餘之晷窮四庫之藏而逸簡遺編懼有湮落而無可稽者尙多况予家蓄書又甚少取傳是樓書目較之所有者不及十之二三海內諸有力構書者家又多不相識或相識亦苦道遠不能借惟谷林意林二弟小山堂所藏弄者時得索觀耳夫薛史枕書未能半豹探奇索隱焉觀全牛見笑于大方之家自知難免矣

裴駟作史記集解採皇甫謐應劭徐廣諸說而必列其名朱紫陽作四書集註採張子程子尹氏游氏諸說而必存其姓蓋不敢沒人之美也間與友朋會集質疑訪逸研推是非採其合者載之必冠以姓氏不敢隱沒至于竺乾氏之書素未泛覽卽同人中亦鮮有旁通惟王友琢崖時見其游目此中每有所註輒就訪問多檢出本處示余今註中所載龍藏貝書之故實一花五葉之源流皆其所尋章摘句以襄助者也因條數繁多故姓字不及廣載

修飾歷年頗有塗抹戊申初夏爰命兒子秉恕淨寫

一遍據其鄙見往往附註側行迄今十載字跡猶新而人已不可復見矣因念昔楊烏九歲與其父子雲參議太元有荷戟入榛之語又李善註文選釋事而忘義其子邕意欲有所更定善試令其補益其後兩書並行雖逝者才藻遠謝昔人而舐犢深情何能已已枝言數則手不忍削并編入註內上加秉恕按三字以別之

詩集須谿本句吳本俱六卷吳興本分七卷序次與須谿迥異而跋云悉因劉校豈今所見者又非須谿原本乎武陵本析爲十卷余因註釋多寡難循舊格爰并文集分爲二十八卷而以夏卿進表代宗批答新舊唐書本傳世系及諸書所載遺事前人贈答題詠諸條并其前彙爲一卷以爲之首採各家之品題綺語作詩評萃衆帙之書紀繪事作畫錄次作詩之歲月行事作年譜附其後彙爲一卷以爲之末雖搜羅有限掛漏多慚然嗜好所寄精神亦因之寄焉拾遺補闕或者未必竟無一得云

原
书
空
白
页

王右丞集目錄

卷之首 弁言十九條

王縉進王右丞集表

代宗皇帝批答手敕

劉昫唐書本傳

宋祁唐書本傳

歐陽修唐書宰相世系表

遺事

計二十六則

儲光義藍上茅茨期王維補闕

儲光義答王十三維

孟浩然留別王侍御維

杜甫奉贈王中允維

杜甫崔氏東山草堂

杜甫解悶

錢起故王維右丞堂前芍藥花開悽然感懷

耿湔題清源寺

儲嗣宗過王右丞書堂二首

司空曙過胡居士覲王右丞遺文

吳鎮王維終南草堂

李日華讀右丞五言

敖英輞川謁王右丞祠

卷之一 古詩十首

奉賀聖製天長節賜宰臣歌應制

登樓歌

雙黃鵠歌送別

贈徐中書望終南山歌

送友人歸山歌二首

魚山神女祠歌二首

白鼃渦

酬諸公見過

卷之二 古詩三十首

扶南曲歌詞五首

從軍行

隴西行

早春行

贈裴迪

瓜園詩

并序

同盧拾遺韋給事東山別業二十韻給事首春

休沐維已陪遊及乎是行亦預聞命會無車馬

不果斯諾

和使君五郎西樓望遠思歸

酬黎居士淅川作

奉寄韋太守陟

林園卽事寄舍弟統

贈從弟司庫員外綵

座上走筆贈薛璩慕容損

贈李頎

贈劉藍田

贈房盧氏琯

贈祖三詠

春夜竹亭贈錢少府歸藍田

酬王維春夜竹亭贈別

錢起

戲贈張五弟諲三首

至滑州隔河望黎陽憶丁三寓

秋夜獨坐懷內弟崔興宗

贈裴十迪

華嶽

卷之三 古詩二十三首

胡居士臥病遺米因贈

與胡居士皆病寄此詩兼示學人二首

藍田山石門精舍

青溪

崔濮陽兄季重前山興

終南別業

李處士山居

韋侍郎山居

丁寓田家有贈

渭川田家

春中田園作

過李揖宅

飯覆釜山僧

謁璿上人

并序

送魏郡李太守赴任

送康太守

送陸員外

送宇文太守赴宣城

送綦母校書棄官還江東

送六舅歸陸渾

留別邱爲

送別

卷之四 古詩二十九首

送張五歸山

齊州送祖三

送綦雲苗太守

送從弟蕃遊淮南

送權二

送高道弟耽歸臨淮作

送別

送張舍人佐江州同薛據十韻

送韋大夫東京留守

資聖寺送廿二

留別山中溫古上人兄并示舍弟綦

觀別者

別弟綦後登青龍寺望藍田山

別弟妹二首

別綦母潛

新晴晚望

晦日游大理韋卿城南別業四首

冬日遊覽

自大散以往深林密竹磴道盤曲四五十里至

黃牛嶺見黃花川

休假還舊業便使

早入滎陽界

宿鄭州

渡河到清河作

苦熱

納涼

卷之五 古詩三十二首

濟上四賢詠三首

偶然作六首

同王十三維偶然作十首 儲光羲

西施詠

李陵詠

薦子龕禪師

羽林騎閨人

冬夜書懷

早朝

寓言二首

雜詩

獻始興公

哭殷遙

同王十三維哭殷遙 儲光羲

歎白髮

卷之六 古詩二十六首

夷門歌

新秦郡松樹歌

青雀歌

同詠 王維 崔興宗 裴迪

隴頭吟

老將行

燕支行

桃源行

洛陽女兒行

黃雀癡

榆林郡歌

問寇校書雙溪

寄崇梵僧

同崔傅答賢弟

同比部楊員外十五夜遊有懷靜者季

故人張諲工詩善易卜兼能丹青草隸頃以詩

見贈聊獲酬之

答張五弟

贈吳官

雪中憶李揖

送崔五太守

送李睢陽

寒食城東卽事

不遇詠

卷之七 近體詩三十九首

奉賀聖製賜史供奉曲江宴應制

從岐王過楊氏別業應教

從岐王夜讌衛家山池應教

和尹諫議史館山池

同崔員外秋宵寓直

奉賀楊駙馬六郎秋夜卽事

酬虞部蘓員外過藍田別業不見留之作

酬比部楊員外暮宿琴臺朝躋書閣率爾見贈

之作

酬嚴少尹徐舍人見過不遇

慕容承攜素饌見過

酬慕容上

酬張少府

喜祖三至留宿

答王維留宿

程識

酬賀四贈葛巾之作

寄荊州張丞相

輞川閒居贈裴秀才迪

冬晚對雪憶胡居士家

山居秋暝

歸嵩山作

歸輞川作

韋給事山居

山居卽事

終南山

輞川閒居

春園卽事

淇上卽事田園

與盧象集朱家

過福禪師蘭若

黎拾遺昕裴迪見過秋夜對雨之作

晚春嚴少尹與諸公見過

過感化寺曇興上人山院

同詠

裴迪

夏日過青龍寺謁操禪師

同詠

裴迪

鄭果州相過

過香積寺

過崔駙馬山池

送李判官赴江東

卷之八 近體詩三十三首

送封太守

送嚴秀才還蜀

送張判官赴河西

送岐州源長史歸

送張道士歸山

同崔興宗送瑗公

同詠

崔興宗

送錢少府還藍田

留別錢起

送邱爲往唐州

送元中丞轉運江淮

送崔九興宗遊蜀

送崔興宗

送平淡然判官

送孫秀才

送劉司直赴安西

送趙都督赴代州得青字

送方城韋明府

送李員外賢郎

送梓州李使君

送張五諲歸宣城

送友人南歸

送賀遂員外外甥

送楊長史赴果州

送邢桂州

送宇文三赴河西克行軍司馬

送孫二

送崔三往密州觀省

送邱爲落第歸江東

漢江臨汎

登辨覺寺

涼州郊外遊望

觀獵

卷之九 近體詩三十五首

春日上方卽事

汎前陂

遊李山人所居因題屋壁

登河北城樓作

登裴迪秀才小臺作

被出濟州

千塔主人

使至塞上

晚春閨思

戲題示蕭氏外甥

秋夜獨坐

待儲光羲不至

聽宮鶯

早朝

愚公谷三首

雜詩

過秦皇墓

故太子太師徐公輓歌四首

故西河郡杜太守輓歌三首

故南陽夫人樊氏輓歌二首

達奚侍郎夫人寇氏輓歌二首

恭懿太子輓歌五首

卷之十 近體詩二十六首

奉和聖製從蓬萊向興慶閣道中留春雨中春

望之作應制

大同殿生玉芝龍池上有慶雲百官共覩聖恩

便賜宴樂敢書卽事

敕賜百官櫻桃

同詠

崔興宗

敕借岐王九成宮避暑應教

和賈舍人早朝大明宮之作

早朝大明宮呈兩省僚友

賈至

同和

杜甫 岑參

和太常韋主簿五郎溫湯寓目

苑舍人能書梵字兼達梵音皆曲盡其妙戲爲

之贈

答詩

施咸

重酬苑郎中

酬郭給事

旣蒙宥罪旋復拜官伏感聖恩竊書鄙意兼奉

簡新除使君等諸公

酌酒與裴迪

輞川別業

早秋山中作

積雨輞川莊作

過乘如禪師蕭居士嵩邱蘭若

春日與裴迪過新昌里訪呂逸人不遇

同詠

裴迪

送方尊師歸嵩山

送楊少府貶彬州

出塞作

聽百舌鳥

卷之十一 近體詩二十七首

奉和聖製慶元元皇帝玉像之作應制

奉和聖製與太子諸王三月三日龍池春禊應

制

奉和聖製上巳于望春亭觀禊飲應制

奉和聖製幸玉真公主山莊因題石壁十韻之

作應制

奉和聖製登降聖觀與宰臣等同望應制

奉和聖製御春明樓臨右相園亭賦樂賢詩應

制

奉和聖製暮春送朝集使歸郡應制

奉和聖製送不蒙都護兼鴻臚卿歸安西應制

三月三日曲江侍宴應制

奉和聖製十五夜燃燈繼以酺宴應制

奉和聖製重陽節宰臣及羣臣上壽應制

三月三日勤政樓侍宴應制

和陳監四郎秋雨中思從弟據

和僕射晉公扈從溫湯

和宋中丞夏日遊福賢觀天長寺之作

沈十四拾遺新竹生讀經處同諸公之作

贈東嶽焦鍊師

贈焦道士

投道一師蘭若宿

山中示弟等

田家

過盧員外宅看飯僧共題

濟州過趙叟家宴

青龍寺曇壁上人兄院集

同詠

卷之十二 近體詩十六首

春過賀遂員外藥園

河南嚴尹弟見宿弊廬訪別人賦十韻

送秘書晁監還日本國

送徐郎中

送熊九赴任安陽

送李太守赴上洛

遊感化寺

遊悟真寺

與蘓廬二員外期遊方丈寺而蘓不至因有是作

作

曉行巴峽

賦得清如玉壺冰

春日直門下省早朝

上張令公

哭褚司馬

過沈居士山居哭之

哭祖六自虛

卷之十三 近體詩七十三首

答裴迪

輞口遇雨憶終南山因獻絕句

山中寄諸弟妹

聞裴秀才迪吟詩因戲贈

贈韋穆十八

皇甫岳雲谿雜題五首

輞川集二十首

同詠

臨高臺送黎拾遺

送別

別輞川別業

同詠

崔九弟欲往南山馬上口號與別

同詠 裴迪

留別崔興宗

息夫人

班婕妤三首

題友人雲母障子

紅牡丹

左掖梨花

同詠 邱為 皇甫冉

口號又示裴迪

雜詩三首

崔興宗寫真

山茱萸

哭孟浩然

卷之十四 近體詩三十三首

田園樂七首

少年行四首

寄河上段十六

贈裴旻將軍

九月九日憶山東兄弟

戲題輞川別業

戲題盤石

與盧員外象過崔處士興宗林亭

同詠 盧象昇 王綰 裴迪

酬王摩詰過林亭 崔興宗

送王尊師歸蜀中拜掃

送元二使安西

送別

送韋評事

靈雲池送從弟

送沈子福歸江東

寒食汜上作

劇嘲史寔

菩提寺禁裴迪來相看說逆賊等凝碧池上作

音樂供奉人等舉聲便一時淚下私成口號誦

示裴迪

涼州賽神

哭殷遙

歎白髮

卷之十五 外編四十七首

東溪翫月

過太乙觀賈生房

送孟六歸襄陽

淮陰夜宿二首

下京口埭夜行

山行遇雨

夜到潤州

冬夜寓直麟閣

賦得秋日懸清光

山中

從軍行二首

遊春曲二首

相思

太平樂二首

送春辭

書事

塞上曲二首

隴上行

閨人贈遠五首

過友人莊

感興

遊春辭二首

秋思二首

秋夜曲二首

從軍辭

塞下曲二首

平戎辭二首

閨人春思

贈遠二首

獻壽辭

失題

疑夢

卷之十六 賦表八首

白鸚鵡賦

賀古樂器表

賀元元皇帝見真容表

賀神兵助取石堡城表

門下起赦書表

謝除太子中允表

謝集賢學士表

謝御書集賢院額表

卷之十七 表九首

爲薛使君謝婺州刺史表

爲崔常侍謝賜物表

爲畫人謝賜表

爲曹將軍謝寫真表

爲幹和尚進註仁王經表

爲舜閣黎謝御題大通大照和尚塔額表

爲僧等請上佛殿梁表

責躬薦弟表

請施莊爲寺表

卷之十八 狀文書記八首

奉敕詳帝皇龜鏡圖狀

請迴前任司職田粟施貧人粥狀

謝弟縉新授左散騎常侍狀

答詔

肅宗皇帝

兵部起請露布文

與工部李侍郎書

山中與裴秀才迪書

與魏居士書

冬筍記

卷之十九 序十首

暮春太師左右丞相諸公于韋氏逍遙谷讌集序

洛陽鄭少府與兩省遺補宴韋司戶南亭序

送高判官從軍赴河西序

送李補闕克河西支度營田判官序

送懷州杜參軍赴京選集序

送鄆州須昌馮少府赴任序

送鄭五赴任新都序

送從弟惟祥宰海陵序

送衡嶽瑗公南歸詩序

薦福寺光師房花藥詩序

卷之二十 文讚七首

讚佛文

西方變畫讚

繡如意輪像讚

給事中竇紹爲亡弟故駙馬都尉于孝義寺浮

圖畫西方阿彌陀變讚

爲相國王公紫芝木瓜讚

皇甫岳寫真讚

裴右丞寫真讚

卷之二十一 碑二首

裴僕射濟州遺愛碑

京兆尹張公德政碑

卷之二十二 碑一首

魏郡太守河北採訪處置使上黨苗公德政碑

卷之二十三 碑二首

故右豹韜衛長史賜丹州刺史任君神道碑

大唐故臨汝郡太守贈祕書監京兆韋公神道

碑銘

卷之二十四 碑銘一首

大唐大安國寺故大德淨覺師碑銘

卷之二十五 碑銘二首

能禪師碑

大薦福寺大德道光禪師塔銘

卷之二十六 誌銘四首

故任城縣尉裴府君墓誌銘

工部楊尚書夫人贈太原郡夫人京兆王氏墓

誌銘

唐故潞州刺史王府君夫人榮國夫人墓誌銘

汧陽郡太守王公夫人安喜縣君成氏墓誌銘

卷之二十七 哀辭祭文連珠判十五首

宋進馬哀辭

祭兵部房郎中文

爲楊郎中祭李員外文

爲兵部祭庫部王郎中文

爲人祭李舍人文

爲人祭某官文

爲羽林將軍祭武大將軍文

爲崔常侍祭牙門姜將軍文

爲王常侍祭沙陀鄯國夫人文

奉和聖製聖劄賜宰臣連珠詞五首應制

宮門誤不下鍵判

卷之二十八 論畫三首

畫學秘訣

石刻二則

卷之末 附錄三條

詩評

計五十二則

畫錄

計一百十九則

年譜

王右丞集目錄

原
书
空
白
页

王右丞集卷之首

仁和趙殿成松谷輯錄

弁言十九條

王綰進王右丞集表

臣綰言中使王承華奉宣進止令臣進亡兄故尚書右丞維文章恩命忽臨以驚以喜退因編錄又竊感傷臣兄文詞立身行之餘力當官堅正秉操孤直縱居要劇不忘清淨實見時輩許以高流至于晚年彌加進道端坐虛室念茲無生乘輿爲文未嘗廢業或散朋友之上或留篋笥之中臣近搜求尙慮零落詩筆共成十卷今且隨表奉進曲承天鑒下訪遺文魂而有知荷寵光于幽窆歿而不朽成大名于聖朝臣不勝感戴悲歡之至謹奉表以聞臣綰誠惶誠恐頓首頓首謹言

文苑英華本奉宣進亡兄故尚書右丞維文章恩命忽臨以驚以喜退因編錄又竊感傷臣兄文詞立身行之餘力當官堅正秉操孤直縱居要劇不忘清淨實見時輩許以高流至于晚年彌加進道端坐虛室念茲無生乘輿爲文未嘗廢業或散朋友之上或留篋笥之中臣近搜求尙慮零落詩筆共成十卷今且隨表奉進曲承天鑒下訪遺文魂而有知荷寵光于幽窆歿而不朽成大名于聖朝臣不勝感戴悲歡之至謹奉表以聞臣綰誠惶誠恐頓首頓首謹言

王維文賦並仰錄寫進上者當官堅正作常持堅正表據孤直作秉操孤直未嘗廢業作未嘗廢業隨表奉進作隨表進上誠惶誠恐作誠惶誠恐

銀青光祿大夫尚書兵部侍郎兼御史大夫臣王綰表上

代宗皇帝批荅手敕

敕卿之伯氏天下文宗位歷先朝名高希代抗行周雅長揖楚辭調六氣于終編正五音于逸韻泉飛藻思雲散襟情詩家者流時論歸美誦于人口久鬱文房歌以國風宜登樂府眎朝之後乙夜將觀石室所藏歿而不朽柏梁之會今也則亡乃眷棟華克成編錄聲猷益茂歎惜良深

劉昫唐書本傳

王維字摩詰太原祁人父處廉終汾州司馬徙家于蒲遂爲河東人維開元九年進士擢第事母崔氏以孝聞與弟綰俱有俊才博學多藝亦齊名閭門友悌多士推之歷右拾遺監察御史左補闕庫部郎中居母喪柴毀骨立殆不勝喪服闋拜吏部郎中天寶末爲給事中祿山陷兩都元宗出幸維扈從不及爲賊所得維服藥取痢僞稱瘖疾祿山素憐之遣人迎置洛陽拘于普施寺迫以僞署祿山宴其徒于凝碧宮其工皆梨園弟子教坊工人維聞之悲惻潛爲詩曰萬戶傷心生野烟百官何日再朝天秋槐花落空宮裏凝碧池頭奏管絃賊平陷賊官三等定罪維以凝碧詩聞于行在肅宗嘉之會綰請削己刑部侍郎以贖兄罪特宥之責授太子中允乾元中遷太子中庶子中書舍人復拜給事中轉尚書右丞維以詩名盛于開元天寶間昆仲宦遊兩都凡諸王駙馬豪右貴勢之門無不拂席迎之寧王薛王待之如師友維尤長五言詩書畫特臻其妙筆蹤措思參于造化而創意經圖即有所缺如山水平遠雲峰石色絕迹天機非繪者之所及也人有得奏樂圖不知其名維視之曰霓裳第三疊第一拍也好事者集樂工按之一無差咸服其精思維弟兄俱奉佛居常蔬食不茹葷血晚年長齋不衣文綵得宋之問藍田別墅在輞口輞水周于舍下別漲竹洲花塢與道友裴迪浮舟往來

彈琴賦詩嘯詠終日嘗聚其田園所爲詩號輞川集在京師日飯十數名僧以元談爲樂齋中無所有唯茶鐺藥臼經案繩牀而已退朝之後焚香獨坐以禪誦爲事妻亡不再娶三十年孤居一室屏絕塵累乾元二年七月卒臨終之際以縉在鳳翔忽索筆作別縉書又與平生親故作別書數幅多敦厲朋友奉佛修心之旨捨筆而絕代宗時縉爲宰相代宗好文常謂縉曰卿之伯氏天寶中詩名冠代朕嘗于諸王座聞其樂章今有多少文集卿可進來縉曰臣兄開元中詩百千餘篇天寶事後十不存一比于中外親故間相與編綴都得四百餘篇翌日上之帝優詔褒賞

宋祁唐書本傳

王維字摩詰九歲知屬辭與弟縉齊名資孝友開元初擢進士調大樂丞坐累爲濟州司倉參軍張九齡執政擢右拾遺歷監察御史母喪毀幾不生效除累遷給事中安祿山反元宗西狩維爲賊得以藥下痢陽瘖祿山素知其才迎置洛陽迫爲給事中祿山大宴凝碧池悉召梨園諸工合樂諸工皆泣維聞悲甚賦詩悼痛賊平皆下獄或以詩聞行在時縉位已顯請削官贖維罪肅宗亦自憐之下遷太子中允久之遷中庶子三遷尚書右丞縉爲蜀州刺史未還維自表己有五短縉五長臣在省戶縉遠方願歸所任官放田里使縉得還京師議者不之罪久乃召縉爲左散騎常侍上元初卒年六十一疾甚縉在鳳翔作書

與別又遺親故書數幅停筆而化贈祕書監維工草隸善畫名盛于開元天寶間豪英貴人虛左以迎寧薛諸王待若師友畫思入神至山水平遠雲勢石色繪工以爲天機所到學者不及也客有以按樂圖示者無題識維徐云此霓裳第三疊最初拍也客未然引工按曲乃信兄弟皆篤志奉佛食不葷衣不文綵別墅在輞川地奇勝有華子岡欽湖竹里館柳浪茱萸泚辛夷塢與裴迪游其中賦詩相酬爲樂喪妻不娶孤居三十年母亡表輞川第爲寺終葬其西寶應中代宗語縉曰朕嘗于諸王座聞維樂章今傳幾何遣中人王承華往取縉哀集數十百篇上之

成按國史補云人有畫奏樂圖維熟視而笑或問其故曰此是霓裳羽衣曲第三疊第一拍好事者集樂工驗之無一差謬新舊二史皆採其事入傳中圖畫見聞志亦載此事云維嘗至招國坊庾敬休宅見屋壁有畫按樂圖維熟視而笑或問其故維答曰此所奏曲適到霓裳羽衣第三疊第一拍也好事者集樂工驗之無一差者夢溪筆談云國史補言客有以按樂圖示王維維曰此霓裳第三疊第一拍也客未然引工按曲乃信此好奇者爲之凡畫奏樂止能畫一聲不過金石管絃同用一字耳何曲無此聲豈獨霓裳第三疊第一拍也或疑舞節及他舉動拍法中別有奇聲可驗此亦未然霓裳曲凡十三疊前六疊無拍至第七疊方謂

之疊遍自此始有拍而舞作故白樂天詩云中序
肇騁初入拍中序即第七疊也第三疊安得有拍
但言第三疊第一拍即其妄也

歐陽修唐書宰相世系表

河東王氏

儒賢趙州知節揚州胄協律處廉汾州維字縉尚

縉字縉尚

縉字縉尚

紉

紉少卿

遺事計二十六則

王維右丞年未弱冠文章得名性閑音律妙能琵琶
遊歷諸貴之間尤爲岐王之所眷重時進士張九
聲稱籍甚客有出入公主之門者爲其地公主以詞
牒京兆試官令以九臯爲解頭維方將應舉言于岐
王仍求庇借岐王曰貴主之強不可力爭吾爲子畫
焉子之舊詩清越者可錄十篇琵琶新聲之怨切者
可度一曲後五日至吾維即依命如期而至岐王謂
曰子以文士請謁貴主何門可見哉子能如吾之教
乎維曰謹奉命岐王乃出錦繡衣服鮮華奇異遣維
衣之仍令齎琵琶同至公主之第岐王入曰承貴主
出內故攜酒樂奉醺即令張筵諸伶旅進維妙年潔

白風姿都美立于行公主顧之謂岐王曰斯何人哉
答曰知音者也即令獨奉新曲聲調哀切滿坐動容
公主自詢曰此曲何名維起曰號鬱輪袍公主大奇
之岐王因曰此生非止音律至于詞學無出其右公
主尤異之則曰子有所爲文乎維則出獻懷中詩卷
呈公主公主既讀驚駭曰此皆兒所誦習常謂古人
佳作乃子之爲乎因令更衣昇之客右維風流蘊藉
語言諧戲大爲諸貴之欽矚岐王因曰若令京兆府
今年得此生爲解頭誠爲國華矣公主乃曰何不遣
其應舉岐王曰此生不得首薦義不就試然已承貴
主論託張九臯矣公主笑曰何預兒事本爲他人所
託顧謂維曰子誠取解當爲子力致焉維起謙謝公
主則召試官至第遣宮婢傳教維遂作解頭而一舉
登第矣及爲太樂丞爲伶人舞黃師子坐出官黃師
子者非一人不舞也天寶末祿山初陷西京維及鄭
虔張通等皆處賊庭洎剋復俱囚于宣楊里楊國忠
舊宅崔圓因召于私第令畫數壁當時皆以圓勳貴
無二望其救解故運思精巧頗絕其藝後由此事皆
從寬典至于貶黜亦獲善地今崇義里寶丞相易直
私第即圓舊宅也畫尚在焉明皇維錄云太和維累爲給事中
祿山授以僞官及賊平弟縉爲北都副留守請以己
官爵贖之由是免死累爲尚書右丞于藍田置別業
留心釋典焉出集異記本
王維有俊才尤工五言詩獨步于當時染翰之後人

皆諷誦冊府元龜

開元日通不以姓而可稱者燕公曲江太尉魯公不

以名而可稱者宋開府陸充公王右丞房太尉郭令

公崔太傅楊司徒劉忠州楊崖州段太尉顏魯公國史補

夫古以名德稱占其官諡者甚稀前以詩稱者若謝

吏部何水部陶彭澤鮑參軍之類唐朝以詩稱若王

江寧宋考功韋蘇州王右丞杜員外之類裴敬翰林學士李自墓碑

唐司馬承禎與陳子昂盧藏用宋之問王適畢構李

白孟浩然王維賀知章爲仙宗十友海錄碎事

韋抗所表奉天尉梁昇卿新豐尉王倕華原尉王燾

爲僚屬後皆爲顯人它所辟舉如王維王縉崔殷等

皆一時選云唐書韋抗傳

王縉好與人作碑銘有送潤毫者誤叩其兄門維曰

大作家在那邊盧氏雜記

王河南維或有人報云公除右轄王曰吾嘗此官慮

被人呼爲不解作詩王右丞大傳

寶泉述書賦其稱右丞云詩興入神畫筆雄精李將

軍世稱高絕淵微已過薛少保時許美潤合極不如

寶蒙註云右丞王維字摩詰瑯琊人詩通大雅之作

山水之妙勝于李思訓弟太原少尹縉文筆泉藪善

草隸書功超薛稷二公名望首冠一時時議論詩則

曰王維崔顥論筆則曰王縉李邕祖詠張說不得預

焉幼弟統有兩兄之風閨門之內友愛之極

成按右丞書畫之妙新舊兩史俱兼稱之宋朱長

文續書斷所推能品六十六人右丞與焉藝苑卮

言稱兄弟善書者亦數王維王縉乃世徒美其畫

而不及其書湮沒無傳惜哉

王維字摩詰官尚書右丞家于藍田輞川兄弟並以

科名文學冠絕當時故時稱朝廷左相筆天下右丞

詩其畫山水松石蹤似吳生而風致標格特出今京

都千福寺西塔院有掩障一合畫青楓樹一圖又嘗

寫詩人襄陽孟浩然馬上吟詩圖見傳于世復畫輞

川圖山谷鬱盤雲飛水動意出塵外怪生筆端嘗自

題詩云當世謬詞客前身應畫師其自負也如此慈

恩寺東院與畢庶子鄭廣文各畫一小壁時號三絕

故庾右丞宅中有壁畫山水兼題記亦當時之妙山

水松石並居妙上品唐朝名畫錄

王維字摩詰太原人年十九進士擢第與弟縉並以

詞學知名官至尚書右丞有高致信佛理藍田南置

別業以水木琴書自娛工畫山水體涉今古人家所

蓄多是右丞指揮工人布色原野簇成遠樹過于樸

拙復務細巧翻更失真清源寺壁上畫輞川筆力雄

壯常自製詩曰當世謬詞客前身應畫師不能捨餘

習偶被時人知誠哉是言也余曾見破墨山水筆跡

勁爽歷代名畫記

唐王維善畫山水人物筆蹤雅壯體涉古今嘗于清

涼寺壁畫輞川圖巖岫盤鬱雲水飛動自製詩曰當

世謬詞客前身應畫師不能捨餘習偶被時人知是畫

志

鄭嵎津陽門詩云烟中壁碎摩詰畫雲間寺失元宗詩註云石甕寺有紅樓在佛殿之西巖下臨絕壁樓中有元宗題詩草八分每一篇一體王右丞山水兩壁寺毀之後皆失之矣

慈恩寺大殿東廊從北第一院鄭虔畢宏王維等白畫歷代名畫記

李林甫奏分其宅東南隅立爲嘉猷觀觀中有精思院王維鄭虔吳道子皆有畫壁長安志

王維過郢州畫孟浩然像于刺史亭因曰浩然亭咸通中刺史鄭誠謂賢者各不可斥更署曰孟亭唐書

王維畫品妙絕于山水平遠尤工今昭國坊庚敬休屋壁有之國史補

韓幹藍田人少時嘗爲貰酒家送酒王右丞兄弟未遇每一貰酒漫遊幹常徵價于王家戲畫地爲人馬

右丞精思丹青奇其意趣迺歲與錢二萬令學畫十餘年西陽雜俎

王維以黃磁斗貯蘭蕙養以綺石累年彌盛汗漫錄雲仙雜記

王維輞川林下坐用雷門四老石燈滅則石中鑽火事略雲仙雜記

王維居輞川宅宇既廣山林亦遠而性好溫潔地不容浮塵日有十數掃飾者使兩童專掌縛帚而有時

不給洛陽要記雲仙雜記

王維爲岐王畫一大石信筆塗抹自有天然之致王寶之時采鳳間獨坐注視作山中想悠然有餘趣數年之後益有精彩一旦大風雨中雷電俱作忽拔石去屋宇俱壞不知所以後見空軸乃知畫石飛去耳憲宗朝高麗遣使言幾年月日大風雨中神嵩山上飛一奇石下有王維字印知爲中國之物王不敢留遣使奉獻上命羣臣以維手蹟較之無毫髮差謬上始知維畫神妙徧索海內藏之宮中地上俱灑雞狗血厭之恐飛去也丹青記瑯嬛記

世傳七賢過關圖云是開元冬雪後張說張九齡李白李華王維鄭虔孟浩然出藍田關遊龍門寺鄭虔圖之虞伯生有題孟浩然像詩風雪空堂破帽溫七人圖裏一人存又有槎溪張輅詩二李清狂狎二張驗鞭遙指孟襄陽鄭虔筆底春風滿摩詰圖中詩興長是必有所傳云玉堂漫筆

成按東觀餘論有滕子濟所藏唐人出遊圖乃宋之問王維李白高適史白岑參也跋云昔人深于畫者得意忘象其形模位置有不可以常法觀者顧陸王吳之蹟時有若此如雪與蕉同景桃李與芙蓉並秀或手大于面或車闕于門使俗工晚之未免隨變安于拙目故九方臯之相馬略其元黃取其馴雉惟真賞者獨知之此爲寫唐人出遊狀據其名題或有弗同時者而揚鑣並驅睇眄相語豈亦于世得意忘象者乎求畫者主名弗可知要

非俗手作也云云畫意亦奇并附錄于此

西安府藍田縣有王維母博陵縣君崔氏及維墓俱

在鹿原寺西

陝西志

王右丞祠在藍田縣輞川鹿苑寺

陝西志

元丞相載妻王氏字韞秀王縉相公之女維右丞之姪初王相公鎮北京以韞秀嫁元載歲久而見輕怠王氏謂夫曰何不增學妾有奩幌資粧盡爲紙墨之費王氏父母或未之知親屬以載夫婦皆乞兒厭薄之甚元乃游秦爲詩別妻曰年來誰不厭龍鍾雖在侯門似不容看取海山寒翠樹苦遭霜霰到秦封妻請偕行曰路掃饑寒跡天哀志氣人休零離別淚攜手入西秦元秀才到京屢陳時務深得上旨肅宗擢拜中書王氏喜元郎入相寄諸妹詩曰相國已隨麟閣貴家風第一右丞詩笄年笑解明機婦恥見蘇秦富貴時元公肅宗代宗兩朝宰相貴盛無比廣葺亭臺交遊貴族客候其門而或間阻王氏復爲一篇以諷之曰楚竹燕歌動畫梁春闌重換舞衣裳孫宏開館招佳客知道榮華不久長元公見詩于是稍減威望太原內外親族悉來謁賀韞秀置于閒院忽因晴霽日景以青紫縑四十條每條長三十丈皆施羅綺錦繡之飾每條縑下排金銀爐二十枚皆焚異香巨其服乃命諸親戚西院閒步韞秀問是何物侍婢對曰今日相公及夫人曬曝衣服王氏謂諸親曰豈料乞索兒婦還有兩事蓋形粗衣也于是諸親羞赧稍

稍而辭韞秀每分衣服器飾于他人惟不及太原之骨肉且曰兒非不禮于姑姊其奈當時見辱何洎元公貪恠爲心竟招罪戾臺閣彈奏而亡其家韞秀少之任數曰王家十三娘二十年太原節度使女十六年宰相妻誰能書得長信昭陽之事死亦幸矣堅不從命或曰上宥連罪或云京兆笞而斃矣

雲溪友議

唐人所撰說部多本自傳聞較以正史每有乖錯雲溪友議以元載妻爲王縉之女洎考唐書乃王忠嗣女非縉女也不知范氏何所據而云然豈因家風第一右丞詩之句而致有此訛耶若雲仙雜記若瑯嬛記皆鑿空而作絕無所本尤謬妄不可信宜皆削而勿錄然觀夢溪筆談之論奏樂圖則正史且不能無議矣况稗官野乘乎古人著述經文緯意成一家之言者雖所聞異詞往往不肯割愛彼好奇如司馬子長者無論卽韓嬰註詩孟喜說易公羊高穀梁赤傳春秋皆不免斯弊又何論記錄昔人之一言一行耶偶于暇日搜錄右丞遺事耳漁目獵真贋並存自笑如盲賈人到寶洲見一異物卽拾取入囊明眼者得無以此見譏歟

藍上茅茨期王維補闕

儲光羲

山中人_一不見雲去夕陽過淺瀨寒魚少藁蘭秋蝶多老年疎世事幽性樂天和酒熟思才子溪頭望玉珂

答王十三維

儲光羲

門生故來往知欲命浮觴忽奉朝青閣回車入上陽
落花滿春水疎柳映新塘是日歸來暮勞君奏雅章

留別王侍御維

孟浩然

寂寂竟何待朝朝空自歸欲尋芳草去惜與故人違
當路誰相假知音世所稀祇應守寂寞還掩故園扉

奉贈王中允維

杜甫

中允聲名久如今契闊深共傳收庾信不比得陳琳
一病緣明主三年獨此心窮愁應有作試誦白頭吟

崔氏東山草堂

杜甫

愛汝玉山草堂靜高秋爽氣相鮮新有時自發鐘磬
響落日更見漁樵人盤剝白鷗谷口栗飯煮青泥坊
底芹何爲西莊王給事柴門空閉鎖松筠

解悶

杜甫

不見高人王右丞藍田邱壑蔓寒藤最傳秀句實區
滿未絕風流相國能自註右丞第今相國

故王維右丞堂前芍藥花開悽然感懷

錢起

芍藥花開出舊闌春衫掩淚再來看主人不在花長
在更勝青松守歲寒

題清源寺

王右丞

耿漳

儒墨兼宗道雲泉舊結廬孟城今寂寞輞水自紆餘
內學銷多累西園易故居深房春竹老細雨夜鐘疎
陳迹留金地遺文在石渠不知登座客誰得蔡邕書

過王右丞書堂二首

儲嗣宗

澄潭昔臥龍章句世爲宗獨步聲名在千巖水石空
野禽悲灌木落日弔清風後學攀遺趾秋山聞草蟲
萬樹影參差石牀藤半垂螢光雖散草鳥蹟尙臨池
風雅傳今日雲山想昔時感深蘇屬國千載五言詩

右丞書隱殿
故有此句

過胡居士觀王右丞遺文

司空曙

舊日相知盡深居獨一身閉門維有雪看竹永無人
每許前山隱曾鄰陋巷貧題詩今尙在慙爲拂流塵

王維終南草堂

元吳鎮

昔人謝政後生事此山中樹灑虛堂雨泉飛隔浦風
喜無舟楫至旋有鶴猿通應識無聲妙臨窗展未窮

讀右丞五言

明李日華

紫禁神仙侶青霄侍史郎明心寒水骨妙語出天香
烟壑從疎散花洲坐渺茫菁華時攬擷珠玉亂輝光

輞川謁王右丞祠

明敖英

蜀棧青驄不可攀孤臣無計出秦關華清風雨蕭蕭
夜愁殺江南庾子山

王右丞集卷之首

原
书
空
白
页

中仍存坎坎毛詩傳坎坎洞簫漢書元帝紀鼓琴瑟吹洞簫如淳註洞簫之無底者宋
無洞女巫周禮有女巫國語在男曰巫在女曰巫覡瑶席楚辭瑶席清酤詩既載清
也酤酒

送神曲

紛進拜兮堂前拜樂府詩目眷眷兮瓊筵來不語兮意不
傳語樂府詩作暮雨兮愁空山悲急管思繁絃管字下樂府詩集唐
靈之駕兮儼欲旋靈河岳英倏雲收兮雨歇收河岳英山青青
兮水潺湲潺湲唐文

眷眷

楚詞章句眷眷顧貌詩曰眷眷懷顧今詩作眷眷其義同

瓊筵

謝眺詩端儀穆金殿

急管

鮑照詩催弦急

繁絃

楚辭琴賦曲引

靈駕

謝眺詩沃若

潺湲

楚詞觀流水兮潺湲說文潺湲

白鼃渦

原註雜言

南山之瀑水兮激石湍瀑似雷驚人相對兮不聞語
聲翻渦跳沫兮蒼苔濕蘚老且厚春草爲之不生獸
不敢驚動鳥不敢飛鳴白鼃渦濤戲瀨兮委身以縱
橫瀨元稹本凌主人之仁兮不網不釣得遂性以生成

瀨瀑

馬融長笛賦瀨瀑噴珠李善註瀨瀑沸湧貌左思蜀

瀨瀑

都賦龍池瀨瀑噴珠李善註瀨瀑沸湧貌左思蜀

跳沫

戲瀨

左思蜀都賦瀨瀑噴珠李善註瀨瀑沸湧貌左思蜀

遂性

隋書高祖紀率主天

酬諸公見過

原註時官山莊

嗟余未喪哀此孤生屏居藍田薄地躬畊歲晏輸稅
以奉粢盛晨往東臯草露未晞暮看煙火負擔來歸
我聞有客足掃荆扉簞食伊何副瓜瓠棗副顧
仰廁羣賢皤然一老媿無莞簞班荆席藁汎汎
登陂折彼荷花淨觀素鮪俯映白沙山鳥羣飛日隱
輕霞登車上馬倏忽雨散兩一雀噪荒村雞鳴空館還

復幽獨重欷歔

屏居漢書賈誼謝病屏居藍田藍田太平寰宇記藍田山古華胥氏陵在藍田縣西三十
里一名玉山一名覆車山郭緣生述征記云山形如
履車之象也按後魏風土記云山頂方二里仙聖遊集之
所劉勰鳴鶴道于此下有祠甚嚴瀨水之源出于此
歲晏楚辭歲既晏兮孰華輸稅潘岳秋興賦輸案盛左傳案盛豐備杜預註案盛
晞詩白晞未晞毛荆扉陶潛詩白副瓜顧會副說文判也從刀聲引周禮副辜祭廣
禮以副辜祭四方百物孤玉篇孤古廁謝靈運詩招納廁皤然南史范曄年二
莞簞詩下莞上簞鄭康成箋莞班荆左傳伍舉子過于鄭郊班荆相與食而席藁
記應侯席藁請罪而坐史陂玉篇陂後皮切澤郭也池也孔安國尚書傳澤障曰陂傳素鮪
淮雨子註鮪魚似鯉而大者是也雨散謝眺詩山川隔舊賞

王右丞集卷之一

原
书
空
白
页

王右丞集卷之二

仁和趙殿成松谷箋註

古詩三十首

扶南曲歌詞五首

翠羽流蘇帳春眠曙不開羞從面色起嬌逐語聲來
早向昭陽殿君王中使催

扶南曲

流蘇

陽殿

中使

堂上青絃動 堂前綺席陳 齊歌盧女曲 雙舞洛陽人

陽人傾國徒相看 寧知心所親

青絃

綺席

盧女曲

香氣傳空滿妝華 影箔通歌聞天仗外舞出御樓中

日暮歸何處 花間長樂宮

長樂宮

宮女還金屋 將眠復畏明 入春輕衣好 半夜薄妝成

拂曙朝前殿 玉墀多珮聲

金屋

薄妝

前殿

玉墀

朝日照綺牕 佳人坐臨鏡 散黛恨猶輕 插釵嫌未正
同心勿遽游 幸待春妝竟

綺牕

春妝

從軍行

吹角動行人 喧喧行人起 笳悲馬嘶亂 爭渡金河水

日暮沙漠垂 戰聲煙塵裏 盡係名王頸

從軍行

金河

沙漠垂

名王頸

龍西行

十里一走馬 五里一揚鞭 都護軍書至 匈奴圍酒泉

關山正飛雪 烽戍斷無烟

龍西行

都護

軍書

酒泉

早春行

紫梅發初徧 黃鳥歌猶澀 誰家折楊花 弄春如不及

愛水看妝坐 羞人映花立 香畏風吹散 衣愁露濡濕

高樓望所思，目極情未畢。枕上見千里，牕中窺萬室。

寓目一蕭散消憂冀俄頃青草肅澄陂陂一本作波白雲移
翠嶺後浦通河渭浦二韻本凌本倂作洿非前山包鄢郢松含風裏聲
花對池中影地多齊后瘡瘡韻元謹本凌本倂作瘡非人帶荊州瘳徒思
赤筆書詎有丹砂并心悲常欲絕髮亂不能整青簪

日何長閑門畫方靜類思茅簷下彌傷好風景

寓目左傳得臣與寓目焉蕭散江淹詩蕭散鄢郢史記正義鄢在荊州東道縣南九里杜預註焉也齊后齊后瘞是春秋景公及且荆州瘞齊書杜預赤

筆書二顧註俱引漢官儀書至即月給赤管大筆一雙可久氏并解其下云謂昔仕朝時成

筆書謂非是赤管書仙書符籙之解魏書釋老志所謂丹書紫字蓋及七錄所謂紫書紫

筆書筆書文之丹砂井抱朴子余仁祖鴻臚少時曾為臨沉今云此縣有廖氏家世世講書或出

類是也由此乃覺是宅之所為而不知其何故疑其井水殊赤乃試掘井左右得青簾江淹別賦青簾

何長紅疑今夜類思抱朴子餘俗者所以痛思而長茅簷陶潛詩簷

後浦諸本俱誤作後浦惟劉須溪本補字顧元鐘因河鄭州諸字俱是楚地遠於題下註云

公次荆州時作咸按河水不通河渭雖馬襄州黃道有通於河入於渭亂於河之文孔穎達云計

河在渭南五百餘里故越河陸行而北入渭渭水入河故浮渭而東帝都在河之東故漢河陸行而

還帝都則是其水陸相聞而行之道如此非謂其一水通渭也其為渭字之誤明甚鄭雖是楚

地然前山則指秦地之山而言與送李太守赴上洛詩云南山包楚鄧橫翠沉沉

文意一例荆州與齊后對用是引故事非實指楚地參互考之非次荆州時作也

少年識事淺強學干名利徒聞躍馬年苦無出人智

即事豈徒言累官非不試既寡遂性歡恐招負時累

清冬見遠山積雪凝蒼翠皓然出東林發我遺世意

惠連素清賞風語塵外事欲緩攜手期流年一何駛

司庫成按唐六典兵部屬官有庫部員外郎一人從六品上龍朔二年改為司庫咸亨元年復

紫微門下省之稱黃躍馬年史記蔡澤曰吾持梁刺齒肥躍馬疾驅懷黃金之印結紫

門一例也連宋書謝靈運幼而聰敏年十歲梁書謝靈運傳論其地居處外高謝人間馳騁

彼年往賦張鏡座上走筆贈薛璩慕容損

希世無高節絕跡有卑棲君徒視人文吾固和天倪

緬然萬物始及與羣物齊物類元鐘本凌分地依后稷用天

信重黎信一作春風何豫人令我思東谿草色有佳意花

枝稍含黃更待風景好與君藉萋萋

希世莊子希世而行比肩而友漢書公孫宏希世用事位絕跡曹植與楊德祖書然此數

舉子卑棲卑棲鄭炎詩修無卑棲人文周易觀乎人文以化成天下孔穎達正義聖人觀

天倪莊子天倪和之以天倪郭象註萬物始史記此老子之所謂后稷陸賈新語民知

知功力是後稷乃列封疆畫界以分土地之所重黎史記昔在顓頊命南正重以司天

官關土禮教以用養民種桑麻致絲枲以敬形體重黎正黎以司地唐虞之際紹重黎之後

使復典之至也夏商萋萋魏書裴秀本初萋萋蘇軾遊天台山賦藉萋萋之纖草李善註以草

故重黎氏世序天地萋萋生葉貌萋萋蕭蕭地而坐曰藉藉延濟註萋萋草貌

聞君餌丹砂甚有好顏色不知從今去幾時生羽翼

王母翳華芝望爾崑崙側文螭從赤豹萬里方一息

悲哉世上人甘此羶腥食

李頎唐詩品李頎東川人開元十三年夏羽翼魏文帝詩服藥四五翳華芝

揚雄甘泉賦西登天風閣而覽雲華芝蓋目瞻也崑崙山海經西海之南流沙之

芝蓋也李善註崑崙也華芝蓋也言以華蓋目瞻也崑崙增赤水之後黑水之前有

大山名曰崑崙之邱其下有弱水之淵環之其外有炎火之山投物輒然有人獸虎豹有

尾穴處名曰西王母之山經註崑崙墟在西北去嵩高五萬里地之中也其高萬一千里

豹從文經螭螭從文經羶腥羶腥從文經羶腥羶腥從文經

贈劉藍田此詩亦載出屋候柴扉柴河岳英集歲晏輪井

稅山村人夜歸晚田始家食食唐文粹餘布成我衣詎肯

無公事煩君問是非盧集作對此能無憐勞君問是

藍田唐書地理志京贈房盧氏瑄

達人無不可忘己愛蒼生豈復小千室小顧元鐘本唐詩正音俱

絃歌在兩楹浮人日已歸但坐事農畊桑榆鬱相望

邑里多鷄鳴地非是秋山一何淨蒼翠臨寒城視事

兼偃臥對書不簪纓蕭條人吏疎疎本一作教唐詩品集作稀鳥雀下空庭鄙夫心所向向一作向晚節異平生將從海嶽居守靜解天刑或可累安邑茅茨君試營

房瑄劉兩書房瑄應任縣令舉授號盧氏唐書地理志號州宏農郡有盧氏縣武德元年置達人賈誼

無入大觀今物兩楹張景陽詩兩楹在兩楹對視事漢書王尊傳今太守視事視事已一月矣偃臥列子

歸偃臥其妻之機下謝謝靈運詩謝靈運詩謝靈運詩晚節謝靈運詩謝靈運詩累安邑高士傳守

靜後漢書羊續坐黨事繫獄十餘年幽居守天刑晉書陸績天刑致之蘇辟累安邑高士傳守

太原人也世稱節士客居安邑老病家貧不能得肉日買猪肝一片屠者或不肯與邑令聞教吏常給焉仲叔怪問之乃嘆曰聞仲叔豈以口腹累安邑耶遂去客沛以壽終

漢書茅茨以茅覆屋也蓋曰茅茨次以茅覆屋也

贈祖三詠原註濟州官舍作

蟪蛄挂虛牖蟋蟀鳴前除歲晏涼風至君子復何如高館闐無人闐本一作闐離居不可道閉門寂已閉落日照秋草雖有近音信千里阻河關中復客汝穎去年歸舊山結交二十載不得一日展貧病子既深契闊余不淺仲秋雖未歸暮秋以爲期良會詎幾日終自長相思自二顧本凌本俱作日晷

祖詠唐詩品集祖詠洛陽人開元十三年蟪蛄郭璞爾雅註蟪蛄小蟋蟀長脚者俗呼爲

河內人謂之喜母此蟲來著人衣當有親客至有喜也虛牖片牖聲徐曰但空明則爲牖牖者更

以木爲交牖也古者一室一牖蟋蟀陸機詩蟋蟀似蟪蛄而小正黑有光澤如漆有角翅一名蜚

一戶一牖一曰在牆曰牖之王孫蟋蟀名青翠絕人謂之王孫蟋蟀名青翠絕人謂之王孫

居地勢將以汝穎唐書地理志汝州臨汝郡汝州汝陰郡皆隸河南道契闊毛萇詩傳契闊良會曹植詩

之承長相思古詩上言長相思下言久離別

春夜竹亭贈錢少府歸藍田

夜靜羣動息時聞隔林犬却憶山中時人家澗西遠

裴君明發去采薇輕軒冕

錢起唐書錢起吳興人天寶中舉進士與郎士元齊名時語曰前有沈宋後有錢郎終考少

府清波雜志古治百里之邑令治其俗尉督其奸故令曰明羣動息陶潛詩日明發

孔穎達毛詩正義地而謂之明發也厥陸機詩曉露晞也山菜也周泰曰蕨齊魯

且而明地發後謂之明發也厥陸機詩曉露晞也山菜也周泰曰蕨齊魯

酬王維春夜竹亭贈別

錢起

山月隨客來主人興不淺今宵竹林下誰覺花源

遠惆悵曙鶯啼孤雲還絕巘

戲贈張五弟諶三首

吾弟東山時心尚一何遠唐詩正音唐詩品集復作亦日高猶自臥鐘動

始能飯領上髮未梳唐詩品集復作亦牀頭書不卷清川興悠悠

空林對偃蹇唐詩品集復作亦青苔石上淨細草松下軟牕外

鳥聲閑階前虎心善徒然萬像多唐詩品集復作亦澹爾太虛

緬一知與物平自顧爲人淺對君忽自得浮念不煩

遣

東山

張弟五車書讀書仍隱居染翰過草聖賦詩輕子虛

閉門二室下隱居十年餘宛是野人也唐詩正音唐詩品集復作亦一時從漁父

魚魚秋風日蕭索唐詩正音唐詩品集復作亦五柳高且疎望此去人世渡水

向吾廬歲晏同攜手只應君與予

五車書

染翰謝靈運詩染翰來當染子虛西京雜記司馬相如爲上

與外事相關引天地錯綜古今忽二室初學記嵩高山者五嶽之中嶽也嵩山之西在配云

謂之室者以其下各有石室爲少室高八百六十丈上方十里與太室相埒但

小耳水經註合而言之爲嵩高而分而名之爲二室西南爲少室東北爲太室

五柳晉書陶潛

及春春鳴者不及秋廣雅云螻蛄蛸
蟬也卽楚辭所云寒蜩者也

滄洲
阮籍爲鄭冲嘗晉王賤臨滄洲而謝支伯登箕山以
揖許由陸雲泰伯碑滄洲遁跡箕山辭位皆泛指滄

風景日夕佳與君賦新詩澹然望遠空如意方支頤
春風動百草蘭蕙生我籬曖曖日暖閨文苑英華作暖閨日暖田家

來致話欣欣春還臯澹澹水生陂桃李雖未開萼萼

滿其枝聯文苑英華作英其元
緯本凌本俱作芳請君理還策敢告將農時

日夕佳陶潛詩山氣日夕佳如意釋氏要覽指歸云如意古之爪杖也或謂鉤竹木末作手指柄可長三尺許或脊有鑿手所不到用以搔人如人之意故曰

如意鐵管問薛經三藏通梵大師清沼字學通慧大師雲勝皆云如意之製蓋心之表也故菩薩
執之狀如雲葉又如此外篆書心字故若局爪杖者祇如文殊亦執之豈欲搖擲也又云今讀傳金

執之多私詭節文祝詞於柄備於忽忘要時手執目對如人之意故名如意如俗官之手板備於勿忘名勿也若齊高祖賜隱士明僧紹竹根如意梁武帝賜昭明太子木屨如意石季倫王敦皆執如意

如意此必入杖也因斯而論則李奇漢書註皋水邊淤地也**皋澹澹**高唐賦澹澹澹而並入李善註澹澹平澹貌**還策**

策杖也南史褚伯玉傳望其還策之日整紆清塵

華嶽

西嶽出浮雲積翠在太清翠一作雪連天疑黛色疑一作凝百里遙

青冥白日爲之寒森沉華陰城昔聞乾坤閉閉文苑英華作開造

化生巨靈造文苑英華作變右足踏方止止文苑英華作山左手推削成天地

忽開拆大河注東溟遂爲西峙嶽時嶽文苑英華作嶽時雄雄鎮秦

京大君包履載至德被羣生上帝佇昭告金天思奉

迎人祇望幸久作人神何獨禪云亭

西嶽水經華山爲西嶽在宏農陰陸縣西南太平實字記太華山在華州華陰縣南八里遠望之有若華狀故名華山按名山記云華嶽有三峰直上數千仞基廣而峰峻秀屹然

嶺表有如削成今博山香爐形實象之也按華山記云頂有池生子葉蘆花服之羽化因
名華山曰虎通云西方華山少陰用事萬物生華故曰華山以西有少華故曰太華

青冥楚辭據青冥而森沉鮑照詩銅鈿森沉巨靈水經註上

云華嶽本一山當河河水過而曲行河神巨靈手盪脚踏開而爲兩今掌足之跡仍存華嶽開山圖曰有巨靈明晉扁鵲元之道能造山川出可所謂巨靈足也常有好事之人故以爲靈

華嶽而觀厥跡薛綜西都賦註曰靈河神也古語云此本一山當河水過之而曲行河之神以手牽其上則維其下中分為二以通河流手足之跡至今尚在華文穎聚述正記曰華山對河東

首陽山黃河流於三山之間云本一山巨壘所開今觀手跡於華嶽而脚跡在首陽山下法苑珠林
巨壘大人秦洪海者思水浩蕩以左掌托太華右足踞中條太一為之裂河通地出張衡西京云高
掌遠巖以流河削成山海經太華之山削成而四方東溟顧延年詩日觀臨東溟呂
曲者是也
京關中本秦地在漢為京師故稱秦京
陸機詩五諸君夢百二倖秦京
義神農炎帝顓頊帝舜堯舜皆封泰山禪云黃帝封泰山禪亭亭李奇註云云山在梁父東秦厲
云齊灼云云云山在蒙陽縣故城東北下有云云亭應劭云亭亭山在鉅平北十餘里服虔云在牟
陰非也輿地廣記慶府奉符
縣有亭亭山泗水縣有云云山
成按劉勰唐書開元十三年東封泰山十八年百僚及華州父老累表請封西嶽不允右丞之作當
在是時故有神祇肇幸久何獨禪云亭之句厥後至天寶九載正月羣臣又請封西嶽從之三月辛
亥西嶽廟災時久旱制停
封西嶽則始終未嘗封矣

王右丞集卷之二

原
书
空
白
页

王右丞集卷之三

仁和趙殿成松谷箋註

古詩二十三首

胡居士臥病遺米因贈

了觀四大因根性何所有妄計苟不生是身孰休咎
色聲何謂客陰界復誰守徒言蓮花目豈惡楊枝肘
既飽香積飯不醉聲聞酒有無斷常見生滅幻夢受
即病即實相趨空定狂走無有一法真無有一法垢
居士素通達隨宜善抖擻牀上無虧臥鍋中有粥否
齋時不乞食定應空漱口本齋可久齋時不乞食定應空漱口
數斗米且救浮生取

居士

多積財貨居業豐盈謂之四大此身因四大和合為相骨肉之堅相為地大津液之潤濕為水
居士鄭康成云道盡處士四大此身因四大和合為相骨肉之堅相為地大津液之潤濕為水
故假名為身四大無根性華嚴經云一切眾生心念陰界身是陰界諸人所共合成

蓮花目

法華經是菩薩目如楊枝肘莊子支離叔與滑介叔觀於冥伯之邱冀帝之
惡之林希逸註柳楊枝肘莊子支離叔與滑介叔觀於冥伯之邱冀帝之
也今人謂生節也香積飯維摩詰經是維摩詰不起於座居眾會前化作菩薩而告之
積與諸菩薩方共坐食汝往到彼如我時化菩薩即會前昇於上方舉眾皆見其去來香界體

香積飯

維摩詰經是維摩詰不起於座居眾會前化作菩薩而告之
積與諸菩薩方共坐食汝往到彼如我時化菩薩即會前昇於上方舉眾皆見其去來香界體
小法者得宏大道亦使如來名聲普聞時化菩薩即會前昇於上方舉眾皆見其去來香界體

聲聞

聲聞經法華
斷常見
斷常見
斷常見

斷常見
斷常見
斷常見

故知因果非定斷常於現報中凡愚不觀念念遷滅則是常見不觀念念新生則是斷見若於來報
愛未盡者隨業受生大過不定人非常人迷此謂常則是常見若謂死後更不受生心識永謝則是
斷見幻夢維摩詰經是身如幻從顛實相法華經唯佛與佛乃能究竟諸法實相
斷見幻夢維摩詰經是身如幻從顛實相法華經唯佛與佛乃能究竟諸法實相
謂其刻也五穀六斗也爾雅鼎數是謂漱口楊枝漱刷牙齒
謂其刻也五穀六斗也爾雅鼎數是謂漱口楊枝漱刷牙齒

與胡居士皆病寄此詩兼示學人二首

一興微塵念橫有朝露身如是觀陰界觀一作都何方置
我人礙有固為主趣空寧捨寶洗心詎懸解悟道正
迷津因愛果生病從貪始覺貧色聲非彼妄浮幻即
吾真四達竟何遺萬殊安可塵胡生但高枕寂寞與
誰鄰戰勝不謀食理齊甘負薪子若未始異詎論疎
與親

朝露

朝露人生如朝露何久自苦如此師古註
朝露人生如朝露何久自苦如此師古註
人則為入空有後漢書清心釋異之訓空有兼遺之宗意懷太子註不執者為空執者為有兼
人則為入空有後漢書清心釋異之訓空有兼遺之宗意懷太子註不執者為空執者為有兼

浮空

浮空徒漫漫汎有定悠悠無乘及乘者所謂智人舟
詎捨貧病域不疲生死流無煩君喻馬任以我為牛
植福祠迦葉求仁笑孔丘何津不鼓棹何路不摧輶
念此聞思者胡為多阻修空虛花聚散煩惱樹稀稠
滅想成無記想元緯生心坐有求降吳復歸蜀不到莫
相尤

無乘及乘者

無乘及乘者
無乘及乘者
無乘及乘者

浮空

浮空徒漫漫汎有定悠悠無乘及乘者所謂智人舟
詎捨貧病域不疲生死流無煩君喻馬任以我為牛
植福祠迦葉求仁笑孔丘何津不鼓棹何路不摧輶
念此聞思者胡為多阻修空虛花聚散煩惱樹稀稠
滅想成無記想元緯生心坐有求降吳復歸蜀不到莫
相尤

無乘及乘者

無乘及乘者
無乘及乘者
無乘及乘者

布水凌本作
啼鳥忽臨澗歸雲時抱峯良游盛簪紱繼跡多

馬何從容作車一

丁寓田家有贈

晨鷄鳴鄰里羣動從所務農夫行餉田閨婦起縫素

賦新晴望郊郭日映桑榆暮映一作晚陰盡小苑城陰文施英華作陸盡一作晝

迹異難相遇此時惜離別再來芳菲度

書帙也說文帙
書衣也

招隱詩左太冲有招隱詩

閒居賦潘岳閒居賦序於是覽止足之分庶浮雲之志築室種樹逍遙自得池沼足以漁釣

光在桑榆樹上
小苑城
小苑字始見漢書蕭望之傳昔賢不注地在何處六朝及唐人詩中多用之或謂唐人所稱小苑即宜春苑是成接右丞長樂青門外宜春小苑東

渭川
三輔黃圖渭水出隴西首陽縣鳥鼠同穴山東北至華陰入河
 唐六典註渭水出渭州歷秦隴岐京北同華六州入於河

揆予
楚辭皇覽揆予於初度兮

渭川田家 川文苑英華作水

品彙作僮
僕
倚杖候荆扉
雉雉麥苗秀
蠶眠桑葉稀
田夫荷

然歌式微歌二顧本凌本俱作吟

四五

蠶眠 蠶將蛻臥不食古人謂之蠶眠所語三走事乃大已長也後人謂之眠者原蠶始更眠又燕歌行云春分燕來能幾日二月

微賦式

屋上春鳩鳴村邊杏花白持斧伐遠揚荷鋤覘泉脈

御惆悵遠行客
文苑英華作惆悵思遠客

孔穎達正義遠枝去人遠也揚揚者謂長
條拂起者也皆手所不及故枝落之而採取其葉
泉脈謝朓詩蔡
臨觴
酒高堂悲陸機詩置

過李揖宅

寒林下林唐詩品
纍作雛散髮時未簪道書行尙把與我同心人

寒林陸機數迹賦步
寒林以懷別散髮鍾會遺榮賦散髮抽
簪永縱一壺道書江淹自序傳山中無
事與道書爲偶樂道

城美酒爲竹葉杯方輿勝覽金沙泉在宣城縣
東一里造酒極美世謂之宣城春又名竹葉酒
洛陽社晉書董卓字威璠初與隴西計吏俱
至洛陽被髮而行逍遙吟詠常宿白

飯覆釜山僧

果從雲峯裏顧我蓬蒿居藉草飯松屑焚香看道書

生一
作日
思歸何必深身世猶空虛

覆釜山 成按山名覆釜者不止一處然左傳小人冀除 雲峯 江海詩平蓬

高居 趙岐三輔決錄註張仲蔚扶風人也少與同郡魏景卿隱 松屑 江淹報袁叔明書朝

初夜 遺教經汝等比丘晝則勤心修習善法無令失

謁璿上人 并序

上人外人內天不定不亂捨法而淵泊無心而雲動
色空無得不物物也 得顯元緯本凌 默語無際不言言也故
吾徒得神交焉元關大啓德海羣泳時雨既降春物
俱美序于詩者人百其言

少年不足言識道年已長事往安可悔 悔顯元緯 餘生幸

能養誓從斷葷血 顯元緯本凌本傳謂維摩詰菩薩食不茹葷血此句自是實事若龍作臂字虛假無

不復嬰世網浮名寄縷珮空性無羈鞅風從大

導師 從一 焚香此瞻仰頽然居一室覆載紛萬象高柳

早鶯啼長廊春雨響牀下阮家展牕前筇竹杖方將

見身雲陋彼示天壤一心在法要願以無生獎

璿上人 續高僧傳元崇以開元末年因從璿師受心要日夜匪懈璿乃因受深法與

內天 莊子天在內人在外郭象註天然在內而天然之所順者在外 不定不亂 維摩

色空 大般若經色即是空空即是色 物物 物則胡可得而累于 言言 列子夫知

神交 晉書裴頠所與神交者惟 元關 顯元緯本凌本傳謂維摩詰菩薩食不茹葷血此句自是實事若龍作臂字虛假無

德海 佛功德海中得安住故 世網 陸機詩世網子何之世網 縷珮

羈鞅 廣韻羈馬絆也 大導師 法華經諸比丘如來亦復如是

阮家展 晉書阮孚性好屐或有詣阮正見自蠲屐 筇竹杖 劉淵

身雲 華嚴經

又 華嚴經

雲或見出聲聞緣覺及諸菩薩如來身雲或見一切眾生身雲又云如來應正等覺無上法王欲
以正法教化眾生身雲或見法界隨其樂欲為現不同所謂或為眾生現或為菩薩現或為法界現
化身雲或為眾生現或為菩薩現或為法界現或為眾生現或為菩薩現或為法界現或為眾生現或為菩薩現或為法界現
或為眾生現或為菩薩現或為法界現或為眾生現或為菩薩現或為法界現或為眾生現或為菩薩現或為法界現
雲如來以如是等無量身 莊子鄭有神巫曰季咸知人之死生存亡禍福壽夭期以歲月 天壤 句曰若神鄭人見之皆驚而走列子見之而心醉醉以告壺子
壺子曰嘗與我遊者見之明日列子與之見壺子出而謂列子曰壺子之先生死矣夫何足貴乎
以句數矣壺子見之明日列子與之見壺子出而謂列子曰壺子之先生死矣夫何足貴乎
正是始見壺子德機也嘗與我遊者見之明日列子與之見壺子出而謂列子曰壺子之先生死矣夫何足貴乎
矣全然有生矣壺子見之明日列子與之見壺子出而謂列子曰壺子之先生死矣夫何足貴乎
杜權是始見壺子 法要 魏書釋老志凡其經旨大抵言生生之類皆因
善者幾也 法要 魏書釋老志凡其經旨大抵言生生之類皆因
經無數形骸神明乃致無生而得佛道

送魏郡李太守赴任

與君伯氏別 氏文苑英華 又欲與君離君行無幾日當復隔

山波蒼茫秦川盡日落桃林塞獨樹臨關門黃河向

天外前經洛陽陌宛路故人稀 路顧可久本凌 故人離別盡

人盡離別 文苑英華 淇上轉驂駢企予悲送遠惆悵睢陽路古木

官渡平秋城鄴宮故 宮文苑英華 想君行縣日其出從如雲

遙思魏公子復憶李將軍

魏郡 成按唐書地理志天寶元年改相州魏郡為鄴郡陽武郡為魏郡觀詩中所云官

不附己者 不附己者 秦川 水經註秦水出東北大隴山秦谷二源雙

秦川 水經註秦水出東北大隴山秦谷二源雙

秦川 水經註秦水出東北大隴山秦谷二源雙

秦川 水經註秦水出東北大隴山秦谷二源雙

秦川 水經註秦水出東北大隴山秦谷二源雙

秦川 水經註秦水出東北大隴山秦谷二源雙

秦川 水經註秦水出東北大隴山秦谷二源雙

秦川 水經註秦水出東北大隴山秦谷二源雙

秦川 水經註秦水出東北大隴山秦谷二源雙

秦川 水經註秦水出東北大隴山秦谷二源雙

秦川 水經註秦水出東北大隴山秦谷二源雙

秦川 水經註秦水出東北大隴山秦谷二源雙

秦川 水經註秦水出東北大隴山秦谷二源雙

四七

蕭條後漢書蕭
條萬里野
奇功漢書陽朔中
段會宗復為都護會宗為人大節於功名與公承相友善谷永謂其
寇老復還出予書戒曰足下以柔遠之今德復與都護之重職甚休甚休若子之材可
優遊都城而取卿相何必勒功昆山之及總領百蠻懷柔殊俗子之所長愚無以喻雖然朋友以言
贈行敢不略意方今漢德隆盛遠人賓服傳鄭甘陳之功沒齒不可復見願吾子因循舊貫毋求奇
功終更還亦足以復雁門之勳萬
遲遲毛萇詩傳遲遲
舒行貌

送宇文太守赴宣城

寥落雲外山迢遙舟中賞鏡吹發西江秋空多清響
地迴古城蕪月明寒潮廣時賽敬亭神復解罟師網
何處寄相思南風吹五兩吹順元緯本凌

宣城敬亭神宣城縣北十里太平實字記郡國志及宋永初山川
道有宣城敬亭山有神祠即謝朓墓南

五兩郭璞江賦視五兩之動靜李善註許慎推
賦詩之所其神曰梓華府君顯有靈驗

送綦母校書棄官還江東校一

明時久不達棄置與君同天命無怨色人生有素風
念君拂衣去四海將安窮秋天萬里淨日暮澄江空
清夜何悠悠扣舷明月中和光魚鳥際澹爾

兼葭叢無庸客昭世衰鬢日如蓬日顧元緯本凌
事僻陋遠天聰微物縱可採其誰為至公余亦從此
去余劉本唐詩品
集俱作今誤 歸耕為老農

校書按唐書百官志宏文館有校書郎二人集賢殿書院有校書四人秘書省有校書郎
十人著作局有校書郎二人崇文館有校書郎二人司經局有校書四人皆九品官

拂衣後漢書楊彪傳孔融魯國
風不激切素風愈鮮

扣舷舷船邊也扣舷為聲以節
歌郭璞江賦詠採菱以扣

和光老子和其
光同其塵

送六舅歸陸渾

伯舅吏淮泗卓魯方喟然悠哉自不競退耕東皋田
條桑臘月下種杏春風前酌醴賦歸去共知陶令賢

陸渾唐書地理志河
南府有陸渾縣卓魯後漢書卓茂遷密令勞心諄諄視人如子舉善而教口無惡言
魯恭前錄條桑晉書劉琨之於樹條桑詩露月條桑鄭康成箋條桑枝葉其葉也孔穎達正
義謂新條於地就地采之也此借用為臘月事蓋謂其繁枝枯莖而已與詩
舊稍臘月建丑之月也酌醴劉向九歎飲酌醴以煥意
異縣吏白應東帶見之潛數曰我不能為五斗米折
腰向鄉里小人即日解印綬去職歸去來陶令宋書陶潛為彭
澤令郡道督郵

留別邱為

歸鞍白雲外繚繞出前山今日又明日自知心不閒
親勞簪組送欲趁鶯花還一步一迴首遲遲向近關

邱為唐書藝文志邱為蘇州嘉興人舉進士孝常為鹽鐵使下累官太子右庶子時年八十
致坐經籍署降馬而趁廣韻趁逐
趨卒年九十六近關左傳逢伯玉逐
也俗作趁

送別

下馬飲君酒問君何所之君言不得意歸臥南山陲
但去莫復問白雲無盡時

王右丞集卷之三

王右丞集卷之四

仁和趙殿成松谷箋註

古詩二十九首

送張五歸山

送君盡惆悵復送何人歸幾日同攜手一朝先拂衣

東山有茅屋幸為掃荆扉當亦謝官去豈令心事違

齊州送祖三

相逢方一笑相送還成泣祖帳已傷離

荒城復愁入天寒遠山淨日暮長河急解纜君已

遙望君猶佇立

齊州郡志齊州有齊州濟南郡本齊祖帳設之帳

送綰雲苗太守

手疏謝明王腰章為長吏方從會稽邸

發汝南騎按節下松陽清江響鏡吹露冕見三吳方

知百城貴

綰雲唐書地理志江南道有處州綰雲郡

節節子虛賦按節未舒郭璞註言領也松陽唐書地理志處州有松陽縣

明帝巡狩到南陽時見曉曉賜以三公之服顯徽

三吳吳郡會稽也杜氏通典吳郡吳興丹

陽為百城後漢書賈琰傳百城

送從弟蕃游淮南

讀書復騎射帶劍游淮陰淮陰少年輩千里遠相尋

高義難自隱

明時寧陸沉島夷九州外泉館三

山深席帆聊問罪丹服盡成擒歸來見天子拜爵賜

黃金忽思鱸魚膾復有滄洲心

落雲夢林江城下楓葉淮上聞秋砧送歸青門外車

馬去駸駸惆悵新豐樹空餘天際禽

淮南按唐書地理志淮南道蓋古揚州之域揚

淮南楚辭和盧壽安黃申光祿為州十二

高義莊子孔子

陸沉莊子孔子

泉館泉館謂泉所館即

中隱者無水而沉也

島夷島夷南島之夷也

三山史記蓬萊方丈瀛洲此三神山者其傳在渤海中人不遠里且至則船風引

客不至望之如雲及到三神山反居

席帆木華海賦維長綰挂帆席李善

水下暗之風帆引去終莫能至云

鱸魚膾晉書張翰因見秋風

起乃思吳中菰菜鱸魚膾

安陸縣東南有雲夢澤又傳昭四年王以田江南之夢杜預注夢澤在江北又傳定四年楚子涉

濟江入於雲中杜預注所謂江南之夢也漢書地理志南郡雲夢澤在後漢書

容侯國雲夢澤在雲夢澤中所謂江南之夢也漢書地理志南郡雲夢澤在後漢書

於雲中杜預注所謂江南之夢也漢書地理志南郡雲夢澤在後漢書

田江南之夢杜預注所謂江南之夢也漢書地理志南郡雲夢澤在後漢書

勢廣矣史記秦本紀秦昭襄王二十二年秦昭襄王二十二年秦昭襄王二十二年

安陸縣東南有雲夢澤又傳昭四年王以田江南之夢杜預注夢澤在江北又傳定四年楚子涉

濟江入於雲中杜預注所謂江南之夢也漢書地理志南郡雲夢澤在後漢書

賜物百千強蓋詩人溢美之語也或疑是時軍中無
功安得有拜爵賜金之事者無乃近於固執

送權二

高人不可友清論復何深一見如舊識一言知道心
明時當薄宦解薛去中林芳草空隱處白雲餘故岑
韓侯久攜手河嶽共幽尋悵別千餘里臨堂鳴素琴

薄宦何遜詩薄宦願師表
中林見毛萇詩傳也

送高道第耽歸臨淮作

少年客淮泗落魄居下邳
遨游向燕趙結客過

臨淄山東諸侯國迎送紛交馳
自爾厭游俠閉戶方

垂帷深明戴家禮頗學毛公詩
備知經濟道高臥陶

唐時聖主詔天下賢人不得遺
公吏奉纁組安車去

茅茨君王蒼龍闕九門十二達
羣公朝謁罷冠劍下

丹墀野鶴終踉蹌威鳳徒參差
或問理人術但致還

山詞天書降北闕賜帛歸東菑
都門謝親故行路日

逶遲孤帆萬里外森漫將何之
江天海陵郡雲

日淮南祠孤帆萬里外森漫將何之
江天海陵郡雲

賣藥出處安能期

臨淮唐書地理志河南道有泗州臨淮郡本下邳郡治宿
淮泗二水皆經臨淮元和

界流入徐城縣泗水西自落魄漢書鄭食其家落魄無衣食業鄭氏曰魄音薄應劭曰臨
彭城縣界流入下邳縣

溜以城臨溜水故曰臨溜在唐時青州之臨淄縣是矣

之游閉戶後漢書魯恭居太學習書垂帷漢書董仲舒少治春秋景帝時為博士下帷講

戴家禮後漢書魯恭高堂生漢興傳十七篇後漢書鄭玄授經於太學毛公詩漢書

安車後漢書嚴光少有高名與光武同游學及光武即位光乃變名姓隱居不見帝思其賢乃

令以物色訪之後齊國上言有一男子披羊裘釣澤中帝疑其光乃遣安車元纁遣使聘

之反而蒼龍闕三輔黃圖未央宮有元武蒼龍二閣三輔
後至也

也雖門也還也闕也闕也遠也後人凡通衢大道皆謂之遠

丹墀今丹墀漢書曰丹墀地也宋書明光殿以丹朱色地謂之丹墀

然如野鶴之在雞羣跟蹤行作止不亂疾之貌跟蹤跟蹤謂之跟蹤

賜帛鳳凰漢書元帝四年

北闕漢書蕭何治未央宮立東闕北闕師古註未央

高士傳韓伯者人也以行義修潔著名昭帝時大將軍霍光秉政表願義士郡國條奏行狀天子

十四歲歸其修東菑爾雅田一歲曰菑郭璞註今江東呼初

孝弟以教鄉里東菑爾雅田一歲曰菑郭璞註今江東呼初

漫左思吳郡賦漢書海陵郡海陵郡唐武德二年改為吳州置吳陵縣七年州廢

復為海陵淮南祠廣利在淮南岸斗山下

送別河漢英靈集文苑英華唐文粹

聖代無隱者英靈盡來歸遂令東山客不得顧採薇

既至君門遠君二顧本凌本

縫春衣洛唐文粹置酒臨長道唐文粹置酒長安道

遠行當浮桂棹未幾拂荆扉遠樹帶行客孤城當落

暉城唐文粹

英靈隋書李德林美姿儀善談吐齊天統中兼中書侍郎於寶館受國書陳使

史記孔子世家詩云匪虎率彼寒食荆楚歲時記冬至至一百五日即有疾風甚雨謂之

亦有去冬至一京洛班固東都賦子徒習秦阿房之遠天而不知京洛之有制陸機

桂棹送張舍人佐江州同薛據十韻

東帶趨承明守官惟謁者清晨聽銀蚪薄暮辭金馬

受辭未嘗易當御方知寡御觀元纁本凌

有風雅忽佐江上州當自潯陽下逆旅到三湘長途

應百舍香爐遠峯出石鏡澄湖瀉董奉杏成林陶潛

菊盈把彭蠡常好之作彭蠡本皆廬山我心也送君思遠道

欲以數行灑

舍人唐六典通事舍人十六人從六品上掌朝見引納及辭謝者於殿廷通奏凡近臣入侍文武就列則引以進退而告其拜起出入之節凡四方通表華夷納貢皆受而進之凡軍旅之出則受命慰勞而遣之既行則每月存問將士之家以視其疾苦凱還則郊迎之皆復命凡致仕之臣與邦之耆老時巡問亦如之李林甫通事舍人即秦之謁者漢官表云謁者掌贊贊受

事員七十人秩比六百石江州唐書地理志江南西道承明三輔黃圖未央宮有承明殿者皇朝改謁者為通事舍人江州唐書地理志江南西道承明三輔黃圖未央宮有承明殿者皇朝改謁者為通事舍人

守官謝詩守銀蚪初舉記張衡漏水轉運天儀制以銅為器再差夜左為李蘭漏刻法以器貯水以銅為漏如鉤曲以引器中水於銀蚪口中吐入權器漏水一升秤重一斤時經一刻殷鑒漏刻法曰漏水皆於器下為金龍口吐出轉注入銅經緯之中

金馬史記金馬門者宦者門也門旁有銅馬故謂之金馬門三輔黃圖金馬門宦者之下

當御國語秦景公使其弟鍼來求成叔向命召行人子員行人子朱曰朱也當御叔馬門即此當御國語秦景公使其弟鍼來求成叔向命召行人子員行人子朱曰朱也當御叔

私子常易之奸以事君者所難也章潯陽至北流潯陽江在九江府城北源自岷山逆

旅左傳為不道保於逆旅杜預注逆旅客舍也三湘南史巴陵南有地名三湘入海逆

石鏡山名在石鏡湖中湖在石鏡山南山北皆見其形圓鑒香爐峯

石鏡山名在石鏡湖中湖在石鏡山南山北皆見其形圓鑒香爐峯

石鏡山名在石鏡湖中湖在石鏡山南山北皆見其形圓鑒香爐峯

石鏡山名在石鏡湖中湖在石鏡山南山北皆見其形圓鑒香爐峯

送韋大夫東京留守

人外遺世慮空端結遐心曾是巢許淺始知堯舜深
蒼生託有物黃屋如喬林上德撫神運冲和穆宸襟

王右丞集 卷四

雲雷康屯難江海遂飛沉遠顯元緯本凌天工寄人英龍衰

瞻君臨瞻君臨本顯元緯名器苟不假保釐固其任素資貫方

雲旗蔽三川畫角發龍吟晨揚天漢聲夕捲大河陰

窮人業已寧人顯元緯本凌逆虜遺之擒然後解金組拂衣

東山岑給事黃門省秋光正沉沉功名與身退功名一作

老病隨年侵君子從相訪重元其可尋

韋大夫劉昫唐書韋大夫二月乙丑朔東京留守唐書百官志初太宗伐高

不在京都則留守以右金吾大將軍為副留守開元元年改京兆府南府長史為

京兆府南陽尹勳字叔梁為性學屏居人外判棘生門宋書孔

巢許高士傳巢父許由皆堯時隱人黃屋漢書黃屋左纁李斐註天

喬林謝詩喬林列列上德老子上德不德是以有德河上公註上德謂太

何遜謝詩何遜屯難謝靈運詩屯難難云天工天工官也尚書天人英淮南

杯酒

資聖寺送廿二

浮生信如寄薄宦夫何有來往本無歸別離方此受
柳色藹春餘槐陰清夏首不覺御溝上銜悲執

五一

資聖寺

長安志崇仁坊東南隅資聖寺本太尉趙國公長孫無忌宅龍朔三年為文德皇后追福立為尼寺咸亨四年改為僧寺長安三年七月火焚之灰中得經數部不損一字百姓掩拾數日之間所獲經書送營造如故

留別山中溫古上人兄并示舍弟縉

解薛登天朝去師偶時哲豈惟山中人兼負松上月宿昔同游止致身雲霞末開軒臨潁陽臥視飛鳥沒

好依盤石飯屢對瀑泉歇歇顧元緯本凌理齊少狎隱顧元緯本凌道勝寧外物舍弟官崇高宗兄此削髮削一作稅荆扉但

灑掃乘閒當過拂拂顧元緯本凌

時哲謝靈運詩鴻臚吳朱宿昔阮籍詩宿昔同衣裳潁陽成按唐書地理志河南府有潁陽縣本名武林載初元年析河南伊洛嵩陽也呂氏春秋許由處乎潁陽高誘注潁水之北曰潁陽是矣道勝淮南子子夏見曾子故曰出見富貴之樂而欲之入見先王之道又悅之兩者心戰故昭先王之道勝故肥

觀別者

青青楊柳陌陌上別離人愛子游燕趙高堂有老親不行無可養行去百憂新切切委兄弟依依向四鄰

都門帳飲畢帳顧可久本凌本唐詩品從此謝賓親賓顧可久本凌本唐詩品揮淚逐前侶前唐詩品含悽動征輪車從望不見從凌本作時時起行塵時一作余亦辭家久久凌本唐詩品看之淚滿巾

百憂詩無思百帳飲蓋用漢書疏廣傳設酒饋東都門外揮淚陸機詩揮淚廣

含悽謝靈運詩含悽沈廣行塵江淹別賦見行

別弟縉後登青龍寺望藍田山

陌上新別離蒼茫四郊晦登高不見君故山復雲外

遠樹蔽行人長天隱秋塞心悲宦游子宦遊凌本唐詩

華作人非

何處飛征蓋

青龍寺長安志南門之東青龍寺本隋靈威寺開皇二年立文帝移都徙掘城中陵墓葬之郊野因置此寺故以靈威為名至武德四年廢龍朔二年城陽公主復奏立為觀音寺景雲二年改為青龍寺北枕高原南望樊城增為宮觀之美張衡游城南記樂游之南曲江之北北郭坊有青龍寺北枕高原南對南山為登眺之絕勝賈島所謂行坐見南山也秋塞

沈約詩寒光稍沈約詩寒光稍宦游子陸機詩翩翩遊宦子飛征蓋劉楨詩蓋車飛素

別弟縉二首盧象詩縉有八月十五日象自江東止田園移莊慶會未幾歸汶上小第更孩幼唐詩紀事載此亦作象詩成考右丞本傳及他書未有言其寓家於越履跡水鄉者縉作二語合之盧象江東之說乃為得之讀者試辨焉

兩妹日成長成長唐詩紀事雙鬟將及人已能持寶瑟自解

掩羅巾念昔別時小未知疎與親今來始離恨拭淚

方慙慙祇唐詩紀事

寶瑟何遜詩對鸞看寶瑟

小弟更孩幼歸來不相識同居雖漸慣見人猶未覓

淚盡有餘憶

別綦母潛

端笏明光宮宮文苑英華歷稔朝雲陞詔看延閣書顧元緯本凌

高議平津邸適意偶輕人虛心削繁禮文苑英華作適意輕繁禮

盛得江左風彌工建安體高張多絕弦截河有清濟

嚴冬爽羣木伊洛方清泚渭水冰下流潼關雪中啓

荷蓀幾時還塵纓待君洗

綦母潛唐書藝文志綦母潛字孝通開元中由官署尉端笏江淹詩敝袍依光采

光宮雍錄漢有明光宮三之一在北宮南與長樂相連者武帝太初四年起即王商之所指欲以避暑者則別有明光宮在北宮中亦武帝所起發燕趙美女三千人充之至尚書郎

延閣劉向七略孝武皇帝勅丞

平津邸漢書

百年之間書積如邱山故外則有太常太史博士之藏內則有延閣廣內之府是也

華作人非

宏為丞相封平津侯於是各客館開東閣以延賢人
與參謀議陸賦時出入平津邸號號註邸國舍也

繁禮史記孝文好道家之學以繁禮禮貌無益於事江左

風宋齊梁陳四朝並建都江左其時詩篇多尚綺麗宋書謝靈運傳文義之美江左莫逮建安體建安漢末年號時曹氏父子及

截河孔安國尚書傳濟水入河並流十數里而南截河又並流數里洛河洛水出嶺南東流經洛州郭內又東合伊水唐六代洛水出河南伊洛

伊洛洛水出嶺南東流經洛州郭內又東合伊水唐六代洛水出河南伊洛清泚謝靈運詩清泚流自清泚潼關左傳所謂桃林塞也本名衝關

潼關左傳所謂桃林塞也本名衝關潼關左傳所謂桃林塞也本名衝關潼關左傳所謂桃林塞也本名衝關

潼關左傳所謂桃林塞也本名衝關潼關左傳所謂桃林塞也本名衝關潼關左傳所謂桃林塞也本名衝關

新晴晚望

作野

新晴原野曠極目無氛垢郭門臨渡頭村樹連溪口

白水明田外碧峯出山後農月無閒人傾家事南畝

極目謝靈運詩極目白水劉公幹詩方塘

晦日游大理韋卿城南別業四首

原註四聲依次用各六韻

與世澹無事自然江海人側聞塵外游解驂輒朱輪

張組竟北阜劉本張極野照暄景極顯元緯本凌上天垂春雲

會牢醴及家臣本俱佳辰幸同擊壤樂心荷竟為君

大理唐書百官志大理寺卿一人從側聞漢書亦嘗側聞解驂乃命解驂輒

成按玉篇輒輒切也今詩文輒當作止訓知是輒字之訛也孔穎達周易正義輒者在下所以止輒今不動者也張組延濟註組組惟也

王右丞集 卷四

北阜謝靈運詩下室高會史記飲酒高會師古曰高會大會也擊壤高士傳帝堯之世天下太和百

郊居杜陵下永日同攜手人里藹川陽人顯元緯本凌平原

見峯首園廬鳴春鳩林薄媚新柳上卿始登席故老

前為壽臨當游南陂游文苑英華作送非約略執盃酒歸與細微官

杜陵太平實事記杜陵漢縣在今萬年縣東十五里漢志云古杜伯國也漢宣帝永日

冬中餘雪在華作日墟上春流駛風日暢懷抱山川好

天氣川多秀氣雕胡先豐酌本凌本凌庖膾亦雲至雲二顯本

高情浪海嶽浮生寄天地君子外替纓埃塵良不

帝所樂衡門中陶然忘其貴

冬中冬中出後漢書周舉傳春流謝靈運山居賦發源泉於春流何遜詩君隨春水戰衡門

高館臨澄波曠望蕩心目望顯元緯本凌澹蕩動雲天玲

瓏映墟曲鵲巢結空林雉雊響幽谷雉文苑英華作雉應接無閒

暇徘徊以躑躅紆組上春隄側弁倚喬木弦望忽已

晦後期洲應綠

雲天謝靈運詩玲瓏謝靈運詩側徑既窮窮瓏州亦墟曲陶潛詩時應接

世說王子敬云從山陰道上行紆組謝靈運詩我行雖紆組兼得鸛鳴李善註側弁詩小

渭北走邯鄲關東出函谷秦地萬方會來朝九州牧

鷄鳴咸陽中中唐詩正冠蓋相追逐丞相過列侯羣公錢

光祿相如方老病一作方獨歸茂陵宿

千里目孫楚詩抗赤日何遜詩赤平陸謝朓詩夕陽平陸走邯鄲

漢書上指視慎夫人新豐函谷括地志函谷關在陝州桃林縣西南十二里雍錄秦函谷關在

道曰此走邯鄲道也如函谷以爲名其中秀通行路東西四十里絕岸壁立巖上柏林陰谷中不見日關去長安四

百里日入則閉鷄鳴則開東自轅山西至潼津通名函谷實爲天險漢函谷關在唐河南府新安縣

之東一里蓋漢世楊侯秦函谷關而立之於此也以此秦舊則移東三百七十八里楊侯其宜陽

縣人漢武帝時數立大功以其家居宜陽宜陽者豐實縣其地即在秦咸陽之外矣僕其家不

在關內之移秦關而東之使關反在外武帝允焉僕自以其家舊在關外之秦咸陽之外矣僕其家不

險是爲漢世函關自此關移在河南府新安縣而秦關之在豐實者廢矣九州牧晉書上欲

不失九州咸陽三輔黃圖咸陽在九峻山渭水相如史記司馬相如既病

自大散以往深林密竹蹬道盤曲四五十里至

黃牛嶺見黃花川

危徑幾萬轉數里將三休迴環見徒侶隱映隔林邱

颯颯松上雨潺潺石中流靜言深溪裏漢文苑英長嘯高

山頭望見南山陽白日靄悠悠本顧元緯本凌青臯麗已淨

綠樹鬱如浮曾是厭蒙密曠然消人憂

大散文獻通考鳳州梁縣有黃花川大散關宋中興四朝志大散關梁縣在鳳翔寶雞

大散關在鳳翔府寶雞縣南五十二里通褒斜大路三休賈誼新書楚王誇使者以章華靜言陸機猛虎行靜言幽

悠悠楚辭開春發歲兮白青臯謝朓詩青臯向還色春潤視生波王融拜秘書

蒙密出之悠悠青臯謝朓詩青臯向還色春潤視生波王融拜秘書

休假還舊業便使假凌本唐詩品彙俱作暇○唐詩紀家人皆佇立相候

謝病始告歸依依入桑梓依依唐詩紀事柴門裏柴凌本唐詩品彙俱作時輩皆長年時輩唐詩紀事作成人舊

童子上堂嘉慶畢嘉凌本唐詩紀事顧與姻親齒顧凌本唐詩品彙俱作田園轉無沒

論舊忽餘悲忽一作目存且相喜目文苑英華唐田園轉無沒

但有寒泉水衰柳日蕭條秋光清邑里入門乍如客

謝病漢書王吉遂謝休騎非便止休文苑英中飯顧王程離憂從此始

謝病病歸漢書王吉遂謝告歸漢書高祖嘗告歸之田孟康曰古者吏休假曰告歸古曰告

請也告歸桑梓詩維桑與梓必恭敬止本言父家慶顧語陽秋唐人與親別而復歸謂之

姻親王程劉孝儀與王僧惠書王程王程有與時及王關

早入榮陽界

汎舟入榮澤茲邑迺雄藩河曲閭閻隘川中烟火繁

因人見風俗入境聞方言秋晚田疇盛晚文苑英朝光市

井喧漁商波上客雞犬岸旁村前路白雲外孤帆安

可論

榮陽唐書地理志河南道鄭州榮澤成按史記正義榮澤在鄭州榮澤縣西北四里今無

泛舟大河以入榮陽之界耳榮陽榮澤地本相田疇韋昭國語解縣地爲田麻地爲漁商

連取古文之名以爲今地之稱詩家蓋多有之郭璞江賦源流或流或商

宿鄭州

朝與周人辭暮投鄭人宿人凌本作他鄉絕儔侶孤客親

僮僕宛洛望不見秋霖晦平陸田父草際歸村童雨

中牧主人東臯上時稼遶茅屋蟲思機杼鳴文苑英華作此

字顧元緯崔喧禾黍熟明當渡京水昨晚猶金谷晚文苑英

去欲何言言文苑英窮邊徇微祿微一作

鄭州唐書地理志河南道儔侶張華詩安宛洛謝朓詩宛洛佳遊張鏡秋霖

左傳凡雨自三日以往爲霖京水水經註黃水發源京縣黃淮上東南流名京水也元和郡國志

釋楚辭皇天淫淫而秋霖京水若巨鼎湯湯西南流謂之龍項口世謂之京水也元和郡國志

京水出鄭州榮陽縣南平地太平寰宇記京水在鄭州榮陽縣東二金谷水經註穀水又東北

十二里鄭樵通志黃水出京縣故亦謂之京水東北流入於濟金谷水經註穀水又東北

原東南流歷金谷謂之金水東南流逕晉衛尉卿石崇之故居也太平寰宇記河南府河南縣有金

谷郭緣生述征記曰金谷谷名也地有金水自太白原南流經此谷晉衛尉卿石崇因卽川阜而增置

渡河到清河作

汎舟大河裏積水窮天涯天波忽開拆郡邑千萬家
行復見城市宛然有桑麻迴瞻舊鄉國森漫連雲霞

清河唐書地理志河北道貝州清河郡有清河縣

汎舟國語汎舟於河章昭解泛淨也積水荀子積水成淵蛟龍生焉

苦熱

赤日滿天地火雲成山嶽草木盡焦卷川澤皆竭涸
輕紈覺衣重密樹苦陰薄密樹劉本顧元緯本作樹密莞簟不可近絺綌
再三濯思出宇宙外曠然在寥廓長風萬里來江海
蕩煩濁却顧身爲患始知心未覺忽入甘露門宛然
清涼樂

火雲盧思道納涼賦火雲赫而四舉焦卷應休鍾與宋文瑜書沙磧銷鑠草木焦卷絺綌小爾雅葛之精者曰絺寥廓楚辭上寥廓而無天漢書猶焦朋已翔乎寥廓顏師古註寥廓天上寬廣之處長風左思吳都賦習御長風劉淵林註長風遠風也陸機詩長風萬里舉覺楊羅什維摩詰經註凡得道名爲覺覺有二種一於四諦中覺二於一切法中覺甘露門法華經普賢天人傳言啟華明類能開甘露門廣度於一切

納涼

喬木萬餘株清流貫其中前臨大川口豁達來長風
漣漪涵白沙涵顧可久本唐詩品彙俱作含素鮪如游空偃臥盤石上翻濤
沃微躬漱流復濯足前對釣魚翁貪餌凡幾許徒思
蓮葉東

豁達劉楨詩華館寄流波豁達來風涼漣漪左思吳都賦濯明月於漣漪劉淵林註風行水成文曰漣漪呂向註漣漪細波文微躬沈約詩便欲息漱流晉書隱逸傳漱流而濯其權貪餌楚辭知貪餌而近死兮蓮葉東古江南曲魚戲蓮葉東

葉西

王右丞集卷之四

原
书
空
白
页

王右丞集卷之五

仁和趙殿成松谷箋註

古詩三十二首

濟上四賢詠三首

崔錄事

解印歸田里賢哉此丈夫少年曾任俠晚節更爲儒
 遯世東山下世文苑英華作迹因家滄海隅已聞能狎鳥余欲共
 乘桴

錄事 按杜氏通典大唐官品流內有門下省錄事從七品詹事府錄事正九品京兆河南太原府九寺少府將作監錄事都督都護府上州錄事司監親王府錄事司主簿
司錄事俱從九品又流外有諸衛都水監府錄事京兆監錄事親勤衛錄事京兆少府將作軍器監府都水宮苑總監府京及東都府平準諸陵署錄事諸牧園苑監錄事諸官監諸關津錄事太子親勤翊衛府錄事
賢哉 張景陽詩行人多限 任俠 史記季布者楚人也爲氣任俠有客於楚如淳曰相與信爲任事非王府國司錄事 海賢哉此丈夫
同是爲俠所誦權行州里力折公卿者或曰任氣力也俠有客於楚如淳曰相與信爲任事也師古曰所謂任使其氣力俠之任挾也以權力挾輔人也
狎鳥 列子海上之人有好鸕鶿鳥者每旦之海上從鸕鶿鳥游鸕鶿之至者百住而不止其父曰吾聞鸕鶿鳥皆從汝游汝取來言玩之明日之海上鸕鶿鳥舞而不下也江海詩物我俱忘懷可以狎鸕鶿鳥

成文學

寶劍千金裝登君白玉堂身爲平原客家有邯鄲娼
使氣公卿座論心游俠場心文苑英華作意中年不得志志文苑英華作意謝

病客游梁

文學 按唐百官志東宮官有文學三人諸王六品下分知經籍侍奉文章王府官有文學一人從六百上堂校典籍待從文章至諸州文學乃德宗時改博士爲之德宗以前無此稱也

玩謝游游梁之句 相達行由詩黃金爲君門白玉爲君堂

平原客 史記平原君喜賓客賓客盡至者數千人

鄲娼 古詩上有雙尊使氣南史凌鐸貴人物游梁史記司馬相如爲武騎常侍非其好酒作使鄲鄲娼使氣凌侮人

游梁 史記司馬相如爲武騎常侍非其好酒作使鄲鄲娼使氣凌侮人

朝從遊說之士齊人鄲陽淮陰枚乘吳莊忌之徒相見而悅之因病免客游學梁幸王令與諸生同舍

鄭霍二山

翩翩繁華子繁華，徽英。豐集作京。多出金張門出文苑英華作事。幸有先人業，早蒙明主恩。早蒙，何焯疑豐集作思達。文苑英華作早逢。童年且未學，肉食驚華軒。豈

乏中林士乏河徽英
寶集作知無人獻至尊徽顯元鎮本凌本河
徽英靈集俱作篇鄭公老泉石
公河徽英靈集文苑英華俱作生霍子安邱樊賣藥不二價著書盈萬言盈一作仍
息陰無惡木飲水必清源吾賤不及議吾河徽英
靈集作余斯人竟誰論

繁華子阮籍詩昔日繁華子呂延濟註繁華喻人美感如春花之繁
 國語朝夕處事驚恐
 忘先人之業
 華軒華軒車之製者江淹詩金張服貂裘史記秦華軒
 尊唐六典北夷夏之通稱天子曰尊皇帝臣下曰公卿曰至尊
 賣藥後漢書韓康字伯休京兆霸陵人常採藥名山賣於長安口不二價三十餘年時女子欲從買
 守價不移女子怒曰公是韓伯休那乃不二價乎
 欲避名小女子皆知有我我高何用藥為乃遁入霸陵山中
 惡木陸機詩渴不飲盜泉水熱不息惡木陰
 金張漢書功臣之後惟有金氏張氏親近龍寶乃於外戚
 中人王康琚詩今雖成明世能無中人
 至人業

偶然作六首

楚國有狂夫茫然無心想散髮不冠帶行歌南陌上
孔丘與之言仁義莫能發未嘗肯問天何事須擊壤
復笑採薇人胡爲乃長往

楚狂 高唐傳楚諸子接輿楚人也好養鵝飼耕以爲食楚昭王時適見楚政放蕩無常乃佯狂不仕
 狂人謂之楚狂孔子適楚楚狂接輿游其側曰鳳兮鳳兮何德之衰也來世不可待
 往世不可追也天下有堙聖人成天天下無道聖人爲方今之時值兔刑焉福輕羽來之知微
 吾直木不爲地黃之知曉已矣乎臨人以德殆足以殆乎畫地而趨遠陽陽無傷吾行卻曲卻曲無傷
 吾足山木自斲也蒿火自煎也桂可食故伐之漆可用而避之者人皆知之
 用之而不知無用之用也孔子下車欲與之言趨而避之不得與之言

田舍有老翁垂白衡門裏有時農事閒斗酒呼鄰里
喧聒茅簷下或坐或復起短褐不爲薄園葵固足美
動則長子孫不會向城市五帝與三王古來稱天子
天作君千戈將揖讓畢竟何者是得意苟爲樂野田安足
懷一作忘鄙且當放懷去行行沒餘齒

謂傳中短字皆係訛寫然考參詩野花短河
柳拂長鞭明作短字用矣豈亦以此爲訛耶
宗

日夕見太行沉吟未能去問君何以然世網嬰我故
小妹日成長兄弟未有娶家貧祿既薄儲蓄非有素
幾迴欲奮飛踟躕復相顧孫登長嘯臺松竹有遺處
相去詎幾許故人在中路愛染日已薄禪寂日已固
寂忽乎吾將行呼非寧俟歲云暮

太行太平實字記太行山在懷州修武縣北三十二里一統志太行山在衛輝府懷慶府界一帶峯巒雖各有名然總呼爲太行沉吟後漢書曹

奮飛詩靜言思之不能奮飛毛長嘯晉書阮瞻嘗於蘇門山遙登
武登不勝藉因長嘯而退至半嶺聞有聲若鸞鳳之音響乎山谷乃登之嘯也太平實字記懷州修武縣有大門山今謂之百家巖在縣西北三十七里可容百家因名之嘯臺又有銀寬處
傳云昔康所居圖經云百家巖在縣西北三十七里一名百門山嘯臺在百門山上即孫登隱居長嘯之所

愛染大般若經於妙禪寂禪寂維摩詰經一心忽乎忽乎楚辭懷信侘傺歲云暮古詩

陶潛任天真其性頗耽酒自從棄官來家貧不能有
九月九日時菊花空滿手中心竊自思儻有人送否
白衣攜壺觴果來遺老叟河嶽英靈集作白衣且喜得斟酌安
問升與斗奮衣野田中今日嗟無負貨顯元緯本凌兀傲迷
東西蓑笠不能守傾倒疆行行酣歌歸五柳生事不

曾問肯愧家中婦婦顯元緯本凌

陶潛宋書陶潛性嗜酒家貧不能恆得親舊如其此或置酒招之造飲輒盡期在必醉爲彭
解印綬去見四卷陶斟酌陶潛詩斟酌更相呼奮衣世說郭林宗嘗兀傲

陶潛詩規一何愚家中婦成按淵明與子書曰嘗感卿仲賢妻之言敗絮自擁何慚兒子
兀傲若若類作帶字且云實用漢紀家有微帶諸諸本作家中婦雖帶婦同韻恐義不可解今據漢紀改婦字
也或以淵明有鄰里二仲室無來婦之語謂淵明安得有賢婦而愧之考南史陶潛傳其妻翟氏志
趣亦同能安苦節夫耕於前妻鋤於後不可謂無賢婦也其云室無來婦者當是翟
卒之後故云不得據此作証且肯愧家中婦較之肯愧家中婦不更難解乎

趙女彈箜篌復能邯鄲舞夫婿輕薄兒鬪雞事齊主
黃金買歌笑用錢不復數許史相經過高門盈四牡
客舍有儒生昂藏出鄒魯讀書三十年腰下無尺組
作間被服聖人教一生自窮苦

箜篌晉平公數焉鄭衛分其地而有之遂號鄭衛之音謂之淫樂也劉向唐書陸機武帝使
樂人侯調所作以稱太乙或云侯調所作其聲如塊塊應節謂之坎侯侯調爲箜篌或
謂師延靡靡之樂非也舊說亦依琴制今按其形似瑟而小七弦用撥彈之如琵琶邯鄲舞
音邯鄲才舞輕薄兒沈約詩洛陽繁華子鬪雞莊子紀渚子爲王養鬪雞許

史漢書上無許史之屬應劭曰許伯宣帝皇后父史高四牡詩四牡孔昂藏陸機孝侯

老來懶賦詩惟有老相隨宿世謬詞客宿世唐詩紀事前身
應畫師不能捨餘習偶被世人知世謬唐詩紀事名字本
皆是此心還不知世謬唐詩紀事

餘習離廣語經深入緣起斷諸

同王十三維偶然作十首 儲光義

仲夏日中時草木看欲焦田家惜功力功一作工把鋤來
東臯顧望浮雲陰往往誤傷苗歸來悲困極兄嫂
共相譏譏一作謔無錢可沽酒何以解勦勞夜深星漢明
庭宇虛寥寥高柳三五株可以獨逍遙

儲光義唐書儲光義京州人登開元進士第又中書試文章歷監察御史祿山反陷賊自

高第卑卑輔國員外奉母居著作同時其明年擢第常少府建王龍圖爲此數人皆當時之秀而
侍御聲價隆顯輒請子其文爲賦論凡七十卷雖無風雷之會意氣相感而扶危拯病皆有實達
之風故身處危難陷邦邦土生不融可以言命然其鴻黃錫範之學金石管磬之聲如登瑤臺而
進玉府靈寶藏字景物映綠流翠佳木好鳥不足稱珍嗣恩曰藻亦鳳毛麟骨恐墜先志涕泗
千里泣拜告余曰我先人與王右丞伯仲之數也相國綽綽有餘以序冠編次會縉雲之謫亡焉後輩
據文之士風流不接故小子獲承機軸伏恐瑣瑣無方噴噴遺次茫茫古道不見來者豈以龍戰害
乎嗚呼齊子競吹燕石爭鳴呼嗚呼遊之士未讀一舉已代其
峻登蘭風者乃知其選選昏明掩鬱將盡復通之者其若是乎

北山種松柏南山種蒺藜出入雖同趣所向各有

宜向一孔丘貴仁義老氏好無爲我心若虛空此道

將安施暫過伊闕間晚三伏時高閣入雲中芙蓉滿清池要自非我室還望南山陞

蔌藜郭璞雜詩注藜藜布地藜生細華子有三刺人無爲老子是以聖人處無爲之事行不言之教伊闕水經注伊水又北入

水兩山相對望之若闕伊水歷其間北流故謂之伊闕春秋之戰襄陽昭公二十六年趙鞅使女

寧守闕塞是也陸機云洛有西關斯其一焉東關西關並鑿石開軒高臺臺西側鑿下泉流東

注入於伊水博陵反都賦曰因龍門以暢化開伊闕以達聰也元和

郡縣志河南府有伊闕縣北至府七十里伊闕山在縣北四十五里

晚楚辭曰日馳晚其將入今潘岳懷舊賦曰

野老本貧賤冒暑鋤瓜田暑一作雨一畦未及終樹下高

枕眠荷篠者誰子瞻瞻來息肩不復問鄉墟相見

但依然腹中無一物高話羲皇年落日臨層隅唐詩

悠悠泛綠水去摘浦中蓮蓮花豔且美美一作妍使我不

能還

畦說文田五畝曰畦瞻瞻班固詩瞻瞻國老乃父乃兄章懷太子註息肩左傳子卿請息肩於晉

隅說文隅也浮雲在虛空隨風復卷舒我心方處順動作何憂

虞但言嬰世網不復得閑居迢遞別東國超遙來

西都見人但恭敬曾不問賢愚雖若不能言中心

亦難誣故鄉滿親戚道遠情日疎偶欲陳此意復

無南飛鳥復無一作無復

南飛鳥沈約詩無因遠往意

草木花葉生相與命爲春當非草木意信是故時

人靜念惻羣物何由知至真狂歌問夫子夫子莫

能陳鳳凰飛且鳴容裔下天津清淨無言語茲焉

庶可親

容裔張衡東京賦紛紜以容裔薛綜註容裔高低天津楚辭章句天津極

黃河流向東顧元緯本作黃河向東流弱水流向西趨舍各有異造

化安能齊妾本邯鄲女生長在叢臺既聞容見寵

復想元爲妻刻劃尙風流幸遇君招攜逶迤歌舞

座婉孌芙蓉聞日月方向除恩愛忽焉睽棄置誰

復道但悲生不諧羨彼匹婦意偕老常同棲

弱水史記索隱魏略云弱水在大秦西元中記云天下之弱者有弱水之弱水鴻毛不能載也

水力不勝然可以皮船渡通鑑魏太武擊柔然至黑水西行至黑龍水西行至黑龍水西行至黑龍水

臺漢書趙主官蓋蓋師古註連聚非一故名蓋蓋本六國時趙王故臺也在邯鄲城中水經

於少陽者也今遺基舊壘尙在元和郡縣志蓋臺在邯鄲元妻左傳昔有仍氏生女鵲黑而甚

婉孌後漢書婉孌龍章懷太子除詩小雅昔我往矣日月方除毛萇傳除除陳生不

諧後漢書周澤爲太常清議備行盡敬宗廟嘗臥病齋宮其妻哀澤老病聞問所苦澤大怒以妻

日暮登春山山鮮雲復輕遠近看春色踟躕新月

明仙人浮邱公對月時吹笙丹鳥飛熠熠蒼蠅亂

營營羣動汨吾真訛言傷我情安得如子晉與之

游太清

浮邱公列仙傳王子喬者周靈王太子晉也好吹笙作鳳鳴游伊洛之間道士浮邱公接

營營詩營營青蠅毛萇傳

耽耽銅鞮宮遙望長數里賓客無多少出入皆珠

履朴儒亦何爲辛苦讀舊史不道無家舍效他養

妻子冽冽元冬暮衣裳無準擬偶然著道書神人

養生理公卿時見賞賜賚難具紀莫問身後事且
論朝夕是

耽耽張衡西京賦大夏耽耽九開銅鞮宮左傳今銅鞮之宮數里杜預註銅鞮晉縣

東十五里太平寰宇記銅鞮城在銅鞮縣南十五里宮元和郡縣志晉銅鞮宮在潞州銅鞮縣

陸機詩鳴玉豈樓閣元冬珠履史記春申君客三千餘人朴儒

空山暮雨來衆鳥竟棲息斯須照夕陽雙雙復撫

翼我念天時好東田有稼穡浮雲蔽川原新流集

溝洫徘徊顧衡宇僮僕邀我食臥擁牀頭書一作覽睡

看機中織想見明膏煎中夜起唧唧

衡宇歸去來辭乃衡衡宇劉良註衡宇謂其所居衡門屋宇也

四鄰競豐屋我獨存卑室窈窕高臺中時聞撫清

瑟狂飈動地起拔木乃非一相顧始知悲中心憂

且慄蚩蚩命子弟恨不居高秋日入賓從歸清晨

冠蓋出中庭有奇樹榮早衰復疾此道猶不知微

言安可述

窈窕毛萇詩傳窈窕幽閒也鄭康成箋孔穎達正義皆作居處狂飈陸機南征賦狂飈起

蚩蚩毛萇詩傳蚩蚩心爲窈窕容爲窈窕之解不同微言漢書仲尼沒而微言絕師古註

西施詠河傳英靈集唐文粹唐詩

豔色天下重西施寧久微一作朝爲越溪女暮作

吳宮妃一作王姬賤日豈殊衆貴來方悟稀邀人傳脂

粉河傳英靈集作不自着羅衣君寵益驕態君憐無是非當

時浣紗伴一作當莫得同車歸持謝鄰家子持謝河傳英靈集唐詩

西施吳越春秋越王乃使相於國中得苧蘿山鬻薪之女曰西施鄭旦飾以羅浣紗太平

記諸蠻蠻有卑羅山下有石跡水是西施浣紗之所浣紗石猶存效顰莊子西施病心而顰其里之富人見之堅閉門而不出

貧人見之顰顰而去之走陸德明註顰顰曰顰顰與顰同

成敗幾日豈殊衆二言古今極難佳句然愚意以爲不及君寵益驕態二言爲尤工四言之義

俱屬慨然出之以冲和之筆遂不覺灑灑乎爲人耳之青誠有含於風人之旨也哉

李陵詠時年十九

漢家李將軍三代將門子結髮有奇策少年成壯士

長驅塞上兒深入單于壘旌旗列相向蕭鼓悲何已

日暮沙漠陲戰聲烟塵裏將令驕虜滅豈獨各王侍

既失大軍援遂嬰穹廬恥少小蒙漢恩何堪坐思此

深衷欲有報投軀未能死引領望子卿非君誰相理

李陵史記李陵爲建章監諸將射愛士卒天子以爲李氏世將使將八百騎深入匈奴

右實王於祁連天山而後陵將其射士步兵五千人出居延北可千餘里欲以分匈奴兵陵既至期

且戰連關八日還未到居延百餘里匈奴三代將門漢書李廣傳廣云三代之將道

結髮爲軍卿史記李陵傳李陵從父李廣也長驅史記輕平銳兵單于顏師古漢書註

之號也單于穹廬漢書匈奴傳匈奴父兄同穹廬故曰穹廬投軀北史投軀爲死之地引領

西望左傳引領子卿子卿蘇武字漢卿蘇武傳匈奴與漢和親漢武時於是李陵置酒賀武曰陵

宿昔之所不忘也收族陵家爲世大戮陵尚復何顧乎已矣今子卿知吾心耳異域之人一別長絕

陵起舞歌曰經萬里兮渡沙漠爲君將今奮匈奴效路窮絕今矢刀摧土衆誠令名已墮老母已死雖

欲報恩將安歸

燕子卿子卿蘇武字漢卿蘇武傳匈奴與漢和親漢武時於是李陵置酒賀武曰陵

山中燕子龕路劇羊腸惡裂地競盤屈插天多峭崿

瀑泉吼而噴怪石看欲落伯禹訪未知五丁愁不鑿

上人無生緣生長居紫閣六時自提磬一飲尙帶索

種田燒白雲斫漆響丹壑行隨拾栗猿歸對巢松鶴

時許山神請偶逢洞仙博救世多慈悲卽心無行作

周商倦積阻蜀物多淹泊巖腹乍旁穿澗昏時外拓

橋因倒樹架柵值垂藤縛鳥道悉已平龍宮爲之涸
跳波誰揭厲絕壁免捫摸山木日陰陰結跡歸舊林
一向石門裏任君春草深

燕子龕 按唐驪山宮園燕窩在崖壁上 羊腸 謂燕窩之路盤紆曲屈較羊腸更

峭崿 嶺南嶺名在雲南志云嶺南嶺之峭崿 五丁 華陽國志蜀有

紫閣 太平廣記終南山紫閣峯去長安城七十里陝西志紫閣峯在西安府鄠縣東南三

六時 後分時夜初分時夜中分時夜後分時 帶索 列子孔子游於太山見榮啓期

燒田 齊民要術凡開荒山澤田皆七月焚之草乾即放火至春而開墾其林 斫漆

丹壑 容縣丹壑山神請 山神 請法苑珠林晉盧山有釋曇

行作 維摩詰經不胸著薩曰受不受爲二若法不受則不可得 積阻 郭璞江賦

洞仙博 對博太山仙人 無

結跡 善結跡跡坐便去衆想 揭厲 則揭厲者揭衣

羽林騎閨人

秋月臨高城城中管絃思離人堂上愁稚子階前戲

出門復映戶望望青絲騎行人過欲盡狂夫終不至

左右寂無言相看共垂泪

羽林騎 漢書羽林掌從次期門武帝太初元年置名曰建章營騎後更名

冬夜書懷

冬宵寒且永夜漏宮中發草白靄繁霜木衰澄清月

麗服映顏顏朱燈照華髮漢家方尚少顧影慚朝謁

王右丞集 卷五

夜漏 成按漏刻之法孔壺爲漏浮箭爲刻視水高下以定昏明之候故曰漏刻在書謂之晝漏

朱燈 鮑照

華髮 傅休奕詩一別 尚少 漢武故事上至即見一老郎眉眉皓髮問何時爲

早朝

皎潔明星高蒼茫遠天曙槐霧暗不開 暗文苑英 城鴉鳴

稍去始聞高閣聲莫辨更衣處銀燭已成行金門儼

駟駟 金文苑英

槐霧 何遜詩城霞且見朝 更衣 漢書王莽傳張于西廂及後閣更衣中晉 銀燭 王舞

金門 漢書欽傳平津片斤曉騎金門 駟駟 張正見詩駟駟

寓言二首

朱紱誰家子無乃金張孫驪駒從白馬出入銅龍門

問爾何功德多承明主恩關雉平樂館射雉上林園

曲陌車騎盛高堂珠翠繁奈何軒冕貴不與布衣言

朱紱 韋孟諷詩輔衣朱紱四牡龍旂師古註輔衣畫爲象形而白與黑爲彩也朱 驪駒

銅龍門 漢書上嘗急召太子出龍門張晏曰門 何功德 應璩

平樂館 漢書武帝紀元封六年夏京師民觀角抵於上林平樂館東方 射

上林園 三輔黃圖漢舊儀云上林苑方三百 曲陌 陸機詩迴

君家御溝上垂柳夾朱門列鼎會中貴鳴珂朝至尊

生死在八議窮達由一言須識苦寒士莫矜狐白溫

列鼎 說苑果樹而食 中貴 史記天子使中貴人從廣服度曰中貴內臣之貴幸者索隱曰

鳴珂 劉琨唐書與服志馬珂一品以下九子四品七子五品五子爾

八議 漢書刑法志周官有八議之法

六

王右丞集卷之五

原
书
空
白
页

王右丞集卷之六

仁和趙殿成松谷箋註

古詩二十六首

夷門歌

七雄雄雌猶未分七雄唐詩品集作七國攻城殺將何紛紛秦兵益

圍邯鄲急魏王不救平原君公子爲嬴停駟馬執轡

逾恭意逾下亥爲屠肆鼓刀人嬴乃夷門抱關者非

但慷慨獻奇謀奇唐詩正音作良意氣兼將身命酬向風勿頸送

公子顏唐詩正音唐詩品集俱作頭七十老翁何所求

夷門史記魏公子無忌仁而下士無實不肖皆謙而禮交之魏有隱士曰侯嬴年七十家貧

以觀公子公子執轡愈恭侯生曰臣有客在市屠中願往車騎過之公子引車入市侯生下見其客

朱亥俛倪故立久與其客語微察公子顏色愈和侯生乃謝客就車至家公子引侯生坐上坐

侯生曰今日贏之爲公子亦足矣嬴乃夷門抱關者也而公子親往車騎自迎贏於衆人廣坐之中

不宜有所過今公子故過之然欲就公子之名故久立公子車騎市中人皆以贏爲小人而以

公子爲長者能下士也魏安釐王二十年秦兵圍邯鄲公子姊爲平原君夫人數遺魏王及公子書

請救於魏魏王使將軍晉鄙將十萬衆救趙留軍壁鄴實持兩端以觀望公子數請魏王魏王不聽

公子乃請賓客約車騎百餘乘往赴秦軍與趙俱死行過夷門見侯生侯生曰聞晉鄙之兵符常

在王臥內而如姬出入王臥內力能解之公子誠一開口請如姬如姬必許請則得符虎符奪晉鄙軍

北救趙而西却秦公子從其計請如姬如姬泣涕曰臣死且不避臣死且不避臣死且不避臣死且不避

客屠者朱亥可與俱此人力士晉鄙聽大驚不聽可使擊之於是公子請朱亥朱亥曰臣乃市井鼓

刀屠者而公子親數存之所以不報謝者以爲小禮無所用今公子有急此乃臣效命之秋也遂與

公子俱公子過謝侯生侯生曰臣宜從老不特請數公子行以至晉鄙軍之日北向自願以送公

子公子遂行至鄴魏王令代晉鄙晉鄙合符疑之欲無聽朱亥袖四十斤鐵椎椎殺晉鄙軍解去救邯鄲存趙

魏燕趙齊魏燕趙齊雄雌東方朔客難并爲意氣謝承後漢書楊喬曰七十老翁意氣何所求哉雄雌何所求哉意氣謝承後漢書楊喬曰七十老翁意氣何所求哉七十老翁何所求哉

新秦郡松樹歌

青青山上松數里不見今更逢不見君心相憶此心

向君君應識爲君顏色高且閑亭亭迴出浮雲間

新秦郡唐書地理志關內道有麟州新秦郡開元十二年析勝州之連谷銀城置十四年廢天寶元年復置

青雀歌

青雀翅羽短未能遠食玉山禾猶勝黃雀爭上下唧

唧空倉復若何

青雀爾雅桑扈脂郭璞註俗謂之青雀玉山禾鮑照空城雀詩賦不空倉唐詩

青雀爾雅桑扈脂郭璞註俗謂之青雀

同詠

盧象

啾啾青雀兒飛來飛去仰天池逍遙飲啄安涯分

何假扶搖九萬爲

扶搖莊子窮髮之北有冥海者天池也有魚焉其廣數千里未有知其脩者其名為鯨有鳥焉

南陸德明註司馬彪云上行風謂之扶搖爾雅

同詠

王縉

林間青雀兒來往翩翩繞一枝莫言不解銜環報

但問君恩今若爲

銜環續齊書記去歲楊寶性慈愛年九歲至華陰山見一黃雀爲鷦鷯所搏墮逐樹下傷處甚

置巾箱中啖以黃花連日毛羽成飛翔翔去暮來宿巾箱中如此積年忽與羣雀俱來哀鳴嗟

堂數日乃去是夕寶三更讀書有黃衣童子曰我王母使者昔使蓬萊爲鷦鷯所搏蒙君之仁獲見

此環矣寶之孝大聞天下名位日隆子震震生乘乘生處四世三公

同詠

崔興宗

青尾繞青林翩翩陋體一微禽不應長在藩籬下

他日凌雲誰見心

青尾謝朓詩青尾飛不礙翩翩張華鷦鷯賦青尾之陋體今無藩籬藩籬張華鷦鷯賦

同詠

裴迪

動息自適性不曾妄與燕雀羣幸忝鴛鴦早相識

何時提攜致青雲

燕雀羣史記鳳凰不與燕雀爲羣

隴頭吟一作邊情

長城少年游俠客城頭元碑本河漢英夜上戍樓看太白隴頭

明月迴臨關迴唐詩品隴上行入夜吹笛關西老將不勝

愁駐馬聽之雙淚流一作涕一身經大小百餘戰唐詩品麾下

偏裨萬戶侯蘇武纔爲典屬國節旄空盡海西頭一作空盡

隴頭吟樂府詩集隴頭一曰隴頭水通典曰天水郡有大阪名曰隴山即漢

樓唐詩品太白晉書太白進退以侯兵高舉遠望見伏用兵皆象之吉其

其對國若經天下平民隴關章懷太子後漢書隴關山之關關西老將

更王是謂亂紀人衆流亡隴關今名大震關在今隴州汧源縣西關西老將

東出將關大小戰項羽戰大小百餘麾下下正義曰應謂大將之旗偏裨

漢書大將軍出必有偏裨萬戶侯當商祖世萬戶侯豈是道哉蘇武漢書昭帝紀移

奴留單于庭十九歲乃還奉使全節以武爲典屬國賜錢百萬如海註以其久在外國知邊事故令

典主諸國師古曰典屬國本秦官漢因之掌歸義蠻夷蘇武本傳匈奴使武北海無人處使收

瓶乳乃得歸武既至海上廩食不至掘野鼠去草海西頭隋煬帝詩淮南

食而食之杖漢節牧羊臥起操持節旄盡落海西頭江北海西頭

老將行

少年十五二十時步行奪取胡馬騎取樂府詩射殺山中

白額虎山中一作中山肯數鄴下黃鬚兒一作陰山一身轉戰三千里

一劍曾當百萬師漢兵奮迅如霹靂虜騎崩騰畏疾

黎衛青不敗由天幸李廣無功緣數奇一作從棄置便

衰朽更世事蹉跎成白首昔時飛箭無全目一作箭今

日垂楊生左肘路傍時賣故侯瓜門前學種先生柳

茫茫古木連窮巷唐詩品寥落塞山對虛牖

誓令疏勒出飛泉不似潁川空使酒賀蘭山下陣

如雲羽檄交馳日夕聞節使三河募年少三劉本願可久本唐

詔書五道出將軍試拂鐵衣如雪色聊持寶劍動星

文願得燕弓射大將本唐詩品莫嫌舊日雲中守猶堪一戰立功勳

白額虎晉書周處謂父老曰今時和歲豐何苦而不樂耶父老嘆曰三害未除何樂之有處

搏殺黃鬚兒劉孝標世說新語曰任城威王彭越子文太祖下太后第二子性剛勇而黃

轉戰漢書趙充國傳充國曰臣聞兵法貴審勢而後進今將軍之兵雖多而無用臣恐其

狹路微徑張蹇蹇高四寸廣八寸長六尺以上千二百具敗走騎陣雅疾黎布天幸

地發生子有三角刺人狀如菱而小今兵家乃鑄鐵爲之以便勒路亦呼爲黎布

病所將常選然亦敢深入常與壯騎先其大軍亦有天幸數奇史記李廣傳元朔六年廣復爲

未嘗困絕也按天幸乃去病事今指衛青蓋誤用也

匈奴諸將多中首廣率以功爲侯者而廣更無功元狩四年廣從大將軍青擊匈奴陰受上詔以

爲李廣老數奇毋令當單于恐不得所欲如淳註數奇爲匈奴所敗奇爲不偶也索隱曰案服虔云

事數不偶也宋景文公筆記漢書李廣傳數奇註切爲所敗學者皆曰數奇音胡徐公廣嘗

世大儒亦從曰數後予得江南本乃所具反由是復觀顏註乃顏破胡所具反云世人不知之

東野語李廣傳數奇毋令當單于註奇不偶也言廣命隻不偶也數奇所切奇居宜切宋景文

以爲江南本漢書數奇乃所具切字乃其字之誤耳然或爲疑案因考數文類聚漢書數奇

奇命漢書數奇乃所具切字乃其字之誤耳然或爲疑案因考數文類聚漢書數奇

關塞漢書數奇乃所具切字乃其字之誤耳然或爲疑案因考數文類聚漢書數奇

數奇乃所具切字乃其字之誤耳然或爲疑案因考數文類聚漢書數奇

數奇乃所具切字乃其字之誤耳然或爲疑案因考數文類聚漢書數奇

數奇乃所具切字乃其字之誤耳然或爲疑案因考數文類聚漢書數奇

數奇乃所具切字乃其字之誤耳然或爲疑案因考數文類聚漢書數奇

數奇乃所具切字乃其字之誤耳然或爲疑案因考數文類聚漢書數奇

數奇乃所具切字乃其字之誤耳然或爲疑案因考數文類聚漢書數奇

數奇乃所具切字乃其字之誤耳然或爲疑案因考數文類聚漢書數奇

數奇乃所具切字乃其字之誤耳然或爲疑案因考數文類聚漢書數奇

數奇乃所具切字乃其字之誤耳然或爲疑案因考數文類聚漢書數奇

越用

削其爵
馮唐持節

燕支行一時年二十

漢家天將才且雄天顧元緯本唐詩品彙俱作大來時謁帝明光宮來時一作萬

乘親推雙闕下千官出餞五陵東誓辭甲第金門裏

身作長城玉塞中衛霍纔堪一騎將纔凌本作才朝廷不數

貳師功不唐文粹樂府詩集俱作莫趙魏燕韓多勁卒關西俠少何咆勃

報讎只是聞嘗膽飲酒不曾妨刮骨畫戟

雕戈白日寒連旗大旆黃塵沒疊鼓遙翻瀚海波鳴

笏亂動天山月天樂府詩集作關麒麟錦帶佩吳鉤
 颯踏青驪躍

紫騮拔劍已斷天驕臂歸鞍共飲月支頭漢兵大呼

一當百虜騎相看哭且愁教戰須令赴湯火

終知上將先伐謀先伐謀唐文粹樂府詩集俱作伐謀猷

燕支史記漢使驃騎將軍去病將萬騎出隴西過焉支山千餘里擊匈奴得胡首虜騎萬八千餘級元和郡縣志焉支山一名刪丹山在甘肅刪丹縣南五十里東西百餘里南北二十

里水莛茂美與祁連同匈奴失祁連焉支二山乃歌曰亡我祁連山使我六畜不蕃息失我焉支山使我婦人無顏色楊炎燕支山神寧濟公祠堂碑西北之巨鎮曰燕支本匈奴王庭昔漢武納渾邪

開右地置武威張掖而山界二郡之間連
峯委會雲霧起積高之勢四向千里
親推史記上古王者之遣將也跪而推轂曰
以內者寡人制之闔以外者將軍制之
推

爾雅謂之闕郭璞註宮門雙闕邢昺疏周禮太宰正月之吉辨治象之法於象魏使萬民觀治象鄭衆云象魏闕也劉熙釋名云闕在門兩旁中央闕然爲道也白虎通云闕是闕疑義又

相兼然則其上縣法象其狀巍赫然高大謂之象魏使人觀之謂之觀也是觀與象魏闕一物而三名也以門之兩旁相對爲雙故名雙闕雅錄闕之得名也以其立土爲高夾峙宮門兩旁而中間闕

王右丞集 卷六

六七

然也周官象魏春秋兩觀皆其物矣秦始皇表南山爲闕取峰巒也處名之爲千官荀子古者天子千官闕也東晉寓金陵或欲造闕王導指牛首山曰此天闕也則闕之爲制可想矣

五陵班固西都賦南望杜陵北眺五陵按李善注宣帝之杜陵文帝之霸陵此二陵皆在南高帝之長陵惠帝之安陵景帝之陽陵武帝之茂陵昭帝之平陵此五陵皆

辭甲第一漢書霍去病傳上爲治第今視之對曰匈奴不滅無以家爲也霍光傳賜甲第

註甲第第
一宅也
玉塞晉書載控絲
王塞羅馬金山
衛霍漢書遣大將軍衛青去病攻祁連山
絕大漢窮追單于斬首十餘萬級
貳師拜李

萬廣利爲貳師將軍發屬國六千騎及郡國惡少年數
人以往伐宛期至貳師城取馬故號貳師將軍

勁卒 晉書謝萬傳諸將皆勁卒

咆勃 漢書申威

於河外何猛氣之咆勃李
嘗膽史記越王句踐反國乃苦其
臥卽仰膽飲食亦嘗膽也曰女忘會稽之恥邪刮骨三國志關

羽嘗爲流矢所貫其左臂後瘡雖愈每至陰雨骨嘗疼痛醫曰矢鏃有毒毒入骨當破臂作創刮骨去毒然後此患乃除耳羽便仰臂令醫劈之時羽適請諸將飲食相對臂血流離盈於盤器而羽

畫戟謂會說文戈平頭戟也從戈一橫之象形也徐曰謂戟小支上向具雕戈

國語穆公衡雕戈出見使者韋昭註雕鏤也

大旆左傳亡大旆之左旗杜預註大旆旗名

疊鼓謝朓詩疊鼓送華朝李善註小擊鼓謂之疊張銑註疊鼓其聲

重疊
瀚海
史記禪姑衍臨瀚海而還如淳註瀚海北海名正義曰按瀚海自一大海名羣鳥解羽伏乳於此因名也
鳴笳
魏文帝與吳質書從者鳴笳以啓路謝靈

運詩鳴笳發春濤稅鑾登天山史記正義天山一名白山今名折漫羅山在伊吾縣北百二十里
山椒李周翰註笳簫也史記索隱祁連山西河舊事云山在張掖酒泉二界上東西

二百餘里南北百里有松柏五木美水草冬溫夏涼宜畜牧養一名天山亦曰白山也晉灼漢書註天山在西域近蒲類國去長安八千餘里北邊備對天山卽祁連山也又名時漫羅山又名祁漫羅

山蓋虜語謂爲祁連也時漫羅也祁漫羅也皆天也通典元和志于張掖縣既著祁連山矣而伊西庭三州皆有此山則是自甘肅張掖而西至於庭州相去二千五百里而天山皆能周徧其地此

山亦廣長矣
吳鉤
鮑照詩錦帶佩吳鉤李周輪註吳鉤鉤頭小曲吳越春秋闔閭命於國中作金鉤令曰能爲吾鉤者賞之百金吳作鉤者甚衆而有人食王之重賞也殺其

二子以血釐金遂成二鉤獻於閭閻詰宮門而求賞王曰爲鉤者衆而子獨求賞何以異於衆夫子之鉤乎作鉤者曰吾之作鉤也食而殺二子釐成二鉤王乃舉衆鉤以示之何者是也王鉤甚多形

體相類不知其所在於是鉤師向鉤而呼二子之名吳鴻屬稽我在於此王不知汝
之神也聲絕於口兩鉤俱飛着父之胸吳王大驚曰嗟乎寡人誠貪於子乃費百金青
麗爾雅釋馬

云青驪駒乃房陵舍人曰青驪馬今名驪馬也孫炎曰色青黑之間青毛黑毛相雜者名驪今之鐵驪也紫騮赤色馬唐人謂之紫騮後人改呼爲騮

天馬漢書胡者

天之驕子
斷臂
漢書孝武之世圖制匈奴其兼從西域結黨南羌乃表河曲四郡開玉門通西域以斷匈奴右臂
月支頭
史記匈奴破月支王

以其頭爲一當百後漢書光武帝紀諸將既經累捷膽氣益壯無不一當百赴湯火漢書鼂錯傳故能使其衆蒙矢石赴湯火視死如生

上將淮南子故上將之用兵也上得天道下得地利中得人心乃行之以機發之以勢是以無破軍敗兵伐謀孫子上兵伐謀其次伐交其次伐兵其下攻城

桃源行時年十九

魚舟逐水愛山春
兩岸桃花夾去津
去唐文粹方輿勝覽
樂府詩集俱作古
坐看

樹不知遠行盡青溪不見人

行始隈隩山開曠望旋平陸遙看一處攢雲樹近

六七

問寇校書雙溪

君家少室西爲復少室東別來幾日今春風新買雙溪定何似餘生欲寄白雲中

校書按唐書百官志文館有校書郎二人集賢殿書院有校書四人秘書省有校書郎少十人著作局有校書郎二人學文館有校書郎二人司經局有校書四人俱九品官

室元和郡縣志少室山在河南府告成縣西北五十里晉封縣西十里高十六里周迴三十里

寄崇梵僧

崇梵僧崇梵僧秋歸覆釜春不還落花啼鳥紛紛亂澗戶山牕寂寂閑峽裏誰知有人事郡中遙望空雲山

山

崇梵僧江都縣志王右丞濟州詩云汝陽歸客司馬君實云其地則唐濟澗戶北山

澗戶北山

同崔傳荅賢弟

洛陽才子姑蘇客桂苑殊非故鄉陌桂苑本杜牧詩本願可久九江楓樹幾回青一片揚州五湖白揚州本唐詩品集作杜牧詩正

時有下江兵蘭陵鎮前吹笛聲夜火人歸富春郭秋風鶴唳石頭城周郎陸弟爲傳侶對舞前溪歌白苧

曲機書留小史家史唐詩品草堂暮賭山陰墅衣冠若話外臺臣先數夫君席上珍更聞臺閣求三語遙想風

流第一人

洛陽才子潘岳西征賦賈姑蘇太平實字記隋平陳改吳州爲蘇州蓋因西有姑

里連橫山之北城絕書云吳地舊門外有九曲路關盧造桂苑太平實字記桂苑吳立

陽吳郡賦云數軍實故鄉陌謝朓詩吳東流九江南齊荊州九江孔殷孔安國傳

達正義云傳以江是此水大名九江謂大江分而爲九猶大河分爲九河故言江於此州之界分爲

九道鄭云殷猶多也九江從山溪所出其孔衆多地理志九江在今江蘇江蘇縣南皆東合於大江

如鄭此義九江各自別源其源非大江也下流合於大江耳然則江以兩水無大小俗人皆呼爲江

明經典釋文九江澤陽地記云一曰爲江二曰蚌江三曰爲江四曰嘉陵江五曰映江六曰渡江

七曰漢江八曰提江九曰江一曰爲江二曰蚌江三曰爲江四曰嘉陵江五曰映江六曰渡江

志太湖一湖而名曰五湖昭餘一澤而五湖太湖經江東南注於具區謂之五湖五湖昭餘

是也五湖昭餘太湖經江東南注於具區謂之五湖五湖昭餘太湖經江東南注於具區謂之五湖

五湖昭餘太湖經江東南注於具區謂之五湖五湖昭餘太湖經江東南注於具區謂之五湖

五湖昭餘太湖經江東南注於具區謂之五湖五湖昭餘太湖經江東南注於具區謂之五湖

五湖昭餘太湖經江東南注於具區謂之五湖五湖昭餘太湖經江東南注於具區謂之五湖

五湖昭餘太湖經江東南注於具區謂之五湖五湖昭餘太湖經江東南注於具區謂之五湖

五湖昭餘太湖經江東南注於具區謂之五湖五湖昭餘太湖經江東南注於具區謂之五湖

五湖昭餘太湖經江東南注於具區謂之五湖五湖昭餘太湖經江東南注於具區謂之五湖

五湖昭餘太湖經江東南注於具區謂之五湖五湖昭餘太湖經江東南注於具區謂之五湖

五湖昭餘太湖經江東南注於具區謂之五湖五湖昭餘太湖經江東南注於具區謂之五湖

五湖昭餘太湖經江東南注於具區謂之五湖五湖昭餘太湖經江東南注於具區謂之五湖

五湖昭餘太湖經江東南注於具區謂之五湖五湖昭餘太湖經江東南注於具區謂之五湖

五湖昭餘太湖經江東南注於具區謂之五湖五湖昭餘太湖經江東南注於具區謂之五湖

五湖昭餘太湖經江東南注於具區謂之五湖五湖昭餘太湖經江東南注於具區謂之五湖

五湖昭餘太湖經江東南注於具區謂之五湖五湖昭餘太湖經江東南注於具區謂之五湖

五湖昭餘太湖經江東南注於具區謂之五湖五湖昭餘太湖經江東南注於具區謂之五湖

五湖昭餘太湖經江東南注於具區謂之五湖五湖昭餘太湖經江東南注於具區謂之五湖

五湖昭餘太湖經江東南注於具區謂之五湖五湖昭餘太湖經江東南注於具區謂之五湖

五湖昭餘太湖經江東南注於具區謂之五湖五湖昭餘太湖經江東南注於具區謂之五湖

五湖昭餘太湖經江東南注於具區謂之五湖五湖昭餘太湖經江東南注於具區謂之五湖

五湖昭餘太湖經江東南注於具區謂之五湖五湖昭餘太湖經江東南注於具區謂之五湖

五湖昭餘太湖經江東南注於具區謂之五湖五湖昭餘太湖經江東南注於具區謂之五湖

五湖昭餘太湖經江東南注於具區謂之五湖五湖昭餘太湖經江東南注於具區謂之五湖

五湖昭餘太湖經江東南注於具區謂之五湖五湖昭餘太湖經江東南注於具區謂之五湖

五湖昭餘太湖經江東南注於具區謂之五湖五湖昭餘太湖經江東南注於具區謂之五湖

五湖昭餘太湖經江東南注於具區謂之五湖五湖昭餘太湖經江東南注於具區謂之五湖

鮮名爲辟惡接氏春秋何晏以伏日食湯餅取中拭汗
面色皎然乃知非傳粉則伏日湯餅自魏以來有之
春渚 謝靈運有富春渚詩呂延濟註富春渚在錢塘江上
任昉詩朝發富春渚向江春渚名渚水出也

雪中憶李揖

積雪滿阡陌故人不可期
長安千門復萬戶何處蹀
躞黃金羈

蹀躞 吳均詩蹀躞青驄馬
黃金羈 吳均詩白馬黃金羈

送崔五太守

長安廐吏來到門朱文露網動行軒
九折坂玉樹宮南五丈原褒斜谷中不容憶惟有白
雲當露冕子午山裏杜鵑啼嘉陵水頭行客飯劍門
忽斷蜀川開萬井雙流滿眼來霧中遠樹刀州出天
際澄江巴字回使君年幾三十餘
城居欲持畫省郎官筆
長安廐吏 漢書朱買臣拜會稽太守長安廐吏來迎買臣遂乘
傳去張晏註故事大夫乘官車駕驄如令州牧刺史矣 朱文 後漢
書王

黃花縣

太平實字記黃花縣在鳳州北六十里本漢故道
縣地唐武德元年分梁泉縣置東有黃花川因名之
寶曆元年以其 九折坂 漢書張邦王陽爲益州刺史行部至邛郯九折坂嘆曰奉先人遺體
地併入梁泉 今謂玉樹根盤盤時三二百年木也楊震關輔古語云書
嘉慶道縣一日新道山南有九折坂其坂阻峻曲回九折乃至山上王樹宮 官北岸有槐樹
響處也方輿勝覽九折坂在邛崃山其坂阻峻曲回九折乃至山上王樹宮 官北岸有槐樹
今謂玉樹根盤盤時三二百年木也楊震關輔古語云書 響處也方輿勝覽九折坂在邛崃山其坂阻峻曲回九折乃至山上王樹宮 官北岸有槐樹

五丈原

水經註斜谷水逕五丈原東
軍在五丈原在武功西十里元和郡縣志 褒斜谷 括地志褒斜二谷在漢中郡褒城縣
五丈原在鳳翔府郿縣西南一十五里 褒斜谷 括地志褒斜二谷在漢中郡褒城縣
口三里然對峙南曰褒北曰斜在唐爲驛路以通巴漢 北五十里南谷曰褒北谷曰斜長四百
七十里同爲一谷方輿勝覽鳳州之東與元之西褒斜谷在焉谷 不容憶 唐詩長安有
口三里然對峙南曰褒北曰斜在唐爲驛路以通巴漢 北五十里南谷曰褒北谷曰斜長四百

子午谷

顏師古漢書註京城直南口有谷通梁漢道名子午谷一
慢也 統志子午谷在西安府城南一百里中路通南北故名 杜鵑啼
源從利州下流入劍門縣界一統志嘉陵江在漢中府略陽縣治西南源出鳳州東大散關發
源從利州下流入劍門縣界一統志嘉陵江在漢中府略陽縣治西南源出鳳州東大散關發
兩當略陽會東谷等水流經四 劍門 唐六典註劍門在劍州普安縣界今謂之劍門太平實字
川利開合州至重慶府入大江 劍門 唐六典註劍門在劍州普安縣界今謂之劍門太平實字

大劍山至此有梁家之路故曰 蜀川 杜氏通典今蜀郡漢陽唐安驛 萬井 漢書一同百里
劍門峽雖距劍門會於此 左思蜀都賦帶二江之流劉涓子注水出岷山分爲二江經成都東南流經之故曰
雙流 帶也水經註成都縣有二江雙流其下故揚子雲蜀都賦云兩江其前者也太平實字
記秦李冰穿二江於成都城中 刀州 晉書王濬夜夢三刀於臥屋梁上須臾又益一刀濬驚
皆可行舟今謂內江外江是也 明府其時益州刺史唐人以蜀地爲刀州本此如姚合詩云東川橫劍閣南近刀州
武元衡詩云錦谷嵐烟裏刀州曉照西又云刀州城北劍山東甲士屯雲騎散風參差李遠李端雅
陶集中皆有之 巴字 於巴記開巴二字東南流曲折三回如巴字文獻通考巴江自古集來派
並用王濬事也 成巴字或云江分三流中有小 白哲 左傳有君子白哲實難居口漢書霍光
流橫貫成巴字故以爲名 詠詩待事城好青拖墨之司張純註事權也謂擅一城也謂守宰之屬 畫省 杜氏通典
詠詩待事城好青拖墨之司張純註事權也謂擅一城也謂守宰之屬 畫省 杜氏通典
粉塗壁畫省賢烈女 郎官筆 宋書百官志漢官云南書丞郎月賜 臨邛 漢書司馬
長老多言通西南夷之不爲用大臣亦以爲然相如欲諫業已建之不敢乃著
書籍蜀父老爲辭而已詰難之以風天子且因言其使指令百姓皆知天子意

送李睢陽

將置酒思悲翁使君去出城東麥漸漸雉子斑槐陰
陰到潼關騎連連車遲遲 心中悲宋又遠周
間之南淮夷東齊兒碎碎織練與素絲游人賈客信
難持五穀前熟方可爲下車閉閣君當思天子當殿
儼衣裳太官尙食陳羽觴形庭散綬垂鳴璫黃紙詔
書出東廂輕紉疊綺爛生光宗室子弟君最賢分憂
當爲百辟先布衣一言相爲死何況聖主恩如天鸞
聲噦噦魯侯旗明年上計朝京師須憶今日斗酒別
慎勿富貴忘我爲

李睢陽

唐書李暉性厚厚宦有美名以王孫封趙國公楊國忠
悲翁 宋書班固吹簫歌十八曲 麥漸漸 而朝雉舍愛註漸漸含秀之貌也 雉子
斑 宋書班固吹簫歌十八曲 宋周 郡東至彭城郡西界二百十里西南到淮陽郡二百八十八
里去東京七百 淮夷 淮陽之南則淮海孔穎達毛詩正義 齊兒 淮陽之東則古齊地
欲以此爲 下車 漢書班固爲定襄太守定襄聞伯素貴年少自請治驛畏其下車作威吏民咸
俗耶 恩右丞作苗公德政碑云或聞開恩政或下車作威政用其事此詩以下車聞

淮夷

淮陽之南則淮海孔穎達毛詩正義 齊兒 淮陽之東則古齊地
欲以此爲 下車 漢書班固爲定襄太守定襄聞伯素貴年少自請治驛畏其下車作威吏民咸
俗耶 恩右丞作苗公德政碑云或聞開恩政或下車作威政用其事此詩以下車聞

建禮高秋夜承明候曉過九門寒漏徹萬井曙鐘多月迴藏珠斗雲消出絳河消文苑更慚衰朽質南陌共

鳴珂

寓直成按潘岳秋興賦序云予春秋三十有二始見二毛以太尉掾兼虎賁中郎將寓直於散騎之省本以虎賁中郎將無省故寄直於散騎省耳後人則以直宿禁中爲寓直矣

曙鐘唐周詩風長曙鐘珠斗謂斗星相絳河初學記天河亦

奉和楊駙馬六郎秋夜卽事

高樓月似霜秋夜鬱金堂對坐彈盧女同看舞鳳凰少兒多送酒小玉更焚香結束平陽騎明朝入建章

楊駙馬按唐書公主列傳元宗二十九女駙馬楊姓者凡七人未知孰是月似霜梁元帝詩元氣鬱金堂

沈佺期詩舞鳳凰張衡東京賦鳴女之鸞少兒漢書陽信長公主家僮衛姬長

小玉純令暉有代蜀沙門妻郭小玉作二首又白居易詩吳妖小玉飛作烟自註云大差女小玉死後形見於王其母抱之霞散空然觀元微之詩小玉上牀鋪夜衾李長吉

詩小玉開屏見山色與石平陽騎史記大將軍衛青者平陽人也其父鄭季爲吏給事平陽

乃召青爲建章監侍中

成按漢書少兒初與霍仲孺通生去病後更爲管事陳掌妻衛青初爲平陽侯家騎後青尊貴而平陽侯曹壽有惡疾就國上詔青尙平陽主皆非駙馬家美事而右丞用之蓋唐時引事初無顧忌若此也

酬虞部蘇員外過藍田別業不見留之作

貧居依谷口喬木帶荒村石路枉迴駕山家誰候門漁舟膠凍浦獵火燒寒原燒一作燒惟有白雲外疎鐘聞夜

猿聞字疑是問字之訛

虞部劉陶唐書職官志工部有虞部員外郎一員從六品上藍田別業一統志輿川別業在西安府藍田縣西南輿地唐王維別業於此

酬比部楊員外暮宿琴臺朝躋書閣率爾見贈

之作畫凌本文苑華俱作堂

舊簡拂塵看鳴琴候月彈候文苑英桃源迷漢姓源一作松樹有秦官樹顧元諱本凌空谷歸人少青山背日寒羨君棲隱

處遙望白雲端樓凌本作

秦官藝文類聚漢官儀曰秦始皇上封泰山逢疾風暴雨輒得松樹因復其下封爲五大夫初學記小夫門有秦時五大夫松見在

酬嚴少尹徐舍人見過不遇

公門暇日少窮巷故人稀偶值乘籃輿非關避白衣不知炊黍否誰解掃荆扉君但傾茶碗無妨騎馬歸

少尹唐六典京兆府南門外府尹一公門東觀漢記吳漢南陽人鄧禹及諸將多薦

舉晉書陶潛傳刺史王宏以元熙中臨州甚欽之自造焉潛稱疾不見宏每令人候之密知

出與相聞送飲宴窮日安要之還州問其所乘答曰素無車馬向乘籃輿亦足

自反乃令一門生二兒共舉之至州而言笑實不覺有疾於華軒也

慕容承攜素饌見過

紗帽烏皮几閒居懶賦詩門看五柳識年算六身知靈壽君王賜雕胡弟子炊空勞酒食饌特底解人頤

烏皮几謝眺有同題座上玩六身左傳晉悼夫人食輿人之城杞者緣縣人或年長矣

知紀年臣生之歲正月甲子朔四十五甲子矣其季於今三之一也吏走問諸朝師曠曰七

正義云二書爲首六書爲身下首之二書並之使如其身

旁則是生來日數也因畫似算位故假之以爲言

酬慕容上一作酬慕

行行西陌返駐轡問車公轡劉本顧可久挾轂雙官騎應門

五尺僅老年如塞北強起離牆東爲報壺邱子來人道姓蒙姓字疑是

車公杜氏通車引爲恒溫治中有官騎後漢書將軍官騎二十人應門晉書

尺之童傳內無應門五壺邱子高士傳壺邱子林若卿人也道

酬張少府

晚年惟好靜一作來萬事不關心自顧無長策長一作空知返

舊林知文苑英華作如松風吹解帶山月照彈琴君問窮通理君一作若

漁歌入浦深

喜祖三至留宿

門前洛陽客下馬拂征衣不枉故人駕平生多掩扉
行人返深巷積雪帶餘暉早歲同袍者高車何處歸

荅王維留宿

祖詠

四年不相見相見復何爲握手言未畢却令傷別
離升堂還駐馬酌醴便呼兒語默自相對安用傍
人知

酬賀四贈葛巾之作

野巾傳惠好茲貺重兼金嘉此幽棲物能齊隱吏心
早朝方暫挂晚沐復來簪復來一作更坐覺羈塵遠思

君共入林

兼金趙岐孟子註兼金好金也其價兼倍於常者故謂之兼金江淹詩兼金重兼金晚沐沈約詩晨遊建禮門沐以郊園李善註沐休沐也入林

世說謝公道豫章若遇七寶必自把臂入林

寄荊州張丞相

所思竟何在悵望深荊門舉世無相識終身思舊恩
方將與農圃藝植老邱園目盡南飛鳥飛鳥顧元緯本凌本俱作無雁何由

寄一言

張丞相劉昫唐書開元二十五年監察御史周子諒上書忤旨擢之殿庭朝堂決杖死之向書右丞相張九齡以會黨引子諒左授荊州長史所思竟

何在沈約臨高臺詩云所思竟何在洛陽南陌頭劉孝綽權歌行云所思竟何在相望徒盈盈首聯全學其句荊門威安之荊州記郡西沔江六十里南岸有山名曰荊

門北岸有山名曰虎牙二山相對楚之西塞也虎牙石壁紅色間有白文如牙齒狀荊門上合下開開達山南有門形故因以爲名然唐人多呼荊州爲荊門文人稱謂如此不惟指荊門一山矣

輞川閒居贈裴秀才迪

寒山轉蒼翠轉顧可久本作積秋水日潺湲倚杖柴門外臨風聽

暮蟬渡頭餘落日墟里上孤烟復值接輿醉狂歌五
柳前

輞川李肇國史補王維好釋氏故字摩詰立性高致得宋之問輞川別業山水絕勝今清源寺是也雍錄輞川在藍田縣西南二十里王維別墅在焉宋之問別墅也陝西通志輞川在藍田縣南嶺山之口去縣八里川口爲兩山之峽隨山鑿石計五里許路甚險狹過此豁然開朗村墅相望蔚然桑麻肥饒之地四顧山樹掩映似若無路環轉而南凡十三區其美愈奇王摩詰別業在焉有孟城坳華子岡文杏館斤竹嶺二十景維日與裴迪遊其間輞川圖四幅沈國華摹十二幅舉世寶之墟里陶潛詩曖曖遠人村依依墟里烟

冬晚對雪憶胡居士家居一作處〇一作王劭詩

寒更傳曉箭一作寒更清鏡覽衰顏一作減隔牖風驚竹開門

雪滿山一作簾灑空深巷靜積素廣庭閑借問袁安舍脩

然尙閉關

袁安汝南先賢傳時大雪積地大餘洛陽令自出案行見人家皆除雪出有食者至袁安門無有行路謂安已死令人除雪入戶見安僵臥問何以不出安曰大雪人皆餓不宜干入今以爲賢舉爲孝廉

山居秋暝

空山新雨後天氣晚來秋明月松間照清泉石上流

竹喧歸浣女蓮動下漁舟隨意春芳歇王孫自可留

春芳歇劉錫詩屢見流芳歇王孫楚辭王孫游兮不歸春草生兮萋萋

歸嵩山作

清川帶長薄清文苑英華作晴車馬去閒閒流水如有意暮禽相

與還禽文苑英華作雲荒城臨古渡落日滿秋山迢遞嵩高下高文苑

歸來且閉關一作掩

嵩山按元和郡縣志嵩高山在河南府告成縣西北二十三里登封縣北八里亦名外方山東曰太室西曰少室嵩高總名即中嶽也山高二十里周回一百三十里長

薄陸機君子有所思行曲池何湛湛清川帶華薄又按歌按嵩高長薄李周翰註草木叢生曰薄

歸輞川作

谷口疎鐘動漁樵稍欲稀悠然遠山暮獨向白雲歸

菱蔓弱難定楊花輕易飛東臯春草色惆悵掩柴扉

韋給事山居

幽尋得此地幽尋處本詎有一人曾大壑隨階轉羣山入
戶登庖廚出深竹印綬隔垂藤即事辭軒冕誰云病
未能

山居即事

寂寞掩柴扉蒼茫對落暉鶴巢松樹偏樹偏本人訪華
門稀嫩竹含新粉嫩粉本紅蓮落故衣渡頭燈火起處處
採菱歸

蒼茫

庚信詩日晚荒城上蒼茫餘照

華門

左傳華門圭寶之人杜預註華門柴門也禮記華門圭寶鄭康成註華門荆竹編門也

蓮衣

終南山

太乙近天都太乙一作終南山連山到海隅山文苑英華作天白雲迴望合青
靄入看無分野中峯變陰晴衆壑殊欲投人處宿隔
水問樵夫水文苑英華作浦○樂府詩集採此詩後四句作一首題曰睦州歌第一

太乙

義曰太乙一名終南山在扶風武功縣此云終南山一不得爲一山明矣蓋終南山之
總名太乙一山之別號耳潘岳西征賦亦云面終南山而背雲陽跨平原而連嶺峽九變嚴辭太乙一
從唐書地理志京兆府武功縣西北一山高八里一統志太乙一山在終南山南二十里連亘秀特
上插雲霄皆以終南山一爲二山也右丞
此作則猶以太一爲終南山之別稱耳

青靄

成按唐詩紀事云或說此詩爲詩時之作謂太乙近天都連山接海隅言勢險難據野也白雲迴
望合青靄入看無言有表而無其內也分野中峯變陰晴衆壑殊言思澤偏也欲投人處宿隔水問
樵夫言畏獨深也其說甚鑿王友亮書蘭之曰詩有二義或寄懷於景物或寓情於風物各有指
歸乃好事之徒每以附會爲能無識其詩之爲與爲賦爲比而必曲爲之說曰此有爲而言也無乃
矯誣實甚試思此詩右丞自詠終南山於人何預而或者云云若是彼飛燕與鸞於太白鸞龍騰
於眉山又何怪焉黃山谷謂杜子美詩妙處乃在無意於文彼喜穿鑿者其大言取其發興於所
遇林泉人物草木蟲魚以爲物物皆有所託如世間商賈語者則子美之詩委地矣斯言也豈僅
讀杜者當奉爲金科哉又言首句天都字依淮南子云登太山履石封以望八荒視天都若蓋
江河若帶石丞草氏遺通谷集序云天都近者王官之韓昌黎爲氏廟碑銘云作廟天都以致
其孝皆以天都爲都之別稱乃或引關中記言終南山在天之中居都之南故曰天都者蓋
海隅者形容之辭如此必指東方之海隅而言則齊魯之間豈有終南山之掌石在者失之拘執矣
分野句是極言山之廣大陝志謂終南山西起隴山東踰商洛綿亘千里有餘南北亦然其盤踞不
止一州之地則知天之分野亦不專隸一舍或謂中峯之北爲難爲并苑中峯之南爲難爲難於

輞川閑居

一從歸白社不復到青門時倚簷前樹遠看原上村
青菰臨水映映一作映白鳥向山翻寂寞於陵子桔槔方灌
園

白社

水經註北則白社故里也昔孫子楚會董威於白社謂此矣太平
實字記白社里在洛陽故城建春門東即董威舊居之地
仲子者齊人也其兄戴爲齊卿食祿萬鍾仲子以爲不義將妻子適楚居於陵自謂於陵仲子
楚王聞其賢欲以爲相遣使持金百鎰至於陵聘仲子仲子出謝使者逃去爲人灌園
槔韻會桔槔汲水機器

春園即事

宿雨乘輕屐春寒著弊袍開畦分白水間柳發紅桃
草際成棋局林端舉桔槔還持鹿皮几日暮隱蓬蒿
宿雨江振詩初晴原野開宿雨潤條故

淇上卽事田園

屏居淇水上東野曠無山日隱桑柘外日隱一作日河明閭
井間牧童望村去獵犬隨人還獵犬一作獵靜者亦何事荆
扉乘晝關

與盧象集朱家

主人能愛客愛客本作對終日有逢迎賞得新豐酒復聞秦
女箏柳條疎客舍槐葉下秋城語笑且爲樂吾將達
此生達本作適

盧象

劉禹錫盧象集序尚書郎盧公諱象字緯卿始以章句振起於開元中與王維崔顥比肩
江公方執文衡端憲後進得公深器之權爲左補闕河南府司錄司勳員外郎名威氣高少所卑下
爲飛語所中左遷爲分司郎中司馬入爲膳部員外郎時大盜起幽陵入洛師中夏衣冠不克歸王
所爲盧公執公左遷爲分司郎中司馬入爲膳部員外郎時大盜起幽陵入洛師中夏衣冠不克歸王
天下無事朝廷恩用宿舊微拜主客員外郎道病留武昌卒不起
李登呂氏並音式制反而今之讀者謂與射同
乃引地名射陽其字作實以爲證驗此說非也
新豐酒梁元帝詩試酌新豐酒進勸陽臺人

過福禪師蘭若

嚴壑轉微逕文苑英華作嚴壑帶松逕一本作嚴壑帶茅逕雲林隱法堂羽人飛奏樂

天女跪焚香天一本作仙曉一本作曉竹外峯偏曙藤陰水更涼欲知

禪坐久行路長春芳

蘭若即僧寺釋氏要覽蘭若梵云阿蘭若或云阿蘭若唐言無諍四羽人持鉢仍羽人於分律云空淨處薩婆多論云閑靜處知度論云遠離處

海經言有羽人之國不死之民或曰人得道身生羽毛也

黎拾遺昕裴迪見過秋夜對雨之作一本裴字下多秀才二字

促織鳴已急輕衣行向重向劉本作寒燈坐高館秋雨聞

疎鐘白法調狂象元言問老龍何人顧蓬徑空愧求

羊蹤一作牛

促織詩紀舊傳立秋促織鳴女工急促之候也白法釋氏以惡法為黑法善法為白法法華嚴經能普增長一切白法

象遺教經又曰狂象無拘攔得持繩離障難可禁制涅槃經譬如醉象狂象暴惡多欲殺害有調象師以大鐵鉤鉤其項即時調順惡心都盡一切衆生亦復如是貪欲瞋惡愚癡醉故斯之今住更不得起諸惡心元言晉書王衍妙善元言老龍莊子何術甘與神農求

羊蹤羣輔錄求仲羊仲不知何許人皆治車為業控廣遠名過元卿之去竟州還杜陵荆棘塞門會中有三徑不出惟二人從之游時人謂之二仲謝靈運詩惟開將生徑永懷求羊蹤

晚春嚴少尹與諸公見過

松菊荒三徑圖書共五車烹葵邀上客看竹到貧家

鵲乳先春草鵲唐詩品鶯啼過落花自憐黃髮暮一倍惜

年華

晚春梁元帝纂要三月季春亦曰暮春末春晚春三徑歸去來辭三徑就荒松菊猶存上客沈約詩匹彼露葵黃

髮論衡人少則髮黑老則髮白則黃顏師古漢書註黃髮老稱謂白髮盡落更生黃者

過感化寺疊興上人山院感化寺文苑英華作化感寺

暮持筇竹杖相待虎溪頭催客聞山響歸房逐水流

野花聚發好谷鳥一聲幽夜坐空林寂寂林靜可久松風直

似秋

感化寺按劉勰唐書方伎傳感化寺在藍田虎溪運社高賢傳遠法師居東林其處號虎溪寺下入於溪師每送客過此輒有虎號鳴因名虎溪後送客未嘗過溪明陸修靜至語道契合不覺過溪因相與大笑太平實字記廬山有虎溪橋遠大師送客不過此橋

同詠

裴迪

不遠灞陵邊安居向十年入門穿竹逕留客聽山

泉鳥嘯深林裏心閒落照前浮名竟何益從此願

樓禪

灞陵長安志灞陵故城在萬年縣東北二十五里灞水之東十三州志曰灞陵秦襄王所築立灞上其城即秦穆公所築漢王元年十月至霸上子嬰降文帝後六年宗正劉德為將軍次霸上文帝後趙其地謂之霸陵因為縣改為霸城後周建德二年省

夏日過青龍寺謁操禪師

龍鍾一老翁徐步謁禪宮欲問義心義遙知空病空

山河天眼裏世界法身中莫怪銷炎熱能生大地風

龍鍾韓愈龍鍾義心義心以性自性第一義心成就如來世間出世間上法空維摩詰經得是平等無有餘病惟有空病空病亦空病亦空也

病空維摩詰經得是平等無有餘病惟有空病空病亦空病亦空也天眼法苑珠林

昔佛在世時諸弟子中阿那律天眼第一能見三千大千世界乃至微細無不觀翻譯名義天眼通者於眼得色界四大遠清淨色是名天眼天眼所見目地及下地六道衆生諸物若近若遠若顯若細諸色無不照見前後內外晝夜上下悉皆無礙

法身僧肇維摩詰經法身無所不能及無所不能為其患生死無以化其體故其為物也微妙無象不可為有備應萬形不可為無備輪八極不可為小細入無間不可為大故能入生死通洞乎無窮之化變現殊方應無端之求此二乘之所不識補處之所不親況凡夫無目敢惜思於其間哉總依經言相續其元極耳然則法身在天而在人而人豈可近捨文六而遠求法身乎涅槃經復有菩薩摩訶薩住大涅槃斷取一切十方無量諸佛世界悉已身其中衆生悉無現迹亦無往返及住處想

同詠

安禪一室內左右竹亭幽有法知不染無言誰敢

酬鳥飛爭向夕蟬噪已先秋煩暑自茲退退願可久本作適清

涼何所求

安禪佛經經山林下安禪靜默不染法也華嚴經不染世間一切法而不斷世間一切所作

鄭果州相過相凌本作

麗日照殘春麗劉本作初晴草木新林裏灌園人林裏灌園人林裏灌園人磨鏡客磨鏡客磨鏡客磨鏡客雙童逐老

身身中廚辦麤飯中廚辦麤飯當怨阮家貧當怨阮家貧當怨阮家貧當怨阮家貧

果州果州磨鏡客磨鏡客磨鏡客磨鏡客磨鏡客磨鏡客磨鏡客磨鏡客

馬六之則馬六之則馬六之則馬六之則馬六之則馬六之則馬六之則馬六之則

馬六之則馬六之則馬六之則馬六之則馬六之則馬六之則馬六之則馬六之則

馬六之則馬六之則馬六之則馬六之則馬六之則馬六之則馬六之則馬六之則

馬六之則馬六之則馬六之則馬六之則馬六之則馬六之則馬六之則馬六之則

馬六之則馬六之則馬六之則馬六之則馬六之則馬六之則馬六之則馬六之則

馬六之則馬六之則馬六之則馬六之則馬六之則馬六之則馬六之則馬六之則

馬六之則馬六之則馬六之則馬六之則馬六之則馬六之則馬六之則馬六之則

馬六之則馬六之則馬六之則馬六之則馬六之則馬六之則馬六之則馬六之則

馬六之則馬六之則馬六之則馬六之則馬六之則馬六之則馬六之則馬六之則

過崔駙馬山池過崔駙馬山池過崔駙馬山池過崔駙馬山池過崔駙馬山池過崔駙馬山池

松學大夫脫貂貍賞桂酌松學大夫脫貂貍賞桂酌松學大夫脫貂貍賞桂酌松學大夫脫貂貍賞桂酌

陽會愚公谷正愚陽會愚公谷正愚陽會愚公谷正愚陽會愚公谷正愚陽會愚公谷正愚陽會愚公谷正愚

崔駙馬崔駙馬崔駙馬崔駙馬崔駙馬崔駙馬崔駙馬崔駙馬崔駙馬崔駙馬

家胡家胡家胡家胡家胡家胡家胡家胡家胡家胡

招招招招招招招招招招

池池池池池池池池池池

而而而而而而而而而而

而而而而而而而而而而

而而而而而而而而而而

而而而而而而而而而而

而而而而而而而而而而

王右丞集卷之七

送李判官赴江東

判官

華君

文身

春

泣珠

富

富

富

富

富

王右丞集卷之八

仁和趙殿成松谷箋註

近體詩三十三首

送封太守

忽解羊頭削聊馳熊軾轡軾顧元緯本凌本俱作首揚舲發夏口按節

向吳門帆映丹陽郭楓攢赤岸村攢一百城多候吏露

晃一何尊

羊頭削

淮南子羊頭之銷許慎註銷生鐵也熊軾轡後漢書與股志公列侯安車朱

轡右驂師古漢書註伏熊軾者車前橫揚舲謝朓詩揚舲浮大川玉篇舲小船屋

舲爲伏熊之形也廣韻輜車大箱也丹陽元初郡縣志丹陽郡故城

送嚴秀才還蜀

寧親爲令子爲文苑英華作真似舅即賢甥別路經花縣還鄉入

錦城山臨青塞斷江向白雲平獻賦何時至明君憶

長卿

秀才

唐六典凡貢舉人有博識高才寧親法言孝莫大於寧親令子南史任昉傳褚參同嘗謂

喜之似舅南史何遜劉半之花縣李花人號曰河陽一縣花錦城益州記錦

竹橋東流江南岸昔蜀時故錦官城也號錦里城錦猶在元和郡縣志錦城在成都縣南十里故錦

官城也輿地廣記成都舊謂之錦官城官官之所織錦也亦猶合浦之珠官云又或名之曰錦里城

送張判官赴河西

單車曾出塞報國敢邀勳見逐張征虜今思霍冠軍

沙平連白雪蓬卷入黃雲慷慨倚長劍高歌一送君

河西劉昫唐書河西節度使斷隔羌胡統赤水大斗建康寧寇玉門墨離豆盧單車李陵

王右丞集 卷八

武書足下昔以單車張征虜三國志先主既定江南以張飛爲官都太守征虜將軍霍冠軍史記霍去病傳

送岐州源長史歸

握手一相送心悲安可論秋風正蕭索客散孟嘗門

故驛通槐里長亭下權原權一作柏征西舊旌節從此向河

源

岐州唐書地理志關內道鳳翔府扶風郡岐州長史唐六典上州有長史一人正六品上孟嘗史記

君在薛招致諸侯賓客及亡人有罪者皆歸孟嘗君槐里水經渭水又東逕槐里縣故城南鄭

孟嘗君舍業厚遇之以故傾天下之士食客數千人權原道元註縣古大邱邑也周赧王都之

秦以爲廢邱亦曰舒邱漢三年改曰槐里王莽更名槐里世謂之大槐里晉太康中始平郡治也其

城濶帶防陞舊集尚存即漢書所謂槐里環隄者也史記正義括地志云大邱故城一名槐里亦曰

廢邱在雍州始平縣南十里長安志槐里驛在興平縣郭長亭唐書長亭驛權原唐書長亭驛

送張道士歸山

先生何處去王屋訪毛君毛諸本皆作茅唯顧元緯別婦留丹訣

驅雞入白雲人間若剩住若剩住文苑英華作數剩住顧天上復離

羣當作遼城鶴仙歌使爾聞

王屋元和郡縣志王屋山在河南府王屋縣北毛君真詩昔毛伯道劉道泰謝雅堅張光

四十餘年共合神丹毛伯道先服之而死道泰服之又死謝雅堅張光期見二人如此不敢服之並

捐山而歸去後見伯道道泰在山上二人悲憫遂就讀道與之徒奉持行方服之皆數百歲

別婦晉書許謫妻移入臨安西山管嚴姑支妙爾自得終焉之志乃離羣禮記吾離羣而

遼城鶴搜神後記丁令威本遼東人學道於靈虛山後化鶴歸遼東城門華表柱時有少年

同崔興宗送瑗公

言從石菌閣新下穆陵關獨向池陽去白雲留故山

綻衣秋日裏洗鉢古松間一施傳心法惟將戒定還

穆陵關史記索隱穆陵在會稽非也按今淮南府有故穆陵關是楚之境唐書地理志沂州沂水縣北有穆陵關一統志穆陵關在青州府大峴山上

陽縣地理志左馮翊有池陽縣應劭曰在池水之陽史記正義雍州涇陽縣西北三里池陽故城與地廣記耀州三原縣漢池陽縣地屬左馮翊傳神會禪師願宗記自

世尊滅後西天二十八祖共傳無住之心同說如來知見

同詠

崔興宗

行苦神亦秀冷然溪上松銅瓶與竹杖來自祝融峯常願入靈嶽藏經訪遺踪南歸見長老且爲說心胸

祝融峯一統志祝融峯在衡州府衡山縣西北三十里位直離宮以配火德乃祝融君游息之所上有青玉壇遺書以爲第二十四福地

送錢少府還藍田

草色日向好桃源人去稀手持平子賦目送老萊衣每候山櫻發時同海燕歸今年寒食酒應得返柴扉

得一作是

平子賦文選有張平子賦目送南史張緒每朝見武帝目送之老萊衣藝文類聚列士傳曰老萊子孝養二親行年七十舉

留別錢起錢起詩題作晚歸藍田酬王維給事贈別文苑英華亦謂是起詩題作晚歸藍田酬中書舍人贈別微有不同唐詩紀事云起還藍田王維贈別云草色日向好桃源人去稀云云

卑棲却得性每與白雲歸一作別山如昨日暮禽先去馬新月待開扉

採薇山陰本作花○四句一作別山如昨日暮禽先去馬新月待開扉

霄漢時回首知音青瑣闥

徇祿謝靈運詩徇祿反窮海臥懷橘三國志陸績年六歲於九江見黃術術曰橘懷橘三

青瑣闥漢書元后傳赤瑣瑣孟康註以青瑣連戶鑰中天子制也如淳曰

送邱爲往唐州

宛洛有風塵君行多苦辛四愁連漢水百口寄隨人

槐色陰清畫楊花惹暮春朝端肯相送天子繡衣臣

唐州唐書地理志山南東道昌州春陵郡治襄陽武德五年以唐城山更名唐州九年徙治比陽

四愁文選張衡爲河間相時天下漸

百口晉書張衡傳請隨人志隨州本

繡衣漢書百官公卿表侍御史有繡衣直指出討奸猾治大獄師古註衣以繡

送元中丞轉運江淮錢起集亦

薄稅歸天府一作輕徭賴使臣歡沾賜帛老恩及卷綃

人去問珠官一作來經石劫春

亭上御錢集作御劉本顧莫使有風塵使錢集作

元中丞劉禹錫書元載智性敏悟善奏對肅宗嘉之委以國輕徭賦與民休息

賜帛老漢書文帝紀有司賜道年九

珠官唐書合浦郡秦之東郡地吳改爲珠官

石劫郭璞江賦石劫應節而揚葩李善註南越志曰石劫形如龜脚得春雨則生花花似草花江淹石劫賦序海人有食石劫一名紫藍蚌蛤類也春而發花有足異者

御亭太平御記御亭在常州東南一百三十八里輿地志云御亭在吳縣西六十里吳大帝所立梁虞夏晉時云御亭一回望風塵千里昏即此也開皇九年置爲縣十八年改爲御亭縣李襲譽改爲望亭縣

送崔九興宗游蜀

送君從此去轉覺故人稀徒御猶回首田園方掩扉

出門當旅食中路授寒衣江漢風流地游人何處歸

徒御徒從行者御御車者

旅食魏文帝與吳質書馳授詩九月授

送崔興宗

已恨親皆遠誰憐友復稀君王未西顧游宦盡東歸

塞關山河淨關元緯本凌本俱天長雲樹微方同菊花節相

少年何處去負米上銅梁借問阿戎父知爲童子郎

魚箋請詩賦撞布作衣裳薏苡扶衰病歸來幸可將

負米家語子路見於孔子曰昔者由也事二親銅梁太平實字記銅梁縣在合州西一百

縣魏爲石鏡之地唐長安四年刺史陳靖意以足川備戶編委寶銅梁縣以銅梁山爲名銅梁山在合州石鏡縣南九里左太冲蜀都賦云外銅梁山名也按其山出鐵及桃竹杖東西連亘二十餘里山嶺之上

與阿戎語造我童子郎後漢書臧洪傳洪年十五以功拜童子郎也又左雄傳雄舉海內名儒爲博士又使公卿子弟爲諸生有志操者加其俸祿及汝南謝康河南南魚箋王勃七

建年始十二各能通經雄並奏拜童子郎又黃琬傳琬以公孫拜童子郎賦據犀管展魚撞布左思蜀都賦布有禮花麤有桃柳劉淵林註撞布者樹名撞其花柔薏苡本草

送梓州李使君梓州唐詩正音

萬壑樹參天千山響杜鵑文苑英華作鄉音聽杜鵑山中一半雨半二顧本

樹杪百重泉漢女輸撞布詩正音俱作蠻巴人訟芋田

文翁翻教授不敢倚先賢不敢當是

梓州唐書地理志劍南道輸晉書食貨志夷人輸賣布芋田左思蜀都賦瓜穠芋區郭

以爲蜀圖經本草今處處有之聞蜀淮楚尤多種蜀川出者義恭廣志蜀漢既繁芋民文翁漢書文翁傳江舒人也爲

地僻陋有蠻夷風文翁欲誘進之由是大化蜀地學於京師者比齊魯焉三國志蜀本無學士文翁

老龍驤作極松皆老作龍驤並以英華爲佳梓州李使君詩山中一夜雨樹杪百重泉作山一

送張五諱歸宣城

五湖千萬里況復五湖西漁浦南陵郭人家春穀溪

欲歸江淼淼未到草淒淒憶想蘭陵鎮可宜猿更啼

南陵元和郡縣志南陵縣東至宣州一百里春穀溪謝朓詩山橫陵陽阻溪流春穀泉李

送友人南歸

萬里春應盡三江鴈亦稀亦稀文苑英華連天漢水廣孤客

郢城歸鄖國稻苗秀鄖國可久本唐詩正音俱作鄖楚人菰米肥米一作萊文苑

懸知倚門望遙識老萊衣

三江水經注巴陵西對長洲其洲南瀟湘浦北對大江故曰三江也三水所會亦謂之三江

名三漢水廣詩漢之廣鄖國杜預左傳註鄖國在江夏雲杜縣東南有鄖城鄖道元水

爲美饌今飢饉倚門戰國策王孫賈年十五事閔王其母曰汝朝出而晚

送賀遂員外外甥

南國有歸舟荆門泝上流蒼茫葭葦外雲水與昭邱

秋與同橋帶城烏去江連暮雨愁猿聲不可聽莫待楚山

南國韋昭國語解南國江漢之間也泝玉篇泝蘇故切上流臧榮緒晉書荆

王粲登樓賦西接昭邱李善註荆州國記曰當陽東南七十里有楚昭王墓登樓則見所

謂昭邱水經注沮水又南逕楚昭王墓東對麥城故王仲宣之賦登樓云西接昭邱是也橋

送楊長史赴果州瀛李律體長史

褒斜不容憶之子去何之去方與勝鳥道一千里猿啼十

二時嘯風律體唐詩正音唐詩品彙俱作聲官橋祭酒客山木女郎祠別後同明

月君應聽子規

之子爾雅之子祭酒客未詳王友琢傳謂古者出行必有祖道之祭封土爲山象以善

李長吉別友詩亦有今將下東道祭酒而別秦之句與此甚合然不切蜀事恐亦未的至或引

郎祠水經註南有女郎山山上有女郎像遠望山境鬼狀高及即其所載有墳山下直路

謂之女郎水與地廣記與元府懷城縣有女郎明月上謝莊月賦美人邁兮音塵絕隔千里共明月子規

社望帝修道處西山而化為鳥杜鵑鳥或云化為杜宇鳥亦曰子規鳥至春則啼聞者悽惻

送邢桂州

鏡吹喧京口風波下洞庭赭圻將赤岸擊汰復揚舲
日落江湖白潮來天地青明珠歸合浦應逐使臣星

邢桂州劉昫唐書上元二年以邢桂州都督府治南道

重鎮在唐時為丹陽郡之丹徒縣方輿勝覽京口圖洞庭史記正義洞庭湖在岳州巴陵西南

經其城因山為城江為城郭雅雅邱絕高曰京故各巴陵縣有洞庭湖廣五百餘

里日月若出沒於其中赭圻西臨大江吳所置赭圻屯處也晉哀帝時桓溫領揚州牧

入朝參政自州遷至赭圻楚辭乘船余上江今夷吳榜以擊汰王逸註船船有櫓

波而擊水合浦後漢書孟嘗連合浦太守即不產數寶而進出珠寶與交趾比境普通商販費

行旅不至人物無資者餓死於道當到官軍易財求使星後漢書帝即位分遣使者皆

送宇文三赴河西充行軍司馬

橫吹雜繁笳吹文苑英華邊風捲塞沙還聞田司馬更逐李
輕車蒲類成秦地本傳本願可久莎車屬漢家誤一本作邱亦非

當令大戎國聘聘學昆邪

行軍司馬唐書百官志節度使有行軍司馬一人掌弼戎政居則習
張博望入西域傳其法於西京唯得摩訶兜勒二曲李延年因胡曲更造新聲二十八解乘輿以為
武樂後漢以給邊將軍和帝時萬人將軍得用之唐書儀衛志鼓吹五部有大橫吹小橫吹大橫吹
部有節鼓二十四曲小橫吹部有角笛笛

田司馬漢書田廣明以李輕車

蒲類漢書西域傳蒲類國王治天山西疏榆谷去長

八十七里後漢書班超傳戰於蒲類海多斬首虜而還章懷太子註蒲類劍奴中海名在敦煌北也

蜜固傳固與耿种率酒泉太守張奐擊之斬首二千餘出酒泉塞至天山擊呼衍王斬首

千餘級呼衍王走追至蒲類海章懷太子註蒲類海今名棲慈海在今庭州蒲昌縣東南也

莎車

漢書西域傳莎車國王治莎車城去長安
九千九百五十里東北至都護治所四千

七百四十六里後漢書西域傳莎車國西經蒲
鞞無雷至大月氏東去洛陽萬九百五十里

犬戎車昭國語解犬戎戎之別名在荒

昆

邪漢書匈奴傳昆邪休屠王謀殺漢使驃騎將

送孫二

郊外誰相送文苑英華作郭夫君道術親書生鄒魯客才子
洛陽人祖席依寒草行車起暮塵起文苑英華作薄山川何寂寞

洛陽人祖席依寒草行車起暮塵

露巾張衡詩側身北

送崔三往密州觀省

南陌去悠悠東郊不少留同懷扇枕戀獨念倚門愁
路遠天山雪家臨海樹秋魯連功未報且莫蹈

滄洲

密州唐書地理志河南道扇枕東漢書黃香父為郡五官貧無奴僕香躬執勤苦盡心

書王延事親色養夏則扇天山雪元和郡縣志天山一名白山一名折羅漫山在伊州北一

枕席冬則以身覆被天山雪百二十里冬夏有雪出好木及金鐵樹之天山過之

送邱為落第歸江東

憐君不得意況復柳條春為客黃金盡還家白髮新
五湖三岬宅宅文苑英華萬里一歸人歸文苑英華知爾不能薦爾元

三岬宅淮南子任一人之能不足知爾後漢書爾衡等魯國孔融融亦深愛其才衡始

獻納班固兩都賦序朝女

漢江臨汎汎漢書律

楚塞三湘接湘漢書律荆門九派通江流天地外山色有

無中郡邑浮前浦波瀾動遠空襄陽好風日日文苑英華留

醉與山翁翁文苑英華

漢江郭璞山海經註漢水出武都沮縣東俱谷經漢中魏興至南鄉東經襄陽至江夏安陸縣

入江唐六典註漢水出梁州金牛縣初名漾水一名沔水歷洋金均襄荆郢復七州至

王右丞集卷之九

仁和趙殿成松谷箋註

近體詩三十五首

春日上方卽事

方文苑英
華作房誤

好讀高僧傳時看辟穀方鳩形將刻杖龜殼用支牀

柳色春山映梨花夕鳥藏梨花滿奎律體作花明北牕桃李下閑坐

但焚香坐瀛奎律髓作步○樂府詩集採此詩後四句入近代曲辭題作長安命謂張說作萬首唐人絕句亦採此四句收入五言絕句命題正同而仍作公詩

高僧傳

隋書經籍志有高僧傳十四卷釋僧佑撰唐書藝文志有虞孝敬高僧傳六卷僧惠皎高僧傳十四卷僧道宗續高僧傳三十二卷

儀志仲秋之月縣道皆按戶比民年始七十者授之以玉杖鰥之鰥者不噎有加賜玉杖長尺端以鳩爲飾鳩者不噎之鳥也欲老人不噎

龜支牀史記南方

老人用龜支牀足行二十餘年老人
死移牀龜尚生不死龜能行氣導引

汎前陂

秋空自明迴自明一作明況復遠人間間一作華作雲暢以沙際鶴兼

之雲外山澄波澹將夕波一作腋清月皓方閒此夜任孤棹

夷猶殊未還

夷猶楚辭君不行兮夷猶王逸註夷猶猶豫也謝朓詩停驂我悵望輟棹子夷猶

楊升庵曰王右丞詩暢以沙鷗鷺兼之雲外山孟浩然詩重以觀禽樂因之鼓棹歌雖用助語詞却無頭巾氣宋人黃陳輩效之如自然聊爾耳得也自知之又如命也豈終否時乎不暫留豈止學步

邯鄲效顰
西子已哉

游李山人所居因題屋壁

世上皆如夢世上一作世人
一作人事狂來或自歌狂文苑英華作
往或一作止問年松樹

老有地竹林多林文苑英華作陰藥倩韓康賣門容向子過向一作向翻

嫌枕席上無那白雲何那一作奈

向子 英雄記向子平有道術爲縣功曹仕歸自入山擔薪賣以供食飲後漢書向長字子平河內朝歌人也隱居不仕性向中和好通老易貧無資食好事者更饋焉受之取足而反其

餘王莽大司空王邑辟之連年
乃至欲薦之於莽固辭乃止

登河北城樓作

王右丞集 卷九

井邑傳巖上傳文苑英華作傳謨客亭雲霧間高城眺落日極浦映

蒼山岸火孤舟宿漁家夕鳥還寂寥天地暮

與廣川閑

河北唐書地理志陝州平陸縣本河北縣天寶元年太守李齊物開三門以利漕運得古刀有篆文曰平陸因更名

爲邑人猶悒也邑人聚會之稱也陸
雲詩修路無窮跡并邑自相循

傅巖
水經註沙澗水北出虞山東南逕傅巖歷傅說隱室
前俗名之爲聖人窟孔安國傳傳說隱於虞虢之間

此處也史記正義地理志云傳險即傳說版築之處所隱之處痛名聖氏窟在今陝州河北七里即國號國之界元和郡縣志傳嚴在陝州平陸縣北七里即傳說版築之處

寂

寥四子講德論紛紜天地寂寥宇宙李善註寂寥曠遠之貌也廣川史記此皆廣川大水山林谿谷不食之地也

登裴迪秀才小臺作

居不出戶滿目望雲山望空作落日鳥邊下秋原人外

遙知遠林際不見此簷間好客多乘月應門莫上

秋原沈約詩秋
原嘶代馬上劉楨詩應門重其關
洛橋初度燭青門欲上關

被出濟州河嶽英靈集作初出濟州別城中故人

政官易得罪謫去濟川陰執政方持法明君無此心

閨閨河潤上井邑海雲深縱有歸來日多愁年鬢

多諸本皆作各河嶽英靈集唐詩品彙俱作多今從之

濟州 劉昫唐書地理志隋置濟北郡武德四年改濟州天寶元年改爲濟陽郡十三載六月一日廢濟州

持法 漢書翟方進爲相公潔讀託不行郡國持法刻深舉

奉牧守九卿峻文深
詆中傷者尤多

河潤莊子河潤九里

千塔主人

旅逢佳節征帆未可前
牕臨汴水門渡楚人船

犬散墟落桑榆蔭遠田所居人不見枕席生雲烟

單車欲問邊屬國過居延文苑英華作衛命關單車征蓬出漢

塞蓬文苑英華作鴻歸鴈入胡天大漠孤烟直長河落日圓蕭關

逢候騎詩品案俱作吏都護在燕然

屬國漢書武帝紀匈奴昆邪王殺休屠王并其衆合四萬餘人來降置五屬國以處之師古

其本國之俗而屬焉故曰屬國漢書武帝紀匈奴昆邪王殺休屠王并其衆合四萬餘人來降置五屬國以處之師古

也章昭以爲張掖縣失之張掖所置居延縣者以安處所獲居延人而置此縣後漢書郡國志有張

掖屬國居延屬國史記索隱地理志張掖居延西北有居延澤古文以爲流沙廣志流沙在玉門

百六十里即居延澤古文以爲流沙者風吹沙流行故曰流沙

漢塞史記匈奴傳單胡天梁簡文帝詩胡天少色大漠班固燕然山銘經國絕大漠

孤烟直唐詩野戍孤烟起燕然後漢書車騎將軍竇憲出塞破之追至和梁北

關史記正義蕭關今古隴山關在平涼縣界元和郡縣志蕭關故城在平涼候騎史記

至雍甘泉何遜詩候騎出燕然後漢書車騎將軍竇憲出塞破之追至和梁北

蕭關追兵赴馬邑燕然又直北三千里至燕然山又北行千里至瀚海東地廣記單于大都護府河縣有燕然山東漢

晚春閨思河嶽英靈

新妝可憐色落日卷羅帷羅河嶽英靈鑪氣清珍簾鑪一作爐牆陰

上玉墀春蟲飛網戶暮雀隱花枝向晚多愁思閒牕

桃李時

珍簾謝眺詩珍簾清夏室網戶王逸註網戶綺文鏤也

戲題示蕭氏外甥

憐爾解臨池渠爺未學詩老夫何足似弊宅倘因之

蘆笋穿荷葉穿顧元緯本凌菱花寄鴈兒郗公不易勝莫著

外家欺

臨池晉書衛恆傳張伯英弊宅晉書魏舒少孤爲外家所養氏起宅相宅云當

成此宅相郗公容輕慢命坐皆云有事不暇坐既去郗公慨然曰使嘉賓不死鼠子敢爾

秋夜獨坐唐詩正音作冬

獨坐悲雙鬢空堂欲二更雨中山果落燈下草蟲鳴

白髮終難變黃金不可成欲知除老病惟有學無生

黃金江淹詩并砂信難學

待儲光羲不至

重門朝已啓起坐聽車聲要欲聞清佩方將出戶迎

曉鐘鳴上苑疎雨過春城了自不相顧臨堂空復情

空復情謝眺詩憐

聽宮鶯

春樹繞宮牆春鶯囀曙光文苑英華作宮欲驚啼暫斷移處

弄還長隱葉棲承露攀花出未央華一作排游人未應返爲

此思故鄉文苑英華作爲

承露咸陽宮圖漢承露未央西京雜記漢高帝七年蕭相國營未

早朝

柳暗百花明春深五鳳城城烏睥睨曉爲文苑英宮井輓

轡聲方朔金門侍侍文苑英班姬玉輦迎仍聞遣方士東

海訪蓬瀛

睥睨釋名城上垣曰睥睨輓轡輓轡會輓轡井方朔漢書東方朔待詔班姬漢書

好同輦輦轡好輦玉輦潘岳輦田賦天方士史記封禪書天子使方士蓬瀛蓬瀛列子

注之而無增無減焉其中有五山焉一曰岱輿二曰員嶠三曰方壺四曰瀛洲五曰蓬萊其山高下

周旋三萬里其頂平處九千里山之中間相去七萬里以爲鄉居焉其上皆仙聖之種一日一夕飛相往

愚公谷三首原註青龍寺與

愚谷與誰去唯將黎子同非須一處住不那兩心空

寧問春將夏誰論西復東不知吾與子若箇是愚公
吾家愚谷裏吾願可久此谷本來平雖則行無跡還能響
應聲不隨雲色暗只待日光明緣底名愚谷都由愚
所成

借問愚公谷與君聊一尋不尋翻到谷此谷不離心
行處曾無險看時豈有深寄言塵世客何處欲歸臨
歸臨一作
窺林

雜詩

雙燕初命子五桃初作花初一作新作王昌是東舍宋王
次西家小小能織綺時時出浣紗親勞使君問南陌
駐香車

五桃鮑照詩中庭五桃桃
一株先作花王昌成按唐人詩中多用王昌事上官儀詩南國自然勝掌上
得免嫌韓偓詩何必苦勞魂與夢王昌只在此牆東韓偓書舊傳王昌字公伯為東平相載韓常侍
早卒婦任城王曹子文女昌弟式為渡邊將軍長史婦向書令桓檀女昌母聰明有教典二婦入門
皆令變服下車不得踰後後惜子嘉尚魏主欲金織衣見式婦止之曰其軀數固不得
倍爾不須持往犯人家法其長如此似非桃之流也蓋別是一人然他書無考宋王

登徒子賦宋玉曰天下之佳人莫若楚國楚國之麗者莫若臣里臣里之美女莫若臣東家之千增
之一分則太長減之一分則太短若粉則太白施朱則太赤眉如翠羽肌如白雪腰如束素齒如含
貝嫣然一笑感陽城迷下蔡然此女
登繡三年窺臣三年至今未許也織綺梁武帝詩莫愁
十二能織綺

過秦皇墓

秦文苑英華作始○時年十五
文苑英華作時年二十

古墓成蒼嶺幽宮象紫臺星辰七曜隔河漢九泉開
有海人寧渡無春鴈不迴更聞松韻切疑是大夫哀

秦皇墓

漢書秦始皇帝葬於驪山之阿下銅三泉上崇山墳其高五十餘丈周圍五里有餘
宮館之盛不可勝原水經註秦始皇大興厚葬營建家廣於麗戎之山一名藍田其陰多金其陽多
玉始皇食其美名因而葬焉驪山鑿石下洞三泉以銅為槨旁行周迴三十餘里上畫天文星宿之
象下以水銀為四瀆百川五嶽九州具地理之勢宮中百官奇器珍寶充滿其中以人魚膏為燈燭
取其不滅者久之後宮無子者皆使殉葬甚衆墳高五丈周圍五里餘作者七十萬人積年方成史
記正義地志云秦始皇陵在雍州新豐縣西南十里長安志秦始皇陵在臨潼縣東一十五里國
志曰始皇陵有銀燭金雁以多奇物故俗云秦王地中市關中記曰秦始皇陵在驪山之北高數十丈
周六里今在臨潼縣界三輔故事曰始皇陵七百步以明珠為日月魚膏為脂燭金銀為鳥雁金蠶
三十箇四門施徹奢太過六年之間為項籍所發兩京道理記曰陵高一千二百四十尺內院周

五里外院周十紫臺江淹恨賦紫臺稍遠李善註紫臺猶紫宮
也呂延濟註紫臺宮也天子所居處七曜初學記日月五
星謂之七曜九
泉木華海賦吹烟九泉李善
註地有九重故曰九泉

故太子太師徐公輓歌四首

功德冠羣英彌綸有大名軒皇用風后傳說是星精
就第優遺老來朝詔不名留侯常辟穀常一作苦苦不長
生

徐公劉昫唐書天寶八載閏六月戊
辰太子太師徐國公蕭嵩薨輓歌杜氏通典漢高帝時齊王田橫自殺其故吏不
敢哭泣但隨柩救哀而後代相承以為輓歌蓋
因於古也李周翰文選註使輓
輓者歌之因呼為輓歌也風后帝王世紀黃帝夢大風吹天下之塵垢皆去帝悟而嘆曰
者哉於是依占而求之得
者哉於是依占而求之得
者哉於是依占而求之得傳說莊子傳說得之以相武丁垂有天下
乘東維騎箕尾而比於列星就第漢書蕭何年
風后於海隅登以為相

不名漢書高皇帝褒賞功臣相國蕭何邑戶既
倍又乘殊禮奏事不名入殿不趨留侯史記留侯曰願
丞相與休皆罷赤松子游耳乃學辟穀導引輕身劉昫唐書蕭嵩本傳
嵩性好服餌及罷相於林園植藥合錄自適謀猷為相國翊贊奉乘輿
一作戴乘文苑英華作乘劍履升前殿貂蟬
一作戴乘文苑英華作乘託後車齊侯疏士字漢室賴圖書僻處留田宅仍纔
十頃餘項文苑英

謀猷書君陳爾有嘉謀猷則入告爾后於內爾乃順之於外曰斯
國春秋天子以四海為家故行曰乘輿止曰行在唐六典
凡夷夏之通稱天子曰皇帝服御曰乘輿行幸曰車駕劍履史記於是乃令蕭何賜乘劍履
上殿入朝不趨蕭何傳載志大託後車魏文書裴君傳裴君嘗乘輿
後漢書黃瓊傳大啓士字開地七百田宅漢書蕭何買田宅必居朝陽處
下阨塞戶口多少強弱處民所疾苦者以何得秦圖書也

後車

魏文書裴君傳裴君嘗乘輿
後漢書黃瓊傳大啓士字開地七百

疏士字

漢書裴君傳裴君嘗乘輿
後漢書黃瓊傳大啓士字開地七百

田宅

漢書蕭何買田宅必居朝陽處
下阨塞戶口多少強弱處民所疾苦者以何得秦圖書也

正義

王歸國思京師後薨葬東平其塚上松柏皆西靡

人樊氏輓歌二首

錦衣餘翟黻作第
存凝笏隨曉旆

門

翟莛詩翟莛以朝手婦人乘車不露

金門四姓聚繡
穀五香來
魚軒

人法世說王汝南少淑德生東海遂

相親重鍾不以貴陵郝郝
家內則郝夫人之法京陵

行哭禮記內人皆行哭失聲

石窮恩榮重金

疊鼓秋城動懸

金吾後漢書光武至甚盛因嘆曰仕

敬後漢書龐公者南郡山之南未嘗入城府

有環佩之響

達奚侍郎

吏部
二字

永帶將朝日鳴

勸文苑英
華作助
遺挂空

人知春

達奚侍郎按唐也後

遺挂 潘岳悼亡詩流
延濟註遺挂謂

被徙流沙蘇氏思之織錦
潛宛轉循環以讀之辭甚

上殆平每朝日初升見一
以百數始與簡王傳於益

卷九

多不可皆識金銀爲蠶蛇形者
金蠶銀蠶等物甚多史記正養
之初得板次得水銀池有氣不
入中得金蠶數十箔珠襦玉匣
以蠶甲亦然也孔穎達禮記正
木材爲柶其實帷荒及木材等
荒縹稱柳也

女史悲彤管夫人

千門秋日光能澹

栢暗平原

彤管毛萇詩傳古者后主
註彤管赤管筆女史

恭懿太子輓

何悟藏環早纔知

樹轉宮猶出
笳悲

恭懿太子 劉昫唐書
皇后張氏

詔曰厚禮所以飾終易名所以
念有惻彝章第十二子故興王

旨延陵聽樂早得知音之妙頃
斯須告訣之辭事先符於夢寐

冀成立豈期天喪瑤英始茂
宮俾哀榮於元窆可贈太子

揆持節冊命十一月葬於高陽
第十二子持節鳳翔等四州節

贈皇太子廟號恭懿冬十一月
位儼塗芻以成列皇帝哀玉柱

崇育式爰詔史司恭宣懿德甘
克開龍嗣寶曰賢王驪源孕彩

叶旨對日流辯占鳳擅美魯衛
名崇懿藩居常稟訓動不違顏

爲寶崇儒是貴濬哲外朗溫文
蛇豕猶梗實區未乂滌慮祈專

害神沉痾始邁彌曠盈旬止瘡
秦盤莫仗靈儀首而上賓徽音

之精靈存兮孝有思念君親之
實新命於諸閭嗚呼哀哉先

蒼而曠日望馳道而長辭赴
升玉笙於洞府閱銀絜於泉宮

而成風嗚呼哀哉召薨時年八
帝方寢疾追念過深故持以終

八九

晉書羊祜年五歲時令乳母取所弄金環乳母曰汝先無此物姑即詣鄰人李氏東垣桑樹中探得之主人驚曰此吾亡兒所失物也云何持去乳母具言之李氏悲憫時人異之謂李氏子則祐之前身也

拜壁 左傳楚共王無冢而有龍子五人無適立焉乃大有事於羣望而祈曰請神擇於五王尉加焉子于皆皆遠之平王弱抱而入再拜皆壓紐**神天** 周靈王太子晉事孫綽游天五卷澤邱 **對日** 晉書明帝幼而聰哲為元帝所寵異年數歲嘗上膝前屬長安使來因問帝曰汝謂日與長安孰近對曰長安近不聞人從日邊來居可知也明日寢驚僚又問之對曰日近元帝失色曰何乃異問者之 **馳道** 漢書成帝紀上嘗急召太子出龍樓門不言乎對曰舉頭見日不見長安由是益奇之 **京兆阡** 謂京兆尹別開墓道云應劭曰馳道天子所行道也若今之中道師古註絕橫度也 **京兆阡** 也或謂京兆尹別開墓道內京兆阡事非是

蘭殿新恩切椒宮夕臨幽白雲隨鳳管明月在龍樓

人向青山哭天臨渭水愁雞鳴常問膳今恨玉京留

蘭殿 顏延年元皇后哀策文蘭殿常陰椒宮李善註 **椒宮** 漢官儀皇后稱椒房以椒三輔黃圖椒房殿在未央宮以臨臨力鳩切作林字去聲 **問膳** 禮記文王之為世子朝於椒和泥塗取其溫而芬芳也 **臨** 杜預左傳註臨哭也 **問膳** 王季子三難初鳩而衣服至於膳門外問內侍之御者曰今日安否何如內豎曰安文王乃喜食上必在膳室燠之節食下問所膳命膳宰曰未有原應曰諾然後退

騎吹凌霜發旌旗夾路陳愷容金節護冊命玉符

新傅母悲香祿君家擁畫輪射熊今夢帝 今願元緯 **秤象** 本非

問何人

騎吹 海錄碎事列於殿庭者為鼓吹 **玉符** 唐六典隨身符之制左二右一太子以傅今之從行鼓吹為騎吹 **玉符** 王親王以金庶官以銅佩以為飾

母 列女傳下堂則 **祿** 說文祿小 **畫輪** 晉書輿服志畫輪車駕牛以綵漆畫輪輻故各曰畫從傅母保阿 **祿** 兒衣也 **射熊** 史記趙世家五子不知人將而語大夫曰我之帝路其上行制事如蠶其下猶如積 **射熊** 所甚學有一熊欲來援我帝命我射之中熊熊死又車耳至尊出朝堂舉哀乘之 **秤象** 魏志鄧哀王沖傳時孫權曾致巨象太祖欲知其斤重訪帝甚喜賜我二管皆有副 **秤象** 之羣下咸莫能出其理沖曰我象大船之上而刻其水痕所至稱物以載之則校可知矣太祖大悅即施行焉

蒼舒留帝寵子晉有仙才五歲過人智三天使鶴催

心悲陽祿館 陽一作四 **目斷望思臺若道長安近何為更**

不來

蒼舒 魏志鄧哀王沖字蒼舒少聰察岐嶽生五六歲智意所及有若成人之智太祖數對羣臣稱述有欲傳後之意年十三建安十三年疾病太祖親為讀命及亡哀甚文帝寬諭太祖

太祖曰此我之不幸 **三天** 雲笈七籤三天者清微天禹餘天大赤天是也天黃君治在玉清境而汝曹之幸也 **三天** 即清微天也其氣始清靈寶君治在太清境即禹餘天也其氣元黃神寶君治在太清境即大 **陽祿館** 班婕妤傷悼賦痛陽祿與拓館之仍繼繼而難收復慶赤天也其氣元黃 **望思臺** 漢書太子傳上太子無辜乃作思子宮為歸來望思之臺於湖陂師古曰言已望思臺望而思之燕太子之魂歸來也其臺在今湖陂縣之西蘭鄉之東基址猶存

西望昆池關東瞻下杜平山朝豫章館樹轉鳳凰城

五校連旗色千門疊鼓聲金環如有驗還向畫堂生

西望 沈約詩南瞻儲備觀西望 **昆池** 周圖十里西南傳曰天子遣使求身毒國市竹而為昆明所閉天子欲伐之越嶲昆明國有滇池方三百里故作昆明池以象之以習水戰因名曰昆明池食貨志曰時越欲與滇用船戰遂乃大修昆明池也三輔舊事曰昆明池地三百三十二頃圖曰上林苑有昆明池周匝四十里長安志 **下杜** 古註下杜即今之杜城長安志下杜城在長安縣南一十五里其城周三百七十三步春秋左氏傳晉范宣子曰昔巧之祖在周為唐杜氏杜預註曰周成王滅唐遷之於杜為杜伯國記曰周宣王四十四年杜伯入為王卿士無罪而王殺之史記曰秦武公十一年初縣杜即此地也杜地志曰蓋宣王殺杜伯以後子孫微弱附於秦及春秋後武公滅之為縣漢宣帝修杜之東原為陵曰杜陵縣更名此為下杜城廟記曰下杜城杜伯所築東有杜原城在底下故曰下杜羅錄秦武公城杜以杜國為杜陵縣之東有原名為東原宣帝以為己陵故東原之地遂為杜陵縣也既有杜陵縣則名稱與杜縣相混遂改杜陵縣為下杜以別之或言下杜故以下杜名此不謬也 **豫章館** 三輔黃圖豫章觀武帝造在昆明池中亦曰昆池呂延濟註豫章館名也張衡西京賦豫章珍 **五校** 漢書霍光傳發材官輕車北軍五校士軍館揭焉中時薛綜註以豫章木為臺也 **五校** 陳至茂陵以送其葬後漢書百官志有屯騎校尉中郎將步校尉長水校尉射擊校尉羽林校尉五校尉為五校誤也 **畫堂** 三輔黃圖甲觀畫堂漢書曰孝成皇帝元帝太子也母曰王皇后元帝按五詩中羊祜事凡二用晉明帝事凡二用王子晉事凡三用魏鄧哀王事凡二用右丞全不以此為詩病若使今人下筆爾爾有不覺其餘於書卷者乎

王右丞集卷之九

王右丞集卷之十

仁和趙殿成松谷箋註

近體詩二十六首

奉和聖製從蓬萊向興慶閣道中留春雨中春

望之作應制

渭水自縈秦塞曲

仙門柳

鳳闕雨中春

重物華

蓬萊

興慶

黃山

雲裏帝城雙

雲裏帝城雙

雲裏帝城雙

雲裏帝城雙

雲裏帝城雙

雲裏帝城雙

雲裏帝城雙

雲裏帝城雙

雲裏帝城雙

雲裏帝城雙

雲裏帝城雙

雲裏帝城雙

雲裏帝城雙

雲裏帝城雙

雲裏帝城雙

雲裏帝城雙

聖君

大同殿

龍池

玉芝

芙蓉

紫禁

寢園

春薦

勅賜百官櫻桃

芙蓉闕下

非關御苑

傾赤玉盤

後

芙蓉闕下

非關御苑

傾赤玉盤

後

芙蓉闕下

非關御苑

傾赤玉盤

後

芙蓉闕下

非關御苑

傾赤玉盤

後

芙蓉闕下

非關御苑

傾赤玉盤

紀云四月一日內園進櫻桃樹萬餘株賜百官各有差亦是孟夏事惟漢書叔孫通傳云古者有春嘗果方今櫻桃熟可獻願陛下出因取櫻桃獻宗廟師古曰禮記曰仲春之月華以含桃朱鴈饗廟即此櫻桃也今所謂朱櫻者是也右丞詩中用春華字當是其時
鳥銜高柳呂氏春秋註食雖四月一日而節今未改尚在暮春否則因師古之註而誤也
故言含桃史記索隱張揖云櫻桃一名含桃呂氏春秋註食雖四月一日而節今未改尚在暮春否則因師古之註而誤也
秋云鶯鳥所食故曰含桃爾雅謂之荆桃也
盤 藝文類聚史云後漢明帝於月夜宴羣臣臣皆進櫻桃以赤
盤 盤為盤賜羣臣月下視之盤與櫻桃同色羣臣皆笑云是空盤
內熱 食療本草櫻桃虛熱
蔗漿 楚辭離騷有蔗漿飲之取蔗漿之汁為漿飲也漢書禮樂志秦尊柞枌朝醴應劭註柞枌取甘柞汁以為飲也柞與蔗同耳

同詠

右補崔興宗

未央朝謁正逶迤天上櫻桃錫此時朱實初傳九
華殿繁花舊雜萬年枝全勝晏子江南橘全唐本皆作朱非是今從文苑
英華唐詩
紀事作金莫比潘家大谷梨聞道令人好顏色神農本草自應知

逶迤 成按說文逶迤去之貌從移切韻會逶迤行貌從唐何切皆與
九華殿 博物志西王母遣使乘白鹿告帝當來乃供饌九華殿
晏子橘 說苑晏子將使荆荆王聞之謂左右曰晏

殿以待之初學記洛陽宮殿有九華殿
曰為其來也臣請縛一人過王而行於是荆王與晏子立語有縛一人過王而行王曰何為者也對曰齊人也王曰何坐曰坐盜王曰齊人固盜乎晏子反顧之曰江南有橘齊王使人取之而樹之於江北生不為橘乃為枳所以然者何其土地使之然也今齊人居齊不盜來之荆而盜得無土地使之然乎荆王曰吾欲傷子而反自中也
大谷梨 潘岳閒居來之荆而盜得無土地使之然乎荆王曰吾欲傷子而反自中也
谷之梨劉良註洛陽張公居大谷有夏梨海內惟此一樹
好顏色 陶宏景名醫別錄櫻桃調中益氣之藥氣令人好顏色美志

勅借岐王九成宮避暑應教

文苑英華於避暑下多之二字

帝子遠辭丹鳳闕天書遙借翠微宮隔牕雲霧生衣
上卷幔山泉入鏡中林下水聲喧語笑巖間樹色隱
房櫳仙家未必能勝此何事吹笙向碧空

九成宮 雍錄九成宮在鳳翔府麟游縣南仁壽宮文帝以避暑每歲春往冬還文帝嘗終
於此宮太宗欲以宮奉高祖高祖惡之不住貞觀五年太宗自修繕以備清暑改為

丹鳳闕 唐六典大明宮南面五門正南曰丹鳳闕
麟游縣城西五里之天台山
翠微宮 崔顥詩
麟游縣城西五里之天台山
翠微宮 崔顥詩

丹鳳闕 唐六典大明宮南面五門正南曰丹鳳闕
麟游縣城西五里之天台山
翠微宮 崔顥詩
麟游縣城西五里之天台山
翠微宮 崔顥詩

和賈舍人早朝大明宮之作

絳幘雞人送曉籌送唐詩數次唐詩集俱作朝尚衣方進翠雲裘九天閭
闔開宮殿華作重萬國衣冠拜冕旒日色纔臨仙掌動
香煙欲傍宸龍浮朝罷須裁五色詔珮聲歸向
鳳池頭向漢本漢律體唐詩品集俱作到

大明宮 長安志大明宮在禁苑之東南南接京城之北面西接宮城之東北隔南北五里東
以助役龍朔三年西三里貞觀八年置為永安宮城九年改曰大明宮以備太上皇清暑百官獻賀財

絳幘 漢書儀衛中與畫並不得畫雜夜漏未明三刻
雞人 周禮雞人夜曉
尚衣 唐書百官志尚衣局奉御二人
翠雲裘 宋玉賦賦主人之女野承
九天 呂氏春秋

衣 唐書百官志尚衣局奉御二人
翠雲裘 宋玉賦賦主人之女野承
九天 呂氏春秋

衣 唐書百官志尚衣局奉御二人
翠雲裘 宋玉賦賦主人之女野承
九天 呂氏春秋

衣 唐書百官志尚衣局奉御二人
翠雲裘 宋玉賦賦主人之女野承
九天 呂氏春秋

衣 唐書百官志尚衣局奉御二人
翠雲裘 宋玉賦賦主人之女野承
九天 呂氏春秋

衣 唐書百官志尚衣局奉御二人
翠雲裘 宋玉賦賦主人之女野承
九天 呂氏春秋

衣 唐書百官志尚衣局奉御二人
翠雲裘 宋玉賦賦主人之女野承
九天 呂氏春秋

衣 唐書百官志尚衣局奉御二人
翠雲裘 宋玉賦賦主人之女野承
九天 呂氏春秋

衣 唐書百官志尚衣局奉御二人
翠雲裘 宋玉賦賦主人之女野承
九天 呂氏春秋

衣 唐書百官志尚衣局奉御二人
翠雲裘 宋玉賦賦主人之女野承
九天 呂氏春秋

衣 唐書百官志尚衣局奉御二人
翠雲裘 宋玉賦賦主人之女野承
九天 呂氏春秋

衣 唐書百官志尚衣局奉御二人
翠雲裘 宋玉賦賦主人之女野承
九天 呂氏春秋

衣 唐書百官志尚衣局奉御二人
翠雲裘 宋玉賦賦主人之女野承
九天 呂氏春秋

衣 唐書百官志尚衣局奉御二人
翠雲裘 宋玉賦賦主人之女野承
九天 呂氏春秋

衣 唐書百官志尚衣局奉御二人
翠雲裘 宋玉賦賦主人之女野承
九天 呂氏春秋

衣 唐書百官志尚衣局奉御二人
翠雲裘 宋玉賦賦主人之女野承
九天 呂氏春秋

衣 唐書百官志尚衣局奉御二人
翠雲裘 宋玉賦賦主人之女野承
九天 呂氏春秋

衣 唐書百官志尚衣局奉御二人
翠雲裘 宋玉賦賦主人之女野承
九天 呂氏春秋

衣 唐書百官志尚衣局奉御二人
翠雲裘 宋玉賦賦主人之女野承
九天 呂氏春秋

衣 唐書百官志尚衣局奉御二人
翠雲裘 宋玉賦賦主人之女野承
九天 呂氏春秋

衣 唐書百官志尚衣局奉御二人
翠雲裘 宋玉賦賦主人之女野承
九天 呂氏春秋

衣 唐書百官志尚衣局奉御二人
翠雲裘 宋玉賦賦主人之女野承
九天 呂氏春秋

衣 唐書百官志尚衣局奉御二人
翠雲裘 宋玉賦賦主人之女野承
九天 呂氏春秋

先世掌絲

五夜陸離新編刻銘六日無辨五夜不分李善注衛宏漢舊儀曰晝漏盡

絲綸禮記王言如絲其出如綸王言如綸其出如綸唐書賈會傳元宗為太子諸漢宮儀以會

辭議者謂中書乃曹司非官稱雖名在禮不據乃就職與辭皆同掌制諸皆以鳳毛倫半敬

父作侍中加授桓公公從從大門入桓公室之曰大奴固自有鳳毛南齊書謝超宗祖暹運來臨川

侍王母殿儀儀卒起宗作謀奏之帝大嗔賞曰超宗殊有鳳毛志靈復出

同和

岑參

雞鳴紫陌曙光寒鶯囀皇州春色闌金闕曉鐘開萬戶玉階仙仗擁千官花迎劍佩星初落柳拂旌旗露未乾獨有鳳凰池上客陽春一曲和皆難

皇州謝靈運詩春色滿皇州王階班固西都賦玉階彤庭張花柳成按宋梅堯臣詩唐時

杜子美詩有皇州帝都也陽春新序客有歌於郢中者其始曰下里巴人國中屬而

其為陽春白雲國中屬而和者數十人而已也引商刻羽雜以流風國中屬而和者數十人而已也引商刻羽雜以

毛西河曰西午年人在湖西長至夜於地處山使君官舍愚山偶論王維參杜甫和賈至早朝

詩惟杜有無法坐客憐然于解曰徐之往有客亦主此說子實其或過客曰不然律法極細吾輩論

其相者律律也既謂早朝則雞鳴鐘衣冠闔閭律法如是矣王維數數參參者能以花迎柳拂

陽春一曲補舍人原唱春色二字則王稍減耳其他則無不同者何則律故也杜即不然王母仙拂

之論此豈過耶愚山大喜

或按早朝四句氣格雄深可謂工麗皆律詩之佳者結句俱用鳳凰池事惟老杜獨別此其妙處不容

掩者若評較全篇則王詩則為上王之杜實為下雖蘇子瞻所賞在旌旗日暖二句楊誠

齋所取在花迎劍佩一聯文人愛向各有不同讀西河毛氏之說其優劣固已判矣但謂王母仙拂

非朝時之事燕雀相賀非朝時之境二語猶有未當處仙拂即殿廷所植之桃以花迎柳拂故曰

仙拂而春色滿然則如醉與王母仙拂迴無涉燕雀相賀之說亦不相干也以此見

未免過苦若其餘之論駁駁為無當或必欲不罷工部及參王二作實處太詳主處太略不

如杜作後四句全注意舍人為律和詩體者豈非溺愛而致蹈不之過哉或嫌右丞四句衣冠之

字未免冗雜亦屬吹毛求疵洗垢索瘢善言詩者不必拘拘於此至漢律賦以京師謀血之後

漢主離宮接露臺秦川一半夕陽開青山盡是朱旗

和太常韋主簿五郎溫湯寓目

湯沐本唐詩歌吹唐詩品彙俱作泉

王右丞集 卷十

繞碧澗翻從玉殿來新豐樹裏行人度樹一小苑城邊獵騎迴聞道甘泉能獻賦懸知獨有子雲才

太常主簿唐書百官志太常寺有主溫湯唐書地理志京兆府昭應縣有宮在驪山

天寶六載更置溫泉宮曰華清宮治湯井為池環山列宮室又築羅城置百司及十宅安志溫湯在

臨潼縣南一百五十步驪山之西北雍州圖曰溫湯在新豐縣溫泉也三秦記曰驪山湯

舊說以三牲祭乃得入可以去疾治病不爾即爛人肉俗云始皇與神女戲不以禮神女唾之即生

瘡始皇怖神女為出溫泉而洗滌後人因以為驗漢武帝故事曰驪山湯初起至漢

武又加修飾焉十道志曰今按泉有三所其一處即皇宮石井周武帝天和四年大家宰宇文護所

造隋文帝開皇三年又修屋宇列樹松栢千餘株貞觀十八年詔左屯衛大將軍姜行本將作少匠

閣立德營建宮殿御湯名湯泉宮太宗時幸製碑咸亨二年名溫泉宮天寶六載改為華清宮驪山

上下谷治湯井為池臺殿環列山谷明皇歲幸焉又築會昌城即於湯所置百司及公卿邸第焉

離宮三輔黃圖離宮天子露臺漢書文帝紀帝嘗欲作露臺召匠計之直百金上曰百金

古曰今新豐驪山有露臺之舊址劉向傳云孝文露臺其積土至今猶存

新豐驪山驪山有露臺之舊址劉向傳云孝文露臺其積土至今猶存

漢書揚雄字子雲孝成帝時客有為雄文似相如者上方郊祠甘泉泰畤汾陰

后土以求繼嗣召雄待詔承明之庭正月從上甘泉還奏甘泉賦以風懸知知曲不誤

無事畏周

蔡寬夫詩話樂天聽歌詩長愛夫詩第二句謂君重唱夕陽開註云謂王右丞辭秦川一半夕陽開

此句尤佳今摩詰集此詩所謂漢主離宮接露臺是也題乃是和太常韋主簿溫湯寓目不知何所

指為想夫之壯大抵唐人歌曲不隨聲為長短句多是五言或七言取其辭與聲相

疊為音耳豈非當時文人之辭為一時所稱者皆為歌人竊取而播之曲調乎

楊升菴曰予嘗愛王維溫湯五郎詩夫唐至天寶宮室咸矣秦川八百里而夕陽一半開

則四百里之內皆離宮矣此言可謂雄麗若此而猶以漢主離宮之費比之可謂反而

之無罪聞之可謂得揚雄之旨者其王維乎

或按詩以寓目命題則前六句皆即目中之所見而言也漢主句紀其所見宮室之富而并及其地

秦川句紀其所見風景之麗而兼記其時青山驪山之句乃寓目於近而言其所見者如此新豐小

苑之句乃寓目於遠而詠其所見者又如此末則歸美韋郎以見屬和之意詩之大旨不過爾爾溫

湯接近驪山是驪山實境其曰漢主者以漢武會於此修飾堂宇故遂以漢主離宮為言何嘗有

苑舍人能書梵字兼達梵音皆曲盡其妙戲為之贈

文苑英華本無之贈皆字為字之字

名儒待詔滿公車才子為郎典石渠蓮花法藏心懸

悟貝葉經文手自書楚辭共許勝揚馬梵字何人辨

解網史記漢出見野張網四面稅曰自天下四方皆入吾網漢曰噫盡之矣乃命去其三面稅曰欲左欲右不用命乃入吾網諸侯聞之曰湯德至矣及禽獸花笑

史通俗文士謂爲鳴
爲啼花發爲笑

酌酒與君君自寬
人情翻覆似波瀾
白首相知猶按

劍朱門先達笑彈冠
草色全經細雨濕
經文苑英華作輕
花枝欲

動春風寒世事浮雲何足問不如高臥且加餐

酌酒鮑照行路難酌酒以自寬
舉盃斷絕歌路難

波瀾陸機詩休客相乘蹕
翻覆老波瀾

先達韓非子管仲鮑叔相相謂曰齊國之諸公子

其可輔者非公子糾則小白也彈冠漢書王吉與貢禹爲友世稱王陽在位貢禹彈冠言其取舍同也與子人事一人焉先達者相收

王弼州曰韋詰七言律自應制早朝諸篇外住住不拘常調至酌酒與君一篇四聯皆用反法此是初感唐所無又云右丞此篇與岑嘉州嬌歌急管雜青絲銀燭金尊映翠眉使君地主能相送河尹

天明坐望醉春城月出人皆醉野戍花深馬去遲寄聲報爾山翁道今日河南異昔時絳州贈我行
日夜見江海楓葉蘆花秋興長平淮忽迷天遠近青山久與船低昂壽州已見白石塔鉅梓又轉黃

茅岡波平風軟望不到故人久立天蒼茫八句皆按體也然自有唐宋之辨

成按草色一聯乃是卽景托論以衆卉而邀時雨之滋以奇英而受春寒之凋卽植
物一類且有不得其平者況世事浮雲變幻又安足問耶擬之六義可比可興

不到東山向一年歸來纔及種春田雨中草色綠堪

染水上桃花紅欲然欲劉本作亦優婁比邱經論學偃僂丈

人鄉里賢披衣倒屣且相見相歡語笑衡門前

欲然梁元帝詩杯間花欲然竹徑露初圓優婁比邱佛之弟子有優樓頻螺如葉梵語優婁頻螺漢翻木瓜癰以臂前有癰如木瓜故也釋氏要覽

梵語云比丘秦言乞士謂上於諸佛乞法
資益壽命下于施主乞食資益色身
經論釋氏以佛所說者爲經菩薩所
言者爲律聲聞所著者爲論
偈偻丈

人莊子仲尼適楚出於林中見病僂者承蜩猶掇之也仲尼曰子巧乎有道邪曰我有道也五六月累丸二而不墜則失者鎗錙累三而不墜則失者十一累五不墜猶掇之也吾處身也若厥

株拘吾執臂也若槁木之枝維天地之大萬物之多而惟螭翼之知吾不反不側不以萬物易螭之翼何爲而不得孔子顧謂弟子曰甲志不分乃疑於神其病僕丈人之謂乎倒屣

魏志王粲徙長安左中郎將蔡邕見而奇之時邕才學顯著貴重朝廷常車騎填巷賓客盈坐聞粲在門倒屣迎之

無才不敢累明時
思向東溪守故籬
不厭尙平婚嫁

王右丞集 卷十

山裏蟬聲薄暮悲聲文苑英華作鳴寂寞柴門人不到空林獨與

白雲期期一作歸

尚平高士傳尚長字子平河內朝歌人也隱居不仕建武中男女嫁娶既畢敕斷家事勿相關當如我死也於是遂肆意與同好北海禽慶俱游五嶽名山竟不知所終 蜚

韻會基爾雅螭蛭螭一曰螭今促
織也亦曰趨織集韻通作蛭

積雨輞川莊作續文苑英華作秋○衆鈔集作秋歸輞川莊作

積雨空林烟火遲蒸藜炊黍餉東菑漠漠水田飛白

鷺陰陰夏木嘯黃鸝山中習靜觀朝槿松下清齋折

露葵清文苑英華作行野老與人爭席罷海鷗何事更相疑事一作處

蒸藜爾雅藜毛詩義疏曰藜藜也莖葉皆似王芻今兖州蒸以爲茹謂之藜蒸習靜何遜詩習靜悶衣巾讀書煩几案梁朱超詩當夏苦埃埃習靜對花臺朝

槿 雅木槿似李五月始花月令木槿榮是也花如葵朝生夕隕
露葵 宋玉諷賦寒露葵之華曹植七啓芳菲精

釋霜蒼露葵張銑註蒼與
葵宜于霜露之時

爭席
列子楊朱南之沛至梁而遇老子老子曰而雖睢而肝肝而雖
與居太白若辱威德若不足楊朱蹙然變容曰敬聞命矣其往

也舍者迎將家公執席妻執巾櫛舍者避席湯者避竈其反也舍者與之爭席矣

詩人玉屑云杜少陵詩云兩箇黃鸝鳴翠柳一行白鷺上青天
王維詩云漠漠水田飛白鷺陰陰夏木轉黃鸝極盡寫物之工

李肇國史補云王維有詩名然好竊取人文章佳句行到水窮處坐看雲起時英華集中詩也漢漢水田飛白驚陰陰夏木轉黃鸝李嘉祐詩也石林詩話詩云下學字極難須使五言七言之間除去

五字三字外精神興致全見於兩言方爲工妙唐人記水田飛白鷺夏木轉黃鸝爲李嘉祐詩王摩詰竊取之非也此兩句好處正在添漢漢陰陰四字此乃摩詰爲嘉祐點化以自見其妙如李光弼

將郭子儀軍一號令之精采數倍不然嘉祐本句但是詠景耳人皆可到竹坡老人詩話云摩詰四字下得最爲穩切

成按諸家采選唐七言律者必取一詩壓卷或推崔司勣之黃鶴樓或推沈詹事之獨不見或推杜工部之玉樹風傷昆明池水老去非秋風急天高聲篇吳周家之則謂遺篋在甌無如嘉州早朝

澹雅幽寂莫過右丞積雨澹齋翁以二詩得廊廟山林之神隨取以壓卷真足空古準今要之諸詩皆有妙處譬如秋菊春松各擅一時之秀未易辨其優劣或有揚此而抑彼多由覽者自生分別耳

實之與論未必
食同也

過乘如禪師蕭居士嵩邱蘭若

無着天親弟與兄
嵩邱蘭若一峰晴
食隨鳴磬巢烏

下行踏空林落葉聲迸水定侵香案濕雨花應共石

牀平架洞長松何所有
巖然天竺古先生

溢城元和郡縣志清文帝平陳置江州總管移理廢城古之燧口城也漢高帝六年灌嬰所築太平書字記江州初理豫章郡後至成帝咸通元年移理潯城即今郡是也一統志潯城

賈誼漢書天子議以賈誼任公卿之位絳灌東陽侯馮異之屬盡害之誼諍曰維

長沙王太傅誼以適去意不自得及度湘水為賦以弔屈原屈原楚賢臣也被讒放逐

作離騷賦其終篇曰已矣國土人莫我知也遂自投江而死誼追傷之因以自喻

史記屈原者名平楚之同姓也

出塞作

原註時為御史監察塞上作

居延城外獵天驕城文苑英華作門白草連天野火燒白一作百非天

雲空磧時驅馬驅文苑英華作駐秋日平原好射雕護羌校尉朝

乘障破虜將軍夜渡遼王靶角弓珠勒馬漢家將賜

霍嫫姚

居延城漢書地理志張掖郡有居延縣居延澤在東北古文以居流沙師古曰謂駟云武帝

北千五百三十里太平書字記居延城後漢為縣廢北邊備對舊言漢也言沙磧廣漠望之漠

城在今張掖縣東北本匈奴牧地也亦曰居延塞磧漢然也漢以後史家變稱為磧者沙磧

也其義一護羌校尉漢官儀護羌校尉武帝置秩比二千石持節以護西羌

乘障漢書上乃遣狄山雲障師古註乘登也登而守之障

破虜將軍魏志袁術表孫堅行破虜將軍渡遼漢書遼東烏桓反以

塞將軍將北邊七郡千騎擊之應劭曰當度遼水往擊之故以度遼為官號水經大塞水出

塞外衛白平山東南入塞過遼東相平縣西又東南過海市縣西南入於海

霍嫫姚漢書霍去病年十八為侍中曾騎射再從大將軍大將軍受詔與壯士

去病後為驍騎將軍取票姚之字耳今驍者音驍遠則不當其義也然詩人多從音

秋霍嫫姚嫫姚之洛陽加監記北風嫫姚千里飛雪為語子謂嫫姚射獵之事若作

字以爲全璧亦如無意味畫工製蕉如梅是則是矣豈妙手所說冬景哉或謂嫫姚得

字蘇東坡一詩用兩耳字皆以輕義不同不作重韻論然嫫姚工部崔諱事弟許相迎不到一詩既

云江閣芙蓉許馬迎又云醉於馬上往來輕兩馬字全無分別古今詩律之細必推老杜亦不以

此爲忌何心嫫姚於是乎

聽百舌鳥

上蘭門外草萋萋未央宮中花裏栖亦有相隨過御

苑有顯元緯本凌本俱作自不知若箇向金隄入春解作千般語拂曙

能先百鳥啼萬戶千門應覺曉建章何必聽鳴一魏志曉建章字

百舌鳥高誘淮南子注反舌百舌鳥也曉辨反其舌能易其聲以效百鳥之鳴故謂百舌

張衡西京賦周以金隄樹以杞柳

金隄子虛賦鑿蠡軌率上金隄之隄金隄言水之隄壘堅如金

王右丞集卷之十

原
书
空
白
页

王右丞集卷之十一

仁和趙殿成松谷箋註

近體詩二十七首

奉和聖製慶元元皇帝玉像之作應制

明君夢帝先先文苑英華作見寶命上齊天秦后徒聞樂周王恥

卜年玉京移大像金錄會羣仙承露調天供臨空敞

御筵斗迴迎壽酒山近起爐烟願奉無爲化齋心學

自然齊一本作齋非是

元元皇帝杜氏通典大皇帝封元年追號玉像劉陶唐書初太清宮成命工人于太

爲元宗聖帝待立元元之右皆依王者衣冕之服綵繡珠玉爲之錄異記天寶中元宗皇帝立元

元廟于長安大寧里臨渭宮即欲塑元元像夢神人曰太白北谷中有玉石可取而琢之紫氣見處

是也翌日命使人谷求之山下人云旬日來常有紫氣連日不散果于其下掘得玉石琢爲元元像

高二丈許又爲二真人二侍童及李林甫陳希烈之形高六尺以以來雕鏤華清宮老君殿前元元像

南玉石爲老君像通鑑開元二十九年上夢元元皇帝告云有像在京城西南百餘里汝

像制作精絕夢帝通鑑開元二十九年上夢元元皇帝告云有像在京城西南百餘里汝

四月迎置興慶宮五月命畫秦后張衡西京賦昔者大帝悅秦穆公而觀之鑿以鉤天廣樂

元真容分置興慶宮五月命畫秦后張衡西京賦昔者大帝悅秦穆公而觀之鑿以鉤天廣樂

穆公夢天帝奏鉤天樂已有此成按史記諸世家與百神遊于鉤天廣樂九奏舞不類三代之

樂乃諸子事其引秦穆公但云我之帝所莊嚴云云不言開樂也西京賦當另有所據今無考矣

卜年左傳成王定鼎于郊鄭下世金錄隋書道經者云其齋齋之法有寶錄玉錄金錄鑒

陰陽清氣伏養爲帝無爲子故聖人云我無爲而民自化齋心庭之館齋心服形

自然老子人法地地法天天法道法自然

奉和聖製與太子諸王三月三日龍池春禊應

制應制文苑英華

故事修春禊新宮展豫游明君移鳳輦太子出龍樓

賦掩陳王作杯如洛水流金人來捧劍畫鷁去迴舟

苑樹浮宮闕天池照冕旒宸章在雲漢漢元本

垂象滿皇州本傳作也

春禊廣韻禊除不祥也晉書禮志漢儀春上巳官及百姓皆饗于東流水上洗濯除除去

時上巳鳳輦唐會要制輦有七一日大輦二日大輦三日仙遊陳王魏志陳王植字子

建鄴銅鑾臺新成太祖悉將諸子登臺使洛水晉書東晉傳武帝嘗問樂三日由水之義

各爲賦植輦立成可觀太祖甚異之洛水對曰漢章帝時平原徐肇以三月初生三女至

三日俱亡村人以爲怪乃招禱之水濱洗被逐因水以泛船其義起此帝曰必如所說便非好事

進曰肇處小生不足以知臣請言之昔周公成洛邑因流水以泛酒故逸詩云羽觴浮波又秦昭王

以三日置酒河曲見金人奉水心之劍曰今君制有畫鷁其象于船首張正見詩波中畫鷁

西夏及諸侯侯因此立爲曲水二漢相緣皆爲盛集畫鷁其象于船首張正見詩波中畫鷁

飛上錦花

奉和聖製上巳于望春亭觀禊飲應制應制文苑英華

長樂青門外宜春小苑東樓開萬戶上戶文苑英華輦過百

花中畫鷁移仙妓妓唐詩品金貂列上公清歌邀落日妙

舞向春風華作妍渭水明秦甸華作殿黃山入漢宮君王

來被禊灞澹亦朝宗萬首唐人絕句樂府詩集摘首四句

望春亭唐書地理志京兆府萬年縣有南望春宮臨灃水西岸有北望春宮東有廣運潭

也金貂唐書禮儀志武冠今左右侍臣及諸將軍武官通服之侍中常

晉書職官志太宰與太傅太保皆爲上公唐六典三師訓導之官也上公尚書唐建

其名即周之三公漢哀平間始尊師傅之位在三公之上謂之上公清歌妙舞謝朓詩清

妙舞送將灞澹三輔圖灞水出藍田谷西北入渭朝宗馬黃江漢朝宗子海孔安國傳

百川以海爲宗宗尊也孔穎達正義云周禮大宗伯諸侯見天子之禮春見曰朝夏見曰宗秋云朝

猶朝也欲其來之早也尊宗也欲其尊王也朝宗是人事之名水無性識非有此義以海水大而入

海小就大也喻諸侯朝天子亦猶是也詩濟水朝宗于海鄭康成義與水統而入

見天子之禮臣之朝君猶水之奉和聖製幸玉真公主山莊因題石壁十韻之

作應制真劉本願可久本唐

碧落風烟外瑤臺道路賒如何連帝苑別自有仙家

比地迴鑾駕此唐詩品案作緣溪轉翠華洞中開日月牕裏

發雲霞庭養冲天鶴溪流上漢查流劉本唐詩品種田生白

王泥竈化丹砂谷靜泉逾響山深日易斜御羹和石

髓香飯進胡麻大道今無外長生詎有涯還瞻九霄

上來往五雲車

玉真公主

按唐書公主列傳玉真公主字持盈始封崇昌縣主太極元年為山道士蔡靈真師以方士史崇元為師後進號上清元都大洞三景師

莊古傳

古傳其地曰邱宮以為主家別館之遺址也然確誌運沒圖經縣外惟開元中戴祖述撰碑有玉真公主師心此地之語而王維詩光祿寺有玉真公主山莊之詩則玉真真卿為戴之別館矣因盡錄唐人題詠刻之祠中元祐二年歲在丁卯七月望日河東趙紹彭題

落度人

落度人經道言著于始青天中碧落空歌註瑤臺拾遺記崑崙山有瑤臺十二各鑄金駕雲東方第一有碧霞閣是云碧霞閣

翠華

翠華上林賦建翠華之旗李善注翠華以翠羽為葆也冲天鶴天註上漢查志舊

種玉

種玉搜神記陽公伯雍洛陽人也性篤孝父母亡葬無終山月日有客星犯牽牛宿記其年遂家焉山高八十里上無水公汲水作義澆于阪頭行者皆飲之三年有一人就飲以一斗石子與之使至平好地有石處種之云玉當生其中陽公未娶又諸云汝後當得好婦語畢不見乃種其石數歲時往視見玉于石上上人莫知也徐氏者右

石髓

石髓仙傳山五百一十洞其中石髓出得而服之壽與天相畢無外莊子至道無外九霄沈約詩鏡意三山上托慕九霄九龍也五雲車唐詩時明九芝蓋

奉和聖製登降聖觀與宰臣等同望應制

鳳展朝

鳳展朝碧落龍圖耀金鏡維嶽降二臣戴天臨萬姓山川八校滿井邑三農竟比屋皆可封誰家不相慶

林疏遠

林疏遠村出野曠寒山靜帝城雲裏深渭水天邊映喜氣含風景

君聖

君聖降聖觀按唐書山宮廟降聖觀在山城門之下號聖觀在其東歐陽棣在其西通鑑天寶七

降聖觀

降聖觀按唐書山宮廟降聖觀在山城門之下號聖觀在其東歐陽棣在其西通鑑天寶七

鳳展朝

鳳展朝碧落龍圖耀金鏡維嶽降二臣戴天臨萬姓山川八校滿井邑三農竟比屋皆可封誰家不相慶

林疏遠

林疏遠村出野曠寒山靜帝城雲裏深渭水天邊映喜氣含風景

君聖

君聖降聖觀按唐書山宮廟降聖觀在山城門之下號聖觀在其東歐陽棣在其西通鑑天寶七

降聖觀

降聖觀按唐書山宮廟降聖觀在山城門之下號聖觀在其東歐陽棣在其西通鑑天寶七

鳳展朝

鳳展朝碧落龍圖耀金鏡維嶽降二臣戴天臨萬姓山川八校滿井邑三農竟比屋皆可封誰家不相慶

林疏遠

林疏遠村出野曠寒山靜帝城雲裏深渭水天邊映喜氣含風景

君聖

君聖降聖觀按唐書山宮廟降聖觀在山城門之下號聖觀在其東歐陽棣在其西通鑑天寶七

降聖觀

降聖觀按唐書山宮廟降聖觀在山城門之下號聖觀在其東歐陽棣在其西通鑑天寶七

鳳展朝

鳳展朝碧落龍圖耀金鏡維嶽降二臣戴天臨萬姓山川八校滿井邑三農竟比屋皆可封誰家不相慶

林疏遠

林疏遠村出野曠寒山靜帝城雲裏深渭水天邊映喜氣含風景

君聖

君聖降聖觀按唐書山宮廟降聖觀在山城門之下號聖觀在其東歐陽棣在其西通鑑天寶七

降聖觀

降聖觀按唐書山宮廟降聖觀在山城門之下號聖觀在其東歐陽棣在其西通鑑天寶七

鳳展朝

鳳展朝碧落龍圖耀金鏡維嶽降二臣戴天臨萬姓山川八校滿井邑三農竟比屋皆可封誰家不相慶

林疏遠

林疏遠村出野曠寒山靜帝城雲裏深渭水天邊映喜氣含風景

君聖

君聖降聖觀按唐書山宮廟降聖觀在山城門之下號聖觀在其東歐陽棣在其西通鑑天寶七

降聖觀

降聖觀按唐書山宮廟降聖觀在山城門之下號聖觀在其東歐陽棣在其西通鑑天寶七

萬國仰宗周衣冠拜冕旒玉乘迎大客金節送諸侯
祖席傾三省塞帷向九州楊花飛上路槐色蔭通溝
來預鈞天樂歸分漢主憂宸章類河漢一作宸章垂象滿

中州一作中

朝集使

唐六典凡天下朝集使皆令都督刺史及上佐更爲之若邊要州都督刺史及諸州水旱成分則他官代焉皆以十月二十五日至京師十月一日戶部引見訖于尚書省與軍官禮見然後集于考堂應考之學元日陳其貢篚于殿庭唐書禮樂志諸州朝集使位都督刺史三品以上于文武官三品之東西四品以下分方于文武官當品之下

周

毛長詩傳宗周錦京也博物志周自后稷至于文武皆都關中號爲宗周地廣記京兆府本周室所居謂之宗周

大客

周禮大行人掌大賓之禮及大客之儀以辨諸侯節

金節

周禮山國用虎節土國用人節澤國用龍節皆以金爲之鄭康成註諸侯使臣行頒賜則以金節授之以爲行道之信也

三省

唐書唐時以尚書省門下省中書省爲三省

塞帷

後漢書賈琬爲將軍時塞帷以爲行道之信也

通溝

左思魏都賦疏祭美惡何有反垂帷裳以自掩塞乎乃御者察之百城聞風自然遠竄

樂

對當洛音塗

鈞天

神遊于鈞天廣樂九奏萬舞不類三代之樂其聲動人心

中州

列子從中州以東枕廣賦賦賦大川濟乎中與沈徐期稱鵲橋中州李善註中州猶中國也張衡註中州帝都也

奉和聖製送不蒙都護兼鴻臚卿歸安西應制

上卿增命服都護揚歸旆雜虜盡朝周諸胡皆自郾

鳴笳瀚海曲按節陽關外落日下河源塞山靜

秋塞華作盡萬方氛稔息六合乾坤大華作太無戰是天

心天心同覆載

不蒙

不蒙蕃將之姓郭友培元謂當是天蒙之訛劉勰唐書百官志鴻臚寺書高仙芝傳有安西節度使天蒙靈寶即其人也

命服

鄭康成毛詩箋命服者命將受王命之服也沈約安陸昭王碑文命服之序李善註命服命之服也

雜虜

鮑照白馬篇雜虜入雲中成按雜虜謂周蓋用王會經中四夷大會之事見逸周書第九十五篇文多不載

自郾

左傳自郾以下無幾胡微細如曹鄴小國不足置論之意

氛稔

晉書阮季傳皇澤遐被賊寇斂跡氛稔既澄日月自朗

萬乘親齋祭千官喜豫游奉迎從上苑被襖向中流

三月三日曲江侍宴應制文苑英華曲江下有樓字

王右丞集 卷十一

草樹連容衛山河對冕旒畫旗搖浦淑春服滿汀洲
仙樂龍媒下樂韻元緯本凌神臯鳳蹕留從今億萬歲天寶

紀春秋本傳作

板襖孟康書註秋除也今三月上巳板襖也師古曰板音廢板音系韻

汀洲

呂延濟註歐亦浦類也

龍媒

漢書天馬來龍之媒應劭註言天馬者乃神龍之類今天馬已來此龍必至之效也

神臯

張衡西京賦實惟地之奧區神臯宛然神者美言之澤神曰臯沈約神臯見田也謂都畿之內也

蹕

稱警入稱蹕謂云車駕出則應蹕警入則應蹕蹕也而今俱唱之史臣以爲警者蹕也蹕者止也今從衆輿而出者並蹕蹕以備非常也從外而入輿輿相干音蹕而止之也

奉和聖製十五夜燃燈繼以酺宴應制文苑英華作奉和聖製十五夜燃燈繼以酺宴應制

上路笙歌滿春城漏刻長漏刻凌本遊人多晝日明月讓

燈光魚鑰通翔鳳龍輿出建章九衢陳廣樂百福透

名香一作透仙妓來金殿一作仙都人繞玉堂定應偷妙舞一作妙

將天地壽同以獻君王一作妙

燃燈一作妙

菊葉黃花唐明皇在東都正月望夜移仗上陽宮設燈樓高五夜當時惟王右丞奉和聖製酺宴漢書酺五日服虔曰酺音蒲文選曰音步漢律三人以上無故之爲言也王德布于天下而漏刻刻下漏刻以考中星

漏刻

刻下漏刻以考中星

魚鑰

魚鑰唐書神臯宛然神者美言之澤神曰臯沈約神臯見田也謂都畿之內也

九衢

楚辭天問九衢王逸註九交道

百福

初學記洛陽宮殿有百福殿唐六

王右丞集 卷十一

可問鳴蒙

八公

水經註淮南王劉安是漢高帝之孫高祖子也折節下士為好儒學方術之徒數十人皆為後世異焉多神仙秘法鴻寶之道蓋王長子也折節下士為好儒學方術之徒數十人皆為後世異焉多神仙秘法鴻寶之道蓋王長子也

坐知

抱朴子服食金丹一壺

縮地

葛洪神仙傳

玉童

太上飛經九神玉童

割酒

葛洪神仙傳

分風

葛洪神仙傳

天老

天老配中五聖配下台

行

氣

抱朴子欲求神仙

養空

賈誼賦養空而

鴻濛

莊子雲將東遊

將道

一公棲太白高頂出雲烟

楚流諸壑遍

花雨一

峰偏迹為無心隱

因立教傳鳥來還語法客去更

安禪畫涉松露盡

暮投蘭若邊洞房隱深竹清夜

聞遙泉向是雲霞裏

今成枕席前豈惟留暫宿服事

將窮年

道一

傳燈錄江西道一禪師

太白

水經註地理志曰縣有太一山古文以為終南山杜預以為中南山也亦

鳥來

實字記太白山在鳳翔府郿縣東南五十里一統志太白山在西安府武功縣南九十里

法苑珠林齊東大覺寺沙門僧範性至平鄉人也善解羣書時稱清淨年出家經諸經言

山中示弟等

山林吾喪我冠帶爾成人莫學嵇康懶且安原憲貧

山陰多北戶泉水在東隣緣合妄相有性空無所親

安知廣成子不是老夫身

吾喪我

憲貧

緣合

性空

廣成子

田家

舊穀行將盡良苗未可希

卒歲且無衣雀乳青苔井鷄鳴白板扉柴車駕羸特

草屨牧豪稀

下憩旁舍草中歸住處名愚谷何煩問是非

卒歲

柴車

草屨

過盧員外宅看飯僧共題

三賢異七聖

衣學水田上人飛錫杖檀越施金錢

跌坐簷前日焚

香竹下烟寒空法雲地秋色淨居天身逐因緣法心
過次第禪不須愁日暮自有一燈然

三賢仁王經三賢十聖住果報惟佛一人居淨土大藏一覽者論如三乘中十住菩薩學生
薩作法空觀成起慈願力垂形六道教化衆生

七聖釋氏以信行法信解見得身證時解脫
對治獨覺自度障此三十三心菩薩謂之三賢

青眼晉書阮籍能為青白眼見禮之士以白眼對之及嵇喜來弔籍作
行具足

水田釋氏要覽
大般若經世尊眼相修飾如青蓮花葉其可愛樂維摩經目淨修廣如青

飛錫孫綽遊天台賦應真飛錫以掃雲霓李周翰註應真
也

金錢法苑珠林寶應經云波婆梨自場所有得五百金
者檀即施法也此人行施越貧窮海

法雲地華嚴經十地品如須彌山王純寶所成大威德諸天或住其中無有窮盡
不可淨居天

因緣法法華經大通智勝如來廣說十二因緣法無明緣行緣
此輩釋教不生得生也

次第禪華嚴經後分以三昧力得入初禪
漸漸次第

濟州過趙叟家宴原註公左降唐州司
雖與人境接閉門成隱居道言莊叟事儒行魯人餘

散帙謝靈運詩散帙開所和劉良註散帙
道言南史顧歡傳佛言華

青龍寺曇壁上人兄院集并序
吾兄大開蔭中明徹物外明一本作朝外以定力勝敵以惠

用解嚴深居僧坊傍俯人里高原陸地下暎芙蓉之
池竹林果園中秀菩提之樹八極氛霽氣非一本作萬棠塵

息太虛寥廓南山為之端倪皇州蒼茫渭水貫於天
地經行之後跌坐而閑升堂梵筵餌客香飯不起而

江寧大兄持片石命維序之詩五韻坐上成
高處敞招提虛空詎有倪坐看南陌騎下聽秦城鷄

渺渺孤烟起芊芊遠樹齊青山萬井外落日五陵西
眼界今無染心空安可迷

定力釋經所謂定力者立根上住善薩摩訶
僧坊佛經造立高原陸地維摩結經高原竹林果園班固西都賦甘

菩提樹唐會要菩提樹一名娑羅樹葉似白楊西域記金剛座上菩提樹者即畢鉢羅
水

八極淮南子八紘之外乃有八極東北方
無幾等至如來涅槃之日葉皆落葉之如故

太虛孫綽遊天台賦太虛寥廓而無際李善註太虛
極八方之

行法華經經行林中勤求佛道釋氏要覽經行慈恩解云西
界蓮花華嚴經爾時普賢菩薩告大眾言諸佛于此不可說佛刹微塵數香水海在華藏

寧大兄唐書王昌齡字少伯江寧人第進士補秘書郎又中宏詞選汜水尉不讓細行貶龍
招提釋氏要覽招提增輝記梵云招提提舍唐言四方僧物但筆者

同詠王昌齡
本來清淨所竹樹引幽陰引韻元緯簷外含山翠人間

出世心圓通無有象聖境不能侵真是吾兄法何

王右丞集 卷十一 一〇五

妨友弟深天香自然會靈異識鐘音

圓通周顒無遺曰圓通明離障曰通

聖境楞嚴經心存佛國聖境冥現

天香涅槃經後分一切諸天兩無數百千種種

上妙天香大華徧滿三千大千世界

同詠

王縉

林中空寂舍階下終南山高臥一牀上上三韻本俱作地迴看

六合間浮雲幾處滅飛鳥何時還問義天人接無

心世界閑誰知大隱客兄弟自追攀客一作者

空寂舍

空寂舍字見維摩詰經詳二十卷空舍註中

大隱王康琚詩小隱隱陵數大隱隱朝市

同詠

裴迪

靈境信爲絕法堂出塵氛自然成高致向下看浮

雲逶迤峰岫列參差閭井分林端遠堞見風末疎

鐘聞吾師久禪寂在世超人羣

逶迤

此逶迤當依說文作邪去貌解

王右丞集卷之十一

王右丞集卷之十二

仁和趙殿成松谷箋註

近體詩十六首

春過賀遂員外藥園

前年槿籬故今作藥欄成今顧元緯本凌香草爲君子名花
是長卿水穿盤石透藤繫古松生畫畏開廚走走一作去
來蒙倒屣迎蔗漿菰米飯茹醬露葵羹頗識灌園意
於陵不自輕

藥園

唐李華賀遂員外藥園小山池記賀遂公衣冠之鴻鸞執憲起草不歷其心夢寐以青山
白雲爲念庭際有砥礪之材礪礪之璞立而像之衡巫堂下有春蟠之樹圻壤之凹股而

波轉而盈沼支流脉脉而瀟瀟一夫蔬輪而三江過戶十指橫石而羣山倚壁智與化佳至人之用
也其間有書堂琴軒酒樓藥園而傲若雲天華文而翰如江漢以小觀大則天下之理盡矣其

目所自不忘乎賦情遣辭取興茲當當代文目爲詩園道在抑末敦元可以扶教趙郡李華舉其
略而槿籬多植庭園亦可作藥園之槿籬

記之槿籬沈約詩槿籬復密通志略木槿人
物以比諸侯修美人以媲于君宮妃以儔賢
臣此龍鳳鳳以托君子風雲雲以爲小人

長卿謂司馬長卿也喻風流飄飄之意白
美入亦是此意或謂是草中之徐長卿蓋本蕭子雲賦長卿晚翠蘭子秋紅之句而云然成按蕭本
草徐長卿生下瀾川溪之間苗似小麥兩葉相對三月苗青七月八月著子似蓮子而小九月苗

黃十月凋初非奇英開廚音書顧愷之書以新畫題其前寄桓元皆其珍惜意元乃
珍草與名花意不實發其後復取書而補闕如舊以還之給云未開增之見封題如初

但失其畫直云妙畫適變化而去亦猶人之登仙了無怪色南史時有高平郡紹作晉中興書數
以示何法盛法盛有意圖之絕不與至書成在齋內廚中法盛詰紹紹不在直入齋書紹還失之無

復兼本于是遂行何書是書畫二書皆有
開廚失去之事愚意究以畫字爲是

茹醬音書史記使番陽今唐蒙風指曉南越南越食蒙蜀
書音義曰枸木似穀樹其葉似桑葉用其葉作醬酢美蜀人以爲珍味案鹽曰按音灼枸音近劉寔

云枸樹如桑其葉長二三寸味酸取其實以爲醬美小顏云枸者綠木而生非樹也今蜀土家出枸
實不長二三寸味辛似薑不酢劉說非也廣志云枸色黑味辛下氣消積劉謂非樹試註茹醬綠

樹而生其子如桑椹然正青長二三寸以蜜漬而食之味香溫潤五臟南大草木狀茹醬草也
生干著國者大而紫謂之葦莢生干者謂之葦莢生干者謂之葦莢生干者謂之葦莢

茹莢可以爲食故謂之葦莢生干者謂之葦莢生干者謂之葦莢生干者謂之葦莢

河南嚴尹弟見宿弊廬訪別人賦十韻

上客能論道吾生學養蒙貧交世情外才子古人中
冠上方簪豸簪文苑英華作豸車邊已畫熊拂衣迎五馬垂手憑
雙童花醪和松屑醪一作釀茶香透竹叢薄霜澄夜月殘雪

帶春風古壁蒼苔黑寒山遠燒紅眼看東侯別心事
北山同山文苑英華作川爲學輕先輩爲文苑英華作若何能訪老翁欲知今

日後不樂爲車公

養蒙字出周易簪豸獨斷法冠楚冠也一曰杜後惠文冠高五寸以縹緇絳柱卷制執
角以簪豸爲名非也劉勰唐書與服志法冠一名簪豸冠以縹緇絳柱卷制執

其上海珠兩枚爲簪豸之形左右御史臺冠內九品以上服之
漢四年今諸侯王大臣朱輪特虎居前左兒右僕小

國朱輪畫特虎居前左兒右僕小
里也唐制五里使候十里使候驛昌黎路

旁樂詩堆堆路旁候一雙復一雙是也
有三義一爲尊嚴之稱國史補云進士互相推敬謂之先輩是也一爲已第之稱演繁露云唐世舉

人呼已第者爲先輩是也一爲先輩之稱魏志陶謙傳謙守張魯同郡先輩與謙父友意疎親之
吳志關澤傳州里先輩丹陽唐固亦終身稱學稱爲前輩書經班固爲蘭臺

今史與諸先輩陳宗尹敬王義恭共成光武本紀是也右丞此句當作先輩解
無車公不樂游樂之日願開筵待之

車公晉書

送秘書晁監還日本國

并序○還極元集文苑英華唐詩正音俱
作歸又極元集唐詩品集俱無國字

舜觀羣后有苗不服格服一本禹會諸侯防風後至動干
戚之舞興斧鉞之誅乃貢九牧之金始頒五瑞之玉
我開元天地大寶聖文神武應道皇帝大道之行先
天布化乾元廣運涵育無垠苦垂爲東道之標戴勝
爲西門之候豈甘心于叩杖非徵貢于苞茅亦由呼
韓來朝舍于蒲陶之館卑彌遣使報以蛟龍之錦犧
牲玉帛以將厚意服食器用不寶遠物百神受職五
老告期况乎戴髮含齒得不稽顙屈膝海東國日本
爲大服聖人之訓有君子之風正朔本乎夏時衣裳
同乎漢制歷歲方達繼舊好于行人滔天無涯貢方
物于天子司儀加等位在王侯之先掌次改觀不居
蠻夷之邸我無爾詐爾無我虞彼以好來廢關弛禁
上敷文教虛至寶歸上顧元緯本作止故人民雜居往來如市晁

司馬見舊本作朝蓋古字朝是通用故也結髮游聖負笈辭親問禮于

老聃學詩于子夏魯借車馬孔丘遂適于宗周鄭獻

縞衣季札始通于上國名成太學官至客卿必齊之

姜不歸娶于高國在楚猶晉亦何獨于由余遊宦三

年願以君羹遺母不居一國欲其畫錦還鄉莊舄既

顯而思歸關羽報恩而終去于是馳首北闕裏足東

轅一作轅轅命賜之衣懷敬問之詔金簡玉字傳道

經于絕域之人方鼎彝樽致分器于異姓之國琅邪

臺上迴望龍門碣石館前窺然鳥逝鯨魚噴浪則萬

里迴迴鵲首乘雲則八風却走扶桑若薺鬱島如萍

浮一作浮沃白日而簸三山浮蒼天而吞九域黃雀之風

動地黑蜃之氣成雲森不知其所之何相思之可寄

嘻去帝鄉之故舊謁本朝之君臣詠七子之詩佩兩

國之印恢我王度諭彼蕃臣三寸猶在樂毅辭燕而

未老十年在外信陵歸魏而逾尊子其行乎余贈言

者

積水不可極安知滄海東九州何處遠遠極元集萬里若

乘空向國惟看日歸帆但信風一作飛鰲身映天黑魚眼

射波紅一作魚鄉樹扶桑外主人孤島中別離方異域音

信若爲通

秘書監唐書百官志秘書省監一人從三品少監二人從二品上晁監唐書日本傳長安元年遣朝臣真人粟田

而臣附之後稍習夏音等使名更號日本使者自言國近日所出以爲名或云日本乃小國爲使所并故冒其號使者不以情故爲焉

曰不可上德不厚而行武非道也乃防風博物志禹平天下會諸侯會稽九牧金左傳

修教三年執干戚舞有苗乃服五瑞玉尚書輯五瑞孔穎達正義周禮與瑞云公執桓圭侯執信

侯執躬圭卿執綬圭大夫執珪士執璧五等之瑞諸

信故瑞瑞也尊號劉昫唐書元宗本紀八載開元六月丙寅尊號上先天周易

而天弗違後天廣運尚書大禹謨帝德廣運孔安國傳廣涵育宋書顧覲之傳夫聖人虛

無垠屈原九章穆謫渺渺苦垂苦垂未詳徐宗伯全唐詩錄作若華成按大荒北經四野

極其花光赤下照地標郭璞江賦峨峨爲景陽之揚王戴勝山海經西山經西山是西王母

非東方之木疑非是標郭璞江賦峨峨爲景陽之揚王戴勝山海經西山經西山是西王母

又大荒西經崑崙之邱有人戴勝虎齒有豹尾穴處名曰西王母後漢書百官志門有門候

門候主候時諱叩杖史記留侯世家留侯曰吾嘗將百萬軍然安知獄吏之貴乎

或寄生可苞茅左傳齊侯以諸侯之師伐楚楚子使與師言管仲對曰爾實苞茅不入王祭不

爲材蒲陶館漢書元壽二年單于來朝上以歲厭勝所在舍之上林卑彌魏志孫資傳

立一女子爲王名曰卑彌呼事鬼道能歌景初二年六月倭女王遣大夫難升米等詣求請天

子朝獻其年十二月詔書報倭女王曰制詔親親魏倭王卑彌呼帶方太守劉夏遣使送汝大夫難升

米次使都市牛利奉汝所獻男生口四女人生口六人班布二疋二丈以到汝所任贈還乃遣使汝

獻是汝之忠孝我甚哀汝今以絳地交龍錦五匹絳地交龍錦五匹絳地交龍錦五匹絳地交龍錦五

所獻不寶遠物尚書旅獒不寶遠物百神受職禮記郊特牲郊則天神之尊也

戴髮含齒列子有七尺之骸手足之異戴髮含齒王侯先漢書匈奴傳呼韓邪單于朝天

爾詐我虞左傳宋及楚平華元爲質文教馬百二里按文教問禮家語孔子

學詩家語子夏習詩魯借車馬家語孔子謂南宮敬父曰

與周緇衣左傳襄二十九年吳公子札聘于鄭見子產如上國左傳昭二十七年吳子使

齊姜詩齊姜之妻娶高國左傳齊侯伐晉夷儀鄭之從孫也

鯨魚古今鯨魚者海魚也。大者長千里。小者數十丈。生數萬計。常以五月六月就岸邊生。子至十八月。導從其子。還大海中。鼓浪噴噴。噴沫爲生水族驚畏。皆逃匿。莫敢當者。其謂曰鰲大者亦長千里。
日鰲大者亦長千里。
眼爲明月珠。
鵠首淮南子龍舟踏首浮吹以鵠首誘註鵠大鳥也。畫其像者船頭故曰鵠首也。
八風淮南子何謂八風東北曰炎風。
涼風東方曰條風東南曰景風南方曰巨風西南曰涼風西方曰颺風西北方曰飈風北方曰寒風。
扶桑十洲記扶桑在碧海之中。地方萬里有。上。有太帝宮。太真東王父所治。處地多林木。葉

悟真寺

長安志崇法寺即舊真寺也在藍田縣東南二十里王順山白居山有詩述其盛

黃金地

法苑珠林須達長者請陀太子欲買園造精舍陀太子言若能以黃金布地令

白玉田

京賦有藍田田玉是之自出

四禪

此發光地時得四禪神通安樂無憂經是菩薩生

乞火

見本卷鹿

百二

漢書秦形勝之國也帶河阻山

世界三千

法苑珠林長阿含起世經等四洲地心即是須彌山外別有八山圍如須彌山下大海深八萬四

桂拾遺記

王母與昭王遊于桂林

王城

鮑照詩家世宅

望雲

史記帝者就之如

披霧

晉書向秀今衡陽見樂廣而奇之命諸子造焉曰此尸素漢書今朝廷大臣上不能匡主下

草庵客

神仙傳焦先居河之湄結

與蘇盧二員外期遊方丈寺而蘇不至因有是

作

文苑英華唐詩品彙俱以

共仰頭陀行能忘世諦情迴看雙鳳闕

鳳闕本名樹樓相去一

牛鳴法向空林說心隨寶地平手巾花氎淨香帔稻

畦成聞道邀同舍相期宿化城安知不來往翻以得

無生

以得顯元鐘本

頭陀行

法苑珠林夫五欲盡離是禪境既能除棄其心寂靜能修此道故此章內具明十

王右丞集

卷十二

難實者如衣抖擻能去塵垢是故從喻為名翻譯名義頭陀新云杜多此云抖擻亦云修治亦云洗

不捨不修不著我執使人名為多杜多今說稱頭陀大品云須菩提說法者受持十二頭陀一作阿蘭

若二常乞食三常著糞衣四坐食五節量食六中後不飲漿七塚間住八樹下住九露地住十常坐不

臥二三次第乞食

世諦 涅槃經世諦所謂世諦第一義諦其義云何如出世人之所知者名

所稱是名世諦解陰無有某甲名字離陰亦無某甲名字出世之人如其性相而能知之者第一義

諦或復有法有名有實或復有法有名無實者即是世諦有名有實者是第一義諦如我

苦集滅道名第一義諦所謂世諦以立體立名義諸世諦以褒貶立目宗鏡錄經云以凡夫見之為世諦

以聖人見之為空諦所謂世諦者實不虛故稱世諦世諦不無執假為諦真諦非有證實為諦

一牛鳴 大藏一覽一牛鳴地其聲五里翻譯名義拘盧舍此云五百弓亦云一牛

曉行巴峽 曉行巴峽 曉行巴峽 曉行巴峽 曉行巴峽 曉行巴峽 曉行巴峽 曉行巴峽 曉行巴峽 曉行巴峽

巴峽 曉行巴峽 曉行巴峽 曉行巴峽 曉行巴峽 曉行巴峽 曉行巴峽 曉行巴峽 曉行巴峽 曉行巴峽

趣 曉行巴峽 曉行巴峽 曉行巴峽 曉行巴峽 曉行巴峽 曉行巴峽 曉行巴峽 曉行巴峽 曉行巴峽 曉行巴峽

巴峽 曉行巴峽 曉行巴峽 曉行巴峽 曉行巴峽 曉行巴峽 曉行巴峽 曉行巴峽 曉行巴峽 曉行巴峽

賦得清如玉壺冰 原註京兆府試時年十九○凌

藏冰玉壺裏冰水類方諸 文苑英華作玉壺何

同照綺疏抱明中不隱含淨外疑虛氣似庭霜積光

言砌月餘 言毛氏試

比清心尚不如 文苑英華作若向貪食比貪心定不

清如玉壺冰 鮑照白頭吟清

方諸 鄭康成周禮註鑒諸屬取水者世謂之方諸准

下則水生以銅鑒受之下水數滴

綺疏 漢書梁冀傳留諸皆有綺疏寶

神異傳有夫婦相別破鏡人各執半以為信其妻與人通鏡化為鸞飛至夫前

聚螢書 晉書

恭勸不勞博學多通家貧不得油燈月

則練蠟成數十螢火以照書以夜繼日焉

野花愁對客泉水咽迎人善卷明時隱黔婁在日貧
逝川嗟爾命邱井嘆吾身前後徒言隔相悲詎幾晨

幾案本傳詩品
集俱作歲

楊朱 列子 子 楊朱

桑扈 莊子 子 桑扈

善卷 高士傳 善卷者古之賢人也

妻 列女傳 魯 季子 死 會子 與門人 往弔之

逝川 鮑照 詩 東海 昇 逝川 西山 導 落 暉 王 倫 精

邱井 淵 碑 文 感 逝川 之 無 捨 哀 清 暉 之 渺 歎

哭祖六自虛 原註時年

否極當聞泰 嗟君獨不然 憫凶纔稚齒

中年餘力文章秀 生知禮樂全 翰留天帳覽

宮傳國訝終軍 少人知賈誼 賢公卿盡虛左

推先不恨依窮轍 終期濟巨川 才雄望羔雁

貂蟬福善聞 前錄纖良味 上元何辜鍛鸞翮

龍泉 又與字一作失 鵬起長沙賦 麟終曲阜

道廣海內我情偏 乍失疑猶見 沉思悟絕緣

前不忍別死 後向誰宣 為此情難盡 彌令憶更纏

家清渭曲歸葬舊 塋邊永去長安道 徒聞京兆

旌車出郊甸 鄉國隱雲天 定作無期別 寧同

舊日旋 舊 侯門家屬苦 行路國人憐 送客哀

終進 終 征途泥復前 贈言為挽曲 奠席是離

筵念昔同攜手 風期不暫捐南山 俱隱逸東洛 類神

仙未省音容 間那堪生死 遷花時金谷 飲月夜竹林
眠滿地傳都賦 傾朝看藥船 羣公咸屬目 公一微物敢
齊肩謬合同人 旨而將玉樹 連不期先掛劍 長恐後
施鞭為善吾無矣 知音子絕焉 琴聲縱不沒 終亦斷
悲絃 斷一

否泰 抱朴子 塞翁失馬 左傳 塞翁失馬 則

羸疾 晉書 陶潛 傳 羸疾 晉書 陶潛 傳

天帳 法華經 天帳 法華經 天帳 法華經

終軍 漢書 終軍 漢書 終軍 漢書

賈誼 漢書 賈誼 漢書 賈誼 漢書

巨川 尚書 巨川 尚書 巨川 尚書

羔雁 說苑 羔雁 說苑 羔雁 說苑

虛左 見六卷 虛左 見六卷 虛左 見六卷

窮轍 詩經 窮轍 詩經 窮轍 詩經

龍泉 又與字一作失 鵬起長沙賦 麟終曲阜

道廣海內我情偏 乍失疑猶見 沉思悟絕緣

前不忍別死 後向誰宣 為此情難盡 彌令憶更纏

家清渭曲歸葬舊 塋邊永去長安道 徒聞京兆

旌車出郊甸 鄉國隱雲天 定作無期別 寧同

舊日旋 舊 侯門家屬苦 行路國人憐 送客哀

終進 終 征途泥復前 贈言為挽曲 奠席是離

筵念昔同攜手 風期不暫捐南山 俱隱逸東洛 類神

知音 絕絃 絕絃 絕絃 絕絃 絕絃

為善 皮卒 皮卒 皮卒 皮卒 皮卒

王右丞集卷之十二

王右丞集卷之十三

仁和趙殿成松谷箋註

近體詩七十三首

答裴迪萬首唐人絕句作答裴迪懷終南山

森森寒流廣蒼蒼秋雨晦君問終南山心知白雲外

輞口遇雨憶終南山因獻絕句 裴迪

積雨晦空曲平沙滅浮彩輞水去悠悠南山復何

在

輞口長安志輞谷水出南山輞谷北流入渭水陝西志輞川在藍田縣南輞山之口去縣八里水輪漣如車輞然川盡處為輞寺即王維別業

山中寄諸弟妹萬首唐人絕句無詩字凌本唐詩正音俱無詩字凌

山中多法侶禪誦自爲羣城郭遙相望惟應見白雲

見顧元緒本凌本俱作禪誦

禪誦謂坐禪誦經陳書吳郡陸慶雲屏居以禪誦爲事

聞裴秀才迪吟詩因戲贈萬首唐人絕句作聞裴迪吟詩戲贈

猿吟一何苦愁朝復悲夕莫作巫峽聲腸斷秋江客

悲凌本作愁

巫峽水經註丹山西即巫山者也其間首尾一百六十里謂之巫峽蓋因山爲名也絕巖多生棧柏懸泉瀑布飛漱其間清榮峻茂良多趣味每至晴初霜旦林寒澗肅常有高猿長嘯屬引凄異空谷傳響哀轉久絕故漁者歌曰巴東三峽巫峽長猿鳴三聲淚沾裳一統志巫峽在夔州府巫山縣東三十里即巫山也與西陵峽並稱三峽連山七百里無斷處自非亭午夜分不見日月

贈韋穆十八

與君青眼客共有白雲心不向東山去日令春草深

皇甫岳雲谿雜題五首

鳥鳴磻

日一作自

王右丞集 卷十三

人間桂花落夜靜春山空月出驚山鳥時鳴春澗中

皇甫岳按唐書宰相世系表有皇甫岳乃皇甫仲子未知即此人否

蓮花塢

日日採蓮去洲長多暮歸弄篙莫濺水畏濕紅蓮衣

鷓鴣塢

乍向紅蓮沒復出清浦颺獨立何灘徙銜魚古查上

清顧可久本作晴浦萬首唐人絕句作晴浦

鷓鴣鷓鴣以類推之者也此鷓鴣而生子種農書所謂鷓鴣不卵生口吐其雛獨爲一異者也楊子異物志云鷓鴣能沒于深水取魚而食之不卵而孕雞子池澤既胎而又雛從大華海賦鷓鴣吐生多者生七八少生五六相連而出若絲繡水鳥而巢高木之上

古查玉篇查水中浮木也亦作查江總詩古查橫近澗危石壑前洲

上田平

朝耕上平田暮耕上平田借問問津者寧知沮溺賢

單唐詩正音作誰

萍池

春池深且廣會待輕舟迴靡靡綠萍合垂楊掃復開

掃復開顧元緒本凌本俱作復掃開

輞川集 并序

余別業在輞川山谷其遊止有孟城坳華子岡文杏

館斤竹嶺鹿柴木蘭柴茱萸泝宮槐陌臨湖亭南坨

欽湖柳浪巒家瀨金屑泉白石灘北坨竹里館辛夷

塢漆園椒園等與裴迪閒暇各賦絕句云爾裴迪按唐書本傳稱維善爲詩二十首是蓋當時自爲一快耳

孟城坳

新家孟城口古木餘衰柳來者復爲誰空悲昔人有

同詠

裴迪

結廬古城下時登古城上古城非曠昔今人自來往

曠昔曠弓余曠昔之夜鄭康成註曠發聲也音猶前也

華子岡

飛鳥去不窮連山復秋色上下華子岡惆悵情何極

同詠

裴迪

落日松風起還家草露稀雲光侵履跡山翠拂人衣

文杏館

文杏裁爲梁香茅結爲宇不知棟裏雲去作人間雨

文杏梁長詩賦刻木闢以爲橫令飾文杏以爲梁

香茅左思吳郡賦食焉香茅

棟裏雲郭璞詩雲生梁棟間風出簷戶裏

同詠

裴迪

迢迢文杏館躋攀日已屢南嶺與北湖前看復迴

顧

斤竹嶺

檀欒映空曲青翠漣漪暗入商山路樵人不可知

斤竹考載凱之竹詩劉美之續竹譜贊寧皆無斤竹名惟謝靈運有從斤竹間越嶺溪行詩一首又靈運遊名山志云神子溪南山與七里山分流去斤竹間數里始見斤竹之名

通志畧竹之良者惟有簞竹謝靈運所遊之嶺今在雁蕩則斤竹即簞竹是矣

同詠

裴迪

明流紆且直綠篠密復深一逕通山路行歌望舊

岑

綠篠說文篠小竹也謝靈運詩綠篠緇清澗

鹿柴

空山不見人但聞人語響返景入深林復照青苔上

苔一作藓

柴樂土通切音與柴同樞也一作秦氏師行野次柴立木爲障落謂之柴別墅有籬落者亦謂之柴

同詠

裴迪

日夕見寒山便爲獨往客不知松林事但有麝麝

跡松韻可久本萬首唐人絕句唐詩紀事皆作深

麝麝廣韻麝屬鹿社鹿劉詩麝麝麝或屬倚林麝香耳眠

木蘭柴

秋山斂餘照飛鳥逐前侶彩翠時分明夕嵐無處所

處所高唐賦風止南聲雲無處所

同詠

裴迪

蒼蒼落日時鳥聲亂溪水綠溪路轉深幽興何時

已

茱萸泚

結實紅且綠復如花更開山中倘留客置此茱萸杯

茱萸顯元錄本凌本俱作芙蓉

茱萸泚廣韻泚水通音與泚同玉篇宜以爲古文泚字蓋其水上有茱萸因名圖經本草茱萸今處處有之江淮蜀漢尤多木高丈餘皮青綠色葉似椿而闊厚紫色三月開紅

紫細花七月八月結實似椒子嫩時微黃至熟則深紫

芙蓉杯廣信詩芙蓉酒杯又云芙蓉即酒杯

同詠

裴迪

飄香亂椒桂布葉間檀欒雲日雖迴照森沉猶自

寒

宮槐陌

仄徑蔭宮槐幽陰多綠苔應門但迎掃畏有山僧來

同詠

裴迪

門南宮槐陌是向歆湖道秋來山雨多落葉無人掃南二韻本唐詩品集俱作前是顧可久本作堤山唐詩品集作風

臨湖亭

輕舸迎上客悠悠湖上來當軒對樽酒四面芙蓉開上萬首唐人絕句作仙

舸方言南楚江湘凡船大者謂之舸

同詠

裴迪

當軒彌滉漾孤月正徘徊谷口援聲發風傳入戶來

滉漾玉篇滉漾波也

南垞

輕舟南垞去北垞森難即隔浦望人家遙遙不相識

遙遙唐詩正音作遙山說

南垞

成按樂韻垞直加切小邱名或疑古字書多不載垞字而玉篇韻會諸書均以垞字為古文宅字韻疑垞字即垞字之訛正韻麻陌二韻垞字二字俱不收姑從集韻作茶音讀

同詠

裴迪

孤舟信風泊南垞湖水岸落日下崦嵫清波殊森漫

漫風韻元緯本作一

崦嵫

山海經崦嵫同穴之山西南三百六十里曰崦嵫之山郭璞註曰沒所入山也見離騷卷之

敬湖

吹簫凌極浦日暮送夫君湖上一迴首山青卷白雲

山青顧可久本作青山

同詠

裴迪

空闊湖水廣青熒天色同熾舟一長嘯四面來清風

風

青熒羽賦賦石玉華蓋眩耀青熒師古註青熒言其色青而有光熒也李善註青熒光明貌

柳浪

分行接綺樹倒影入清漪不學御溝上春風傷別離

分行顧元緯本凌本俱作行分

綺樹

江淹四時賦憶上國之綺樹規金陵之薰枝

同詠

裴迪

映池同一色逐吹散如絲結陰既得地何謝陶家時

樂家瀨

颯颯秋雨中淺淺石溜瀉跳波自相濺白鷺驚復下

石溜瀉

謝朓郊遊詩霍靡霍莎被瀉瀉石溜瀉

同詠

裴迪

瀨聲喧極浦沿步向南津汎汎鳬鷗渡時時欲近人

金屑泉

日飲金屑泉少當千餘歲翠鳳翔文螭羽節朝玉帝

翔一作翺

翠鳳

拾遺記西王母乘翠鳳之輦而來前導以文虎文豹後列雕麟紫鳳

羽節

羽節謂羽蓋毛節並是仙人之儀衛桓真人身仙記五色霞內見雙旌羽節仙童靈

餘人

同詠

裴迪

滌滄澹不流金碧如可拾迎晨含素華獨往事朝汲

素華

本草平日第一汲為井華水

白石灘

清淺白石灘綠蒲向堪把家住水東西浣紗明月下

同詠

裴迪

跂石復臨水弄波情未極日下川上寒浮雲淡無

色無色一作秋色一作凝碧

跂石唐信詩下橋先勸酒

北垞

北垞湖水北雜樹映朱欄逶迤南川水明滅青林端

同詠

裴迪

南山北垞下結宇臨歛湖每欲採樵去扁舟出菰

蒲山世本或作上

扁舟漢書范滂乃乘扁舟浮江

竹里館

獨坐幽篁裏彈琴復長嘯深林人不知明月來相照

幽篁楚辭余處幽篁兮終不見大王遊詠幽篁竹林也呂向詩幽篁也篁竹叢也

同詠

裴迪

來過竹里館日與道相親出入惟山鳥幽深無世

人

辛夷塢

木末芙蓉花山中發紅萼澗戶寂無人紛紛開且落

絲綢劉本願可久本俱作絲絲

辛夷朱子楚辭集註辛夷樹大連合抱高數仞其花初發如筆北人呼爲木筆其花最早兩入呼爲迎春

同詠

裴迪

綠堤春草合王孫自留翫況有辛夷花色與芙蓉

漆園

古人非傲吏自關經世務偶寄一微官婆婆數枝樹

偶顯元諱本凌本俱作惟

傲吏史記莊子者魯人也名周周嘗爲漆園吏史記漆園吏郭璞詩漆園有傲吏

婆娑晉書殷仲文與衆至大司馬府府中有老樹樹顧之良久而嘆曰此樹婆娑無復生意

同詠

裴迪

好閑早成性果此諧宿諾今日漆園遊還同莊叟

樂

椒園

桂尊迎帝子杜若贈佳人椒漿奠瑤席欲下雲中君

君劉本願可久本俱作身

椒陸機詩疏椒樹似葉黃有刺針葉堅而滑澤蜀人作茶吳人作茗皆合其葉以爲香

帝子楚辭帝子降兮北渚杜若芳洲兮杜若將以遺兮下女爾雅杜若苗似山薑花黃赤子赤

杜若楚辭杜若芳洲兮杜若將以遺兮下女爾雅杜若苗似山薑花黃赤子赤

雲中君楚辭九歌有雲中君又漢書郊祀志晉巫祀五帝東

同詠

裴迪

丹刺罥人衣芳香留過客幸堪調鼎用願君垂採

摘

臨高臺送黎拾遺萬首唐人絕句無臨高臺三字

相送臨高臺川原杳何極日暮飛鳥還行人去不息

送別萬首唐人絕句唐詩正音唐詩品集

山中相送罷日暮掩柴扉春草明年綠王孫歸不歸

明年二顧本唐
詩品集俱作年年

別輞川別業

依遲動車馬惆悵出松蘿忍別青山去其如綠水何

依遲王勣詩參差與別緒松蘿毛詩傳女蘿菟絲松蘿也孔安國正義云唐蒙女蘿菟絲草上生黃赤如金今合菟絲子是也非

松蘿菟絲草上生黃赤如金今合菟絲子是也非

同詠

王縉

山月曉仍在林風涼不絕慙慙如有情惆悵令人別

崔九弟欲往南山馬上口號與別唐文粹少馬上下六字

第

城隅一分手幾日還相見山中有桂花莫待花如霰

花如霰梁元帝詩上林朝花色如霰

同詠

裴迪

歸山深淺去須盡邱壑美莫學武陵人暫遊桃源裏

留別崔興宗

萬首唐人絕句于四卷內載此首作王維詩題曰留別崔興宗十六卷重出作崔興宗詩題曰留別王維唐文粹作崔興宗詩品集亦作崔興宗詩題曰留別王維

作右丞詩唐詩紀事載王維有崔九在南山馬山口號與別云城隅一分手云云裴迪云歸山深淺去云云興宗留別云云云云是以以此詩為興宗留別二人之詩也顧元緯本凌

本皆刪去此首劉須

駐馬欲分襟清寒御溝上前山景氣佳獨往還惆悵

息夫人

原註時年二十○河岳英靈集

莫以今時寵能忘舊日恩看花滿眼淚不共楚王言

息夫人

左傳楚子威以息婦歸生堵敖及成王焉未言楚子問之對曰吾一婦人也事二夫縱能死其又奚言本詩事王維詩王維詩云息婦生堵敖及成王焉未言楚子問之對曰吾一婦人也事二夫縱能死其又奚言本詩事王維詩王維詩云息婦生堵敖及成王焉未言楚子問之對曰吾一婦人也事二夫縱能死其又奚言

右丞維詩先成云云坐客無敢繼者王乃歸餅師以終其志

班婕妤三首唐文粹河岳英靈集

班婕妤好

玉牕螢影度金殿人聲絕秋夜守羅幃孤燈耿明滅

班婕妤好漢書孝成班婕妤初即位入後宮始為少使俄而大幸為婕妤居增成舍再就

班婕妤好皇后皆失寵復進見許皇后坐廢婕妤恐久見危求供

宮殿生秋草君王恩幸疎那堪聞鳳吹門外度金輿

金輿史記為之金輿

怪來妝閣閉朝下不相迎總向春園裏花間笑語聲

題友人雲母障子原註時年十五

君家雲母障持向野庭開自有山泉入非因彩畫來

障子唐詩呼屏障為障子杜甫有題李尊師松樹障子歌齊已有二龍

紅牡丹

綠艷閒且靜紅衣淺復深花心愁欲斷春色豈知心

左掖梨花文苑英華作左

閒灑堦邊草輕隨箔外風黃鸝弄不足賺入未央宮

左掖文苑英華作左

左掖文苑英華作左

左掖文苑英華作左

左掖文苑英華作左

左掖文苑英華作左

左掖文苑英華作左

左掖文苑英華作左

左掖文苑英華作左

左掖文苑英華作左

左掖文苑英華作左

左掖文苑英華作左

左掖文苑英華作左

雖殿門外他出之門皆可名爲掖門也唐門下北省在日華門名左右掖亦名西掖此之日華月華者立門自宜政殿東西兩廊出門未是宮外而亦以掖名之則殿門自正門外旁或有門皆爲掖門也

同詠

邱爲

冷艷全欺雪餘香乍入衣春風且莫定吹向玉階飛

同詠 與樂作和王給事雄

皇甫冉

巧解迎人笑偏能亂蝶飛春風時入戶幾片落朝衣

口號又示裴迪 七絕內有私成口號詩示迪一首故此云又示也舊唐書人絕句作菩提寺裴迪

安得捨塵網拂衣辭世喧悠然策藜杖歸向桃花源

塵網 陶潛詩塵網中人絕句作去

塵網 陶潛詩塵網中人絕句作去

杖藜 莊子原憲冠緌履杖藜而應門陸德明註杖藜以藜爲杖也

雜詩

家住孟津河門對孟津口常有江南船寄書家中否

孟津 孔穎達尚書正義孟津河北地名春秋所謂向盟是也于孟地置津謂之孟津史記正義杜預云盟河內郡河陽縣南孟津也在洛城北都道所通古今以爲津武王渡之近代呼爲武濟特地志云盟津周武王伐紂與八百諸侯會盟津亦曰孟津又曰富平津水經云小平津今云河陽津是也

君自故鄉來應知故鄉事來日綺牕前寒梅著花未

成按陶淵明詩云爾從山中來早晚發天目我居南嶺下今生幾歲菊王介甫詩云道人北山來問松我東園舉手指屋脊云今知許長與右丞此章全一杆軸皆情到之辭不假修飾而自工者也然淵明介甫二作下文綴語稍多趣意便覺不遠右丞只爲短句一吟一嘆更有悠揚不盡之致欲于此下復贅一語不得

已見寒梅發復聞啼鳥聲愁心視春草畏向玉階生

玉階 舊唐書人絕句作階前

崔興宗寫真 唐詩紀事作與崔興宗寫真詩

畫君年少時如今君已老今時新識人知君舊時好

山菜萸

朱實山下開清香寒更發幸有聚桂花牕前向秋月

朱實 顏元緯本作朱萸有一作與

山菜萸

圖經本草山菜萸葉如梅有刺二月開花如杏四月實如酸棗赤色通志山菜萸其實似萸楚之實一名蜀葵一名難足一名魁實

哭孟浩然

原註時爲殿中侍御史知南選至襄陽作○萬首唐詩人絕句作哭孟浩然唐詩紀事作憶孟詩

故人不可見漢水日東流借問襄陽老江山空蔡洲

首二句唐詩紀事作故人今不見日夕漢江流蔡洲各本俱作蔡州今從顏元緯本校正

孟浩然

唐書孟浩然襄陽人少好節義喜振人患難隱鹿門山年四十乃遊京師嘗于然園林下雜以實對帝喜曰朕聞其人而未見也何懼而匿昭然出帝問其詩浩然再拜自誦所爲至不才明主棄之句帝曰卿不求仕而朕未嘗棄卿奈何昭然因放懷張九齡爲荊州刺史置府府罷開元末病

蔡洲

水經河水又東南經蔡洲鄭道元註漢長水校尉蔡瑁居之故名蔡洲荆庾背卒

漢水中後漢蔡瑁居其上曹操嘗造其家

王右丞集卷之十三

王右丞集卷之十四

仁和趙殿成松谷箋註

近體詩三十三首

田園樂七首

詩林廣記作輯
川六言

出入千門萬戶經過北里南鄰蹀躞鳴珂有底崆峒

散髮何人

顧元緯本凌本出入俱作
厭見蹀躞俱作官府

北里南鄰

左思詩南鄰擊鐘磬
北里吹笙等

再見封侯萬戶立談賜璧一雙詎勝耦耕南畝何如

高臥東牕

立談

解嘲或立談問
而封侯

賜璧

史記廉頗蔣離捧璧一見趙王賜白璧一雙黃金百
錢再見拜為上卿二見卒受相印封萬戶侯

採菱渡頭風急策杖村西日斜杏樹壇邊漁父桃花

源裏人家

顧元緯本作林
顧一本作起村

杏壇

莊子孔子遊于緱嶺之林休坐乎杏壇之上弟子讀書孔子絃歌鼓琴奏曲未半有漁父
者下船而來黽肩交白被髮揄揄行原以上拒陸而止左手據膝右手持頤以聽

萋萋芳草春綠落落長松夏寒牛羊自歸村巷童稚

不識衣冠

首句詩本皆作萋萋芳草秋綠惟唐詩品集作萋萋芳草
春綠今從之又綠字凌本作碧不字萬首唐人絕句作未

長松

孫綽遊天台賦藉萋萋之纖草蔭落落之長
松呂延濟註萋萋草美貌蔭蔭松高貌

山下孤烟遠村天邊獨樹高原一瓢顏回陋巷五柳

先生對門

高原

揚雄羽獵賦相與列
乎高原之上

桃紅復含宿雨柳綠更帶春烟花落家僮未掃鶯啼

山客猶眠

宿萬首唐人絕句作夜春唐詩品集作朝驚曉本唐詩品
集俱作鳥○皇甫冉集亦載此首題作閑居六言

酌酒會臨泉水抱琴好倚長松南園露葵朝折東谷

黃梁夜春

東谷凌本唐詩
品集俱作西舍

黃梁

爾雅梁今梁有三種青梁殷麴有毛粒青米亦微青而細于黃白米也夏月食之極爲清
涼但以味短色惡不如黃白梁故人少種之亦早熟而收少作餽餽米黃梁德大

毛長穀米俱于白梁而收子少不耐水旱食之香味逾于諸梁人號爲竹根黃白梁德亦大毛多
而長穀爲最長不似粟圓米亦白而大其香美爲黃梁之亞古天子之飯所以有白梁黃梁者明取
耳黃白二種

少年行四首

新豐美酒斗十千咸陽遊俠多少年相逢意氣爲君

飲繫馬高樓垂柳邊

萬首唐人絕句本多
作皆意氣作氣味

斗十千

曹植詩歸來宴平樂
美酒斗十千

出身仕漢羽林郎初隨驃騎戰漁陽孰知不向邊庭

苦縱死猶聞俠骨香

作苦一
作死

羽林郎

後漢書羽林郎比三百石無員掌宿衛侍從常選漢
陽關西安定北地三郡西河凡六郡良家補驃騎史記元狩二年春以

將軍將萬騎出隴西有功正義曰漢書霍去病征匈奴有
絕幕之功始置驃騎將軍位至三公品秩同大將軍

漁陽

章懷太子後漢書註漁陽
郡在瀋水之陽今幽州

俠

骨香

張華遊俠曲生從命子遊死開俠骨香
成按詩意謂死子邊庭者反不如俠少之死而
得名蓋傷之也與太白縱死俠骨香不衛世上英同用張華遊俠曲中語而命意不同矣

一身能擘兩彫弧虜騎千重只似無偏坐金鞍調白

羽紛紛射殺五單于

樂府詩集擊作
臂重作羣

彫弧

玉篇弧木弓也彫弧
謂有彫畫之弧

五單于

漢書宣帝紀匈奴虛聞傳單于病
死右賢王屠耆堂代立骨肉大臣立

漢家君臣歡宴終高議雲臺論戰功天子臨軒賜侯

印將軍佩出明光宮

雲臺

江淹上建平王書結綬金
馬之庭高議雲臺之上

臨軒

後漢書崔寔傳天子
臨軒百僚畢會

與君相見即相親聞道君家在孟津爲見行舟試借

問客中時有洛陽人

盧集見作
識在作住

贈裴旻將軍

腰間寶劍七星文臂上瑠弓百戰勳見說雲中擒點

聚樂堂送
高上沖天

送元二使安西
詩人玉屑作贈別樂府詩集作渭城曲

渭城朝雨裊輕塵客舍青青柳色新
勸君更盡一杯酒西出陽關無故人
次句劉本萬首唐人絕句樂府詩集俱作客舍青青柳色春又一本作客舍依依楊柳春

成按詩人玉屑以此詩為折腰體謂中失粘而意不斷也唐人歌入樂府以為送別之曲至陽關句反覆歌之謂之陽關三疊亦謂之渭城曲白居易晚春飲酒尋沈四著作詩云最憶陽關唱真珠一串歌註云沈有舊者善唱西出陽關無故人詞又對酒詩云相逢且莫推辭醉唱陽關第四聲註云第四聲勸君更盡一杯酒西出陽關無故人也劉禹錫與歌者詩云舊人惟有何處在更與殷勤唱渭城渭城關關之名蓋因詩中辭云

送別
萬首唐人絕句題作齊州送祖三

送君南浦淚如絲君向東州使我悲
為報故人顙頰盡如今不似洛陽時
州應元緯本凌本俱作周

南浦
江淹別賦送君南浦傷如之何 淚如絲
東州
後漢書樊豐傳雖有西屯之役宜先東州之急蓋懷太子註東州謂冀州

送韋評事

欲逐將軍取右賢沙場走馬向居延
遙知漢使蕭關外愁見孤城落日邊

評事
唐書百官志大理寺有評事八人從八品下 右賢
史記元朔之五年春漢令車騎將軍衛青將三萬騎出塞北去漢輕騎校尉郭成等逐數百里不及得右賢王十餘人

靈雲池送從弟

金杯緩酌清歌轉畫舸輕移豔舞迴
自歎鵲鴒臨水別不同鴻雁向池來

靈雲池
高適集有陪侍御泛靈雲池陪侍御靈雲南寧詩二首其序云涼鵲鴒張華傳注鵲鴒屬也鵲鴒曰鵲鴒鵲鴒毛詩曰水鳥也如雀高足長尾尖喙黑青灰色腹下正白飛則鳴行則搖又曰鵲鴒在原兄弟難鵲鴒共母者飛吟不相離詩人取以喻兄弟相友之道

送沈子福歸江東
二顧本俱無字歸萬首唐人絕句唐詩品集俱作之

楊柳渡頭行客稀
罽師盪槳向臨圻
惟有相思似春色江南江北送君歸

臨圻
謝靈運詩臨圻阻李善註圻者曰曲岸也與圻同

寒食汜上作
文苑英華作寒食汜水山中作國秀集作途中口號

廣武城邊逢暮春
汶陽歸客淚沾巾
落花寂寂啼山鳥楊柳青青渡水人

汜上
元和郡縣志河南府有汜水縣西南至府一百八十里汜水出廣武城杜氏通典水縣古東魏國為鄭城之鄭為制邑左傳曰制嚴邑也有故虎牢城即周穆王獲虎命畜之故曰虎牢漢謂之成皋縣後漢置成皋關其側有廣武城汶陽縣元和郡縣志故汶陽城在兗州魯郡東北五十四里其城側土田沃壤故管仲汶陽之田成二年齊歸我汶陽之田謂此地也

劇嘲史實

清風細雨濕梅花
驟馬先過碧玉家
正直楚王宮裏至門前初下七香車

菩提寺禁裴迪來相看
說逆賊等凝碧池上作
音樂供奉人等舉聲便一時淚下私成口號誦示裴迪

示裴迪
萬首唐人絕句作菩提寺禁聞逆賊裴迪池上作樂

萬戶傷心生野煙
百官何日再朝天
秋槐葉落空宮裏凝碧池頭奏管絃

凝碧池
官唐詩紀事全唐詩話凝碧池詩話俱作案再二顧本明皇雜錄唐詩紀事全唐詩話凝碧池詩話俱作案再二顧本明皇雜錄

菩提寺
長安志平康坊南門之東有菩提寺隋開皇二年隋西公李敏道及僧惠英所奏立寺唐昭陵圖菩提寺在麻池之下與香積寺近賈氏談錄賈君嘗自說太原軍前衛命至承興軍僅經馬舍于菩提寺僧有智滿者言祖師宏道天寶末為寺主僅隸山犯關王右丞為賊所執囚于經藏院與左丞裴迪密相往來裴迪會審漢兵馬于太極西內王閣之泣下遂為詩二絕書于經藏院紙之後祖師收得之相傳至智滿賈君既獲被問凝碧池明皇雜錄遂錄得其辭云萬戶傷心生野煙云云又示裴迪安得捨塵網云云

凝碧池
明皇雜錄城陷兩京大掠文武朝臣及貴門官嬪樂工騎士等數百人以及兵仗嚴衛送于維揚至有逃于山谷者而卒能羅捕追會授以冠帶棹十人充致意樂工求訪頗切于旬日獲梨園弟子數百人羣賊因相與大會于凝碧池宴備官數十人大陳御庫珍寶羅列于前後樂作梨園舊人不覺感歎相對泣下羣逆皆露刃持滿以脅之而悲不能已有樂工雷海青者投樂器于地西向慟哭逆黨乃縛海青于戲馬殿支解以示眾聞之者莫不傷痛王維時為賊拘于菩提寺

聞之賦詩云云唐樂苑圖凝碧池在西內苑重元門之北飛龍院之南

涼州賽神原註時為節度判官在涼州作

涼州城外少行人百尺峯頭望虜塵健兒擊鼓吹羌
笛共賽城東越騎神

健兒

唐六典天下諸軍皆有健兒或按稱軍士為健兒蓋本于三國時考吳志陳表傳云權以表能得健兒之心甘寧傳云能厚養健兒健兒亦樂為用命凌統傳云統為前鋒與所厚健兒數十人共乘一船呂範傳云範親客健兒纂取以歸之類羌笛從羌起羌人伐竹未及已龍鳴水中不見後裁竹吹之聲相似刻其上孔通洞之裁以當機便易持易京君明識音律故本四孔加以一君明所加孔後世是為商聲五音畢然則羌笛本三孔後人加一孔京房又加一孔與今之六孔者不同也

哭殷遙

國秀集唐詩紀事俱作送殷四葬

送君返葬石樓山松柏蒼蒼賓馭還埋骨白雲長已
矣空餘流水向人間

石樓山

元和郡縣志京北府渭南縣西南有石樓山太平寰宇記隰州石樓縣有石樓山唐書地理志汝州梁縣有石樓山一統志西安府藍屋縣有石樓山鳳翔府寶雞縣有石樓山宋知孰是

歎白髮

宿昔朱顏成暮齒須臾白髮變垂髫一生幾許傷心
事不向空門何處銷

暮齒

隋書王劭傳爰自志學警乎暮齒篇好經史遺落世事

垂髫

玉篇髫小兒髮也魏志毛玠傳垂髫執簡累勸取官

王右丞集卷之十四

王右丞集卷之十五

仁和趙殿成松谷箋註

外編四十七首

東溪翫月

顧元緯外編錄此首文苑英華亦作王維詩唐文粹作王昌齡詩

月從斷山口遙吐柴門端萬木分空霽分唐文粹作紛流陰中

夜攢光連虛象白氣與風露寒谷靜秋泉響巖深青

靄殘清澄入幽夢清澄唐文粹作澄清破影抱空戀破影唐文粹作影破恍惚琴牕

裏松溪曉思難

過太乙觀賈生房

顧元緯外編及凌本俱錄此首文苑英華亦作王維詩

昔余棲遁日之子烟霞鄰共攜松葉酒俱簪竹皮巾

攀林遍雲洞雲一作採藥無冬春謬以道門子徵爲驂御

臣常恐丹液就先我紫陽賓天促萬塗盡哀傷百慮

新蹟峻不容俗才多反累真泣對雙泉水還山無主人

人

松葉酒

唐肩吾詩方欣松葉酒自和遊仙吟王維詩春醪煎松葉秋金浸菊花

竹皮巾

漢書高帝爲亭長乃以竹皮爲冠章昭曰竹皮竹筠也今南夷人亦往往爲篋皮巾古之遺製也王維詩橫裁桑節杖直翦竹皮巾

丹液

漢武內傳其次子得服之白日昇天此飛仙之所服地仙之所見也紫陽賓周氏真通記第一紫陽左真人治葛衍山

送孟六歸襄陽

一作送孟浩然○顧元緯外編錄此首文苑英華亦作王維詩漢書李廣傳作張子容詩

杜門不欲出欲還李律久與世情疎以此爲長策長一作勸君

歸舊廬醉歌田舍酒笑讀古人書好是一生事無勞

獻子虛

淮陰夜宿二首

以下五首俱見顧元緯外編註云宋本公詩又載唐孫逖集文苑英華俱編入行邁類亦稱遊作蓋與右丞早入梁陽界結

詩同紀遠驛作右丞詩耳

水國南無畔扁舟北未期鄉情淮上失歸夢郢中疑

六落知寒近山長見日遲客行心緒亂不及洛陽時

永絕臥烟塘蕭條天一方秋風淮木落寒夜楚歌長

宿莽非中土鱸魚豈我鄉孤舟行已倦南越尚茫茫

宿莽

楚辭夕懷中洲之宿莽王逸註草冬生不死者楚人名之曰宿莽

南越

杜氏通典自嶺南南越唐虞三代爲蠻夷之國是百越之地亦謂之南越古謂之離

下京口埭夜行

孤帆度綠氛寒浦落紅暎江樹朝來出吳歌夜漸聞

南溟接潮水北斗近鄉雲行役從茲去歸情入雁羣

京口埭

按唐書地理志潤州丹徒縣有京口埭

山行遇雨

驟雨晝氛氳空天望不分暗山惟覺電窮海但生雲

涉澗猜行潦綠崖畏宿氛夜來江月霽棹唱此中聞

夜到潤州

夜入丹陽郡天高氣象秋海隅雲漢轉江畔火星流

城郭傳金柝閭閻閉綠洲客行凡幾夜新月再如鉤

潤州

按唐書地理志江南道有潤州丹陽郡武德三年以江都郡之延陵縣地置潤州爲州名

金柝

顏延年詩臥伺金柝響起候亭夜漏起城門擊刁斗周處擊木柝李周翰註柝打更木也

冬夜寓直麟閣

顧元緯外編錄此首唐詩品彙亦作王維詩文苑英華作宋之問詩成按題中麟閣之名乃是天授時所改神龍時無復此稱

直事披三省一作省重關秘七門廣庭憐雪淨一作靜深屋喜

鑪溫深屋一作月幌花虛馥一作花風牕竹暗喧東山白雲意

茲夕寄琴檠

一作

麟閣

杜氏通典天授初改秘書省爲麟閣神龍初復舊名

七門

後漢書百官志宮掖門每門司馬一人比干石

司馬主東門元武司馬主元武門北屯司馬主北門北宮朱雀司馬主南掖門東明司馬主東門朔平司馬主北門凡七門

月幌玉篇幌戶廣切帷幔也王勃九成宮頌序風闥夕敞

擗少女子歌筵月貌
宵曉下短燭于舞席

賦得秋日懸清光
詩簡華面唐詩類苑作王維
詩唐詩品集作無名氏詩

寥廓涼天靜晶明白日秋圓光含萬象碎影入閑流

迴與青冥合遙同江甸浮晝陰殊衆木斜影下危樓

宋玉登高怨張衡望遠愁餘暉如可託雲路豈悠悠

江甸宋書蕭思話傳伏順宋玉而變哀懷今若在遠行登山臨水令送將歸張衡

張衡作四愁詩有側身東望涕淚沾襟側身南望涕淚沾襟側身西望涕淚沾襟側身北望涕淚沾襟

山中
本俱錄此首

荆溪白石出天寒紅葉稀山路元無雨空翠濕人衣

荆溪一作藍田
天寒一作玉關

荆溪長安志荆谷水一名荆溪來自藍田縣至康村入萬年縣界西流二
十里出谷至平川合庫谷探谷石門水為荆谷水一名產水

冷齋夜話云夢超然喜論詩其為人純至有風味嘗曰陳叔寶絕無詩語然詩語有警絕者如曰
午醉醒未晚無人夢驚夕陽時有意偏傍小閣明王摩詰山中詩曰溪清白石出天寒紅葉稀山

路元無雨空翠濕人衣舒王百集夜休曰相看不可發慘澹暮潮平欲別更攜手月明洲渚生此皆
得于天趣予問之曰句法固佳然何以識其天趣超然曰能言蕭何所以識韓信則天趣可言余竟

不能詰曰微超
然誰知之

蘇東坡書摩詰藍田烟雨圖云味詰摩之詩詩中有畫摩詰之畫畫中有詩詩曰藍溪白石
出玉川紅葉稀山路元無雨空翠濕人衣此摩詰之詩也或曰非也好事者以補摩詰之遺

從軍行二首
人絕句唐詩紀事俱錄此首樂府詩集亦作王維詩萬首唐

戈甲從軍久風雲識陳難今朝拜韓信計日斬

成安
後二句本樂府詩集俱作今
朝韓信計日斬成安

拜韓信漢書高帝紀漢王齋戒設壇場
拜韓信為大將軍問以計策

計日
魏志司馬懿臨危制變禽
公孫淵可計日待也

斬成安
而望趙軍誠曰趙見我走必空壁逐我若疾入阻壁放礮礮立漢赤旗謂軍吏曰趙已先據便地為
壁且彼未見吾大將旗鼓未竟擊前行恐吾至阻險而還信乃使萬人先行出背水陣趙軍望見大

笑平日信建大將之旗鼓鼓行出背水陣趙軍望見大
軍開入之復疾戰趙果空壁爭漢鼓旗韓信信已入水上軍軍皆殊死戰不可敗信所出奇兵二

千騎共候趙空壁逐利則馳入趙壁皆拔趙旗立漢赤旗二千趙軍已不勝不能得信等欲還歸壁
壁皆漢赤旗大驚以為漢皆已得趙王將矣遂圍道走於是漢兵夾擊大破虜趙軍斬成安君歇

水上食趙
王敬

燕領多奇相狼頭敢犯邊寄言班定遠正是立功年

燕領後漢書班超行詣相者曰君西國衣冠生耳而當封侯侯者指曰生
燕領虎頭飛而食肉此萬里侯相也後使西域五十餘國悉皆內屬焉下詔封

超為定遠
狼頭北史突厥者其先居西海之右獨為部落蓋匈奴之別種也姓阿史那氏後為
侯國所破盡滅其族有一兒年且十歲兵人見其小不忍殺之乃別足斷其臂

棄草澤中有乳狼以肉餌之及長與狼交合遂有孕焉後王聞此兒尚在重遣殺之使者見在狼側
并欲殺狼于時若有神物投狼于西海之東落高昌國西北山山有洞穴狼匿其中遂生十男十男

長外託妻孕其後各為一姓阿史那即其一也
最賢遂為君長故牙門建狼頭纛示不忘本也

遊春曲二首
詩紀事作張仲素詩萬首唐人絕句作王維詩唐

萬樹江邊杏新開一夜風滿園深淺色照在綠波中

上苑無窮樹花開次第新香車與絲騎風靜亦生塵

無本唐詩紀事樂
府詩集俱作何

相思
贈李龜年萬首唐人絕句作相思

紅豆生南國秋來發幾枝勸君多採擷此物最相思

萬首唐人絕句作相思
作故多作休休本勸作贈

紅豆
資暇錄豆有國而紅其首為者舉世呼為相思子即紅豆之異名也其木斜斫之則有文
千英中通身皆紅李善云其實赤如珊瑚也是雲漢交議明皇幸岷山百官皆賀李龜年奔走江

潭杜甫以詩贈之曰岐王宅裏尋常見崔九堂前幾度聞正值江南好風景落花時節又逢君龜年
會于湘中採訪使筵上唱紅豆生南國秋來發幾枝勸君多採擷此物最相思又曰清風明月苦相

思子子從戎十載餘征人去日殷勤囑雁雁來時數附書此辭皆王右丞所製至今梨園唱為歌闕
合座莫不望南
幸而慘然

太平樂二首
王維詩唐詩紀事俱錄此首樂府詩集亦作王維詩萬首唐人絕句作

風俗今和厚君王在穆清行看探花曲盡是泰階平

和元稹本何探
唐詩紀事作探

太平樂
樂府詩集樂苑曰太
平樂商輅曲也

穆清
史記漢興以來至明天子獲符瑞建封禪改正朔易
服色受命于穆清如淳註受天命清和之氣正義曰

穆清也言天子有美
德而教化清也

泰階平
長楊賦玉衡正而泰階平李善註黃帝大將經泰階者三
星為卿大夫下階上星為士下星為庶人三階平則陰陽和風雨時歲大登民

人息天下平是謂太平李周翰註泰階三星也此三星正則天下太平也

聖德超千古皇威靜四方蒼生今息戰無事覺時長

威唐詩紀
事作風

送春辭顧元緯本凌本俱錄此首萬首唐人絕句作王

日日人空老年年春更歸相歡在尊酒不用惜花飛

書事顧元緯外編凌本俱錄此首

輕陰閣小雨深院畫幃開坐看蒼苔色欲上人衣來

詩人玉屑王維書事云輕陰閣小雨深院畫幃開坐看蒼苔色欲上人衣來舒王云若耶溪上踏荷苔與露凝曉酒迴汀草岸花渾不見青山無數逐人來兩詩皆含不盡之意子由謂之不帶聲色楊升菴詩話王摩詰詩今所傳僅六卷如輕陰閣小雨深院畫幃開坐看蒼苔色欲上人衣來一首見于洪覺範天廚禁燔人家在仙掌雲氣欲生衣見于董道畫跋而本集不載則知其詩遺落多矣

塞上曲二首顧元緯本凌本俱錄此首樂府詩集亦作王維詩萬首唐人絕

天驕遠塞行出鞘寶刀鳴定是酬恩日今朝覺命輕

出鞘樂府詩集作鞘裏

塞虜常爲敵邊風已報秋平生多志氣箭底覓封侯

隴上行顧元緯本凌本俱錄此首萬首唐人絕句唐詩紀事俱作王涯詩

負羽到邊州鳴笳度隴頭雲黃知塞近草白見邊秋

羽萬首唐人絕句作箭

負羽江淹別賦或乃邊郡未和負羽從軍呂延濟註箭有羽從軍負之干背而行

閨人贈遠五首顧元緯本凌本俱錄此首萬首唐人絕句唐詩紀事唐詩品彙並作王涯詩○又唐詩紀事題作閨人寄遠

花明綺陌春柳拂御溝新爲報遼陽客流芳不待人

陽一作東芳一作光

綺陌梁簡文帝詩三條綺陌平遼陽漢書地理志遼東郡有遼陽縣

遠戍功名薄幽閨年貌傷妝成對春樹不語淚千行

功名薄陸機詩但恨功名薄竹帛無所宣幽閨江淹別賦傷幽閨之琴瑟

啼鶯綠樹深語燕雕梁晚不省出門行沙場知近遠

啼鶯一作鶯語燕一作燕語

雕梁昭明太子十二月啓魚遊沼疑星遠道之書燕語雕梁狀對幽閣之語

形影一朝別烟波千里分君看望君處祇是起行雲

王右丞集 卷十五

朝一作相

洞房今夜月如練復如霜爲照離人恨亭亭到曉光

洞房唐詩集卷月以自照今但清如練沈約詩秋月如練如霜謝朓樂府夜月夜半洞房向月望洞房也

亭亭謝靈運詩亭亭曉月映冷冷朝露滴謝靈運詩亭亭映江月李善註亭亭迴貌呂向註亭亭月明貌

過友人莊此本孟浩然八言律詩今萬首唐人絕句減去後四句作一絕作王維不知何據顧元緯外編亦錄此首

故人具雞黍邀我至田家綠樹村邊合青山郭外斜

感興此本鄭谷詩詩學權輿以爲王摩詰作顧元緯外編亦錄此首

禾黍不艷陽競栽桃李春翻令力畊者半作賣花人

遊春辭二首顧元緯本凌本俱錄此首樂府詩集亦作王維詩萬首唐人絕句唐詩紀事俱作王涯詩○洪邁萬首唐人絕句序云王涯在翰林同學士今孤楚張仲素所賦宮詞諸章乃誤入于王維集又于王維詩下註云別本維又有遊春詞等詩十五篇并五言十五篇皆王涯所作今已入選詩中

曲江絲柳變烟條寒谷冰隨暖氣銷纔見春光生綺陌已聞清樂動雲韶

雲韶雲門黃帝樂大韶舜樂陸雲詩鸞樓高岡耳想雲韶曹毗宗廟歌詩情愔雲韶盡美盡善

經過柳陌與桃谿尋逐春光著處處迷鳥度時時衝絮

起花繁滾滾壓枝低顧元緯本凌本俱錄此首樂府詩集亦作王維詩萬首唐人絕句唐詩紀事俱作王涯詩

秋思二首顧元緯本凌本俱錄此首樂府詩集亦作王維詩萬首唐人絕句唐詩紀事俱作王涯詩

網軒涼吹動輕衣夜聽更生玉漏稀月渡天河光轉

濕鵲驚秋樹葉頻飛網一本作綠生萬首唐人絕句唐詩紀事樂府詩集俱作長

網軒沈約詩網軒映朱輦張鏡註軒屋簷也以網及珠綴而飾之

宮連太液見滄波暑氣微消秋意多一夜輕風蘋末

起露珠翻盡滿池荷消凌本樂府詩集俱作清

太液史記建章宮其北治大池漸臺高二十餘丈名曰太液池有蓬萊方丈瀛洲壺梁象海中氣所爲也臣瓚曰太液池言承陰陽津液以作池也三輔黃圖太液池在長安故城西建章宮北未央宮西南太液者言其津潤所及廣也長安志大明宮蓬萊殿後有含涼殿後有太液池池內有太液亭子柳渾詩蘋末地起于青蘋之末

蘋末宋玉風賦夫風生于太液滄波波起

太液滄波波起

一二七

囑歸雁來時數寄書

清凌本作秋明萬首唐絕句作明苦相思一作獨離居戎凌本作單寄凌本萬首唐人絕句俱作附

疑夢

見事文類聚

莫驚寵辱空憂喜莫計恩讐浪苦辛黃帝孔邱何處問安知不是夢中身

成讀諸家所刻右丞詩集惟劉須谿評本為最善然其中亦往往雜以他人之作如錢起虞象崔與宗諸公所賦儼然明白者亦亂則其間况其他乎洪邁辯遊春詞等三十首為王涯所作而諸本儼然猶載集中雖其詩亦佳麗可謂較之魚目混珠或珠玉大有徑庭然究非摩詰本來面目矣若文苑英華雲漢友儀冷齋夜話詩人玉屑樂府詩集等書所載右丞詩章有集中所不載者而別書又以爲某某所作疑不能定也存之懼其亂真因別集爲一卷謂之外編以明非劉氏所較集內之詩故耳蓋亦存而不論之意至于分涇渭之殊流別淄澠之異味于聲調體格微似之間而辨正其某首爲真某首爲偽則請以俟淹雅之君子

王右丞集卷之十五

原
书
空
白
页

王右丞集卷之十六

仁和趙殿成松谷箋註

賦表八首

白鸚鵡賦

若夫名依西域族本南海同朱喙之清音變綠衣於素彩一作而惟茲鳥之可貴諒其美之斯在鳥文苑英華作鳥爾其入翫於人見珍奇質狎蘭房之妖女去桂林之雲日易喬枝以羅袖代危巢以瓊室兩以字文苑英華俱作手慕侶方遠依人永畢託言語而雖通顧形影而非匹而唐文粹作之經過珠網出入金鋪單鳴無應隻影長孤偶白鸚鵡於池側對皓鶴於庭隅愁混色而難辨願知名而自呼顧文苑英華作每明心有識懷思無極無文苑英華作何芳樹絕想雕梁撫翼時嚙花而不言每投人以方息慧性孤寡雅容非飾舍火德之明輝被金方之正色至如海燕呈瑞有玉筐之可依山雞學舞向寶鏡而知歸寶文苑英華作瑞皆羽毛之偉麗奉日月之光輝羽毛文苑英華作毛羽豈憐茲鳥地遠形微色凌紈質彩奪繒衣深籠久閉喬木長遠一作閑儻見借其羽翼與遷鶯而共飛其文苑英華作子

白鸚鵡

初學記廣州記曰根柱出五色鸚鵡會見其白者大如母雞南方異物志曰鸚鵡有為四指三向前一向後此鳥兩指向後桂海虞衡志曰鸚鵡大如鸚鵡一種五色大如青者交州巴南盡有之凡如小鸚鵡亦能言羽毛雪以手撫之有粉粘著指掌如蚊蟻翅也
西域謂離越出南海史記始皇本紀略取陸梁地為桂林象郡南海杜氏通典南海今南海始此為也
陵懷德等蘭房宋玉佩賦乃更于蘭桂林漢書地理志桂林郡故秦桂林郡屬尉陀武帝元鼎六年開更名杜氏通典桂林今始安平樂郡是
蒙山開江著梧江鬱林平琴安城實水青林象郡依人庾信詩愛靜魚爭樂珠網龍城融水明寧懷遠寧橫山修德龍池永定等郡是
江澄詩結眉向珠網應思視青苔王金鋪長門賦擠玉戶以藏金鋪李延濟註金鋪扉上有金融詩雕雲度綺窗風入珠網

林註金鋪門鋪首以金為之韻會補說文著門鋪首也從金甫聲增韻所以銜環者作龜蛇之形以銅為之故曰金鋪
鶴謝惠連雪賦鸚鵡等投入晉書載記鳥雀火德白鸚鵡張華為經註白鸚鵡似皓
故曰金鋪南方為火精有赤者故曰火德李周翰註西方金也實寄于西故云體金精也朱鳥南方少也鳥皆象之故云含火德也
五色鳥至之日從帝祀郊禘與其妹浴于元邱之水有元鳥衛卵而墜之玉筐宋書符瑞志高辛氏分元鳥之二人競取覆以上筐欲先得而吞之遂孕胸而生契
魏武時南方獻之帝欲其鳴舞而無由公子蒼遷鶯而小雅出谷遷喬義然詩人是泛指凡鳥舒今置大鏡其前雖鑒形而舞不知止遂至死
成按文苑英華載白鸚鵡賦凡三首第一即右丞作第二不著姓氏第三即名遠作皆于韻下註云以容日上飾孤飛色媚為韻而本集無之又第一第二並止賦五韻缺餘三韻豈當時之制難限八韻亦聽士子為

賀古樂器表

臣維言伏見今月七日中書門下敕牒道士申太芝奏稱伏奉恩旨令臣往名山修功德去載六月二十日於南海葛洪居處至誠祈請中夜恍惚見一老人云是茅山羅浮神人常於七曜洞來往昔曾九疑山於桂陽石室中藏天樂一部歲月久遠變為五野猪彼郡百姓捉獲汝可往取獻皇帝每祈祭但依方安置奏之即五音自和天仙百神應聲降福所求必遂壽命延長臣奉神言即往桂陽尋問百姓云天寶二載村人常見有五野猪逐之便走入石室就裏尋覓化為石物五枚眾共驚異臣取以扣之音律相和與神人言不異今將奉進者臣聞陰陽不測之謂神變化無方之謂聖惟神與聖感而遂通伏惟開元天寶聖文神武應道皇帝陛下居皇建之極中得混成之大道奉先天之聖祖元化協於無為育率土之羣生至仁侔於陰陽然猶精意不倦聖祀逾崇遍禮羣仙思祐九服故得龐眉皓髮遙同入昴之人真訣元言

殿有光非常照耀及開殿門其光彌盛滿堂如晝久之方散其時檢校官及押官等皆共瞻觀者臣聞仙祖行化真氣臨關聖人降生祥光滿室固知仙聖必有景光伏惟開元天地大寶聖文神武應道皇帝陛下大道爲心上元同體挾風雲之質敬想猶龍寫日月之儀欽承大象仍迴舊邸以奉清都真容聖容既明四日照殿照室忽類三光藥宮自明初謂上天無夜桂殿如晝還疑就日而朝琪樹韜華瑤池奪映實由陛下宏敷本際大啓元宗明君潤色于真源聖祖和光于帝載表文明之在御六合以清知臨照之無疆億載多慶臣等限以留司不獲隨例抃舞無任踴躍喜慶之至

上黨郡

唐書地理志潞州上黨郡屬河東道

玉石真容

唐會要天寶元年正月七日陳王府參軍南角東都置於積善坊臨淄舊邸初成命工人于太白山砥石爲元皇帝聖容又採白石爲元

檢校官

杜氏通典神龍二年三月又置員外官二千餘人于是逐有員外檢校試焉

真氣

水經註老子西出關關令尹喜候氣知真人將有西祥光

祥光

宋書符瑞志光武皇帝父爲濟陽令濟陽有武帝行宮常封閉哀帝建平元年十二月甲子日光武

猶龍

史記孔子謂弟子曰吾知其能飛魚吾知其能遊龍吾知其能走走者

清都

列子王喬以爲清都紫微

藥宮

真靈位業圖有太和

瑤池

穆天子傳天子瑤

桂殿

沈約

就日

用帝堯就

宏敷

安大也敷布也

帝載

尚書有能奮庸熙帝之載

賀神兵助取石堡城表

臣維等言伏奉中書門下牒伏見絳郡太平縣百姓王英杞狀稱去載七月於萬春鄉界頻見聖祖空中有言曰我以神兵助取石堡城當時具經郡縣陳說並有文狀申奏訖今載正月又于舊處再見云我昔于梓州威洞造一龕尊像在獨坐山東北公成山左側年代已遠其處傾陷像在土中可報吾孫令人往取斯乃蒼生之福國祚無疆者近奉進止差直省往彼求覓昨見梓潼郡奏稱去年某月二十六日郡縣官吏并道士父老百姓等一千餘人與直省李萬德依此尋求其日諸山盡皆晴朗惟公成山上雲霧暗合遍尋不知所往遂結壇齋戒祈請經宿至二十七日辰時有五色雲見于霧合之處遂即分人子細尋覓乃見山半腹有少土傾處其上竹樹非常蒙密并見一石角出土一寸便穿掘深三尺已來乃是一石龕龕中有尊像一左右真人六并師子崑崙各二遂以水洗沃儀相儼然事實吐符並如真誥其石龕重大非人力所能運轉今于龕上造屋宇便差精誠道士三人專修香火供養謹畫圖奉進者臣聞元德升聞與至降監必錫靈貺彰厥有成不秘祥符昭其克享伏惟開元天地大寶聖文神武應道皇帝陛下以道理國以奇用兵先天而法自然終日不離輜重故得仙君居九霄之上屢降中州聖祖在千古之前還臨後葉視之不見者今見聽之不聞者今聞仍敕神兵以助王旅天丁力士潛結鸛鵲星劍雲旗暗克猊

虎遂殲逆命之虜果屠難拔之城加以言必有徵德無不報指尊像之所在爲寶祚之休徵周流六虛言于晉而驗于蜀混成一氣出于有而入于無未達齋心初迷三里之霧既符真氣俄成五色之雲山腹洞開仙容儼若萬物今覩千劫未逢昔河啓綠圖錄非是今整山輸元女尚謂得天之助藏爲受命之符況真誥人聞聖容神造照臨下土不住大羅之天保祐羣生爰啓小有之洞實感明主縮地而來豈比漢時乘空而去元后欽崇之福遠至邇安聖祖昭報之心天長地久臣等限以留司不獲隨例抃舞不勝踴躍喜慶之至

石堡城劉昫唐書本紀天寶八載六月隴右節度使哥舒翰攻吐蕃石堡城拔之太平縣唐書地理志河東道絳州絳郡有太平縣獨坐

山太平實字記獨坐山在梓州射洪縣東南二十五里周回一里高一百丈卓然孤拔故南枕梓

崑崙唐人多以崑崙爲西嶺之崑崙劉昫唐書南蠻傳自林邑以南皆崇黑身通號爲崑崙元德釋典元德升闡乃命以位孔安

天朝遂見以奇用兵老子以正治國法自然見十一卷不離輜重老子

輕根靜爲躁君是以聖人終日行不離輜重河上公鶴鵠左傳丙戌與華氏戰于諸邱鄭駘願

名獵虎牧獵焉哉夫子向桓桓如獵虎周流六虛借用周易出有入無孫

名山賦神變之揮三三霧後漢書關西人裴優劫龍書道家稱劫數頗類佛經其延康

劫終稱天淮南子洛出丹書河出綠圖高誘注黃帝夢見兩龍繞白圖即帝以授于河

地俱壞綠圖之都天老曰天其授帝圖乎黃帝乃齋河洛之關至于葵嶠東大盧魚折漚而

黃帝舒受之故曰綠圖元女桓麟西王母傳黃帝討蚩尤之暴威所未榮而蚩尤幻變多方

母遣使者被元狐之裘以待授帝曰太一在前天一在後得之者勝戰則克矣佩旒王母乃命

一婦人首爲身謂帝曰我九天元女也授帝以三宮五意陰陽之略太一遁甲六壬步斗之術陰

符之機靈寶五符五勝之文遂克蚩尤于中冀龍魚河圖黃帝攝政政尤兄第八十一人並獸身人

語銅頭鐵額食沙石造兵仗刀戟大驚震天下不仁不慈萬民欲令黃帝行天事黃

帝仁義不能禁止蚩尤遂不敵帝仰天而嘆天遣元女下元后大君也見欽崇商書

授兵信神符而令制伏蚩尤歸臣帝因使鎮兵以制八方元后大君也見欽崇商書

天道遠至邇安左傳思以明德則令名天長地久老子天長地久天地所以

故龍

門下起赦書表

伏奉制書如右好生之德洽于人心奉天之時以行春令體元作則惟聖裁成伏惟乾元大聖皇帝陛下道凝庶績功深廣運極孝敬於至誠致雍和於允穆狹其祝網陋彼畫衣寧失不經況乎輕繫大赦戮餘之罪益寬流宥之典人謂無冤何如捨而不問殺而有禮豈若至于無刑加以親減庶羞無祭肺之膳下除冗食贍餬口之人買櫝設藏彼無歸之骨歲取畝收本乎盡徹之稅巨猾止于一惡貪人免于十夫思折券者寬其暴征嘗書勳者賞其宿負道德齊禮成其有恥之心悔咎思愆開其自新之路道之一變將使比屋可封守在四夷庶夫外戶不閉風俗忠厚禮讓興行六府孔修萬代永賴臣等忝居門下不任鵠藻抃躍之至

赦書唐書肅宗本紀上元元年三月丙子降死罪流以下原之二年正月甲寅降死罪流以下原之好生虞書大禹謨好生之春令

月令仲春之月命有司省囹圄體元東都賦體元立制繼天而作杜預注

二年正月己巳羣臣上尊號曰乾元大聖光天雍和後漢書後紀述敘平允穆南史陳武

文武孝威皇帝今云乾元大聖皇帝當是顯文不經虞書與其殺不辜寧失不經孔安國

時序四門畫衣漢書刑法志有虞氏之時畫衣允穆南史陳武

流宥虞書流宥五刑孔安國傳宥寬無刑虞書刑罰于無庶羞周禮庶羞用百二十

及重獸以備滋味謂之庶羞食大夫禮內則大夫十六上大夫二十其物數備焉天子諸侯有

其數而物未備盡謂之庶羞記口甘五味爲之庶羞醢以致其美曹子建詩樂飲過三爵緩帶傾庶羞

李周翰註庶羞祭肺禮記歲時以年殺不登君膳不祭肺鄭康成註禮食殺牲則祭先有虞

衆味也祭肺氏以首夏后氏以心殷人以肝周人以肺不祭肺則不殺也

口左傳而使餽其口于四方孔穎達正義說文云餽寄食也以此傳言餽口四方故以寄食言之

之餽紙餽則餽其口也巨猾東京賦巨猾聞十夫南史郭原平父亡自賣十夫以供家

食口之名故云餽其口也巨猾東京賦巨猾聞十夫南史郭原平父亡自賣十夫以供家

分務讓逸取勢主人不忍使每遠之原平服勸未嘗
暫替吳達之幾亡無以葬自寶篇十夫客以營家樺

不閉禮運故外戶而不閉是謂大同孔穎達正義外戶者屏從外闔也守淮南子天子得在四夷淮南子天子得外戶淮南子天子得

拒故從外六府虞書水火金木土穀惟修六府後漢書杜詩傳將相和睦士卒無所

而掩也六府虞書水火金木土穀惟修六府後漢書杜詩傳將相和睦士卒無所

謝除太子中允表

臣維稽首言伏奉某月日制除臣太子中允詔出宸衷恩過望表捧戴惶懼不知所裁臣聞食君之祿死君之難當逆胡干紀上皇出宮臣進不得從行退不能自殺情雖可察罪不容誅伏惟光天文武至聖皇帝陛下孝德動天聖功冠古復宗社於墜地救塗炭於橫流少康不及君親光武出于支庶今上皇返正陛下御乾歷數前王曾無比德萬靈抃躍六合歡康仍開祝網之恩免臣疊鼓之戮投書削罪端祗立朝穢汗殘骸死滅餘氣伏謁明主豈不自愧于心仰廁羣臣亦復何施其面謁天內省無地自容且政化之源刑賞為急陷身凶虜尚沐官榮陳力興王將何寵異況臣夙有誠願伏願陛下中興逆賊殄滅臣即出家修道極其精勤庶裨萬一頃者身方待罪國未書刑若慕龍象之儔是避魑魅之地所以鉗口不敢萌心今聖澤含宏天波昭洗朝容罪人食祿必招屈法之嫌臣得奉佛報恩自寬不死之痛謹詣銀臺門冒死陳請以聞無任惶恐戰越之至

太子中允唐書百官志太子中允二人正五品下不知所裁陸機謝平原內史表拜授祗疎尊

號唐書肅宗本紀乾元元年正月戊寅上皇天帝御宣政殿橫流漢大探橫流呂向註橫流

謂亂少康左傳昔有過澆殺斟灌以伐斟鄩夏后相后緡方娠逃出自竇歸于有仍生少康

之以二姚呂諸論有田一成有衆一旅能布其德而北其謀以收夏衆撫其官光武後漢書世

帝高祖九世之孫也出自景帝生長沙定王發發生春陵節侯買萬靈帝封禪書明庭景

生鬱林太守外生鉅鹿郡太守南頓今欽生光武萬靈帝封禪書明庭景

鼓左傳君之惠不以樂臣贊故臣贊跼天陸機謝平原內史表賜天踏地興王南史連屬

日月龍象大般若經是諸善薩行深般若波羅蜜多是人中龍象翻譯名義摩訶那伽大論云

龍力最大龍象大般若經是諸善薩行深般若波羅蜜多是人中龍象翻譯名義摩訶那伽大論云

鉗口淮南子鉗口而不以言委心而不以慮陸機謝天波陸機謝平原內史表應洗

謝集賢學士表

朝議大夫試太子中允臣維稽首言伏奉今月十八日敕令臣克集賢殿學士擢及無能恩加非望抃躍慙懼不知所裁且謂之集賢非賢莫集固當宣其五德列在四科逖聽衆推方紆聖鑒臣抽毫作賦非古詩之流挾策讀書無專經之業伏惟陛下文思超前哲之后書契踰畫卦之君龜圖不能比其詞龍甲不足究其義聞相如在蜀畏不同時徵枚乘于齊惜其已老急賢之旨欲賜追鋒如臣不才豈宜濫吹將何以編次漆簡刊定石經東堂賦詩將招不成之罰北面待詔必無善對之才以榮為憂席寵知懼無任感恩踴躍戰越之至謹詣延英門陳謝以聞

集賢學士唐六典集賢院學士掌刊輯古今之經籍以辨明邦國之大典而備顧問應對

士下為直學朝議大夫唐六典凡敘階二十有九正五品下曰朝議大夫注云漢班固大夫

五德新論五德者智四科後漢書方術傳才兼四科行包九德漢官儀曰建初八年十二

行修能任博士三日明時法律足以決疑能案覆問才任御史四日則教多略遺事不

感明足昭奸吏足決斷才任三輔令皆有孝弟清公之行自今以後當四科辟召

司馬相如封禪書事蹟遺武 古詩之流 班固西都賦序賦者古詩之流也李善註毛

挾策讀書 莊子問藏後事 專經 南史王僧虔宋孝武好文章天下悉 文思 尚書

天地謂之文 漢書文選 畫卦 禮記文王嘉伏犧德洽上始畫八卦三皇本紀太

結繩之政 龜圖 龍圖 鳳圖 麟圖 鳳圖 麟圖 鳳圖 麟圖 鳳圖 麟圖 鳳圖 麟圖

名及即位乘年老乃以安 追鋒 裴松之國志註傳揚言諸公贊曰帝嘗與中書郎馬望侍

論名秀為儒林丈人沈為文籍先生望亦各有名號帝性急請召欲速秀等在內 濫吹 江淹

以吳友朋應吹名實李善註韓子曰齊王使人吹笙南郭處士請為王吹笙與三 漆簡

晉書太康二年汲郡人不準盜發魏襄王墓或言安釐王墓得竹書數十車其紀年十三篇記夏

來至周幽王為犬戎所滅以事紀之三家分列述魏事至安釐王之二十年蓋魏國之史書大略與

命至穆王百年非穆王壽百歲也幽王既亡有共伯和者攝行天子事非二相共和也其易經二篇

與周易上下經同易緯陰陽卦二篇與周易略同陰陽卦則異卦下易經一篇似說卦而異公孫段二

篇公孫段與邵雍易圖說三篇言理皆善事名三篇似禮記又似爾雅諸師各一篇書左傳諸下

益師春似是造書者姓名也項語十一篇諸國之夢妖怪相書也梁邱戴一篇先敘魏之世數次言

邱戴金玉事錄書二篇論法生封一篇帝王所好怪怪二篇鄒子談天一篇先敘魏之世數次言

周穆王遊行四海見西王母西王母圖詩一篇書贊之屬也又雜書十九篇周食田法周書論事周

穆王美人感姬和事大凡七十五篇周書折壞不識名謂漆書校科斗字初穆王著燒版照取

寶物及官收之多遠斷斷札文既殘缺不復詮次武帝以其書付秘書校綴次 石經 後漢書

立太學石經以正五經文字又儒林傳真平四年靈帝乃詔諸儒正定五經刊 東堂賦詩

于石碑為古文篆隸三體書法以相參檢樹之學門使天下咸取則焉 席寵 庶士虎賁惟舊

晉書李密還漢中太守賜 不成之罰 南史梁武帝召廷後進二十餘人置酒賦詩賦盾以

錢東堂語晉今賦詩 謝御書集賢院額表 席寵 庶士虎賁惟舊

臣維言伏奉今月某日聖札題集賢殿御書院額捧
戴扑舞不知所裁竊以先聖微言前王令典所以興
行禮義訓正人倫顧逆胡兇頑不識經籍恣行毀裂
有甚焚燒伏惟陛下御極統天功成理定愍其墜簡
旁搜古壁發求書之使置寫書之官于是九流百家

韋編細帙爛然虎觀威彼鴻都加以親重儒門將為
教首俯題金榜自運銀鈎龍鳳翔于烟雲日月照于
天地曾無以諭誰敢強名況乎方丈之書七分入木
仲將虛為白首義之枉在墨池將使率土之人知陛
下寵茲書府普天之下敦陛下敦彼儒風政化之源
實始于此臣忝編次漆簡刊校石經載光載輝誠歡
誠喜

集賢院 唐六典註今上即位大收遺書以廣儒術開元五年于乾元殿東廊下為四部書
事其後因之六年為幸東都七年于麗正殿安置為修書使褚遂良馬懷素總其事置刊定官四人以一人判
十二年為幸東都于命婦院安置十三年召學士張說等置於集仙殿于是改名集賢殿改修書所
為集賢殿書院五品以上為學士 令典 晉書懷德顯仁 功成理定 樂記王者功成作樂
土六品以下為直學士 功成理定 樂記王者功成作樂 功成理定 樂記王者功成作樂

之使置寫書之官 漢書藝文志漢興改秦之政大收篇籍開獻書之路迄孝武
帝時以書頗散亡使博士傳習書於秘府至成 九流 後漢書張衡傳衡向父子領校秘書
書時以書頗散亡使博士傳習書於秘府至成 九流 後漢書張衡傳衡向父子領校秘書
書時以書頗散亡使博士傳習書於秘府至成 九流 後漢書張衡傳衡向父子領校秘書

百家 漢書武帝紀罷百家章章六經後漢書伏湛傳湛為博士領校秘書
凡一百八十九家言百家章章六經後漢書伏湛傳湛為博士領校秘書
凡一百八十九家言百家章章六經後漢書伏湛傳湛為博士領校秘書

虎觀 漢書伏湛傳湛為博士領校秘書
虎觀 漢書伏湛傳湛為博士領校秘書
虎觀 漢書伏湛傳湛為博士領校秘書

金榜 漢書伏湛傳湛為博士領校秘書
金榜 漢書伏湛傳湛為博士領校秘書
金榜 漢書伏湛傳湛為博士領校秘書

入木 漢書伏湛傳湛為博士領校秘書
入木 漢書伏湛傳湛為博士領校秘書
入木 漢書伏湛傳湛為博士領校秘書

墨池 漢書伏湛傳湛為博士領校秘書
墨池 漢書伏湛傳湛為博士領校秘書
墨池 漢書伏湛傳湛為博士領校秘書

致危 漢書伏湛傳湛為博士領校秘書
致危 漢書伏湛傳湛為博士領校秘書
致危 漢書伏湛傳湛為博士領校秘書

川記 漢書伏湛傳湛為博士領校秘書
川記 漢書伏湛傳湛為博士領校秘書
川記 漢書伏湛傳湛為博士領校秘書

王右丞集卷之十六

原
书
空
白
页

王右丞集卷之十七

仁和趙殿成松谷箋註

表九首

為薛使君謝婺州刺史表

臣某言伏奉今月日制除臣某官拜命若驚稽首無地臣聞洪波退流必盪其溷穢慶雲所潤不遺於荆棘伏惟陛下孝悌之至通于神明馨香之德格于天地故指旗而黑侵旋靜揮戈而白日再中豈臣蟲臂鼠肝所能談天述聖臣之本末強欲自陳擢髮數罪臣戮餘也剖心自明天知之矣臣素書生少為文吏折衝禦侮幾何不亡奉法守文一日之長當賊逼溫洛兵接河潼拜臣陝州催臣上道驅馬才至長圍已合未暇施力旋復陷城戟枝又頭刀環築口身關木索縛就虎狼臣實驚狂自恨驚怯脫身雖則無計自刃有何不可而折節兇頑偷生廁溷縱齒盤水之劍未消臣惡空題墓門之石豈解臣悲今于抱釁之中寄以分憂之重且天兵討賊曾無汗馬之勞天命興王得返屠羊之肆免其釁鼓之戮仍開祝網之恩臣縱粉骨糜軀不報萬分之一況塞帷露冕是去歲之縲囚洗垢滌瑕為聖朝之岳牧臣欲殺身滅愧刎首謝恩生無益于一毛死何異于腐鼠謹當閉閣以思政酌泉以勵心親畢力于平人無煩八部誓不負于明主非畏四知用釋愆誅敢求課最

婺州

唐書地理志江南東道婺州東陽郡慶雲

覆之 孝悌 孝經孝悌之至 馨香 尚書君陳至治馨香感于神明黍稷非馨明德惟馨 黑後 左傳晉見赤黑之穢

揮戈 淮南子魯陽公與韓摯戰日暮揮戈而撝之日為之反三舍 蟲臂鼠肝 莊子以汝為蟲臂乎 擢髮 史記項羽謂項王曰死且不避鼎鑊之誅斧鑕之威

數罪 史記項羽謂項王曰死且不避鼎鑊之誅斧鑕之威 剖心 李陵報蘇武書陵不難刺 折衝 家語其守也則必折衝千里之外其征也則必還師

千里者其司城子罕之謂乎高誘註車所以衝突敵之軍能陷破之也 禦侮 毛詩禦侮有德之國不能攻伐使欲攻己者折還其衝車于千里之外不敢來也 溫洛 述征記洛水底有磐石故上無水人謂之衝突者是能折禦侮故曰禦侮也 溫洛 述征記洛水底有磐石故上無水人謂之衝突者是能折禦侮故曰禦侮也

樂遊苑詩時來濁河變瑞起溫洛清皆指洛水而言右丞則借用為洛陽解矣 河潼 寶十四載十二月殽山陷東京封常清戰敗帥餘衆至陝不可守與高仙芝西趨潼關賊尋至官 陝州 唐書地理志河南道有陝州陝郡本宏農郡魏晉時名 戟枝又頭 裴松之三國志註舊制三公領

寧元年置武德元年曰陝州天寶元年更郡名 戟枝又頭 裴松之三國志註舊制三公領 刀環築口 三國志諸葛亮圍合肥新城城中遺士鄭像出城傳消息或以語徐惺馬騶

不如早降像不從其言大呼城中曰大軍近在圍外壯士努力賊以刀築其口使不得言像遂大呼令城中聞知像為兵守義執節子第宜有差異紹追賜像爵關中侯除士名使子襲爵北齊書 祖逖傳以刀環 漢書司馬遷傳其叔父穰侯也穰侯之封也 盤水之劍 漢書故其

築口 漢書司馬遷傳其叔父穰侯也穰侯之封也 盤水之劍 漢書故其 墓門之石 西京雜記杜子夏葬長安北四里臨終作文曰魏郡杜鄉立志也葬大馬未陳

此焉墓息及死命刊 抱釁 曹植上書勸應詔表臣自抱釁歸 汗馬 漢書今臣愚無汗

石埋于墓側 屠羊肆 莊子楚昭王失國屠羊說走而從乎昭王昭王反國將賞從者及屠羊說屠羊

嘗從屠羊肆 莊子楚昭王失國屠羊說走而從乎昭王昭王反國將賞從者及屠羊說屠羊 有王曰強之屠羊說曰大王失國非臣之罪故不敢伏其誅大王反國非臣之功故不敢當其賞王

曰見之屠羊說曰屠羊之法必有重賞大王之功而後得見今臣之知不足以存國而勇不足以死寇吳 軍入郭說畏難而避寇非故隨大王也今大王欲廢法毀約而見說此非臣之所以聞天下也王謂

司馬子孫曰屠羊說屠羊之法必有重賞大王之功而後得見今臣之知不足以存國而勇不足以死寇吳 屠羊說曰屠羊之法必有重賞大王之功而後得見今臣之知不足以存國而勇不足以死寇吳

屠羊說曰屠羊之法必有重賞大王之功而後得見今臣之知不足以存國而勇不足以死寇吳 屠羊說曰屠羊之法必有重賞大王之功而後得見今臣之知不足以存國而勇不足以死寇吳

屠羊說曰屠羊之法必有重賞大王之功而後得見今臣之知不足以存國而勇不足以死寇吳 屠羊說曰屠羊之法必有重賞大王之功而後得見今臣之知不足以存國而勇不足以死寇吳

屠羊說曰屠羊之法必有重賞大王之功而後得見今臣之知不足以存國而勇不足以死寇吳 屠羊說曰屠羊之法必有重賞大王之功而後得見今臣之知不足以存國而勇不足以死寇吳

屠羊說曰屠羊之法必有重賞大王之功而後得見今臣之知不足以存國而勇不足以死寇吳 屠羊說曰屠羊之法必有重賞大王之功而後得見今臣之知不足以存國而勇不足以死寇吳

屠羊說曰屠羊之法必有重賞大王之功而後得見今臣之知不足以存國而勇不足以死寇吳 屠羊說曰屠羊之法必有重賞大王之功而後得見今臣之知不足以存國而勇不足以死寇吳

屠羊說曰屠羊之法必有重賞大王之功而後得見今臣之知不足以存國而勇不足以死寇吳 屠羊說曰屠羊之法必有重賞大王之功而後得見今臣之知不足以存國而勇不足以死寇吳

屠羊說曰屠羊之法必有重賞大王之功而後得見今臣之知不足以存國而勇不足以死寇吳 屠羊說曰屠羊之法必有重賞大王之功而後得見今臣之知不足以存國而勇不足以死寇吳

屠羊說曰屠羊之法必有重賞大王之功而後得見今臣之知不足以存國而勇不足以死寇吳 屠羊說曰屠羊之法必有重賞大王之功而後得見今臣之知不足以存國而勇不足以死寇吳

屠羊說曰屠羊之法必有重賞大王之功而後得見今臣之知不足以存國而勇不足以死寇吳 屠羊說曰屠羊之法必有重賞大王之功而後得見今臣之知不足以存國而勇不足以死寇吳

屠羊說曰屠羊之法必有重賞大王之功而後得見今臣之知不足以存國而勇不足以死寇吳 屠羊說曰屠羊之法必有重賞大王之功而後得見今臣之知不足以存國而勇不足以死寇吳

屠羊說曰屠羊之法必有重賞大王之功而後得見今臣之知不足以存國而勇不足以死寇吳 屠羊說曰屠羊之法必有重賞大王之功而後得見今臣之知不足以存國而勇不足以死寇吳

屠羊說曰屠羊之法必有重賞大王之功而後得見今臣之知不足以存國而勇不足以死寇吳 屠羊說曰屠羊之法必有重賞大王之功而後得見今臣之知不足以存國而勇不足以死寇吳

屠羊說曰屠羊之法必有重賞大王之功而後得見今臣之知不足以存國而勇不足以死寇吳 屠羊說曰屠羊之法必有重賞大王之功而後得見今臣之知不足以存國而勇不足以死寇吳

屠羊說曰屠羊之法必有重賞大王之功而後得見今臣之知不足以存國而勇不足以死寇吳 屠羊說曰屠羊之法必有重賞大王之功而後得見今臣之知不足以存國而勇不足以死寇吳

屠羊說曰屠羊之法必有重賞大王之功而後得見今臣之知不足以存國而勇不足以死寇吳 屠羊說曰屠羊之法必有重賞大王之功而後得見今臣之知不足以存國而勇不足以死寇吳

天下左足魏都賦聖武像教王巾頭陀寺碑文正法既沒像教喪矣李寶坊梁簡文帝

之龍飛聖受命而光宅雲構陸雲詩思華堂雲構崇基王殿曲水詩序飛大千世界

金輪于香地雲構陸雲詩思華堂雲構崇基王殿曲水詩序飛大千世界

維摩詰經爾時耶離城有長者子名曰寶積與五百長者子俱持七寶蓋來詣佛所頭面禮足各

以其蓋共供養佛之威神令諸寶蓋合成一蓋徧覆三千大千世界而此世界廣長之相悉于中

現李善文選註大千者謂一千千界下至阿尼地獄上至非想天為一世界一千無礙慧

經寶華八等道四生法苑珠林如般若經云一者卵生二者胎生三者濕生四者化生又阿含

謂諸城風三化生者謂天及地獄四卵生者謂飛鳥魚鼈又正法念經云或以天眼見諸畜生有

四種生何等為四一者胎生所謂象馬牛羊二者卵生所謂蛇蠍鴟鵂雞雛雉雞為三者濕生所

謂蠱蟲蟻子之類四者化生如長面龍等又涅槃經云眾生佛性住五陰中若住五陰名曰殺生若

有殺生即墮惡道依此生死故有長面龍等而生曰卵含藏而出曰胎假潤而與曰濕歛然而現曰

過化衆生所攝不中天臺列子周穆王時西極之國有化人來入水火寶金石反山川移城邑

之廣穆王敬之若神事之若君化人以王之宮室車馬而不可處穆王乃為之改築土木之功精聖

之色無遺巧焉五府為虛而臺始成其高千仞踰終南之上號曰中天之臺化人猶不吝然不得已

而歸候神人史記封禪書公孫卿曰仙人可見而上往常遠以故不見今陛下可為觀如緣

則作益延壽觀使卿持節設具而候神人

貴躬薦弟表

臣維稽首言臣年老力衰心昏眼暗自料涯分其能

幾何能文苑英華久竊天官每慙尸素頃又沒于逆賊

不能殺身負國偷生以至今日陛下矜其愚弱託病

被囚不賜疵瑕累遷省閣昭洗罪累免

負惡名洗顧本作失今從文昭洗罪累免

地泣血自思一日得見聖朝即願出家修道及奉明

前後歷任所在著聲臣忝職甚多曾無裨益臣
政不如第二也臣頃負累繫在三司縉上表祈
哀請代臣罪臣之于縉一無憂憐臣義不如第
三也縉之判策屢登甲科衆推才名素在臣上臣小
言淺學不足謂文臣才不如第四也縉言不忤物行
不上人植性謙和執心平直臣無度量實自空
疏臣德不如第五也臣之五短弟之五長加以有功
又能為政顧臣謬官華省而弟遠守方州外媿妨賢
妨文苑英華內慙比義痛心疾首以日為年臣又逼近懸車
朝暮入地闐然孤獨迴無子孫弟之與臣更相為命
兩人又俱白首一別恐隔黃泉儻得同居相視而沒
泯滅之際魂魄有依伏乞盡削臣官放歸田里賜弟
散職令在朝廷臣當苦行齋心弟自竭誠盡節
並願肝腦塗地隕越為期葵藿之心庶知向日犬馬
之意何足動天不勝私情懇迫之至

王縉劉昫唐書王縉字夏卿河中人也少學與兄維早以文翰著名縉連應章澤及文辭清
所推先加憲部侍郎兼御史中丞外諫山之亂縉為太原尹與李光弼同守太原功効謀略衆
縉入拜國子祭酒改鳳翔尹秦州防禦使歷工部侍郎左散騎常侍以己官贖維之罪特為減等
改兵部侍郎屬平珍史朝義河朔未安詔縉以本官河北宣慰使稱旨廣德二年拜黃門侍郎同
平章事太微宮使安史崇實館大學士其年河南劉元帥李光弼薨于徐州以縉為侍中持節都統
河南淮西山南東道諸節度行營事縉總持中從之加上柱國兼東都留守歲餘遷河南副元帥
請減軍資錢四十萬貫修東都府署大曆三年劉元帥李光弼薨于徐州以縉為侍中持節都統
鎮而還委政于蘇若林希彩又屬河東節度辛雲京平澤兼太原尹北都留守河東節度營田觀察
等使縉又請河南副元帥東都留守從之太原舊將王無縱張奉璋等恃功且以縉為難易之每事
多違約束縉一朝悉召斬之將校股慄二歲罷河東歸朝授門下侍郎中書門下平章事時元載用
事縉約束之不敢與忤然持才與老多所傲忽載所不悅心雖希載言辭凌犯無所忌憚時
京兆尹裴君南來州人也數論事載甚病之而力不能去也裴嘗白事於縉曰尹方君子也安
知朝禮其慢而侮人率如此縉緒弟兄奉佛不茹葷食縉晚年尤甚與杜鴻漸給財造寺無限極妻
李氏卒給遺政里第為寺之追福縉其額曰寶應度僧三十人住持每節度觀察使入朝必延至
寶應寺讓令施財助已修繕初代宗喜相和未甚縉佛而元載杜鴻漸喜縉僧徒代宗嘗問以
縉業報應事載等因而啓奏代宗由是奉之過當嘗令僧百餘人于宮中陳設佛像經行念誦謂之
內道場其飲膳之厚寵極珍異出入乘殿馬度支具廣給每西蕃入寇必令羣僧講誦仁王經以禳

原
书
空
白
页

了不可得故名為陰大藏一覽五陰者謂色受想行識歷歷分明即是識陰領納在心即是受陰心緣此理即是想陰行用此理即是行陰汗穢真性即是色陰

錦繡萬花谷眼所見之處耳所聞之處鼻所嗅之處舌所味之處身所觸之處意所識之處謂之六根界色聲香味觸法所在謂之六塵界眼識之根謂之眼識界耳識之根謂之耳識界鼻識之根謂之鼻識界舌識之根謂之舌識界身識之根謂之身識界意識之根謂之意識界

空是謂能學六根六塵六識翻轉名義法界次第云界以界別為義此十八法各有別體無渾渾故各十八界若根相對即有識生識以識別為義識依于根能別于塵故通名識由此根塵識三各有六法成十八界

請迴前任司職田粟施貧人粥狀

右臣比見道路之上凍餒之人朝尚呻吟暮填溝壑陛下聖慈憐愍責公粥施之頃年已來多有全濟至仁之德感動上天故得年穀頗登逆賊皆滅報施之應福祐昭然臣前任中書舍人給事中兩任職田並合交納近奉恩敕不許併請望將一司職田迴與施粥之所于國家不減數粒在窮窘或得再生庶以上福聖躬永宏寶祚仍望令劉晏分付所由訖具數奏聞如聖恩允許請降墨敕

職田 杜氏通典諸京官文武職事各有職分田一品十二頃二品十頃三品九頃四品七頃五品六頃六品四頃七品三頃八品二頃九品一頃

復用 中書舍人 唐書百官志中書舍人 寶祚 聖德天授光祿卿 劉晏 唐書劉晏傳 河南尹 唐書劉晏傳 河南尹 唐書劉晏傳 河南尹 唐書劉晏傳

謝弟緡新授左散騎常侍狀

右臣之兄弟皆迫桑榆每至一別恐難再見匪躬之節誠不顧家臨老之年實悲遠道陛下均平布政中外遷尚錄前勞仍收舊齒使備顧問載珥貂蟬趨

侍玉墀從容瑣闥不材之木附尊聯芳斷行之雁飛鳴接翼自天之命特出宸衷塗地之心難酬聖造不勝戴荷踴躍之至

上元二年五月四日通議大夫守尚書右丞臣王維狀進

肅宗皇帝答詔

敕幸求獻替久擇勳賢具寮咸推令弟有裕既膺贊相之任俯觀規諫之能建禮朝昇鸞行並列承明晚下雁序同歸乃眷家肥無忘國命所謝知

左散騎常侍 唐書百官志門下省有左散騎常侍二人正三品下掌規諫遺失侍從

載珥貂蟬 曹植王仲宣諱載珥貂 不材之木 莊子南伯子綦游乎商之

兵部起請露布文

天地之心無不履載鳥鼠之性自私巢穴國家非徒疆理其地臣妾其人思欲一車書混聲教變毒螫之

武功則我有七德文教則舞于兩階億兆廣堯封之時郡縣加禹服之外而犬戎小醜蝸角偷安動搖遠

邊遮漢使之路脅從小國絕蕃臣之禮四鎮節度使

高仙芝等虔奉聖策肅將天誅因識□之且憎尋勃
律之舊好暨諸胡國悉會王師萬里風馳六軍電掃
氍毹之長思嚮風以無階毳帳之人惟塗地而可獲
遂通重譯罔不來庭實賴聖謀曷惟帝力無攻不克
百蠻皆歸于計中無遠不賓萬方若在于宇下臣等
不勝喜慶之至

露布 封氏見聞記露布捷書之別名也諸軍破賊則以帛書建諸竿上兵部謂之露布蓋自漢

事云有露布戰報插羽是也宋沈璞為肝貽太守與賊質共拒魏軍軍還璞與璞全使自露布

一車書 唐信哀江南賦序并

七德 左傳夫武禁暴戢兵保大定功安民

堯 堯舜禹湯

禹 禹

堯 堯

堯 堯

堯 堯

堯 堯

堯 堯

堯 堯

堯 堯

堯 堯

堯 堯

堯 堯

堯 堯

堯 堯

道路悠遠山川阻深恐使之不通故重三擇而朝也漢書平帝紀越裳氏重譯來庭大雅四方
獻白雉一黑雉二節古曰譯謂傳言也道路悠遠風俗殊隔故累譯而後乃通既平餘方
來庭毛萑傳來 百蠻 家語昔武王克商遂通于九
王庭也 夷百蠻王肅註百蠻夷狄百種

與工部李侍郎書

一昨出後伏承令從官將軍車騎至陋巷見命恨不
得隨使者詣舍下謁才非張載枉傳元以車相迎德
謝侯生辱信陵虛左見待古人有此今也未聞所以
疎踊惕息通夕不寐維自結髮即枉眷顧侍郎素風
維知之矣宿昔貴公子常不交布衣盡禮髦士絕甘
分少致醴以飯汲汲于當世之士常如不及故夙著
問望為孟嘗平原之儔及乎晚歲時危益見臣節草
莽之中乘輿播越列郡或棄車走林畏賊顧望貢獻
不至莫有關心侍郎慨然枕戈泣血奮不顧命捍衛
聖主楊奉之以兵奉迎蕭何之運糧致饋曹洪之以
良馬濟趙衰之以壺飧從收合亡騎繕治兵甲喻以
大義慰而勉之然後以劍率卒執戈前驅浹旬之間
六軍響振以成興復之業豈非侍郎忠節蓋世義貫
白日垂名竹帛為一代宗臣誠可愛也或曰宗子與
國同休不得不爾也夫仁弱自愛者且奔竄伏匿偷
延晷刻窮蹙盛既至即匹夫匹婦自經于溝瀆安能決
命爭首慷慨大節死生以之乎而能不邀寵于上不
干功于下不怠邦政不受私謁時與風流儒雅之士
置酒高會吟詠先王遺風脩然有東山之志善矣維
雖老賤沉跡無狀豈不知有忠義之士乎亦常延頸
企踵嚮風慕義無窮也然不敢自列于下執事者以

為賤貴有倫等威有序以閒人持不急之務朝夕倚門窺戶抑亦侍郎之所惡也而猥不見遺思曹公命吳質曹字子真將何以塞知己之望報厚顧之恩內省空虛流汗而已輒先持狀候涼時即躬詣門下奉謝王維頓首

李侍郎

唐會要至德二年十二月十五日敕鳳從劍南總督武肅共三十二人內有宗正卿兼工部侍郎李適加特進封鄭國公封二百戶劉昶唐書肅宗紀天寶十五載

張載

晉書張載為漢記賦司隸校尉傳元見而嗟歎以車迎之言談盡日為之延譽遂知名

分少

漢書李陵素與士大夫絕分少能得人之死力師問望大雅如圭如璋今聞令望

棄車走林

左傳王乘左廣以逐趙盾趙盾棄車而走林

楊奉

後漢書獻帝紀十一月庚午李傕郭汜等追乘輿戰于東園門李傕敗走

蕭何

漢書蕭何與相守陽陽數年軍無見曹洪三國志曹洪太祖從弟也

以劍率卒

左傳范氏之徒在臺後樂氏乘公門宣子謂範氏之徒欲殺我君範氏之徒欲殺我君

淡旬

國語淡旬而令大夫朝之韋昭註從甲至

貫白

晉書志烈秋霜

竹帛

周禮凡制軍萬有二

爭首

李陵客蘇武書陵兵再戰一以當千然猶扶乘創痛決命

沉跡

袁宏三國名臣序贊況沉

延頸企踵

謝靈運謝靈運海外還方

東山之志

晉書謝安

宗臣

漢書蕭何曹參傳位冠軍臣舉後世為一代

吳質

魏略吳質字季重以才學

山中與裴秀才迪書

近臘月下景氣和暢故山殊可過足下方溫經猥不敢相煩輒便往山中憩感配寺與山僧飯訖而去北

涉元灞清月暎郭夜登華子岡輞水淪漣與月上下寒山遠火明滅林外深巷寒犬吠聲如豹村墟夜春復與疎鐘相間此時獨坐僅僕靜默多思曩昔攜手賦詩步及逕臨清流也當待春中草木蔓發春山可望輕儻出水白鷗矯翼露濕青皋麥隴朝雉斯之不遠儻能從我遊乎非子天機清妙者豈能以此不急之務相邀然是有中深趣矣無忽因馭黃蘗人往不

二山中人王維白

猥也

元灞

淪漣

輕儻

矯翼

與魏居士書

足下太師之後世有明德宜其四代五公克復舊業而伯仲諸昆頃或早世惟有壽光復遭播越幼生弱姪藐然諸孤布衣徒步降在卑隸足下不忍其親杖策入關降志屈體託于所知身不衣帛而于六親孝慈終日一飯而以百口為累攻苦食淡流汗灑霖為之驅馳僕見足下裂裳毀冕二十餘年山棲谷飲高居深視造次不違于仁舉止必由于道高世之德欲蓋而彰又屬聖主搜揚及陋東帛加璧被于巖穴相國急賢以副旁求朝聞夕拜片善一能垂章拖組況足下崇德茂緒清節冠世風高于黔婁善卷行獨于石門荷蓀朝廷所以超拜右史思其入踐赤墀執牘珥筆羽儀當朝為天子文明且又祿及其室養昆弟

免于負薪樵蘇晚爨柴門閉于積雪藜牀穿而未起
若有稱職上有致君之盛下有厚俗之化亦何顧影
踞步行歌采薇是懷寶迷邦愛身賤物也豈謂足下
利鐘釜之祿榮數尺之綬雖方丈盈前而蔬食菜羹
雖高門甲第而畢竟空寂人莫不相愛而觀身如聚
沫人莫不自厚而視財若浮雲于足下實何有哉聖
人知身不足有也故曰欲潔其身而亂大倫知名無
所着也故曰欲使如來名聲普聞故離身而返屈其
身知名空而返不避其名也古之高者曰許由挂瓢
于樹風吹瓢惡而去之聞堯讓臨水而洗其耳耳非
駐聲之地聲無染耳之跡惡外者垢內病物者自我
此尚不能至于曠士豈入道者之門歟降及嵇康亦
云頓纓狂顧逾思長林而憶豐草頓纓狂顧豈與俛
受維繫有異乎長林豐草豈與官署門闌有異乎異
見起而正性隱色事礙而慧用微豈等同虛空無所
不遍光明遍照知見獨存之旨邪此又足下之所知
也近有陶潛不肯把板屈腰見督郵解印綬棄官去
後貧乞食詩云叩門拙言辭是屢乞而多慙也嘗一
見督郵安食公田數頃一慙之不忍而終身慙乎此
亦人我攻中忘大守小不□其後之累也孔宣父云
我則異于是無可無不可可者適意不可者不適意
也君子以布仁施義活國濟仁為適意縱其道不行
亦無意為不適意也苟身心相離理事俱如則何往
而不適此近于不易願足下思可不可之旨以種類

俱生無行作以為大依無守默以為絕塵以不動為
出世也僕年且六十足力不强上不能原本理體裨
補國朝下不能殖貨聚穀博施窮窘偷祿苟活誠罪
人也然才不出眾德在人下存亡去就如九牛一毛
耳實非欲引尸祝以自助求分謗于高賢也畧陳起
予惟審圖之

太師劉洵傳書本紀貞觀十六年九月丁巳特進鄭 四代五公後漢袁安字叔齊

為三公後漢書諸葛亮左傳以是說諸葛亮在大夫杜預注言其幼穉與諸子懸

事漢四世五公左傳以是說諸葛亮在大夫杜預注言其幼穉與諸子懸

是大小相去懸絕也諸葛亮左傳以是說諸葛亮在大夫杜預注言其幼穉與諸子懸

言年既幼穉懸絕于諸子之孤左傳以是說諸葛亮在大夫杜預注言其幼穉與諸子懸

淡漢書叔孫通傳曰后與陛下攻苦食淡其可謂苦矣左傳以是說諸葛亮在大夫杜預注言其幼穉與諸子懸

師古註漢書作淡謂無味之食也言其攻苦勤勞之事而食無味之食也左傳以是說諸葛亮在大夫杜預注言其幼穉與諸子懸

深而中泥泥泥向註腰山樓谷飲飲舒卷從時左傳以是說諸葛亮在大夫杜預注言其幼穉與諸子懸

見東帛加壁史記趙世家王威請天子欲立明堂以朝諸侯不能就其事

典後漢書朝聞夕拜晉書王猛傳猛所以朝聞夕拜者猛為丞相時猛為丞相時猛為丞相時

通後漢書朝聞夕拜晉書王猛傳猛所以朝聞夕拜者猛為丞相時猛為丞相時猛為丞相時

聞其賢使致禮賜粟三千鍾欲以為相辭不受齊王又禮之以黃金百左傳以是說諸葛亮在大夫杜預注言其幼穉與諸子懸

斤聘為卿又不就著書四篇言道家之務號對妻子終身不屈以壽終左傳以是說諸葛亮在大夫杜預注言其幼穉與諸子懸

上註起居舍人因起居注而名官焉古人君言則右史書之即其任也隋煬帝三年又置龍朔二左傳以是說諸葛亮在大夫杜預注言其幼穉與諸子懸

年又改為右史神龍元年復故天授元赤墀漢書梅福傳故願一益文石之陸涉赤墀之塗應劭

年又改為右史神龍元年復故天授元赤墀漢書梅福傳故願一益文石之陸涉赤墀之塗應劭

執牘珥筆崔駰奏記寶意曰珥 羽儀見周易漸 黎牀高士傳管寧常坐一木榻

榻上當膝穿履信小園賦況乎管寧黎牀雖有殊佩所以章德服之衷也較所以執事禮之左傳以是說諸葛亮在大夫杜預注言其幼穉與諸子懸

共也故禮有其度威儀之制三代同之五伯迭興戰兵不息佩非戰器較非兵旗于解去較佩留左傳以是說諸葛亮在大夫杜預注言其幼穉與諸子懸

其係故以為章表故詩曰輶輪佩璆此之謂也較佩既廢秦乃以采組連結于璆光明章表轉相結左傳以是說諸葛亮在大夫杜預注言其幼穉與諸子懸

受故謂之綴漢書秦甲第漢書霍光傳賞賜甲第一區釋 聚沫維摩詰經是身如聚沫

制用而弗改念我身危脆猶如聚沫 普聞用香積飯莊中 曠土曠土懷 嵇康嵇康與山

故使榮進之心日獲在實之情轉篤此由禽鹿少見馴育則服從教訓長而見左傳以是說諸葛亮在大夫杜預注言其幼穉與諸子懸

食詩饒來驅我去不知何之之行至斯里叩門拙言辭主人解予意遺贈豈虛來談終日左傳以是說諸葛亮在大夫杜預注言其幼穉與諸子懸

夕歸至輒傾囊饋我不知何之之行至斯里叩門拙言辭主人解予意遺贈豈虛來談終日左傳以是說諸葛亮在大夫杜預注言其幼穉與諸子懸

慙之不忍左傳以是說諸葛亮在大夫杜預注言其幼穉與諸子懸 九牛一毛漢書司馬遷傳假令僕伏法受

尸祝莊子庖人雖不治尸祝不執樽俎而代之矣分謗左傳韓獻子將斬人卻獻子馳將救之至則既斬之矣卻子使

速以徇告其僕曰吾以分謗也

冬筭記

會心者行會行者祥故行藏于密而祥發于外欲人不知不可得也夫孝于人爲和德其應爲陽氣筭陽物也而以陰出斯其效歟重冰閉地密雪滔天開顯元緯本作開謨而緣籜包生不日盈尺公之家執德庇人仗義藩今校國忘身于王室不家于朱戶公世載盛德人文冠冕又天姿大賢庭訓括羽之日諸季式亦克用訓我爾身也共被爲疎禮庇身焉禦侮無所花萼韡韡爛其盈門兄弟怡怡穆然映女且孝有上和下睦之難尊賢容衆之難厚人薄己之難自家刑國之難加行之以忠信文之以禮樂斯其大者遠者況承順顏色乎況溫清枕席乎如是故天高聽卑神鑒孔明不然筭曷爲出哉視諸故府則昔之人亦以孝致斯瑞也

重冰馬融廣成頌刊重冰撥蓋戶則潘鑄鍾介旅夏庭訓晉書孫盛性方嚴有軌憲括

羽家語子路曰南山有竹不揉自直斬而用之達于犀革以此言之何學之共被謝承後漢書江肱性

韓詩小雅棠棣之華不韡韡今之人莫如兄弟毛萼傳韓光明也鄭康成箋承華者曰郭花萼韡韡

爛其盈門詩大雅韓侯顯其爛其盈門溫清禮記凡爲人子之禮天高聽卑

神鑒孔明夏侯湛東方朔畫贊昔人楚國先賢傳孟母時年冬節將至舜尚未生案入竹林哀嘆

呂氏春秋天之處高而聽卑

而筭爲之出得以供母皆以爲孝之所致感

王右丞集卷之十九

仁和趙殿成松谷箋註

序十首

暮春太師左右丞相諸公于韋氏逍遙谷讌集序

山有姑射人蓋方外海有蓬瀛地非宇下逍遙谷天都近者王官有之不廢大倫存乎小隱跡崆峒而身拖朱紱朝承明而暮宿青靄故可尚也先天之君俾人在宥歡心格于上帝喜氣降爲陽春時則太子太師徐國公左丞相稷山公右丞相始興公少師宜陽公少保崔公特進鄧公吏部尚書武都公禮部尚書杜公賓客王公黼衣方領垂璫珥筆詔有不名命無下拜熙天工者坐而論道典邦教者官司其方典邦教唐文粹作掌相與察天地之和人神之泰聽于朝則雅頌矣問于野則賡歌矣迺曰猗哉至理之代也吾徒可以酒合讌樂考擊鐘鼓退于彤庭選辰擇地選唐文粹作擇右班劍驂六騶畫輪載轂羽幢先路以詣夫逍遙焉唐文粹通字下神臯藉其綠草驪山啓于朱戶渭之美竹魯之嘉樹雲出其棟水源于室唐文粹作雲出灞陵下連乎菜地菜韻本作惟新丹堊巖谷先曙羲和不能信其時卉木後春勾芒不能一其令并木唐文粹作芳花逕窈窕蘅臯漣漪唐文粹作桃驂御延佇于叢薄佩玉升降于蒼翠于是外僕告次獸人獻鮮樽以大疊烹用五鼎木器擁腫卽天姿以

爲飾沼毛蘋蘩在山羞而可薦伶人在位曼姬始穀齊瑟慷慨于座右趙舞徘徊于白雲哀旋松風珠翠烟露日在灤汜羣山夕嵐猶有濯纓清歌據梧高詠與松喬爲伍是羲皇上人且三代之後而其君帝舜九服之內而其俗華胥上客則冠冕巢由主人則弟兄元愷是四美同乎一時廢而不書罪在司禮竊賢楚傳常詣茅堂之居仰謝右軍忽序蘭亭之事唐文粹作思蓋不獲命豈曰能賢

姑射

莊子藐姑射之山神人居焉太平寰宇記平山一名龜山山南有姑射山冀州圖云西入文城郡以山爲界莊子藐姑射之上有神人居焉肌膚若冰雪綉綺若處子不食五穀吸風飲露乘雲御飛龍而遊乎四海之外

方外莊子藐姑射之山神人居焉王官莊子藐姑射之山神人居焉小隱莊子藐姑射之山神人居焉在宥莊子藐姑射之山神人居焉下拜莊子藐姑射之山神人居焉而論道莊子藐姑射之山神人居焉官司其方莊子藐姑射之山神人居焉猗哉莊子藐姑射之山神人居焉班劍莊子藐姑射之山神人居焉給黃莊子藐姑射之山神人居焉羽幢莊子藐姑射之山神人居焉先路莊子藐姑射之山神人居焉嘉樹莊子藐姑射之山神人居焉丹堊莊子藐姑射之山神人居焉菜地莊子藐姑射之山神人居焉層巖莊子藐姑射之山神人居焉義和莊子藐姑射之山神人居焉勾芒莊子藐姑射之山神人居焉窈窕莊子藐姑射之山神人居焉延佇莊子藐姑射之山神人居焉叢薄莊子藐姑射之山神人居焉臯莊子藐姑射之山神人居焉

一五五

甚漢書陸賈以此游漢庭公卿間名聲藉甚漢書曰言狼籍甚威

宣武場山濤時有疾詔乘步輦從因與盧欽論用兵之本以爲不宜

事召見甘泉宮武帝短後之衣冠冠冕王所見劍士皆頭突華

謂之千里駒短後之衣冠冠冕王所見劍士皆頭突華

漢書不疑冠進賢冠帶劍佩環玦衣帶帶劍服上門上謁賜劍

壯大也晉灼曰古長劍首以玉作并鹿盧形上刻木作山形如蓮花

似此師古曰晉象弧彫服象弧彫服象弧彫服象弧彫服象弧彫服

左傳其左執轡右執轡以與君周旋杜預注謂弓末無鋒者以受箭

曰釋器云弓有鋒者謂之弓無鋒者謂之弓無鋒者謂之弓無鋒者

謂鐵束而漆之謂之弓無鋒者謂之弓無鋒者謂之弓無鋒者

故云雲以受箭因對文而分之耳先零後漢書西羌傳元康三年

桑維二物必一弓一矢以饒是受弓先零後漢書西羌傳元康三年

四十餘人斬之因放兵擊其種斬首千餘級于諸羌怨怒遂寇金

城乃遣趙充國與諸將兵六萬人擊之羌人驚走西羌傳元康三年

戎育國名蒼頭宿將宋書沈慶之傳慶之與胡風好者狐皮帽羣

面書生宋書沈慶之傳慶之與胡風好者狐皮帽羣

行秋望而怒曰艾年少生冠服如此輕我也命黑龍驤三千人馳

傳動艾乘馬不從乃下車踞胡牀指麾處分賊以爲伏兵發也

勝奔驍遂大敗之鐵騎晉書精甲驍曰宣室三輔圖宣室未決前

曰文帝受靈寶室後半前廣紫綬劉昫唐書三品紫綬三品紫

生間鬼神之事即此也紫綬劉昫唐書三品紫綬三品紫

斗晉書周顒傳今年殺諸賊東第也唐書高祖紀通侯諸將母

李周輪註第次也西爲尊東爲下通侯諸將母

百官公卿表侯金印紫綬武帝諱曰通侯諸將母

或曰侯侯古註微侯言其爵位上通于天子拜塵晉書潘岳與

夫左傳襄三年祁奚請老晉侯問祁奚祁奚曰將立之而卒又問焉

于能舉善矣稱其善不爲私也祁奚曰祁奚之子祁奚之子

之謂矣又襄二十一年范宣子因叔向樂王鮒見叔向不爲私

向叔向曰必祁大夫祁大夫外舉不棄內舉不避祁大夫外舉

于是祁奚老矣聞之乘駟而見宣子宣子與之乘以言諸公而免之

曰王公勇能盡敵禮可用兵讀黃石書殺白馬將入

備顧問載以乘輿副車出命專征賜以內棧文馬將

軍幕府請命介于本朝天子瑣闥輟諫官以從士補

闕李公家世龍門詞場虎步五經在笥一言蔽詩廣

屯田之蓄度長府之羨以贍邊人以弱敵國然後馳

檄識匿略地崑崙使麾下騎刀樓蘭之腹發外國兵

繫郵支之頸五單于遁逃于漠北雜種羌不近于隴

上子之行也不謂是乎拜首漢庭驅傳而出窮塞砂

磧以西極黃河混沌而東注胡風動地朔雁成行拔

劍登車慷慨而別

補闕唐書百官志門下有左補闕六人支度營田判官

略使則有副使漢書地理志張敖故匈奴王地武帝

判官各一人漢張右掖漢書地理志張敖故匈奴王地武帝

道漢書西域傳漢興至于孝武武事征伐四夷廣威德而張敖

張敖故匈奴王地武帝漢書西域傳漢興至于孝武武事征伐四

郡漢書西域傳漢興至于孝武武事征伐四夷廣威德而張敖

也漢書西域傳漢興至于孝武武事征伐四夷廣威德而張敖

羽矢禮可用兵左傳晉侯登有莘之虛以勸師黃石書

則爲王者師後十年與十三人見我濟北城山下副車

黃石書則爲王者師後十年與十三人見我濟北城山下副車

則爲王者師後十年與十三人見我濟北城山下副車

則爲王者師後十年與十三人見我濟北城山下副車

則爲王者師後十年與十三人見我濟北城山下副車

則爲王者師後十年與十三人見我濟北城山下副車

則爲王者師後十年與十三人見我濟北城山下副車

則爲王者師後十年與十三人見我濟北城山下副車

經在笥

後漢書邊韶字孝先陳留浚儀人也以文學知名教授數百人人口辯會言日假臥

長府

何晏論語集解長府藏名也藏貨財曰府藏名也藏貨財曰府藏名也

峴崙

峴崙在荒服之外流沙之內美善之屬孔穎達正義曰四國皆皮布有以此四國

刀樓蘭

漢書樓蘭王為匈奴反間數殺漢使其弟尉屠耆降漢其言狀元鳳四

送懷州杜參軍赴京選集序

國自有初以節守西門者得自召吏選客故我常侍

懷州

唐書地理志河北道參軍田曹參軍戶曹參軍兵曹參軍法曹參軍士曹參軍貳

諸侯劍

莊子諸侯之劍以知勇士為鋒以清廉士為鏑以賢

車

國語大夫有貳車備承事諸侯劍

懷州

唐書地理志河北道參軍田曹參軍戶曹參軍兵曹參軍法曹參軍士曹參軍貳

諸侯劍

莊子諸侯之劍以知勇士為鋒以清廉士為鏑以賢

車

國語大夫有貳車備承事諸侯劍

懷州

唐書地理志河北道參軍田曹參軍戶曹參軍兵曹參軍法曹參軍士曹參軍貳

諸侯劍

莊子諸侯之劍以知勇士為鋒以清廉士為鏑以賢

車

國語大夫有貳車備承事諸侯劍

懷州

唐書地理志河北道參軍田曹參軍戶曹參軍兵曹參軍法曹參軍士曹參軍貳

諸侯劍

莊子諸侯之劍以知勇士為鋒以清廉士為鏑以賢

車

國語大夫有貳車備承事諸侯劍

懷州

唐書地理志河北道參軍田曹參軍戶曹參軍兵曹參軍法曹參軍士曹參軍貳

諸侯劍

莊子諸侯之劍以知勇士為鋒以清廉士為鏑以賢

車

國語大夫有貳車備承事諸侯劍

懷州

唐書地理志河北道參軍田曹參軍戶曹參軍兵曹參軍法曹參軍士曹參軍貳

諸侯劍

莊子諸侯之劍以知勇士為鋒以清廉士為鏑以賢

車

國語大夫有貳車備承事諸侯劍

懷州

唐書地理志河北道參軍田曹參軍戶曹參軍兵曹參軍法曹參軍士曹參軍貳

諸侯劍

莊子諸侯之劍以知勇士為鋒以清廉士為鏑以賢

車

國語大夫有貳車備承事諸侯劍

懷州

唐書地理志河北道參軍田曹參軍戶曹參軍兵曹參軍法曹參軍士曹參軍貳

諸侯劍

莊子諸侯之劍以知勇士為鋒以清廉士為鏑以賢

車

國語大夫有貳車備承事諸侯劍

亦無前舉之亦無上案之亦無下運之亦無旁上法圖天以順三光下法方地以順四時中和民意

以安四鄰此劍一用如雷震之震也四封之內無不賓服而聽從君命者矣此諸侯之劍也

賁育 漢書司馬相如傳力稱爲獲捷言慶忌勇期黃育師古曰孟賁古之勇士也水行不避蛟

龍陸行不避豺狼怒氣奮動天夏育亦猛士也史記註夏育衛人力舉千鈞

鐵馬 陸倕石鼓銘鐵馬千軍朱旗萬 雄戟 子虛賦建千將之雄戟張揖云千將韓王劍師

周禮治兵爲戈胡三之註云胡其子也又周禮圖訓戰反曲下爲胡也 載囊 周頌載囊千戈

傳囊韜也孔穎達正義曰囊者弓衣 高冠長劍 後漢書若夫高冠長劍軒轅門 轅門 周禮

設車官轅門鄭康成註謂王行止宿障障之處備非常車以爲藩則仰車以其轅門 朔管

孔穎達正義云謂仰兩乘車轅相向以表門故名爲轅門後人稱軍門爲轅門本此 朔管

謝莊月賦吟鳳之夕聞鸞翔管之秋引李善註朔管管北胡之笛也 朔管

云管十二月位在北方故云朔管向註朔管謂北胡之笛也 朔管

送鄆州須昌馮少府赴任序

少年明經試出補吏學通大義政習前典本之于德

輔之以才大官大邑可也不惟是歟予昔仕魯蓋嘗

之鄆書社萬室帶以魚山濟水旗亭千隧雜以鄭商

周客有鄆人之風以厚俗有汶陽之田以富農齊統

在笥河魴登俎一都會也子其不寶貨不耽樂不弄

法不慢官無侮老成人無虐孤與幼上官奏課輶軒

以聞則繡衣方領垂璫珥筆子所得也誰敢有之予

病且憊歲晚彌獨窮巷衡門落日秋草趙服過我且

東其轅促飯中廚子不可以蔬食送車出郭吾不可

以徒行屨以及門拜于宇下猶且抱杖延頸送之以

目城 樹轉悲其馬嘶云

須昌 唐書地理志河南道鄆州明經 唐六典凡舉試之制每歲仲冬率與計偕其科有六

文性者爲通註云舊制諸明經試每經十帖字經二帖論語八帖老子兼註五帖每帖三言通六已

上然後試策十條通七即爲高第開元二十五年勅諸明經先帖經通五已上然後試策每經通問

大義十條通六已上 前典 程頤前典 書社 左傳自濟以西爲書社五百社

并答時務策三道 昭王將以書社地七百里封孔子服虔曰書社也索隱曰古者二十五家爲里 魚山 元和郡縣

里則各立社則書社者書其社之人于籍蓋以七百里書社之人封孔子也 濟水 元和郡縣志鄆州須昌縣濟水南自

名吾山在鄆州東阿縣南二十里鎮子歌曰吾 濟水 元和郡縣志鄆州須昌縣濟水南自

亭

張衡西京賦亭五重俯察百肆詳註蘇亭

汶陽之田 左傳公賜季友汶陽之田

汶陽之田 左傳公賜季友汶陽之田

齊統 漢書地理志齊地

無 河魴 國風豳食魚

侮老成人 商書無侮老成

送之以目 呂氏春秋客有見田駢者被服中法進退中度趨翔閑雅

送鄭五赴任新都序

邠人前京兆右扶風居上谷間 上疑是山字或

月之什蕩無遺風五陵之豪雜居其地故有黠吏惡

少犯命干紀 非干舊作干

吏鄭子爲邑也絃歌之化洋溢四封雷霆之威燁赫

百里下車按捕盡致法焉繡衣下帷風俗之治之疑是以

荀以文墨抵罪除名爲人削跡于野杜陵解印時賣

故侯之瓜彭澤無官詎有公田之黍牽衣肘見步雪

履穿獲戾由中是貧非病屬聖朝龍旂鑾輅登封告

成之事畢蒼蒼玉黃琮郊天祀地之禮備天下無事海

內又安盡登仁壽之域猶下哀憐之詔萬方有罪與

之更新百寮失職使復其位降邑宰爲與尉從館墨

而解褐龍星始見馬首欲西摺紳先生居多結友諸

曹列署且有同時時工部侍郎蕭公詞翰之宗德義

之府弱年筮仕一命聯官于奉常幾日左遷六人同

罪于外郡籛金盛業克傳丞相文儒萬石高風彌重

故人賓客賦詩寵別贈言誠行騎登棧道館于板屋

劍門中斷蜀國滿于二川銅梁下臨巴江入于萬井

黃鸝欲語夏木成陰悲哉此時相送千里

新都 唐書地理志劍南道成都

邠 唐書地理志邠州新平郡

州 唐書地理志邠州新平郡

州 唐書地理志邠州新平郡

州 唐書地理志邠州新平郡

州 唐書地理志邠州新平郡

州 唐書地理志邠州新平郡

州 唐書地理志邠州新平郡

州 唐書地理志邠州新平郡

州 唐書地理志邠州新平郡

州 唐書地理志邠州新平郡

州 唐書地理志邠州新平郡

州 唐書地理志邠州新平郡

州 唐書地理志邠州新平郡

州 唐書地理志邠州新平郡

州 唐書地理志邠州新平郡

州 唐書地理志邠州新平郡

州 唐書地理志邠州新平郡

州 唐書地理志邠州新平郡

州 唐書地理志邠州新平郡

州 唐書地理志邠州新平郡

州 唐書地理志邠州新平郡

州 唐書地理志邠州新平郡

州 唐書地理志邠州新平郡

州 唐書地理志邠州新平郡

仁壽之域 漢書王吉傳一世更新

龍旂 漢書王吉傳一世更新

鑾輅 漢書王吉傳一世更新

登封告成 漢書王吉傳一世更新

步雪履穿 漢書王吉傳一世更新

牽衣肘見 漢書王吉傳一世更新

惡少 漢書王吉傳一世更新

七月之什 漢書王吉傳一世更新

解褐 漢書王吉傳一世更新

結友 漢書王吉傳一世更新

諸曹 漢書王吉傳一世更新

蕭公 漢書王吉傳一世更新

奉常 漢書王吉傳一世更新

萬石 漢書王吉傳一世更新

黃鸝 漢書王吉傳一世更新

黃鸝 漢書王吉傳一世更新

黃鸝 漢書王吉傳一世更新

黃鸝 漢書王吉傳一世更新

黃鸝 漢書王吉傳一世更新

黃鸝 漢書王吉傳一世更新

黃鸝 漢書王吉傳一世更新

黃鸝 漢書王吉傳一世更新

黃鸝 漢書王吉傳一世更新

黃鸝 漢書王吉傳一世更新

黃鸝 漢書王吉傳一世更新

謹聞于郡國雖齊魯諸儒
實行皆自以爲不及也

送從弟惟祥宰海陵序

天子若曰咨爾三事百辟寇賊茲充震驚朕師其舉
吏二千石至墨綬予將大命于朝以撫方夏羣從曰
惟祥舊有令聞克奉成憲往踐乃職無憫于人獄貨
非寶農食滋碩浮于淮泗浩然天波海潮噴于乾坤
江城入于泱泱彼有美錦爾嘗操刀學古入官倚法
爲吏上官奏課國將大選爾勞勉哉行乎唱予和汝

海陵 唐書地理志揚州廣陵郡有海陵縣 **寇賊茲充** 韓愈書韓愈爲海陵縣令時寇賊充塞

驚朕師 韓愈書韓愈爲海陵縣令時驚朕師 **二千石** 漢書郡守二千石 **墨綬** 漢書墨綬

以撫方夏 漢書以撫方夏 **獄貨** 漢書獄貨

令聞 禮記三代之王也必先其令聞 **往踐乃職** 左傳子孫乃踐乃職

非寶 呂刑非寶 **決泮** 西京賦泮水 **操刀** 漢書操刀

學古入官 周官學古入官

唱予和汝 鄭風叔兮伯兮

送衡嶽瑗公南歸詩序

衡嶽瑗上人者常學道于五峯蔭松棲雲與狼虎雜
處得無所得矣天寶癸巳歲始遊于長安手提瓶笠
至自萬里宴居吐論縉屬高之初給事中房公謫居
宜春與上人風土相接因爲道友伏臘往來房公既
海內盛名上人亦以此增價秋九月杖錫南返扣門
來別秦地草木撼然已黃蒼梧白雲不日而見滇陽
有曹溪學者爲我謝之

五峯 方輿勝覽衡山七十二峯最大者五峯 **得無所得** 法華經以自在故得一切法如來之心亦無得想何

瓶笠 釋氏要覽淨瓶梵語謂之瓶蓋以淨手者歸傳云軍持有二若寶瓶者

房公 劉昫唐書房公

宜春 唐書宜春縣

伏臘 史記秦本紀伏臘

蒼梧白雲 藝文類聚蒼梧白雲

曹溪學者 六祖師名曹溪學者

薦福寺光師房花藥詩序

心舍于有無眼界于色空皆幻也離亦幻也至人者
不捨幻而過于色空有無之際故目可塵也而心未
始同心不世也而身未嘗物物方酌我于無垠之域
亦已殆矣上人順陰陽之動與勞侶而作在雙樹之
道場以衆花爲佛事天上海外異卉奇藥齊諧未識
伯益未知者地始載于茲人始聞于我瓊蕤滋蔓侵
迴階而欲上寶庭盡蕪當露井而不合羣艷耀日衆
香同風開敷次第連九冬之月種類若干多四天所
雨至用楊枝已開貝葉高閣聞鐘升堂觀佛右繞七
匝卻坐一面則流芳忽起雜英亂飛焚香不俟于旃
檀散花奚取于優鉢漆園傲吏著書以稊稗爲言蓮

座大仙說法開藥草之品道無不在物何足忘故歌之詠之者吾愈見其嘿也

薦福寺

長安志開化坊半以東隋煬帝在藩舊宅武德中賜尚書左僕射蕭瑀為園後瑀子第又辭公主榮戟不欲異門乃以佛施瑀之院門臺城舊後官市為英王宅文明元年高宗崩後百立為大獻福寺度僧二百人以實之天授元年改為薦福寺中宗即位大加營飾自神龍以後翻譯佛經並于此寺東院有放生池周齊諧莊子齊諧者志伯益列子大禹行而見之伯益二百餘步傳云即漢代洪池陂也

齊諧

莊子齊諧者志伯益列子大禹行而見之伯益二百餘步傳云即漢代洪池陂也

山海經

古序說禹乘四載隨山刊木定高山大川益與伯翳主驅禽獸命山川類草木別水土四嶽佐之以周四方逮人跡之所希至及舟輿之所罕到內別五方之山外分八方之海紀其珍寶奇物異方之所生水土草木禽獸蟲魚蠃風之所止積祥之所隱及四海之外絕域之國殊類之物

陸機詩

玉顏倬瓊花也露井李衡生桃等九冬張正見詩九冬飄遠四天釋書

釋天謂初禪

有三天二禪有三天三禪有三天四禪有九天合之為色界楊枝西域記饌食既十八天又欲界十天中有四天王天沈約內典序包括四天卷舒萬劫

七匠

維摩詰經稱首佛足右繞七匠一心合掌在一面立法範珠林經律之中制令右旋西北轉右肩袒向佛而恭也或旋百市十市七市三市各有表釋氏要覽禮佛又云旋繞此方無行道西域記云西天隨所宗事禮後皆須旋繞蓋歸敬之至也惟佛法右繞法施云順天行也若百千市無數市但以爲數表敬之極也

雜英

謝朓詩喧為覆春洲旃檀香譜旃檀即白檀也優鉢翻譯名義優鉢羅此云青蓮花須藥花分陀利花生於淤泥而穉稗莊子東郭子問于莊子曰所謂道惡乎在莊子曰無所不在東其愈下耶曰在瓦甕曰何蓮座華嚴經爾時世尊在摩竭提國阿蘭若法菩提場中始成正覺其愈甚耶曰在屎溺

蓮座

華嚴經爾時世尊在摩竭提國阿蘭若法菩提場中始成正覺其愈甚耶曰在屎溺

大仙

釋氏要覽古譯經有稱佛云諸狀可坐何必蓮花答諸狀爲世間白衣坐法又蓮花滿淨

王右丞集卷之十九

藥草品

法華經有般若燈論云譬諸佛等亦名仙佛子中最尊上故藥草品藥草喻品已登一切波羅蜜多功德善根彼岸故名大仙

王右丞集卷之二十

仁和趙殿成松谷箋註

文讚七首

讚佛文

竊以真如妙宰具十方而無成涅槃至功滿四生而
不庶庶疑是廣故無邊大照不照得空有之深萬法偕行
無行為滿足之地惟茲化佛即具三身不捨凡夫本
無五蘊實藉津梁相法脫落塵容始于度門漸于空
舍然後金剛道後為三界太師王毫光相得一生補
處左散騎常侍攝御史中丞崔公第十五娘子于多
劫來植衆德本以般若力生菩提家含哺則外輦羶
勝衣而斥珠翠教從半字便會聖言戲則剪花而為
佛事常侍公頃以入朝天闕上簡帝心雖功在于生
人深辭拜命願賞延于愛女密啓出家白法宿修紫
書方降即令某月日敬對三世諸佛十方賢聖稽首
合掌奉詔落髮久清三業素成菩薩之心新下雙鬟
如見如來之頂綺襦方解樹神獻無價之衣香飯當
消天王持衆寶之鉢惟娘子舍諸珍寶塗彼戒香在
微塵中見億佛利如獻珠頃具六神通項顯本作須具顯本伏
願以度人設齋功德上奉皇帝聖壽無疆記椿樹以
為年土字無垠包蓮花而為界又用莊嚴常侍公出
為法將入拜台臣身在百官之中心超十地之上夫
人以文殊智本是法王在普賢心長為佛母郎君娘
子等住誠性為孝順用德為道場將遍衆生之慈

迴同一子之想又願普同法界盡及有情共此勝因
俱登聖果

十方

法苑珠林

十方法苑珠林十方謂四方四維上下俗儒所說惟據此洲外有洲古今未說若依內典通
土此猶據化佛釋迦如來所王之域故華嚴經云廣會那由他無量阿僧祇劫
佛報身如來所王之土復過是數盡十方界非凡所謀
或言常樂我淨明無盡諸苦累也錦繡萬花谷梵語涅槃此云無為勝妙光明不生不死之
地一切修行之所依歸佛說經云願一切眾生皆得涅槃妙光明不生不死之
世人誤認以為無行在是謂無行必終諸法分別過去當來今現在是謂有行
釋氏要覽三身一清淨法身五蘊真宗鏡錄五蘊者識也亦云五陰陰者覆也即蘊藏妄種覆蔽
身二圓滿報身三變化身五蘊真心雜集論云蘊者積聚義又荷難染據故名爲蘊如肩荷擔
大藏一覽大衆五蘊論云五蘊者謂色受想行識色蘊四大所成也受蘊領納苦樂不苦不樂三
想蘊取種種境界也行蘊諸心所法食不食也識蘊于所緣境了別爲性亦名心意識集所攝也
萬花谷五蘊謂一切受想行識也色蘊身有有形或黃或白是也受謂一切受苦受樂
受用是也想謂一切思想是也行謂諸心所法事識謂諸心所法事識謂諸心所法事識謂諸心所法事識
嘗入佛圖見臥佛曰此子疲于津梁塵容衣抗塵容而走俗狀度門榜經無量度
沈約內典序舟與六趣津梁五道塵容衣抗塵容而走俗狀度門榜經無量度
空舍問維摩詰經畢竟空寂舍場摩羅什曰障蔽風雨莫過于舍滅除衆想莫妙于空亦能絕諸
金剛心行寂滅轉法輪三重大師釋氏要覽佛稱三重大師者謂佛論云能
外道出現世界玉毫光相放光明名曰覺悟普照三千大千世界照彼宿世一切同行
故號大師玉毫光相放光明名曰覺悟普照三千大千世界照彼宿世一切同行
菩薩身後諸菩薩衆光照已咸知菩薩將欲下
生各各出無量供具諸菩薩所而爲供養一生補處菩薩總經善薩初果有足跡
行是法當觀一生補處菩薩總經善薩初果有足跡
利非言下三色染上二橋遠第四天中少欲知足恆有一生補處菩薩來生其中法訓不絕
多劫隨書每佛滅度遺法相傳有正像末三等淨障之異年歲遠近亦各不同末法以後衆生
大風之災一切除去之而更立生人又轉淨補謂之小劫每一小劫則一佛出世法
苑珠林夫劫者蓋是紀時之名猶年號耳華嚴經多劫在惡劫始得見聞法
本維摩詰經時維摩詰即入三昧今此比邱自識宿命曾于般若翻譯名義般若法界次第
五百佛所植衆德本迴向阿耨多羅三藐三菩提般若翻譯名義般若法界次第
法皆不可得而能通達一菩提維摩詰經註道之極者稱曰菩提提摩無言以菩提者蓋是
切無聞名為菩提菩提維摩詰經註道之極者稱曰菩提提摩無言以菩提者蓋是
正覺無相之真智乎其道虛玄妙絕常境認者無以容其聽智者無以運其知辯者無以措其言像
者無以狀其儀故其爲道也微妙無相不可爲有用之彌勤不可爲無能之龜鑑萬物而不耀元軌
超駕而弗夷大包天地而罔寄曲濟羣或而無私至能運珠方開物成務元機必察無思無慮然
則無知而無不知無爲而無不爲者其惟菩提提摩之道乎此無名之法固非名所能名也不知所
以言故強名曰菩提提摩無爲之含哺莊子含哺而熙勝衣史記三王世家勝衣史記三王世家
道豈可以身心而得乎勝衣史記三王世家勝衣史記三王世家
如長者惟有一子心常懷念憐慈無已將詣師所欲令受學故不遠成尋便將還以愛念故晝夜殷
勤教其半字而不教誨其半字者以故以其幼穉力未堪故梁僧佑法華經疏經言義同異記
梵書製文有半字清字所以名半字者義未具足故字體半偏猶漢文月字虧其旁也所以名清字
者理既究竟故字體圓滿猶漢文日字盈其形也半字雖單爲字根本緣有半字得成滿字譬凡夫

始於無明得成常住故因字製義以紫書泥即此水之泥也太平實字記龍右記云武都紫水有泥其色赤紫而粘用之封壘合掌合者良由心慢而情散也必須指掌相著不令虛也書故語詰有紫泥之美

三業 翻譯名義業有三種 菩薩 薩婆本云菩提薩埵欲斷一切煩惱此云覺悟有覺性而無情菩薩亦不免有情故謂之覺有情

如來頂 涅槃經云如來頂者即如來之頂也法苑珠林云如來頂者即如來之頂也法苑珠林云如來頂者即如來之頂也法苑珠林云如來頂者即如來之頂也

樹神 法苑珠林云樹神者即樹之靈也法苑珠林云樹神者即樹之靈也法苑珠林云樹神者即樹之靈也法苑珠林云樹神者即樹之靈也

香飯 維摩經云香飯者即香之飯也維摩經云香飯者即香之飯也維摩經云香飯者即香之飯也維摩經云香飯者即香之飯也

寶鉢 西域記云寶鉢者即寶之鉢也西域記云寶鉢者即寶之鉢也西域記云寶鉢者即寶之鉢也西域記云寶鉢者即寶之鉢也

微塵 華嚴經云微塵者即微之塵也華嚴經云微塵者即微之塵也華嚴經云微塵者即微之塵也華嚴經云微塵者即微之塵也

戒香 涅槃經云戒香者即戒之香也涅槃經云戒香者即戒之香也涅槃經云戒香者即戒之香也涅槃經云戒香者即戒之香也

獻珠 法苑珠林云獻珠者即獻之珠也法苑珠林云獻珠者即獻之珠也法苑珠林云獻珠者即獻之珠也法苑珠林云獻珠者即獻之珠也

寶鉢 西域記云寶鉢者即寶之鉢也西域記云寶鉢者即寶之鉢也西域記云寶鉢者即寶之鉢也西域記云寶鉢者即寶之鉢也

微塵 華嚴經云微塵者即微之塵也華嚴經云微塵者即微之塵也華嚴經云微塵者即微之塵也華嚴經云微塵者即微之塵也

戒香 涅槃經云戒香者即戒之香也涅槃經云戒香者即戒之香也涅槃經云戒香者即戒之香也涅槃經云戒香者即戒之香也

生演說妙法爾時婆羅門等皆聞天龍八部人非人皆遙見彼龍女成佛普為時會人天說法心大歡喜悉皆敬禮無量眾生聞法解悟得不退轉無量眾生得受記無垢世界六反震動娑婆世界三千大千世界住不退地三千大千世界生發菩提心而六神通 變略經云有常神通無常神通得受記智覺菩薩及舍利弗一切眾會默然信受

六神通 變略經云有常神通無常神通得受記智覺菩薩及舍利弗一切眾會默然信受

文殊 華嚴經云文殊者即文之殊也華嚴經云文殊者即文之殊也華嚴經云文殊者即文之殊也華嚴經云文殊者即文之殊也

普賢 華嚴經云普賢者即普之賢也華嚴經云普賢者即普之賢也華嚴經云普賢者即普之賢也華嚴經云普賢者即普之賢也

佛母 華嚴經云佛母者即佛之母也華嚴經云佛母者即佛之母也華嚴經云佛母者即佛之母也華嚴經云佛母者即佛之母也

法界 華嚴經云法界者即法之界也華嚴經云法界者即法之界也華嚴經云法界者即法之界也華嚴經云法界者即法之界也

一子想 涅槃經云一子想者即一子之想也涅槃經云一子想者即一子之想也涅槃經云一子想者即一子之想也涅槃經云一子想者即一子之想也

法界 華嚴經云法界者即法之界也華嚴經云法界者即法之界也華嚴經云法界者即法之界也華嚴經云法界者即法之界也

法界 華嚴經云法界者即法之界也華嚴經云法界者即法之界也華嚴經云法界者即法之界也華嚴經云法界者即法之界也

法界 華嚴經云法界者即法之界也華嚴經云法界者即法之界也華嚴經云法界者即法之界也華嚴經云法界者即法之界也

法界 華嚴經云法界者即法之界也華嚴經云法界者即法之界也華嚴經云法界者即法之界也華嚴經云法界者即法之界也

法界 華嚴經云法界者即法之界也華嚴經云法界者即法之界也華嚴經云法界者即法之界也華嚴經云法界者即法之界也

稽首十方大導師能于一法見多法以種種相導羣生其心本來無所動稽首無邊法性海功德無量不思議于已不色等無礙不住有無亦不捨我今深達真實空知此色相體清淨願以西方爲導首往生極樂性自在

王右丞集 卷二十

勿得解息一月便故得近見李後復告我汝常如此汝勿復憂處所以者何汝諸有所須時無有欺惑嫌恨之屬莫自疑難亦自有老弊使人須者相給我如汝父勿復憂處所以者何汝諸有所須時無有欺惑嫌恨怨言都不見汝有此諸惡如餘作人自今已後如所生子即時長者更與作字名之爲兒爾時窮乏難炊此遇猶故自謂客作賤人于二十年中常令除糞過是已後心相體信入出無難然其所止雖

[illegible]

室常作天第一之樂絃出無量法化之聲是爲五未曾有難得之法此室爲佛阿彌陀佛如來四寶藏寶寶月寶嚴勝勝太子等一切利成如是等十方無量諸佛是上人念時即皆爲衆廣說諸佛祕要法藏說已過去是爲七未曾有難得之法此室一切諸天嚴飾宮殿諸佛淨土皆于中現是爲八未曾有難得之法舍利弗此室常現八未曾有難得之法離

有見斯不思議事而復樂千世界法乎

大般若經具著現現白佛言世間五種十二

歲十八界四靜慮四無量四無色定所有一切墮三界法是名有漏法

泣血 禮懺高子泉之執親之喪也泣血三年未嘗見國君子以爲難孔穎達正義凡人溺淚必因悲擊而出若

滅性 禮記三月而食血出則不由聲也今子悲無聲其涕亦出如血之出故云泣血

其身 禮記三年未嘗見國君子以爲難孔穎達正義凡人溺淚必因悲擊而出若

無上樂 華嚴經功德具足充滿法界徧照十方施無上樂

法王 法華經如來于三界中爲大法官位以名曰法王

安詳 法華經爾時世尊從

湛然 南史帝問大僧正慧覺曰見不可思議事

迦陵 翻譯名義迦陵頻伽此云妙聲鳥大論云如迦陵頻伽鳥在巖中未出發聲微妙勝于餘

曼陀 翻譯名義曼陀羅此云通意又云白

慈悲女 維摩詰經法喜以爲女嬌羅如能及者唯除

羅什註慈悲性弱從物入有猶

法性海 華嚴經能捨一切諸法見海能觀一切諸法法性海宗如女之爲性弱而隨物

鏡錄緒內逗錄機微更有多名隨處安立以廣大

繡如意輪像讚 并序

寂等于空非心量得如則不動離意識界實無所住

常遍羣生不捨有爲懸超萬行法性如是豈可說邪

如意輪者觀世音菩薩陀羅尼三昧門現方便于幻

眼六臂色身以究竟爲佛心體真相隨念卽藏乃無

緣之慈應度而來斯不共之力衆生如意菩薩何心

崇通寺尼無疑道登等貴族出家梵筵上首久積淨

業三世皆空長在道場一乘自立亡兄故河南少尹

雖明世典深達實相以不二法處于百官花萼相連

恩深女弟旃檀舊繞望絕仁兄雖曰如夢無寧喪我

煩惱性淨示有同凡之悲菩提路空強爲助道之相

選妓惟潔底功加敬針鋒線縷日就月將五彩相宣

菩薩神力不思議能以一身遍一切常轉法輪無所轉衆生隨念得解脫色卽是定非空有是故以色像觀音願以淨斯六趣福迴向過去不可得

心量 謂自心現量。楞伽經觀諸有爲法。離攀緣所緣。無心之心量。我說爲心量。量者。自性。處緣性。二俱離性。究竟妙淨。我觀名心量。如則不動。金剛經不取于相。如不動。陀羅尼 法苑珠林陀羅尼者。西天梵音。東華人譯。云持也。持誓不失。持惡不生。翻譯名義。陀羅尼大論。秦言能持。集種種善法。能持令不散。不失。譬如好

器盛水水不漏散惡不善根持行能令不生者欲作惡罪時持令不作是名毗尼羅尼繫縛結此從持善不失持惡不生又翻遮持輪迴云體遮三惑性持三智觀聞云遮二邊之惡持離五蘊之善此從慧立名

三昧門 亦云等持等正也正持心也持謂持諸功德也翻譯名義三昧此云調直定又曰一境雜諸邪亂也

云正定亦云正受非瞋諍心不受諸受名為正受還法師云夫無三昧者是愚心寂滅之謂也思專則志一不分想寂則氣虛神明氣不受諸受知恬其照神朗明不微斯三乃是自然之元符得一而致忘一不分別想寂則氣虛神明氣不受諸受知恬其照神朗明不微斯三乃是自然之元符得一而致用也是故曄然閉宇而感物通靈應心惟**六臂**楞嚴經說世世普菩薩白佛言由我初獲妙幻淨覺覺我能現衆多妙容竅能無過秘容况其中或現一首三首五首七首九首十一首如是乃至二十四如是乃至一百八臂千變萬端八萬四千母陀羅臂二目三目四目九目如是乃至一百八目千目萬目八萬四千清淨寶目或慈或威或定或慧救護衆生得大自在

無

緣慈 涅槃經云慈有三緣一緣衆生二緣於法三則無緣衆生緣者緣于五陰願順其樂是名衆生緣法緣者緣諸衆生所須之物而施之是名法緣衆生緣者緣于如是來有無緣慈者多緣貧窮衆生如來大師承離貧窮受第一樂若縁衆生則不縁佛法亦如是以是義故名曰衆生緣法緣者不見父母妻子親屬見一切皆從緣生故名法緣衆生之不住法相及衆生相是有無緣十六觀經以無緣慈攝諸衆生王閼風頭陀碑文名無緣之慈而澤周萬物李善註天行慈者以衆生爲緣衆生爲緣則無所寄故大士之慈離于衆相離行慈意名爲無緣無緣生慈是爲真貴以斯而唱則物無不應慈故得諸菩薩無緣之慈僧伽論曰律典唱無緣之慈思益演流不知之知呂向註大事之不周恒榮經曰得諸菩薩無緣之慈僧伽論曰律典唱無緣之慈思益演流不知之知呂向註大事之慈慈故而行空中行
不共力 維摩詰經大聖法王衆所歸轉心觀佛功德不放舍也世尊在其前斯則神力不共法
上首 時衆經阿羅漢中之一尊者憍尸地安住不動方便現身其身其名曰海德薩薩無盡意菩薩如是等菩薩摩訶薩而爲上首復有二恆河沙等諸優婆塞受持五戒成儀具足其名曰威徳無垢稱王優婆塞智徳優婆塞等而爲上首復有三恆河沙諸優婆夷受持五戒成儀具足其名曰壽徳優婆夷德喜優婆夷昆舍佉優婆夷等八萬四千而爲上首
淨業 維摩詰經離心淨已度諸障定久積淨
三世皆空 華嚴經了知三世皆空寂
雖明世典 維摩詰經雖明世典常樂佛法深達乘稱無量

王右丞集 卷二十

實相維摩詰經彼上人者難爲酬對深達實相善說法要如夢華嚴經應知世間諸行如夢菩提路華嚴經示我菩提路住佛正見地

日就月將周頌曰日月將學有緝熙于光明鄭康成箋曰就月將言當習之以積漸也千光金光明經如日千光彌滿虛空淨心

則一切功德淨
纖手纖手清且閒
不動如來涅槃時入不動三昧

頻婆口法華經如來唇色赤好如頻婆果無法可說金剛經須菩提汝勿謂如來作是念我嘗有所說法莫作是念何以故若人言如來

無上法輪成最正覺無上法輪涅槃經諸佛

轉佛心中化他之法度入他心名轉法輪
轉故六趣釋氏要覽五趣二天二人三地獄四畜生五餓鬼謂修羅四趣皆攝故今開爲一趣
身遍一切在變化徧一切世界不思

六趣故云六趣也趣者何義毘婆沙論云所往義是諸有情所應往結生之處故名趣也

給事中竇紹爲亡弟故駙馬都尉于孝義寺浮

圖畫西方阿彌陀變讚

子曰游魂爲變傳曰魂氣則無不之固知神明更生

輔之以道則變爲妙身之于樂士大覺曰聖離妄

性克修其業以正其命得無法者卽六塵爲淨域

有朴者悲十念以往生西方變者絲事巾寶絲荷

等悲讓安而無所痛殞身而莫贖傾無長之工不

分于我生將厚貸于泉路尙茲繪事滌彼染業寶

齒成列金砂自映迦陵欲語曼陀未落墜此中年登

上品池蓮寶座將踰棠棣之榮水鳥法音當悟鵲

三因妄念沒有遺戡愚七而遷轉身不息將免六趣

茲十力哀此仁兄友于後生不知世界畢竟經營

勞熏獲悟自性當成

竇紹按唐書宰相世系表有竇紹爲給事荆府長史兄弟八人二曰綜三曰綸四曰鐸爲尉衛尉卿五曰績六曰績爲率先令七曰績八曰級公主列傳元宗女常山公主下嫁

游魂為變

周易精氣為物游魂為變是故知鬼神之情狀孔穎達正義曰精氣為物

分數將散之時浮遊精魂去離物形而為改變則生若魂氣則無不之復歸于土

命也若魂氣則無不之復歸于土若魂氣則無不之復歸于土

若魂氣則無不之復歸于土若魂氣則無不之復歸于土

若魂氣則無不之復歸于土若魂氣則無不之復歸于土

若魂氣則無不之復歸于土若魂氣則無不之復歸于土

若魂氣則無不之復歸于土若魂氣則無不之復歸于土

若魂氣則無不之復歸于土若魂氣則無不之復歸于土

若魂氣則無不之復歸于土若魂氣則無不之復歸于土

若魂氣則無不之復歸于土若魂氣則無不之復歸于土

若魂氣則無不之復歸于土若魂氣則無不之復歸于土

若魂氣則無不之復歸于土若魂氣則無不之復歸于土

孝悌之至通于神明天為之降和地為之嘉植發書

為相國王公紫芝木瓜讚

并序

鏡錄寶智義者如世衣非臭非香隨以物氣則有彼氣真如淨法非

是染無明真故則有染相無明染法實無淨法真如故說有淨用

鏡錄寶智義者如世衣非臭非香隨以物氣則有彼氣真如淨法非

是染無明真故則有染相無明染法實無淨法真如故說有淨用

鏡錄寶智義者如世衣非臭非香隨以物氣則有彼氣真如淨法非

是染無明真故則有染相無明染法實無淨法真如故說有淨用

鏡錄寶智義者如世衣非臭非香隨以物氣則有彼氣真如淨法非

是染無明真故則有染相無明染法實無淨法真如故說有淨用

鏡錄寶智義者如世衣非臭非香隨以物氣則有彼氣真如淨法非

是染無明真故則有染相無明染法實無淨法真如故說有淨用

鏡錄寶智義者如世衣非臭非香隨以物氣則有彼氣真如淨法非

是染無明真故則有染相無明染法實無淨法真如故說有淨用

鏡錄寶智義者如世衣非臭非香隨以物氣則有彼氣真如淨法非

是染無明真故則有染相無明染法實無淨法真如故說有淨用

鏡錄寶智義者如世衣非臭非香隨以物氣則有彼氣真如淨法非

是染無明真故則有染相無明染法實無淨法真如故說有淨用

鏡錄寶智義者如世衣非臭非香隨以物氣則有彼氣真如淨法非

是染無明真故則有染相無明染法實無淨法真如故說有淨用

鏡錄寶智義者如世衣非臭非香隨以物氣則有彼氣真如淨法非

是染無明真故則有染相無明染法實無淨法真如故說有淨用

鏡錄寶智義者如世衣非臭非香隨以物氣則有彼氣真如淨法非

是染無明真故則有染相無明染法實無淨法真如故說有淨用

鏡錄寶智義者如世衣非臭非香隨以物氣則有彼氣真如淨法非

是染無明真故則有染相無明染法實無淨法真如故說有淨用

鏡錄寶智義者如世衣非臭非香隨以物氣則有彼氣真如淨法非

是染無明真故則有染相無明染法實無淨法真如故說有淨用

鏡錄寶智義者如世衣非臭非香隨以物氣則有彼氣真如淨法非

是染無明真故則有染相無明染法實無淨法真如故說有淨用

鏡錄寶智義者如世衣非臭非香隨以物氣則有彼氣真如淨法非

是染無明真故則有染相無明染法實無淨法真如故說有淨用

鏡錄寶智義者如世衣非臭非香隨以物氣則有彼氣真如淨法非

是染無明真故則有染相無明染法實無淨法真如故說有淨用

鏡錄寶智義者如世衣非臭非香隨以物氣則有彼氣真如淨法非

是染無明真故則有染相無明染法實無淨法真如故說有淨用

鏡錄寶智義者如世衣非臭非香隨以物氣則有彼氣真如淨法非

是染無明真故則有染相無明染法實無淨法真如故說有淨用

鏡錄寶智義者如世衣非臭非香隨以物氣則有彼氣真如淨法非

是染無明真故則有染相無明染法實無淨法真如故說有淨用

鏡錄寶智義者如世衣非臭非香隨以物氣則有彼氣真如淨法非

是染無明真故則有染相無明染法實無淨法真如故說有淨用

肱故得嘉瑞薦臻靈物昭格君臣同德區宇克寧覽其進圖可爲嘉應請宣付史館者既依史策亦藏書府讚曰

紫芝三秀則生于梁木瓜一實其大盈筐嘉應薦至其故何祥哀哀孝思漣漣泣血終身致毀每慟將絕雲爲徘徊風爲慘切依仁據德移孝爲忠經目盡理任心便公其道囊籥虛而不窮公位先兆聖人斯覩賜以詔書藏之祕府邦家之光哀榮終古

相國王公按唐書宰相表乾元元年五月乙未太常少卿王琬爲中書侍郎同中書門下平章事二年三月乙未琬罷爲刑部尚書宰相世系表琬乃王方慶六世孫祖仲運揚州錄事參軍父紹不仕

絕軌孫綽遊天台山賦追義農參軍父紹不仕河目海口孔叢子漢宏語劉文公曰吾觀孔仲尼有聖人

保大定功見十七卷巨痛言書謝尚傳抱傷心之巨痛霜露之

惕禮記霜露既降君子履之必有懷愉之心非其寒之謂也寢苦枕塊禮記父母之喪

齊侯衣韓非子齊桓公好服紫一國盡紫楚王萍家語楚昭王渡江江中有

布夫子何以知其然曰吾昔之鄭過平陳之野聞童謠曰楚王渡江得萍寶布我記布獲之師

延壽古瑞命記曰王者慈仁則芝生採食之則延年投報國風投我以木瓜報

有開必先禮記書欲將至水石李蕭遠運命論張良受黃石之符誦三略之說

有開必先禮記書欲將至水石李蕭遠運命論張良受黃石之符誦三略之說

有開必先禮記書欲將至水石李蕭遠運命論張良受黃石之符誦三略之說

有開必先禮記書欲將至水石李蕭遠運命論張良受黃石之符誦三略之說

有開必先禮記書欲將至水石李蕭遠運命論張良受黃石之符誦三略之說

有開必先禮記書欲將至水石李蕭遠運命論張良受黃石之符誦三略之說

有開必先禮記書欲將至水石李蕭遠運命論張良受黃石之符誦三略之說

有開必先禮記書欲將至水石李蕭遠運命論張良受黃石之符誦三略之說

有開必先禮記書欲將至水石李蕭遠運命論張良受黃石之符誦三略之說

有開必先禮記書欲將至水石李蕭遠運命論張良受黃石之符誦三略之說

有開必先禮記書欲將至水石李蕭遠運命論張良受黃石之符誦三略之說

有開必先禮記書欲將至水石李蕭遠運命論張良受黃石之符誦三略之說

有開必先禮記書欲將至水石李蕭遠運命論張良受黃石之符誦三略之說

皇甫岳寫真讚

有道者古其神則清雙眸朗暢四氣和平長江月影

王右丞集 卷二十

太華松聲周而不器獨也難名且未婚嫁猶寄簪纓燒丹藥就辟穀將成雲溪之下法本無生雲劉本願可久本俱作漢誤

裴右丞寫真讚

澹爾清德居然素風氣和容衆心靜如空智以窮理才包至公大盜振駭羣臣困蒙忘身徇節歷險能通仁者之勇義無失忠凝情取象惟雅則同粉繪不及清明在躬麟閣之上其誰比崇

困蒙本周易蒙卦清明在躬禮記清明在躬氣志如神正義曰清謂清靜明謂顯著言聖清靜光明之德在于躬身

王右丞集卷之二十

原
书
空
白
页

王右丞集卷之二十一

仁和趙殿成松谷箋註

碑二首

裴僕射濟州遺愛碑

夫爲政以德必世而後仁齊人以刑苟免而無恥則刑禁者難久百年安可勝殘德化者効遲三載如何考績刑以佐德猛以濟寬月期政成成而不朽者惟公能之月期當是期月之訛公名耀卿字渙之河東聞喜人也益爲帝虞實相帝舜非子其胄而邑諸裴呂顧本作已誤今校正在漢者爲水衡在魏者守代郡十三代祖徽魏益豫雍克徐五州刺史蘭陵武公源于大賢派以俊德世濟其美不隕其名矣曾祖正隋散騎常侍長平郡贊理祖晉皇朝洛南南鄭二縣令著族斯茂衣冠未敢爭雄繼世皆賢英彥無出其右故有常侍縣君遞輝迭映父守真真顧本作忠誤今考唐書本傳校正太常博士判駕部夏官員外今上楚王府諮議參軍郃寧二州刺史贈晉克沂三州刺史文儒之宗伯禮樂之本源藉業雖曰承家復始由乎種德再典大郡二爲仙郎舉十大夫是則是數且年不及壽而位未稱德朝多其能歿而獨贈公則晉州之第三子也語而能文有識便智爲兒則量過黃髮未仕而心在蒼生伯達試經子琰應詔古之人也我不後之伯達顧本作伯建子琰顧本作子淡俱誤今校正八歲神童舉試毛詩尚書論語及第解褐補祕書省校書郎歷中宗安國相王府典籤中宗疑誤東觀載筆班固名香西園賦詠劉楨氣逸轉國

子主簿檢校詹事府丞學識宜在儒林風度雅膺儲儲顧本作諸誤今校正河南府士曹參軍考功員外郎公府屈廊廟之才曹無留事仙郎明黜陟之法野無遺賢右司兵部二郎中長安縣令其在含香一臺推妙以之製錦四海是儀公之斷獄也必原情以定罪不阿意以侮法是以小失天旨言字顧本作三日誤今校正出爲此州刺史公推善于國不稱無罪思利于人志其屈己戮豪右以懲惡一至無刑旌孝弟以勸善洪惟見德然後務材訓農通商惠工敬教勸學授方任能行之一年郡乃大理襁負而至何憂乎蕩析之人析顧本作相誤今校正路不拾遺何畏乎穿窬之盜既富之矣汲黯奚取于開倉使無訟乎仲由何施其折獄居無何詔封東嶽關東列郡頗當馳道至于犧牲玉帛資糧屢其或不供爲有司所劾因而厚斂非天子之意豐省之度多不得中故二千石有不能受事于宰旅者矣季孫請魯視邾滕濇塗恐師出周鄭抑爲是也公盡事君之心且曰從人之欲萬斯箱之粟茲乃如京百執事之人于我乎館四封之境二爲帝庭一郡之賦再粒天下士卒林會馬牛谷量士顧本作十馬顧本作量俱誤今校正皆投足獲安端拱取給無虞燥濕不畏寇盜草莽之中用能使其體羈繼之外無所勞其力天朝中貴持權用事厚爲之禮則生我羽毛小不如意則成是貝錦公享有常牢覲無私幣冒貨賄者我以爲仇淫芻蕘者吾所能禦至于急宣中旨暴征庶物或命嘉蔬先春當薦錫貢珍果非土所生

舉是一隅其徒千計皆曾不旋踵若取諸懷又不知其備預之所以然也謂餽牢竭矣而家有餘糧謂疲勞甚矣而人有餘力豈非積年之儲用之有度終身之逸使之有時不然班貢藝事輕重以列我視子男之國而倍公侯之征今日之事我爲上也大駕還都分遣中丞蔣欽緒御史劉日政宋珣等巡按皆嘉公之能奏課第一公未受賞朝而歸藩天災流行河水決溢蝗蟲避境雖馬稜之化能然稜顧本作稜誤今校正洪水滔天固帝堯之時且爾高岸萃以雲斷平郊豁其地裂噴薄雷吼冲融天迴百姓巢居主客有其家室五稼波殄沼毛荒于畎畝公急人之虞分帝之憂御衣假寐對案輟食不候駕而星邁不入門而兩行議隄防也至則平板榦具糗糧揆形畧趾量功命日而赤岸成谷白濤巨山雖有呂梁之人盡下淇園之竹無能爲也乃有壞防之餘衝波且盡僅在而危同累卵將墜而間不容髮公暴露其上爲人請命風伯屏氣以遷跡陽侯整波而退舍又王尊至誠未足加也然後下密捷蹇長菱土簣雲積金鎚電散公親巡而撫之慰而勉之千夫畢飯始就飲食一人未息不歸遽廬惰者發憤以躒勤懦者自強以齊壯成之不日金隄戕戕下截重泉上可方軌北河迴其竹箭東郡鬱爲桑田先是朝廷除公宣州刺史公惜九仞之垂成恐衆心之或怠懷絲綸之詔密金玉之音率負薪而益勤親執撲而彌勵旣成乃發書示之皆捨耒攀轅廢歌

成泣淚而濟袂澤陰魯郊哀哀號呼不崇朝而達四境噫公之視人也如子人之去公也如父宜其升聞于天司我五教公之富人也以簡簡則不擾而人得肆其業非富歟公之愛吏也以嚴嚴則畏威而吏不陷于罪非愛歟是其大旨也至若沛郡謂爲神明淮陽謝其清淨尊經于學校魯風載儒加信于兒童齊人不詐明閑視聽其察茲也無全曉習文法于決事乎何有六義之製文在于斯五車之事學半于我其爲身計保乎忠貞將爲孫謀貽以清白胎顧本作賜誤今校正熊軾之貴子弟夷于平人龍門則高賓客不遺下士非禮不動出言有章語曰愷悌君子人之父母其是之謂乎維也不才嘗備官屬公之行事豈不然乎維實知之維能言之况夫婦男女思我遺愛者吟詠成風耆艾人吏願頌清德者道路如市則王襄所講奚斯之頌美政盛德綴詞之士固未嘗闕如也維敢拒之哉頌曰

童子何知今公邁成人大不必佳今公德日新天生德于公今遺此下民天子命我今守茲東郡人調公以謫去今不能致訓公會不私己今政聲益振惟歲十月今帝封岱宗千乘萬騎今行幸山東小郡之賦今再粒萬邦豐不盈儉不陋今公之舉也得中河爲不道今離常流以痛毒不用一牲今不沉一玉身當中流今馮夷感而避賢敕陽侯今使却走夫洪漣板築旣具今薪又屬庶人欣以就役今高岸崛起于深

既靈是降邱宅土孔安國傳地高曰威梁書武帝紀功樂克建威書四海淚淫淫魏辭望長然而太息兮涕淫淫

京兆尹張公德政碑

雲從龍風從虎氣應也聖人作賢人輔德同也君臣同德天地通氣以康九有以遂萬類惟皇御極二十載光格四表至于海隅日出越小大邦蠻貊師長罔不欽于成憲以承天休然天子猶日省三揖列辟撰唐文粹日聽萬方輿頌懼人有未化賢有未登故敷及陋兼乎十等故顯本作明今改從唐文粹本選宗室及乎九族任事以觀材積時以觀行乃得我賢京兆焉夫京兆號為難理清淨病于不給刀筆拘于守文或以軟弱廢或以賊殺劾把宿負淺為丈夫用鉤距蓋非長者我則異于是大道難名大理無法閉關于任數巧算不能知堅壁于畫一善政不能下摧宿豪如薙草無愠色視大權如歷塊無傲容百司之務總以奇而得正唐文粹作百司之吏總一德以威服五方之人雜異教而同理受命之始先聲已振黠吏惡少聞風改行改唐文粹作族及乎鳴騶詣府登堂坐定縣尹掾史以次上謁守正之人其氣高含章之人其詞大見容色而聞號令小人戚而君子泰威唐文粹作威日者櫟陽男子閭里為豪借客報仇聚人為盜或白日手刃或黃塵袖鎗政寬則以身先諸偷操急則以事中長吏貳過不已萬計自脫公命吏縛之立死鈴下鈴顯本作領今改從唐文粹本于是人入閭室若遇大賓焉前年不登人賴太甚野無遺秉唐文粹作秉路有委骨天子不忍征于不粒賦于無衣

六軍從衛以臨東諸侯息關中也帝曰咨天之降威之唐文粹作其人罔畏罪台恐寇盜迺邑矧曰蕩析離居惟爾

克濟撫茲方夏方夏唐文粹作西土公拜稽首思塞休命布慈惠之政不以利淫振雷霆之威其或有過饗人滅雙雞之膳圉人省五馬之秣陶不獻服巧不填館自身已往振廩同食雖人烟不動道殣相望不思濫以苟生咸守教以就死是不可能也先是王公或專南山之利司農涸昆明之池收赤岸澤將為田以便官至是悉奏罷之舟舫衡麓之守廢唐文粹作蒲荷薪蒸之產入自郊徂邑室有魚殮斬陰伐陽市多山人得以贍惟涇有防比歲多決近縣疲于力役他山置于度材公命刮朽壤填巨石辦大木去編管其始告勞乃終有慶匠石日減功萬藏史日省錢億農始竟未竟唐文粹作學始安織于是台背黃髮之老唐文粹作黃髮之老曰我有田疇鍾秉其畝我有子弟顏閔其行鄉黨以睦惇失其獨道路有禮汰無與爭顯元錄本作鄉黨以睦惇于失其獨道路有禮汰無與爭今改從唐文粹本酒先養老賄不問吏既無吠犬犬唐文粹作狗亦無奸人臨年餘資幸蒙惠化幸唐文粹作化其曷以臻茲君子曰此天子至公內舉不避親錫汝明君君唐文粹作尹張公之力也夫公于國為外戚于帝為外弟重組累印珥香貂者七葉奉車駙馬乘朱輪者十人勝衣則綺襦紈袴通籍則玉墀青瑣動則兩駟如舞坐則五鼎成列文軒楚製素女趙舞而公儼兮其若客淡兮其無味客唐文粹作客今校正心在四教語稱七德目視六籍口誦九歌懷君子令德之忠保詩人錫

類之孝悌有過于共被慈有踰于含食惡衣以居公服不敢降也屈體下士王綱不敢替也協二姓之好以正人倫旁無嬖御分一人之憂以審官政下多英傑若夫皇帝敬問之詔御札自書天王命賜之衣上宮所製勞動則中使接武計議則走馬來朝豈惟衆臣重其經術爲吏雜以儒雅而已且公之升聞于天

唐文粹于之字下多一德字非一朝一夕之漸也亦所以稱職于累官著聲于所在其丞祕書也闕文遺簡多在大家深爲子孫之藏密有緘滕之固公不憚權貴或抵或誘盡歸天閣盡一本作書非官書備焉其牧郢也郢字下唐文粹多一人字人有不若德

戮之不爲暴人有不保居撫之不爲詔存者考其事壯其食以畜之行者緝其官藝其樹以待之此邦之人既優他邦之人又重焉重唐文粹作至未盈一歲遂增萬戶

其守汾也仍歲大旱郡祠介推雖屢舞僊僊僊僊舊作而靈應未若公命束蘊取火伐樹實薪釀酒而祝曰有功于人祀爲明神無德而祿禍亦覆餗自絳以來人

實祀子純犧大璧不敢愛必以薦也童兒季女不敢黷必以敬也神既靡咎人將安仰若亭午而雨則樹其鷺羽執此駢毛不然者火燎將至燉天鏢地靈衣

且爲煨燼豐屋將爲茂草爾其圖之言未畢而雲興拜未起而雨降周于闔境不入他郡雖封疆咫尺而彼竭我盈嘻若記能事載盛德渭川之竹不足簡終

南之木不足軸夫訓人至于禮義曰德安人免于阡危曰功德者上賞于上下頌于下長老孜孜願刊于

石以予學于舊史來卽我謀且維與人編戶與人爲伍與人出入與人言語知風俗之淳弊識政化之源本屬詞婉文書事蓋實詞曰

五代相韓七葉侍漢及我聖朝亦生邦翰大道無形貞蠱以幹含章不耀在割能斷情僞萬端吾道一貫

帝選賢尹無以易張金印紫綬京兆之良良唐文粹作章佩我鳴玉冠我兩梁天子休命拜手以將寬而愛人立滅

暴彊明明天子哀此南畝將息西人遂觀東后我教我訓我鎮我守茫茫三秦則罔餬口守死以義徇生

不苟王曰外弟視人不佻何以寵之手書以詔何以問之賜衣而朝俾人華胥致君帝堯刻石作頌永世

彌昭

京兆尹唐六典京兆尹從三品九有商頌方命厥后奄有九有萬類張華詩洪鈞陶萬類

四表虞書光被四表格于上下海隅日出周書海隅日出越小大邦周書越小邦師長商書師長三揖周禮三揖庶姓時揖異姓天揖同姓以承天休商書各守爾典以承天休三揖周禮三揖庶姓時揖異姓天揖同姓列辟周書列辟敷側陋周書敷側陋十等左傳十等故王臣公臣把宿負漢書張敞守京兆尹自趙漢鉤距漢書趙廣漢爲京兆

晏論語集解十
六斛曰秉
酒先養老
家語酒者所以養老
所以養病也
吠犬
後漢書劉寵拜會稽太守餽
傾苗禁察非去郡中大化徵

成箋驛舞者所
詩以旨毫
驛毛左傳王賴之而賜之驛旄之盟杜預註驛旄赤牛也孔穎達正義周禮牧人易祀用驛生宣云周人尚赤生用驛向舊各舊云文王辛未一武王

辭牛一諸言辭皆是赤牛則知此辭是赤牛也產謂屬靈衣被玉佩今陸離來卽

我謀詩衛風匪來貿絲來卽就也編戶漢書諸將故與帝爲編戶民師五代相韓

史記留侯張良者其先韓人也大父開地相韓昭侯宣惠王襄哀王父平相釐王悼惠王二

秦王爲韓報仇以大左太冲詩金張藉舊業七葉珥漢昭李善註班固漢書金

傳贊曰張氏之子孫相繼自宣元以來爲侍中常侍者日碑贊曰七葉內侍何其威也七葉自武至平也又張湯

爲邦家損韓之臣也大道無形淮南子大道無形大仁無親大貞蠱以幹周易蠱卦初六

考無咎屬終吉九二在割能斷晉書袁宏爲東征賦末列稱過江諸名德不及陶侃侃

相忽宏着魚答曰我已賦述尊公何乃言無因曰精金百汰在兩梁杜氏通典漢武帝太初元

京兆尹是爲三輔治長安城中銀章天子休命子之休命明明天子漢書

青綬進賢兩梁冠絳朝服佩水蒼玉觀東后尚書歲二月東巡狩至于岱宗梁望秩于山川

俊德烈烈觀東后韓愈傳遂見東方之國君三秦項籍滅秦

分其地爲三以章郡爲雍王都廢邱司馬忻爲視人不佻民不佻君子是則是微毛萇傳

塞王都機陽董賢爲翟王都高奴謂之三秦問之詩鄭風維風以問之

天下之民使之不愉于禮義是乃君子所法微言其賢也問之毛萇傳云問遺也

王右丞集卷之二十一

王右丞集卷之二十二

仁和趙殿成松谷箋註

碑一首

魏郡太守河北採訪處置使上黨苗公德政碑

一本北字下多道字

五方殊俗魏風婉而其人舒九土異宜冀田壤而其賦錯前政有寬猛之異時令有班藝之差夫非酌舊典于可行啓新圖于必當多方而不失正一貫而或從權曲成更人大抵厚俗選衆而舉非公而誰公先自吏部侍郎出爲安康郡太守某載月日詔以公爲魏郡太守河北道採訪處置使公諱某字郡縣人也其出處本末奕世冠冕國史家牒詳焉凡邦伯到官詔使按部或閉閣思政或下車作威或劾吏爲明或移書示禁公異于是可略而言公素號鮮明積有治行宿訟不決之務餘地割分疑獄自誣之枉容光立照故陋其思政也安全長吏不逐老丞成就諸生光教小吏吏謂本作史今考漢書校正導德齊禮有恥且格故鄙其作威也謝亭長之問勞野次之賢吏悉謂爲神明人不隱其毫髮故無事劾吏也列郡共職清節銷其過求諸曹報簿直筆破其污詆故不待移書也山東古之七雄河北有其四國地方數千里人蓋億萬計獻子三數之饋滋無舊德平原十日之飲顧有遺風朱亥袖鎚英雄扼腕曹王拂局輕薄爲心奢泰擬都護之堂遲緩學邯鄲之步公抑末技而敦本斥浮食以歸業督

課入政擇良吏以遣行講求六籍置學官于便坐于是橫經左塾力穡先疇盡業農桑大興庠序家知禮義更式段子之廬戶有京坻增修史起之貌叢臺歌舞成市鄴郡帝王舊都衮服靚妝挾筑踞淇上留客河間數錢公課其組紃之庸開其婚嫁之節冶容絕四方之袖織室致五匹之工刑于上官訓及處子鄭聲衛樂共棄師襄趙帶燕裾思齊漆室漁陽騎客奏報本朝鯁海樓船連漕絕域郊迎館給不敢淫其芻蕘水路陸衢盡若安于枕席某載月日詔賜紫袍玉帶金魚袋衣若干副方伯十聯賴其澄清之轡天子七命賜以安吉之衣緹油屏車璽書增秩未是過也勝殘之化旣成觀俗之風允穆優游無事學宦思歸况乎父母之邦近在嬰兒之國表請拜掃有詔許焉預約守宰幸無偵候至郡則投刺上謁至邑則舍車而徒展禮先塋椎心泣血迴趨長老稽顙緒言宗人族姻姑黨姪行覲以重幣筐篚徧于里閭享有加牢牛酒溢于衢陌朱軒駟馬耀于衡門紫綬雙龜出入編戶蘇公佩印始歸鄉里盡歡疏傳散金不與子孫爲計迨乎將去仍以餘資一里置社備養生送死之具一鄉置校開閱禮敦詩之本相如衣錦且飛大漢檄書買臣懷紱不德長安廐吏故使巴蜀太守負弩前驅會稽守丞引章下拜此蓋恨不禮于他日思釋憾于故鄉是輕桑梓之人適騁斗筭之志豈若公自心而至率禮無違來悅去思推才降體平陽傳舍

不許望塵山陰吏卒詎聞治道富貴還鄉榮之至也揚名顯親孝之終也凡百君子無一至焉公當九伯之官兼八使之任深總之體不求于無虞□□于草竊政成德舉風動神行頃有勳臣旁典屬郡曩者風雲際會攀附騰驤貪天之功以爲己力謂國不忘尙嘉迺勳宋父宣驕倨侯貴當關常從橫恣不法帷帳狗馬僭侈踰制公劾之則重傷國恩置之則大廢邦典于是喻以禍福告之話言昔有不愛趙城將蹈滄海旣尊漢室願遂赤松功成不居道家所躋至于析珪分組跨壤連州懷四術而自疑見九重而失望或冤家上變司敗受辭朝享膏粱寧知獄吏暮成菹醢遍賜諸侯難恃白馬之盟徒思黃犬之樂形墻峻宇萬乘□□□紫衣狐裘一朝而數三罪雖嫌絳灌等列不踰梁楚爲墟于是翕肩振驚折節度教杜門謝絕賓客終身不紊紀綱以寬服人實在有德厥有挾左道飛訛言南國青珠之符東海赤刀之術分風送客割水飲人僞辯而納之于邪善誘而濟之以惡戶外多保汝之屢恐爲亂階階舊作階非門前無長者之車知其惑衆公奉誅首惡悉宥面從不蔽要囚惟良折獄良誤長誤議事以制不徵于書副至仁之納隍用輕典于平國刑期不濫人乃大安奏課計功天下小察責吏以實則舉其不矜欲人自新則賞其宿負官以德舉政以禮成至于賞善勸能正源端本齊風變魯蓋以悉禮名儒晉盜奔秦豈俟多誅惡少納貢獻賦

則惟恐居後疇庸命賞則義不敢先布以聖恩奉宣明主之詔問其理狀對用議曹之言邦家之光其斯謂矣年若干秀才擢第應制舉第若干等授某官歷某官若夫明眸白晳玉潤珠耀美秀備于儀形風流發于言笑行之方也留如守司智之圓也速若發括量包羣有思入無間壞壁古文曲臺遺禮淮王九師之易漢氏三家之詩傳癖書淫鷹揚學府比文園入室之武同丞相登科之策奏甚平讞詩窮綺靡硯燐紙貴虎視詞林嘗奉和聖製雨中春望詩云雨後山川光正發雲端花柳意無窮又奉和行幸詩云接仗風雲動迎軍鳥獸舞時人以爲鮑參軍謝吏部爲更生云云顧本作曰誤今校正某年月日詔除公河東太守兼採訪使官吏百姓等或守闕乞留或遮道更借淚增時雨思結仁風親愛之深諱名而號爲父歌詠不足取姓以命其兒公旣去官多歷年所人思愈甚共立生祠異邑居而瓦合無契約而磨至恐不預于聚財懼不任乎輸力棠樹勿翦何如審像圖形桐鄉置祠豈比耳聞身及以此觀德何德之深仍建豐碑立于祠宇匍匐千里前後百輩求綴詞之客爲頌德之文維也竊比老農不知舊史衆心所至難抑與于與人予病未能不獲已于求我乃爲頌曰禹別九州漢分八使實惟方伯且曰連帥建節乘輅觀風察吏山東河北全趙大魏授方任能惟名與器蓋非其才孰享斯位天子命我導揚皇風敬教勸學

通商惠工法去太甚政貴得中守丞老病小吏童蒙
督郵不逐博士成功遂安賢者大啓儒宮四國之餘
一都之會乎原舊俗信陵遺態博塞以遊椎埋爲害
叢臺淇水燕裾趙帶淳化旁屬貞風俶載劈纊綃
橫經秉耒秉耒作耒清節峻邈碩量宏深投書置水酌酒
捐金樹德滋蔓持刑不淫訛言免坐倨貴懷音繡衣
罷斧墨綬停琴旣此時雨當聞作霖申哀松柏展敬
桑梓伏謁公門徒行故里椎心馬鬣啓顙鯢齒身紆
紫綬禮及童穉帝賜黃金盡于筐篚社養宗人學招
邑子能事具舉令問允穆璽書改印緹油轉轂壁挂
胡牀舍留官牘人吏老幼涕泗號哭頌德豐碑圖形
華屋閱實數美移晷更僕

苗公劉胸唐書苗晉卿上黨壺關人幼好學善屬文進士擢第初授懷州修武縣尉歷奉先縣尉坐累貶徐州司戶參軍秩滿隨判入高等授萬年縣尉遷侍御史歷度支兵吏部三

員外郎開元二十三年遷吏部郎中二十四年拜中書舍人二十九年拜吏部侍郎天寶二載御史中丞張倚勇參選晉卿以倚初承恩欲悅附之考選人判等凡六十四人登甲乙丙科爽在其首

衆知奭不讀書論議紛然上怒督卿貶爲安康郡太守三載閏二月轉魏郡太守充河北採訪處置使居職三年政化洽聞會入計因上表請歸鄉里既至壺關望縣門而步小吏進曰太守位高德重

不宜自輕晉卿曰禮下公門軾路馬兄父母之邦所宜尊敬汝何言哉大會鄉黨歡飲累日而去又出俸錢三萬爲鄉學本以教授子弟尋改河東太守河東採訪使入爲尚書東京留守徵爲憲部尙

書拜左相晉卿寬厚廉謹爲政舉大綱不問小
過所到有惠化魏人思之爲立碑頌德

魏風婉

左傳吳公子札來聘請觀于周樂爲之歌魏曰美哉風風乎大而婉險而

易行以德輔此
九土
國語能平九土
冀田
禹貢冀州厥土惟白壤厥賦惟上上錯孔

地賦謂土地所生以供天子上曲成易曲成萬物而不遺安康郡按唐書地理志金州本西城郡

改漢陰郡隸山 邦伯商書二邦伯師長孔安國傳宿訟東觀漢記魯恭爲中牟令宿訟許伯

典直各退
老丞
漢書黃霸爲潁川太守力行教化而後誅罰務在成就全安長吏許丞老病
南東道
邦伯二伯及州牧也
省言
氣爭陽溫曰積年州郡不涼者平

自相責讓示之督郵白欲逐之竊曰許丞廉吏雖老尚能拜起送迎正頗重聽何傷且筭助之

五入漢書文翁爲蜀郡守仁愛好教化見蜀地辟陋有蠻夷風文翁欲誘進之乃選郡縣小吏開敏多皆當出于民所易新吏又未必賢或不如其故徒相益爲亂凡治道去其太甚者耳

吏有材者張叔等十餘人親自飭厲遣詣京師受業博士或學律令減省少府用度買刀布蜀物

官于成都市中招下縣子弟以爲學官子弟爲除更繇高者以補郡縣吏次爲孝弟力田數年爭欲

卷二十一

爲學官第千富人至出錢以求之絲
是大化蜀地學于京師者比齊魯焉

謝亭長之問
漢書趙廣漢爲京兆尹嘗記江湖都亭長湖都亭長西至界上亭長

戲曰至府爲我多謝問趙君亭長既至廣漢與語問事畢謂曰界上亭長寄聲謝我何以不爲致問亭長叩頭服實有之漢廣因曰還爲吾謝界上亭長勉思職事有以自效京井不忘卿厚意其發奸

摘伏如神
皆此類也
勞野次之賢
漢書黃霸爲潁川太守嘗欲有所司察擇長年廉吏遣行屬令周密吏出不敢舍郵亭食于道旁攫其肉民有欲詣府口言

事者適見之霸與語道此後日吏還謁霸霸見迎勞之曰甚苦食于道旁乃爲烏所盜肉吏大驚以霸具知其起居所問毫釐不敢有所隱

河北有其四

國成按唐開元天寶間河北道所隸州府凡二十五安東乃高麗之地戰國時未入版圖其懷衛相魏賣五州是古魏國之地名郛瑄百定莫窺冀貝十州是古趙國之地易幽瑣營平五州

是古燕國之地博德滄州是古獻子三萇國語梗陽人有獄將不勝請納賂于魏獻子獻子將許之聞及賈又寃曰與子東乎

齊主以不賄聞于諸侯今以便陽之賄殃之不可二人朝二廟三井肅之際發言未嘗曰爲二國也史記卷六十二

也同辭對曰吾小人也食饋之始至懼其不足故數中食而自容也曰豈主之食而有不足是

史記秦昭王乃詳爲好書遺平原君曰寡人聞君之高義願與以再獻之既食願以小人之腹爲君子之心感願而已是以三獻獻子曰善乃爵梗陽人曹王弗弔世說

日食君爲布衣之友君幸過寡人寡人願與君爲十日之飲
曹三抄局彈基

中有客目云能帝使爲之容著葛巾角低頭拂棊妙踰于帝者護堂堂殿居繪廳濯林

都說宮名居殿之中飾爲綺牕甘單甘單髮髻又復失其故步遂匍匐而歸耳浮食志止

八政禮記王制以八政治國
為上衣服次之事為謂百工技藝也異別五方用器不同也度丈尺也量

便坐

之師古註便坐男坐
可以視事非正廷也
左塾
禮記古之教者家有塾黨有庠鄉成註門側之堂謂之塾孔穎達正義周禮百里之內二十五家爲閭同共一巷巷首有門門邊有塾

謂民在家之時朝夕出入恒就教于塾故曰家有塾白虎通云古之教民百里皆有師里中之老有道德者爲里右師其次爲左師教里中之弟子以道塾孝弟仁義也案書傳說云大夫七十致仕而

退老歸其鄉里大夫爲父師士爲小師新穀已入餘子皆入學距冬至四十五日始出學上老平明坐于右塾庶老坐于左塾餘子畢出然後皆歸夕亦如之

力穡 商書若農服田力穡

乃亦有秋孔安
國傳穡耕稼也
先疇班固西都賦土食舊德之名氏農服先疇之畎畝
段子廬高士傳段子木者晉人也守道不仕魏文侯欲見就造其門

干木踰墻而避文侯。文侯以客禮待之。出過其廬而軾其僕。問曰：「干木布衣也，君軾其廬，不已甚乎？」文侯曰：「干木，賢者也，不可移勢利。懷君子的道，楚處窮巷，聲馳千里，吾敢不試乎？」干木先德，寡人

先乎勢于木富乎義寡人富乎財勢不若德貴財不若義高
又請爲目不青後早已國青見與語文矣立卷下效思

京邱也鄭康成箋庚露積
史起漢書魏文侯時西門豹爲鄴今有令名至文侯曾孫王時

藥史起進曰魏氏之行田也以百畝敵獨二百畝是田惡也漳水在其旁西門豹不知用是不智也

民歌之曰鄴有賢令兮爲史公決漳知而不與是不仁也仁智猶未之盡何足法也鄴于是以史起爲鄴令遂引漳水溉鄴以富魏之河內鄴成按商河賈甲居相卽鄴郡之地魏曹操受封于此

水兮灌陂旁終一畝園兮生稻梁
帝並玄服見女鄒陽書武力鼎土絃服薏臺之下李善註絃服大威元黃服也左思蜀都

都之衿月青先賦都人士女絃服靚妝劉涔林註蘇林曰絃服謂展服也張揖曰靚謂粉白黛黑也顏延年曲水詩序魏故集野茲服澤州張古史記爲昌曼女子則妓爲之也

銑註觀妝美人脂粉之色絳服美麗之衣也

踞厠踞謂高坐也厠謂廁也媚貴富人後宮徧諸侯徐廣曰踞音

一七九

一八一

多不養子彪嚴爲其制與殺人同罪數年間人養子者十數僉曰賈父所長生男名爲賈子生女名爲賈女任延爲九真太守駱越之民無嫁娶禮法各因淫好無適對匹不識父子之性夫婦之道延

乃移書屬縣各分勞二十至五十年十五至四十皆以年齒相配其貧無遺糧令長吏以下各
省俸錢以贖助之鄉相娶者始知種姓咸曰使我有是子者任君也多名
爲任

瓦合漢書匈奴傳下起瓦合之卒收散亂之兵不能久古語曰瓦合之卒難
聚令行不齊也又東夷傳烏丸傳烏丸之難言不齊也

齊同
鑒至
左傳平諸侯而鑒至杜預註鑒羣也顏延之詩懷仁懷集抱鑒至鑒羣字同
輸力
左傳昔陪臣書能輸力于王室
棠樹
風俗通義

召公當農桑之時重爲所煩勞不舍鄉亭止于棠樹之下聽訟決獄百姓各得其所壽百九十餘乃卒後人思其德愛其樹而不敢伐詩甘棠之所作也詩蔽芾甘棠勿剪勿伐召伯所茇

相維如桐鄉民及死其子葬之桐鄉西郭外民果然共爲邑起塚立祠歲時祠祭不絕
 輿人左傳聽輿人之謀杜預主輿史也禹別九州孔安國尚書傳禹別九州方伯漢書何武傳刺史古

之方伯上所委建節乘軺邱遲與陳伯之書佩紫纓黃轡帷幄之謀乘軺建節奉疆場之任一州表率也任劉良註軺使車也節旌節也晉書輿服志軺車古之時軍

一都之會史記貨殖傳邯鄲亦漳河之間一都會也燕亦勃碣之間一都會也三國志呂又傳蜀郡一都之會戶口衆多此用其句

博塞以遊書問戲笑事則博塞以遊 棺埋古註椎殺人而埋之故曰椎埋 酉

金馬
還之
樹德
滋蔓
左傳伍員曰樹德莫如滋去疾
莫如蠹又祭仲曰無使滋蔓
懷音
魯頌翩彼飛鴉集于泮林食我
桑椹懷我好音鄭康成箋云懷

歸也言鵲恒惡鳴今來止于泮水之木上食其桑葚爲此之故故改其鳴歸就我以善音繡衣喻人感于恩則化也孔穎達正義惡聲之鳥食桑葚而變音喻不善之人感恩惠而從化繡衣

罷斧漢書武帝末年加豐郡國見奏勝之使持斧逐捕盜賊以軍策從事誅二千石以下

停琴言身不下堂而單父治後

作霖商書若歲大旱

寺雨趙岐三輔決錄茂材郭倣

人因之以彈琴爲令故事

馬鬣

禮記孔子之喪有自燕來觀者會于子夏氏子夏曰聖人之葬人與人之葬聖人也子何觀焉昔者夫子言之曰吾見封之若堂者矣見若坊者矣見若覆夏屋者矣見若斧者矣從若斧者焉馬鬣封

之謂也。今一日三斬板而已。封尚行夫子之志乎哉。孔穎達正義既言四境之異。夫子之意從若。若者焉。以爲刃上難登狹。又易爲功力。子夏既道從若。斧形恐燕人不識。故舉俗稱馬斨封之。謂也。以

者邑子史記中大夫泄公曰冷問家語凡三代之達圭月沐裴松之三國志

邑子臣之邑子素知之令王必先其令問廔打古方註魏略曰裴

謂主簿曰今來時本無此懷懷是淮南所生有也羣吏曰六畜不識父自當隨母苗不聽
時人皆以爲激然由此名聞天下晉書羊篇歷官清慎有私牛于官舍產犢及遷而留之

戰國策乃說趙王于華屋之下鮑彪註華高麗也移晷昭明太子文選序未嘗不心遊目想移晷忘倦呂向註晷日影日側不知其倦更僕禮記儒行逮數之不

君燕朝則太僕正位掌轡也言若委細悉說之則大久僕侍疲敝宜更代之

王右丞集卷之二十三

仁和趙殿成松谷箋註

碑二首

故右豹韜衛長史賜丹州刺史任君神道碑

左

君諱某字某其先奚仲之後于周爲上卿周諱是殷字或商字之說世有功列于諸侯氏則任鬱爲著族後有官于京兆者子孫因家焉今爲萬年縣人也遠祖某漢河東太守曾祖某周清河太守先復舊職先錄是克字之說異世而同符祖某隋梁州南鄭縣令父某皇石州離石縣令不墜象賢一門而二鳧爲皆爲政以德遺愛在人能高其門必有興者雖不當代果生達人君離石府君之第某子也膺一賢之期鍾累葉之善忠孝自得稟乎天姿詩禮輔成潤以庭訓文含四始雕蟲之技附庸武有七德啼猿之術居外明經者皓首弱歲成儒達法者腐脣端居曉吏以鄉貢明經擢第解褐益州新都尉居無何丁母憂廬以長號淚少于血杖而後起骨餘于形彈琴不成從先王之禮捧筐便慟有終身之哀服闋授左金吾衛兵曹參軍轉左衛錄事參軍又遷右豹韜衛長史王樂爲用率武夫以扞城人愛其才稱君子之爲衛方將冠軍甫之冠衣縫掖之衣奏議雲臺論政赤墀一見天子必爲之前席三說大臣必爲之解印若端委以相六合盡宅心于帝庭授鉞以董八蠻可傳首于魏闕然後挂冠東郡拂衣五湖郡當是都

說字高蹈煙虹笑謝珪組天命不祐沮我良策春秋若干以某年月日寢疾卒于永興里第某年月日葬于京兆神禾原禮也天壽本作和嗣子曰某善繼先志克成厥家多藝多才安英實選匪□實寶十城之價不以力聞萬夫之敵命同御座漢帝以恩待故人超將中軍先軫以才登元帥以某年月日從駕謁五陵天子若曰自古明王王善本作三非因心以孝待人由己以施物故休戚共憂樂同也其贈羽林將軍任某父使持節丹州諸軍事丹州刺史敬其事則命以始寵其身以及其親明主所以盡心忠臣所以盡力故羊舌職悅是賞也陳力異代官成聖朝修文下泉名在天爵前賢陰德雖遺慶于後昆嗣子揚名乃大顯于先父養則致樂沒而有稱昔也爲士享惟將軍之食今則典邦葬亦諸侯之禮皇帝命之太史書之報昊天之恩曾舉世未有豈與夫手樹行櫟躬廬長松負土成墳備身以葬匹夫之孝同年而語哉君少有大略長而能賢安于仁樂于善厚生以儉守智以愚視事所及筆硯盈庭其力文也容膝之外圖書滿屋其嗜學也八體之能右軍曾未知翰五弦之妙中散何擅于琴以禮庇身以清守官惟邦之彥惟國之翰夫人河東裴氏始以某爲光祿也封河東郡君及是又贈河東郡太君子之忠由母之教母以子貴不亦宜乎司文者執簡以往刊石旌德其詞曰

薛侯之裔今代濟其美不隕其名是生碩德今爲世

全其生思得當有以報漢棄身爲餌俛首入彀僞就以亂其謀佯愚以折其僭謝安伺桓溫之亟蔡邕制董卓之邪然後吞藥自裁嘔血而死仁者之勇夫子爲之公諱某字某京兆杜陵人也昔豕韋氏主盟于商後扶陽侯重世相漢高祖某官父某某官並勳德茂著史牒詳焉機顧本作機誤今校正公卽文貞公之仲子也初以宰相子弁髦署吏抱拜授封加朝散大夫封平樂郡公累拜某官丁文貞公憂又丁某國夫人憂無容顧禮殆不勝喪終身之痛歷稔猶毀幼無童心長積純氣抱其天素立于人紀先聖微言宿儒未辨貫穿精義總括旁說文言蔚于興表筆態托于力外子虛上林敢云雄似黃庭團扇方議雁行鶴氅乏姿羊車奪映乏顧本誤作之今校正會選公壻詔婚王室天家煥耀獨任素風時論騰踴宜在右職乃拜中書舍人動翔鳳之詠啓迪古詩下流水之書敦崇雅誥轉太常少卿六宗九奏悉具其儀天神地祇可得而禮俄入覲累貶巴陵太守入顧疑是以親二字之訛稍遷壽春太守又遷臨汝太守其理務教訓其政尙寬簡謂其敘在六官又踐三事疇咨帝載必歌九功之德式和人則必復三代之英天子避其用親奸臣惡其異己馮衍竟廢揚雄不遷抑古人而有之何夫子之命也逆賊安祿山吠堯之犬驅彼六驛憑武之狐猶威百獸藉天子之寵稱天子之官徵天子之兵逆天子之命始反幽薊稍逼溫洛云誅君側尙惑人心列郡無備百司安堵變折衝爲賊矣

兼法令而盜之將逃者已落穀中謝病者先之死地密布羅網遙施陷穽舉足便跌奮飛卽挂智不能自謀勇無所致力賊使其騎劫之以兵署之以職以犖爲質遣吏挾行公潰其腹心候其間隙義履元惡以雪大恥嗚呼上京旣駭法駕大遷天地不仁穀洛方鬪鑿齒入國磨牙食人君子爲投檻之猿小臣若喪家之狗僞疾將遁以猜見囚勺飲不入者一旬穢溺不離者十月白刃臨者四至赤棒守者五人刀環築口戟枝叉頸縛送賊庭實賴天幸上帝不降罪疾逆賊恫瘝在身無暇戮人自憂爲厲公哀予微節私予以誠推食飯我致館休我畢今日歡泣數行下示予佩玦斫手長吁座客更衣附耳而語指其心曰積憤攻中流痛成疾恨不見戮專車之骨梟枕鼓之頭焚骸四衢然臍三日見子而死知予此心之明日而卒某年月日絕于洛陽某之私第以某月日返葬于某原禮也皇帝中興悲憐其意下詔褒美贈祕書監天下之人謂之賞不失德矣公敦穆孝友明允篤誠高居化源濡跡物軌元昆曰陟伯與仲居愛之欲無方視之若不足薄其私而厚其室抑謙己而讓其名故有靈芝聳蓋嘉木連理時人以爲孝悌之祥而公昆季謙而不以聞也維穉弱之契晚年彌篤吾實知之能言者乃爲銘曰銘亡

臨汝郡按唐書地理志汝州

韋斌按劉昫唐書韋斌字安石之子也景雲初安石爲宰相時授太子通事舍人早修藝文藝容止嚴厲有大臣體與兄旆齊名開元十七年司徒薛王業爲女平恩縣主求婚以斌才地奏配焉遷祕書丞天寶初轉國子司業徐安貞王維崔顥當代辭人特爲推挹天寶中拜中書舍人兼集賢院學士兄旆

山出制城南大關舊案以討楊國忠為名榜中曰有異議扇動軍人者斬及三族于是引兵而南
陳山乘鐵步騎銳銳煙塵千里鼓譟震地時海內久承平百姓累世不識兵革猝聞范陽兵起遠
近震駭河北皆陳山統內所過州縣望風瓦解守令或閉門不出或棄城竄匿或為所擒殺無敢拒
之者十二月丁亥陳山陷豐邑郡庚寅陷陳留縣已陷蔡陽聲勢益張以其將田承嗣安志張孝
忠為前鋒封常清所募兵皆白徒未更訓練也武軍以拒賊賊以鐵騎之官軍大敗常清收餘衆
戰于葵園又敗戰上東門內又敗丁酉陳山走河南尹達奚武軍降于陳山陳山遂攻洛陽中郡
又敗守宣仁門又敗乃自苑西環牆而走陳山南尹達奚武軍降于陳山陳山遂攻洛陽中郡
皆降于陳山至德元載春正月乙卯朔陳山自稱大燕皇帝改元聖武六月辛卯乾祐進攻潼關克
之于是河東華陰蒲州上洛防禦皆棄郡走所在守兵皆散是日哥舒翰麾下來告急上不時召
見及尋平安火不至上始懼壬辰召宰相謀之楊國忠忠唱幸蜀之策上然之癸巳國忠集百官召
朝堂惶惶流涕問以策略皆唯唯不對仗下士民驚擾奔走不知所之市里蕭條甲午百官朝者什
無一二上御勤政樓下制云欲親征聞者皆莫之信乙未黎明上獨與貴妃姊妹皇子妃主皇孫楊
國忠韋見素魏方進陳元禮及親近宦官出延秋門妃主皇孫在外者皆委而去是日百
官猶有入朝者至宮門猶聞漏聲三衛立仗儼然則宮人亂出中外擾攘不知所之于是
王公士民四出 吠堯犬 漢書鄒陽傳堯之犬可使 六驛 漢書霍去病傳單于視漢兵多
逃竄山谷 單于遂乘六驛壯騎可數 憑武狐 戰國策荆宣王問羣臣曰吾聞北方之畏昭奚恤也果誠
百直冒漢圍西北馳去 我而不敢走乎虎以為然故遂與之行獸見之皆走虎不知獸畏己而走也以為畏狐也今王之地
方五千里帶甲百萬而專屬之昭奚恤故北方之畏 君側 寅與士吉射荀寅與士吉射者為
奚恤也其實畏王之甲兵也猶百獸之畏虎也 元惡 周書唐誥元惡大憝 上京 班固西漢書通鑑十
者也君側之惡人也此逐君側之惡 人易為以叛言之無君命也 京 班固西漢書通鑑十
于上 法駕 蔡邕獨斷天子出車駕次第謂之園簿有大駕有法駕有法駕為公卿不在
京 地不仁 晉書載記天地不仁助寇為虐穀洛方闕 穀洛二水名謂者兩水格有似于關洛在王城
之南穀在王城之北東入于壘至靈王時穀水成出于王 鑿齒 山海經羿與鑿齒戰于壽華之
城之西而南流合于洛水毀王城王城南將及王宮 風封禪修蛇皆為民害堯乃使羿誅鑿齒于壽華之野殺九嬰于凶水之上繳大風于青邱之澤高
誘註鑿齒獸名齒長三尺其狀似蟹下徹領下而持戈盾揚雄長楊 賦昔有蠃秦封豕其土鑿齒其民鑿齒之徒相與磨牙而爭 投檻猿 淮南子置猿檻
不巧捷也無所 喪家狗 家語雖然如喪家之狗王肅註云喪家之狗主人哀其不食飲食故
肆其能也 惘惘 周書惘惘乃身孔安國傳 畢今日歡 漢書蘇武傳自今已死久矣王必欲
云惘惘也惘惘也 數行下 漢書蘇武傳李陵泣 專車骨 國語晉禹致羣神于會稽之山防風
下數行因與武決 母羈出于蓬萊東南五城西北昭如海潮輶車不能載三馬不能勝臥則枕鼓以鐵著食 焚骸
四衢 裴松之三國志註魏略曰孟達被圍旬有 然臍三日 後漢書王允與呂布使僕
甫嵩攻卓弟曼于鄴場殺其母妻男女盡滅其族乃尸卓于市天時始熱卓素无肥脂流于地
守尸吏然火置卓體中光明達耀如是積日諸袁門生又聚董氏之尸焚灰揚之于路 賞
不失德 左傳莫不失德 明允篤誠 左傳齊聖廣淵明允篤誠
賞不失勞 杜預註允信也篤厚也

王右丞集卷之二十三

原
书
空
白
页

王右丞集卷之二十四

仁和趙殿成松谷箋註

碑銘一首

大唐大安國寺故大德淨覺師碑銘

光宅真空心王之四履建功無旱法將之萬勝故大塊羣籟無弦出法化之聲恒沙衆形□□爲寶嚴之色至如六師北亂四諦徂征如願本作和徂願本作祖俱誤今校正開甘露狹小之門露願本作露誤今校正出臭烟朽故之宅踞寶牀而搖白拂徐

誘草庵沃金瓶而繫素繒遂登蓮座足使天口雄辯刮語燒書河目大儒培仁擊義斯爲究竟孰不歸依禪師法名淨覺俗姓韋氏孝和皇帝庶人之弟也中宗之時後宮用事女謁寢盛主柄潛移戚里之親同分珪組屬籍之外亦綰銀黃况乎天倫將議封拜促尙方令鑄印命尙書使備策詰朝而五土開國信宿而駟馬朝天禪師歎曰昔我大師尙以菩提釋位今我小子欲以恩澤爲侯仁遠乎哉行之卽是裂裳裹足以宵遁乞食餬口以兼行入太行山削髮受具尋某禪師故蘭若居焉猛虎舐足毒蛇熏體山神獻果天女散花澹爾宴安曾無喜懼先有涸泉枯柏至是布葉跳波東魏神泉應聞香而忽湧北天衆果候飛錫而還生禪枝必復之徵法水再興之象聞東京有頤大師乃脫履戶前樞衣座下天資義性半字敵于多聞宿植聖胎一瞬超于累劫九次第定乘風雲而不留三解脫門揭日月而常照雪山童子不顧芭蕉

之身雲地比邱欲成甘蔗之種大師委運遂廣化緣海澄而龍額珠明雷震而象牙花發外家公主長跼獻衣薦紳先生却行擁篲乞言于無說請益于又損天池杯水遍含秋月之輝草葉樹根皆霑宿雨之潤不窺世典門人與宣父中分不受人爵廩食與封君相比至于律儀細行周密護持周密願本作由米誤今從孔氏六帖校正經典深宗毫釐剖析窮其二翼卽入佛乘趣得一毛亦成僧寶于是同凡現疾處順將終忽謂衆人有疑皆問我于是夜當入無餘開口萬言音和水鳥鳥願本作鳥誤今校正踴身七樹光映天人如暫出行泯然跌坐以某載月日歸大寂滅某月日遷神于少陵原赤谷蘭若香油細蠟用以茶毗合璧連珠爲之葬具城門至于谷口幡蓋相連法侶之與都人縞素相半叩膺拔髮灑水空塵升堂入室之徒數踰七十破山澍海之哭聲振三千則有僧某乙尼某乙故惠莊某氏某郡主賢者某乙等各在衆中共爲上首或行如白雪或名詎紅蓮詎字疑誤或爲勝鬘夫人或稱毗邪居士士稱本作七非二空法外何處進求七覺分中誰當決釋猶衣舍利冀獲菩提身塔不出虎溪淚碑有同羊峴羊峴非源舊作湊表心成相相非離于真如敘德以言言豈著于文字乃爲銘曰

小三千界後五百年空乘玉牒莫覩金仙無量義處如來之禪皆同目論誰契心傳目論願本作目論誤今校正弟在人間各歸鳳闕去日留訓別時剪髮累賜金錢將加印綬忽爾宵遁終然兩絕其二救頭學道裹足尋師一花寶

樹入水香池戒生忍草定長禪枝不疑少父更似嬰
兒其三既立勝幡併摧邪網利眼金翅圓身寶掌巧撮
死龍能調老象魔種敗壞聖胎長養其四四生滅度五
陰虛空無說無意非異非同此身何處彼岸成功當
觀水月莫怨松風其五

大安國寺唐會要西京安國寺在長安坊景雲元年九月十一日勅修龍宮寺為寺便以本封安國為名大德釋氏要覽智度

法將溫覺經為此無上大法之將華嚴經大塊羣籟莊子南郭子綦曰女聞人籟而

六師按金剛經佛初成道向闍維國迦葉弟子時王舍城中大師之徒即生大惡心及佛造

法化之聲維摩詰經維摩詰室常作天

法將溫覺經為此無上大法之將華嚴經大塊羣籟莊子南郭子綦曰女聞人籟而

法化之聲維摩詰經維摩詰室常作天

法化之聲維摩詰經維摩詰室常作天

人著弊衣自焚髮五熱炙身以苦行為道謂今身併受苦後身樂五迦羅鳴歌迦羅延其人謂諸
法亦有相亦無相六尼健陀若提子等其人謂罪惡苦樂本自因要當必受非行道所能斷也
四諦四諦四諦法輪度憍跋如作是思惟難欲寂靜最為勝法法法四諦法法四諦法法四諦法
臭烟朽故之宅法華經譬喻品如長者有一大宅其宅久故而後復修其宅高敞莊嚴
狹小門法華經譬喻品如長者有一大宅其宅久故而後復修其宅高敞莊嚴

徐誘草庵詳見二十沃金瓶法苑珠林佛告諸大弟子我初輪城始出宮門外有

徐誘草庵詳見二十沃金瓶法苑珠林佛告諸大弟子我初輪城始出宮門外有

徐誘草庵詳見二十沃金瓶法苑珠林佛告諸大弟子我初輪城始出宮門外有

徐誘草庵詳見二十沃金瓶法苑珠林佛告諸大弟子我初輪城始出宮門外有

天口

漢書藝文志田子名辭齊 雄辯 廣絕交論謂黃馬之 刮語燒書 劉宗美新刻城古文

人游樓下號天口 孝和皇帝 唐書中宗紀曰 庶人 唐書中宗紀後章氏為亂兵所

除也言除百家之言 後宮用事 通鑑唐中宗紀上在房陵與后同崩後宮用事

元年秋七月乙亥 女謁 唐書中宗紀後章氏為亂兵所 女謁 唐書中宗紀後章氏為亂兵所

失一死何遽如是上嘗與后私書曰異時復見天子當惟卿 女謁 唐書中宗紀後章氏為亂兵所

所欲不相禁制及再為皇后遂干預朝政如武后在高宗之世 女謁 唐書中宗紀後章氏為亂兵所

史記田蚡傳宗室無 銀黃 漢書楊僕傳銀黃垂三組師 天倫 註見兄弟後天之倫次

節行者除其屬籍 尚方 顏師古漢書註尚方 詰朝 左傳詰朝將見杜預 五土 蔡邕獨斷天子社以五

受天子之社土以所封之方色東方受青南方受赤他如其方色宜 信宿 左傳一宿為舍再宿

以白茅授之各以其所封之方色歸國以立社故謂之受茅土 信宿 左傳一宿為舍再宿

賦陟降信宿 恩澤侯 漢書有外戚恩 裂裳裹足 呂覽公輸般為高雲梯欲以攻

日夜不休十日夜 受具 邱戒四分義攝一者受具足謂白四福壽二隨具足謂從此向後隨

而至十郡見莊王 散花 維摩詰經時維摩詰室有一天花女見諸大人問所說法便現其身即以天花散諸菩薩大

神戲果 法苑珠林唐始州永安縣唐王姓賢持律第一兼營務後至故鄉南 天女

散花 維摩詰經時維摩詰室有一天花女見諸大人問所說法便現其身即以天花散諸菩薩大

散花 維摩詰經時維摩詰室有一天花女見諸大人問所說法便現其身即以天花散諸菩薩大

散花 維摩詰經時維摩詰室有一天花女見諸大人問所說法便現其身即以天花散諸菩薩大

散花 維摩詰經時維摩詰室有一天花女見諸大人問所說法便現其身即以天花散諸菩薩大

散花 維摩詰經時維摩詰室有一天花女見諸大人問所說法便現其身即以天花散諸菩薩大

散花 維摩詰經時維摩詰室有一天花女見諸大人問所說法便現其身即以天花散諸菩薩大

散花 維摩詰經時維摩詰室有一天花女見諸大人問所說法便現其身即以天花散諸菩薩大

散花 維摩詰經時維摩詰室有一天花女見諸大人問所說法便現其身即以天花散諸菩薩大

散花 維摩詰經時維摩詰室有一天花女見諸大人問所說法便現其身即以天花散諸菩薩大

散花 維摩詰經時維摩詰室有一天花女見諸大人問所說法便現其身即以天花散諸菩薩大

散花 維摩詰經時維摩詰室有一天花女見諸大人問所說法便現其身即以天花散諸菩薩大

散花 維摩詰經時維摩詰室有一天花女見諸大人問所說法便現其身即以天花散諸菩薩大

散花 維摩詰經時維摩詰室有一天花女見諸大人問所說法便現其身即以天花散諸菩薩大

散花 維摩詰經時維摩詰室有一天花女見諸大人問所說法便現其身即以天花散諸菩薩大

散花 維摩詰經時維摩詰室有一天花女見諸大人問所說法便現其身即以天花散諸菩薩大

散花 維摩詰經時維摩詰室有一天花女見諸大人問所說法便現其身即以天花散諸菩薩大

散花 維摩詰經時維摩詰室有一天花女見諸大人問所說法便現其身即以天花散諸菩薩大

散花 維摩詰經時維摩詰室有一天花女見諸大人問所說法便現其身即以天花散諸菩薩大

散花 維摩詰經時維摩詰室有一天花女見諸大人問所說法便現其身即以天花散諸菩薩大

散花 維摩詰經時維摩詰室有一天花女見諸大人問所說法便現其身即以天花散諸菩薩大

散花 維摩詰經時維摩詰室有一天花女見諸大人問所說法便現其身即以天花散諸菩薩大

散花 維摩詰經時維摩詰室有一天花女見諸大人問所說法便現其身即以天花散諸菩薩大

獵師遊行山野遇見王仙謂是白鳥遂即射之有兩滴血出墜于地即便命終彼諸弟子乞食來還

見王仙射命終後葉葉焚燒王屋收骨為塔復將種種妙香花供養彼葉葉焚燒時彼地有兩滴

血即便生出二甘露漸漸漸高至王仙所射之處其甘露一葉葉出一童子一葉葉出一童子

正可喜世有變時諸弟子乞食王仙在彼時不生見子今此兩童子是王仙種葉護養而諸諸

知時諸大臣召喚解相婆羅門教令占相并遺作名彼相師言此童子者既生是日炎熱甘視而

生故一名生二名甘生三又以日炎甘生出故亦名日種彼女因緣種種無異故名諸諸復名

水波時彼諸臣取甘生所生童子幼小時即灌頂立以 委運 待其長大必當委運 象牙

為王其善廣女至年長大能供事即拜為王第一之妃 委運 待其長大必當委運 象牙

花發 譯雅南越大獸其牙生花以因雷聲震動其牙長一尺每雷震必發音開似花

名字來生佛性亦如是常為一切煩惱所覆不可得見是故我欲說我若得聞是大發雷聲

微妙經典則見佛性如象牙花雖隱晦經一切三昧不聞是經不知如來微妙之相如無雷時象

無雷聲生皆有佛性以是緣故說大雷聲名為如來秘密之藏增長法身猶如雷時象牙上花

上花不可得見聞是經已即知一切如來所說秘密之藏增長法身猶如雷時象牙上花

無雷聲生皆有佛性以是緣故說大雷聲名為如來秘密之藏增長法身猶如雷時象牙上花

無雷聲生皆有佛性以是緣故說大雷聲名為如來秘密之藏增長法身猶如雷時象牙上花

無雷聲生皆有佛性以是緣故說大雷聲名為如來秘密之藏增長法身猶如雷時象牙上花

無雷聲生皆有佛性以是緣故說大雷聲名為如來秘密之藏增長法身猶如雷時象牙上花

無雷聲生皆有佛性以是緣故說大雷聲名為如來秘密之藏增長法身猶如雷時象牙上花

無雷聲生皆有佛性以是緣故說大雷聲名為如來秘密之藏增長法身猶如雷時象牙上花

無雷聲生皆有佛性以是緣故說大雷聲名為如來秘密之藏增長法身猶如雷時象牙上花

無雷聲生皆有佛性以是緣故說大雷聲名為如來秘密之藏增長法身猶如雷時象牙上花

無雷聲生皆有佛性以是緣故說大雷聲名為如來秘密之藏增長法身猶如雷時象牙上花

無雷聲生皆有佛性以是緣故說大雷聲名為如來秘密之藏增長法身猶如雷時象牙上花

無雷聲生皆有佛性以是緣故說大雷聲名為如來秘密之藏增長法身猶如雷時象牙上花

無雷聲生皆有佛性以是緣故說大雷聲名為如來秘密之藏增長法身猶如雷時象牙上花

無雷聲生皆有佛性以是緣故說大雷聲名為如來秘密之藏增長法身猶如雷時象牙上花

無雷聲生皆有佛性以是緣故說大雷聲名為如來秘密之藏增長法身猶如雷時象牙上花

無雷聲生皆有佛性以是緣故說大雷聲名為如來秘密之藏增長法身猶如雷時象牙上花

無雷聲生皆有佛性以是緣故說大雷聲名為如來秘密之藏增長法身猶如雷時象牙上花

無雷聲生皆有佛性以是緣故說大雷聲名為如來秘密之藏增長法身猶如雷時象牙上花

無雷聲生皆有佛性以是緣故說大雷聲名為如來秘密之藏增長法身猶如雷時象牙上花

無雷聲生皆有佛性以是緣故說大雷聲名為如來秘密之藏增長法身猶如雷時象牙上花

無雷聲生皆有佛性以是緣故說大雷聲名為如來秘密之藏增長法身猶如雷時象牙上花

無雷聲生皆有佛性以是緣故說大雷聲名為如來秘密之藏增長法身猶如雷時象牙上花

無雷聲生皆有佛性以是緣故說大雷聲名為如來秘密之藏增長法身猶如雷時象牙上花

無雷聲生皆有佛性以是緣故說大雷聲名為如來秘密之藏增長法身猶如雷時象牙上花

爲連壁星辰爲飛殞萬物爲齋叩膺拔髮涅槃經大覺世尊已入涅槃爾時阿難聞絕群迷君具其豈不備耶何以如此

阿難面扶之今起以等方便而獻喻之爾時無數一切地獄如死人寂無氣息爾時摩尼以清冷水灑

曾大叫者或舉手拍頭自投髮者或有嘆言世界空虛衆生眼滅者

自燒身取干涅槃爾時大衆憐兼舍利弗目不暫捨心生戀慕兼身大哭塵土坐身

禮坐然後成之以文德蓋

破山樹海晉書顧愷之拜桓溫墓賦詩云山崩深海竭魚鳥將何依或問之曰卿猶重桓公乃爾哭狀其可見乎客

曰聲如霹靂破山浪

聲振三千涅槃經爾時城內士女天人大衆俱重悲哀各以所持持鉢泣供養一時禮拜右繞七匝悲號大哭震三千

如傾河注海

惠莊按唐睿宗子申王紅蓮按雜寶藏經波羅奈國中有蓮花夫勝鬘夫人

依義菩薩
智入深法
毘邪居士
二空法
七覺分

楞嚴經及諸一切未得二空回向上乘阿羅漢等

楞嚴經

謂七覺分一者念處覺分二者擇法覺分三者精進覺分
四者喜覺分五者除覺分六者定覺分七者捨覺分

舍利 法苑珠林舍利者西域梵語此云骨身遺灑凡夫死人之骨故

存梵本之名舍利有三種一是骨舍利其色白也二是髮舍利其色黑也三是肉舍利其色赤也菩薩羅漢等亦有三種若是佛舍利椎打不碎若是弟子舍利椎擊便破矣釋氏要覽舍利乃是戒定

慧忍行功德薰成也梵語說利羅訖訛略稱舍利華言骨身所以不譯者恐濫凡夫骨身故也又云
歇都此云不壞義有二種舍利一全身二碎身碎身有二一骨舍利白色二肉舍利紅色三髮舍利

黑色惟佛舍利五色有神
變一切物不能壞焉
羊峴
晉書羊祜樂山水每風景必造峴山置酒言詠終日不倦嘗慨然嘆息顧謂從事中郎鄒湛等曰自有宇宙便有此山由來賢

達勝士登此遠望如我與卿者多矣皆湮滅無聞使人悲傷如百歲後有知魂魄猶應登此也湛曰公應冠刀每道祠前哲令望必與此山俱傳至若湛輩乃當如公言耳及士卒襄陽百姓于順

山祐平生游憩之所建碑立廟歲時饗祭焉望
 其碑者莫不流第士頌因名爲瞻吳碑
 後五百年
 法苑珠林釋如佛如來滅後正
 法生世五百歲象法生世於五

百歲又法苑珠林佛伸右手摩彌勒頂作如是言彌勒我付囑
玉牒劉孝標廣絕交論鑲金板

無量義處法華經爾時世尊四衆圍繞供養恭敬尊重讚嘆爲諸菩薩說大垂

義處三昧身心不動大般若經言無量者量不可得不可如來單楞伽經云何如來禪謂

種樂生成辦衆生不
目今史記越世家齊使者曰幸也越之不亡也吾不貴其用智之如目見
量在過去法中不可量在未來法中不可量在現在法中
如來地得自覺聖智相

也索隱曰言越王知晉之失而不自覺越之過猶人眼能見毫毛而不自見其睫故謂之效百

大般若經菩薩寶藏華嚴經一切寶入香也華嚴經八功德水湛然盈滿其水柔

修行如救頭然
 寶樹行列莊嚴
 香水池
 氣如天栴檀法苑珠林八功德水佐

五者病行云可名爲嬰兒行善男子不能起生來去語言是名嬰兒如來亦爾不能起者如來終不

起諸法相不能住者如來不著一切諸法不能來者如來身行無有動搖不能去者如來已到大覺

衆生演說諸經實無所說
酒醉不自計男女老幼各
一七
勝幡
敵得勝則豎勝幡道降魔亦表其勝相也釋氏要覽卷一

阿含經云若沙門于此非法中勸苦
利眼金翅華嚴經譬如金翅鳥王飛行虛空迴翔不得一法者便當警懼告四遠
力以左右翅鼓揚海水悉令兩闢如龍男女命將盡者而搏取之如來應正等覺金翅鳥王亦復如是住無礙行以淨淨眼觀察法界諸宮殿中一切衆生若曾種善根已成熟者如來奮猛十力以止觀兩翅鼓揚生死大愛海水使其兩闢而搏取之置佛法
魔種敗壞涅槃經大四魔者是善薩時能以智慧破壞四魔大般若經若有發心于彼功德深生隨喜皆能破壞一切魔軍宮殿眷屬西域記魔王知善薩將成正覺也誘亂不遂憂惶無賴集諸神衆齊整魔軍治兵振旅將擒善薩于是風雨飄注雷電晦冥縱火飛烟揚沙激石備矛盾之具極弦矢之用善薩于是入大慈定凡厥兵仗舉爲蓮花魔軍怖駭奔馳退散
四生滅度金剛經佛告須菩提
所有的一切衆生之類若卵生若胎生若濕生若化生若有色若無色若有想若無想若非有想彼若無想我皆令人無餘涅槃而滅度之涅槃經如火不遇薪名之爲滅滅生死故名爲滅度
彼岸涅槃經善薩及佛具足成就六波羅蜜多到彼岸僧肇維摩詰經註彼岸涅槃岸也彼岸涅槃岸之有以我異于彼故借謂之耳樂繡萬花谷梵經云波羅蜜多此云到彼岸彼岸者西土俗以設論諸佛地謂之彼岸衆生輪回作業之
水月維摩詰經如智者見水中月善薩觀衆生俗如在海中謂之此岸則佛地所以謂之彼岸
幻響化如
水中月

一九一

王右丞集卷之二十五

仁和趙殿成松谷箋註

碑銘二首

能禪師碑

唐文粹作六能禪師碑銘

無有可捨是達有源無空可住是知空本離寂非動
乘化用常在百法而無得周萬物而不殆鼓柅海師
不知菩提之行散花天女能變聲聞之身則知法本
不生因心起見見無可取法則常如無願本作而誤今校從唐文粹本世之
至人有證于此得無漏不盡漏度有爲非無爲者其
惟我曹溪禪師乎禪師顧本少此三字今從唐文粹本增入俗姓盧氏某郡某
縣人也名是虛假不生族姓之家法無中邊不居華
夏之地善習表于兒戲利根發于童心不私其身臭
味于畊桑之侶苟適其道羶行于蠻貊之鄉顧本侶作似通誤今校從唐文粹本
年若干事黃梅忍大師願竭其力即安于井臼
素刳其心獲悟于梯稗每大師登座學衆盈庭中有
三乘之根共聽一音之法禪師默然受教曾不起予
退省其私迥超無我其有猶懷渴鹿之想尙求飛鳥
之跡香飯未消弊衣仍覆皆曰升堂入室測海窺天
屬非謂得黃帝之珠堪受法王之印大師心知獨得
謙而不鳴天何言哉聖與仁豈敢天舊作回子曰賜也吾
與汝弗如弗唐文粹作不臨終遂密授以祖師袈裟而謂之曰
唐文粹無而字物忌獨賢人惡出已吾且死矣汝其行乎唐文粹作乎
禪師遂懷寶迷邦銷聲異域衆生爲淨土雜居止于
編人世是度門混農商于勞侶如此積十六載南

海有印宗法師講涅槃經禪師聽于座下因問大義
質以真乘既不能酬翻從請益乃嘆曰化身菩薩在
此色身肉眼凡夫願開慧眼遂領徒屬盡詣禪居從顧唐文粹本
奉爲挂衣親自削髮于是大興法雨普灑客塵
乃教人以忍曰忍者無生方得無我始成于初發心
以爲教首顧本于教字下多人以二字今從唐文粹本刪去至于定無所入慧無所依大
身過于十方本覺超于三世根塵不滅非色滅空行
願無成即凡成聖舉足下足長在道場是心是情同
歸性海商人告倦自息化城窮子無疑直開寶藏其
有不植德本難入頓門妄繫空花之狂曾非慧日之
咎顧本以頓門作禁門妄繫作未繫慧日作思日俱非是今從唐文粹本校正常歎曰七寶布施等恒河沙
億劫修行盡大地墨不如無爲之運無礙之慈宏濟
四生大庇三有既而道德遍履名聲普聞泉館卉服
之人去聖歷劫塗身穿耳之國航海窮年塗舊作途非皆願
拭目于龍象之姿忘身于鯨鯢之口駢立于戶外跌
坐于牀前林是旃檀更無雜樹花惟薝蔔不嗅餘香
皆以寶歸多離妄執九重延想萬里馳誠思布髮以
奉迎願叉手而作禮則天太后孝和皇帝並敕書勸
諭徵赴京城禪師子牟之心敢忘鳳闕遠公之足不
過虎溪固以此辭竟不奉詔遂送百衲袈裟及錢帛
等供養天王厚禮獻玉衣于幻人女后宿因施金錢
于化佛尙德貴物異代同符至某載月日中忽謂門
人曰吾將行矣俄而異香滿室白虹屬地飯食訖而
敷坐沐浴畢而更衣彈指不留水流燈焰金身永謝

薪盡火滅山崩川竭鳥哭猿啼諸人唱言人無眼目
列郡慟哭世且空虛某月日遷神于曹溪安座于某
所擇吉祥之地不待青鳥變功德之林皆成白鶴鳴
呼大師至性淳一天姿貞素百福成相衆妙會心經
行宴息皆在正受談笑語言會無戲論故能五天重
跡百越稽首修蛇雄虺毒螫之氣銷跳及彎弓猜悍
之風變畋漁悉罷蠱醜知非多絕羶腥効桑門之食
悉棄罽網襲稻田之衣永惟淨圖之法實助皇王之
化弟子曰神會遇師于晚景聞道于中年中顯本作長今
校從唐文粹本廣
量出于凡心利智踰于宿學雖末後供樂最上乘先
師所明有類獻珠之願願唐文粹
作願世人未識猶多抱玉之
悲謂余知道以頌見託偈曰

五蘊本空六塵非有衆生倒計不知正受蓮花承足
楊枝生肘荷離身心孰爲休咎其一至人達觀與物齊
功無心捨有何處依空不着三界徒勞八風以茲利
智遂與宗通其二愍彼偏方不聞正法俯同惡類將興
善業教忍斷嗔修慈捨獵世界一花祖宗六葉其二大
開寶藏明示衣珠本源常在妄轍遂殊過動不動離
俱不俱吾道如是道豈在吾其四道遍四生常依六趣
有漏聖智無義章句六十二種一百八喻悉無所得
應如是住其五

能禪師傳燈錄慧能大師姓盧氏其先范陽人父行瑤武德中左官于南海之新州遷居
焉三歲喪父其母守志鞠養及長家尤貧憲師推採以給一日負薪至市中聞客讀
金剛經然問曰此何法也得于何人客曰此名金剛經得于黃梅忍大師師遠告其母以爲法尋
師之意直抵韶州高行士劉志略結爲交友尼無盡藏者即志略之妹也常詣忍大師聽經忍師之
師爲解說其義尼遂執志略問曰字向不識安能會義師曰誰佛妙理
非開文字尼驚異之告鄉里耆艾云能是有道之人宜請供養于是居人歸來憐憫近有寶林古寺

舊地衆議營建師居之四衆雲集俄成寶坊師一日自念曰我求大法豈可中道而止明日遂行
至昌樂縣西山石室間遇智遠禪師師請益遠曰觀子神姿爽拔殆非常人吾聞西域菩提摩
後心印于黃梅汝當往彼參法師辭去直造黃梅之東律師唐咸亨二年也忍大師一見歎而識之
傳衣法于忍大師忍大師四會之間至儀鳳元年丙子正月八日居南海遷化忍師法師于講壇
榮經師止那摩訶薩摩訶薩摩訶薩摩訶薩摩訶薩摩訶薩摩訶薩摩訶薩摩訶薩摩訶薩摩訶薩
容流轉輪迴論說直以風扇利權聞二僧對論一云幡動一云風動往復酬答未嘗理師曰可
容流轉輪迴論說直以風扇利權聞二僧對論一云幡動一云風動往復酬答未嘗理師曰可
義師具以理告印宗不覺起立云行者定非常人師爲是誰師更無所隱直敘得法因由于印宗
執弟子之禮請受禪要乃告四衆曰印宗具足凡夫今遇肉身菩薩指下處居士云即此是也因
請出所傳信衣宗捧禮正月十五日會諸名德爲之剃髮二月八日就法性寺智光律師受戒
今戒其戒壇即東來東山法門宛如宿契明年二月八日謂衆曰吾不願此居要歸舊廬時印宗
三藏于壇之側手植三菩提樹謂衆曰却後一百二十年有大開土于此樹下演無上乘度無量衆
師具戒已于此樹下開東山法門宛如宿契明年二月八日謂衆曰吾不願此居要歸舊廬時印宗
與紹白千餘人送師歸寶林寺韶州刺史章懷誨請于大梵寺轉妙法輪并受無相心地戒門人記
目爲經感行于世後返寶林寺兩學學不下千數中宗神龍元年降詔云朕請安秀二師官
中供養萬機之暇每究一乘二師並推讓云南方有能禪師密受大京衣法可就被問今遣侍
簡聽師迎請願師慈悲速赴上京師上表辭疾願終林麓薛簡曰京城律德皆云欲得會道必須坐
禪習定若不因禪定而得解脫者未之有也未嘗師所說法如何師曰道由心悟悟在坐也經云若
見如來若坐若臥是行邪道何故無所從來亦無所去若無生滅是如來清淨禪法空寂是如來
清靜坐究竟無誰置在坐邪師曰弟子之迴主上必問願和尙慈悲指示心要師曰道無明暗暗
是代謝之義明暗無盡亦是行邪道何故無所從來亦無所去若無生滅是如來清淨禪法空寂是如來
生死盡何出離師曰若以智慧慧照煩惱者此是二乘小兒羊鹿等機上智大根者不滅是如來清淨
是大乘見解師曰明以智慧慧照煩惱者此是二乘小兒羊鹿等機上智大根者不滅是如來清淨
住煩惱而不亂居禪定而不寂不斷不常不來不去不在中間及其內外不生不滅性相如如常住
不遷名之曰道師曰師說不生不滅何異外道師曰外道所說不生不滅者將滅止生以生顯滅滅
猶不滅生說無生我說不生不滅者本自無生今亦無滅所以不同外道汝若欲知心要但一切查
猶不滅生說無生我說不生不滅者本自無生今亦無滅所以不同外道汝若欲知心要但一切查
初謝師并賜紫袈裟銀鉢五百匹寶鉢一口十二月十九日勅改寶林寺爲南禪寺三年十一月十八
日又勅韶州刺史重加崇飾賜額爲法果寺師新州舊居爲國恩寺師說法生經四十載先天二
年七月一日謂門人曰吾欲歸新州時大衆哀慕乞師且住師曰諸佛出現應緣有來必去理
亦當然吾此形骸歸必有時所往新州國恩寺沐浴說法而化異香數人白虹屬地即其年八月三
日也時韶新兩郡各修塔道俗莫法所之兩郡刺史共焚香祝云香烟引處天女維摩詰經
時維摩詰
室有一天女見諸大人聞所說法便現其身即以天華散諸菩薩太子舍利弗等皆問何以不轉
女身天女曰我從十二年來求女人相了不可得當何所轉譬如幻師化作女人若有人問何以不
轉女身是爲正問舍利弗言不也幻無定相當何所轉譬如幻師化作女人若有人問何以不轉
云何乃問不轉女身即時天女以神通力變舍利弗令如天女天女自化舍利弗而問言何以
不轉女身舍利弗以天女像而答言我今不知何轉而變爲女身天女曰舍利弗若能轉此女身則
一切諸法亦當能轉如舍利弗非女而現女身一切女人亦復如是雖現女身而非女也是故佛說
舍利弗言非男非女即時天女還攝神力舍利弗身還復如故天女問舍利弗女身相今何所在
舍利弗言女身相無在不天女曰一切諸法亦復如是無在不無在夫無在不無在不者佛所
說也
無漏釋氏謂道心如空器妙理猶淨水一切煩惱破壞道心迷失妙理猶如破器不
能停淨水離其過失名之曰漏即欲漏有漏無漏道心四果盡名曰無漏
有爲非無爲華嚴經何等爲有爲法所謂欲界色界無色界衆生界何等爲
無爲法所謂淨土離其過失名之曰漏即欲漏有漏無漏道心四果盡名曰無漏
利根涅槃經一切衆生凡有三
種所謂利根中根鈍根
左傳晉范宣子來聘公享之宣子膳有棗季武子曰誰哉
獲所謂利根中根鈍根
今譬于草木菓若在君之臭味也若預註言同類也
羶行莊子羊肉不羶羶羶羊肉羊肉類也羶有羶行百
姓悅之故三從成都至鄧之虛而有萬家
黃梅忍大師傳燈錄宏
忍大師新

乘熱嘗釋老志初階聖者有三種人其根業大差謂之三乘聲聞乘緣覺乘菩薩乘取其一乘運以
至因緣各此三人聖位已盡住修心離苦濟物達謂二乘而由修進萬人爲小乘行四諦法中根人可乘運以
受十連爲上根入爲大乘則修心離苦濟物達謂三乘而由修進萬人爲小乘行四諦法中根人可乘運以
矣劉孝標世說新語法華經曰三乘者一曰聲聞乘二曰緣覺乘三曰菩薩乘聲聞者悟四諦而得道也
也緣覺者悟因緣而得道也菩薩者行六度而得道也然則羅漢得道全由佛教故以聲聞爲名也
辟支佛者悟因緣而得道也菩薩者行六度而得道也然則羅漢得道全由佛教故以聲聞爲名也
便止行六度真教則修修善功不爲已志存廣濟故以大道爲名也

一音維摩詰經佛以一音演說法衆生隨類各得解皆謂
便止行六度真教則修修善功不爲已志存廣濟故以大道爲名也

權形類二足四足多足無足佛以一音而爲說法後無我金剛經是說般若一切法無我無人無衆生無
彼異類各自得解各各嘆言如來今日爲我說法後無我無衆生無諸般若說一切法無我無人無衆生無

者如來說名真渴鹿之想楞伽經不知心量愚癡因於取外性起于一異俱不俱有無
春時炎而作水想迷飛鳥之跡涅槃經如鳥飛空跡不可尋跡嚴經如鳥飛空無有跡

觀觀趣不知非水了如諸法性寂滅如鳥飛空無有跡解衣用法華經

印法華經我爲法王法自在安樂衆生故現于世汝舍利弗我此法印爲欲利益世間故說謙而不鳴義本周易謙卦銷聲晉書儒林

[illegible]

諸波羅蜜教化衆生著有所作肇足
下足當知皆從道場求住于佛法矣
相與互

非色滅空離塵垢絕心念自然無所住之色相
自空僧誕註不待色滅然後爲空

舉足下足菩薩若應

德本法華經此諸菩薩非初發意皆久植德本
千無量百千萬億佛所淨修梵行

慧日

沙等恒河千意云何是諸恒河沙數爲多不須提言甚多恒河沙向來無數何水其沙須提言其甚多若有善男子善女人以七寶滿爾所恒河沙數三千大千世界以用布施得福多不須提言其甚多佛告須菩提善男子善女人于此經中乃至受持四句偈等爲他人說而此福德勝前福德

大地墨
用法華經中事
詳見十一卷註

無爲
涅槃經有爲之法則

國男然也沈掌臨海志卷三
諸國皆然也沈掌臨海志卷三
人皆髮穿耳
航海
額延年曲水詩序棧山航海
帆沙漢之賓何無虛月
林是旃檀
以旃檀而爲圍繞

必如我也大般經我子住者然燈佛時蓮花王都四衢道曾見然燈佛獻五莖花布髮掩泥聞正
法要
又手瓔珞經時有菩薩名曰普照承佛璽言即從座起長跪叉手前白佛言則天太后劉昫唐書慧能住韶州廣果寺韶州山中舊多虎豹

易人之處移玉之者其事若差打點與以居二日爲三

宮室卑陋而不可處王之府鑲牀壁而不可以寢王之嬖寵腹惡而不可親穆王乃爲之改築土木之功緒墨之色無遺巧焉五廚爲臺始成其高千仞臨陟南之上號曰中天之臺簡鄧衛之處子娥姑辟曼者施芳澤正蛾眉設綈衣阿錫食齊純粉白黛黑環玉瓊雜並若以滿之妻承雲六樂九韶曼壽以樂之月夜目玉衣目嘉玉食化人猶不倉然不得已而歸之尾無幾何驪王同遊于

執化人之祛勝而上考中
天迺止聲及化人之宮

女后宿因

雜寶藏經云昔者闍嶇山中多有僧住有一貧窮之
索女人見諸長者送供詣山作是念言此必作會我

西北關中起曰高陵北有
畢原陌謂此原之陌也

人天尊

法華經惟願天人尊
轉無上法輪

全身舍利

法華經時天王
佛紫瑠璃後正

法住世二十中劫全
身舍利起七寶塔

王右丞集卷之二十五

王右丞集卷之二十六

仁和趙殿成松谷箋註

誌銘四首

故任城縣尉裴府君墓誌銘

天寶二年正月十二日唐故魯郡任城縣尉河東裴府君卒于西京新昌坊私第享年三十九嗚呼哀哉君諱回字玉溫河東聞喜人也曾祖宏泰皇雍州錄事參軍贈上黨長史李顯本作睿誤今考唐書宰相世系表改正祖思義皇侍御史吏部員外左司郎中戶部吏部侍郎河東郡太守晉城縣開國子父敷珍皇薛王府騎曹參軍自晉已降世爲冠族令德不替以至于君夫其事親孝兄弟順與朋友信其從政公平而壽不中年官才一命慈母在堂諸弟未仕兒未有識女且嬰孩妻夭于前身歿于後天可問邪其若老親何其若季仲諸孤何生人之悲莫甚于是家貧祭以棗脯殮以時服以某月日祔葬于鳳棲原先府君之塋樓顯本作樓誤今校正嗚呼有河東裴子之墓誌之蓋古有之繼後之知者亦何有哉銘曰一死萬紀終天不復爲之奈何哀哀慟哭覆載至廣庶類繁育萬物方春而就于木

任城縣新昌坊

唐書地理志河南道兗州魯郡有任城縣新昌坊五街之南有新昌坊

喜縣雍州

唐書地理志京兆府京兆郡本雍州開元二年爲府

侍御史

唐六典御史臺有侍御史四人從六品上

吏部員外

唐六典吏部有員外郎二人從六品上

戶部吏部侍郎

唐六典戶部侍郎二人從六品上

開國子

唐書百官志凡爵九等八曰開國子國縣子食邑五百戶正五品上騎

曹參軍事

唐六典魏王府有騎曹參軍事一人正七品上

令德

詩小雅顯允君子莫不令德鄭康成箋今善也

鳳棲原

陝西志鳳棲原在少陵原北

就木

左傳季康曰我二十五年矣又如是而後則就木焉杜預註言將死入木

誌銘

工部楊尚書夫人贈太原郡夫人京兆王氏墓夫人諱某京兆霸城人也晉出三家公子尊于魏國秦亡六國時人謂之王家河南則分虎臨人華陰則老熊當道高祖德真皇左僕射祖九思京兆府三原縣令父潛河南府告成縣令告成縣本作郿城今校正大名之後重光不替夫人令儀淑德發于天姿閑禮明詩傳乎世業明顧本作名誤今校正言成女誠可著于縑緗行爲女師詎資于行待豈止彈琴吐論誦賦吟詩而已及乎有行嬪于君子事姑至孝旁穆六姻爲母深慈均養七子男以無雙令德降帝子于鳳樓女則第一解空歸法王之象教閨門之訓朝野稱多既而家列公侯地連妃主珠翠滿座不御采衣方丈盈前唯甘素食同德大師大照和尚親如來之奧昭羣有之源夫人一入空門便蒙法印朱簾紺幘無復餘乘龍藏寶經悉通至義惠用圓滿誠力堅嚴藥藉茹輩雖愈疾而不受心已久淨縱沒齒而常安漢書作設以某年月日奄歸大寂于長興里之私第厥初寢疾彌曠旬時駙馬上人柴毀骨立揮淚嘗藥身不解衣泣血持經手不釋卷晝夜懺悔非止六時身命供養寧唯七寶御醫繼踵中使重跡魂兮不反空焚外國之香生也有涯非

招隱士王孫兮歸來
山中兮不可以久留

榮一本作營誤

有姜之後或邑于盧歷代種德示有稱孤從事文府
振轡長途其一憲府持法奉常秉禮皇考專城腰章郡
邸厚德重跡深仁繼體其二降生哲人其行惟惇儀形

盧氏世系

日生里中持羊酒
愛復賀兩家羊酒

也金刀越石從

爲蜀郡長史終
身無蜀物

持門戶亦勝一丈夫
元鑑

文府
珥筆史

宮供神之
處也
貞石

汧陽郡太守王公夫人安喜縣君成氏墓誌銘

研一本作
河漢

夫人字某某郡人也其先周成王之後古之錫姓命氏或以先父之職官或因始祖之名諡漢魏以降史牒詳焉曾祖休寧某官祖某某官襲封常山公貳公執帛調護儲闈九伯剖符典司方岳典司方岳顧本作典日方長顧今校正漢雄右輔實拜翁歸左顧本作右顧今校正周命僕臣惟茲伯罔夫人即太僕府君之第二女也世有明訓家無遺德蕙心統質豈曰師成螭首蛾眉抑惟天與同雲降雪常聞柳絮之詩獻歲發春即賦椒花之頌言事姑舅宜其家室寢門纔闢笄六珈而問安擊鐘未晞具八簋而獻饋染朱與綠不愆公子之衣采藻及蘋有甚季姜之祭魚軒翟第爲諸侯之夫人鳴珮垂環對有國之君子綺疏寓目助選賢人青帳藩身用酬高論善持門戶能睦族姻誠良人之從政不嘗原獸訓愛子之爲政遂返池魚言成大家之書行爲衆婦之法至于彈琴製賦纂組攻書具舉百事之能仍居四德之外嗚呼降年不永春秋五十以某載月日薨于長安平康里之私第某月日附于咸陽洪瀆原之先塋禮也不獲偕老空傷奉倩之神未始有生誰達莊周之禮長子濡前某官次子澄某官次曰某某官及女等連漣泣血煢煢在疚哀纏聖善痛七子之無依文敘塞淵莫九原之可識蓋顧本作案誤今校正銘曰

漏製三纁兮元纁具五獻兮籩豆翟第兮錦衣駕魚軒兮來歸從如雲兮滿中闈忽形沉兮影絕夫傷神兮子泣血悲餘澤兮猶在怨迴文兮未滅返葬兮咸陽寒天暮兮渭水長嗟梧桐兮半死無雙飛兮鳳凰

汧陽郡唐書地理志關內道隴州汧陽郡本隴東郡魏寧二年析其郡之汧陽縣屬之貳公唐書周官少師少保曰貳貳公宏化實執帛杜預左傳註公侯伯

右輔漢書尹翁歸以高第入守右扶風歲歲爲良吏以爲右輔後漢書尹翁歸以高第入守右扶風歲歲爲良吏以爲右輔儲闈漢書周官少師少保曰貳貳公宏化實附庸漢書周官少師少保曰貳貳公宏化實室藏之宗漢書周官少師少保曰貳貳公宏化實歸漢書周官少師少保曰貳貳公宏化實召其長吏漢書周官少師少保曰貳貳公宏化實京師漢書周官少師少保曰貳貳公宏化實品上漢書周官少師少保曰貳貳公宏化實蠙心統質鮑照蕙城賦東都妙姬南國麗人蠙心統質玉貌修眉蛾眉鮑照蕙城賦東都妙姬南國麗人蠙心統質玉貌修眉同雲詩小雅上同雲雲雨雲柳絮詩小雅上同雲雲雨雲獻歲發春楚辭歲時廣澤萬物皆感氣而生言事姑舅唐書周官少師少保曰貳貳公宏化實笄六珈詩國風君子偕宜其家室詩周南之子于寢門孔穎達禮記正義八簋禮記八簋八豆八簋采藻詩召南

四德後漢書九嬪掌教四德章懷太子註奉倩裴松之國志註荀爽字季平常以婦人

曹洪女有美色榮于是聘焉容服惟麗專房數年後婦病亡未殯傳假往膠榮榮不哭而神傷顧問曰婦人才色並茂爲難子之娶也遺才而好色此自易遇今何哀之甚榮曰佳人難再得願逝者不能領國之色然未可謂之易遇痛悼不能已誠餘亦亡

莊周 莊子莊子妻死惠子弔之莊子則方箕踞鼓盆而歌不亦甚乎莊子曰不然其始死也我獨何能無慨然察其始而本無生非徒無生也而本無形非徒無形也而本無氣離乎之罔變而有氣氣變而有形形變而有生今又變而之死是相與爲春夏秋冬四時行也人且偃然睡于巨室而

榮榮在疚 詩周頌遺家不造孀孀在疚鄭康成箋遺武王崩家道未成孀我懷慨然隨而哭之自以爲不通乎命故止也

聖善 詩國風母氏聖善我無令人

塞淵 詩國風仲氏任只其心塞淵毛詩傳塞實也淵深也孔穎達正義其心誠實而

九原 禮記檀弓子與叔譽觀乎九原據鄭康成註本是地名晉齊侯之深遠也

子 詩國風碩人其頤衣錦褰

凝脂柔荑 詩國風手如柔荑膚如凝脂

日躋 詩商頌聖教日躋毛詩傳躋升也

三纒 禮記世婦卒蠶奉廟以示于君遂獻福于夫人及貝日夫人纒三盆

五獻 左傳及享之制大國之卿五獻

中閨 陸士衡詩哀響

梧桐半死 尺而無枝中鬱結之輪菌

毒豆于幕下杜預註朝

之制大國之卿五獻

根扶疏以分離上有千仞之峯下臨百丈之豁湍流激又澹淡之其根半死半生

王右丞集卷之二十六

原
书
空
白
页

王右丞集卷之二十七

仁和趙殿成松谷箋註

哀辭祭文連珠判十五首

宋進馬哀辭

并序

宋進馬者中書舍人宋公之子也公無弟兄子一而已文則有種顧本作交德亦惟肖忽疾倏逝醫不及視宋公哀之他人悲之故爲詞曰

背春涉夏兮衆木藹以繁陰連金華與玉堂兮宮閣鬱其沉沉百官並入兮何語笑之啞啞君獨靜默以傷心草王言兮不得辭裁悲減思兮少時我裁劉本作僕夫僕夫命駕兮出閭闔歷通達陌上人兮如故識不識兮往來眼中不見兮吾兒驂紫駟兮從青驪低光垂彩兮怵不知其所之闢朱戶兮望華軒意斯子兮候門忽思瘞兮城南心瞽亂兮重昏仰訴天之不仁兮家惟一身身止一子何引嗣之不繁就單跼而又死將清白兮遺誰問詩禮兮已矣哀從中兮不可勝京舊本作豈暇料餘年兮復幾作天日黯黯兮頽暉頽一作頽鳥翩翩兮疾飛邈窮天兮不返疑有日兮來歸靜言思兮永絕復驚叫兮沾衣作號客有弔之者曰觀未始兮有物同委蛻今胡悲且延陵今未至况西河兮不知學無生兮庶可幸能聽于吾師

金華

漢書時上方學鄭寬中張禹朝夕入說尚書論語于金華殿中師古曰金華殿在未央宮

沉沉

史記陳涉世家夥陳涉之爲王

啞啞

周易笑言啞啞孔穎達正義啞啞笑語之聲也

草王言

唐六典中書舍人掌侍奉進奏參議奏章凡制勅及軍書冊命皆按典故起草

僕夫

毛萇詩傳僕夫御夫也

通達

謝靈運詩密邇麗華

迷或舊岳寡婦賦思婦以昏亂兮心摧傷以愴惻呂向註昏亂迷惑也重昏楚辭余將董道而不豫今固將窮天鮑照淒烟
窮天通原靜言思詩國風靜言思之篇辟有未始有物莊子古之人其知有所至延
物者至矣盡矣弗可以加矣其次以爲有物矣委蛻莊子孫子非汝有是天地之委蛻也
將以生爲表也以死爲反也是以分已陵禮記延陵季子適齊于其反也其長子死葬于贏博之閭孔子曰延陵季子吳之習于禮者也
其封且號者三曰魯肉歸復于土命也若魂氣則無不之也無西河史記子夏居西河教授爲
明

祭兵部房郎中文

爲人

維載月日朔某官某乙謹以酒脯之奠敬祭于故兵部郎中房公之靈嗚呼君子之才周而不器苟求行道未嘗私身沉靜好謀話言必雅往歲穀貴關輔阻饑眷命自天發廩以賑中朝之使屬之鄙夫不敢自賢請子爲介匹夫嫠婦黃口之孤鍾釜之施罔不必當舉無棄粒野有頌聲國家厭兵革苦徵戍大召浮食以靖國人召字單車諭旨萬里窮殫西度赤坂館于烏孫形勞者病神勞則天棄成功于末路未復命而言謝死不廢命忠也尸而加紳寵也我盥而撫子瞑受含求仁得仁其誰不死玉關之下素車威遲愁雲書聚白雪春下絳旄從風車徒行哭至上京而不駐將返葬于關東河活活而東注天慘慘而悲風道路猶長子實途窮人世如舊子實成空我有旨酒以散以錢想像明德獻敬出涕尙饗

關輔

純熙詩家世字關輔李益註關中

阻饑

饑書黎民阻饑孔安國傳

國人

左傳華元使向戌爲左師老佐

烏孫

漢書西域傳烏孫國大昆彌治

撫子瞑受含

左傳荀偃卒而視不可含宣子盥而撫之曰事吳敢不如事主猶視樂懷

如河乃縣 玉關 太平實字記玉門關在沙州壽 威遲 顏延年詩隨懷使御悲感遲 綵 受舍 昌縣西南一百八里 馬煩臣向註威遲馬行貌

旄 賀循雜禮江今之旄也古以縑布爲 活活 詩國風河水洋洋北流活 我有旨酒 活毛萇傳活活流也

詩小雅我有旨酒 賓式燕以敖

爲楊郎中祭李員外文

維載月日朔行尚書司勳郎中賜緋魚袋楊元璋等
謹以清酌少牢之奠敬祭于故左司員外郎李公之
靈嗚呼大朴難名大辨若訥泊今無兆汎然隨物
正 直而好學敏以從事行隱于寡言文成于沉醉
澡身浴德唯仁與義讀書甚解作賦彌工麗詞秀務
奧義元通記言西掖起草南宮第五將姪伏波事嫂
食先與甘衣必讓好口嘗其糲身席于藁結友一言
同官一日徇我朋好忘其身恤豈惟攜手亦將加膝
明明天子惟賢是思恨馮唐之已老喜相如之同時
罷刊書于虎觀將載筆于鳳池嗚呼病時七啓臥內
一訣痛乾坤而忽窮嗟古今而長絕永言北首返葬
東周何夫子之適去同衆人之若休歷千門而行哭
動九陌而增愁馬悲鳴而笳咽雲寡色而風秋元璋
等或結髮舊遊比肩同列悲離歌之首路哀柳車之
就轍嗟無見而空來痛不知而成列嗚呼哀哉尚饗
司勳郎中 唐六典吏部有司勳郎中一人從五品上 緋魚袋 禮記凡祭宗廟 此酒甚清微可斟酌也 少牢 鄭康成周禮註 左司員外郎 唐六典尚書省有左 品上 大辨若訥 老子大辨若訥河上公註大辨 泊今無兆 老子我獨泊今其未 然安靜未有所 沉醉 晉書帝讓九錫公卿將勳進使阮籍醉忘作臨時時取 飲之形兆 之見籍方據案醉眠使客以告籍籍案便驚之無所改更籍甚清壯爲 時所 澡身浴德 禮記備有澡身而浴德孔穎達正義澡身謂能澡濯 重 其身不使濁也浴德謂沐浴于德以備自清也 記言 唐六典中 書省有起

居舍人二人從六品上掌修記言之史錄天子之制誥德音如記事之制以記時政之損益年終則 授之于國史註云起居舍人因起居註而各官焉古人君言則史書之即其任也李蓋書爲中 書舍 西掖 西掖郎中書省詳見 起草 門註中 第五將姪 後漢書第五倫 人者 見十一卷建禮 傳或問倫曰公

有私乎對曰吾兄子常病一夜十往還而安寢吾子 伏波事 嫂 後漢書馬援傳事嫂不 有疾雖不省視而寢夕不眠若者豈可謂無私乎 伏波事 嫂 後漢書馬援傳事嫂不 書拜援伏 加膝 禮記檀弓人若將 七啓 說成按枝乘作七發設言楚太子有疾而吳客往問之 之作七啓然非疾病事 東周 史記索隱按高誘曰東周 適去 見三卷 若休 賈誼 啓當作七啓爲是 波將軍 加膝 禮記檀弓人若將 七啓 說成按枝乘作七發設言楚太子有疾而吳客往問之 之作七啓然非疾病事 東周 史記索隱按高誘曰東周 適去 見三卷 若休 賈誼 啓當作七啓爲是

其生今若浮其息也 九陌 三輔遺事長安 雲寡色 江淹恨賦離離 若休 賈誼 啓當作七啓爲是 波將軍 加膝 禮記檀弓人若將 七啓 說成按枝乘作七發設言楚太子有疾而吳客往問之 之作七啓然非疾病事 東周 史記索隱按高誘曰東周 適去 見三卷 若休 賈誼 啓當作七啓爲是

是比肩而 薤歌 古今註薤露蒿里並喪歌也出田橫門人橫自殺門人傷之爲之悲歌言人命 立 何易唏露唏明朝還復故人死一去何時歸其二曰蒿里誰家地聚散無常無鬼伯一何相催 促人命不得少歇至孝武時延年乃分爲二曲薤露送王公貴人蒿里送士大夫庶人使挽柩 者歌之世 首路 顏延年詩改服飭徒旅首路臨險難潘岳九錫 呼爲挽歌 首路 文王師首路威風先逝李善註廣雅首向也 柳車 韻會柳車也通作 柳服慶曰東郡謂廣輦車爲柳 李奇曰大牛車鄧展曰輿車也

爲兵部祭庫部王郎中文

惟公宏量碩德抱義戴仁早離我見常守吾真朝稱
端士世謂淳人夏官之職惟賢是寄既節五官兼選
騎士宿衛扞城必由茲地速應爲敏平分是貴決遣
先馳曹無留事嗚呼積善無慶寢疾彌留唐肆求馬
夜壑藏舟深悟幻境獨與道遊死而不忘魂兮若休
嗚呼某等何幸得備官屬泰然若春溫兮如玉去德
何永事生何促五情如喪百身不贖敬薦醴牢哀哀
慟哭尚饗
庫部郎中 唐六典兵部有庫部郎中一人從五品上掌邦國軍州之戎器儀仗及冬至元 正之陳設并祠祭之羽儀軍州之甲仗皆辨其出入之數置其繕造之功 給焉 我見 華嚴經疏我見 夏官 杜氏通典周禮夏官大司馬之職掌以糾邦國領校人牧司職方司兵之屬即今兵 部之 五官 淮南子兵略訓夫論除諸動靜時吏卒辨兵甲治正行五連什伯明數旗此尉之官 任也 五官 也前後知除見見難知難易發斥不忘遺此候之官也也路路行轉治職大均處軍 轉井寬通此司空之官也收職于後選舍不離無淫與無遺輜此典之官也凡此五官之千將也猶 身之有股肱手足也必擇其才使官勝其任人能其事告之以政申之以令使之若虎豹 之有爪牙飛鳥之有 騎士 漢書百官公卿表屯 宿衛 後漢書百官志凡郎官皆 六朝莫不爲用 騎士 騎校尉掌騎士 宿衛 主更直執戟宿衛諸殿門 彌留

周書顧命篇病日藥既彌唐肆求馬莊子汝始著乎吾所以著也彼已盡矣而汝求之以留孔安國作久留解為有是求馬于唐肆也郭象註唐肆非停馬處也言求向者之有不可復得也人之生若馬之過肆耳恆無駐須更新故之相續不啻晝夜也者見也言女始見吾所以見者耳吾所以見者日新也故已盡矣女安得有之夜壑藏舟莊子夫藏舟于壑藏山于澤謂之固矣然道遊也隨人者與俗交者也如王詩國而夜半有力者負之而走昧者不知也金君子溫其如玉孔穎達正義云我念君子之德行其心性溫然其如玉無有瑕惡之處也五情曹植上黃鸝詩表形影相得五情愧恨劉良註五情喜怒哀樂也

為人祭李舍人文

年月日某以茶藥之奠祭于故舍人李公之靈嗚呼見人多矣未有如子生于德門長于貴里名高江夏之童重顧本作貌奪河陽之美行比會顏才兼文史含恣輕肥仰偃統綺惡如涕唾棄如塵滓比布衣以同年甘蔬食而沒齒嗚呼深入度門高居道源獨一靜處寂默無言待草誠之真性歸化光之法尊曠無淨染頓離塵根豈期昨日分首別離未久萬法皆空一生何有無餘涅槃應無所受無漏智慧斯為不朽予以凡情哀哀其後世相謂然道心斯醜敢不從俗子其無咎

德門

南史謝氏自晉以降雅道相傳景恆景仁以德素傳美景景先以江夏後漢書黃江夏安陸人博學經史究精術能文章京師號曰天下無雙江夏黃童河陽按晉書潘岳美姿儀淨染遍計所執淨淨真實性無漏智慧江夏黃童河陽按晉書潘岳美姿儀淨染遍計所執淨淨真實性無漏智慧

為人祭某官文

惟公宏量碩德寡言敏行直而能婉和而不競□儒墨為鋒鏑在顏冉之季孟白雲刑官繡衣使者時無冤人路多避馬既踐文昌來司武庫冀翟車之高足為鳳池之先路豈期位薄德崇才遠途窮拜命之時初一朝于北闕移疾于外不再入于南宮嗚呼哀輓

悲笳寒天疎木宅不卜地附于故塋家無餘財斂以時服弟難會葬兒未及哭其營護而奠遣惟甥姪與姻族某嘗同官實喜良友仰德彌高立言不朽居常接膝未忍分手况永訣今無期向空筵而灑酒尚饗

白雲刑官服虔左傳註黃帝以雲名官蓋春官為青雲氏夏官為繡衣使者雲氏秋官為白雲氏冬官為黑雲氏中官為黃雲氏

武庫漢書百官志庫部郎中員外郎各一人掌戎器園簿儀仗元日漢書百官志庫部郎中員外郎各一人掌戎器園簿儀仗元日

立言不朽左傳太上有立德其次有立功其次有立言雖久不廢此之謂不朽有立言雖久不廢此之謂不朽

為羽林將軍祭武大將軍文

維年月日將軍某等謹以清酌少牢之奠祭于故大將軍武公之靈嗚呼武公命代出羣氣蓋朔方勇冠六軍生長下國聲聞上天天子壯之命居北門北門伊何國之重寄羽林孤兒旄頭突騎罔不畢勸為之元帥帝在紫微與君為衛身恆披堅手不捨銳出乘天駟入並東第同官為寮出入五世顧我軍旅凜然遺風一日之長萬夫之雄身雖有極德不可窮嗚呼門館蒼黃風景淒涼櫪馬悲鳴角弓不張弔客接武哭聲滿堂嗚呼凡人有喪匍匐斯救况我武公屢及其雷盥而撫之哈玉當受敢不嗣事如公之舊

羽林將軍

唐六典左右羽林衛大將軍各一人正三品將軍各二人從三品掌統領北衙唐六典左右羽林衛大將軍各一人正三品將軍各二人從三品掌統領北衙

羽林孤兒漢書武帝取從軍死事之子孫養羽林漢書武帝取從軍死事之子孫養羽林

羽林孤兒漢書武帝取從軍死事之子孫養羽林漢書武帝取從軍死事之子孫養羽林

突騎漢書霍去病傳車突騎古註突騎言其銳銳可用衝突敵人也後漢書上谷太守耿况

紫微章懷太子後漢書註天有紫微宮是也漢書高帝紀狀親被擊執銳自帥士

同官爲寮左傳荀林父曰同官爲寮同官爲寮同官爲寮同官爲寮同官爲寮

爲崔常侍祭牙門姜將軍文

維大唐開元二十五年歲次丁丑十一月辛未朔四

日甲戌左散騎常侍河西節度副大使攝御史中丞

崔公致祭于故姜公之靈嗚呼天子命之建旗西門

帶甲十萬鐵騎雲屯橫挑強胡飲馬河源嗟爾勇健

表爲牙門牙門伊何全齊大族四方有事誓死鳴轂

前有血刃後有飛鏃其氣益振大呼馳逐翩翩白馬

象弧雕服戈舂其喉矢集其目嗚呼天下無事今上

好文爾有餘勇莫敢邀勳腰鞬白首蹉跎塞雲死于

裨將誰統前軍家本素人靈車東驚長天積雪邊城

欲暮麾下行哭前旌抗路身有寶劍不佩而去轅有

代馬悲鳴踟躕嗚呼我誠軍吏令送爾歸旣素我服

亦朱其衣黠虜未滅壯士長辭牢醴以祭太息歔歔

尙饗

牙門按杜氏通典牙門將冠服與將軍同魏文帝黃初中置明帝以胡烈爲之又王隱晉書云

雲屯陸機詩胡馬如雲屯

橫挑強胡漢書

飲馬左傳楚子

矢集其目

全齊大族唐書宰相世系表崔氏出自姜姓齊丁公伋

左傳楚子以鄭故親

餘勇左傳齊高固入晉師榮石以投人禽之而棄其

腰鞬後漢書

前旌唐信華林國馬射賦代馬韓詩外傳詩云代馬依北風飛鳥捷故舉皆不忘本

悲鳴踟躕漢書霍去病傳車突騎古註突騎言其銳銳可用衝突敵人也後漢書上谷太守耿况

爲王常侍祭沙陁鄯國夫人文

維年月日朔河西節度使左散騎常侍王公遣總管

石抱玉以酒牢之奠致祭于故沙陁鄯國夫人之靈

嗚呼惟此淑德降于異域至性不師天姿靡飾禮容

詎假于環珮工藝非因于組織行閨訓于穹廬成母

儀于蕃國懿此清範夫人之則沙陁令門外家之力

嗚呼夫人歸命干戈遂寢子孫扞城國家高枕居之

右地革其左衽散解垂鬟解裘衣錦嗚呼降年不永

遠日方臨寂矣高堂飲珠含玉哀哉貴女刃面摧心

嗚呼聖朝命我護此諸蕃夫人所出天子加恩能守

漢制不効夷言馬無北首車必南轅教義所及忠信

彌敦寶嘉內訓用潔斯樽尙饗

沙陁唐書沙陁西突厥別部處月種也始突厥東西部分治焉孫故地與處月處蜜雜居貞觀

勒劫越之子賀魯統之西突厥歸順內相其大酋乙昆咄咄可汗建廷鐵山山之西號北廷而處

月等又隸屬之處月居金娑山之陽蒲類之東有大磧名沙陁故號沙陁突厥云咄咄寇伊州引二

部兵圍天山安西都護郭孝恪擊走之拔處月俟斤之城後乙昆可汗敗奔吐火羅賀魯降詔拜

瑤池都督徙其部廷州之莫賀城處月朱邪嗣厥斤阿厥亦請內屬永徽初賀魯反而朱邪孤注亦

殺招慰使連和引兵據牢山于是射牌俟斤沙陁那速不肯從高宗以賀魯所領授之明年弓月道

總管梁建方契苾何力引兵斬孤注俘九千人又明年處月都督府即處月地置金滿沙陁二州

皆領都督賀魯亡安撫大使阿史那彌射次伊麗水而處月來歸乃置崑崙都護府統咄咄陸諸

射爲都督龍朔初以處月爲沙陁金山從武衛將軍薛仁貴討鐵勒授處月都督使長安二年進

入朝開元二年復領金滿州都督封其母鼠尼施爲鄯國夫人人朝累封永壽郡王蕃國周禮

之外所謂之蕃國也見各

高枕漢書北狄不服中國

右地按漢書匈奴傳有死者傳屍帳中家人親

左王將居東方直上谷以東接鐵勒朝鮮右王

將居西方直上郡以西接月氏氏羌也

刃面唐書突厥列傳有死者傳屍帳中家人親

血淚交下摧心

奉和聖製聖劄賜宰臣連珠詞五首應制

庫部員外

臣聞大名馭寓天地同符間氣佐時君臣協德故千年聖主唐帝撫其寶圖七德諸侯周公爲之元老

連珠傳元敘連珠曰所謂連珠者與于漢章帝之世班固賈逵傳教三子受詔作之而蔡邕張華之徒又廣爲其文體辭靡而音約不指說事情必假喻以達其旨而覽者微悟含于古詩風興之義欲使歷歷如貫珠大明詩大雅有大明之章鄭康成箋云二聖相承其明德日以易親而可悅故謂之連珠也

元老詩小雅方叔元老其耄其傳元大也五官之長出于諸侯曰天子之老千年聖主唐信微調曲聖人千年始輪其積漸之功故云日以廣大以其益大故曰大明

臣聞有其才者效其職重其任者竭其能故樂播大風乃能調四氣身騎列宿于是運三光

樂播大風左傳吳公子札來聘請于周樂爲之歌齊曰美哉四氣禮記動四氣之氣序之和者謂感動四時之氣序之和乎使陰陽順序也

臣聞先天不違德合于上事君盡力功濟于下故君臣同體于大道庶人以康億兆宅心于至仁萬邦乃固

臣聞形之端者影必隨焉聲之善者響必應焉故偃武修文皇天降之善氣薄賦省役后土報以豐年

臣聞宣至理者文懸之于日月表聖言者字動之以烟雲故虞舜作歌徒施于典策伏羲畫卦未類于昭回

懸之日月揚雄答劉歆書是懸諸日月不干之書也虞帝作歌虞書帝庸作歌曰勳天之命惟時惟幾乃歌曰股肱喜哉元首起哉百工熙哉

宮門誤不下鍵判

安上門應閉主者誤不下鍵

對設險守國金城九重迎賓遠方朱門四闢將以晝通阡陌宵禁茲非眷彼閭人實司是職當使秦王宮

裏不失狐白之裘漢后廢中唯通赭馬之跡是乃不施金鍵空下鐵關將謂堯人可封固無狗盜之侶王者無外有輕魚鑰之心過自慢生陷茲詿誤而抱關爲事空欲望于侯嬴或犯門有人將何禦于臧紇固當無疑必實嚴科

安上門長安志皇城南面三門正南曰朱雀門東曰安上門西曰含光門設險守國見周易坎金城史記金城

四闢虞書關四閭人鄭康成周禮註閭人司昏晨以啓閉者狐白裘史記秦昭王四孟嘗君謀欲殺之孟嘗君使人抵昭王幸姬求解幸姬曰妾願得君狐白裘此時孟嘗君有一狐白裘直千金天下無雙入秦獻之昭王更無他裘孟嘗君患之徧問客莫能對最下坐有能爲狗盜者曰臣能得狐白裘乃夜爲狗以入秦宮藏中取所獻狐白裘至以獻秦王幸姬幸姬爲言昭王昭王釋孟嘗君王者無外公羊傳王無外臧紇左傳季孫臧命攻臧氏藏孫斬鹿門之關以出奔邾

王右丞集卷之二十七

王右丞集卷之二十七

原
书
空
白
页

王右丞集卷之二十八

仁和趙殿成松谷箋註

論畫三首

畫學秘訣

夫畫道之中水墨最爲上肇自然之性成造化之功或咫尺之圖寫千里之景東西南北宛爾目前春夏秋冬生于筆下初鋪水際忌爲浮泛之山次布路岐莫作連綿之道主峯最宜高聳客山須是奔趨迴抱處僧舍可安水陸邊人家可置村庄著數樹以成林枝須抱體山崖合一水而瀑瀉泉不亂流渡口只宜寂寂人行須是疎疎泛舟楫之橋梁且宜高聳著漁人之釣艇低乃無妨懸崖險峻之間好安怪木峭壁巉巖之處莫可通途遠岫與雲容相接遙天共水色交光山鈎鏤處泓流最出其中路接危時棧道可安于此平地樓臺偏宜高柳映人家名山寺觀雅稱奇杉襯樓閣遠景烟籠深巖雲鎖酒旗則當路高懸客帆宜遇水低掛遠山須宜低排近樹惟宜拔進手親筆硯之餘有時遊戲三昧歲月遙永頗探幽微妙悟者不在多言善學者還從規矩

塔頂參天不須見殿似有似無或上或下茅堆土埠半露簷廡草舍廬亭略呈檣構○山分八面石有三方閒雲切忌芝草樣○人物不過一寸許松柏上現二尺長

凡畫山水意在筆先丈山尺樹寸馬分人遠人無目

遠樹無枝遠山無石隱隱如眉遠水無波高與雲齊此是訣也山腰雲塞石壁泉塞樓臺樹塞道路人塞石看三面路看兩頭樹看頂顚水看風腳此是法也凡畫山水平夷頂尖者巖峭峻相連者嶺有穴者岫峭壁者崖懸石者巖形圓者巒路通者川兩山夾道名爲壑也兩山夾水名爲澗也似嶺而高者名爲陵也極目而平者名爲坂也依此者粗知山水之髣髴也觀者先看氣象後辯清濁定賓主之朝揖列羣峯之威儀多則亂少則慢不多不少要分遠近遠山不得連近山遠水不得連近水山腰掩抱寺舍可安斷岸坂堤小橋可置布路處則林木岸絕處則古渡水斷處則烟樹水闊處則征帆林密處則居舍臨巖古木根斷而纏藤臨流石岸欹奇而水痕凡畫林木遠者疎平近者高密有葉者枝嫩柔無葉者枝硬勁松皮如鱗柏皮纏身生土上者根長而莖直生石上者拳曲而伶仃古木節多而半死寒林扶疎而蕭森有雨不分天地不辯東西有風無雨只看樹枝有雨無風樹頭低壓行人傘笠漁父蓑衣雨霽則雲收天碧薄霧霏微山添翠潤日近斜暉早景則千山欲曉霧靄微微朦朧殘月氣色昏迷晚景則山銜紅日帆捲江渚路行人急半掩柴扉春景則霧鎖烟籠長烟引素水如藍染山色漸青夏景則古木蔽天綠水無波穿雲瀑布近水幽亭秋景則天如水色簇簇幽林雁鴻秋水蘆花沙汀冬景則借地爲雪樵者負薪漁舟

倚岸水淺沙平凡畫山水須按四時或曰烟籠霧鎖或曰楚岫雲歸或曰秋天曉霽或曰古塚斷碑或曰洞庭春色或曰路荒人迷如此之類謂之畫題山頭不得一樣樹頭不得一般山藉樹而爲衣樹藉山而爲骨樹不可繁要見山之秀麗山不可亂須顯樹之精神能如此者可謂名手之畫山水也

石刻二則

夫畫道之中水墨最爲上肇自然之性成造化之功展或大或小之圖寫百里千里之景東西南北宛爾目前春夏秋冬生于筆下初鋪水際忌爲浮泛之山已有路岐莫作連綿之道主位唯宜高聳客山須是奔趨迴抱處僧舍可安水陸邊人村好着數株樹以成林枝須抱體一水通而瀑瀉泉可亂流渡口只宜寂寂人行須是疏疏唯舟楫之橋梁且宜高聳通漁人之釣艇低乃無妨懸崖險峻之間好安怪木峭拔千尋之處莫可通途遠岫與雲容相接遙天共水色交光山鉤鑲處汭流最出其中路接危時棧道可安茲地樓閣偏宜柳映人村但把烟暝酒旗則當途高掛客帆宜雲水低張遠山須要低排近樹唯宜拔進手親筆硯之外未嘗虛度光陰有時餘暇除此縈絆歲月遙承頗探幽微先生鬢苑之間意同斯矣無隱友人求予畫遂書之也太原王摩詰集古堂記

吾友薛無隱長安人少有志操既冠不復應舉學行聲名西北士人甚高之以飲酒吟詩爲樂日道千首

而不勞酒飲一石而不醉自稱逍遙子累求予戲墨十三年許之長沙一見告行掃之小軸四時之景以償前願長安有好事者無隱也此畫能飽人矣能醉人矣但饑渴時聊展而有驗矣太原王維

石刻在關中前後有薛氏家藏并太原王維之記二印後有唐寶曆名云洛州刺史徐嶠之節度使孫志真杭州刺史杜濟書州刺史張鑑書監鹽鐵使齊魯太守韋斌朝議大夫徐浩節度使李元諒節度使李昌言節度使李祐節度使李聽節度使何進滔吏部尚書高元裕御史中丞裴贍節度使韋正寶節度使樊澤秘書丞王守真汀州刺史沈珍少府監胡況有唐十九名寶前後皆關摩詰使章正寶節度使樊澤秘書丞王守真汀州刺史沈珍少府監胡況有唐十九名寶前後皆關摩詰

○題又有高陽沈光度跋曰得此圖并書迹及唐寶曆

成按燕絃經籍志有王維山水論一卷集中無之後閱說郭至九十一卷有王維所著畫學秘訣一篇知焦氏所稱即此是矣焦氏蓋本之王世貞畫苑卮言景鳳著畫苑補益採錄後一則作荆浩畫山水賦後之評題繪事者援引摘句多稱王維不稱荆浩然考其辭語殊不類唐人況維文章筆墨冠天下宜有絕妙好辭以爲其胸中所得之秘傳爲後人以爲後人乃卑卑無甚倚其爲後人所託又何疑焉石刻二則其前一則與秘訣中首則微有異同後一則語亦凡近不能佳殆非維真筆也東觀餘論云俗傳石本王摩詰所畫四時山水上有摩詰薛魯等印蓋今淺俗所爲見之令人鄙吝生而士大夫或收藏者張子屋壁是可嘆也嗟夫畫既僞矣其題記又安見爲真哉顧其傳世已久姑且存之別爲一卷以殿于詩文之後俾愛奇之士無嘆其闕略焉耳至宋韓拙山水純全論中引右丞之言有路欲斷而不流水欲流而不流之句又有松不離于弟兄謂高低相亞亦有子孫讀新枝相續數語若無全文可稽并附識于此以爲談繪事者之考則焉

王右丞集卷之二十八

王右丞集卷之末

仁和趙殿成松谷輯錄

附錄三條

詩評 計五十二則

王右丞集十卷晁氏曰唐王維摩詰也太原人開元九年進士終尚書右丞維幼能屬文工草隸善畫各盛安祿山反陷賊中賊大宴凝碧池賦詩痛悼詩聞行在後得免死代宗訪維文章于弟縉縉集十卷上之李肇記維漠漠水田飛白鷺陰陰夏木嘯黃鸝以爲竊李嘉祐者今嘉祐集無之豈肇厚誣乎陳氏曰建昌本與蜀本次序皆不同大抵蜀刻唐六十家集多異于它處本而此集編次尤無倫維詩清逸追逼陶謝輞川別墅圖畫摹傳至今嘗與裴迪同賦各二十絕句集中又有與迪書略曰夜登華子岡輞水淪漣與月上下塞山遠火明滅林外深巷寒犬吠聲如豹村墟夜春復與疎鐘相聞此時獨坐僮僕靜默每思曩昔攜手賦詩當時春中卉木蔓發輕儻出水白鷗矯翼露溼青皋麥雉朝雊倘能從我遊乎余每讀之使人有飄然獨往之興迪詩亦佳然它無聞于世蓋亦高人也輞川在藍田縣西南二十里本宋之問別圃維後表爲清源寺終墓其西

文獻通考

粵若王維王昌齡儲光義等三十五人皆河嶽英靈也

殷璠河嶽英靈集序

沈宋既歿而崔司勳顥王右丞維復崛起于開元天

寶之間

獨孤及左補闕安定

王右丞韋蘇州澄澹精綴格在其中豈妨于道舉哉

司空圖與李生論詩書

右丞蘇州趣味澄澹若清流之貫達

司空圖與王駕評詩書

爲詩欲清深閑淡當看韋蘇州柳子厚孟浩然王摩

詰賈長江

詩人玉屑

耀翁詩評王右丞如秋水芙蓉倚風自笑

詩人玉屑

王摩詰詩渾厚閑雅履蓋古今但如久隱山林之人

徒成曠淡也

西清詩話

顧長康善畫而不能詩杜子美善作詩而不能畫從

容二子之間者王右丞也

詩話總龜

蓋詩者樂之苗裔與漢之蘇李魏之曹劉得其正始

宋齊而下得其浮淫流佚唐之時子昂李杜沈宋王

維之徒或得其淳古淡泊之聲或得其舒和高暢之

歐陽修書梅聖俞集後

節而孟郊賈島之徒又得其悲愁鬱堙之氣

後山詩話

右丞蘇州皆學于陶王得其自在

孟浩然王摩詰詩自李杜而下當爲第一老杜詩云

許彥周詩話

不見高人王右丞又云吾憐孟浩然皆公論也

詩非苦吟不工信乎古人如孟浩然眉毛盡落裴祐

雲仙雜錄

袖手衣袖至穿王維走入醋甕皆苦吟者也

韋蘇州詩韻高而氣清王右丞詩格老而味長皆五

言之宗匠然互有得失不無優劣以標韻觀之右丞

詩格老而味遠不逮蘇州至其詞不迫而味甚長雖

歲時廣事詩話

王維詩典重靚深學者不察失于容冶禁韻

王維之作如上林春曉芳樹微烘百嘖流鶯宮商迭

奏黃山紫塞漢館秦宮芊綿偉麗于氤氲杳渺之間

真所謂有聲畫也非妙于丹青者其孰能之矧迺辭

情閒暢音調雅馴至今人師之誦之爲楷式焉史鑑類編

詩總不離乎才也有天才有地才有人才吾于天才

得李太白于地才得杜子美于人才得王摩詰太白

以氣韻勝子美以格律勝摩詰以理趣勝太白千秋

逸調子美一代規模摩詰精大雄氏之學句句皆合

聖教而審覽唐詩

王維詩高者似禪卑者似僧奉佛之應哉人心係則

難脫空同子

唐詩李杜之外孟浩然王摩詰足稱大家王詩豐縟

而不華靡孟詩却專心古澹而悠遠深厚自無寒儉

枯瘠之病儲光羲有孟之古而深遠不及岑參有王

之縟而又以華靡掩之故子美稱吾憐孟浩然稱高

人王右丞而不及儲岑有以也夫詩話

王摩詰孟浩然韋蘇州片言隻字皆不入俗西麓周氏

晁補之云右丞妙于詩故畫意有餘余謂右丞精于

畫故詩態轉工鍾伯敬有云畫者有烟雲養其胸中

此是性情文章之助劉士鑄文致

王維因鼓鬱輪袍登第而集中無琵琶詩畫思入神

山水平遠雲勢石色繪者以爲天機所到而集中無

畫詩豈非藝成而下不欲言耶抑以樂而娛貴主以

畫而奉崔圓而不欲言耶韻語陽秋

成按右丞詩文因天寶之亂十不存一安知其生

平無琵琶詩耶此與杜子美集中無海棠詩遂謂

子美母名海棠者其妄誕無異真足令人一噤至

于崔興宗寫真之詩前身應畫師之句現存集中

而謂其無畫詩殆所謂不知子都之姣者歟

右丞遠樹帶行客孤城當落暉帶字當字極佳非得

畫中三昧者不能下此二字青軒詩話

王右丞五言有絕佳者如瓜園贈裴十一迪納涼濟

上四賢詠諸篇格調既高而寄興復遠即古人詩中

亦不能多見者今選詩者俱不之取獨以西施詠之

類入選此不知何謂四友齋叢說

山谷老人曰余頃年登山臨水未嘗不讀王摩詰詩

行到水窮處云云顧知此老胸次定有泉石膏肓之

疾蒼溪漁隱叢話

右丞終南別業詩有一唱三嘆不可窮之妙如輞川

孟城坳華子岡茱萸泚辛夷塢等詩右丞唱裴迪和

雖各不過五言四句窮幽入元學者當自細參則得

之潘奎

讀王摩詰詩愛其散髮晚未簪道書行尙把之句因

用爲韻賦古風十首陸放翁劍南詩稿

崔塗旅中詩漸與骨肉遠轉于僮僕親詩話亟稱之

然王維鄭州詩他鄉絕儔侶孤客親僮僕已先道之

矣且王語渾含勝崔楊東萊詩品

王摩詰燕子龕詩雄奇蒼鬱非以李咸熙之筆寫之不可傳芥子園畫

韋給事山居詩善用韻會登二韻險而無蹟羣山入戶登一句尤奇比之王介甫兩山排闥送青來尤簡而有味律鑑

右丞詩長于山林河明閭井間一聯詩人所未有也牧童田犬句尤雅淨律鑑

右丞漢江臨汎詩中兩聯皆言景而前聯尤壯足敵孟杜岳陽之作律鑑

王右丞詩云江流天地外山色有無中是詩家極俊語却入畫三昧舟山人

朱叔重嘗曰王右丞水田白鷺夏木黃鸝之詩即畫也李思訓數年吳道元一日其工夫學力所到者畫即詩也錄網

五言絕句當以王右丞爲絕唱四友齋叢說

摩詰輞川詩余深愛之每以語人輒無解余意者朱子語類

朱文公曰律詩如王維韋應物輩自有蕭散之趣未至如今日之細碎卑冗無餘味也公又言余平生愛王摩詰詩云漆園非傲吏自缺經世具偶寄一微官

婆娑數株樹以爲不可及而舉以語人領解者少玉麟

山下孤烟遠村天邊獨樹高原非右丞工于畫道不能得此語米元暉猶謂右丞畫如刻畫故余以米家山寫其詩畫譜

六言絕句如王摩詰桃紅復含宿雨及王荊公楊柳

鳴蜩綠暗二詩最爲警絕後難繼者玉林詩話

桃紅復含宿雨柳綠更帶春烟花落家僮未掃鶯啼山客猶眠每哦此句令人坐想輞川春日之勝此老傲睨閒適于其間也詩人

曾子固謂蘇明允之文豐而不餘一言約而不失一辭雖春秋立言亦不過如是概而論之惟明允可以當此非子固亦不能形容至此也魯直以摩詰六言詩方得其法乃真知摩詰者惟其能知之然後能發明其祕要須咀嚙久始信其難然則何獨詩邪凡落筆皆能如明允斯可與論文矣姑溪集

王維云古之高者曰許由挂瓢巢父洗耳耳非駐聲之地聲非染耳之跡惡外者垢內病物者自戕此尙不能至于曠士豈入道之門也維之談名理如此豈減晉人邪楊升華文集

余年十七八時讀摩詰詩最熟後遂置之者幾六十年今年七十七永晝無事再取讀之如見舊師友恨間闕之久也嘉泰辛酉五月六日龜堂南廬書陸游集

論近體者必稱盛唐若藍田王右丞維亦其一也其爲律絕句無問五七言皆莊重閒雅渾然天成至于古詩句本冲澹而興則悠長諸詞清婉流麗殆未可多訾楊伯謙選唐詩論次其尤載在正音而晦翁先生考定楚辭後語亦存其山中人等作良有以邪詩凡六卷并附裴迪諸人詩共若干卷劉須溪蓋嘗校之宋元舊刻歲遠不存近刻于蜀字畫頗舛謬脫落

夔以督贊分司迎鑾公暇特加披閱粗爲辯正遂出俸資之餘令善小楷者書之鏤人翻刻如本用裨詩壇採覽之便

廣信呂鑾王右丞集序

高標選唐詩品彙五古七古以王維爲名家五律七律五排五絕以王維爲正宗七絕以王維爲羽翼其五古敘云詩莫盛于唐莫備于盛唐論者推李杜二家爲尤其間又可名家者十數公至如子美所贊詠者王維孟浩然所友善者高適岑參乾元以後劉錢接躋韋柳光前人各鳴其所長今觀襄陽之清雅右丞之精緻儲光羲之真率王江寧之聲俊高達夫之氣骨岑嘉州之奇逸李頎之冲秀常建之超凡劉隨州之閒曠錢考功之清贍韋之靜而深柳之溫而密此皆宇宙山川英靈間氣萃於時以鍾於人者也七古敘云盛唐工七言古調者多李杜而下論者推高岑王李崔顥數家爲勝竊嘗評之若夫張皇氣勢陟頓始終綜覈乎古今博大其文辭則李杜尙矣至於沉鬱頓挫抑揚悲壯法度森嚴神情俱詣一味妙悟而佳句輒來遠出常情之外之數子者與李杜並驅而爭先矣五律敘云盛唐律句之妙者李翰林氣象雄逸孟襄陽興致清遠王右丞詞意雅秀岑嘉州造語奇峻高常侍骨格渾厚七律敘云盛唐作者雖不多而聲調最遠品格最高賈至王維岑參早朝倡和之作當時各極其妙王之衆作尤勝諸人五言排律敘云開元後作者之盛聲律之備獨王右丞李翰林

爲多而孟襄陽高渤海實相與並鳴五言絕句敘云開元後獨李白王維尤勝諸人云云

唐人倡和之詩多是感激各臻其妙如早朝大明宮杜甫云旌旗日暖龍蛇動宮殿風微燕雀高王維云九天閭闔開宮殿萬國衣冠拜冕旒岑參云花迎劍佩星初落柳拂旌旗露未乾登慈恩寺塔詩杜甫云高標跨蒼穹烈風無時休俯視同一氣焉能辨皇州高適云秋風昨夜至秦塞多清曠千里何茫茫五陵鬱相望岑參云秋色從西來蒼然滿關中五陵北原上萬古青濛濛此類甚多是皆雄渾悲壯足以凌跨百代

唐詩品彙

李林甫璠歡應制曰雲收二華出天轉五星來十月農初罷三驅禮後開兩聯皆用數目字不可爲法王摩詰送邱爲曰五湖三畝宅萬里一歸人此聯疊用數目字不爲病也

詩家真貌

絕句如摩王詰廣武城邊逢暮春汶陽歸客淚沾巾落花寂寂啼山鳥楊柳青青渡水人與渭城朝雨一篇韋應物雨中禁火空齋冷江上流鶯獨坐聽把酒看花想諸弟杜陵寒食草青青皆風人之絕響也

詩家真貌

詩人之詩字句不苟王維諸人是也才子之詩句字章法若罔聞知李白諸人是也困學之詩格調詞意匠心措置杜甫諸人是也閒適之詩并詩俱忘陶潛諸人是也

彈雅

詩貴意意貴遠不貴近貴淡不貴濃如杜詩鉤簾宿

驚起九藥流鶯轉李詩桃花流水窅然去別有天地
非人間摩詰反景入深林復照青苔上皆淡而濃近
而遠可爲知者道也

李杜詩

律詩貴工於發端承接二句尤貴得勢如懶殘履衡
岳之石旋轉而下此非有伯昏無人之氣者不能也
如萬壑樹參天千山響杜鵑下卽云山中一夜雨樹
杪百重泉昔聞洞庭水今上岳陽樓下卽云吳楚東
南坼乾坤日夜浮古戍落黃葉浩然離故關下卽云
高風漢陽渡初日郢山門錦瑟怨遙夜繞絃風雨哀
下卽云孤燈聞楚角殘月下章臺此皆轉石萬仞手
也

分甘餘話

王右丞文集十卷寶應二年正月七日王縉搜求其
兄詩筆十卷隨表奉進此刻是麻沙宋板集中送梓
州李使君詩亦如牧翁所跋作山中一半雨樹杪百
重泉知此本之佳也

讀書繫求

元肅以下詩人其數什百語盛唐者唯高王岑孟四
家爲最語四家者唯右丞爲最其爲詩也上薄騷雅
下括漢魏博綜羣籍漁獵百氏于史子蒼雅緯候鈴
決內學外家之說苞并總統無所不闢郵長于佛理
故其摛藻奇逸措思冲曠馳邁前渠雄視名儒凡今
長老薦紳之屬工爲詩者恆嗟賞而雅崇之殆與耳
食無異

顧起經題王右丞詩集小引

畫錄計一百十九則

王維字摩詰開元初擢進士官至尚書右丞唐史自

有傳其出處之詳此得以略也維善畫尤精山水當
時之畫家者流以謂天機所到而所學者皆不及後
世稱重亦云維所畫不下吳道元也觀其思致高遠
初未見于丹青時時詩篇中已有畫意由是知維
之畫出于天性不必以畫拘蓋生而知之者故落花
寂寂啼山鳥楊柳青青渡水人又與行到水窮處坐
看雲起時及白雲迴望合青靄入看無之類以其句
法皆所畫也而送元二使安西詩者後人以至鋪張
爲陽關曲圖且往時士人或有一藝者無不以
藝掩其德若閻立本是也至人以畫師名之立本深
以爲恥若維則不然矣迺自爲詩云夙世謬詞客前
身應畫師人卒不以畫師歸之也如杜子美作詩品
量人物必有攸當時猶稱維爲高人王右丞也則其
他可知何則諸人之以畫名于世者止長于畫也若
維者妙齡屬詞長而擢第名盛于開元天寶間豪英
貴人虛左以迎寧薛諸王待之若師友兄弟迺以科
名文學冠絕當代故時稱朝廷左相筆天下右丞詩
之句皆以官稱而不名也至其卜築輞川亦在圖畫
中是其曾次所存無適而不瀟灑移志之于畫過人
宜矣重可惜者兵火之餘數百年間而流落無幾後
來得其髣髴者猶可以絕俗也正如唐史論杜子美
謂殘膏賸馥露巧後人之意况迺真得維之用心處
耶今御府所藏一百二十有六太上像二山莊圖一
山居圖一棧閣圖七劍閣圖三雪山圖一喚渡圖一

運糧圖一雪岡圖四捕魚圖二雪渡圖三漁市圖一
驛綱圖一異域圖一早行圖二村墟圖二度關圖一
蜀道圖四四皓圖一維摩詰圖二高僧圖九渡水僧
圖三山谷行旅圖一山居農作圖二雪江勝賞圖二
雪江詩意圖一雪岡渡關圖一雪川羈旅圖一雪景
錢別圖一雪景山居圖二雪景待渡圖三羣峯雪霽
圖一江皋會遇圖二黃梅出山圖一淨名居士像三
渡水羅漢圖一寫須菩提像一寫孟浩然真一寫濟
南伏生像一十六羅漢圖四十八

宣和畫譜

元宗時王維特妙山水幽深之致近古未有

封氏聞見記

唐右丞王維文章冠世畫絕古今

純全集

古人欲以一藝名世者必精思入神極古今之變而後已故能洞達天機氣隨物在至觀之者亦有感格相應之理如摩詰苔磯靜釣水閣閒基令人不覺身在其閒

王堂嘉話

世言摩詰筆蹤措思參于造化而初意經圖即有所缺如山水平遠雲峯石色絕迹天機非繪者所及觀此圖便知古人之論爲得正使後之評者不得加此余見或以畫名者無復生動氣象不過聚石爲山分畫寫水又豈可與論人家在仙掌雲氣欲生衣者耶

董道書王摩詰山水後

右丞詩云宿世謬詞客前身應畫師余謂右丞雲峯石迹迴出天機筆思縱橫參乎造化唐以前安得有此畫師也

董其昌畫評

右丞以前作者無所不工獨山水神情傳寫猶隔一塵自右丞始用皴法用渲運法若王右軍一變鍾體鳳翥鸞翔似奇反正右丞以後作者各出意造如王洽李思訓輩或潑墨瀾翻或設色媚麗顧蹊徑已具模擬不難比于書家歐虞褚薛各得右軍之一體耳

董其昌畫旨

文人之畫自王右丞始其後董源巨然李成范寬爲嫡子李龍眠王晉卿米南宮及虎兒皆從董巨得來至元四大家黃子久王叔明倪元鎮吳仲圭皆其正傳吾朝文沈則又遠接衣鉢若馬夏及李唐劉松年又是大李將軍派非吾曹當學也

密雲集

禪家有南北二宗唐時始分畫之南北二宗亦唐時分也但其人非南北耳北宗則李思訓父子著色山水流傳而爲宋之趙幹趙伯駒伯驢以至馬夏輩南宗則王摩詰始用渲淡一變拗研之法其傳爲張璪荆關董巨郭忠恕米氏父子以至元之四大家要之摩詰所謂雲峯石迹迴出天機筆意縱橫參乎造化者東坡贊吳道子王維畫壁亦云吾于維也無間言知言哉

密雲集

唐人王摩詰李思訓之流畫山川峯麓自成變態雖蕭然有出塵之姿然頗以雲物間之作浮雲香藹與孤鴻落照滅沒于江天之外舉世宗之而唐人之典刑盡矣

東坡集

王右丞筆墨宛麗氣韻高精巧寫象成亦動真思

荆浩畫山

僕爲夏縣令寄居司馬文季朴家出藏先聖畫像示僕傳云王摩詰筆也僕因令善工摹之眼中神采殊不相類使人意不滿畫像上長下短其背微偻以傳考之想當然爾莊子載老萊弟子出薪遇仲尼反以告曰有人于此修上而超下末偻而後耳視若營四海注云長上而促下耳却近後而上偻末偻謂背微曲也然此皆可畫若夫視若營四海乃聖人憂天下之容非摩詰不能作子賴真

宋中興館閣儲藏王維菩薩一普賢一須菩提一孔雀明王一濟南伏生圖一捕魚圖四盤車圖一朱陳嫁娶圖一拂林人物一雪霽曉行圖一山水二宋中興館閣錄

王輞川以凝碧詩見知當世餘事丹青亦造神品晚年長齋刻意空門學室中唯繩牀經案退朝之後焚香獨坐大有所契證三復斯畫知其不苟毘邪一會

儼然目中觀者要當于默然處驚海濤春雷之作始不負渠李嗣源題唐王維畫維摩文殊不二圖

乙丑六月念一日同伯幾訪喬仲山運判觀畫王維維摩像其像如生志雅堂錄

喬達之贊成號仲山所藏王維畫維摩像如生雲烟過眼錄

喬仲山家王維維摩視疾圖宣和明昌睿思東閣王

維秋山蕭寺因學齋雜錄

張修字誠之少卿家有辟支佛下畫王維仙桃巾黃服合掌頂禮乃是自寫真與世所傳關中十大弟子

真法相似是真筆世俗以蜀中畫驛綱圖劍門關圖爲王維甚衆又多以江南人所畫雪圖命爲王維但見筆清秀者卽命之如蘇之純家所收魏武讀碑圖亦命之維李冠卿家小卷亦命之維與讀碑圖一全今在余家長安李氏雪圖與孫載道字積中家雪圖一同命之爲王維也其他貴族家不可勝數諒非如是之衆也米芾畫史

摩詰演教羅漢圖一軸上有徽宗御題押案宣和畫譜摩詰羅漢凡四十六軸此其一也公繪事既妙絕而奉佛尤篤所畫羅漢于端嚴靜雅外別具一種慈悲袈裟文織組秀麗千載奕奕有生色此君嘗云夙世自禪伯前身應畫師乃稱耳龔州山人集

余嘗見梁思伯篋中有王摩詰演教圖此是王府中物托其裝潢故攜以自隨是設色者人物山水無不臻妙四友齋叢說

此軸必有十六僧所存者卷末三僧爾王摩詰三字恨無摩詰他字可參校上用圓角印其文爲堊釋豈摩詰別號邪世畫渡水僧或乘龍或履龜鼈類多詭怪恍忽不近人情今最後一僧先登于岸雖目視雲際孤鶴然脫衣在磐石上欠伸垂足若休其勞苦者前一僧未渡纔數寸淺水而中一僧乃倒錫杖以援之三僧者皆至人大士而涉川之際謹重如彭祖之觀井曷嘗以蘆渡杯渡爲神哉嗚呼此固非摩詰不能作歟三僧者抑禪家所謂老古錮云劉克莊題王摩詰渡水羅漢圖

前松江鎮守張萬戶出五手卷王維渡水僧高宗御

題絕妙

志雅堂藏鈔

王仲至閱吾家畫最愛王維畫黃梅出山圖蓋其所圖黃梅曹溪二人氣運神檢皆如其爲人讀二人事蹟還觀所畫可以想見其人

夢溪筆談

右唐王維畫濟南伏生像宋祕府物今藏金陵王休伯家余官金陵聞休伯所藏書畫甚富一日與顧吏部華玉過之休伯張燕余戲謂之曰必出書畫乃飲始出宋元者亦有唐人筆余與休伯笑而不答遂出此及維著色山水一卷余不覺驚伏以爲平生之未見也但古人之坐以兩膝著地未嘗箕股而秦漢之書當用竹簡今像乃箕股而坐馮几伸卷此則余所未曉抑余聞維嘗畫雪中之蕉毋乃類是而不必拘拘于形似者邪

寓意編

王摩詰自謂宿世緣詞客前身真畫師故寶蒙所著畫拾遺稱之云詩合國風公幹之能畫關山水子華之聖加以心融物外道契元微則其用筆清潤秀整豈他人之可並哉余在毘陵見孫潤夫家有王維畫孟浩然像絹素敗爛丹青已渝維題其上云維常見孟公吟曰日暮馬行疾城荒人住稀又吟曰挂席數千里名山都未逢泊舟潯陽郭始見香爐峯余因美其風調至所舍圖于素軸又有太子文學陸羽鴻漸序云昔周王得駿馬山谷之人獻神馬八匹葉公好假龍庭下見真龍一頭顏太師好異典郭山人閱贈

金匱文李法曹好古篆莫居士贈玉筍字此四者得非氣合不召而至焉中園生舊任杞王府戶曹任廣州司馬金陵崔中字子向家有古今圖畫一百餘軸其石上蕃僧巖中二隱西方無量壽佛天下第一余有王右丞畫襄陽孟公馬上吟詩圖并其記此亦謂之一絕故贈焉以裨中園生畫府之闕唐貞元元年正月二十有一日誌之後有本朝張洎題識云癸未歲余爲尚書郎在京師客有好事者浚儀橋逆旅見王右丞襄陽圖尋訪之已爲人取去他日有吳僧楚南挈圖而至問其所來卽浚儀橋之本也雖縑軸塵古尙可窺覽觀右丞筆迹窮極神妙襄陽之狀頎而長峭而瘦衣白袍靴帽重戴乘款段馬一童總角提書笈負琴而從風儀落落凜然如生復觀陸文學題記辭翰奇絕金匱文前史遺事中園生彼何人斯按孟君當開元天寶之際詩名籍甚一遊長安右丞傾蓋延譽或云右丞見其勝己不能薦于天子因坎軻而終故襄陽別右丞詩云當路寧相假知音世所希乃其事也予頃在金城亦曾見一圖蓋傳寫之本所題詩後有水落魚梁淺天寒夢澤深之句今真本卽無故事存焉以遺來者孟冬十有一日南樵張洎題潤夫謂此畫是維親筆無疑余謂曰此俗工躡本也張洎謂襄陽之狀頎而長峭而瘦今所繪乃一矮肥俗子爾徐觀其題識三篇字皆一體魯魚之誤尤多信非維筆潤夫然之因以題識書于此

韻語陽秋

王介石虎臣所藏王維畫孟浩然像昔爲趙碧澗由祚後歸趙信之又歸喬仲山仲山又歸之郭北山畫烟過眼

錄

王琪字君玉收王維畫堯民鼓腹圖米芾畫史

王右丞工人物山水筆意清潤畫羅漢佛像至佳平生喜作雪景劍閣棧道驛網曉行捕魚雪渡村墟等圖其畫輞川圖世之最著者蓋其曾次瀟灑意之所至落筆便與庸史不同畫鑒

王摩詰作輞川圖長二三丈起自蜀川江鄉風物靡不畢備精妙罕見名畫記

王摩詰開元中擢進士第官尚書右丞以曾中所蘊發于毫端詩似淵明而聲律整齊山水法道元而風致特出世稱爲詩中有畫畫中有詩意到處不拘小節如雪中芭蕉脫去凡近非具眼不能識也家居藍田輞川常自作輞川圖山峯盤迴竹木瀟灑其石小劈斧皴梢多雀爪葉多夾筆描畫人物眉目分明衣摺丁頭鼠尾樓閣用筆界畫筆力清勁曲盡精微真如臺閣文章鏘金戛玉故當在第一名也山水家法真蹟

王摩詰自作輞川圖筆墨可謂造微入妙然世有兩本一本用矮紙一本用高紙意皆出摩詰不疑臨摹得人猶可見其得意林泉之髣髴黃山徐集

元祐丁卯余爲汝南郡學官夏得腸癖之疾臥直舍中所善高符仲攜摩詰輞川圖示余曰閱此可以愈疾余本江海人得圖喜甚即使二兒從旁引之閱于

枕上恍然若與摩詰入輞川度華子岡經孟城坳憩輞口莊泊文杏館上斤竹嶺並木蘭柴絕茱萸泝躡槐陌窺鹿柴返于南北坨航欹湖戲柳浪濯藥家瀨酌金屑泉過白石灘停竹里館轉辛夷塢抵漆園幅巾杖履棋弈茗飲或賦詩自娛忘其身之匏繫于汝南也數日疾良愈而符仲亦爲夏侯太冲來取圖遂題其末而歸諸高氏秦少游書輞川圖後

輞川圖一軸李趙公題其末云藍田縣鹿苑寺主僧子良贊于余且曰鹿苑卽王右丞輞川之第也右丞篤志奉佛妻死不再娶潔居逾三十載母夫人卒表宅爲寺今冢墓在寺之西南隅其圖實右丞之親筆余閱玩珍重永爲家藏宏憲題其前一行云元和四年八月十三日宏憲題宏憲者吉甫字也其後衛公又跋云乘閒閱篋書中得先公相國所收王右丞畫輞川圖實家世之寶也先公凡更三十六鎮故所藏書畫多用方鎮印記白樂天詩所說清涼寺卽輞川云洪慶善作丹陽洪氏家譜序云丹陽之洪本姓宏避唐諱改有宏憲者元和四年跋輞川圖亦大錯也

容齋隨筆

輞川二十境勝概冠秦雍摩詰既居之畫之又與裴生詩之其畫與詩後得贊皇父子書之善并美具無以復加宜爲後人寶玩摹傳永垂不刊然此地今遺趾僅存園湖坨泝率爲疇畝未有高士踵茲逸懷使人慨想深政和二年六月五日常山宋烜武陽黃某

于河南官舍同觀黃伯思跋
輞川圖後

世傳此圖本多物象靡密而筆勢鈍弱今所傳則賦象簡遠而運筆勁峻蓋摩詰遺蹟之不失其真者當自李衛公家定本所出云大觀四年三月初吉會稽黃某書黃伯思又跋輞川圖後

輞川集總田園所爲詩分序先後可以意得其處古傳輞水如車縛頭因以得名維自罷官居輞口者十年日與裴迪浮舟往來彈琴賦詩此圖于像見之然詩有南垞北垞華子岡欽湖竹里館茱萸泚辛夷塢此畫頗失其舊當依其說改定其後維舍此地爲浮圖居今清源寺是也廣川畫跋

王維畫小輞川摹本筆細在長安李氏人物好此定是真若比世俗所謂王維全不類或傳宜興楊氏本上摹得米芾畫史

文彥博太師小輞川拆下唐跋自連真還李氏一日同出坐客皆言太師者真唐張彥遠名畫記云類道子又云雲峯石色絕迹天機筆思縱橫參于造化孫氏圖僅有之餘未見此趣米芾畫史

宋景文公著唐書列傳文法嚴簡其勢無由汎及散漫而于摩詰備載華子岡欽湖竹里館柳浪茱萸泚辛夷塢之目何所不憚煩耶君子隱居以求其志行義以達其道隨所寓而自得焉必欲山水花木之勝則其志荒矣是故文藝絕人高韻天放而無卓然節操者志荒之罪也宋公之意其殆有微于玩物者乎

善觀是圖者併以是求之虞集跋王維輞川圖後

往年備官京都從吳興公入道山延閣書題裝潢畫卷見王摩詰輞川莊圖草後又見圖本郝參知家有四川宣撫司都大茶馬司官印位置纖悉俱備公首玩賞顧余言曰蘭亭敘草爲古今法書所宗正若此耳此龍眠山莊圖草全用其法而行筆細潤迺有超越之意古人翻案法正當于此求之柳待制集

王右丞輞川圖與余昔在杭茗故家見者一樣前有集賢院御書印內合同印題摩詰本後書河北郭忠恕奉命復本則知爲江南李後主時臨本也虎賁中郎更無辨處郭亦妙筆矣右丞唐開元天寶朝士名維字摩詰工詩畫輞川其所居自寫爲圖精密細潤在小李將軍著色山水上今如魯寶玉大弓絕無僅有吾昂霄珍之重之攜上天京名公相一見賞識鑒定價增十倍大德戊戌冬至廬陵民八十叟李珣元暉敬跋書畫題跋

右王摩詰輞川圖臨之者郭忠恕再臨者仇英實父也其二十絕句書者文待詔徵仲也余嘗謂讀摩詰絕句更一覽輞川圖便覺如上下華子岡竹嶺騁宮槐陌汎南北垞欽湖柳浪徙倚木蘭柴茱萸泚卽文杏館而休焉酌金屑之泉與裴迪秀才對話不知我之爲摩詰摩詰之爲我也然則摹本何必實父而書亦何必徵仲哉王弇州稿

予家自高祖南山翁以來好蓄名畫聞之家君云妙

品有王摩詰輞川圖萬意編

王右丞輞川圖曾入祕府宏治間黃休伯叔賜剝古

漆墩得之韓道生華氏真賞齋賦註

傳聞嚴氏藏王維輞川圖真蹟妙絕清河書畫

嚴氏書畫記掛軸有王維輞川雪溪圖三軸圓光小

景二軸手卷有王維輞川圖三卷三峽圖雪溪圖女

史圖濟南伏生像珊瑚網

摩詰畫有極簡古粗辣者作樹頭如撮米樹本如丁

檤山如浪起沙如錐畫千重百重又于梢末露之余

于熒澤公館中見一屏就視乃陟刻摩詰藍田莊圖

石本雖石頑工拙未盡本妙然其用意未嘗不可追

而思也古巖先生囑寫并識程遠題畫

鈎勒梧桐見王維輞川圖亦子圖畫

吾家伊上塢亦自有椒園漠漠清香遠離離丹實繁

盈襜常要采折柳不須落每看輞川畫起予商可言

文彥博題輞川圖詩

輞川誠自好人各愛吾園欲縱家山樂終縻吏事繁

鴻飛思避弋羝觸困羸藩幾日歸陶徑方知踐此言

韓琦和文潞公題右丞輞川圖詩

丹青王右轄詩句妙九州物外嘗獨往人間無所求

袖手南山兩輞川桑柘秋胸中有佳處涇渭看同流

黃山谷題摩詰畫詩

騷韻禪談意未央歛湖烟月墮微茫園林鐘鼓清時

樂好箇裴公綠野堂○狀物何如及物功開元真宰

說姚崇未妨僦屋招提裏斗米三錢四海同○凝碧

池邊野鹿過空垂雙泣賦悲歌論忠不到平原列馳

譽丹青未足多○文彩風流映一時丹青三昧有餘

師戲將萬斛歛湖水寫盡南山五字詩王秋闢題王右丞輞川圖詩

開圖縱奇觀江山鬱相繆兩坨轟岩岩重湖渺漭漭

邃宇抗疏嶺危亭俯圓流春塢辛夷發夏陌高槐稠

竹館翠陰晚黃泚紅實秋遠墅漆未割近園椒欲收

驚鳥避溪泉野鹿逐巖幽日暮川上歸涼颺蕩孤舟

靄靄雲氣合漠漠烟光浮顧思天寶初綱紀壞不修

霓裳按妖拍擊鼓起奸謀豈無匡濟術迺爲閒曠留

菱歌自來往葩辭更倡酬遂令摸寫間意度猶可求

乾坤多變態江海生暮愁白鷗飛不去千載空悠悠

黃師泰題王維輞川圖詩

輞口風烟春日遲淺沙深渚帶東菑紅杏花開翔白

鶴綠楊絲裏逗黃鸝山雲寂寂入寒竹野露瀼瀼裊

嫩葵誰似右丞清絕處千秋一士更何疑鄧文原王維高本輞川圖詩

瀟灑開元士神圖繪輞川樹深疑坨小溪靜見沙圓

徑竹分青靄庭槐斂暮烟此中有高臥敲枕聽飛泉

○畫裏詩仍好縈迴自一川湖晴嵐氣爽浪靜柳陰

圓賦詠成珠玉經營起霧烟當年滿朝士若个在林

吳仲圭右丞輞川圖詩

王維山水圖輞川圖驪山圖神品上上玉堂嘉話

安遠門西萬里餘耕桑烟火總民居只應勤政樓中

夢百倍華清樂不如○憶昔風流王右丞開元親侍

玉堂廬細吟凝碧池頭句政恐丹青是諫書

王惲題摩詰驪山宮圖詩

王維輞川雪景細絹寫小橫幅精極古松上用粉作

積雪有款在臨溪吳氏

東圖元覽

金陵胡編修藏王摩詰輞川雪景絹畫沈宜謙云是

宋人臨本之絕佳者其雪用銀泥打底上更用粉細

細點雪

東圖元覽

徐太常輞川圖一卷多名跋吳匏菴題其後云此卷

宋人藏漆竹筒中以之柱門後啓視乃輞川圖也余

觀之卽未必果出右丞然絹素極細却是雪景以浮

粉著樹上瀟灑清韻應是宋人臨本非後人可到也

太平清話

禾興馮開之家藏唐宋名蹟頗多王維江山雪霽圖

尤爲冠絕諸本原係大元內府故物曾經趙子昂鑒

定傳聞右丞花遠重重樹雲深處處山小幀在文徵

仲太史家紙本淺絳色布景極異落筆精微以較馮

氏所藏江山雪霽圖可方駕也此畫原係矮直幅太

史恐其日久愈壞命工補綴爲短卷近人題跋復得

啓南翁筆海內稱爲墨皇不妄也

清河書畫

吳崑麓夫人與余外族有葭莩之親偶攜此卷見示

述其先得之管後宰門小火者火者家有一鐵櫃門

闕或云漆布竹筒搖之似有聲一日爲物所觸遂破

墮三卷此其一也余初未深信翻閱再三不覺神王

因閉戶焚香屏絕他事便覺神峯吐溜春浦生烟真

若蠶之吐絲蟲之蝕木至如粉縷曲折毫膩淺深皆

有意致信摩詰精神與水墨相和蒸成至寶得此數

月以來每一念及輒狂走入丈室飽閱無聲出戶見

俗中紛紜殊令人捉鼻也真實居士記于南翰林院

之寄樂亭

馮夢禎題王右丞江山雪霽卷

畫家右丞如書家右軍世不多見余昔年于嘉興項

太學元汴所見雪江圖都不皴擦但有輪廓耳及世

所傳摹本若王叔明劍閣圖筆法類李中舍疑非右

丞畫格又余至長安得趙大年臨右丞湖莊清夏圖

亦不細皴稍似項氏所藏雪江卷而竊意其未盡右

丞之致蓋大家神品必于皴法有奇大年雖俊爽不

耐多皴遂爲無筆此得右丞一體者也最後復得郭

忠恕輞川粉本乃極細皴相傳真本在武林旣稱摹

寫當不甚遠然余所見者庸史本故不足以定其畫

法矣惟京師楊高郵州將處有趙吳興雪圖小幅頗

用金粉閒遠清潤迥異常作余一見定爲學王維或

曰何以知是學維余應之曰凡諸皴法自唐及宋皆

有門庭如禪燈五家宗派使人聞片語單詞可定其

爲何派兒孫今文敏此圖行筆非僧繇非思訓非洪

谷非關仝乃知董巨李范皆所不攝非學維而何今

年秋聞廣陵有王維江山雪霽一卷爲馮宮庶所收

亟令友人走武林索觀宮庶珍之自謂如頭目腦髓

以余有右丞畫癖勉應余請清齋三日始展閱一過

宛然吳興小幅筆意也余用是自喜且右丞自云宿

世謬詞客前身應畫師余未嘗得覩其跡但以想心

取之果得與真肖合豈前身曾入右丞之室而親覽其盤礴之致故結習不昧乃爾邪庶子書云此卷是京師後宰門拆古屋于折竿中得之凡有三卷皆唐宋書畫也余又妄想彼二卷者安知非右軍蹟或虞褚諸名公臨晉帖邪儻得合劍還珠足辦吾兩事豈造物妒完聊畀余于此卷中消受清福邪老子云同于道者道亦樂得之余且珍之以俟

空臺集

昔人評王右丞畫以爲雲峯石色迥出天機筆思縱橫參乎造化余未之見也往在京華聞馮開之得一圖于金陵走使緘書借觀既至凡三薰三沐乃長跼開卷經歲開之復索還一似漁郎出桃花源再往迷誤悵惘久之不知何時重得路也因想像爲寒林遠岫圖世有見右丞畫者或不至河漢

書禪室隨筆

王右丞畫予從樵李項氏見鈞雪圖盈尺而已絕無皴法最後得小幅乃趙吳興所藏頗類營邱而高簡過之又于長安楊高郵所得山居圖則筆法類大年有宣和題然不如馮祭酒江山雪霽圖具有右丞妙趣

書禪室隨筆

購得王摩詰江山雪霽圖裝潢就因懷書畫友王越石在金陵時自九月至長至不雨溪流皆涸爲之悵然君舟何處貫虹月吾室悄然凝席塵買得輞川千嶺雪未經君眼照嶙峋呼鷗遠隔蒼茫外控鯉難逢汗漫人一髮枯流頻悵望五湖春浪幾時新

李日華詩

王維雪溪圖李成寒林平野圖徐熙柳穿魚圖皆宋

府祕物爲吳中王氏藏本並神品也

清河書畫

摩詰奕棋圖在絹素上卷首五大字爲李西涯公篆書鈐縫有政和宣和二方印雪溪圖宋徽廟宸翰題簽此卷歸程季白入唐宋元寶繪冊江山雪霽卷馮開之快雪日記云吳崑麓得之管後宰門小火者家有一鐵櫃門閃搖之有聲一日破墮三卷此其一也

雙槐歲抄作南京西華門守備小內史張本得以獻太監安寧

珂玉先得臨本復見真本小簇山水輞川圖

瑞珣

蓬萊道人間風日不到玉篴金鑰典祕甚嚴有平生畜眼未嘗見者天旋地轉散落委棄故人李君祥得之出以示余其犀玉已被剔取所幸畫無恙耳展玩之餘不覺涕淚闌干蓋數是圖之不遭也請靳固之以待異日萬金之購云蓬山道人劉詡題

題王維雪

吳仲圭王右丞雪溪圖詩

中原王冠朝元台制幹家王摩詰橫披山水圖廣都宇文時中季蒙龍圖家王維雪山圖范榮公孫淑忠甫家王維雪竹圖
范大珪字君錫富鄭公壻同行相國寺以七百金常賣處買得雪圖破碎甚古如世所謂王維者劉伯玉相值笑問買何物因衆中展示伯玉曰此誰筆余曰

王維伯玉曰然適行一遭不見豈有所歸乎余假范人持之良久并范不見翌日去取云已送西京背同行梅子平大怒曰吾證也可理于官豈有此理余笑曰吾故人也因以贈之今二十年矣范卒已十年不知所在米帝畫史

高公繪有唐蜀中畫雪山世以爲王維也米帝畫史

林虞家有王維雪圖六幅米帝畫史

江干初雪圖真蹟藏李邦直家唐蠟紙本世傳爲王摩詰所作末有元豐間王禹玉蔡持正韓玉汝章子

厚王和甫張邃明安厚卿七人題詩石林詩話

王維江干雪意圖卷藏王敬美家又見梁伯龍示余

大青綠獅子羅漢一軸亦云右丞筆也眉公秘笈

唐王右丞萬峯積雪圖卷絹本高九寸長七尺上有

御前之印內合同印文淵閣印奉華堂印揭傒斯印

項子京天籟閣中物也藏印俱備○城中十日暑如

炙頭目眩花塵土塞僧樓今日見此卷雪意茫茫寒

欲逼古耕修柳枝裊矯下有幽篁厠叢碧隔溪膠艇

不受呼平地貫渚無人跡西風翻鴉忽零亂遠雁迷

雲猶壓壓筆疎墨淡精神在收閱千年若完璧宛然

一段小江南三遠備全能事畢維名依稀半未漣老

眼再摩初認得所存只是天假借名手當時重唐室

吳中人家寶古跡自宋及元高爾直若教見此風斯

下倒臺定應無吝寄錦標內帑固自有人間間出鳳

五色老余尺素見雪渡草樹凌競人跼蹐僅有盈尺

不盡意何如此圖長數尺太邱孫子具法眼鑒壁收藏皆襲百我將拙語敢印證聊寫心知并目識右丞之筆神妙非常時代久遠見亦罕矣余少于沙溪陳氏獲觀雪渡圖盈尺而已今又于嚴氏閱此修卷深幸老年擊此于目又題宏治壬戌中秋日沈周○古之高入逸士往往喜弄筆作山水以自娛然多寫雪景者蓋欲假此以寄其孤高絕俗之意耳若李成之萬山飛雪李唐之雪山樓閣郭忠恕之九峯雪霽王叔明之劍閣沈石田之關山積雪圖皆種種臻妙而予皆及見之但恨未覩王維雪景何如耳宏治乙卯春偶于都下錢太常處閱此萬峯積雪卷賞鑒竟日覺寒氣逼人真摩詰平生得意筆也始知李成輩皆宗摩詰傳爲世寶此卷不啻今之鳳毛麟角矣枝山道人祝允明跋○詩中有畫畫有詩摩詰落筆秀且奇閭相吳生那足道象外能將造化師藍田輞川僅臨本開元東塔跡已隳山居圖識宣和字今藏御府人難窺我居京師頗留意日尋斷幘收殘碑琉璃廠西得茲卷敗篋零亂紫絲長江峻嶺互合沓叢竹古樹蔽嶮巖山腰巍巍置層閣橋根蹴蹴流冰澌西風凝寒雪意勁一天黯淡彤雲垂斜行飛鴻失沙渚犯冷孤客望酒旗或棹扁舟或輕策神理曲盡毫無遺晴牕細觀拭病目小字漣漫書王維石田沈翁跋長句謂如彩鳳輝朝曦重裝錦標紫鸞草堂珍秘怡老資炎天往往布几案滿簾飛霰吹涼颼右丞曾

中自瀟灑汪汪如有千頃坡松針石脈蘊靈異雨晴
寒暑隨形施東坡生平頗崛強亦于維也無間辭江
邨高士奇題江邨銷夏錄

摩詰仙遊五百年畫稱雪渡未能傳只因曾入宣和

府珍重令人綴短篇黃子久王維雪渡圖詩

榮咨道字詢之收雪獵圖命爲王維不類張氏辟支

佛所畫合掌像林木類蜀人筆雪山精好是唐物維

則未也米芾畫史

是卷雪景山頭皆襯金著色法度森整而筆墨清潤

極爲精工心知爲唐人之作而卒未能定其名氏舊

有籤題小李將軍紙最古而字畫草率因未之信予

購得之京師間示知畫者以爲當出王摩詰予家所

有王維雪溪圖并小幅鳳舟圖與此皆不類又曾見

輞川圖與高士奕棋小幅惟奕圖用筆與此同因題

爲王摩詰而褫去舊籤見者同聲以爲摩詰無疑閒

居以來校勘頗勤遂定爲李昇出峽圖云陸康山集

書畫之妙當以神會難以形求也世觀畫者多能

指摘其間形象位置彩色瑕疵而已至于奧理冥造

者罕見其人如彥遠畫評言王維畫物多不問四時

如畫花往往以桃杏芙蓉蓮花同畫一景余家所藏

摩詰畫袁安臥雪圖有雪中芭蕉此乃得心應手意

到便成故造理入神迴得天意此難可與俗人論也

夢溪筆談

王維作畫雪中芭蕉法眼觀之知其神情寄寓于物

俗論則譏以爲不知寒暑夜話

筆談云王維畫入神不拘四時如雪中芭蕉故惠洪

云雪裏芭蕉失寒暑題王維雪中芭蕉圖皆以芭蕉

非雪中物嶺外如曲江冬大雪芭蕉自若紅蕉方開

花知前輩雖畫史亦不苟洪作詩時未到嶺外存中

亦未知也猗覺寮雜記

王維雪蕉曾在清閨閣楊廉夫題以短歌眉公秘笈

京師楊太和家所藏唐晉以來名蹟甚佳有右丞畫

一幀宋徽廟御題左方筆勢飄舉撿宣和畫譜此爲

山居圖察其圖中松鍼石脈無宋以後人法定爲摩

詰無疑向相傳爲大李將軍而拈出爲輞川者自余

始畫種室隨筆

余見王右丞山莊圖又雪霽捕漁圖山莊樹葉皆如

个字其雪齋枯樹圖似郭熙二卷皆無款疑宋人臨

稿也眉公秘笈

內府藏右丞山居圖筆法類大李宋徽宗題曰危樓

日暮人千里敲枕秋風雁一聲高江邨苑西集

古畫捕魚一卷或曰王右丞草也紙廣不充幅長丈

許水波渺瀰洲渚隱隱見其背岸木葭莢向搖落草

萋然始黃天慘慘雲而風人物衣裘有寒意蓋畫江

南初冬欲雪時也兩人挽舟循厓一人篙而下之三

人中帽袍帶而騎或馬或驢寒峙肩擁袖者前揚鞭

顧後攬轡語袂翩然者僅負囊尾馬背而荷若擁鼻

者三人屈竹爲屋三童子踞而起大網一童從旁出

者縛竹跨水上一人立旁維舟其下有笥者方舟而下四人篙而前其舟坐若立者兩童子曳方罟行水間者縛竹跨水上一人巾而依蘧蔭坐沉大網旁笥屈竹爲屋縛竹跨水上童子跪而起大網者一人屈竹爲屋前有瓶盃可見者篙者棹者俛下罟者三人皆笠方舟載大網行且漁兩兒兩蓋依蘧蔭坐有巾而顛出網中得者旋操楫一人縛竹跨水上顧而語前有盃盃者方舟載大網出網中得者縛竹跨水上兩兒沉大網旁維艤者兩人篙其舟甚力有帷幙坐而濟若婦人可見者方舟依渚一人篙一人小而顛三童子若飲食若寐前有盃盃者一人推輦間童子俛而曳循厓者人物數十許目相望不過五六里若百里千里右丞妙于詩故畫意有餘世人欲以語言粉墨追之不似也常憶楚辭云帝子降兮北渚目渺渺兮愁予嫋嫋兮秋風洞庭波兮木葉下引物連類謂便若湖湘在目前思頃時歲晚道吳江如此漁者男子婦女童稚舟楫梁笥網罟罾單紛然在江然其業廉而事佚故無市廛爭利意此與畫二大夫去國其色無別恨奚以異元祐元年四月二十日李希孝出之欲模寫無善工乃借韓退之序畫人物意識之類川晁補之序

晁補之補魚圖序

朱景元畫斷曰王維畫山水松石似吳生而風標特出京師西塔院有輞川圖山谷鬱盤雲水飛動山谷詩丹青出右轄詩句妙九州物外常獨往人間無所

求袖手南山雨輞川桑柘秋胸中有佳處涇渭看同流此詩足以氣吞右轄筆墨今所見者摹本不足道也余與徐淵子同點檢南宮出右丞捕魚圖一卷如無咎公所題者余曰此善摹者爲之徐不以爲然一日得一卷僅存三分之一徐圖葭葦之外意其爲水耳此特波濤浩瀾水痕浪迹一一畢具人物尤精絕淵子必欲易之余有難色已而又有一卷題曰摩詰寒江釣雪上施秘閣之印此迺淳化以前未更祕書省印篆也畫筆奇古全不類世間所見山水圖也

韓略

司德用進所藏王維捕魚圖單幅小直軸徽宗題前有雙團龍印後有大觀政和二璽明昌七印上作岡阜古木數株全如李成所作下作數舟攔溪取魚甚佳

雲烟過眼錄

錫山華氏藏唐人捕魚圖一卷運筆古雅無名人畫甚佳好事者謂爲王維極謬維畫原係單行小直幅元時在司進家見雲烟過眼錄有宣和明昌御題璽記也

清河書畫舫

周敏仲新裝王維雪霽捕魚圖一絹本淺絳色後有班惟志仇遠白珉張雨等七跋雖未敢定爲真右丞決非宋元畫史可及

清河書畫舫

江雲滉滉陰晴半沙雪離離點江岸畫中不信有天機細向樹林枯處看漁浦移家媿未能扁舟蕭散亦何曾白頭歲月黃塵底笑殺高人王右丞

元好問王右丞雪霽捕魚圖詩

春江水綠春雨初好山對面青芙蓉漁舟兩兩渡江

去白頭老漁爭捕魚操篙提網相兩兩慎勿江心輕
舉網風雷昨夜過禹門桃花浪暖魚龍長我識扁舟
垂釣人舊家江南紅葉村賣魚買酒醉明月貪夫狗
利徒紛紜世上閒愁生不識江草江花俱有適歸來
一笛杏花風亂雲飛散長天碧

黃子久王摩詰
春溪捕魚圖詩

輞川之景天下奇我惜曾聞不曾識若人筆端幹元
氣萬頃烟濤歸咫尺漁翁生事浩無窮醉挹青藍洗
胸臆或披蓑笠臥寒蟾或倚孤篷蘸空碧靜觀此理
良可娛應須仰慕王摩詰

鄧文原王摩詰
春溪捕魚圖詩

前灘晉今後灘網魚今魚今何所往桃花錦浪綠楊
邨浦澈忽聞漁笛響我行笠澤熟此圖頓起桃源雞

犬想不如歸向茅屋底老瓦盆中醉春釀

吳仲圭王右丞
春溪捕魚圖詩

徐容齋子方所藏王維驪網圖

雲烟過眼
錄

王摩詰精能圖一卷長五丈餘一墨運不著色

東圖
元覽

王維精能圖宋高宗璽並題

南陽名畫
表

許公子伯尚王摩詰候潮圖一卷細絹畫後有宋元

人跋細閱皆雙鈎廓填

東圖
元覽

王右丞松江圖項氏藏

扇公
秘笈

王摩詰山陰圖一卷後有米元章與宋元諸賢題跋

舊在吾歛臨河程氏今聞鬻于河南吾郡汪司馬伯

玉曾見語予今聞此卷歸雲間董翰林思白

東圖
元覽

渭城朝雨裊輕塵客舍青青柳色新勸君更盡一杯

酒西出陽關無故人此摩詰送元二使安西詩也世

傳陽關圖亦出摩詰之手遂成二妙

深雪
偶談

王履道同先子避地嶺外甚熟因見有顏約持王維
畫嘉陵江山圖蓋明皇幸蜀過嘉陵愛其江山命吳
道子圖于大同殿壁王維復畫小簇云江山已暗大
同殿絃管猶喧凝碧池別寫嘉陵三百里右丞心事
有誰知蓋謂此也

過庭
錄

嗟乎魏晉六朝之蹟余不得而見之矣入唐固當以
輞川爲宗祖山西有摩詰四景山水石本四方方尺
有只薛尚功輩題識徧其上繪事豈金石所能辦亦
存其骨肉大都耳可見在當時已稀闊珍貴之至故
謀及琢磨而況于今乎儻能見之非人生大慶快邪
邇來聞有一軸在親軍黃君所昨者乃得捧閱大內
後宰門有丹漆巨挺一以支北扉不知幾何年矣成
化間挺偶墮地破乃髹竹也中藏卷三其一卽此事
聞進御重瞳一閱明日左右請所歸掌時親軍伯父
司禮侍側上遂以賜之親軍云爾圖用細練高尺二
寸長四尺奇前後周完末下正書三言曰王維製

王維真蹟
跋

生烟漠漠中有樹樹外田家幾家住重巒複塢隨不
斷茅舍時時若菌附兩人並向魚梁涉一鳥遙從翠
微度行雲澹映荒水陂似有斜陽帶微煦傍篠白沙
明青林淪沉霧乍明乍晦景萬變想當夏盡秋初處
石牆短綠隈隈水淺縈迴寬平一畝敞層屋板扉大
臥無人開書堂樹深晝寂寂主人應是王摩詰清晨
騎鹿看田出行過柴泝日向夕會招高適與裴迪共

賦輞川佳事畢圖成興盡詩未筆祝授山王右丞山水真蹟歌

劉宮保子大家王摩詰山水一絹軸闊六七寸長幾四尺絹粗而密作重山疊巘茂木叢林帶以清溪野渚重樓曲榭幾盈一幅無款亦無題字原出朱筆蒼筆蒼于卷外手題爲王維東圖元覽

王維皆青綠山水李公麟盡白描人物芥子園畫傳

王右丞生平畫卷所稱最者唯輞川雪谿捕魚等圖耳吾意以爲絕響不謂太樸于中州友人家又得此卷而用筆之妙布置之神殆尤過焉固知右丞胸中伎倆未易測識而千奇萬變時露于指腕間無窮播弄豈非千載一人哉置之案頭臨摹數過終未能得其彷彿漫書短句并識而歸之○羣山矗矗凝烟紫萬木蕭蕭向夕黃豈是邨翁戀秋色故將輕舸下橫塘○秋風荏苒汎晴光處處邨邨帶夕陽一段深情誰得似故知輞口味應長黃子久題王維秋林晚岫詩

右丞已往六百載翰藻神工若个同千嶂遠橫秋色裏山家遙帶暮烟中吳仲圭題王維秋林晚岫詩

千峯凝翠宛神州中有仙翁寤寐遊林麓漸看紅葉暮風烟俄入野塘秋搖搖小艇尋谿轉寂寂雙扉向晚投我欲探幽未能去畫中真境許誰傳鄧文原題王維秋林晚岫圖詩
精華在筆端咫尺匠心難日月中堂見江湖滿座看夜凝嵐氣溼秋浸碧光寒料得昔人意平生詩思殘○右丞今已歿遺畫世間稀咫尺江湖盡尋常鷗鳥飛山光全在掌雲氣欲生衣以此常爲玩平生滄海

機張祜題王右丞山水陳子詩二首

滄洲誤是真萋萋忽盈視便有春渚情寒裳撥芳芷颯然風至草不動始悟丹青得如此丹青變化不可尋翻空作有移人心猶疑雨色斜拂座乍似水涼來入襟滄洲說近三湘口誰知卷得在君手披圖擁褐臨水時脩然不異滄浪叟僧皎然觀王右丞維滄洲圖歌

摩詰傳遺蹟家藏久自奇高人不復見絕藝更誰師水石生寒早烟雲結雨遲筆端窮造化聊可敵君詩范忠宣題王維畫寒林詩

野景荒寒霜意邊疎林僵立勢參天定應畫妙王摩詰故著詩清孟浩然驢怯小橋鞭不動風掀危帽整還偏官閑老我叨君賜紅日三竿尙晝眠潘道源題王維畫寒林詩

圖詩

平田渺成湖仲夏月多雨汀鷺溼不飛林鶯澁還語村烟多乞鄰鮓餉常及午柴門無鎖鑰出入隨杖履白鷗似相識亦足忘爾汝右丞詩家流畫格亦天與君看百代遺摹搨尙如許吾生慕邱壑偶此繫冠組試問松下翁幾人同出處李西涯題王維詩意圖

王右丞之石如飛白郭河陽之石似雲頭○披麻間斧劈法王維每用之○荷葉皴法王右丞變體全以骨法爲主色以青綠芥子園畫傳

王維樹法多用雙勾卽藤梢樹杪亦絲毫不苟○鈎葉柳王維諸唐人及陳居中多畫之芥子園畫傳
何處訪吳畫普門與開元開元有東塔摩詰留手痕

吾觀畫品中莫如二子尊道子實雄放浩如海波翻
當其下手風雨快筆所未到氣已吞亭亭雙林間彩
暈扶桑瞰中有至人談寂滅悟者悲涕迷者手自捫
蠻君鬼伯千萬萬相排競進頭如鼉摩詰本詩老佩
芷襲芳蓀今觀此壁畫亦若其詩清且敦祇園弟子
盡鶴骨心如死灰不復溫門前兩叢竹雪節貫霜根
交柯亂葉動無數一一皆可尋其源王氏詩註摩詰畫兩叢竹于開元寺吳生
雖妙絕猶以畫工論摩詰得之于象外有如仙翻謝
籠樊吾觀二子皆神俊又于維也斂衽無間言蘇東坡王維吳道子畫詩

成按續書畫題跋云昔人畫竹咸用鈎勒若王輞
川黃筌父子輩尤臻其妙元邵衷楊竹西畫卷歌
唐人愛竹誰第一精妙獨數王摩詰作亭在東
竹法却對簷簷咏蕭瑟王汝玉題高房山墨竹詩
輞川昔畫鐵鈎鎖滿幅縱橫鳳毛墮固知稱詡者
不獨東坡一詩矣乃李衍竹譜謂右丞妙蹟世罕
其傳又謂右丞開元石刻屢經樵斲失真江村銷
夏錄所載舊人題蘇文忠公簷簷圖卷亦謂右丞
皋平石本既經重刻甚不足觀何若于雪節霜根
交柯亂葉句中一想像之宛然如見真蹟乎

右丞年譜

爲詩人作年譜者蓋以次第其出處之歲月略見其
爲文之時得以考其辭力少壯老之不同有如此耳
然參伍考訂以驗其說往往先後牴牾時月踳駁多

不能盡善又其甚者年經月緯拾取其一字一句之
間而支離其說以強麗爲某年所作尤不可解唯錢
牧齋草堂詩箋後所附少陵年譜獨無此弊茲作右
丞年譜一篇全倣其體格惟時事有關于詩筆考證
者雖小必書其無關於考證者雖鉅勿錄略爲小異
耳須溪校本于詩題下時有細字云年若干時作又
云時爲某官又云在某處作若此者或係夏卿進本
原文或係後人附註歲遠年久無善本可參校然要
必有所據非憑臆率書信以傳信疑以傳疑輒從其
說採列于下至舊史稱右丞全歸之日在乾元二年
七月新史則云上元初卒年六十一集中有謝弟縉
新授左散騎常侍狀其繫尾年月乃上元二年五月
四日又集中有送邢桂州詩而邢濟爲桂州都督亦
上元二年中事則新史之說爲優也自上元二年起
逆數而前至中宗長安元年得六十一歲故斷自是
年始

紀年	時事	出處	詩文
中大足元年 辛丑冬十月改元長安			
中宗長安二年 壬寅			
長安二年 癸卯			
長安四年 甲辰			
神龍元年 乙巳			
神龍二年 丙午			

[illegible]

開元二十 四年丙子		正月以道士 尹大椿為議 事兼知史館 史館長九 林南晉國 公南晉國	為監察御史 在河西節度 幕中	同盧拾遺章 給事東山別 業二十韻詩 詩云侍郎詩 文事東官給 故知此詩後 乃章此詩後 所侍郎以濟
開元二十 五年丁丑		正月以道士 尹大椿為議 事兼知史館 史館長九 林南晉國 公南晉國	為監察御史 在河西節度 幕中	同盧拾遺章 給事東山別 業二十韻詩 詩云侍郎詩 文事東官給 故知此詩後 乃章此詩後 所侍郎以濟
開元二十 六年戊寅		正月以道士 尹大椿為議 事兼知史館 史館長九 林南晉國 公南晉國	為監察御史 在河西節度 幕中	同盧拾遺章 給事東山別 業二十韻詩 詩云侍郎詩 文事東官給 故知此詩後 乃章此詩後 所侍郎以濟
開元二十 七年己卯		正月以道士 尹大椿為議 事兼知史館 史館長九 林南晉國 公南晉國	為監察御史 在河西節度 幕中	同盧拾遺章 給事東山別 業二十韻詩 詩云侍郎詩 文事東官給 故知此詩後 乃章此詩後 所侍郎以濟
開元二十 八年庚辰		正月以道士 尹大椿為議 事兼知史館 史館長九 林南晉國 公南晉國	為監察御史 在河西節度 幕中	同盧拾遺章 給事東山別 業二十韻詩 詩云侍郎詩 文事東官給 故知此詩後 乃章此詩後 所侍郎以濟
開元二十 九年辛巳		正月以道士 尹大椿為議 事兼知史館 史館長九 林南晉國 公南晉國	為監察御史 在河西節度 幕中	同盧拾遺章 給事東山別 業二十韻詩 詩云侍郎詩 文事東官給 故知此詩後 乃章此詩後 所侍郎以濟
天寶元年 壬午正月 改元		正月以道士 尹大椿為議 事兼知史館 史館長九 林南晉國 公南晉國	為監察御史 在河西節度 幕中	同盧拾遺章 給事東山別 業二十韻詩 詩云侍郎詩 文事東官給 故知此詩後 乃章此詩後 所侍郎以濟
天寶二年 癸未		正月以道士 尹大椿為議 事兼知史館 史館長九 林南晉國 公南晉國	為監察御史 在河西節度 幕中	同盧拾遺章 給事東山別 業二十韻詩 詩云侍郎詩 文事東官給 故知此詩後 乃章此詩後 所侍郎以濟
天寶三年 甲申正月 改元為載		正月以道士 尹大椿為議 事兼知史館 史館長九 林南晉國 公南晉國	為監察御史 在河西節度 幕中	同盧拾遺章 給事東山別 業二十韻詩 詩云侍郎詩 文事東官給 故知此詩後 乃章此詩後 所侍郎以濟
天寶四年 乙酉		正月以道士 尹大椿為議 事兼知史館 史館長九 林南晉國 公南晉國	為監察御史 在河西節度 幕中	同盧拾遺章 給事東山別 業二十韻詩 詩云侍郎詩 文事東官給 故知此詩後 乃章此詩後 所侍郎以濟
天寶五年 丙戌		正月以道士 尹大椿為議 事兼知史館 史館長九 林南晉國 公南晉國	為監察御史 在河西節度 幕中	同盧拾遺章 給事東山別 業二十韻詩 詩云侍郎詩 文事東官給 故知此詩後 乃章此詩後 所侍郎以濟
天寶六年 丁亥		正月以道士 尹大椿為議 事兼知史館 史館長九 林南晉國 公南晉國	為監察御史 在河西節度 幕中	同盧拾遺章 給事東山別 業二十韻詩 詩云侍郎詩 文事東官給 故知此詩後 乃章此詩後 所侍郎以濟
天寶七年 戊子		正月以道士 尹大椿為議 事兼知史館 史館長九 林南晉國 公南晉國	為監察御史 在河西節度 幕中	同盧拾遺章 給事東山別 業二十韻詩 詩云侍郎詩 文事東官給 故知此詩後 乃章此詩後 所侍郎以濟
天寶八年 己丑		正月以道士 尹大椿為議 事兼知史館 史館長九 林南晉國 公南晉國	為監察御史 在河西節度 幕中	同盧拾遺章 給事東山別 業二十韻詩 詩云侍郎詩 文事東官給 故知此詩後 乃章此詩後 所侍郎以濟

至德三載 戊戌二月 改元乾元 復以載爲 年	乾元二年 己亥	乾元三年 庚子閏四 月改元上	上元二年 辛丑	王右丞集卷之末
李邕加特進 鄭國公封二 百陷賊官 以六等定罪	三月王琬罷 爲刑部尚書 七月以禮部 尚書章陟充 東京留守	三月降死罪 流以下原之 六月與王昭 薨贈諡恭懿 太子十一月 葬于高陽原	流以下原之 邢州刺史 都督兼御史 充桂管防禦 都使授常侍 左散騎常侍	
實授太子中 庶子中書金 人復拜給事 中人	轉尚書右丞 據送章大丞 守詩云給	事黃門省 沉秋光正沉 猶爲給事中 右丞是七 月以是事	七月卒年六 十一	
既蒙宥罪旋 復拜官伏感 聖恩竊書郵 意奉簡新 除使君等諸 公和賈舍人 朝大明宮之 作除太子中 允表賢學士 謝集賢學士 爲雍閣黎謝 御題大通大 表和尚塔額 與工部李侍 郎書	相國王公紫 芝木瓜讚 送章大夫東 京留守詩	請迴前任司 職田粟施貧 人粥狀 爲仁和尚進 註仁王經表 據中所有 稱尊號元知 是乾元 尊號以後 所作	門下起赦書 表恭懿太子 歌	送邢州詩 謝第新授 左散騎常侍

孟浩然集

《四部備要》

集部

上海中華書局據明刻本校刊

桐鄉 陸費逵 總勘

杭縣 高時顯 輯校

杭縣 吳汝霖 校

杭縣 丁輔之 監造

版權所有不許翻印

孟浩然集序

宣城王 士源 撰

孟浩然字浩然襄陽人也骨貌淑清風神散朗救患釋紛以立義表灌蔬藝竹以全高尚交游之中通脫傾蓋機警無匿學不爲儒務掇菁藻文不按古匠心獨妙五言詩天下稱其盡美矣間遊祕省秋月新霽諸英華賦詩作會浩然句曰微雲淡河漢疎雨滴梧桐舉坐嗟其清絕咸閣筆不復爲繼丞相范陽張九齡侍御史京兆王維尙書侍郎河東裴朏范陽盧僊大理評事河東裴摠華陰太守鄭倩之守河南獨孤策率與浩然爲忘形之交山南採訪使本郡守昌黎韓朝宗謂浩然間代清律實諸周行必詠穆如之頌因入秦與偕行先楊于朝與期約日引謁及期浩然會寮友文酒講好甚適或曰子與韓公預諾而怠之無乃不可乎浩然叱曰僕已飲矣身行樂耳遑恤其佗遂畢席不赴由是間罷旣而浩然亦不之悔也其好樂忘名如此士源佗時嘗筆讚之曰導漾挺靈寔生楚英浩然清發亦其自名開元二十八年王昌齡遊襄陽時浩然疾疔發背且愈相得歡甚浪情宴謔食鮮疾動終於冶城南園年五十有二子曰儀甫浩然文不爲仕佇興而作故或遲行不爲飾動以求真故侶誕遊不爲利期以放性故常貧名不繼於選部聚不盈於擔石雖屢空不給而自若也士源幼好名山行年十八首事陵山踐止恆嶽咨求通玄丈人又過蘇門問道隱者元知運太行採藥經王

屋小有洞太白習隱訣終南修亢倉子九篇天寶四載徂夏詔書徵謁京邑與冢臣入座討論山林之士屬至始知浩然物故嗟哉未祿於代史不必書安可哲蹤妙韻從此而絕故詳問文者隨述所論美行嘉聞十不紀一浩然凡所屬綴就輒毀弃無復編錄常自歎爲文不逮意也流落既多篇章散逸鄉里購採不有其半數求四方往往而獲旣無他事爲之傳次遂使海內衣冠搢紳經襄陽思覩其文蓋有不備見而去惜哉今集其詩二百一十八首分爲四卷詩或缺逸未成而製思清美及他人酬贈咸錄次而不弃耳

重序

宜城王士源者藻思清遠深鑒文理常遊山水不在人間著亢倉子數篇傳之於代余久在集賢常與諸學士命此子不可得見天寶中忽獲浩然文集乃士源爲之序傳詞理卓絕吟諷忘疲書寫不一紙墨薄弱昔虞坂之上逸駕與驚駘俱疲吳竈之中孤桐與樵蘇共爨遇伯樂與伯喈遂騰聲於千古此詩若不遇王君乃十數張故紙耳然則王君之清鑒豈減孫蔡而已哉余今繕寫增其條目復貴士源之清才敢重述於卷首謹將此本送上祕府庶久而不泯傳芳無窮天寶九載正月初三日特進行太常卿禮儀使集賢院修撰上柱國沛國郡開國公韋瓘敘

孟浩然集卷第一

五言古詩

尋香山湛上人

朝游訪名山山遠在空翠氛氲亘百里日入行始至谷口聞鍾聲林端識香氣杖策尋故人解鞍暫停騎石門殊壑險篁筍逕轉森邃法侶欣相逢清談曉不寐平生慕真隱累日探靈異野老朝入田山僧暮歸寺松泉多清響苔壁饒古意願言投此山身世兩相弃

雲門寺西六七里聞符公蘭若最幽與薛八同往

謂余獨迷方逢子亦在野結交指松栢問法尋蘭若小溪劣容舟怪石屢驚馬所居最幽絕所住皆靜者密篠夾路傍清泉流舍下隔一云雲簇興下上人亦何閑塵念俱已捨四禪合真如一切是虛假願承甘露潤喜得惠風洒依止此山門誰能效丘也

宿天台桐栢觀

海行信風帆夕宿逗雲島緬尋滄洲趣近愛赤城好捫蘿亦踐苔輟棹恣探討息陰憩桐栢採秀尋芝草鶴唳清露垂鷄鳴信潮早願言解纓紱從此去煩惱高步陵四壁立蹤得三老紛吾遠游意學此長生道日夕望三山雲濤空浩浩

宿終南翠微寺

翠微終南裏雨後宜返照閉關久沈冥杖策一登眺遂造幽人室始知靜者妙儒道雖異門雲林頗

同調兩心喜相得畢景共談笑瞑還高窗眠時見遠山燒緬懷赤城標更憶臨海嶠風泉有清音何必蘇門嘯

春初漢中漾舟

羊公峴山下逗一云漾舟神女漢臯曲雪罷冰復開春潭千丈綠輕舟恣來往探翫無厭足波影搖妓釵沙光逐人目傾杯魚鳥醉聯句鶯花續良會難再逢日入須秉燭

宿來公山房期丁大不至

夕陽度西嶺羣壑條已暝松月生夜涼風泉滿清聽樵人歸欲盡煙鳥棲初定之子期宿來孤琴候蘿逕

耶溪泛舟

落景餘清暉輕橈弄溪渚泓澄愛水物臨泛何容與白首垂釣翁新粧浣沙女相看未相識脉脉不得語

彭蠡湖中望廬山

太虛生月暈舟中知天風挂席候明發渺漫平湖中中流見匡阜勢壓九江雄黯黯凝黛色崢嶸當曙空香爐初上日瀑水噴成虹久欲追尚子況茲懷遠公我來限于役未暇息微躬淮海途將半星霜歲欲窮寄言崑樓者畢趣當來同

登鹿門山懷古

清曉因興來乘流越江峴沙禽近方識浦樹遙莫辨漸到鹿門山山明翠微淺巖潭多屈曲舟楫屢迴轉昔聞龐德公採藥遂不返金澗養芝朮石牀

臥苔蘚紛吾感舊結攬事攀踐隱迹今尚存高
風邈已遠白雲何時去丹桂空偃蹇探討意未窮
迴爐夕陽晚

遊明禪師西山蘭若

西山多奇狀秀出傍前楹云西山巖石
嵒翠疑削成停午收
彩翠夕陽照分明吾師住其下禪坐說無生結廬
就嵌窟翦竹通逕行談空對樵叟授法與山精日
暮方辭去田園歸冶城

聽鄭五惜彈琴

阮籍推名飲清風坐竹林半酣下衫袖拂拭龍脣
琴一杯彈一曲不覺夕陽沈余意在山水聞之諧
夙心

疾愈過龍泉寺精舍呈易業二上人

停午聞山鍾起行散愁疾尋林採芝去轉谷松蘿
密傍見精舍開長廊飯僧畢石渠流雪水金子耀
霜橘竹房思舊遊過憩終永日入洞窺石髓傍崖
採蜂蜜日暮辭遠公虎溪相送出

襄陽旅泊寄閻九司戶

桂水通百越扁舟期曉發荆門蔽三巴夕望不見
家襄王夢行雨才子謫長沙長沙饒瘴癘胡爲苦
留滯久別思款顏承歡懷接袂接袂杳無由徒增
旅泊愁清猿不可聽淞月下湘流

大堤行寄萬七

大堤行樂處車馬相馳突歲歲春草生踏青二三
月王孫挾珠彈遊女矜羅襪攜手今莫同江花爲
誰發

還山贈湛禪師

幼聞無生理常欲觀此身心迹罕兼遂崎嶇多在
塵晚途歸舊壑偶與支公鄰喜得林下契共推席
上珍念茲泛苦海方便示迷津導以微妙法結爲
清淨因煩惱業頓捨山林情轉殷朝來問疑義夕
話得清真墨妙稱古絕詞華驚世人禪房閉虛靜
花藥連冬春平石藉琴硯落泉洒衣巾欲知明滅
意朝夕海鷗馴

秋登萬山寄張五

北山白雲裏隱者自怡悅相望始登高心隨鴈飛
滅愁因薄暮起興是清秋發時見歸村人平沙渡
頭歇天邊樹若薺江畔洲如月何當載酒來共醉
重陽節

登江中孤嶼贈白雲先生王迥

悠悠清江水水落沙嶼出回潭石下深綠篠岸傍
密蛟人潛不見漁父歌自逸憶與君別時泛舟如
昨日夕陽開晚照中坐興非一南望鹿門山歸來
恨相失

晚春臥疾寄張八子容

南陌春將晚北窗猶臥病林園久不遊草木一何
盛狹徑花將盡閑庭竹掃淨翠羽戲蘭若蘋鱗動
荷柄念我平生好江鄉遠從政雲山阻夢思衾枕
勞感詠感詠復何爲同心恨別離世途皆自媚流
俗寡相知賈誼才空逸安仁鬢欲絲遙情每東注
奔晷復西馳常恐填溝壑無由振羽儀窮通若有
命欲向論中推

書懷貽京邑故人

惟先自鄒魯家世重儒風詩禮襲遺訓趨庭紹末躬晝夜常自強詞賦頗亦工三十既成立嗟吁命不通慈親向羸老喜懼在深衷甘脆朝不足簞瓢夕屢空執鞭慕夫子捧檄懷毛公感激遂彈冠安能守固窮當塗訴知己投刺匪求蒙素楚邈離異翻飛何日同

遊雲門寺寄越府包戶曹徐起居

我行適諸越夢寐懷所歡久負獨往願今來恣遊盤台嶺踐嶺石耶溪泝林湍捨舟入香界登閣憩旃檀晴山秦望近春水鏡湖寬遠行佇應接卑位徒勞安白雲去久滯滄海竭來觀故國眇天末良朋在朝端遲爾同攜手何時方挂冠

示孟郊

蔓草蔽極野蘭芝結孤根衆音何其繁伯牙獨不喧當時高深意舉世無能分鍾期一見知山水千秋聞爾其保靜節薄俗徒云云

山中逢道士雲公

春餘草木繁耕種滿田園酌酒聊自勸農夫安與言忽聞荆山子時出桃花源採樵過北谷賣藥來西村村烟日云夕榛路有歸客杖策前相逢依然是疇昔邂逅歡觀止殷勤敘離隔謂余搏扶桑輕舉振六翮奈何偶昌運獨見遺草澤既笑接輿狂仍憐孔丘厄物情趨勢利吾道貴閑寂偃息西山下門庭罕人跡何時還清溪從爾煉丹液

歲暮海上作

仲尼既已沒余亦浮于海昏見斗柄迴方知歲星改虛舟任所適垂釣非有待爲問乘槎人滄洲復何在

越中逢天台太子

仙穴逢羽人停驢向前拜問余涉風水何事遠行邁登陸尋天台順流下吳會茲山夙所尚安得聞靈怪上逼青天高俯臨滄海大雞鳴見日出每與仙人會來去赤城中逍遙白雲外莓苔異人間瀑布作空界福庭長不死華頂舊稱最永願從此遊何當濟所屆

自潯陽泛舟經明海作

大江分九派淼漫成水鄉舟子乘利涉往來逗潯陽因之泛五湖流浪經三湘觀濤壯枚發吊屈痛沉湘魏闕心常在金門詔不忘遙憐上林鴈冰泮已回翔

早發漁浦潭

東旭早光茫渚禽已驚聒臥聞漁浦口橈聲暗相撥日出氣象分始知江路闊美人常晏起照影弄流沫飲水畏驚猿祭魚時見獺舟行自無悶況值晴景豁

經七里灘

余奉垂堂誠千金非所輕爲多山水樂頻作泛舟行五岳追尚子三湘吊屈平湖經洞庭闊江入新安清復聞嚴陵瀨乃在此川路疊嶂數百里泓洄非一趣彩翠相氛氲別流亂奔注鈞磯平可坐苔磴滑難步猿飲石下潭鳥還日邊樹觀奇恨來晚

倚棹惜將暮揮手弄潺湲從茲洗塵慮

南陽北阻雪

我行滯宛許日夕望京豫曠野莽茫茫鄉山在何處孤烟村際起歸鴈天邊去積雪覆平臯饑鷹捉寒兔少年弄文墨屬意在章句十上取還家徘徊守歸路

將適天台留別臨安李主簿

枳棘君尚棲匏瓜吾豈繫念離當夏首漂泊指炎裔江海非懂遊田園失歸計定山既早發漁浦亦宵濟泛泛隨波瀾行行任艫柁故林日已遠郡木坐成翳羽人在丹丘吾亦從此逝

適越留別譙縣張主簿申屠少府

朝乘汴河流夕次譙縣界幸因西風吹得與故人會君學梅福隱余隨伯鸞邁別後能相思浮雲在吳會

送從弟邕下第後歸會稽

疾風吹征帆倏爾向空沒千里去俄頃三江坐超忽向來共歡娛日夕成楚越落羽更分飛誰能不驚骨

送辛大之鄂渚不及

送君不相見日暮獨愁緒江上久徘徊天邊迷處所郡邑經樊鄧雲山入嵩汝蒲輪去漸遙石逕徒延佇

江上別流人

以我越鄉客逢君謫居者分飛黃鶴樓流客蒼梧野驛使乘雲去征帆汎溜下不知從此分還袂何

時把

洗然弟竹亭

吾與二三子平生結交深俱懷鴻鵠志共有鶴鷄心逸氣假毫翰清風在竹林遠是酒中趣琴上偶然音

夜登孔伯昭南樓時沈太清朱昇在座

誰家無風月此地有琴罇山水會稽郡詩書孔氏門再來值秋杪高閣夜無喧華燭罷燃蠟清絃方奏鵬沈生隱侯胤朱子買臣孫好我意不淺登茲共話言

宴鮑二宅

閑居枕清洛左右接人野門庭無雜賓車轍多長者時方正夏風物自蕭灑五月休沐歸相攜竹林下開襟成歡趣對酒不能罷烟暝棲鳥迷余將歸白社

峴潭作

石潭傍隈隩沙岸曉飢緣試垂竹竿釣果得查頭鰕美人聘金錯纖手繪紅鮮因謝陸內史蓴羹何足傳

齒坐呈山南諸隱

習公有遺座高在白雲陞樵子見不識山僧賞自知以余爲好事攜手一來窺竹露閑夜滴松風清晝吹從來抱微尚況復感前規於此無奇策蒼生奚以爲

與王昌齡宴黃十一

歸來臥青山常夢遊清都漆園有傲吏惠我在招

呼書幌神仙錄畫屏山海圖酌霞復對此宛似入蓬壺

襄陽公宅飲

窈窕夕陽佳丰茸春色好欲覓淹留處無過狹斜道綺席卷龍鬚香杯浮馬腦北林積修樹南池生別島手撥金翠花心迷玉芝草談天光六義發論明三倒座非陳子驚門還魏公掃榮辱應無間歡娛當共保

同張明府清鏡嘆

妾有盤龍鏡清光常晝發自從生塵埃有若霧中月愁來試取照坐嘆生白髮寄語邊塞人如何久離別

夏日南亭懷辛大

山光忽西落池月漸東上散髮乘夜涼開軒臥閑敞荷風送香氣竹露滴清響欲取鳴琴彈恨無知音賞感此懷故人中宵勞夢想

秋宵月下懷

秋空明月懸光彩露濕驚鵲棲不定飛螢卷簾入庭槐寒影疎鄰杵夜聲急佳期曠何許望望空佇立

仲夏歸南園寄京邑舊遊

嘗讀高士傳最嘉陶徵君日耽田園趣自謂羲皇人余復何爲者栖栖徒問津中年廢丘壑上國旅風塵忠欲事明主孝思侍老親歸來冒炎暑耕稼不及春扇枕北窗下採芝南澗濱因聲謝朝列吾慕潁陽真

家園臥疾畢太祝見尋

伏枕舊遊曠笙歌勞夢思平生重交結迨此令人疑冰室無暖氣炎雲空赫曦隙駒不暫駐日聽涼蟬悲壯圖竟未立班白恨吾衰夫子自南楚緬懷嵩汝期

田家元日

昨夜斗回北今朝歲起東我年已強仕無祿尙憂農野老就耕去荷鋤隨牧童田家占氣候共說此年豐

晚泊潯陽望香鑪峯

挂席幾千里名山都未逢泊舟潯陽郭始見香鑪峯嘗讀遠公傳永懷塵外蹤東林精舍近日暮空聞鐘

萬山潭

垂釣坐磐石水清心益閑魚行潭樹下猿挂島藤間游女昔解佩傳聞於此山求之不可得淞月棹歌還

入峽寄弟

吾昔與汝輩讀書常閉門未嘗冒湍險豈顧垂堂言自此歷江湖辛勤難具論往來行旅弊開鑿禹功存壁立千峯峻淙流萬壑奔我來凡幾宿無夕不聞猿浦上搖歸戀舟中失夢魂淚沾明月峽心斷鵲鵲原離關星難聚秋深露易繁因君下南楚書此寄鄉園

宿楊子津寄潤州長山劉隱士

所思在夢寐欲往大江深日夕望京口煙波愁我

心心馳茅山洞目極楓樹林不見少微隱星霜勞夜吟

送丁大鳳進士赴舉呈張九齡

吾觀鷦鷯賦君負王佐才惜無金張援十上空歸來棄置鄉園老翻飛羽翼摧故人今在位岐路莫遲迴

送吳悅遊韶陽

五色憐鳳雛南飛適鷦鷯楚人不相識何處求椅梧去去日千里茫茫天一隅安能與斤鷄決起但槍榆

送陳七赴西軍

吾觀非常者碌碌在目前君負鴻鵠志蹉跎書劍年一聞邊烽動萬里忽爭先余亦赴京國何當獻凱還

田家作

弊廬隔塵喧惟先養恬素卜鄰勞三逕植果盈千樹粵余任推遷三十猶未遇書枕時將晚丘園日空暮晨興自多懷晝坐常寡悟沖天羨鴻鵠爭食羞雞鷩望斷金馬門勞歌採樵路鄉曲無知己朝端乏親故誰能爲楊雄一薦甘泉賦

從張丞相遊紀南城獵戲贈裴迪張參軍

從禽非吾樂不好雲夢田歲晏臨城望只令鄉思懸參卿有數子聯騎何翩翩世祿金張貴官曹幕府連歲時行殺氣飛刃爭割鮮十里居賓館徵聲匝妓筵高標迴落日平楚壓芳煙何意狂歌客從公亦在旃

登望楚山最高頂

山水觀形勝襄陽美會稽最高惟望楚曾未一攀躋石壁疑削成衆山比全低晴明試登陟目極無端倪雲夢掌中小武陵花處迷暝還歸騎下蘿月在深溪

採樵作

採樵入深山山深水重疊橋崩臥查擁路險垂藤接日落伴將稀山風拂薜衣長歌負輕策平野望烟歸

早梅

園中有早梅年例犯寒開少婦爭攀折將歸插鏡臺猶言看不足更欲剪刀裁

澗南園卽事貽皎上人

弊廬在郭外素業唯田園左右林野曠不聞城市喧釣竿垂北澗樵唱入南軒書取幽棲事還尋靜者論

王迴見尋

歸閒日無事雲臥晝不起有客款柴扉自云巢居子居閒好花木採藥來城市家在鹿門山常遊澗澤水手持白羽扇腳步青芒屨聞道鶴書徵臨流還洗耳

與黃侍御北津泛舟

津無蛟龍患日夕常安流本欲避驄馬何知同鷁舟豈伊今日幸曾是昔年遊莫奏琴中鶴且隨波上鷗堤緣九里郭山面百城樓自顧躬耕者才非管樂儔聞君薦草澤從此泛滄洲

題長安主人壁

久廢南山田謬陪東閣賢欲隨平子去猶未獻甘泉
枕席琴書滿寒帷遠岫連我來如昨日庭樹忽鳴蟬
促織驚寒女秋風感長年授衣當九月無褐竟誰憐

庭橘

明發覽羣物萬木何陰森凝霜漸漸水庭橘似縣金
女伴爭攀摘窺礙葉深並生憐共蒂相示感同心
骨刺紅羅被香粘翠羽簪擎來玉盤裏全勝在幽林

孟浩然集卷第一

原
书
空
白
页

孟浩然集卷第二

七言古詩

夜歸鹿門歌

山寺鳴鐘晝已昏，漁梁渡頭爭渡喧。
人隨沙岸向江村，余亦乘舟歸鹿門。
鹿門月照開煙樹，忽到龐公棲隱處。
巖扉松徑長寂寥，惟有幽人自來去。

和盧明府送鄭十三還京兼寄之

昔時風景登臨地，今日衣冠送別筵。
閑臥自傾彭澤酒，思歸長望白雲天。
洞庭一葉驚秋早，瀟落空嗟滯江島。
寄語朝廷當世人，何時重見長安道。

送王七尉松滋得陽臺雲

君不見巫山神女作行雲，霏紅沓翠曉氛氲。
嬋娟流入襄王夢，倏忽還隨零雨分。
空中飛去復飛來，朝朝暮暮下陽臺。
愁君此去爲仙尉，便逐行雲去不迴。

鸚鵡洲送王九遊江左

昔登江上黃鶴樓，遙愛江中鸚鵡洲。
洲勢逶迤繞碧流，鶯鶯鸛鸛滿沙頭。
沙頭日落沙磧長，金沙耀耀動颿光。
舟人牽錦纜，浣女結羅裳。
月明全見蘆花白，風起遙聞杜若香。
君行采采莫相忘。

高陽池送朱二

當昔襄陽雄盛時，山公常醉習家池。
池邊釣女自相隨，粧成照影競來窺。
澄波淡淡芙蓉發，綠岸麝麝楊柳垂。
一朝物變人亦非，四面荒涼人住稀。
意氣豪華何處在，空餘草露濕羅衣。
此地朝來餞行者，翻向此中牧征馬。
征馬分飛日漸斜，見此空爲

人所嗟，殷勤爲訪桃源路，予亦歸來松子家。

五言排律

西山尋辛諤

漾舟乘水便，因訪故人居。
落日清川裏，誰言獨羨魚。
石潭窺洞徹，沙岸歷紆餘。
竹嶼見垂釣，茅齋聞讀書。
款言忘景夕，清興屬涼初。
回也一瓢飲，賢哉常晏如。

冬至後過吳張二子檀溪別業

卜築依自然，檀溪不更穿。
園林二友接，水竹數家連。
直取南山對，非關選地偏。
卜鄰依孟母，共井讓王宣。
曾是歌三樂，仍聞詠五篇。
草堂時偃曝，蘭枻日周旋。
外事情都遠，中流性所便。
閑垂太公釣，興發子猷船。
余亦幽棲者，經過竊慕焉。
梅花殘臘日，柳色半春天。
鳥泊隨陽鴈，魚藏縮項鰣。
停杯問山簡，何似習池邊。

陪張丞相自松滋江東泊渚宮

放溜下松滋，登舟命檝師。
寧忘經濟日，不憚沍寒時。
洗幘豈獨古，濯纓良在茲。
政成人自理，機息鳥無疑。
雲物吟孤嶼，江山辯四維。
晚來風稍緊，冬至日行遲。
獵響驚雲夢，漁歌激楚辭。
渚宮何處是，川暝欲安之。

陪盧明府泛舟迴峴山作

百里行春返，清流逸興多。
鷁舟隨雁泊，江火共星羅。
已救田家旱，仍憂俗化訛。
文章推後輩，風雅激頽波。
高岸迷陵谷，新聲滿棹歌。
猶憐不調者，白首未登科。

陪張丞相祠紫蓋山途經玉泉詩

望秩宣王命齋心待漏行青襟列冑子從事有參
卿五馬尋歸路雙林指化城聞鍾度門近照膽玉
泉清皂蓋依林憩繚徒擁錫迎天宮近兜率沙界
豁迷明欲就終焉志恭聞智者名人隨逝水嘆波
逐覆舟傾想像若在世周流空復情謝公還欲臥
誰與濟蒼生

臘月八日於剡縣石城寺禮拜

石壁開金像香山繞鐵圍下生彌勒見回向一心
歸竹栢禪庭古樓臺世界稀夕嵐增氣色餘照發
光輝講席邀談柄泉堂施浴衣願承功德水從此
濯塵機

同獨孤使君東齋作

郎官舊華省天子命分憂襄土歲頻旱隨車雨再
流雲陰自南楚河潤及東周廨宇宜新霽田家賀
有秋竹間殘照入池上夕陽浮寄謝東陽守何如
八詠樓

峴山送朱大去非遊巴東

峴山南郭外送別每登臨沙岸江村近松門山寺
深一言余有贈三峽爾相尋祖席宜城酒征途雲
夢村蹉跎遊子意眷戀故人心去矣勿淹滯巴東
猿夜吟

宴張記室宅

甲第金張館門庭軒騎多家封漢陽郡文會楚材
過曲島浮觴酌前山入詠歌妓堂花映發書閣柳
逶迤王指調箏柱金泥飾舞羅誰知書劍者年歲

獨蹉跎

登龍興寺閣

閣道乘空出披軒遠目開逶迤見江勢客至屢緣
迴茲郡何填委遙山復幾哉蒼蒼皆草木處處盡
樓臺驟雨一陽散行舟四海來鳥歸餘興滿周覽
更徘徊

登總持寺浮屠

半空躋寶塔晴望盡京華竹遶渭川遍山連上苑
斜四門開帝宅千陌俯人家累劫從初地爲童憶
聚沙一窺功德見彌益道心加坐覺諸天近空香
送落花

與崔二十一遊鏡湖寄包賀二公

試覽鏡湖物中流見底清不知鱸魚味但識鷗鳥
情帆得樵風送春逢穀雨晴將探夏禹穴稍背越
王城府掾有包子文章推賀生滄浪醉後唱因子
寄同聲

本闍黎新亭作

八解禪林秀三明給苑才地偏香界遠心靜水亭
開傍險山查立尋幽石逕迴瑞花長自下靈藥豈
須栽碧網交紅樹清泉盡綠苔戲魚聞法聚閑鳥
誦經來棄象玄應悟忘言理必該靜中何所得吟
詠也徒哉

長安早春

關戍惟東漢城池起北辰咸歌太平日共樂建寅
春雪盡青山樹冰開黑水濱草迎金埒馬花伴玉
樓人鴻漸看無數鶯歌聽欲頻何當桂枝擢歸及

柳條新

秦中苦雨思歸贈袁左丞賀侍郎

爲學三十載閉門江漢陰明敷逢聖代羈旅屬秋
霖豈直昏墊苦亦爲權勢沉二毛催白髮百鎰聲
黃金淚憶峴山墮愁懷湘水深謝公積憤懣莊舄
空謠吟躍馬非吾事狎鷗真我心寄言當路者去
矣北山岑

陪張丞相登荊州城樓因寄蘇臺張使君

及浪泊戍主劉家

薊門天北畔銅柱日南端出守聲彌遠投荒法未
寬側身聊倚望攜手莫同懽白壁無瑕玷青松有
歲寒府中丞相閣江上使君灘興盡迴舟去方知
行路難

荊門上張丞相

共理分荆國招賢愧楚材召南風更闡丞相閣還
開觀止欣眉睫沉淪拔草萊坐登徐孺榻頻接李
膺杯始慰蟬鳴柳俄看雪間梅四時年簫盡千里
客程催日下瞻歸翼沙邊厭曝鰓佇聞宣室召星
象復中台

和宋太史北樓新亭

返耕意未遂日夕登城隅誰謂山林近坐爲符竹
拘麗譙非改作軒檻是新圖遠水自嶓冢長雲吞
具區願隨江燕賀羞逐府寮趨欲識狂歌者丘園
一豎儒

夜泊宣城界

西塞沿江島南陵間驛樓潮平津濟闊風止客帆

收去去懷前浦茫茫泛夕流石逢羅剎礙山泊敬
亭幽火熾梅根冶煙迷楊葉洲離家復水宿相伴
賴沙鷗

奉先張明府休沐還鄉海亭宴集

自君理畿甸余亦經江淮萬里音信斷數年雲雨
乖歸來休澣日始得賞心諧朱紱心雖重滄洲趣
每懷樹低新舞閣山對舊書齋何以發佳興陰蟲
鳴夜堦

同張明府碧谿贈答

別業聞新製同聲和者多還看碧谿苔不羨綠珠
歌自有陽臺女朝朝拾翠過舞庭鋪錦繡粧牖閉
藤蘿秋滿休閑日春餘景色和仙鳧能伴伴羅襪
共凌波別島尋花藥迴潭折芰荷更憐斜日照紅
粉艷青娥

贈蕭少府

上德如流水安仁道若山聞君秉高節而得奉清
顏鴻漸昇台羽牛刀列下班處腴能不潤居劇體
常閑去詐人無詔除邪吏息姦欲知清與潔明月
在澄灣

同王九題就師山房

晚憩支公室故人逢右軍軒窗避炎暑翰墨動新
文竹閉窗裏日一作竹蔽雨隨堦下雲同遊清陰
遍吟臥夕陽曛江靜棹歌歇溪深樵語聞歸途未
忍去攜手戀清芬

上張吏部

公門世緒昌才子冠裴王自出平津邸還爲吏部

郎神仙餘氣色列宿動輝光夜直南宮靜朝趨北
禁長時人窺水鏡明主賜衣裳翰苑飛鸚鵡天池
待鳳凰

和于判官登萬山亭因贈洪府都督韓公
韓公美襄土日賞城西岑結構意不淺崑潭趣轉
深皇華一動詠荆國幾謳吟舊徑蘭勿翦新堤柳
欲陰砌傍餘怪石沙上有閑禽自牧豫章郡空瞻
楓樹林因聲寄流水善聽在知音耆舊眇不接崔
徐無處尋物情多貴遠賢俊豈遙今遲爾長江暮
澄清一洗心

下瀨石

瀨石三百里泓洄千嶂間沸聲常浩浩洑勢亦潺
潺跳沫魚龍沸垂藤猿狖攀榜人苦奔峭而我忘
險艱放溜情彌遠登艫目自閑暝帆何處泊遙指
落星灣

行至漢川作

異縣非吾土連山盡綠簑平田出郭少盤壠入雲
長萬壑歸於海千峯劃彼蒼猿聲亂楚峽人語帶
巴鄉石上攢椒樹藤間養蜜房雪餘春未暖嵐解
晝初陽征馬疲登頓歸帆愛渺茫坐欣泓溜下信
宿見維桑

久滯越中贈謝南池會稽賀少府

陳平無產業尼父倦東西負郭昔云翳問津今已
迷未能忘魏闕空此滯秦稽兩見夏雲起再聞春
鳥啼懷仙梅福市訪舊若耶溪聖主賢爲寶卿何
隱遁棲

送韓使君除洪府都督

述職撫荆衡分符襲寵榮往來看擁傳前後賴專
城勿翦棠猶在波澄水更清重推江漢理旋改豫
章行召父多遺愛羊公有令名衣冠列祖道耆舊
擁前旌峴首晨風送江陵夜火迎無才慙孺子千
里愧同聲

盧明府九日峴山宴袁使君張郎中崔員外

宇宙誰開闢江山此鬱盤登臨今古用風俗歲時
觀地理荆州分天涯楚塞寬百城今刺史華省舊
郎官共美重陽節俱懷落帽歡酒邀彭澤載琴輟
武城彈獻壽先浮菊尋幽或藉蘭烟虹鋪藻翰松
竹挂衣冠叔子神如在山公興未闌嘗聞騎馬醉
還向習池看

宴崔明府宅夜觀妓

畫堂觀妙妓長夜正留賓燭吐蓮花豔粧成桃李
春髻鬟低舞席衫袖掩歌脣汗濕偏宜粉羅輕詎
着身調移箏柱促歡會酒杯頻儻使曹王見應嫌
洛浦神

韓大侯東齋會岳上人諸學士

郡守虛陳榻林間召楚材山川祈雨畢雲物喜晴
開抗禮尊縫掖臨流揖渡杯徒攀朱仲李誰薦和
羹梅翰墨緣情製高深以意裁滄洲趣不遠何必
問蓬萊

初年樂城館中臥疾懷歸

異縣天隅僻孤帆海畔過往來鄉信斷留滯客情

多臘月聞雷震東風感歲和蟄虫驚戶穴巢鵲
庭柯徒對芳樽酒其如伏枕何歸來理舟楫江海
正無波

上巳日澗南園期王山人陳七諸公不至
搖艇候明發花源弄晚春在山懷綺季臨漢憶荀
陳上巳期三月浮杯興十旬坐歌空有待行樂恨
無隣日晚蘭亭北煙花曲水濱浴蠶逢姹女採艾
值幽人石壁堪題序沙場好解紳羣公望不至虛
擲此芳晨

送莫氏甥兼諸昆弟從韓司馬入西軍
念爾習詩禮未嘗離戶庭平生早偏露萬里更飄
零坐弃三冬業行觀八陣形飾裝辭故里謀策赴
邊庭壯志吞鴻鵠遙心伴鵲鵲所從文與武不戰
自應寧

峴山送蕭員外之荊州

峴山江岸曲郢水郭門前自古登臨處非今獨黯
然亭樓明落日井邑秀通川澗竹生幽興林風入
管絃再飛鵬激水一舉鶴沖天佇立三荆使看君
駟馬旋

送王昌齡之嶺南

洞庭去遠近楓葉早驚秋峴首羊公愛長沙賈誼
愁土風無縞紵鄉味有查頭已抱沉痾疾更貽魑
魅憂數年同筆硯茲夕異衾裯意氣今何在相思
望斗牛

孟浩然集卷第二

原
书
空
白
页

孟浩然集卷第三

五言律詩

與諸子登岷山

人事有代謝往來成古今江山留勝迹我輩復登臨
水落魚梁淺天寒夢澤深羊公碑尚在讀罷淚沾襟

臨洞庭

八月湖水平涵虛混太清氣蒸雲夢澤波撼岳陽城
欲濟無舟楫端居恥聖明坐觀垂釣者徒有羨魚情

晚春

二月湖水清家家春鳥鳴林花掃更落徑草踏還生
酒伴來相命開樽共解醒當杯已入手歌妓莫停聲

歲暮歸南山

北闕休上書南山歸弊廬不才明主棄多病故人疎
白髮催年老青陽逼歲除永懷愁不寐松月夜窗虛

梅道士水亭

傲吏非凡吏名流即道流隱居不可見高論莫能酬
水接仙源近山藏鬼谷幽再來迷處所花下問漁舟

閑園懷蘇子

林園雖少事幽獨自多違向夕開簾坐庭陰葉落微
鳥從煙樹宿螢傍水軒飛感念同懷子京華去不歸

留別王維

寂寂竟何待朝朝空自歸欲尋芳草去惜與故人違
當路誰相假知音世所稀祗應守寂寞還掩故園扉

武陵泛舟

武陵川路狹前棹入花林莫測幽源裏仙家信幾深
水迴青嶂合雲渡綠谿陰坐聽閑猿嘯彌清塵外心

同曹三御史行泛湖歸越

秋入詩人興巴歌和者稀泛湖同旅泊吟會是歸思
白蘭徒推薦滄洲已拂衣杳冥雲海去誰不羨鴻飛

遊景空寺蘭若

龍象經行處山腰度石關屢迷青嶂合時愛綠蘿閑
宴息花林下高談竹嶼間寥寥隔塵事疑是入雞山

陪張丞相登嵩陽樓

獨步人何在嵩陽有故樓歲寒間者舊行縣擁諸侯
決莽北彌望沮漳東會流客中遇知己無復越鄉憂

與顏錢塘登樟亭望潮作

百里雷聲震鳴絃暫輟彈府中連騎出江上待潮觀
照日秋雲迥浮天渤澥寬驚濤來似雪一坐凜生寒

大禹寺義公禪

義公習禪寂結宇依空林戶外一峯秀堦前衆壑

深夕陽連雨足空翠落庭陰看取蓮花淨方知不染心

尋白鶴崑張子容隱居

白鶴青崑畔幽人有隱居堦庭空水石林壑罷樵漁歲月青松老風霜苦竹疎覩茲懷舊業攜策返吾廬

九日

九日未成旬重陽卽此晨登高尋故事載酒訪幽人落帽恣歡飲授衣同試新茱萸正可佩折取寄情親

除夜樂城張少府宅

雲海訪甌閩風濤泊島濱如何歲除夜得見故鄉親余是乘槎客君爲失路人平生復能幾一別十餘春

舟中晚望

挂席東南望青山水國遙舳艫爭利涉來往任風潮問我今何適天台訪石橋坐看霞色晚疑是赤城標

遊精思觀迴王白雲在後

出谷未停午至家已夕曛迴瞻山下路但見牛羊羣樵子暗相失草蟲寒不聞衡門猶未掩佇立待夫君

與杭州薛司戶登樟亭驛

水樓一登眺半出青林高帶幕英僚散芳筵下客叨山藏伯禹穴城壓伍胥濤今日觀溟漲垂綸欲釣鼇

尋天台山作

吾友太一子飡霞臥赤城欲尋華頂去不憚惡溪名歇馬憑雲宿揚帆截海行高高翠微裏遙見石梁橫

宿立公房

支遁初求道深公笑買山何如石嵒趣自入戶庭間苔澗春泉滿蘿軒夜月閑能令許玄度吟臥不知還

尋滕逸人故居

人事一朝盡荒蕪三徑休始聞漳浦臥奄作岱宗遊池水猶含墨山雲已落秋今朝泉壑裏何處覓藏舟

姚開府山池

主人新邸第相國舊池臺館是招賢闢樓因教舞開軒車人已散簫管鳳初來今日龍門下誰知文舉才

夏日浮舟過滕逸人別業

水亭涼氣多閑棹晚來過澗影見藤竹潭香聞芰荷野童扶醉舞山鳥笑酣歌幽賞未云遍煙光柰夕何

夏日辨玉法師茅齋

夏日茅齋裏無風坐亦涼竹林新笋穉籐架引稍長鷺覓巢窠處蜂來造蜜房物華皆可翫花藥四時芳

與張折衝遊耆闍寺

釋子彌天秀將軍武庫才橫行塞北盡獨步漢南

來貝葉傳金口山櫻作賦開因君振嘉藻江楚氣雄哉

與白明府遊江

故人來自遠邑宰復初臨執手恨爲別同舟無異心
心公洄洲渚趣演漾絃歌音誰識躬耕者年年梁甫吟

遊精思題觀主山房

忘入花源裏初憐竹逕深方知仙子宅未有世人尋
舞鶴過閑砌飛猿嘯密林漸通玄妙理深得坐誤心

尋梅道士

彭澤先生柳山陰道士鵝我來從所好停策夏雲多
重以觀魚樂因之鼓世歌崔徐跡未朽千載揖清波

陪姚使君題惠上人房

得青字

帶雪梅初暖含煙柳尚青來窺童子偈得聽法王
經會理知無我觀空厭有形迷心應覺悟客思不遑寧

晚春遠上人南亭

給園支遁隱虛寂養閑和春晚羣木秀關關黃鳥
歌林棲居士竹池養右軍鵝花月北窗下清風期再過

人日登南陽驛門亭子懷漢川諸友

朝來登陟處不似艷陽時異縣殊風物羈懷多所思
剪花驚歲早看柳訝春遲未有南飛鴈裁書欲寄誰

遊鳳林寺西嶺

共喜年華好來遊水石間烟容開遠樹春色滿幽
山壺酒朋情洽琴歌野興閑莫愁歸路暝招月伴人還

陪獨孤使君同與蕭員外證登萬山亭

萬山青嶂曲千騎使君遊神女鳴環佩仙郎接獻
酬遍觀雲夢野自愛江城樓何必東南守空傳沈隱侯

贈道士參寥

蜀琴久不弄玉匣細塵生絲脆絃將斷金徽色尚
榮知音徒自惜聾俗本相輕不遇鍾期聽誰知鸞鳳聲

京還贈張維

拂衣去何處高枕南山南欲徇五斗祿其如七不
堪早朝非晏起束帶異抽簪因向智者說遊魚思舊潭

題李十四莊兼贈綦母校書

聞君息陰地東郭柳林間左右瀍澗水門庭縵氏
山抱琴來取醉垂釣坐乘閑歸客莫相待緣源殊未還

寄趙正字

正字芸香閣幽人竹葉園經過宛如昨歸臥寂無
喧高鳥能擇木羝羊漫觸藩物情今已見從此願忘言

秋登張明府海亭

海亭秋日望委曲見江山染翰聊題壁傾壺一解

顏歡逢彭澤令歸賞故園間余亦將琴史棲遲共取閑

題融公蘭若

精舍買金開流泉遶砌迴菱荷薰講席松栢映香臺法雨晴飛去天花晝下來談玄殊未已歸騎夕陽催

九日龍沙寄劉大

龍沙豫章北九日挂帆過風俗因時見湖山發興多客中誰送酒棹裏自成歌歌竟乘流去滔滔任夕波

洞庭湖寄閻九

洞庭秋正闊余欲泛歸船莫辨荆吳地唯餘水共天渺瀰江樹沒合沓海湖連遲爾爲舟楫相將濟巨川

和李侍御渡松滋江

南紀西江闊皇華御史雄截流寧假楫挂席自生風窳窳爭攀鷁魚龍亦避驄坐聞白雪唱翻入棹歌中

秦中感秋寄上人

一丘常欲臥三徑苦無資北土非吾願東林懷我師黃金燃桂盡壯志逐年衰日夕涼風至聞蟬但益悲

重酬李少府見贈

養疾衡茆下由來浩氣真五行將禁火十步想尋春致敬維桑梓邀歡卽故人還看後凋色青翠有松筠

宿永嘉江寄山陰崔國輔少府

我行窮水國君使入京華相去日千里孤帆天一涯臥聞海潮至起視江月斜借問同舟客何時到永嘉

上巳日洛中寄王迥十九

卜洛成周地浮杯上巳筵鬪雞寒食下走馬射堂前垂柳金堤合平沙翠幕連不知王逸少何處會羣賢

聞裴侍御拙自襄州司戶除豫州司戶因以投寄

故人荆府掾尚有栢臺威移職自樊沔芳聲聞帝畿昔余臥林巷載酒訪柴扉松菊無君賞鄉園嬾欲歸

江上寄山陰崔國輔少府

春堤楊柳發憶與故人期草木本無意枯榮自有時山陰定遠近江上日相思不及蘭亭會空吟祓禊詩

送洗然弟進士舉

獻策金門去承歡彩服違以吾一日長念爾聚星稀昏定須溫席寒多未授衣桂枝如已擢早逐鴈南飛

夜泊廬江聞故人在東林寺以詩寄之

江路經廬阜松門入虎溪聞君尋寂樂清夜宿招提石鏡山精怯禪林怖鶻棲一燈如悟道爲照客心迷

宿桐廬江寄廣陵舊遊

山暝聽猿愁滄江急夜流風鳴兩岸葉月照一孤
舟建德非吾土維楊憶舊遊還將數行淚遙寄海
西頭

南還舟中寄袁太祝

汾汭非便習風波厭苦辛忽聞遷谷鳥來報五陵
春嶺北迴征棹巴東問故人桃源何處是遊子正
迷津

東陂遇雨率爾貽謝南池

田家春事起丁壯就東陂殷殷雷聲作森森雨足
垂海虹晴始見河柳潤初移余意在耕稼因君問
土宜

行至汝墳寄盧徵君

行乏憩余駕依然見汝墳洛川方罷雪嵩嶂有殘
雲曳曳半空裏溶溶五色分聊題一詩興因寄盧
徵君

寄天台道士

海上來仙客三山望幾時焚香宿華頂裊露採靈
芝屢踐莓苔滑將尋汗漫期儻因松子去長與世
人辭

和張明府登鹿門山

忽示登高作能寬旅寓情絃歌既多暇山水思彌
清草得風先動虹因雨後成謬承巴俚和非敢應
同聲

和張三自穰縣還途中遇雪

風吹沙海雪來作柳園春宛轉隨香騎輕盈伴玉
人歌疑郢中客態比洛川神今日南歸楚雙飛侶

入秦

歲除夜會樂城張少府宅

疇昔通家好相知無間然續明催畫燭守歲接長
筵舊曲梅花唱新正栢酒傳客行隨處樂不見度
年年

自洛之越

遑遑三十載書劍兩無成山水尋吳越風塵厭洛
京扁舟泛湖海長揖謝公卿且樂杯中酒誰論世
上名

歸至郢中作

遠遊經海嶠返棹歸山阿日夕見喬木鄉園在伐
柯愁隨江路盡喜入郢門多左右看桑土依然卽
匪佗

途中遇晴

已失巴陵雨猶逢蜀坂泥天開斜景遍山出晚雲
低餘濕猶霑草殘流尚入谿今宵有明月鄉思遠
悽悽

蔡陽館

日暮馬行疾城荒人住稀聽歌疑近楚投館忽如
歸魯堰田疇廣章陵氣色微明朝拜嘉慶須着老
萊衣

他鄉七夕

他鄉逢七夕旅館亦羈愁不見穿針婦空懷故國
樓緒風初減熱新月始登秋誰忍窺河漢迢迢望
斗牛

夜泊牛渚趨薛八船不及

星羅牛渚夕風送鷁舟遲浦漱常同宿烟波忽聞之榜歌空裏失船火望中疑明發泛湖海茫茫何處期

曉入南山

瘴氣曉氛氲南山沒水雲鯤飛今始見鳥墮舊來聞地接長沙近江從泊渚分賈生曾吊屈余亦痛斯文

夜渡湘水

客行貪利涉夜裏渡湘川露氣聞香杜歌聲識採蓮榜人投岸火漁子宿潭煙行旅時相問潯陽何處邊

赴途中逢雪

迢遞秦京道蒼茫歲暮天窮陰連晦朔積雪滿山川落鴈迷沙渚飢鳥噪野田客愁空佇立不見有人烟

宿武陵卽事

川暗夕陽盡孤舟泊岸初嶺猿相叫嘯潭影似空虛就枕滅明燭扣船聞夜漁雞鳴問何處人物是秦餘

同盧明府錢張郎中除義王府司馬海園作

上國山河裂賢王邸第開故人分職去潘令寵行來冠蓋趨梁苑江湘失楚材預愁軒騎動賓客散池臺

落日望鄉

客行愁落日鄉思重相催况在他山外天寒夕鳥

來雪深迷郢路雲暗失陽臺可歎悽違子勞歌誰爲媒

永嘉上浦館逢張八子容

逆旅相逢處江村日暮時衆山遙對酒孤嶼共題詩解宇鄰蛟室人烟接島夷鄉關萬餘里失路一相悲

送張子容赴舉

夕曛山照滅送客出柴門惆悵野中別殷勤醉後言茂林余偃息喬木爾飛翻無使谷風諂須令友道存

送張參明經舉兼向涇州省覲

十五綵衣年承歡慈母前孝廉因歲貢懷橘向秦川四座推文舉中郎許仲宣泛舟江上別誰不仰神仙

沂江至武昌

家本洞庭上歲時歸思催客心徒欲速江路苦還迴殘凍因風解新梅變臘開行看武昌柳髣髴映樓臺

唐城館中早發寄楊使君

犯霜駟曉駕數里見唐城旅館歸心逼荒村客思盈訪人留後信策蹇赴前程欲識離魂斷長空聽鴈聲

陪李侍御謁聰禪上人

欣逢栢臺舊共謁聰公禪石室無人到繩床見虎眠陰崖常抱雪松澗爲生泉出處雖云異同權在法筵

和張丞相春朝對雪

迎氣當春立承恩喜雪來潤從河漢下花逼艷陽
開不覩豐年瑞安知燮理才散鹽如可擬願糝和
羹梅

孟浩然集卷第三

原
书
空
白
页

孟浩然集卷第四

五言律詩

送吳宣從事

才有幕中畫而無塞上勳漢兵將滅虜王粲始從
軍旌旆邊亭去山川地脉分平生一七首感激贈
夫君

送張祥之房陵

我家南渡隱慣習野人舟日夕弄清淺林端逆上
流山河據形勝天地生豪酋君意在利涉知音期
暗投

送桓子之郢城過禮

聞君馳綵騎躡蹠指南荆爲結潘楊好言過鄢郢
城標梅詩已贈羔鴈禮將行今夜神仙女應來感
夢情

早春潤州送弟還鄉

兄弟遊吳國庭闈戀楚關已多新歲感更饒白眉
還歸泛西江水離筵北固山鄉園欲有贈梅柳着
先攀

送告八從軍

男兒一片氣何必五車書好勇方過我才多便起
余運籌將入幕養拙就閑居正待功名遂從君繼
兩疎

送元公之鄂渚尋觀主張驂鸞

桃花春水漲之子忽乘流峴首辭蛟浦江邊問鶴
樓贈君青竹杖送爾白蘋洲應是神仙輩相期汗
漫遊

峴山錢房琯崔宗之

貴賤平生隔軒車是日來青陽一觀止雲霧豁然
開祖道衣冠列分亭驛騎催方期九日聚還待二
星迴

送王五昆季省覲

公子戀庭幃勞歌涉海沂水乘舟楫去親望老萊
歸斜日催烏鳥清江照綵衣平生急難意遙仰鵲
鷄飛

送崔易

片玉來誇楚治中作主人江山增潤色詞賦動陽
春別館當虛敞離情任吐伸因聲兩京舊誰念臥
漳濱

送盧少府使入秦

楚關望秦國相去千里餘州縣勤王事山河轉使
車祖筵江上列離別恨前書願及芳年賞嬌鸞二
月初

送謝錄事之越

清旦江天迴涼風西北吹白雲向吳會征帆亦相
隨想到耶溪日應探禹穴奇仙書儻相示余在北
山陲

洛下送奚三還楊州

水國無邊際舟行共使風羨君從此去朝夕見鄉
中余亦離家久南歸恨不同音書若有問江上會
相逢

送袁十嶺南尋弟

早聞牛渚詠今見鵲鷄心羽翼嗟零落悲鳴別故

林蒼梧白雲遠烟水洞庭深萬里獨飛去南風遲爾音

永嘉別張子容

舊國余歸楚新年子北征挂帆愁海路分手戀朋情日夜故園意汀洲春草生何時一杯酒重與李膺傾

送袁太祝尉豫章

何幸遇休明觀光來上京相逢武陵客獨送豫章行隨牒牽黃綬離羣會墨卿江南佳麗地山水舊難名

都下送辛大之鄂

南國辛居士言歸舊竹林未逢調鼎用徒有濟川心余亦忘機者田園在漢陰因君故鄉去遙寄式微吟

送席大

惜爾懷其寶迷邦倦客遊江山歷全楚河洛越成周道路疲千里鄉園老一丘知君命不偶同病亦同憂

送賈昇主簿之荊府

奉使推能者勤王不暫閑觀風隨按察乘騎度荆關送別登何處開筵舊峴山征軒明日遠空望郢門間

送王大校書

導漾自嶓塚東流爲漢川維桑君有意解纜我開筵雲雨從茲別林端意渺然尺書能不悵時望鯉魚傳

浙江西上留別裴劉二少府

西上浙江西臨流恨解攜千山疊成嶂萬壑合爲溪石淺流難泝藤長險易躋誰憐問津者歲晏此中迷

京還留別新豐諸友

吾道昧所適驅車還向東主人開舊館留客醉新豐樹遶溫泉綠塵遮晚日紅拂衣從此去高步躋華嵩

廣陵別薛八

士有不得志悽悽吳楚間廣陵相遇罷彭蠡泛舟還櫓出江中樹波連海上山風帆明日遠何處更追攀

臨渙裴明府席遇張十一房六

河縣柳林邊河橋晚泊船文叨才子會官喜故人連笑語同今夕輕肥異往年晨風理歸棹吳楚各依然

盧明府早秋宴張郎中海園卽事

邑有絃歌宰翔鸞狎野鷗眷言華省舊暫滯海池遊鬱島藏深竹前溪對舞樓更聞書卽事雲物是新秋

同盧明府早秋夜宴張郎中海亭

側聽絃歌宰文書游夏徒故園欣賞竹爲邑幸來蘇華省曾聯事仙舟復與俱欲知臨泛久荷露漸成珠

崔明府宅夜觀妓

白日旣云暮朱顏亦已酡畫堂初點燭金幌半垂

羅長袖平陽曲新聲子夜歌從來慣留客茲夕爲誰多

宴榮山人池亭

甲地金張宅

開一金甲第

榮期樂自多檻嘶支遁馬

池養右軍鵝竹引嵇琴入花邀戴客過山公時取醉來唱接籬歌

夏日宴衛明府宅

言避一時暑池亭五月開喜逢金馬客同飲玉人杯舞鶴乘軒至遊魚擁釣來座中殊未起簫管莫相催

清明日宴梅道士房

林下愁春盡開軒覽物華忽逢青鳥使邀我赤松家丹竈初開火仙桃正發花童顏若可駐何惜醉流霞

寒食宴張明府宅

瑞雪初盈尺寒宵始半更列筵邀酒伴刻燭限詩成香炭金爐暖嬌絃玉指清厭厭不覺醉歸路曉霞生

臥一云醉來方欲不覺曉雞鳴

和賈主簿并九日登峴山

楚萬重陽日羣公賞燕來共乘休沐暇同醉菊花杯逸思高秋發歡情落景催國人咸寡和遙愧洛陽才

宴張別駕新齋

世業傳珪組江城佐股肱高齋徵學問虛薄濫先登講論陪諸子文章得舊朋士元多賞激衰病恨無能

李氏園臥疾

我愛陶家趣林園無俗情春雷百卉坼寒食四隣清伏枕嗟公幹歸田羨子平年年白社客空滯洛陽城

過故人莊

故人具雞黍邀我至田家綠樹村邊合青山郭外斜開筵面場圃把酒話桑麻待到重陽日還來就菊花

途中九日懷襄陽

去國已如昨倏然經杪秋峴山不可見風景令人愁誰採籬下菊應閑池上樓宜城多美酒歸與葛強遊

初出關旅亭夜坐懷王大校書

向夕槐烟起葱籠池館曛客中無偶坐關外惜離羣燭至螢光滅荷枯雨滴聞永懷蓬閣友寂寞滯揚雲

李少府與王九再來

弱歲早登龍今朝喜再逢何如春月柳猶憶歲寒松烟火臨寒食笙歌咽曙鍾喧喧鬪雞道行樂羨朋從

尋張五

聞就龐公隱移居近洞湖興來林是竹歸臥谷名愚挂席樵風便開軒琴月孤歲寒何用賞霜落故園蕪

張七及辛大見訪

山公能飲酒居士好彈箏世外交初得林中契已

并納涼風颯至逃暑日將傾便就南亭裏餘樽惜解醒

題張野人園廬

與君園廬並微尚頗亦同耕釣方自逸壺觴趣不空門無俗士駕人有上皇風何必先賢傳唯稱龐德公

過故融公蘭若

池上青蓮宇林間白馬泉故人或異物過客獨潛然既禮新松塔還尋舊石筵平生竹如意猶挂草堂前

早寒江上有懷

木落鴈南度北風江上寒我家湘水曲遙隔楚雲端鄉淚客中盡歸帆天際看迷津欲有問平海夕漫漫

南山下與老圃期種瓜

樵木南山近林閭北郭賒先人留素業老圃作鄰家不種千株橘唯資五色瓜邵平能就我開徑翦蓬麻

裴司空見訪

府寮能枉駕家醞復新開落日池上酌清風松下來廚人具雞黍稚子摘楊梅誰道山公醉猶能騎馬迴

除夜

迢遞三巴路羈危萬里身亂山殘雪夜孤燭異鄉人漸與骨肉遠轉於僮僕親那堪正漂泊來日歲華新

傷峴山雲表上人

少小學書劍素吳多歲年歸來一登眺陵谷尚依然豈意餐霞客忽隨朝露先因之問閭里把臂幾人全

賦得盈盈樓上女

夫婿久別離青樓空望歸粧成卷簾坐愁思嬾縫衣薰子家家入楊花處處飛空牀難獨守誰爲解金徽

春怨

佳人能畫眉粧罷出簾帷照水空自愛折花將遺誰春情多豔逸春意倍相思愁心極楊柳一種亂如絲

閨情

一別隔炎涼君衣忘短長裁縫無處等以意付情量畏瘦宜傷窄防寒更厚裝半啼封裏了知欲寄誰將

寒夜

閨夕綺窓閉佳人罷縫衣理琴開寶匣就枕臥重幃夜久燈花落薰籠香氣微錦衾重自暖遮莫曉霜飛

美人分香

豔色本傾城分香更有情髻鬟垂欲解眉黛拂能輕舞學平陽態歌翻子夜聲春風狹斜道含笑待逢迎

七言律詩

登安陽城樓

縣城南面漢江流江嶂開成南雍州才子乘春來
騁望羣公暇日坐銷憂樓臺晚映青山郭羅綺晴
嬌綠水洲向夕波搖明月動更疑神女弄珠遊

歲除夜有懷

五更鍾漏欲相催四氣推遷往復迴帳裏殘燈纔
有焰鑪中香氣盡成灰漸看春逼芙蓉枕頓覺寒
消竹葉杯守歲家家應未臥相思那得夢魂來

登萬歲樓

萬歲樓頭望故鄉獨令鄉思更茫茫天寒鴈度堪
垂淚月落猿啼欲斷腸曲引古堤臨凍浦斜分遠
岸近枯楊今朝偶見同袍友却喜家書寄八行

春情

青樓曉日珠簾映紅粉春粧寶鏡催已厭交懽憐
枕席相將遊戲遶池臺坐時衣帶縈纖草行即裾
裾掃落梅更道明朝不當作相期共鬪管絃來

五言絕句

宿建德江

移舟泊烟渚日暮客愁新野曠天低樹江清月近
人

春曉

春眠不覺曉處處聞啼鳥夜來風雨聲花落知多
少

送朱大入秦

遊人五陵去寶劍直千金分手脫相贈平生一片
心

送友人之京

君登青雲去余望青山歸雲山從此別淚濕薜蘿
衣

初下浙江舟中口號

八月觀潮罷三江越海尋回瞻魏闕路無復子牟
心

醉後贈馬四

四海重然諾吾常聞白眉秦城遊俠客想得半酣
時

檀溪尋古

花半成龍竹池分濯馬溪田園人不見疑向武陵
迷一作疑向

同張將薊門看燈

異俗非鄉俗新年改故年薊門看火樹疑是燭龍
然

峴山亭寄晉陵張少府

峴首風端急雲帆若鳥飛憑軒試一問張翰欲來
歸

口號贈王九

日暮田家遠山中勿久淹歸人須早去稚子望陶
潛

同儲十二洛陽道中作

珠彈繁華子金羈遊俠人酒酣白日暮走馬入紅
塵

尋菊花潭主人不遇

行至菊花潭村西日已斜主人登高去雞犬空在
家

張郎中梅園作

綺席鋪蘭杜珠盤斫芰荷故園留不住應是戀絃歌

問舟子

向夕問舟子前程復幾多灣頭正好泊淮裏足風波

楊子津望京口

北固臨京口夷山近海濱江風白浪起愁殺渡頭人

北澗泛舟

北澗流恆滿浮舟觸處通汭洄自有趣何必五湖中

洛中訪袁拾遺不遇

洛陽訪才子江嶺作流人聞說梅花早何如北地春

送張郎中遷京

碧溪常共賞朱邸忽遷榮預有相思意聞君琴上聲

戲贈主人

客醉眠未起主人呼解醒已言雞黍熟復道甕頭清

七言絕句

過融上人蘭若

山頭禪室挂僧衣窓外無人溪鳥飛黃昏半在下山路却聽泉聲戀翠微

涼州詞二首

渾成紫檀金屑文作得琵琶聲入雲胡地迢迢三

萬里那堪馬上送明君

異方之樂令人悲羌笛胡笳不用吹坐看今夜關山月思殺邊城遊俠兒

越中送張少府歸秦中

試登秦嶺望秦川遙憶青門更可憐仲月送君從此去瓜時須及邵平田

濟江問同舟人

潮落江平未有風輕舟共濟與君同時時引領望天末何處青山是越中

送杜十四

荆吳相接水爲鄉君去春江正渺茫日暮征帆泊何處天涯一望斷人腸

孟浩然集卷第四

韋蘇州集

四部備要

集部

上海中華書局據項氏翻
宋本校刊

桐鄉 陸費達 總勘

杭縣 高時顯 輯校

杭縣 吳汝霖 校

丁輔之 監造

版權所有不許翻印

韋蘇州集序

韋蘇州唐史不載其行事林寶姓纂云周逍遙公薨之後左僕射扶陽公待價生司門郎中令儀令儀生變變生應物應物生監察御史河東節度掌書記慶復李肇國史補云爲性高潔鮮食寡欲所居焚香掃地而坐其爲詩馳驟建安已遠各得風韻詳其集中詩天寶時扈從遊幸疑爲三衛永泰中任洛陽丞京兆府功曹大曆十四年自鄂縣令制除櫟陽令以疾辭歸善福精舍建中二年由前資除比部員外郎出爲滁州刺史改刺江州追赴闕改左司郎中貞元初又歷蘇州罷守寓居永定精舍其後事迹究尋無所見肇又云開元以後位卑而著名者李北海王江寧李館陶鄭廣文元魯山蕭功曹張長史獨孤常州崔比部梁補闕韋蘇州以集中事及時人所稱考其仕宦本末得非遂止於蘇邪案白居易蘇州答劉禹錫詩云敢有文章替左司左司蓋謂應物也官稱亦止此有集十卷而綴敘猥并非舊次矣今取諸本校定仍所部居去其雜廁分十五總類合五百七十一篇題曰韋蘇州集舊或云古風集別號遺上西齋吟藁者又數卷可以繕寫嘉祐元年十二月二十二日太原王欽臣記

原
书
空
白
页

韋蘇州集卷第一

蘇州刺史韋應物

古賦一首

冰賦

雜擬二十一首

擬古詩十二首

雜體五首

與友生野飲效陶體一首

效何水部二首

效陶彭澤一首

燕集二十一首

大梁亭會李四栖梧作一首

燕李錄事一首

淮上喜會梁川故人一首

揚州偶會前洛陽盧耿主簿一首

賈常侍林亭燕集一首

月夜會徐十一草堂一首

移疾會詩客元生與釋子法明因貽諸曹一首

慈恩伽藍清會一首

夜偶詩客擇公作一首

與韓庫部會王祠曹宅一首

晦日處士叔園林燕集一首

扈亭西陂燕賞一首

西郊燕集一首

春宵燕萬年吉少府中孚南館一首

滁州園池燕元氏親屬一首

韋蘇州集 卷一

郡樓春燕一首

南塘泛舟會元六昆季一首

郡齋雨中與諸文士燕集一首 顧況詩附

軍中冬燕一首

司空主簿琴席一首

與村老對飲一首

古賦

冰賦

夏六月白日當午火雲四至金石灼爍玄泉潛沸雖深居廣廈珍簾輕簾而亦鬱鬱燠燠不能和平其氣陳王於是登別館散幽情招親友以高會尊仲宣爲客卿睹頒冰之適至喜煩暑之暫清王乃誇賓而歌曰含皎皎兮瓊玉姿氣淒淒兮奪天時飲之瑩骨兮何所思可進於賓請客卿爲寡人笑而賦之客諾曰笑則美矣而大王不識其短夫謂之瓊玉竊名器也氣奪天時干陰陽也內熱飲之煤其疾也寵一物而三失德且出寒暑而至下薦宗廟而至高僕竊感之而獻歎安得而不爲之抽毫何積陰之勝純陽兮惟此玄冰居炎天之赫赫兮獨嚴厲乎稜稜其始也月玄冥日北陸天地閉水泉縮動靜一變剛柔反覆壯以烈風積如羣玉由是依廣澶漫憑高崢嶸大寒御節萬物潛形浮彩浩浩仰吞素靈羣山早曙陰壑夜明古者祭之黑牡其藏以節被之桃弧其出以潔今明明大魏禮物必備實大王罇俎之常品非小民造次之所致若尊卑異等頒命有度碎似墜瓊方如截璐況粉壁雲叢象筵霜布座有麗人皎然俱素雖衆賓之同輝諒爲物之難固其竊名假質以謬一時之賞也如此若乃對脩竹臨方塘俾炎作寒兮反我天常嗟絺綌之失御於三伏兮亦紈扇委篋而內傷其嚴沍之威以干陰陽之候也如此若皎潔的皪與時消釋或沉珠於杯或化璞於液王將甘飲聊以自適豈知乎一寒一溫日

夜相激久之以生疾今內外不和而怵惕其詭意而煤疾也如此觀其劣足以淒一室利庖廚俾甘肥晚敗醇醲不渝非可調湊理安營魄奈何以誇客陳王於是絕然而慙曰寡人生於深宮慣於服食左右唯燕姬趙女侈服美色微客卿之言則何以雪余惑方當命有司而撤冰書盤盃以自式

雜擬

擬古詩十二首

其一

辭君遠行邁飲此長恨端已謂道里遠如何中險艱流水赴大壑孤雲還暮山無情尚有歸行子何獨難驅車背鄉園朔風一作吹卷行迹嚴冬霜斷肌日入不遑息憂歡一作懼客髮變寒暑人事易中心君詎知冰玉徒貞白客一作容

其二

黃鳥何關關幽蘭亦靡靡此時深閨婦日照紗一作綺窗裏娟娟雙青娥微微啓玉齒自惜桃李年誤身遊俠子無事久離別不知今生死

其三

峨峨高山巔浼浼青川流世人不自悟馳謝如驚蠹百金非所重厚意良難得旨酒親與朋芳年樂京國京城繁華地軒蓋凌晨出垂楊十二衢隱映金張室漢宮南北對飛觀齊白日游泳屬芳時一二遊冶詠康時平生自云畢

其四

綺樓何氛氲朝日正杲杲四壁含清風丹霞射其牖玉顏上哀嚶絕耳非世有但感離恨情不知誰家婦孤雲忽無色邊馬爲迴首曲絕碧天高餘聲散秋草徘徊惟中意獨夜不堪守思逐朔風翔一去千里道

其五

嘉樹藹初綠靡蕪吐幽芳君子不在賞寄之雲路長路長信難越惜此芳時歇孤鳥去不還緘情向天末

其六

月滿秋夜長驚鳥號北林天河橫未落斗柄當西南寒蛩悲洞房好鳥無遺音商飈一夕至獨宿懷重衾舊交日千里隔我浮與沉人生豈草木寒暑移此心

其七

酒星非所酌月桂不爲食虛薄空有名爲君長歎息蘭蕙雖可懷芳香與時息豈如凌霜葉歲暮靄顏色折柔將有贈延意千里客草木知賤微所貴寒不易

其八

神州高爽地遐瞰靡不通寒月野無緣寥寥天宇空陰陽不停馭貞脆各有終汾沮何鄙儉考槃何退窮反志解牽跼無爲尙勞躬美人奪南國一笑開芙蓉清鏡理容一作雲髮寒簾出深重豔曲呈皓齒舞羅不堪風慊慊情有待贈芳爲我容可嗟青樓月流影君帷中

其九

春至林木變洞房夕含清單居誰能裁好鳥對我鳴良人久燕趙新愛移平生別時雙鴛綺留此千恨情碧草生舊迹綠琴歇芳聲思一作願將魂夢歡反側寐不成單衣迷所次起望空前庭一二云單衣迷處所夕起望前庭孤影中自惻不知雙涕零

其十

秋天無留景萬物藏光輝落葉隨風起一作遠愁人獨何依華一作明月屢圓缺君還浩無期如何雨絕天一云如何雲雨絕一去音問一作塵遠

其十一

有客天一方寄我孤桐琴迢迢萬里隔託此傳幽音冰霜中自結龍鳳相與吟絃以明直道一云絃以昭清直漆以固一作形交深

其十二

白日淇上沒空闊生遠愁寸心不可限淇水長悠悠芳樹自妍芳一云有交結又云房樹正妍鬱春禽自相求徘徊東西廂孤妾誰與儔年華逐絲淚一落俱不一作難收

雜體五首

沉沉匣中鏡爲此塵垢蝕輝光何所如月在雲中黑南金既彫錯帶共輝飾空存一作有鑒物各坐使妍蚩或美人竭肝膽思照冰玉色自非磨瑩工日日空歎息

古宅一作宇集秋鳥羣號枯樹枝黃昏窺人室鬼物相與期居人不安寢搏擊思此時豈無鷹與鷂飽肉不肯飛既乖逐鳥節空養凌雲姿孤奉肉食恩何異城上鴟

春羅雙鴛鴦出自寒夜女心精煙霧色指歷千萬緒長安貴豪家一作室妖豔不可數裁此百日功唯將一朝舞舞罷復裁新豈一作寧思勞者苦

同聲自相應體質不必齊誰知賈人鐸能使大一作音樂諧鏗鏘發宮徵和樂變其哀人神既昭享鳳鳥一作皇亦下來豈非至賤物一奏升天階物情苟有合莫問玉與泥

碌碌荆山璞卞和獻君門荆璞非有求和氏非有恩所獻知國寶至公不待言是非吾一作語欲默此道今豈存

與友生野飲效陶體

攜酒花林下前有千載墳於時不共酌奈此泉下人始自翫芳物行當念徂春聊舒遠世蹤坐望還山雲且遂一懽笑焉知賤與貧

效何水部二首

玉宇含清一作秋露香籠散輕煙應當結沉抱難從茲夕眠

夕漏起遙怨蟲響亂秋陰反覆相思字中有故人心

效陶彭澤

霜露悴百草時菊獨妍華物性有如此寒暑其奈何撥英泛濁醪日入會田家盡醉茅簷下一生豈在多

燕集

大梁亭會李四栖梧作

梁王昔愛才千古化不泯平聲至今蓬池上遠集八方賓車馬平明合城郭滿埃塵逢君一相許豈要平生親入仕三十載如何獨未伸英聲久籍籍臺閣多故人置酒發清彈相與一作將樂佳辰孤亭得長望白曰下廣津富貴良可取一作求竭來西入秦秋風旦夕起安得客梁陳

燕李錄事

與君十五侍皇闈曉拂爐煙上赤墀花開漢苑經過處雪下驪山沐浴時近臣零落今猶一作誰在仙駕飄飄不可期此日相逢一作達君思一作非舊日一杯成喜亦一作又成悲

淮上喜會梁川故人

江漢會爲客相逢每醉還浮雲一別後流水十年間歡笑情如舊蕭疎鬢已班何因北一作不歸去淮上對一作有秋山

揚州偶會前洛陽盧耿主簿應物頃貳洛陽常有連騎之遊

楚塞故人稀相逢本不期猶存袖裏字忽怪鬢中絲客舍盈樽酒江行滿篋詩更能連騎出還似洛橋時

賈常侍林亭燕集

高賢侍天階一作階跡顯心獨幽朱軒鶩關右池館在東周繚繞接都城氤氳望嵩丘羣公盡詞客方駕永日遊朝旦氣候佳逍遙寫煩憂綠林靄已布華沼澹不流淩露摘幽草涉煙翫輕舟圓荷既出水廣廈可淹留放神遺所拘觥罰屢見酬樂燕良未極安知有沉浮醉

罷各云散何當復相求

月夜會徐十一草堂

空齋無一事岸幘故人期暫輟觀書夜還題翫月詩遠鍾高枕後清
露卷簾時暗覺新秋近殘河欲曙遲

移疾會詩客元生與釋子法朗因貽諸曹

對此嘉樹林獨有戚戚顏抱瘵知曠職淹旬非樂閑釋子來問訊詩
人亦扣關道同意一作請暫遣客散疾徐還園徑自幽靜玄蟬噪其
間高牕瞰遠郊暮色起秋山英曹幸休暇恨恨一作恨恨心所攀

慈恩伽藍清會

素友俱薄世屢招清景賞鳴鍾悟音聞宿昔心已往重門相洞達高
宇亦遐一作通朗嵐嶺曉城分清陰夏條長一作清條夏陰長氤氛
芳臺藹蕭散竹池廣平荷隨波泛迴飈激林響蔬食遵道侶泊懷遺
滯想何彼塵昏人區區在天壤

夜偶詩客操公作

塵襟一蕭灑清夜得禪公遠自鶴林寺了知人世空驚禽翻暗葉流
水注幽叢多謝非玄度聊將詩興同

與韓庫部會王祠曹宅作

閑一作開門蔭堤柳秋渠含夕清微風送荷氣坐客散塵纓守默共
無恹抱冲俱寡營良時頗高會琴酌共開情

晦日處士叔園林燕集

遽看冀葉盡坐闕芳年賞賴此林下期清風滌煩想始萌動新煦佳
禽發幽響嵐嶺對高齋春流灌蔬壤鱗酒遺形迹道言屢開獎幸蒙
終夕懽聊用稅歸轡

扈亭西陂燕賞

杲杲朝陽時悠悠清陂望嘉樹始氤氳春遊方浩蕩況逢文翰侶愛
此孤舟漾綠野際遙波橫雲分疊嶂公堂日爲倦幽襟自茲曠有酒

今滿盈願君盡弘量

西郊燕集

濟濟衆君子高宴及時光羣山靄遐曠綠野布熙陽列坐遵曲岸披
襟襲蘭芳野庖薦嘉魚激澗泛羽觴衆鳥鳴茂林綠草延高岡盛時
易徂謝浩思坐飄颻眷言同心友茲遊安可忘

春宵燕萬年吉少府中孚南館

始見斗柄迴復茲霜月霽河漢上縱橫春城夜迢遞賓筵接時彥樂
燕凌芳歲稍愛清觴滿仰數高文麗欲去返郊扉端爲一歡滯

滁州園池燕元氏親屬

日暮遊清池疏林羅一作籠高天餘綠飄霜露夕氣變風煙水門架
危閣竹亭列廣筵一展私烟禮屢歎芳罇前感往在茲會傷離屬頽
年明晨復云去且願此留連

郡樓春燕

衆樂雜軍鞞高樓邀上客思逐花光亂賞餘山景夕爲郡訪彫瘵守
程難損益聊假一杯歡暫忘終日迫

南塘泛舟會元六昆季

端居倦時煥輕舟泛迴塘微風飄襟散橫吹繞林長雲澹水容夕雨
微荷氣涼一寫惜勤意一云川上意寧用訴一作計華觴

郡齋雨中與諸文士燕集

兵衛森畫戟宴寢凝清海上風雨至逍遙池閣涼煩痼近一作正
消散嘉賓復滿堂自慙居處崇未覩斯民康理會是非遺性達形迹
忘鮮肥屬時禁蔬果幸見嘗俯飲一杯酒仰聆金玉章神歡體自輕
意欲凌風一作雲翔吳中盛文史羣彥今汪洋方知大藩地一作盛
豈曰財賦疆

奉同郎中使君郡齋雨中宴集之什州民朝議郎行饒州司

士參軍員外置同正員顧況

好鳥依嘉樹飛雨灑高城況與數一作古君子列座分兩楹一作公
南楹文雅一何麗一作盛林堂舍餘清我公未歸期遊子不待晴白
雲帝鄉遠滄江楓葉鳴拜手欲無言零泪如一作和酒傾寸心已摧
折別離方骨驚安得凌風翰肅肅賓天京

軍中冬燕

滄海已云晏皇恩猶念勤式燕徧恆秩柔遠及斯人茲邦實大藩伐
鼓軍樂陳是時冬服成戎士氣益振虎竹謬朝寄英賢降上賓旋罄
周旋禮婉無海陸珍庭中丸劍闌堂上鼓吹新光景不知晚觥酌豈
言頻單醪昔所感大釀況同忻顧謂軍中士仰答何由申

司空主簿琴席

煙華方散薄蕙氣猶含露澹景發清琴幽期默玄一作云悟留連白
雪意斷續迴風度掩抑雖已終忉忉在幽素

與村老對飲

鬢眉雪色猶嗜酒言辭淳朴古人風鄉村年少生離亂見話先朝如
夢中

韋蘇州集卷第一

原
书
空
白
页

寄贈上六十二首

城中臥疾知聞薛二子屢從邑令飲因以贈之一首

聽嘉陵江水聲寄深上人一首

高陵書情寄三原盧少府一首

假中對雨呈縣中寮友一首

贈蕭河南一首

示從子河南尉班一首

趨府候曉呈兩縣寮友一首

贈李儋一首

贈盧嵩一首

寄馮著一首

早春對雪寄前殿中元侍御一首

贈王侍御一首

將往江淮寄李十九儋一首

自鞏洛舟行入黃河即事寄府縣僚友一首

寄盧庾一首

發廣陵留上家兄兼寄上長沙一首

初發楊子寄元大校書一首

淮上即事寄廣陵親故一首

寄洪州幕廬二十一侍御一首

經少林精舍寄都邑親友一首

同長源歸南徐寄子西子烈有道一首

雪中聞李儋過門不訪聊以寄贈一首

同德精舍養疾寄河南兵曹東廳掾一首

同德寺兩後寄元侍御李博士一首

同德閣期元侍御李博士不至各投贈二首

使雲陽寄府曹一首

過扶風精舍舊居簡朝宗巨川兄弟一首

贈令狐士曹一首

贈馮著一首

對雨寄韓庫部協一首

寄子西一首

縣內閑居贈溫公一首

對雪贈徐秀才一首

西郊遊宴寄贈呂僊李巽一首

對雨贈李主簿高秀才一首

休沐東還胄貴里示端一首

朝請後還邑寄諸友生一首

禮上西齋寄諸友一首

獨遊西齋寄崔主簿一首

紫閣東林居士叔緘賜松英丸捧對欣喜蓋非塵侶之所當

服輒獻詩代啓一首

秋集罷還途中作獻壽春公一首

閑居贈友一首

四禪精舍登覽悲舊寄朝宗巨川兄弟一首

善福閣對雨寄李儋幼遐一首

寺居獨夜寄崔主簿一首

九日禮上作寄崔主簿倬二季端繫一首

西郊養疾聞暢校書有新什見示久佇不至先寄此詩一首

禮上寄幼遐一首

善福精舍示諸生一首

晚出澧上贈崔都水一首

寓居澧上精舍寄千張二舍人一首

開元觀懷舊寄李二韓二裴四兼呈崔郎中嚴家令一首

春日郊園寄萬年吉少府中孚三原元少府偉夏侯校書審

一首

澧上醉題寄滌武一首

西郊期滌武不至書示一首

澧上對月寄孔諫議一首

將往潯城戀新竹簡崔都水示端一首

還闕首途寄精舍親友一首

秋夜南宮寄澧上二弟及諸生一首

塗中書情寄澧上兩弟因送二甥却還一首

雪後下朝呈省中一絕

寄贈上

城中臥疾知閭薛二子屢從邑令飲因以贈之

車一作良馬曰蕭蕭胡不枉一作在我廬方來從令飲臥病獨何如

秋風起漢一作江皋開戶望平蕪即此悵一作稀音素一作表焉知

中密疎渴者不思火寒者不求水人生羈寓一作旅時去就當如此

猶希心異跡一作從利心異異眷眷存終始

聽嘉陵江水聲寄深上人

擊崖泄奔湍稱古神禹跡夜喧山門店獨宿不安席水性自云一作

爲靜石中本無聲如何兩相激雷轉空山驚胎之道門舊了此物我

情

高陵書情寄三原盧少府

直方難爲進守此微賤班開卷不及顧沉埋案牘間兵凶久一作互

相踐後賦豈得閑促戚下可哀寬政身致患日夕思自退出門望故

山君心儻如此攜手相與還

假中對雨呈縣中僚友

卻足甘一作堪爲笑閑居夢杜陵殘鷺知夏淺社一作時雨報年登

流麥非關忘收書獨不能自然憂曠職緘此謝良朋

贈蕭河南

厭劇辭京縣褒賢待詔書鄭侯方繼業潘令且閑居露後三川冷秋

深一作餘萬木疎對琴無一事新興復何如

示從子河南尉班并序

永泰中余任洛陽丞以撲扶軍騎時從子河南尉班亦以剛直爲政

俱見訟於居守因詩示意府縣好我者豈曠斯文

拙直余恆守公方爾所存同占朱鳥剋俱起小人言立政思懸棒謀

身類觸藩不能林下去祗戀府廷恩

趨府候曉呈兩縣僚友

趨府不遑安中宵出戶看滿天星尙在近壁燭仍一作猶殘立馬頻

驚曙垂簾却避寒可憐同宦者應一作始悟下流難

贈古儋

絲桐本異質音響合一作今自然吾觀造化意二物相因緣誤觸龍

鳳嘯靜聞寒夜泉心神自安宅煩慮頓可捐何因知久要絲白漆亦

堅

贈盧嵩

百川注東海東海無虛盈泥滓不能濁澄波非益清恬然自安流日

照萬里晴雲物不隱象三山共分明奈何疾風怒忽若基柱傾海水

雖無心洪濤亦相驚怒號在倏忽誰識變化情

寄馮著

春雷起萌蟄土壤日已疎胡能遭感明才俊伏里閭偃仰遂真性所

求唯斗儲披衣出茅屋盥漱臨清渠吾道亦自適退身保玄虛幸無
職事牽且覽按上書親友各馳驚誰當訪弊廬思君在何夕明月照
廣除

早春對雪寄前殿中元侍御

掃雪開幽徑端居望故人猶殘臘月酒更值早梅春幾日東城陌何
時曲水濱聞閑且共賞莫待繡衣新

贈王侍御

心同野鶴與塵遠詩似冰壺見底清府縣同趨昨日事升沉不改故
人情上陽秋晚蕭蕭雨洛水寒來夜夜聲自歎猶爲折腰吏一作客
可憐驄馬路傍行

將往江淮寄李十九儋余自西京至李又發河洛同道不遇

驚鷺東向來文鷁亦西飛如何不相見羽翼有高卑徘徊到河洛華
屋未及窺秋風飄我行遠與淮海期迴首隔煙霧遙遙兩相思陽春
自當返短翮欲追隨

自鞏洛舟行入黃河卽事寄府縣僚友

夾水蒼山路向東東南山豁大河通寒樹依微遠天外夕陽明滅亂
流中孤村幾歲臨伊岸一鴈初晴下朔風爲報洛橋遊宦侶扁舟不
繫與心同

寄盧庾

悠悠遠離別分此歡會難如何兩相近反使心不安亂髮思一櫛垢
衣思一浣協韻豈如望友生對酒起長嘆時節異京洛孟冬天未寒
廣陵多車馬日夕自遊盤獨我何耿耿非君誰爲歡

發廣陵留上家兄兼寄上長沙

將違安可懷宿戀復一方家貧無舊業薄宦各飄颻執板身有屬淹
時心恐惶拜言不得留聲結淚滿裳漾漾動行舫亭亭遠相望離晨
苦須臾獨往道路長蕭條風雨過得此海氣涼感秋意已違況自結

中腸推道固當遣及情豈所忘何時共還歸舉翼鳴春陽

初發揚子寄元大校書

悽悽去親愛泛泛入煙霧歸棹洛陽人殘鍾廣陵樹今朝此爲別何
處還相遇世事波上舟汾河安得住

淮上卽事寄廣陵親故

前舟已眇眇欲渡誰相待秋山起暮鍾楚雨連滄海風波離思滿一
作還宿昔容鬢改獨鳥下東南廣陵何處在

寄洪州幕府盧二十一侍御自南昌令并頃同官洛陽

忽報南昌令乘驄入郡城同時趨府客此日望塵迎文苑臺中妙冰
壺幕下清洛陽相去遠猶使故林榮

經少林精舍寄都邑親友

息駕依松嶺高閣一攀緣前瞻路已窮旣詣喜更延出巘聽萬籟入
林濯幽泉鳴鍾生道心暮磬一作鶴空雲煙獨往雖暫適多累終見
牽方思結茅地歸息期暮年

同長源歸南徐寄子西子烈有道

東洛何蕭條相思邈遐路策駕復誰遊入門無與晤一作出入亦無
晤還因送歸客達此緘中素屢睽心所歡豈得顏如故所歡不可睽
嚴霜晨淒淒如彼萬里行孤妾守空閨臨觴一長歎素欲何時諧

雪中聞李儋過門不訪聊以寄贈

度門能不訪冒雪屢西東已想人如玉遙憐馬似驄乍迷金谷路稍
變上陽宮還比相思意紛紛正滿空

同德精舍養疾寄河南兵曹東廳掾

逍遙東城隅雙樹寒葱蒨廣庭流華月高閣凝餘霞杜門非養素抱
疾阻良讌孰謂無他人思君歲云變官曹亮先忝陳躅慙俊彥豈知
晨與夜相代不相見緘書問所如一云所知訓藻當分綯

同德寺雨後寄元侍御李博士

川上風雨來須臾滿城闕岩嶢青連界一作宇蕭條孤興發前山遠
已淨陰靄夜來歇喬木生夏涼流雲吐華月巖城自有限一水非難
越相望曙河一作何遠高齋坐超忽

同德閣期元待御李博士不至各投贈二首

庭樹忽已暗故人一作何不來祇應默煩暑永日坐霜臺
官榮多所繫閑居亦憊期高閣猶相望青山欲暮時

使雲陽寄府曹

夙駕祇府命冒炎不遑息百里次雲陽閭閻問漂溺上天屢憊氣胡
不均寸澤仰瞻喬樹顛見此洪流跡良苗免湮沒蔓草生宿昔頽墉
滿故墟返喜將安宅周旋涉塗潦側峭緣溝脈仁賢憂斯民賤子甘
所役公堂衆君子言笑思與覲

過扶風精舍舊居簡朝宗巨川兄弟

佛剎出高樹晨光閭井中年深念陳跡迨此獨忡忡零落逢故老寂
寥悲草蟲舊宇多改構幽篁延本聚栖止事如昨芳時去已空佳人
亦攜手再往今不同新文聊感舊想子意無窮

贈令狐士曹自八月朔日同使藍田淹留涉季事先半日而

不相待故有戲贈

秋簷一作霜滴滴對床寢山路迢迢聯騎行到家俱及東籬菊何事

先歸半日程

贈馮著

契闊仕兩京念子亦飄蓬方來屬追往十載事不同歲晏乃云至微
褐還未充慘悽遊子情風雪自關東華觴發懽懽嘉藻播清風始此
盈抱恨曠然一夕中善蘊豈輕售懷才希國工誰當念素士零落歲
華空

對雨寄韓庫部協

颯至池館涼靄然和曉霧蕭條集新荷氛氲散高樹閑居興方澹默

想心已屢暫出仍濕衣況君東城住

寄子西

夏景已難度懷賢思方續喬樹落疎陰微風散煩燠傷離枉芳札忻
遂見心曲藍上舍已成田家雨新足託鄰素多欲一作願殘秩猶見
東日夕上高齋但望東原綠

縣內閑居贈溫公

滿郭春色風已昏鷗栖散吏掩重門雖居世網常清淨夜對高僧無
一言

對雪贈徐秀才

靡靡寒欲收靄靄陰還結晨起望南端千林散春雪妍光屬瑤階亂
緒陵新節無爲掩扉臥獨守袁生轍

西郊遊宴寄贈邑僚李巽

升陽暖春物置酒臨芳席高宴闕英僚衆賓歡懽是時尚多疊板
築興頽壁轟旅念越疆領徒方祗役如何嘉會日當子憂勤夕西郊
鬱已茂春風重如積何當返徂雨雜英紛可惜

對雨贈李主簿高秀才

邈迤曙雲薄散漫東風來青山滿春野微雨灑輕埃吏局勞佳士賓
筵得上才終朝狎文墨高興共徘徊

休沐東還寄貴里示端

宦遊三十載田野久已疎休沐遂茲日一來還故墟山明宿雨霽風
暖百卉舒泓泓野泉潔熠熠林光初竹木稍摧翳園場亦荒蕪俯驚
鬢已衰周覽昔所娛存沒惻私懷遷變傷里閭欲言少留心中復畏
簡書世道良自退榮名亦空虛與子終攜手歲晏當來居

朝請後還邑寄諸友生

宰邑分旬服夙駕朝上京是時當暮春休沐集友生抗志青雲表俱
踐高世名樽酒且歡樂文翰亦縱橫良遊昔所希累譙夜復明晨露

含瑤琴夕風殞素英一旦導歸路伏軾出京城誰言再念別忽若千里行閉閣寡誼訟端居結幽情況茲畫方永展轉何由平

灋上西齋寄諸友 七月中善福之西齋作

絕岸臨西野曠然塵事遙清川下邇迤茅棟上岩嶢翫月愛佳夕望山屬清朝俯砌視歸翼開衿納遠颺等陶辭小秩効朱方負樵閑遊忽無累心跡隨景超明世重才彥雨露降丹霄羣公正雲集獨予忻寂寥

獨遊西齋寄崔主簿

同心忽已別昨事方成昔幽逕還獨尋綠苔見行跡秋齋正蕭散煙水易昏夕憂來結幾重非君不可釋

紫閣東林居士叔緘賜松英丸捧對忻喜蓋非塵侶之所當

服輒獻詩代啓

碧澗蒼松五粒稀侵雲采去露沾衣夜啓羣仙合靈藥朝思俗侶寄將歸道場齋戒今初服人事羣羶已覺非一望嵐峯拜還使腰間銅印與心違

秋集罷還途中作謹獻壽春公黎公

束帶自衡門奉命宰王畿君侯枉高鑒舉善掩瑕疵斯民本已安工拙兩無施何以酬明德歲晏不磷緇時節乃來集欣懷方載馳平明大府開一得拜光輝溫如春風至肅若嚴霜威羣屬所載瞻而忘倦與飢公堂燕華筵禮罷復言辭將從平明道憩車灋水湄山川降嘉歲草木蒙潤滋敦云還本邑懷戀獨遲遲

閑居贈友

補吏多下遷罷歸聊自度園廬既蕪沒煙景空澹泊閑居養病瘵守素甘葵藿顏鬢日衰耗冠帶亦寥落青苔已生路綠筠始分穉夕氣下遙陰微風動疎薄草玄良見諂杜門無請託非君好事者誰來顧寂寞一作誰能

四禪精舍登覽悲舊寄朝宗巨川兄弟

蕭散人事憂迢遘古原行春風日已暄百草亦復生躋閣謁金像攀雲造禪局新景林際曙雜花川上明但歲方緬邈陳事尚縱橫溫泉有佳氣馳道指京城攜手思故日山河留恨情存者邈難見去者已冥冥臨風一長慟誰畏行路驚

善福閣對雨寄李儋幼遐

飛閣凌太虛晨躋鬱崢嶸驚飈觸懸檻白雲冒層甍太陰布其地密雨垂八紘仰觀固不測俯視但冥冥感此窮秋氣沉鬱命友生及時未高步羈旅遊帝京聖朝無隱才品物俱昭形國士秉繩墨何以表堅貞寸心東北馳思與一會并我車風已駕將逐晨風征郊塗佳成淹默默阻中情

寺居獨夜寄崔主簿

幽人寂不一作無寐木葉紛紛落寒雨暗更深更流螢度高閣坐使青燈曉還傷夏衣薄寧知歲方晏離居更蕭索

九日灋上作寄崔主簿倬二李端繫

淒淒感時節望望臨灋涘翠嶺明華秋高天澄遙滓川寒流愈迅霜交物初萎林葉索已空晨禽迎颺起時菊乃盈泛濁醪自爲美良遊雖可娛殷念在之子人生不自省營欲無終已孰能同一酌陶然冥斯理

西郊養疾聞暢校書有新什見贈久佇不至先寄此詩

養病愜清夏郊園數卉木窗夕一作戶含澗涼雨餘愛筠綠披懷始高詠對琴轉幽獨仰子遊羣英吐詞如蘭馥還聞枉嘉藻佇望延昏旭唯見草青青閉門灋水曲

灋上寄幼遐

寂寞到城闕惆悵返柴荆端居無所爲念子遠徂征夏晝人已息我懷獨未寧忽從東齋起兀兀尋澗行冒星叢榛密披翫孤花明曠然

西南望一極山水情周覽同遊處逾恨阻音形壯圖非旦夕君子勤
令各勿復久留燕蹉跎在北京

善福精舍示諸生

湛湛嘉樹陰清露夜景沉悄然羣物寂高閣似陰岑方以玄默處豈
爲名跡侵法妙一作泛如不知歸獨此抱冲襟齋舍無餘物陶器與
單衾諸生時列坐共愛風滿林

晚出澧上贈崔都水

臨流一舒嘯望山意轉延隔林分落景餘霞明遠川首起趣東作已
看耘夏田一從民里居歲月再徂還味質得全性世名良自牽行忻
攜手歸聊復飲酒眠

寓居澧上精舍寄于張二舍人

萬木藂雲出香閣西連碧澗竹林園高齋猶宿遠山曙微霰下庭寒
雀喧道心淡泊對流水生事蕭疎空掩門時憶故交那得見曉排闥
闔奉明恩

開元觀懷舊寄李二韓二裴四兼呈崔郎中嚴家令

宿昔清都燕分散各西東車馬行跡在霜雪竹林空方軫故物念誰
復一樽同聊披道書暇還此聽松風

春日郊居寄萬年吉少府中孚三原少府偉夏侯校書審

谷鳥時一囀田園春雨餘光風動林早高窗照日初獨飲澗中水吟
詠老氏書城闕應多事誰憶此閑居

澧上醉題寄滌武

芳園知夕燕西郊已獨還誰言不同賞俱是醉花間

西郊期滌武不至書示

山高鳴過雨澗樹一云林凋落殘花非關春不待當由期自賒

澧上對月寄孔諫議

思懷在雲關泊素守中林出處雖殊跡明月兩知心

將往餘城戀新竹簡崔都水示端

停車欲去繞叢竹偏愛新筠十數竿莫遣兒童觸瓊粉留待幽人迴
日看

還闕首途寄精舍親友

休沐日云滿冲然將罷觀嚴車候門側晨起正一作整朝冠山澤舍
餘兩川澗注驚湍攬轡遵東路一云登前路迴首一長歎居人已不
見高閣在林端

秋夜南宮寄澧上二弟及諸生

暝色起煙閣沉抱積離憂況茲風雨夜蕭條梧葉秋空宇感涼至顏
顏驚歲周日夕遊闕下山水憶同遊

塗中書情寄澧上兩弟因送二甥却還

華簪豈足戀幽林徒自違遙知別後意寂寞掩郊扉迴首昆池上更
羨爾同歸

雪後一作夜下朝呈省中一絕

南望青山滿禁闥曉陪鸞鷟正差池共愛朝來何處雪蓬萊宮裏拂
松枝

韋蘇州集卷第二

韋蘇州集卷第三

蘇州刺史韋應物

寄贈下六十二首

寄柳州韓司戶郎中一首

寄令狐侍郎一首

閑居寄端及重陽一首

園林晏起寄昭應韓明府盧主簿一首

寄大梁諸友一首

新秋夜寄諸弟一首

郊園聞蟬寄諸弟一首

寄中書劉舍人一首

郡齋感秋寄諸弟一首

郡中對雨贈元錫兼簡楊凌一首

冬至夜寄京師諸弟懷崔都水一首

元日寄諸弟兼呈崔都水一首

寄職方劉郎中一首

社日寄崔都水及諸弟羣屬一首

寒食日寄諸弟一首

贈李儋侍御一首

寄楊協律一首楊詩附

郡齋贈王卿一首

簡恒璨一首

閑居寄諸弟一首

登樓寄王卿一首

寄暢當一首

贈崔員外一首

寄李儋元錫一首

京師叛亂寄諸弟一首

贈琮公一首

寄諸弟一首

寄恒璨上元一首

簡郡中諸生一首

寄全椒山中道士一首

寄釋子良史酒一首

重寄一首

答釋子良史送酒瓢一首

簡陟巡建三甥一首

覽襄子臥病一絕聊以題示一首

寄璨師一首

寄盧陟一首

塗中寄楊翫裴緒示襄子一首

宿永陽寄璨律師一首

雪行寄襄子一首

寄裴處士一首

偶入西齋院示釋子恒璨一首

示全真元常一首

寄劉尊師一首

寄廬山樸衣居士一首

因省風俗與從姪成緒遊山水中道先歸寄示一首

寒食寄京師諸弟一首

歲日寄京師諸季端武等一首

簡盧陟一首

西澗卽事示盧陟一首

登郡樓寄京師諸季淮南子第一首

寄黃尊師一首

寄黃劉二尊師一首

秋夜寄丘二十二員外一首上詩附

贈丘員外二首上詩附

贈李判官一首

寄皎然上人一首

贈舊識一首

復理西齋寄丘員外一首

和張舍人夜直中書寄吏部劉員外一首

和李二主簿寄淮上基母二一首

寄二嚴一首

寄贈下

寄柳州韓司戶郎中

達一作遠識與味機智殊跡同靜於焉得攜手屢賞清夜景蕭灑陪
高詠從容羨華省一逐風波還南登桂陽嶺舊里門空掩歡一作薪
遊事皆屏悵望城闕遙幽居時序永春風吹百卉和煦變閭井獨悶
終日眠篇書不復省唯當望雨露霑子荒遐境

寄令狐侍郎

三山有瓊樹霜雪色逾新始自風塵交中結綢繆姻西掖方掌誥南
宮復司春夕燕華池月朝奉玉階塵衆寶歸和氏吹噓多俊人羣公
共然諾聲問邁時倫孤鴻既高舉燕雀在荆榛翔集且不同豈不欲
殷勤一日遷南郡江湖渺無垠寵辱良未定君子豈緇磷寒暑已推
斥別離生苦辛非將會面日書札何由申

閑居寄端及重陽

山明野寺曙鐘微雪滿幽林人跡稀閑居寥落生高興無事風塵獨
不歸

園林晏起寄昭應韓明府盧主簿

田家已耕作井屋起晨煙園林鳴好鳥閑居猶獨眠不覺朝已晏起
來望青天四體一舒散情性亦忻然還復茅簷下對酒思數賢東帶
理官府簡牘盈目前當念中林賞覽物遍山川上非遇明世庶以道
自全

寄大梁諸友

分竹守南譙弭節過梁池雄都衆君子出餞擁河湄燕謔始云洽方
舟已解維一爲風水便但見山川馳昨日次睢陽今夕宿符離雲樹
愴重疊煙波念還期相敦在勤事海內方勞師

新秋夜寄諸弟

兩地俱秋夕相望共一作在星河高梧一葉下空齋歸思多方憂
人瘼況自抱微病無將別來近顏鬢已蹉跎

郊園聞蟬寄諸弟

去歲郊園別聞蟬在蘭省今歲臥南譙蟬鳴歸路永夕響依山郭餘
悲散秋景一作餘聲發秋嶺緘書報此時一作遠景此心方耿耿

寄中書劉舍人

雲霄路竟別中年跡暫同比翼趨丹陛連騎下南宮佳詠邀清月幽
賞滯芳叢迨予一出守與子限西東晨露方愴愴一作蒼離抱更忡
忡忽睹九天詔秉綸歸國工玉座浮香氣秋禁散涼風應向橫門渡
一作旁環珮杳玲瓏光輝恨未曠歸思坐難通蒼蒼松桂姿想在掖
垣中

郡齋感秋寄諸弟

首夏辭舊國窮秋臥滁城方如昨日別忽覺徂歲驚高閣收煙霧池
水晚澄清一作明戶牖已淒爽晨夜感深情昔遊郎署間是月天氣

晴一作清授衣還西郊曉露田中一作野行采菊投酒中昆弟自同
傾簪組聊挂壁焉知有世榮一日居遠郡山川間音形大道庶無累
及茲念已盈

郡中對雨贈元錫兼簡楊凌

宿雨冒空山山城響秋葉沉沉暮色至淒淒涼氣入蕭條林表散的
矚荷上集夜霧着衣重新苔侵履濕茲端憂日賴與嘉賓接

冬至夜寄京師諸弟兼懷崔都水

理郡無異一作美政所憂在素食徒令去京國羈旅當歲寒子一作
玄月生一氣陽景極南端已懷時節感更抱別離酸私燕席一作夕
云罷還齋夜方闌遠暮沉空宇一作月孤燭照床單應同茲夕念寧
忘故歲歡川塗恍悠邈涕下一闌干

元日寄諸弟兼呈崔都水

一從守茲郡兩鬢生素髮新正加我年故歲去超忽淮濱益時候了
似仲秋月川谷風景溫城池草木發高齋屬多暇悵悵臨芳物日月
味還期念君何時歇

寄職方劉郎中

相聞二十載不得展平生一夕一作日南宮遇聊用寫中情端服光
朝次羣列幕一作器英聲歸來坐粉闥揮筆乃縱橫始陪文翰遊歡
燕難久并予因謬忝出君爲沉疾嬰別離寒暑過荏苒春草生故園
茲日隔新禽池上鳴郡中永無事歸思徒自盈

社日寄崔都水及諸弟羣屬

山郡多暇日社時放吏歸坐閣獨成悶行塘閱清輝春風動高柳芳
園掩夕扉遙思里中會心緒悵微微

寒食日寄諸弟

禁火暖佳辰念離獨傷抱見此野田花心思杜陵道聯騎定一作竟
何時予今顏已老

三月三日寄諸弟兼懷崔都水

暮節看已謝茲晨愈可惜風澹意傷春池寒花斂夕一作色對酒始
依依懷人還的的誰當曲水行相思尋舊跡

贈李儋侍御

風光山郡少來看廣陵春殘花猶待客莫問意中人

寄楊協律

吏散門閣掩烏鳴山郡中遠念長江別俯覺座隅空舟泊南池雨簾
卷北樓風併罷芳樽燕爲愴昨時同

奉酬滁州寄示

楊凌

淮陽一作南爲郡暇坐惜流芳歇散懷累樹風清暑澄潭月陪燕辭
三楚戒途綿百越非當遠別離雅奏何由發

郡齋贈王卿

無術謬稱簡素食空自嗟秋齋雨成滯山藥寒始華淺落人皆笑幽
獨歲逾賒唯君出塵意賞愛似山家一作僧家

簡恒燦

室一作臺虛多涼氣一作風天高屬秋時空庭夜風雨草木曉離披
簡書日云曠文墨誰復持聊因遇澄靜一與道人期

閑居寄諸弟

秋草生庭白露時故園諸弟益相思盡日高齋無一事芭蕉葉上獨
題詩

登樓寄王卿

路閣攀林恨不同楚雲滄海思無窮數家砧杵秋山下一郡荆榛塞
雨中

寄暢當聞以子弟被召從軍

寇賊起東山英俊方未閑聞君新應募籍籍動京關出身文翰場高
步不可攀青袍未及解白羽插腰間昔爲瓊樹枝一作姿今有風霜

顏秋郊細柳道走馬一夕還丈夫當爲國破敵如摧山何必事州府
坐使鬢毛斑

贈崔員外

一別十年事相逢淮海濱還思洛陽日更話府中人且對清觴滿寧
知白髮新忽忽何處去車馬冒風塵

寄李儋元錫

去年花裏逢君別今日花開已一年世事茫茫難自料春愁黯黯一
作忽忽獨成眠身多疾病思田里邑有流亡愧俸錢聞道欲來相問
訊西樓望月幾迴圓

京師叛亂寄諸弟

弱冠遭世難二紀猶未平羈離官一作守遠郡虎豹滿西京上懷犬
馬戀下有骨肉情歸去在何時流淚忽霑纓憂來上北樓左右但軍
營函谷行人絕淮南春草生鳥鳴野田間思憶故園一作里行何當
四海晏甘與齊民耕

贈琮公

山僧一相訪吏案正盈前出處似殊致喧靜兩皆一作依禪暮春華
池宴清夜高齋眠此道本無得寧復有忘筌

寄諸弟建中四年十月三日京師兵亂自滁州間道遣使明
年與元甲子歲五月九日使還作

歲暮兵戈亂京國帛書問道訪存亡還信忽從天上落唯知彼此淚
千行

寄恒燦

心絕去來緣跡一作踵順一作斷人間事獨尋秋草徑夜宿寒山寺
今日郡齋閑思問楞伽字

簡郡中諸生

守郡臥秋閣四面盡荒山此時聽夜雨孤燈照窗間藥園日蕪漫書

帷長自閑惟當上客至論詩一解顏

寄全椒山中道士

今朝郡齋冷忽念山中客澗底東一作采荆薪歸來賣白石欲持一
瓢酒遠慰風雨夕落葉滿空山何處尋行跡慰一作寄滿一作遍

寄釋子良史酒

秋山僧病冷聊寄三五杯應瀉山瓢裏還寄此瓢來

重寄

復寄滿瓢去定見空瓢來若不打瓢破終當費酒材

答釋子良史送酒瓢

此瓢今已到山瓢知已空且飲寒塘水遙將回也同一作遙知回也
風

簡陟巡建三甥廬氏生

忽羨後生連榻話獨依寒燭一齋空時流歡笑事從別把酒吟詩待
爾同

覽襄子臥病一絕聊以題示沈氏生全真

念子抱沉疾霜露變滁城獨此高窗下自然無世情

寄璨師

林院生夜色西廊上紗燈時憶長松下獨坐一山僧

寄盧陟

柳葉遍寒塘曉霜凝高閣累日此留連別來成寂寞

途中寄楊逸裴緒示襄子永陽縣館中作

上宰領淮右下國屬星馳霧野騰曉騎霜竿裂凍旗蕭蕭陟連岡莽
莽望空陂風截鴈喉唳雲慘樹參差高齋明月夜中庭松桂委當暎
一酌恨況此兩旬期

宿永陽寄璨律師

遙知郡齋夜凍雪封松竹時有山僧來懸燈獨宿宿

雪行寄塞子

浙瀝覆寒騎飄飄暗川容行子郡城曉披雲看杉松

寄裴處士

春風駐遊騎晚景澹山暉一問清冷子獨掩荒園扉草木雨來長里
閨人到稀方從廣陵宴花落未言歸

偶入西齋院示釋子恒燦

僧齋地雖密忘子跡要賒一來非問訊自是看山花

示全真元常元常趙氏生

余辭郡符去爾爲外事牽寧知風雪夜復此對床眠始話南池飲更
詠西樓篇無將一會易歲月坐推遷

寄劉尊師

世間冉冉繁此身長望碧山到無因白鶴徘徊看不去始知下有清
都人

寄廬山樓衣居士

兀兀山行無處歸山中猛虎識樓衣俗客欲尋應不遇雲溪道士見
猶稀

因省風俗與從姪成緒遊山水中道先歸寄示

累宵同燕酌十舍攜征騎始造雙林寂遐搜洞府秘羣峰繞盤鬱懸
泉仰特一作時異陰壑雲松埋陽崖煙花媚每慮觀省牽中乖遊踐
志我尚山水行子歸棲息地一操臨流袂上聳干雲鬱獨往倦危途
懷沖一作州寒幽致賴爾還都期方將登樓遲

寒食寄京師諸弟

雨中禁火空齋冷江上流鸞獨坐聽把酒看花想諸弟杜陵寒食草
青青

歲日寄京師諸季端武等

獻歲抱深惻僑居念歸緣常患親愛離始覺世務牽少事河陽府晚

守淮南壩平生幾會散已及蹉跎年昨日罷符竹家貧遂留連部曲

多已散車馬不復全閑將酒爲偶默以道自詮聽松南巖寺見月西
澗泉爲政無異術當責豈望遷終理一作裏來時裝歸鑿杜陵田

簡盧陟

可憐白雪曲未遇知音人恁遠戎旅下蹉跎淮海濱澗樹含朝雨山
鳥啼餘春我有一瓢酒可以慰風塵

西澗卽事示盧陟

寢扉臨碧澗晨起澹忘情空林細雨至圓文遍水生永日無餘事山
中伐木聲知子塵喧久暫可散煩纓

登郡樓寄京師諸季淮南子弟

始罷永陽守復臥潯陽樓懸檻飄寒雨危堞侵一作浸江流迨茲聞
鴈夜重憶別離秋徒有盈樽酒鎮此百端憂

寄黃尊師

結茅種杏在雲端掃雪焚香宿石壇靈祇不許世人到忽作雷風登
嶺難

寄黃劉二尊師

廬山兩道士各在一峯居矯掌白雲表晞髮陽和初清夜降真侶焚
香滿空虛一作廬中有無爲樂自然與世疎道尊不可屈符守豈暇
餘高齋遙致敬願示一編書

秋夜寄丘二十二員外

懷君屬秋夜散步詠涼天山空松子落幽人應未眠

奉酬寄示

丘丹

露滴梧葉鳴風秋桂花發中有學仙侶吹簫弄山月

贈丘員外二首

高詞塞浮靡貞行表鄉閭未真南宮拜聊偃東山居大藩本多事日
與文章疎每一覩之子高詠遂起予宵晝方連燕煩悵亦頓祛格言

雅誨闕善謔矜數餘久跼思遊曠窮慘遇陽舒虎丘愜登眺吳門悵
躊躇方此戀攜手豈云還舊墟告諸吳子弟文學爲何如
跡與孤雲遠心將野鶴俱那同石氏子每到府門趨

奉酬

丘丹

久作煙霞侶暫將簪組親還同褚伯玉入館忝州人

贈李判官

良玉定爲寶長材時所希佐幕方巡郡委命布恩威食蔬程獨守飲
冰節靡違決獄興邦頌高文稟天機賓館在林表望山啓西扉下有
千畝田決滌吳土肥始耕已見穫袵褌今授衣政拙勞詳省淹留未
得歸雖慚且忻願日夕覩光輝

寄皎然上人

吳興老釋子野雪蓋精廬詩名徒自振道心長晏如想茲棲禪夜見
月東峰初鳴鐘一作磬驚巖壑焚香滿空虛叨慕端成舊未識豈爲
疎願以碧雲思方君怨別餘茂苑文華地流水古僧居何當一遊詠
倚閣吟躊躇

贈舊識

少年遊太學負氣蔑諸生蹉跎三十載今日海隅行

復理西齋寄丘員外

前歲理西齋得與君子同迨茲已一周悵望臨春風始自疎林竹還
復長榛叢端正良難久蕪穢易爲功援斧開衆鬱如師啓羣蒙庭宇
還清曠煩抱亦舒通海隅雨雪霽春序風景融時物方如故懷賢思
無窮

和張舍人夜直中書寄吏部劉員外

西垣草詔罷南宮憶上才月臨蘭殿出涼自鳳池來松桂生丹禁鶯
鶯集雲臺託身各有所相望徒徘徊

和李二主簿寄淮上綦母三

滿城憐傲吏終日賦新詩請去聲報淮陰客春帆浪作音佐期
寄二嚴士良參政 士元柳牧

絲竹久已懶今日遇君忼打破蜘蛛千道網總爲鶻鶻兩箇嚴

韋蘇州集卷第三

韋蘇州集卷第四

蘇州刺史韋應物

送別六十六首

李五席送李主簿歸西臺一首

送崔押衙相州一首

送宣城路錄事一首

送李十四山人東遊一首

送李二歸楚州一首

送闍黎赴東川辟一首

送令狐岫宰恩陽一首

送馮著受李廣州署爲錄事一首

送元倉曹歸廣陵一首

送唐明府赴溧水一首

喜於廣陵拜觀家兄奉送還池州一首

送章八元秀才擢第往上都應制一首

送張侍御秘書江左覲省一首

賦得鼎門送盧耿赴任一首

賦得浮雲起離色送鄭述誠一首

錢雍聿之潞州謁李中丞一首

上東門會送李幼舉南游徐方一首

送洛陽韓丞東遊一首

送鄭長源一首

送李儋一首

賦得暮雨送李渭士曹一首

留別洛京親友一首

賦得沙際路送從叔象一首

送榆次林明府一首

雜言送黎六郎一首

天長寺上方別子西有道一首

送黎六郎少府赴陽翟一首

送別單孝廉一首

送開封盧少府一首

送槐廣落第歸揚州一首

送汾城王主簿一首

送澠池崔主簿一首

送顏司議使蜀訪圖書一首

奉送從兄宰晉陵一首

贈別河南李功曹一首

送五經趙隨登科授廣德尉一首

宴別幼遐與君貺兄第一首

送宣州周錄事一首

謝櫟陽令歸西郊贈別諸友生一首

送季端東行一首

送姚係還河中一首

始除尚書郎別善福精舍一首

送常侍御魯却使西蕃一首

送郝詹事一首

送蘇評事一首

送李益侍御赴幽州幕一首

自尚書郎出爲滁州刺史留別友朋兼示諸弟一首

送元錫楊凌一首

別楊氏女一首

韋蘇州集 卷四

別中第一首 一云送崔肅數

寄別李儋一首

送倉部蕭員外院長存一首

送王校書一首

送丘員外還山一首 丘詩附

重送丘二十二還臨平山居一首 丘詩附

送鄭端公第移院常州一首

送房杭州一首

送陸侍御還越一首

聽江笛送陸侍御一首 丘詩附

送丘員外歸山居一首

送崔叔清遊越一首

送雲陽鄒儒立少府侍奉還京師一首

送豆盧策秀才一首

送王卿一首

送劉評事一首

送雷監赴闕庭一首

送秦系赴潤州一首

送別

李五席送李主簿歸西臺

請告嚴程盡西歸道路寒欲陪鷹隼集猶戀鵲鴝單洛邑人全少嵩

高雪尚殘滿臺誰不故報我在微官

送崔押衙相州領任內黃令

禮樂儒家子英豪燕趙風驅鷄嘗理邑走馬却從戎白刃千夫闕黃

金四海同嫖姚恩顧下諸將指揮中別路憐芳草歸心伴塞鴻鄴城

新騎滿魏帝舊臺空望闕應懷戀遭時貴立功萬方如已靜何處欲

輸忠

送宣城路錄事

江上宣城郡孤舟遠到時雲林謝家宅山水敬亭祠綱紀多閑日觀

遊得賦詩都門且盡醉此別數年期

送李十四山東遊 一作山人東遊

聖朝有遺逸披膽謁至尊豈是賢榮寵誓將救元元權豪非所便書

奏寢禁門高歌長安酒忠憤不可吞歛來客河洛日與靜者論濟世

繇小事丹砂駐精魂東遊無復繫梁楚多大蕃高論動侯伯疎懷脫

塵喧送君都門野飲我林中樽立馬望東道白雲滿梁園踟躕欲何

贈空是平生言

送李二歸楚州時李季弟牧楚州被訟赴急

情人南楚別復詠在原詩忽此嗟歧路還令泣素絲風波朝夕遠音

信往來遲好去扁舟客青雲何處期

送闍黎赴東川辟

冰炭俱可懷孰云熱與寒何如結髮友不得攜手懽晨登嚴霜野送

子天一端祇承簡書命俯仰多角冠上陟白雲嶠下冥玄壑湍離羣

自有託歷險得所安當念反窮巷登朝成慨嘆

送令狐岫宰恩陽

大雪天地閉羣山夜來晴居家猶苦寒子有千里行行行安得辭荷

此蒲壁榮賢豪爭追攀飲錢出西京罇酒豈不懽暮春自有程離人

起視日僕御促前征逶遲歲已窮當造巴子城和風被草木江水日

夜清從來知善政離別慰友生

送馮著受李廣州署為錄事

鬱鬱楊柳枝蕭蕭征馬悲送君灞陵岸糾郡南海湄名在翰墨場羣

公正追隨如何從此去千里萬里期大海吞東南橫嶺隔地維建邦

臨日域溫煥御四時百國共臻臻珍奇獻京師富豪虞興戎繩墨不

易持州伯荷天寵一作龍遷還當却丹墀子爲門下生終始豈見遺
所願酌貪泉心不爲磷緇上將翫國士下以報渴飢

送元倉曹歸廣陵

官閑得去住告別戀音微一作輝舊國應無業他鄉到是歸楚山明月滿淮甸夜鍾微何處孤舟泊遙遙心曲違

送唐明府赴溧水二任縣事

三爲百里宰已過十餘年祇數官如舊旋聞邑屢遷魚鹽濱海利薑蔗傍湖田到此安吐俗琴堂又晏然

喜於廣陵拜親家兄奉送發還池州

青青連枝樹萼萼久別離客遊廣陵中俱到若有期俯仰敘存歿哀腸發酸悲收情且爲歡累日不知飢夙駕多所迫復當還歸池長安三千里歲晏獨何爲南出登閭門驚颺左右吹所別諒非遠要令心不怡

送章八元秀才擢第往上都應制

決勝文場戰已酣行應辟命復才堪旅食不辭遊闕下春衣未換報江南天邊宿鳥生歸思關外晴山滿夕嵐立馬欲從何處別都門楊柳正毵毵

送張侍御祕書江左觀省

莫歎都門路歸無駟馬車繡衣猶在篋芸一作蓬閣已觀書沃野收紅稻長江釣白魚晨食亦可薦名利欲何如薦一作潔

賦得鼎門送盧耿赴任

各因定鼎地門對鑿龍山水北樓臺近城南車馬還稍開芳野靜欲掩暮鍾閑去此無嗟屈前賢尙抱關

賦得浮雲起離色送鄭述誠

遊子欲言去浮雲那得知偏能見行色自是獨傷離晚帶城遙暗秋生峯尙奇還因朔吹斷足馬與相隨

錢雍聿之鄉州謁李中丞

鬱鬱兩相遇出門草青青酒酣拔劍舞慷慨送子行驅馬涉大河日暮懷洛京前登太行路志士亦未平薄遊五府都高步振英聲主人才且賢重士百金輕絲竹促飛觴夜醺達晨星娛樂易淹暮諒在執高情

上東門會送李幼舉南遊徐方

離絃既罷彈罇酒亦已闌聽我歌一曲南徐在雲端雲端雖云邈行路本非難諸侯皆愛才公子遠結歡濟濟都門宴將去復盤桓令姿何昂昂良馬遠遊冠意氣且爲別由來非所嘆

送洛陽韓丞東遊

仙鳥何飄飄綠衣翠爲襟顧我差池羽咬咬懷好音徘徊洛陽中遊戲清川澤神交不在結歡愛自中心駕言忽徂征雲路邈且深朝遊尙同啄夕息當異林出餞宿東郊列筵屬城陰舉酒欲爲樂憂懷方沉沉

送鄭長源

少年一相見一作得飛轡河洛間歡遊不知罷中路忽言還冷泠鷗絃哀悄悄冬夜閑丈夫雖耿介遠別多苦顏君行拜高堂速駕難久攀雞鳴儔侶發朔雪滿河關須臾在今夕罇酌且循環

送李儋

別離何從生乃在親愛中反念行路子拂衣自西東日晏不留宴嚴車出崇墉行遊一作役非所樂端憂道未通一作端處道未豐春野百卉發清川思無窮芳時坐離散世事誰可同歸當掩重關默默想音容

賦得暮雨送李胄一作渭

楚江微雨裏建業暮鍾時漠漠帆來重冥冥鳥去遲海門深不見浦樹遠含滋相送情無恨沾襟比散絲

留別洛京親友

握手出都門，駕言適京師。豈不懷舊廬，惆悵與子辭。麗日坐高閣，清觴醺華池。昨遊修已過，後遇良未知。念結路方永，歲陰野無暉。單車我當前，一作去暮雪子獨歸。臨流二云漸遙，一相望零淚忽沾衣。

賦得沙際路送從叔象

獨樹沙邊人跡稀，欲行愁遠暮鍾時。野泉幾處侵應盡，不遇山僧知問誰。

送榆次林明府

無嗟千里遠，亦是宰王畿。策馬雨中去，逢人關外稀。邑傳榆石在，路遶晉山微。別思方蕭索，新秋一葉飛。

雜言送黎六郎壽陽公之子

冰壺見底末爲清，少年如玉有詩名。聞話嵩峯多野寺，不嫌黃綬向陽城。朱門嚴訓朝辭去，騎出東郊滿飛絮。河南庭下拜府君，陽城歸路山氲氲。山氲氲常不見，釣臺水綠荷已生。少姨廟裏花始徧，縣開吏傲與塵隔。移竹疏泉常岸幘，莫言去作折腰官。豈似長安折腰客。

天長寺上方別子西有道時任京兆府功曹攝高陵宰別田

曹盧康戶曹韓質因而有作

假邑非拙素，况乃別伊人。聊登釋氏居，攜手戀一作念茲晨。高曠出塵表，逍遙滌心神。青山對芳苑，列樹遶一作盈通津。車馬無時絕，行子倦風塵。今當遵往路，佇立何由申。維持貞白志，以慰心所親。

送黎六郎赴陽翟少府

試吏向嵩陽，春山躑躅芳。腰垂新綬色，衣滿舊芸香。喬樹別時綠，客程關外長。祗應傳善政，日夕慰高堂。

送別覃孝廉

思親自當去，不第未蹉跎。家住青山下，門前芳草一作流水多。秣歸通遠微，巫峽注驚波。州舉年年事，還期復幾何。

送開封盧少府

雄藩車馬地，作尉有光輝。滿席賓常待，闔街燭夜歸。關河征旆遠，煙樹夕陽微。到處無留滯，梁園花欲稀。

送槐廣落第歸揚州

下第常稱屈，少年心獨輕。拜親歸海畔，似舅得詩名。晚對青山別，遙尋芳草行。還期應不遠，寒露濕蕪城。

送汾城王主簿

少年初帶印，汾上又經過。芳草歸時徧，情人故郡多。禁鍾春雨細，宮樹野煙和。相望東橋別，微風起夕波。

送麗池崔主簿

呂帶洛陽道，年年應此行。當時匹馬客，今日縣人迎。暮雨投關郡，春風別帝城。東西殊不遠，朝夕待佳聲。

送顏司議使蜀訪圖書

軺駕一封急，一作傳蜀門千嶺曠。詎分江轉字，但見路緣雲。山館夜聽雨，秋援獨叫羣。無爲久留滯，聖主待遺文。

奉送從兄宰晉陵

東郊暮草歇，千里夏雲生。立馬愁將夕，看山獨送行。依微吳苑樹，迢遞晉陵城。慰此斷行別，邑人多頌聲。

贈別河南李功曹宏辭登科拜官

耿耿抱私戚，寥寥獨掩扉。臨觴自不飲，況與故人違。故人方琢磨，環朗代所稀。憲禮更右職，文翰灑天機。一作過來自東山，羣彥仰餘輝。談笑取高第，綰綬即言歸。洛都遊燕地，千里及芳菲。今朝章臺別，楊柳依依雲霞未。改色山川猶夕暉，忽復不相見。心思亂霏霏。

送五經趙隨登科授廣德尉

明經有清秩，當在石渠中。獨往宣城郡，高齋謁謝公。寒原正蕪漫，一作沒夕鳥自西。東秋日不堪別，淒淒多朔風。

宴別幼退與君兄第

乖闕一作乖闕意方一作云弭安知忽來翔累日重歡宴一旦復離
傷置酒慰茲夕秉燭坐華堂契闊未及展晨星出東方征人慘已辭
車馬儼成一作來裝我懷自無歡原野滿春光一作芳羣水含時澤
野雉鳴朝陽平生有壯志不覺淚霑裳况自守空宇日夕但彷徨

送宣州周錄事

清時重儒士糾郡屬伊人薄遊長安中始得一交親英豪若雲集錢
別塞城闌高駕臨長路日夕起風塵方念清宵宴已度芳林春從茲
一分手緬邈吳與秦但覩年運駛安知後會因唯當存令德可以解
情勤

謝櫟陽令歸西郊贈別諸友生

結髮仕一作事州縣蹉跎在文墨徒有排雲心何由主羽翼幸遭明
盛日萬物蒙生植獨此抱微痾頽然謝斯職大歷十四年六月二十
三日自鄂縣制除櫟陽令以疾辭歸善福精舍十月二十日賦此詩
世道方荏苒郊園思偃息爲歡日已延君子情未極馳騁一作驅馳
忽云晏高論良難測遊步清都宮迎風嘉樹側晨起西郊道原野分
黍稷自樂陶唐人服勤在微力佇君列丹墀出處兩爲得

送端東行

世承清白遺一作世事留清白躬服古人言從宦俱守道歸來共閉
門驅車何處去暮雪滿平原

送姚孫還河中孫一作系

上國旅遊罷故國生事微風塵滿路起行人何處歸留思芳樹飲惜
別暮春暉幾日投關郡河山對掩扉

始除尚書郎別善福精舍建中二年四月十九日自前櫟陽
令除尚書比部員外郎

簡略非世器委身同草木逍遙精舍居飲酒自爲足累日曾一櫛對

書常懶讀社臘會高年山川恣遊曠明世方選士中朝懸美祿除書

忽到門冠帶便拘束愧忝郎署跡謬蒙君子錄俯仰垂華纓飄飄翔
輕轂行將親愛別戀此西澗曲遠峯明夕川夏雨生衆綠迅風飄野
路一作吹往路迴首不遑宿明晨下煙閣白雲在幽谷

送常侍御却使西蕃

歸奏聖朝行萬里却銜天詔報蕃臣本是諸生守文墨今將匹馬靜
煙塵旅宿關河逢暮雨春耕亭郭識遺民此去多應收故地寧辭沙
塞往來頻

送郝詹事

聖朝列羣彥穆穆佐休明君子獨知止懸車守國程忠良信舊德文
學播英聲既獲天爵美况將齒位并書奏蒙省察命駕乃東征皇恩
賜印綬歸爲田里榮朝野同稱嘆園綺鬱齊各長衢軒蓋集飲饒出
西京時屬春陽節草木已含英洛川當感宴斯焉爲達生

送蘇評事

季弟仕誰都元兄坐蘭省言訪始忻忻念離當耿耿嵯峨夏雲起迢
遞山川永登高望去塵紛思終難整一作罄

送李侍御益赴幽州幕

二十揮篇翰三十窮典墳辟書五府至名爲四海聞始從車騎幕今
赴嫖姚軍契闊晚相遇草感遽離羣悠悠行子遠眇眇川塗分登高
望燕代日夕生夏雲司徒擁精甲誓將除國氛儒生幸持斧可以佐
功勳無言羽書急坐闕相思文

自尚書郎出爲滁州刺史留別朋友兼示諸弟

少年不遠仕秉笏東西京中歲守淮郡奉命乃征行素歎省闈姿况
忝符竹榮効愚方此始顧私豈獲并徘徊親交戀愴恨昆友情日暮
風雪起我去子還城登塗建隼旆勒駕望承明雲臺煥中天龍關鬱
上征晨興奉早朝玉露霑華纓一朝從此去服膺理庶吐皇恩儻歲

月歸復廁羣英

送元錫楊凌

荒林翳山郭積水成秋晦端居意自違況別親與愛歡筵慊未足離燈悄已對還當掩郡閣佇君方此會

送楊氏女

永日方感感出門復悠悠女子今有行大江沂輕舟爾輩況無恃撫念益慈柔幼爲長所育幼女爲楊氏所撫育兩別泣不休對此結中腸義往難復留自小關內訓言早無恃事姑貽我憂賴茲託令門仁恤庶無尤貧儉誠所尙資從豈待一作在周孝恭遵婦道容止順其猷別離在今晨見爾當何秋居閑始自遣臨感忽難收歸來視幼女零淚緣纓流

送中弟二云送崔蕭懿

秋風一作氣入疎戶離人起晨朝山郡多風雨西樓更蕭條嗟予淮海老送子關河遙同來不同去沉憂寧復消

寄別李儋

首戴惠文冠心有決勝籌翩翩四五騎結束向并州各在相公幕一作府丘山恩未酬妻子不及顧親友安得留宿昔同文翰交分共綢繆忽枉別離札涕淚一交流遠郡臥殘疾一作雨涼氣滿西樓想子臨長路時當淮海秋

送倉部蕭員外院長存

僕被蹉跎老江國情人邂逅此相逢不隨鷺鷥朝天去遙想蓬萊臺閣重

送王校書

同宿高齋換時節共看移石復栽杉送君江浦已惆悵更上西樓望遠帆

送丘員外還山

長棲白雲表覽訪高齋宿還辭郡邑諠歸泛松江淥結茅隱蒼嶺伐薪響深谷同是山中人不知往來躅靈芝非庭草遼鶴委一作匪池驚終當署里門一表高陽族

奉酬使君送歸山之作

丘丹

側聞郡守至偶乘黃犢出不別桃源人一見經累日蟬鳴念秋稼蘭酌動離愁臨水降麾幢野艇纔容膝參差碧山路日一作月送江帆疾涉海得驪珠棲梧慙鳳質婉非鄭公里歸掃蒙籠室

重送丘二十一還臨平山居

歲中始再覲方來又解攜纔留野艇語已憶故山棲幽澗人夜汲深林鳥長啼還持郡齋酒慰子一作此霜露淒

奉酬重送歸山

丘丹

賣藥有時至自知往來疎遽辭池上酌新得山中書步出芙蓉府歸乘轂棘車猥蒙招隱作豈婉班生廬

送鄭端公弟移院常州

時瞻憲臣重禮爲內兄全公程儻見責私愛信不憚況昔陪朝列今茲俱海壖清觴方共酌一作笑燕天書忽告遷豈徒咫尺地使我心思綿應當自此始歸拜雲臺前

送房杭州罷復

專城未四十暫謫豈蹉跎風雨吳門夜惻愴別情多

送陸侍御還越

居藩久不樂遇子聊一欣英聲頗籍甚交辟迺時珍繡衣過舊里驄馬輝四鄰一作輝光耀四鄰敬恭尊郡守賤簡具州民謬忝誠所愧思懷方見申置榻宿清夜加邊驪良辰遵塗還感府行舫遶長津自有賢方伯得此文翰寶

聽江笛送陸侍御同丘員外賦題

遠聽江上笛臨觴一送君還愁獨宿夜更向郡齋聞

同前

丘丹

離樽聞夜笛寒亮入寒城月落車馬散悽惻主人情

送丘員外歸山居

郡閣始嘉宴青山憶舊居爲君量革履且願住籃輿

送崔叔清遊越

忘茲適越意愛我郡齋幽野情豈好謁詩興一相留遠水帶寒樹聞門望去舟方伯憐文士無爲成滯遊

送雲陽鄒儒立少府侍奉還京師

建中卽藩守天寶爲侍臣歷觀兩都士多閱諸侯人鄒生乃後來英俊亦罕倫爲文頗瓌麗秉度自貞醇甲科推令名延閣播芳塵再命趨王畿請告奉慈親一鍾信榮祿可以展歡欣昆弟俱時秀長衢當自伸聊從郡閣暇美此時景新方將極娛宴已復及離辰一云燕後乃離辰一作燕後省署慙再入江海綿十春今日閨門路握手子歸秦

送豆盧策秀才

歲交冰未泮一作冰始泮又作冰水泮地卑海氣昏子有京師遊始發吳閨門新黃含遠林微綠生陳根詩人感時節行道當憂煩古來漢落者俱不事田園文如金石韻豈乏知音言方辭郡齋榻爲一作已酌離亭罇無爲倦羈旅一去高飛翻

送王卿

別酌春林啼鳥稀雙旌背日晚風吹却憶回來花已盡東郊立馬望城池

送劉評事

聲華滿京洛藻翰發陽春未遂鵷鴻舉尙爲江海賓吳中高宴罷西上一遊秦已想函關道遊子冒風塵龍禽羨歸翼遠守懷交親況復歲云暮凜凜冰霜辰旭霽開郡閣龍錢集文人洞庭摘朱實松江獻

白鱗丈夫豈恨別一酌且歡忻

送雷監赴闕庭

才大無不備出入爲時須雄藩精理行祕府擢文儒詔書忽已至焉得久踟躕方舟趁朝謁觀者盈路衢廣筵列衆賓送爵無停迂攀餞誠愴恨一作恨賀榮且歡娛長陪柏梁宴日向丹墀趨時方重右職蹉跎獨海隅

送秦系赴潤州

近作新婚鍾白髯長懷舊卷映藍衫更欲攜君虎丘寺不知方伯望征帆

韋蘇州集卷第四

原
书
空
白
页

韋蘇州集卷第五

蘇州刺史韋 應物

酬答五十六首

期盧嵩枉書稱日暮無馬不赴以詩答一首

任洛陽丞答長安田少府問一首

假中枉盧二十二書示稱臥疾兼訝李二久不訪問以詩答

書因以戲李二一首

酬盧嵩秋夜見寄五韻一首

酬鄭戶曹驪山感懷一首

答李嶸三首

酬柳中郎春日歸揚州南郭見別之作一首

酬豆盧倉曹題庫壁見示一首

酬李儋一首

酬元偉過洛都夜燕一首

酬韓質舟行阻凍一首

李博士弟以余罷官居同德精舍共有伊陸名山之期久而

未去枉詩見問中云宋生昔登覽末云那能顧蓬華直書

鄙懷聊以爲答一首

酬李博士永寧主簿叔廳見待一首

答令狐工曹獨孤兵曹聯騎暮歸望山見寄一首

答李博士一首

答劉西曹一首

答貢士黎逢一首

答韓庫部協一首

答崔主簿倬一首

答徐秀才一首

答東林道士一首

答長寧令楊輟一首

答馮魯秀才一首

答崔主簿問兼簡溫上人一首

清都觀答幼遐一首

善福精舍答韓司錄清都觀會宴見憶一首

答長安丞裴稅一首

奉酬處士叔見示一首

答庫部韓郎中一首

答楊校書當一首

答崔都水一首

酬令狐司錄善福精舍見贈一首

澧上精舍答趙氏外生伉一首

答趙氏生伉一首

答端一首

答史館張學士同柳庶子學士招於集賢院看花見寄兼呈

柳庶子一首

答王郎中一首

答崔都水一首

答王卿送別一首

答裴丞說歸京所獻一首

答裴處士一首

答楊奉禮一首

答端一首

答僦奴重陽二甥一首

答重陽一首

酬劉侍郎使君一首劉詩附

答令狐侍郎一首令狐詩附

酬張協律一首

答秦十四校書一首秦詩附

答賓一首

答鄭騎曹青橘絕句一首

奉和聖製重陽日賜宴一首

和吳舍人早春歸沐西亭言志一首

奉和張大夫戲示青山郎一首

答河南李士巽題香山寺一首

答故人見諭一首

酬閭員外陟一首

逢遇七首

長安遇馮著一首

將發楚州經寶應縣訪李二忽於州館相遇月夜書情因簡

李寶應一首

廣陵遇孟九雲卿一首

淮上遇洛陽李主簿一首

路逢崔元二侍御避馬見招因以詩戲贈一首

逢楊開府一首

休假日訪王侍御不遇一首

因省風俗訪道士姪不見題壁一首

訓答

期盧嵩枉書稱日暮無馬不赴以詩答

佳期不可失終願枉衡門南陌人猶度西林日未昏庭前空倚杖花

裏獨留罇莫道無來駕知君有短轅

任洛陽丞答前長安田少府問

相逢且對酒相問欲何如數歲猶卑吏家人笑著書告歸應一作今
未得榮宦又知疎日日生春草空令憶舊居

假中枉盧二十二書亦稱臥疾兼訝李二久不訪問以詩答

書因以戲李二

微官何事勞趨走服藥閑眠養不才花裏甚盤憎鳥汗枕邊書卷訝
風開故人問訊緣同病芳月相思阻一盃應笑王戎成俗物遙持塵
尾獨徘徊

訓盧嵩秋夜見寄五韻

喬木生夜涼月華滿前墀去君咫尺地勞君千里一作萬思素秉棲
遁志況貽招隱詩坐見林木榮一云坐損經濟策願赴滄洲期何能
待歲晏攜手當此時

訓鄭戶曹驪山感懷

蒼山何鬱盤飛閣凌上清先帝昔好道下元朝百靈白雲已蕭條麋
鹿但縱橫泉水今尚暖舊林亦青青我念綺襦歲扈從當太平小臣
職前驅馳道出灞亭翻翻日月旗殷殷擊鼓聲萬馬自騰驤八駿案
轡行日出煙嶠綠氤氳麗層臺登臨起遐想沐浴懽聖情朝燕詠無
事時豐賀國禎日和絃管音下使萬室聽海內湊朝貢賢愚共歡榮
合沓車馬喧西聞長安城事往世如寄感深迹所經申章報蘭藻一
望雙涕零

答李澣三首

孤客逢春暮絨情寄舊遊海隅人使遠書到洛陽秋
馬卿猶有壁漁父自無家想子今何處扁舟隱荻花
林中觀易罷溪上對鷗閑楚俗饒辭客何人最往還

訓柳郎中春日歸揚州南郭見別之作

廣陵三月花正開花裏逢君醉一迴南北相過殊不遠暮潮從去早

潮來

酬豆盧倉曹題庫壁見示

據局勞才子新詩動洛川運籌知決勝聚米似論邊宴罷常分騎晨
趨又比肩莫嗟年費改即署定推先

酬李儋

開門臨廣陌旭日車駕喧不見同心友徘徊憂且煩都城二十里居
在良與坤人生所各務乖闊累朝昏湛湛罇中酒青青芳樹園絨情
未及發先此枉璫璫邁世超一作驪高躅尋流得真源明當策疲馬
與子同笑言

酬元偉過洛陽夜燕

二載寄關東所懽皆遠違思懷方耿耿忽得觀容輝親燕在良夜歡
攜闌中闌問我猶杜門不能奮高飛明燈照四隅炎炭正可依清觴
雖云酌所媿乏珍肥晨裝復當行寥落星已稀何以慰心曲佇子西
還歸

訓韓質舟行阻凍

晨坐在嘉藻持此慰寢興中獲辛苦奏長河結陰冰皓曜羣玉發淒
清孤景凝一作澄至柔反成堅造化安可恆方舟未得行擊飲空兢
兢苦寒彌時節待泮豈所能何必涉廣川荒衢且升騰殷勤宣中意
庶用達吾朋

李博士第以余罷官居同德精舍共有伊陸各山之期久而
未去枉詩見問中云宋生昔登覽末云那能顧蓬華直寄鄙

懷聊以爲答

初夏息衆緣雙林對禪客枉茲芳蘭藻促我幽人策冥搜企前哲逸
句陳往迹髣髴陸渾南迢遞千峯碧從來遲高駕自顧無物役山水
心所娛如何更朝夕晨興涉清洛訪子高陽宅莫言往來疎驚馬知
阡陌

寄訓李博士永寧主簿叔廳見待

解軼先幾日款曲見新詩定向公堂醉遙憐獨去時葉落寒雨落鍾
度遠山遲晨策已云整當同林下期

答令狐士曹獨孤兵曹聯騎暮歸望山見寄

共愛青山佳近南行牽吏役背雙驂枉書獨宿對流水遙羨歸時滿
夕嵐

答李博士

休沐去人遠高齋出林杪晴山多碧峯顚氣凝秋曉端居喜良友枉
使千里路絨書當夏時開緘時已度簷鵲已飆颺荷露方蕭颯夢遠
竹窗幽行稀蘭徑合舊居共南北往來只如昨問君今爲誰日夕度
清洛

答劉西曹時爲京兆功曹

公館夜云寂微涼羣樹秋西曹得時彥華月共淹留長嘯舉清觴志
氣誰與儔千齡事雖邈俯念忽已周篇翰如雲興京洛頗優遊詮文
不獨占理妙即同流淺劣見推許恐爲識者尤空慙文璧贈日夕不
能酬夕一作交

答貢士黎逢時任京兆功曹

茂等一作才方上達諸生安可希栖神澹物表渙汗布令詞如彼岷
山玉本自有光輝鄙人徒區區稱歎亦何爲彌月曠不接公門但一
作役驅馳蘭章忽有贈持用慰所思不見心尙密一作微密況當相
見時

答韓庫部協

良玉表貞度麗藻頗爲工名列金閨籍心與素士同日晏下朝來車
馬自生風清宵有佳興皓月直南宮矯翮方上征顧我邈忡忡豈不
願攀舉執事府庭中智乖時亦蹇才大命有一作爲通還當以道推
解組守高蓬

答崔主簿倬

朗月分林靄遙管動離聲故驪良已阻空宇澹無情竊窺雲鴈沒蒼茫河漢橫蘭章不可答冲襟徒自盈

答徐秀才

鉛鈍謝貞器時秀猥見稱豈如白玉仙一作仙山鶴方與紫霞升清詩舞豔雪孤抱瑩玄冰一枝非所貴懷書思一作且武陵一云懷書且茂陵

答東林道士

紫閣西邊第幾峯茅齋夜雪虎行蹤遙看黛色知何處欲出山門尋暮鍾一作欲向西山尋暮鍾

答長寧令楊輟

皓月升林表公堂滿清輝嘉賓自遠至觴飲夜何其宰邑視京縣歸來無寸資瓊文溢衆寶雅正得吾師廣川含澄瀾茂一作芳樹擢華滋短才何足數枉贈婉妍詞歡晤良見屬素懷亦已披何意雲栖翰不嫌蓬艾卑但恐河漢沒回車首路歧

答馮魯秀才

晨坐枉瓊藻知子返中林澹然山景晏泉谷響幽禽髣髴謝塵迹逍遙舒道心顧我腰間綬端爲華髮侵簿書勞應對篇翰曠不尋薄田失鋤耨生苗安可任徒令慙所問想望東山岑

答崔主簿問兼簡溫上人

緣情生衆累晚悟依道流諸境一已寂了將身世浮閑居澹無味忽復四時周靡靡芳草積稍稍新篁抽卽此抱餘素塊然誠寡儔自適一忻意愧蒙君子憂

清都觀答幼遐

逍遙仙家子日夕朝玉皇興高清露沒渴飲瓊華漿解組一來款披衣拂天香粲然顧我笑綠簡發新章泠泠如玉音一作響馥馥若蘭

芳浩意坐盈此月華殊未央却念諠譁日何由得清涼疎松抗一作枕高殿密竹陰長廊榮名等糞土攜手隨風翔

善福精舍答韓司錄清都觀會宴見憶

弱志厭衆紛抱素寄精廬噉噉仰時彥悶悶平聲獨爲愚之子亦辭秩高蹤罷馳驅忽因西飛禽贈我以瓊琚始表仙都集復言歡樂殊人生各有因契闊不獲俱一來田野中日與人事疎水木澄秋景逍遙清賞餘枉駕懷前諾引領豈斯須一作須臾無爲便高翔邈矣不可迂

答長安丞裴稅

出身忝時士於世本爲機爰以林壑趣遂成頑鈍姿臨流意已淒采菊露未稀舉頭見秋山萬事都若遺獨踐幽人蹤遽將親友違髦士佐京邑懷念枉貞詞久雨積幽抱清醴宴良知從容操劇務文翰方見推安能戢羽翼顧此林栖時

奉酬處士叔見示

挂纓守貧賤積雪臥郊園叔父親降趾壺觴攜到門高齋樂燕罷清夜道心存卽此同疎氏可以一忘言

答庫部韓郎中

高士不羈世頗將榮辱齊適委華冕去欲還幽林栖雖懷承明戀忻與物累睽逍遙觀運流誰復識端倪而我豈高一作能致偃息平門西愚者世所遺沮溺共耕犁風雪積深夜園田掩荒蹊幸蒙相思札款曲期見攜

答楊校書當

偶然弄官去投跡在田中日出照茅屋園林一作灌園養愚蒙雖云無一資罇酌會不空且忻百穀成仰歎造化功出入與民伍作事靡不同時代南澗竹夜還澧水東貧蹇自成退豈爲高人蹤覽君金玉篇彩色發我容一作蒙日日欲爲報方一作歷春已徂冬

答崔都水

深夜竹庭雪孤燈案上書不遇無爲化一作法誰復得閑居

酬令狐司錄善福精舍見贈

野寺望山雪空齋對竹林我以養愚地生君道者心

澧上精舍答趙氏外生伉

遠跡出塵表寓身雙樹林如何小子伉一作弟亦有超世心擔書從我游攜手廣川陰雲開夏郊綠景晏青山沉對榻遇清夜獻詩合一作全雅音所推荷禮數於性道豈深隱拙在冲默經世昧古今無爲率爾言可以致華簪

答趙氏生伉

暫與雲林別忽陪鸞鶴翔看山不得去知爾獨相望

答端

郊園夏雨歇閑院綠陰生職事方無効幽賞獨違情物色坐如見離抱悵多盈況感夕涼氣聞此亂蟬鳴

答史館張學士同柳庶子學士集賢院看花見寄兼呈柳學士

班楊秉文史對院自爲隣餘香掩閣去遲日看花頻似雪飄闌闌從風點近臣南宮有芳樹不並禁垣春

答王郎中

臥閣枉芳藻覽旨悵秋晨守郡猶羈寓無以慰嘉賓野曠歸雲盡天清曉露新池荷涼已至窗梧落漸頻風物殊京國邑里但荒榛賦繁屬軍興政拙媿斯人髦士久臺閣中路一漂淪歸當列盛朝一作期豈念臥淮濱

答崔都水

亭亭心中人迢迢居秦關常緘素札去一作問適枉華章還憶在澧郊時攜手望秋山久嫌官府勞初喜罷秩閑終年不事業寢食長慵

頑不知爲時來一作何爲來各籍挂郎間攝衣辭田里華簪耀顏卜居又依仁日夕正追攀牧人本無術命至苟復還離念積歲序歸途眇山川郡齋有佳月園林含清泉同心不在宴樽酒徒盈前覽君陳迹遊詞意俱悽妍忽忽已終日將酬不能宣吐稅況重疊公門極熬煎責逋甘首免一作退歲晏當歸田勿欺守窮轍一作勿厭守窮幾慎爲各所牽

答王卿送別

去馬嘶春草歸人立夕陽元知數日別要使兩情傷

答裴丞說歸京所獻

執事頗勤久行去亦傷乖家貧無僮僕吏卒升寢齋衣服藏內篋藥草曝前階誰復知次第獲落且安排還期在歲晏何以慰吾懷

答裴處士

遺民愛精舍乘懷入青山來署高陽里不遇白衣還禮賢方化俗聞風自款關況子逸羣士栖息蓬蒿間

答楊奉禮

多病守山郡自得接嘉賓不見三四日曠若十餘旬臨觴獨無味對榻已生塵一詠舟中作洒雪忽驚新煙波見樓旅景物具昭陳秋塘唯落葉野寺不逢人白事廷吏簡閑居文墨親高天池閣靜寒菊霜露頻應當整孤棹歸來展殷勤

答端

坐憶故園人已老寧知遠郡鴈還來長瞻西北是歸路獨上城樓日幾迴

答僊奴重陽二甥僊奴趙氏甥伉重陽崔氏甥播

弁職曾守拙幽處忘喧喧山澗依磽壻竹樹蔭清源貧居煙火濕一作絕歲熟梨棗繁風雨飄茅屋蒿草沒瓜圃羣屬相歡悅不覺過朝昏有時看禾黍落日秋原飲酒任真性揮筆肆狂言一朝忝蘭省

三載居遠落復與諸弟子篇翰每相敦西園休習射南池對芳罇山藥一作茵經雨碧海榴凌霜離念爾不同此悵然復一論重陽守故家個子旅湘沅俱有絳中藻惻惻動離魂不知何日見衣上淚空存

答重陽

省札陳往事愴憶數年中一身朝北闕家累守田農望山亦臨水暇日每來同性情一疎散園林多清風忽復隔淮海夢想在澧東病來經時節起見秋塘空城郭連榛嶺鳥雀噪溝叢坐使驚霜鬢撩亂已如蓬

顧十二左遷過韋蘇州房杭州韋睦州三使君皆有郡中燕集詩辭章高麗鄙夫之所仰慕顧生既至留連笑語因亦成篇以繼三君子之風焉

信州刺史劉 太真上

龍至乃不驚罪及非無由奔迸歷畏途緬邈赴偏一作荒陬牧此彫弊吐屬當賦斂秋夙興諒無補旬暇焉敢休前日懷友生獨登城上樓迢迢西北望遠思不可收今日車騎來曠然銷人憂晨迎東齋飯晚度南溪遊以我碧流水泊君清翰舟莫將遷客程不爲勝境留飛札謝三守斯篇希見酬

酬劉侍即使君

瓊樹凌霜雪葱蒨如芳春英賢雖出守本是玉階人宿昔陪郎署出入仰清塵孰云俱列郡比德豈爲鄰風雨飄海氣清涼悅心神重門深夏盡賦詩延衆賓方以歲月舊每蒙君子親繼作郡齋什遠贈荆山珍高閑一作山城庶務理遊眺景物新朋友亦遠集燕酌在佳辰始唱已慙拙將酬益難伸滯毫意飽倦一用寫情勤

硤州旅舍奉懷蘇州韋郎中

公頗有尺書頗積離鄉之思

令狐 恒上

儒服學從政遂爲塵事學銜命東復西孰堪異鄉情懷祿且懷恩策

各取逃名羨彼農畝人白首親友并江山入秋氣草木彫晚榮方塘寒露凝旅館涼颺生懿交守東吳夢想聞頌聲雲水方浩浩離憂何時平

答令狐侍郎

一凶迺一吉一是復一非孰能逃斯理亮在識其微三黜故無愠高賢當庶幾但以親交戀音容邈難希况惜別離久俱忻藩守歸朝宴方陪廁山川又乖違吳門冒海霧峽路凌連磯同會在京國相望涕沾衣明時重英才當復列彤闈白玉雖塵垢拂拭還光輝

酬張協律

昔人鬻春地今人復一賢屬余藩守日方君臥病年麗思阻文一作交宴芳蹤闕賓筵經時豈不懷欲往事屢牽公府適煩倦開緘營新篇非將握中寶何以比其妍感茲棲寓詞想復病瘵纏空宇風霜交幽居情思綿當以貧非病孰云白未玄邑中有其人憔悴卽我愆由來守重英俊得薦延匪人等鴻毛斯道何由宣遭時無早晚蘊器俟良緣觀文心未衰勿藥疾當痊一云勿藥當自痊晨期簡牘罷馳慰子忉然

卽事奉呈郎中使君

東海釣客試祕書省校書郎秦系

久臥雲間已息機青袍忽著狎鷗飛詩興到來無一事郡中今有謝玄暉

答秦十四校書

知掩山扉三十秋魚鬚翠碧弄林頭莫道謝公方在郡五言今日爲君休

答賓

斜月纔鑒帷凝霜偏冷枕持情須耿耿故作單牀寢

答鄭騎曹青橘絕句

一作故人重九日求橘書中戲贈

憐君臥病思新橘試摘猶酸亦未黃書後欲題三百顆洞庭須待滿林霜

奉和聖製重陽日賜宴

聖心憂萬國端居在穆清玄功致海晏錫謙表文明恩屬重陽節兩應此時晴寒菊生池苑高樹出宮城捧藻千官處垂戒百王程復覩開元日臣愚獻頌聲

和吳舍人早春歸沐西亭言志

曉漏戒中禁清香肅朝衣一門雙掌誥伯仲言歸一作伯仲待言歸亭高性情曠職密交遊稀賦詩樂無事解帶偃南扉陽春美時澤旭霽望山暉幽禽響未轉一作好鳥幽未轉東原綠猶微名雖列仙爵心已遣一作遺塵機卽事同巖隱聖渥良難違

奉和張大夫戲示青山郎

天生逸世委竹馬不曾騎覽卷冰將釋援毫露欲垂金貂傳幾葉玉樹長新枝榮祿何妨早甘羅亦小兒

答河南李士巽題香山寺

洛都游宦日少年攜手行投杯起芳席總轡振華纓關塞有佳氣巖開伊水清攀林憩佛寺登高望都城蹉跎二十載世務各所營茲賞長在夢故人安得并前歲守九江恩召赴咸京因塗再登歷山河屬晴明寂寞僧侶少蒼茫林木成牆宇或崩剝不見舊題名舊遊况存歟獨此淚交橫交橫誰與同書壁貽友生今茲守吳郡綿思方未平子復經陳迹一感我深情遠蒙惻愴篇中有金玉聲反覆終難答金玉尚爲輕

答故人見論

素寡名利心自非周圍器徒以歲月資屢蒙落條寄時風重書札物情敦貨遺機杼十縑單慵疎百函愧常負交親責且爲一官累況本獲落人歸無置錐地省己已知非枉書見深致雖欲効區區何由枉

其

訓閭員外陟

寒夜阻良觀叢竹想幽居虎符予已誤金丹子何如醺集觀農暇笙歌聽訟餘雖蒙一言教自愧道情疎

逢遇

長安遇馮著

客從東方來衣上灞陵雨問客何爲來一作來何爲采山因買斧冥冥花正開一作蒲鴈鴈驚新乳昨別今已春鬢絲生幾縷

將發楚州經寶應縣訪李二忽於州館相遇月夜書事因簡

李寶應

孤舟欲夜發祇爲訪情人此地忽相遇留連意更新停杯嗟別久對月言家貧一問臨邛令如何待上賓

廣陵遇孟九雲卿

雄藩本帝都遊士多俊賢夾河樹鬱鬱華館十里連新知雖滿堂中意頗未宣忽逢翰林友歡樂斗酒前高文激潏波四海靡不傳西施且一笑衆女安得妍明月滿淮海哀鴻逝長天所念京國遠我來君欲一作獨還一作又旋

准上遇洛陽李主簿

結茅臨古渡臥見長淮流窗裏人將老門前樹已秋寒山獨過鴈暮雨遠來舟日夕逢歸客那能忘舊遊

路逢崔元二侍御避馬見招以詩戲贈

一臺稱二妙歸路望行塵俱是攀龍客空爲避馬人見招翻踟躕相問良殷勤日日吟趨府彈冠豈有因

逢楊開府

少事武皇帝無賴恃恩私身作里中橫家藏亡命兒朝持一作持一作折檣蒲局暮竊東鄰姬司隸不敢捕立在一作登白玉墀驪山風

雪夜長楊羽獵時一字都不識飲酒肆頑癡武皇升仙去憔悴被人欺讀書事已晚把筆學題詩兩府始收跡南宮謬見推非才果不容出守撫婢妾忽逢楊開府論舊涕俱垂坐客何由識唯有故人知

休假日訪王侍御不遇一本訪李廓

九日驅馳一日閑尋君不遇又空還怪來詩思清人骨門對寒流雪滿山

因省風俗訪道士姪不見題壁

去年澗水今不流去年杏花今又拆山人歸來問是誰還是去年行春客

韋蘇州集卷第五

韋蘇州集卷第六

蘇州刺史韋應物

懷思十九首

有所思一首

暮相思一首

夏夜懷盧嵩一首

春思一首

春中憶元二一首

懷素友子西一首

對韓少尹所贈硯有懷一首

月晦憶去年與親友曲水遊宴一首

清明日憶諸弟一首

池上懷王卿一首

立夏日憶京師諸子第一首

曉至園中憶諸弟一首

懷瑯琊深標二釋子一首

雨夜感懷一首

雲陽館懷谷口一首

憶澧上幽居一首

重九登滁城樓憶前歲九日歸澧上赴崔都水及諸弟燕集

悽然懷舊一首

始夏南園思舊里一首

發蒲塘驛緣路見泉谷村墅忽想京師舊居追懷昔年一首

行旅十首

經函谷關一首

經武功舊宅一首

往雲間郊居塗經迴流作一首

乘月過西郊渡一首

晚歸澧川一首

授衣還田里一首

夕次盱眙縣一首

春日觀省屬城始憩東西林精舍一首

自蒲塘驛迴駕經歷山水一首

山行積雨歸塗始霽一首

感歎三十二首

傷逝一首

往富平傷懷一首

出還一首

冬夜一首

送終一首

除日一首

對芳樹一首

月夜一首

歎楊花一首

過昭國里故第一首

夏日一首

端居感懷一首

悲紈扇一首

閑齋對雨一首

林園晚霽一首

秋夜二首

感夢一首

同德精舍舊居傷懷一首

悲故交一首

張彭州前歲與候氏馮少府各惠寄一篇多故未答張已云
沒悲哀敘事兼遠簡馮生一首

東林精舍見故殿中鄭二侍御題詩追舊書情涕泗橫集因

寄呈閬州馮少府一首

同李二過亡友鄭子故第一首李與之故非予所識

話舊一首亭中對兄弟話蘭溪崇賢懷真已來故事泫然而

作

至開化里壽春公故宅一首

睢陽感懷一首

廣德中洛陽作一首

閨門懷古一首

感事一首

感鏡一首

歎白髮一首

懷思

有所思

借問堤上柳青青爲誰春空遊昨日地不見昨日人繚繞萬家井往
來車馬塵莫道無相識要非心所親

暮相思

朝出自不還暮歸花盡發豈無終日會惜此花間月空館忽相思微
鍾坐來歇來或作未

夏夜憶盧嵩

鶴鶴高館暮開軒滌煩襟不知湘雨來瀟灑在幽林 二云不知微蕭
酒山鳥鳴幽林炎月得涼夜芳罇誰與斟故人南北居累月間徽音

人生無閑日歡會當在今反側候天旦層城苦沉沉

春思

野花如雪繞江城坐見年芳憶帝京闐闐曉開凝碧樹曾陪鴛鴦聽
流鶯

春中憶元二

兩歇萬井春柔條已含綠徘徊洛陽陌惆悵杜陵曲遊絲正高下啼
鳥還斷續有酒今不同思君瑩如玉

懷素友子西

廣陌並遊騎公堂接華襟方歡遽見別永日獨沉吟階暝流暗駃氣
疎露已侵層城湛深夜片月生幽林往款良未遂來觀曠無音恆當
清觴宴思子玉山岑耿耿何以寫密言空委心

對韓少尹所贈硯有懷

故人謫遐遠留硯寵斯文白水浮香墨清池滿夏雲念離心已永感
物思徒紛未有桂陽使裁書一報君

月晦憶去年與親友曲水遊讌

悔賞念前歲京國結良儔騎出宣平里飲對曲池流今朝隔天末空
園傷獨遊兩歇林光變塘綠鳥聲幽凋忙積逋稅華鬢集新秋誰言
戀虎符終當還舊丘

清明日憶諸弟

冷食方多病開襟一忻然終令思故郡煙火滿晴川杏粥猶堪食榆
羹已稍煎唯恨乖親燕坐度此芳年

池上懷王卿

幽居捐世事佳雨散園芳入門鶴已綠水禽鳴春塘重雲始成夕忽
霽尙殘陽輕舟因風泛郡閣望蒼蒼私燕阻外好臨歡一停觴茲遊
無時盡旭日願相將

立夏日憶京師諸弟

改序念芳辰煩襟倦日永夏木已成陰公門晝恆靜長風始飄閣臺
雲纔吐嶺坐想離居人還當惜但景一作光景

曉至園中憶諸弟崔都水

山郭恆悄悄林月亦娟娟景清神已澄一作證事間慮絕牽秋塘徧
衰草曉露洗紅蓮不見心所愛茲賞豈爲妍

懷琅琊深標二釋子

白雲埋大壑陰崖滴夜泉應居西石室月照山蒼然

雨夜感懷

微雨洒高林塵埃自蕭散耿耿心未平沉沉夜方半獨驚長簾冷遽
覺愁鬢換誰能當此夕不有盈襟歎

雲陽館懷谷口

清泚階下流云自谷口源念昔白衣士結廬在石門道高杳無累景
靜得忘言山夕綠陰滿世移清賞存吏役豈遑暇幽懷復朝昏雲泉
非所濯蘿月不可援長往遂真性暫遊恨卑喧出身既事世高躅難
等論

憶澧上幽居

一來當復去猶此厭樊籠況我林栖子朝服坐南宮唯獨問啼鳥還
如澧水東

重九登滁城樓憶前歲九日歸澧上赴崔都水及諸弟讌集

悽然懷舊

今日重九讌去歲在京師聊迴出省步一赴郊園期嘉節始云邁周
辰已及茲秋山滿清景當賞屬乖離凋散民里闕摧翳衆木衰樓中
一長嘯惻愴起涼颼

始夏南園思舊里

夏首雲物變雨餘草木繁池荷初帖水林花已掃園繁叢蝶尚亂依
閣鳥猶喧對此殘芳月憶在漢陵原

登蒲塘驛公路見泉谷村墅忽想京師舊居追懷昔年

青山導騎遠春風行旆舒均徭視屬城間疾躬里閭煙水依泉谷川
陸散樵漁忽念故園日復憶驪山居在萬班餐及夢寢婚宦初不覺
平生事咄嗟二紀餘存沒闕已永悲多歡自疎高秩非爲美蘭干淚
盈裾

行旅

經函谷關

洪河絕山根單軌出其側萬古爲要樞往來何時息秦皇既恃險海
內被吞食及嗣同覆顛咽喉莫能塞炎靈詎西駕妻子非經國徒欲
扼諸侯不知恢至德聖朝及天寶豺虎起東北下沉戰死魂上結窮
冤色古今雖共守成敗良可識藩屏無俊賢金湯獨何力駐車一登
眺感慨中自惻

經武功舊宅

茲邑昔所遊嘉會常在目歷載俄二九始往今來復感感居人少茫
茫野田綠風雨經舊墟毀垣迷往躅門臨川流駛樹有羈雌宿多累
恆悲往長年覺時速欲去中復留徘徊結心曲徘徊一作彷徨

往雲門郊居塗經迴流作

茲晨迺休暇適往田家廬原谷經塗澁春陽草木敷纔遵板橋曲復
此清澗紆崩壑方見射迴流忽已舒明滅泛孤景杳靄含夕虛無將
爲邑志一酌澄波餘

乘月過西郊渡

遠山含紫氛春野靄云暮值此歸時月留連西澗渡謬當文墨會得
與羣英遇賞逐亂流翻心將清景悟行車儼未轉芳草空盈步已舉
候亭火猶愛村原樹還當守故局恨乘幽素

晚歸澧川

凌霧朝闔闔落日返清川簪組方暫解臨水一條然昆弟忻來集重

稚滿眼前適意在無事攜手望秋田南嶺橫爽氣高林繞遙阡野廬
不鋤理翳翳起荒煙名秩斯逾分廉退媿不全已想平門路晨騎復
言旋

授衣還田里

公門懸甲令澣濯遂其私晨起懷愴恨野田寒露時氣收天地廣風
淒草木衰山明始重疊川淺更逶迤煙火生閭里禾黍積東菑終然
可樂業時節一來斯

夕次盱眙縣

落帆逗一作透淮鎮停舫臨孤驛浩浩風起波冥冥日沉夕人歸山
郭暗鴈下蘆洲白獨夜憶秦關聽鍾未眠客

春月觀省屬城始憩東西林精舍

因時省風俗布惠追高年建隼出潯陽整駕遊山川白雲斂晴壑羣
峯列遙天欽崎石門狀杳靄香爐煙榛荒屢冒星遙側始覆顛方臻
釋氏廬時物厚華妍疊遠昔經始於茲闕幽玄東西竹林寺灌注寒
澗泉人事既云泯歲月復已綿殿宇餘丹紺磴閣峭欹懸佳士亦棲
息善身絕塵緣今我蒙朝寄教化敷里鄣道妙苟爲得出處理無偏
心當同所尚跡豈辭纏牽

自蒲塘驛迴駕經歷山水

館宿風雨滯始晴行蓋轉潯陽山水多草木俱紛衍崎嶇綠碧澗蒼
翠踐苔蘚高樹夾潺湲崩石橫陰巖野杏依寒拆餘雲冒嵐淺性慙
形豈勞境殊路遺緬憶昔終南下佳遊亦屢展時禽下流暮紛思何
由遣

山行積雨歸塗始霽

攬轡窮登降陰雨遘二旬但見白雲合不睹巖中春急澗豈易揭峻
塗良難遵深林猿聲冷沮洳虎跡新始霽升陽景山水閱清晨雜花
積如霧百卉萋已陳鳴騶屢驤首歸路自忻忻

感嘆

傷逝此後數近哀傷十九首盡同傷精舍舊居傷懷時所作
染白一爲黑焚木盡成灰念我室中人逝去亦不迴結髮二十載賓
敬如始來提攜屬時屯契闊憂患災柔素亮爲表禮章夙所該仕公
不及私百事委令才一旦入閨門四屋滿塵埃斯人既已矣觸物但
傷摧單居移時節泣涕撫嬰孩知妄謂當遣臨感要難裁夢想忽如
睹驚起復徘徊此心良無已遶屋生蒿萊

往富平傷懷

晨起凌嚴霜慟哭臨素帷駕言百里塗惻愴復何爲昨者仕公府屬
城常載馳出門無所憂返室亦熙熙今者掩筠扉但聞童稚悲丈夫
須出入顧爾內無依銜恨已酸骨何況苦寒時單車路蕭條迴首長
逶遲飄風忽截野嘹唳鴈起飛昔時同往路獨往今詎知

出還

昔出喜還家今還獨傷意入室掩無光銜哀寫虛位悽悽動幽慢寂
寂驚寒吹幼女復何知時來庭下戲咨嗟日復老錯莫身如寄家人
勸我食對桼空垂淚

冬夜

杳杳日云夕鬱結誰爲開單衾自不暖霜霰已皚皚晚歲淪風志驚
鴻感深哀深哀當何爲桃李忽凋摧幃帳徒自設冥寞豈復來平生
雖恩重遷去託窮埃抱此女曹恨顧非高世才振衣中夜起河漢尙
徘徊

送終

奄忽踰時節日月獲其良蕭蕭車馬悲祖載發中堂生平同此居一
旦異存亡斯須亦何益終復委山岡行出國南門南望鬱蒼蒼日入
乃云造慟哭宿風霜晨還俯玄廬臨訣但遑遑方當永潛翳仰視白
日光俯仰遽終畢封樹已荒涼獨留不得還欲去結中腸童稚知所

失啼號捉我裳卽事猶蒼卒歲月始難忘

除日

思懷耿如昨季月已云暮忽驚年復新獨恨人成故冰池始泮綠梅
援一作梢還飄素淑景方轉延朝朝自難度

對芳樹

迢迢芳園樹列映清池曲對此傷人心還如故時綠風條洒餘靄露
葉承新旭佳人不冉攀下有往來躅

月夜

皓月流春城華露積芳草坐念綺窗空翻傷清景好清景終若斯傷
多人自老

歎楊花

空蒙不自定況值暄風度舊賞逐流年新愁忽盈素纔縈下苑曲稍
滿東城路人意有悲歡時芳獨如故

過昭國里故第

不復見故人一來過故宅物變知景暄心傷覺時寂池荒野筠台庭
綠幽草積風散花意謝鳥還一作啼山光夕宿昔方同賞詎知今念
昔緘室在東廂遺器不忍觀柔翰全分意芳巾尙染澤殘工委筐篋
餘素經刀尺收此還我家將還復愁悵永絕攜手歡空存舊行迹冥
冥獨無語杳杳將何適唯思今古同時緩傷與戚

夏日

已謂心苦傷如何日方永無人不晝寢獨坐山中靜恬澹將遺慮寧
空庶遺境積俗易爲侵愁來復難整

端居感懷

沉沉積素抱婉婉屬之子永日獨無言忽驚振衣起方如在幃室復
悟永終已稚子傷恩絕歲時若流水暄涼同寡趣朗晦俱無理寂性
常喻人滯情今在己空房欲云暮巢鷺亦來止夏木遽成陰綠苔誰

復履感至竟何方幽獨長如此

悲紈扇

非關秋節至詎是恩情改掩嚙人已無委篋涼空在何言永不發暗
使銷光彩

閑齋對雨

幽獨自盈抱陰淡亦連朝空齋對高樹疎雨共蕭條巢鷺翻泥濕蕙
花依砌消端居念往事倏忽若驚飄

林園晚霽

雨歇見青山落日照林園山多一作夕煙鳥亂林清風景翻提攜唯
子弟蕭散在琴言同遊不同意耿耿獨傷魂寂寞鍾已盡如何還入
門

秋夜二首

庭樹轉蕭蕭陰蟲還戚戚獨向高齋眠夜聞寒雨滴微風時動牖殘
燈尙留壁惆悵平生懷偏來委今夕

霜露已淒淒星漢復昭昭朔風中夜起驚鴻千里來蕭條涼葉下寂
寞清砧哀歲晏仰空宇心事若寒灰

感夢

歲月轉蕪漫形影長寂寥髮髯觀微夢感嘆起中宵綿思靄流月驚
魂颯迴颿誰念茲夕永坐令顏鬢凋

同德精舍舊居傷懷

洛京十載別東林訪舊屏山河不可望存歿意多違時遷跡尙在同
去獨來歸還見窗中鷁日暮遶庭飛

悲故交

白壁衆求瑕素絲易成汙萬里顛沛還高堂已長暮積憤方盈抱纏
哀忽逾度念子從此終黃泉竟誰訴一爲時事感豈獨平生故唯見
荒丘原野草塗朝露

張彭州前與緱氏馮少府各惠寄一篇多故未答張已云沒
因追哀敘事兼遠簡馮生

君昔掌文翰西垣復石渠朱衣乘白馬輝光照里閭余時忝南省接
謙婉空虛一別守茲郡蹉跎歲再除長懷關河表永日簡牘餘郡中
有方塘涼閣對紅蕖金玉蒙遠貺篇詠見吹噓未答平生意已沒九
原居秋風吹寢門長慟涕連如覆視絨中字奄爲昔人書髮鬢已云
白交友日彫疎馮生遠同恨惟悴在田廬

東林精舍見故殿中鄭侍御題詩追舊書情涕泗橫集因寄
呈闡澧州馮少府

仲月景氣佳東林一登歷中有故人詩淒涼在高壁精思長懸一作
懷世音容已歸寂墨澤傳灑餘塵滅親翰跡平生忽如夢百事皆成
昔結騎京華年揮文篋筭積朝庭重英彥時輩分珪璧永謝柏梁陪
獨闕金門籍方嬰存沒感豈暇林泉適雨餘山景寒風散花光夕新
知雖滿堂故情誰能覲唯當同時友緘寄空懷感

同李二過亡友鄭子故第李與之故非予所識

客車名未滅沒世恨應長斜月知何照幽林判自芳故人驚逝水寒
雀噪空牆不是平生舊遺蹤要可傷

話舊亭中對兄姊話蘭陵崇賢懷真已來故事泫然而作

存亡三十載事過悉成空不惜霑衣淚併話一宵中

至開化里壽春公故宅

寧知府中吏故宅一徘徊歷階存往敬瞻位泣餘哀廢井沒荒草陰
牖生綠苔門前車馬散非復昔時來

睢陽感懷

豺虎犯天綱昇平無內備長驅陰山卒略踐三河地張侯本忠烈濟
世有深智堅壁梁宋間遠籌吳楚利窮年方絕輸鄰援皆攜貳使者
哭其庭救兵終不至重圍雖可越藩翰諒難弁飢喉待危巢懸命中

路墜甘從鋒刃斃莫奪堅貞志宿將降賊庭儒生獨全義空城唯白
骨同往無賤貴哀哉豈獨今千載當獻敬

廣德中洛陽作

生長太平日不知太平歡今還洛陽中感此方苦酸飲藥本攻病毒
腸翻自殘王師涉河洛玉石俱不完時節屢遷斥山河長鬱盤蕭條
孤煙絕日入空城寒寨劣乏高步緝遺守微官西懷咸陽道躑躅心
不安

闔門懷古

獨鳥下高樹遙知吳苑園淒涼千古事日暮倚闔門

感事

霜雪皎素絲何意墜墨池青蒼猶可濯黑色不可移女工再三嘆委
弃當此時歲寒雖無褐機杼誰肯施

感鏡

鑄鏡廣陵市菱花匣中發宿昔嘗許人鏡成人已沒如冰結圓器類
壁無絲髮形影終不臨清光殊不歇一感平生言松枝樹秋月

歎白髮

還同一葉落對此孤鏡曉絲縷乍難分楊花復相遠時役人易衰吾
年白猶少

韋蘇州集卷第六

韋蘇州集卷第七

蘇州刺史韋應物

登眺十五首

登高望洛城作一首

同德寺閣集眺一首

登寶意寺上方舊遊一首

登樂遊廟作一首

登西南岡卜居遇雨尋竹浪至澧塢繫帶數里清流茂樹雲

物可賞一首

澧上與幼遐月夜登西岡翫花一首

臺上遲客一首

登樓一首

善福寺閣一首

樓中月夜一首

寒食後北樓作一首

西樓一首

夜望一首

晚登郡閣一首

登重玄寺閣一首

遊覽五十八首

觀早朝一首

陪元侍御春遊一首

遊龍門香山泉一首

龍門遊眺一首

洛都遊寓一首

再遊龍門懷舊侶一首

莊嚴精舍遊集一首

府舍月遊一首

任鄂令漢陂遊眺一首

西郊遊獵一首

再遊西郊渡一首

月溪與幼遐君貺同遊一首

與幼遐君貺兄弟同遊白家竹潭一首

秋夕西齋與僧神靜遊一首

觀田家一首

園亭覽物一首

觀澧水漲一首

陪王卿郎中遊南池一首

南園陪王卿遊獵一首

遊西山一首

春遊南亭一首

再遊西山一首

遊靈巖寺一首

與盧陟同遊永定寺北池僧齋一首

遊溪一首

遊開元精舍一首

襄武館遊眺一首

秋景詣瑯琊精舍一首

同韓郎中閑庭南望秋景一首

慈恩精舍南池作一首

雨夜宿清都觀一首

善福精舍秋夜遲諸君一首

東郊一首

秋郊一首

行寬禪師院一首

神靜師院一首

精舍納涼一首

藍嶺精舍一首

道晏寺主院一首

義演法師西齋一首

澄秀上座院一首

至西峯蘭若受田婦饋一首

曇智禪師院一首

起渡律師同居東齋院一首

遊瑯琊山寺一首

同越瑯琊山一首

詣西山深師一首

尋簡寂觀瀑布一首

簡寂觀西澗瀑布下作一首

遊南齋一首

南園一首

西亭一首

夏景園廬一首

夏至避暑北池一首

題從姪成緒西林精舍書齋一首

題鄭弘憲侍御遺愛寺草堂一首

同元錫題瑯琊寺一首

題鄭拾遺草堂一首

登眺

登高望洛城作一首

高臺造雲端遐瞰周四垠雄都定鼎地勢據萬國尊河岳出雲雨土圭酌乾坤舟通一作盈南越貢城背北邙原帝宅夾清洛丹霞捧朝暾葱龍瑤臺樹綺闕門十載構屯難兵戈若一作久雲屯膏腴滿榛蕪比屋空毀垣聖主乃東眷俾賢拯元元熙熙居守化泛泛大府恩至損當一作方受益苦寒必生溫平明四城開稍見市井喧坐感理亂迹永懷經濟言吾生自不達空爲何翩翻天高水流遠日晏城郭昏徘徊訖旦夕聊用寫憂煩

同德寺閣集眺

芳節欲云晏遊遨樂相從高閣照丹霞颺颺含遠風寂寥氛氲超忽神慮空旭日霽皇州岩薺見兩宮嵩少多秀色羣山莫與崇三川浩東注灩澦亦來同陰陽降大和宇宙得其中舟車滿川陸四國靡不通舊堵今既葺庶壯亦已豐周覽思自奮行當遇時豈

登寶意寺上方舊遊寺在武功會居此寺

翠嶺香臺出半天萬家煙樹滿晴川諸僧近住不相識坐聽微一作嚴鐘記往年

登樂遊廟作

高原出東城鬱鬱見咸陽上有千載事乃自漢宣皇頽墜久凌遲陳迹翳丘荒春草雖復綠驚風但飄揚周覽京城內雙闕起中央微鍾何處來暮色忽蒼蒼歌吹喧萬井車馬塞康莊昔人豈不爾百世同一傷一作揚歸當守冲漠跡寓心自忘

登西南岡卜居遇雨尋竹浪至澧壩繫帶數里清流茂樹雲

物可賞

登高創危構林表見川流微雨颯已至蕭條川氣秋下尋密竹盡忽曠沙際遊紆直水分野綿延稼盈疇寒花明廢墟樵牧笑榛丘雲水

成一作交陰澹竹樹更清幽適自戀佳賞一作適自慙心賞又一作幽賞復茲永日留

灋上與幼遐月夜登西岡翫花

置酒臨高隅佳人自城闕已翫滿川花還看滿川月花月方浩然賞心何由歇

臺上遲客

高臺一悄望一作聊望遠樹間朝暉但見東西騎端令心賞違始霽郊園綠暮春啼鳥稀徒然對芳物何能獨醉歸

登樓

茲樓日登眺流歲暗蹉跎坐厭淮南守秋山紅樹多

善福寺閣

殘霞照高閣清山出遠林晴明一登望蕭洒此幽襟

樓中月夜

端令倚懸檻長望抱沉憂寧知故園月今夕在茲樓衰連送餘馥華露湛新秋坐見蒼林變清輝愴已休一作收

寒食後北樓作

園林過新節風花亂高閣遙聞擊鼓聲蹴鞠軍中樂

西樓

高閣一長望故園何日歸煙塵擁一作在函谷秋鴈過來稀

夜望

南樓夜已寂暗鳥動林間不見城郭事沉沉唯四山

晚登郡閣

悵然高閣望已掩東城關春風偏送柳夜景欲沉山

登重玄寺閣

時暇陟雲構晨霽澄景光始見吳都一作郡大十里鬱蒼蒼山川表明麗湖海吞大荒合沓臻水陸駢闐會四方俗繁節又暄雨順物亦

康禽魚各翔泳草木遍芬芳於茲省吐俗一用勸農桑誠知虎符泰但恨歸路長

遊覽

觀早朝

伐鼓通嚴城車馬溢廣墀煌煌列明燭朝服照華鮮金門杳深沉尚聽清漏傳河漢忽已沒司閤啓晨闕丹殿據龍首崔嵬對南山寒生千門裏日照雙闕間禁旅下成列鑪香起中天輝輝觀明聖濟濟行音飢俊賢婉無鴛鴦姿短翮空飛還誰當假毛羽雲路相追攀

陪元侍御春遊

何處醉春風長安西復東不因俱罷職豈得此時同貰酒宣平里尋芳下苑中往來楊柳陌猶避昔年驄

遊龍門香山泉

山水本自佳遊人已忘慮碧泉更幽絕賞愛未一作不能去潺湲寫幽磴繚繞帶一作對嘉樹激轉忽殊流歸泓又同注羽觴自成一作伐翫永日亦延趣靈草有時香一作山源不知處還當候圓月攜手重遊寓

龍門遊眺

鑿山導伊流中斷若天闕都門遙相望佳氣生朝夕素懷出塵意適有攜手客精舍遠一作緣層阿千龕鄰一作鱗峭壁緣雲路猶緬憩澗鍾已寂花樹發煙華淙流散石脈長嘯招遠風臨潭漱金碧日落望都城人間何役役一作徘徊悵還駕城闕多物役

洛都遊寓

東風日已和元化亮無私草木同時植生條有高卑罷官守園廬豈不懷渴飢窮通非所干踟躕促當何爲佳辰幸可遊親友亦相追朝從華林宴暮返東城期掇英出蘭皋翫月步川坻軒冕誠可慕所憂在繫維

再遊龍門懷舊侶嘗與黃州洛陽韓丞龜池李丞密鄭二尉同遊

兩山鬱相對晨策方上干靄靄眺都城悠悠俯清瀾逸矣二三子茲焉屢遊盤良時忽已周獨往念前歡好鳥始云至衆芳亦未闌遇物豈殊昔慨傷自有端

莊嚴精舍遊集

良遊因時暇乃在西南隅綠煙凝層城豐草滿通衢精舍何崇曠煩跼一弘舒架虹施廣蔭構雲眺八區卽此塵境遠忽聞幽鳥殊新林一作秋泛景光叢綠含露濡永日亮難遂平生少歡娛誰能遽還歸幸與一作得高士俱

府舍月遊

官舍一作寺耿深夜佳月喜同遊橫河俱半落泛露忽驚秋散彩疎羣樹分規澄素流心期與浩景蒼蒼殊未收

任鄂令漢陂遊眺

野水灔長塘煙光亂晴日氛氲綠樹多蒼翠千山出遊魚時可見新荷尙未密屢往心獨閑恨無理人術

西郊遊矚

東風散餘沍陂水淡已綠一本作綠煙芳何處尋杳藹春山曲新禽哢喧節晴光泛嘉木一與諸君遊華觴忻見屬

再遊西郊渡

水曲一追遊遊人重懷戀嬋娟昨夜月還向波中見驚禽棲不定流芳寒未徧攜手更何時佇看花似霰

月溪與幼遐君貺同遊時二十還城

岸篠覆迴溪迴溪曲如月沉沉水容綠寂寂流鶯歇一作鶯初歇淺石方凌亂遊禽時出沒半雨夕陽霏綠源雜花發明晨重來此同心應已闕

與幼遐君貺兄弟同遊白家竹潭

清賞非素期偶遊方自得前登絕嶺險下視深潭黑密竹已成暮歸雲殊未極春鳥依谷暄紫蘭含幽色已將芳景遇復款平生憶終念一歡別臨風還默默

秋夕西齋與僧神靜遊

晨登西齋望不覺至夕曛正當秋夏交原野起煙氛坐聽涼飈舉華月稍披雲漠漠山猶隱灑灑川始分物幽夜更殊境靜興彌臻息機非傲世于時乏嘉聞究空自爲理況與釋子羣

觀田家

微雨衆卉新一雷驚蟄始田家幾日閑耕種從此起丁壯俱在野場圃亦就理歸來景常晏飲犢西澗水飢飮不自苦膏澤且爲喜倉廩無宿儲徭役猶未已方慙不耕者祿食出閭里

園亭覽物

積雨時物變夏綠滿園新殘花已落實高笋半成筠守此幽棲地自是忘機人

觀澧水漲

夏雨萬壑湊澧漲一作流暮渾渾草木盈川谷漚漫一平吞槎梗方瀾泛濤沫亦洪翻北來注涇渭所過無安源雲嶺同昏黑觀望悻悻心魂舟人空斂棹風波正自奔

陪王卿即中遊南池

鷓鴣俱失侶同爲此地遊露泥荷花氣風散柳園秋煙草凝衰嶼星漢泛歸流林高初上月塘深未轉舟清言屢往復華樽始獻酬終憶秦川賞端坐起離憂

南園陪王卿遊矚

形跡雖拘檢世事澹無心郡中多山水日夕聽幽禽几閣文墨暇園林春景深雜花芳意散綠池暮色沉君子有高躅相攜在幽尋一酌

何爲貴可以寫沖襟

遊西山

時事方擾擾幽賞獨悠悠弄泉朝涉澗采石夜歸州揮翰題蒼峭下
馬歷嵌丘所愛唯山水到此即淹留

春遊南亭

川明氣已變巖寒雲尚擁南亭草心綠春塘泉脈動景煦聽禽響雨
餘看柳重逍遙池館華益婉專城寵

再遊西山

南謙古山郡信是人居自歎乏弘量終朝親簿書於時忽命駕秋
野正蕭疎積逋誠待責尋山亦有餘測測石泉冷曖曖煙谷虛中有
釋門子種果一作葉結茅廬出身厭名利遇境即躊躇守直雖多忤
視險方晏如況將塵埃外襟抱從此舒

遊靈巖寺

始入松路永獨忻山寺幽不知臨絕檻乃見西江流吳岫分煙景楚
甸散林丘方悟關塞眇重軫故園愁聞鐘戒歸騎憩澗惜良遊地球
泉谷狹春深草木稠茲焉賞未極清景一作澹期杪秋

與盧陟同遊永定寺北池僧齋

密竹行已遠子規啼更深綠池芳草氣閑齋春樹陰晴蝶飄蘭逕遊
蜂遶花心不遇君攜手誰復此幽尋

遊溪

野水煙鶴唳楚天雲雨空翫舟清景晚垂釣綠蒲中落花飄旅衣歸
流澹輕風緣源不可極遠樹但青葱

遊開元精舍

夏衣始輕體遊步愛僧居果園新雨後香臺照日初綠陰生晝靜一
作寂孤花表春餘符竹方爲累形跡一來疎

襄武館遊眺

州民知禮讓訟簡得遨遊高亭憑古地山川當暮秋是時秔稻熟西

望盡田一作平曠仰恩慙政拙念勞喜歲收澹泊風景晏繚繞雲樹

幽節往情惻惻天高思悠悠嘉賓幸雲集芳罇始淹留還希習池賞

一作還喜曲池濱聊以駐鳴騶

秋景詣瑯琊精舍

屢訪塵外跡未窮幽賞情高秋天景遠始見山水清上陟巖殿憩暮
看雲壑平蒼茫寒色起迢遞晚鍾鳴意有清夜戀身爲符守嬰悟言
一作方愛緇衣子蕭洒中林行

同韓郎中閑庭南望秋景

朝下抱餘素地高心本閑如何趨府客罷秩見秋山疎樹共寒意遊
禽同暮還因君悟清景西望一開顏

慈恩精舍南池作

清境豈云遠炎氛忽如遺重門布綠陰菡萏滿廣池石髮散清淺林
光動連漪緣崖摘紫房扣檻集靈龜浥浥餘露氣馥馥幽襟披積喧
忻物曠耽翫覺景馳明晨復趨府幽賞當反思

兩夜宿清都觀

靈輿動闔闔微雨洒瑤林復此新秋夜高閣正沉沉曠歲恨殊跡茲
夕一披襟洞戶含涼氣網軒構層陰況自展良友芳樽遂盈斟適悟
委前妄清言怡道心豈戀腰間綬如彼籠中禽

善福精舍秋夜遲諸君

廣庭獨閑步夜色方湛然丹閣已排雲皓月更一作正高懸繁露降
秋節蒼林鬱芊芊仰觀天氣涼高詠古人篇撫己亮無庸結交賴羣
賢屬予翹思時方子中夜眠相去隔城闕佳期屢徂遷一作阻如何
日夕待見月三四圓

東郊

吏舍踞終年出郊曠清曙楊柳散和風青山澹吾慮依叢適自憩緣

澗還復去微雨霽芳原春鳩鳴何處樂幽心屢止遵事跡猶遠終罷斯一作期結廬慕陶真可庶

秋郊作

清露澄境遠旭日照林初一望秋山淨蕭條形迹疎登原忻時稼采菊行故墟方願沮溺耦淡泊守田廬

行寬禪師院

北望極長廊斜扉映一作掩叢竹亭午一來尋院幽僧亦獨唯聞山鳥啼愛此林下宿

神靜師院

青苔幽巷偏新林露氣微經聲在深竹高齋獨掩扉憩樹愛嵐嶺聽禽悅朝暉方耽靜中趣自與塵事違

精舍納涼

山景寂已晦野寺變蒼蒼夕風吹高殿露葉散林光清鍾始戒夜幽禽尚歸翔誰復掩扉臥不詠南軒涼

藍嶺精舍

石壁精舍高排雲聊直上佳遊愜始願忘險得前賞崖傾景方晦谷轉川如掌綠林含蕭條飛閣起弘敞道人上方至深夜還獨往日落羣山陰天秋百泉響所嗟累已成安得長偃仰

道晏寺主院

北隣有幽竹潛筠穿我廬往來地既密心樂道者居殘花迴往節輕條蔭夏初聞鍾北窗起嘯傲永日餘

義演法師西齋

結茅臨絕岸隔水聞清磬山水曠蕭條登臨散情性稍指緣原騎還尋汲澗徑長嘯倚亭樹悵然川光暝

澄秀上座院

繚繞西南隅鳥聲轉幽靜秀公今不在獨禮高僧影林下器未收何

人適黃茗

至西峯蘭若受田婦饋

攀崖復緣澗遂造幽人居鳥鳴泉谷暖土起萌甲舒聊登石樓憩下翫潭中魚田婦有嘉獻潑撒新歲餘常怪投錢飲事與賢達疎今我何爲答縹緲欲焉如

曇智禪師院

高年不復出門徑一作援衆草生時夏方新雨果藥發餘榮疎澹下林景流暮幽禽情身名兩俱遺獨此野寺行

起渡律師同居東齋院

釋子喜相遇幽林俱避喧安居同僧夏清夜諷道言對閣景恆晏步庭陰始繁道遙無一事松風入南軒

遊瑯琊山寺

受命恤人隱茲遊久未遑鳴騶響幽澗一作谷前旌耀崇岡青真臺砌寒綠縹草木香填壑躋花界疊石構雲房經製隨巖轉繚繞豈定方新泉泄陰壁高蘿蔭綠塘攀林一栖止飲水得清涼物累誠可遣疲忙終未忘還歸坐郡閣但見山蒼蒼

同越瑯琊山趙氏生辟強

石門有雪無行跡松壑凝煙滿衆香餘食施庭寒鳥下破衣掛樹老僧亡

詣西山深師

曹溪舊弟子何緣住此山世有征戰事心將流水閑掃林驅虎出宴坐一林間藩守寧爲重擁騎造雲關

尋簡寂觀瀑布

躡石欹危過急澗攀崖迢遞弄懸泉猶將虎竹爲身累欲付歸人絕世緣

簡寂觀西澗瀑布下作

深一作涼流絕壁散虛煙翠澗深叢際松風起飄來灑塵襟窺蘿翫猿鳥解組傲雲林茶果邀真侶觴酌洽同心曠歲懷茲賞行春始重尋聊將橫吹曲一寫山水音

遊南齊

池上鳴佳禽僧齋日幽寂高林晚露清紅藥無人摘春水不生煙荒岡筠翳石不應朝夕遊良爲蹉跎客

南園

清露夏天曉荒園野氣通水禽遙泛雪池蓮迥披紅幽林詎知暑環舟似不窮頓灑塵喧意長嘯滿襟風

西亭

亭宇麗朝景簾牖散暄風小山初構石珍樹三然紅弱藤已扶援幽蘭欲成叢芳心幸如此佳人時不同

夏景園廬

羣木晝陰靜北窗涼氣多閑居逾時節夏雲已嵯峨寧葉愛繁綠緣澗弄驚波豈爲論風志對此青山阿

夏至避暑北池

晝晷已云極宵漏自此長未及施政教所憂變炎涼公門日多暇是月農稍忙高居念田里苦熱安可當亭午息羣物獨遊愛方塘門閉陰寂寂城高樹蒼蒼綠筠尚含粉圓荷始散芳於焉洒煩抱可以對華觴

題從姪成緒西林精舍書齋

棲身齒一作始多暮息心君獨少慕謝始精文依僧欲觀妙冽泉前增注清池北窗照果藥雜芬敷松筠疎蔭峭屢躋幽人境每肆芳辰眺採栗玄猿窟擷芝丹林嶠紆衣豈寒禦蔬食非飢療雖甘巷北單一作簞豈塞青紫耀郡有優賢榻朝編貢士詔欲同一作求朱輪載勿憚移文誚

題鄭弘憲侍御遺愛草堂

居士近依僧青山結茅屋疎松映風晚春池含苔綠繁華冒陽嶺新禽響幽谷長嘯攀喬林慕茲高世躅

同元錫題瑯琊寺

適從郡邑喧又茲三伏熱山中清景多石罅寒泉絮花香天界事松竹人間別殿分嵐嶺明磴臨懸一作玄壑絕昏旭窮陟降幽顯盡披閱一作嶺駭風雨區寒知龍蛇穴情虛澹泊生境寂塵妄滅經世豈非道無爲厭車轍一作歸轍

題鄭拾遺草堂

借地結茅棟橫竹掛朝衣秋園雨中綠幽居塵事違陰一作涼井夕蟲亂高林霜果稀子有白雲意構此想巖扉

韋蘇州集卷第七

原
书
空
白
页

韋蘇州集卷第八

蘇州刺史韋應物

雜興八十九首

詠玉一首

詠露珠一首

詠水精一首

詠珊瑚一首

詠瑠璃一首

詠琥珀一首

詠曉一首

詠夜一首

詠聲一首

任洛陽丞請告一首

縣齋一首

晚出府舍與獨孤兵曹令狐士曹南尋朱雀街歸里第一首

休暇東齋一首

夜直省中一首

郡內閑居一首

燕居卽事一首

幽居一首

野居書情一首

郊居言志一首

夏景端居卽事一首

始至郡一首

郡中西齋一首

新理西齋一首

曉坐西齋一首

郡齋臥疾絕句一首

寓居永定精舍一首

永定寺喜辟強夜至一首

野居一首

同褒子秋齋獨宿一首

餌黃精一首

昭國里第聽元老師彈琴一首

野次聽元昌奏橫吹一首

樓中閱清管一首

寒食一首

七夕一首

九日一首

秋夜一首

秋夜一絕

滁城對雪一首

雪中一首

對春雪一首

對殘燈一首

對芳罇一首

夜對流螢作一首

對新篁一首

夏花明一首

對萱草一首

見紫荊花一首

翫螢火一首

對雜花一首

種藥一首

西澗種柳一首

種瓜一首

喜園中茶生一首

移海榴一首

郡齋移杉一首

花徑一首

慈恩寺南池秋荷詠一首

題桐葉一首

題石橋一首

池上一首

滁州西澗一首

西塞山一首

山耕叟一首

上方僧一首

煙際鍾一首

始聞夏蟬一首

射雉一首

夜聞獨啼鳥一首

迷園鹿一首

聞鴈一首

子規啼一首

始建射侯一首

仙人祠一首

雜興

詠玉

乾坤有精物至寶無文章雕琢爲世器真性一朝傷

詠露珠

秋荷一滴露清夜墜玄天將來玉盤上不定始知圓

詠水精

映物隨顏色含空無表裏持來向明月的皦愁成水

詠珊瑚

絳樹無花葉非石亦非瓊世人何處得蓬萊石上生

詠瑠璃

有色同寒冰無物隔纖塵象筵看不見堪將對玉人

詠琥珀

曾爲老茯神本是寒松液蚊蚋落其中千年猶可覩

詠曉

軍中始吹角城上河初落深沉猶隱帷晃朗先分闕

詠夜

明從何處去暗從何處來但覺年年老半是此中催

詠聲

萬物自生聽一二云萬物自此聽大空恆寂寥還從一作應靜中起却

向靜中消

任洛陽丞請告一首

方鑿不受圓直木不爲輪揆材各有用反性生苦辛折腰非吾事飲
水非吾貧休告臥空館養病絕羈塵遊魚自成族野鳥亦有羣家園
杜陵下千歲心氛氲天晴嵩山高雪後河洛春喬木猶未芳百草日
已新著書復何爲當去東臯耘

縣齋

仲春時景好草木漸舒榮公門且無事微雨園林清泱泱水泉動忻

忻衆鳥鳴閑齋始延矚東作興庶吐即事翫文墨抱冲披道經於焉
日淡泊徒使芳樽盈

晚出府舍與獨孤兵曹令狐士曹南尋朱雀街歸里第

分曹幸同簡聯騎方愜素還從廣陌歸不覺青山暮翻翻鳥未沒杳
杳鍾猶度尋草遠無人望山多在路聊參世士跡嘗得靜者顧出入
雖見牽忘身緣所一作明晤

休暇東齋

由來束帶士請謁無朝暮公暇及私身何能獨閑步摘葉愛芳在捫
竹憐粉汚岸幘偃東齋夏天清曉露懷仙閑真詰貽友題幽素榮達
頗知疎恬然自成度綠苔日已滿幽寂誰來顧

夜直省中

河漢有秋意南宮生早涼玉漏殊杳杳雲闕更蒼蒼華燈發新燄輕
一作爐煙浮夕香顧跡知爲忝束帶愧周行

郡內閑居

棲息絕塵侶屏鈍得自怡腰懸竹使符心與一作如廬山緇永日一
酣寢起坐兀無思長廊獨看雨衆藥發幽姿今夕已云罷明晨復如
斯何事能爲累寵辱豈要辭

燕居即事

蕭條竹林院風雨叢蘭折幽鳥林上啼青苔人跡絕燕居日已永夏
木紛成結几閣積羣書時來北窗閱

幽居

貴賤雖異等出門皆有營獨無外物牽遂此幽居情微雨夜來過不
知春草生青山忽已曙鳥雀繞舍鳴時與道人偶或隨樵者行自當
安蹇劣一作拙誰謂薄世榮

野居書情

世事日可見身名良蹉跎尚瞻白雲嶺聊作負薪歌

郊居言志

負喧衡門下望雲歸遠山但要樽中物餘事豈相關交無是非責且
得任疎頑日夕臨清澗逍遙思慮閑出去唯空屋簷簷窗間何異
林棲鳥戀此復來還世榮斯獨已頽志一作思亦何攀唯當歲豐熟
閭里一歡顏

夏景端居即事

北齋有涼氣嘉樹對層城重門永日掩清池夏雲生遇此庭訟簡始
聞蟬初鳴逾懷故園愴默默以絃情

始至郡

潁城古雄郡一作鎮橫江千里馳高樹上迢遞峻嶒繞歛危井邑煙
火晚郊原草樹滋洪流蕩一作薄北趾崇嶺鬱南圻斯民本樂生逃
逝竟何爲早歲屬荒歉舊逋積如坻到郡方逾月終朝理亂絲賓朋
未及驪簡牘已云疲昔賢播高風得守媿無施豈待干戈戢且願撫
惓惓

郡中西齋

似與塵境一作世絕蕭條齋舍秋寒花獨經兩山禽時到州清觴養
真氣玉書示道流豈將符守戀幸以棲心幽

新理西齋

方將吐訟理久翳西齋居草木無行次閑暇一芟除春陽土脉起膏
澤發生初養條刊朽枿護藥鋤穢一作荒蕪稍稍覺林篁歷歷忻竹
疎始見庭宇曠頓令煩抱舒茲焉即可愛何必是吾廬

曉坐西齋

寥寥城鼓動稍稍林鷗去柳意不勝春嚴光已知曙寢齋有單牀一
一作異處作茅靈藥爲朝茹盟激忻景清焚香澄神慮公門自常事道心寧易
處

郡齋臥疾絕句

香爐宿火滅蘭燈宵影微秋齋獨臥病誰與覆寒衣

寓居永定精舍 蘇州

政拙忻罷守閑居初理生家貧何由往夢想在京城野寺霜露月農興羈旅情聊租二頃田方課子弟耕眼暗文字廢身閑道心精即與人羣遠豈謂是非嬰

永定寺喜辟強夜至

子有新歲慶獨此苦寒歸夜叩竹林寺山行雪滿衣深爐正燃火空齋共掩扉還將一樽對無言百事違

野居

結髮屢辭秩立身本疎慢今得罷守歸幸無世欲患棲止且偏僻嬉遊無早晏逐兔上坡岡捕魚緣赤澗高歌意氣在貰酒貧居慣時啓北窗扉豈將文墨間

同褒子秋齋獨宿

山月皎如燭風霜時動竹夜半鳥驚栖窗間人獨宿

餌黃精

靈藥出西山服食採其根九蒸換凡骨經著上世言候火起中夜馨香滿南軒齋君感衆靈藥術啓妙門自懷物外心豈與俗士論終期脫印綬永與天壤存

昭國里第聽元老師彈琴

竹林高宇霜露清朱絲玉徽多故情暗識啼鳥與別鶴祗緣中有斷腸聲

野次聽元昌奏橫吹

立馬蓮塘吹橫笛微風動柳生水波北人聽罷淚將落南朝曲中怨更多

樓中閱清管

山陽遺韻在林端橫吹驚響迴憑高閣曲怨繞秋城漸灑危葉振蕭蕭

瑟涼氣生始遇茲管賞已懷故園情

寒食

晴明寒食好春園百卉開綵繩拂花去輕毬度閣來長歌送落日緩吹逐殘杯非關無燭罷良爲羈思催

七夕

人世拘形迹別去間山川豈意靈仙偶相望亦彌年夕衣清露濕晨駕秋風前臨懽定不住當爲何所牽

九日

今朝把酒復惆悵憶在杜陵田舍時明年九日知何處世難還家未有期

秋夜

暗窗涼葉動秋天 一作霜 寢席單憂人半夜起明月在林端一與清景遇每憶平生歡如何方惻愴披衣露更 一作轉寒

秋夜一絕

高閣漸凝露涼葉稍飄闌憶在南宮直夜長鍾漏稀

滁城對雪

晨起滿闌雪憶朝闈闔時玉座分曙早金爐上煙遲飄散雲臺下凌亂桂樹姿厠跡驚鷺末蹈舞豐年期今朝覆山郡寂寞復何爲

雪中

空堂歲已晏密室獨安眠壓篠夜偏積覆閣曉逾妍連山暗古郡驚風散一川此時騎馬出忽省京華年

詠春雪

徘徊輕雪意似借艷陽時不悟風光冷翻令梅柳遲

對春雪

蕭屑杉松聲寂寥寒夜慮州貧人吏稀雪滿山城曙春塘看幽谷栖禽愁未去開闌正亂流寧辨花枝處

對殘燈

獨照碧窗久欲隨寒燼滅幽人將遽眠解帶翻成結

對芳樽

對芳樽醉來百事何足論遙見青山始一醒欲著接離還復昏

夜對流螢作

月暗竹亭幽螢光拂席流還思故園夜更度一年秋自慙觀書興何
慙秉燭遊府中徒再再明發好歸休

對新篁

新綠苞初解嫩氣荀猶香含露漸舒葉抽叢稍自長清晨止亭下獨
愛此幽篁

夏花明

夏條綠已密朱萼綴明鮮炎炎日正午灼灼火俱燃翻風適自亂照
水復成妍歸視窗間字熒煌滿眼前

對萱草

何人樹萱草對此郡齋幽本是忘憂物今夕一作日重生憂叢疎露
始滴芳餘蝶尚留還思杜陵圃離披風雨秋

見紫荊花

雜英紛已積含芳獨暮春還如故園樹忽憶故園人

翫螢火

時節變衰草物色近新秋度月影纔斂繞竹光復流

對雜花

朝紅爭景新一作鮮夕素含露翻妍姿如有意流芳復滿園單棲守
遠郡永日掩重門不與花爲偶終遣與誰言

種藥

好讀神農書多識藥草名持嫌購山客移時羅衆英不改幽澗色宛
如此地生汲井既蒙澤插援亦扶傾陰賴夕房斂陽條夏花明悅翫

從茲始日夕繞庭行州民自寡訟養閑非政成

西澗種柳

宰邑乖所願僣俛愧昔人聊將休暇日種柳西澗濱置錫息微倦臨
流睇歸雲封壤自人力生條在陽春一作王春成陰豈自取爲茂屬
佗辰延詠留佳賞山水變夕曛

種瓜

率性方鹵莽理生尤自疎今年學種瓜園圃多荒蕪衆草同雨露新
苗獨翳如直以春拊迫過時不得鋤田家笑枉費日夕轉空虛信非
吾儕事且讀古人書

喜園中茶生

潔性不可汙爲飲滌塵煩此物信靈味本自出山原聊因理郡餘率
爾植荒園喜隨衆草長得與幽人言

移海榴

葉有苦寒色山中霜霰多雖此蒙陽景移根意如何

郡齋移杉

擢幹方數尺幽姿已蒼然結根西山寺來植郡齋前新舍野露氣稍
靜高窗眠雖爲賞心過豈有崑中緣

花徑

山花夾徑幽古甃生苔遊胡床理事餘玉琴承露濕朝與詩人賞夜
攜禪客入自是塵外蹤無令吏趨急

慈恩寺南池秋荷詠

對殿含涼氣裁規覆清沼衰紅受露多餘馥依人少蕭蕭遠塵跡颯
颯凌秋曉節謝客來稀迴塘方獨遶

題桐葉

參差剪綠綺蕭灑覆瓊柯憶在澧東寺偏書此葉多

題石橋

遠學臨海嶠橫此莓苔石郡齋三四峯如有靈仙一作山跡方愁暮
雲滑始照寒池碧自與幽人期逍遙竟朝夕

池上

郡中臥病久池上一來聆榆柳飄枯葉風雨倒橫查

滁州西澗

獨憐幽一作芳草澗邊生一作行上有黃鸝深樹鳴春潮帶雨晚來
急野渡無人舟自橫

西塞山

勢從千里奔直入江中斷嵐橫秋塞雄地束驚流滿

山耕叟

蕭蕭垂白髮默默詎知情獨放寒林燒多尋虎跡行暮歸何處宿來
此空山耕

上方僧

見月出東山上方高處禪空林無宿火獨夜汲寒泉不下藍溪寺今
年一作來三十年

煙際鍾

隱隱起何處迢迢送落暉蒼茫隨思遠蕭散逐一作入煙微秋野寂
云一作方晦望山僧獨歸

始聞夏蟬

但夏暑未晏蟬鳴景已曛一聽知何處高樹但侵雲響悲遇衰齒節
謝屬離羣還憶郊園日獨向澗中聞

射雉

走馬上東岡朝日照野田野田雙雉起翻射斗迴鞭雖無百發中聊
取一笑妍羽分繡臆碎頭一作頸弛錦鞘懸方將悅羈旅非關學少
年發弓一長嘯憶在灞城阡

夜聞獨鳥啼

失侶度山覓投林舍北啼今將獨夜意偏知對影栖

迷園鹿

野性本難畜翫習亦逾年覺班始力直麋角已蒼然仰首嚙園柳俯
身飲清泉見人若閑暇蹶起忽低齶茲獸有高貌凡類寧比肩不得
遊山澤踴促誠可憐

聞鴈

故園眇何處歸思方悠哉淮南秋雨夜高齋聞鴈來

子規啼

高林滴露夏夜清南山子規啼一聲鄰家婦婦抱兒泣我獨展轉何
時明一作何為情

始建射侯

男子本懸弧有志在四方虎竹忝明命熊侯始張皇賓登時事畢諸
將備戎裝星飛的屢破鼓譟武更揚曾習鄒魯學亦陪鸞鷟翔一朝
願投筆世難激中腸

仙人祠

倉岑古仙子清廟閔華容千載去寥廓白雲遺舊蹤歸來灞陵上猶
見最高峯

韋蘇州集卷第八

韋蘇州集卷第九

蘇州刺史韋 應物

歌行上二十二首

長安道一首

行路難一首

橫塘行一首

貴遊行一首

酒肆行一首

相逢行一首

烏引鵲一首

鷺奪巢一首

鷺銜泥一首

鼙鼓行一首

古劍行一首

金谷園歌一首

溫泉行一首

學仙二首

廣陵行一首

萼綠華歌一首

王母歌一首

馬明生遇神女歌一首

石鼓歌一首

寶觀主白鸚鵡歌一首

彈碁歌一首

歌行上

長安道

漢家宮殿含雲煙兩宮十里相連延晨霞出沒弄丹闕春雨依微自
甘泉春雨依微春尚早長安貴遊愛芳草寶馬橫來下建章香車却
轉避馳道貴遊誰最貴衛霍世難比何能蒙主恩幸遇邊塵起歸來
甲第拱皇居朱門峨峨臨九衢中有流蘇合歡之寶帳一百二十鳳
凰羅列含明珠下有錦鋪翠被之粲爛博山吐香五雲散麗人綺閣
情飄飄頭上鸞釵雙翠翹低鬟曳袖迴春雪聚黛一聲愁碧霄山珍
海錯棄落離離煮犢魚羔如折葵既請列侯封部曲還將金印授盧兒
歡榮若此何所苦但苦白日西南馳

行路難 一云連環歌

荆山之白玉兮良工琢琢雙環連月蝕中央鏡心穿故人贈妾初相
結恩在環中尋不絕人情厚薄苦須臾昔似連環今似玦連環可碎
不可離如何物在人自移上客勿遽歡聽妾歌路難旁人見環環可
憐不知中有長恨端

橫塘行

妾家住橫塘夫聲鄰家郎玉盤的歷矢白魚寶簾玲瓏透象牀象牀
可寢魚可食不知即意何南北岸上種蓮豈得生池中種蓮豈得成
丈夫一去花落樹妾獨夜長心未平

貴遊行

漢帝外家子恩澤多封侯垂楊拂白馬曉日上青樓上有顏如玉高
情世無儔一作非輕裾含碧烟窈窕似雲浮良時無還景促節爲我
謳忽聞豔陽曲四坐亦已柔賓友仰稱歎一生何所求平明擊鍾食
入夜樂未休風雨憊歲候兵戈橫九州焉知坐上客草草心所憂

酒肆行

豪家沽酒長安陌一旦起樓高百尺碧疏玲瓏含春風銀燭彩幟邀
上客迴瞻丹鳳闕直視樂遊苑四方稱賞各已高五陵車馬無近遠
晴景悠揚三月天桃花飄俎柳垂筵繁絲急管一時合他壚降肆何

寂然主人無獸且專利百斛須臾一壺一作費初醺後薄爲大偷飲
者知名不知味深門潛醞客來稀終歲醇醪味不移長安酒徒空擾
擾路旁過去那得知

相逢行

二十登漢朝英聲邁今古適從東方來又欲謁明主猶酣新豐酒尚
滯灞陵雨邂逅兩相逢別來問寒暑寧知白日晚暫向花間語忽聞
長樂鍾走馬東西去

鳥引鵲

日出照東城春鳥鳴鵲鵲和鳴鵲和鳴羽猶短巢在深林春正寒引
飛欲集東城暖羣鵲離離睥睨高舉翅不及墜蓬蒿雄雌來去飛又
引音聲上下懼鷹隼引鵲爲介心急急將何如何得比日搜索雀卵
噉爾鵲

鷲奪巢

野鵲野鵲巢林梢鷲鷲恃力奪鵲巢吞鵲之肝啄鵲腦竊食偷居還
自保鳳凰五色百鳥尊知鷲爲害何不言霜鷲野鵲得殘肉同啄羶
腥不肯逐可憐百鳥紛紛縱橫雖有深林何處宿

鷲喻泥

鷲泥鷲聲嘍嘍尾涎涎秋去何所歸春來復相見豈不解決絕高飛
碧雲裏何爲地上鷲泥滓泥雖賤意有營杏梁朝日巢欲成不見
百鳥畏人林野宿翻遭網羅俎其肉未若鷲呢入華屋鷲喻泥百鳥
之智莫與齊

鼙鼓行

淮海生雲暮慘澹廣陵城頭鼙鼓暗寒聲坎坎風動邊忽似孤城萬
里絕四望無人煙又如虜騎截遼水胡馬不食仰朔天座中亦有燕
趙士聞鼙不語客心死何況鏖孤火絕無晨炊獨婦夜泣官有期

古劍行

千年土中兩刃鐵土蝕不入金星滅沉沉青脊鱗甲滿蛟龍無足蛇
尾斷忽欲動中有靈豪士得之敵國寶仇家舉意半夜鳴小兒女子
不可近龍蛇變化此中隱夏雲奔走雷闐闐恐成霹靂飛上天

金谷園歌

石氏滅金谷園中水流絕當時豪右爭驕侈錦爲步障四十里東風
吹花雪滿川紫氣凝閣朝景妍洛陽陌上人迴首絲竹飄飄入青天
晉武平吳恣歡燕餘風靡靡朝廷變嗣世衰微誰肯憂二十四友日
日空追遊追遊詎可足共惜年華促禍端一發埋恨長百草無情春
自綠

溫泉行

出身天寶今年幾頑鈍如錘一作命如紙作官不了却來歸還是杜
陵一男子北風慘慘投溫泉忽憶先皇遊幸年身騎廐馬引天仗直
入華清列御前玉牀瑤雪滿寒山上昇玄閣遊絳煙平明羽衛朝萬
國車馬合沓溢四鄺蒙恩每浴華池水扈獵不蹂渭北田朝廷無事
共歡燕美人絲管從九天一朝鑄鼎降龍馭小臣聳絕不得去今來
蕭瑟一作萬井空唯見蒼山起煙霧可憐蹭蹬失風波仰天大叫無
奈何斃裘羸馬凍欲死賴遇主人杯酒多

學仙二首

昔有道士求神仙靈真下試心確然千鈞巨石一髮懸臥之石下十
三年存道忘身一試過名奏玉皇乃升天雲氣冉冉漸不見留語第
子但精堅

石上鑿井欲到水情心一起中路止豈不見古來三人俱弟兄結茅
深山讀仙經上有青冥倚天之絕壁下有颼颼萬壑之松聲仙人變
化爲白鹿二弟翫之兄誦讀讀多七過可乞言爲子心精得神仙可
憐二弟仰天泣一失毫釐千萬年

廣陵行

雄藩鎮楚郊地勢鬱岩嶢雙旌擁萬戟中有霍嫫姚海雲助兵氣寶
貨益軍饒嚴城動寒角晚騎踏霜橋翕習英豪集振奮士卒驍列郡
何足數趨拜等卑寮日晏方云罷人逸馬蕭蕭忽如京洛間遊子風
塵飄歸來視寶劍功名豈一朝

募綠華歌

有一人兮昇紫霞書名玉牒兮募綠華仙容矯矯兮雜瑤珮輕衣重
重兮蒙絳紗雲雨愁思兮望淮海鼓吹蕭條兮駕龍車世淫濁兮不
可降胡不來兮玉斧家

王母歌 一云玉女歌

衆仙翼神母羽蓋隨雲起上遊玄極杳冥中下看東海一杯水海畔
種桃經幾時千年開花千年子玉顏眇眇何處尋世上茫茫人自死

馬明生遇神女歌

學仙貴功亦貴精神女變化感馬生石壁千尋啓雙檢中有玉堂一作
床鋪玉簾立之一隅不與言玉體安隱三日眠馬生一粒心轉堅知
其丹白蒙哀憐安期先生來起居請示金鑑玉佩天皇書神女呵責
不合見仙子謝過手足戰大瓜玄棗冷如冰海上摘來朝霞凝賜仙
復坐對食訖領之使去隨煙升一作使隨乃言馬生合不死少姑教
勅令付爾安期再拜將生出一授素書天地畢

石鼓歌

周宣大獵兮岐之陽刻石表功兮燁煌煌石如鼓形數止十風雨缺
訛苔辭澁今人濡紙脫其文既擊既埽白黑分忽開滿卷不可識驚
潛動輦走云云喘逶迤相紕錯乃是宣王之臣史籀作一書遺此天
地間精意長存世冥寞秦家祖龍還刻石碣石之罘李斯跡世人好
古猶共傳持來比此殊懸隔

寶觀主白鸚鵡歌

鸚鵡鸚鵡衆皆如漆爾獨如玉鸚之鸚之衆皆蓬蒿下爾自三山來

梨三山處子下人間綽約不粧冰雪顏仙鳥隨飛來掌上來掌上時
拂拭人心鳥意自無猜玉指霜毛本同色有時一去凌蒼蒼朝遊汗
漫暮玉堂巫峽雨中飛暫濕杏花林裏過來香日夕依仁全羽翼空
欲銜環非報德豈不及阿母之家青鳥兒漢宮來往傳消息

彈碁歌

圓天方地局二十四氣子劉生絕藝難對曹客爲歌其能請從中央
起中央轉鬪破欲闌零落勢背誰能彈此中舉一得六七旋風忽散
霹靂疾履機乘變安可當置之死地翻取強不見短兵反掌收已盡
唯有猛士守四方四方又何難橫擊上緣邊豈如昆明與碣石一箭
飛中隔遠天神安志懷動十全滿堂驚視誰得然

韋蘇州集卷第九

原书缺此页

韋蘇州集卷第十

蘇州刺史韋 應物

歌行下二十首

聽鸞曲一首

白沙亭逢吳叟歌一首

送褚校書歸舊山歌一首

五弦行一首

驪山行一首

漢武帝雜歌三首

樓欄蠅拂歌一首

信州錄事參軍常會古鼎歌一首

夏冰歌一首

凌霧行一首

樂燕行一首

采玉行一首

難言一首

易言一首

調嘯詞二首

三臺詞二首

歌行下

聽鸞曲

東方欲曙花冥冥啼鸞相喚亦可聽乍去乍來時近遠纔聞南陌又東城忽似上林翻下苑綿綿蠻蠻如有情欲嚙不嚙意自嬌羌兒吹笛曲未調前聲後聲不相及秦女學箏指猶澁須臾風暖朝日曛流音變作百鳥喧誰家懶婦驚殘夢何處愁人憶故園伯勞飛過聲腸促戴勝下時桑田綠不及流鸞日日啼花間能使萬家春意閑有時

斷續聽不了飛去花枝猶裊裊還栖碧樹鏤千門春漏方殘一聲曉

白沙亭逢吳叟歌

龍池宮裏上皇時羅衫寶帶香風吹滿朝豪士今已盡欲話舊遊人不知白沙亭上逢吳叟愛客脫衣且沽酒問之執戟亦先朝零落艱難却負樵親觀文物蒙雨露見我昔年侍丹霄冬狩春祠無一事歡遊洽宴多頒賜嘗陪夕月竹宮齋每返溫泉灑陵醉星歲再周十二辰爾來不語今爲君感時忽去良可惜一生坎壈何足云

送褚校書歸舊山歌

握珠不返泉匣玉不歸山明皇重士亦如此忽得褚生何得還方稱羽獵賦未拜蘭臺職漢儀亡書已暗傳嵩丘遺簡還能識朝朝待詔青鑲闌中有萬年之樹蓬萊池世人仰望棲此地生獨徘徊意何爲故山可往薇可採一自人間星歲改藏書壁中苔半侵洗藥泉中月還在春風飲餞灞陵原莫厭歸來朝市喧不見東方朔避世從容金馬門

五弦行

美人爲我彈五弦塵埃忽靜心悄然古刀幽磬初相觸千珠貫斷落寒玉中曲又不喧徘徊夜長月當軒如伴風流縈豔雪更逐落花飄御園獨鳳寥寥有時隱碧霄來下聽還近燕姬有恨楚客愁言之不盡聲能盡末曲感我情解幽釋結和樂生壯士有仇未得報拔劍欲去憤已平夜寒酒多愁遽明

驪山行

君不見開元至化垂衣裳厭坐明堂朝萬方訪道靈山降聖祖沐浴華池集百祥千乘萬騎被原野雲霞草木生一作相輝光禁仗圍山曉霜切離宮積翠夜漏長玉階宋歷朝無事碧樹蕤蕤寒更芳三清小鳥傳仙語九華真人奉瓊漿下元昧爽漏一作漏恒秩登山朝禮玄元室翠華稍隱天半雲丹閣光明海中日羽旌旄節翬瑤臺清絲

妙管從空來萬井九衢皆仰望彩雲白鶴方徘徊憑高覽古或作一
望嗟寰宇造化茫茫思悠哉秦川八水長繚繞漢氏五陵空崔嵬乃
言聖祖奉丹經以年爲日億萬齡蒼生咸壽陰陽泰高謝前王出塵
外英豪共理天下晏戎夷讐伏兵無戰時豐賦斂未告勞海闊珍奇
亦來獻干戈一起文武乖歡娛已極人事變聖皇弓劍墜幽泉古木
蒼山閉宮殿續承鴻業聖明君威震六合驅妖氛太平遊幸今可待
湯泉嵐嶺還氛氲

漢武帝雜歌三首

漢武好神仙黃金作臺與天近王母摘桃海上還感之西過聊問訊
欲來不來夜未央殿前青鳥先徊翔綠鬢雲裾曳霧雙節飄飄下
仙步白日分明到世間碧空何處來時路玉盤捧桃將獻君踟躕未
去留彩雲海水桑田幾翻覆中間此桃四五熟可憐穆滿瑤池燕正
值花開不得薦花開子熟安可期邂逅能當漢武時顏如芳華絮如
玉心念我皇多嗜欲雖留桃核桃有靈人間糞土種不生由來在道
豈在藥徒勞方士海上行掩扇一言相謝去如煙非煙不知處

金莖孤峙兮凌紫煙漢宮美人望杳然通天臺上月初出承露盤中
珠正圓珠可飲壽可永武皇南面曙欲分從空下來玉杯冷世間綵
翠亦作囊八月一日仙人方仙方稱上藥靜者服之常綽約柏梁沉
飲自傷神猶聞駐顏七十春乃知甘醴皆是腐腸物獨有淡泊之水
能益人千載金盤竟何處當時鑄金恐不固蔓草生來春復秋碧天
何言空墜露

漢天子觀風自南國浮舟大江屹不前蛟龍索鬪風波黑春秋方壯
雄武才彎弧叱浪連山開愕然觀者千萬衆舉麾齊呼一矢中死蛟
浮出不復靈舳艫千里江水清鼓聲餘響數日在天吳深入魚鼈驚
左有伏飛落霜翮右有孤兒貫犀革何爲臨深親射蛟示威以奪諸
侯魄威可畏皇可尊平田校獵書猶陳此日從臣何不言獨有威聲

振千古君不見後嗣尊爲武

櫻欄蠅拂歌

櫻欄爲拂登君席青蠅撩亂飛四壁文如輕羅散如髮馬尾毫毛不
能絮柄出湘江之竹碧玉塞上有纖羅縈縷尋未絕左揮右灑繁暑
清孤松一枝風有聲麗人紈素可憐色安能點一作掩白還爲黑

信州錄事參軍常會古鼎歌

三年糾一郡獨飲寒泉井江南鑄器多鑄銀罷官無物唯古鼎彫螭
一作蟲刻篆相錯蟠地中歲久青苔塞左對蒼山右流水云有古來
葛仙子葛仙埋之何不還耕者鎗然得其間持示世人不知寶勸君
鍊丹永一作求壽考

夏冰歌

出自玄泉杳杳之深井汲在朱明赫赫之炎辰九天含露未銷鑠閭
闔初開賜貴人碎如墜瓊方截璐粉壁生寒象筵布玉壺統扇亦玲
瓏座有麗人色俱素咫尺炎涼變四時出門焦灼君詎知肥羊甘醴
心悶悶飲此瑩然何所思當念蘭干擊者苦臘月深井汗如雨

凌霧行

秋城海霧重職事凌晨出浩浩合無天溶溶迷朗一作朝日纔看舍
鬢白稍視一作似霜衣密道騎全不分郊樹都如失罪微誤嘆嗟吸膚
膝生寒慄歸當飲一杯庶用蠲斯疾

樂燕行

夏辰且燕樂樂往不再來趙瑟正高張音響清塵埃一彈和妙謳吹
去繞瑤臺艷雪凌空散舞羅起徘徊輝輝發衆顏灼灼歎令才當喧
既無寂中飲亦停杯華燈何遽升馳景忽西頽高節亦云立安能滯
不迴

采玉行

官府徵白丁言采藍谿玉絕嶺夜無家深榛雨中宿獨婦餉糧還哀

哀舍南哭一作田荒舍南哭

難言

掬土移山望山盡一作遷投石填海望海滿持索捕風幾時得將刀
斫水幾時斷未若不相知中心萬仞何由款

易言

洪爐熾炭燎一毛大鼎炊湯沃殘雪疾影隨形不覺至千鈞引縶不
知絕未若同心言一言和同解千結

調嘯詞二首

胡馬胡馬遠放燕支山下跑沙跑雪獨嘶東望西望路迷路迷路迷
迷路邊草無窮日暮

河漢河漢曉挂秋城漫漫愁人起望相思江南塞北別離別離別離
離別河漢雖同路絕

三臺詞二首

一年一年老去明日後日花開未報長安平安定萬國豈得曠孟
冰泮寒塘始綠雨餘百草皆生朝來門閭無事晚下高齋有情

韋蘇州集卷第十

劉隨州集

四部備要

集部

上海中華書局據席氏本

校刊

杭縣	杭縣	桐鄉
丁輔之	吳汝霖	陸費逵
監造	輯校	總勘

版權所有不許翻印

劉隨州詩序

詩者性情之所著也人心憂樂萬感咸以詩洩故
盛世不特顯者爲詩和平雖隱者亦無不和平均
以鳴其世之盛也衰世不特隱者爲詩悲憤雖顯
者亦無不悲憤均以鳴其世之衰也然則詩詎驕
淫騁欲得已而巳者乎隨州之詩其衰世之哀
鳴者也長卿積行繕文兼優於詩從官當朝嘗爲
隨州刺史凡其寫懷遣興寄友送別登眺山水蕩
泊客旅罔不詩詩罔不自悒悒懷抱者爲之蓋長
卿時國事尋荒奸諛當路忠良半已剝喪所幸肅
宗討賊唐勢頗張終其身又卒以賊敗肅宗且然
其餘可知矣故長卿所詠如聞王師收二京聞迎
皇太后使至激烈踴躍情詞慷慨有忠君憂世風
味其他所詠雖無涉國事而其意未嘗不懸於國
家也惜其所謂逐臣謫宦逃堯遁謗者喋喋在口
或者謂其不及郭汾陽累經閒散絕無纖芥不平
詞氣似戾可以怨之義豈亦長卿嗟世不如意不
覺其過於傷猶屈平之離騷者歟是詩也雖不必
酷究長卿而唐家時事固可因之而重嘆也

時

正德十二年正月吉日從仕郎判隨州事陽羨湯

鉞謹序

原
书
空
白
页

劉隨州集目錄

隨州刺史劉長卿

第一卷

逢芙蓉山主人	送張起崔載華
贈秦系徵君	感秦系流寓
夜中對雪贈秦系	湘妃
斑竹	春草宮懷古
正朝覽鏡	送李端公
送張十八	尋岑秀才不遇
聽彈琴	偶見蔡成詠
見桃花晚開	送崔真甫李穆 <small>四首</small>
寄許法稜	送方外上人
送靈澈上人	答崔載華問
次自田途中	江中對月
過劉員外別墅 <small>附</small>	碧澗別墅
招明契上人	送少微上人
七里灘下作	對酒寄嚴維
酬劉員外見寄 <small>附</small>	新年作
簡吏部楊侍郎製文	送宣尊師醮畢越
送裴郎中	送裴使君
寄劉員外 <small>附</small>	酬皇甫侍御見寄
月下呈章秀才	酬劉員外
酬張夏	送李使君
觀體如師梵	途中苦寒作
尋洪尊師不遇	喜鮑禪師至
送方外上人	宿北山禪寺蘭若

別梁侍郎	留別薛柳員外
留別穆郎中	送人歸復郢
送金昌宗	酬張夏見寄
奉送穆諱德	偶然作
送孫沅新居	送李員外使還蘇州
酬李員外見寄	秦系山居作
酬秦系	歲日作
題開元所居	送崔載華張起
送張司直	寄徐侍郎
送朱山人歸別業	喜普門上人至
送李祕書	過張明府郊居
次柳楊過元八所居	寄普門上人
送李侍御	岳陽館中
寄鄭協律	送屈突司直
留別鄭洵侍御	

第二卷

雨中山居贈別	送李中丞
奉使至申州	穆陵關北
安州道中	步登夏口古城
贈別盧司直	酬郭夏見贈
書情寄故人	餘干旅舍
登思禪寺	次前溪
北歸	將過虎丘
寄元侍郎	秋杪江亭
送鄭司直	送靈澈上人
留別蘇臺	歸陽羨兼送劉八 <small>附</small>

和靈一上人新泉	別皇甫曾
送李摯	送裴員外
別李紆張南史	送侯御
登臺遠眺	送梁二
送崔昇	過李將軍園觀妓
送嚴侍御	送王端公
送鄭侍御	送李校書
登城眺望	陪王明府泛舟
送若侍御	餞前蘇州韋使君
晚次苦竹館	送李二十四
送盧判官	送張栩
集梁耿所居院	贈盧少府
遊雙峯寺	見桃花寄杜副端
送盧員外	送處士歸州
次峴陽館懷舊居	送齊郎中
送屈突司直	送從弟罷使江東
經漂母墓	送李端公
送王員外	送蔣侍郎
寄李湯司馬	送舍弟之鄱陽居
送裴端公	過桃花夫人廟
送程使君	送友人西上
送梁郎中	過羊處士別業
送河南元判官	見海紅一花獨開
使還至菱陂驛	送齊郎中
過隱空和尚故居	過蕭尚書故居
送袁處士	酬李侍御登岳

第三卷

送徐郎中	聽彈胡琴
過王處士別業	寄萬州崔使君
送馬秀才	送南特進
送道標上人	送梁侍御
歲夜	送蔡侍御
陪辛大夫宴南亭	送獨孤判官
長沙館中對雨	陪辛大夫宴觀妓
題萬成亭	春過裴虬郊園
送韋贊善	送喬判官
送青苗鄭判官	送李補闕
送袁明府	海鹽官舍早春
送徐二十七	曲阿對月
送李侍御	送路少府
松江獨宿	尋貢禪師舊草堂
送張司馬迴	喜李翰自越至
寄張十四	送勤照和尚
長門怨	過橫顧山人草堂
送李校書	秋夜雨中
西庭夜燕	尋道人隱居
張十宅觀妓	留辭前蘇州韋使君
送薛承矩	餞別王十一
送嚴維	留別劉八
送李七之秣水	送崔處士
送淮西魏判官	獄中見壁畫佛
送許拾遺	送張士判官

送孫瑩擢第歸蜀 送史九赴任寧陵

臥病喜田九見寄 寄靈一上人

訪靈一上人 送陸羽寄李延陵

寄靈一上人初還 寄靈一上人

送韓司直 酬李郎中見寄

送人遊越 贈普門上人

送康判官 宿洞靈觀

送顧長 九日登李明府北樓

同諸公登樓 送友人南遊

送裴二十一 送張判官

罷使東歸 早春

第四卷

過包尊師山院 故女道士郭氏挽歌

少年行 送李二十四

山居留別 贈皇甫曾

湘中紀行 十首 雜詠 八首上禮部李侍御

寄李侍郎 晚泊湘江懷故人

過鄒三湖上書齋 月下聽砧

龍門八詠 從軍 六首

送丘爲 題湖上高齋

平蕃曲 三首 送鄭說

題湖上林亭 酬李使君見贈

送嚴維 贈別 附

寄劉員外 附 酬包諫議見寄

尋明徵君故居 和趙給事贈李舍人

酬呂侍御 登遷仁樓訓壻李穆

別李氏女子 長沙早春雪後

西入石路至麓山 陪鄭中丞宴

送鄭十二 尋陶十七不在

上李太尉

第五卷

同袁郎中宴喜加章服

送鄒結先赴河南 送徐大夫赴廣州

九日蔡國公主樓 送荀八過山陰

錢元侍郎 錢郎中四兄

送賈侍御 王處士草堂畫壁

陳留諸官茶會 泊舟臨江樓

靈祐上人木蘭花 宿嚴維宅送包佶

送從弟貶袁州 送友人遊越

送邵州判官往南 寄韓明府

別陳留諸官 觀李湊畫美人障子

送史判官之靈武 寄褚微君

石梁湖陸兼 送沈少府之任

送馬處直歸蘇 王處士草堂壁

寄東海荀處士 酬孟雲卿見寄

懷灞陵別業 題幽寂亭

餘干東齋 贈元容州

送楊明府 和杜相公呈元相公

留辭辛大夫 簡同遊諸公

送李侍御 南楚懷古

南樓憶朱宴 送姚八之任

贈李司倉 懷謝太虛

寒食登遷仁樓

詠竹

登干越亭

宴子英宅

寄荆南相識

九日岳陽

第六卷

題王少府隱處

次湖口

陪元侍御之礪山寺

晚泊古橋封

夢洛陽親故

憶荆南諸公

贈苗侍郎

寄李舍人

哭魏兼遂

登干越亭作

題李嘉祐江亭

留題李明府水堂

入白沙渚

懷演和尚

賈侍御會稽使迴

秋日獻李相公

晚泊留侯城

關門望華山

陪蕭使君尋靈山寺

懷古兼送友人

宿雙峯寺

懷洛陽舊居

登西靈寺塔

湖上遇鄭田

贈郭少府

簡同行薛棄朱訓

對雨贈馬少府諸友

李侍御河北使迴

寄淮南蕭判官

哭張員外經

簡演公

送從弟之淮南

落第贈楊侍御

題李嘉祐江亭

宿侯尊師草堂

第七卷

寄使院諸公

題武丘寺

錢鄭中丞

送裴四判官

旅次丹陽

客舍贈別韋九

送元八

太行苦熱行

辭洛陽主簿

題冤句宋少府廳

留辭李侍御

贈別于羣

送薛據宰涉縣

贈別趙居士

夜宴程主簿宅

瓜洲驛餞張侍御

攝海鹽令

第八卷

尋張逸人山居

留別鮑侍御

送陸澧還吳中

酬梁耿別後見寄

重送嚴維

重別

家園瓜熟感舊

重送裴郎中

尋盛禪師蘭若

寄許尊師

寄劉員外

酬李穆

送王司馬

寄別朱拾遺

赦後酬主簿所問

贈素系

酬靈澈公相招

贈崔載華

贈日本聘使

送陸使君

送張篆之

聞沈判官至

送劉萱

過鄭山人所居

送賀若郎中

重送梁郎中

烏江道中

新息道中

春日宴水湘亭

重送道標上人

送李判官

別李十二

春日思歸

送陶十

使還逢薛承規

使迴赴蘇州

昭陽曲

聞長洲軍笛

贈微上人

送朱逸人歸

送李十八

留別劉員外附

送李穆歸淮南

留辭附

觀李湊畫

送盧侍御

送崔真甫

送陸澧

送柳使君

戲題贈二小男

簡賀蘭侍郎

歲日寄裴郎中

重別薛柳二員外

送人歸岳州

送靈澈上人還

送耿拾遺

見李均借鏡

錢王相公出牧

題靈祐和尚故居

尋龍井楊老

和樊使君登城樓

聞虞沔州有替將歸

第九卷

獻節度李相公

觀校獵上淮西相公

送皇甫曾

送李錄事兄歸

漢陽獻李相公

長沙過賈誼宅

酬辛大夫喜雪作

登餘干古縣城

留題遠公院

喜量移贈鄭校書

偶逢李光宰

贈袁贊府

題褚少府湖亭

上巳日泛舟耶溪

哭故人李宥

使次安陸寄友人

哭陳歙州

酬屈突陝

送惠法師

寄沅中丞

送侯中丞

別嚴士元

留別淮南使院諸公

罪所上御史惟則

送李使君

獄中聞有赦

溫湯客舍

送孫逸歸廬山

送馬秀才落第歸

送常十九

送宇文遷明府

送李將軍

西陵寄一上人

賦得

李明府後庭泛舟

喜朱拾遺赴任上都

送韋司士

感懷

送楊於陵

送崔使君

上陽宮望幸

過裴舍人故居

北望故園

秋夜有懷

送孔巢父

登潤州萬歲樓附

送郭主簿赴嶺南

客舍喜鄭三見寄

送賈三北遊

齊一和尚影堂

第十卷

留別司倉李萬

聽笛歌

送范倫

小鳥篇上裴尹

登吳古城歌

疲兵篇

送陸澧歸江陰

弄白鷗歌

贈般若禪師

贈湘南漁父

尋賀九不遇

題孤石

送友人東歸

入桂渚

送李康成

送姨子弟

銅雀臺

王昭君歌

送杜越

湘中憶歸

送郭侍從之武陵

山鸛鵒歌

劉隨州集 目錄

懷許法稜

戲贈千越尼子歌

劉隨州集目錄

劉隨州集卷第一

隨州刺史劉長卿

逢雪宿芙蓉山主人

日暮蒼山遠天寒白屋貧柴門聞犬吠風雪夜歸人

送張起崔載華之閩中

朝無寒士達家在舊山貧相送天涯裏憐君更遠人

贈秦系徵君

羣公誰讓位五柳獨知貧惆悵青山路煙霞老此人

秦系頃以家事獲謗因出舊山每荷觀察崔公見知欲歸未遂感其流寓詩以贈之

初迷武陵路復出孟嘗門回首江南岸青山與舊恩

夜中對雪贈秦系時秦初與謝氏離婚謝氏在越

月明花滿地君自憶山陰誰遣因風起紛紛亂此心

湘妃

帝子不可見秋風來暮思嬋娟湘江水千載空蛾眉

斑竹

蒼梧千載後斑竹對湘沅欲識湘妃怨枝枝滿淚痕

春草宮懷古

人君王不可見芳草舊宮春猶帶羅裙色青青向楚

正朝覽鏡作

人憔悴逢新歲茅屏見舊春朝來明鏡裏不忍白頭

瓜洲道中送李端公南渡後歸揚州道中

歸片帆何處去匹馬獨歸遲惆悵江南北青山欲暮

送張十八歸桐廬

門歸人乘野艇帶月過江村正落寒潮水相隨夜到

過白鶴觀尋岑秀才不遇

郎不知方外客何事鑱空房應向桃源裏教他喚阮

聽彈琴

彈冷冷七絲上靜聽松風寒古調雖自愛今人多不

遊南國偶見在陰牆下葵因以成詠

心地常無日青青獨在陰太陽偏不及非是未傾心

入百丈澗見桃花晚開

偏百丈深澗裏過時花欲妍應緣地勢下遂使春風

送子婿崔真甫李穆往揚州

渡口發梅花山中動泉脈蕪城春草生君作揚州

客

其二

半邏鶯滿樹新年人獨還落花逐水流共到茱萸灣

其三

鴈還空渚在人去落潮翻臨水獨揮手殘陽歸掩門

其四

狎鳥攜稚子釣魚終老身殷勤囑歸客莫話桃源人

寄龍山道士許法稜

悠悠白雲裏獨住青山客林下晝焚香桂花同寂寂

送方外上人

孤雲將野鶴豈向人間住莫買沃洲山時人已知處

送靈澈上人

蒼蒼竹林寺杳杳鍾聲晚荷笠帶夕陽青山獨歸遠

茱萸灣北答崔載華問

荒涼野店絕迢遞人煙遠蒼蒼古木中多是隋家苑

赴楚州次自田途中阻淺問張南史

楚城今近遠積霧寒塘暮水淺舟且遲淮潮至何處

江中對月

空洲夕煙斂望月秋江裏歷歷沙上人月中孤渡水

過劉員外長卿別墅

謝客開山後郊扉與水通江湖千里別衰老一尊同返炤寒川滿平田莫雪空滄洲自有趣不復哭途窮

碧澗別墅喜皇甫侍御相訪

荒村帶返照落葉亂紛紛古路無行客寒山獨見君野橋經雨斷澗水向田分不爲憐同病何人到白雲

初到碧澗招明契上人

漸老知身累初寒曝背眠白雲留永日黃葉減餘年猿護牕前樹泉澆谷後田沃洲能共隱不用道林錢

送少微上人遊天台

石橋人不到獨往更迢迢乞食山家少尋鐘野路遙松門風自掃瀑布雪難消秋夜聞清梵餘音逐海潮

却歸睦州至七里灘下作

南歸猶謫宦獨上子陵灘江樹臨洲晚沙禽對水寒山開斜照在石淺亂流難惆悵梅花發年年此地看

對酒寄嚴維

陋巷喜陽和衰顏對酒歌懶從華髮亂閑任白雲多郡簡容垂釣家貧學弄梭門前七里瀨早晚子陵過

酬劉員外見寄

附嚴維

蘇耽佐郡時近出白雲司藥補清羸疾窗吟絕妙
辭柳塘春水慢花塢夕陽遲欲識懷君意朝朝訪
揖師

新年作

鄉心新歲切天畔獨潸然老至居人下春歸在客
先嶺猿同旦暮江柳共風烟已似長沙傳從今又
幾年

朱放自杭州與故里相使君立碑回因以
奉簡吏部楊侍郎製文

片石羊公後淒涼江水濱好辭千古事墜淚萬家
人鵬集占書久鸞回刻篆新不堪相顧恨文字日
生塵

送宣尊師醮畢歸越

吹簫江上晚惆悵別茅君踏火能飛雪登刀入白
雲晨香長日在夜磬滿山聞揮手桐溪路無情水
亦分

送裴郎中貶吉州

亂軍交白刃一騎出黃塵漢節同歸闕江帆共逐
臣援愁岐路晚梅作異方春知己鄭侯在應憐脫
粟人

送裴使君赴荆南充司馬

盛府南門寄前程積水中月明臨夏口山晚望巴
東故節辭江郡寒笳發渚宮漢川風景好遙羨逐
繼一作羊公

酬皇甫侍御見寄時前相國姑臧公初臨

郡

離別江南北汀洲葉再黃路遙雲共水砧迴月如
霜歲儉依仁政年衰憶故鄉佇看一作君宣室召漢
法倚張綱

月下呈章秀才

自古悲搖落誰人奈此何夜葦偏傍枕寒鳥數移
柯向老三一作百口多年謫當秋百感多一作無愁家貧惟好
月空媿子猷過

酬劉員外月下見呈 附章八元

夜涼河漢白卷箔出南軒過月鴻爭遠辭枝葉暗
翻獨謠聞麗曲緩步接清言宣室思前席行看拜
主恩

酬張夏

幾歲依窮海頽年惜故陰劍寒空有氣松老欲無
心翫雪勞相訪看山正獨吟孤舟且莫去前路水
雲深

送李使君貶連州

獨過長沙去誰堪此路愁秋風散千騎寒雨泊孤
舟賈誼辭明主蕭何識故侯漢廷當自召湘水但
空流

秋夜北山精舍觀體如師梵

焚香奏仙唄向夕遍空山清切兼秋遠威儀對月
閑靜分巖響答散逐海潮還幸得風吹去隨人到
世間

酬張夏雪夜赴州訪別途中苦寒作

扁舟乘興客不憚苦寒行晚暮相依分江潮欲別

情水聲冰下咽砂路雪中平舊劍鋒鋌盡應嫌贈脫輕

尋洪尊師不遇

古木無人地來尋羽客家道書堆玉案仙帔疊青霞鶴老難知歲梅寒未作花山中不相見何處化丹砂

喜鮑禪師自龍山至

故居一作山何日下春草欲芊芊猶對山中月誰聽石上泉猿聲知後夜花發見流年杖錫閑來往無心到處禪

送方外上人之常州依蕭使君

宰臣思得度鷗鳥戀爲羣遠客迴飛錫空山臥白雲夕陽孤艇去秋水兩溪分歸共臨川史同翻貝葉文

宿北山禪寺蘭若

上方鳴夕磬林下一僧還密行傳人少禪心對虎閑青松臨古路白日滿寒山舊識窗前桂經霜更待得一作攀

赴新安別梁侍郎

新安君莫問此路雲水深江海無行跡孤舟何處尋青山空向淚白月豈知心縱有餘生在終傷老病侵

江州留別薛六柳八二員外

江海相逢少東南別處長獨行風嫋嫋相去水茫茫白首辭同舍青山背故鄉離心與潮信每日到潯陽

和州留別穆郎中

播遷悲遠道搖落感衰容今日猶多難何年更此逢世交黃葉散鄉路白雲重明發看煙樹唯聞江北鐘

和州送人歸復鄧

因家漢水曲相送掩柴扉故鄧生秋草寒江淡落暉綠林行客少赤壁住人稀獨過潯陽去潮歸人不歸

送金昌宗歸錢塘

新家浙江上獨泛落潮歸秋水照華髮涼風生褐衣柴門嘶馬少藜杖拜人稀惟有陶潛柳蕭條對掩扉

酬張夏別後道中見寄

離羣方歲晏謫宦在天涯暮雪同行少寒潮欲上遲海鷗知吏傲砂鷗見人衰只畏生秋草西歸亦未期

新安奉送穆諭德歸朝賦得行字

九重宣室召萬里建溪行事直皇天在歸遲白髮生用材身復起覩聖眼猶明離別寒江上潺湲若有情

偶然作

野寺長依止田家或往還老農開古地夕鳥入寒山書劍身同廢烟霞吏共閑豈能將白髮扶杖出人間

送州人孫沅自本州却歸句章新營所居

故里歸成客新家去未安詩書滿蠹舍征稅反漁

竿火種山田薄星居海島一作寒憐君不得已步別離難

送李員外使還蘇州兼呈前袁州李使君

賦得長字袁州即員外之從兄

別離共成怨一作識袁老更難忘夜月留同舍秋風在遠鄉朱絃徐向燭白髮強臨觴歸獻西陵作誰知此路長

酬李員外從崔錄事載華宿三河戍先見寄

寒江鳴石瀨歸客夜初分人語空山答猿聲獨戍聞遲來朝及暮愁去水連雲歲晚心誰在青山見此君

見秦系離婚後出山居作

豈知偕老重垂老絕良姻郝氏誠難負朱家自愧貧綻衣留欲故織錦罷經春何况靡蕪綠一作空山不見人

酬秦系

鶴書猶未至那出白雲來舊路經年別寒潮每日迴家空歸海燕人老發江梅最憶門前柳閑居手自栽

歲日作

建寅迴北斗看曆占春風律變滄江外年加白髮中春衣試稚子壽酒勸衰翁今日陽和發榮枯豈不同

題元錄事開元所居

幽居蘿薜情高臥紀綱行鳥散秋鷹下人閑春草

生冒嵐歸野寺收印出山城今日新安郡因君水更清

送崔載華張起之閩中

不識閩中路遙知別後心猿聲入嶺切鳥道問人深旅食過夷落方言會越音西征開幕府早晚用陳琳

送張司直赴嶺南謁張尚書

番禺萬里路遠客片帆過盛府依橫海荒祠拜伏波人經秋瘴變鳥墜火雲多誠憚炎洲裏無如一顧何

寄會稽公徐侍郎公時在王傳

搖落淮南葉秋風想越吟鄒枚入梁苑逸少在山陰老鶴無衰貌寒松有本心聖朝難稅駕惆悵白雲深

送朱山人越州賊退後歸山陰別業

越州初罷戰江上送歸橈南渡無來客西陵自落潮空城垂故柳舊業廢春苗閭里相逢少鶯花共寂寥

秋夜肅公房喜普門上人自陽羨山至

山棲久不見林下偶同遊早晚來香積何人住沃洲寒禽驚後夜一作後晚古木帶高秋却入千峯去孤雲不可留

送李祕書却赴南中此公舉家先流嶺外兄弟數人俱沒南中

却到番禺日應傷昔所依炎洲百口住故國幾人歸路識梅花在家存棣萼稀獨逢迴雁去猶作舊行飛

過前安宜張明府郊居

寂寥東郭外白首一先生解印孤琴在移家五柳
成夕陽臨水釣春雨向田耕終日空林下何人識
此情

使迴次柳楊過元八所居

君家楊柳渡來往落帆過綠竹經寒在青山欲暮
多薜蘿誠可戀婚嫁復如何無柰閑門外漁翁夜
夜歌

送李侍御貶柳州

洞庭波渺渺君去弔靈均幾路三湘水全家萬里
人聽猿明月夜看柳故年春憶想汀洲畔傷心向
白蘋

寄普門上人

白雲寒臥處不向世人傳聞在千峯裏心知獨夜
禪辛勤羞薄祿依止愛閑田惆悵王孫草青青又
一年

逢郴州使因寄鄭協律

相思楚天外夢寐楚猿吟更落淮南葉難爲江上
心衡陽問人遠湘水向君深欲逐孤帆去茫茫何
處尋

岳陽館中望洞庭湖

萬古巴丘戍平湖北望長問人何淼淼愁暮更蒼
蒼疊浪浮元氣中流沒太陽孤舟有歸客早晚達
瀟湘

巡去岳陽却歸鄂州使院留別鄭洵侍御
侍御謫居此州

何事長沙謫相一作長逢楚水秋暮帆歸夏口寒雨

對巴丘帝子椒漿奠騷人木葉愁誰憐萬里外離
別洞庭頭

夏口送屈突司直使湖南

共悲來夏口何事更南征霧露行人少瀟湘春草
生鶯啼何處夢猿嘯若爲聲風月新年好悠悠遠
客情

劉隨州集卷第一

劉隨州集卷第二

隨州刺史劉長卿

雨中過員稷巴陵山居贈別

憐君洞庭上白髮向人垂
積雨悲幽獨長江對別離
牛羊歸故道猿鳥聚寒枝
明發遙相望雲山不可知

送李中丞之襄州

李一作季無襄州三字

流落征南將曾驅十萬師
罷歸無舊業老去戀明時
獨立三朝識輕生一劍知
茫茫漢江上日暮復何之

奉使至申州傷經陷沒

舉目傷蕪沒何年此戰爭
歸人失舊里老將守孤城
廢戍山烟出荒田野火行
獨憐潯水上時亂亦能清

穆陵關北逢人歸漁陽

逢君穆陵路匹馬向桑乾
楚國蒼山古幽州白日寒
城池百戰後蒼舊幾家殘
處處蓬蒿遍歸人掩淚看

安州道中經湓水有懷

征途逢湓水忽似到秦川
借問朝天處猶看落日邊
映沙晴漾漾出澗夜濺濺
欲寄西歸恨微波不可傳

步登夏口古城作

平蕪連古堞遠客此沾衣
高樹朝一作朝光上空城
秋氣歸微明漢水極搖落
楚人稀但見荒郊外寒鷗暮暮飛

贈別盧司直之閩中

爾來多不見此去又何之
華髮同今日流芳似舊時
洲長春色遍漢廣夕陽遲
歲歲王孫草空憐無處期

酬郭夏日長沙感懷見贈

此公比經流寓親在上都

舊俗歡猶在憐君恨獨深
新年向國淚今日倚門心
歲去隨湘水春生近桂林
流鶯且莫弄江畔正行吟

赴南巴書情寄故人

南過三湘去巴人此路偏
謫居秋瘴裏歸處夕陽邊
直道天何在愁容鏡亦憐
裁書欲誰訴無淚可潸然

餘干旅舍

搖落暮天迴青楓葉稀孤
城向水閉獨鳥背人飛
渡口月初上隣家漁未歸
鄉心正欲絕何處搗寒衣

登思禪寺題脩竹茂松

上方幽且暮臺殿隱蒙籠
遠磬秋山裏清猿古木中
衆溪連竹路諸嶺共松風
儻許棲林下甘成白首翁

恩勅重推使牒追赴蘇州次前溪館作

漸入雲峯裏愁看驛路閑
亂鷗投落日疲馬向空山
且喜憐非罪何心戀末班
天南一萬里誰料得生還

北歸次秋浦界清谿館

萬里猿啼斷孤村客暫依
鴈過彭蠡暮人向宛陵

稀舊路青山在餘生白首歸漸知行近北不見鷗
鵲飛

謫官後却歸故村將過虎邱悵然有作

萬事依然在無如歲月何邑人憐白髮庭樹長新
柯故老相逢少同官不見多唯餘舊山路惆悵枉
帆過

重推後却赴嶺外待進止寄元侍郎

却訪巴人路難期國士恩白雲從出岫黃葉已辭
根大造功何薄長年氣尚寬空令數行淚來往落
湘沅

秋杪江亭有作

寂寞江亭下江楓秋氣斑一作越亭杪
處澹一作湘水向人閑寒渚一孤鴈夕陽一作秋江千
萬山扁舟如一作落葉此去未知還一作庭間

送鄭司直歸上都

歲歲逢離別蹉跎江海濱宦遊成楚老鄉思逐秦
人馬首歸何日鶯啼又一春因君報情舊閑慢欲
垂綸

送靈澈上人歸嵩陽蘭若

南地隨緣久東林幾歲空暮山門獨掩春草路難
通作梵連松韻焚香入桂叢唯將舊瓶鉢却寄白
雲中

却赴南邑留別蘇臺知己

又過梅嶺上歲歲此枝寒落日孤舟去青山萬里
看猿聲湘水靜草色洞庭寬已料生涯事唯應把
釣竿

歸陽羨兼送劉八

附皇甫冉

湖上孤帆別江南謫宦歸前程行更遠臨水淚沾
衣雲夢春生遍瀟湘客過稀武陵招我隱歲晚向
柴扉

和靈一上人新泉

東林一泉出復與遠公期石淺寒一作淺流處山
空夜一作落時處一作空山清漪動靜皆無意一作唯應達一作
者知

將赴江南湖上別皇甫曾

此去君何恨南行我更遙東西湖渺渺離別雨蕭
蕭綠水通春谷青山過板橋潯陽如枉棹千里有
歸潮一作

送李摯赴延陵令

清風季子邑想見下車時向水彈琴靜看山採菊
遲明君加印綬廉使託憚發旦暮華陽洞雲峯若
有期

奉送裴員外赴上都

彤襜江上遠萬里詔書催獨過潯陽去空憐潮信
迴離心秋草綠揮手暮帆開想見秦城路人看五
馬來

長沙桓王墓下別李紓張南史

長沙千載後春草獨萋萋流水朝將暮行人東復
西碑苔幾字滅山木萬株齊佇立傷今日相看惜
解攜

送侯御赴黔中充判官

不識黔中路今看遣使臣猿啼萬里客鳥似五湖人地遠官無法山深俗豈淳須令荒徼外亦解懼埋輪

今日登吳公臺上寺遠眺寺卽陳將吳明徹戰場

古臺搖落後秋日望鄉心野寺來人一作來人少雲峯隔水一作隔水深夕陽依舊壘寒磬滿空林惆悵南朝事長江獨至今

淮上送梁二恩命追赴上都

賈生年最少儒行漢庭聞拜手卷黃紙迴身謝白雲故關無去客春草獨隨君森森長淮水東西自此分

送崔昇歸上都

舊寺尋遺緒歸心逐去塵早鶯何處客古木幾家人白髮經多難滄洲欲莫春臨期數行淚爲爾一霑巾

過李將軍南鄭林園觀妓

郊原風日好百舌弄何頻小婦秦家女將軍天上人鴉歸長郭暮草映大堤春客散垂楊下通橋車馬塵

送嚴侍御充東畿觀察判官

洛陽征戰後君去問凋殘雲月一作臨南至風霜向北寒故園經亂久古木隔林看一作古道誰訪江城客年年守一官

送王端公入奏上都

舊國無家訪臨岐亦羨歸途經百戰後客過二陵

稀秋草通征騎寒城背落暉行當蒙顧問吳楚歲頻饑

送營田判官鄭侍御赴上都

上國三千里西還一作及歲芳故山經亂在春日送歸長曉奏趨雙闕秋成報萬箱幸論開濟力已實海陵倉

送李校書赴東浙幕府

方從大夫後南去會稽行森森滄江外青青春草生芸香辭亂一作校一作梅吹聽軍聲應訪王家宅空憐江水平

清明後登城眺望

風景清明後雲山睥睨前百花如舊日萬井出新烟草色無空地江流合遠天長安在何處一作何處遙指夕陽邊

陪王明府泛舟

花縣彈琴暇樵風載酒時山含秋色近鳥度夕陽遲出沒成浪蒙籠竹亞枝雲峯逐人意來去解相隨

送度支留後若侍御之歙州便赴信州省觀

國用憂錢穀朝推此任難卽山榆莢變降雨稻花殘林響朝登嶺江喧夜過灘遙知驄馬色應待倚門看

餘干夜宴奉餞前蘇州韋使君

復拜東陽郡遙馳北闕心行春五馬急向夜一猿深山過康郎近星看嫠女臨幸容棲託分猶戀舊

棠陰

晚次苦竹館卻憶千越舊游

匹馬風塵色千峯日暮時遙看落日盡獨向遠山
遲故驛花臨道荒村竹映籬誰憐却回首步步戀
南枝

送李二十四移家之江州

煙塵猶一作遙滿目岐路易一作亦沾衣通一作遷客多
南渡征一作春鴻自北飛九江春草綠一作寺靜東林千
里暮潮歸別後難一作誰相訪全家隱釣磯一作爾全家

送盧判官南湖

漾舟仍載酒愧爾意相寬草色南湖綠松聲小署
寒水禽前後起一作出花嶼往來看已作滄洲調無
心戀一官

送張栩扶持之睦州

此公舊任建德令

遙憶新安舊扁舟復却還淺深看水石來往逐雲
山入縣餘花在過門故柳閑東征隨子去皆隱薛
蘿間

集梁耿開元寺所居院

到君幽臥處爲我掃莓苔花雨晴天落松風終日
來路經深竹過門向遠山開豈得長高枕中朝正
用才

贈西鄰盧少府

籬落能相近漁樵偶復同苔封三徑絕溪向數家
通犬吠寒烟裏鷗鳴夕照中時因杖藜次一作因藍輦
出相訪竹林東

游休禪師雙峯寺

雙扉碧峯際遙向夕陽開飛錫方獨往孤雲何事
來寒潭映白月秋雨上青苔相送東郊外羞看驄
馬回

廨中見桃花南枝已開北枝未發因寄杜

副端

何意同根本開花每後時應緣去日遠獨自發春
遲結實恩一作難忘無言恨豈知年光不可
待空羨向南枝

奉送盧員外之饒州

天書萬里至旌旆上江飛日向鄱陽近應看吳岫
微暮帆何處落潮水背人歸風土無勞問南枝黃
葉稀

送處士歸州因寄林山人

陵陽不可見獨往復如何舊邑雲山裏扁舟來去
過鳥聲春谷靜草色太湖多儻宿荆溪夜相思漁
者歌

移使鄂州次峴陽館懷舊居

多慚恩未報敢問路何長萬里通秋鴈千峯共夕
陽舊游成遠道此去更違鄉草路深山裏朝朝落
客裳

送齊郎中赴海州

華省占星動孤城望日遙直廬收舊草行縣及新
苗滄海天連水青山暮與朝閭閻幾家散應待下
車招

重陽日鄂城樓送屈突司直

登高復送遠惆悵洞庭秋風景一作水同前古雲山
滿上游蒼蒼來暮雨森森逐寒流今日關中事蕭
何共爾憂

更被奏留淮南送從弟罷使江東

又作淮南客還悲木葉聲寒潮落瓜步秋色上蕪
城王事何時盡滄洲羨爾行青山將綠水惆悵不
勝情

經漂母墓

昔賢懷一飯茲事已千秋古墓樵人識前朝楚水
流渚蘋行客薦山木杜鵑愁春草茫茫綠王孫舊
此游

送李端公赴東都

軒轅征戰後江海別離長遠客歸何處平蕪滿故
鄉夕陽帆杳杳舊里樹蒼蒼惆悵蓬山下瓊枝不
可忘

送王員外歸朝

往來無盡目離別要逢春海內懼多事天涯見近
臣芳時萬里客鄉路獨歸人魏闕心常在隨君亦
向秦

送蔣侍御入秦

朝見及芳菲恩榮出紫微晚光臨仗奏春色共西
歸楚客移家老秦人訪舊稀因君鄉里去爲掃故
園扉

洞庭驛逢郴州使還寄李湯司馬

洞庭秋水闊南望過衡峯遠客瀟湘裏歸人何處
逢孤雲飛不定落葉去無蹤莫使滄浪叟長歌笑

爾容

送舍弟之鄱陽居

鄱陽寄家處自別掩柴扉故里何人在滄波孤客
稀湖山春草遍雲木夕陽微南去逢迴鴈應憐相
背飛

送裴二十端公使嶺南

蒼梧萬里路空見白雲來遠國知何在憐君去未
迴桂林無落葉梅嶺自花開陸賈千年後誰看朝
漢臺

過桃花夫人廟

寂寞應千歲桃花想一枝路人看古木江月向空
祠雲雨飛何處山川是舊時獨憐春草色猶似憶
佳期

鄂渚送池州程使君

蕭蕭五馬動欲別謝臨川落日蕪湖色空山梅冶
一作野烟江潮通廨舍楚老拜戈船風化東南滿行
舟來去傳

送友人西上

羈心不自解有別會沾衣春草連天積五陵遠客
歸十年經轉戰幾處便芳菲想見函關路行人去
亦稀

送梁郎中赴吉州

遙想廬陵郡還聽叔度歌舊官移上象新令布中
和看竹經霜少聞猿帶雨多但愁徵拜日無奈借
留何

過湖南羊處士別業一作來處

杜門成白首湖上寄生涯秋草蕪一作三徑寒塘

獨一家鳥歸村落盡水向縣城斜自有東籬菊年

解作花一作愛汝醒還醉東籬菊正花

送河南元判官赴河南名御當苗稅充百官

俸錢

春草長河曲離心共渺然方收漢家俸獨向汶陽田鳥雀空城在榛蕪舊路還山東征戰苦幾處有人烟

夏中崔中丞宅見海紅搖落一花獨開

何事一花殘閑庭百草闌綠滋經雨發紅艷隔林看竟日餘香在過時獨秀難共憐芳意晚秋露未須團

使還至菱陂驛渡泚水作

清川已再涉疲馬共西還何事行人倦終年流水閑孤烟飛廣澤一鳥向空山愁入雲峯裏蒼蒼閉古關

送齊郎中典括州

星象移何處旗麾獨向東勸耕滄海畔聽訟白雲中樹色雙溪合猿聲萬嶺同石門康樂住幾里枉帆通

過隱空和尚故居

自從飛錫去人到沃洲稀林下期何在山中春獨歸踏花尋舊徑映竹掩空扉寥落東峯上猶堪靜者依

過蕭尚書故居見李花感而成詠

手植已芳菲心傷故徑微往年啼鳥至今日主人

非滿地誰當掃隨風豈復歸空憐舊陰在門客共沾衣

送袁處士

閑田北川下靜者去躬耕萬里空江菰孤舟過郢城種荷依野水移柳待山鶯出處安能問浮雲豈有情

酬李侍御登岳陽見寄

想見孤舟去無由此路尋暮帆遙在眼春色獨何心綠水瀟湘闊青山鄠杜深誰當北風至爲爾一開襟

劉隨州集卷第二

劉隨州集卷第三

隨州刺史劉長卿

夏口送徐郎中歸朝

星象南宮遠風流上客稀九重思曉奏萬里見春
歸棹發空江響城孤落日暉離心與楊柳臨水更
依依

鄂渚聽杜別駕彈胡琴

文姬留此曲千載一知音不解胡人語空留一作愁
楚客心聲隨邊草動意入隴雲深何事長江上蕭
蕭出塞吟

過鸚鵡洲王處士別業

白首此爲漁青山對結廬問人尋野笋留客饋家
蔬古柳依沙發一作岸春苗帶雨鋤共憐芳杜色終
日伴閑居

寄萬州崔使君令欽

時艱方用武儒者任浮沉搖落秋江暮憐君巴峽
深丘門多白首蜀郡滿青襟白解書生詠愁猿莫
夜吟

送馬秀才移家京洛便赴舉

自從爲楚客不復掃荆扉劍共丹誠在書隨白髮
歸舊遊經亂靜後進識君稀空把相如賦何人薦
禮闈

送南特進赴歸行營

聞道軍書至揚鞭不問家虜雲連白草漢月到黃
沙汗馬河源飲燒羌隴坻遮翩翩新結束去逐李
輕車

送道標上人歸南岳

悠然倚孤棹却憶臥中林江草將歸遠湘山獨往
深白雲留不住淥水去無心衡岳千峯亂禪房何
處尋

送梁侍御巡永州

蕭蕭江雨暮客散野亭空憂國天涯去思鄉歲暮
同到時猿未斷迴處水應窮莫望零陵路千峯萬
木中

歲夜喜魏萬成郭夏雪中相尋

新年欲變柳舊客共霑衣歲夜猶難盡鄉春又獨
歸寒燈映虛牖暮雪掩閑扉且莫乘船去平生相
訪稀

送蔡侍御赴上都

遲遲立駟馬久客戀瀟湘明日誰同路新年獨到
鄉孤煙向驛遠積雪去關長秦地看春色南枝不
可忘一作煙一作燈

晦日陪辛大夫宴南亭

月晦逢休澣年光逐宴移早鶯留客醉春日爲人
遲萋草全無葉梅花遍壓枝政閑風景好莫比峴
山時

送獨孤判官赴嶺

伏波初樹羽待爾靜川鱗嶺海看飛鳥天涯問遠
人蒼梧雲裏夕青草嶂中春遙想文身國迎舟拜
使臣

長沙館中與郭夏對雨

長沙積雨晦深巷絕人幽潤上春衣冷聲連暮角

愁雲橫全楚地樹暗古湘洲杳藹江天外空堂生百憂

陪辛大夫西亭宴觀妓

歌舞憐遲日旄麾映早春鶯窺籠西將花對洛陽人醉罷知何事恩深忘此身任他行雨去歸路裊香塵

題魏萬成江亭

蕭條方歲晏牢落對空洲才出時人右家貧湘水頭蒼山隱暮雪白鳥沒寒流不是蓮花府冥冥不可求

春過裴虬郊園

時裴不在因以寄之

郊原春欲暮桃李落紛紛何處隨芳草留家寄白雲聽鶯情念友看竹恨無君長嘯高臺上南風冀爾聞

送韋贊善使嶺南

欲逐一作樓船將方安卉服夷炎洲經瘴遠春水上瀧遲歲貢隨重譯年芳徧四時番禺靜無事空詠飲泉詩

送喬判官赴福州

揚帆向何處插羽逐征東夷落人煙迴王程鳥路通江流回澗底山色聚閩中君去凋殘後應憐百越空

送李補闕之上都

獨歸西掖去難接後塵遊向日三千里朝天十二樓路看新柳夕家對舊山秋惆悵離心遠滄江空自流

送袁明府之任

既有親人術還逢試吏年蓬蒿千里閉村樹幾家全雪覆淮南道春生潁谷煙何時當莅政相府待聞天

海鹽官舍早春

小邑滄洲吏新年白首翁一官如遠客萬事極飄蓬柳色孤城裏鶯聲細雨中羈心早已亂何事更春風

南海送徐二十七西上

家在橫塘曲那能萬里違門臨秋水揜帆帶夕陽飛傲俗宜紗帽千時倚布衣獨將湖上月相逐去還歸

曲阿對月別岑况徐說

金陵已蕪沒函谷復煙塵猶見南朝月還隨上國人白雲心自遠滄海意相親何事須成別汀洲欲暮春

送李侍御貶鄱陽

此公近由州使迴

迴車仍昨日謫去已秋風千越知何處雲山只向東暮天江色裏田鶴稻花中却見鄱陽吏猶應舊馬驄

送路少府使東京便應制舉

初梁宋時失守

故人西奉使胡騎正紛紛舊國無來信春江獨送君五言凌白雪六翮向青雲誰念滄洲吏忘機鷗鳥羣史一作史

松江獨宿

洞庭初下葉孤客不勝愁明月天涯夜青山江上

秋一官成白首萬里寄滄洲久被浮名繫能無愧
海鷗

尋白石山真禪師舊草堂

惆悵雲山暮閉門獨不開何時飛杖錫終日閉蒼
苔隔嶺春猶在無人燕亦來誰堪暝投處空復一
猿哀

送行軍張司馬罷使迴

時危身赴敵事往任浮沉末路三江去當時百戰
心春風吳苑綠古木剡山深千里滄波上孤舟不
可尋

喜李翰自越至

南浮滄海上萬里到吳臺久別長相憶孤舟何處
來春風催客醉江月向人開羨爾無羈束沙鷗獨
不猜

罪所留繫寄張十四

不見君來久冤深意未傳冶長空得罪夷甫豈言
錢直道天何在愁容鏡亦憐因書欲自訴無淚可
潸然

送勤照和尚往睢陽赴太守請

燃燈傳七祖杖錫爲諸侯來去雲無意東西水自
流青山春滿目白日夜隨舟知到梁園下蒼生賴
此遊

長門怨

何事長門閉珠簾只自垂月移深殿早春向後宮
遲蕙草生閑地梨花發舊枝芳菲自恩幸看著被
風吹

過橫山顧山人草堂

只見山相揜誰言路尙通人來千嶂外犬吠百花
中細草香飄雨垂楊閑臥風却尋樵徑去惆悵綠
溪東

送李校書適越謁杜中丞

江風處處盡旦暮水空波搖落行人去雲山向越
多陳蕃懸榻待謝客枉帆過相見耶溪路逶迤入
薜蘿

秋夜雨中諸公過靈光寺所居

晤語青蓮舍重門閉夕陰向人寒燭靜帶雨夜鐘
沉流水從他事孤雲任此心不能捐斗粟終日愧
瑤琴沉一作深

西庭夜燕喜評事兄拜會

猶是南州吏江城又一春隔簾湖上月對酒眼中
人棘寺初銜命梅仙已誤身無心羨榮祿唯待却
垂綸

尋南溪常山道人隱居

一路經行處莓苔見履痕白雲依靜渚春草閉閑
門過雨看松色隨山到水源溪花與禪意相對亦
忘言一作莓一作苔

揚州雨中張十宅觀妓

夜色帶一作對春煙燈花拂更燃殘粧添石黛豔舞
落金鈿掩笑頻欹扇迎歌乍動絃不知巫峽雨何
事海西邊

赴宣州使院夜宴寂上人留辭前蘇州韋
使君

白雲乖始願滄海有微波戀舊爭趨府臨危欲負
戈春歸花殿暗秋傍竹房多耐可機心息其如羽
檄何

送薛承矩秩滿北遊

匹馬向何處北遊殊未還寒雲帶飛雪日暮鴈門
關一路傍汾水數州看晉山知君喜初服祗愛此
身閑

餞別王十一南遊

望君煙水闊揮手淚沾巾飛鳥沒何處青山空向
人長江一帆遠落日五湖春誰見汀洲上相思愁
白蘋

送嚴維尉諸暨

嚴即越州人

愛爾文章遠還家印綬榮退公兼色養臨下帶鄉
情喬木映官舍春山宜縣城應憐釣臺石閑却爲
浮名

留別劉八

附嚴維

中年從一尉自笑此身非道薄甘微祿時艱恥息
機晨趨本鄉府晝偃故山扉但見干戈畢何妨更
採薇

送李七之柝水謁張相公

惆悵青春晚慙歎濁酒壚後時長劍澀斜日片帆
孤東閣邀才子南昌老腐儒梁園舊相識誰憶臥
江湖

送崔處士先適越

山陰好雲物此去又春風越鳥聞花裏曹娥想鏡
中小江潮易滿萬井水皆通徒羨扁舟客微官事

不同

奉陪使君西庭送淮西魏判官

得山字

羽檄催歸恨春風醉別顏能邀五馬送自逐一星
還破竹從軍樂看花聽訟閑遙知用兵處多在八
公山

獄中見壁畫佛

不謂銜冤處而能窺大悲獨棲叢棘下還見兩花
時地狹青蓮小城高白日遲幸親方便力猶畏毒
龍欺

送許拾遺還京

萬里辭三殿金陵到舊居文星出西掖鄉月在南
徐故里驚朝服高堂捧詔書暫容乘駟馬誰許戀
鱸魚

送張七判官還京觀省

大夫之子時初

春蘭方可採此去葉初齊函谷鶯聲裏秦山馬首
西庭闌新柏署門館舊桃蹊春色長安道相隨入
禁闈

送孫瑩京監擢第歸蜀觀省

適賀一枝新旋驚萬里分禮闈稱獨步太學許能
文征馬望春草行人看暮雲遙知倚門處江樹正
氛氲

送史九赴任寧陵兼呈單父史八時監察

五兄初入臺

趨府弟聯兄看君此去榮春隨千里道河帶萬家
城繡服棠花映青袍草色迎梁園脩竹在持贈結
交情

臥病喜田九見寄

臥來能幾日春事已依然不解謝公意翻令靜者
便庭陰殘舊雪柳色帶新年寂寞深村裏唯君相
訪偏

重過宣峯寺山房寄靈一上人

西陵潮信滿島嶼入中流越客依風水相思南渡
頭寒光生極浦暮雪映滄洲何事揚帆去空驚海
上鷗

雲門寺訪靈一上人

所思勞日夕惆悵去西東禪客知何在春山到處
同獨行殘雪裏相見白雲中請近東林寺窮年事
遠公

送陸羽之茅山寄李延陵

延陵衰草遍有路問茅山雞犬驅將去煙霞擬不
還新家彭澤縣舊國穆陵關處處逃名姓無名亦
是閑

寄靈一上人初還雲門

寒霜白雲裏法侶自相攜竹逕通城下松風隔水
西方同沃洲去不作武陵迷髣髴知心處高峯是
會稽

寄靈一上人初還雲門

高僧本姓竺開士舊名林一去春山裏千峯不可
尋新年芳草遍終日白雲深欲徇微官去懸知訝
此心

送韓司直

遊吳還入越來往任風波復送王孫去其如春草

何岸明殘雪在潮滿夕陽多季子遺留廟停舟試
一過

酬李郎中夜登蘇州城樓見寄

辛勤萬里道蕭索九秋殘日照闌中夜天凝海上
寒客程無地遠主意在人安遙寄登樓作空知行
路難

送人遊越

未習風波事初爲吳越遊露湖色曉月照海門
秋梅市門何在蘭亭水尚流西陵待潮處落日滿
扁舟

贈普門上人

支公身欲老長在沃洲多惠力堪傳教禪心久伏
魔山雲隨坐夏江草伴頭陀借問迴心後賢愚去
幾何

送康判官往新安

不向新安去那知江路長猿聲近廬霍水色勝瀟
湘驛路收殘雨漁家帶夕陽何須愁旅泊使者有
輝光

宿洞靈觀

附皇甫冉

孤煙靈洞遠積雪暮山寒松柏凌高殿莓苔封古
壇寒來清夜久仙去白雲殘明月開金籙焚香入
木蘭

送顧長

由來山水客復道向新安半是乘槎便全非行路
難晨裝林月在野飯浦沙寒嚴子千年後何人釣
舊灘

九日登李明府北樓

九日登高望蒼蒼遠樹低人煙湖草裏山翠縣樓西
霜降鴻聲切秋深客思迷無勞白衣酒陶令自相攜

同諸公登樓

秋草行將暮登樓客思驚千家同霽色一鴈報寒聲
北望無鄉信東遊滯客行今君佩銅墨還有越鄉情

送友人南遊

不愁尋水遠自愛逐連山雖在春風裏猶從芳草間
去程何用計勝事且相關旅逸同羣鳥悠悠往復還

送裴二十一

多病長無事開筵暫送君正愁帆帶雨莫望水連雲
客思閑偏極川程遠更分不須論早晚惆悵又離羣

送張判官罷使東歸

白首辭知己滄洲憶舊居落潮迴野艇積雪臥官廬
范叔寒猶在周王歲欲除春山數畝地歸去帶經鉏

早春

微雨夜來歇江南春色迴本驚時不住還恐老相催
人好千場醉花無百日開豈堪滄海畔爲客十年來

送青苗鄭判官歸江西

三苗餘古地五稼滿秋田來問周公稅歸輸漢俸

錢江城寒背日溢水暮連天南楚凋殘後疲民賴爾憐

劉隨州集卷第三

劉隨州集卷第四

隨州刺史劉長卿

過包尊師山院

賣藥曾相識吹簫此復聞杏花誰是主桂樹獨留
君漱玉臨丹井園基訪白雲道經今爲寫不慮惜
鵝羣

故女道士婉儀太原郭氏挽歌詞

作範宮闈睦歸真道藝超馭風仙路遠背日帝宮
遙鸞殿空留處霓裳已罷朝淮王哀不盡松柏但
蕭蕭

其二

宮禁恩長隔神仙道已分人間驚早露天上失朝
雲逝水年無限佳城日易曛簫聲將薤曲哀斷不
堪聞

少年行

射飛誇侍獵行樂愛聯鑣薦枕青蛾豔鳴鞭白馬
驕曲房珠翠合深巷管絃調日晚春風裏衣香滿
路飄

歸弋陽山居留別盧邵二侍御

渺渺歸何處沿流附客船久依鄱水住頻稅越人
田偶俗機偏少安閑性所便祇應君少慣又欲寄
林泉

越江西湖上贈皇甫曾之宣州

莫恨扁舟去川途我更遙東西潮渺渺離別雨蕭
蕭流水通春谷青山過板橋天涯有來客遲爾訪
漁樵

湘中紀行十首

湘妃廟

荒祠古木暗寂寂此江濱未作湘南雨知爲何處
雲苔痕斷珠履草色帶羅裙莫唱迎仙曲空山不
可聞

斑竹巖

蒼梧在何處斑竹自成林點點留殘淚枝枝寄此
心寒山響易滿秋水影偏深欲覓樵人路蒙籠不
可尋

洞山陽

舊日仙成處荒林客到稀白雲將犬去芳草任人
歸空谷無行徑深山少落暉桃園幾家住誰爲掃
荆扉

雲母溪

雲母映溪水溪流知幾春深藏武陵客時過洞庭
人白髮慚皎鏡清光媚齋淪寥寥古松下歲晚挂
頭巾

赤沙湖

茫茫葭菼外一望一霑衣秋水連天闊潯陽何處
歸沙鷗積暮雪川日動寒暉楚客來相問孤舟泊
釣磯

秋雲嶺

山色無定姿如煙復如黛孤峯夕陽後翠嶺秋天
外雲起遙蔽虧江迴頻向背不知今遠近到處猶
相對

花石潭

江楓日搖落轉愛寒潭靜水色淡如空山光復相
映人閑流更慢魚戲波難定楚客往來多偏知白
鷗性

石圍峯

前山帶秋色獨往秋江晚疊嶂入雲多孤峯去人
遠賁緣不可到蒼翠空在眼渡口問漁家桃源路
深淺

浮石瀨

秋月照瀟湘月明聞盪槳石橫晚瀨急水落寒沙
廣衆嶺猿嘯重空江人語響清暉朝復暮如待扁
舟賞

橫龍渡

空傳古岸下曾見蛟龍去秋水晚沈沈獨疑在何
處亂聲沙上石倒影雲中樹獨見一扁舟樵人往
來渡

雜詠八首 上禮部李侍郎

幽琴

月色滿軒白琴聲宜夜闌颺颺青絲上靜聽松風
寒古調雖自愛今人多不彈向君投此曲所貴知
音難

晚桃

四月深澗底桃花方欲然寧知地勢下遂使春風
偏此意頗堪惜無言誰爲傳過時君未賞空媚幽
林前

疲馬

玄黃一疲馬筋力盡胡塵驤首北風夕徘徊鳴向

人誰憐棄置久却與驚駘親猶戀長城外青青寒
草春

春鏡

寶鏡凌曙開含虛淨如水獨懸秦臺上萬象清光
裏豈慮高鑒偏但防流塵委不知娉婷色回照今
何似

古劍

龍泉閉古匣苔蘚淪此地何意久藏鋒翻令世人
棄鐵衣今正澁寶刃猶可試儻遇拂拭恩應知剗
犀利

舊井

舊井依舊城寒水深洞徹下看百餘尺一鏡光不
滅素綆久未垂清涼尙含潔豈能無汲引長訝君
恩絕

白鷺

亭亭常獨立川上時延頸秋水寒白毛夕陽吊孤
影幽姿閑自媚逸翮思一騁如有長風吹青雲在
俄頃

寒缸

向夕燈稍進空堂彌寂寞光寒對愁人時復一花
落但恐明見累何愁暗難托戀君秋夜永無使蘭
膏薄

寄李侍御

舊國人未歸芳洲草還碧年年湖上亭悵望江南
客驄馬入關西白雲獨何適相思烟水外唯有心
不隔

晚泊湘江懷故人

天涯片雲去遙指帝鄉憶惆悵增暮情瀟湘復秋色扁舟宿何處落日羨歸翼萬里無故人江鷗不相識

過鄔三湖上書齋

何事東南客忘機一釣竿酒香開甕老湖色對門寒向郭青山送臨池白鳥看見君能浪跡予亦厭微官

從軍 六首

迴首虜騎合城下漢兵稀白刃兩相向黃雲愁不飛手中無尺鐵徒欲穿重圍

其二

目極鴈門道青青邊草春一身事征戰匹馬同辛勤末路成白首功歸天下人

其三

倚劍白日暮望歸登戍樓北風吹羌笛此夜關山愁迴首不無意渾河空自流

其四

黃沙一萬里白首無人憐報國劍已折歸鄉身幸全單于古臺下邊色寒蒼然

其五

落日更蕭條北風動枯草將軍追虜騎夜失陰山道戰敗仍樹勳韓彭但空老

其六

秋草秋塞上望見漁陽郭胡馬嘶一聲漢兵淚雙落誰爲吮瘡者此事今人薄

龍門八詠

闕口

秋山日搖落秋水急波瀾獨見魚龍氣長令烟雨寒誰窮造化力空向兩崖看

水東渡

山葉傍崖赤千峯秋色多夜泉發清響寒渚生微波稍見沙上月歸人爭渡河

福公塔

寂寞對伊水經行長未還東流自朝暮千載空雲山誰見白鷗鳥無心洲渚間

遠公龕

松路向精舍花龕歸老僧閑雲隨錫杖落日低金繩入夜翠微裏千峯明一燈

石樓

隱隱見花閣隔河映青林水田秋鴈下山寺夜鍾深寂寞羣動息風泉清道心

下山

誰識往來意孤雲長自閑風寒未渡水日暮更看山木落衆峯出龍宮蒼翠間

水西渡 一作西渡水

伊水搖鏡光纖鱗如不隔千龕道傍古一鳥沙上白何事還開一作山雲寒一作能留向城客

渡水

日暮下山來千山暮鍾發不知波上棹還弄山中月伊水連白雲東南遠明滅

月下聽砧

夜靜掩寒城清砧發何處聲聲搗秋月腸斷盧龍
戍未得一作寄征人愁霜復愁露

送丘爲赴上都

帝鄉何處是岐路空垂泣楚思愁暮多川程帶潮
急潮歸人不歸獨向空塘立

題大理黃主簿湖上高齋

閉門湖水畔自與白鷗親竟日窗中岫終年林下
人俗輕儒服弊家厭法官貧多雨茅簷夜空洲草
徑春桃源君莫愛且作漢朝臣

平番曲三首

吹角報番營迴軍欲洗兵已教青海外自築漢家
城渺渺戍煙孤茫茫寒草枯隴頭那用閉萬里不防

胡

絕漠大軍還平沙獨戍閑空留一片石萬古在燕

山

送鄭說之歙州謁薛侍郎

漂泊來千里謳謠滿百城漢家尊太守魯國重諸
生俗變人難理江傳水至清船經危石住路入亂
山行老得滄洲趣春傷白首情嘗聞馬南郡門下有
康成

題獨孤使君湖上林亭

出樹倚朱闌吹鏡引上官老農持鋤拜時稼捲簾
看水對登龍淨山當建隼寒夕陽湖草動秋色渚
田寬渤海人無事荊州客獨安謝公何足比來往
石門難

酬李使君見贈

滿鏡悲華髮空山寄此身白雲家自有黃卷業長
貧懶任垂竿老狂因釀黍春花迷聖代桂樹狎
幽人幢蓋方臨郡柴荆忝作鄰但愁千騎至石路
卻生塵

送嚴維赴河南充嚴中丞幕府

久別耶溪客來乘使者軒用才榮入幕扶病喜同
樽山屐留何處江帆去獨翻暮情辭鏡水秋夢識
雲門蓮府開花萼桃園寄子孫何當舉嚴助徧沐
漢朝恩

贈別

附嚴維

早見登郎署同時跡下僚幾年江路永今日國門
遙文變騷人體官移漢帝朝望山吟度日接枕話
通宵萬里趨公府孤帆恨信潮匡時知己老聖代
恥逃堯

嶺下臥疾寄劉員外

附包佶

唯有貧將病能令親愛疎歲時供放逐身世付空
虛脛弱秋添絮頭風曉廢梳波瀾喧衆口藜藿靜
吾廬喪馬思開卦占鵲懶發書十年江海隔離恨
子知予

酬包諫議見寄之作

佐郡愧頑疎殊方親里閭家貧寒未度身老歲將
除過雪山僧至依陽野客舒藥陳隨遠宦梅發對
幽居落日棲鵲鳥行人遺鯉魚高文不可和空愧
學相如

棲霞寺東峯尋南齊明徵君故居

山人今不見山鳥自相從長嘯辭明主終身臥此
峯泉源通石徑磴戶掩塵容古墓依寒草前朝寄
老松片雲生斷壁萬壑遍疎鍾惆悵空歸去猶疑
林下逢

奉和趙給事使君留贈李婺州舍人兼謝
舍人別駕之作

便道訪情親東方千騎塵禁深分直夜地遠獨行
春絳闕辭明主滄洲識近臣雲山隨候吏雞犬逐
歸人庭顧婆娑老邦傳蔽芾新玄暉翻佐理聞到
郡齋頻

行營酬呂侍御時尙書問罪襄陽軍次漢
東境上侍御以州鄰寇賊復有水火迫於
征稅詩以見諭

不敢淮南臥來趨漢將營受辭瞻左鉞扶疾往前
旌并稅鶉衣樂壺漿鶴髮迎水歸餘斷岸烽至掩
孤城晚日歸千騎秋風合五兵孔璋才素健早晚
檄書成

登遷仁樓謝子壻李穆

臨風敞麗譙落日聽吹鏡歸路空迴首新章已在
腰非才受官謗無政作人謠儉歲安三戶餘年寄
六條春蕪生楚國古樹過隋朝賴有東床客池塘
免寂寥

別李氏女子

念爾嫁猶近稚年那別親臨岐方教誨所貴和六
姻俛首戴荆釵欲拜淒且頻本來儒家子莫恥梁
鴻貧漢川若可涉水清石磷磷天涯遠鄉婦月下

孤舟人

長沙早春雪後臨湘水呈同游諸子

汀洲暖漸淥烟景淡相和舉目方如此歸心豈奈
何日華浮野雪春色染湘波北渚生芳草東風變
舊柯江山古思遠猿鳥暮情多君問漁人意滄浪
自有歌

自道林寺西入石路至麓山寺過法崇禪
師故居

山僧候谷口石路拂莓苔深入泉源去遙從樹杪
回香隨青靄散鍾過白雲來野雪空齋掩山風古
殿開桂寒知自發松老問誰栽惆悵湘江水何人
更渡杯

和袁郎中破賊後軍行過剡中山水謹上

太尉即李光弼

剡路除荆棘王師罷鼓鼙農歸滄海畔圍解赤城
西赦罪春陽發收兵太白低遠峯來馬首橫笛入
猿啼蘭渚催新幄桃源識故蹊已聞開閣待誰許
臥東溪

送鄭十二還廬山別業

潯陽數畝宅歸臥掩柴關谷口何人待一作門前
秋草閑忘機賣藥罷無語杖藜還舊筍成寒竹空
齋向暮山水流經舍下雲去到人間桂樹花應發
因行寄一攀

至饒州尋陶十七不在寄贈

謫宦投東道逢君已北轅孤蓬向何處五柳不開
門去國空迴首懷賢欲訴冤梅枝看嶺嶠竹路過

湘源月下高秋鴈天南獨夜猿離心與流水萬里共朝昏

奉陪鄭中丞自宣州解印與諸姪宴餘干後谿

跡遠一作意心一作觀遠一作觀一親魚鳥功成厭鼓鼙林中阮生

集一作阮家醉池上謝公題戶牖垂藤合藩籬插

槿齊一作阮家醉池上謝公題戶牖垂藤合藩籬插

山向背春一作秋何勞問秦漢更入武陵谿一作煙

迷一作處迷一作高原何勞問秦漢更入武陵谿一作煙

懸一作處迷一作高原何勞問秦漢更入武陵谿一作煙

劉隨州集卷第四

劉隨州集卷第五

隨州刺史劉長卿

同諸公袁郎中宴筵喜加章服

手詔來筵上腰金向粉闌勳名傳舊閣蹈舞着新衣
衣白杜同遊在滄洲此會稀寒笳發後殿秋草送西歸
世難常摧敵時閑已息機魯連功可讓千載一相揮

毗陵送鄒結先赴河南充判官

王事相逢少雲山奈別何芳年臨水怨瓜步上潮過
過客路方經楚鄉心共渡河凋殘春草在離亂故城多
罷戰逢時泰輕徭佇俗和東西此分手惆悵恨煙波

送徐大夫赴廣州

上將壇場拜南荒羽檄招遠人來百越元老事三朝
霧繞龍山暗山連象郡遙路分江淼淼軍動馬蕭蕭
畫角知秋氣樓船逐暮潮當令輸貢賦不使外夷驕

九日題蔡國公主樓

主第人何在重陽客暫尋水餘龍鏡色雲罷鳳簫音
暗牖藏昏曉蒼苔換古今晴山卷幔出秋草閉門深
籬菊仍新吐庭槐尚舊陰年年畫梁燕來去豈無心

送荀八過山陰舊縣兼寄剡中諸官

訪舊山陰縣扁舟到海涯故林嗟滿歲春草憶佳期
晚景千峯亂晴江一鳥遲桂香留客處楓暗泊舟時
舊石曹娥篆空山夏禹祠剡谿多隱吏君去

道相思

奉錢元侍郎加豫章採訪兼賜章服時初度

任重兼烏府時平偃豹韜澄清湘水變分別楚山高
花對彤襜發霜和白雪操黃金裝舊馬青草換新袍
嶺暗猿啼月江寒鷺映瀟湘豫章生宇下無使翳蓬蒿

奉錢郎中四兄罷餘杭太守承恩加侍御史充行軍司馬赴汝南行營

星使三江上天波萬里通權分金節重恩借鐵冠雄
梅吹前軍發棠陰舊府空殘春錦障外初日羽旗東
岸柳遮浮鷁江花隔避驄離心在何處芳草滿吳宮

送賈侍御克復後入京一作江南送

對酒心不樂見君動行舟回看暮帆隱獨向空江愁
晴雲淡初夜春塘深慢流溫顏風霜霽喜氣煙塵收
馳驅數千里朝天十二樓因云報親愛白髮生滄洲

會稽王處士草堂壁畫衡霍諸山一本十句

粉壁一作衡霍近羣峯卷一作如可攀能令堂上客
見盡湖湘一作南山青翠數千仞狀一作飛來方丈
間歸雲無處滅去鳥何時還勝事日相對主人常
獨閑一作看林壑晚滿一作青陰佳氣生重關一本增
愁心會看慰

惠福寺與陳留諸官茶會得西字

到此機事遣自嫌塵網迷因知萬法幻盡與浮雲
齊疎竹映高枕空花隨杖藜香飄諸天外日隱雙
林西傲吏方見狎真僧幸相攜能令歸客意不復
還東溪

金陵西泊舟臨江樓

蕭條金陵郭舊是帝王州日暮望鄉處雲邊江樹
秋楚雲不可托楚水只堪愁行客千萬里滄波朝
暮流迢迢洛陽夢獨臥清川樓異鄉共如此孤帆
難久遊

題靈祐上人法華院木蘭花

其樹嶺南
移植此地

庭種南中樹年華幾度新已依初地長獨發舊園
春映日成華蓋搖風散錦茵色空榮落處香醉往
來人齒蒼千燈遍芳菲一雨均高柯儻爲檝渡海
有良因

送嚴維宅送包信

江湖同避地分首自依依盡室今爲客驚秋空念
歸歲儲無別墅寒服羨鄰機草色村橋晚蟬聲江
樹稀夜深宜共醉時難忍相違何事隨陽鴈汀洲
忽背飛

送從弟貶袁州

何事成遷客思歸不見鄉遊吳經萬里弔屈向三
湘水與荆巫接山通鄢郢長名羞黃綬繫身是白
眉郎獨結南枝恨應思北鴈行憂來沽楚酒老鬢
莫凝霜

無錫東郭送友人遊越

客路風霜曉郊原春興餘平蕪不可望遊子去何

如煙水乘湖闊雲山適越初舊都懷作賦古穴覓
藏書碑缺曹娥宅林荒逸少居江湖無限意非獨
爲樵漁

送邵州判官往南

看君發原隰駟牡志皇皇始罷滄江令還隨粉署
郎海沂軍未息河兗歲仍荒征稅人全少榛蕪虞
近亡新知行宋遠相望隔淮長早晚裁書寄銀鉤
佇八行

出豐縣界寄韓明府

回首古原上未能辭舊鄉西風收暮雨隱隱分芒
碭賢友此爲邑令名滿徐方音容想在眼暫若升
琴堂疲馬顧春草行人看夕陽自非傳尺素誰爲
論中腸

別陳留諸官

戀此東道主能令西上遲徘徊暮郊別惆悵秋風
時上國邈千里夷門難再期行人望落日歸馬嘶
空陂不愧寶刀贈惟懷瓊樹枝音塵倘未接夢寐
徒相思

觀李湊所畫美人障子

愛爾含天姿丹青有殊智無間已得象象外更生
意西子不可見千載無重還空令浣沙態猶在含
毫間一笑豈易得雙蛾如有情窗風不舉袖但覺
羅衣輕華堂翠幕春風來內閣金屏曙色開此中
一見亂人目只疑行到雲陽臺

送史判官奏事之靈武兼寄巴西親故

中州日紛梗天地何時泰獨有西歸心遙懸夕陽

外故人奉章奏此去論利害陽鴈南渡江征驂去
相背因君欲寄遠何處問親愛空使滄洲人相思
減衣帶

自鄱陽還道中寄褚徵君

南風日夜起萬里孤帆漾元氣連洞庭夕陽落波
上故人煙水隔復此遙相望江信久寂寥楚雲獨
惆悵愛君清川口弄月時權唱白首無子孫一生
自疎曠

石梁湖懷陸兼

故人千里道滄波十年別夜上明月樓相思楚天
闊瀟瀟清秋暮嫋嫋涼風發湖色淡不流沙鷗遠
還滅煙波日已遠音問日已絕歲晏空含情江皋
綠芳歇

送沈少府之任淮南

惜君滯南楚枳棘徒棲鳳獨與千里帆春風遠相
送此行山水好時物亦應衆一鳥飛長淮百花滿
雲夢相期丹霄路遙聽清風頌勿爲州縣卑時來
自爲用

嚴子瀨東送馬處直歸蘇

望君舟已遠落日潮未退目送滄海帆人行白雲
外江中遠回首波上生微靄秋色姑蘇臺寒流子
陵瀨相送苦易散動別知難會從此日相思空令
減衣帶

宿懷仁縣南湖寄東海荀處士

向夕歛微雨晴開湖上天離人正惆悵新月愁嬋
娟佇立白沙曲相思滄海邊浮雲自來去此意誰

能傳一水不相見千峯隨客舫寒塘起孤鴈夜色
分鹽田時復一延首憶君如眼前

北遊酬孟雲卿見寄

忽忽忘前事願能相乖衣馬日羸弊誰辨行與
才善道居貧賤潔服蒙塵埃行行無定止懷坎難
歸來慈母憂疾疹室家念棲萊幸君夙姻親深見
中外懷俟子惜時節悵望臨高臺

初至洞庭懷瀟陵別業

長安邈千里日夕懷雙闕已是洞庭人猶有瀟陵
月誰堪去鄉意親戚想天末昨夜夢中歸煙波覺
來闊江皋見芳草孤客心欲絕豈訝青春來但傷
經時別長天不可望鳥與浮雲沒

題蕭郎中開元寺新構幽寂亭

康樂愛山水賞心千載同結茅依翠微伐木開蒙
籠孤峯倚青霄一徑去不窮候客石苔上禮僧雲
樹中曠然見滄洲自遠來清風五馬留谷口雙旌
薄煙虹沈沈衆香積眇眇諸天空獨往應未遂蒼
生思謝公

同姜濬題裴式微餘干東齋

世事終成夢生涯欲半過白雲心已矣滄海意如
何藜杖全吾道榴花養太和春風騎馬醉江月釣
魚歌散帙看蟲蠹開門見雀羅遠山終日在芳草
傍人多吏體莊生傲方言楚俗訛屈平君莫弔腸
斷洞庭波

贈元容州

擁旌臨合浦上印臥長沙海徼長無戍湘山獨種

會政傳通歲貢才惜過年華萬里依孤劍千峯寄
一家累徵期旦暮未起戀煙霞避世歌芝草休官
醉菊花舊遊如夢裏此別是天涯何事滄波上漂
漂逐海槎

夏口送長寧楊明府歸荆南因寄幕府諸公

關西楊太尉千載德猶聞白日俱終老清風獨至
君身承遠祖遺一作後才出衆人羣舉世貪荆王全
家戀楚雲向煙帆杳杳臨水葉紛紛草覆昭丘綠
江從夏口分高名光盛府異姓寵殊勳百越今無
事南征欲罷軍

奉和杜相公新移長興宅呈元相公

間世生賢宰同心奉至尊功高開北第機靜灌中
園入並蟬冠影歸分騎士喧窗聞漢宮漏家識杜
陵源獻替常焚稿優閑獨對萱花香逐荀令草色
對王孫有地先開閣何人不掃門江湖難自退明
主託元元

湖南使還留辭辛大夫

王師勞近甸兵食仰諸侯天子無南顧元勳在上
游大才生間氣盛業拯橫流風景隨搖筆山川入
運籌羽觴交餞席旄節對歸舟鶯識春深恨猿知
日去愁別離花寂寂南北水悠悠唯有家兼國終
身共所憂

泛曲阿後湖簡同遊諸公

元氣浮積水沉沉深不流春風萬頃綠映帶至徐
州爲客難適意逢君方暫遊賓緣白蘋際日暮滄

浪舟渡口微月進林西殘雨收水雲去仍溼沙鶴
鳴相留且習子陵隱能忘生事憂此中深有意非
爲釣魚鉤

冬夜宿揚州開元寺烈公房送李侍御之

江東

遷客投百越窮陰淮海凝中原馳驅萬里棲饑
鷹寂寂連宇下愛君心自弘空堂來霜氣永夜清
明燈發後望煙水相思勞寢興暮帆背楚郭江色
浮金陵此去爾何恨近名予未能爐峯若便道爲
訪東林僧

南楚懷古

南國久蕪沒我來空鬱陶君看章華宮處處生蓬
蒿但見陵與谷豈知賢與豪精魂托古木寶劍捐
江皋倚棹下晴景回舟隨晚濤碧雲暮落湖上
秋天高往事那堪問此心徒自勞獨餘湘水上千
載聞離騷

上湖田館南樓憶朱晏

漂泊日復日洞庭今更秋白雲如有意萬里望孤
舟何事愛成別空令登此樓天光映波動月影隨
江流鶴唳靜寒渚猿啼深夜洲歸期誠已促清景
仍相留頃者慕獨往爾來悲遠遊風波自此去桂
水空離憂

送姚八之句容舊任便歸江南一本作送姚八歸江南

故人還水國春色動離憂碧草千萬里滄江朝暮
流桃花迷舊路萍葉蕩歸舟遠戍看京口空城問

石頭折芳佳麗地望月西南樓後鳥共孤嶼煙波連數州誰家過楚老何處戀江鷗尺素能相報湖山若箇憂

睢陽贈李司倉

白露變時候葦聲暮啾啾飄飄洛陽客惆悵梁園秋只爲乏生計爾來成遠遊一身不家食萬事從人求且喜接餘論足堪資小留寒城落日後砧杵令人愁歸路歲時盡長河朝夕流非君深意願誰復能相憂

杪秋洞庭中懷亡道士謝太虛

漂泊日復日洞庭今更秋青楓亦可意此夜催人愁惆悵客中月徘徊江上樓心知楚天遠目送滄波流羽客久已歿微言無處求空餘白雲在容與隨孤舟千里杳難望一身當獨遊故園復何許江海徒遲留

三月三日寒食從劉八丈使君登遷仁樓眺望

附李穆

從公無小大在伴樂人賢楚國逢荒歲隨人若有年空波交水埒重岫夾畬田桑柘溫風軟雲霞返照鮮因高寺剎迴臨遠郡樓偏花柳清明節親賓上已筵故鄉徒有路春鴈獨歸邊幸望山陰客爲文內史前

同郭參謀詠崔僕射淮南節度使廳前竹

一作和郭參謀詠

昔種梁王苑今移漢將壇一作不學猶清能依上將壇蒙籠低冕過青翠捲簾看得地移根遠經霜抱節難開花

成鳳實嫩筍長魚竿藹藹軍容靜蕭蕭郡宇寬細音和角暮疎影上門寒湘浦何年變山陽幾處殘一作阮巷何人不知軒屏側歲晚對袁安

硤石遇雨宴前主簿從兄子英宅

縣城蒼翠裏客路兩崖開硤石雲漠漠東風吹雨來吾兄此爲吏薄宦知無媒方寸抱素鏡聲名傳楚材折腰五斗間僂僂隨塵埃秩滿少餘俸家貧仍散財誰言次東道暫預傾金壘雖欲少留此其如歸限催

江中晚釣寄荆南一二相識一作西荆南諸公

楚郭微雨收荆門遙看一作在目漾舟水雲裏日暮春江綠霽華靜洲渚暝一作色連松杉竹月出波上時人歸渡頭宿一身已無累萬事更何欲漁父自夷猶一作緣白鷗不羈束既憐滄浪水復一作更愛滄浪曲不見眼中人相思心斷續一作垂釣看

足生

九日岳陽待黃遂張渙

別君頗已久離念與時積楚水空浮煙江樓望歸客徘徊正佇想髣髴如暫覲心目徒自親風波尙相隔青林泊舟處猿鳥愁孤驛遙見郭外山蒼然雨中夕季鷹久疎曠叔度早疇昔反棹來何遲黃花候君摘

劉隨州集卷第五

原
书
空
白
页

劉隨州集卷第六

隨州刺史劉長卿

題王少府堯山隱處簡陸鄧陽

故人滄洲吏深與世情薄解印二十年委身在丘壑買田楚山下妻子自耕鑿羣動心有營孤雲本無着因收谿上釣遂接林中酌對酒春日長山村杏花落陸生鄧陽令獨步建溪作早晚休此官隨君永棲託

晚次湖口有懷

靄然空水合目極平江暮南望天無涯孤帆落何處頃爲衡湘客頗見湖山趣潮氣和楚雲夕陽映江樹帝鄉勞想望萬里心來去白髮生扁舟滄波滿歸路秋風今已至日夜鴈南度木葉辭洞庭紛紛落無不知作數

陪元侍御遊支硎山寺

支公去已久寂寞龍華會古木閉空山蒼然暮相對林巒非一狀水石有餘態密行藏晦明羣峯爭向背峯峯帶落日步步入青靄香氣空翠中猿聲暮雲外留連南臺客想像西方內因逐溪水還觀心兩無礙

桂陽西洲晚泊古橋村住人

洛陽別離久江上心可得惆悵增暮情瀟湘復秋色故山隔何處落日羨歸翼滄海空自流白鷗不相識悲葦滿荆渚輟棹徒沾臆行客念寒衣主人愁夜織帝鄉片雲去遙寄千里憶南路隨天長征帆杳無極

夕次檐石湖夢洛陽親故

天涯望不盡日暮愁獨去萬里雲海空孤帆向何處寄身煙波裏頗得湖山趣江氣和楚雲秋聲亂楓樹如何異鄉縣日復懷親故遙與洛陽人相逢夢中路不堪明月裏更值清秋暮倚棹對滄波歸心共誰語

按覆後歸睦州贈苗侍御

地遠心難達天高謗易成羊腸留覆轍虎口脫餘生直氏偷金枉于家決獄明一言知己重片議殺身輕日下人誰憶天涯客獨行年光銷蹇步秋氣入衰情建德知何在長江問去程孤舟百口渡萬里一猿聲落日開鄉路空山向郡城豈令冤氣積千古在長平

奉寄婺州李使君舍人

建隼罷鳴珂初傳來暮歌漁樵識太古草樹得陽和東道諸生從南依遠客過天清婺女出土厚絳人多永日空相望流年復幾何崖開當夕照葉去逐寒波眼暗經難受身閑劍懶磨似鴉占買館上馬試廉頗窮分安藜藿衰容勝薜蘿只應隨越鳥南翥託高柯

哭魏兼遂公及孀妻幼子與僮數人相次亡歿葬於丹陽

古今俱此去脩短竟誰分樽酒空如在絃琴肯重聞一門同逝水萬事共浮雲舊館何人宅空山遠客墳艱危貧且共少小秀而文獨行依窮巷全身出亂軍歲時長寂寞煙月自氛氲壠樹隨人古山門對日曛汎舟悲向子留劍贈徐君來去雲陽路

傷心江水濱

負謫後登干越亭作 又作十六句

天南愁望絕亭上柳條新落日獨歸鳥孤舟何處

人生涯投越一作徽世業陷胡邊一作塵杳杳鍾陵

暮悠悠鄱水春一作花連百越一作秦臺悲白首楚澤

怨青蘋草色迷征路鶯聲傷逐臣此一本無獨醒空

離一作翻作取笑直道不容身得罪風霜苦全生天地仁

青山數行淚滄海一窮鱗牢落機心盡惟一作憐

鷗鳥親

留題李明府雪溪水堂

寥寥一作寂寂此堂上幽意復誰論落日無王事青山

在縣門雲峯向高枕漁釣入前軒晚竹疎簾影春

苔雙履痕荷香隨坐臥湖色映晨昏虛牖閑生白

鳴琴靜對言暮禽飛上下一作春水草一作帶清渾

遠岸誰家柳孤流一作煙何處村謫居投瘴癘離思

過湘沅從此扁舟去誰堪江浦猿

入白沙渚黃緣二十五里至石窟山下懷

天台陸山人

遠嶼一作嶺一作嶺將夕玩幽行自遲歸人不計日流水

閑相隨輟棹古崖口捫蘿春景遲偶因回舟一作洲

次寧與前山期對此瑤草色懷君瓊樹枝浮雲去

寂寞白鳥相因依何事愛高隱但令勞遠思窮年

臥海嶠永望愁天涯吾亦從此去扁舟何所之迢

迢江上帆千里東風吹

禪智寺上方懷演和尚寺即和尚所創

絕巘東林寺高僧惠遠公買園隋苑下持鉢楚城

中斗極千燈近煙波萬井通遠山低月殿寒木露
花宮紺宇焚香淨滄洲擺霧空鴈來秋色裏曙起
早潮東飛錫今何在蒼生待發蒙白雲翻送客庭
樹自辭風捨筏追閑士迴舟狎釣翁平生江海意
惟共白鷗同

賈侍郎自會稽使迴篇什盈卷兼蒙見寄

一首與余有掛冠之期因書數事率成十

韻

江上逢星使南來自會稽驚年一葉落按俗五花
嘶上國悲蕪梗中原動鼓鼙報恩看鐵劍銜命出
金閨風物催歸緒雲峯發詠題天長百越外潮上
小江西鳥道通閩嶺山光落剡溪暮帆千里思秋
夜一猿啼柏樹榮新壠桃源憶故蹊若能爲休去
行復草萋萋

秋日夏口涉漢陽獻李相公

日望衡門處心知漢水濱偶乘青雀舫還在白鷗
羣間氣生靈秀先朝翼戴勳藏弓身已退焚藁事
難聞舊業成青草全家寄白雲松蘿長稚子風景
逐新文山帶寒城出江依古岸分楚歌悲遠客羌
笛怨孤軍鼎罷調梅久門看種藥勤十年猶去國
黃葉又紛紛

歸沛縣道中晚泊留侯城

訪古此城下子房安在哉白雲去不反危堞空崔
嵬伊昔楚漢時頗聞經濟才運籌風塵下能使天
地開蔓草日已積長松日已摧功名滿青史祠廟
唯蒼苔百里暮程遠孤舟川上迴進帆東風便轉

岸前山來楚水澹相引沙鷗閑不猜扣舷從此去
延首仍裴回

關門望華山

客路瞻太華三峯高際天夏雲亘百里合沓遙相
連雷雨飛半腹太陽在其巔翠微關上近一作瀑
布林梢懸愛此衆容秀能令西望偏徘徊忘暝色
泱泱成陰煙曾是朝百靈亦聞會羣仙瓊漿豈易
挹毛女非空傳髮髯仍佇想幽奇如眼前金天有
青廟松柏隱蒼然

奉陪蕭使君入鮑達洞尋靈山寺

山居秋更鮮秋江相映碧獨臨滄洲路如待掛帆
客遂使康樂侯披榛着雙屐入雲開嶺道永日尋
泉脈古寺隱青冥空中寒磬夕蒼苔絕行徑飛鳥
無去跡樹杪下歸人水聲過幽石任情趣逾遠移
步奇屢易蘿木靜蒙蒙風煙深寂寂徘徊未能去
畏共桃源隔

孫權故城下懷古兼送友人歸建鄴

雄圖爭割據神器終不守上下武昌城長江竟何
有古來壯臺榭事往悲陵阜寥落幾家人猶依數
株柳威靈絕絕想像蕪沒空林藪野徑春草中郊扉
夕陽後逢君從此去背楚方東走煙際指金陵潮
時過湓口行人已何在臨水徒揮手惆悵不能歸
孤帆沒雲久

宿雙峯寺寄盧七李十六

寥寥禪誦處滿室蟲絲結獨與山中人無心生復
滅徘徊雙峯下惆悵雙峯月杳杳暮猿深蒼蒼古

松列玩奇不可盡漸遠更幽絕林暗僧獨歸石寒
泉且咽竹房響輕吹蘿徑陰餘雪臥澗曉何遲背
巖春未發此遊誠多趣獨往共誰閱得意空自歸
非君豈能說

京口懷洛陽舊居兼寄廣陵二三知己

川闊悲無梁藹然滄波夕天涯一飛鳥日暮南徐
客氣混京口雲潮吞海門石孤帆候風進夜色帶
江白一水阻佳期相望空脈脈那堪歲芳盡更使
春夢積故國一作胡塵飛遠一作山楚雲隔家人
想何在庭草爲誰碧惆悵空傷情滄浪有餘一作遺
跡嚴陵七里灘攜手同所適

登揚州西靈寺塔

北塔凌空虛雄觀壓川澤亭亭楚雲外千里看不
隔遙對黃金臺浮輝亂相射盤梯接元氣半壁棲
夜魄稍登諸劫盡若騁排霄翮向是滄洲人已爲
青雲客兩飛千栱霽日在萬家夕鳥處高却低天
涯遠如迫江流入空翠海嶠現微碧向暮期下來
誰堪復行役

湖上遇鄭田

故人青雲器何意常窘迫三十猶布衣憐君頭已
白誰言此相見暫得話嘯昔舊業今已蕪還鄉返
爲客扁舟伊獨往斗酒君自適滄洲一作海一作不可涯
孤帆去無跡杯中忽復醉湖上生月一作魄湛湛
江色寒濛濛水雲夕風波易迢遞千里如咫尺迴
首人已遙南看楚天隔

雨中登沛縣樓贈表兄郭少府

楚澤秋更遠雲雷有時作晚陂帶殘雨白水昏漠漠佇立收烟氛洗然靜東一作廓卷簾高樓上萬里看日落爲客頻改絃辭家尙如昨故山今不見此一作鳥那可託小邑務常閑吾兄宦何薄高標青雲器獨立滄江鶴惠愛原上情慙慙丘中諾何當遂良願歸臥青山郭

灞東晚晴簡同行薛棄朱訓

客心豁初霽霽色暝玄灞西向看夕陽瞳瞳映桑柘二賢誠逸足千星陪征駕古樹枳道傍人煙杜陵下伊余在羈束且復隨造化好道當有心營生苦無暇高賢幸茲偶英達窮王霸迢遞客王程徘徊主人夜一薰知異質片玉誰齊價同結丘中緣塵埃自茲謝

對雨贈濟陰馬少府考城蔣少府兼獻成武五兄南華二兄

繁雲兼家思彌望連濟北日暮微雨中州城帶秋色蕭條主人靜落葉飛不息鄉夢寒更頻蟲聲夜相逼二賢縱橫器久滯徒勞職笑語和風騷雍容事文墨五兄卽時彥前路良未測秋水百丈清寒松一枝直此心欲引託誰爲生羽翼且復頓歸鞍杯中雪胸臆

李侍御河北使迴至東京相訪

故人南臺秀夙擅中朝美擁傳從北來飛霜日千里貧居幸相訪顧我柴門裏却訝繡衣人仍交布衣士王程遽爾迫別戀從此始濁酒未暇斟清文頗垂示迴瞻驄馬速但見行塵起日暮汀洲寒春

風渡流水草色官道邊桃花御溝裏天涯一鳥夕惆悵知何已

吳中聞潼關失守因奉寄淮南蕭判官

一鴈飛吳天羈人傷暮律松江風嫋嫋波上片帆疾木落姑蘇臺霜收洞庭橘蕭條長洲外唯見寒山出胡馬嘶秦雲漢兵亂相失關中因竊據天下共憂慄南楚有瓊枝相思怨瑤瑟一身寄滄洲萬里看白日赴敵甘負戈論兵勇投筆臨風但攘臂擇木將委質不如歸遠山雲臥飯松栗

哭張員外經

慟哭鍾陵下東流與別離二星來不返雙劍沒相隨獨繼先賢傳誰刊有道碑故園荒岷曲旅櫬寄天涯白簡曾連拜滄洲每共思撫孤憐齒穉歎逝顧身衰泉壤成終古雲山若在時秋風隣笛發寒日寢門悲世難愁歸路家貧緩葬期舊賓傷未散夕臨咽常遲自此辭張邵何由見戴逵獨聞山吏部流涕訪孤兒

登東海龍興寺高頂望海簡演公

胸山壓海口永望開禪宮元氣遠相合太陽生其中豁然萬里餘獨爲百川雄白波走雷電黑霧藏魚龍變化非一狀晴明分衆容煙開素帝橋隱隱橫殘虹蓬島如在眼羽人那可逢偶聞真僧言甚與靜者同幽意頗相愜賞心殊未窮花間午時梵雲外春山鐘誰念遽成別自憐歸所從他時相憶處惆悵西南峯

奉送從兄罷官之淮南

何事浮溟渤元戎棄鎬鄧漁竿吾道在鷗鳥世情
賒玄髮他鄉換滄洲此路遐沂沿隨桂檝醒醉任
松華離別誰堪道艱危更可嗟兵鋒搖海內王命
隔天涯鐘漏移長樂衣冠接永嘉還當拂氛祲那
復臥雲霞溪路漫岡轉夕陽歸鳥斜萬艘江縣郭
一樹海人家揮袂看朱紱揚帆指白沙春風獨迴
首愁思極如麻

落第贈楊侍御兼拜員外仍充安大夫判
官赴范陽

職副旌旄重才兼識量通使車遙肅物邊策遠和
戎擲地金聲著從軍寶劍雄官成稽古力名達濟
時功肅穆烏臺上雍容粉署中含香初待漏持簡
舊生風黠吏偏驚隼貪夫輒避驄且知榮已隔誰
謂道仍同念舊追連茹謀生任轉蓬泣連三獻玉
瘡懼再傷弓戀土函關外瞻塵灞水東他時書一
札猶冀問途窮

貶南巴至鄧陽題李嘉祐江亭

又作二

巴嶠南行遠一作南出長江萬里隨不才甘謫去

流水亦何之地遠明君棄一作生怯天高酷吏欺

青山獨往路芳草未歸時流落還相見悲懽話所

思猜嫌一作傷惹惹愁暮向江離柳色迎高塢荷

衣照下帷此一本無水雲初起重暮鳥遠來遲白首

淚一作看長劍滄洲一作寄釣絲沙鷗驚小吏湖月

上高枝此一本無稚子能吳語新文怨楚辭憐君不

得意川谷自逶迤一作老南枝

自紫陽觀至華陽洞宿侯尊師草堂簡同

游李延年

石門媚煙景句曲盤江一作歌甸南向佳氣濃數峯
遙隱見漸臨華陽口雲路入葱蒨七曜懸洞宮五
雲抱仙殿銀函竟誰發金液徒堪薦千載空桃花
秦人深不見東溪喜相遇貞白如會面青鳥來去
閑紅霞朝夕變一從換仙骨萬里乘飛電蘿月延
步虛松花醉閑宴幽人即長往茂宰應交戰明發
歸琴堂知君懶爲縣一作石門林

劉隨州集卷第六

原
书
空
白
页

劉隨州集卷第七

隨州刺史劉長卿

奉使新安自桐廬縣經嚴陵釣臺宿七里灘下寄使院諸公

悠然釣臺下懷古時一望江水自潺湲行人獨惆悵新安從此始桂檝方蕩漾迴轉百里間青山千萬狀連崖去不斷對嶺遙相向夾岸黛色愁沉沉綠波上夕陽留古木水鳥拂寒浪月下扣舷聲煙中採菱唱猶憐負羈束未暇依清曠牽役徒自勞近名非所向何時故山裏却醉松花釀迴首唯白雲孤舟復誰訪

題武丘寺

青林虎丘寺林際翠微路一作見山僧來遙從飛鳥處去茲峯淪寶玉千載唯丘墓埋劍人空傳鑿山龍已去捫蘿披翳蒼路轉夕陽遽虎嘯崖谷寒猿鳴杉一作松暮徘徊北樓上江海窮一顧日映千里帆鴉歸萬家樹慙因愜所適果得損外慮庭暗棲閑雲簷香滴甘露久迷空寂理多爲繁華故永欲投死生餘生豈能誤

奉餞鄭中丞罷浙西節度還京

天上移將星元戎罷龍節三軍含怨慕橫吹聲斷絕五馬嘶城隅萬人臥車轍滄洲浮雲暮杳杳去帆發迴首不問家歸心遙向闕煙波限吳楚日夕事淮越弔影失所依側身隨下列孤蓬飛不定長劍光未滅綠綺爲誰彈綠芳堪自損悵然江南春獨此湖上月千里懷去思百憂變華髮頌聲滿江

海今古流不竭

送裴四判官赴河西軍試

吏道豈易愜如君誰與傳逢時將騁驥臨事無全牛鮑叔幸相知田蘇頗同遊英資挺孤秀清論含古流出塞佐持簡辭家擁鳴騶憲臺貴公舉幕府資良籌武士佇明試皇華難久留陽關望天盡洮水令人愁萬里看一鳥曠然煙霞收晚花對古戍春雪含邊州道路難暫隔音塵那可求他時相望處明月西南樓

旅次丹陽郡遇康侍御宣慰召募兼別岑單父

客心暮千里迴首煙花繁楚水渡歸夢春江連故園羈人懷上國驕虜窺中原胡馬暫爲害漢臣多負恩羽書晝夜飛海內風塵昏雙鬢日已白孤舟心且論繡衣從此來汗馬宣王言憂憤激忠勇悲歡動黎元南徐爭赴難發卒如雲屯倚劍看太白洗兵臨海門故人亦滄洲少別堪傷魂積翠下京口歸潮落山根如何天外帆又此波上樽空使憶君處鶯聲催淚痕

客舍贈別韋九建赴任河南韋十七造赴任鄭縣就便覲省

與子頗疇昔常時仰英髦弟兄盡公器詩賦凌風騷頃者遊上國獨能光選曹香名冠二陸精鑒逢山濤且副倚門望莫辭趨府勞桃花照綵服草色連青袍征馬臨素澹離人傾濁醪華山微雨霽祠上殘雲高而我倦棲屑別君良鬱陶春風亦未已

族思空滔滔拙分甘棄置窮居長蓬蒿人生未鷗
化物議如鴻毛迢遞兩鄉別慙慙一寶刀清琴有
古調更向何人操

送元八遊汝南

元生實奇邁幸此論疇昔刀筆素推高鋒銳久無
敵縱橫濟時意跌宕過人蹟破產供酒錢盈門皆
食客田園頃失計資用深相迫生事誠可憂嚴裝
遠何適世情薄恩義俗態輕窮厄四海金雖多其
如向人惜迢遞朗陵道悵望都門夕向別伊水南
行看楚雲隔繁蟬動高柳疋馬嘶平澤潢潦今正
深陂湖未澄碧人生不得已自可甘形役勿復樽
前酒離居剩悽戚

奉和李大夫同呂評事太行苦熱行兼寄

院中諸公仍呈王員外

迢遞太行路自古稱險惡千騎儼欲前羣峯望如
削火雲從中出仰視飛鳥落汗馬臥高原危旌倚
長薄清風何不至赤日何煎鑠石枯山木焦鱗窮
水泉涸九重今旰食萬里傳明略諸將候軒車元
凶愁鼎鑊何勞短兵接自有長纓縛通越事豈難
渡瀘功未博朝辭羊腸阪夕望貝丘郭漳水斜遶
營常山遙入幕永懷姑蘇下遙寄建安作白雪和
難成滄波意空託陳琳書記好王粲從軍樂早晚
歸漢廷隨公上麟閣

洛陽主簿叔知和驛承恩赴選伏辭一首

仲父王佐材屈身仇香位一從理京劇萬事皆容
易則知無不可通變有餘地器宇溟渤寬文鋒鏖

鄒利懂懂洛陽道日夕皇華使二載出江亭一心
奉王事功成良可錄道在知無愧天府留香名銓
闈就明試賦詩皆舊友攀轅多新吏綵服辭高堂
青袍擁征騎此行季春月時物正鮮媚官柳陰相
連桃花色如醉長安想在目前路遙鬢髮落日看
華山關門逼青翠行轡稍已隔結戀無能慰誰念
樽酒間徘徊竹林意

題宛句宋少府廳留別

宋侯人之秀獨步南曹吏世上無此才天生一公
器尚甘黃綬屈未適青雲意洞澈萬頃陂昂藏千
里驥從宦聞苦節應物推高誼薄俸不自資傾家
共人費顧予倦棲託終日憂窮匱開口即有求私
心豈無愧幸逢東道主因輟西征騎對話堪息機
披文欲忘味壺觴招過客几案無留事綠樹映層
城蒼苔覆閑地一言重然諾累夕陪宴慰何意秋
風來颯然動歸思留歡殊自愜去念能爲累草色
愁別時槐花落行次臨岐仍把手此會良不易他
日瓊樹枝相思勞夢寐

罷攝官後將還舊居留辭李侍御

江海今爲客風波失所依白雲心已負黃綬計仍
非累辱羣公薦頻霑一尉微去緣焚玉石來爲采
葑菲州縣名何在漁樵事亦違故山桃李月初服
薜蘿衣熊軾分朝寄龍韜解賊圍風謠傳吏體雲
物助兵威白雪飄辭律青春發禮闈引軍橫吹動
援翰捷書揮草映番營綠花臨檄羽飛全吳爭轉
戰狂虜怯知機憶昨趨金節臨時廢玉徽俗流應

不厭靜者或相譏世難慵干謁時閑喜放歸潘郎
悲白髮謝客愛清輝樗散材因棄交親迹已稀獨
愁看五柳無事掩雙扉世累多行路生涯向釣磯
榜連溪水碧家羨渚田肥旅食傷飄梗嚴栖憶采
薇悠然獨歸去回首望旌旗

贈別于羣投筆赴安西

風流一才子經史仍滿腹心鏡萬象生文鋒衆人
服頃遊靈臺下頻棄荆山玉蹭蹬空數年裴回冀
微祿竭來投筆硯長揖謝親族且欲圖變通安能
守拘束本持鄉曲譽肯料泥塗辱誰謂命屯遭還
令計反覆西戎今未弭胡騎屯山谷坐恃龍豹韜
全輕蜂蠆毒拂衣從此去擁傳一何速元帥許提
攜他人佇瞻矚出門寡儔侶矧乃無僮僕黠虜時
相逢黃沙暮愁宿蕭條遠回首萬里如在目漢境
天西窮胡山海邊綠想聞羌笛處盡關山曲地
闊鳥飛遲風寒馬毛縮邊愁殊浩蕩離思空斷續
塞上歸限賒樽前別期促知君志不小一舉凌鴻
鵠且願樂從軍功名在殊俗

送薛據宰涉縣

自永樂主簿陟狀尋復受此官

故人河山秀獨立風神異人許白眉長天資青雲
器雄辭變文名高價喧時議下筆盈萬言皆合古
人意一從負能名數載猶卑位寶劍誠可用烹鮮
是虛棄昔聞在河上高臥自無事几案終日閑蒲
鞭使人畏頃因歲月滿方謝風塵吏頌德有與人
薦賢逢八使棲鸞往已屈馴雀今可嗣此道如不
移雲霄坐應致縣前漳水綠郭外晉山翠日得謝

客遊時堪陶令醉前期今尙遠握手空宴慰驛路
疎柳長春城百花媚徘徊白日隱暝色含天地一
鳥向灞陵孤雲送行騎夫君多述作而我常諷味
賴有瓊瑤資能寬別離思槐陰覆殿苔色上階
砌鳥倦自歸飛雲閑獨容瀹既將慕幽絕兼欲看
定慧遇物忘世緣還家懶生計無生妄已息有妄
心可制心鏡常虛明時人自淪翳

早春贈別趙居士還江左時長卿下第歸

嵩陽舊居

見君風塵裏意出風塵外自有滄洲期含情十餘
載深居鳳城曲日預龍華會果得僧家緣能遺俗
人態一身今已適萬物知何愛悟法電已空看心
水無礙且將窮妙理兼欲尋勝概何獨謝客遊當
爲遠公輩放舟馳楚郭負杖辭秦塞目送南飛雲
令人想吳會遙思舊遊處髣髴疑相對夜火金陵
城春煙石頭瀨滄波極天末萬里明如帶一片孤
客帆飄然向青靄楚天合江氣雲色常靈靄隱見
湖中山相連數州內君行意可得全與時人背歸
路隨楓林還鄉念萼菜顧予尙羈束何幸承眄睵
素願徒自勤清機本難逮累幸忝賓薦末路逢沙
汰濩落名不成徘徊意空大逢時雖貴達守道甘
易退逆旅鄉夢頻春風客心碎別君日已遠離念
無明晦予亦反柴荆山田事耕耒

夜宴洛陽程九主簿宅送楊三山人往天

台尋智者禪師隱居

東林問逋客何處棲幽偏滿腹萬餘卷息機三十

年志圖良已久鬢髮空蒼然調嘯寄疎曠形骸如
棄捐本家關西族別業嵩陽田雲臥能獨往山棲
幸周旋垂竿不在魚賣藥不爲錢藜杖閑倚壁松
花常醉眠頃辭青溪隱來訪赤縣仙南畝自甘賤
中朝唯愛賢仍空世諦法遠結天台緣魏闕從此
去滄洲知所便主人瓊枝秀寵別瑤華篇落日掃
塵榻春風吹客船此行頗自適物外誰能牽弄棹
白蘋裏掛帆飛鳥邊落潮見孤嶼徹底觀澄漣鴈
過湖上月猿聲峯際天羣峯趨海嶠千里黛相連
遙倚赤城上瞳瞳初日圓昔聞智公隱此地常安
禪千載已如夢一燈今尙傳雲龕閉遺影石窟無
人煙古寺暗喬木春崖鳴細泉流塵旣寂寞眇想
增嬋娟山鳥怨庭樹門人思步蓮夷猶懷永路悵
望臨清川漁人來夢裏沙鷗飛眼前獨遊豈易愜
羣動多相纏羨爾五湖夜往來閑扣舷

瓜洲驛奉餞張侍御公拜膳部郎中却復
憲臺充賀蘭大夫留後使之嶺南時侍御
先在淮南幕府

太華高標峻青陽淑氣盤屬辭傾渤澥稱價掩琅
玕楊葉頻推中芸香早拜官後來慚轍跡先達仰
門蘭佐劇勞黃綬提綱疾素餐風生趨府步筆偃
觸邪冠骨鯁知難屈鋒銑豈易干佇將調玉鉉翻
自落金九異議那容直專權本畏彈寸心寧有負
三黜竟無端適喜鴻私降旋驚羽檄攢國憐朝市
易人怨虎狼殘天地龍初見風塵虜未殫隨川歸
少海就日背長安副相榮分寄輸忠義不刊擊胡

馳汗馬遷蜀扈鳴鑾月罷名卿署星懸上將壇三
軍搖旆出百越畫圖觀茅茹能相引泥沙肯再蟠
兼榮知任重交辟許才難勁直隨臺栢芳香動省
蘭壁從全趙去鵬自北溟搏星象銜新龍風霜帶
舊寒是非生倚伏榮辱繫悲歡疇昔偏殊眇屯蒙
獨永歎不才成擁腫失計似邯鄲江國傷移律家
山憶考槃一爲鷗鳥誤三見露華團迴首青雲裏
應憐濁水瀾愧將生事托羞向鬢毛看知己傷愆
素他人自好丹鄉春連楚越旅宿寄風湍世路東
流水滄江一釣竿松聲伯禹穴草色子陵灘度嶺
情何遽臨流興未闌梅花分路遠楊子上潮寬夢
想懷依倚煙波限渺漫且愁無去鴈寧冀少迴鸞
極浦春帆迴空郊晚騎單獨憐南渡月今夕送歸
鞍

至德三年春正月時謬蒙差攝海鹽令聞
王師收二京因書事寄上浙西節度李侍
郎中丞行營五十韻

天上胡星孛人間一作東岵反氣橫風塵生汗馬河洛
縱長鯨本謂一作爲才非據誰知一作防禍已萌食參
將可待誅錯輒爲名萬里兵鋒接三時羽檄驚負
恩殊鳥獸流毒遍黎氓朝市成蕪沒干戈起戰爭
人心懸反覆一作覆天道暫虛盈略地侵中土傳烽
到上京王師陷魑魅帝座逼欃槍渭水嘶胡馬秦
山泣漢兵關原馳萬騎煙火亂千營鳳駕瞻西幸
龍樓議一作向北征自將行破竹誰學去吹笙白日
重輪慶玄穹再造榮鬼神潛釋一作憤夷狄遠輸

誠海內戎衣卷關中賊壘平山川隨轉戰草木困
助一作橫行區宇神功立謳歌一作帝業成天迴萬
 象慶龍見五雲迎小苑春猶在長安日更明星辰
歸正位一作雷雨發殘生文物登前古簫韶下太
 清未央新柳色長樂舊鐘聲八使推邦彥中司案
 國程蒼生屬伊呂明主仗一作韓彭凶醜將除蔓
 奸豪已負荆世危看柱石時難識忠貞薄伐徵貔
 虎長驅擁旆旌吳山依重鎮江月帶行營金石懸
 詞律煙雲動筆精運籌初減竈調鼎未和羹北虜
 傳初解東人望已傾池塘催謝客花木待春卿昔
 忝登龍首能傷困驥鳴艱難悲伏一作劍提握喜
 懸衡巴曲誰堪聽秦臺自有情遂令辭短褐仍欲
 請長纓久客田園廢初官印綬輕榛蕪上國路苔
 蘚北山楹懶慢羞趨府驅馳憶退一作耕榴花無
 暇醉蓬髮帶愁縈地僻方言異身微俗慮一作并
 家憐雙鯉斷才媿小鱗烹滄海今猶滯青陽歲又
 更洲香生杜若谿煖一作戲鵲煙水一作宜春
 候寒關一作值晚晴潮聲來萬井山色映孤城旅
 夢親喬木歸心亂早鶯倘無知己在今已訪蓬瀛

劉隨州集卷第七

原
书
空
白
页

劉隨州集卷第八

隨州刺史劉長卿

尋張逸人山居

危石纔通鳥道空山更有人家桃源定在深處澗
水浮來落花

發越州赴潤州使院留別鮑侍御

對水看山別離孤舟日暮行遲江北江南春草獨
向金陵去時

送陸澧還吳中

瓜步寒潮送客楊柳暮雨沾衣故山南望何處秋
草連天獨歸

苕溪酬梁耿別後見寄

清川永路何極一作清溪落日惆悵孤舟解攜鳥
向鳥一作平蕪遠近人隨流水東西白雲千里萬里
明月前溪後溪惆悵一作長沙謫去江潭芳一作春

草萋萋

蛇浦橋下重送嚴維

秋風颯颯鳴條風月相和寂寥黃葉一離一別青
山暮暮朝朝寒江漸出高岸古木猶依斷橋明日
行人已遠空餘淚滴迴潮

重別

附嚴維

月色今朝最明庭閑夜久天清愁盡當年左宦殷
勤遠別深情溪臨疎竹煙色風落高梧雨聲耿耿
相看不寐遙聞曉柝山城

七里灘重送

秋江渺渺水空波越客孤舟欲榜歌手折衰楊悲

老大故人零落已無多

重別

附嚴維

新安非欲枉帆過海內如今有幾何醉裏別時秋
水色老人南望欲狂歌

家園瓜熟是故蕭相公所遺瓜種悽然感
舊因賦此詩

事去人亡跡自留黃花綠蒂不勝愁誰能更向青
門外秋草茫茫覓故侯

重送裴郎中貶吉州

猿啼客散暮江頭人自傷心水自流同作逐臣君
更遠青山萬里一孤舟

尋盛禪師蘭若

秋草黃花覆古阡隔林何處起人煙山僧獨在山
中老唯有寒松見少年

寄許尊師

獨上雲梯入翠微蒙蒙煙雪映巖扉世人知在中
峯裏遙禮青山恨不歸

發桐廬寄劉員外

附嚴維

處處雲山無盡時桐廬南望轉參差舟人莫道新
安近欲上潺湲行自遲

酬李穆見寄

孤舟相訪至天涯萬轉雲山路更賒欲掃柴門迎
遠客青苔黃葉滿貧家

送王司馬秩滿西歸

漢主何時放逐臣江邊幾度送歸人同官歲歲先
辭滿唯有青山伴老身

寄別朱拾遺

天書遠召滄浪客幾度臨岐病未能江海茫茫春
欲遍行人一騎發金陵

會赦後酬主簿所問

江南海北長相憶淺水深山獨掩扉重見太平身
已老桃源久住不能歸

贈秦系

向風長嘯戴紗巾野鶴由來不可親明日東歸變
名姓五湖烟水覓何人

酬靈徹公相招

石欄泉聲久不聞獨臨長路雪紛紛如今漸欲生
黃髮願脫頭冠與白雲

贈崔九載華

憐君一見一悲歌歲歲無如老去何白屋漸看秋
草沒青雲莫道故人多

同崔載華贈日本聘使

憐君異域朝周遠積水連天何處通遙指來從初
日外始知更有扶桑東

送建州陸使君

漢庭初拜建安侯天子臨軒寄所憂從此向南無
限路雙旌已去水悠悠

送秦侍御外甥張篆之福州謁鮑大夫秦

侍御與大夫有舊

萬里閩中去渺然孤舟水上入寒烟轅門拜首儒
衣弊貌似牢之豈不憐水一作海

聞奉迎皇太后使沈判官至因有此作

長樂宮人掃落花君王正候五雲車萬方臣妾同
瞻望疑在曾城阿母家

送劉萱之道州謁崔大夫

沅水悠悠湘水春臨岐南望一沾巾信陵門下三
千客君到長沙見幾人

過鄭山人所居

寂寂孤鶯啼杏園寥寥一犬吠桃源落花芳草無
尋處萬壑千峯獨閉門

奉送賀若郎中賊退後之杭州

江上初收戰馬塵鶯聲柳色待行春雙旌誰道來
何暮萬井如今有幾人

瓜洲驛重送梁郎中赴吉州

渺渺雲山去幾重依依獨聽廣陵鐘明朝借問南
來客五馬雙旌何處逢

奉使鄂渚至烏江道中作

滄洲不復戀魚竿白髮那堪帶鐵冠客路向南何
處是蘆花千里雪漫漫

新息道中作

蕭條獨向汝南行客路多逢漢騎營古木蒼蒼離
亂後幾家同住一孤城

春日宴魏萬成湘水亭

何年家住此江濱幾度門前北渚春白髮亂生相
顧老黃鸝自語豈知人

重送道標上人

衡陽千里去人稀遙逐孤雲入翠微春草青青新
覆地深山無路若爲歸

送李判官之潤州行營

萬里辭家事鼓鼙金陵驛路楚雲西江春不肯留
歸客草色青青送馬蹄

將赴南巴至餘干別李十二

江上花催問禮人鄱陽鶯報越鄉春誰憐此別悲
歡異萬里青山送逐臣

時平後春日思歸

一尉何曾及布衣時平却憶臥柴扉故園柳色催
南客春水桃花待北歸

送陶十赴杭州攝掾

莫歎江城一掾卑滄洲未是阻心期浙中山色千
萬狀門外潮聲朝暮時

使還七里瀨上逢薛承規赴江西貶官

遷客歸人醉晚寒孤舟暫泊子陵灘憐君更去三
千里落日青山江上看

使迴赴蘇州道中作

春風何事遠相催路盡天涯始却迴萬里無人空
楚水孤帆送客到魚臺

昭陽曲

昨夜承恩宿未央羅衣猶帶御衣香芙蓉帳小雲
屏暗楊柳風多水殿涼

罪所留繫每夜聞長洲軍笛聲

白日浮雲閉不開黃沙誰問冶長猜只憐橫笛關
山月知處愁人夜夜來

贈微上人

禪門來往翠微間萬里千峯在剡山何時共到天

台裏身與浮雲處處閑

東湖送朱逸人歸

山色湖光併在東扁舟歸去有樵風莫道野人無
外事開田鑿井白雲中

舟中送李十八

釋子身心無有分獨將衣鉢去人羣相思晚望西
林寺唯有鐘聲出白雲

留別劉員外

附朱放

寥落窮秋九月天風吹白雪起江邊豈意與君於
此別相看拭淚水潺湲

送李穆歸淮南

揚州春草新年綠未去先愁去不歸淮水問君來
早晚老人偏畏過芳菲

留辭

附李穆

南楚迢迢通漢口西江淼淼去揚州春風已遣歸
心促縱復芳菲不可留

觀李湊所畫美人障子

華堂翠幙春風來內閣金屏曙色開此中一見亂
人眼只疑行到雲陽臺

送盧侍御赴河北

謫居爲別倍傷情何事從戎獨遠行千里按圖收
故地三軍罷戰及春耕江天渺渺鴻初去漳水悠

悠草欲生莫學仲連逃海上田單空媿取聊城

送子婿崔真父歸長城

送君卮酒不成懽幼女辭家事伯鸞桃葉宜人誠
可詠柳花如雪若爲看心憐稚齒鳴環去身媿衰

顏對玉難惆悵暮帆何處落青山無限水漫漫

送陸澧倉曹西上

長安此去欲何依先達誰當薦陸機日下鳳翔雙
闕迴雪中人去二陵稀舟從故里難移棹家住寒
塘獨掩扉臨水自傷流落久贈君空有淚沾衣

送柳使君赴袁州

宜陽出守新恩至京口因家始願違五柳閉門高
士去三苗按節遠人歸月明江路聞猿斷花暗山
城見吏稀惟有郡齋窗裏岫朝朝空對謝玄暉

戲題贈二小男

異鄉流落頻生子幾許悲歡併在身欲並老容羞
白髮每看兒戲憶青春未知門戶誰堪主且免琴
書別與人何幸暮年方有後舉家相對却沾巾

謫官後臥病官舍簡賀蘭侍郎一作貶睦州

青春衣繡共稱一作編宜白首垂一作髮絲恨不遺
江上幾回今夜月鏡中無復少年時生還北闕誰
相一作能引老向南邦衆所悲歲歲任他芳草綠
長沙未有定歸期

歲日見新曆因寄都官裴郎中

青陽振蟄初頒曆白首銜冤欲問天絳老更能經
幾歲賈生何事又三年愁占著草終難決病對椒
花倍自憐若道平分四時氣南枝爲底發春偏

江州重別薛六柳八二員外

生涯豈料承優詔世事空知學醉歌江上月明胡
鴈過淮南木落楚山多寄身且喜滄洲近顧影無

如白髮何今日龍鍾人共棄媿君猶遣慎風波

青溪口送人歸岳州

洞庭何處鴈南飛江荻蒼蒼客去稀帆帶夕陽千
里沒天連秋水一人歸黃花暮露開沙岸白鳥銜
魚上釣磯岐路相逢無可贈老年空有淚沾衣

送靈徹上人還越中

禪客無心杖錫還沃洲深處草堂閑身隨徹屨經
殘雪手綻寒衣入舊山獨向青溪依樹下空留白
日在人間那堪別後長相憶雲木蒼蒼但閉關

送耿拾遺歸上都

若爲天畔獨歸秦對水看山欲暮春窮海別離無
限路隔河征戰幾歸人長安萬里傳雙淚建德千
峯寄一身想到郵亭愁駐馬不堪西望見風塵

和樊使君登潤州城樓

山城迢遞敞高樓露冕吹簫居上頭春草連天隨
北望夕陽浮水共東流江田漠漠全吳地野樹蒼
蒼故蔣州王粲尙爲南郡客別來何處更銷憂

錢王相公出牧括州

縉雲詎比長沙遠出牧猶承明主恩城對寒山開
畫戟路飛秋葉轉朱轡江潮淼淼連天望旌旆悠
悠上嶺翻蕭索庭槐空閉閣舊人誰到翟公門

題靈祐和尚故居

歎逝翻悲有此身禪房寂寞見流塵多一作六時行
徑空秋草幾日浮生哭故人風竹自吟遙入磬雨
花隨淚共沾巾殘經窗下依然在憶得山中問許
詢

尋龍井楊老

柴門草舍絕風塵空谷耕田學子真
泉咽恐勞經隴底山深不覺有素人
手栽松樹蒼蒼老身臥桃園寂寂春
唯有胡麻當雞黍白雲來往未嫌貧

見故人李均所借古鏡恨其未獲歸府斯人已亡愴然有作

故人留鏡無歸知一作何處今日懷君試暫窺
歲久豈堪塵自入夜長應待月相隨
空憐瓊樹曾臨匣猶見菱花獨映池
所恨平生還不早如今始挂隴頭枝

聞虞沔州有替將歸上都登漢東城寄贈淮南搖落客心悲
滄水悠悠怨別離
早鴈初辭舊關塞秋風先入古城池
腰章建隼皇恩賜露冕臨人白髮垂惆悵恨君先我去漢陽耆老憶旌麾

劉隨州集卷第八

原
书
空
白
页

劉隨州集卷第九

隨州刺史劉長卿

獻淮寧軍節度李相公

建牙吹角不聞喧三十登壇衆所尊家散萬金酬
士死一作身留一劍答君恩漁陽老將多迴席魯
國諸生半在門白馬翩翩春草細郊原一作少陵西去
獵平原

觀校獵上淮西相公五無下

龍驤校獵邵陵東野火初燒楚澤空師事黃公千
戰一作後身騎白馬萬人中笳隨晚吹吟一作曉
邊草箭沒寒一作青雲落塞鴻三十擁旄誰不羨周
郎少小立一作奇功

送皇甫曾赴上都

東遊久與故人違西去荒涼舊路微秋草不生三
徑處行人獨向五陵歸離心日遠如流水迴首川
長共落暉楚客豈勞傷此別滄江欲暮自沾衣

送李錄事兄歸襄鄧

十年多難與君同幾處移家逐轉蓬白首相逢征
戰後青春已過亂離中行人杳杳看西月歸馬蕭
蕭向北風漢水楚雲千萬里天涯此別恨無窮

漢陽獻李相公

退身高臥楚城幽獨掩閑門一作雙扉漢水頭春草雨
中行徑沒暮山江上捲簾愁幾人猶憶一作識孫弘
閣百口一作里同乘范蠡舟早晚却還丞相印十年
空被白雲留

長沙過賈誼宅

三年謫宦此棲遲萬古惟留楚客悲秋草獨尋人
去後寒林空見日斜時漢文有道恩猶薄湘水無
情吊豈知寂寂江山搖落處憐君何事到天涯

奉酬辛大夫喜湖南臘月連日降雪見示

長沙耆舊拜旌麾喜見江潭積雪時柳絮三冬先
北地梅花一夜遍南枝初開窗閣寒光滿欲掩軍
城暮色遲閨里何人不相慶萬家同唱郢中詞

登餘干古縣城

孤城上與白一作楚雲齊萬古荒涼一作蕭條楚水西
官舍已空秋草綠女牆猶在夜烏啼平江渺渺來
人遠一作夕落日亭亭向客低沙鳥不知陵谷變朝
飛一作暮去一作往弋陽溪

將赴嶺外留題蕭寺遠公院蕭寺即梁朝蕭內史創

竹房遙閉上方幽苔徑蒼蒼訪昔遊內史舊山空
日暮南朝古木向人秋天香月色同僧室月落猿
啼傍客舟此去播遷明主意白雲何事欲相留

初聞貶謫續喜一本無量移登干越亭贈

鄭校書

青青草色滿江洲萬里傷心水自流越鳥豈一作不
知南國一作樹遠江花獨向北人愁生涯已逐一作許
滄浪去一作老冤氣初逢渙汗收何事還邀遷一作
客醉春風日夜待歸舟

北歸入至德界偶逢洛陽隣家李光宰

生涯心事已蹉跎舊路依然此重過近北始知黃
葉落向南空見白雲多炎州日日人將老寒渚年

年水自波華髮相逢俱若是故園秋草復如何

自江西歸至舊任官舍贈袁贊府

時經劉展平

卻見同官喜復悲此生何幸有歸期空庭客至逢

搖落舊邑人稀經亂離

一作別

湘路來過迴鴈處江

城臥聽搗衣時南方風土勞君問賈誼長沙豈不

知

赴南中題褚少府湖上亭子

種田東郭傍春陂萬事無情把

一作如弄

釣絲綠竹放

侵行徑裏

一作斷

青山常對卷簾時紛紛花落門空

閉寂寂鶯啼日更遲從此別君千萬里白雲流水

憶佳期

上巳日越中與鮑侍郎泛舟耶溪

蘭橈緩

一作萬

轉傍汀沙應接雲峯到若耶舊浦滿

來移渡口垂楊深處有人家永和春色千年在曲

水鄉心萬里賒君見漁船時借問前洲

一作桃源

幾路

入烟花

雙峯下哭故人李宥

憐君孤壠寄雙峯埋骨窮泉復幾重白露空沾九

原草青山猶閉數株松圖書經亂知何在妻子因

貧失所從惆悵東臯卻歸去人間無處更相逢

使次安陸寄友人

新年早已遠萋萋久客將歸失路蹊暮雨不知須

口處春風共到穆陵西孤城盡日空花落三戶無

人自鳥啼君在江南相憶否門前五柳幾枝低

哭陳欽州

千秋萬古葬平原素業清風及子孫旅櫬歸程傷

道路舉家行哭向田園空山寂寂開新壠喬木蒼
蒼掩舊門儒行公才竟何在獨憐棠樹一枝存

酬屈突陝

落葉紛紛滿四隣蕭條環堵絕風塵鄉看秋草歸

無路

一作本處

家對寒江病且貧藜杖懶迎征騎客

菊花能醉去官人憐君計畫誰知者但見蓬蒿空

沒身

送惠法師遊天台因懷智大師故居

翠屏瀑水知何在鳥道猿啼過幾重落日獨搖金

策去深山誰向石橋逢定攀巖下叢生桂欲買雲

中若箇峯憶想東林禪誦處寂寥惟聽舊時鐘

自夏口至鸚鵡洲夕望岳陽寄元中丞

江洲無浪復無烟楚客相思益渺然漢口夕陽斜

渡鳥洞庭秋水遠連天孤城背嶺寒吹角獨戍臨

江夜泊船買酒上書憂漢室長沙謫去古今憐

送侯中丞流康州

長江極目帶楓林疋馬孤雲不可尋遷播共知臣

道枉猜讒卻爲主恩深轅門畫角三軍思驛路青

山萬里心北闕九重誰許屈獨看湘水淚沾襟

別送一作嚴士元

春風倚棹闔閭城水國春寒

一作殘雲

陰復晴細雨濕

衣看不見閑花落地聽無聲日斜江上孤帆影草

綠湖南萬里情東道若逢相識問青袍今日

一作已

誤儒生

避地江東留別淮南使院諸公

長安路絕鳥飛通萬里孤雲西復東舊業已應成

茂草餘生只是任飄蓬何辭向物開秦鏡卻便他人得楚弓此去行持一竿竹等閑將狎釣漁翁

罪所上御史惟則

誤因微祿滯南昌幽繫圓扉晝夜長黃鸝翅垂同燕雀青松心在任風霜斗間誰與看冤氣盆下無由見太陽賢達不能同感激更於一作何處問蒼蒼

送台州李使君兼寄題國清寺

露冕新承明主恩山城別是武陵源花間五馬時行縣山外千峯常在門晴江洲渚帶春草古寺杉松深暮猿知到應真飛錫處因君一想已忘言

獄中聞收東京有赦

傳聞闕下降絲綸爲報關東滅虜塵壯志已憐成白首餘生猶待發青春風霜何事偏傷物天地無情亦愛人持法不須張密網恩波自解借枯鱗

溫湯客舍

冬狩溫泉歲欲闌宮城佳氣晚宜看湯熏仗裏千旗暖雪照山邊萬井寒君門獻賦誰相達客舍無錢輒自安且喜禮闈秦鏡在還將妍醜付春官

送孫逸歸廬山

鑪峯絕頂楚雲寒楚客東歸棲此巖一作嚴彭蠡湖邊香橘柚潯陽郭外暗楓杉青山不斷三湘道飛鳥空隨萬里帆常愛此中多勝事新詩他日佇開緘

送馬秀才落第歸江南

南客懷歸鄉夢頻東門悵別柳條新慙歎斗酒城

陰暮蕩漾孤舟楚水春湘竹舊斑思帝子江籬初綠怨騷人憐君此去未得意陌上愁看淚滿巾

送常十九歸嵩少故林

迢迢此恨杳無涯楚澤嵩丘千里賒岐路別時驚一葉雲林歸處憶三花秋天蒼翠寒飛鴈古堞蕭條晚噪鷗他日山中逢勝事桃源洞裏幾人家

送宇文遷明府赴洪州張觀察追攝豐城

令時長卿亦在此州

送君不復遠爲心余亦扁舟湘水陰路逐山光何處盡春隨草色向南深陳蕃待客應懸榻宓賤之官獨抱琴儻見主人論謫宦爾來空有白頭吟

送李將軍

征西諸將一一作如君報德誰能不顧勳身逐塞鴻來萬里手披荒一作江草看孤墳擒生絕漠經一作臨胡雪懷舊長沙哭楚雲歸去蕭條灞陵上幾人看葬李將軍

西陵寄一上人

東山訪道成一作開士南渡隋陽作本師了義惠心能善誘吳風越俗罷淫祠室中時見天人命物外長懸海嶽期多謝清言異玄度懸河高論有誰持

賦得

鶯啼燕語報新年馬邑龍堆路幾千家住層城臨漢苑心隨明月到胡天機中錦字論長恨樓上花枝笑獨眠爲問元戎寶車騎何時返旆勒燕然

三月三日李明府後亭泛舟

甫詩

江南風景復如何聞道新庭更欲過處處紉蘭春
浦淥萋萋籍草遠山多壺觴須就陶彭澤時俗猶
傳晉永和更待持撓徐轉去微風落日水增波

喜朱拾遺承恩拜命赴任上都

詔書徵拜脫荷裳身去東山閉堂草闔闔九天通
楚籍華亭一鶴在朝行滄洲離別風烟遠青瑣幽
深漏刻長今日卻迴垂釣處海鷗相見已高翔

鄭上送韋司士歸上都舊業司士鄭公之孫頃客於

上鄭

前朝舊業想遺塵今日他鄉獨爾身鄭地國除爲
過客杜陵家在有何人蒼苔白露生三徑古木寒
蟬滿四隣西去茫茫問歸路關河漸近淚盈巾一本

自古木寒蟬滿四鄰下此去茫
茫盡秋草離心萬里逐征輪

感懷

秋風落葉正堪悲黃菊殘花欲待誰水近偏逢寒
氣早山深常見日光遲愁中卜命看周易夢裏招
魂讀楚詞自笑不如湘浦鴈飛來卽是北歸時

送楊於陵歸宋汴州別業

半山溪雨帶斜暉向水殘花映客衣旅食嗟余當
歲晚能文似汝少年稀新河柳色千株暗故國雲
帆萬里歸離亂要知君到處寄書須及鴈南飛

送崔使君赴壽州

列郡專城分國憂彤幃皂蓋古諸侯仲華遇主年
猶少公瑾論功位已酬草色青青迎建隼蟬聲處
處雜鳴騶千里相思如可見淮南木葉正驚秋

上陽宮望幸

玉輦西巡久未還春光猶入上陽間萬木長承新
雨露千門空對舊河山深花寂寂宮城閉細草青
青御路閑獨見彩雲飛不盡只應來去候龍顏

過裴舍人故居

慘慘天寒獨掩局紛紛黃葉滿空庭孤墳何處依
山木百口無家學水萍籬花猶及重陽發鄰笛那
堪落日聽書幌無人長不捲秋來芳草自爲螢

登松江驛樓北望故園

淚盡江樓北望歸田園已陷百重圍平蕪萬里無
人去落日千山空鳥飛孤舟漾漾寒潮小極浦蒼
蒼遠樹微白鷗漁父徒相待未掃檣槍懶息機

秋夜有懷高三十五適兼呈空上人

晚節逢君趣道深結茆栽樹近東林吾師幾度曾
摩頂高士何年遂發心北渚三更聞過鴈西城萬
里動寒砧不見支公與玄度相思擁膝坐長吟

送孔巢父赴河南軍按此詩皇甫冉所作

江城相送阻烟波況復新秋一鴈過聞道全師征
北虜更言詩將會南河邊心冉冉鄉人絕塞草青
青戰馬多共許陳琳工奏記知君名宦未蹉跎

登潤州萬歲樓按此詩皇甫冉所作

高樓獨上思依依極浦遙山合翠微江客不堪頻
北望塞鴻何事又南飛垂山古渡寒烟積瓜步空
洲遠樹稀聞道王師猶轉戰更能談笑解重圍

江樓送太康郭生簿赴嶺南

對酒憐君安可論當官愛士如平原料錢用盡卻
爲謗食客空多誰報恩萬里孤舟向南越蒼梧雲

中暮帆滅樹色應無江北秋天涯尙見淮陽月驛
路南隨桂水流猿聲不絕到蠻州青山落日那堪
望誰見思君江上樓

客舍喜鄭三見寄

客舍逢君未換衣閉門愁見桃花飛遙想故園今
已爾家人應念行人歸寂寞垂楊映深曲長安日
暮靈臺宿窮巷無人鳥雀閑空庭新雨莓苔綠此
中分與故交疎何幸仍迴長者車十年未稱平生
意好得辛勤謾讀書

送賈三北遊

賈生未達猶窘迫身馳疋馬邯鄲陌片雲郊外遙
送人斗酒城邊暮留客顧予他日仰時髦不堪此
別相思勞雨色新添漳水綠夕陽遠照蘇門高把
袂相看衣共緇窮愁只是惜良時亦知到處逢榻
下莫滯秋風西上期

齊一和尚影堂

一公住世忘世紛暫來復去誰能分身寄虛空如
遇客心將生滅是浮雲蕭散浮雲往不還淒涼遺
教歿仍傳舊地愁看雙樹在空堂只是一燈懸一
燈長照恆河沙雙樹猶落諸天花天花寂寂香深
殿苔蘚蒼蒼闕虛院昔余精念訪禪扉常接微言
清道機今來寂寞無所得唯共門人淚滿衣

劉隨州集卷第九

原
书
空
白
页

劉隨州集卷第十

隨州刺史劉長卿

穎川留別司倉李萬

故人早負干將器，誰言未展平生意。想君疇昔高步時，肯料如今折腰事。且知投刃皆若虛，日揮案牘常有餘。槐暗公門趨小吏，荷香陂水膾鱸魚。客裏相逢款話深，如何岐路剩霑襟。白雲西上催歸念，潁水東流是別心。落日征驂隨去塵，含情揮手皆城闌。已恨良時空此別，不堪秋草更愁人。

聽笛歌

協律別鄭

舊遊憐我長沙謫，載酒沙頭送遷客。天涯望月自沾衣，江上何人復吹笛。橫笛能令孤客愁，淒淒淡淡如不流。商聲寥亮羽聲苦，江天寂歷江楓秋。靜聽關山聞一叫，三湘月色悲猿嘯。又吹楊柳激繁音，千里春色傷人心。隨風飄向何處落，唯見曲盡平湖深。明發與君離別後，馬上一聲堪白首。

時平後送范倫歸安州

昨聞戰罷圖麟閣，破虜收兵卷戎幕。滄海初看漢月明，紫微已見胡星落。憶昔扁舟此南渡，荆棘煙塵滿歸路。與君攜手姑蘇臺，望鄉一日登幾迴。白雲飛鳥去寂寞，吳山楚岫空崔嵬。一作崔嵬事往時平還舊丘，青青春草近家愁。洛陽舉目今誰在，潁水無情應自流。吳苑西人去欲稀，留連一日空知非。江潭歲盡愁不盡，鴻鴈春歸身未歸。萬里遙懸帝鄉憶，五年空帶風塵色。却到長安逢故人，不道姓名應不識。

小鳥篇上裴尹

藩籬小鳥何甚微，翩翩日夕空此飛。只緣六翮不自致，長似孤雲無所依。西城黯黯斜暉落，衆鳥紛紛皆有託。獨立雖輕蕭雀羣，孤飛還懼鷹鷂搏。自憐天上青雲路，弔影徘徊獨愁暮。銜花縱有報恩時，擇木誰容托身處。歲月蹉跎飛不進，羽毛顛顛何人問。遶樹空隨烏鵲驚，巢林只有鷦鷯分。主人庭中蔭喬木，愛此清陰欲棲宿。少年挾彈遙相猜，遂使驚飛往復迴。不辭奮翼向君去，唯怕金丸隨後來。

登吳古城歌

登古城兮思古人，感賢達兮同埃塵。望平原兮寄遠目，歎姑蘇兮聚麋鹿。黃池高會事未終，滄海橫流人蕩覆。伍員殺身誰不冤，竟看暮樹如所言。越王嘗膽安可敵，遠取石田何所益。一朝空謝會稽人，萬古猶傷甬東客。黍離離兮城坡地，羊牛踐兮牧豎歌。野無人兮秋草綠，園爲墟兮古木多。白楊蕭蕭悲故柯，黃雀啾啾爭晚禾。荒阡斷兮誰重過，孤舟逝兮愁若何。天寒日暮江楓落，葉去辭風水自波。

疲兵篇

驕虜乘秋下，勦門陰山日。夕煙塵昏三軍疲，馬力已盡百戰殘。兵功未論陣雲決，濟屯塞北羽書紛。紛來不息孤城望，處增斷腸折劍看。時可霑臆元戎日，夕且歌舞不念關山久辛苦。自矜倚劍氣凌雲，却笑聞笳淚如雨。萬里飄飄空此身，十年征戰

老胡塵赤心報國無片賞白首還家有幾人朔風
蕭蕭動枯草旌旗獵獵榆關道漢月何曾照客心
胡笳只解催人老軍前仍欲破重圍裏猶應愁
未歸小婦十年啼夜織行人九月憶寒衣飲馬渾
河晚更清行吹羌笛遠歸營只恨漢家多苦戰徒
遺金鏃滿長城

新安送陸澧歸江陰

新安路人來去早潮復晚潮明日知何處潮水無
情亦解歸自憐長在新安住

弄白鷗歌

泛泛江上鷗毛衣皓如雪朝飛瀟湘水夜宿洞庭
月歸客正夷猶愛此滄江閒白鷗

長沙贈衡岳祝融峯般若禪師

般若公般若公負鉢何時下祝融歸路却看飛鳥
外禪房空掩白雲中桂花寥寥閒自落流水無心
西復東

贈湘南漁父

問君何所適暮暮逢煙水獨與不繫舟往來楚雲
裏釣魚非一歲終日只如此日落江清桂檝遲纖
鱗百尺深可窺沉釣垂餌不在得白首滄浪空自
知

明月灣尋賀九不遇二首

楚水日夜綠傍江春草滋青青遙滿目萬里傷心
歸春草滋一云春色深傷心歸一云傷歸心

故人川上復何之明月灣南空所思故人不在明
月在誰見孤舟來去時

題曲阿三昧王佛殿前孤石

孤石自何處對之疑舊遊氛氲峴首夕蒼翠剡中
秋迥出羣峯當殿前雪山臨驚慚貞堅一片孤雲
長不去莓苔古色空蒼然

送友人東歸二首

對酒灞亭暮相看愁自深河邊草已綠此別難爲
心

關路迢迢足馬歸垂楊寂寂數鶯飛憐君獻策十
餘載今去猶爲一布衣

入桂渚次砂牛石穴

扁舟傍歸路日暮瀟湘深湘水清見底楚雲澹無
心片帆落桂渚獨夜依楓林楓林月出猿聲苦桂
渚天寒桂花吐此中無處不堪愁江客相看淚如
雨

嚴陵釣臺送李康成赴江東使

潺湲子陵瀨髮髯如在目七里人已非千年水空
綠新安江上孤帆遠應逐楓林萬餘轉古臺落日
共蕭條寒水無波更清淺臺上漁竿不復持却令
猿鳥向人悲灘聲山翠至今在遲爾行舟晚泊時

送姨子弟往南郊

一展慰久闊寸心仍未伸別時兩童稚及此俱成
人那堪適會面遽已悲分首客路向楚雲河橋對
衰柳送君足馬別河橋汝南山郭寒蕭條今我單
車復西上遙望灞陵轉惆悵何處共傷離別心明
月亭亭兩鄉望

銅雀臺

嬌愛更何日高臺空數層含啼映雙袖不忍看西陵漳河東流無復來百花輦路爲蒼苔清樓月夜長寂寞碧雲日暮空徘徊君不見鄴中萬事非昔時古人不在今人悲春風不逐君王去草色年年舊宮路宮中歌舞已浮雲空指行人往來處

王昭君歌

自矜嬌豔色不顧丹青人那知粉繪能相負却使容華翻誤身上馬辭君嫁驕虜玉顏對人啼不語北風鴈急浮雲秋萬里獨見黃河流纖腰不復漢宮寵雙蛾長向胡天愁琵琶絃中苦調多蕭蕭羌笛聲相和誰憐一曲傳樂府能使千秋傷綺羅

送杜越江佐觀省往新安江

去帆楚天外望遠愁復積想見新安江扁舟一行客清流數千丈底下看白石色混元氣深波連洞庭碧鳴榔去未已前路行可覲猿鳥悲啾啾杉松雨聲夕送君東赴歸寧期新安江水遠相隨見說江中孤嶼在此行應賦謝公詩

湘中憶歸

終日空理棹經年猶別家頃來行已遠彌覺天無涯白雲意自深滄海夢難隔迢遞萬里帆飄颻一行客獨憐西江外遠寄風波裏平湖流楚天孤鴈渡湘水湘流澹澹空愁予猿啼啾啾滿南楚扁舟泊處聞此聲江客相看淚如雨

送郭六侍從之武陵郡

常愛武陵郡羨君將遠尋空憐世界迫孤負桃源心洛陽遙想桃源隔野水閒流春自碧花下常迷

楚客船洞中時見秦人宅落日相看斗酒前送君南望但依然河梁馬首隨春草江路猿聲愁暮天丈人別乘佐分憂才子趨庭兼勝遊澧浦荆門行可見知君詩興滿滄洲

山鸛鵒歌

山鸛鵒長在此山吟古木嘲嘶相呼響空谷哀鳴萬變如成曲江南逐臣悲放逐倚樹聽之心斷續巴人峽裏自聞猿客水頭空擊筑山鸛鵒一生不及雙黃鸝朝去秋田啄殘粟暮入寒林嘯羣族鳴相逐啄殘粟食不足青雲杳杳無力飛白露蒼蒼蒼抱枝宿不知何事守空山萬壑千峯自愁獨

望龍山懷道士許法棧

心惆悵望龍山雲之際鳥獨還懸崖絕壁幾千丈綠蘿嫋嫋不可攀龍山高誰能踐靈原中蒼翠晚嵐煙瀑水如向人終日迢迢空在眼中有一人披霓裳誦經山頂殮瓊漿空林閒坐獨焚香真官列侍儼成行朝入青霄禮玉堂夜掃白雲眠石床桃花洞裏居人滿桂樹山中住日長龍山高高遙相望

戲贈千越尼子歌

鄱陽女子年十五家本秦人今在楚厭向春江空浣紗龍宮落髮披袈裟五年持戒長一食至今猶自顏如花亭亭獨立青蓮下忍草禪枝繞精舍自用黃金買地居能嫌碧玉隨人嫁北客相逢疑姓秦鉛花拋却仍青春一花一竹如有意不語不笑能留人黃鸝欲棲白日暮天香未散經行處却對

香爐閒誦經春泉漱玉寒泠泠雲房寂寂夜鍾後
吳音清切令人聽人聽吳音歌一曲杳然如在諸
天宿誰堪世事更相牽惆悵迴船江水綠

劉隨州集卷第十

劉隨州外集

隨州刺史劉長卿

酬劉員外月下見呈章八元

夜涼河漢白卷箔出南軒過月鴻爭遠辭枝葉暗
翻獨謠聞麗曲緩步接清言宣室思前席行看拜
主恩

重送

猿啼客散暮江頭人自傷心水自流同作逐臣君
更遠青山萬里一孤舟

恩勅重推使牒追赴蘇州次前溪館作

漸入雲峯裏愁看驛路閑亂鷗投落日疲馬向空
山且喜憐非罪何心戀末班天南一萬里誰料得
生還

自江西歸至舊任官舍贈袁贊府

却見同官喜復悲此生何幸有歸期空庭客至逢
搖落舊邑人稀經亂離湘路來過回鴈處江城臥
聽搗衣時南方風土勞君問賈誼長沙豈不知

送裴二十七端公使嶺南

蒼梧萬里路空見白雲來遠國知何在憐君去未
回桂林無落葉梅嶺自花開陸賈千金後誰看朝
漢臺

雙峯下哭故人李宥

憐君孤隴寄雙峯埋骨窮泉復幾重白露空沾九
原草青山獨閉數株松圖書經亂知何在妻子移
家失所從惆悵東臯却歸去人間無處更相逢

雲秋嶺

山色無定姿如煙復如黛孤峯夕陽後翠積秋天
外雲起遙蔽虧江回頻向背不如今遠近到處猶
相對

洞山陽

許公

舊日仙成處荒林客到稀白雲將犬去芳草任人
歸空谷無行徑深山少落暉桃源幾家住誰爲掃
荆扉

橫龍渡

空傳古岸下曾見蛟龍去秋水晚沉沉獨疑在何
處亂聲沙上石倒影雲中樹獨見一扁舟樵人往
來渡

赤沙湖

茫茫葭菼外一望一沾衣秋水連天闊汾陽何處
歸沙鷗積暮雪川日動寒暉楚客來相問孤舟泊
釣磯

至德三年春正月時謬蒙差攝海鹽令聞
王師收二京因書事寄上浙西節度李侍
郎中丞行營五十韻

天上胡星孛人間反氣橫風塵生汙馬河洛縱長
鯨本謂才非據誰防禍已萌食參將可待誅錯輒
爲名萬里兵鋒接三時羽檄驚負恩殊鳥獸流毒
遍黎氓朝市成蕪沒干戈起戰爭人心懸反覆天
道暫虛盈略地侵中土傳烽到上京王師陷魑魅
帝坐逼機槍渭水嘶胡馬秦山泣漢兵關原馳萬
騎烟火亂千營鳳駕瞻西幸龍樓議北征自將行
破竹誰學去吹笙白日重輪慶玄穹再造榮鬼神

潛蓄憤夷狄遠輸誠海內戎衣卷關中賊壘平山
川隨戰轉草木助橫行區宇神功立謳歌帝業成
天回萬象慶龍見五雲迎小苑春猶在長安日更
明星辰歸正位雷雨發殘生文物登前古簫韶下
太清未央新柳色長樂舊鍾聲八使推邦彥中司
按國程蒼生屬伊呂明主伏韓彭兇醜將除蔓奸
豪已負荆世危看柱石時難識忠貞薄伐貞貔虎
長驅擁旆旌吳山依重鎮江月帶行營金石懸詞
律烟雲動筆精運籌初減竈調鼎未和羹北虜傳
初解東人望已傾池塘催謝客花木待春卿昔忝
登龍首能傷困驥鳴艱難悲伏劍提握喜懸衡巴
曲誰堪聽秦臺自有情遂令辭短褐仍欲請長纓
久客田園廢初官印綬輕榛蕪上國路苔蘚北山
楹懶慢羞趨府驅馳憶退耕榴花無暇醉蓬髮帶
愁榮地僻方言異身微俗慮并家隣雙鯉斷才愧
小鮮烹滄海今猶滯青陽歲又更洲香生杜若谿
暖戲鵲鶉煙水宜春候塞開值晚晴潮聲來萬井
山色映孤城旅夢親喬木歸心亂早鶯儻無知己
在今已訪蓬瀛

劉隨州外集

劉隨州詩後序

劉隨州詩唐州刺史劉公長卿作也公舉進士任監察御史終刺隨州公平時所遇雖不同然一吟一詠無不本之性情協之音律家數精妙顧自不必論者去隨之後繼其治者亦嘗鑄公之詩以遺世又不幸何時爲識者取去遂使隨之民得藏其本者不一二家至今恨之今年丙子宜興湯君來判是州至之日蒞政臨民一以公所爲爲法暇則取公之詩而誦之若有所授受而心得者因命刻之以傳雖其間采摭不能盡備是亦歷久聚散之常耳何況世之詩賦詞章苟無關於世教者雖連篇累牘亦若無補若湯君刻公此詩何異精金美玉可以資世雖錙銖之微尤足爲終身好愛又何必以區區之遺爲意哉昔國子司業能以詩訓後進韓子尤以爲與二疏無異意今湯君能以公之詩訓人又有意於公之治他日盛美未必不有如公之可紀者公之績更歷於唐前序述之備矣故不復贅茲特序湯君之用心與夫事之始末如此云

峇

正德丁丑二月朔日隨州儒學訓導玉山陳清書

後序

元次山集

四部備要

集部

上海中華書局據明刻本

校刊

桐鄉 陸費逵 總勘

杭縣 高時顯 輯校

杭縣 吳汝霖 監造

版權所有不許翻印

元次山集序

史若水曰自吾得元子而文思益古夫太上有質而無文其次有質而有文其次文浮其質文浮其質道之敝也故林放問禮之本孔子大之物之生也先質而後文故質也者生乎天者也文也者生乎人者也質也者先天而作者也文也者後天而述者也故人之於斯文也不難於文而難於質不難於華而難於朴不難於巧而難於拙余自北遊觀藝於燕冀之都得元子而異焉欲質不欲野欲朴不欲陋欲拙不欲固卓然自成其家者也唐之大家風斯下矣其駸駸乎中古而不已矣乎其泯而不傳將文末之世爾矣乎兩廣總戎太保武定侯郭公世臣武而好文余謂之元子公讀之若有契焉曰嗟嗟次山浩然剛大憤世疾邪者也安得百十次山以噴俗爾獨文乎哉遂以余本次而刻之俾余敘其說云爾

正德丁丑孟冬十有三日

賜進士出身翰林院編脩

國史

經筵官湛若水書于西樵之煙霞洞

原
书
空
白
页

唐元次山文集卷第一

贈禮部侍郎元結著

翰林編修湛若水校

太保武定侯郭勛編

補樂歌十首

有序

自伏羲氏至于殷室凡十代樂歌有其名亡其辭考之傳記而義或存焉嗚呼樂聲自太古始百世之後盡無一作古音嗚呼樂歌自太古始百世之後遂無亡古辭今國家追復純古列祠往帝歲時薦享則必作樂而無雲門咸池韶夏之聲故探其名義以補之誠不足全化金石反正宮羽而或存之猶乙乙冥冥有純古之聲豈幾乎司樂君子道和焉爾凡十篇十有九章各引其義以序之命曰補樂歌網罟伏羲氏之樂歌也其義蓋稱伏羲能易人取禽獸之勞吾人苦兮水深深網罟設兮水不深吾人苦兮山幽幽網罟設兮山不幽

右網罟二章章四句

豐年神農氏之樂歌也其義蓋稱神農教人種植之功倚太帝兮其智如神分章實兮濟我生人倚太帝兮其功如天均四時兮成我豐年

右豐年二章章四句

雲門軒轅氏之樂歌也其義蓋言雲之出潤益萬物如帝之德無所不施

玄雲溶溶兮垂雨濛濛類我聖澤兮涵濡不窮玄雲漠漠兮含映愈光類我聖德兮溥被無方

右雲門二章章四句

九淵少昊氏之樂歌也其義蓋稱少昊之德淵然深遠聖德至深兮蘊蘊一作如淵生類娛娛其兮孰知其然

元次山集 卷一

右九淵一章章四句

五莖顓頊氏之樂歌也其義蓋稱顓頊得五德之根莖

植植萬物兮滔滔根莖五德涵柔兮風颯舊音容切而生其生如何兮抽以周反天下皆自我君兮化成

右五莖一章章八句

大英高辛氏之樂歌也其義蓋稱帝嚳能總六合之英華我有金石兮擊考崇崇一作擊與汝歌舞兮上帝之風由六合兮英華颯颯我有絲竹兮韻和泠泠與汝歌舞兮上帝之聲由六合兮根底羸羸

右大英二章章六句

咸池陶唐氏之樂歌也其義蓋稱堯德至大無不備全

元化油油兮孰知其然至德汨汨兮順之以先元化泥泥音兮孰知其然至道決決兮由之以全

右咸池二章章四句

大韶有虞氏之樂歌也其義蓋稱舜能紹先聖之德

森森羣象兮日見生成欲聞朕初兮玄封冥冥洋洋至化兮日見深柔欲聞涵涵兮大淵油油

右大韶二章章四句

大夏有夏氏之樂歌也其義蓋稱禹治水其功能大中國

茫茫下土兮乃生九州山有長岑兮川有深流茫茫下土兮乃均四方國有安人兮野有封疆茫茫下土兮乃歌萬年上有茂功兮下戴仁天

右大夏三章章四句

大漢有殷氏之樂歌也其義蓋稱湯救天下漢然得所

萬姓苦兮怨且哭不有聖人兮誰獲育聖人生兮天下和萬姓熙熙兮舞且歌

右大護二章章四句

二風詩有序

天寶丁亥中元子以文辭待制闕下著皇謨二篇二風詩十篇將欲求于司國氏以裨天監會有司奏待制者悉去之於是歸于州里後三歲以多病習靜於商餘山病間遂題括存之此亦古之賤士不忘盡臣之分耳其義有論訂之

治風詩五篇

古有仁帝能全仁明以封天下故爲至仁之詩二章

猗皇至聖兮至惠至仁德施蘊蘊紅反文蘊蘊如何不全不缺莫知所
 貺猗皇至聖兮至儉至明化流瀛瀛瀛瀛如何不號許臬反不袍字與音皆
 未詳莫知其極

右至仁四韻十二句

古有慈帝能保靜順以涵萬物故爲至慈之詩二章

至化之深兮猗猗娛娛如煦如吹如負如持而不知其慈故莫周莫止靜和而止

至化之極兮瀛瀛溶溶如涵如封如隨如從而不知其功故莫由莫已順時而理

右至慈四韻十四句

古有勞王能執勞儉以大功業故爲至勞之詩三章

至哉勤績不盈不延誰能頌之我請頌焉於戲勞王勤亦何極濟爾
九土山川溝洫

至哉儉德不豐不敷誰能頌之我請頌夫於戲勞王儉亦何深戒爾
萬代奢侈荒淫

至哉茂功不升不圯誰能頌之我請頌矣於戲勞王功亦何大去爾

右至勞六韻二十四句

古有正王能正慎恭和以安上下故爲至正之詩二章

爲君之道何以爲明功不濫賞罪不濫刑謹言則聽詔言不聽王至是然可爲明焉

右至正四韻八句

古有理王能守清一以致無刑故爲至理之詩一章

理何爲兮系脩文德加之清一莫不順則意彼刑法設以化人致使無之而化益純所謂代刑以道去殺嗚呼嗚呼人不斯察

右至理三韻十二句

亂風詩五篇

古有荒王忘戒慎道以逸豫失國故爲至荒之詩一章

國有世謨仁信勤斂王實惜荒終亡此乎焉有力恣詔惑而不亡其國嗚呼亡王忍爲此心敢正亡王豕爲世箴

右至荒二韻十二句

古有亂王肆極凶虐亂亡乃已故爲至亂之詩二章

嘻乎王家曾有凶王中世失國豈非驕荒復復之難令則可忘
嘻乎亂王王心何思暴淫虐惑無思不爲生人寃怨言何極之

右至亂二韻十二句

古有虐王昏毒狂忍無惡不及故爲至虐之詩二章

夫爲君上兮慈順明恕可以化人忍行昏恣獨樂其身一徇所欲萬
方悲哀於斯而喜當云何哉

夫爲君上兮兢慎儉約可以保身忍行荒惑虐暴於人前世失國如王者多於斯不寤當如之何

右至虐四韻十八句

古有惑王用姦臣以虐外寵妖女以亂內內外用亂至於崩亡故爲至惑之詩二章

賢聖爲上兮必儉約戒身鑒察化人所以保福也如何不思荒恣是

爲上下隔塞人神怨異反放教惡無厭不畏顛墜

聖賢爲上兮用必賢正黜姦佞之臣所以長久也如何反是以爲亂矣寵邪信惑近佞好諛廢嫡立庶忍爲禍謨

右至惑六韻二十句

古有傷王以崩湯之餘無惡不爲也亂亡之由固在累積故爲至傷之詩一章

夫何傷乎傷王乎欲何爲乎將蠹枯矣無人救乎蠹枯及矣不可救乎嗟傷王自爲人君變爲人奴爲人君者忘戒此乎

右至傷二韻十二句

二風詩論

客有問元子曰子著二風詩何也曰吾欲極帝王理亂之道系古人規諷之流曰如何也夫至理之道先之以仁明故頌帝堯爲仁帝安之以慈順故頌帝舜爲慈帝成之以勞儉故頌夏禹爲勞王脩之以敬慎故頌殷宗爲正王守之以清一故頌周成爲理王此理風也夫至亂之道先之以逸惑故閔太康爲荒王壞之以苛縱故閔夏桀爲亂王覆之以淫暴故閔殷紂爲虐王危之以用亂故閔周幽爲惑王亡之於累積故閔周赧爲傷王此亂風也訂曰子頌善上不及義軒湯武閔惡又不及始皇靈焉可稱極帝王理亂之道對曰於戲吾敢言極極其中道者也吾且不曰著斯詩也將系規諷乎如義軒之道也久矣誰能師尊如湯武之德吾則不敢頌爲規法過於是也吾子審之

唐元次山文集卷第一

原书缺此页

唐元次山文集卷第二

元謨

古者純公以愷愚聞或曰公知聖人之道天子聞之咨而問焉公謝曰臣生自山野順時而老心如草木身若鳥獸主君所問臣安能知請說所聞惟主君聽之臣曾記有說風化類弊或以之興或以之亡者不知何代君臣其臣曰上古之君用真而恥聖故大道清粹滋於至德至德蘊淪而人自純其次用聖而恥明故乘道施教脩教設化教化和順而人從信其次用明而恥殺故沿化興法因教置令法令簡要而人順教此類弊以昌之道也殆乎衰世之君先嚴而後殺乃引法樹刑援令立罰刑罰積重其下畏恐繼者先殺而後淫乃深刑長暴酷罰恣虐暴虐日肆其下須臾繼者先淫而後亂乃乘暴至亡因虐及滅亡滅兆鍾其下憤凶此類弊以亡之道也其君歎曰嗚呼真聖之風歿無象耶明順之道誰爲嗣耶嚴正之源開已竭耶殺淫之流日深大耶吾其頌昌人之道爲戒心之寶

演謨

天子聞之慟奴歷反然不娛冥然深思乃曰昌人之道豈無故歟公其
演之其故何如公曰嗚呼頽弊以昌之道其由上古強毀純朴強生
道德使興云云使亡惛惛始開禮樂始鼓仁義乃有善惡乃生真僞
然後勤儉之風發而逾扇巖急之教起而逾變須智謀以引喻須信
讓以敦護是故必垂清淨必保公正所謂聖賢相逢瀛瀛溶溶不放
不封乃見禁而無殺順而無訛倚懷以脂反優游尙致平和嗚呼頽弊
以亡之故其由中古轉生澆眩轉起邪詐變其嫉嫉驅令噬噬則聞
溺惑則見凶侈遂長淫靡然後忿爭之源流而日廣慘毒之根植而
彌長用苛酷以威服用詔諛以順欲是故皆恣昏虐必生亂惡所謂
庸愚相遭誼誼囂囂以悲以號乃見苦而彌怨逆而彌悖捍援上式連反
下式怵怵下黃練反餘見反轉扇不歇天子感之歎於改反然歎曰噫聖賢孤

獨生不駢世蒼蒼四海生類誰濟公曰嗚呼不可遂已聖人須極道於常臣賢人須滋德於庸君使道德優優不豐不紛乃須殺而不淫罰而不重戒其虐惑制其昏縱

系謨

天子聞之惘然思而歎曰太皇之道於今已亡衰季之德吾不忍當將學殺而不淫罰而不重戒其虐惑制其昏縱行之之道惟公教之公曰於明主君斯道未易倚明主君斯道良難敢爲主君商較其端夫王者其道德在清純玄粹惠和溶油不可愿會溫燠胡廣反衰傷元休其風教在仁慈諭勸禮信道達不可沿以澆浮溺之淫末其衣服在禦於四時勿加敗弊不可積以繡綺奢侈過制其飲食在備於五味示無便耽不可煎熬珍怪尙惑所甘其器用在絕於文彩敦尙素朴不可駢鈿珠貝肆極侈削其宮室在省費財力以免險陋不可殫窮土木叢羅聯構其苑囿在合當制度使人無厭不可牆塹肥饒極地封占其賦役在簡薄均當使各勝供不可橫酷繁聚損人傷農其刑法在大小必當理察平審不可煩苛暴急殺戮過甚其兵甲在防制戎夷鎮服暴變不可怙恃威武窮黷爭戰其畋獵在順時教校不追以驅不可騁於殺害肆極荒娛其聲樂在節諧八音聽聆金石不可耽喜靡慢宴安淫溺其嬪嬙在備禮供侍以正後宮不可寵貴妖豔昏好無窮其任用在校掄材能察視邪正不可授付非人甘順姦佞其郊祀在敦本廣敬展誠重禮不可淫慢禱祈僻有所係其思慮在慎於安危誠其溢滿不可沈溺近習肆任談誕如此順之爲明聖逆之爲凶虐可以觀乎興廢可以見乎善惡純公言已天子謝曰公之所述真王者之謨必當篆刻置之座隅

說楚何荒王賦上

梁寵王召君史問曰史之記事無有遺乎對曰有之臣楚人也請說楚人之遺事昔聞臣何荒王使鈞翁相水相置浮宮之所相用鼠狐

釣之處翁曰臣相水多矣不能悉說請說相江之流有礧紅有瀧其至險也實迴山如鬬反去其壁若合陽崖陰壑景氣常雜崩流激聲空響相答則有嵒岵上去倫峻束噴瀆觸沃衝開谷故衆聲相喧積氣相昏於女於聞深沈出入千里常如凝陰是以魚經其中皆鬣禿鱗脫休俱反腮喘煦忽爲淵流瀛瀛油油蘊淳無聲島嶼若浮則有厭波濤湍險之苦者必於其間養鱗讓鰲休游施舒如此之處皆曰魚都君王審之無易此乎荒王眺歎曰釣翁父其思隘歟乃欲置吾於湘水一曲釣羅病魚吾自相水洞庭可矣於是命造鼠釣於是命造浮宮令鼠釣所至淵無藏龍令浮宮所狀與仙府比同宮有天航五忽反龍殿當居史端實靈丁郎巫鬼祝女司宮侍何荒王而公族國卿莫得至焉宮有幢臺揭枝類擬天都薰珍鈿塗纓佩垂紆金珠玉爐蕭寥清冷蕊馥芬敷臣何荒王於此臺上與姪女嫖胡反姝雙歌閑徐娛然自娛宮有解數反容堂巨反禁房侯館樓莫紅反廊載戲兒妓官諧奴內臣宮老優倡及翫器不名戢徒弄反維纜所繫宮傍宮有聯牖負土以爲牖力丁反囿多夭草媚木淫禽醜獸宮有海舸徒紅反之闕乞偃下許訖鮮懸左曰瑞風右曰祥烟宮有四門青氣白雲丹景玄寒然後始爲鵲城臣宮屯備交戰禁御所今羅攢峙其餘駭鯨之艎魯堂反飛龍之舫覺鸕所甲反羅宮上下者千里相望浮宮可御而鼠釣無成臣何荒王乃浮浮宮于都龍之漩冷出洞庭之南漢英音將觀蠻師夷父與漁者試鼠釣於沅湘會无匪反渥臣何荒王始見積魚之山而喜色未起又見鼠猶畜委釣未施已濛洄淵洑周袤千里鼠中之魚皆觸蹙駭投跳委壘可以薦車臣何荒王輦於其上而心始喜是日置魚監拜網尉釣尹司綸各有等次又有類龍學鯉肘釣滂禮反鈎鵬騰鶚躍潛深錯下蘇台反檍人叢在水中貌得怪魚牧龍者皆差授官爵寵王聞之喜曰吾國無有長流激湍平湘大淵而不知有此樂也始知城池宮館爲拘我之邱山澤

鷹大爲勞我之方當誦記所聞歸學而主君史證又盛曰不然須臣言已或可聽焉臣聞浮宮之成也臣何荒王令羣臣有後爲浮司不爲浮茅者族百姓能率爲浮家共爲浮鄉者復六男子能湍游上下者爲王賓女子能淵居移日者爲王嬪未及一年遂變楚俗川原有楚室之鄉江湖有駢舟之曲家見湍上之悲戶聞臨淵之哭時野有歎曰嗚呼有國者非喜愛亡國有家者非喜愛亡家當取其亡也如喜愛者耶今君上喜愛浮宮眾鈞令臣下喜愛浮司浮鄉吾恐君臣各迷而家國共亡此實楚正士歎臣何荒王臣願君王驚懼爲心指此爲箴

說楚何惑王賦中

寵王瞞音年驚貌以音訓考之當作瞞然復問君史曰更有記乎曰有之甚妖怪也何故不說寵王曰當必爲吾說之對曰臣聞天鄙有山山有玉鼓實有天驄力丁反扣之歌舞聲媚金石韻便宮羽寵王曰生休矣吾將購之君史證曰不可臣所不欲說者懼君王好之君誠不忘歟臣請備說其可好乎昔臣何惑王用閣壁之謀肆極荒淫更經年歲鑿險填深轉餽通千里萬金五譯臣妄借喻其心然後云獲非靈女撫鼓而天驄不舞非靈女引和而天驄不歌天驄舞一容化一分眊一祥檐一宛袂臣何惑王見之舒舒曳曳若多醇酎而不知所制天驄歌一化顏一主顧一更聲一換氣臣何惑王聽之娖娖懿懿若已耐昏而不知所至天驄歌舞臣何惑王氣如陽春始霽時雨天驄不歌舞臣何惑王心若已喪而頽壞不主嗚呼天驄惑人至此嗚呼天驄媚人至斯加有醜類韓真反姓所市反姓輔之使臣何惑王之心無所不欲使臣何惑王之意無所不爲獨言選女於餘可知其選女也豈止嫫嫫下鳥營反以成嫩嫗及靈未笄將齡語居反將齡魚兮反將嫺與魚反將嬖鳥黠反喜美者母姨負抱姑姊引提詣於王宮字籍王閨然後割楚國廟右爲天驄作宮分楚國社陽爲醜類作館悉楚國之好奉之已窮於所

奉之心其猶未滿楚國之人已悲咨冤怨日苦其毒其臣何惑王尙
熙懷敷娛日思未足野有直士觸而證曰大王溺於天醜惑於醜類
不顧宗廟遂亡人民如何下令且云舞者能變一度歌者能變
一聲應醜樂之節數充寡人之性情且能富其親族又能貴其父兄
至於母姨姑姊皆能與之封邑以爲世榮令行逾月楚俗皆化女志
蠶織男忘耕稼里開學歌之館鄉築教舞之榭遂使黃鍾大呂生溺
惑之聲孤竹空桑起怨離之調變風俗於一歡忘正始於一笑大王
未覺遂不節損此所謂鑿顛覆之源造亂亡之本今之所好則妖惡
之物所爲又怪醜之事義軒之耳必不肯聽堯禹之心必不肯喜臣
何惑王悟之於是使嬖臣挾玉鼓與醜樂使閹尹抱天靈醜額鎖以
金索繫於石人沈之深淵飛檄而旋

說楚何惛王賦下

寵王曰殆哉楚國幾爲浮宮醜樂所亡君史曰幾亡楚國有甚於是
昔臣何惛王極暴極虐使臣下得肆姦肆佞肆兇肆惡臣何惛王不
知如此亡可待矣而乃嘆曰嗚呼堯實皇帝禹實隸王殷周君長并
夫可方焉有慘然勞苦而爲人主焉有隘然九州而列封諸侯吾必
合外荒夷狄海內人民悉奉我爲欲世世臣臣此臣何惛王所云又
謀變先王之典禮更萬物之名號列宮官於海外窮天地而復思稽
極變化徵驗怪異盡難得之物充無窮之意荒娛厭怠思計所爲度
國土之不大料財力之不支乃令人曰吾欲勞汝人民休汝人民汝
人民豈知今悉汝丁壯婦人繼之童翁分力負載而隨我已老謀我
已名師人民聽我當無二思所舉既甚所資不足乃署官而買鉗孤
而鬻始令國中絕人謗譏贊謀者侯敢諫者族其令朝行其俗暮改
有以逃罪正言不發萬口如封詔媚相與千顏一容野有忠臣負符
矯謁僞爲齊客給而證曰臣入君王之封域見君王之風化踟躕路
隅不覺泣下或聞哀號或聞悲呼訊於閭里必繇寡惛孤或見凶侈

或見驕奢訊於左右必公侯之家客說未已臣何惛王曰然乎謂何
對曰意君王不知忠正不植姦佞駢生能焯焯上相焦下音枯仁惠冒蓋聰
明令巧媚得口爲矛戟令姦凶得心爲甲兵此皆明跡甚於鬼神發
機有若雷霆實畏君王已芻於牢圈實恐君王已暴夫乾枯君王如
何不是念乎臣恐楚國化爲荒野臣恐君臣不如犬馬臣何惛王於
是眊容而慚撫身而哀仰爲客曰君幸憐之得無戒哉君王爲臣化
心心化身化身化人嗚呼遞化之道在制於內外外之入也有視聽
言聞內之出也有性情嗜慾出入相應必有禍福臣何惛王聞之讙
居化心諷誦斯言終身爲箴遂罷已成之事寢未成之謀廢所賈之
官復所鬻之孤敢諫者侯贊謀者誅君史言已王客捧酒爲寵王壽
起而贊曰君史說楚似欲戒梁敢願君王示鑒不忘

唐元次山文集卷第二

原书缺此页

唐元次山文集卷第三

閑荒詩一首

天寶丙戌中元子浮隋河至淮陰間其年水壞河防得隋人冤歌五篇考其歌義似冤怨時主故廣其意採其歌爲閑荒詩一篇其餘載于異錄

煬皇嗣君位隋德滋昏幽日作及身禍以爲長世謀居常取前王不思天子遊意欲出明堂便登浮海舟令行山川改功與玄造侔河淮可支合峯嵬生回溝封隕下澤中作山防逸流舡鱗狀龍鵠若負宮闕浮荒娛未央極始到滄海頭忽見海門山思作望海樓不知新都城已爲征戰丘當時有遺歌歌曲太冤愁四海非天獄何爲非天囚天囚正凶忍爲我萬姓離人將引天鈔人將持天鈔上所監下所求所欲充其心相與絕悲憂自得隋人歌每爲隋君羞欲歌當陽春似覺天下秋更歌曲未終如有怨氣浮奈何昏王心不覺此怨尤遂令一夫唱四海忻提矛吾聞古賢君其道常靜柔慈惠恐不足端和忘所求嗟嗟有隋氏悒悒誰與儔

系樂府十二首并序

天寶辛未中元子將前世嘗可稱歎者爲詩十二篇爲引其義以名之總命曰系樂府古人歌詠不盡其情聲者化金石以盡之其歡怨甚耶戲音呼盡歡怨之聲者可以上感於上下化於下故元子系之

思太古

東南三千里沅湘爲太湖湖上山谷深有人多似愚嬰孩寄樹顛就水捕鰭反鰭所歡同鳥獸身意復何拘吾行遍九州此風皆已無吁嗟聖賢教不覺久踟躕

隴上歎

援車登隴坂窮高遂停駕延望戎狄鄉巡迴復悲咤滋移有情教草

木猶可化聖賢禮讓風何不遍西夏父子忍猜害君臣敢欺詐所適今若斯悠悠欲安舍

頌東夷

嘗聞古天子朝會張新樂金石無全聲宮商亂清濁來驚且悲歎節變何煩數始知中國人耽此亡純朴爾爲外方客何爲獨能覺其音若或在蹈海吾將學

賤士吟

南風發天和和氣天下流能使萬物榮不能變羈愁爲愁亦何爾自請說此由詔競實多路苟邪皆共求常聞古君子指以爲深羞正方終莫可江海有滄洲

欸乃曲欸音襖乃音靄棹舡之聲

誰能聽欸乃欸乃感人情不恨湘波深不怨湘水清所嗟豈敢道空羨江月明昔聞扣斷舟引釣歌此聲始歌悲風起歌竟愁雲生遺曲今何在逸爲漁父行

貧婦詞

誰知苦貧夫家有愁怨妻請君聽其詞能不爲酸嘶所憐抱中兒不如山下鷹空念庭前地化爲人吏蹊出門望山澤回顧心復迷何時見府主長跪向之啼

去鄉悲

踟躕古塞關悲歌爲誰長日行見孤老羸弱相提將聞其呼怨聲聞聲問其方乃言無患苦豈棄父母鄉非不見其心仁惠誠所望念之何可說獨立爲悽傷

壽翁興

借問多壽翁何方自脩育惟云順所然忘情學草木始知世上術勞苦化金玉不見充所求空聞恣耽欲清和存王母潛反胡故無亂反誰正好長生此言堪佩服

農臣怨

農臣何所怨乃欲干人主不識天地心徒然怨風雨將論草木患欲說昆蟲苦巡迴宮闕傍其意無由吐一朝哭都市淚盡歸田畝謠頌若採之此言當可取

謝大龜

客來自江漢云得雙大龜且言龜甚靈問我君何疑自昔保方正顧嘗無妄私順和固鄙分全守貞常規行之恐不及此外將何爲惠恩如可謝占問敢終辭

古遺歎

古昔有遺歎所歎何所爲有國遺賢臣萬世爲冤非所遺非遺望所遺非可遺所遺非遺用所遺在遺之嗟嗟山海客全獨竟何辭心非膏濡類安得無不遺

下客謠

下客無黃金豈思主人憐客言勝黃金主人然不然珠玉成彩翠綺羅如嬋娟終恐見斯好有時去君前豈知保終信長使令德全風聲與時茂歌頌萬千年

石宮四詠

石宮春雲白白雲蒼蒼拂雲踐石徑俗士誰能來

石宮夏水寒寒水宜高林遠風吹蘿蔓野客熙清陰

石宮秋氣清清氣宜山谷落葉逐霜風幽人愛松竹

石宮冬日暖暖日宜溫泉晨光靜水霧逸者猶安眠

與党評事

大理評事党曄好閑自退元子愛之作詩贈焉

自顧無功勞一歲官再遷跼身班次中常竊愧恥焉加以久荒浪惜愚性頗全未知在冠冕不合無拖牽勤強所不及於人或未然豈忘惠君子怨之識見偏且欲因我心順爲理化先彼云萬物情有願隨

所便愛君得自遂令我空淵禪

與党侍御

庚子中元子次山爲監察御史党茂宗罷大理評事次山愛其高尚會作詩一篇與之及次山未辭殿中茂宗已受監察採茂宗嘗相誚戲之意又作詩與之

衆坐吾獨歡或問歡爲誰高入党茂宗復來官憲司昔吾順元和與世行自遺茂宗正作吏日有趨走疲及吾汗冠冕茂宗方矯時誚吾順讓者乃是干進資今將問茂宗茂宗欲何辭若云吾無心此來復何爲若云吾有羞於此還見嗤誰言萬類心閑之不可窺吾欲喻茂宗茂宗宜聽之長轅有脩轍馭者令爾馳山谷安可怨筋力當自悲嗟嗟党茂宗可爲識者規

寄源休

辛丑中元結與族弟源休皆爲尚書郎在荆南府幕休以曾任湖南久理長沙結以曾遊江州將兵鎮九江自春及秋不得相見故抒神興所懷以寄之

天下未偃兵儒生預戎事功勞安可問且有忝官累昔常以荒浪不敢學爲吏况當在兵家言之豈容易忽然向三歲境外爲偏帥時多尙矯詐進退多欺貳縱有一直方則上似姦智誰爲明信者能辨此勞畏

與灋溪鄰里

乾元元年元子將家自全于灋溪上元二年領荆南之兵鎮于九江方在軍旅與灋溪鄰里不得如往時相見遊又知灋溪之人日轉窮困故作詩與之

昔年苦逆亂舉族來南奔日行幾十里愛君此山村峯谷呀回映誰家無泉源脩竹多夾路扁舟皆到門灋溪中曲濱其陽有閑園鄰里昔贈我許之及子孫我嘗有匱乏鄰里能相分我嘗有不安鄰里能

相存斯人轉貧弱力役非無寃終以漢濱訟無之天下論

喻漢溪鄉舊遊

往年在漢濱漢人皆忘情今來遊漢鄉漢人見我驚我心與漢人豈有辱與榮漢人異其心應爲我冠纓昔賢惡如此所以辭公卿貧窮老鄉里自休還力耕况曾經逆亂日厭聞戰爭尤愛一溪水而能存讓名終當來其濱飲啄全此生

忝官引

天下昔無事僻居養愚鈍山野性所安熙然自全順忽逢暴兵起閭巷見軍陣將家瀛海濱自棄同芻蕘往在乾元初聖人啓休運公車詣魏闕天子垂清問敢誦王者箴亦獻當時論朝廷愛方直明主嘉忠信屢授不次官曾與專征印兵家未曾學榮利非所徇偶得兇醜降功勞愧分寸爾來將四歲慚恥言可盡請取寃者辭爲吾忝官引寃辭何者苦萬邑餘灰燼寃辭何者悲生人盡鋒刀寃辭何者甚力役遇勞困寃辭何者深孤弱亦哀恨無謀救寃者祿位安可近而可愛軒裳其心又干進此言非作戒此言敢貽訓實欲辭無能歸耕守吾分

樊上漫作

漫家即亭下復在樊水邊去郭五六里扁舟到門前山竹遶茅舍庭中有寒泉西邊雙石峯引望堪忘年四鄰皆漁父近渚多閑田且欲學耕釣於斯求老焉

訓裴雲客

自厭久荒浪於時無所任耕釣以爲事來家樊水陰甚醉或漫歌甚閑亦漫吟不知愚僻意稱得雲客心雲客方持斧與人正相臨符印隨坐起守位常森森縱能有相招豈暇來山林

酬孟武昌苦雪

積雪閑山路有人到庭前云是孟武昌令獻苦雪篇長吟未及終不

覺爲悽然古之賢達者與世竟何異不能救時患輒論以全意知公惜春物豈非愛時和知公苦陰雪傷彼災患多姦兇正驅馳不合問君子林鷺與野獸無乃怨於此兵興向九歲稼穡誰能憂何時不發卒何日不殺牛耕者日已少耕牛日已希皇天復何忍更又恐斃之自經危亂來觸物堪傷歎見君問我意只益胸中亂山禽飢不飛山木凍皆折懸泉化爲冰寒水近不熱出門望天地皆昏昏時見雙峯下雪中生白雲

漫問相里黃州

東鄰有漁父西鄰有山僧各問其情性變之俱不能公爲二千石我爲山海客志業豈不同今已殊名跡相里不相類相友且相異何况天下人而欲同其意人意苟不同分寸不相容漫問軒裳客何如耕釣翁

喻舊部曲

漫遊樊水陰忽見舊部曲尙言軍中好猶望有所屬故令爭者心至死終不足與之一杯酒喻使燒戎服兵興向十年所見堪歎哭相逢是遺人當合識榮辱勸汝學全生隨我舍退谷

雪中懷孟武昌

冬來三度雪農者歡歲稔我麥根已濡各得在倉廩天寒未能起孺子驚人寢云有山客來籃中見冬葦上生木燒柴爲溫酒煮鱖爲作瀼羹汁客亦愛杯樽思君共杯飲所嗟山路閑時節寒又甚不能苦相邀興盡還就枕

喻常吾直爲攝官

山澤多飢人閭里多壞屋戰爭且未息徵斂何時足不能救人患不合食天粟何况假一官而苟求其祿近年更長吏數月未爲速來者罷而官豈得不爲辱歟爲辭府主從我遊退谷谷中有寒泉爲爾洗塵服

招孟武昌

漫叟作退谷銘指曰干進之客不得遊之作挾湖銘指曰爲人厭者勿泛挾湖孟士源嘗黜官無情干進在武昌不爲人厭可遊退谷可泛挾湖故作詩招之

風霜枯萬物退谷如春時窮冬涸江海挾湖澄清漪湖盡到谷口單船近堦墀湖中更好好坐見大江水歛石爲水涯半山在湖裏谷口更何好絕壑流寒泉松桂蔭茅舍白雲生坐邊武昌不干進武昌人不厭退谷正可遊挾湖任來泛湖上有水鳥見人不飛鳴谷中有山獸往往隨人行莫將車馬來令我鳥獸驚

登殊亭作

時節方大暑試來登殊亭憑軒未及息忽若秋氣生主人既多閑有酒共我傾坐中不相異豈限醉與醒漫歌無人聽浪語無人驚時復一回望心目出四溟誰能守纓佩日與災患并請君誦此意令彼惑者聽

漫酬賈沔州

有序

賈德方與漫叟者懼漫叟不能甘窮獨懼叟又須爲官故作詩相喻其指曰勸爾莫作官作官不益身因德方之意遂漫酬之

往年壯心在嘗欲濟時難奉詔舉州兵令得誅暴叛上將屢顛覆偏師常救亂未曾弛戈甲終日領簿案出入四五年憂勞忘昏旦無謀靜兇醜自覺愚且悞豈欲皂櫪中爭食麤與蠶麤櫪中可食者下汲反牛馬食餘草節曰諫反去年辭職事所懼貽憂患天子許安親官又得閑散自家樊水上性情尤荒慢雲山與水木似不憎吾漫以茲忘時世日益無畏憚漫醉人不嗔漫眠人不喚漫遊無遠近漫樂無早晏漫中漫亦忘名利誰能算聞君勸我意爲君一長歎人誰年八十我已過其半家中孤弱子長子未及冠且爲兒童主種藥老溪澗

漫歌八曲

有序

壬寅中漫叟得免職事漫家樊上修耕釣以自資作漫歌八曲與縣大夫孟士源欲士源唱而和之

故城東

漫惜故城東良田野草生說向縣大夫大夫勸我耕耕者我爲先耕者相次焉誰愛故城東今爲近郭田

西陽城

江北有大洲洲上堪力耕此中宜五穀不及西陽城城畔多野桑城中多古荒衣食可力求此外何所望

大回中

樊水欲東流大江又北來樊山當其南此中爲大回回中魚好遊回中多釣舟漫欲作漁人終焉無所求

小回中

叢石橫大江人言是釣臺水石相衝激此中爲小回回中浪不惡復在武昌郭來客去客船皆向此中泊

將牛何處去二首

將牛何處去耕彼故城東相伴有田父相歡惟牧童

將牛何處去耕彼西陽城叔閑修農具直者伴我耕叔閑漫叟章氏甥直者漫叟長子

將船何處去二首

將船何處去釣彼大回中叔靜能鼓橈正者隨弱翁叔靜漫叟李氏甥正者漫叟次子

將船何處去送客小回南有時逢惡客非酒徒卽爲惡客還家亦少酣

唐元次山文集卷第三

唐元次山文集卷第四

春陵行 有序

癸卯歲漫叟授道州刺史道州舊四萬餘戶經賊已來不滿四千大半不勝賦稅到官未五十日承諸使徵求符牒二百餘封皆曰失其限者罪至貶削於戲若悉應其命則州縣破亂刺史欲焉逃罪若不應命又卽獲罪戾必不免也吾將守官靜以安人待罪而已此州是春陵故地故作春陵行以達下情

軍國多所須切責在有司有司臨郡縣刑法竟欲施供給豈不憂徵斂又可悲州小經亂亡遺人實困疲大鄉無十家大族命單羸朝淪是草根暮食是木皮出言氣欲絕言速行步遲追呼尚不忍況乃鞭扑之郵亭傳急符來往跡相追更無寬大恩但有迫促期欲令鬻兒女言發恐亂隨悉使索其家而又無生資聽彼道路言怨傷誰復知去冬山賊來殺奪幾無遺所願見王官撫養以惠慈奈何重驅逐不使存活爲安人天子命符節我所持州縣忽亂亡得罪復是誰逋緩違詔令蒙責固所宜前賢重守分惡以禍福移亦云貴守官不愛能適時顧惟孱弱者正直當不虧何人采國風吾欲獻此辭

賊退示官吏 有序

癸卯歲西原賊入道州焚燒殺掠幾盡而去明年賊又攻永州破邵不犯此州邊鄙而退豈力能制敵歟蓋蒙其傷憐而已諸使何爲忍苦徵斂故作詩一篇以示官吏

昔歲逢太平山林二十年泉源在庭戶洞壑當門前井稅有常期日晏猶得眠忽然遭世變數歲歲親戎旃今來典斯郡山夷又紛然城小賊不屠人貧傷可憐是以陷鄰境此州獨見全使臣將王命豈不如賊焉今彼徵斂者迫之如火煎誰能絕人命以作時世賢思欲季符節引竿自刺船將家就魚麥歸老江海邊

遊右溪勸學者

元次山集 卷四

小溪在城下形勝堪賞愛尤宜春水滿水石更殊怪長山勢回合井邑相縈帶石林繞舜祠西南正相對階庭無爭訟郊境罷守衛時時溪上來勸引辭學輩今誰不務武儒雅道將廢豈忘二三子旦夕相勉勵

遊瀘泉示泉上學者

顧吾漫浪久不欲有所拘每到瀘泉上情性可安舒草堂在山曲澄瀾涵階除松竹陰幽徑清流湧湧坐隔築塘列圃畦引流灌時蔬復在郊郭外正堪靜者居愜心則自適喜尙人或殊此中若可安不佩銅虎符

石魚湖上作 有序

瀘泉南上有獨石在水中狀如遊魚魚凹處修之可以踞 魚酒水涯四匝多畝石相連石上堪人坐水能浮小舫載酒又能繞石魚洄流乃命湖曰石魚湖鑄銘於湖上顯示來者又作詩以歌之吾愛石魚湖石魚在湖裏魚背有酒樽繞魚是湖水兒童作小舫載酒勝一杯座中令酒舫空去復滿來湖岸多畝石石下流寒泉醉中一盃漱快意無比焉金玉吾不須軒冕吾不愛且欲坐湖畔石魚長相對

宴湖上亭作

廣亭蓋小湖湖亭實清曠軒窗幽水石怪異尤難狀石樽能寒酒寒水宜初漲岸曲坐客稀杯浮上搖漾遠風入簾幕漸瀝吹酒舫欲去未回時飄飄正堪望酣興思共醉促酒更相向舫去若驚鳧溶瀾滿湖浪朝來暮忘返暮歸獨惆悵誰肯愛林泉從吾老湖上

引東泉作

東泉人未知在我左山東引之傍山來垂流落庭中宿霧含朝光掩映如殘虹有時散成雨飄灑隨清風衆源發淵寶殊怪皆不同此流又高懸瀟瀟 在長空山林何處無茲地不可逢吾欲解纓佩便

爲泉上翁

登白雲亭

出門上南山喜逐松徑行窮高欲極遠始到白雲亭長山繞井邑登望宜新晴洲渚曲湘水縈回隨郡城九疑千萬峯嶸嶸天外青煙雲無遠近皆傍林嶺生俯視松竹間石水何幽清涵映滿軒戶娟娟如鏡明何人病懣濃積醉且未醒與我一登臨爲君安性情

憑陽亭作

有序

初得憑泉則爲亭於泉上因開簷霽又得石渠泉渠相宜亭更加好以亭在泉北故命之曰憑陽亭

問吾常憊息泉上何處好獨有憑陽亭令人可終老前軒臨憑泉憑几漱清流外物自相擾淵淵還復休有時出東戶更欲簷下坐非我意不行石渠能留我峯石若鱗次歛垂復旋回爲我引憑泉泠泠簷下來天寒宜泉溫泉寒宜天暑誰到憑陽亭其心肯思去

夜燕石魚湖作

風霜雖慘然出遊熙天正登臨日暮歸置酒湖上亭高燭照泉深光華溢軒楹如見海底日曉曉曉曉始欲生夜寒閉窗戶石溜何清冷若在深洞中半崖聞水聲醉人疑舫影呼指遞相驚何故有雙魚隨吾酒舫行醉昏能誕語勸醉能忘情坐無拘忌人勿限醉與醒

招陶別駕家陽華作

海內馱兵革騷騷十二年陽華洞中人似不知亂焉誰能家此地終老可自全草堂背巖洞幾峯軒戶前清渠匝庭堂出門仍灌田半崖盤石徑高亭臨極顛引望見何處逶迤隴北川杉松幾萬株蒼蒼滿前山巖高暖華陽飛溜何潺潺洞深迷遠近但覺多迴淵晝遊興未盡日暮不欲眠探燭飲洞中醉昏漱寒泉始知天下心耽愛各有偏陶家世高逸公忍不獨然無或畢婚嫁竟爲俗務牽

題孟中丞茅閣

小山爲郡城隨水能縈紆亭亭最高處今是西南隅杉大老猶在蒼蒼數十株垂陰滿城上枝葉何扶疎乃知四海中遺事誰謂無及觀茅閣成始覺形勝殊憑軒望熊湘雲樹連蒼梧天下正炎熱此然冰雪俱客有在中坐頌歌復何如公欲舉遺材如此佳木歟公方庇蒼生又如斯閣乎請達謠頌聲願公且踟蹰

劉侍御月夜讌會

我從蒼梧來將耕舊山田踟蹰爲故人且復停歸船日夕得相從轉覺和樂全愚愛涼風來明月正滿天河漢望不見幾星猶粲然中夜興欲酣改坐臨清川未醉恐天日更歌促繁絃歡娛不可逢請君莫言旋

別孟校書

吾聞近南海乃是魑魅鄉忽見孟夫子歡然遊此方忽喜海風來海帆又欲張漂漂隨所去不念歸路長君有失母兒愛之似阿陽始解隨人行不欲離君傍相勸早旋歸此言慎勿忘

別何員外

誰能守清濁誰能嗣世儒吾見何君饒爲人有是夫黜官二十年未曾暫崎嶇終不病貧賤寥寥無所拘忽然逢知己數月領官符猶是尙書郎收賦來江湖人皆悉蒼生隨意極所須比盜無兵甲似偷又不如公能獨寬大使之力自輸吾欲探時謠爲公伏奏書但恐抵忌諱未知肯聽無不然且相送醉歡於坐隅

宸樽詩

巉巖小山石數峯對宸亭宸石堪爲樽狀類不可名巡回數尺間如見小蓬瀛樽中酒初漲始有島嶼生豈無日觀峯直下臨滄溟愛之不覺醉醉臥還自醒醒醉在樽畔始爲吾性情若以形勝論坐隅臨郡城平湖近階砌遠山復青青異木幾十株枝條冒簷楹盤根滿石上皆作龍蛇形酒堂貯釀器戶牖皆鑿餅此樽可常滿誰是陶淵明

登九疑第二峯

九疑第二峯其上有仙壇杉松映飛泉蒼蒼在雲端何人居此處云是魯女冠不知幾百歲讌坐餌金丹相傳羽化時雲鶴滿峯巒婦中有高人相望空長歎

宿洄溪翁宅

長松萬株遶茅舍怪石寒泉近簷下老翁八十猶能行將領兒孫行拾稼吾羨老翁居處幽吾愛老翁無所求時俗是非何足道得似老翁吾即休

石魚湖上醉歌

有序

漫叟以公田米釀酒因休暇則載酒於湖上時取一醉歡醉中據湖岸引臂向魚取酒使舫載之徧飲坐者意疑倚巴丘酌於君山之上諸子環洞庭而坐酒舫泛泛然觸波濤而往來者乃作歌以長之

石魚湖似洞庭夏水欲滿君山青山爲樽水爲沼酒徒歷歷坐洲島長風連日作大浪不能廢人運酒舫我持長瓢坐巴丘酌飲四坐以散愁

宿無爲觀

九疑山深幾千里峯谷崎嶇人不到山中舊有仙姥家十里飛泉遶丹竈如今道士三四人茹芝鍊玉學輕身霓裳羽蓋傍臨壑飄飄似欲來雲鶴

無爲洞口作

無爲洞口春水滿無爲洞傍春雲白愛此踟躕不能去令人悔作衣冠客洞傍山僧皆學禪無求無欲亦忘年欲問其心不能問我到此中得無悶

朝陽巖下歌

朝陽巖下湘水深朝陽洞口寒泉清零陵徒有先賢傳水石爲娛安

可羨長歌一曲留相勸

說洄溪招退者在湖南江華縣

長松亭亭滿四山山間乳竇流清泉洄溪正在此山裏乳水松膏常灌田松膏乳水田肥良稻苗如蒲米粒長麋色如珈玉液酒酒熟猶聞松節香溪邊老翁年幾許長男頭白孫嫁女問言只食松田米無藥無方向人語涪溪石下多泉源盛夏大寒冬大溫層蘇宜在水中石涪溪一曲自當門吾今欲作洄溪翁誰能住我舍西東勿憚山深與地僻羅浮尚有葛仙翁

宿丹崖翁宅

扁舟欲到瀧口湍春水湍瀧上水難投竿來泊丹崖下得與崖翁盡一歡丹崖之亭當石顛破竹半山引寒泉泉流掩映在木杪有若白鳥飛林間往往隨風作霧雨濕人巾履滿庭前丹崖翁愛丹崖棄官幾年崖下家兒孫棹船抱酒囊醉裏長歌揮釣車吾將求退與翁遊學翁歌醉在漁舟官吏隨人往未得却望丹崖慚復羞

欸乃曲五首

有序

大曆丁未中漫叟以軍事詣都使還州逢春水舟行不進作欸乃五曲舟子唱之蓋欲取適於道路耳詞曰

偶存名跡在人間順俗與時未安閑來謁大官兼問政扁舟却入九疑山

湘江二月春水平滿月和風宜夜行唱曉欲過平陽戍守吏相呼問姓名

千里楓林煙雨深無朝無暮有猿吟停橈靜聽曲中意好是雲山韶

零陵郡北湘水東涪溪形勝滿湘中溪口石顛堪自逸誰能相伴作

漁翁

下瀧船似入深淵上瀧船似欲昇天龍南始到九疑郡應絕高人乘

興船

元次山集 卷四

唐元次山文集卷第四

唐元次山文集卷第五

引極三首

引極興也喻也引之言演極之言盡演意盡物引興極喻故曰引極

思元極

天曠莽莫明兮杳決鳥明茫氣浩浩兮色蒼蒼上何有兮人不測積清寥兮成元極彼元極兮靈且異思一見兮藐壯難致思不從兮空自傷心慄蘇悵兮意惶懷思假翼兮鸞鳳乘長風兮上和

揖元氣兮本深實滄至和兮永終日

望仙府

山鑿落兮眇欽岑雲溶溶兮木杳杳中何有兮人不覩遠歎差兮闕仙府彼仙府兮深且幽望一至兮藐無由望不從兮知如何心混混兮意渾和思假足兮虎豹超阻絕兮凌諸請仙府兮從羽人餌五靈兮保清真

懷潛君

浩浩森兮汨洪溶流蘊蘊兮瀟洶洶下何有兮人不聞深溢蔭兮居潛君彼潛君兮聖且神思一見兮藐無因思不從兮空踟躕心回迷兮意繁紆思假鱗兮鯢龍激湖浪兮奔從拜潛君兮索玄寶佩元符兮軌皇道

演興四首

商餘山有太靈古祠傳云養龍氏祠大帝所立祠在少餘西乳之下邑人修之以祈田子因為招祠訟閣之文以演興辭曰

招太靈

招太靈兮山之顛山屹屹兮水淪淪祠之瀨洛代兮眇何年木脩脩兮草鮮鮮嗟魑魅兮淫厲自古昔兮崇祭禧太靈兮端清予願致夫精誠久奴悞歷兮恍恍處招招兮呼風風之聲兮起颺

颺吹玄雲兮散而浮望太靈兮儼而安澹油溶兮都清閑

初祀

山之乳兮葦太祠木孫為楸兮木母懷雲纓為楸莫到兮愚木栢洞淵禪兮揭巍巍塗水蘭兮市之之糅焉被弱草兮神祐聯許兮許反渾洪兮反韻韻蘭蘭管管化化石兮洞洞刻刻天天翹翹脩脩兮兮掉掉蕪蕪艾艾靈靈巫巫謀謀兮兮舞舞顯顯于于薦薦天天緯緯兮兮酒酒陽陽泉泉獻獻水水芸芸兮兮飯飯霜霜和和與與太靈兮千萬年

訟木魅

登高峯兮俯幽谷心惓惓兮念羣木見樗櫟兮相陰覆憐棖榕上下下封封兮兮不不豐豐茂茂見見榛榛梗梗之之森森梢梢閔閔樅樅播播兮兮合合蠹蠹槽槽兮兮不不橈橈兮兮未未堅堅樟樟兮兮根根根根兮兮可可屈屈密密兮兮不不香香拔拔丰丰茸茸兮兮已已實實豈豈元元化化之之不不均均兮兮非非雨雨露露之之偏偏殊殊諒諒理理性性之之不不等等於於順順時時兮兮不不如如瘞瘞兮兮吾吾心心以以冥冥想想終終念念此此兮兮不不怡怡伶伶兮兮不不莫莫識識天天地地之之意意兮兮願願截截惡惡木木之之根根傾傾梟梟獍獍之之古古巢巢取取名名重重以以為為薪薪割割大大木木使使飛飛焰焰燄燄枯枯腐腐之之燒燒焚焚實實非非吾吾心心之之不不仁仁惠惠也也豈豈取取夫夫善善惡惡之之相相紛紛且且欲欲奮奮三三河河之之膏膏壤壤裨裨濟濟水水之之清清漣漣將將封封灌灌乎乎善善木木令令櫛櫛兮兮以以挺挺挺挺兮兮尚尚畏畏乎乎衆衆善善之之未未茂茂兮兮爲爲衆衆惡惡之之所所挑挑凌凌思思聚聚義義以以爲爲曹曹令令敷敷扶扶以以相相勝勝取取方方所所以以柯柯如如兮兮吾吾將將出出於於南南荒荒求求壽壽藤藤與與燔燔本本吾吾將將出出於於東東方方祈祈有有德德而而來來歸歸輔輔神神檀檀與與堅堅香香且且憂憂顛顛之之翻翻又又愁愁獵獵兮兮之之奔奔馳馳及及陰陰陽陽兮兮不不和和惡惡此此土土之之失失時時令令神神檀檀兮兮不不茂茂使使堅堅香香兮兮不不滋滋重重嗟嗟愧愧兮兮何何補補每每齋齋心心以以精精意意切切援援祝祝於於神神明明冀冀感感通通於於天天地地猶猶恐恐衆衆妖妖兮兮木木魅魅魍魍魎魎兮兮山山精精上上誤誤惑惑於於靈靈心心經經給給于于言言兮兮不不聽聽敢敢引引佩佩以以指指水水誓誓吾吾心心兮兮自自明明

閔嶺中

羣山以延想吾獨閔乎嶺中彼嶺中兮何有有天舍之玉峯殊闕絕之極顛上聞產乎翠茸欲採之以將壽眇不知夫所從大淵蘊蘊兮

絕機^反壯眼 岌岌非梯梁以通險當無路兮可入彼猛毒兮曹聚必憑託乎阻脩常疑礙兮同人又何兮不愁彼妖精兮變性必假見於風雨常閃閃而伺人又何兮不苦欲仗仁兮託信將徑往兮不難久懷懷以悽惋^{上力膺}却遲迴而永歎懼太靈兮不知以予心爲永惟若不可乎遂已吾終保夫直方則必蒙皮篋^{莫邪}以爲矢絃母復^以周以爲弧化毒銅以爲戟刺棘竹以爲矢得猛烈之材獲與之而並驅且春刺乎惡毒又引射夫妖怪盡羣類兮使無令善仁兮不害然後採棧榕以駕深收樅櫟^反胡桂 兮梯險躋予身之飄飄承予步之蹠蹠^反入嶺中而登玉峯極闊絕而求翠茸將吾壽兮隨所從思未得兮馬如龍獨翳蔽於山顛久低回而愠瘵空仰訟於上玄彼至精兮必應寧古有而今無將與身而皆亡豈言之而已乎

七不如七篇^{有序}

元子常自愧不如孩孺不如宵寐不如病不如醉有思慮不如靜而閑有喜愛不如忘其情及其甚也不如草木此意多顯於元子者或曰訂如是^反他^了不如則不如也不如如者止於此乎元子於是系之於人事續^反以^淺之於此喻始爲七不如不如之義始極也

第一

元子以爲人之毒也毒於鄉毒於國毒於鳥獸毒於草木不如毒其形毒其命毒其姻戚毒其家族者爾於戲毒可頌也乎哉毒有甚焉何如

第二

元子以爲人之媚也媚於時媚於君媚於朋友媚於鄉縣不如媚於廐媚於室媚於市肆媚於道路者爾於戲媚可頌也乎哉媚有甚焉何如

第三

元子以爲人之詐也詐於忠詐於信詐於仁義詐於正直不如詐於愚詐於弱詐於貧賤詐於退讓者爾於戲詐可頌也乎哉詐有甚焉何如

第四

元子以爲人之惑也惑於邪惑於佞惑於姦惡惑於兇暴不如惑於狂惑於誕惑於翫弄惑於諧戲者爾於戲惑可頌也乎哉惑有甚焉何如

第五

元子以爲人之貪也貪於權貪於位貪於取求貪於聚積不如貪於德貪於道貪於閑和貪於靜順者爾於戲貪可頌也乎哉貪有甚焉何如

第六

元子以爲人之溺也溺於聲溺於色溺於圓曲溺於妖妄不如溺於仁溺於讓溺於方直溺於忠信者爾於戲溺可頌也乎哉溺有甚焉何如

第七

元子以爲人之忍也忍於毒忍於媚忍於詐忍於貪溺不如忍於貧忍於苦忍於棄污忍於病癢者爾於戲忍可頌也乎哉忍有甚焉何如

訂古五篇^{有序}

天寶癸巳元子作訂古訂古前世君臣父子兄弟夫婦朋友之道於戲上古失之中古亂之至於近世有窮極凶惡者矣或曰欲如之何對曰將如之何吾且聞之訂之嗟之傷之泣而恨之而已也

第一

吾觀君臣之間且有猜忌而聞疑懼其由禪讓革代之道誤也故後世有劫篡廢放之惡興焉嗚呼卽有孤弱將安託哉卽有功業將安

保哉

第二

吾觀父子之際且有悲感而聞痛恨其由聽讒受亂之意惑也故後世有幽毒囚殺之患起焉嗚呼即有深慈將安與哉即有至孝將安訴哉

第三

吾觀兄弟之中且有鬪爭而聞殘忍其由分國異家之教薄也故後世有陰謀誅戮之害生焉嗚呼即有友悌將安用哉即有恭順將安全哉

第四

吾觀夫婦之道且有冤怨而聞嫌妬其由耽淫惑亂之情多也故後世有滅身亡家之禍發焉嗚呼即有信義將安及哉即有柔順將安守哉

第五

吾觀朋友之義且有邪詐而聞忌惠其由趨勢近利之心甚也故後世有窮凶極害之刑生焉嗚呼即有節分將安與哉即有方正將安容哉

自述三篇有序

天寶庚寅元子初習靜于商餘人聞之非非曰此狂者也見則茫然無幾人聞之是是曰此學者也見則倚然及三年人聞之參參曰此隱者也見則崖然有感而問曰子其隱乎對曰吾豈隱者邪愚者也窮而然爾或者不喻遂爲述時命以辯之先曾爲述居一篇因刊而次之總命曰自述

述時

昔隋氏逆天地之道絕生人之命使怨痛之聲滿于四海四海之內隋人未老隋社未安而隋國已亡何哉奢淫暴虐昏惑而已烝人苦

之上訴皇天皇天有命於我國家六葉于茲高皇至勤文皇至明身鑒隋室不敢滿溢清儉之深聽察之至仁惠之極決決洋洋爲萬代則聖皇承之不言而化四十餘年天下太平禮樂化於戎夷慈惠及於草木雖奴隸齒類亦能誦周公孔父之書說陶唐虞夏之道至於歌頌謳吟婦人童子皆抒性情美辭韻指詠時物與絲竹諧會綺羅當稱况世貴之士博學君子其文學聲望安得不顯聞於當時也哉故冠冕之士傾當時大利軒車之士富當時大農由此知官不勝人逸於司領使秩次不能損又休罷以抑之尙駢肩累趾授任不暇子愚愚者亦當預焉曰覺抵塞厭於無用乃以因慕古人清和蘊純周仲仲癡於計然全真上全忠孝下盡仁信內順元化外娛太和足矣如戚促脂謹反然全真上全忠孝下盡仁信內順元化外娛太和足可使爲汙腐水可濁不可使爲塵糞然已鄙語曰愚者似直弱者似仁子殆有之夫復何疑

述命

元子嘗問命於清惠先生先生曰子欲知命不如平心平心不如忘情如酌反敬言也曰幸先生教之先生曰夫平心能正是非忘情能滅有無子何先焉曰請先忘情先生曰子見草木乎子見天地乎草木無心也天地無情也而四時自化雨露自均根柢自深枝幹自茂如是天地豈醜授而成哉草木豈憂求而生哉人之命也亦由是矣若天若壽若貴若賤爲可強哉不可強也不可強也不如忘情忘情當學草木嗚呼上皇強化天下天下化之養之以道德道德爲薄天下亦從而爲薄嗚呼後王急濟天下天下從之救之以權宜權宜侈惡天下亦從而侈惡故赴貪徇紛急之風以至于今聖賢者兢兢然猶傷命性愚惑者恩恩然遂忘家國其由不審不通醜授憂求而已子不喻乎

述居

天寶庚寅元子得商餘之山山東有谷曰餘中谷東有山曰少餘山谷中有田可耕藝者三數夫一夫百畝有泉停浸可畦稻者數十畝泉東南合肥溪溪源在少餘山下溪流出谷與濑職隆反水合匯于澶將成所居故人李才聞而來會乃歎曰吾未始知夫子之所至焉今知之矣吾聞在貧思富在賤思貴人之常情也聖賢所有然而知貧賤不可苟免富貴不可苟取上順時命乘道御和下守虛澹修己推分稱君子者始不公乎乃相與占山泉闢榛莽依山腹近泉源始爲亭廡始作堂宇因而習靜適自保閑夫人生於世如行長道所行有極而道無窮奔走不停夫然何適予當乘時和望年豐耕藝山田兼備藥石與兄弟承歡於膝下與朋友和樂於琴酒寥然順命不爲物累亦自得之分在於此也

唐元次山文集卷第五

唐元次山文集卷第六

自箴

有時士教元子顯身之道曰于時不爭無以顯榮與世不佞終身自病君欲求權須曲須圓君欲求位須奸須媚不能此爲窮賤勿辭元子對曰不能此爲乃吾之心反君此言我作自箴與時仁讓人不汝上處世清介人不汝害汝若全德必忠必直汝若全行必方必正終身如此可謂君子

大唐中興頌

天寶十四載安祿山陷洛陽明年陷長安天子幸蜀太子卽位於靈武明年皇帝移軍鳳翔其年復兩京上皇還京師於戲前代帝王有威德大業者必見于歌頌若今歌頌大業刻之金石非老於文學其誰宜爲頌曰

噫嘻前朝孽臣姦驕爲昏爲妖邊將驍兵毒亂國經羣生失寧大駕南巡百寮竄身奉賊稱臣天將昌唐繫曉我皇匹馬北方獨立一呼千麾萬旗我卒前驅我師其東儲皇撫戎蕩攘羣兇復服指期會不踰時有國無之事有至難宗廟再安二聖重歡地闢天開蠲除秋災瑞慶大來兇徒逆儔涵濡天休死生堪羞功勞位尊忠烈各存澤流子孫威德之興山高日昇萬福是膺能令大君聲容沍沍不在斯文湘江東西中直浯溪石崖天齊可磨可鐫刊此頌焉何千萬年

虎蛇頌

有序

猗玗子逃亂在碣英反南人云猗玗洞中是王虎之宮中碣之陰是均蛇之林居之三月始知王虎如古君子始知均蛇如古賢士然哉猗玗子奪其宮王虎去而不回猗玗子侵其林均蛇去而不歸借順惠讓可作頌矣

虎頌

猗王虎將何與方古大王非不方于今今也惠讓不如王虎之心

蛇頌

猗均蛇將何與儔儔古延州非不儔于時時也順讓不如均蛇之爲

灤溪銘

有序

乾元戊戌浪生元結始浪家灤如善反溪之濱灤溪蓋溢水分稱灤水夏灤江海則百里爲灤湖二十里爲灤溪灤溪浪士愛之銘之其濱於戲古人喜尚君子不見君子見如似者亦稱頌之灤溪可謂讓矣讓君子之道也稱頌如此可遺灤溪若天下有如此讓者吾豈先灤溪而稱頌者乎銘曰

灤溪之瀾誰取盥焉灤溪之漪誰取飲之盥實可矣飲豈難矣得不慚其心不如此水浪士作銘將戒何人欲不讓者慚遊灤濱

異泉銘

并序

天寶十三年春至夏甚旱秋至冬積雨西塞西南有迴山山顛是秋崩折有穴出泉泉垂流三四百仞浮江中可望於戲陰陽旱雨時異以至柔破至堅事異以至下處至高理異故命斯泉曰異泉銘于泉上其意豈獨旌異而已乎銘曰

何故作銘銘于異泉爲其當不可闕拆石出焉何用作銘銘于異泉爲其當不可下窮高流焉君子之德顯與晦殊爲此銘者忘道也歟

杯樽侯樽銘

并序

即亭西乳有聚石石臨樊水漫叟構石顛以爲亭石有窠顛者因修之以藏酒士源愛之命爲杯樽乃爲士源作杯樽銘銘曰

窠顛之石在吾亭上天全其器實有殊狀如竇而底似傾幾歛非曲非方不準不規孟公高賢命曰杯樽漫叟作銘當欲何言時俗僥倖日益僞薄誰能杯飲共守淳樸

退谷銘

并序

杯湖西南是退谷谷中有泉或激或懸爲竇爲淵滿谷生壽木又多壽藤縈之始入谷口令人忘返時士源以漫叟退修耕釣愛遊

此谷遂命曰退谷元子作銘以顯士源之意銘曰

誰命退谷孟公士源孟公之意漫叟知焉公畏漫叟心進跡退公懼漫叟各顯身晦公恐漫叟辭小受大於戲退谷獨爲吾規干進之客不差遊之何人作銘銘之谷口荒浪者歟退谷漫叟

杯湖銘 并序

杯湖東抵杯樽西侵退谷北匯樊水南涯即亭有菱有荷有菰胡反有蒲方一二里能淨水與漫叟自杯亭遊退谷必泛此湖以湖在杯樽之下遂命曰杯湖銘曰

誰游江海能獸其大誰泛杯湖能獸其小故曰人不獸者君子之道於戲君子人不獸之死雖千歲其行可師可獸之類不獨爲害死雖萬死獨堪污穢或問作銘意盡此數吾欲爲人厭者勿泛杯湖

五如石銘 并序

津泉之陽得怪石焉左右前後及登石顛均有如似故命之曰五如石石皆有寶寶中湧泉泉詭異於七泉故命爲七勝泉石有雙目一目命爲洞井井與泉通一目命爲洞樽樽可踞 反角居 酒石尾有穴且如礪 反盧 紅者又如瀧 反所 江者泉可淨澄匣石而流入于礪中出而爲瀧於戲彼能異於此安可不稱顯之銘曰

五如之石何以爲名請悉狀之誰爲我聽左如旋龍低首回顧右如驚鴻張翅未去前如飲虎飲而蹲焉後如怒龜出洞登山若坐于顛石則如乘彼靈槎在漢之間洞井如鑿淵然泉湧澄瀾涵石彼起如動不旌尤異焉用爲文刻銘石上於千萬春

七泉銘 并序

道州東郭有泉七穴或吐於淵寶或繫 反方顯 於嵌臼皆澄流清漪旋沿相奏又有藁石缺缺爲之島嶼殊怪相異不可名狀此邦豈世無好事者耶而令自古荒之乃修其水木爲休暇之處每至泉上便思老焉於戲凡人心若清惠而必忠孝守方直終不惑也故

命五泉其一曰漣惠泉次曰漣忠泉次曰津 考泉防浦上泉漣 反泉銘之泉上欲來者飲漱其流而有所感發者矣留一泉命曰漫泉蓋欲自旌漫浪不獸歡醉者也一泉出山東故命之曰東泉引來垂流更復殊異各刻銘以記之

漣泉銘

於戲漣泉清不可濁惠及於物何時竭涸將引官吏盥而飲之清惠不已泉乎吾規

汧泉銘

古之君子方以全道吾命汧泉方以終老欲令圓者飲吾汧泉知圓非君子能學方惡圓

湑泉銘

曲而爲王直蒙戮辱寧戮不王直而不曲我頌斯曲以命湑泉將戒來世無忘直焉

漣泉銘

不爲人臣老死山谷臣於人者不就污辱我命漣泉勸人事君來漱泉流願爲忠臣

津泉銘

汧汧津泉流清源深堪勸人子奉親之心時世相薄而日忘聖教欲將斯泉碑助純孝

漫泉銘

誰愛漫泉自成小湖能淨酒舫不沒石魚漫也叟稱名泉何爲旌叟於此漫歡漫醉

東泉銘

泉在山東以東爲名愛其懸流溶溶在庭作銘者何吾意未盡將告來世無忘畎引

寒泉銘 并序

湘江西峯直平陽江口有寒泉出於石穴峯上有老木壽藤垂陰泉上近泉堪戲徒弄維大舟惜其蒙蔽不可得見踟躕行修其水木泉無名稱也爲其當暑大寒故命曰寒泉銘曰

於戲寒泉瀛瀛江渚堪救渴喝人不之知時當大暑江流若湯寒泉一掬能清心腸誰謂仁惠不在茲水舟楫尚存爲利未已

陽華岩銘并序

道州江華縣東南六七里有回山南面峻秀下有巖當陽端故以陽華命之吾遊處山林幾三十年所見泉石如陽華殊異而可家者未也故作名稱之縣大夫瞿令問藝兼篆籀俾依石經刻之若下銘曰

九疑萬峯不如陽華陽華巖嶸其下可家洞開爲巖當陽端巖高氣清洞深泉寒陽華旋回岑巔如闢溝塍松竹輝映水石尤宜逸民亦宜退士吾欲投節窮老於此懼人譏我以官矯時名跡彰顯醜如此爲於戲陽華將去思來前步却望踟躕徘徊

宏樽銘

道州城東有左湖湖東二十步有小石山山顛有窠石可以爲樽乃爲亭樽上刻銘爲志銘曰

片石何狀如獸之踈其背巔窠可以爲樽空而臨之長岑深壑廣亭之內如見山岳滿而臨之曲浦回淵長瓢之下江湖在焉彼成全器誰爲之力天地開鑿日月技拭寒暑琢磨風雨潤色此器大樸尤宜直純勒銘亭下以告後人

丹崖翁宅銘并序

零陵瀧下三十里得丹崖翁宅俗曰赤石園有唐節者曾爲瀧水令去官家於崖下自稱丹崖翁丹崖湘中水石之異者翁湘中得道之逸者愛其水石爲之作銘曰

瀧山未盡瀧水猶峻忽見淵洄丹崖千仞礚礚伏巖丹崖其下誰家

門前斷舟籬上釣車不知幾峯爲其四墉竹幽石磴泉飛戶中怪石臨淵硤硤石顛何得石顛翁獨醉眠吾欲與翁東西茅宇飲啄終老翁亦悅許世俗常事阻人心情徘徊崖下遂刻此銘

朝陽岩銘并序

永泰丙午中自春陵詣都使計兵至零陵愛其郭中有水石之異泊舟尋之得巖與洞此邦之形勝也自古荒之而無名稱以其東向遂以朝陽命焉前刺史獨孤恂爲吾剪闢榛莽後攝刺史寶必爲吾剗制茅閣於是朝陽水石始有勝絕之名已而刻銘若下將示來世銘曰

於戲朝陽怪異難狀蒼蒼半山如在水上朝陽水石可謂幽奇岩下洞口洞中泉垂彼高若絕崖深洞寒泉縱僻在幽遠猶宜往焉況郡城井邑若洞相對無人修賞競競當使蕪穢刻石若下問我何爲欲零陵水石世人有知

浯溪銘有序

浯溪在湘水之南北匯于湘愛其勝異遂家溪畔溪世無名稱者也爲自愛之故命曰浯溪銘于溪口銘曰

湘水一曲淵洄傍山山開石門溪流潺潺山開如何巖巖雙石臨淵斷岸夾溪絕壁水實殊怪石又尤異吾欲求退將老茲地溪古荒溪蕪沒蓋久命曰浯溪旌吾獨有人誰遊之銘在溪口

唐元次山文集卷第六

原
书
空
白
页

唐元次山文集卷第七

與韋尚書書乾元二年韋陟為禮部尚書東都留守

某月日前進士元結頓首尚書公閣下結每聞賢卿大夫能以至公之道推引君子使名聲德業相繼稱顯則思見之若不以至公之道推引士君子使禍惡凶辱同日更受則不思見之結所以年四十足不入於公卿之門身不齒於利祿之士豈忘榮顯蓋懼汚辱昨者有詔使結得詣京師至汝上逢山龜亦承詔詣京師結與山龜俱得乘郵而來郵長待結頗如龜者前日謁見尚書俯拜堦下本望齒乘郵與諸龜結待命而退不望尚書不以結齒之於龜以士君子見禮問及詞賦許且休息此結之幸豈結望尚書之意古人所以愛經術之士重山野之客採輿童之誦者蓋為其能明古以論今方正而不諱悉人之下情結雖昧於經術然自山野而來能悉下情尚書與國休戚能無問乎事有在尚書力及能不行乎結頓首

與李相公書乾元二年李揆為中書侍郎平章事

月日新授右金吾兵曹參軍攝監察御史元結頓首相公執事某性愚弱本不敢干時求進十餘年間在山野過為知己猥見稱譽辱在鄉選名污上第退而知恥更自委順亦數年矣中逢喪亂奔走江海當死復生見有今日林壑不保敢思祿位忽枉公詔命詣京師州縣發遣不得辭避三千里煩勞公車始命蹈舞帝庭即日辭命擔囊乞丐復歸海濱今則過次授官又令將命謀人軍者誰曰易乎相公見某但禮文拜揖之外無所問焉忽然狂妄男子不稱任使坐招敗辱相公如何某所以盡所知見聞於左右不審相公以為可否如曰不可合正典刑欺上罔下是某之罪謹奉詔書及章服待命屏外某頓首

與韋洪州書上元二年韋為洪州刺史江西觀察使

某月日荆南節度判官水部員外郎兼殿中侍御史元結頓首某聞

古之賢達居權位也令當世頌其德後世師其行何以言之在分君子小人察視邪正使無冤濫而無憤痛耳某不能遠取古人請以端公賢公中丞為喻前者獲接端公餘論某嘗議及中丞某以為賞中丞之功未當論中丞之冤至濫端公不知情至泣涕交流豈不為有冤濫未申而生此憤痛某於端公頗為親故官又差肩曾不垂問便即責使冤濫者豈獨中丞而已乎憤痛者豈獨端公而已乎所以至遣使者試以自明端公前牒則請不交兵端公後牒則請速交兵如此豈端公自察辨誤耶有小人惑亂端公耶端公又云荆南將士侵暴端公豈能保荆南將士必侵暴乎豈能保淮西將士必不侵暴乎端公少垂察問某又聞泗上鄰家之事請說以自喻昔泗上有鄰家有朋友遊者鬪之遊東家則曰公之友賢能益主人西家之友愚能損主人遊西家則曰公之友智能譽主人東家之友狡能毀主人見其友亦如門主人之論於是隣家之友相惡將相害鄰家之翁怒將相絕里有正信之士為辯之然後鄰家通歡隣友相善荆南與江西猶鄰家也某其友乎遊者方相聞誰為正信之士一為辯之某敢以此書獻端公閣下

與呂相公書

某月日某官某再拜相公閣下某嘗見時人不能自守性分俛仰於傾奪之中低徊於名利之下至有傷污毀辱之患滅身亡家之禍則欲劇為之箴於身豈願踰性分取禍辱而忘自箴者耶某性荒浪無拘限每不能節酒與人相見適在一室不能無歡於醉醉歡之中不能無過少不學為吏長又著書論自適昔天下太平不敢絕世業亦欲求文學之官職員散冗者為子孫計耳自兵興以來此望亦絕何哉某一身奉親奔走萬里所望飲啄承歡膝下今則辱在官以逾其性分觸禍辱機兆者日未無之某又三世單貧年過四十弱子無母年未十歲孤生嫁娶者一人相公視某敢以身徇名利者乎有如某

者以身徇名利齒於奴隸尚可羞而況士君子也歟某甚愚鈍又無功勞自布衣歷官不十月官至尚書郎向三歲官未削人多相榮某實自憂相公忍令某漸至畏懼而死甚令必受禍辱而已某前後所言相公似未見信故藉紙筆煩瀆門下某再拜

與何員外書 永泰中何昌裕爲戶部員外

月日次山白何夫子執事皮弁時俗廢之久矣非好古君子誰能存之忽蒙見贈驚喜無喻次山漫浪者也苦不愛便事之服時世之中昔年在山野曾作愚巾凡裘異於制度凡裘領縐界縐緣縐帶其餘皆褐帶聯後縫中腰前繫愚巾頂方帶方垂方縐爲之玄絲爲綾次山白衣帶巾裘雖不爲時人大惡亦嘗辱其嗤諠方欲雜古衣帶以免辱贈及皮弁與凡裘正相宜若風霜慘然出行林野次山則戴皮弁衣凡裘大暑蒸濕出見賓客次山則戴愚巾衣野服野服大抵縐褐布葛爲之也腰擔爲裳短襟爲衣裳下及屨衣垂及膝下不審夫子異時歸休適在山野能衣戴此者不乎若以爲宜當各造一副送往元次山白

篋中集序

元結作篋中集或問曰公所集之詩何以訂之對曰風雅不興幾及千歲溺於時者世無人哉嗚呼有各位不顯年壽不將獨無知音不見稱顯死而已矣誰云無之近世作者更相訟龔拘限聲病喜尙形似且以流易爲辭不知喪於雅正然哉彼則指詠時物會諧絲竹與歌兒舞女生污感之聲於私室可矣若令方直之士大雅君子聽而誦之則未見其可吳興沈于運獨挺於流俗之中強攘於已溺之後窮老不惑五十餘年凡所爲文皆與時異故朋友後生稍見師效能似類者有五六人於戲自沈公及二三子皆以正直而無祿位皆以忠信而久貧賤皆以仁讓而至喪亡異於是者顯榮當世誰爲辯士吾欲問之兵興於今六歲人皆務武斯焉誰嗣已長逝者遺文散失

方祖師者不見近作盡篋中所有總編次之命曰篋中集且欲傳之親故冀其不忘於今凡七人詩二十二首時乾元三年也

別韓方源序

昔元次山與韓方源別于商餘約不終歲復相見於此山忽八年於今始獲相見悲歡之至言可極耶次山與方源昔年俱順於山谷有終焉之意今方源得如其心次山污其冠冕次山一顧方源再三慚羞時復飲酒求其安家今方源欲安家肥陽次山方理兵九江相辭相辭不必如昔年之約此情豈易然者耶乙未之前次山有元子乙未之後次山有猗玗子戊戌中次山有浪說悉贈方源庶方源見次山之意

別王佐卿序

癸卯歲京兆王契佐卿年四十六河南元結次山年四十五時次山須浪遊吳中佐卿須日去西蜀對酒欲別此情易耶在少年時握手笑別雖遠不恨以天下無事志氣猶壯今與佐卿年近五十又逢戰爭未息相去萬里欲強笑別其可得乎與佐卿去者有清河崔異與次山往者有彭城劉灣相醉相留幾日江畔主人鄂州刺史韋延安令四座作詩命予爲序以送遠云

劉侍御月夜讌會序

兵興已來十一年矣獲與同志歡醉達旦詠歌取適無一二焉乙巳歲彭城劉靈源在衡陽逢故人或有在者曰昔相會第歡遠遊始與諸公待月而笑語竟與諸公愛月而歡醉詠歌夜久賦詩言懷於戲文章道喪蓋久矣時之作者煩雜過多歌兒舞女且相喜愛系之風雅誰道是耶諸公嘗欲變時俗之淫靡爲後生之規範今夕豈不能道達情性成一時之美乎

送孟校書往南海序

平昌孟雲卿與元次山同州里以辭學相友幾二十年次山今罷守

春陵雲卿始典校芸閣於戲材業次山不如雲卿辭賦次山不如雲卿通和次山不如雲卿在次山又詡然求進者也誰言時命吾欲聽之次山今且未老雲卿少次山六七歲雲卿名聲滿天下知己在朝廷及次山之年雲卿何事不可至勿隨長風乘興蹈海勿愛羅浮往而不歸南海幕府有樂安任鴻與次山最舊請任公爲次山一白府主趣資裝雲卿使北歸慎勿令徘徊海上諸公第醉歌送之

送譚山人歸雲陽序

吾於九疑之下賞愛泉石今幾三年能扁舟數千里來游者獨雲陽譚子譚子文學隱名山野隱身雲陽之阿世如君何牧犢愛雲陽之宰峻公不出南岳三十年今得雲陽一峯譚子又在焉彼真可家之者耶子去爲吾謀於牧犢近峻公有泉山山石老樹壽藤縈垂水可灌田一夫火可燒種菽粟近泉可爲十數間茅舍所詣纔通小船則吾往而家矣此邦舜祠奇怪陽華之殊異漣泉之勝絕見峻公與牧犢一二說之松竹滿庭水石滿堂石魚負樽覺舫運觴醉送譚子歸于雲陽漫漫元次山序

別崔曼序

漫叟年將五十與時世不合垂三十年愛惡之聲紛紛人間博陵崔曼感叟所爲游而辨之數月未去會潭州都督張正言薦曼爲屬邑長將行叟謂曰叟異時乃山林一病民耳宜不相罔行矣勿惑吾子有才業且明辯又方年少必能樹勳庸垂名聲若求先達賢異能相校拭正在張公張公往年在西城主人能用其一言遂開城千里威震絕域張公往在淮南逡巡指麾萬夫風從遭逢猜疑弛而不爲今海內兵革未息張公必爲時用吾子勉之所相規者所宜緩步富貴從容謀畫少節酒平氣聚耳

送王及之容州序

乾元中漫叟浪家于瀟溪之濱以耕釣自全而已九江之人未相喜

愛其意似懼叟衣食之不足耳叟亦不促促而從之有王及者異夫鄉人焉以文學相求不以羈旅見懼以相安爲意不以可否自擇及於叟也如是之多叟往春陵及能相從游歲餘而去將行規之曰叟愛及者也無感叟言及方壯可強藝勿以游方爲意人生若不能師表朝廷即當老死山谷彼驅驅於財貨之末局局於權勢之門縱得鐘鼎亦胡顏受納行矣自愛耿容州歡於叟者及到容州爲叟謝主人聞幕府野次久矣正宜收擇謀夫引信才士有及及也能收引乎二三子賦送遠之什以系此云

問進士永泰二年
道州問

第一

問天下興兵今十二年矣殺傷勞辱人似未厭控強兵據要害者外以奉王命爲辭內實理車甲招賓客樹爪牙國家亦因其所利大者王而相之亞者公侯尙不滿望今欲散其士卒使歸鄉里收其器械納之王府隨其才分與之祿位欲臨之以威武則力未能制欲責之以辭讓則其心未喻若捨而不問則未覩太平秀才通明古今才識傑異天下之兵須解蒼生須致仁壽其策安出子其昌言

第二

問往年天下太平仕者非累資序積勞考二十許年不離一尉至于入廊廟總樞樞則當時名聲籍甚者得至焉今商賈賤類臺隸下品數月之間大者上污卿監小者下辱州縣至於廊廟不無雜人如專經以求進主文而望達者若不困頓於林野則必悽惶於道路今日國家行何道得九流鑑清作何法得僥倖路絕施何令使人自知取設何教使賢愚自分

第三

問開元天寶之中耕者益力四海之內高山絕壑耒耜亦滿人家糧儲皆及數歲太倉委積陳腐不可校量忽遇凶年穀猶耗盡當今三

河膏壤淮泗沃野皆荆棘已老則耕可知太倉空虛雀鼠猶餓至于百姓朝暮不足而諸道聚兵百有餘萬遭歲不稔將何爲謀今欲勸人耕種則喪亡之後人自貧苦寒餒不救豈有生資今欲罷兵息戍則又寇盜猶在尙須防遏使國家用何策得人安俗阜不戰無兵用何謀使縱遇凶年亦無災患

第四

問往年粟一斛估錢四百猶貴近年粟一斛估錢五百尙賤往年帛一匹估錢五百猶貴近年帛一匹估錢二千尙賤今耕夫未盡織婦猶在何故往年耕織計時量力勞苦忘倦求免寒餒何故今日甘心寒餒惰游而已於戲曩時粟帛至賤衣食至易今日粟帛至貴衣食至難而人心勤惰如此其何故也試一商之欲聞其說

第五

問古人識貴精通學重兼博不有激發何以相求三禮何爲可刪三傳何者可廢墨氏非樂其禮何以儒家委命此言當乎彼天女天孫不知何物彼日兄月姊弟妹是誰舅儉與儉奴寧分一純將二精何說孤竹之君何姓新城老婦何名棘竹出自何方毒銅產於何國何鄉無水可飲何地臥冰而溫何人恩信過於田橫何人壯勇等於關羽何人鑿塚而遁何人終日掃門無淺近之不爲悉說

唐元次山文集卷第八

時議三篇

有表

臣某言臣自以昏庸無堪逸浪江海陛下忽降公詔遠徵愚臣陛下豈不以凶逆未除盜賊屢起百姓勞苦力用不足將社稷大計與天下圖之者乎荒野賤臣始見軒陛又拘限忌諱不能悉下情以上聞則陛下又安用煩勞車乘招禮賢異臣實不能當君子之羞受小人之辱故編輿草之說爲三篇名曰時議敢以上聞抵冒天威謹伏待罪臣結頓首謹上乾元二年九月日前進士元結表上

時議上篇

時之議者或相問曰往年逆亂之兵東窮江海南極淮漢西抵秦塞北盡幽都今趙衛之疆悉爲盜有凶勇之徒在四方者幾百餘萬如屯守二京從衛魁帥者不計當時之兵可謂強矣當時人心已不固矣天子獨以數騎僅至靈武引聚餘弱憑陵強寇頓軍岐陽師及渭西會不踰時竟摧堅銳復兩京逆類悉收河南州縣今河北隴陰姦逆尙餘今山谷江湖稍多亡命今所在盜賊屢犯州縣今天下百姓咸轉流亡今臨敵將士多喜奔散今賢士君子不求任使天子往在靈武至于鳳翔無今日兵革而能勝敵無今日禁制而無亡命無今日威令而盜賊不起無今日財用而百姓不亡無今日封賞而將士不散無今日朝廷而人思任使何哉豈天子能以弱制強不能以強制弱豈天子能以危求安而忍以未安忘危時之議者或相對曰此非難言甚易言矣天子往年悲恨陵廟爲凶逆傷汚怨憤上皇忽南幸巴蜀哀傷宗戚多見誅害驚惶聖躬動息無所是以勤勞不辭親撫士卒與人權位信而不疑渴聞忠直過則喜改如此所以能以弱制強以危求安今天子重城深宮謙和而居冕旒清晨纓佩而朝太官具味當時而食太常脩樂和聲而聽軍國機務參詳而進萬姓疾苦時或不聞而廐有良馬宮有美女輿服禮物日月以備休符

佳瑞相繼而有朝廷歌頌威德大業四方貢賦尤異品物公族姻戚喜荷帝恩諸臣戲官怡愉天顏而文武大臣至於公卿庶官皆權位爵賞名實之外自己過望此所以不能以強制弱忍以未安忘危若天子能視今日之安如靈武之危事無大小皆若靈武何寇盜強弱可言當天下日無事矣

時論中篇

時之議者或相謂曰吾聞道路云云說士人共自謀曰昔我奉天子拒凶逆勝敵則家國兩全不勝則家國兩亡所以生死決戰是非極諫今吾屬名位已重財貨已足爵賞已厚勤勞已極天下若安吾何苦哉天下若不安吾屬外無仇讎相害內無窮賤相迫何苦更當鋒刃以近死乎何苦更忤人主以近禍乎又聞之曰嗚呼吾州里有忠義之者仁信之者方直之者今或有病父老母孤兒寡婦如身能存者力役乞丐凍餒不足況於死者父母妻子人誰哀之又聞曰今天下殘破蒼生危急受賦役者多寡弱貧獨流亡死生悲憂道路亦極矣天下若安我等豈無隴畝以自處若不安我等不復以忠義仁信方直死矣縱有益於我者安則隨之人且如此其然何故時之議者相對曰今國家非欲其然蓋失於太明太信而然耳夫太明則見其內情將藏內情則罔惑生焉罔上惑下能令必信信可必矣故太信焉太信之中至姦元惡卓然而存如此使朝廷遂亡公直天下遂失忠信蒼生遂益冤怨如公直亡矣忠信失矣冤怨生矣豈天子大臣之所喜乎將欲理之能無端內吾屬議於野者又何所及

時議下篇

時之議者或相問曰今天子思安蒼生思滅姦逆思致太平方力圖之非不勤勞於今四年而說者異之何哉時之議者或相對曰如天子所思如說者所異天子大臣非不知之凡有制誥皆嘗言及言雖殷數事皆不行前後再三頗類諧戲今或有仁恤之詔憂勤之誥人

皆族立黨語指而議之其由何哉以言而不行之故也天子不知其然以爲言雖不行足堪沮勸嗚呼沮勸之道在明審均當而必行也必不行矣有言何爲自太古已來致理興化未有言之不行而能至矣若天子能追行已言之令必行將來之法且免天下無端難徭且除天下隨時弊法且去天下拘忌煩令必任天下賢異君子屏斥天下姦邪小人然後推仁信威令與之不惑此帝王常道何爲不及

管仲論

自兵興已來今三年論者多云得如管仲者一人以輔人主當見天下太平矣元子異之曰嗚呼何是言之誤耶彼管仲者人耳止可與議私家畜養之計止可以修鄉里畎畝之事如此仲當少容與焉至如相諸侯材量亦似不足致齊及霸材量極矣使仲見帝王之道與國之禮則天子之國不衰諸侯之國不滅如曰不然請有所說仲之相齊及齊疆富則合請其君恢復王室節正諸侯君若惑之則引禍福以喻之如約諸侯之說君既聽矣然後約諸侯曰今王室將卑諸侯更彊文王風化殘削向盡武王疆域割奪無幾禮樂不知其由征伐何因而出我是故謹疆域勉日夜望振兵威可臨列國得與諸侯會盟一旦能新復天子之正朔更定天子之封畿上奉天子復先王之風化下令諸侯復先公之制度以爲何如若皆不從我則以兵臨於魯魯不敢不從則與魯西臨宋鄭宋鄭從則與三國北臨燕衛燕衛從則與諸國西臨秦晉秦晉從則與七國以尺簡約吳楚吳楚從則天下無不從之國然後定約若有果不從者則約從者曰吾屬以禮義尊天子以法度正諸侯使小國不常患弱大國不敢怙彊此誠長世之策若天子國亡則諸侯交爭兵戈相臨誰爲彊弱則安得世世禮讓相服宗廟血食我是故力勸諸侯尊天子今謀國猶豫宜往問之君不從約則與諸侯率兵伐之分其疆土遷其子孫留百里之地奉其宗社下爲諸侯廣子孫之業上爲天子除不順之臣何如如此則諸

侯誰敢不從然後定天子封畿諸侯疆域輿服器玩禮樂法度征賦貢輸自齊魯節正節正即定乃共盟曰有貳約者當請命天子廢其驕凶以立恭順廢其荒惑以立明哲敢不聽者伐而分之如初約制定於是諸侯先各造邸於天子之都諸侯乃相率朝覲已而從天子齋戒拜宗廟禮畢天子誓曰於戲王室之卑久矣予不敢望皇天后土之所覆載將旦暮阜隸於諸侯不可則願全肌骨下見先王今諸侯不忘先王之大德不忘先公之忠烈共力正王室俾予主先王宗祀子若昏荒淫虐不納諫諍失先王法度上不能奉宗祀下不能安人民爾諸侯當理爾軍卒修爾矛戟約爾列國罪予凶惡嗣立明辟予若能日勉孱弱力遵先王法度上奉宗祀下安人民爾諸侯當保爾疆域安爾人民修爾貢賦共予郊祀予有此誓豈云及予將及來世子敢以此誓誓於宗廟予敢以此誓誓於天地諸侯聞天子之誓相率盟曰天子有誓俾我諸侯世世得力扶王室使先王先公德業永長諸侯其各銘天子之誓傳之後嗣我諸侯重自約曰諸侯有昏惑當如前盟若天子昏惑不嗣虐亂天下諸侯當力共規諷諫諍如甚不可則我諸侯共率禮兵及王之畿復諫諍如初又甚不可進禮兵及王之郊終不可進禮兵及王之宮兵及王之宮矣當以宗廟之憂咨之當以人民之怨咨之當以天子昔誓咨之當以諸侯昔盟咨之以不敢欺先王先公告之以不敢欺皇天后土告之然後如天子昔誓如諸侯昔盟使管仲能如此則周之天子未爲奴矣諸侯之國則未亡矣秦於天下未至是矣如曰仲才及也君不從也仲智及也時不可也則仲曾是謀也乎君不從之也歟仲曾是爲也乎時之不可也歟況今日之兵不可以禮義節制不可以盟誓禁止如仲之輩欲何爲矣文粹夫

元子天寶中會預譙於諫大夫之座酒盡而無以續之大夫歎曰諫

元子天寶中會預譙於諫大夫之座酒盡而無以續之大夫歎曰諫

議散冗者貧無以繼酒嗟哉元子醉中議之曰大夫頗能用一謀令大夫尊重如侍中威權等司隸何若大夫問謀對曰得寢婢一人在人主左右以寢言先諷則可請有所說大夫不聞古有邵侯侯家得寢婢寐則寢言言則侯輒鞭之如是一歲婢寢如故侯無如婢何有夷奴每厭勞辱寐則假寢其言似不怨而若忠信侯聞問之則曰素有寢病寐中寢言非所知也引寢婢自辨辭說云云侯疑學婢鞭之不止髡之鉗之奴寢愈甚奴於是重窺侯意先事寢說說侯之過警以禍福侯又無如奴何客有知侯禍機因寢奴之先扣侯門諫侯以改過免禍侯納客爲上賓復反其奴命曰寢良氏子孫世在于邵大夫誠能學奴效婢假寢言以譏諫人主悔過追誤與天下如新大夫見尊重威權何止侍中司隸大夫乃歎曰嗚呼吾謂今之士君子曾不如邵侯夷奴

丐論

天寶戊子中元子遊長安與丐者爲友或曰君友丐者不太下乎對曰古人鄉無君子則與雲山爲友里無君子則與松竹爲友坐無君子則與琴酒爲友出遊於國見君子則友之丐者今之君子吾恐不得與之友也丐者丐論子能聽乎吾既與丐者相友喻求罷丐友相喻曰子羞吾爲丐耶有可羞者亦曾知之未也嗚呼於今之世有丐者丐宗屬於人丐嫁娶於人丐各位於人丐顏色於人甚者則丐權家奴齒以售邪妄丐權家婢顏以容媚惑有自富丐貧自貴丐賤於刑丐命命不可得就死丐時就時丐息至死丐全形而終有不可丐者更有甚者丐家族於僕圉丐性命於臣妾丐宗廟而不取丐妻子而無辭有如此者不爲羞哉吾所以丐人之棄衣丐人之棄食提攜倚杖在於路傍且欲與天下之人爲同類耳不然則無顏容行於人間矣丐衣食貧也以貧乞丐心不慚迹與人同示無異也此君子之道君子不欲全道耶幸不在山林亦宜且嬰杖隨我作丐者之狀貌

學丐者之言辭與丐者之相逢使丐者之無恥庶幾世始能相容吾子無矯然取不容也於戲丐者言語如斯可爲編爲丐論以補時規

漫論 并序

乾元己亥至寶應壬寅蒙時人相誚議曰元次山嘗漫有所爲且漫辭官漫聞議云云因作漫論曰

世有規檢大夫持規之徒來問叟曰公漫然何爲對曰漫爲何似然對曰漫然規者怒曰人以漫指公者是他家惡公之辭何得翻不惡漫而稱漫爲漫何檢括漫何操持漫何是非漫不足準漫不足規漫無所用漫無所施漫也何效漫焉何師公髮已白無終感之叟俛首而謝曰吾不意公之說漫而至於此意如所說漫焉足取吾當於漫終身不羞著書作論當爲漫流於戲九流百氏有定限耶吾自分張獨爲漫家規檢之徒則奈何

化虎論

都昌縣大夫張黎君英將之官與其友賈德方元次山別且曰吾邑多山澤可致麋鹿爲二賢羞賓客何如及到官書與二友曰待我化行旬月使虎爲鹿豺爲麋梟爲鵲鵲爲鵲蝦蟆爲兔將以豐江外庖廚豈獨與德方次山之羞賓客也德方對曰嗚呼兵興歲久戰爭日甚生人怨痛何時休息君英之化豈及豺虎將恐虎窟公城豺遊公庭梟集公楹羣蛙匝公而鳴敢以不然之論返化君英賈德方報君英化虎之論宜豈直望化虎哉次山請商之君英所謂待吾化豺虎然後羞於屬也其意蓋欲待朝廷化小人爲君子化詭媚爲公直化姦逆爲忠信化競進爲退讓化刑法爲典禮化仁義爲道德使天下之人皆涵純樸豈止化虎而羞我哉德方未量君英耶次山故編所言爲化虎之論

辯惑二篇 有序

議者多惑朱公叔第五與先所爲故引之作辯惑二篇以喻惑者

其意亦欲將辯惑與時人爲勸懼之方

上篇

昔南陽朱公叔爲冀州刺史百城長吏多懼罪自去公叔不舉法彈理之聽其去官而已惑者曰公叔才達者也苟能威畏苟能逃罪當下自新之令不問前時之過公叔之爲也是哉辯者曰嗚呼先王作法令蓋欲禁貪邪絕兇暴使人不得苟免是以惡蒙異世之誅善及子孫之賞若法令不行則無以沮勸苟失沮勸則賞罰何爲嗚呼先王懼人民自相侵害故官人以理之加其爵祿使其富貴蓋爲其能理養人民者也彼乃絕理養之心以殺奪爲務去而不理而曰是乎豈有冠冕軒車佩符持節取先王典禮以爲盜具將天下法令而爲盜資乎致使金寶千囊財貨百車令彼盜類各爲富家公叔不理奈何咨嗟

下篇

昔第五興先爲詔使舉奏刺史二千石蒙削免者甚衆興先以奉使稱職獲遷官焉惑者曰興先能糾劾過惡直哉使臣遷秩次也宜乎辯者曰夫理人貴久其法明其禁使人知常且長也漢家法不常耶禁不長耶何得興先暴將威令急操刑獄使蒙戮辱者如斯多乎若漢家天下法禁皆如冀州四方詔使皆如興先則亂生於令出禍作於遣使誰爲惑者聽我商之嗚呼畏陷人於法故先於禁制有抵犯者理而刑之示其必常也人始知懼先王欲人自名故爲善者賞之俾人勸而無懼然後乃理所以施賞罰於人民令似衣冠不可脫去如此懸勸乃能措刑殺致太平耳故曰賞善而不罰惡則亂罰惡而不賞善亦亂賞罰不行與過差必止若如此漢家之法在乎興先之爲是也乎衆人之感喻無

喻友

天寶丁亥中詔徵天下士人有一藝者皆得詣京師就選相國曾公

林甫以草野之士猥多恐洩漏當時之機議於朝廷曰舉人多卑賤愚瞶反拜不識禮度恐有俚反士言汙濁聖聽於是奏待制者悉令尙書長官考試御史中丞監之試如常吏如吏部試已而布衣之士無有第者遂表賀人主以爲野無遺賢元子時在舉中將東歸鄉人有苦貧賤者欲留長安依託時權徘徊相謀因諭之曰昔世已來共尙丘園潔白之士蓋爲其能外獨自全和不就飢寒切身不爲勞苦自守窮賤甘心不辭忽天子有命聘之玄纁束帛以先意薦論擁簪以導道欲有所問如咨師傳聽其言則可爲規戒考其行則可爲師範用其材則可約經濟與之權位乃社稷之臣君能忘此而欲隨逐驚駘入棧檻中食下廐藿乾下候辨反爲人後騎負卑隸受鞭箠耶人生不方正忠信以顯榮則介潔靜和以終老鄉人於是與元子偕歸於戲貴不專權罔惑上下賤能守分不苟求取始爲君子因喻鄉人得及林甫言意可存編爲喻友

唐元次山文集卷第八

唐元次山文集卷第九

元魯縣墓表

天寶十三年元子從兄前魯縣大夫德秀卒元子哭之哀門人叔盈問曰夫子哭從兄也哀不亦過乎禮與對曰汝知禮之過而不知情之至叔盈退謂其徒曰夫子之哭元大夫也兼師友之分亦過矣元子聞之召叔盈謂曰吾誠哀過汝所云也元大夫弱無所固壯無所專老無所存死無所餘此非人情所耽溺喜愛似可惡者大夫無之如戒如懼如憎如惡此其無情此非有心士君子知焉不知也吾今之哀汝知之焉而不知也嗚呼元大夫生六十餘年而卒未嘗識婦人而視錦繡不頌之何以戒荒淫侈靡之徒也哉未嘗求足而言利苟辭而便色不頌之何以戒貪猥佞媚之徒也哉未嘗主十畝之地十尺之舍十歲之童不頌之何以戒占田千夫室宇千柱家童百指之徒也哉未嘗帛布帛而衣具五味而食不頌之何以戒綺紈梁肉之徒也哉於戲吾以元大夫德行遺來世清獨君子方直之士也歟

哀丘表

乾元庚子元子理兵于有泌之南泌南至德丁西爲陷邑乾元己亥爲境上殺傷勞苦言可極耶街郭亂骨如古屠肆於是收而藏之命曰哀丘或曰次山之命哀丘也哀生人將盡而亂骨不藏者乎哀壯勇已死而名跡不顯者乎對曰非也吾哀凡人不能絕貪爭毒亂之心守正和仁讓之分至今吾有哀丘之怨歟

左黃州表

乾元己亥贊善大夫左振出爲黃州刺史下車黃人歌曰我欲逃鄉里我欲去墳墓左公今既來誰忍棄之去於戲天下兵興今七年矣河淮之北千里荒草自關已東海濱之南屯兵百萬不勝征稅豈獨黃人能使其人忍不去者誰曰不可頌乎後一歲黃人又歌曰吾鄉

有鬼巫惑人人不知天子正尊信左公能殺之於戲近年以來以陰陽變怪將鬼神之道罔上惑下得尊重於當時者日見欺人黃之巫女亦以妖妄得蒙恩澤朝廷不敢問州縣惟其意公忿而殺之則彼可誅戮豈獨巫女如左公者誰曰不可頌乎居三年遷侍御史判金州刺史將去黃黃人多去思故爲黃人作表如左氏世系左公歷官及黃之門生故吏與女巫事則南陽左公能悉記之

呂公表

上元二年置南都於荊州爲江陵府使舊相東平呂公爲江陵尹兼御史大夫分峽中湖南及武陵澧陽巴陵凡一十七州爲荊南節度觀察使公理荊南二年五十一薨于官嗚呼使公年壽之不將也天其未厭兵革不愛蒼生歟公明不盡人之私惠不取人之愛威不致人之懼令不求人之犯正不刑人之僻直不指人之取故各不異俗跡不矯時內含端明外與常規其大雅君子全於終始者耶公所以進退其身人不知其道公所以再在台衡人不知其德頌元化者誰預頌乎於戲公將用於人而不見其用人將得於公而公忘其所得乎結等迹參名業嘗在幕下將紀威德示於來世故刻金石留於此邦

惠公禪居表

泝樊水二百餘里有湧溪入溪八九里有蛇山之陽是惠公禪居禪師以無情待人之有情以有爲全己之無欲各因其性分莫不與善知人困窮喻使耕織因人災患勸守仁信故閭里相化恥爲弋釣日勤種植不五六年沮澤有溝塍荒阜有阡陌桑果竹園如伊洛間所以愛禪師者無全行無全道豈能及此鄉人欲增脩塔廟託禪師以求福禪師亦隨人之意而制造焉直門臨溪廣堂背山庭列雙臺脩廊夏寒松竹蒼蒼周流清泉岑嶺複抱衆山回旋斯亦曠絕之殊境矣吾以所疑咨於禪師禪師曰我恐人忘善以事誘人及人將善固

不以事爲累吾以所惑咨於禪師禪師曰公若以惑相問我亦惑於問焉公若無惑我復何對於戲吾漫浪者也焉能盡禪師之意乎縣大夫孟彥深王文淵識名顯當世必能盡禪師之意故命之作贊贊曰
聖者忘跡達人化心惠公之妙無得而尋如山出雲如水涵月惠公得之演用不竭無情之化可洽羣黎將引天下同於湧溪

夏侯岳州表

癸卯歲岳州刺史夏侯公歿于私家門人弟子愛思不忘願旌遺德將顯來世會予詔許優閑家于樊上故爲公作表庚子中公鎮岳州予時爲尙書郎在荆南幕府嘗因廉問到公之州其時天下兵興已六七十年矣人疲州小比太平時力役百倍公能清正寬恕靜以理之故其人安和而服說爲當時法則及公罷歸州里公家與吾相鄰見公在州里與山野童孺與當道辭色均若語是非得喪語天壽哀樂戀意澹然吾是知道勝於內者物莫能撓德充於外者事不能誘公之所至其獨有乎於戲公既壽而貴保家全歸於今之世誰不榮羨於公之世嗣與公官則本縣大夫李公狀著之矣

舜祠表

有唐乙巳歲使持節道州諸軍事守道州刺史元結以虞舜葬於蒼梧之九疑之山在我封內是故申明前詔立祠于州西之山南已而刻石爲表於戲孔氏作虞書明大舜德及生人之至則大舜於生人宜以類乎天地生人奉大舜宜萬世而不厭考大舜南巡之年時已一百一十二歲矣自中國至蒼梧亦幾有萬里蒼梧山谷深險可懼帝竟入而不回至今山下之人不知帝居之宮帝葬之陵嗚呼在有虞氏之世人民可奪其君耶人民於大舜能忘而不思耶何爲來而不歸何故死於空山吾實感而作表來者遊於此邦登乎九疑誰能不惑也歟

崔潭州表

乙巳歲潭州刺史崔灌去官州人衡州司功參軍鄭洌爲鄉人某等請余爲崔公作表公前在澧州謫頌之聲達于朝廷褒異之詔與人爲程及領此州在今日能使孤老寡弱無悲憂單貧困窮安其鄉富豪強家無利害買人就食之類各得其業職役供給不置人而當於有司若非清廉而信正直而仁則不能至於觀察御史中丞孟公秦課又第一會國家以犬戎爲虞未卽徵拜使蒼生正喝反歌而去其床廕使蒼生正渴而飲其清源時艱道遠州人等不得詰闕冤訴且欲刻石立表以彰盛德於戲刺史有土官也千里之內品刑之屬不亦多乎豈可令凶豎暴類貪夫姦黨以貨權家而至此官如崔公有者豈獨真刺史耳鄭洌之爲豈苟媚其君而私於州里耶蓋懼清廉正直之道溺於時俗君子遺愛之心不顯來世故采其意而已矣

張處士表

永泰丙午中處士張秀卒於戲吾嘗驗古人將老死巖谷遠跡時世者不必其心皆好山林若非介直方正與時世不合必識高行獨與時世不合不然則剛褊傲逸與時世不合彼若遭逢不容則身不足以爲禍將家族以隨之至於傷污毀辱何足說者故使之矯然絕世逃其不容直爲逸民竟爲退士枕石飲水終身而已當時之君欲以祿位招之有土之官欲以厚禮處之彼驚懼抗絕而去時之見能如此所以尤高尚焉嗚呼處士與時不合者耶而未能矯然絕世遭以禮法相檢不見容悲夫

菊圃記

春陵俗不種菊前時自遠致之植於前庭牆下及再來也菊已無矣徘徊舊圃嗟歎久之誰不知菊也芳華可賞在藥品是良藥爲蔬菜是佳蔬縱須地越走猶宜徙植脩養而忍蹂踐至盡不愛惜乎於戲賢士君子自植其身不可不慎擇所處一旦遭人不愛重如此菊也

悲傷奈何於是更爲之圃重畦植之其地近讌息之堂吏人不此奔走近登望之亭旌麾不此行列縱參歌妓菊非可惡之草使有酒徒菊爲助興之物爲之作記以託後人并錄樂經列於記後

廣宴亭記

樊水東盡其南乃樊山北鮮津吏欲於鮮上而爲候舍漫叟家于樊上不醉則閑乃相其地形驗之圖記津實爲宴遊之處縣大夫馬公登之歎曰謝公贈伏武昌詩云樊山開廣宴非此地耶吾欲因而脩之命曰廣宴亭何如漫叟頌之曰古人將修廢遺尤異之事爲君子之道於戲天下有廢遺尤異之事如此亭者誰能脩而旌之天將厭悔往乎使公方壯而有是心也當裁畜簡札待爲之頌故作此廣宴記

殊亭記

癸卯中扶風馬向兼理武昌以明信嚴斷惠正爲理故政不待時而成於戲若明而不信嚴而不斷惠而不正雖欲理身終不自理況於人哉公能令人理使身多暇招我畏暑且爲涼亭亭臨大江復出山上佳木相蔭常多清風巡迴極望目不厭遠吾見公才殊政殊跡殊爲此亭又殊因命之曰殊亭斯石刻立于亭側庶幾來者無所惑焉

右溪記

道州城西百餘步有小溪南流數十步合營溪水抵兩岸悉皆怪石欹嵌盤屈不可名狀清流觸石洄懸激注休木異竹垂陰相蔭此溪若在山野則宜逸民退士之所遊處在人間可爲都邑之勝境靜者之林亭而置州已來無人賞愛徘徊溪上爲之悵然乃疏鑿蕪穢俾爲亭宇植松與桂兼之香草以裨形勝爲溪在州右遂命之曰右溪刻銘石上彰示來者

刺史廳記

天下太平方千里之內生植齒類刺史乃存亡休感之係天下兵興方千里之內能保黎庶能攘患難在刺史爾凡刺史若無文武才略若不清廉肅下若不明惠公直則一州生類皆受災害於戲自至此州見并邑丘墟生人幾盡試問其故不覺涕下前輩刺史或有貪猥昏弱不分是非但以衣服飲食爲事數年之間蒼生蒙以私欲侵奪兼之公家驅迫非姦惡強富殆無存者問之耆老前後刺史能恤養貧弱專守法令有徐公履道李公虞而已遍問諸公善或不及徐李惡有不堪說者故爲此記與刺史作戒自置州已來諸公改授遷紕年月則舊記存焉

茅閣記

乙巳平昌孟公鎮湖南將二歲矣以威惠理戎旅以簡易肅州縣刑政之下則無撓人故居方多閑時與賓客嘗欲因亭引望以紓遠懷偶愛古木數株重覆城上遂作茅閣蔭其清陰長風寥寥入我軒檻扇和爽氣滿於閣中世傳衡陽暑濕鬱蒸休息於此何爲不然今天下之人正苦大熱誰似茅閣蔭而床之於戲賢人君子爲蒼生之床蔭不如是耶諸公歌詠以長之俾茅閣之什得系嗣於風雅者矣

九疑圖記

九疑山方二千餘里四州各近一隅世稱九峯相似望而疑之謂之九疑亦云舜登九峯疑禹而悲從臣有作九悲之歌因謂之九疑九峯殊極高大遠望皆可見也彼如嵩華之峻崎衡岱之方廣在九峯之下磊磊然如布碁石者可以百數中峯之下水無魚鼈林無鳥獸如蟬蠅之類聽之亦無往往見大谷長川平田深淵杉松百圍榕栝並之青莎白沙洞穴丹崖寒泉飛流異竹雜華回映之處似藏人家實有九水出於中山四水流灌於南海五水北注合爲洞庭若度其高卑比洞庭南海之岸直上可二三百里不知海內之山如九疑者幾焉或曰若然者茲山何不列於五嶽對曰五帝之前封疆尙隘衡

山作嶽已出荒服今九疑之南萬里臣妾國門東望不見涯際西行幾里未盡邊陲當合以九疑爲南嶽以崑崙爲西嶽衡陽之輩聽逸者占爲山封君表作園囿耳但苦當世議者拘限常情牽引古製不能有所改創也如何故圖九峯略載山谷傳於好事以旌異之如山中之往跡峯洞之名稱爲人所傳說者並隨方題記庶幾觀者易之時永泰丙午中也

寒亭記 在江華縣

永泰丙午中巡屬縣至江華縣大夫瞿令問咨曰縣南水石相映望之可愛相傳不可登臨俾求之得洞穴而入棧險以通之始得構茅亭於石上及亭成也所以階檻憑空下臨長江軒楹雲端上齊絕巔若日暮景氣煙靄異色蒼蒼石墉含映水木欲名斯亭狀類不得取請名之表示來世於是于亭上爲商之曰今大暑登之疑天時將寒炎烝之地而清涼可安不合命之曰寒亭歟乃爲寒亭作記刻之亭背

唐元次山文集卷第九

唐元次山文集卷第十

爲董江夏自陳表

臣某言月日勅使某官某乙至賜臣制書示臣云云伏見詔旨感深驚懼臣豈草木不知天心頃者潼關失守皇輿不安四方之人無所繫命及永王承制出鎮荆南婦人童子忻奉王教意其然者人未離心臣謂此時可奮臣節王初見臣謂臣可任遂授臣江夏郡太守近日王以寇盜侵偏總兵東下旁牒郡縣皆言巡撫令諸道節度以爲王不奉詔兵臨郡縣疑王之議聞於朝廷臣則王所授官有兵防禦鄰郡並疑臣順王旬日之間致身無地臣本受王之命爲王奉詔王所授臣之官爲臣許國忠正之分臣實未虧蒼黃之中死幾無所不圖今日得達聖聽今臣年六十老母在堂縱未能奉義捐生則豈忍兩忘忠孝臣少以文學爲諸生所多中年自顧逸在山澤聖明無事甘爲外臣無何以鄙僻之故反爲人知遂污官次以至今日臣又頃年貶謫罪未昭洗今所授官復越班秩罷歸待罪是臣之分今陛下以王室艱難寄臣方面亦已忘身許國誓於皇天伏惟陛下念臣懇至謹因勅使某官奉表以聞臣某云云謹言

辭監察御史表

上元元年進

臣某言臣伏奉某月日勅除臣監察御史裏行依前充山南東道節度參謀忽承天澤不勝慶喜負荷恩任伏增憂懼臣在至德元年舉家逃難生幾於死出自賊庭遠如海濱敢望冠冕陛下過聽疑臣有才謀可用謂臣以忠正可嘉枉以公詔徵臣延問當時之事言未可取榮寵已殊事未可行授任過次其時以康元狡逆陛下憂勞臣亦不辭疲駑奉宣聖旨招集士卒師旅未成又逢張瑾姦凶再驚江漢臣恐陛下憂無制變遂曾表請用兵陛下嘉臣懇愚頻降恩詔聖私殊甚特加超擢至今臣自布衣未踰數月官忝風憲任兼戎旅今不勞兵革凶堅伏辜臣不可終以無能苟安非望自茲臣逆命於今六

年愧無才能苟求祿位分符佩印不知慙羞戮辱及之死將不悔陛下忍而從者其可勝言臣才弱識下非智無謀循涯顧分實自知恥臣老母多病又無弟兄漂流殊鄉孤弱相養伏願陛下矜臣愚鈍不合齒於朝列念臣老母令臣得以奉養則聖朝無辱官之士山澤有純孝之臣不任悃款之至謹遣某官奉表陳請以聞臣云云謹言

爲呂荆南謝病表

臣某言臣自去秋疾疹以至今日轉加羸弱庶事不理某月日附某官口奏請替某月日又進狀陳情未蒙允許伏增憂懼陛下應以臣久曾驅策未忍替臣臣實憂陛下方隅切須鎮守臣不能起止四十餘日艱虞之際實慮變生今淮西敗散唐鄧危急在臣病癯豈敢偷安伏望天恩即與臣替儻餘生尙在得至闕庭犬馬之心死生願畢不勝懇款之至謹遣某官奉表陳乞以聞云云

請節度使表

寶應元年進

臣某言臣自以愚弱無堪遠跡江湖全身之外無所冀望陛下過聽徵臣顧問今臣起家數月之內官忝臺省爾來三歲無益効用愧恥之甚在臣無踰臣竊以荆南是國家安危之地伏願陛下不輕易任人陛下若獨任武臣則州縣不理若獨任文吏則戎事多闕自兵興已來今八年矣使戰爭未息百姓勞弊多因任使不當致使敗亡伏惟陛下審擇重臣即日鎮撫全陛下上游之地救愚臣不逮之急謹遣某官奉表以聞

乞免官歸養表

臣某言臣以爲才不稱任位過其量不自知分禍辱皆及臣才不如人量實偏僻踰越秩次忝辱衣冠人亦有愍臣自知愧臣少以愚弱不願爲吏書學自業老於儒家今迹在軍中日預戎事此過臣才分近於禍辱者矣臣常恐荒浪失於禮法自逸山澤預於生類今穢污臺省紊亂時憲此過臣才分近於禍辱者矣伏惟陛下察臣才分不

令亂官則貪冒苟進之徒自臣知恥陛下若官不失人則天下自理故曰天下理亂繫之官人臣以爲官人之難無敢易者陛下焉可易於臣哉臣無兄弟老母久病所願免官奉養生死願足上不敢汚陛下朝列是臣之忠下不欲貽老母憂懼是臣之孝願全忠孝於今日免禍辱於將來伏惟陛下許臣免官許臣奉養在臣慶幸無以比喻謹遣某官奉表陳請以聞云云

謝上表 廣德二年道州進

臣某言去年九月勅授道州刺史屬西戎侵軼至十二月臣始於鄂州授勅牒即日赴任臣州先被西原賊屠陷節度使已差官攝刺史兼又聞奏臣在道路待恩命者二月臣以五月二十二日到州上訖耆老見臣俯伏而泣官吏見臣以無業色城池井邑但生荒草登高極望不見人煙嶺南數州與臣接近餘寇蟻聚尚未歸降臣見招輯流亡率勸貧弱保守城邑倉種山林冀望秋後少可全活臣愚以爲今日刺史若無武略以制暴亂若無文才以救疲弊若不清廉以身率下若不變通以救時須一州之人不叛則亂將作矣豈止一州者乎臣料今日州縣堪征稅者無幾已破敗者實多百姓戀墳墓者蓋少思流亡者乃衆則刺史宜精選名臣以委任之固不可拘限官次得之貨賄出之權門者也凡授刺史特望陛下一年問其流亡歸復幾何田疇墾闢幾何二年問畜養比初年幾倍可稅比初年幾倍三年計其功過必行賞罰則人皆不敢冀望僥倖苟有所求臣實孱弱辱陛下符節陛下必當名臣擇臣固宜廢歸山野供給井稅臣不任懇款之至謹遣某官奉表陳謝以聞

再謝上表 永泰三年進

臣某言某伏奉某月日勅再授臣道州刺史以某月日到州上訖臣前日在官雖百姓不至流亡而歸復者十無一二雖寇盜不犯邊鄙而不能兵救鄰州雖賦斂僅能供給而有司不無罪狀雖人吏似從

教令而風俗未能移易臣又多病不無假故水旱災沴每歲不免疾疫死傷臣州尤甚以臣自訟合抵刑憲聖朝寬貸猶宜奪官陛下過聽重有授任伏恐守廉讓者以臣爲苟安祿位抱公直者以臣爲內懷私僻有材識者辱臣於臺隸之下用刑法者罪臣於程式之中臣所以不敢即日辭免待陛下按驗虛實然後歸罪有司今四方兵革未寧賦斂未息百姓流亡轉甚官吏侵剋日多實不合使凶庸貪猥之徒凡弱下愚之類以貨賂權勢而爲州縣長官伏望陛下特加察問舉其功過必行賞罰以安蒼生誰不自私臣實不敢所言狂直朝夕待罪不任懇款之至謹遣某官奉表陳謝

廣德二年賀赦表

臣某言伏奉某月日赦宣示百姓訖伏惟陛下以慈惠馭兆庶以謙讓化天下凡所赦宥皆允人望凡所敦勸皆合大經生識之類不勝大幸臣方領陛下州縣守陛下符節不得稱慶下位蹈舞闕廷不任歡戀之至

永泰元年賀赦表

臣某言某月日恩赦至州宣示百姓訖百姓貧弱者多勞苦日久忽蒙惠澤更相喜賀歡呼忭躍不自禁止伏惟陛下增脩典禮弘正紀度勞謙慈惠與人更新此實興王之威烈明主之至德戴履天地誰不慶幸臣方守州縣不得蹈舞闕廷無任歡忻之至

請省官狀 乾元二年唐鄧等州縣官

右方城縣舊萬餘戶今二百戶已下其南陽向城等縣更破碎於方城每縣正員官及攝官共有六十人

以前件如前自經逆亂州縣殘破唐鄧兩州實爲尤甚荒草千里是其疆畝萬室空虛是其井邑亂骨相枕是其百姓孤老寡弱是其遺人哀而恤之尚恐冤屈肆其侵暴實恐流亡今賊寇憑凌鎮兵資其給養今河路阻絕郵驛在其供奉若不觸事救之無以勞勉其苦爲

之計者在先省官其方城湖陽等縣正官及攝官并戶口多少具狀如前每縣伏望量留令并佐官一人餘並望勒停謹錄狀上

請給將士父母糧狀上元元年上大夫

當軍將二千人父隨子者四人母隨子者二十八人

以前件如前將士父母等皆因喪亂不知所歸在於軍中爲日久亦久夫孝而仁者可與言忠信而忠信者可以全義勇豈有責其忠信使之義勇而不勸之孝慈恤以仁惠今軍中有父母者皆共分衣食先其父母寒餒日甚未嘗有辭其將士父母等伏望各量事給其衣食則義有所存恩有所及俾人感勸實在於此謹錄狀上

請收養孤弱狀上元元年上大夫

當軍孤弱小兒都七十六人張季秀等三十九人無父母周國良等三十七人有父兄在軍

以前件狀如前小兒等無父母者鄉國淪陷親戚俱亡誰家可歸傭丐未得有父兄者其父兄自經艱難久從征戍多以忠義遭逢誅賊有遺孤弱子不忍棄之力相恤養以至今日乞令諸將有孤兒投軍者許收驅使有孤弱子弟者許令存養當軍小兒先取回殘及回易雜利給養謹錄狀上

舉呂著作狀寶應元年奏

故荆南節度觀察使江陵尹兼御史大夫呂譔姪男季重

右見任祕書省著作郎

以前件狀呂某立身無私歷官清儉身沒之後家無餘財長男幼小未了家事前件姪質性純厚識理通敏仁孝之性不慙古人自其疾甚不視事向五六十日軍府之事皆季重諮問事無大小處之無情以臣所見季重不獨爲賢子弟今時穀溥貴道路多虞漂流異鄉無以自給伏望大恩與季重便近州一正員官令其恤養孤幼謹錄奏聞伏聽勅旨

奏免科率狀廣德二年奏勅依

當州准勅及租庸等使徵率錢物都計一十三萬六千三百八十八貫八百文

一十三萬二千四百八十貫九百文嶺南西原賊未破州已前三千九百七貫九百足賊退後徵率

以前件如前臣自到州見庸租等諸使文牒令徵前件錢物送納臣當州被西原賊屠陷賊停留一月餘日焚燒糧儲屋宅俘掠百姓男女驅殺牛馬老少一州幾盡賊散後百姓歸復十不存一資產皆無人心嗷嗷未有安者若依諸使期限臣恐坐見亂亡今來未敢徵率伏待進止又嶺南諸州寇盜未盡臣州是嶺北界守捉處多若臣州不安則嶺南皆亂伏望天恩自州未破已前百姓久負租稅及租庸等使所有徵率和市雜物一切放免自州破已後除正租正庸及准格式合進奉徵納者請據見在戶徵送其餘科率並請放免容其見在百姓產業稍成逃亡歸復似可存活即請依常例處分伏願陛下以臣所奏下議有司苟若臣所見愚僻不合時政干亂紀度事涉虛妄忝官尸祿欺上罔下是臣之罪合正典刑謹錄奏聞

奏免科率等狀永泰二年奏勅依

當州奏永泰元年配供上都錢物總一十三萬二千六百三十三貫三十五文

四萬一千二十六貫四百八十九文請據見在堪差科送徵

九萬一千六百六貫五百四十六文配率請放免

以前件如前臣當州前年陷賊一百餘日百姓被焚燒殺掠幾盡去年又賊逼州界防捍一百餘日賊攻永州陷邵州臣州獨全者爲百姓捍賊今年賊過桂州又圍練六七十日丁壯在軍中老弱餽糧餉三年已來人實疲苦臣一州當嶺南三州之界守捉四十餘處嶺南諸州不與賊戰每年賊動臣州是境上之州若臣州陷破則湖南爲不守之地在於徵賦稍合優矜今使司配率錢物多於去年一倍已

上州縣徵納送者多於去年二分已下申請矜減使司未許伏望陛下以臣所奏令有司類會諸經賊陷州據合差科戶臣當州每年除正租正庸外更合配率幾錢庶免使司隨時加減庶免百姓每歲不安其今年輕貨及年支米等臣請准狀處分謹錄奏聞

論舜廟狀 永泰二年奏勅依

右謹按地圖舜陵在九疑之山舜廟在太陽之溪舜陵古老以失太陽溪今不知處秦漢已來置廟山下年代遠祠宇不存每有詔書令州縣致祭奠酌荒野恭命而已豈有盛德大業百王師表歿於荒裔陵廟皆無臣謹遵舊制於州西山上已立廟訖特乞天恩許蠲免近廟一兩家令歲時拂灑示爲恆式豈獨表聖人至德及於萬代實欲彰陛下玄澤及於無窮謹錄奏聞

舉處士張季秀狀 永泰二年奏勅依

臣州僻在嶺隅其實邊裔土風貪於貨賄舊俗多習吏事獨季秀能介直自全退守廉讓文學爲業不求人知寒餒切身彌更守分貴其所尚願老山林臣切以兵興已來人皆趨競苟利分寸不愧其心則如季秀者不可不加褒異臣特望天恩令州縣取其穩便與造草舍十數間給水田一兩頃免其當戶徭役令得保遂其志此實聖朝旌退讓之道亦爲士庶識廉恥之方謹錄奏聞

唐元次山文集拾遺

縣令箴

古今所貴有土之官當其選授何嘗不難爲其動靜是人禍福爲其噓噏作人寒燠煩則人怨猛則人懼勿以賞罰因其喜怒太寬則慢豈能行令太簡則疎難與爲政既明且斷直焉無情清而且惠果然必行或曰關由上官事不自我辭讓而去有何不可誰欲字人贈君此箴豈獨書紳可以銘心

五規

出規

元子門人叔將出遊三年及還元子問之曰爾去我久矣何以異乎諾曰叔將始自山中至長安見權貴之戚心憤然切悔比年於空山窮谷與夫子甘飢寒愛水木而已不數月自王公大夫卿相近臣之門無不至者及一年有向與歡宴過之可弔有始賀拜侯已聞就誅豈不裂封疆土未識豈無印綬懷之未暖其客得祿位者隨死得金玉者皆擊參遊宴者或刑或免叔將之身如犬逃者五六似鼠藏者八九當其時環望天地如置在杯斗之中元子聞之嘆曰叔將汝何思而爲乎汝若思爲社稷之臣則非正直不進非忠讜不言雖手足斧鉞口能出聲猶極忠言與氣偕絕汝若思爲祿位之臣猶當避赫赫之路晦顯顯之機如下廐粟馬齒食而已汝忽然望權勢而往自致身於刑禍之方得筋骨載肉而歸幸也大矣二三子以叔將爲戒乎

處規

州舒吾問元子曰吾聞子多矣意將何爲對曰雲山幸不求吾是林泉又不責吾非熙然能自全順時而老可矣復安爲哉舒吾曰元子其過謬乎其太矯也吾厭世人飾言以由道藏智以全璞退身以顯行設機以樹名吾子由之使我何信元子俛而謝之滕許大夫友元

子聞不應舒吾之說乃曰嗟嗟元子少辭者耶何不曰使吾得所處但如山林不見吾是非吾將娛音稀往也以子爲飾言藏智退身設機何不曰如此豈不多於盜權竊位蒙汗萬物富貴始及而刑禍促之者乎元子謝不及季川問曰旣旣旣凡之別稱終不復二論旣有意乎於戲季川吾有言則自是言達則人非吾安能使吾身之有是而令他人之有非至於聞聞也哉

戲規

元子友倚于雲丘之顛戲牧兒曰爾爲牧歌當不責爾暴牧兒歌去乃暴他田田主鞭之啼而冤元子啼不止召其父而止之元子友真卿聞之書過於元子曰嗟嗟次山苟戲小兒俾陷鞭焉而蒙冤之彼牧兒望次山猶臺隸不敢干其主及苟戲乃或與次山猶仇讎斯豈慎德也歟吾聞君子不苟戲無似非如何惑一兒使不知所以蒙過此非苟戲似非之非者耶惡不必易此元子報真卿曰於戲吾獨立於空山之上戲歌牧兒得過幾不可免彼行於世上有愛憎相忌是非相反名利相奪禍福相從至於有蒙戮辱者焉得不因苟戲似非世兒惑之以及者乎真卿吾當以戲爲規

心規

元子病遊世歸于商餘山中以酒自肆有醉歌里夫公聞之酸音多元子之酒請歌之歌曰元子樂矣俾和者曰何樂亦然何樂亦然我曰我雲我山我林我泉又曰元子樂矣俾和者曰何樂然爾何樂然爾我曰我真我目我口我耳歌已矣夫公曰自樂山林可也自樂耳目何哉人誰無此元子引酒當夫公曰勸君此杯酒緩飲之聽我說子行于世間目不隨人視耳不隨人聽口不隨人語鼻不隨人氣其甚也則須封包裹塞不爾有滅身亡家之禍傷汗毀辱之患生焉雖王公大人亦不能自主口鼻耳目夫公何思之不熟耶

時規

乾元己亥漫叟待詔在長安時中行公掌制在中書中書有醇酒時得一醉醉中叟誕曰願窮天下鳥獸蟲魚以充殺者之心願窮天下醇酎美色以充欲者之心中行公聞之歎曰子何思不盡耶何不曰願得如九州之地者億萬分封君臣父子兄弟之爭國者使人民免賊虐殘酷者乎何不曰願得布帛錢貨珍寶之物溢於王者府藏滿將相權勢之家使人民免饑寒勞苦者乎叟聞公言退而記之授於學者用爲時規

惡圓

元子家有乳母爲圓轉之器以悅嬰兒嬰兒喜之母使爲之聚孩孺助嬰兒之樂友人公植者聞戲兒之器請見之及見之趨焚之責元子曰吾聞古之惡圓之士歌曰寧方爲卑不圓爲卿寧方爲污辱不圓爲顯榮其甚者則終身不仰視曰吾惡天圓或有喻之以天大無窮人不能極遠視四垂因謂之圓天不圓也對曰天縱不圓爲人稱之我亦惡焉次山奈何任造圓轉之器恣令悅媚嬰兒少喜之長必好之教兒學圓且陷不義躬自戲圓又失方正嗟嗟次山入門愛嬰兒之樂圓出門當愛小人之趨圓吾安知次山異日不言圓行圓動圓靜圓以終身乎吾豈次山之友也元子召季川謂曰吾自嬰兒戲圓公植尙辱我言絕忽乎吾與汝圓以應物圓以趨時非圓不預非圓不爲公植其操矛戟刑我乎

惡曲

元子時與鄰里會曲全當時之懽以順長老之意歸泉上叔盈問曰向夫子曲全其懽道然也苟爲爾乎元子曰叔盈視吾曲其心以徇財利曲其行以希名位當過吾苟全一懽於鄰里無惡然可也東邑有全直之士聞元子對叔盈恐曰吾聞元次山約其門人曰無惡我之小曲真憎鄙惡辭也吾輩全直三十年未嘗曲氣以轉聲曲辭以達意曲步以便往曲視以回目猶患於古人古人有惡曲者不曲

臂以取物不曲膝以便坐見天下有曲於君曲於民曲於鬼神者往劫而死之今元次山苟曲言矣強全一懽以爲不喪其直願哉若能苟曲於鄰里強全一懽豈不能苟曲於鄉縣以全言行苟能曲於鄉縣豈不能苟曲於邦國以彰名譽能苟曲於邦國豈不能苟曲於天下以揚德義若言行名譽德義皆顯豈有鐘鼎不入門權位不在己乎嗚呼曲爲之小爲大之漸曲爲之也有何不可姦邪凶惡其圖曲乎元子聞之頌曰吾以顏貌曲全一懽全直君子之惡我如此猶有過於此者何以自免

水樂說

元子於山中尤所耽愛者有水樂水樂是南磬之懸水淙淙然聞之多久於耳尤便不至南磬即懸庭前之水取歛曲竇缺之石高下承之水聲少似聽之亦便

訂司樂氏

或有將元子水樂說於司樂氏樂官聞之謂元子曰能和分五音韻諧水聲可傳之來請觀學元子辭之使門人以南磬及庭前懸水指之樂氏醜惡慢罵曰聾聵多矣焉有聽而云樂乎此言聞元子元子謝曰次山病餘惛固自順於空山窮谷偶有懸水淙石泠然便耳醉甚或與酒徒戲言呼爲水樂不防君子過聞而來實汚辱君子之車僕樂官去季川問曰尙號謝樂官不亦過甚曰然吾爲汝訂之汝豈不知彼爲司樂之官老矣八音教其心五聲傳其耳不得異聞則以爲錯亂紛惑甚不可聽況懸水淙石宮商不能合律呂不能生變之不可會之無由此全聲也司樂氏非全士安得不甚謝之嗟乎司樂氏欲以金石之順和絲竹之流妙宮商角羽豐然迭生以化全士之耳猶以懸水淙石激淺注深清瀛浥溶不變司樂氏之心嗚呼天下誰爲全士能愛夫全聲也

浪翁觀化并序

浪翁山野浪老也聞元子亦浪然在山谷病中能記水石草木蟲豸之化亦來說常所化凡四說

有無相化

浪翁曰陰陽之氣化爲四時四時之行化爲萬物萬物形全是無化有萬物形盡是有化無此有無相化之說

有化無

浪翁曰人或云我立於東西望萬里目極則無人我兩忘終世相無此有化無之說

無化有

浪翁曰人或云我來於南北行萬里至無不有人我兩求終世相有此無化有之說

化相化

浪翁曰吾觀化於無也何無不有吾觀化於有也何有不無有無更化日以相化化言何極化言何窮

時化

元子聞浪翁說化化無窮極因論論曰翁亦未知時之化也多於此乎曰時焉何化我未之記元子曰於戲時之化也道德爲嗜慾化爲險薄仁義爲貪暴化爲凶亂禮樂爲耽淫化爲侈靡政教爲煩急化爲苛酷翁能記於此乎時之化也夫婦爲溺惑所化化爲犬豕父子爲憎慾所化化爲禽獸兄弟爲猜忌所化化爲讎敵宗戚爲財利所化化爲行路朋友爲勢利所化化爲市兒翁能記於此乎時之化也大臣爲威權所恣忠信化爲姦謀庶官爲禁忌所拘公正化爲邪佞公族爲猜忌所限賢哲化爲庸愚人民爲征賦所傷州里化爲禍邸姦兇爲恩幸所迫廝阜化爲將相翁能記於此乎時之化也山澤化爲井陌或曰盡於草木原野化爲狴狂或曰殫於鳥獸江湖化爲鼎鑊或曰暴於魚鼈祠廟化爲宮寢或曰數於祠禱翁能記於此乎時

之化也情性爲風俗所化無不作狙狡詐誑之心聲呼爲風俗所化無不作詔媚僻淫之亂顏容爲風俗所化無不作姦邪蹙促之色翁能記於此乎

世化

浪翁聞元子說時化嘆曰吾昔聞世化可說又異於此昔世之化也天地化爲斧鑕日月化爲豺虎山澤化爲州里草木化爲宗族風雨化爲邸舍雪霜化爲衣裘呻吟化爲常聲糞污化爲梁肉一息化爲千歲鳥犬化爲君子元子惑之浪翁曰子不聞往昔世之化也四海之內巷戰門鬪斷骨肉萬里相藉天地非斧鑕也耶人民暗夜盜起求食晝遊則死傷相及日月非豺虎也耶人民相與寄身命於絕崖深谷之底始能聲呼動息山澤非州里也耶人民奔走非深林蒼叢不能藏蔽草木非宗族也耶人民去鄉國入山海千里一息力盡暫休風雨非邸舍也耶人民相持於死傷之中裸露而行霜雪非衣裘也耶人民勞苦相寃瘡痍相痛老弱孤獨相苦死亡不能相救呻吟非常聲也耶人民多飢餓溝瀆病傷道路糞污非梁肉也耶人民奔亡潛伏戈矛相拂前傷後死免而存者一息非千歲也耶僵王腐卿相枕路隅鳥獸讓其骨肉鳥犬非君子也耶

唐元次山文集拾遺

顏魯公集

四部備要

集部

上海中華書局據三長物齋叢書本校刊

桐鄉 陸費達總勘

杭縣 高時顯輯校

杭縣 吳汝霖校

杭縣 丁輔之監造

版權所有不許翻印

欽定四庫全書總目提要

顏魯公集十五卷補遺一卷年譜一卷附錄一卷唐顏真卿撰真卿事蹟具唐書本傳其集見於藝文志者有吳興集十卷又廬州集十卷臨川集十卷至北宋皆亡有吳興沈氏者採摭遺佚編爲十五卷劉敞爲之序但稱沈侯而不著名字嘉祐中又有宋敏求編本亦十五卷見館閣書目江休復嘉祐雜志極稱其採錄之博至南宋時又多漫漶不完嘉定間留元剛守永嘉得敏求殘本十二卷失其三卷乃以所見真卿文別爲補遺併撰次年譜附之自爲後序後人復卽元剛之本分爲十五卷以符沈宋二本之原數沿及明代留本亦不甚傳今世所行乃萬曆中真卿裔孫允祚所刊脫漏舛錯盡失其舊獨此本爲錫山安國所刻雖已分十五卷然猶元剛原本也真卿大節炳著史冊而文章典博莊重亦稱其爲人集中廟享議等篇說禮尤爲精審特收拾於散佚之餘卽元剛所編亦不免闕略今考其遺文之見於石刻者往往爲元剛所未收謹詳加搜輯得殷府君夫人顏氏碑銘一首尉遲迴廟碑銘一首太尉宋文貞公神道碑側記一首贈祕書少監顏君廟碑側記碑額陰記各一首竹山連句詩一首奉使蔡州詩一首皆有碑帖現存又政和公主碑殘文顏元孫墓誌殘文二篇見江氏筆錄陶公栗里詩見困學紀聞今俱探出增入補遺卷內至留元剛所錄帝祔議其文既與廟享議複見而篇末時議者舉然云云乃新唐書陳京傳敘事之詞亦非真卿本文又干祿字書序乃顏元孫作真卿特書之刻石元剛遂以爲真卿文亦爲舛誤今並從刊削焉後附年譜一卷舊亦題元剛作而譜中所列詩文諸目多集中所無疑亦元剛因舊本增輯也元剛字茂潛丞相留正之子官終起居舍人

欽定四庫全書簡明目錄

顏魯公集十五卷補遺一卷附錄一卷唐顏真卿撰原本久佚此本乃宋敏求掇拾重編得十五卷至南宋又佚其三卷留元剛爲蒐輯補完併訂正年譜附於末然真卿詩文見於石刻者尙有尉遲迴碑等八篇見於說

部者尙有政和公主碑等三篇則亦未爲賅備今併續採補入俾無更散遺焉

按唐書藝文志顏真卿有廬集十卷行狀作廬陵集提要誤作廬州集又云殷府君顏氏碑銘尉遲迴廟碑銘二首增入補遺卷今檢 武英殿聚珍版文忠集內無此二碑又政和公主碑顏元孫墓誌殘文二首提要云據江氏筆錄探出今檢全唐文顏集內殷夫人顏氏尉遲迴和政公主顏元孫四碑皆有全文而和政公主提要誤作政和顏元孫神道碑提要誤作墓誌提要又云附年譜一卷今檢聚珍版文忠集無此卷又案聚珍版文忠集以全唐詩校之少水亭詠風溪館聽蟬二聯句詩以全唐文校之少象魏賦請除禪服奏請除素練聽政奏駁韋陟諡忠孝議對三命判按楊志堅妻求別適判劉中使帖世系譜序送高寬仁序汎愛寺重修記湖州碑陰記橫山廟記項王碑陰述永字八法頌顏勤禮元孫允南幼輿允臧臬卿和政公主殷夫人顏君等八碑陸務滋贊蒲塘辨尉遲迴碑銘顏含大宗碑共二十有六首其見於史傳說部及石刻者新唐書禮樂志有請定武成廟釋奠奏杜佑通典有元陵儀注及更定昏禮奏宋刻汝帖有一行帖留元剛忠義堂帖有朝迴帖硤州帖捧袂帖乞米帖廬入倉曹帖輩嶸忠義堂續帖有南來草篆江外送書四帖董其昌戲鴻堂帖有謝鹿脯奉辭近聞三帖合而計之又得十有八首今得補編入集

顏魯公小像



案顏魯公畫像宋中興館閣書畫錄有顏魯公像一米芾畫史有唐人畫
張志和顏魯公樵青圖又恭讀

大清會典

南薰殿尊藏歷代名臣像有顏真卿像一今皆未見惟宋靖康元年知同州軍
州事唐重刻公像於奉使帖之下方跋云重既摹公之像於蒲繪而祠之
又訪得此石本狀貌老矣今蒲州之像不傳惟此石尙在同州府學茲據
同州刻本縮臨本驥識

顏氏在唐無宰相故世系表不列於新書畢尚書沅著關中金石記取史傳所載編世系表附顏氏家廟碑後於顏氏子姓尚多闕遺今據魯公所撰家廟大宗勤禮元孫杲卿允南幼輿允臧等碑重加攷定詳列於左本驥識

威	字叔蓋	欽	字公若	默	字靜伯	畿	
魏	廣陵太守	徐					
二州刺史							
關內侯							
自魯國居							
瑁							
守給事中							
葛綽							
子							
守							
汝陰侯							
合							
侍中							
安都							
晉							
望							
晉							
君道							
東							
平							
定							
平							
侯							
字文和							
尉							
西							
靖							
字茂宗							
宣城太守							
中丞							

[illegible]

與弟野公				
之推	字介北	齊給事	恩魯	字孔歸
黃門侍郎待	詔文林館平	原太守始自	丹陽居京兆	
室	校書東宮學	士唐秦王記		
相時	崇文館	學士	師古	字鑑堂
			文鑑學	

<p>勤禮</p> <p>字敬先</p> <p>文崇會</p>	<p>學士贈號州</p> <p>刺史</p>	<p>育德</p>	<p>愍楚</p> <p>直內史省</p>	<p>游秦</p> <p>典校史省</p> <p>秘閣</p>
---------------------------------	------------------------	-----------	-----------------------	---------------------------------

勤禮七子	表爲魯公而作勤禮以前止載兄弟不及兄第之子孫自勤禮分支子幾可攷者備載	之善 障葉令
昭南	本名顯甫	
元孫	字聿修滁	
春卿	偃師丞	
紘	主簿	
彭州	誕	
義王諮議贈贊善		
曹二王侍讀贈華州刺史	沂東三州刺史贈秘書監	
字周卿晉		
卿兼御史中丞攝常	衛尉卿	
威明	司馬	
剌史		

顏魯公文集 世系表

山太守贈 太子太保	懿忠節 新唐書本	傳五與真 卿同五世	祖案梁卿 與魯公同	衍祖五世字
季明				
贈左 贊書				
		證 右內 舍曹	訊 兵曹 參軍	
		卿之孫		
		檀訊皆果		

耀卿	司馬	淄川
旭卿	令	允山
茂曾	健爲	司馬

華	準 <small>令溧水</small>	沛 <small>奉御</small>	濬 <small>贈尙食</small>	自璫以下皆某 卿兄弟之子

正	翹	翹 主華 薄原	翹
---	---	---------------	---

翊	龍左贊善	翊	家廟元孫二碑
珩	襄陽尉	卿	二碑作詡非
觀	襄陽尉	卿	二碑作詡非
翊	龍左贊善	卿	二碑作詡非
珩	襄陽尉	卿	二碑作詡非
觀	襄陽尉	卿	二碑作詡非
翊	龍左贊善	卿	二碑作詡非
珩	襄陽尉	卿	二碑作詡非
觀	襄陽尉	卿	二碑作詡非

錄汝州功授	權鹽巡官追	覲	覲	覲	覲
		承穆丕		尉	宏士
		時覲		亭	進文

[illegible]

敬仲 吏部郎中 與兄昭甫皆勳禮元配殷夫人出									
平昌男									
殆庶 殆庶等五子勳禮繼配柳夫人出柳係中書令與之妹與以高宗王皇后外祖坐與緒遂									
無恤									
少連									
務滋									
辟強									
會宗 襄州自會宗以下皆敬仲等之子									
考 楚州司馬									
澄 左衛將軍									
潤 涇州刺史									
名卿 自名卿以下皆會宗等之子									
偁									
偁									
倫 名卿至武官倫並為									
逸 武康令 自逸以下皆名卿等之子									
鏐 長安尉									
廣成 軍將									

自稱第七男書元孫千祿字碑殷夫人顯君碑自稱第十三姪男與大宗家廟二碑不合故公撰會祖勳禮碑敘元孫五子惟貞七子外又云長卿晉卿充國皆無後早世此五人者長卿晉卿當係公之同祖兄故公次第十三弟充國當係同祖弟以無後早世故大宗家廟二碑不列其名又據公撰殷禮碑墓碣云長卿晉卿太夫人真卿之先妣也中而孀嫠遺孤十人未能自振君悉心訓獎皆究恩義故能長年有立則長卿等五人中當有三人係公之同父兄弟其二子人則吳卿之兄弟也又據公撰充國碑云惟貞府君之第二子幼與碑云惟貞府君之第六子則公兄弟之早世者當有也一人在充國之下幼與之上故公次第六其二人則公之弟也

顏魯公世系表

顏魯公世系表																															
<table border="1"> <tr> <td rowspan="2">暄</td> <td rowspan="2">策</td> <td> <p>渾</p> <p>太子通事舍人</p> <p>渾魯公同高祖弟也是表於大宗家廟勳禮三碑所載同高祖以上者皆不錄惟渾名屢見公書東方朔畫讚碑陰記及所撰杼山碑故附入備攷</p> </td> <td>超</td> <td>肝</td> <td>泚</td> <td>蔡</td> <td>亞邱</td> <td>襲尉</td> <td>啓尉</td> <td>明尉</td> <td>韶尉</td> </tr> <tr> <td> <p>策暄皆見杼山碑魯公族子也未詳其系</p> </td> <td> <p>超見杼山碑亦魯公從子</p> </td> <td></td> <td> <p>蔡泚肝皆見增居寺題名皆魯公從子未詳其系杼山碑有顏祭即蔡之誤也</p> </td> <td></td> <td></td> <td></td> <td></td> <td></td> <td></td> </tr> </table>										暄	策	<p>渾</p> <p>太子通事舍人</p> <p>渾魯公同高祖弟也是表於大宗家廟勳禮三碑所載同高祖以上者皆不錄惟渾名屢見公書東方朔畫讚碑陰記及所撰杼山碑故附入備攷</p>	超	肝	泚	蔡	亞邱	襲尉	啓尉	明尉	韶尉	<p>策暄皆見杼山碑魯公族子也未詳其系</p>	<p>超見杼山碑亦魯公從子</p>		<p>蔡泚肝皆見增居寺題名皆魯公從子未詳其系杼山碑有顏祭即蔡之誤也</p>						
暄	策	<p>渾</p> <p>太子通事舍人</p> <p>渾魯公同高祖弟也是表於大宗家廟勳禮三碑所載同高祖以上者皆不錄惟渾名屢見公書東方朔畫讚碑陰記及所撰杼山碑故附入備攷</p>	超	肝	泚	蔡	亞邱	襲尉	啓尉			明尉	韶尉																		
		<p>策暄皆見杼山碑魯公族子也未詳其系</p>	<p>超見杼山碑亦魯公從子</p>		<p>蔡泚肝皆見增居寺題名皆魯公從子未詳其系杼山碑有顏祭即蔡之誤也</p>																										

原
书
空
白
页

封紹高質族弟渾等修之成二百卷屬祿山作亂止具四分之一九月魯山令元德秀卒公書其墓碑後人爭摸寫之與李華撰文李陽冰篆額及德秀人品爲四絕趙氏金石錄謂是碑爲建中四年秋書其時公已爲李希烈所困安得爲德秀書碑據李華撰德秀碑云德秀卒於天寶十二

載九月則當公書碑當在是載之後

十三載甲午四十六歲在平原二月書晉夏侯湛撰漢太中大夫東方朔像贊

并書自撰碑陰記碑在今陵縣署

十四載乙未四十七歲在平原公之爲平原在天寶十二載客諸友十四載下
平原不得於此再轉兵部又云轉兵部員外郎既以武部員外郎爲
且兵部郎武部也留諸誤十一月安祿山舉范陽兵反河朔盡陷獨平原城

守具備乃使司兵參軍李平馳奏之元宗初聞祿山之變曰河北二十四君豈無一忠臣乎得平至大喜顧左右曰朕不識顏真卿形狀何如所爲乃若

此祿山初尙移牒至公令以博平軍屯七千人防河津以博平太守張獻直

爲副公乃募勇士旬日得萬人遣錄士參軍李擇交統之簡閱以刁萬歲和

琳徐皓馬相如高抗朗等爲將河間司法李奐殺祿山所署長史王懷忠濟南太守李隨殺祿山所署博平太守馬冀饒陽太守盧全誠景城司馬李暉鄴郡太守王燾各以衆歸有詔北海太守賀蘭進明率精銳五千濟河爲助十二月十二日祿山陷洛陽殺東郡留守李愷中丞盧奕判官蔣清以三首遣段子光來徇河北公恐搖人心乃詐謂諸將曰我識此三人首皆非也遂腰斬子光密藏三首異日乃取三首冠飾草續支體棺殮祭殯爲位痛哭人心益附祿山遣其將李欽湊高邈何千年等守土陞公遣甥盧逖至常山告

心益附祿山遣其將李欽湊高邀何千年等守土門公遣錫盧遜至常山告

郡守從父兄杲卿相與起義兵犄角斷賊歸路以紓西寇之勢杲卿乃與長史袁履謙謀殺欽湊擒邈千年送京師土門既開清池尉賈載鹽山尉穆寧共斬僞署景城守劉道元傳首平原公召載寧及清河尉張澹詣平原計事十七郡同日歸順共推公爲帥得兵二十餘萬橫絕燕趙軍威大振其附祿山者惟范陽盧龍密雲漁陽汲鄴六郡而已祿山方自率衆而西至陝號聞河北有變而還

鉅鹿趙郡上谷博陵文安魏郡都復爲賊守公乃以李暉自副而用李銑買載沈震爲判官乙巳以充本郡防禦使守城功詔加戶部侍郎依前平原太守三月加河北招討採訪使清河客李嶠年二十餘與郡人來乞師謂公曰聞公義烈首唱大順河朔諸郡恃公爲長城今清河實公之西鄰也僕幸寓家得其虛實知可爲長者用今計其蓄積足以三平原之富士卒可以二平原之強公因而撫之腹心輔車之郡其他小城運之如臂使指耳唯公所意誰敢不從公曰吾兵新集未練何暇及鄰然予之請兵欲何爲乎嶠曰清河非力不足而借公之師也亦以觀大賢之名義耳今仰瞻高意未有決辭定色僕何敢遽言所爲公奇之欲與之兵衆以嶠爲年少輕慮必無所成公不得已辭之嶠就館復爲書說公曰清河去逆効順奉粟帛器械以資軍公乃不納而疑之僕回轅之後清河不能孤立必有所繫託將爲公西面之強敵公能無悔乎公大驚遽詣其館以兵六千人借之舊書作嶠將去公謂千從新書之曰兵已行矣可以言子之所爲吾子何以教我嶠曰今聞朝廷使程千里統衆十萬自太行東下將出嚙口爲賊所扼兵不得前今若先伐魏都斬其守將袁知泰太守司馬垂使爲西南主分兵開嚙口之路出千里之兵因討汲鄴以北至於幽陵平原清河合同志十萬之衆徇洛陽分兵而制其衝計王師不下二十萬河南義兵西向者亦不下十萬公但當表朝廷堅壁無與挑戰不數十日賊必潰而相圖矣公然之乃移檄清河等郡遣其大將李擇交副將平原縣令范東襲裨將和琳徐浩等進兵與清河四千人合勢而博平以千人來三郡之師屯於博平去堂邑縣西南十里賊帥袁知泰遣其將白嗣深乙舒蒙等以二萬人來拒戰六月癸未朔賊大敗斬首萬餘級軍聲大振知泰走汲郡史思明圍饒陽遣游奕兵絕平原救軍公懼不敢以書招賀蘭進明進明將步騎五千渡河公陳兵逆之相揖哭於馬上哀動行伍進明屯平原城南公每事咨之由是軍權稍移於進明公不以爲嫌復以堂邑之功讓之進明奏其狀取捨任意敕加進明河北招討使擇交等微進資級清河博平有功者皆不錄進明攻信都久之不克參軍第五琦勸進明厚以

金帛募勇士乃克之會平盧將劉正臣以漁陽歸公欲堅其意遣買載越海遺軍資十餘萬以子頗爲質頗甫十歲軍中固請留之不從時范陽節度使李光弼合汾陽王郭子儀之兵敗思明於嘉山平原之圍遂解十五載丙申四十八歲正月加戶部侍郎兼平原郡太守三月兼河北招討採訪使七月肅宗卽位靈武改元至德有賀卽位表初公聞李光弼下井陘卽斂兵還平原及聞郭李西入始復區處河北軍事數遣使張雲子主簿李銑等以蠟丸裹書由間道上表陳事授工部尚書兼御史大夫又加銀青光祿大夫仍以河北招討採訪處置使守平原時肅宗所致赦書亦以蠟丸達公公頒下諸郡又遣人頒於河南江淮由是諸道始知上卽位於靈武徇國之心益堅劉正臣等尅期南來行已有日祿山乘虛遣史思明尹子奇急攻河北諸郡公使和琳以一萬二千人馬百匹救河間琳爲子奇所擒河間饒陽景城樂安遂相次陷沒獨平原博平清河三郡城守十月祿山又遣騎將康沒野波攻平原公覺之兵馬旣盡人心危懼不可復振公乃棄郡渡河沒野波緩策不追及聞渡河乃伴爲追躡是以得脫於難歷江淮荆襄與各道採訪使計會兵馬竟不可得而平原等郡遂盡陷於賊是載公次襄城時節度使魯炆保南陽爲賊所圍城中食盡中使曹日昇來宣慰路絕不得入請單騎入致命襄陽太守魏仲犀不可公曰曹使旣果決不顧萬死之地何得沮之縱爲賊所獲是亡一使者苟得入城則萬人之心固矣公何愛焉仲犀乃以騎助之賊不敢逼日昇旣入城衆皆踴躍至德二載丁酉四十九歲二月帝至鳳翔召公赴行在四月公朝鳳翔行至武當郡奉詔除憲部尚書憲部卽刑部改名有讓表六月加御史大夫有謝表留諱云狀月日不同今從家譜八月第九減以監察御史遷殿中侍御史公上表謝時仲兄允南遷司膳郎中奉詔給驛召至鳳翔與公相見當代榮之中書舍人崔漪帶酒容入朝公劾之貶右庶子又劾諫議大夫李何忌在班不肅且彈其不孝宰相房瑄黨何忌遽託以酒醉入朝貶爲西平郡司馬十月元帥廣平王卽代宗領朔方蕃漢兵號二十萬來收長安出辭之日百僚致謁於朝堂百僚拜

王答拜辭亦如之王當闕不乘馬步出木馬門而後乘管崇嗣為王都虞候

先王上馬公進狀彈之肅宗曰朕兒子每出諄諄教誡之故不敢失禮崇嗣

老將有足疾姑優容之卿勿復言乃以奏狀還公肅宗將還西京遣左司郎

中李巽先行陳告宗廟之禮有司署祝文稱嗣皇帝公謂禮儀使崔器曰上

皇在蜀可乎器遽奏改之中旨宣勞以為名儒深達禮體時太廟為賊所毀

公奏曰春秋時新宮災魯成公三日哭今太廟既為賊毀請築壇於野皇帝

東向哭然後遣使竟不能從肅宗紀十月丁卯上入長安九廟為賊所焚上

傳與紀異公扈從還京時允南遷司封郎中允臧為殿中公為尚書兄弟

三人同時臺省公於軍國之事知無不言為宰相所忌是月宰相為崔圓十

二月出為同州刺史有謝表是載十二月始復郡太守為州刺史十一月尚

案公集謝表亦稱同州刺史與舊書道過郃陽有烈士左伯桃墓詩佚

三載戊戌五十歲二月肅宗改元乾元三月轉蒲州刺史充本州防禦使有謝

上表封丹陽縣開國侯舊書本傳無丹陽之封新書作丹陽縣子行狀皆謂

蒲州刺史也蒲州刺史也舊書本傳無蒲州刺史之封新書作蒲州刺史行狀皆謂

嘗手書其告有謝贈租官表五月贈果卿太子太保果卿被害時張通幽譖

於楊國忠故不加贈至是公表其枉證曰忠節公與兄國子司業允南表謝

九月書自撰祭姪季明文有草稿存十月戊申赴蒲州辛亥過華陰題名金

天王廟金天王華嶽神也開元元年十月公遣從子泉明至河北訪求血屬初

李光弼郭子儀收復常山出果卿哀履謙及將吏等妻女數百人於獄轉徙

賊中窮窘無告泉明悉以歸蒲州公贍給久之資送歸里泉明又以公命購

其父果卿尸於河北第季明尸於洛陽果卿失一足季明得其首公以果卿

尸與張湊所歸髮葬於長安而以李明附焉公為御史唐明誣劾貶饒州刺

史道過東京作祭伯父豪州刺史元孫文元孫墓在東京

乾元二年己亥五十一歲公在饒州民苦盜公計擒首惡磔諸市四境肅然有

顏司徒碑銘六月拜昇州刺史江寧郡以元充浙江西道節度使兼江寧軍

使有謝表擢權舉為行軍司馬是年有與蔡明遠帖李侍御寫真贊

有天下放生池碑銘

三年庚子五十二歲時揚州長史劉展將反公豫飭戰備都統李岷以為生事

非短之明年十一月果舉兵反二月以杭州刺史侯令儀代為昇州刺史

召公入朝為刑部侍郎舊書本傳作刑部閏四月肅宗改元上元公作朝議

大夫徐秀神道碑七月作乞御書天下放生池碑額表八月宰相李輔國矯

詔遷元宗居西宮公乃首率百僚上表請開起居輔國惡之又為御史中丞

敬羽所誣貶蓬州長史公由嘉陵路出閬州新政縣作鮮于氏離堆記在今

上元二年辛丑五十三歲是年九月去年號稱元年以十一月為首歲公在蓬

州救災恤民頌其德

元年壬寅五十四歲是年復以建巳為四月改元寶應閏四月代宗即位五月

拜公利州刺史屬羌賊圍州城不得入詔赴上都七月以仲兄國子司業允

南官贈父惟貞秘書少監母殷氏蘭陵郡太夫人二告皆公自書有謝表案

宗以是年四月丁卯崩少監告身下於七月二十七日謝表批答十一月允

當是代宗家廟碑作肅宗蓋奉制在四月以前至七月始下告耳

南卒公為撰神道碑十二月戶部侍郎劉晏以公文學正直舉以自代詔從

之以晏為國子祭酒以公為戶部侍郎有謝表

寶應二年癸卯五十五歲三月改吏部侍郎舊書本傳作戶部新書作吏部據

也加銀青光祿大夫有謝表七月代宗改元廣德八月荆南節度使李岷入

為宗正卿拜公江陵尹兼御史大夫充荆南節度觀察處置使有謝表舉壽

安尉殷寅為推官未行以衛伯玉代之除公尚書右丞舊書本傳作

左丞從新書十月吐

蕃犯京畿公扈從至陝州十二月車駕將還京師公請先謁五陵九廟而後

還宮宰相元載曰所見雖美其如不合事宜何公怒前曰用捨在相公耳言

者何罪朝廷之事豈堪相公再破壞邪載深銜之有工部尚書臧懷恪神道

碑

二年甲辰五十六歲元年八月河北副元帥僕固懷恩拒命於汾州公請奉詔

州宣慰使未行公曰臣往請行者時也今方受命事無益矣上問其故對曰懷恩阻兵是其反側明矣頃陛下避狄於陝臣方責以春秋之義云寡君蒙塵於郊敢不恭問官守當是時也懷恩來朝以助討賊則其辭順今陛下攘去犬戎即宮京邑懷恩進不勤王退不釋衆其辭曲必不來矣且明懷恩反者獨河東節度辛雲京澤潞節度李抱玉及中官駱奉先魚朝恩四人耳自外朝臣咸言其枉然懷恩將士皆郭子儀部曲信結其心陛下何不以子儀代之喻以禍福必相率而歸耳上從之留公知省事二月有與李太保帖三月伯父元孫贈祕書監公表謝是月晉封魯郡開國公食邑三千戶八月作和政公主神道碑公主肅宗女降河東柳潭十一月朝士以汾陽王郭子儀及其子先鋒希破土蕃歸因爲與道之會尙書左僕射郭英乂詔事軍容使魚朝恩擠入座尙書坐其下公移書糾之有草稿存是月作伯父元孫神道碑作贈太保李光弼神道碑碑爲張少師書在陝西富平縣書自撰贈太保郭敬之家廟碑敬之子儀之布政又有與李太保帖是冬兄幼與卒於江陵

承泰元年乙巳五十七歲八月作刑部侍郎孫逖文集序作左金吾衛大將軍康阿義屈達千神道碑十月有與李太保帖

二年丙午五十八歲公在刑部時元載引用私黨懼朝士論奏其短乃請百官凡欲論事皆先白長官長官白宰相然後上聞公上疏切諫中人爭寫內本布於外二月攝祭太廟以祭器不修言於朝元載坐以誹謗貶硤州別駕書硤州帖又有廟享議朝會有故去樂議三月移貶吉州司馬道出潯陽書舊作左伯桃墓詩於蒲塘客舍有蒲塘辨六月書東林西林二寺題名十一月代宗改元大曆

大曆二年丁未五十九歲在吉州著廬陵集十卷正月書自撰京兆尹鮮于向神道碑十月書祖關二大字於靖居寺有靖居寺題名書守政帖

三年戊申六十歲在吉州三月作井山華姑仙壇碑作南嶽魏夫人仙壇碑四月除撫州刺史爲神霄觀道士譚仙巖書馬伏波語十一月第允臧卒於江陵時允臧以江陵少尹受代徵入未行而卒

四年己酉六十一歲在撫州與州人左輔元姜如璧等取舊著韻海鏡源二百卷增廣之成五百卷四月作兄幼與弟允臧神道碑歸附幼與允臧於上都時同生十人零落皆盡惟公獨存作寶應寺翻經室記華蓋山王郭二真君壇記

五年庚戌六十二歲在撫州治陂灌田民賴其利公歿後州人建祠祀之宋曾鞏爲之記正月一日書逍遙樓三大字碑在廣西臨江縣三月作贈梁州刺史徐秀碑碑爲韓擇木八分書李陽冰篆額四月作舅氏曹州司法殷踐猷墓碣又書自撰踐猷子大斌令攝碑十二月作廣平相國宋璟神道碑碑在直隸沙河縣

六年辛亥六十三歲三月作寶應寺律藏院戒壇記閏三月罷撫州事命左輔元編次臨川集十卷四月書自撰麻姑山仙壇記又書小字麻姑壇記書前道州刺史元結撰大唐中興頌在湖南祁陽縣八月至上元縣撰慈恩寺常住莊地碑碑爲韓擇木八十一拜十三世祖晉西平靖侯舍墓書自撰大

宗碑自含以後七世皆碑自元孫以上元孫府山作題虎邱清遠道士詩後詩宋留元剛出義堂帖有及公自題詩款云大曆五年十二月十日刑部尙書顏真卿書案公爲刑部尙書不在此時大曆五年公在撫州不應題詩虎邱此詩當是六年公至上元時作題款及書皆僞託也

七年壬子六十四歲五月至宋州書自撰汴宋節度使田神功入關齋會記碑在河南歸德府九月歸至東京起家除湖州刺史十一月自東京還母蘭陵郡君樞歸葬上都祖塋有與夫人帖

八年癸丑六十五歲正月至湖州刺史任七月追建放生池碑銘公務之隙招集文士前殿中侍御史廣漢李嶠處士吳陸羽國子助教州人褚沖評事范陽湯清河文集誤作評事湯某清河太祝河東柳察長城丞潘述前梁縣尉河東裴脩常熟主簿蘭陵蕭存嘉興尉河南陸士修及後進崔宏宏楊德元胡仲南陽湯涉京兆韋介左與宗族入蔡文集誤作蔡策金陵沙門法海等取舊著韻海鏡源五百卷刪煩補闕爲三百六十卷於州學及放生池日相討論建韻海樓於郡治至冬徙於州西南杼山之妙峯寺寺爲梁武帝所置

公建亭其中以癸丑歲十月癸卯朔二十一日癸亥成陸羽爲名之曰三癸

亭產丹青紫三桂桂下有支徑時殿中侍御史袁高爲浙西觀察判官巡部至州適會於此因呼爲御史徑公有題杆山亭得墓字詩云歛構三癸亭實爲陸生故又有謝陸處士杆山折青桂花見寄詩皆爲此亭作也寺僧皎然字清書謝靈運十世孫工詩辭公修韻海預其論著有贈皎然詩云繕亭歷三癸趾趾鄰什寺又云衛法大臣過佐游羣英萃謂袁侍御陸處士及同游諸子也先是正字殷佐明魏縣尉劉茂括州錄事參軍范陽盧鐸江寧丞京兆韋寧壽州倉曹朱弁及周愿沈殷李肅族入渾瑊等亦嘗同修韻海未畢各以事去而起居郎裴郁祕書郎蔣志諱事呂渭魏理沈益劉全白沈仲昌攝御史陸向沈祖山周闐司議郎悌臨川令沈咸右衛兵曹張著兄墓弟薦爲校書郎權器與平丞章桓尼及後進房夔崔密崔萬寶叔蒙裴繼兄子超永穆承峴公子頤頤等妙喜寺記云愚子頤頤案大宗家廟二碑往來皆無頤頤之名當即公子頤頤原名也山寺商榷古今爲一時文從之盛有聯句詩一卷其與聯句之會者尙有起居舍人楊憑憑弟協律郎凝拾遺耿諱侍御皇甫曾推官康造同官主簿陸涓李觀詹事司直房益長城尉裴循柳淡吳筠強蒙范縉王純王修甫史仲宣裴幼清釋塵外族子榮從子須頤頤等皆杆山游侶也全唐詩聯句有李益乃沈益房益之名在魯公之後又嘗遊峴山觀左相李適之石罇敘飲爲樂十二月有吳興沈氏述祖德記

九年甲寅六十六歲在湖州正月書伯父元孫干祿字書於刺史宅之東廳院韻海鏡源成作杆山妙峯寺碑三月作竹山聯句詩五月書自撰茅山道士李含光碑碑在江蘇句容縣茅山玉晨觀八月書舊撰天下放生池乞額表并撰碑陰記忠義堂帖作浪跡先生張志和碑

十年乙卯六十七歲在湖州八月魏博節度田承嗣將盧子期就擒於磁州十一月承嗣瀛州刺史吳希光以城降書近聞帖是年九月書自撰商州刺史歐陽璘碑有元次山墓表時公子頤自河北歸頗以天寶十五載爲質於平盧將劉正臣時年十餘歲至是始歸僧皎然有奉賀顏使君二十八郎隔絕自河北遠歸詩二十八郎謂頤也其詩云相失值氣烟纔應掌上年久離驚

貌長多難喜身全然公撰大宗家廟元孫果卿等碑皆謂頤死逆胡之難大宗碑又謂頤工隸書太子洗馬家廟碑亦云頤工小楷洗馬而公撰高祖勳禮碑則云頤善隸書太子洗馬鄭王府司馬不幸短命蓋三碑俱撰於頤未歸之前當常山被陷時傳聞頤已遇害故朝廷有五品官之贈所謂太子洗馬鄭府司馬即贈官也越十有七八年而頤始自河北歸其時年已三十內外矣至建中元年公刻家廟碑後記但言男頤男頤而不及頤蓋頤歸在大曆八年以後故公撰妙喜寺碑但云愚子頤頤即頤原名而不及頤其卒當在建中元年以前故家廟碑仍載頤之贈官而後記則不列其名也

亭及茅亭

十一年丙辰六十八歲在湖州著吳興集十卷四月作博陵崔沔室銘記書自撰銀青光祿大夫康希銑神道碑初雷溪東南有白蘋洲梁太守柳惲江南曲汀洲採白蘋日暮江南春後人因以名洲至是公始剪榛導流作八角亭及茅亭

十二年丁巳六十九歲公爲元載所忌斥外十有一年三月載伏誅四月作梁

吳興太守柳惲西亭記五月作項王碑陰述書自撰湖州射堂記書中書侍郎楊綰撰李抱玉碑是月公以綰薦召入朝八月擢刑部尚書公自書其告

十一月以所著韻海鏡源三百六十卷獻於朝是月作友塔京兆尹杜濟墓誌并爲濟撰書神道碑書自撰殷履直妻姑顏君碑碑在河南洛陽縣

十三年戊午七十歲正月三上章乞致仕不許二月奉使謁昭陵有過瑤臺寺懷僧圓寂詩三月贈吏部尚書書自撰廣平相國宋璟碑陰記刻在沙河碑側

十四年己未七十一歲五月代宗崩德宗嗣位公以本官充禮儀使有請除禪服奏請除素練聽政奏公以高祖以下七聖謚號文字繁多乃上議取初謚

爲定兵部侍郎袁倬議云陵廟玉冊已刻不可輕改然實妄奏不知玉冊皆刻初謚而已七月書程浩撰馬璘新廟碑十月代宗神主將升附太廟公以

元皇帝代數已遠準禮合祧請遷於西夾室從之有議元皇帝祧遷狀

建中元年庚申七十二歲三月奏東都太廟闕木主請造詔下議之初武后於

東都立高祖太宗高宗三廟至德亂後木主多亡缺於是議者有三一曰必

存其廟偏立羣主時饗之二曰建廟存主而不祭若皇輿時巡則就饗焉三
曰存其廟廢其主駕或東幸則飾齋車奉京師羣廟之主以往不決而罷舊唐書
德宗紀及禮志但稱禮儀使奏未著公名時公領使禮志又載會昌七年
六年鄭亞等奏云兼與建中元年禮儀使顏真卿所奏事同即此奏也七月
書自撰父惟貞家廟碑碑在陝西撰顏氏家譜一卷新書藝文志載此譜未
譜序撰於是年八月罷吏部事時楊炎為相惡之改太子少師舊唐書充
禮儀使如故外示崇寵實去其權也告有太后崇徽外家聯屬顧先勳舊方
睦親姻等語考德宗母睿真太后為吳興沈氏舊書后妃傳云妃父易直第
二子祕書少監震公撰吳興沈氏述祖德記云南齊徵士沈驥士過江二十
葉孫御史中丞震即其人也記又云以真卿江南婚姻之舊中外伯仲之穆
則公與沈氏為世戚故是告云太后崇徽外家聯屬然公之高祖母為殷氏
曾祖母為殷柳二氏祖母及母皆殷氏伯父元孫妻元氏從兄杲卿妻崔氏
同母兄闕疑幼與妻皆殷氏次兄允南妻陳氏公及弟允臧妻皆韋氏同祖
姑二一適御史大夫張知泰一適錢塘丞殷履直從祖姑適劉氏其子同昇
為江南經略伯父元孫女適盧氏其子逃死杲卿之難公女適維承章政其
可考者皆非沈氏近姻惟公撰曾祖勳禮碑云君外曾孫沈盈盧逃並為逆
賊所害沈盈不知何子之外孫顏沈之姻僅見於此所稱外家聯屬者當係
晉西平靖侯含隨元帝過江徙居上元者凡七世時顏沈二家會締姻好故
記云江南婚姻之舊而告遂及之蓋太后以宮女得幸生德宗於宮避史思
明之亂逃散及德宗即位訪求未得因母族單微故託顏氏舊姻以自重又
為起居舍人朱巨川兩書其告十月壬子以卽位恩封公子右率倉曹類為
沂水男祕書正字碩為新泰男自李義府許敬宗以凶事非臣子所宜言遂
去國恤一篇由是天子凶禮闕焉故開元禮及新舊唐書皆無其儀惟鄭樵
通典載有元陵儀注蓋數萬言其行禮次第粲然大備然未著為何人所定
元陵者代宗之陵也代宗以是年十月己酉葬於元陵其時公為禮儀使則
是儀必公之手筆歷代國恤莫大於此經世文章亦莫大於此編公集者於
小說殘碑多所搜採獨遺此文不加考訂而登之於集殊闕憾也今為補編

十一月公奏郡縣主見舅姑請行執笄之禮并請罷觀華燭仗障車下墀
却扇及昏夕聲樂等儀又改擇地置帳行於堂室中禁子午卯酉年娶婦俗
忌並從之

二年辛酉七十三歲九月太常博士陳京請以獻懿二祖神主祔享太廟詔公
卿集議議者有三一謂獻懿親遠而還不當祔宜藏主西室二謂二祖宜祔
食與太祖並昭穆關東位三謂引二祖祔祔即太祖承不二向得全其始宜
以主祔德明廟公請大祔享奉獻主東向懿主居昭景主居穆於是還二主
祔於廟如公議議載舊唐書禮志及新唐書禮志卷十祔禮樂集十卷新書藝文
禮儀使所定留書陳京傳詳略互異屬左輔元編訂禮樂集十卷志云公為
諱誤作禮儀集十月書自撰明州刺史王公德政碑廣川書跋有王
三年壬戌七十四歲宰相盧杞專權忌公八月改太子太師罷禮儀使杞論公

曰方面之任何處為便公候杞於中書曰真卿以福性為小人所憎竄逐非
一今已羸老幸相公庇之相公先中丞先中丞謂杞父奔也天寶初拜御史
原公禮葬之事見前傳首至平原面上血痕真卿不敢衣拭以舌舐之相公忍不相容
乎杞矍然下拜而含怒心

四年癸亥七十五歲正月庚寅淮西都統李希烈反陷汝州甲午盧杞奏曰顏
真卿四方所信使往諭之可不勞師旅上從之朝廷失色宣武軍節度使李
勉聞之以為失一元老貽朝廷羞乃密表請留又遣逆於路不及至河南河
南尹鄭叔則以希烈反狀明勸不行公答曰君命可避乎初見希烈於許州
欲宣詔旨希烈養子千餘人露刃爭前迫公將食其肉諸將叢繞罵舉刃
以擬之公不動希烈遽以身蔽之而麾其眾眾退乃揖公就館舍因逼為章
表令雪己願罷兵公遣兄子峴與從吏凡數輩繼來京師皆為杞所格不報
每與諸子書嚴奉家廟恤諸孤而已希烈欲遣公還會李元平在座公責之
元平慚以密啓白希烈遂留不遣時幽州節度朱滔深趙節度王武俊魏博
節度田悅淄青節度李納各遣使詣希烈勸進希烈召示之曰四王見推不
謀而同豈吾獨為朝廷所忌無所自容邪公曰此乃四凶何謂四王相公不
自保功業為唐忠臣乃與亂臣賊子相從求與之同覆滅邪希烈不悅他日

大宴逆黨召公使坐觀倡優斥黷朝政爲戲公怒曰相公人臣也奈何使此曹如是乎拂衣而起希烈慚亦呵止時滔及王武俊田悅李納使在坐目公謂希烈曰聞太師名德久矣相公欲建大號而太師至非天命正位欲求宰相孰先太師乎公正色叱之曰是何宰相邪君等聞顏果卿無是吾兄也祿山反首舉義兵及被害詬罵不絕於口吾今年向八十官至太師守吾兄之節死而後已豈受汝輩誘脅邪諸賊不敢復言希烈乃拘公令甲士十人守掘方丈坎於庭云欲阮之公恬然見希烈曰死生已定何必多端亟以一劍相與豈不快公心事邪希烈乃謝之

興元元年甲子七十六歲作奉命帖題釋舍壁三月荆南張伯儀與賊戰於安州敗績希烈令齊伯儀旌節首級誘示公公慟哭投地希烈令其將周曾王玠姚憺等襲汝州節度使哥舒曜會等謀迴軍襲取希烈奉公爲節度事洩希烈殺曾等遂送公於龍興寺公度必死乃作遺表自爲墓誌祭文常指寢室西壁下云吾殯所也十一月宋毫節度使劉洽與郾陽節度使曲環大破希烈之衆於陳州希烈乃遣其將辛景臻安華至公所積柴庭中沃之以油且傳逆詞曰不能屈節當自燒公乃投身赴火景臻等遽止之十二月希烈陷汴州自稱大楚皇帝僭號曰武成使人問卽位儀於公公曰老夫耄矣曾掌國禮所記者諸侯朝覲禮耳希烈不敢逼

貞元元年乙丑七十七歲王師復振劉洽等乘勝進攻汴州希烈慮蔡州有變將挾公自隨正月五日先遣公自汝至蔡十九日書移蔡帖時德宗復宮闕希烈弟希倩在朱泚黨中伏誅希烈聞之怒乃使閹奴與景臻等殺公先曰有敕使拜曰宜賜真卿死公曰老臣無狀罪當死然不知使者何日從長安來曰從大梁來公厲曰乃逆賊耳何敢邪遂殺之時八月十三日乙丑也至二十四日丙戌始聞於朝新書本傳皆作興元元年八月十三日爲希烈所害通鑑綱目從之而舊書德宗紀又作貞元元年正月癸丑聞公之變案是年正月爲丁酉朔癸丑乃十七日公有移蔡一帖作於貞元元年正月十九日則非癸丑聞計可知今從新書德宗紀作貞元元年八月丙戌八月爲明年希烈爲其牙將陳仙奇亂死淮西平朝廷命仙奇爲淮西節度十一月以公之喪歸京師德宗輟朝五日詔錄其功

贈司徒諡曰文忠仍賜布帛五百端男顏頊等喪制終所司超授官秩六年十一月南郊赦書節文授公一子五品正員官故顏得錄用及盧杞既廢德宗嘗謂李泌曰人皆言杞姦而朕不覺泌曰陛下能覺安致建中之禍李揆和蕃事在建中四年七月顏真卿使希烈其害舊德多矣文宗時以公曾孫宏式爲同州參軍穆宗時授顏峴贊善大夫宣宗時授顏溫鳳翔文學昭宗時授顏堯禮部郎皆公後裔也

顏魯公文集年譜

原
书
空
白
页

顏魯公文集目錄

寧鄉黃本驥仲良編訂

湘陰蔣 瓌維揚參校

卷一 賦 表

象魏賦

皇帝卽位賀上皇表 附玄宗批答

讓憲部尚書表 附肅宗批答

謝兼御史大夫表 附肅宗批答

同州刺史謝上表 附肅宗批答

蒲州刺史謝上表 附肅宗批答

謝贈租官表 附肅宗批答

謝浙西節度使表 附肅宗批答

乞御書天下放生池碑額表 附肅宗批答

謝戶部侍郎表 附代宗批答

謝吏部侍郎表 附代宗批答

謝荊南節度使表 附代宗批答

卷二 奏 疏 狀 議

請除禪服奏

請除素練聽政奏

請定武成廟釋奠奏

更定昏禮奏

論百官論事疏 附新唐書本傳所載疏

請復七聖謚號狀

論元皇帝祧遷狀

駁吏部尚書韋諷諡忠孝議 附博士程浩駁議

朝會有故去樂議

廟享議 附陳京傳所載廟享議

卷三 儀注

元陵儀注

卷四 判 牒 書 帖

對三命判

按楊志堅妻求別適判

訪求清河行人李華牒

與郭僕射書

與李太保帖九首

與御史帖

與盧倉曹帖三首

與蔡明遠帖二首

劉中使帖

與夫人帖

與緒汝帖

與澄師帖

廣平帖

文殊帖

寒食帖

中夏帖

修書帖

訊後帖

一行帖

南來帖

江外帖

草篆帖

顏魯公文集 目錄

一八

奉使蔡州書

移蔡帖

卷五 序記述

孫文公集序

懷素上人草書歌序

世系譜序

送福建觀察使高寬仁序

送劉太冲序

送辛子序

張長史十二意筆法記

汎愛寺重修記

東方先生畫贊碑陰記

鮮于氏離堆記

撫州寶應寺翻經臺記

撫州寶應寺律藏院戒壇記

撫州南城麻姑仙壇記

宋州官吏入關齋會報德記

吳興沈氏述祖德記

乞御書題額恩敕批答碑陰記

湖州石柱記

崔孝公陋室銘記

吳興太守柳惲西亭記

宋文貞公碑側記

家廟碑後記

家廟碑額陰記

謝公碑陰記

項王碑陰述

卷六 贊頌辨題名碑銘

左納言史務滋像贊

李侍御寫真贊

永字八法頌

蒲塘辨

華嶽廟題名

東林寺題名

西林寺題名

靖居寺題名

周太師蜀國公尉遲公廟碑銘

天下放生池碑銘

有唐故中大夫使持節壽州諸軍事壽州刺史上柱國贈太保郭公廟碑

銘

晉紫虛元君領上真司命南嶽夫人魏夫人仙壇碑銘

撫州臨川縣井山華姑仙壇碑銘

華蓋山王郭二真君壇碑銘

卷七 碑銘二

東莞臧氏糾宗碑銘

晉侍中右光祿大夫本州大中正西平靖侯顏公大宗碑銘

有唐茅山元靖先生廣陵李君碑銘

湖州烏程縣杼山妙喜寺碑銘

浪迹先生元真子張志和碑銘

唐故通議大夫行薛王友柱國贈祕書少監國子祭酒太子少保顏君碑

銘

卷八 神道碑銘一

河南府參軍贈秘書丞郭君神道碑銘

秘書省著作郎襄州都督長史上護軍顏公神道碑銘

攝常山郡太守衛尉卿兼御史中丞贈太子太保諡忠節京兆顏公神道碑銘

正議大夫行國子司業上柱國金鄉縣開國男顏府君神道碑銘

和政公主神道碑銘

唐故開府儀同三司太尉兼侍中河南副元帥都督河南淮南淮西荆南

山南東道五節度行營事東都留守上柱國贈太保臨淮武穆王李公

神道碑銘

卷九 神道碑銘二

朝議大夫贈梁州都督上柱國徐府君神道碑銘

金紫光祿大夫守太子太傅兼宗正卿贈司空上柱國隴西郡開國公李

公神道碑銘

朝議大夫守華州刺史上柱國贈秘書監顏君神道碑銘

特進行左金吾衛大將軍上柱國清河郡開國公贈開府儀同三司兼夏

州都督康公神道碑銘

中散大夫京兆尹漢陽郡太守贈太子少保鮮于公神道碑銘

朝議大夫行江陵少尹兼侍御史荆南行軍司馬上柱國顏君神道碑銘

左衛率府兵曹參軍賜紫金魚袋顏君神道碑銘

卷十 神道碑銘三

唐故右武衛將軍贈工部尚書上柱國上蔡縣開國侯臧公神道碑銘

有唐開府儀同三司行尚書右丞相上柱國贈太尉廣平文貞公宋公神

道碑銘

遊擊將軍左領軍衛大將軍兼商州刺史武關防禦使上柱國歐陽使君

神道碑銘

銀青光祿大夫海陵縣房睦台六州刺史上柱國汲郡開國公康使君神

道碑銘

京兆尹御史中丞梓遂杭三州刺史劍南東川節度使杜公神道碑銘

卷十一 表墓碑銘 墓誌銘 墓誌銘 墓誌銘

唐故容州都督兼御史中丞本管經略使元君表墓碑銘

京兆尹兼中丞杭州刺史劍南東川節度使杜公墓誌銘

杭州錢塘縣丞殷君夫人顏君碣銘

曹州司法參軍秘書省麗正殿二學士殷君墓碣銘

祭姪贈贊善大夫季明文

祭伯父蒙州刺史文

橫山廟碑

卷十二 古近體詩 逸詩存目

詠陶淵明

贈裴將軍

刻清遠道士詩因而繼作附清遠道士同沈恭子游虎邱有作李德裕

次道和清遠道士詩韻又補沈恭子詩

題杼山琴亭得暮字

謝陸處士杼山折青桂花見寄之作

贈僧皎然

登平望橋下作

使過瑤臺寺有懷園寂上人

五雜組擬作附同擬五人作李專殷佐

重擬五雜組附同擬三人作李專張

登峴山觀李左相石尊聯句真卿劉全白裴衡張薦王修甫吳筠顏仲

宣左輔元權器陸士修楊德元章介淡僧清靈外崔宏顯史仲

水堂送諸文士戲贈潘承聯句真卿潘述李專潘述

水亭詠風聯句	裴幼清	楊憑	真卿	楊凝	左輔元	陸士修	陸涓
溪館聽蟬聯句	楊憑	楊凝	真卿	楊凝	左輔元	陸士修	陸涓
送耿漳拾遺聯句	真卿	真卿	真卿	真卿	真卿	真卿	真卿
月夜啜茶聯句	陸士修	陸士修	陸士修	陸士修	陸士修	陸士修	陸士修
夜宴詠燈聯句	陸士修	陸士修	陸士修	陸士修	陸士修	陸士修	陸士修
三言喜皇甫侍御過南樓玩月聯句	真卿	真卿	真卿	真卿	真卿	真卿	真卿
七言重聯句	真卿	真卿	真卿	真卿	真卿	真卿	真卿
送李侍御聯句	真卿	真卿	真卿	真卿	真卿	真卿	真卿
玩初月重遊聯句	真卿	真卿	真卿	真卿	真卿	真卿	真卿
重送橫飛聯句	真卿	真卿	真卿	真卿	真卿	真卿	真卿
竹山聯句題潘氏書堂	真卿	真卿	真卿	真卿	真卿	真卿	真卿
夜集聯句	真卿	真卿	真卿	真卿	真卿	真卿	真卿
大言聯句	真卿	真卿	真卿	真卿	真卿	真卿	真卿
小言聯句	真卿	真卿	真卿	真卿	真卿	真卿	真卿
樂語聯句	真卿	真卿	真卿	真卿	真卿	真卿	真卿
饒語聯句	真卿	真卿	真卿	真卿	真卿	真卿	真卿
滑語聯句	真卿	真卿	真卿	真卿	真卿	真卿	真卿
醉語聯句	真卿	真卿	真卿	真卿	真卿	真卿	真卿
斷句							
卷十三 外集一							
舊唐書列傳							
新唐書列傳							
全唐詩小傳							
全唐文小傳							
湖州府志名宦傳							

舊唐書段顏合傳贊							
新唐書段顏合傳贊							
宏蘭錄二顏張許合傳贊							
卷十四 外集二							
顏魯公行狀							
顏魯公神道碑銘							
卷十五 外集三							
顏魯公年譜							
卷十六 外集四							
寄章南陵冰余江上乘興訪之遇尋顏尚書笑有此贈	唐	李白					
陪譙湖州公堂	唐	李嶠					
數顏魯公送挺靈歸翠微寺	唐	盧綸					
送顏平原	唐	岑參					
胡笳歌送顏真卿使赴河隴	唐	戎昱					
聞顏尚書陷賊中	唐	戎昱					
奉酬顏使君真卿見過郭中寺寺無山水之賞故予述其意以答焉	唐	僧皎然					
奉酬顏使君真卿王員外園宿寺兼送員外使迴	唐	僧皎然					
杼山上峯和顏使君真卿袁侍御高五韻賦得印字仍期明日登開元寺	唐	僧皎然					
樓之會	唐	僧皎然					
奉賀顏使君真卿二十八日隔絕自河北遠歸	唐	僧皎然					
同顏使君真卿李侍御遊法華寺登鳳翅山望太湖	唐	僧皎然					
奉和顏使君真卿修韻海畢會諸文士東堂重校	唐	僧皎然					
奉同顏使君真卿開元寺經藏院會觀樹文殊碑	唐	僧皎然					
奉同顏使君真卿袁侍御駝橋玩月	唐	僧皎然					
九日陪顏使君真卿登水樓	唐	僧皎然					

奉和顏使君真卿修韻海畢州中重宴	
春日陪顏使君真卿皇甫曾西亭重會韻海諸生	
奉陪顏使君真卿登峴山送張侍御嚴歸臺	
同顏使君真卿峴山送李法曹陽冰西上獻書時會有詔徵赴京	
同顏使君清明日游因送蕭主簿	
陪顏使君錢宣諭蕭常侍	
奉陪顏使君修韻海畢東溪泛舟錢諸文士	
同顏魯公泛舟送皇甫侍御曾	
奉同顏使君真卿送李侍御尋賦得荻塘路	
奉應顏尚書真卿觀元真子置酒張樂舞破陣畫洞庭三山歌	
奉和顏魯公真卿落元真子舴艋舟歌	
奉同顏使君真卿清風樓賦得洞庭歌送吳鍊師歸林屋洞	
晦日陪顏使君白蘋洲集	
新樂府青石激忠烈也	
謁湖州顏魯公祠	宋 白居易
題顏魯公畫像	徐俯
游湖州題顏魯公祠堂	童敏德
游麻姑山	劉涇
讀中興頌碑	張耒
題顏魯公像	朱翌
過平原	文天祥
顏魯公祠堂	謝薺
書磨崖碑後	元 郝經
謁湖州顏魯公祠	明 張羽
謁三顏祠於白石山	蔡道憲
韻海樓	本朝 吳綺

游杼山	
題韻海樓玉樓春	
坐韻海樓醉蓬萊	
卷十七 外集五	
授顏真卿監察御史制	天寶六載
授顏元孫滁州刺史制	開元二年
贈顏昭甫華州刺史制	乾元元年
贈顏惟貞秘書少監制	寶應元年
贈蘭陵郡太君殷氏蘭陵郡太夫人制	寶應元年
授顏真卿刑部尚書告	大曆十二年
授顏真卿太子少師告	建中元年
贈故太師顏真卿司徒詔	貞元元年
授顏峴贊善大夫制	穆宗時
授顏宏式同州參軍制	開成元年
授顏溫鳳翔文學制	宣宗時
授顏堯禮部郎中制	昭宗時
請贖太師顏真卿歸朝疏	唐 張薦
請表太師顏真卿忠節疏	嗣曹王皋
為淮西宣慰使鄭右丞祭顏太師文	穆員
為留守賈尚書祭顏太師文	
移顏公詩記	唐 鄭薰
弔九江驛碑材文	歐陽詹
碎碑記	沈顏
撫州顏魯公祠堂記	宋 曾鞏
費縣顏文忠公新廟記	曹輔
魯公仙蹟記	米黻

顏魯公文集 目錄

一一一

離堆顏魯公祠堂記	黃庚
祁陽顏元祠堂記	許永
吉州顏魯公祠堂記	歐陽守道
涪溪書院記	元蘇天爵
卷十八 外集六	
顏魯公文集序	宋劉敞
顏魯公文集後序	留元剛
刻顏氏告跋	
顏魯公文集序	明楊一清
顏魯公文集後序	都穆
重刻顏魯公文集序	趙燦
顏魯公文集跋	羅樹聲
重刻米元章魯公仙蹟跋	鮑觀光
卷十九 外集七	
顏魯公官階考	本朝畢沅
顏魯公著作考	黃本驥
顏魯公著韻海鏡源始末考	
顏魯公湖州賓客考	
顏魯公生卒葬地考	
顏魯公祠廟考	
卷二十 外集八	
雜紀	
卷二十一 書評一	
總論	
張仁蘊德政碑	天寶元年
郭虛己碑	天寶十一載三月
郭授碑	天寶十一載三月
多寶塔感應碑	天寶十一載四月
夫子廟堂記殘碑	天寶十一載四月
卷二十二 書評二	
東方朔畫贊并碑陰記	天寶十三載十二月
咸寧孔子廟碑	
逍遙樓請御書碑額表	乾元元年
祭姪季明文	乾元元年九月
金天王廟題名	乾元元年十月
卷二十三 書評三	
告伯父蒙州刺史文	乾元元年十月
與蔡明遠帖	乾元二年
乍奉辭帖	
顏勤禮碑	乾元二年
題盧後伽藍壁、	
顏允南妻陳夫人碑	
離堆記	寶應元年五月
顏允南碑	寶應元年十一月
顏惟貞并殷夫人告	寶應二年十一月
韋續碑	寶應二年
郭氏家廟碑	廣德二年十一月
郭敬之墓碑	
卷二十四 書評四	
與郭英乂論坐位書	廣德二年十一月
顏元孫碑	永泰元年
鹿脯帖	永泰元年

乞米帖

朝迴帖

捧袂帖

硤州帖

東林寺題名 永泰二年六月

西林寺題名 永泰二年六月

顏顯甫碑 永泰二年

窪尊銘 永泰二年

左伯桃墓詩

龍溪二大寺

祖關二大字

鮮于仲通碑 大曆二年正月

鮮于氏里門記

靖居寺題名 大曆二年十月

書馬伏波語 大曆三年四月

顏喬卿墓碣 大曆四年四月

顏幼輿碑 大曆四年四月

顏允臧碑 大曆四年四月

顏處士殘碑

謝康樂翻經臺記 大曆四年四月

魏夫人仙壇碑 大曆四年

華蓋山王郭二真君碑記

逍遙樓三大字 大曆五年正月

殷踐猷墓碣 大曆五年五月

殷攝碑

卷二十五 書評五

宋璟碑及碑側記 大曆五年十二月碑側記大曆十三年三月

張景倩碑 大曆五年

元子哲遺愛碑 大曆五年

律藏院戒壇記 大曆六年三月

麻姑仙壇記 大曆六年四月

卷二十六 書評六

大唐中興頌 大曆六年六月蜀本附

臧懷恪碑

臧氏糾宗碑

臧氏故宅碑

顏含大宗碑 大曆六年十一月

顏含碑 大曆七年四月

書清遠道士詩及和作

虎邱劍池四大字

送劉太沖敘 大曆七年

八關齋功德記 大曆七年五月

劉中使帖

與夫人帖

卷二十七 書評七

天下放生池碑并乞御書碑額表及碑陰記 大曆八年七月碑陰記九年正月

沈氏述祖德碑陰記 大曆八年十二月

謝太傅塘碑陰記 大曆八年

湖州石記

干祿字書

竹山潘氏堂聯句

卷二十八 書評八

顏魯公文集 目錄

顏杲卿碑 大曆九年

妙喜寺碑 大曆九年

歐陽珣碑 大曆十年十月

元結墓表

湖州石柱記 大曆十二年

射堂記 大曆十二年四月

浮玉二大字

柳惲西亭記 大曆十二年四月

湖州帖

項王碑陰述 大曆十二年

韻海

駱駝橋三字

橫山廟碑

永興寺額

文殊碑

文殊帖

祖亭碑

李抱玉墓碑并廟碑 大曆十二年五月

李元靖碑 大曆十二年五月

杜濟墓碑 大曆十二年十一月

杜濟墓誌 大曆十二年十一月

康希銑碑 大曆十二年

懷圓寂上人詩 大曆十二年十二月

顏默殘碑

卷二十九 書評九

殷君夫人顏氏碑

馬璘新廟碑 大曆十四年七月

馬承光殘碑

張敬因碑

顏氏家廟碑 建中元年七月

卷三十 書評十

朱巨川告二 建中元年八月一三年八月

自書太子少師告 建中元年八月

王密碑 建中二年十月

元德秀碑 建中四年

唐興寺主碑

張府君碑

守政帖

與柳冕帖

裴將軍詩

誌公像贊

開元寺僧殘碑

臨諸家法帖

華嚴經

小字華嚴經

黃庭經

摩利支天經

自江淮帖

送辛冕序

寒食帖

與澄師帖

臯陶帖

旌儒廟碑

元偉法師碑

霄漢閣石刻

天中山三字

真卿二字

訊後鄒游脩書廣平中夏五帖

別本麻姑壇記

元孫昭甫二告并魯公授刑部尚書制

御書南來草隸江外送書五帖

元宗老子像贊

奉使帖 興元元年

移蔡帖 貞元元年正月

忠義堂帖

顏魯公文集目錄

原
书
空
白
页

寧鄉黃本驥仲良編訂

湘陰蔣 瓌維揚參校

賦

象魏賦以象懸國章道崇政理篇韻

曰有唐之建都令蓋法天而立象濬重門於北極聳雙闕以南敞夾黃道而凝峙于青雲之直上豈一人之是憑抑萬國之攸仰洎乎青陽戒節玉紀迴天萬戶開漏以傳響百僚執贄而獻年適人之木鐸既徇天子之金章是懸觀乎漢發大號乎崇聖德澤如春流義若泉塞公卿翼翼而仰化黎庶欣欣而無忒自皇明而播九重由京師而降萬國美哉真盛代之聖明也爾其闕之爲用也叶古典布新章積非煙之疊疊纂佳氣之蒼蒼扣峻墉以龍峙屹中天而鳳翔伯玉過而必肅子牟懷而不忘若乃盤礴國門巍峨宮昊覆瑤草於輦路接青槐於馳道巨玉斗而彌永半金城以處好既悅功於子來抑有符於靈造及夫霜天肅曙景涵風對嚴廊而隱麟映玉樹以玲瓏既岌岌以葉葉亦穹宮而崇崇縱黃金與紫貝孰並美而傳功童子何知謬膺邦政徒欲竭其鄙思諒難酬於嘉命且賦頌之作本乎情性雖杼軸而屢空聊高歌以爲詠亂曰巍巍雙闕今岳立雲峙政令因斯以縣有令黎元賴此以獲理敢頌美於一時庶流芳於千祀

表

皇帝即位賀上皇表至德元載七月

臣真卿言六月二十七日伏承賊陷潼關駕幸蜀郡李光弼郭子儀等正圍博陵郡收兵入土門王師既還百姓震恐憂懼危懼若無所歸臣不勝悲憤之深遂遣脚力人張雲子間道上表猶恐不達又差招討判官信都郡武邑縣主簿李銑相繼間行一本無銑及雲子前後並到靈武郡奉皇帝七月十二日敕伏承陛下命皇太子踐祚改元皇帝上陛下尊號曰上皇天帝臣及官吏僧道耆壽百姓等蹈舞抃躍不勝感咽此一本無其張雲子回皇帝授臣工部尚書兼御

史大夫其李銑回又授臣銀青光祿大夫顧以庸微頻叨寵命道路隔絕辭讓無由進退失圖伏增惶懼竊以逆賊安祿山孤負聖恩憑陵寓縣禍盈惡稔尙稽天誅今皇帝撫軍蒼生賈勇豐鎬河洛指期可平伏願陛下垂拱頤神以觀廓清之慶臣官守有限不獲隨例闕庭無任懇款悲戀之至

上皇批答常表行

兇逆亂常侵侮中夏潼關失守京國不寧朕因涉岐梁至於巴蜀遂命皇帝肇登寶曆爰靖妖氛今官軍益振回紇効款即擬南行共爲翦滅卿忠惟奉國孝則保家懷不二之心秉難奪之操皇帝累申寵命兼以崇班宜有懋於深功一作官且用光於重守

讓憲部尚書表至德二載四月

臣真卿言臣聞無功受賞爲善不勸有罪不罰爲惡罔辨陛下克復之期匪朝伊夕至如賞罰二柄事在必行苟或不明於何取則臣以愚懦叨守平原屬逆賊安祿山背叛聖恩擾犯河洛臣堂兄果卿以常山太守首開土門臣與河北諸郡因之固守人臣本分夫有何功上皇授臣戶部侍郎兼知招討採訪等使已失人望緣賊未滅遂不敢辭又令李光弼郭子儀賀蘭進明等與臣計會同討凶逆三數月間河北向定屬潼關失守大駕西巡光弼等卻入土門諸郡危逼陛下御極又錄臣無功寵以非次常伯亞相一時猥集臣兄允南弟允臧等連榮臺省一男三姪皆授好官在臣一門叨幸斯極殞身碎首無以上報臣常使判官鉅鹿郡南和縣丞賈載姪男承王府典軍廣成及行官鄧昌珍楊神功裴法成等十餘人將綵物絹帛相繼渡海與劉正臣計會共和兩番一本兩正作三臣等尅期南來行已有日屬逆賊史思明尹子奇等乘其未至悉力急攻諸郡無援相次陷沒皆由臣孱懦無謀致此顛沛誠合殉命危難死守孤城以爲歸罪闕庭愈於受擒賊手所以僞僞偷生過河緣劉正臣使楊神功將牒與臣索兵馬及盤瓶錦帳令應接奚契丹等不與其勾當伏恐陛下貽憂又恩敕先超授吳郡司士鄭範樂安郡太守令於江淮南兩度僧道取錢與臣召募士馬令應接河北臣由此未獲即赴行在遂至廣陵丹陽等郡各與採訪使計會竟

不得兵馬即累奉聖旨許臣入奏行至武當郡又奉恩命除臣憲部尚書兼令使者送告身與臣捧戴殊私不任惶懼陛下縱令宏善實不忍明刑在臣覲冒至深胡顏自處臣忝爲大臣繫國休戚損益國臣受其益損國益臣臣受其損若受任失守還期屢遷示國無刑於臣大損非敢外飾實披至誠又臣名節雖微任位頗重爲政之體必在律人恩先逮下罰當從上今罪一人則萬人懼若怙於寵四海何瞻伏願陛下重貶臣一官以示天憲使天下知有必行之法則知有必賞之令寵榮過於尚書遠矣無任懇悃之至

肅宗批答

卿才推翰苑望重朝廷昆弟成名俱效忠節頃逢蠶縱毒郡邑多虞卿能審事宜捍禦兇盜雖平原不守而功效殊高躬自歸朝深副朕望允膺曳履之命無至免冠之請

謝兼御史大夫表

至德二載六月

臣真卿言伏奉今日制書以臣兼御史大夫本官如故恩榮屢及成命曲臨捧戴殊私慚惶靡據中臣辱微有素抗直無聞比守平原因於凶賊不能死節負義歸朝斧鉞之誅甘心待命崇高之位不次頻叨孟夏之中始操刑柄數旬之內兼總憲司撫己缺如負乘斯甚將何以明刑天下振舉朝綱臣聞秦漢之時凡有制詔皆下丞相御史府人到於今稱爲副相東方朔舉自古聖賢以次百官乃以孔某爲御史大夫則知其官何可妄授況列曹尚書古之常伯如天之有斗豈易其人昨以表辭非敢矯舉恐煩天聽僂僂就班候隙請問方擬牢讓不圖榮寵又集微軀聖恩頻繁固令即上陳請莫遂惶懼益深又臣竊見近日朝列之內或有身兼數官苟貪利權多致顛覆害政非一妨賢實多臣嘗念之其忍自冒無任懇迫屏營之至謹詣閣門陳謝以聞倘天聰聽卑猶冀少迴恩命停臣一職別授忠賢則雖死猶生期於畢力臣某云云

肅宗批答

卿德重才博久而益彰深竭忠貞克著名節乃今再造區夏藉卿以振朝綱曳履之榮允膺其象弄印之寵無以易卿既簡朕心不至謙讓所謝知

同州刺史謝上表

至德二載十二月

臣真卿言伏奉某月日恩制除臣同州刺史以某日至郡上訖受命祇懼伏增戰越中臣自失守平原萬里歸命甘心斧鉞用微敗亡陛下錄纖芥之誠捨邱山之罪超司秋典再長憲臺宗伯亞相一時猥集在臣叨幸何以克堪蕃當粉骨碎身少酬萬一而力微任重福過災生涓塵莫效咎愆仍積上負聖明之恩下慚魯衛之士榮水加劍未塞深尤禦魃投荒乃爲殊造陛下識其眉目矜其要領待罪猶忝於左馮黜官不離於本秩感念恩德淪於心髓木石知變況在微臣伏惟陛下察其慙愚收其後效臣雖萬死實荷所天竊以此郡破亡再陷凶逆生靈塗炭邑室空虛殺傷者雖或盡藏逃亡者尚未歸復謹當勵精悉力宣諭皇明旬月之間望有所校伏惟陛下減省聖慮不以此郡爲憂則臣之愚忠生死萬足其戶口實數并利害切急者伏望容臣括責續狀奏聞無任感戀之至

肅宗批答

卿夙負名器列在朝廷委弄印之傳兼曳履之寵而乃事乖執法情未減私朕念以舊勳遂從寬宥今左輔之郡凋敝之餘宜加撫存以申來效所謝知案舊書本傳云出爲同州刺史新書本傳云出爲馮翊太守至德二載十二月始復郡太守爲州刺史公以是載十月自鳳翔扈從還京爲宰相所忌出貶同州其到任謝上當是十二月事應以舊傳爲是是表標題及除臣云云集本皆作馮翊太守今從全唐文改正

蒲州刺史謝上表

乾元元年三月

臣真卿言臣今月十一日伏奉五日恩制除臣使持節蒲州諸軍事蒲州刺史充本州防禦使臣緣同州先無佐官蒲州書魚未到遲迴累日不敢赴上中使張抱誠至奉宣恩命令臣與將軍趙瑣計會遊奕兵馬昨以十八日至州上訖祇承寵命伏增感傷中臣竊以此州之地堯舜所都表裏山河古稱天險餘凶未殄防禦是先况扼秦晉之喉撫幽并之背既號股肱之郡實資心膂之賢伏惟光天文武大聖孝感皇帝陛下道冠生人恩涵墜履方建非常之業不遺易

忘之臣特委大邦俾之集事戴荷殊獎無忘寢食但臣愚騫有素智勇缺然將以鎮遏艱虞導揚德澤拜命之日以榮為憂唯君知臣教其不及動恤人隱動必以聞陛下不以為煩則臣死而獲考矣無任感戴屏營之至

肅宗批答

卿簪紱之端名節素重出鎮藩翰克效忠勤況自同及蒲襟帶相接宣風布化實佇於卿特委股肱尤當勉勵防虞恤隱必應事宜所謝知

謝贈租官表

乾元元年四月一日本標題脫租字

臣真卿言伏奉二月十七日恩制臣亡祖故曹王屬曹王晉王侍讀先臣昭甫特蒙聖恩超贈使持節華州諸軍事華州刺史天慈錫類泉壤疏榮殊私闔門感慶竊以臣亡祖伏膺文儒克篤前烈能讀三墳五典八索九邱特為伯父故秘書監先臣師古之所賞愛師古每有註釋未嘗不參預焉又與學士令狐德棻等同侍天皇得備顧問有時無命天闕咸年臣亡父故薛王友先臣惟貞亡伯故濠州刺史先臣元孫等並祿祿宜麻孩提未識養於舅氏殷仲容以至成立臣堂兄故衛尉卿兼御史中丞果卿即元孫之子及臣兄弟等幸承貽厥之訓遭遇明聖之朝各以微誠皆蒙殊獎昇卿雖死為不朽矣臣亦何人屢叨榮祿夙夜祗懼慚戴已深不謂霽澤曲霑褒贈俯及特蒙加等之禮實為非常之恩感戴屏營萬死非報無任戰荷之至謹因中使內謁者監張抱誠冒死陳謝以聞一本謝作言

肅宗批答

卿之乃祖嘗為碩儒既高倚相之能遂有臧孫之後不墜其業在卿之門式覃追遠之恩俾蒙貽厥之慶加贈方岳以表哀榮所謝知

謝浙西節度使表

乾元二年六月

臣真卿言伏奉六月九日恩制以臣為昇州刺史充浙西節度使兼江寧軍使聖德含宏不遺簪履捨其罪戾假以麾幢感戴恩榮死生知報臣某謝中以為全吳舊國分閭重權兼東海以自資塹西河而作固九州天險之地六代帝王之都是以魏文興嗟甘從南北之限荷堅恃眾一本恃眾作怙眾爰喪百萬之師豈不

以形勝是先腹心斯切親賢重寄鎮遏攸難矧在庸微寧堪及此是以拜命之日以榮為憂制書以今月四日至饒州臣以今日發赴本道取都統節度觀察使李岵處分訖即赴昇州即當繕修甲兵撫循將士觀察要害以備不虞假陛下英武之威遵陛下平明之理一心戮力上答天慈伏惟陛下察臣愚忠則死且不朽無任感戴屏營之至

肅宗批答

卿學行有聞謀猷克壯屢經寒歲不改松筠且江寧古之帝都實為巨防自非宿德其可濫居委卿忠誠俾當連帥宜宏籌略為朕緝綏所謝知

乞御書天下放生池碑額表

乾元元年七月

臣真卿言臣聞帝王之德莫大於生成臣子之心敢忘於讚述臣去年冬任昇州刺史日屬左驍衛左郎將史元琮中使張庭玉等奉宣恩命於天下州縣臨江帶郭處各置放生池始於洋州與道迄於昇州江寧秦淮太平橋凡八十一所恩沾動植澤及昆蟲發自皇心偏於天下歷選列辟未之前聞海隅蒼生孰不欣喜臣時不揆愚昧輒述天下放生池碑銘一章又以俸錢於常州採石兼力拙自書蓋欲使天下元元知陛下有好生之德因令微臣獲廣昔賢善頌之義遂竊寫一本附史元琮奉進兼乞御書題額以光揚不朽緣前書點畫稍細恐不堪經久臣今謹據石壁窠大書一本隨表奉進庶以竭臣下懷懷之誠特乞聖恩俯遂前請則天下幸甚豈惟愚臣昔秦始皇虐之君李斯邪詔之臣猶刻金石垂於後代魏帝外禪之主鍾繇偏方之佐亦於繁昌立表頌德況陛下以魏魏功業而無紀述則臣竊恥之謹昧死以聞伏增戰越臣真卿誠惶誠恐頓首謹言

肅宗批答

朕以中孚及物亭育為心凡在覆載之中必登仁壽之域四靈是畜一氣同和江漢為池魚鼈咸若卿慎徽盛典潤色大猷能以懿文用刊樂石體含飛動韻合鏗鏘成不朽之立言紀好生之上德唱而必和自古有之情發於中予嘉乃意所請者依

謝戶部侍郎表寶應元年五月

臣真卿言伏奉某月日恩命以臣爲戶部侍郎榮寵自天感戴交集謝中臣聞地官之任邦教是資侍郎之職非賢不授況臣資性愚蒙行能無取頻以疎拙獲罪朝廷五年之間三貶官次先朝皇極猶佐藩條官階勳封盡蒙黜削待罪三年分從遐棄屬陛下以聰明睿哲嗣聖登庸恩宥廣覃授臣利州刺史詔書始下纔涉旬朔不遺易忘之臣忽奉待詔之命生死骨肉受賜已深對見之辰又蒙假以章服小臣懷惠寤寐無寧聖澤頻繁叨戴斯授循涯省分益量則多粉骨糜軀罔知攸答無任感戴惶懼之至

代宗批答

卿門傳儒行代挹公才忠義在躬幹蠱從政頃升入座式昭水鏡之規往鎮兩河能鳴風雨之晦比雖因事見貶今則念舊錄功然以地官務殷惟才是屬周行所舉殊恆朕懷所謝知

謝吏部侍郎表寶應二年三月

臣真卿言伏奉某月日恩制以臣爲吏部侍郎又奉某月日恩制加臣銀青光祿大夫浹辰之間殊澤洊至恭承寵命戴荷交馳謝中竊以國之所急必在官人銓綜之司非賢弗授伏揆虛薄祗懼實深常恐上塵則哲之明下負竊位之責未酬萬一再沐恩私寵命忽臨舊階旋復叨榮既感宥過何深佩玉腰金實懼在梁之刺忘軀拜賜惟懷粉骨之誠施重力微罔知攸措無任荷戴屏營之至

代宗批答

卿鬱然詞宗雅有朝望高標勁節歷霜霰而不渝握鏡懸衡鑒人倫而式敘是用特加命數光乃純臣復銀青之舊階鳴水蒼之雜佩佇聞密啓以定九流舉其朝綱僉曰惟允所謝知

謝荆南節度使表廣德元年八月

臣真卿言伏奉二十七日恩制除臣江陵尹兼御史大夫充荆南節度觀察處置使寵命自天戰荷無地謝中竊以荆南巨鎮江漢上游右控巴蜀左聯吳越南通五嶺北走上都寇賊雖平襟帶尤切雖叔子仁德元凱智囊居之猶或病諸

過此豈宜濫據祇承睿顧伏深慚惕無任感戴屏營之至

代宗批答

卿明邁偉才忠貞壯節夙推公器累踐周行專城高魏尙之勛會府著山濤之績而七澤交帶三江要衝式資統尹之方雅屬旌旄之寄人存政舉其在茲乎所謝知

顏魯公文集卷一

寧鄉黃本驥仲良編訂

湘陰蔣 瓊維揚參校

奏

請除禋服奏 大曆十四年六月

哀號在疚開闢所無誠懇尙違庶僚增懼伏見百辟並已釋除事既合權禮無獨異不可以吉凶兼制臣子殊儀伏乞奉顧命之文節因心之孝順時即吉屈已臨朝則萬姓心安四方事集臣典司儀注不敢輕移冒犯宸嚴無任懇迫

請除素練聽政奏 大曆十四年六月

孝德動天事踰前古德音俯降感咽載深臣伏守遺詔禮從易月祥禪變除儀注皆備若陛下未忍即吉更服練中則遺詔不得奉行羣僚無以覲見伏乞俯順人望仰遵先旨實大孝不虧萬方幸甚臣職在典禮愚守如前無任懇迫之至

請定武成廟釋奠奏 建中二年

治武成廟請如月令春秋釋奠其追封以王宜用諸侯之數樂奏軒縣

案是奏建中二年上見新唐書禮樂志開元十九年始置齊太公廟以漢張良配上元元年追封太公爲武成王以歷代名將十人爲十哲奏白起漢韓信蜀諸葛亮唐李靖李勣列於左漢張良齊穰苴吳孫武魏吳起燕樂毅列如右如文宣廟儀至是詔史館定可配享者列古今名將凡六十四人圖形焉越范蠡齊孫臏趙廉頗秦王藺相如曹參周勃李廣霍去病後漢鄧禹賈復寇恂馬援皇甫嵩魏張遼蜀關羽吳周瑜陸遜晉羊祜王濬東晉謝元燕慕容恪宋檀道濟梁王僧辯北齊慕容紹宗周宇文憲隋韓擒虎史萬歲唐尉遲敬德蘇定方張仁亶王孝傑從祀東廡齊管仲田單趙趙奢李牧漢彭越周亞夫衛青趙充國後漢馮異耿弇段熲魏鄧艾蜀張飛吳呂蒙陸抗晉杜預陶侃前秦王猛後魏長孫嵩宋王鎮惡陳吳明徹北齊斛律光周于謹韋孝寬隋楊素賀若弼唐河間王孝恭裴行儉郭元振張齊邱郭子

儀從祀西廡至貞元二年刑部尚書關播始奏定武成廟仍以張良配其十哲等名及諸將之祀皆罷

更定昏禮奏 建中元年十一月

奏郡縣主見舅姑請於禮會院過事明日早舅姑坐堂上行執弁之禮其觀華燭仗以昏禮主敬竊恐非宜並請停障車下墜却扇等行禮之夕可以感恩至於聲樂竊謂非禮並請禁斷相見儀制近代設以輓帳擇地而置此亦非禮合於堂室中置帳請準禮施行俗忘今時以子午卯酉年謂之當梁年其年娶婦舅姑不相見蓋禮無所據亦請禁斷

案是奏建中元年十一月上見杜氏通典唐初公主下降舅姑皆降禮答拜惟貞觀中王珪子尚南平公主奏行鹽饋之禮物議善之顯慶二年申禁舅姑拜公主令所司隨事糾聞究未能定通鑑綱目載建中元年十一月始定公主見舅姑禮則自公奏發之也景隆二年安樂公主出降假皇后仗出禁中帝及后御安福樓觀之此觀華燭仗之始也開元十六年唐昌公主出降有司進儀注於紫宸殿行五禮從施敬本等言移於光順門外設次行禮此擇地置帳之始也唐俗婦輿既發邀具酒食以爲戲樂上及王公廣奏音樂遮擁道路留滯淹時邀致財物動踰萬計所費過於聘財此又障車之俗也公奏並及數事上皆從之

疏

論百官論事疏 永泰二年

御史中丞李進等傳宰相語稱奉進止緣諸司官奏事頗多朕不憚省覽但所奏多挾私讒毀自今論事者諸司官皆須先白長官長官白宰相宰相定可否然後奏聞者臣自聞此語已來朝野驚然人心亦多衰退何則諸司長官皆達官也言皆專達於天子也郎官御史陛下腹心耳目之臣也故其出使天下事無巨細得失皆令訪察迴日奏聞所以明四目達四聰也今陛下欲自屏耳目使不聰明則天下何述焉詩云營營青蠅止于棘讒言罔極交亂四國以其能變白爲黑變黑爲白也詩人深惡之故曰取彼讒人投畀豺虎豺虎不食投畀

有北則夏之伯明楚之無極漢之江充皆讒人也孰不惡之陛下惡之深得君人之體矣陛下何不深迴聽察其言虛誣者則讒人也因誅殛之其言不虛者冊府元龜者則正人也因獎勵之陛下舍此不爲使衆人皆謂陛下不能明察而倦於聽覽以此爲辭拒其諫諍臣竊爲陛下痛惜之臣聞太宗勤於聽覽庶政以理故著司門式云其有無門籍人有急奏者皆令監門司與仗家引對不許關礙所以防壅蔽也并置立仗馬二匹須有乘騎便往所以平治天下治高祖諱當作理正用此道也天寶已後李林甫威權日盛羣臣不先諮宰相輒奏事者仍託以他故中傷之不取明約百官令先白宰相又聞官袁思藝日宣詔至中書元宗動靜必告林甫先意奏請元宗驚喜若神以此權柄恩寵日甚道路以目上意不下宣下情不上達所以漸致潼關之禍皆權臣誤主不遵太宗之法故也凌夷至於今日天下之弊盡萃於聖躬豈陛下招致之乎蓋其所從來者漸矣自艱難之初百姓尚未凋弊太平之理立可便致屬李輔國當權宰相專政遞相姑息莫肯直言大開三司不安反側逆賊散落將士北走黨項合集土賊至今爲患僞將更相驚恐因思明危懼扇動卻反又今相州敗散東都陷沒先帝由此憂勤至於損壽臣每思之痛切心骨今天下兵戈未戢瘡痍未平陛下豈得不日聞讜言以廣視聽而欲頓隔忠讜之路乎臣竊聞陛下在陝州時奏事者不限貴賤賤務廣聞見乃堯舜之事也凡百臣庶以爲太宗之理可翹足而待也臣又聞君子難進易退由此言之朝廷開不諱之路猶恐不言況懷厭意令宰相宣進止使御史臺作條目不令直進從此人人不敢奏事則陛下聞見只在三數人耳天下之事新書事作士方鉗口結舌陛下後見無人奏事必謂朝廷無事可論豈知懼不敢進即林甫國忠復起矣凡百臣庶以爲危殆之期又翹足而至也如今日之事曠古未有雖李林甫楊國忠猶不敢公然如此今陛下不早覺悟漸成孤立後縱悔之無及矣臣實知忤大臣者罪在不測不忍孤負陛下無任懇迫之至

案疏據舊唐書本傳錄魯公原文也新書本傳載此疏字句多異史臣宋祁節本也今以新書本附錄於後

諸司長官者達官也皆得專達於天子郎官御史陛下腹心耳目之臣也故出使天下事無細大得失皆俾訪察還以聞此古明四目達四聰也今陛下欲自屏耳目使不聰明則天下何望焉詩曰營營青蠅止于棘讒言罔極交亂四國以其能變白爲黑變黑爲白也詩人疾之故曰取彼讒人投畀豺虎豺虎不食投畀有北昔夏之伯明楚之無極漢之江充皆讒人也陛下惡之宜矣胡不回神省察其言虛誣則讒人也宜誅殛之其言不誣則正人也宜獎勵之捨此不爲使衆人謂陛下不能省察而倦聽覽以是爲辭臣竊惜之昔太宗勤勞庶政其司門式曰無門籍者有急奏令監司與仗家引對不得關礙防壅蔽也置立仗馬二匹須有乘騎者聽此其平治天下也天寶後李林甫得君羣臣不先咨宰相輒奏事者託以他故中傷之猶不敢明約百司使先關白時聞人袁思藝日宣詔至中書天子動靜必告林甫林甫得以先意奏請帝驚喜若神故權寵日甚道路以目上意不下宣下情不上達此權臣蔽主不遵太宗之法也陵夷至于今天下之蔽皆萃陛下其所從來漸矣自艱難之初百姓尚未凋竭太平之治猶可致而李輔國當權宰相用事遞爲姑息開三司誅反側使餘賊潰將北走黨項哀嘯不逞更相驚恐思明危懼相挺而反東都陷沒先帝由是憂勤損壽臣每思之痛貫心骨今天下瘡痍未平干戈日滋陛下豈得不博聞讜言以廣視聽而塞絕忠諫乎陛下在陝時奏事者不限貴賤羣臣以爲太宗之治可鼓而待且君子難進易退朝廷開不諱之路猶恐不言況懷厭意令宰相宣進止使御史臺作條目不令直進從此人不奏事矣陛下聞見止於數人耳目天下之士方鉗口結舌陛下便謂無事可論豈知懼而不進即林甫國忠復起矣臣謂今日之事曠古未有雖林甫國忠猶不敢公然爲之陛下不早覺悟漸成孤立後悔無及矣

狀

請復七聖謚號狀
大曆十四年七月

謹按禮記曰先王謚以尊名節以一惠故行出於己而名生於人使夫善者勸而惡者懼也而虞夏之質殷周之文至矣而禹湯文武之君咸以一字爲謚言

文則不稱武言武則不稱文豈聖德所不優乎蓋羣臣稱其至者是以子不得議父臣不得議君天子崩則臣下制謚於南郊明受之於天也諸侯薨則太子赴告於天子明受之於君也至於周室卑大樸散謚始以兩字爲重人或以虛美爲榮漢承戰國餘烈參而用之君臣易名事歸至當少不以爲貶多不以爲褒雖美衆所歸可一言而盡矣魏晉以降蓋不足徵聖唐欽明憲章周漢爰初創業順考古道高祖謚太武一本太用漢制太宗謚曰文行周道也名正理順垂之無窮上元中政在宮壺亂名改作始建神堯文武大聖之號蓋非高宗之所獲已暴元宗之末奸臣竊柄析言而亂舊法輕議以改鴻名遂廣累聖之謚有加至十一字者皇帝則悉有大聖之號皇后則皆有順聖之名使言之者惑於今行之者異於古非舊制也其後劍門下罪己之詔敘高祖以下累聖悉用舊謚則元宗悔既往之失亦已明矣寶應中二聖山陵有司議謚一本議事不師古變而行權去古質而尚浮華捨舊名而廣新謚謂一名不足以節惠乃十倍於古焉而累聖謚名顧悉以字多者爲定是廢高祖太宗之令豈曰愛君今制謚非古人皆知之有司因循其事而無敢言者假使當今守之而不改後人議之以爲非然所失豈不大哉何者臣子之於君父莫不欲廣其美稱先王制禮不敢過也故至敬無文至文尚質質之數極於一堯舜之美足以彰矣文之數極於二孝文孝景之德亦已明矣質則近古文則近今此高祖太宗所以更用其法後王所宜守之法也非天下之至聖其孰能定之此天皇所以與聖王而正鴻名太宗所以待孝孫而修廢典微臣所以守經義而崇聖朝陛下宜奉天心繼先太宗之志使子孫蒙其法而萬代守之此天下之能事也臣愚以爲高祖以下累聖謚號悉宜取初謚爲定謹按舊制宜上高祖爲武皇帝太宗爲文皇帝高宗爲天皇大帝中宗爲孝和皇帝睿宗爲聖真皇帝其二聖謚名字數太廣有逾古制臣愚請擇其美稱而正之謹按謚法秉德不回曰孝昭臨四方曰明宜上元宗爲孝明皇帝又按謚法聖堯周聞曰宣宜上肅宗爲孝宣皇帝仍準漢魏及國朝故事於尚書省議定奏御夫文敵則救之以質至敬也名惑而反之於正至明也祖作之而孫述之至孝也三者備矣然後能立天下之

大本正天下之大名建天下之大業能事畢矣伏惟皇帝陛下詳擇

大歷十四年七月吏部尚書顏真卿上言上元中政在宮壺始增祖宗之謚元宗本姦臣竊命有加至十一字者按周之文武言文不稱武言武不稱文豈聖德有所不優乎蓋稱其至者也請自中宗以上皆從初謚睿宗曰聖真皇帝元宗曰孝明皇帝肅宗曰孝宣皇帝以省文尚質正名敦本上命百官集議儒學之士皆從真卿議獨兵部侍郎袁孝官以兵進奏言陵廟玉冊木主皆已刊勒不可輕改事遂寢不知陵中玉冊所刻乃初謚也通鑑

論元皇帝祧遷狀大曆十四年十月

王制天子七廟三昭三穆與太祖之廟而七又禮器云有以多爲貴者天子七廟又伊尹曰七世之廟可以觀德此經典之明證也七廟之外則曰去祧爲壇去壇爲壇故歷代儒者制迭毀之禮皆親盡宜毀伏以太宗文皇帝七代之祖高祖神堯皇帝國朝首祧萬葉所承太祖景皇帝受命於天始封於唐元本皆在不毀之典代祖元皇帝地非開統親在七廟之外代宗皇帝升祔有日元皇帝神主禮合祧遷或議者以祖宗之名難於迭毀昔漢朝近古不敢以私滅公故前漢十二帝爲祖宗者四而已至後漢漸違經意子孫以推美爲先自光武已下皆有廟號則祖宗之名莫不建也安帝信讒一本信害大臣廢太子及崩無上宗之奏後自建武以來無毀者因以陵號稱宗至桓帝失德尚有宗號故初平中左中郎蔡邕以和帝以下功德無殊而有過差不應爲宗及餘非宗者追尊三代皆奏毀之是知祖有功宗有德存至公之義非其人不居蓋三代立禮之本也自東漢以來則此道喪矣魏明帝自稱烈祖論者以爲逆自稱祖宗故近代此名悉爲廟號未有子孫踐祚而不祖宗先王者以此明之則不得獨據兩字而爲不合祧遷之證假令傳祚百代豈可上崇百代以爲孝乎請依三昭三穆之義永爲通典寶應二年升祔元宗肅宗則獻祖懿祖已從迭毀伏以代宗睿文孝皇帝卒哭而祔則合上遷一室元皇帝代數已遠其神主準禮當祧至祧祧之時然後饗祀

大歷十四年十月代宗神主將祔禮儀使顏真卿以元皇帝代數已遠準禮

合祧請遷於西夾室於是祧元皇帝於西夾室祧代宗神主焉舊唐書禮志

代宗崩禮儀使顏真卿議太祖高祖太宗皆不毀而代祖元皇帝當遷於是遷元皇帝而祧代宗新唐書禮志

議

歐吏部尚書韋韋陟諡忠孝議上元元年八月

出處事殊忠孝不並已爲孝子不得爲忠臣已爲忠臣不得爲孝子故求忠於孝豈先親而後君移孝於忠則出身而事主所以叱馭而進不憚危險故王尊爲忠臣思全而歸恐有毀傷故王陽爲孝子則知晝之與夜本不相隨春之與秋豈宜同日且以爲尙書志業高遠羽儀前朝百行之中能事其衆議行稱諡固多美名何必忠孝兩施然後表德歷考前史恐無此事敢率愚見請更商量博士程皓駁議

天地之性人爲貴人之行莫先於孝孝於君則忠於國愛於父則敬於君脫愛敬齊焉則忠孝一矣立君臣定上下不可以廢忠事父母承祭祀不可以虧孝忠孝之道人倫大經孔子曰以孝事君則忠又曰夫孝始於事親中於事君終於立身此聖人之教也至於忠孝不並有爲而言將由親在於家君危於國奉親則孰當問主赴君則無能養親恩義相迫事或難兼故徐庶指心翻然辭蜀陵母勿頸卒令歸漢各求所志蓋取諸隨若奉慈親當聖代出事主入事親忠孝兩全誰曰不可豈以不仕爲孝舍親爲忠哉況忠孝侯之傳鶴印唐堯之代即有此官伏念美名請依前諡

舊唐書韋安石傳

上元元年八月吏部尚書韋陟卒太常博士程皓議諡忠孝刑部尚書顏真卿以爲忠則以身許國見危致命孝則晨昏色養取樂庭闈不合二行殊高以成忠孝右僕射郭英乂不達其體請從太常之狀而奏

朝會有故去樂議永泰二年

周禮大司樂職云諸侯薨令去樂大臣死令弛懸鄭註云去謂藏之弛謂釋下也是知哀輕者則釋哀重者則藏又按庚蔚之禮論云晉元后秋崩武帝咸寧

元年享萬國不設樂永嘉元年冬惠帝三年喪制未終司徒左長史江統議二年正會不宜作樂又章皇后哀限未終后主已入廟博士徐乾議曰周景王有后嫡子之喪既葬除服叔向猶議其宴今不宜懸宋書禮志云晉武帝已來國有大喪廢樂三年又按江都集禮說晉博士孔恢朝廷遏密懸而不作恢以爲宜都去懸設樂爲作不作則不宜懸孟獻子禪懸而不樂自是應作耳故夫子曰獻子加於人一等矣非謂不應作而猶懸也國喪尙近謂金石不可陳於庭又徐廣晉史曰聞樂不怡故申情於遏密諒聞奪服慮政事之荒廢是故秉權通以變常量輕重以降差臣以周禮去樂之文宋志終喪之證徐廣之論寧戚孔恢之說禪懸禮既可憑事又故實伏請三年未畢都不設懸如有齊衰喪及遇大臣薨歿則量輕重懸而不作

案此議留元剛纂公年譜載於永泰二年考公以大歷十四年五月代宗崩德宗即位充禮儀使至建中三年八月罷使事此議題曰朝會有故去樂有故者謂代宗三年喪制未終也亦應作於建中二年喪制將終之時公爲禮儀使時撰禮樂集十卷此議及請除禪服請除素練聽政二奏請復七聖諡號論元皇帝祧遷二狀廟享議皆禮樂集中僅存之文也

廟享議建中二年九月

議者或云獻祖懿祖親遠廟遷不當祫享宜永闕於西夾室又議者云二祖宜同祫享與太祖並列昭穆而空太祖東向之位又議者云二祖若同祫享即太祖之位永不得正宜奉遷二祖神主附藏於德明皇帝廟臣伏以三議俱未爲允且禮經殘缺既無明據儒者能比方義類斟酌取中則可舉而行之蓋協於正也伏惟太祖景皇帝以受命始封之君處百代不遷之廟配天崇享是極尊嚴且至帝祫之時暫居昭穆之位屈已伸孝敬奉祖宗緣齒族之禮廣尊先之道此實太祖明神烝烝之本意亦所以化被天下率循孝悌也請依舊蔡謨等議至五年舊唐書禮志無五年二字十月祫享之日奉獻祖神主居東向之位懿祖太祖景諸祖宗遵左昭右穆之列此有以彰國家重本尙順之明義足爲萬代不易之令典也又議者請奉遷二祖神主於德明皇帝廟行祫祭之禮夫祫合也故公

羊傳曰大事者何祫也若祫祭不陳於太廟而享於德明廟是乃分食也豈謂合食乎名實相乖深失禮意固不可行也

建中二年九月太常博士陳京上疏言祫祭太廟并令享遷廟獻祖懿祖二神主敕下尚書省百僚集議禮儀使太子太師顏真卿議曰云云 八年正月太子左庶子李嶸等議曰建中二年十月將祫享禮儀使顏真卿狀奏合出獻懿二祖神主行事其部位次第及東面尊位請準東晉蔡謨等議爲定遂以獻祖當東向以懿祖於昭位南向以太祖於穆位北向以次左昭右穆陳列行事且蔡謨當時雖有其議事竟未行而我唐廟祧豈可爲準 考功員外郎陳京議曰京前爲太常博士已於建中二年九月四日奏議祫饗獻懿二祖所安之位請下百僚博採所疑其時禮儀使顏真卿因是上狀與京議異京議未行

舊唐書禮志

建中初代宗喪畢當大祫京以太常博士上言唐家宜別爲獻懿二祖立廟祫祭則祭太祖遂正東向位德明與聖二帝向已有廟則藏祔二祖爲宜詔百官普議禮儀使太子少師顏真卿曰今議者有三一謂獻懿親遠而還不當祫宜藏主西室二謂二祖宜祫食與太祖並昭穆缺東向位三謂引二祖祫祭即太祖不得全其始宜以二主祔德明廟雖然於人神未厭也景帝既受命始封矣百代不遷矣而又配天尊無與上至祫祭時暫屈昭穆以申孝尊先實明神之意所以教天下之孝也況晉蔡謨等有成議不爲無據請大祫享奉獻主東向懿主居昭景主居穆重本尙順爲萬代法夫祫合也有如別享德明是分食非合食也時議者舉然於是還獻懿主祫於廟如真卿

新唐書陳京傳

案舊唐書禮志所載魯公廟享議與新唐書陳京傳所載魯公祫祫議本文也新書經史臣宋祁手刪潤而成故字句多異留元剛編公集誤錄爲二今以京傳所載附錄於後又公議祫祭是建中二年九月以太子少師充禮儀使時事元剛纂公年譜誤載於承泰二年二月貶峽州別駕之後並正之

顏魯公文集卷二

原
书
空
白
页

寧鄉黃本驥仲良編訂

湘陰蔣 瓊維揚參校

儀注

元陵儀注大曆十四年五月

將復於太極殿內高品五人皆常服以次行皇帝衰冕服左荷之升自前東甍當屋履危北面西上三呼而止以衣投於前承之以篋自阼階入以覆大行皇帝之上復者徹殿西北扉降自後西甍其復衣不以篋敝浴則去之既復乃設御牀於殿內楹間去脚舒單簟置枕遷大行皇帝於牀南首以衣覆體去死衣楔齒用角柶綴足以燕几校在南其殿內東西哭位嗣皇帝以下舒草薦焉奠用酒脯醢器用吉器如常儀其告喪之禮使至所在集州縣官及僧道將吏百姓等於州府門外並素服各以其方向京師重行序立百姓在左僧道在右男子居前婦人居後立訖使者立於官長之左告云上天降禍大行皇帝今月某日奄棄萬國刺史以下撫膺哭踊盡哀止哭使者又告云大行皇帝有遺詔遂宣訖刺史以下又哭十五舉聲使者又告皇帝伏準遺詔以今月某日即位刺史以下再拜稱萬歲者三百姓及州縣佐史朝夕巷哭各十五舉聲三日釋服節度觀察團練使刺史並斬衰經杖諸文武官吏服斬衰無經杖大小祥釋服並準遺詔其有勅書使者宣告如常禮將沐浴內有司爲篋於殿西廊下累塊爲竈東面以俟煮沐浴新盆盤瓶高皆濯之陳於西階下掘培於西階之西陳明衣裳於其側帛巾一方尺八寸沐巾二浴巾四皆用帛練櫛及浴衣各實於篋將沐浴內掌事者奉米潘及湯各盛以簠并沐盤升自西階授沐者以入嗣皇帝妃公主等悉出帷外嗣皇帝以下在殿東楹間北面西上內命婦以下在殿西間北面東上俱立哭既沐而櫛將浴內執事者六人抗金御者四人浴拭以巾搥用浴衣設牀於大行東社下莞席上簟浴者舉大行易牀設枕理其鬢髮斷爪盛於小囊大斂卽內於棺中也著明衣裳以方巾覆面以大斂之金覆之內外入就位哭內有司奉盤水升堂嗣皇帝出盥手於帷外洗玉若貝寶筭

執以入西面坐發中徹枕奠玉貝於中之右大臣一人親納梁飯次舍玉既舍訖嗣皇帝復位執服者陳襲衣十二稱實以箱篋承以席去巾加面衣訖設充耳著握手及手衣納帛乃襲既襲覆以大斂之金乃開帷內外俱入復位哭將小斂內外各隨職備辦尚食先具太牢之饌殿明而小斂於斂前三刻侍中版奏請中嚴御府令設小斂牀於大行西南首枕席備焉加以帷帷周以素帷主衣先率所司陳小斂之衣十九稱及絞衾於殿中閣之東席上南領西上小斂前二刻開宮殿諸門諸衛各勒所部仗衛如常式設百官位次及二王後三恪等位又設內外命婦等拜哭位小斂前一刻侍中奏外辦禮儀使引嗣皇帝及皇子等扶引各即位從臨者哭內謁者引諸王等進就位百官亦入就位執禮者稱哭在位者皆哭侍御小臣升殿先布衣於絞上乃遷於衣上舉衾而斂以次加衣十九稱畢乃結絞而衾焉近侍扶嗣皇帝哭進跪馮大行與哭踊無數扶引還次尚食奉饌入列於殿東太常博士引司徒省饌省訖奉饌升設於大行東齋郎取爵於篋受酒爵跪奠與嗣皇帝以下哭踊如初諸行事者應退者降退奉禮郎稱止謁者引諸王還內省禮使奏嗣皇帝哭止近侍扶引退便次內外侍臨者代哭不絕聲百官退位如常式其日大斂前三刻侍中版奏請中嚴內外皆哭御府先設大斂牀於大行皇帝西南首枕席幃帳如初所司先陳大斂之衣百二十稱及絞衾并六玉於殿兩楹之東席上南領西上衣必朝祭及五時正服前二刻開宮殿諸門諸衛各勒所部陳設如常儀設皇帝位於殿東間西向前一刻引諸王以下就位皇帝於東稍北西向南上皇子於皇帝之東亦南上皇叔在皇帝位北稍西南向西上皇叔祖次皇叔之東皇從父兄弟在皇子北稍東南上諸公主大長公主長公主以下並於西間北牀下西上通事舍人引百僚並入依班序立侍中版奏外辦內高品扶皇帝就位立定典儀曰再拜禮儀使奏請再拜皇帝哭踊再拜在位者皆哭哭踊再拜十五舉聲禮儀使奏請止哭內外皆止哭內高品扶皇帝就次諸王公主以下百寮各就次中官內官掌事者皆盥訖升斂如小斂次加衣畢乃以組連珪璋璧琮琥璜六玉而加焉所司以梓宮龍輅緋等入陳於殿西階下至時司空引梓官

升自西階置於大行皇帝西南首加七星版於梓宮內其合施於版下者並先置之乃加席褥於版上以黃帛裹施仰晝日月星辰龍龜之屬施於蓋陳衣及六玉斂訖中官掌事者奉大行皇帝即梓宮內所由先以白素版書應入梓宮內一物以上稱名進入梓宮然後加蓋事畢覆以夷衾皇帝至位哭內外皆就位哭太祝酌酒進授皇帝執爵進奠於饌前少退禮儀使奏請止哭內外皆止哭太祝跪讀祝文曰維某年月日哀子嗣皇帝臣某敢昭告於考大行皇帝日月過速奄及大斂攀號擗踊五內屠裂謹以一元大武柔毛剛鬣明羹薌合薌其嘉蔬嘉薦醴齊尙饗其後祝文大約準此讀訖皇帝再拜哭踊在位者皆再拜哭踊十五舉聲禮儀使奏止哭左右高品扶皇帝還次諸王公主以下各還次百寮序出大斂訖所司設太常晝日月十有二旂杠九仞旂委地大斂之後分置殿庭之兩階又設銘旌以絳廣充幅長二丈九尺題曰某尊號皇帝之柩立於殿下設重於殿庭近西南其制先刊鑿木長丈二尺橫者半之取沐之米爲粥盛以八鬲幕以疏布懸於重內橫木上以葦席北向屈兩端交於上綴以竹篾既大斂內所由執龍輜左右縛引梓宮就西間將監引所由并柏塹等升自西階所由設熬黍稷盛以八筐加魚膳等於龍輜側南北各一筐東西各三筐設訖於西面壘之先以繡黼覆梓宮又張帝三重更以柏木方尺長六尺題漆爲四呵屋以白泥四面塗之機事訖所司設靈幄於機宮東東向施几案服御如常儀侍臣捧衰裳冠經杖威以藉就次進皇帝服訖諸王公主以下及百寮亦各服其服光祿卿率齋郎捧饌入禮儀使引升陳設訖禮儀使就位奉引皇帝至位哭內外皆就位哭既定陵地擇地使就其所卜筮之將卜使者吉服掌事者先設使以下次於陵地東南使者至陵地待於次太常卿泣下服祭服祝及卜師筮師凡行事者皆吉服掌事者布筮席於元宮位南北向西上贊者引泣卜者及太祝立於筮席西南東南向南北上師立於太祝南東面北上贊者引使者詣卜筮席南十五步許當元宮位北向立贊者立於使者之左少南俱北向立定贊者少進東面稱事具退復位泣卜者進立於使者東北西面卜師抱龜筮師開轅出策兼執之執轅以擊策進立於泣卜者前東面南上泣卜者命曰維

某年月朔日子哀子嗣皇帝某謹遣某官某乙奉爲考大行皇帝度茲陵兆無有後艱卜師筮師俱曰諾遂述命於右旋就席北坐命龜曰假爾泰龜有常命筮曰假爾泰筮有常遂卜筮訖與各以龜筮東面占曰從還本位贊者進使者之左東面稱禮畢贊者遂引使者退立於東南隅西面若不從又擇地卜筮如初儀啓前十日皇帝不坐以過山陵前啓一日門下省奏某日某時啓太極殿懣宮啓日之晨奉禮即設御位於太極殿之東間當帷門西向諸王位在後以南爲上典儀設鄒公介公皇親諸親文武九品以上及前資常參官都督刺史版位於太極殿中庭又設蕃客酋長位於承天門外之西僧道位於承天門外之東並以北爲上左右金吾與諸軍計會量抽隊仗隨便設禁其日質明皇帝服初衰經杖入就位晨哭諸王具衰經去杖就位哭鄒公介公皇親諸親等及文武九品以上各服初喪服去杖入就位哭大長公主長公主公主郡縣主等亦衰服入就位哭中官皆布巾喪馭侍衛晨哭並再拜退位通事舍人引蕃客酋長及僧道分立於承天門外之位啓前二刻內所由設奠席及香燭於帷門之外奉禮郎設盥洗於東階下西南北面疊水在洗東篋在洗西南肆設太尉版位於東南南向設司空位於太尉位之南少退禮生一人執拂梓宮之巾陪其後設禮儀使位於太尉之北少退禮官等陪後設監察使位於禮儀使之下光祿卿具太牢之饌俟於東階下又於饌上設罇站位於奠席東南北向加酌罇禮儀使立於罇站東御史立於罇站西太祝奉禮郎立於罇站南爲位禮官在禮儀使後啓前一刻侍中版奏外辦禮官贊執事官入就階下位禮儀使等橫行以西爲上再拜訖升就位禮官省饌訖贊光祿卿引饌升自東階列帷門外席上近侍引皇帝具衰經入就位哭踊禮儀使前進跪奏請再拜皇帝再拜諸王妃主等並各就位晨哭禮生引太尉通事舍人分引羣官各入就位禮官贊太尉再拜又一人贊羣官再拜哭十五舉聲禮官各贊止哭禮生引太尉詣盥洗盥手洗爵升自東階詣罇站所太祝舉罇酌醴齊以授太尉禮儀使跪奏請皇帝止哭奉皇帝之杖前進中官承傳止哭殿內皆止哭太尉以醴齊於皇帝之左跪進醴齊皇帝受醴齊跪奠於饌前俛伏與少退立太祝持版進北

面跪讀祝文訖奠版俛伏與退復位皇帝再拜哭踊殿內及庭中文武九品以上皇親諸親等皆哭十五舉聲止禮儀使跪奏獻畢請皇帝退復位禮官引太尉及禮儀使降復階下位所由徹饌執事官序降訖皇帝退就次禮生引司空執巾升自東階於橫宮南北向立司空跪啓曰謹以吉辰啓機塗告訖太尉哭羣官皆哭通事舍人分引羣官序出掌事者升徹機塗徹訖司空以巾拂拭梓宮覆以夷衾納幕內所由周迴設帷及施常食之奠如常儀訖禮儀使升就舊位禮官陪後皇帝衰經就位哭通事舍人分引羣官入就位皇帝稽顙禮儀使請再拜皇帝哭盡哀禮儀使跪奏請止哭降出羣官再拜哭十五舉聲訖又序出太極門外北向重行立班奉慰如常儀退前二日所司設文武羣官次於太極門外東西廊下又設帳殿於庭帳內設吉幄幄內設神座南向又設龍輦素幄於殿庭吉幄之右前一日午正後一刻除殿上羣障及階下凶庭并版城少府所由移旒附於重北未正後一刻典禮設羣官夜哭版位如晨夕哭儀又設挽歌席位於嘉德門內設挽郎挽士席位於嘉德門外並左右序設北向相對設鼓吹嚴警位於承天門外晝漏未盡三刻有司設庭燎終夜通事舍人分引羣官就位版位立定禮官贊哭哭畢退就次挽歌作盡二點止嚴警次發盡五點止二更羣官哭及挽歌鼓吹嚴警如上儀其三更四更五更並準此其一日前二刻奉禮郎設御座所由設奠席奉禮設盥洗及禮儀使太尉版位於東階下光祿卿具太牢饌並如啓奠之儀前一刻侍中進奏外辦禮官省饌光祿卿引饌禮生引太尉禮儀使等橫陳再拜訖升殿通事舍人分引羣官入就位亦如啓奠之儀禮儀使跪奏請皇帝止哭奉奠皇帝去杖前進中官承傳止哭殿內止哭太尉以醴齊於皇帝之左跪進皇帝受醴齊跪奠於饌前俛伏與少退立大祝持祝版進北面跪讀祝文訖奠版俛伏與退復位皇帝再拜哭踊殿內及庭中文武官九品以上皇帝諸親等皆哭十五舉聲止禮儀使跪奏獻畢請皇帝退復位禮官引太尉降復階下位所由徹饌執事官序降內所由徹殿上帷帳唯南北施素帷於舊帳坐所以爲障蔽前設常食少府監進輦車於西階下禮儀使跪奏皇帝奉寧龍輦奏訖降出近侍扶皇帝就龍輦前哭踊盡哀乃復

位執事者以蠶旒及重先導禮官一人朝服贊尚鞶奉御帥腰輿轎扇至神座前侍奉如常儀內侍捧几置輿上轎扇侍奉至殿庭帳殿下神座前跪置座上內謁者帥中官設香案於座前轎扇侍奉如儀禮官一人引符寶郎一人主贊二人以赤黃褥案進取證寶又禮生二人亦以赤黃褥案進取證冊附元陵證冊文曰維某年月日哀子嗣皇帝臣謹伏以聖德之大行皇帝紹休七聖臨生知與敢盡其所以至化懷遠方登假於上數聞在下肇加服頂昇儲闈生知與神契承順元宗也齊聖之容著奉養肅宗也愛敬之禮深履蒸蒸躬親與神聖性之學經天緯地之文冠百王大臣周文之孝也其於崇儒尚德實與理盡性之學經天緯地之文冠百王大臣周文之孝也其於崇儒尚德實與符乎三五無得而稱也當祿山叛亂陷京師則乾維重構宸極以安及史盜所及狂寇熾夷復宗社之危拯溺生靈於焚燬則乾維重構宸極以安及史盜易從風或屈復宗社之危拯溺生靈於焚燬則乾維重構宸極以安及史盜冠神武之略也自是肅勿羣后靈延萬壽於南越不朝爲初朝義授首則梁陳底定期冠神武之略也自是肅勿羣后靈延萬壽於南越不朝爲初朝義授首則梁陳底定期以祥風漫以青澤九譯率貢四夷將寶不冒日出固不率復嚴恭肅衣瑞雲出於河清灑灑於石河其餘見社稷羽星祥草木者不達禮記方輿彙考伯陸於太和告碑於石河其餘見社稷羽星祥草木者不達禮記方輿彙考地固所依神龍機就營盤將駕採鴻儒碩生之義考公卿百辟之請食以威德大業匪徒龍機就營盤將駕採鴻儒碩生之義考公卿百辟之請食以廣茲典孝武皇帝廟曰代宗伏惟聖訓發揚茂實謹議太尉某奉冊上尊證冊其舊寶冊準次取置於車侍中當龍輦南跪奏請龍輦降殿太常卿帥執事者升以翼障梓宮中官高品等侍奉其側司徒帥挽士升奉引龍輦降殿禮儀使引近臣及宗子三等以上親進梓宮少府將作所由并挽士奉梓宮登於龍車上遂詣帳殿下素幄皇帝哭從諸王等陪從公主內官等周以行帷皆哭踊而從羣官立哭於庭中位以俟祖奠祖前一刻奉禮郎設御位於龍輦帷之東南南向所由設奠席於龍輦前奉禮郎設饌站於帳帷東南又設太尉位於饌站東南南向禮儀使在其下監察御史次之又設盥洗篚於太尉位西南北向光祿卿帥齋郎捧饌俟於橫街之次北面西上禮官進省饌訖禮生贊光祿卿捧俎進跪奠於席上諸齋郎捧饌隨列於席上禮生引禮儀使及太尉就位禮官贊哭又一人贊羣官哭又各贊止哭禮儀使導皇帝立於龍輦之東南南向禮生引太尉詣盥洗盥手洗爵執詣饌站所太祝舉羣酌醴齊以授太尉禮儀使跪奏請皇帝止哭奉奠皇帝去杖前進中官承傳止哭諸王妃主等皆止

哭太尉以醴齊於皇帝之左跪進皇帝受醴齊跪奠於饌前俛伏與少退立太祝持祝版進北面跪讀文訖奠版俛伏與退復位皇帝哭踊再拜諸王妃主及羣官在位者皆哭再拜皇帝哭十五舉音訖禮儀使跪奏請復位俛伏與皇帝退復龍輅後位禮官各贊羣官止哭通事舍人分引出就承天門外位以俟光祿卿帥齋郎徹饌以出禮官一人朝服贊尙章奉御帥所由以腰輿繳扇詣神座前各以序立內謁者中官昇香出內侍捧几置輿上內所由舉繳扇侍奉以出中官帥其屬昇衣箱以從遂詣玉輅禮官於輅後立贊登車內所由進與當輅後繳扇分蔽左右內謁者帥香案進於輅前內侍奉几登輅其腰輿亦進居輅前中官以衣箱授尙衣奉御置玉輅及副車內侍並乘馬從輅於是侍中進龍輅南跪奏稱請龍輅進發俛伏與退司徒帥挽士奉引次出執事者以太常先建之於車轡次之公主內官以下應合乘車者並先升車以俟扈從前三日所司設皇帝奉辭次於承天門外之左西向其日金吾仗衛如常儀園簿使先進玉輅於承天門外東偏稍南輿輦鼓吹吉駕園簿並序列於玉輅前又進輅轎車當承天門中稍南凶儀明器序列於輅轎車前奠前一刻奉禮郎布文武羣官位於承天門外異位重行如太極庭中儀光祿卿具遺奠之饌以俟執事官位並先俟於門外之東龍輅至承天門外禮官贊止哭侍中進龍輅前跪奏稱請升輅轎車俛伏與司徒帥昇梓官官及所由奉梓官升輅轎車所司設奠席於輅轎車東西向奉禮郎設罇站於席東南設盥洗又於其南設太尉版位於東西向禮官進省饌訖禮生贊光祿卿捧俎進跪奠於席上諸齋郎捧俎隨列於席上禮生引太尉就位禮官贊哭在位者皆哭又贊止哭在位者皆止哭禮生引太尉詣盥洗盥手洗爵詣罇站所太祝舉爵酌醴齊禮儀使就次奏請皇帝出就次皇帝出次立於奠東西向太祝以醴齊授太尉訖禮儀使奏請皇帝去杖前進中官承傳止哭諸王妃主等皆止哭太尉以醴齊於皇帝之左跪進皇帝受醴齊跪奠於饌前俛伏與少退立太祝持版進西北向跪讀祝文訖奠版俛伏與退復位皇帝哭踊禮儀使贊皇帝再拜諸王妃主及在位羣官等皆哭禮儀使跪奏請皇帝少退近侍扶皇帝少退於位少府監設讀哀冊褥於

奠東禮官引冊案進舉冊官舉冊進至褥東西面以冊東向禮官贊太尉及羣官止哭中官承傳諸王妃主皆止哭禮官引中書令進跪讀冊訖俛伏與退復位舉冊者以授祕書監轉授符寶郎皇帝哭踊禮儀使奏請皇帝再拜太尉羣官諸王妃主皆哭再拜少府徹饌光祿徹饌訖禮儀使跪奏稱輅轎車將發皇帝前哭盡哀禮儀使稱再拜奉辭俛伏與皇帝稽顙哭踊再拜輅轎車發禮儀使跪奏請皇帝還宮俛伏與近侍扶皇帝入次太尉以下於次南橫行進名再拜奉辭訖各就本職如諸王有故不赴山陵者俟皇帝奉辭入次後諸王進至輅轎之左以南爲上哭盡哀再拜辭妃主內官不去者於輅轎車後帷中哭再拜辭訖禮生贊侍中於輅轎車前跪請進發訖俛伏與山陵日依時刻吉凶二駕備列訖尙章帥腰輿繳扇入詣神座前內侍捧几內謁者捧香爐各置輿上中官帥其屬昇衣箱以出神輿至玉輅後內常侍捧几置輅中輿等退就列中官以衣箱傳授尙衣奉御置於玉輅及副車中神駕動警蹕如常千牛將軍夾輅而趨至侍臣上馬所禮生贊侍臣上馬侍臣上馬訖來侍如前禮生在供奉官內諸侍衛之官各督其屬左右翊神駕動園簿官以黃麾麾之鼓吹振作警蹕如常當陵門以赤麾麾之鼓吹不作侍臣下馬步導於前駕至吉帷宮迴車南向尙章帥腰輿繳扇至輅後內常侍奉几置輿上繳扇侍奉至帳殿下內侍捧几置座上內謁者捧香爐置座前輿等退就列玉輅及園簿侍衛之官停列於帷宮門外吉駕引禮官贊侍中進輅轎車靈駕前奏請靈駕發引俛伏與退司馬執鐸挽郎執紼挽歌振作及挽以進內外哭從以赴山陵靈駕至陵門西凶帷帳殿下迴駕南向公主及內官以下並降車障以行帷哭於凶帷殿之西東向北上羣官皇親哭者序立於帷門外東西相向北上哭十五舉音止各退就次前三刻奉禮郎於隧道東南量遠近設皇親諸親奉辭位又於其南設應從文武官五品以下奉辭位又於其南設六品以下奉辭位每等異位重行西北北上設奉禮郎位於其北禮生二人立於其南差退內謁者於隧道西南稍北帷內設公主王妃及內官以下奉辭位東向北上前一刻所司設奠席於輅轎車前設盥洗篚於東南盥洗篚在洗西篚在洗東於是羣官列位序立光祿卿帥

其屬以饌奠於席上禮官引太尉詣盥洗盥手洗爵詣罇站所太祝酌醴齊訖太尉跪奠於饌前俛伏與太祝持版進太尉之左跪讀文訖奠版俛伏與太尉再拜在位者皆再拜發引至南神門將作監進龍輅於靈駕之後禮官贊侍中進輅轎靈駕前跪奏稱請降靈駕御龍輅俛伏與退昇梓宮所由乃奉遷梓宮至龍輅昇梓宮官左右捧從司空以巾拭梓宮并拂夷金少府屬緇於龍輅禮官贊侍中進龍輅前跪奏稱請引龍輅即元宮俛伏與退挽即執紼牽引龍輅左迴北首禮官贊司徒前導白轡弩素信幡大旄及嬰皆依次而引近伏近侍夾進如禮官導通事舍人引太尉先導於龍輅之左主節官帥持節者脫節在太尉之前差退代哭者及挽歌皆序立門外之西重行東向押官排比以俟皇親諸親羣官等哭從公主王妃及內官等障以行帷龍輅至羨道停於帷下南首以俟時妃主內官以下於羨道西南帷內就位東向哭通事舍人分引羣官皇親諸親各就奉辭位所由各贊哭在位者皆哭其吉鹵簿侍奉官少前序立於門外之東西向北上哭皆三十舉音止再拜奉辭至時內官以下吉服奉遷梓宮入自羨道奉接安於御榻褥上北首覆以御衾龍輅退出其押吉鹵簿官並服白布巾衫就哭將捧元宮并依前服吉服初梓宮降自羨道奉禮郎設太尉進寶冊贈玉幣位於羨道東南南向設禮儀使奉寶冊玉幣位於太尉南又設祕書監位於其南禮官導通事舍人引太尉以下俱吉公服各就位又導持節者服節衣引太尉之前禮部侍郎奉寶冊案證冊案哀冊案每案四人對舉用九品以上立於太尉之西南少府監奉贈玉置於匣帥其屬捧立於禮部侍郎之西太府卿奉幣元三纁二置於篚帥其屬捧立少府監之西俱北面各立於寶冊玉幣之後案元衣纁裳周制也當時所服故以為幣服近代及今則皆不用纁裳執古儀注復存斯未達禮從宜及隨時之義也立定禮官導通事舍人引禮部侍郎取寶冊於案進授太尉又禮生一人引祕書監取證冊哀冊進授禮儀使其冊如重則判官助舉又引少府監取玉於匣并薦巾又引太府卿取幣進授禮儀使以幣承巾玉禮部侍郎以下並退龍輅既出禮儀官分贊太尉禮儀使奉寶冊玉幣并降自羨道至元宮太尉奉寶冊入跪奠於寶帳內神座之西俛伏與禮儀使以證冊跪奠於寶冊之西又以哀冊跪奠於

證冊之西又奉玉幣跪奠於神座之東並退出復位禮生引將作監少府監入陳明器白轡弩素信幡等分樹倚於牆大旄置於戶內其狀竿纒之自餘明器各以次進便陳之行陳布訖并內官以下並出羨道就位所由贊內外哭羣官皇親諸親并吉儀侍奉官皆哭三十舉音再拜又再拜奉辭訖引退以出中官贊公主王妃並退出周以行帷至門乘東以扈從禮生導主節官帥持節者引太尉及司空山陵使將作監御史一人監轎閉元宮司空復土九鍾所司帥作工其先除服者並改服凶儀鹵簿解嚴退散輅轎車龍輅之屬於柏城內庚地焚之其通人臣用者則不焚將太祝捧主置置於座啓置於前捧出神主置於座上東向諸侍奉官各退就位與轎等亦退通事舍人引羣官俱退於太極殿門外就次以俟虞祭所由陳仗衛如式典儀設太尉司徒宗正卿禮儀使及諸行事官位於東階之東設太祝等位於公卿之前少南不親行事中書門下差攝又少南設典儀位俱西向典儀帥禮生二人先就次立禮生乃引太尉司徒以下祭服立於左延明門外之南北向西上光祿卿帥其屬捧饌立於太尉司徒之東太祝帥齋郎奉祝版立於饌東立定禮生迺引太尉司徒以下入就位通事舍人分引羣官皇親諸親皆素服各入就位侍中版奏中嚴皇帝素服就次諸王升就位如不攝親光祿卿帥其屬捧饌入俟於東階之前太祝帥齋郎捧祝版立於其南光祿卿帥其屬并設醴酒饌於帷門外前楹中間之東北向西上設饌於饌西寶解一杓一皆有纂設盥洗篚於東階之東北向東水在洗東篚在洗西南肆寶爵二巾一有纂執盥洗者立於其後侍中版奏外辦近侍扶引皇帝再拜通事舍人分贊羣官在內外位者哭拜禮生引禮儀使省饌訖升就禮官升位後光祿卿帥進饌奉饌司徒捧俎光祿卿引饌及諸執事官並升自東階設於帷東門外席上訖降復位太祝捧祝版升立於饌所執饌篚者各立於饌篚之後禮儀使導皇帝於饌東西面禮儀使跪奏請皇帝止哭奉奠承傳內外皆止哭太祝以饌酌醴齊於皇帝之左跪進皇帝受醴齊跪奠於饌前俛伏與太祝持版進神座之南北面跪讀祝文訖奠版俛伏與禮儀使導皇帝復位跪奏請再拜皇帝再拜禮生引太尉亞獻終獻訖降復位如常儀通事舍人分贊內外哭再

拜禮儀使又跪奏請再拜俛伏與皇帝哭再拜奉禮郎傳贊內外再拜禮儀使跪奏禮畢俛伏與近侍扶皇帝還閣羣官等俱退太祝乃跪置神主遂閉帷門降出內侍之屬及行事者皆出祝版焚於左延明門外百寮乃於太極門外奏慰如常儀每虞日朝哭禮皆準此如不親行事則宗正卿亞獻光祿卿終獻祔廟前二日告遷其禮如常告之儀宗正起科申牒所由先備腰輿等并昇人帝以三衛充告訖大尉先置代祖神主奉遷於西夾室中鑾閣如式次腰輿遷第三室神主各一出其入室則后主先入第二室宮闈令捧后主先置於坵室太祝奉帝主復置於坵室俱東向次遷第四室入第三室次遷第五室入第四室次遷第六室入第五室次遷第七室入第六室室有二三后昭成次遷第八室入第七室次遷第九室入第八室皆如上儀入坵室皆鑾閣訖次所司移輿等物依次各遷入本室訖其九室應緣帷帳香案斧屏席褥等所司先造其日陳設於室中其代祖室舊帳帷等物並移於西夾室中虛設鑾閣如式將遷代宗審文孝皇帝所司先擇日奏定散下所由各供其職應用法駕鹵簿黃麾大仗前一日陳設及太廟四門量設方色兵仗如上儀將作監先清掃諸廟內外京北府修路從承天門向南至太府寺南街向東入太廟三門又向南又向東至廟南門宗正具附饗料差三公及應行事官齋戒如常饗儀其祝文具附事又申太極殿告饗座料如前式其祝文出太樂令設登歌於太廟殿上並如常式向舍於廟南門道西設神主幄座東向幄內設牀席褥黼履香案如式內中向先造栗木主并匱及跌其制度並附前一日威以箱覆以帟置於腰輿詣廟南門幄帳中太祝捧置於座上迺下簾帷內侍省量差中官侍衛禮儀使奏請差題神主官即以饗前一日向舍具香湯并題神主席褥內中向具浴神主盆并白羅巾光漆筆墨等詣於幄帳中禮儀使與題神主官等其日質明詣幄下太祝以香湯浴栗主拭以羅巾題栗主官盥洗捧栗主就題云代宗審文孝武皇帝神主墨書訖以光漆重撲之遂捧授太祝受詣帳座置於匱中所侍衛如式前一日向食與西內使計會鴻臚除太極殿上白幕並以吉幘代之殿中省除版城太僕進玉輅於承天門外當中南向及諸輦輅羽儀仗衛徽扇陳於玉輅前左右金

吾引駕所由陳布如式太常奏前一日之夕嚴警於承天門外之南皇城留守奏附饗日質明開朱雀門大內留守與內檢校使奏開太極殿門嘉德門承天門衛尉於太極殿門外廊下量設文武百官次又於太廟南門外量設百官次於道東如在太極殿庭儀先奏靈座附之日質明宗正卿執饌餼郎光祿卿帥大官良醞寶樽俎豆并應行事官皆祭服序列於左延明門以俟至祭時應行事官詣太極殿東階下西向序立典儀於太極殿庭布文武官皇親諸親位如常儀俟祭官欲升殿行事時通事舍人引文武百寮等常服入就位禮生贊衆官皆拜在位者皆再拜尚輦輿腰輿香案徽扇入詣殿庭階下分東西立侍從官攝侍中中書令以下並列位於左右序立太僕進玉輅於嘉德門外當中南向禮生引祭官等行告禮如常儀告訖宗正卿光祿卿帥餼郎長祠徽饌禮官引侍中升尚輦輿腰輿升詣帳座前其徽扇侍臣等夾於階間侍中進跪於幄前西向奏請降座升輿附廟內侍奉几置輿上太祝置神主捧置輿上几後扶持降自西階徽扇侍臣夾引以出自太極殿門中門出在位文武百官及皇親諸親等便從神輿而出至嘉德門分左右序立神輿至玉輅後侍中跪奏請降輿升輅內侍捧几置輅中太祝奉輿升輅其太祝便於千牛將軍夾輅而趨出承天門五十步侍中進當輅前跪奏請救侍臣上馬侍臣等皆上馬鼓吹振作其文武百官等候玉輅出承天門各逐便路先赴太廟南門次以俟神輿鹵簿至廟門西三門鼓吹止分左右以俟饗訖退其儀仗等並於廟南門分左右列位俟饗禮畢退玉輅既發赴廟向舍收拆殿上帷幄及板城等應合收者與檢校使計會處置西宮內人其日並焚之其日太廟附饗應緣齋官陳設罇彝酒醴玷爵省牲告潔進署祝版陳設樂器並如東饗常儀玉輅將至廟西門向舍奉御設奉謁褥位於廟庭橫階南當中北向奉禮郎於廟南門外稍南設文武百官及皇親諸親位如太極殿庭之儀又於廟庭橫階南設文武百官及皇親諸親位亦準此其六品以下非常參官通事舍人引文武百官及皇親諸親等常服就南門外位禮生引應饗官俱祭服立於廟東門外北向西上位立又禮生引禮儀使御史以下執事官等先入當中階北向立於褥位之南禮生贊再拜

禮儀使御史以下皆再拜訖引自東階升各就位次引司空入就位再拜行掃
除訖降復位禮官與太祝自西第一室開壇室捧神主置於帷中近東啓置
出神主捧置於座几後跌上次宮闈令入室捧后主置於帷中近西啓置出
后主置於座几後跌上自第一室至第八室皆如上儀訖並齋郎室長各於本
室依儀出入須知次序太祝退立於罇站所宮闈令退就階下執事位玉輅既
至廟南門迴輅南向侍臣等序列於輅前神輿入帷則侍臣列於帷門外尙鞏
帥腰輿進轅後侍中跪奏請降輅升輿詣帷座內侍捧几置輿上太祝捧神主
置輿上几後遂昇詣帷座內侍捧几置輿上東向太祝捧置几後訖禮生
於廟東門引行事官大尉以下入就廟庭位西向立其殿上御史禮官太祝樂
官等各逐便自東西階下相向序立候神主升殿却復階下位侍中進於輿座
前跪奏請降座升輿附謁內侍奉几置輿上太祝捧栗木主置几後禮官引
入通事舍人引文武百官皇親諸親自南門外分左右從入就東西班位立神
輿至廟門繳扇分左右立於門外神輿至廟庭候位侍中各退就本班其侍中未退
太祝捧置輿於褥啓置出神主置於几上訖侍中進於褥位西北面跪奏稱
以今吉辰代宗睿文孝武皇帝附謁奏訖伏與退少頃侍中詣褥之西東面
跪奏請升輿附輿俛伏與退降就本班太祝進跪於褥位捧神主置於輿其輿蓋亦近後
腰輿既升禮官奉引神輿詣元宗室太祝跪捧神主置東壁下附位
褥上西南退立戶外少頃太祝進就褥跪捧神主置於輿奉引入第九室至帷
座前內侍捧几置於座如帷中別有几其北其置置於几東近後腰輿退於帷座之西近北昇腰輿所由並降自東階由
也其置置於几東近後腰輿退於帷座之西近北昇腰輿所由並降自東階由
廟東門出神主置座訖禮生贊再拜太尉以下及應在位官並再拜禮生詣太
尉之左白有司謹具請行事登歌奏永和之樂九成畢禮生贊再拜太尉以下
及在位者皆再拜禮生引太尉盥洗執贊升詣從西第一室酌鬱鬯登歌作太
尉入室神座前裸訖奠瓚於饌席俛伏與退出戶北向再拜次引詣第二室次
引詣第三室以至第九室皆如上儀訖登歌止引太尉降復位太祝奠毛血之
豆禮生引司徒執俎入自正門俎初入門雍和之樂作饌升階樂止禮生徹毛

血之豆降自東階以出詣太祝取蕭蒿焚於爐炭饌升設訖齋郎降自東階由
廟東門以出禮生引太尉盥洗執爵奏自第一室至第八室各奏本室樂至第
九室奏保大之樂行饗禮亞獻終獻並如常饗之儀訖降復位登歌作太祝各
入室徹豆還罇所登歌止禮生唱賜胙又唱再拜衆官應在位者皆再拜其三
拜永和之樂作禮生又唱再拜在位者皆再拜樂一成止禮生進太尉之左白
禮畢禮生引饗官自東門出通事舍人引在位羣官南門出太祝入室各置神
主納於坩室如常儀禮官帥腰輿詣廟門南帷下太祝捧栗木主并置置於輿
遂自廟門南西偏門昇入詣廟殿北簾下兩階之間將作先具銀鑊穿坎方深
令可容木主置遂埋之而退明日百寮及皇親諸親詣延英門進名奉慰如常
儀前二日內所司先具八升練布冠袞裳腰經等光祿卿具太牢饌宗正進署
祝版前一日之夕毀廬爲聖室高七尺五寸長丈二尺尙舍奉御設薄席於室
內內所由陳練冠於別次其日依時刻內所由先入整拂几筵薦香燭於靈前
內外及百寮俱服衰服去杖通事舍人引就位侍中版奏外辦皇帝服衰裳經
去杖近侍扶就位西向哭內外及在位者皆哭十五舉聲禮儀使奏請再拜皇帝
再拜內外及在位者皆再拜近侍扶皇帝就次所司以練布冠袞裳進內服訖內
外及百寮各服其服兩省五品以上及卿御史大夫中丞尙書省四品以上諸
六升布爲衰裳今荆州布也其機頭及衫袴通事舍人引百寮入就位立定近
侍扶皇帝就位哭內外百寮皆哭踊光祿卿引饌升設於靈帷前太祝以爵
酌醴酒禮儀使奏請止哭內外俱止哭太祝以酒爵授禮儀使禮儀使受酒跪
進皇帝受酒跪奠於饌前俛伏與少退太祝持版跪於饌前近南北向讀祝版
曰維年月日子哀子嗣皇帝臣某敢昭告於考大行皇帝天禍所鍾孽孽無及
以日易月奄及小祥煩冤荼苦觸緒糜潰謹以一元大武柔毛剛鬣明粢薌合
蕝其嘉蔬嘉薦醴齊祗薦祥事尙饗讀訖禮儀使奏請再拜皇帝哭踊再拜內
外在位者皆哭踊再拜皇帝還次通事舍人引羣官退其奉慰如常儀祭前二
日內所司先具大祥服淺黑緇縗頭巾子大光祿卿具太牢饌宗正進署
祝版前一日之夕將作塗墍室內所由陳大祥服於別次其日未明內所由先

整拂几筵薦香燭於靈幄前內外百寮俱服衰裳去杖至傳點時通事舍人各引入就位侍中版奏外辦皇帝服衰裳去杖近侍扶就位西向哭踊內外在位者皆哭踊十五舉聲禮儀使奏請再拜皇帝再拜贊者承傳內外在位者皆再拜訖禮儀使奏請止哭就次變服奏訖與禮官等趨出近侍扶皇帝就次變大祥服內外百寮皆就次變服素服訖黑袍襪頭腰帶白衫麻鞋各入就位立定近侍扶皇帝就位哭踊禮官省鐸光祿卿引鐸升設靈幄前太祝執爵酌醴酒禮儀使奉引皇帝稍進詣鐸前禮儀使請止哭內外俱止哭太祝以酒授禮儀使禮儀使受酒跪進皇帝受酒跪奠於鐸前哭伏與少退太祝持版於鐸南北向讀祝文訖禮儀使奏請再拜皇帝哭踊再拜贊者承傳內外在位者皆哭再拜十五舉聲禮儀使奏禮畢與禮官等趨出近侍扶皇帝還次通事舍人引羣官序出太極門其奉慰百寮奉慰訖以素服詣延英門起居注案禮云大祥素編麻衣又云淺黑袍此即古之緇冠也案禮云禪而變黑經白緯其日百寮早集西內入就位侍中進辦並如大祥之儀皇帝服大祥服近侍扶就位哭十五舉聲禮儀使奏請再拜皇帝再拜贊者承傳百寮在位者皆再拜禮儀使奏請就次變服皇帝就次除大祥服服素服細布麻衫腰帶細麻鞋黑袍襪頭巾子等百寮趨入就位立定近侍扶皇帝入哭踊內外百寮皆哭踊禮官省鐸光祿卿引鐸升陳設酌奠亦如大祥之儀太祝讀祝文訖禮儀使奏請再拜皇帝再拜贊者承傳內外百寮皆哭再拜訖禮儀使奏禮畢遂與禮官趨出近侍扶皇帝還次通事舍人引百寮序出至太極門外進名奉慰訖各服公服便詣延英門起居明日平明皇帝改服

驂吉服淡淺黃衫細黑袍襪頭巾子麻鞋吉腰帶伏準貞觀永徽開元故事服此服至山陵事畢則純吉服其中間朔望視朝及大禮並純吉服百寮亦純吉服自後其百官驂公服至山陵事畢乃服常公服

案唐自李義甫許敬宗以凶事非人臣所宜言去國卹一篇而天子之喪禮闕焉故開元禮及新舊唐書禮志皆無其儀惟杜佑通典載有元陵儀注凡四千七百言於行禮次第燦然大備然未著為何人所定元陵者代宗之陵也代宗以大曆十四年十月己酉葬於元陵其時魯公為禮儀使則此儀為公之手筆無疑故殷亮撰公行狀云今上諒闇之際詔公為禮儀使先自元

宗以來此禮儀注廢闕臨事徐創實博古練達古今之旨所以朝廷篤於訕疾者不乏於班列多是非公之為公不介情惟搜禮經執直道而行已今上察而安之即謂此儀注也歷朝國卹莫詳於此經世文字莫大於此宋敏求留元剛諸家編輯公文小說殘碑無不甄錄獨於此文不詳加考訂登之集中可謂搜羅星宿忘義娥矣文獻通考又載杜黃裳為禮儀使太常丞裴瑾取黃裳所定大喪儀為崇豐二陵集柳宗元為之序崇乃德宗陵豐乃順宗陵皆在代宗之後宗元序中未及魯公有此儀注則宗元作序時此儀已不行於世矣千載而下獨託通典以存亦魯公之精爽有以護之也舊唐書藝文志載公為禮儀使時著有禮樂集十卷行狀謂前後所定儀注令門生左輔元編此儀殆其一卷也又案通典元陵儀注外別有諡冊文一首今不能定為公撰因用小註附載於取進諡冊句之下

顏魯公文集卷三

長沙黃本驥仲良編訂

湘陰蔣 瓊維揚參校

判

對三命判

乙仕登三命舉以特牲祀以少牢人告其僭加於舉禮也

侑食以樂執恭展禮以辨等威以明貴賤乙以登仕策名清朝從大夫之後既登三命循先人之祭有事十倫已而鏗鏘具舉和平不爽茲承祀胡考之寧舉特且叶於禮經加牢未虧於祀典人告其僭罔知攸伏

案開元二十二年公以是判擢拔萃科其同擢者有馬統一判載入全唐文

案楊志堅妻求別適判

楊志堅素為儒家偏覽九經篇詠之間風騷可撫愚妻觀其未遇遂有離心王歡之虞既虛豈運黃卷朱夏之妻必去寧見錦衣汚辱鄉閭敗傷風俗若無褒貶倖者多阿王決二十後任改嫁楊志堅秀才贈布絹各二十四匹二十石便署隨軍仍令遠近知悉

顏魯公為臨川內史澆風莫競文教大行康樂以來用為佳譽也邑有楊志堅者嗜學而居貧鄉人未之知也山妻厭其饒糲不足索書求離志堅以詩送之曰平生志業在琴書頭上於今有二絲漁父尚知溪谷暗山妻不信出身遲荆釵任意撩新鬢鏡從他別畫眉今日便同行路客相逢即是下山時其妻持詩詣州請公牒以求別適魯公案其妻曰云云江左數十年來莫有敢棄其夫者范曄雲漢衣襟

牒

訪求清河行人李華牒據殷亮撰行狀增

清河郡屬崔審交應賊之後吏不安行人李華乃崇墉浚隍鍛甲矯翦乞師破敵和衆以安之靜言其功須有甄賞

案李華即李嶠前在清河乞師於公及堂邑戰勝見公讓功於賀蘭進明嶠

遂藏於民間至德改元公以軍用已竭思所以贍濟之遂牒於路以求嶠嶠至為書收鹽置場之策軍用遂贍

書

與郭僕射書廣德二年十一月

十一月日金紫光祿大夫檢校刑部尚書上柱國魯郡開國公顏真卿謹奉書於右僕射定襄郡王郭公閣下蓋太上有立德其次有立功是之謂不朽抑又聞之端揆者百寮之師長諸侯王者人臣之極地今僕射挺不朽之功業當人臣之極地豈不以才為世出功冠一時挫思明跋扈之師抗回紇無厭之請故得身畫凌烟之閣名藏太室之廷吁足畏也然美則美矣而終之始難始當故曰滿而不溢所以長守富也高而不危所以長守貴也可不懼懼乎書曰爾惟弗矜天下莫與汝爭功爾惟不伐天下莫與汝爭能以齊桓公之威業片言勤王則九合諸侯一匡天下葵邱之會微有振矜而叛者九國故曰行百里者半九十言晚節末路之難也從古至今果我高祖太宗已來未有行此而不理廢此而不亂者也前者菩提寺行香僕射指麾宰相與兩省臺省已下常參官並為一行坐魚開府及僕射率諸軍將為一行坐若一時從權亦猶未可何況積習更行之乎一昨以郭令公以父子之軍破犬羊凶逆之衆衆情忻喜恨不頂而戴之是有與道之會僕射又不悟前失竟率意而指麾不顧班秩之高下不論文武之左右苟以取悅軍容為心曾不顧百寮之側目亦何異清畫攫金之士哉甚非謂也君子愛人以禮不聞姑息僕射得不深念之乎真卿竊聞軍容之為人清修梵行深入佛海況乎收東京有珍賊之業守陝城有戴天之功朝野之人所共貴仰豈獨有分於僕射哉加以利衰塗割恬然於心固不以一毀加怒一敬加喜尚何半席之座咫尺之地能泊其志哉且鄉里上齒宗廟上爵朝廷上位皆有等威以明長幼故得彝倫敘而天下和平也且上自宰相御史大夫兩省五品已上供奉官自為一行十二衛大將軍次之三師三公令僕少師保傅尚書左右丞侍郎自為一行九卿三監對之從古以然未嘗參錯至如節度軍將各有本班卿監有卿監之班將軍有將軍之位縱是開府特進

並是勳官用蔭即有高卑會議合依倫敘豈可裂冠毀冕反易彝倫貴者爲卑所凌尊者爲賤所屈石本疑一至於此振古未聞如魚軍容階離開府官即監門將軍朝廷列位自有次序但以功績既高恩澤莫二出入王命衆人不敢爲比不可令居本位須別示有尊崇只可於宰相師保座南橫安一位如御史臺衆尊知雜事御史別置一榻使百寮共得瞻仰石本疑不亦可乎聖皇時開府高力士承恩傳宣亦只如此橫座亦不聞別有禮數亦何必令他失位如李輔國倚承恩澤徑居左右僕射及三公之上令天下疑怪乎古人云益者三友損者三友願僕射與軍容爲直諒之友不願僕射爲軍容佞柔之友又一昨裴僕射誤欲令左右承勾當尙書當時輒有訓對僕射恃貴張目見尤衆之中不欲顯過今者與道之會還爾遂非再揭八座尙書欲令便向下座州縣軍城之禮亦恐未然朝廷公議之宜不應若此今既若此僕射意只應以爲尙書之與僕射若州佐之與縣令乎若以尙書同於縣令則僕射見尙書令得如上佐事刺史乎益不然矣今既三廳齊列足明不同刺史且尙書令與僕射同是二品只校上下之階六曹尙書並正三品又非隔品致敬之類尙書之事僕射禮數未敢有失僕射之顧尙書何乃欲同卑吏又據宋書百官志八座同是第三品隋及國家始升別作二品高自標致誠則尊崇向下擠排無乃傷甚況在於公堂獨咄咄常伯當爲令公初到不欲紛披僂僂就命亦非理屈朝廷紀綱須共存立過爾應壞亦恐及身明天子忽震電含怒責數彝倫之人則僕射其將何辭以對

帖

與李太保帖九首

辭後明日宅奉送承已當時出闕不獲重捧袂至今爲恨仲春漸暄不審太保尊體何如真卿粗爾不審初到如何仲承異績以慰瞻仰因中郎張敬往謹附狀不宣謹狀二月十四日刑部尙書顏真卿狀上李太保大夫公閣下張敬

昨艱難時首末得力願在麾下容足處庇之幸甚謹空
奏事官至蒙問增慰馳誠冬閏初寒伏惟太保尊體安適真卿悲疾何言蕃寇

推退爲憲之功忝沐深情俱增喜躍前後不逮之信遠關修狀何時入奏未聞悲係無喻謹還狀不次謹狀閏月十有四日刑部尙書顏真卿狀上李太保大夫公閣下謹空

真卿粗自奉別渴仰何勝昨緣馬奔遂失馳謁想蒙情恕也真卿十五日離家大小俱安沈沈病瘡少愈勿憂爲佳正遠披承益期自愛謹勒參候不次刑部尙書顏真卿頓首李太保大夫公閣下

千手贊已領訖然尙少第二隔恐在書府希更根尋足疎拙抵罪聖慈含宏猶佐列藩不遠伊邇省躬荷德恩實深兢慄之誠在物何喻仲春暄甚不審太保尊體何如所苦當轉勝也真卿緣驛上無馬私乘泡轉幾死前進不得今日始至藍田即便取路不獲執別此情如何珍重珍重謹附狀不次謹狀二月十一日硤州別駕顏真卿狀上李太保大夫公閣下

不審所苦何如奉計已痊復真卿緣馬病朝迴已乏未遂馳謁謹勒參候不次謹狀刑部尙書顏真卿狀上李太保大夫公閣下

千手贊檢得未帖之謹空

拙於生事舉家食粥來已數月今又罄竭祇益憂煎輒特深情故令投告惠及少米實濟艱勤仍恕干煩也真卿狀

陰寒不審太保所苦何如承渴已損深慰馳仰所檢贊猶未獲望於文書內細檢也病妻服藥要少鹿肉脯有新好者望惠少許幸甚幸甚專馳謁不次謹狀二十九日刑部尙書顏真卿狀上李太保大夫公閣下謹空

患及鹿脯甚慰所望春寒承美闕一痊損更加保愛真卿有一二藥煩宜常服謹令馳納少間借馬奉謁不次二十日顏真卿狀上太保大夫公閣下

與御史帖

真卿謹別上書於御史閣下竊聞尊候平和真卿瞻仰瞻仰前所會廟上諸公未悟唯御史論高百寮振古未有雜事可置況朝廷自有次序不足念乎真卿

與盧舍曹帖三首

昨奉辭但增悵仰承已過據不得重別情深惘然珍重謹此不宣真卿白二十

四日

盧八倉曹足下敘本甚是佳製耳據留元剛忠義堂帖增

足下今日定成行否不得一至郊郭深用悵然珍重珍重所欲拙書今勸送十餘紙望領之忽怪弱惡也不具不具真卿 盧倉曹足下據留元剛忠義堂續刻增

與蔡明遠帖二首

蔡明遠鄱陽人真卿昔刺饒州即嘗趨事及來江右無改厥動靖言此心有足嘉者一昨緣受替歸北中止金陵閨門百口幾至餬口明遠與夏鎮不遠數千里冒涉江湖運舸而來不憊晷刻竟達命於秦淮之上又隨我於平溝之東追攀不疲以至邵伯南境始終之際良有可稱今既已事方旋指期斯復江路悠緬風濤浩然行李之間深宜尙慎不宜真卿報

聞鄒游與明遠同來欲至采石計其不久亦合及吾淮泗之間脫若未到見之宜傳此意道此不宜真卿報蔡明遠

劉中使帖

近聞劉中使至瀛州吳希光已降足慰海隅之心耳又聞磁州爲盧子期所圍舍利將軍擒獲之吁足慰也

與夫人帖

真卿頓首奉承十四日遷厝承問悲慕不能自勝惟攀慕不及摧毀何堪痛當奈何痛當奈何凝寒惟動靜支適兒子等保持真卿離官已久事須十間前至鄭州汴州已來專奉待一日只擬一驛計過大事後發猶恐遲必望知此緩急勿遲滯足下不來義無獨去之法必請於此狼狽所望今到汴州水下不愁河凍書祭器等先下船去真卿十一日且發東京佇望早來早來謹不次真卿頓首夫人閣下 十一月八日 問訊頤顙蒙耶和奴光嚴深遠憶或至十三日得發

案帖後所問之訊果卿之孫後爲兵曹參軍見公撰伯父元孫碑頌公親姪後爲清源尉封費縣男見公撰大宗家廟及曾祖勳禮三碑顙果卿之姪後爲華原主簿見公撰大宗家廟勳禮元孫四碑

與緒汝書

政可守不可不守吾去歲中言事得罪又不能逆道徇時爲千古罪人也雖貶居遠方終身不恥緒汝等當須會吾之志不可不守也

與澄師帖

真卿承聞大華嚴會已遂圖成取來日要詣彼隨喜如何如何幸周副老草不悉真卿頓首和南澄師大德侍者十日敬空

廣平帖

得示聞廣平碑本了來數日故當封呈真卿頓首

文殊帖

近作一文殊師利菩薩碑但欲發揚主上聖意蓋不近文律耳今奉呈充蓋醫之用可乎真卿白

案此帖公在湖州作

寒食帖

天氣殊未佳汝定成行否寒食只數日間得且住爲佳耳

中夏帖

真卿頓首中夏以還暑氣日甚病懶益不喜所爲前欲書石當須稍涼作之也幸不以差緩過之京人來何消息嘉否

修書帖

賊軍未平使僕不憤見故先修書但召諸子弟與語不具真卿

訊後帖

真卿具前楮訊後所苦何如立斯極位雄冠江上佳山水在公庭戶想日有樂事甚得佳士相延公高才逸韻自有晉宋間人風坐此肆局不易處上方招致仁者如公之儔豈久在江左乎行聞迅召以快士議真卿頓首

一行帖據王案汝帖增

真卿一行昨自江淮日趨百里本期奉見以慰遠別疲於道路且止數昔但深攀仰耳

南來帖據董鑾忠義堂續刻增

真卿承命南來諸事草草但賊勢尙爾奈何張真□不了國事可念可念真卿

江外帖據忠義堂續刻增

江外唯湖州最卑下今年諸州水並浸此州入太湖田苗非常沒溺賴劉尙書與拯以此人心差安不然僅不可安耳真卿白

案此帖公在湖州作

草篆帖據忠義堂續刻增

真卿自南朝來上祖多以草隸篆籀爲當代所稱及至小子斯道大喪但曾見張旭長史頗示少糟粕自恨無分遂不能佳耳真卿白

奉使蔡州書

真卿奉命來此事期未竟止緣忠勤無有旋意然中心悵悵始終不改游於波濤宜得斯報千百年間察真卿心者見此一事知我是行亦足達於時命耳

移蔡帖

貞元元年正月五日真卿自汝移蔡天也天之昭明其可輕乎有唐之德則不朽耳十九日書

顏魯公文集卷四

顏魯公文集卷五

寧鄉黃本驥仲良編訂

湘陰蔣 瓊維揚參校

序

尚書刑部侍郎贈尚書右僕射孫遜文公集序

永泰元年八月

古之爲文者所以導達心志發揮性靈本乎詠歌終乎雅頌帝庸作而君臣動色王澤竭而風化不行政之興衰實繫於此然而文勝質則繡其聲悅而血流漂杵質勝文則野於禮樂而木訥不華歷代相因莫能適中故詩人之賦麗以則詞人之賦麗以淫此其效也漢魏已還雅道微缺梁陳斯降宮體事興既馳騁於末流遂受嗤於後學是以沈隱侯之論謝康樂也乃云靈均已來此未及觀盧黃門之序陳拾遺也而云道喪五百歲而得陳君若激昂頽波雖無害於過正權其中論不亦傷於厚誣何則雅鄭在人理亂由俗桑間濮上胡爲乎絲古之時正始皇風奚獨乎凡今之代蓋不然矣其或斌彪炳郁郁相宣膺期運以挺生奄寰瀛而首出者其惟僕射孫公乎公諱遜河南鞏人其先自樂安武水寓於洛而徙焉父嘉之以詞學登科官至宋州司馬公風裁徵明天才傑出學窮百氏不好非聖之書文統三變特深稽古之道故逸氣上躋而高情四達羌索隱乎混元之始表獨立於常均之外不其感數年數歲即好屬文十五時相國齊公崔日用試土火鑪賦公雅思道麗援翰立成齊公駭之約以忘年之契爾後遂有大名故其試言也年未弱冠而三擅甲科吏部侍郎王邱試竹簾賦降階約拜以殊禮待之相國燕公張說覽其策而心醉其序事也則伯樂川記及諸碑志皆卓立千古傳於域中其爲詩也必有逸韻佳對冠絕當時布在人口其詞言也則宰相張九齡欲摘撫疵瑕沈吟久之不能易一字公之除庶子也苑咸草詔曰西掖掌綸朝推無對議者以爲知言凡斯夥多庸可悉數故燕國深賞公才俾與張九齡許景先韋述同遊門庭命子均均伯仲之禮江夏李邕自陳州入計繕寫其集齋以詣公託知己之分其爲先達所重也如此公又雅有清鑒典考功時精嚴進士雖權要不能逼所擢者二十七人數

年間宏詞判等入甲第者一十六人授校書郎者九人其餘咸著名當世已而多至顯官明年典舉亦如之故言第者必稱孫公而已夫然信可謂人文之宗師國風之哲匠者矣凡公所著詩歌賦序策問贊碑志表疏制誥不可勝紀遺二朝之亂多有散落予宿緣成等夙奉過庭之訓咸以文章知名同時臺省乃編次公文集爲二十卷列之於左庶乎好事者傳寫輒誦以垂乎無窮亦何必藏名山而納石室也真卿昔觀光平天府實荷公之獎擢見命爲序豈究端倪時則永泰元年仲秋之月也至若世系閭閻蓋存之別傳此不復云

懷素上人草書歌序

開士懷素僧中之英氣概通疏性靈豁暢精心草聖積有歲時江嶺之間其名大著故吏部尚書韋公陟觀其筆力助以有成今禮部侍郎張公謂賞其不羈引共遊處兼好事者同作歌以贊之動盈卷軸夫草葉之作起於漢代杜度崔瑗始以妙聞迨乎伯英尤擅其美義獻茲降虞陸相承口訣手授以至於吳郡張旭長史雖姿性顛逸超絕古今而楷法精詳特爲真正某早歲嘗接游居屢蒙激勸告以筆法資質劣弱又嬰物務不能懸習迄用無成追思一言何可復得忽見師作縱橫不羣迅疾駭人若還舊觀向使師得親承善誘亟揖規模則入室之賓舍子奚適嗟嘆不足聊書以冠諸篇首

顏刑部書家者流水鏡之辨許在末行

懷素自敘帖

世系譜序

建中元年七月

顏氏之先出自黃帝之孫安爲曹姓其裔邾武公名儀父字伯顏子友別封鄆爲小邾子遂以顏爲氏世爲魯國卿大夫孔門達者七十二人顏氏有八回居四科之首其後戰國有率躅秦有芝貞漢有異肆安樂魏有裴威威字叔臺歷青徐二州刺史關內侯其後子孫咸著宦族有若宏都之德行巴陵記室之書翰特進黃門之文章祕監華州之學識肇自魯國格於聖代紛紛盛美集於茲述遵前人不取失墜建中元年歲次庚申秋七月癸亥序

案唐書宋史藝文志皆有顏氏家譜一卷未著撰人名氏以是序證之家譜亦魯公自撰也

送福建觀察使高寬仁序

國家設觀察使即古州牧部使之職代朝廷導風化而宣布德意振舉萬事而沙汰百吏者也民俗之舒慘兵賦之調發刑獄之寃濫政治之得失皆得以觀察而行之其任可謂重矣江西貴溪高君寬仁初舉明經歷任中外克勤職務政績昭著陞福建觀察使夫君子之仕不以位尊爲榮而以盡職爲貴福建大藩也其地東帶滄溟南接交廣居民若是其衆也政務若是其煩也職乎州郡者果皆循且良尙不能保其無一事之不舉矧未必皆循良乎弱之食強之取飢寒顛沛而漁奪之不厭則賦歛之民若之何能求其安也自古爲民之病者多類此是以居高位而欲下之安其道難也故衆皆以位高爲寬仁喜予獨以盡職爲寬仁勉所以盡職者無他正己格物而已忠君愛民而已予與寬仁交久且厚予所以望於寬仁者豈但在於政事文字之間而已哉振肅風紀表儀一方盡致君澤民之道使聲名流芳史冊茲行是望於是乎書

案唐書方鎮表大曆六年廢福建節度使置都團練觀察處置使序當作於六年設使之後高寬仁科實無攷舊集不載此序全唐文未知從何書採入

送劉太冲序

劉太冲者彭城之華望者也自開府垂明於宋室澤州考績於國朝道素相承世傳儒雅尙矣夫其果行修潔斯文彪蔚鄂不照乎移華龍驤驤乎雲路則公山正禮策高足於前冲與太真嗣家聲於後有日矣昔余作郡平原拒胡羯而請與從事掌銓吏部第甲乙而超升等夷爾來蹉跎庸卑位雖才不偶命而德其無鄰故冲之西遊斯有望矣江月弦曉秦淮頂潮君行句溪正及春水勸哉之子道存何居魯郡公顏真卿敘

送辛子序

醇白之士曰隴西辛晃銳業班漢顯門名家十五而志學克明五十而勵精益懋拳拳不失慕回也之服膺衰衰可聽同茂先之善說昔我高叔祖鄆州使君著決疑一十二卷問答稱爲大顏曾伯祖秘書監府君集註解成一十二帙各儒斟酌煩省摭撝英華勒成三十篇名之曰漢略夫其發凡舉例晃序言之已

詳惜乎困於緣細不獲繕寫遂使精義沈鬱闇然未彰吁足歎也二月初吉金陵氣暖抵淮上之諸侯所如必合及滁川之美景未至方歡羣子賦詩以寵之案鄆州使君顏游秦也秘書監府君顏師古也唐書藝文志有顏游秦漢書決疑十二卷

記

張長史十二意筆法記天寶五載

予罷秩醴泉特詣京洛訪金吾長史張公旭請師筆法長史於時在裴儼宅憩止已一年矣衆師張公求筆法或有得者皆曰神妙僕頃在長安二年師事張公皆大笑而已即對以草書或三紙五紙皆乘興而散不復有得其言者僕自再於洛下相見眷然不替僕因問裴儼足下師張長史有何所得曰但書得絹屏素數十軸亦嘗論諸筆法唯言倍加工學臨寫書法當自悟耳僕自停裴家月餘日因與裴儼從長史言話散卻迴京師前請曰既承兄丈一本作九丈獎諭日月滋深夙夜工勤溺於翰墨儼得聞筆法要訣終爲師學以冀至於能妙豈任感戴之誠也長史良久不言乃左右視拂然而起僕乃從行歸東竹林院小堂張公乃當堂踞牀而坐命僕居於小榻而曰筆法元微難安傳授非志士高人詎可與言要妙也書之求能且攻真草今以授之可須思妙乃曰夫平謂橫予知之乎僕思以對之曰嘗聞長史示令每爲一平畫皆須令縱橫有象此豈非其謂乎長史乃笑曰然而又問曰直謂縱予知之乎曰豈不謂直者從不令邪曲之謂乎曰均謂間予知之乎曰嘗蒙示以間不容光之謂乎曰密謂際予知之乎曰豈不謂筆鋒下筆皆令宛成不令其疎之謂乎曰鋒謂末予知之乎曰豈不謂以末成畫使其鋒健之謂乎一本健曰力謂骨體予知之乎曰豈不謂趨筆則點畫皆有筋骨字體自然雄媚之謂乎曰轉輕謂屈折予知之乎曰豈不謂鉤筆轉角折鋒輕過亦謂轉角爲闊闊過之謂乎曰決謂牽掣予知之乎曰豈不謂牽掣爲銳銳意挫鋒使不怯滯令險峻而成以謂之決乎曰補謂不足予知之乎曰豈不謂結點畫或有失趣者則以別點畫旁救之謂乎曰損謂有餘予知之乎曰豈不謂趣長筆短常使意勢有餘點畫若不足之謂乎曰

巧謂布置于知之乎曰豈不謂欲書先預想字形布置令其平穩或意外字體令其異勢是謂之巧乎曰稱謂大小子知之乎曰豈不謂大字蹙之令小小字展之爲大兼令茂密所以爲稱乎長史曰予言頗皆近之矣夫書道之妙煥乎其有旨焉字外之奇言所不能盡世之書者宗二王元常逸跡曾不睥睨筆法之妙遂爾雷同獻之謂之古肥旭謂之今瘦古今既殊肥瘦頗反如自省覽有異衆說芝鍾巧趣精細殆同始自機神肥瘦古今豈易致意真跡雖少可得而推逸少至於學鍾勢巧形容及其獨運意疏字緩譬猶楚音習夏不能無楚過言不悞未爲篤論又予敬之不逮逸少猶逸少之不逮元常學子敬者畫虎也學元常者畫龍也予雖不習久得其道不問之言必慕之歟儻有巧思思盈半矣予其勉之工精勤悉自當妙矣真卿前請曰幸蒙長史傳授筆法敢問工書之妙如何得齊於古人張公曰妙在執筆令其圓轉勿使拘攣其次諸法須口傳手授之訣勿使無度所謂筆法也其次在於布置不慢不越巧使合宜其次紙筆精佳其次諸變適懷縱捨規矩五者備矣然後齊於古人矣敢問執筆之理可得聞乎長史曰予傳授筆法之老舅彥遠曰吾聞昔日說書若學有工而跡不至後聞於褚河南曰用筆當須如印泥畫沙思所以不悞後於江島遇見沙地平淨令人意悅欲書乃偶以利鋒畫其勁險之狀明利媚好乃悟用筆如錐畫沙使其藏鋒畫乃沈著其用鋒常欲使其透過紙背此成巧之極矣真草用筆悉如畫沙則其道至矣是乃其迹可久自然齊古人矣但思此理以專想工用故其點畫不得妄動予其書紳予遂銘謝再拜遂巡而退自此得攻書之術於茲五年真草自知可成矣

案宋史藝文志有顏真卿筆法一卷即此記也

汎愛寺重修記

予不信佛法而好居佛寺喜與學佛者語人視之若酷信佛法者然而實不然也予未仕時讀書講學恆在福山邑之寺有類福山者無有無予蹟也始僦居則凡海印萬福天寧諸寺無有無予蹟者既仕於崑時授徒於東寺待客於西寺每至姑蘇恆止竹堂目予實信其法故爲張修其事以感沙坻則非知予者

矣

案崑即今蘇州府崑山縣在唐爲蘇州吳郡屬縣記云既仕於崑又云每至姑蘇恆止竹堂攷公宦蹟未嘗仕於崑山惟十有三歲時侍母殷隨外祖子敬任曾至吳郡其時年幼不應栖止竹堂僧寺其後大歷六年三月罷撫州刺史事八月移寓江寧會繞道吳郡亦不得云每至姑蘇此記疑非魯公所作全唐文不知據何本探入存之而附辨如此

東方先生畫贊碑陰記

天寶十三載十二月

東方先生畫贊者晉散騎常侍夏侯湛之所作也湛字孝若父莊爲樂陵太守因來觀省遂作斯文贊云大夫諱翔字曼倩平原厭次人魏建安中分厭次爲樂陵郡又爲郡人焉厭次今移屬樂安郡東去祠廟六百里故厭次城今在平原郡安德縣東北二十二里廟西南一里先生形像今則捏素爲之並二細君侍焉郡嘗爲德州其贊開元八年刺史韓公思復刻於石碑真卿去歲拜此郡屬殿中侍御史平公冽監察御史閻公寬李公史魚右金吾曹宋公審咸以河北採訪使東平王判官巡按狎至真卿候於境上而先生祠廟不遠道周亟與數公泉家兄淄川司馬曜卿長史前洛陽令蕭晉用前醴泉尉李伯魚徵君左驍衛兵曹張璠麟遊尉章宅相朝城主簿章有夏司經正字畢耀族弟渾前參軍鄭悟初同茲謁拜退而遊於中唐則韓之刻石存焉金數其文字纖靡駁薛生金四十年間已不可識真卿於是勒諸他山之石蓋取其字大可久不復課其工拙故援翰而不辭焉至若先生事跡則載在太史公書漢書風俗通武帝內傳十洲記列仙神仙高士傳此不復紀焉有唐天寶十三載季冬辛卯朔建

案杜少陵集有寄章有夏郎中五言六韻詩碑內朝城主簿即其人也

鮮于氏離堆記

寶應元年四月

閬州之東百餘里有縣曰新政新政之南數千步有山曰離堆斗入嘉陵江直上數百尺形勝縮疊峻峭巖巖上崢嶸而下迴湫不與衆山相連屬是之謂離堆東面有石堂焉即故京兆尹鮮于君之所開鑿也堂有室廣輪袤丈蕭豁洞

敝虛聞江聲微見羣象人村川垣若指諸掌堂北磐石之上有九曲流杯池焉
懸源嶠首蹙噴鶴味醺渠股引迴坐環溜若有良朋以傾醇酎堂南有茅齋焉
遊於斯息於斯聚賓友於斯虛而來者實而歸其齋壁間有詩焉皆君舅著作
郎嚴從君甥殿中侍御史嚴銑之等美君考槃之所作也其右有小石廬焉亦
可陞而跋據矣其松竹桂椿冬青雜樹皆徙他山而栽蒔焉其上方有男宮觀
焉署之曰景福君第京兆尹叔明至德二年十月嘗任尚書司勳員外郎之所
奉置也君諱向字仲通以字行漁陽人卓爾堅拔毅然抗直易有之曰篤實輝
光書不云乎沈潛剛克君自高曾以降世以財雄招徠賢豪施舍不倦至君繼
緒其流益光弱冠以任俠自喜尚未知名乃慷慨憤憤於焉卜築養蒙學文志
寢與食不四三載展也大成著作奇之助以賓薦無何以進士高第驟登臺省
天寶九載以益州大都督府長史兼御史中丞持節充劍南節度副大使知節
度使事劍南山南西道採訪處置使入為司農少卿遂作京兆尹以忤楊國忠
貶邵陽郡司馬十有二載秋八月除漢陽郡太守冬十有一月終於所任官舍
悲夫雄圖未伸志業已空葬於縣北表附先塋禮也君之薨也家子光祿寺丞
昱匍匐迎喪星言泣血自沔泝峽湍險萬重肩輿跼蹐引舳舻凡經幾年戰
瘡在目因心則至豈無僮僕最昱之季曰尚書都官員外郎吳克篤前烈永言
孝思懇懇志反葬於茲行道之人孰不歎而真卿猶子曰紘從父兄故僱師
承春卿之子也嘗尉蘭中君故舊不遺與之有忘年之契叔明昱兄亦篤世親
之歡真卿因之又忝憲司之寮亟與濟南蹇昂奉以周旋益著通家之好兄允
南以司膳司封二郎中第九載以三院御史皆與叔明首末聯事我是用飽君
之故乾元改號上元之歲秋八月哉生魄復自刑部侍郎以言事忤旨聖恩全
宥貶貳於蓬州沿嘉陵而路出新政適會昱以成都兵曹取急歸覲還我乎貴
州之朝留游締歡信宿陞峴感今懷昔遂援翰而志之叔明時刺商州兄又申
掾京兆不同躋陟有恨如何帝唐龍集後壬寅仲夏己卯朔十五日甲午刻於
門序之左右

撫州寶應寺翻經臺記 大曆四年四月

撫州城東南四里有翻經臺宋康樂侯謝公元嘉年初於此翻譯涅槃經因以
為號公諱靈運陳郡陽夏人也祖元晉車騎將軍父瑛秘書郎公幼穎悟好學
博覽羣書文章之美江左莫逮以襲祖爵世人宗之戚稱謝康樂初為劉劼衛
軍從事中郎太子左率出為永嘉太守郡有名山水公素愛好肆意遊適稱疾
去職於始寧縣修營故墅傍山帶江盡幽居之美因著山居賦並自註之與隱
士王宏之等遊放為娛有終焉之志每一詩至都邑莫不競寫宿昔之間士庶
皆徧徵為秘書監再召不赴太祖使范泰與書敦獎之乃出就職尋遷侍中曰
夕引見賞遇甚厚多疾不朝賜假東歸免官與從弟惠連東海何長瑜顏川荀
道雍泰山羊璿之以文章賞會時人謂之四友尋山登賞常著木屐上則去其
前齒下則去其後齒會稽太守孟顓事佛精慧公謂之曰得道應須慧業丈人
生天應在靈運前成佛必在靈運後顓深恨此言後遂表公有異志公馳出自
陳太祖知見誣除臨川內史公以曇無讖所翻大涅槃經語少朴質不甚流靡
品數疎簡初學者難以措懷乃與沙門范惠嚴顧慧觀依舊泥洹經共為潤色
勒成三十六卷義理昭暢質文相宣歷代寶之盛行於天下其餘感神徵應具
如高僧傳所說遊乎階局不改棟宇具無真卿叨刺是邦茲用懷息有行頭
陀僧智清緒發洪誓精心住持請以佛跡寺僧什喻仙臺觀道士譚仙巖同力
增修指期恢復自見法堂之遺構克崇先達之高蹤不泯百里而遙四山不逼
三休而上十地方超經行之業既崇斗藿之功斯懋大曆己酉歲四月丙午都
人士庶相與大會設嚴供而落焉以真卿業於斯文見咨紀述後之君子其志
增修乎銘曰

摩訶般若解脫法身是則涅槃業經中尊曇無讖允嚴觀是因實賴同德宏茲
法輪謝公發揮精義入神理絕史野文兼郁彬一垂刊削百代咸遵遺跡忽睹
高臺嶙峋載悲徂謝易踐音塵真卿愀然懷故執新檀那衣鉢悉力經綸不日
復之周邦仰仁細懷教養予亦何人徒願神交媿非德鄰刻銘金石永承不泯
撫州寶應寺律藏院戒壇記 大曆六年三月

如來以身口意三業難調伏也淨尸羅以息其內行住坐臥四威儀攝善心也

明布薩以昭其外故曰波羅提木叉是汝之師則橋陳如之善來迦葉波之尚法諸聲聞三歸約衆十四年以入敬度尼羯磨相承其致一也至漢靈帝建寧元年前有北天竺三桑門支法領等始於長安譯出四分戒本兼羯磨與大僧受戒至曹魏有天竺十尼自遠而來爲尼受具後秦姚萇宏始十一年有梵僧佛陀耶舍譯出四分律本而關內先行僧祇江南盛行十誦至元魏法聰律師始闡四分之宗聰傳道覆傳惠光光傳雲暉願願傳理隱樂洪雲雲傳遵遵傳智智首傳道宣宣傳洪洪傳法勵勵傳滿意意傳法成成傳大亮亮傳賓亮傳雲一賓傳岸超慧澄澄傳慧欽欽皆口相授受臻於盡奧欽俗姓徐洪州建昌人蓋漢儒子之後也二十二尋師於臨川楮山後五歲削髮隸於高安龍岡寺遂受戒有唐義淨則譯經上足曰洪州靈傑其秉宣羯磨者曰兩京清滌使法慧欽智度冲深神用高爽行無懼實身絕開遮闡律藏而日月光明駢辯才而龍象蹴踏江嶺之外凜然風生開元末北遊京師充東京福先大德常誦大涅槃經而講之兼明俱舍論維摩金剛經每登講座其下日有二三千人由是名動輦轡祿山作亂杖錫南歸居於西山洪井雙嶺之閑慕高僧觀顯之遺蹤於寺北初置蘭若山泉之美頗極幽絕欽雖堅持律儀而志在宏濟好讀周易左傳下筆成章著律儀輔演十卷嘗撰本州龍興寺戒壇碑頗見稱於作者大曆三年真卿忝刺撫州東南四里有宋侍中臨川內史謝靈運翻大涅槃經古臺階局儼然軒構摧圯有高行頭陀僧智清者首事修葺安居住持明年秋七月真卿續秩將滿有觀察使尚書御史大夫趙國魏公願以我皇帝降誕之辰奏爲寶應寺仍請山林高行僧二十七人冬十月二十三日聖恩允許於是鼎新輪奐其與也勃焉乃請止觀大師法源法泉襄陽乘覺清源等宏羅浮圓覺佛跡十喻餘杭慧達泉當州海通海岸等同住重修以資景福金以爲學徒雖增毗尼未立明年三月乃請欽登壇而董振鐸焉仍俾龍岡道幹天台法裔招提智融白馬法允衡岳正覺同德義盈香城藏選龍興藏志開元明微等同秉法事於是遠近駸奔道場側塞聖像放光而龍王不雨者四旬僧尼等三百五十七人而文士正議大夫前衛尉少卿張延皋脫俗歸真其名曰瓊綱爲稱首焉又欽

比年以來爲受具者凡一萬餘人江嶺湖海之間幅員千餘里像法於變此皆欽教道之力焉臨川在嶺隅未嘗宏律於是二衆三百餘人請法裔敷演而依止之矣復有上都資聖寺高德曰還本律主偉茲能辨深嗟歎而贊美之請於寺東南置普通無礙禪院院內立鎮海觀音道場請善宏居之以開悟心要雲一上足曰智融精持本事如會尊衆乃命智光等於普通道場東置律藏院初立戒壇以付欽公之來儀且施肇紀之不朽經營未幾壇殿鬱與庶乎渡海洋囊分毫絕羅刹之請嚴身璽珞照耀有摩尼之光則入佛位而披伽梨者名香普薰神足無極其可勝紀而無絕乎有唐大曆辛亥歲春三月行撫州刺史魯郡開國公顏真卿書而誌之

撫州南城縣麻姑山仙壇記

大曆六年四月

麻姑者葛稚川神仙傳云王遠字方平欲東之括蒼山過吳蔡經家教其尸解於蛇蟬也經去十餘年忽還語家人言七月七日王君當來過到期日方平乘羽車駕五龍合異色旌旗導從威儀赫奕如大將也既至坐須臾引見經父兄因遣人與麻姑相聞亦莫知麻姑是何神也言王方平敬報久不行民間今來在此想麻姑能覽來有頃信還但聞其語不見所使人曰麻姑再拜不見忽已五百餘年尊卑有序修敬無階思念久煩信承在彼登山顛倒而先被記當按行蓬萊今便整往如是便還還即親觀願不即去如此兩時間麻姑來時不先聞人馬聲既至從官當半於方平也麻姑至蔡經亦舉家見之是好女子年十八九許頂中作髻餘髮垂之至要其衣有文章而非錦綺光彩耀目不可名字皆世所無有也得見方平方平爲起立坐定各進行廚金盤玉杯無限美膳多是諸華而香氣達於內外辯麟脯行之麻姑自言接待以來見東海三爲桑田向聞蓬萊水乃淺於往者會時略半也豈將復還爲陸陵乎方平笑曰聖人皆言海中行復揚塵也麻姑欲見蔡經母及婦經弟婦新產數十日麻姑望見之已知曰噫且止勿前即求少許米便以擲之墮地即成丹沙方平笑曰姑故年少吾了不喜復作此曹狡獪變化也麻姑手似鳥爪蔡經心中念言昔蚌時得此爪以把背乃佳也方平即知經心中念言即使人牽經鞭之曰麻姑者神

人汝何忽謂其爪可以杷背邪見鞭著經背亦不見有人持鞭者方平告經曰吾鞭不可妄得也大曆三年真卿刺撫州按圖經南城縣有麻姑山頂有古壇相傳云麻姑於此得道壇東南有池中有紅蓮近忽變碧今又白矣池北下壇傍有杉松皆偃蓋時聞步虛鐘磬之音東南有瀑布淙下三百餘丈東北有石崇觀高石中猶有螺蚌殼或以爲桑田所變西北有麻源謝靈運詩題入華子岡是麻源第三谷恐其處也源口有神祈雨輒應開元中道士鄧紫陽於此習道蒙召入大同殿修功德二十七年忽見虎駕龍車二人執節於庭中顧謂其友竹務猷曰此迎我也可爲吾奏願欲歸葬本山仍請立廟於壇側元宗從之天寶五載投龍於瀑布石池中有黃龍見元宗感焉乃命增修仙宇真儀侍從雲鶴之類於戲自麻姑發迹於茲嶺南真遺壇於龜源華姑表異於井山今女道士黎瓊仙年八十而容色益少曾妙行夢瓊仙而餐花絕粒紫陽姪男曰德誠繼修香火弟子譚仙嚴法錄尊嚴而史元洞左通元鄒鬱華皆清虛服道非夫地氣殊異江山炳靈則曷由纂懿流光若斯之盛者矣真卿幸承餘烈敢刻金石而志之時則六年夏四月也

有唐宋州官吏八關齋會報德記

大曆七年五月

夫德之所感淪骨髓而非深誠之所至去神明而何遠有唐大曆壬子歲宋州八關齋會者此都人士慕文武將吏朝散大夫使持節宋州諸軍事行宋州刺史兼侍御史本州團練守捉使賜紫金魚袋徐向等奉爲河南節度觀察使開府儀同三司太子太師左右僕射知省事兼御史大夫汴州刺史上柱國信都郡王田公頃疾良已之所建也公名神功冀州南宮人稟元和之粹靈膺期運以傑出含宏厚下正直率先起孝而德感生人竭忠而精貫白日而衆必資於寬簡安人務在於撫柔況乎武藝絕倫英謀沈沈所向而前無強敵日新而學有緝熙故能殿天子之邦鬱蒼生之望有日矣羯戎構逆公以平盧節將佐今右僕射李公忠臣收滄德攻相州拒杏園守陳留許叔冀降而陷焉思明懼忠臣圖己令公佐南德信隨劉從諫收江淮至宋州欲襲李銑公斬德信走從諫遂並其衆而報焉肅宗大悅拜公鴻臚卿再襲敬釭於鄆州加中丞討劉展於

潤州斬平之遷徐州刺史明年拜滑青節度使屬侯希逸自平盧至公以州讓之時宋州刺史李岑爲賊所圍副元帥李光弼請公討平之拜御史大夫加開府充兗鄆州節度破法子營又討敬釭釭歸順焉史朝義聞之奔下博投范陽自縊死廣德元年授戶部尚書封信都郡王上幸陝公首來扈從都知六軍兵馬每食宿公皆躬自省視上感焉方委以政事公涕泣固辭而止二年拜汴宋節度遷兵部大歷二年加右僕射封母清河張氏爲趙國夫人妻信安郡王禕女爲涼國夫人太夫人慈和勤儉睦於親黨公性純孝居常不離左右閱讀書史或時疾病公輒累月不茹葷家中禮懺不絕仍造崇夏宏聖二寺以祈福祐五年兼判左僕射知省事加太子太師公德厚量深勞謙重慎功既高而心益下位彌大而體益恭故遠無不懷邇無不肅今夏四月忽嬰熱疾沈頓累旬積善降祥勿藥過喜鷹犬之訢悉皆棄捨羣帥感焉無復弋獵四履之內咸懷歡欣睢陽之人踴躍尤甚乃咨於州將曰昔我公之陷賊也至敵邑而首誅德信李岑之見圍也破其黨而克保城池是即我公再有大造於敵邑矣微我公之救恤即皆死於鋒鏑入於煎熬矣尙何能保完家室嬉戲鄉井者乎不資齋明何以報德徐公悅而從之來五月八日首以俸錢三十萬設八關大會飯千僧於開元伽藍將佐爭承唯恐居後已而州縣官吏長史苗藏實等設一千五百人爲一會鎮遏團練官健副使孫琳等設五百人爲一會耆壽百姓張列等設五千人爲一會法筵等供及塞於郊垌贊唄香花喧填於晝夜其餘鄉村聚落來往舟車聞風而靡督自勤儉而休先胥懸者又不可勝數矣非夫美政淳深德風汪濊則何以感人若此其至者乎某叨接好仁飽承餘烈觀茲盛美益覩求蒙若不垂諸將來則記事者奚述

吳興沈氏述祖德記

大曆八年十二月

南齊徵士吳興沈君名麟士郡人也蘊道德晦於邑之餘不溪家貧無資以織簾爲業故時人號爲織簾先生精於禮傳嘗自詁訓宗人吏部郎中淵中書郎約累薦徵爲著作郎高臥不起名重江表臨終遺教依皇甫元晏棺中貯孝經一卷穿墻三尺置棺平土不設機位四時地席元酒而奠子彝奉而行之吳郡

陸惠曉張融皆爲之誅徵士書製述祖德碑立於金鵝山之先塋年月淹遠風雨蠹蝕朽字殘文翳而莫分乾元中爲盜火所焚碑首毀裂然將墮過江二十葉孫御史中丞震移牒郡國請其封葺或屬兵凶曠而莫修忽有仆樹生於龜腹盤根抱趾聳幹夾碑疑如工造鬱若神化敬者復正危而再堅夫德無名遇賢而鍾慶神無實假物以申應沈氏積德既遠徵士植德既深天將與舊族乎吾知沈之復大也權檢校宗事十九葉孫前太廟齋郎怡拜泣松檟增修舊塋感先碑之頌覆懼遺文之殘闕乃具他石傳而貳焉崇其本所以尊先也建其新所以嗣德也以真卿江南婚姻之舊中外伯仲之穆謬忝拜刺見託斯文刊諸碑陰以傳無朽因改其樹爲慶樹以旌其美焉沈氏之故事具於家謀今闕而不紀時有唐大曆八年冬十二月

乞御書題額恩敕批答碑陰記

大曆九年七月

肅宗皇帝恩許既有斯答御劄垂下而真卿以疎拙蒙譴粵若來八月既望貶授蓬州長史泉今上即位寶應元年夏五月拜利州刺史屬羌賊圍城不得入恩勅追赴上都爲今尙書前相國彭城公劉公晏所讓授尙書戶部侍郎二年春三月改吏部廣德元年秋八月拜江陵尹兼御史大夫充荆南節度觀察處置等使未行受代轉尙書右丞明年春正月檢校刑部尙書兼御史大夫充朔方行營汾晉等六州宣慰使以招諭太師中書令僕固懷恩不行遂知省事永泰二年春二月貶峽州別駕旬餘移貶吉州大曆三年夏五月蒙除撫州刺史六年閏三月代到秋八月至上元爾來十有六年困於疎累蒙寬諫其所置碑石迄今委諸巖麓之際未遑崇樹七年秋九月歸自東京起家蒙除湖州刺史來年春正月至任州東有苕霅兩溪溪左有放生池焉卽我寶應元聖文武皇帝所置也州西有白鶴山山多樂石於是採而斲之命吏幹磨家僮鐫刻之建於州之駱駝橋東蓋以抒臣下追遠之誠昭先帝生成之德額既未立追思莫達客或請先帝所賜敕書批答中諸字以緝而勒之真卿從焉勒願斯畢瞻慕不足遂志諸碑陰庶乎乾象昭回與宇宙而終始天文煥發將日月而齊輝時則有唐大曆九年青龍甲寅之歲孟秋甲子之日也

湖州石柱記

烏程縣舊縣今望鄉四十里二百東去蘇州二百一十里南去杭州一百八十九里西北去揚州六百四十七里西去宣州三百一十七里北去東都二千八百七十五里北去上都三千七百七十六里

帝顓頊冢 吳大帝陵 吳景帝陵 鈕皇后陵 吳丹陽太守蕪湖侯太史慈墓 吳大將軍朱治墓 吳蕩寇將軍程普墓 晉侍中羅含墓 晉黃門侍郎潘尼墓 齊宣城太守邱靈鞠墓 梁中書侍郎邱遲墓 梁司空康絢墳墓 陳五兵尙書康宗墓

長城縣

大雷山 芳巖 震澤 若溪 吳王夫概廟 陳景帝陵 陳錢皇后陵 陳昭烈王陵 謝安墓 殷仲文墓 陳武帝故宅 陳文帝故宅 吳均故宅 陳氏五主屏風 陳高祖竹帳 國朝高僧南山律主道宣

安吉縣

天目山 崑山 橫溪 梅溪 蛟龍池 翔鳳林 裴子野故宅 周宏讓故宅 姚萇雉尾扇 施世瑛金鐘

山川

卞山 法華寺 金井 玉澗 乳竇 石膏 溫泉 項王走馬埭 項王飲馬池 項王繫馬石

衡山 帝顓頊冢 春秋鳩茲城

峴山 顯亭 故別駕李適之石酒罇 五花亭

杼山 妙喜寺 黃浦橋 避宅城 何楷釣臺

昇山 吳均入東記 晉吳興太守王羲之鳥亭

金蓋山 何氏書堂 張邵邱道祚禪幽寺

太湖 周迴四萬八千頃

雪溪

白蘋洲

湖州石柱在宋初字已漫漶歐陽永叔謂其筆畫奇偉非顏魯公不能書於是宋次道集魯公詩文刊於金石者編成一十五卷則石柱記存焉孫莘老知湖州聚境內碑碣築墨妙亭貯之凡三十二通記其一也所記山川陵墓廟宅旁及屏風竹帳雉尾扇顧唐設五縣而記遺其二或當日有之次道編集時殘闕未可知爾

朱彝尊石柱記序

案石柱記本在湖州之村山魯公修韻海時所刻又名吳興地記唐置五縣記遺其二當係兩柱分刻僅傳其一康熙辛巳秀水朱檢討彝尊爲補記二縣歸安鄭君元慶爲箋釋原記四卷補記一卷今以補目附錄於左

德清縣 市亭山 金鵝山 吳堯山 餘不溪 北流水 苧溪 餘不

亭侯廟 梁吏部尚書沈約墓 孝鵝冢

武康縣 防風山 武康山 七里嶠 前溪 阮公溪 郭先生祠堂

沈道慶石山精舍 吳太常卿姚信墓 晉吏部尚書沈嘉墓 晉揚威將軍東陽太守沈勁墓 宋吏部尚書沈演之墓

頃借書齋舫得宋槧石柱記載山川陵墓亡者三之一其存而不可信者亦三之一竹垞先生惜其殘闕爲補記二縣余乃一一箋釋證其所可信復辨其所不可信

鄭元慶箋註石柱記自序

通議大夫守太子賓客東都副留守雲騎尉贈尚書左僕射博陵崔孝公

宅陋室銘記

大曆十一年四月

公諱弼字若冲博陵安平人其先出於齊太公之後自亭伯三世文宗秘書監六字一派別叔軌季則俱死王事神謙神通並高循續子彭宏度以武幹稱景儔巨倫以文行著繼方面者累代列史傳者十人奕葉相承恆爲鼎族曾祖宏峻隋銀青光祿大夫趙王長史祖儼皇朝益州維縣令父璽年未四十爲庫部員外郎因擇能吏爲壽安令又充江西道廉察使徙隴東遷歷四邑盤桓不進以剛正也累至朝散大夫汝州長史封安平縣男贈衛尉少卿公即安平之次子也全德天至成人玉立蓋聖代之寶臣華宗之孝子文章之哲匠禮樂之祖師既不可以一名又何能以悉數年二十四舉鄉貢進士考功郎李迥秀器異

之曰王佐才也遂擢高第其年舉賢良方正對策萬數公獨居第一而兄渾亦在甲科典試官梁載言陳子昂數曰雖公孫龍鄰不及也召見前殿拜麟臺校書郎郎是名蓋天下御史張思敬以德行薦久之以資授陸渾主簿平陽王敬暉宏度外之交略上官之禮丁府君憂服除太夫人勉起之以所試起還擢拜左補闕遷殿中侍御史奉勅按竊金者公得其情許之不死竟得減論諸王或特貴不遵法度舉而按之其不吐茹也如此尋遷起居舍人當扈從以親老抗疏乞退薦瑯琊王邸太原郭濟渤海封希顏等自代睿宗嘉之特許留司以遂其孝養還祠部員外郎侍僧有請度人者公拒不奉詔還給事中大理卿韓思復用法小差權臣致劾公特寬之還中書省舍人省改紫微其官仍舊又固辭以親老除虞部郎中開元初攝御史中丞或訟吏曹之不平公與崔泰之銜命詳理多所收拔俄而即真兼都畿按察使歲或不稔公請發粟賑貸之賴全活者以萬數內謁者霍元忠有罪公執之以聞元宗使以重書勞之公之澄清中外也以畿縣令長陸景融劉體微盧暉有異政丞尉宋遙皇甫異陳希烈宋鼎蕭隱之范冬芬楊懷餘劉日正高昌寓州掾李瑱裴曠等並以清白吏疏而薦之二十二年置十道採訪使公所舉六人在焉執事子有不法者公舉之不回移著作郎尋遷秘書少監修圖書使尋判大理卿禮部侍郎公既職司典禮乃刪寫疏論數百卷以備闕遺特加朝散大夫遷左庶子丁太夫人憂徵拜中書侍郎出爲魏州刺史乃肇移元城徙置新市吏人便之乙丑歲元宗東封知頓使奏課第一賜絹二百匹嶽下觀禮獻慶雲頌又賜絹一百匹明年入朝分掌十銓公與王邱爲選人所歌曰河人澄明澈底清邱山介直連天峻時人建之還州以理有異績御史大夫崔隱甫中丞宇文融朝服表薦璽書寵慰無何徵拜左散騎常侍上以六宮親蠶絲賜近臣公獻御絲賦又侍譙別殿賦端午詩屢蒙錫以緣帛綵羅兼判國子祭酒俄充東都副留守十七年有事陳廟追贈安平公及太君曰安平夫人駕還罷留守二十年春奉勅撰龍門公宴詩序賜絹百匹延入集賢院修老子道德經疏行於天下二十一年遷秘書監修撰如故屬耕藉田爲居守賜絹百匹遷太子賓客出兼懷州刺史二十四年罷州又

以本官充東都副留守累加通議大夫二十七年冬十一月十有七日癸亥薨於位春秋六十有七元宗震悼贈禮部尚書葬日量借手力幃幙故吏前監察御史博陵崔頌爲公行狀云公德充符契精實人極孝愛聞於天下制作垂於無窮執太夫人之喪徒跣吐血以身爲糞土況乎含宏內恕夷坦外名德至矣乎今之達者若以富貴崇德行藏養高則老萊闕於榮親黔婁福於謀道又加於古人矣故養則致其樂喪則過乎哀以兄姊之戚亞其親甥姪之慈甚其子至於藥磁備物溫清異宜手肱杵臼之間身辱淋濯之伍汲汲然矣每至宗廟心齋嚴恭祀事明發不寐翌日餘悲故聲氣感人者深儀形化人者遠躬踐五德退讓於恭儉溫良行張四維加信於仁義禮智而老驥伏櫪以飽驥不忘白鳩巢檐以家瑞終黔則非殊倫絕輩擬議乎萬一矣太常博士裴總議曰公醇一誕靈文明含粹蹈元和以爲天性籍聞氣以爲人師前後歷官或拜而不至或至而不留瘠形瞽目誓尊孝養可不謂孝乎遂謚曰孝公凡所著文集二十九卷並嗣子祐甫論次先志一卷爲三十卷吏部員外郎趙郡李華爲集序云公之侍親也孝達乎神祇居憂也哀貫乎天地喪明有數而茹荼終身親交鄰里飢者待公而炊寒者待公而焚蒸嘗之奠待公而具故祿廩雖厚而未常足也傳祖稱之美合於禮經見公文章知公行事則人倫之序理亂之源備矣祐甫純行而文直清而和希公門者謂公存焉亡賢數載如此初太夫人患目公傾家求醫或曰療之必愈恐壽不得延太夫人及公悲恨而罷自是竭力奉養不脫冠帶者僅三十年每至良辰美景勝引佳遊必扶持左右笑言陳說親朋往來莫知太夫人之有苦也公年官雖高至於食菓蔬菜與子姪躬自植藝澆灌以申馨潔泉絲喪雖見孩稚者必設位束帶盡哀以禮之公與江夏李邕友善爲校書郎時引邕館於祕閣之下讀書者累年邕由是才名益盛邕與尚書席建侯嘗過公怪乘馬羶羶曰何不於廳前自觀餘飼忽然致頌何以更之公唯而不易他日二公又以爲言公良久則曰每欲發言恐涉有疑於廝養者所以沈吟自媿二公退而謂人曰每想崔公此言使人慚惡如醉延和太極之間公既留司東都遂驚所乘馬就故人監察御史張洙子深河南府崇政坊買宅

以製居建宗廟於西南維先太夫人安平郡夫人堂在宅之中儉而不陋淨而不華六十餘年棟棟如故堂東嫂盧夫人所居堂之東北鄭氏李氏姊歸寧所居堂之北五步之外建瓦堂三間以居之雜用舊椽不崇壇無楮墨累歷清要所得祿秩但奉蒸嘗實嫂姊給孤幼管甥姪婚姻而已朝服衣馬一皆取其下者唯祭器祭服稱禮焉其室竟不修舅夫人太原郡太夫人王氏捐牀帳之後公徙居他室或在賓館而無常所爲常侍時著陋室銘以自廣天寶末子孫灝掃貯書籍劍履而已逆胡再陷洛陽屋遂崩圯唯檐下廢井存焉長子成甫側儻有才名進士校書郎早卒祐甫能荷先業以進士高第累登臺省至吏部郎中充永平軍節度使尙書李公勉行軍司馬兼侍御史中丞承懷先德明發不寐恐茂烈湮淪一本湮淪因垂後裔乃刻陋室銘於井北遺址之前以抒所志某夙仰名教實欽孝公之威德晚聯臺閣竊慕中丞之象賢又能好我不遺見託論譟探風猷而莫窮萬一涉泉海而豈究津涯操筆強名退增戰慙時則大曆十一年青龍景辰孟夏之月也

梁吳興太守柳惲西亭記

大曆十二年四月

湖州烏程縣南水亭即梁吳興太守柳惲之西亭也繚以遠峯浮於清流包括氣象之妙實遊宴之美觀夫構宏材披廣樹豁達其外睽眄其中雲軒水閣當亭無暑信爲仁智之所創制原乎其始則柳吳興惲西亭之舊所焉世增崇之不易其地按吳均入東記云惲爲郡起西亭毗山二亭悉有詩今處士陸羽圖記云西亭城西南二里烏程縣南六十步跨苕溪爲之昔柳惲文暢再典吳興以天監十六年正月所起以其在吳興郡理西故名焉文暢嘗與郡主簿吳均同賦西亭五韻之作由是此亭勝事彌著間歲頗爲州僚據而有之日月滋深室宇將壞而文人嘉客不得極情於茲憤憤悱悱者久矣邑宰李清請而修之以據衆君子之意役不煩費財有羨餘人莫之知而斯美具也清皇家子名公之胤忠肅明懿以將其身清簡仁惠以成其政絃歌二歲而流庸復者六百餘室廢田墾者三百頃浮客臻湊逾乎二千種桑畜養盈於數萬官路有刻石之堦吏廚有餐錢之資敦本經久率皆如是略舉數者其餘可知矣豈必夜魚

春躍而後見稱哉於戲以清之地高且才而勵精於政事何患雲霄之不致乎清之筮仕也兩參雋乂之列再移仙尉之任毗贊於蜀邑子男於吳興多爲廉使感府之所辟薦則知學詩之訓間緝之心施之於政不得不然也縣稱繁舊矣今詔升爲望清當受代而邑人已軫去思之悲白府願留者屢矣真卿重違耆老之請啓於十連優詔以旌清之美也某不佞忝當分憂共理之寄人安俗阜固有所歸雖無魯臣掣肘之患豈盡言子用刀之術由此論之則水亭之功乃餘力也夫知邑莫若州知宰莫若守知而不言無乃過乎今此記述以備其事懼不宜美豈徒愧詞而已哉大曆一紀之首夏也

案柳惲西亭故址在湖州府治西烏程縣治南六十步唐顏真卿作記其同

游河東耿漳有詩至宋天聖間縣令方仲弓改建浮玉亭

唐故太尉廣平文貞公宋公神道碑側記

大曆十三年三月

初公任監察御史持服於沙河縣屬突厥寇趙定州河兗懼邢州刺史黃文軌投艱於公公以父母之邦金革無避及賊至城下公爲曉陳禍福其徒有素聞公威名者乃相率而去之開元末安西都護趙含章冒於貨賄多以金帛賂遺朝廷之士九品以上悉皆有各其後節度范陽事方發覺有司具以上聞元宗切責名品將加黜削公一無所受乃進諫焉元宗納之遂御花萼樓一切釋放舉朝皆謝公衣冠儼然獨立不拜翌日入奏元宗謂公曰古人以清白遺子孫乃卿一人而已公曰含章之賄偶不至臣門非不受也元宗深嘉歎之前碑闕焉故略述於此公第三子渾之爲中丞也方欲陳乞御製碑頌未果而中受譴責旋羯胡作亂事竟不成真卿時忝監察殿中爲中丞屬吏故公孫儼泣請真卿論議之昭義軍節度觀察使尚書左僕射兼御史大夫平陽郡王薛公曰嵩以文武忠義之姿爲國保障上慕公之德業數向無窮次嘉儼之懇誠崇賢莫致迺命屯田郎中權邢州刺史封演購他山之石曳以百牛僦刻字之工成乎半歲磨礱既畢建立斯崇遠近嗟稱古今榮觀雖大賢爲德樹善庸限於存亡而小子何知附驥托跡於階序真卿刺湖州之日因成文請儼刻其側而志之未及雕鐫而第六子衡因謫居沙州參佐戎幕河隴失守介於吐蕃以功累拜

工部郎中兼御史河西節度行軍司馬與節度周鼎保守燉煌僅十餘歲遂有中丞常侍之拜恩命未達而吐蕃圍城兵盡矢窮爲賊所陷吐蕃素聞太尉名德曰唐天子我之舅也衡之父舅賢相也落魄如此豈可留乎遂贈以駝馬送還於朝大曆十二年十一月以二百騎盡室護歸士君子偉之乃古來所無也上欲特加超獎且命待制於側門十三年春三月吏部尚書顏真卿記

家廟碑後記

建中元年十月

建中元年歲次庚申秋七月癸亥朔鐫畢八月己未真卿蒙恩遷太子少師冬十月壬子男頴封沂水縣男頌新泰縣男姪男頊承縣男頌費縣男頊鄒縣男微軀官階勳爵並至二品子姪八人受封無功無能叨竊至此子孫敬之哉

家廟碑額陰記

高祖記室君國初居此宅號州君舍人君侍焉堂今置廟地高祖妣殷夫人居十字街西北壁第一宅秘書監君禮部侍郎君侍焉號州君居後堂華州君於堂中生焉今充神廚少保君堂今充齋堂廳屋充亞獻終獻齋室

韋公肅爲太常博士太常卿鄭餘慶廟有二祖妣疑於祔祭請諸有司公肅議故太師顏真卿祖室有殷柳兩氏二夫人並祔故事則然諸儒不能異

書儒學傳

唐范傳正謂惟顏魯公張司業家祭不用紙錢

困學紀聞

案以上二條皆言魯公家祭事附錄齋堂記後殷柳二夫人公會祖號州君勤禮之配也

謝公碑陰記

太保謝公東晉咸和中以吳興山水清遠求典此郡郡西至長城縣通水陸今尙稱謝公塘及遷去郡人用懷恩刻石記功焉歷代至皇唐天寶末羣盜起公之碑誌失於所在眷求無沒深爲愴然借舊史遺文敬刊息石公之雅量宏度蓋嗟歎之不足

述

項王碑陰述

西楚霸王當秦之末與叔梁避讎於吳蓋今之湖州也雖滅秦而宰制天下魂魄猶思樂茲邦至今廟食不絕其神靈事迹具見竟陵子陸羽所載圖經大曆七年真卿蒙刺是州十二載姦臣伏法恩命追真卿上都尉期首路竟陵是諗予以故碑顛趾嘗因仍草莽已而復之真卿乃命再加崇樹以紀之時則仲夏方生明之日

案西楚霸王遺蹟在湖州者卞山有項王走馬埒飲馬池繫馬石山有廟謂之卞王廟梁簡文帝有卞山楚王廟碑記江總有卞山楚廟詩又郡城有廟向在臨湖門子城內每郡守至必設幕於廳祀以軀下牛齊李安民奉佛法不予神牛梁天監末蕭琛遷其廟於州治北楚帝橋下唐狄仁傑奏毀天下淫祀夢項王語之曰吾嘗以陰兵助國家征遼廟得不毀

顏魯公文集卷五

原
书
空
白
页

顏魯公文集卷六

寧鄉黃本驥仲良編訂

湘陰蔣 瓊維揚參校

贊

左納言史務滋像贊

嗚呼人方羅織我獨平反周來之徒殺人以媚人而卒亦不免孔子曰無求生以害仁有殺生以成仁而何嘗親密乎行感 俊臣慘刻吏柄鑿不相入當年公已矣民到於今稱遺直

案史務滋武后相新書附豆盧欽望傳

李侍御寫真贊

并序

前殿中侍御史正議大夫行洛陽縣令隴西李構年三十七

洛陽精堅強項稱賢粉纈圖出風規宛然粹容昭寫卓立神全舉板迎揖吾將答焉

案唐書宰相世系表有兩李構一武后相元素之孫趙郡李氏也此則姑藏房元德之孫隴西李氏也

頌

永字八法頌

側踣鷗而墜石勒緩縱以藏機弩灣環而勢曲趨峻快以如錐策依稀而似勒掠仿髣以宜肥碌騰凌而速進磔抑遘以遲移

辨

蒲塘辨

土俗所呼博淺水浦與數音轉爾南有博陽山土人呼爲濮陽山濮博聲訛水北有歷下村疑古歷陵也

案今江西九江府德安縣在漢爲歷陵縣屬豫章郡唐爲江州潯陽縣地至五代吳順義七年始置德安縣歷代因之禹貢過九江至於敷淺原漢書地理志云豫章郡歷陵縣有傳易山師古曰傳讀曰傳易川在南古文以爲敷

淺源蔡傳云今江州德安縣博陽山也新莽名曰蒲亭魯公所辨之蒲塘即

其地大中十二年鄭薰移魯公詩記云公轉廬陵郡道出宣州溧水縣南經古左伯桃墓作詩自題於蒲塘客舍則誤以桃墓蒲塘皆在溧水致桃墓在

同州郃陽縣辨見外集魯公經墓作詩是至德二載出爲同州刺史時事其自書於蒲塘客舍是永泰二年二月移吉州司馬道過潯陽時事傳刻於溧水

又不知何時事也蓋作詩一地也今陝西自書其詩一地也今江西刻石又一地也今江蘇

題名

華嶽廟題名

皇唐乾元元年歲次戊戌冬十月戊申真卿自蒲州刺史蒙恩除饒州刺史十有二日辛亥次於華陰與監察御史王廷昌大理評事攝監察御史穆寧評事張澹華陰令劉勗主簿鄭鎮同謁金天王之神詞顏真卿題記

東林寺題名

唐永泰丙午歲真卿以罪佐吉州夏六月壬戌與殷亮韋桓尼賈鑑同次於東林寺時則同僧照怡二公惠秀正義二律師暴楊麟在焉仰廬阜之鐘峯想遠公之遺烈升神運殿禮僧伽衣親生法師塵尾扇謝靈運翻涅槃經貝多梵夾忻慕之不足聊寫刻於張李二公耶舍禪師之碑側魯郡顏真卿書記

西林寺題名

唐永泰丙午歲真卿以疎拙貶佐吉州夏六月癸亥與殷亮韋桓尼賈鑑楊麟憩於西林寺有法真律師深究清淨毗尼之學即律祖師志恩之上足余內弟正義之阿闍黎也緬懷遠見二公之遺烈導余躋重閣示以張僧繇畫盧舍那佛像衆梁武帝盛線繡鉢袋因寓題歐陽公所撰永公碑陰魯郡顏真卿題

靖居寺題名

唐永泰二年真卿以罪佐吉州聞青原靖居寺有幽絕之致御史韓公涉刺史梁公乘書見招欲同遊而不果大曆二年十月壬寅評事韋甫已使將歸乃與別駕李開二清河房澄同官主簿陸涓南男七步真卿子姪蔡頤泚頤軒等同

宿於下坊明日及僧明則智清而登禮焉因親行思天師經始雙泉之靈跡道契律師纂成闕路之祕藏徘徊瞻仰乃援翰而勒於碑陰

碑銘一

周太師蜀國公尉遲公廟碑銘開元二十六年

天臨有周誕赫元輔屏內藩外經文緯武隱若長城關如虓虎功縣日月聲蓋寰宇甥舅之國君親是私一作本統蜀制梁督龍莅茲天命假易奸臣不祗憑陵君德暴蔑京師我圖匡救三方奮糾絳巾始繫黃龍失守精貫天地義伏羣醜節著誠全死而不朽皇唐御曆景命有融賜繅改葬懋烈昭忠鄴有賢守是爲張公馨香明德乃建閼宮乃建閼宮閼宮有恤乃建豐碑豐碑有勦妖孽遂止幽明載色載穀無虧享祀不忒

第一千一百二十九唐尉遲迴廟碑開元二十六年正月案通志金石略云顏真卿周太師尉遲公廟碑

在相州蓋誤以魯公撰銘爲撰序并書碑也碑今在安陽縣銘第十句君親是輔輔乃私字之譌私與下茲抵牾叶輔韻已見第二句不應重用

天下放生池碑銘乾元二年三月

皇唐七葉我乾元大聖光天文武孝感皇帝陛下以至聖之姿屬艱虞之運無少康一旅之衆當祿山強暴之初乾鞏勞謙勵精爲理推誠而萬方胥悅克己而天下歸仁恩信倖於四時英威達於八表功庸格天地孝感通神明故得回紇奚誓契丹大食盾鬻之屬扶服萬里決命而爭先朔方河東平盧河西隴右安西黔中嶺南河南之師燾燾五年推鋒而効死摧元惡如拉朽舉兩京若拾遺慶緒遁逃已蒙赤族之戮思明陰伏行就沸鼎之誅拯已墜之皇綱據再安之宗社迎上皇於西蜀申子道於中京一日三朝大明天子之孝問安視膳不改家人之禮蒸蒸然翼翼然真帝皇之上儀詰誓所不及已歷選內禪生人以來振古及隋未有如我皇帝者也而猶軀軀萬類勤喚四生乃以乾元二年太歲己亥春三月己丑端命左驍衛右郎將史元琮中使張庭玉奉明詔布德音始於洋州之輿道洎山南劍南黔中荆南嶺南江西浙江西諸道訖於昇州之

江寧秦淮太平橋臨江帶郭上下五里各置放生池凡八十一所蓋所以宣皇明而廣慈愛也易不云乎信及豚魚書不云乎暨爲獸魚鼈咸若一本無古之聰明睿智神武而不殺者非陛下而誰昔殷湯克仁猶存一面之網漢武垂惠纔致銜珠之客雖流水救涸寶勝稱名蓋事止於當時尙介社於終古豈若我今日動者植者水居陸居舉天下以爲池罄域中而蒙福乘施羅尼加持之力竭煩惱海生死之津揆之前古曾何髣髴微臣職忝方面生丁威美受恩深無以上報謹緣臯陶奚斯歌虞頌魯之義述天下放生池碑銘一章雖不足形容明聖萬分之一亦臣之精懇也敢刻金石著其詞曰

明明皇帝臨下有赫至德光天乾元啓續緯武戡亂經文御曆孝感神明義形金石仁覆華夏恩加蠻貊道冠魏魏威深號號遠茲多難克廣不續慶緒既誅思明辟易人道助順天心惡逆撲滅之期匪朝伊夕乘此寶祚永康宗祏業威君親功崇列辟交禪之際榮然明白迴映來今孤高往策去殺流惠好生立辟率土之濱臨江是宅遂其生性庇爾鱗鬣環海爲池周天布澤致茲忠厚罔弗怡懌動植依仁飛沈受獲流水長者徒稱往昔寶勝如來曠庸尤格德力無競慈悲孔碩相傳傳聞尙賴宏益矧在遭遇其志數錫真卿勒銘敢告凡百

銘并序 廣德二年

昔申伯翰周降神於維嶽仲父匡晉演慶於筮淮而猶見美詩人騰芳史冊豈比夫神明積高之壤百二懸隔之都三峯發地而削成九派浮天而噴激炳靈統粹奕葉生賢括宇宙而稟和總河山而蘊秀莫與京者其惟郭宗乎其先蓋出周之號叔號或爲郭因而氏焉代惟太原著姓漢有光祿大夫廣德生孟儒爲馮翊太守子孫始自太原家焉後轉徙於華山之下故一族今爲華州鄭縣人夫其築臺見師壘子致養家承金穴之貴政有靈寃之高或哲或謀或肅或又皆海有珠而鳥有鳳也閱閱之盛其流益光隋有金州司倉諱履球府君懋其德輝不啻下位石本增克己復禮州邦化焉篤生唐涼州司法諱昶府君能世其業以伸其道遠近宗之不隕厥問生美原縣主簿贈兵部尚書諱通府君

清識澈照博綜羣言始登王畿鬱有休稱石本休道悠運促靡及貴仕垂於後

昆沒而見尊是生我諱敬之府君府君幼而好仁長有全德身長八尺二寸行

中絮矩聲如洪鐘河目電照虬鬚蟠磔進退閑雅望之若神以仲由之政事兼

翁歸之文武始自涪州錄事參軍轉瓜州司倉雍北府右果毅加遊擊將軍申

王府典軍金吾府折衝兼左衛長上原州別駕遷扶州刺史未上除左威衛左

郎將兼監牧南使渭吉二州刺史侍中牛僊客建清節奏授綏州遷壽州累

加中大夫策勳中柱國以天寶三載春正月十日遘疾終於京師常樂坊之私

第春秋七十有八乾元元年春二月以公之寶允開府儀同三司司徒兼中書

令上柱國汾陽郡王曰子儀有大勳於王室乃下詔曰故中大夫壽州刺史郭

敬之累君子之行純達人之德才光文武政美中和生此大賢為我良弼頃以

孽胡稱亂黔首罹殃朕於是鬱與神武之師克掃機槍之氣一本氣而子儀帥

彼勁卒赫然先驅取京洛如拾遺翦凶殘猶振槁功存社稷澤潤生人是用寵

洽哀榮義申存歿可贈太保於戲君體含宏之素履秉冲邁之高烈言必主於

忠信行不違於直方清白為吏者之師死生教交友之分端一之操不以夷險

榮其懷堅明之姿不以雪霜易其令用情不闕於疎遠泛愛莫遺於賤貧拳拳

服膺終始靡二故所居則化所去見思人到於今稱之斯不朽矣傳曰德威必

百代祀其有後也宜哉恭惟令公先皇之佐命臣也少而美秀長而瓌偉姿性

質直天然孝悌寬仁無比騎射絕倫所莅以清白見稱居常以經濟自命弱冠

以邦鄉之賦驟膺將帥之舉四擢高第有聲前朝三為將軍再守大郡累典兵

要必閑休績天寶末安祿山反於范陽令公以節度使擁朔方之衆圍高秀巖

於雲中破史思明於嘉山先帝之幸朔方赴行在於靈武擊同羅於河曲走崔

乾祐於蒲坂今上之為元帥也首副旄鉞會回紇於扶風摧寇於洮水追餘

孽於陝服長驅河洛弼成睿圖再造生靈克清天步又函夏之未又安天下之

未安一年之間區宇大定不佞一本不徒觀其元和降精間氣生德感星辰

而作輔應期運以濟時忠於國而孝於家威可畏而儀可象威德繫物寬仁厚

下用人由已從善如流沈謀秘於鬼神精義貫於天地推赤誠而許國冒白刃

以率先電擊於雲霄之初厲揚於廟堂之上凡二歷鼎司兩升都座四作元帥

九年中書歷事三聖而厥德維懋易相二十而受遇益深蓋剋復上都者再戡

定東京者一其餘靡城斷邑得傳摧鋒亦非遽數之所周也信可謂王國虓虎

生人廢床者數非太保之遺種不孤則何以鍾美若是況乎友于著睦贊龍虎

者十人貽厥有光紆青紫者八士一本士勳庸舉集今古莫備昔奮號尊榮紅

粟纔露於萬石憚家全感失輪不出十人絲我觀之事不倖矣於戲清廟之興

所以仁祖考鴻伐之刻亦以垂子孫爰制於舊居將永圖而觀德中堂有恤

丕構克崇感霜露而怵惕以增敘昭穆而敬恭斯在庶乎觀望焉若既無數於

承懷入室優然必有觀乎其位哀榮既極情禮用申仁人之所及遠哉孝子之

事親終矣豈唯溫溫孔父遠稱謙鼎之銘穆穆魯侯獨美龍旂之祝其詞曰

郭之皇祖肇允號土逮於後昆實守左輔徙華陰兮其源長流光施於司倉涼

州兵部克熾而昌載德深兮其篤生太保允懋厥道神之聽之永錫難老式如

金兮其於穆令公汾陽啓封文經武緯訓徒涉空蘭帝心兮其舍一不二格於

天地愷悌君子邦之攸聲貽德音兮其芝蘭芳羽儀公堂子子孫孫為龍為

光鐙璫琳兮其乃立新廟肅雍允劭神保是聽孝思孔昭重居歆兮其乃立高

碑威美奚綏日月有既徽猷永垂映來今兮其廣德二年歲次甲辰十一月甲

午朔二十一日甲寅建

晉紫虛元君領上真司命南嶽夫人魏夫人仙壇碑銘大曆三年

夫人諱華存字賢安任城人晉司徒劇陽文康公舒之女也師於小有清虛真

人王褒哀命中候上仙范遼為立傳其略云夫人挺瓊蘭之流映體自然之靈

璞志逸雲霞明潔鮮蔚天才卓異元標幽拔少讀老莊三傳五經百子無不該

覽性樂神仙味真慕道少服胡麻散茯苓丸吐納氣液攝生夷靜親戚往來一

無關見常欲別居閑處父母不許年二十四強適太保掾南陽劉君幼彥生二

子璞退幼彥後為修武令夫人心期幽靈精誠苦盡逮子息粗立乃離隔室宇

齋於別寢清修百日忽有太極真人安度明東華大神方諸青童扶桑碧河湯

谷神王景林真人小有仙清虛真人王褒來降哀謂夫人曰聞子密緯真氣太

帝君敕我授子神真之道青童曰清虛爾之師也度明曰子苦心求道道今來矣景林曰虛皇鑒爾勤感太極已注子於玉札子其最哉青童又曰子不受關上道內法晨景玉經者仙道無緣得成也後日當會陽洛山中爾勤密之矣王君乃命侍女一本王開玉笈出太上寶文八素隱身大洞真經一本高仙羽元等書三十一卷手授夫人焉此皆王君昔遇南極夫人西城真人王方平於陽洛山所受之本經也山中有洞臺是清虛之別宮王君至是北向祝誓於夫人曰太上三元九皇高真虛微八道上清玉晨宸為大帝所敕於魏華存王君又說太極白簡青錄金刻玉文有得見此三十一卷書者之姓名也凡此寶書起自清虛真人受太師西城王君紫元夫人從是當七人得之以白玉為簡青玉為字至夫人為四矣於是景林又授夫人黃庭內景經令晝夜誦讀萬遍乃得洞觀鬼神此乃不死之道也於是四真吟唱各命玉女彈琴擊鼓吹簫合節而發歌歌畢王君乃解語夫人向所授書存思指歸寶經節度行事口訣諸要粗訖徐乃別去凡二夕一日共會在曲靜之中自此之後王君及西城真人諸元君夫人互有來往或與隔壁共庭初不駭悟已而幼彥以暴疾殞世直天下荒亂夫人撫養內外旁救窮乏超羣先覺乃攜細小徑來東南及兒息各大並處官位至於守靜之思與日而進也凡在世八十三年以成帝咸和九年歲在甲午王君乃與東華青童來降與夫人靈藥兩劑使頓服之刻期會於陽洛宮夫人服藥稱疾閉目寢息飲而不食七日夜半太乙元仙遣轎車來迎夫人用藏景之法託形神劍化成死骸始終外朗仙化內逸冥變隱適從此而絕子璞時為庚司空司馬退時為陶太尉從事中郎安城太守故夫人自此隱化淪景須臾至陽洛山明日青童君太極四真人清虛王君三天法師張道陵等凡四十七真人降教夫人於隱元之臺王君令夫人清齋五百日讀大洞真經并分別登真秘奧道陵授以漸出明威章奏入靜存祝吏符籙之訣衆真各標至訓三日而去道陵所以備教委曲者以夫人在世為女官祭酒領職理故也夫人遂修齋誦經誦言萬過積十六年顏如少女於是龜山九靈太真西王母金闕聖君南極元君乃共來迎夫人遂白日昇晨北詣上清宮玉闕之下太微天

帝中央王老君三素高元君太上玉晨大道君太素三元君扶桑太帝君金闕後聖君各令使者致命授夫人玉札金文位為紫虛元君領上真司命南嶽夫人比秩仙公使治天台大霍山洞臺之中主下訓奉道教授當真仙者而男之高仙曰真人女曰元君於是夫人受錫事畢王母及金闕聖君南極元君各去使夫人於王屋小有之中更齋戒三日畢九微元君龜山王母三元夫人馮雙禮珠最諸衆仙并降夫人於小有清虛上宮絳房之中時夫人與王君為賓主焉神者羅陳金觴四奏各命侍女陳曲成之鈞九雲合節八音零粲於是西王母擊節而歌歌畢馮雙禮珠彈雲璈而答歌餘真人各歌須臾司命神仙請隸屬及南嶽神靈迎官並至虎旗龍輦激曜數百里中西王母諸真乃共與夫人東南行俱詣天台霍山臺又便道過句曲金壇茅叔申宴會二日二夕又共適於霍山夫人安駕玉宇然後各別初王君告夫人曰學者當去疾除病因授甘草丸所謂穀仙方也夫人服之而仙夫人能隸書為王君立傳事甚詳悉又述青精劍針註黃庭內景經自後屢降茅山子璞後至侍中蒙使傳法於司徒瑯琊王舍人楊義護軍長使許穆穆子玉斧並昇仙事具陶宏景真誥所呼南真即夫人也初夫人既渡江徧遊名山至臨川郡臨汝水西立壇置精舍院東百餘步造冢壙又於石井山建立壇場往來遊憩歲深久榛蕪淪翳雖備載圖經而略無遺跡有唐女道士黃令微道行高遠八十而有少容蹀躞而行奔馬不及時人見其顏色殊異號曰華姑聞夫人靈跡長壽二年歲在壬辰冬十月乃訊於洪州西山道士胡超超能通神明遙指郭南六里為龜原有石龜每犯田苗被人擊首析其處是也姑與道流尋訪見龜在壇中央其下得尊像油蘊錫刀燈盞之類俄夢夫人指九曲池於壇南獲之磚砌猶在景雲中睿宗使道士葉善信將繡像幡花來修法事仍於壇西洞靈觀度女道士七人開元初玄宗使醮祭祈禱不絕每有風雨或聞簫管之聲入室禮謁必須嚴潔不爾必有蛇虎驚吼之異時時有雲如鳥為羣飛垂帶直下壇上倏忽不見西出如向井山前後非一已而華姑舂攪聞如有告者曰井山古跡汝須崇建俄聞異香從西南來姑行宿洞口聞鐘磬之音遲明入山果遇壇殿餘址遂建立屋宇屢聞仙

梵之響環壇數里有採斫及不精潔者必有怪異之驚有野鹿中箭來投華姑姑爲拔之後每齋前則銜藕蓮以獻姑開元九年姑欲上昇告弟子曰勿釘吾棺可以絳紗纂之已而雷霆震擊紗上有孔大如雞卵棺中惟有被覆木蘭屋上穿可容人座前奠瓜數日生蔓結實如桃者二每至忌辰則風雨鬱勃直入室內玄宗聞而駭之覆視明白使道士蔡偉編入後仙傳二十九年春三月乙酉使道士齋龍壁來醮忽有白鹿自壇東出至冢間而滅五色仙娥集壇上刺史范陽張景佚以爲聖德感應立碑頌述天寶八載以夫人得道昇仙之所度女道士二人見修香火大曆三年真卿叨刺是州言崇禮謁郊郭蒙遂荊蒲震驚女弱曹逃豺狼窟聚真儀如在壇殿巋然瞻仰徘徊焉若失有仙壇觀道士譚仙巖者修真自遠法侶是宗請以男官黃道士二十七人抽隸洞靈共申灑掃高行女道士黎瓊仙七人萃居壇院精力住持已久率勵往來增修觀宇從之不已通暨厥成仙跡之載崇師之力也敢備其本末而爲頌云銘曰

紫虛元君維魏夫人位列五嶽名高七真凝華台允奪志劉嬪太帝昭懸清虛降神羣仙畢會玉笈斯陳服道日損精心益勤蛻形神劍託馭輪適抵陽洛端登隱元黃庭朗詠白日昇晨西降王母東過叔申傳法侍中許楊爲鄰伊昔南渡爰居汝濱壇場處所埋沒荒蕪賴華姑諒於胡尊果獲靈跡烏龜之原次尋井山實叶曩言嫣然蘭解紗纂空存野鹿銜藕靈瓜吐根怪異昭彰不可殫論二聖疎駭屢崇明裡于嗟女弱香火堙淪真卿刺州謁拜斯頻乃命仙子增修鼎新華姑侍傍異代同塵曷表元德銘功翠珎垂諸來裔坎圯無垠

撫州臨川縣井山華姑仙壇碑銘 大曆四年

華姑者姓黃氏諱令微撫州臨川人也少乃好道丰神卓異天然絕粒年十二度爲天寶觀女道士年八十髮白面紅如處子狀時人謂之華姑躑躅而行奔馬不及聞魏夫人仙壇在州郭之南草木榛翳結廬求之不得長壽二年歲在壬辰冬十月壬申朔訪於洪州西山胡天師天師名超能役使鬼神見其懇切遙指姑所居南二百步曰烏龜原有石龜每蹂踐田苗百姓患之乃擊斷其首即其處也明日與姑登山顧望西面有池水焉天師謂姑曰池中有所見乎

曰無師遂舉左手令姑自腋下觀之四仙浴焉師曰爾有道分必當得之因留與語數日既還至州虔誠尋訪遂獲石龜於壇中央掘其下得尊像及刀鋸各一油囊五口燈盞數十箇天后聞之盡收入內姑嘗於旦夕精思想象之間忽有告曰壇南有九曲池汝可開之姑從而獲焉磚砌盡在他日有異香綵雲從西南而來其夕夢有入謂姑曰井山道場何不修葺姑未及往忽然感疾姑悔之曰得非違尊教所致乎翌日病愈又聞異香而宿於谷口聞鐘聲遲明入山果獲壇殿池砌餘址半峯有自然石井深可三尺闊丈餘故名井山天欲雨則雲霧先起姑既置精舍時聞仙梵之音環壇五七里間莫敢樵採姑遂灑掃修葺極其力焉人或不潔不誠必遭蛇虎怪異之警迷不能出矣至今猶然有野鹿爲獵人所射來姑前姑爲拔箭其後每至齋時即銜藕藕以獻姑前開元九年欲上昇之際忽謂弟子曰不須釘吾棺可以絳紗纂之數夕有雷震電繞視紗頂孔如雞卵屋穿容人棺中惟覆被木簡而已弟子奠瓜數日生蔓長數尺結實二顆其大如桃姑同學弟子黎瓊仙恆服茯苓胡麻絕粒四十餘秋八十齒髮不衰六七歲時親觀其事每至忌辰即風雲蕭瑟直入室內村野路人往往見綵雲白鶴飛入洞口清齋行道時每有一朱紫白馬在壇側逼之則奔而外出外捨之則隨而復來靈異昭彰不可談悉仙臺觀道士譚仙巖史元同左通元等每至三元恆修齋醮大曆三年真卿獲刺是州明年春三月山下有女道士曾妙行夢一女師令上七層華樹層層接淦及寤猶飽因是不食嘗於觀見黎瓊仙跪而拜曰夢中所見乃尊師也因請依之於今覺韶韻潤澤虎修香火於此山遐邇駭慕焉嗚呼麻姑得道於名山南真昇仙於龜原華姑鶴駕於茲嶺瓊仙妙行接踵而去非夫天地胎靈從古以然則何以仙氣氤氳若斯感者真卿幸因述職親觀厭厭若默而不言則來者奚述乃爲銘曰

綽約華姑真仙品徒芳蓮比色逸俊爭驅南郭從魏西山訪胡肢親仙浴原獲龜鳥靈跡既儼曲池猶汚鼎新廟貌煥然規模名曰井山終焉不逾鹿來藕獻馬見鬚朱蘭解空存紗穿上徂奠瓜吐實藹室雲趨妙行精持高真是俞勒銘翠琬永播玄都

華蓋山王郭二真君壇碑銘

粵以江南之地佳麗垂名山嶽之間宛有仙洞余祇膺聖澤廉察臨川一日按地理圖得屬邑崇仁縣華蓋山有王郭二真君壇存焉欣覩異事未原其始他日公餘因令軍將往山下訪求碑銘果得一石記乃隋開皇五年焚修道士李子真於壇碑上再錄出其文則知王郭二真君仙不顯名王則方平之從姪郭乃王之族弟也郭不應為王之族弟字疑誤始於金華山修道以圖輕舉尋遊洞府自玉笥山將之麻姑洞中道悅一山問故老曰此為何山對曰巴陵華蓋山也二真君相與言曰此山福地名亦異焉因求卜止再煉神丹山下父老詣而再拜曰敢問真人之名字曰吾等修志於虛無不欲述焉後有一道士來謁敢問真人之師曰吾師浮邱先生則上界大仙也頃於金華山遇焉二真君能走石飛符與雲致雨或有人疾苦暴亡往而告之即飛符以救之歲時大旱即致霖雨以濟之至晉惠帝元康二年二月一日綵雲連晝仙樂喧風二真君乃驂鸞駕鶴冉冉上昇今上昇之壇及浮邱先生之壇存焉其後立觀焚修境邑將旱若詣壇禱之則雲雨立應矣故事昭然仙踪儼若雖遺史籍安泯聲華鸞鶴對飛共作壺中之客林巒疊秀別含象外之春因與府官議崇觀宇永利焚修尋差軍將以公用錢詣山換殿宇門廊不日而迴云工畢矣予德慚好道任忝分符原始要終罕測沖天之日飛文染翰用貽終古之芳銘曰

玄牝之門澄心養神學則彌衆得者幾人冉冉千古堂堂二真丹成岩谷道應穹雲綵雲色煥仙樂聲勻遲日初麗柳花正新驂鸞拔俗駕鶴超雲言歸紫府笑別芳辰山存華蓋長含異春恩流豐澤用濟烝民浮雲世速好月生頻儼若聖祉永播清芬

顏魯公文集卷七

寧鄉黃本驥仲夏編訂

湘陰蔣 瓊維揚參校

碑銘二

東莞臧氏紉宗碑銘

德有三孝弟稱其至常有五仁道原其終故與化所自則曰侯其在矣死喪有恤疇能亦莫吾聞鶴鳴於焉譬急難棠棣所以最附尊紉宗綏族所貴因之誰其庶乎吾見之於臧氏矣爰自伯禽國魯公子氏驅魚賂大諫於僊哀言聖兩垂於文武明陵會吳而滅蜀東郡感張而絕袁建義而辭器歸高奮筆而陽秋與直賢明之盛今古莫崇積慶所鍾克生隋驃騎將軍府君諱滿滿生皇朝通議大夫靈州都督府長史府君諱龍龍生銀青光祿大夫銀州刺史贈太子少師諱善德咸懷忠良克績徽烈古稱有後今見其然少師生三子曰右武衛將軍贈幽州大都督^{開三}懷慶冠軍左羽林大將軍兼營府都督御史中丞充平盧節度採訪兩蕃使懷亮河源軍使安北都護右領軍將軍上柱國上蔡縣開國侯累贈太常卿魏州刺史工部尚書懷恪皆行冠人倫才兼文武并時將將爲國虎臣朔漠之間峻風斯在其功庸志業各具三原縣先塋神道碑懷慶五子曰左金吾中郎將范陽節度經略副使希古右威衛將軍中受降城使希真殿中監朔方經略副使希賓原州長史監牧副使希拙銀青光祿大夫仍充軍使希逸懷亮五子曰勝州都督朔方節度副使敬廉金紫文安太守范陽節度副使希莊左清道率幽州經略副使敬之太常卿特進武州刺史今上元帥都知兵馬使讓之左監門將軍敬此^{此字疑誤}懷恪七子曰右衛中郎將贈^開州刺史希崇豐州別駕贈宋州刺史希昶左驍衛中郎將贈太子賓客希忱忠武將軍贈汝州刺史希惜壯武將軍左威衛中郎將贈秘書監希景雲麾將軍三州刺史左金吾將軍左街使贈揚州大都督希魯國公希讓並稟訓義方不從閭閻遭逢明威備展材良能挺燒繡之姿學蘊韜鈴之略樛蘭玉而輝映階庭畫隼熊而光聯旗軼勳庸之盛當世無倫源長流深德感祀遠開元天寶間宗族

之紉青紫佐麾幢者已數十百人迨乎今上當寧而諸孫冠軍左羽林將軍贈太子詹事彥英忠武左清道率左清道率贈少府監彥全金紫太僕卿步特進殿中監玠左金吾大將軍彥環正議湖州長史隨並不幸早世銀青光祿州刺史瑜特進殿中監慈州刺史瑀特進鴻臚卿均特進太常卿彥昭開府太常卿彥嵩正議杭州別駕銀青光祿少卿渙鴻臚卿贍朝散明州長史叔獻少府監楚卿朝散台州司馬晉卿朝散洋州司馬叔雅符寶郎齊卿涇陽縣^開雲卿左金吾衛長卿千牛叔卿京兆府參軍叔清^文

晉侍中右光祿大夫本州大中正西平靖侯顏公大宗碑銘 大曆六年

公諱含字宏都瑯琊臨沂人其先出於鄭顏公子友封於鄭是爲小邾子爲魯附庸居於邾邑因以命氏孔門達者八人曰路回辛驕祖噲僕何次有丁闔叔子率躡秦有芝貞漢有肆異安樂魏有裴威威字叔臺青徐二州刺史關內侯始自魯居瑯琊代傳恭孝故號所居爲孝悌里生欽字公若明韓詩禮易尚書多所通說學者宗之歷大中大夫東莞廣陵太守葛綽貞子生默字靜伯晉汝陰太守護軍將軍生公少有操行以孝聞兄畿威寧中死託夢當復生發棺而氣息甚微闔家營視母妻不能無倦公乃絕棄人事躬親侍養足不出戶者十有三年次嫂樊氏失明須髻蛇膽尋求不得忽有青衣童子持囊授公乃蛇膽也尋出尸化青鳥飛去東海王越以爲太傅參軍元帝過江爲丞相祭酒東宮初建公以儒素篤行補太子中庶子還黃門侍郎本州大中正封西平縣侯拜侍中除吳郡太守公所歷簡而有思明而能斷然以威風御下王導歎曰顏公在事吳人斂手矣未之官復爲侍中國子祭酒光祿勳以年老遜位成帝美其素行就加右光祿大夫門施行馬賜牀帳被褥勅大官四時致膳固辭不受時論者欲爲王導降禮馮懷以問於公公曰吾聞伐國不問仁人向馮祖思問佞於我我有邪德乎或論少正卯盜跖惡孰深公曰隱伏之姦非聖不誅衆咸服焉郭璞嘗欲爲公益公曰自有性命毋勞著龜桓溫求婚以其威滿不許因誡子孫曰自今任官不可過二千石婚姻勿食世家或問羣士優劣答曰周伯仁之正鄧伯道之清卜望之之節餘則吾不知致仕二十餘年年九十二薨諡

曰靖三子髻謙約并有聲譽公喪在殯而鄰家失火髻與二弟抱柩號叫煙焰垂至忽爾頓絕時人以爲孝感事見晉書髻字君道少纂家業惇於學行儀狀嚴整風貌端美桓公見而歎曰顏侍中廊廟之望也尙書郎國大中正給事黃門侍郎以父老不就加給事中晉陵臨川太守侍中本州大中正如秩中二千石光祿勳西平定侯事具約孫延之集生絳字文和騎都尉襲西平侯生靖之字茂宗宣城太守司徒諮議御史中丞生騰之字宏道善草隸書有風格治書御史度支校尉巴陵太守生炳之字叔豹以能書稱奉朝請輔國江夏王參軍生見遠字見遠方正不合於俗梁書云博學有志行齊治書御史俄兼中丞正色立朝有當官之稱高祖受禪不食發憤慟哭而絕武帝恨之曰我自應天從人何預天下人事而顏見遠乃至於此生協字子和湘東王記室梁書有傳生之推字介北齊中書舍人給事黃門侍郎平原太守嘗著觀我生賦云展白下以流連以靖侯已下七葉墳塋皆在故也生思魯慙楚集序思魯自作事見本傳入隋生遊秦思魯字孔歸博學善屬文尤工詠訓隋司經校書長寧王侍讀東宮學士嘗與劉臻講論經義臻屈服焉高祖入關率男師古相時勳禮育德奉迎於長春宮授儀同秦王記室國史溫大雅傳云大雅在隋與思魯俱在東宮弟彥博與思魯同直內史省彥將與遊秦并典校秘閣二家兄弟各爲一時人物之盛少時學業顏氏爲優其後職位溫氏爲盛勳禮字敬幼而朗悟識量宏遠工於篆籀尤精詁訓秘閣司經史籍多所刊定歷校書郎著作郎與兄師古相時俱以文學爲崇賢宏文館學士太宗使蕭鈞讚曰依仁服義懷文守一履道自居下幃終日德彰素里行成蘭室鶴輪馳譽龍樓委質終著作郎生昭甫字周卿少聰穎而善工篆隸草書與內弟殷仲容齊名而勁利過之特爲伯父師古所賞凡所注釋必令參定焉爲天皇曹王侍讀曹王屬有獻古鼎篆書二十餘字舉朝莫能讀昭甫盡識之贈華州刺史真卿表謝批答曰卿之乃祖嘗爲碩儒既高倚相之能遂有臧孫之後不墜其業在卿之門二子元孫惟貞元孫字聿修聰銳舉進士考功郎劉奇特標榜之歷太子舍人專掌令畫元宗讚之曰孔子亞聖魯國稱賢翰墨之妙莫之與先累至滁沂濠三州刺史贈秘

書監五子春卿明經拔萃蜀縣尉舉茂才僱師承杲卿字昕常山太守祿山反開士門拜衛尉卿兼中丞贈太子太保諡曰忠節曜卿工草隸五言以文學直崇文館淄川司馬旭卿善草書允山令茂曾篤行頗好詁訓健爲司馬惟貞字叔堅有德行詞學尤善草隸屢登甲科太子文學薛王友累贈太子少保事具陸贄神道碑七子闕疑孝友仁讓專精詩傳杭州參軍九南孝悌聰銳工爲詩判屢入高等與春卿杲卿曜卿同日爲侍郎席建侯所賞歷左補闕時真卿爲殿中侍御史正至同拱法座蹈舞而衣袂相接者三故允南侍宴詩云誰言百人會兄弟也霜陪累遷司封郎中國子司業金鄉男喬卿仁友精晉史有吏道富平尉真長清直舉明經幼與仁和有醞藉精班漢左尉率府兵曹真卿進士校書郎舉文詞秀逸醴泉尉清白名聞長安尉歷三院御史兵部員外郎以平原太守拒祿山凡五爲侍郎右丞三爲尙書四爲御史大夫七爲刺史二爲節度採訪觀察使魯郡公允臧友悌有吏幹制舉縣令宰延昌拜監察充郭子儀朔方衣資使遷殿中太和中允江陵少尹再兼侍御史充荆南節度行軍司馬公子謙安城太守約零陵太守孫綸廷尉熙散騎常侍顯護軍司馬曾孫系之益州刺史延之金紫光祿大夫劬之領軍司馬根晉安太守元孫希之新安太守伯僕射師仲中書郎浚吏部尙書測臨淮太守彙五兵尙書微之散騎常侍僧度給事中僧超徐州刺史來孫幼明征虜記室昆孫積中書郎翻廣州刺史仍孫普交州刺史挺山陽太守雲孫之儀周御正中大夫新野公之善隋葉令侍讀十代孫昶寧仁令愍楚侍御史遊秦度支郎中廉州刺史見循吏傳著班漢決疑頤隨汝南侯侍讀十一代孫千里工書殷王主簿師古秘書監宏文崇賢學士相時禮部侍郎天冊學士育德太子通事舍人司經局校定經史利仁秘書郎有意河州刺史博古博學延陵丞十二代孫中和渝州刺史楊庭蔣王侍讀光庭博學注後漢書涉令趨庭職方郎中吉州刺史欣期著作郎益期詳正學士敬仲仁孝吏部郎中平昌男康成進士太子舍人崇文館學士希莊進士銀青和州刺史日損應制高第大基尉嘉賓少有俊才十三代孫大智并州錄事參軍隱朝進士拔萃河北尉匡朝工五言胸山令元淑鄰幾景靈并校

前是顏渾正字殷佐明魏尉劉茂括州錄事參軍盧鏐江寧丞章寧壽州倉曹朱弁後進周愿顏喧沈殷李肅亦嘗同修未畢各以事去而起居即裴郁秘書郎蔣志評事呂渭魏理沈益劉全白沈仲昌攝御史陸向沈祖山周闡司議郎悌臨川令沈咸右衛兵曹張著兄善第薦為校書郎權器與平丞韋桓尼後進房夔崔密崔萬寶叔蒙裴繼姪男超峴愚子頌顧往來登歷時杼山大德僧皎然工於文什惠達靈煙味於禪誦相與言曰昔廬山東林謝客有遺民之會襄陽南峴羊公流潤甫之詞況乎茲山深邃羣士響集若無記述何以示將來乃左顧以求蒙倖記詞而藏事銘曰

夏侯南巡山名是因梁王東接寺勝攸詢形勝天絕規模鼎新避宅城古垂釣臺堙棚以桂結浦由黃申二庚迢遞三癸嶙峋徑列御史傳紆逸人紛吾著書羣彥惠臻韻海鏡源自秋徂春編同貫魚學比成麟幸托勝引亟倍僧珍庶斯見傳金石不泯

浪跡先生元真子張志和碑銘

大曆九年

士有牢籠太虛機脫元造擺元氣而詞鋒首出軋無間而理窟肌分者其惟元真子乎元真子姓張氏本名龜齡東陽金華人父遊朝清真好道著南華象罔說十卷又著冲虛白馬非馬證八卷代莫知之母留氏夢楓生腹上因而誕焉年十六遊太學以明經擢第獻策肅宗深蒙賞重令翰林待詔授左金吾衛錄事參軍仍改名志和字子同尋復貶南浦尉經量移不願之任得還本貫既而親喪無復宦情遂扁舟垂綸逐三江泛五湖自謂烟波釣徒著十二卷凡三萬言號元真子遂以稱焉客或以其文論道縱橫謂之造化鼓吹京兆韋諱為作內解元真又述太易十五卷凡二百六十有五卦以有無為宗觀者以為碧虛金骨兄浦陽尉鶴齡亦有文學恐元真浪跡不還乃於會稽東郭買地結茅齋以居之閉竹門十年不出史人嘗呼為梅河夫執春就役曾無忤色又欲以大布為褐裘服徐氏聞之手為執績一製十年方暑不解所居草堂椽柱皮節皆存而無斤斧之跡文士效柏梁體作歌者十餘人浙江東觀察使御史大夫陳公少遊聞而謁之坐必終日因表其所居曰元真坊又以門巷湫隘出錢買地

以立閑闕旌曰迴軒巷仍命評事劉太真為敘因賦柏梁之什文士詩以美之者十五人既門隔流水十年無橋陳公遂為舫造行者謂之大夫橋遂作告大夫橋文以謝之常以豹皮為履鞭皮為屬隱素木几酌斑螺盃鳴榔杖擊隨意取適垂釣去餌不在得魚肅宗嘗賜奴婢各一元真配為夫婦名夫曰漁僮妻曰樵青人問其故曰漁僮使捧釣收綸蘆中鼓柁樵青使蘇蘭薪桂竹裡煎茶竟陵子陸羽校書郎裴修嘗詰問有何人往來答曰太虛作室而共居夜月為燈以同照與四海諸公未嘗離別有何往來性好畫山水皆因酒酣乘興擊鼓吹笛或閉目或背面舞筆飛墨應節而成大歷九年秋八月訊真卿於湖州前御史李崱以縑帳請焉俄揮灑橫掃而纖纖罪拂亂搶而攢毫雷馳須臾之間千變萬化蓬壺髣髴而隱見天水微茫而昭合觀者如覩轟然愕眙在坐六十餘人元真命各言爵里紀年名字第行於其下作兩句題目命酒以蕉葉書之援翰立成潛皆屬對舉席駭歎竟陵子因命畫工圖而次焉真卿以昨艤既敞請命更之答曰儻惠漁舟願以為浮家泛宅沿江湖之上往來苕霅之間野夫之幸矣其談諧辨捷皆此類也然立性孤峻不可得而親疎率誠澹然人莫窺其喜愠視軒裳如草芥屏嗜欲若泥沙希跡乎大丈夫同符乎古作者莫可測也忽焉去我思德茲深曷以冀懷寄諸他山之石銘曰

遊元真超隱淪齊得喪甘賤貧泛湖海同光塵宅漁舟垂釣綸輔明主斯若人豈烟波終此身

元真子姓張名志和魯國公顏真卿與之友善真卿為湖州刺史與門客會飲乃唱和為漁父辭其首唱即志和之詞真卿與陸鴻漸徐士衡李成矩共唱和二十五首遞相誇尚

續仙傳

張志和字子同婺州金華人顏真卿為湖州刺史志和來謁真卿以舟敝漏請更之志和曰願為浮家泛宅往來苕霅間辨捷類如此

新唐書隱逸傳

唐故通議大夫行薛王友柱國贈秘書少監國子祭酒太子少保顏君碑

銘 建中元年七月

昔孔聖有彝鼎之銘陸機有祠堂之頌皆可以發揮祖德敷演家聲故君子之

觀其銘也既美其所稱又美其所爲無而稱之是誣也有而不述豈仁乎論而撰之敢不祇懼君諱惟貞字叔堅其先出於顓頊之孫祝融融孫安爲曹姓其裔邾武公名夷甫字顏子友別封邾爲小邾子遂以顏爲氏多仕魯爲卿大夫孔門達者七十二人顏氏有八戰國有率屬秦有芝貞漢有異肆安樂其後喪亂譜牒淪亡魏有裴威威字叔臺青徐二州刺史關內侯始自魯居於瑯琊臨沂孝悌里生廣陵太守給事中葛綽貞子諱欽字公若精韓詩禮易尚書學者宗之生汝陰太守護軍襲葛綽子諱默字靜伯生晉侍中光祿大夫西平靖侯諱含字宏都隨元帝過江已下七葉葬在上元幕府山西生侍中光祿勳西平定侯諱髦字君道事具孝行傳生州西曹騎都尉西平侯諱繇字文和生宣城太守御史中丞諱靖之字茂宗生巴陵太守度支校尉諱騰之字宏道善草隸書有風格梁武帝草書評云顏騰之賀道力並便尺牘少行於代生輔國江夏王參軍諱炳之字叔豹以能書稱生齊持書御史兼中丞諱見遠字見遠和帝被弑一慟而絕梁武深恨之事見梁周北齊書生梁鎮西記室參軍諱協字子和感家門事義不求聞達元帝著懷舊詩以傷之撰晉仙傳五篇日月災異圖兩卷文集二十卷見梁書生北齊給事黃門侍郎待詔文林館平原太守隋東宮學士諱之推字介著家訓二十篇冤魂志三卷證俗字音五卷文集三十卷事具本傳黃門兄之儀周御正御史中大夫麟趾學士隋文輔政不署矯詔索璽又拒之出爲集州刺史新野公後朝朔望引之御榻曰見危授命臨大節而不可奪古人所重何以加卿事具周書弟之善隋葉令子孫見於後黃門生皇秦王記室諱思魯愍楚遊秦小記室字孔歸君之曾祖也隋司經校書東宮學士率子弟奉迎義旗於長春宮招瓜州拜儀同博士學善屬文自爲父集序國史稱溫大雅在隋與思魯同事東宮彥博與愍楚同直內史省彥博將時與遊秦同典校秘閣二家兄弟各爲一時人物之選少時學業顏氏爲優其後職位溫氏爲盛溫氏譜亦載焉生勳禮字敬君之祖也幼而朗悟識量宏遠工於篆籀尤精詁訓解褐校書郎與兩兄弟師古相時同時爲宏文崇賢學士弟育德又於司經校定經史當代榮之太宗嘗令師古讚崇賢學士以兄弟特命蕭鈞讚之

曰依仁服義懷文守一履道自居下帷終日德彰素里行成蘭室鶴輪馳譽龍樓委質著作郎修國史襲府長史贈號州刺史生昭甫敬仲殆庶無恤少連務滋辟強昭甫字周卿君之父也幼而穎悟尤明詁訓工篆籀草隸書與內弟殷仲容齊名而勁利過之特爲伯父師古所賞重每有著述必令參定嘗得古鼎二十餘字舉朝莫識盡能讀之高宗侍讀曹王屬贈華州刺史真卿表謝肅宗批答卿之乃祖嘗爲碩儒既高倚相之能遂有滅孫之後不墜其業在卿之門生我伯父諱元孫泉君伯父聰穎絕倫尤工文翰舉進士考功郎劉奇特標榜之由是名動海內累遷太子舍人元宗監國專掌令書畫和遊苑詩批云孔門稱哲宋室聞賢翰墨云捷莫之與先歷滌沂濠三州刺史贈秘書監君仁孝友悌少孤育舅殷仲容氏蒙教筆法家貧無紙筆與兄以黃土掃壁木石畫而習之故特以草隸擅名天授元年糊名考試判入高等以親累授衢州參軍與盈川令楊炯信安尉桓彥範相得甚歡又選授洛州溫縣丞昌二尉每選皆判入高科侍郎蘇味道以所試示介衆曰選人中乃有如此書判嗟數久之遂代兄爲長安尉太子文學以清白五爲察訪使魏奉古等所薦五郎初開感選僚屬拜辭王友柱國伯姊御史大夫張知泰妻魯郡夫人亡將葬數家占君不利臨壙君哭而拒之曰豈有亡手足之痛牽拘忌而忍自絕乎弗從其年七月才生明違疾而歿教義者隱而傷焉與會稽賀知章陳郡殷踐猷吳郡陸象先上谷寇泚河南源光裕博陵崔彥友善事具陸據所撰神道碑累贈秘書少監國子祭酒太子少保真卿表謝肅宗批答云卿之先人德行優著學精百氏藝絕六書頻擢甲科屢升循政曳裾王府名右鄒枚載筆春宮道高徐阮既而壽華髮器紆青雲業載史臣慶傳令子追存感美褒贈崇班且旌善於義方俾揚名於有後濠州生春卿果卿曜卿旭卿茂曾春卿工詞翰備儻有吏才蘇頲舉茂才偃師丞果卿文理清峻所居有聲太常丞攝常山太守祿山反擒其心手開土門拜衛尉卿兼中丞城陷果卿叱咤之速被鉤舌支解而終贈太子太保諡曰忠節真卿表謝肅宗批答云自羯胡猖狂入我河縣所在官吏多受迫脅卿兄以人臣大節獨制橫流或俘其謀主或斬其元惡當以救兵懸絕身陷賊廷

旁若無人歷數其罪手足寄於鋒刃忠義形於顏色古所未有朕甚嘉之曜卿工詩書草隸十五以文學直崇文館淄川司馬旭卿善草書允山令茂曾好屬文詰訓仁厚絕衆健爲司馬君生闕疑允南喬卿真長幼與真卿允臧闕疑仁孝有吏能精詩傳善剖判杭州參軍允南仁孝有清識工詩人多誦其佳句善草隸與春卿曜卿同日於銓庭爲侍郎席建侯所賞達奚珣薦爲左補闕真卿時爲殿中正至三拱法座舞蹈而衣袂相接者三故允南賦詩云誰言百人會兄弟也露陪歷殿中膳部司封郎中國子司業金鄉男喬卿仁和有更幹富平尉真長清直早世幼與方雅有醞藉通班漢左清道率府兵曹真卿早孤蒙伯父泉允南親自教誨舉進士歷校書制舉醴泉尉陟清白長安尉三院御史四爲大夫六爲尚書再爲採訪節度充禮儀使光祿大夫魯郡公允臧敦質孝悌有吏能制舉延昌令監察充朔方衣資使殿中三爲侍御史中允江陵少尹荆南行軍濠州及君孫泉明佐父開土門彭州司馬威明邛州司馬季明子幹沛翊頗誕及外孫博野尉沈盈盧巡並爲逆胡所害各蒙贈五品京官濬好屬文翹華正顯慈明都水使者顯好五言校書顯仁孝方正明經大理司直嶺南營田判官執喪九日不食頤河陽尉顯鳳翔參軍顯工小楷洗馬顯恭仁奉禮郎並早喪逝紘方義主簿泉觀並沒蠻襲明微明德明未仕通明獲嘉尉將明昌明尉克明崇文明經衛密標榜之翹有德行文詞華原主簿準溧水尉觀頗工文襄陽尉觀有文行宏文進士顯仁友清白常熟令封金鄉男穎清介勤學侍郎蔣冽賞其判京兆兵曹襲金鄉男岫仁純常熟主簿任城男頤浚儀尉頤清源尉頂幹辨揚府法曹頤長厚清白朝邑尉頤左率倉曹碩秘書正字頤有吏幹歙州錄事參軍曲阜男頤好爲詩富陽尉禹好爲文常州參軍並粗有所立君之諸祖父輩從陽庭頤並侍讀強學益期並學士中和至誠敬仲大智溫之微之澹之摺挺援撰溫涿陵並明經康成強學希莊日損隱朝隣幾知微舒說順勝式宣韶並進士制舉有意中和趨庭希莊至刺史利仁明天文欣期元淑景靈並校書光庭注後漢書嘉賓千里昇庠匡朝怡洽渾允濟摺逸觀不器防有文詞博古少連恭敏惇學行敬仲溫之以孝聞潤有風義晃鑄邈迨以

清白稱其餘咸著官族不獲悉數洪惟累祖之耿光丕業有若子泉宏都之德行巴陵記室之書翰特進黃門之文章祕監華州之學識肇自魯國格於勝代紛綸盛美遂舉集於君君能遵前人不敢失墜其志事以忝聿修宜其克饗尊榮爲清廟不祧之主真卿幸承遺訓叨受國恩既受無疆之祿敢揚不朽之烈銘曰

系我宗邦顏公子封鄆魯附庸亞孔聖浴沂風刺青徐給事中護營柳渡江楓侍兄疾感地童鄰火斷珥貂重施七葉傳孝恭武騎都尉司從便尺牘繼魚蟲慟君難憤而終咨記室遊湘東嗟御正凜移忠泉黃門擅文雄三詔長事東宮四移叔史牢籠襄華州詰訓通小祕監威名鴻維少保文翰工莅畿赤五襲崇登望苑友桂叢三超贈保儲官流光感廟貌融永不祧垂無窮

顏魯公文集卷七

原
书
空
白
页

寧鄉黃本驥仲良編訂

湘陰蔣 瓊維揚參校

神道碑銘一

河南府參軍贈秘書丞郭君神道碑銘

天寶九載五月

夫麒麟千里之足踣於庭唐之內鴻鵠四海之志儕於墜滲之羽一作轍此個

儻奇偉之士所爲歎息者也取之於人在於郭君矣君諱揆字良宰太原人也

郭本號叔之後春秋慕漢細侯得政事之美有道冠人倫之目素絲作詠青溪

招隱信爲多士宜稱威族五代祖昶隋驛騎大將軍開府儀同三司高祖澄皇

朝朔方道大總管涇陽坊慶丹延夏七州刺史贈荊州都督諡曰忠曾祖某朝

散大夫太子洗馬祖義朝議大夫贈鄭州刺史父虛己銀青光祿大夫守工部

尚書兼御史大夫蜀郡大都督府長史持節充劍南節度支度營田副大使本

道并山南西道採訪處置使上柱國贈太子太師諡曰獻君生而聰明不爲戲

弄之事長而清峻罔雜綺紈之流辯對則江夏之童志意則山東之妙大夫府

君以其干氏之出故幼名封奴嘉有應務之器故長字良宰蓋取待封宰割之

義也觀其言必顧行動必由禮讀書不取其糟粕爲仁罕忘於造次亦足以保

其嘉名楚之正則漢之臺卿乃其比也年十七崇文生明經及第侍郎韋陟揚

言於朝稱其稽古之力許其青冥之價後調集侍郎李彭年嗟君所判足冠後

生擢才子於公庭賀大夫於私第美聲洋溢時莫與京授太常寺太祝加敬蒞

事陳信正辭每巡陵及郊必有歌詠潘河陽藉田之賦顏光祿明祀之作復見

前賢之致矣無何改授河南府參軍天寶五載大夫總渡瀘之師繫君奉循陔

之養南中污下遂得氣疾先大夫憐其淒劇命訪秦醫太夫人懼其不起繼自

蜀至何神不禱靡藥不嘗依親自強望父增歎以天寶八載二月十八日終於

安輿之私第時年二十四皇帝聞而悼之贈秘書丞嗚呼斯人不起予不未識

亦可爲長慟者矣君子曰夫孝弟之至絜矩之道文章之絕周旋之儀可謂成

人矣方將培雄風罩白石憐乎得二幾乎第一是以其疾即御醫坐門其亡即

天使歸贈陳師境上推以雨露之私修文地下贈以蓬萊之職弔客多其文行
操誅盡於作者以五月二十一日葬於首陽山大塋之側君志也先大夫懿其
天姿親疏行狀敘其參元之美歎其老成之風方崇南嶺之碑以慰西門之感
伏滔受遇爲人父也若斯所奚至公其知子也如此斯文未建顏山遂及太夫
人東海于氏凌虛墜翼開絨悼心望汝絕歸來之期抱孫有無時之哭遂成刊
刻之意以寄零落之哀銘曰

粲粲門子非菲國香家傳玉樹人詠金相風流小褚才貌潘郎一經自達六義
名揚聞於密啓實此周行爲子道備從親路長既銘絕壁亦奉垂堂霧露成病
膏肓遂亡天向京兆墳歸洛陽江煙初流水毀寒霜荏苒蔓草蕭蕭白楊苦月
墳上豐碑道傍披文相質誰不沾裳

秘書省著作郎夔州都督長史上護軍顏公神道碑

乾元二年

君諱勳禮字敬現瑯琊沂人高祖諱見遠齊御史中丞梁武帝受禪不食數日
一慟而絕事見梁齊周書曾祖諱協梁湘東王記室參軍文學有傳祖諱之推
北齊給事黃門侍郎隋東宮學士齊書有傳始自南入北今爲京兆長安人父
諱思魯博學善屬文尤工詰訓仕隋司經局校書東宮學士長寧王侍讀與沛
國劉臻辯論經義臻屢屈焉學黃門傳集序君自作後加贈岷將軍太宗爲
秦王精選僚屬拜記室參軍加儀同娶御正中大夫殷英童女英童集呼顏郎
是也更唱者二十餘首溫大雅傳云初君在隋與大雅俱仕東宮弟愔楚與彥
博同直內史省愔楚弟遊秦與彥將俱典祕閣二家兄弟各爲一時人物之選
少時學業顏氏爲優其後職位溫氏爲盛事具國史君幼而朗悟識量宏遠工
於篆籀尤精詰訓祕閣司經史籍多所刊定義寧元年十一月從太宗平京城
授朝散大夫勳解褐祕書省校書郎武德中授右領左右府鎧曹參軍九年十
一月授輕車都尉兼直祕書省貞觀三年六月兼行雍州參軍事六年七月授
佐郎七年六月授詹事主簿轉太子直監加崇賢館學士官廢出補蔣王文學
宏文館學士永徽元年三月制曰君學藝優敏宜加獎擢拜陳王屬學士如故
遷曹王友無何拜祕書省著作郎君與兄祕書監師古禮部侍郎相時齊名祕

監與君同時爲崇賢宏文館學士禮部爲天策府學士第太子通事舍人育德
又奉令於司經局校定經史太宗嘗圖書崇賢諸文學士命祕監爲讚以君祕
監兄弟不宜相褻述乃命中書舍人蕭鈞特讚君曰依仁服義懷文守一履道
自居下帷終日德彰素里行成蘭室鶴鑰馳譽龍樓委質當榮之六年以後
夫人兄中書令柳頤親累貶襄州都督府長史顯慶六年加上護軍君安時處
順恬無愠色不幸遇疾傾逝於府之官舍既而歸窆於京城東南萬年縣寧安
鄉之鳳栖原先夫人陳郡殷氏泉柳夫人同合祔焉禮也七子昭甫晉王曹王
侍讀贈華州刺史事具真卿所撰神道碑敬仲吏部郎中事具劉子元神道碑
殆庶無恤辟非少連務滋皆有學行以柳令外甥不得仕進孫元孫舉進士考
功員外劉奇特標榜之各動海內從調以書判入高等者三累遷太子舍人屬
元宗監國專掌令畫滌沂濠三州刺史贈祕書監惟貞頻以書判入高等歷畿
赤尉丞太子文學薛王友贈國子祭酒太子少保德業具陸據神道碑會宗襲
州參軍考楚州司馬澄左衛尉潤州儻涪城尉會孫春卿工詞翰有風義明
經拔萃犀浦蜀二縣尉故相國蘇頌舉茂才又爲張敬宗劍南節度判官偃師
丞果卿忠烈有清識吏幹累遷太常丞攝常山太守殺逆賊安祿山將李欽湊
開土門擒其心手何千年高邈還衛尉卿兼御史中丞城守陷賊東京遇害楚
毒慘下詔言不絕贈太子太保諡曰忠節曜卿工詩書草隸十六以詞學直崇
文館淄川司馬旭卿善草九山令茂曾諷言敏行頗工篆籀隸爲司馬闕疑仁
孝善詩春秋杭州參軍九南工詩人皆諷誦之善草隸書判頻入等第歷左補
闕殿中侍御史三爲郎官國子司業金鄉男喬卿仁厚有吏材富平尉貞長耿
介舉明經幼與敦雅蘊藉通班漢書左清道率府兵曹真卿舉進士校書郎舉
文詞秀逸醴泉尉黜陟使王鉷以清白名聞七爲憲官九爲省官洊爲節度探
訪觀察使魯郡公允臧敦實有吏能舉縣令宰延昌四爲御史充太尉郭子儀
判官江陵少尹荆南行軍司馬長卿晉卿弟允國質多無祿早世名卿偁偁俱
倫並爲武官元孫紘通義尉沒於蠻泉明孝義有吏道又開土門佐其謀彭州
司馬威明印州司馬李明子幹沛州明男誕及君外曾孫沈盈盧遜並爲逆

賊所害俱蒙贈五品京官濬好屬文翹華正頤並早天頤好五言校書郎是頤之課家廟碑云頤好五言校書郎頤仁孝方正明經大理司直充張萬頃嶺南營田判官顏鳳
翔參軍頤通悟頗善隸書太子洗馬鄭王府司馬鄭王上並不幸短命通明好
屬文項城尉顏溫江丞觀縣州參軍觀鹽亭尉顏仁和有政理蓬州長史慈明
仁順幹疊都水使者顏介直河南府法曹頤奉禮郎頤江陵參軍頤當陽主簿
頤河中參軍項衛尉主簿頤左千牛頤頤並京兆參軍頤頤頤並童稚未仕自
黃門御正至君父叔兄弟衆子姪揚庭益期昭甫強學十三人四世爲學士侍
讀事見柳芳續卓絕殷寅著姓略少監少保以德行詞翰爲天下所推春卿果
卿曜卿允南而下泉君之羣從光庭千里康成希莊日損隱朝匡朝昇庠恭敏
鄰幾元淑敏溫之舒說順勝怡渾允濟挺式宣韶等多以名德著述學業文翰
交映儒林故當代謂之學家非夫君之積德累仁貽謀有則何以流光末裔錫
美盛時小子真卿車修是忝嬰孩集慕不及過庭之訓晚暮論譏莫追長老之
口故君之德美多恨闕遺銘曰綱銘

碑銘
乾元二年正月

攝常山郡太守衛尉卿兼御史中丞贈太子太保諡忠節京兆顏公神道

公諱果卿字昕京兆長安人也北齊黃門侍郎諱之推之來孫隋太子校書東
宮學士皇朝秦王府記室參軍諱思魯之元孫著作郎崇賢宏文館學士贈號
州刺史諱勤禮之曾孫高宗晉邸侍讀曹王屬贈華州刺史諱昭甫之孫濠州
刺史贈祕書監諱元孫之第二子也公方正精敏有清識周旋有則進止閑詳
起家江州司法轉遂州司馬爲刺史所責公守正不爲之屈時人稱之遷鄭州司
兵開元與兄春卿弟曜卿從父弟允南俱從調吏部皆以書判超等同日於銓
庭爲侍郎席建侯所賞翰林拭目焉擢授魏郡錄事參軍當官正色舉劾無所
迴避採訪使張守珪以清白聞遷范陽郡戶曹安祿山雅聞其名奏爲營田判
官光祿太常二寺丞又請爲節支判官兼攝常山郡太守天寶十四載冬十一
月祿山反范陽至棗城公與長史袁履謙同謁乃矯授公紫履謙因令崇州
刺史李欽湊以兵七千人守土門公罷歸途中指章服諷履謙曰與公受他此

色如何履謙亦感激之士遂與公定謀翻之恐事洩潛使男安平尉泉明往來計議又使西通王承業北結賈循敗族滅屬祿山使其心手高邀往范陽公使姪增襄城尉崔安石密伺其歸以圖之冬十二月二十日以私號召欽湊未至會祿山害東京留守李愷中丞盧奕判官蔣清傳首脇並海諸郡前二日真卿以平原太守斬其使令外甥盧遜以購祿山救送於饒陽常山後二日遜至公悲喜不自勝猶未敢宣示其夕欽湊至公俾參軍李峻馮虔靈壽尉李栖默泉土人翟進玉縋於城南門密令驛長蔡行儀醉以酒而斬之履謙入告公與相持而泣喜其事之集也遂使峻栖默開土門又斬其副使潘惟慎是夜高邈迴宿浦城公命馮虔翟進玉崔安石馳捕逆擊其肘而縛之虔領赴郡俄頃體泉驛候騎報何千年發趙郡安石以進玉馳襲而擒之如高邈遂給以榮王琬哥舒翰官軍二十萬入土門告於列郡遂使郭仲邕詐為先鋒以中官領御騎六十徇以南諸郡於是趙郡殺賊刺史馬道貞鉅鹿殺劉恆廣平殺郭子昂曲州殺清河太守崔審交皆以其首至先是真卿守平原而饒陽前開景城樂安博平清河七郡皆相與拒賊至是博陵上公文安信都鉅鹿廣平魏趙郡與常山十郡皆欲為國家守乃使張通幽以兄通儒相賊乞隨泉明以自雪至太原與尹王承業同惡竊為己功留泉明等不遣承業從弟隨中官入奏皆蒙超獎拜公衛尉卿兼御史中丞追赴京以履謙為太守深為司馬泉明為左金吾兵曹制書未至春正月賊使平盧兵馬使史思明寇諸郡思明既來攻六日城平糧井皆竭遂為賊所陷男季明外甥盧遜皆遇賊遂以公履謙至東京祿山讓公曰我擢汝為太守何負於汝而乃反乎公曰吾代受國恩官職皆天子所與汝叨受恩寵乃敢悖逆吾寧負汝豈負本朝乎賊竭胡狗何不速殺我乃繫公於天津橋南柱令割肉以自噉公詢嘗不已遂鉤以斷舌問更敢爾否公猶感氣含胡以應之還被支解而終觀者痛心焉楊國忠受通幽詭說賈深又不證明竟不蒙恤問乾元元年夏五月二十八日肅宗乃追贈太子太保子姪為賊所害者八人孫誕姪誦誦當從家廟勳禮二碑作誦果卿之孫從言旁名誕其姪不應亦從言旁蓋果卿姪有名題題誦者其名從也羽旁先質於賊皆被鋸殺至是贈季明誦左右贊善誕義王諮議姪子幹都水

使者沛尚食奉御頗洗馬遜鄭王友從父甥博野尉送上脫盧字沈盈大理正封夫人崔氏清河郡太夫人授泉明鄭縣令男威明太僕丞姪男翺漢州司馬孫証左內倉曹訊兵書證公忠節從父弟國子司業九南洎真卿表謝蒙批答曰自逆胡猖狂入我河縣所在官吏多所迫脇卿兄以人臣大節獨制橫流或伴其謀主或斬其元惡當以援兵懸絕身陷賊庭傍若無人歷數其罪手足寄於鋒刃忠節形於顏色古所未有朕甚嘉之威烈既冠於當時寵名宜及於泉壤初公被懸首於右金吾街樹有張湊者哀其髮收謁元宗俄見夢云御捍處多兵馬少元宗哭而設祭焉後湊以髮至夫人疑之憑牀而哭忽聞聲如鞭牀者發箱跳而前夫人方駭信之明年春正月葬於京城鳳樓原先塋西北禮也昔七代祖中丞府君慟絕於梁武五代伯祖御正府君抗重於隋文而公精貫白日義形宗社今又繼之為不隕矣嗚呼公與真卿偕陷賊境懸隔千里裏義莫由天難忱斯小子不死而公死痛矣哉銘曰

太保烈烈抗茲忠節殉國義形見危身殺元宗杖信詐凶謁龍極災挺稱兵向關河鼎沸潼關晝閉天下寒心王旒若贅地豕十萬萃如霜雪公以眇身毅然奮發逆黨株送土門披扶人知効忠國用不隕恩寵三座榮加九列王命未臨孤城已滅身縣鋒刃口誓不絕先聖感忠保儲贈揭刻諸金石思表墓綴遠莫致之留斯江滋日月有既徽猷無缺

正義大夫行國子司業上柱國金鄉縣開國男顏府君神道碑銘寶應元年

君諱九南字去惑京兆長安人也高宗侍讀贈華州刺史昭甫府君之孫薛王友贈太子少保惟貞府君之第二子也少以詞藻擅名兼工草隸書尤善五言詩深為伯父濠州刺史元孫府君之所賞愛開元十五年以挽郎選湖州判官入高第授驛驛尉後與從父兄春卿杲卿曜卿調集皆為吏部侍郎席建侯所賞重時論榮之尋授右武衛兵曹二十六年丁內憂以毀服闋轉右領軍錄事參軍與從祖姑子劉同昇齊名長又相善嘗寓書與之中書舍人孫逖見而驚歎曰古人之作尋為同昇江南經略判官遷大理評事從調吏部侍郎達奚珣以書判超等薦為朝廷左補闕元宗嘗撰華嶽碑并書天寶九載令御史大

夫王鉞打百本以賜朝臣家獲二本者四族而君以兩省官第真卿以殿中侍御史居其一焉每正至朝賀宰相以下登殿者不過三十人而君與真卿王鉞法服於含元殿蹈舞而衣接焉朝覲宴集必同行列故君賦詩云誰言百人會兄弟皆雲陪與諫議大夫鄭審郎中祁賢之每應制及朝廷唱和必警絕佳對人人稱說之俄遷殿中侍御史以忤楊國忠貶襄陽丞移河東司戶京兆士曹十五年長安陷與駕幸蜀朝官多出駱谷至興道房琯李煜高適等數十人盡在中丞田夏邱為哥舒翰行軍司馬既敗猶自振矜因誦表云翰北行師未嘗挫衄蓋緣運數潛迫人神同棄職之人故匪翰之由衆皆默然君獨抗聲叱之曰公何得尚為賊說微祥乎垣等因欲毆擊魏仲犀與之同罪遂引去不敢枝梧一座皆壯之恩詔召拜尚書屯田員外郎加朝散大夫遷司膳郎中真卿至自河北元宗給君驛至鳳翔令相見從肅宗入西京遷司封真卿以尚書兼大夫第九臧又為殿中兄第三人同時臺省當代無比時人欽羨焉尋封金鄉縣開國男累加正議大夫上柱國遷國子司業寶應元年冬十一月真卿自利州蒙召至上都君遇疾已革而泣曰吾忍得見汝因哽咽不自勝其十日傾逝於私第享年六十九嗚呼明日庚申葬於萬年縣鳳樓原先塋之北附也二子穎頻皆好為五言詩真卿使頻奏事彭原上文章蒙擢校書郎早卒穎簡直潔己以左衛兵曹選為侍郎崔器所賞累授河南府士曹噫君幼而聰明長而美秀仁恕形於造次精識冠於當時善與人交篤於僚友故父執侍即寇公泚相國陸公象先尚書韋陟陸公景融重君才名相見未嘗不移日也相國房琯尚書韋陟張倚皆篤忘年之契河南陸據彭城劉鍊劉秩隴西李揆河東裴士淹特敦莫逆之歡河東敬括隴西李華李涵范陽盧允舉盡常僚之好非夫親仁誠物泛愛虛己則何以廣而能周久而益敬者矣家常有折脛鶴初真卿小年時戲書其背君切責曰此雖不能奮飛竟不惜其毛羽奚不仁之甚歟其惻隱者如此真卿終身志之於戲以君之才之美之德之義方當翼亮盛時儀型宗國道之祝喪頓我遠圖悲乎痛哉真卿孩而不夭太夫人蘭陵郡太夫人殷氏親自鞠育實賴慈訓粗茲有成至若發廬學文之親立身復禮之道非仁兄

之規誨曷暨所蒙且有師訓之資豈惟孔懷之戚布哀金石未究萬分銘曰莊嚴肅清沂駿奔英靈孕育生我仲昆維我仲昆邦家之藩孝仁是履愷悌是惇清識冰澈韶儀玉溫詞華藻綯翰墨雲繁通究理體精詳政源爰初發跡屢振瑤琨尉邑何陋評廷不寃衰衣補闕繡服榮敦神州列掾會府掌屯司膳王封迴薄飛鸞乃佐教習載光儒門未登鼎鼐奄謝鴻鸞伊昔不造實賴能存下光花萼上潔晨飧微君教導曷惠拯援今既絕矣哀摧忍言何以宣懷勒銘弗緩垂諸來裔異子謀孫

和政公主神道碑廣德二年八月

詩美下降傳書築館貴其中禮載籍稱焉漢魏已還寂寥罕嗣以蕩陵德則維其常皇唐勃興王道丕變平陽起娘子之軍於司竹襄城行匹庶之禮於宋公常樂亂匡復之師於武后皆前古之所有其或生知禮樂周旋法度躬行婦道以懋大倫克順天經光照懿烈名言之所莫究書記之所未聞聚衆美於一身鄰太虛而獨立者其唯和政公主乎公主姓李氏隴西成紀人皇唐元宗至道大聖大明孝皇帝之孫肅宗文明武德大聖大宣孝皇帝之第三女帝女之崇於斯為盛今天子之同母妹也母曰章敬皇太后后之在襁褓也石父贈太尉吳君曰令珪嘗遊官蜀中使道士勾規占之驚起曰此女貴不可言是生二子男為人君女為公主嫁於柳氏其後竟配肅宗生今上及公主神所命也厥惟舊哉公主三歲而孤即能孺慕育於儲妃韋氏純孝過人幼而聰惠長而韶敏穠華秀整令德芬馨婉嫕發於天姿肅雍形於鑒寐奉今上以悌道事章如所生繇是特為肅宗之所賞愛至若左右圖史開示佛經金石絲竹之音續畫工巧之事耳目之所聞見心靈之所領略莫不一覽懸解終身不忘天寶九載春三月既望封和政公主降於河東柳潭既葬之三載矣潭周太保敏之五代孫皇斬州刺史懷素之曾孫贈秘書監岑之第四子衣冠地貴輝映當朝初以美秀承家中以名聲華國道勝而貴能下善謙尊而休有烈光士林偉之解褐左內率府曹曹轉穎王府戶曹陳留郡司功參軍以人門第一選尚公主拜太子洗馬亦既好合雅相敬貴雖柳侯秉彝有度能降帝女之心而公主率履由衷

每抗古人之節故宗族胥睦不獨親其親先後大同莫敢私其子伯奴宏農楊氏太真姊務華采公主服無金翠之飾居有冰雪之容每至朔月六參朝天族進嬌然班敘之內迥出神仙之表亦非希企之所及也梟凶羯亂常潼關不守元宗幸蜀妃后駿奔姊曰寧國公主霜髮屏居誰或訃告乃棄其三子取其夫之乘以乘之柳侯徒行公主愧焉下而同趨者日且百里每臻坎險必先濟寧國而後從之柳侯辭公主曰我若先涉脫有危急不能俱全則棄我姊矣柳侯感歎躬負薪之役公主怡然親饋餼之事竭力侍侍潭兄澄之妻楊貴妃之姊也貴倖前朝勢傾天下公主交無詔顧思未綢繆楊且云亡以孤見託馬嵬之役無噍類焉感其一言悉力營贍男登服冕之位女獲乘龍之匹出入存恤過於己子雖其密親罔或能辨柳之親昵伯仲姑姊隱微將迎唯恐不至糾繇疏屬撫循惇睦絲內及外終始如一孤窮滿目榮悴殊倫居薄推厚未嘗懈倦衣服飲食等無有差互或未周嬰孩罔及每至伏臘祠祠燕嘗必具禮衣花釵之飾以躬中饋堂室之奠豈無婢使式燕孫謀妾性純儉不以迄成先聖休之寶書清閨秋八月元宗至蜀仍舊邑而冊公主以潭爲駙馬都尉銀青光祿大夫太僕卿屬狂將與禍稱兵向闕元宗親御閣閣視誅討駙馬率領家豎折衝張義童等關於門中公主及寧國毅弓迭進駙馬乘勝突刃所向無前斬馘擒生殆逾五十節使時宰具以表聞元宗自繫詔示先帝慈讓莫當策勳遂寢今上之爲元帥也躬擐甲胄率先將卒舉兩京若拾遺摧凶寇如振槁勞旋方及帑藏其空公主實還無億則屢中關羸優而數逾千萬懼不給悉昇縣官論者難之肅宗彌留衆皆送侍主獨贈奉不已於旁帝有閒畫而謂之曰汝之純孝乃能至是遂資莊一區帝愛季女曰寶章公主因奏曰八妹未有請以賜之泣而諫焉哀動左右西陵還望上戒主曰凡厥親身之物必誠必信勿之悔焉主馨家有無以邑入千萬潛羨經費上深感數焉上既宅亮陰未忍臨政人之疾苦事之得失豈嘗私謁動必以聞上敬異之朝廷賴焉廣德元年冬上既東幸主志期屢蹕迴兵充斥咫尺不通因至荆南尉薦諸將方隅載謚職貢以修主有力焉上之在陝憂主匱乏乃命中使屢敕節度及轉運使隨主所須務必

肅給主以國用空罄退而歎曰吾方竭家財以資戰士其能餐餐首冒國經唯請名香數斤賦於佛寺爲主祈福而已王公戚屬相攜而至者藍縷囊襪負鱗次竭其鬻斧親自贍恤聚而泣之悲感行路初次商於頓於傳置羣盜蟻起奄譁驛亭呼而擣之曉以禍福一言革面願比家人之死靡他至今猶在緬惟罔極無所冀哀從母薛氏遺孤數四分宅居之皆俾成立萊莘兄弟盡列通班二女有行克配良士主之慈忠悉皆若是親臨稼穡躬儉節用不憚煩縟雅好組紉駙馬裳衣必親裁紵爰及子女罔衣綺紵新皆成主手每加訓誨蠶迪檢押廣德二載春二月歸於上都諸主高會議際夫黨觀其親族多曠周旋咸以爲時經百罹粗略可也主抗詞曰女之移天遂成他族怙貴長傲何以律人上方理定聞必不悅諸主驟然競崇討習禮之降殺親之薄厚翕然一變職主之由夏六月才生魄屬邊候不謹烽及京師城中震驚圍視無色主既彌月體未甚安曰事亟矣其入言之駙馬請問主曰吾業已行矣駙馬獨無兄乎因乘檐子直至寢殿乃悉索關遺備陳利病以奏之上欣然嘉納所言未究傍或員來因爾退歸遲明誕育展轉悵惘不能弭忘時屬炎暘熱疾有加聖情憂軫起坐失次天醫內官相繼旁午彼蒼不惠以其月二十有五日辛卯薨於常樂坊之私第春秋三十有六嗚呼皇上友愛天深痛毒兼至壽然一叫聲淚俱咽哀動木石豈伊人倫漣漣孔懷如失於臂曰余此妹國之鴻寶方期闕云如何遄祝降時喪天實爲之胡寧忍予乃輟朝三日命京兆尹監護喪事一以官供務從優厚柳侯招膺永悼氣索神傷心苦而忽然忘生泣盡而繼之以血況乎五男三女或黜或孩呼阿母而哭無常聲籲昊天而仁覆永絕哺以滋旨啞而莫就其爲酷痛易愈於斯以是思哀哀可知矣自朝及野知與不知聞之失聲罔不震悼棧有青牛素服輓輓主之薨也陪地哀鳴仰天屑淚三日不銖畜猶若是臣僕可知主之將薨駙馬先殯捐館之夕見夢別墅乘之周廡偏勞勞遺俾屏不逮田客僂從數騎久已云亡衆皆驚起髮髯猶見雖所憑則厚而精氣何多主於駙馬大義敦肅不特倪天之貴每極家人之禮駙馬雅性夷簡居於名利願究衛生之經庶臻久視之道主志深婉順始慕真宗故於他時並受法錄

嘗謂之曰易崇積善詩貴起予不以忠孝數事迭相告勸者則心有慊焉率而行之曷嘗廢墜又以爲死生恆理先後之間若幸啓手足必當隨我以道服瘞我於支提往來行言時見存恤則所懷足矣予若不謹我若沒身未亡灑掃塋隴出入窳窳泰君周旋噫嘻於斯之時以爲謠浪豈悟今者皆符昔言有司奉詔將厚其禮駙馬疏陳皆蒙允許粵以秋八月十九日甲申最其男試太常少卿賜紫金魚袋歲鴻臚少卿量試祕書丞賜紫金魚袋果試殿中丞昱景子三女等虔望公主於萬年縣義豐之銅人原從理命也於戲風詠歌衣史稱彤管纖微之善載籍猶稱況乎七葉帝女分形歸妹貴能上下忠以導躬備德言容功之美服女師母儀之訓訂之繇古孰與我京昔馬遷著記謂之實錄有道見述亦云無愧某學於舊史少識前載歷考長代跋彼疑之盛未有如公主者焉雖壹則家風每挹如賓之敬而勤崇垂懿敢忘傳信之辭銘曰

穆矣公主元元之緒聖皇之孫肅宗之女今上之妹生人之矩德言容功義仁孝忠溫良恭儉敬讓宏通率履弗越高明有融下嫁於柳猗那自久金石著明琴瑟斯友家道以正人倫斯厚鳳凰于飛梧桐是依嚶嚶喈喈福祿攸歸和樂既孺德音莫違麟之趾定振振子姓方紹母師奮摧邦令一人痛毒九有違詠詔葬於河銅人之阿支提鬱起宰樹誰過空餘好合來往滂沱

案公主封號本作和政見唐書公主列傳而何氏語林趙氏因話錄江氏筆錄皆誤作政和

唐故開府儀同三司太尉兼侍中河南副元帥都督河南淮南淮西荆南

山南東道五節度行營事東都留守上柱國贈太保臨淮武穆王李公

神道碑銘廣德二年十一月

昔宗周之中興也時則有若方叔召虎總師干肇敏之業南威蠻荆東截淮浦以左右宣王詩人歌之列在風雅我皇唐之反正也時則有若臨淮汾陽秉文武忠義之姿廓清河朔保乂王室翼戴三聖天下之人謂之李郭異代同德今古一時公諱光弼京兆萬年人也曾祖皇左威衛大將軍幽州經略軍副使府君諱令節祖鴻臚卿兼檀州刺史府君諱重英父雲麾將軍左領左羽林二軍

大將軍朔方節度副使薊郡開國公幽州都督司空諱楷洛皆以英果沈勇累葉將邊境威稜於幽碣公即薊國公之第四子也體渾元之正性秉宏毅之高躅天子純嘏生知禮度謀謀炳燿識識沖深傑出經武之才鬱爲興王之佐故能東征北伐服難康屯挺草昧不世之功允蒼生具瞻之望社稷威寶公之謂歟初天后萬歲中大將軍燕國公武楷固爲國大將威震北陸有女曰韓國太夫人人才淑冠族嘗鑒之曰爾後必生公侯之子因擇薊公配焉後果生公公年六歲嘗撫鹿而遊薊公視而誨之曰兒勿更爾公援手而起遂絕不爲童戲未冠以將門子工於騎射能讀左氏春秋兼該太史公班固之學開元中起家左衛左郎將歷豐下二都督府長史尋遷別駕加朝散大夫丁父憂以毀聞終喪不入妻室太夫人高明整肅有慈有威公下氣怡聲承順而每竭其力雖已官達小不如意猶加譙讓之責故能濟其勳業天寶二年拜寧朔郡太守四載加左清道率安北都護仍充朔方行軍都虞候五載充王忠嗣河西節度兵馬使加遊騎將軍守右領軍賜紫金魚袋仍充赤水軍使八月襲封薊郡開國公入載遷右金吾衛將軍充節度副使以破吐蕃及招討吐谷渾加雲麾將軍左武衛大將軍十一載拜單于副都護十三載爲安思順朔方節度兵馬使思順慕公信義請爲婚姻公辭不獲免遂託疾罷官西平王哥舒翰聞而建之奏歸京師遂守道屏居杜絕人事十四載冬十一月安祿山反范陽天下繹騷朝廷旰食聿求虓鬪之將爰統鷹揚之師明年春正月起公爲銀青光祿大夫鴻臚卿兼雲中郡太守攝御史中丞持節充河中節度支度營田副使知節度事仍充大同軍使二月拜攝御史大夫魏郡太守充河北道採訪使俄除范陽郡大都督府長史充范陽節度使初公以朔方馬步八千人出土門其月既望收常山郡前是太守顏杲卿杲卿長史袁履謙殺祿山土門使李欽湊擒其心腹高邁何千年屬太原尹王承業不出救兵杲卿履謙爲史思明所陷戰士死者踰藉於漳池之上公親以衣袂拂去其口上沙塵因慟哭以祭之分遣恤其家屬城中莫不感激一心史思明正圍饒陽馳來拒戰公屢摧陷之詔拜公兼御史大夫俾今尙書令汾陽王郭公于儀悉朔方之衆與公合勢南收趙郡又敗之於沙

河夏六月戰於嘉山大敗之斬獲萬計思明露髮跣足奔於博陵窮蹙無計歸節於祿山祿山大恐逆徒幾潰屬潼關不守肅宗理兵於靈武盡追朔方之師加公太原尹公以麾下及景城河間之卒數千人至秋八月拜戶部尚書同中書門下平章事史思明既有河北之地與蔡希德德衆來攻累月不尅而退公自賊逼城於東南角張帳次居止竟不省視妻子每過府門未嘗回顧是後決遣事務信宿方歸至德二載拜司徒冬十二月十五日肅宗既還京師策勳換司空兼兵部尚書封鄭國公食實封八百戶公第光進亦以懋功同制封拜乾元元年八月拜侍中其年冬十月與九節度圍安慶緒於相州明年春三月史思明至滏陽屢絕我糧道衆咸請公簡精銳以擊之交鋒竟日思明奔北於百里之外公反旆而歸烟塵亘天諸將皆以爲賊軍大至遂南渡黃河公至則無見矣乃歸於太原是年夏五月除范陽節度使尋代汾陽王爲朔方節度使秋八月充天下兵馬大元帥以數千騎東巡追兵馬使張用濟會於汜水用濟獨來上謁公數其罪而斬之因追都知兵馬使御史大夫僕固懷恩懷恩中夜馳赴魚實而前再宿過至秋毫不敢犯公趣河而東及滑州聞史思明已過河遂迎強旅以至東京移牒留守及官吏等悉皆迴避公獨與麾下趣河陽橋城賊先鋒已下倒懸坂公至石橋命秉燭徐行一夜方達賊望之不取近思明來至城下請見公公於城上謂之曰我三代無葬地一身必以死國家之患爾爲逆虜我爲王臣義不兩全我若不死於汝汝必死於我手將士聞之無不激勵相持凡八月思明暴露不敢入東京乾元二年冬十月甲申賊將周贇悉河北之衆萃於河陽城北思明以河南之衆頓於河陽南城之南南北夾攻表裏受敵公設奇分銳襲其虛而大破贇軍臨陣擒其大將徐瑣玉殺獲略盡贇僅以身免收軍資器械不可勝數思明心悻氣索烟火不舉者三日官軍大振初公以爲戰者危事勝負難必每臨陣嘗貯伏突於靴中義不受辱至是登城西向拜舞因歎歎不自勝三軍見之無不淚下三年春正月遷太尉兼中書令其年改元上元冬十一月攻拔懷州擒其僞節度安太清二年春二月統僕固懷恩自河陽趨河清與史思明合戰於邙山屬風雨晦冥王師不利公收合餘軍屯

於垣縣遂引過請罪懇讓太尉肅宗不能違之二月拜開府儀同三司中書令兼河北尹節度使夏五月十有一日復拜太尉兼侍中充河南副元帥都知河南淮南淮西山南東荊南五道節度行營事出鎮臨淮時史朝義乘邙山之捷圍逼申安等一十三州自領精騎圍李岑於宋州公之將吏皆兇懼議南保揚州公謂之曰臨淮城池卑陋不堪鎮遏不如徑赴彭城俟其東寇驕而追之賊可擒也遂趨徐州因召田神功宴慰與同寢宿以宋州之難告祖道郊外俾先飲以龍之分麾下隸於其將喬岫仍令兵馬使郝庭玉與岫犄角而擊之賊遂一戰而走使來告捷公已屈指俟報俄而吉語至焉今上登極寶應元年夏五月進封臨淮郡王廣德元年秋七月加實封三百戶通前後凡二千戶賜鐵券名藏太廟仍圖畫於凌烟閣冬十一月上在陝州以公兼東都留守制書未下久待命於徐州將赴東都屬疾痢增劇公知不起使使齎表奉辭廣德二年秋七月五日己亥薨於徐州之官舍初將吏等問以後事公曰吾久在軍中不得就養今爲不孝子矣夫復何言因取已封布絹各三千匹錢三千貫鬻麥以分遺將士衆皆感痛不自勝及公云亡遂以其布爲公製服庚申哀問至上都上痛悼之輟朝三日太夫人一慟而絕終夕方蘇使開府魚朝恩就宅敦諭京兆尹第五琦監護喪事九月己未追贈太保十二月字嗣二太常議行諡曰武穆夫人薛國夫人太原王氏累長子太僕卿義忠並先公而逝次曰太府少卿太僕卿象殷中丞象等皆保家克荷備閑詩禮無忝燕翼過庭之訓冬十一月二十七日庚申泣而咨於王母虔虔公於富平縣先塋之東禮也於戲公以吉甫文武之姿兼樊仲將明之德王國多難羣胡構紛藉朔方偏師之放入井陘不測之地思明銖銖於恆定祿山絕望於江淮守太原而地道設奇保河陽而雲梯罔冀破周贇於溫沈擒太清於單懷走史朝義叛渙之衆於梁宋救僕固瑒已危之軍於瀛莫皆意出事外虞隆計中天下有磐石之安國家無贅疣之患此皆公之力也公兄遵直遵行仕至將軍衆弟光炎並不幸早世次曰光顏特進鴻臚卿皆以將略見稱時輩季曰光進開府儀同三司太子太保兼御史大夫渭北節度使涼國公清識表微沈謀絕衆剛亦不吐柔而能立與公並時仗鉞

分閫字二凌霄翼聖既有戴天之功華原統師獨聞禁暴之德方當會同正至榮曜君親入侍黼帷峨二貂乎泰階之上歸聯綵服頓雙節於高堂之下斯歡未劇遺恨何居昔斛律丞相與弟并州同務烈於北齊賀拔行臺與兄雍州亦宜力於西魏咸稱義烈各懋勳庸而風樹寂寥偏隅隘比之我族事則不侔真卿昔守平原困於兇羯繫公莅止獲保餘生東帶與居空想北平之禮操觚論撰敢墜中郎之辭銘曰

羯胡猖狂倣擾皇綱降生臨淮佐我興王惟此臨淮萬夫之望爰初發迹罔我弗臧出入忠孝人倫激昂其心鐵石其行珪璋天寶末造河朔恒攘天子命公經營朔方沙河嘉山我伐用張思明歸節祿山震惶潼關勿帥醜虜其亡肅宗有命大鹵於襄應變如神兇徒靡元介珪入觀台座用光俾公東征北國是皇長圍鄴下望入河陽擒斬渠魁震整龍驤淮濱鎮定徐土翺服田蠡屈料瑒鷹揚不有神算疇哉暴強弟兄同時秉鉞煌煌方期凱旋雙映旗常晨趨法座夕慶高堂如何不辰愆此百祥素輶反葬白驥跼箱蕭鼓悲鳴羽儀分行萬乘致祭千官送喪生榮死哀身沒名揚渭水川上壇山路旁唯餘豐碑突兀連岡往來必拜萬古沾裳

寧鄉黃本驥仲夏編訂

湘陰蔣 瓊維揚參校

神道碑銘二

朝議大夫贈梁州都督上柱國徐府君神道碑銘

自古還聖明而功不立都卿相而名不稱者蓋有之矣其或荷丕構而繼志不忘在下位而能伸其道克揚前烈以承後昆其唯徐君乎君諱秀唐書宰相世系表作秀東海鄭人也其先出於伯益實掌舜虞裔孫偃王躬行仁義遂因國命氏焉厥後樂以文侍金門稱以禮優塵榻僊人寄傲於賢聖偉長首冠於應劉英達相仍有自來矣宋有中書侍郎達之司空羨之兄祕書監欽之欽之子尚書僕射中書令湛之湛生黃門侍郎聿之聿之生齊太尉孝嗣生梁侍中綬綬生陳五兵尚書君敕君敕生丹陽尹溫自司空已還四為上公五降帝女尹生隋民部侍郎唐贈祕書監諱恕監生金紫光祿大夫右散騎常侍兼禮部尚書諱筠尚書生庫部郎中萬年令太子詹事諱昕宰相世系表云孝嗣生齊侍中綬春官尚書枝江公筠筠生昕皆以威德濟美垂於世家君即詹事第三子也幼而聰悟篤學能屬文事繼親以孝稱十餘歲時父友鳳閣侍郎姚元崇示君五百字詩一覽便誦姚公奇之因謂納言狄公曰徐子珠華玉潔後但不知命何如耳年十五為崇文生應舉考功員外郎沈佺期再試東堂畫賦公援翰立成沈公駭異之遂擢高第調補幽都縣尉充相國尚書趙彥昭朔方節度判官以事去職又歷蔡州參軍為御史宋遙關內覆囚判官公銳精鞠訊多所全活宋公以為言公正色謂之曰僕從祖父司刑卿天授中詳理冤獄振雪者七十餘家今子孫猶困於襄陵豈忍以東溼之事以自便也因頓首請去宋謝而留之無何或訟冤於執事者召公問狀則他判官之為也宋欲別白旌公公曰僕雖不材豈可藉人之過以為己功乎論者休之戶部侍郎徐知仁請為招慰南蠻判官奏課居最轉瀛州司法參軍侍御史趙頤貞辟宣慰判官歷湖州德清長城潤州丹陽三縣令天寶二載春二月加朝散大夫敕攝新安郡別駕採訪使齊澣梁昇卿並奏為判官六載秋七月拜臨淮郡長史加朝請大夫九載夏四月除濟南郡司馬加朝議大夫十二載春三月拜信都郡長史不幸感疾天寶十三載秋七月九日終於郡之官舍春秋七十公先世塋龍宅於京師少陵原詹事府君巡按河南薨於洛汭葬於緱氏縣西南大寇原公啓手足也顧命其子今侍御史續曰吾家代儉約不欲華衆歸全之後其以布車一乘虔祔先塋續泣而奉之及其葬也塋小無便地於次東馬鞍山下得紫龍飲乳岡之原龜筮從也夫人南陽縣君樊氏戶部尚書子蓋之曾孫袁州刺史文器之孫廬江太守季節之女仁孝柔明嫺於禮度左右圖史雅善琴瑟中外孤弱躬自收視俾夫遠近咸懷安之春秋六十有八棄堂帳於相州之安陽天寶十五載秋八月十有四日爰遵周公之典而合祔焉禮也廣德二年春二月皇帝有事於南郊追贈君都督梁州諸軍事梁州刺史夫人南陽郡太君蓋以續簪白筆於赤墀董材賦於巴漢是有永錫之寵紆褒崇之命哀榮之感不其至矣君凡四為綱佐六奉使軒所至之邦必聞異績舉天下之政事莫不資折中焉性嗜清貧室無長物孤嫠叢萃皆仰於君既嬰沈痼之疾歷歷三載續請就上國之醫庶其逢吉君曰閨門之資者寸祿也今疾劇命也吾不以一身易百口竟不從而沒識者哀之或謂君曰君奉養嫺嫺用度萬錢續字一帳諸姑繚纒五兩姑見君續字笑而不答退謂續曰吾見其撫孤不見其怨德教義之士有以見其用心也君恬淡寡欲雅好攝生在新安或指靈叟於洞君齋心四日采入其阻而後觀之訊其由來陳思王東閣祭酒蔣觀也說魏時事歷歷可聽君稽首而斬之叟曰從我乎必可度世君以王事靡盬退而辭焉比迴顧則為茅草矣初君上計濟南展羣祖之墓松檟森然微猷莫紀留居論議時日以成先德之不忘繫是舉也嗚呼君體聰穎之上姿恬曠之夷度寬明足以濟衆和義足以長人口絕秀言目無還視立身先張仲之志與朋服子路之言內行可以質神明清規可以勵風俗宜克享胡耆荷天之龍光輔乎漢之得人高視乎周之列位而道之將喪命不偶時屈輿驥於身前墮峴碑於沒後吁足歎也春秋貴九世卿族漢史稱七葉珥貂陪臣於下士卑僚絕屬於天潢咸里豈比夫登台者

四世尚主者五人焜耀於數朝之間蟬聯於百代之下可同年而語矣續懿文
懋學峻節清標天寶末陷居賊中爲僞命連辟辭疾不起謀使家人與本朝通
計爲部曲所發遂遭禁詰一日之中議刑者數焉俄而官軍大至賊黨奔北由
是獲免乾元中奉使巴渝屬段子璋構逆流輩十人皆被屠害以續高名欲留
同惡期之以死承劍不回時諸道徵求人不堪命續至之邦必荷仁信如期而
畢則三將崇必復之矣寧止當朝之望碑銘功伐敢墜斯文辭曰

益爲帝虞偃不異途世表東海其惟徐乎或文或武或哲或儒休美後昆厥德
不孤猗那都督克懋遠圖邦國四佐轄軒六祖樹聲長世與道爲徒爰觀幽光
無寧集枯八仁義都盡彭殤易殊所嗟人紀莫展嘉謨馬鞍山北龍乳岡隅
於焉崇祔先志靡渝豐碑崔嵬宰樹榮紆六沾濡八

金紫光祿大夫守太子太傅兼宗正卿贈司空上柱國隴西郡開國公李

公神道碑銘

昔周武以二公股肱王室然而允釐西土師保萬民者其惟召公乎漢室以二
傅羽翼儲宮然而亮采東朝儀型百辟者其惟蕭傅乎則九德之師六行之傳
親賢既美亦何代無其人哉隴西公才爲國之垣翰位爲天子之喉舌德爲朝
之元老行爲帝之信臣蓋所謂宗室之間生士林之傑出者也公諱齊物字道
用隴西成紀人自若水導其靈源而聖人作高邱峻其層構而才子生元元爲
宋帝之先與聖有勤王之舉威德彌於百祀靈根固於千葉太祖景皇帝功高
佐魏慶始封唐家崇八柱之勳地半三分之業亦猶殷人之祖契周室之宗文
公卽景皇帝之五代孫也鄭王亮之元孫淮安王神通之曾孫淮安王皇朝開
府儀同三司尚書左僕射贈司空磐石開府介圭錫瑞成周之晉鄭西漢之勃
平祖孝銳鹽州刺史父璟隴州司倉贈弘農太守並清白貽範仁賢繼軌連華
公族濟美專城公稟乾剛之正性體坤順之中德爰自岐嶷特鍾美秀儼然王
公之量鬱有台鼎之姿固已超等夷而出羣萃矣神龍初起家左右千牛備身
歷尚輦直長許州司馬華州司兵時方振拔勢已飛騰此則江漢之濫觴華高
之覆瓿也丁太夫人憂公有至性毀瘠過禮扶杖於家哭不絕聲者累月倚廬

於墓衣不解帶者終喪天子特降璽書就廬慰勉非常之澤近古未聞服闋授
鴻臚丞除尚輦奉御遷北都軍器監事太原爲一都之雄鎮軍器掌五庫之禁
兵故乾沒之賊一徵百萬繕完之利費省巨億少尹嚴挺之連奏課最擢拜長
安令陸海殷湊五方浩劇公以威禁暴以恕用刑邑里之人陶然大化遷將作
少匠殿中少監太府少卿懷陝二州刺史雖漢之宗室不典三河而周之懿親
先分二陝惟良之寄實在於公嘗以黃河經砥柱之艱有覆舟之患遂奏疏九
派鑿三門屬役而堅冰大合與功而烈火潛熾不愆於素若有神焉人皆以公
至誠之所感也又於石獲古銘曰平陸遂以名縣焉玄宗異之賜貂裘一領絹
三百匹特加銀青光祿大夫鴻臚卿并公之先隴州府君專城之贈上嘗賜玉
尺一詔曰謂之尺度可以裁成卿實多能故爲此賜識者知公必將金玉王度
代天之工豈惟從容九列而已拜河南尹仍兼水陸運使屬左相李公適之尙
書裴公寬京兆尹韓公朝宗與公爲飛語所中公遂貶竟陵郡太守時陸羽鴻
漸隨師郡中說公下車召人吏告之曰官吏有蠹蠹不修者僧道有戒律不精
者百姓有泛駕驪馳者未至之前一無所問而今而後義不相容數年間一境
不變熙熙然若義皇之代矣哀孤重老有隱逸好道者常騎馬於里巷之中親自
恤問量移安康卽日上道老幼遮擁不得發者三辰轉漢陽斷春其政如一公
虛中自牧接下愈恭與物盡推誠之心正身無氣酸之忌每上春行令大戶閭
農輕裏餼糧重煩縣道化流江漢如時雨焉故郡歷數四課事第一去思之感
人到於今稱之天寶末徵拜將作監重授鴻臚卿繼壑巨鱗還游舊浦凌風勁
翻俄返故林時國忠包藏於內

朝議大夫守華州刺史上柱國贈秘書監顏君神道碑銘

元泰

君諱元孫字季修京兆長安人高祖諱之推北齊給事黃門侍郎待詔文林館
曾祖諱思魯隋太子校書東宮學士皇朝秦王記室祖諱勤禮著作郎崇賢弘
文兩館學士父諱昭甫高宗侍讀曹王屬贈華州刺史俱以德業才名相望史
冊君卽華州之元子少孤養於舅殷仲容家身長六尺二寸聰銳絕倫工詞賦
章奏有史才明吏事年十歲時叔父吏部郎中敬仲任益府法曹長史李孝逸

聞君少俊讀與相見座中試安石榴賦君默綴少頃郎中聘而從之君授翰立就不加點竄孝逸大驚尤善草隸仲容以能書爲天下所宗人造請者賸盈几輒令代遣得者欣然莫之能辨舉進士素未習尚書六日而兼注必究省試九河銘高松賦故事舉人就試朝官畢集考功郎劉奇乃先標榜君曰銘賦二首既麗且新時務五條詞高理贍惜其帖經通六所以不原本屈從常第徒深悚作由是名動天下解褐鼓城主簿歷登封尉與弟贈太子少保諱惟貞府君調選屢以高等同登甲科相代爲長安尉翰林偉之前是吏吏好以婚田之不法者試新上官君悉塚階上研墨汁數原本操劃凡百餘道不終夕而畢縣令隴西李綰才學士也親原本駭命小吏分守寫之而通不給朝廷望數遷洛陽丞著作佐郎太子舍人時玄宗監國獨掌令諸當時以爲綸言之最嘗有命召或以次進原本今日非也聞公喚長舍人來遂御小殿賜食因出諸家書跡數十卷曰聞公能書可爲寡人定其真偽君分別以進上玄宗大悅因賜藤牋筆墨衣服等物嘗和遊苑詩御札八分批答云孔門入室魯國稱賢翰墨之妙莫之與先君一覽無遺兼該故實章安石以宰相兼庶子特相禮重官務一以諸君事頗填委從原本以司直用事命坊官同遊石鏡寺駐蹕諸君有忌前者曰顏舍人必不行已而君辭以遠曰果爾何爲妄請君默然元宗登極同列皆選中書舍人君讓范陽盧備俄爲琚等所擠出爲潤州刺史遷滁州刺史按察使王志愔以清白名聞拜沂州志愔娶於顏餘慶以男求婚君拒之遂誣奏請降階奪祿其初君與執事者因原本官有忤至是憾焉遂黜歸田里君屏私第傲然無悶者十年與陳郡殷踐猷上谷寇泚武功蘇晉吳郡陸象先友善相見未嘗不畢景起爲濠州刺史累加朝議大夫上柱國中書令張嘉貞深相器重方引知制誥原本右職屬罷相不行代到風疾停家開元二十年秋七月才生明薨於絳州翼城縣丞之官舍隨子春卿任也明年葬於東京鶴店東北高村原夫人新城縣君元氏故兆異穴而塋權也文集三十卷著千祿字書一卷並行於世續祖父涉令光庭注後漢書常山之陷也沒焉廣德二年春三月二十有二日制曰故濠州刺史上柱國顏元孫懿道淳茂宏材特達傳經成業聚學

爲文清白著於家風問望光於銓選久膺揚歷爰寄藩條政有其方續宣其用未登大任遽迫流年九原不作郡邑存其遺愛二子象賢象難立其名節忠能徇國孝在榮親贈以儒官揚其感烈可贈秘書監真卿表謝今上批答云卿之先伯當代詞宗道蘊國經行推人表上宏祖德下發門閥鄭國不亡滅氏有後雖雲雨之澤自葉流根然訓誨之方因父見子永惟感烈式寵代官不朽者名斯爲極矣嗚呼君有子皆有才名春卿聰銳無比早擅詞賦尤工表檄個儻有吏能急人之急明經拔萃歷蜀縣尉長史蘇頌舉茂才異等未試充張敬忠節度判官轉翼城丞與弟果卿曜卿從父弟允南調選同日於銓庭爲侍郎席建侯所賞授偃師縣丞果卿忠烈方正精敏有識累至魏州錄事參軍清白名聞充安祿山營田及度支判官太常丞攝常山太守祿山反誅其土門使及原本拜衛尉卿兼御史中丞城陷詢晉爲賊所屠害乾元中贈太子太保諡曰忠節曜卿介直以信稱勤學好屬文工草隸書十五以文學直崇文館每選集必爲主司所賞擢歷城丞淄川司馬旭卿美姿儀善書尤山令茂曾仁恕和厚口無擇言頗屬文詞留心詰訓嘉陵司馬孫紘少好雜書疎財重義方義尉鮮于仲通節度劍南引爲判官同征閣羅鳳沒於蠻泉明穎悟孝義果銳爛於吏道安平尉父敬保父敬保字疑是太保之誤將開土門使與長史袁履謙往來謀議授左金吾兵曹尋爲賊所執舉家見陷泉明到河北乞求贖先姑女而後己子行路哀之東京收復泣血求父屍獲焉時人以爲孝感所致拜郛令有能名爲崔光遠所擠終彭州司馬威明太僕丞邛州司馬季明惇敏有容止與君外孫盧邀同爲賊所害贈左贊善潘勳學好屬文早卒子幹剛銳強力公劉府果毅弟沛同遇賊害贈都水使者沛尙食奉御題入道誥誥當從家廟勳禮二碑作明果卿之姪也與泉明子誕同質於祿山皆被鋸殺贈贊善誕義王諮議通義令觀漢州參軍觀鹽亭尉珣觀未仕曾孫證右內倉曹訊兵曹詔彭王參軍皆承謀異不敢失墜爲君德感才茂行周業廣文可以經國道可以致君而坎壈感明不登弼亮其時歟其命歟真卿越自嬰孩特蒙獎異且兼師父之訓豈獨猶子之恩濡筆告哀不申萬一銘曰

現現世父明德是矩孝以仁親忠期輔主周旋禮法精究訓詁行楸珪璋文彪
龍虎高標天府震耀區區前載原本千官欽親王畿就刻赤縣斯區杖華交輝
灑翰如雨洛陽毗貳著作布武載筆龍樓一光龜組元宗褒異一發傳伍
不入掖垣翻飛江潁淮沂其又典憲斯侮望開爰歸優游不吐名公虛左濠上
爰撫方俟同昇遽愆多祜一麾屢黜百贖奚補異子多方教忠則臘吁嗟太保
爲國干櫓取義舍生悲今邁古皇恩自葉超贈祔府存沒哀榮幽明赫眡真卿
追痛銜恤靡恤牽綴銘功恨非觀纘

特進行左金吾衛大將軍上柱國清河郡開國公贈開府儀同三司兼夏

州都督康公神道碑銘承泰二年二月

竭誠奉主之謂忠率義忘躬之謂勇忠勇不犯則名登於明堂子仕教忠之謂
慈戰陣能勇之謂孝孝慈有裕則道存乎方冊兼此四者其惟清河公之族乎
公諱阿義屈達干姓康氏柳城人其先世爲北蕃十二姓之貴種曾祖頡利部
落都督祖梁可汗駙馬都知兵馬使父頡利發墨噶可汗衛衙官知部落都督
皆有功烈稱於北陲公即衙官之子也正直忠鯁以信行聞爲國人所敬長於
謀略工騎射其弓十鈞年二十三爲阿史那頡頏侯施默噶等九可汗宰相秉心
顚一立言無二不吐剛以茹柔必蹈道而履義可汗每有過失未嘗不極言切
諫蕃落中重焉以比國家之丞相宋璟初默噶弟拔悉密時勳嘗擊殺可汗
公竊而藏之密持示默噶默噶大怒將誅之公以爲請但令歸於部落默噶知
公至忠繇是益加親信同列四人莫與公比其後公以孤直屢見疑譖遂請退
歸可汗察公非罪尋復追爲宰相先是毗伽可汗小殺爲其大臣梅錄噶所毒
小殺覺之盡滅其黨既卒國人立其子伊然可汗無何病卒又立其弟登利可
汗華言登利猶果報也其母噉欲谷之女與其小臣飢斯達干預國政登利從
叔父因左殺右殺東西分掌其兵馬登利與其母誘斬西殺盡并其衆左殺懼
及乃攻殺登利自立爲烏蘇米施可汗拔悉密擊敗之脫身遁走國中大亂天
寶元年公與四男及西殺妻子默噶之孫勃德支特勒毗伽可汗女大洛公主
伊然可汗小妻余塞爾登利可汗女余燭公主及阿布思阿史德等部落五千

餘帳并駝馬牛羊二十餘萬款塞歸朝朔方節度使王忠嗣具以上聞一本忠
新秋八月至京師元宗俾先謁太廟仍於殿庭引見御花萼樓以宴之仍賦詩
用紀其事拜公左威衛中郎將屬范陽節度使安祿山潛懷異圖庶爲己用密
奏公充部落都督仍爲其先鋒使公既不得已僊從從之四載以破契丹功還
右威衛將軍俄拜范陽經略副使五載又破契丹功居多拜左武衛大將軍仍
充節度副使元宗嘉之璽書慰勉益益優賞十四載冬十一月九日甲子安祿
山反范陽公以天子有命陷身凶逆舉家見質自拔莫由既至東歸公泣血籲
天次於夢寐欲與諸子逃歸國家爲賊邢州刺史康節所告遂被收繫僚奏被
誅者二十餘人公之四子各奔於外賊恐衆情不安責之而後出至德二載閏
門二百餘口被安慶緒脅至安陽屬今上爲天下兵馬元帥統今尚書令汾陽
王郭子儀朔方之師諸節度回紇之衆東收二京公率四子及孫姪等十餘人
冒死南奔至汲郡爲從者所告家人殲焉二子沒野波英俊挺身行前二子屈
須彌施英正持滿殿後沒野波妻阿史那氏爲公控馬登於西山至高平界遇
賊蔡希德以精騎三百遮路邀擊沒野波英俊策馬奔之斬殺四十餘人生擒
四人冬十有一月七日投今上行營至焉先帝聞而嘉之欲以開府儀同三司
處公仍加實封公固辭乃受因以爲金吾衛大將軍加特進增封清河郡開國
公食邑三百戶策勳關二衛大將軍關二卿關三射關四開府儀同三司太常
卿殿前衛前射生兵馬俄加上柱國姑臧縣開國子沒野波雲麾將軍左金吾
衛大將軍上柱國射生散騎常侍驃騎大將軍左武威大將軍兼鴻臚卿上柱
國殿前射生使清河郡開國公英俊等官秩各有差因留公及屈須彌施英正
供奉射生以沒野波英俊勇冠三軍並令東隨故太尉李光弼於太原後鄴郡
瓦礫陣官軍與安慶緒相逼王思禮爲其所敗賊勢既盛太尉與思禮相顧氣
索沒野波英俊勃然奮怒遂直抵薄河當鋒擊之殺獲二千餘人賊衆方退太
尉諸公親而駭之賞雜綵百匹並以轉分麾下無所納三軍欣羨焉沒野波
居常謙謹臨事勇銳戰則先鋒前無強敵捉生遊奕所向必摧九節度之圍安
陽也史思明悉衆來救沒野波以十五騎過河逆擊之并馬刺倒者數人生擒

數十人後擊懷州思明又自來救留爽之際侵軼柴籬沒野波領甲騎三十禦之賊軍五千人一時摧敗真卿之棄平原也沒野波為賊騎將緩策不追及聞渡河然始奔驕是以得脫於難平原人至今稱之英俊瞻視眈眈姿氣雄果發勁矢持大槍疑然萬眾之中左右馳突無不辟易而退嘗隨太尉討思明於河陽賊驍騎萬餘於中聞城索圍將莫敢應者英俊挺身奔擊之應槍落者二十餘人英俊被槍刺頰貫喉而出攬首而去之猶殺二人而還太尉壯焉遂以從父兄子妻之故天下之言勇者以沒野波英俊兄弟為稱首廣德元年上幸陝州公之諸子皆當扈從公以體貌瓌瑋難於舉動方與之死訣沒野波妻為公介馬扶奔華州公慮不免謂左右曰我若為賊所得無累我兒子乎汝曹何不殺我衆人感懼叫然皆哭遂竭力昇公至於行在上深嗟賞之方極尊榮以終宴喜上天不惠以二年青龍甲辰冬十有一月二十日甲寅感肺疾薨於上都勝業坊之私第春秋七十有五親事左右莫不勞面截耳以哭初凌霄之難公實援立漣水之屯公親總統上之反正父子從焉帝嚳厥功遂有開府儀同三司兼夏州都督之贈夫人清河郡太夫人交河石氏左衛中郎將珍之孫左金吾衛大將軍三奴之女溫敏淑惠柔明端雅有女師母儀之德克懋於家不幸遭疾以天寶十五載春三月八日先公而薨永泰二年春二月十日壬申與公合祔於萬年縣之長樂原禮也嗚呼公以沈果之姿抗英威之志降精昂宿炳粹天街忠肅表於生知義勇形於造次屬國家多難淪胥以痛壯一心而來事我君貫四時而不改柯葉義方懇到相攜於契闊之中臣節激昂三見於危亡之際天子感焉既受腹心之託禁旅資焉俱列爪牙之地勳庸克茂聲問攸歸叢綵衣於玉帳之前羅五載於一門之內不其盛矣昔蕭相國舉宗佐命金日磾七葉珥貂望古傳今可謂同德其孤等窮人孺慕靡所哀哀求不腆之辭庶播無疆之美銘曰

北方之強數十有二姓強哉矯部落之雄者康執兵柄緬乎眇特進誕生令實登邦政德不擾嗽女滅國兮烏蘇不竟愠羣小三瀆九死兮舉族致命丹心噉一門萬石兮彰厥誠敬皇恩賡生為忠臣令後有餘慶其不天家有孝子兮嚴

親甥聖王之爪乃立豐碑今百代遺詠鴻名表忠孝之際今於斯為感遠圖會中散大夫京兆尹漢陽郡太守贈太子少保鮮于公神道碑銘 永泰二年

公諱向字仲通以字行漁陽人也其先出於殷太師周武王封於朝鮮子仲食邑於于因而受氏漢有京兆尹襄襄十二世孫康後魏秦州刺史直閣將軍武威郡公忠於本朝為齊神武所害康元孫匡贊隋冠氏長義寧初通議大夫匡贊生士簡士迪並早孤為叔父隆州刺史匡紹所育因家於新政士簡士迪皆魁岸英偉以財雄巴蜀招徠賓客名動當時郡中憚之呼為北虜士簡生令徵公之父也個儻豪傑多奇書嘗傾萬金之產周濟天下士大夫與妻兄著作郎廣漢嚴從臬殿中侍御史何千里俱以氣概相高不肯仕宦竟以壽終天寶九載贈遂寧郡太守廣德元年又贈太常卿公少好俠以鷹犬射獵自娛輕財尚氣果於然諾年二十餘尚未知書太常切責之縣南有離堆山斗入嘉陵江形勝峻絕公乃慷慨發憤屏棄人事鑿石構室以居焉勵精為學至以鍼鉤其臉使不得睡讀書好觀大略頗工文而不好為之開元二十年年近四十舉鄉貢進士高第二十六年調補益州新都尉視事二十日謝病去二十七年長史張宥奏元劍南採訪使宥方謀拔安戎獨與公計畫幕中事一以咨公司馬章仇兼瓊惡之及代宥節度乃移郡收公月餘仍釋之俄令攝判使事監越備兵馬復奏充採訪使使盡護劍南軍事首尾二載冒暑渡瀘者凡一十八度公秉操堅校吏人望而畏之改授新繁尉充山南西道採訪使頃之雲南蠻動瓊請公往以便宜從事公戮其尤害者數人蠻夏懾服山南盜賊舊多火光公察其名居悉傾巢穴人到於今賴焉俄拜左衛兵曹例遷也瓊以兩道採訪節度使務悉以委公無何攝監察御史充劍南山南兩道山澤使遷大理評事充西山督察使天寶五載戶部侍郎兼御史大夫郭公虛已代瓊節制郭以庶務一皆仗公公素懷感激竭誠受委故幕府之事無遺諱焉六載拜監察御史公誅羌豪董哥羅等數十人以靖八州之地郭公將圖弱水西之八國奏公入覲元宗駭異之即日拜尚書屯田員外郎兼侍御史蜀郡司馬劍南行軍司馬既略三河收其八國長驅至故洪州與哥舒翰龍右官軍相遇於橫嶺鳴鼓而還及

郭公云亡慟哭之曰公亡矣吾無爲爲善乎初郭公對歎天休每薦公有文武之材堪方面之寄至是遂拜公爲蜀郡大都督府長史兼御史中丞持節充劍南節度副大使公當大任既竭丹誠討吐蕃摩彌城拔之改洪州爲保寧都護府暫弱水爲蕃漢之界收戶數十萬關土千餘里屬恩救命召祗赴京師至臨泉驛上令中貴人勞問賜甲第一區又錫名馬兼供御饌俄拜司農卿將不遠而復十一載拜京兆尹公威名素重處理剛嚴公初善執事者後爲所忌十二載遂貶邵陽郡司馬灌園築室以山泉琴酒自娛賦詩百餘篇俄移漢陽郡太守下車閉閣唯讀元經以自適不幸感疾以十四載閏十有一月十有五日終於官舍春秋六十有二十五載春正月歸葬於新政縣嘉陵江之西岸先塋寶應元年追贈衛尉卿廣德元年又贈太子少保公凡著坤樞十卷文集十卷並爲好事者所傳於戲公負不羈之才懷當世之志方及知命始擢一第從宦十年超登四岳拔身巴江之下自致青雲之上非夫珪璋特達聖賢相遭則何以凌厲沈浮若斯之速既而吉凶糾纏慶弔相隨天睽排於賊臣雄圖屈於促景有足悲矣有子六人仲曰贈左金吾衛尉將軍吳隨公陷於西洱河本河力誤作二戰而沒季曰前鄉貢明經晃神清才秀先公而卒伯曰璧州刺史史克萬孝行見稱衣冠公之捐館也萬里迎喪涕洟而戰塚拔怒段子章之稱亂也閤門逃賊安親而晨夕板輿叔曰萬州刺史吳雅有父風頗精吏道肅宗之幸鳳翔也竭誠幕府以佐公家今上之命庶僚也由華原之政驟登省闕作牧萬州政績尤異有詔遷秘書少監尋又改牧巴州幼曰青城尉晏稚曰成都府參軍景皆保家之主亦著令聞公第晉字叔明敦厚溫敏少以任俠聞事公以悌稱與朋以信著好讀書而不爲章句精吏道尤擅循良再爲法官三秉天憲二登郎署一宰洛陽從其兄之討南蠻也兩軍交戰仗忠信而必使其間佐寧國之如回紇也絕域奉辭布皇明而皆得要領肅宗褒異擢拜南州刺史無何超遷京兆尹不十年而兄弟相代論者偉之永泰二年秋八月有詔自太子左庶子復拜爲中州刺史兼御史中丞印南八州都防禦觀察等使真卿與公同在御史亡兄國子司業允南弟今江陵少尹允臧又與少尹同時臺省既接通家之歡載

敦世親之好以爲徂謝永久所存者微猷陵谷雖遷不朽者金石銘功篆美敦墜所聞其詞曰

洪範垂休系殷封周鮮于身絲派漁陽今世掌漢歷子孫爲奕代有不續臬定襄令冠氏促齡二孫夙丁隋官不寧肇定疆今嘉陵森森雲臺矯矯降生京兆爲龍光今有武有文剛嚴不羣克懋鴻勳制惟梁今既靖巴蜀既清羣數日聞啓沃播周行今結友不終孤我深衷如彼飛蟲反予戕今邵陽典午漢陽紆組執云心苦坦行藏今天不慙遺哲人其萎反葬江湄咀其傷今此令有裕教忠有素天介景祚熾而昌今三世京尹二子專城一門載榮餘慶彰今豐碑魏魏威業暉暉舉世是希與天長令

大曆四年四月
朝請大夫行江陵少尹兼侍御史荆南行軍司馬上柱國顏君神道碑銘

君諱允臧字季寧京兆長安人曹王晉王侍讀贈華州刺史昭甫府君之孫薛王友贈太子少保惟貞府君之第八子也孝悌惇敏有才幹局力所居以吏道稱解褐太康尉太守張倚採訪使韋陟皆器其親嚴與之均禮天寶十載制舉縣令對策及第授延昌令君悉心致理遠者懷而邇者安採訪判官賈至王倫言於使清白名聞會安祿山反遂止潼關陷太守李揖計未有所出君勸投靈武至寧朔屬同羅招六蕃府絕不得通肅宗聞君誠至德初追赴彭原行在所拜監察御史賜緋魚袋遂承任使推勅不避強禦中官邢延恩等皆得罪焉尋充朔方兵健衣資使郭公子儀請爲判官清渠之甥也賊兵四合矢下如雨君挺劍躍馬奔之得出自武功知縣御史及吏人無敢住足君徐坐示暇於大遠然後少至者因令具頓以候今上上大驚喜引之同食河東人郭俊邢詔翻城歸順郭公俾君先入郡以安恤之郭公既至軍郡之事一以咨君隨方決遣無不欣愜有郡人嘗爲賊將崔乾祐判官郭公欲加刑君領證左右以入救遂賞之二年秋八月遷殿中侍御史真卿表謝肅宗批答曰卿昆季連擢才聲並振俱守寒松之操允執後彫之心久冒艱危大知難奪委以憲臺之長克申白簡之威厥第之遷亦爲官擇宜相勸勉各樹能名當代榮之京城收與崔韓衡

命宣撫都人大悅出爲櫟陽令錄事有奸犯者君立榜殺之豪強震恐一縣屏息遷侍御史以當爲郎以兄在南省君遂擢擢半讓轉大理正用法精詳或以賄財執事而妄訴者卿丞莫能止君獨召訊詰責立服衆皆爲君危之寶應中復拜侍御史兼太子中允廣德三年冬十月拜江陵少尹又兼侍御史荆南行軍司馬君清正卓立特爲軍州所敬既而代到屢詔徵入未得行大曆三年冬十一月五日乙亥奄忽感暴疾終於私第春秋五十九其兄真卿聞喪哀摧甚去手足乃命姪男前武功丞頂諒於其妻奉明縣君韋氏其孤前京兆參軍頴泉頴禹等以明年夏四月壬戌歸附君於上都萬年縣鳳樓原先塋之北禮也嗚呼君姿質瓌博襟靈沈粹心根德義躬服孝仁理以居家果於從政與人深一定之分臨事多獨見之明屢佐戎旆必聞忠益六登憲府皆推直諒信可謂朝之正人儒之君子未申殷邦之用遽齋入冥之恨知與不知孰不嗟悼真卿覺深枯薄門祚衰陵同生之人零落皆盡唯形與影相視不足豈圖不造永訣於斯長號立銘泣盡繼血其辭曰

嗟嗟予季特稟純粹曰孝與仁因心則至友由悌睦禮用和貴地地美言歡歡高義行絕枝葉心無頗設經德秉彝拔萃出類環衛入侍牽絲作尉泛愛與人檢莊莅事一作象雷六爲天吏豪右宣威憲臺增氣羣公虛左天子思媚守挹讓郎得仁奚媿司刑棘寺理法昭實儲闡載升亞尹斯位七德繁理萬人攸兢黃髮未登青雲方致云如不淑奄忽云諱國失重寶家摧脛臂以此思哀我生奚寄反葬何所先塋之次濱水東流終峯北擎勒銘金石威烈無墜

左衛率府兵曹參軍賜紫金魚袋顏君神道碑銘

大曆四年四月

君諱幼輿字令軌京兆長安人高宗侍讀贈華州刺史昭甫府君之孫薛王友贈太子少保惟貞府君之第六子也美容止有器度故小名榮焉孝悌仁和精詳禮法博涉史記漢書盡究其義理起家后土齋郎調補汝南郡新息縣主簿恪謹官次備聞修潔紀綱吏人罔弗畏慕太守趙國公王琚器君才名待以殊禮縣之庶務悉以見咨家素清貧從母之孀嫠者宗族之悍悍者皆仰給焉君悉心奉養情禮彌篤哥舒之攻石堡城請君隨軍拜左衛率府兵曹參軍恩敕

賜緋魚袋不幸以天寶九載秋七月旬有三日遇疾而終春秋四十八卽以其月窆於萬年縣鳳樓原先塋西北禮也夫人陳郡殷氏蘭陵郡太夫人之兄子充曹州司法麗正殿學士踐猷之元女高士永寧尉寅之女弟高士壽安尉亮之家姑也我伯舅聰明純粹博學稽古相國陸象先秘書監賀知章象我世父濠州刺史元孫府君友善呼爲五總龜龜千年而五總聞無不知也太夫人以君四世殷之自出原本失其新命君娶之既而遂焉成先志也夫人含風孤映當世以廣德二年廣德止二年舊本作三年誤冬十月二十一日棄牀帳於江陵仲子鳳翔參軍顥泉季子頴不幸早夭大曆四年夏四月壬戌季弟真卿命君孟子前武功丞頂叔子左千牛願度遠日而合祔焉嗚呼君以全德之姿丁休明之運宜其振翼層漢濯鱗清流而位不準才德淪於天吁足慟也謂之何哉銘曰兵曹樂只於穆不已華州之孫少保之子溫溫體度凝凝容止非禮勿言唯德是授人倫領袖宗廟靈鑑佩服服典常韻精文史汾睢歲事新息入仕忠益上官總持綱紀奉養從母必窮珍旨綏族糾宗羣居咸喜哥舒授律石堡侯倚命我邛戎龍章斯被鯢溟未運鴻漸伊始不與之年云如何湮安放安仰嗣徽昭美合葬既遵從周有斐于嗟君東不獲躬視寫恨立銘告哀千祀

顏魯公文集卷九

原
书
空
白
页

顏魯公文集卷十

寧鄉黃本驥仲良編訂

湘陰蔣 瓊維揚參校

神道碑銘三

唐故右武衛將軍贈工部尚書上柱國上蔡縣開國侯臧公神道碑銘

公諱懷恪字貞節東莞人其先出於魯孝公之子彊字子臧大夫不得祖諸侯其孫以王父字爲氏傳哀二伯既納忠於魚鼎文武兩仲亦不朽於言哲丈人成功而遁迹子原抗節而舍生義和辭金飾之器榮緒舊陽秋之筆賢達繼軌紛綸至今曾祖滿隋驃騎將軍祖寵皇朝通議大夫靈州都督府長史父德

碑作德朝散大夫贈銀州刺史威務遠圖克開厥後恤允之慶世祀宜哉公卽銀

州之第三子也身長六尺一寸眉目雄朗鬚髯灑秀雅善騎射尤工尺牘沈靜少言寬仁得衆奇謀冲邁英勇冠倫友于兄弟謹爾鄉黨每敦詩而執禮不苟

柔以吐剛蒞事而剖判泉流臨戎而智略鋒起古所謂文武不墜高明有融者焉少以勳勞亟紆戎級開元初嘗遊平盧屬奚室韋大下公挺身與戰所向摧靡絲是發名玄宗聞而嘉之拜勝州都督府長史銳精佐理矩矱當官朔漠不

空邊隅用又俄拜左衛率府左郎將轉右領軍中郎將兼安北都護軍中受降城使朔方五城都知兵馬使戎事齊足十萬維羣我伐用張軍威以肅由是深爲節度使王峻所器奏充都知兵馬使嘗以百五十騎遇突厥斬啜八部落十

萬餘衆於狼頭山殺其數百人引身據高環馬禦外虜矢如雨公徒且殲遽而給之曰我爲臧懷恪救令和汝何得與我拒戰於時僕固懷恩父設支適在其

中獨遮護之諸部落持疑不肯公剖羊以盟之杖義以責之衆皆感激由此獲免遂與設支部落二千帳來歸後充河西軍前將盤禾安氏有馬千駟怙富不

虔一族三人立皆毆斃軍州懷懷嚙敢不祗俾爲節度相國蕭嵩所賞後充河源軍使兼隴右節度副大使關西兵馬使拜右武衛將軍吐蕃不敢東向者累年俄封上蔡縣開國侯開元十二年歲次甲子春二月二十有六日薨於鄴城之官舍享年五十六其年八月二十三日詔曰故具官某頃以幹能亟承任使

操行愈謹勞効未酬不幸遽殂良增追悼可贈右領軍衛大將軍卽以其年冬

十月庚戌遷窆於京兆府三原縣北原禮也嗚呼公兄在羽林軍大將軍平盧副持節懷亮以方虎之材膺八牙之任孔懷斯切致美則深公七子遊擊將軍

崇仁府折衝希崇豐州別駕贈宋州刺史使希昶左武衛將軍朔方節度副使贈太子賓客希忱右衛左郎將劍南討擊副使贈汝州刺史希愔右驍衛郎將靜

邊軍使贈秘書監希景寧州刺史左金吾衛將軍贈揚州大都督希晏開府儀同三司行太子詹事兼御史大夫弟寧山南觀察使集賢待制工部尚書渭北

節度使魯國公希讓等夙漸詩禮恭承教義芬潤挺蘭玉之姿英威贊號繼之質而希讓識度宏遠器謀沈邃仁親以孝殿國以忠綽裕冠於人倫勳勞懋於

王室至德中今上爲元帥東伐肇允押牙從收兩京陟降左右入侍帷幄既崇翼戴之功出擁麾幢戴叶澄清之寄加以篤睦羣從糾綏宗族吉凶瞻恤終始

無渝行道之人孰不嗟尚肅宗以公有謀翼之勤乾元三年春三月贈魏州刺史寶應元年冬十月又贈太常卿廣德元年冬十月詔曰孝以立身可揚名於

後代忠能事主故追榮而及親開府儀同三司兼御史大夫元帥都虞候魯國公臧希讓亡父贈大常卿懷恪棄茂勳賢地華簪紱佩忠信而行已包禮樂以

資身守節安卑幽貞自適養蒙全正聲利不營雖與善無微促齡悲於逝暮而積善垂祐餘慶光於後昆故得業濟艱難功參締構出有藩條之寄入多爪牙

之任位以德遷禮宜加等父由子貴贈合超倫宜登八座之榮式慰九原之路又贈工部尚書褒異之典於斯爲盛臧氏自驃驍而下世以材雄朔陲尚書既

還特以功懋當代兄弟子姓勳賢聞出自天寶距於開元乘朱輪而拖珪組者數百人迫於今茲繁衍彌熾綰軍州而握兵要者相望國都有後之慶固殊異於他族者矣真卿卑卑與公兄子謙爲田蘇之游敦伯仲之契晚從大夫之後每接常寮之歡故公之世家竊備聞見敢述遺烈將無愧辭銘曰
魯史褒者臧孫有之陳魚則諫納鼎以規沒貴言立時稱聖爲仁昭典墳知叶著龜世濟忠肅道光羽儀以至夫公英明雄毅鶚騰彩龍騰作氣鋒淬霜稜妙窮金匱謀猷泉寫翰墨風駛儒勇是兼勳庸以位介馳戎馬猛奮虎絕漢

援孤連兵戰苦萬虜鳴鏑紛紛如雨一身抗詞謬謬連柱精貫雲日氣雄鉦鼓
狄人義激僕固誠全眇漫窮裔隨降幾千野靜沙雪風恬寒煙我騎如雲我旗
連天牧無南向凱有北旋天子休之命侯開國謂福而壽康衡驛力奚命之運
幽局是卽十城玉折萬里鵬息陣雲蒼蒼日暮無色令人趨奉天眷孔明九原
不作八座哀榮勇列徽範芳時懿名里成冠蓋族茂簪纓萬古千祀瞻言涕零
有唐開府儀同三司行尚書右丞相上柱國贈太尉廣平文貞公宋公神

道碑銘
大曆五年十二月

於戲逆鱗上匡救之義深守死不回人臣之致極况乎文包風雅道濟生靈
建一言而天下倚平舍九德而三光式序超無友而獨立者其惟廣平公乎公
諱璟字嗣二邢州南和人其先出於殷王元子七代祖弁魏吏部尚書襲列人
子祖欽道北齊黃門侍郎並事跡崇高各見本傳高祖元節定州田曹曾祖宏
俊大理丞祖務本皇機陽父元撫衛州司戶贈戶部尚書自田曹至於尚書
皆實浮於名而位不充量事見許公蘇頌所撰神道碑公七歲能屬文一通誦
鵬鳥賦丁尚書府君憂水漿絕口者五日八九歲時嘗夢大鳥銜書吐公口中
公吞之遂乘而直上倏忽驚寤猶若下在胸間自後漢思日新襟懷益爽年十
六七時或讀易曠時不精公遲而覽之自亥及寅精義必究明年進士高第補
上黨尉轉王屋主簿相國蘇味道爲侍御史出使精擇判官奏公爲介公作長
松篇以自與梅花賦以激時蘇深賞數之曰真王佐才也轉合宮尉長壽二年
從調判入高等有司特開天后親問所欲公以代爲唐臣不求榮達詭奏云家
本山東願得魏之一吏遂手詔授錄事參軍拜舞趨出后異而召還又手詔拜
監察御史裏行尋丁齊國太夫人憂服闋築室反耕志圖不起俄而卽真還殿
中侍御史同列有博於臺中者將責名品而黜之博者惶恐自匿翌日公獨正
辭引過天后悅而釋之遷天官員外郎鳳閣舍人御史中丞乃謂所親曰吾比
欲優遊自免不圖要近驟至於斯敢廢所職乎乃悉心納忠無所迴避時張易
之昌宗兄弟席寵脅權天下側目公危冠入奏奮不顧身天后失色蒼黃欲起
公叩頭流血誓以死爭拾遺李邕奏曰陛下坐則天下安起則天下危內史令

敕公出公曰天顏咫尺親奉德音不勞宰臣擅宣王命詞氣慷慨左右震悚遂
俱攝詣臺庭立切責二豎股栗氣索不敢仰視自朝至於日昃敕使馳救之公
不得已而罷又令詣公謝罪公拒之後有慘恤二豎來弔公辭曰貴近不宜與
執法通問假滿朝士慰公二豎又欲序進公舉板迎揖之不得成禮而去神龍
之興復也公實佐其謀及當嚙庸讓而不受曰清宮問罪事出五王祀夏中興
功歸明主非曰逃賞誰敢貪天俄拜朝散大夫吏部侍郎兼諫議大夫遷黃門
侍郎嘗遇梁王武三思於朝三思方欲言事公正色謂之曰當今復子明辟王
宜以侯就第何得尙干朝政三思慚懼而退請恙累月俄而兼攝尙書左丞中
宗將幸西蜀深慮北鄙乃兼檢校并州大都督府長史又改兼貝州刺史與數
人同辭三思獨揖公住公顧謂之曰諸人已出不可獨留遂揖之而去屬年穀
不登國租罷入三思食邑公悉蠲之既屢挫其鋒亦處之自若俄而真拜轉杭
州又復遷相州尋入爲洛州長史唐隆初拜吏部尚書同中書門下三品尋五
日兼右庶子尋加銀青光祿大夫玄宗之在儲闈鎮國太平長公主潛謀廢立
嘗於光範門內坐步檐中諷率臣以此旨諸相失色莫敢先言公威氣詰之曰
東宮有大功宗廟社稷主也安得異議遂奏婦人干政恐生禍階請不令朝謁
俄而男又縱橫公奏之繇是貶楚州刺史主亦竟以凶終無何復拜銀青光祿
充冀三州兼河北按察使尋遷幽州都督兼御史大夫復爲魏州入爲國子祭
酒東都留守開元二年尋拜御史大夫兼京兆尹貶睦州刺史轉廣州都督充
按察經略討擊使又兼御史大夫特許便宜從事前是首領桀驁多據洞不賓
公之下車無敢不聽彼之風俗競趨荀蘭茅茨竹檐比屋鱗次火災歲起煨燼
無餘公教之度材變以陶瓦千甍齊翼萬堵皆興於今賴焉燕國公張說著爲
碑頌無何使中官楊恩勸召公公拜恩而就馬便行在路竟不交一言恩勸以
將軍貴幸泣訴於帝帝嗟嘆久之拜刑部尚書四年遷吏部兼黃門監監修國
史五年復兼侍中明年駕幸東都至三嶠馳道險隘行不得前河南尹李朝隱
知頓使中丞王怡並坐當降黜公奏曰必若致罪二臣將來必受其弊遂命公
舍之曰陛下責之以臣言免之是過歸於上恩由於下臣請使且待罪然後俾

其復職上嘉而從之玄宗嘗命公名諸皇子及公主邑號既而又令各定一美名公奏稱七子均養鵬鳩之德錫以名號不宜有殊若母寵子愛恐非正家之道王化所宜玄宗說而從之八年拜開府儀同三司進爵廣平郡開國公策勳上柱國狂豎權梁山構逆長安有司深探其獄赦公按覆如京兆司錄李如璧等百餘家皆以借宅假器悉當連坐公以婚姻假借天下大同至於京城其例尤衆知情卽是同反無罪不合論辜凶渠之外一切原免天下欣服焉中書令河東張公傑出將明之材獨運廟堂之上鏡機朗澈見事風生求公規模悉閱堂案每至危言讜議執正守中未嘗不廢卷失聲汗流浹背其爲通賢所服也如此十三年^{新舊書皆作十二年}駕幸東都以公爲西京留守公極言得失無有所隱玄宗感悅制曰所奏之言置之座右出入觀省以誠終身因賜綵物二百匹明年又兼吏部十七年拜尚書右丞相雅善戲謔不常矜莊與故戶部尚書王峻爲莫逆之友晚而彌篤凡所談諧人輒疏取端五日蒙賜鍾乳命醫歸鍊或以爲上藥異味不宜委之公曰推誠求信猶懼不應猜以待人信其可得聞者漸退二十一年^{新舊書皆作二十年}抗疏告老至於再三手詔優許遂特給全祿賜絹五百匹還東京公以爲大臣歸休不宜關通人事遂杜絕賓客其年^{新舊書皆作二十年}駕幸洛陽公迎拜道左玄宗親駐龍蹕使榮王琬勞問者數四自後中使往來賞賚不絕方崇乞言之典以極師臣之敬二十五年仲冬月十九日寢疾薨於東都明教里第享年七十五天下失聲玄宗震悼追贈太尉諡曰文貞公贈物米粟常數有加喪葬官供仍詔河南少尹崔樞之充監護使夫人齊國夫人博陵崔氏滄州長史藝之女淑慎嚴整高明柔克訓諸子而慈且有威佐丞相而德無違者門內之理一以見容驛公而沒尤終偕老嗚呼公有七子復同州司功先公而卒昇尚書郎太僕少卿尚漢東太守渾職方郎中諫議大夫御史中丞東京畿採訪使太子左諭德都官郎中延原少尹華判入高等登封尉尉氏令衡右散騎常侍兼御史中丞河南節度行軍司馬或肅或又或哲或謀克薦前烈以休令聞以戊寅歲五月二十九日度奉遺約歸葬公於沙河縣太尉鄉丞相原之先塋夫人合而耐焉禮也惟公聞氣降神應期傑出生知禮度天縱才

明玉立殿天子之拜介然秉大臣之節震電憑怒讜言而不有服躬鼎鑊沸前臨事而義形於色蠶迫檢押難常情之所易志深直諫易古人之所難外其身而富貴不難行其道而死生勿替非夫舍一之德格於皇天不二之心形於造次則何以異是乎九所謂振古之元龜皇王之威寶者矣且夫公之德烈充塞寰宇公之謀猷著明日月大曆五年冬十二月孫儼懼威美不遠求蒙以真卿天祿校文叨太僕之下列憲臺執簡承諭德之深知雖青史傳信實錄已編於方冊而豐碑勳銘表墓願備於論譏謹憑吏部員外郎盧僕所上行狀略陳萬一多恨闕遺其辭曰

天命元鳥降而生商湯孫之緒微子分疆詞招正則尉翼文皇吏部黃門紛綸耿光忠賢世出信史相望篤生丞相祚我有唐文明純嘏毅烈堅剛恆衛間氣星辰降芒彗然山立鏗爾金鏘忠孝之盛人倫紀綱垂髻能文夢鳥發祥通夕究易冲齡擅場勝冠結綬歷政洋洋乃尉合宮貳貳昭現賦嘒梅黠篇美松長蘇公嗟稱才必佐王滿歲從調試言高讓登聞闕黜辰驟列繡裳遽躋天官如圭如璋司言鳳閣綸綍煌煌乃作中丞威稜莫當志除凶狡廷劾二張天后愕眙百寮震惶公獨凜然出身激昂義形言色精實穹蒼皇室中興嘉謀克彰功成牢讓事軼屠羊貳職選曹諫議是匡載清流品屢奏封章乃侍瑣闥時維夕郎悉心糾正庶績咸康三思雖肝席寵干常恭之就第慚懼靡亢左曹攝轄大鹵於襄兼刺貝邱朋朋鴈行三思揖語公獨循牆處之不忤轉旆於杭既還鄴城遂尹洛陽乃作冢宰許謨廟堂俄兼宮相丞綰銀黃玄宗登儲鎮國是遠潛謀廢立謠詠翔翔厥男撓政累奏愆殃幸臨楚邦游察冀方總督幽薊飛國庠亞相烈烈尹京趙趙旋臨建德欽位南荒俚帥咸旣茅櫓是擣張公頌德傳詠甘棠所忠來召拜命卽裝略無交言帝用式臧載司刑吏入座抑揚兼監黃樞鈞軸是將匪躬寢寢終始洗洗乃拜儀同九釐保障河東閱故汧洽流潁狂豎犯關凶渠既戕命公覆獄咸脫死乃陟右授讓論決決每譴王君壹常於莊懸車告老庶保康強方崇饋醕孤映縑緗天不慈遺妻哲壤梁一人震悼九有淒涼市既罷買春仍絕糧乃贈太尉飾終禮滂返葬沙河羽儀央央閭朝傾祖

河尹護喪生榮死哀行路感傷令人孺慕攀泣嗚嗚高墳崔嵬鉅鹿劇旁森梢
宰樹繚繞連岡吁嗟廣平宅此不賜孝孫翼翼論譏靡忘豐碑堅碣萬古皆相
遊擊將軍左領軍衛大將軍兼商州刺史武關防禦使上柱國歐陽使君

神道碑銘 大曆十
年十月

使君諱瑋字子瑋渤海人其先出自帝顓頊高陽氏漢有歐陽伯和伯和孫高
高孫地餘並列儒林晉有堅石著名文苑賢達繼軌其來邈乎六代祖僧寶始
自渤海徙居長沙五代祖頌陳山陽郡公高祖紇陳開府儀同三司左屯衛大
將軍交廣等十九州諸軍事廣州刺史襲山陽郡公功業並著於前史曾伯祖
詢皇朝銀青光祿大夫給事中率更崇賢館學士以詞學德行見重前朝筆法
孤標垂名不朽曾祖允年十七以名門子入侍見賞於太宗十八加正議大夫
魯王傅奉使和突厥不拜虜廷朝廷嘉之回封南海郡公施光二州刺史祖
洛州鞏縣令父機漢州什邡令以休懿傳世著聞於家邦使君即什邡之第四
子志尚恬曠頗精於詩易春秋尤明吏術所居則理開元十八年解褐安西大
都護府參軍充陽_本嘉惠節度推勾官外憂去職服闋補北庭大都護府戶
曹參軍節度使蓋嘉運奏授金滿令仍充營田判官以破賊功當遷請回授幼
弟孤姪者三人教義者稱之二十九年河西節度使奏授晉昌郡戶曹參軍攝
晉昌令轉張掖郡張掖令攝司馬知郡事按吏職罪人誣訟於使司百姓苗
秀康順忠等三十人皆截耳稱冤節度使王推駭焉奏與上考轉岳州長史時
屬荒旱人多羣餒君以祿奉職田并率官吏食餓者千餘人凡月餘遂多全活
劍南節度使楊國忠奏知三峽轉運改衡陽郡長史賜緋魚袋天寶末羯胡作
亂統江湖之兵先至南陽加賜紫金魚袋充魯吳南陽節度副使攝淮南郡長
史充當郡防禦使時南陽為賊所圍諸將選懦莫敢先救至德元載君以當郡
防禦使至新野芙蓉鄉遇賊合戰斬其將犯圍而入旻壯而德之賊圍解加遊
擊將軍左金吾衛中郎將兼南陽郡司馬遷右驍衛將軍兼上洛郡太守充武
關防禦使肅宗降璽書云卿以特達之姿抱殊常之略武關防守委卿一人屬
賊陷商於復圍南陽君屯兵於浙川以保人吏逆賊悉力來攻六十餘日糧

盡救絕遂陷賊庭賊將甘言怵君令至城下以給君君忠勇感激舍生殉義抗
聲謂曰鳳翔諸將已收長安雖不能效死君前辱大夫所使願大夫保守忠
義克終令圖賊以兵刃毆君君志氣彌厲因被執送洛陽今天子收復兩京僅
得脫禍其事具向城令王瀟南陽記又奏君充節度兵馬使君遂辭疾不行
稅駕於鄭之別墅君所居以清白廉慎聞於朝廷祿俸之餘必賜親族之貧者
先囑舊業悉畀羣從一簣不私於其身常持誦金剛淨名經向逾三紀不茹葷
血者十年至是無儻石之儲而處順安時不改其度蓋澹如也識者高焉粵以
上元二年秋九月十四日寢疾而終春秋六十有五夫人高平徐氏安西都護
高平縣公欽識之女婦順母儀克明休德以大曆二年夏六月二十五日終於
岳州客舍享年五十有六其孤嵩中子嵩少子峯等銜恤允窮竭力襄事以
大曆十年冬十月二十四日合祔君夫人於潁澤縣廣武原遵理命也嵩不
遠千里泣而求蒙敢述無愧之詞式揚不朽之烈銘曰

猗那使君世挹清芬韻經師更休有令聞天子命我參卿西軍驟遷大縣克懋
殊勳讓行親睦耳截冤分廢祿食餓馳師解紛孤城再色罷卒益振麾守商於
移兵浙濱綢繆震睞焜燿天文力盡寇多師陷身屯詭詞給賊解路是羣脫禍
歸朝義高天雲乞骸廷闕稅駕駕消漆敦禪誦茹絕羶葷處順齊終聊樂我云
刻諸金石永永不泯

銀青光祿大夫海濱饒房睦台六州刺史上柱國汲郡開國公康使君神

道碑銘 大曆十
一年

君諱希銑字南金其先出於周武王同母少弟衛康叔封之後也史記云成王
長用事舉康叔為周司寇賜衛寶祭器以彰有德封子康伯支庶有食邑於康
者遂以為氏焉代為衛大夫至漢有東郡太守超始居汲郡超之裔孫魏強弩
將軍權權生晉虎賁中郎泰泰生_嗣太守威威生蘭陵令奮節將軍翼隨晉元
帝過江為吳興郡丞因居烏程事見山謙之吳興記翼生豫章太守鎮鎮生征
虜司馬建武將軍欽信欽信生宋晉熙王兵曹參軍黯黯生南臺郎高生齊
驃騎大將軍孟真孟真生梁散騎侍郎僧朗僧朗生陳給事中五兵尚書宗諤

為山陰令子孫始居會稽遂為郡人焉曾祖孝範江夏王府法曹臨海縣令祖
英隋齊王府騎曹江寧縣令皇朝隨郡王行軍倉曹父國安明經高第以碩學
掌國子監領三館進士教之策授右典戎衛錄事參軍直崇文館太學助教遷
博士白獸門內供奉崇文館學士贈杭州長史君即長史府君之叔子也年十
四明經登第補右內率府曹曹應詞藻宏麗舉甲科拜秘書省校書郎轉左金
吾衛錄事參軍應博通文史舉高第授太府寺主簿轉丞又應明於政理舉拜
洛陽河清令加朝散大夫涇州司馬德州長史轉定州屬突厥侵疆君以偏師
抗之遷海州刺史上功以敕書賜方岳繡袍一領雜綵二百段下車未幾詔擇
政術尤異者察使奏公恩制褒異遷濮州加銀青光祿大夫累封汲郡開國公
策勳上柱國轉饒州入為國子司業以言事貶房州轉睦州遷台州所至之邦
必開美政開元初入計至京抗表請致仕玄宗不許仍留三年請歸鄉救書褒
美賜衣一襲並雜綵等仍給傳驛至本州冬十月二十有二日不幸遽疾薨於
會稽覺尤里第春秋七十一夫人陳郡殷氏太子中舍人聞禮之曾孫右清道
率令德之孫洛州錄事參軍子恩之第五女睿宗先天二年封丹陽郡夫人公
薨之年沒於東都章善坊私第春秋六十九嗣子朝散大夫婺州司馬襲汲郡
公元瑛會稽縣男元瑾宣州司士京兆府奉先尉會稽縣男元瑒朝議郎前獲
嘉丞元瑒等虔以天寶四載七月四日望於山陰縣離諸村之先塋卜遠日而
合葬焉禮也嗚呼君負不器之姿包周身之智寬仁且惠慈愿而恭金玉其相
敬明其道文意麗藻二雅所祇政事優長百僚所則嘗撰自古以來清白吏圖
四卷仍自為序贊以見其志宰相黃門侍郎章承慶中書舍人馬吉甫等笑而
同述焉盛行於世赴海州時君兄德言為右臺侍御史弟為僊師令俱以詞學
擅名時同請歸鄉拜掃朝野榮之與狄仁傑岑義章承慶嗣立元懷景姚元崇
友善至是咸傾朝同賦詩以餞之近代未有此比君之四代祖至於大父為諸
王掾屬者七人歷尚書郎給事中侍御史者二人君之先君崇文學士府君有
文集十卷注駁文選異義二十卷漢書賦一十卷自述文集二十卷元昆修書
學士顯府君文集十卷撰詞苑麗則二十卷海藏連珠三十卷累璧十卷姪祕

書監集賢院侍講學士字一撰周易異義二十卷秀州長史元瑒著千祿寶
典三十卷姪刑部員外郎羅美原尉南華撰代耕心鏡十卷字六百二十卷
君之先君至南華四代進士登甲科者七人舉明經者一十三人時君字五門
顯威美矣君之女曰辨惠蓋屋縣令陝郡長史邵象錢之妻君之孫台州司戶
參軍字三先歲而卒汾州司田參軍真弼德州平昌縣令輔文崇文學士生曙懷
州武陟尉愔宣州南陵尉渭鄉貢明經緯綸皆修身踐言敦詩說禮紹承餘訓
克稟義方及君告老鄉自然陳光壁間邱景陽陶暹送越州邑子謝務選僧陸
鑒校書郎陳齊卿恆為文酒之會論者休焉恆求舊之念崇乞言之禮天乎不
慙其恨若何大曆十一年元瑒字九乞願言刊勒懼沒徽猷求無愧之詞垂不
朽之事顧為末學曷足當仁銘曰

汲公恂恂德懋而淳濟濟多士東南有筠緝熙代業詞章發身佐軍貔虎典校
麒麟三擢昆玉再司字二鵬翔海汭驥展河滑驂貳嘉州錫命斯頻繡龍方岳
榮加搢紳六登字一洽膠庠字六華墓表申字二見節文昭友仁懸車告老衣
錦頤神連璧懿懿梓澤齊彬饋醕未濟春懷遽淪朝廷惋悼遠近悲辛季子象
賢恐懼鬱堙嘉猷歲千秋不泯

京兆尹御史中丞梓遂杭三州刺史劍南東川節度使杜公神道碑銘大
十二年十一月

征鎮四出鑿門之寄崇邦畿千里內史之官最非夫任均周召名軼趙張則何
以展心膂之謀光祐之制者矣君諱濟字應物京兆杜陵人晉征南大將軍
當陽侯元凱十四代孫周禮部侍郎殿內監甘棠公懿之來孫隋符璽郎乾祐
之元孫皇朝度支員外主客郎中續之曾孫朝散大夫明堂丞贈潤州刺史知
讓之孫高陵令贈太子少保惠之第三子也器識通簡履履坦易以文飾吏用
晦而明逗機而舉無遺譖莅事而照有餘地早歲以養郎從調書判超等為李
吏部彭年所賞補梁州南鄭主簿州主司馬垂為山南西道採訪使引在幕下
俄丁內艱終制轉許州長社尉楊光翹都督隴西奏公為法曹皇甫旆採訪江
西奏公為推官授大理司直攝殿中侍御史賜緋魚袋尋正除殿中御史郎縣

相國李峴尹京兆奏公爲渭南尉僕射裴寬爲劍南節度奏公爲成都令遷縣
州刺史賜紫金魚袋屬徐知道作亂使裨將曹懷信招公公執以歸朝除戶部
郎中加朝散大夫廣德中檢校駕部郎中上柱國公善與人交於嚴武情均莫
逆再充劍南節度爲武行軍司馬郭英乂之代武也矯宣恩命毀玄宗宮爲節
度使宅公驚其異謀移疾不視事今司空冀國公崔寧既誅英乂請知使事公
堅臥不起仍俾通泉令前殿中侍御史韋都賓密使家僮潛表事實大曆初杜
鴻漸分蜀爲東西川公爲副元帥判官知東川節度拜太中大夫縣劍梓遂渝
合龍普等州都防禦使梓州刺史兼御史中丞公以威信馭戎寬明莅俗克念
八州之地綏靖兩川之人朝廷嘉之尋拜東川節度使俄而移軍復爲遂州都
督徵拜給事中開歲拜京兆少尹明日遷京兆尹出爲杭州刺史不逾周歲風
化大行不幸感疾又聞代到請尋醫於晉陵以大曆十二年歲次丁巳秋七月
二日辛亥薨於常州之別館春秋五十有八夫人京兆韋氏曰平仲房州刺史
景駿之孫禮部尚書琅邪王邱之外孫太子中舍迪之第三女也精識高明正
家柔克移天有幹夫之疊宜室多綏族之仁六姻稱其壺則四德被於彤管生
三子四女而公卽世夫人晝哭茹毒星言割哀留子壻祕書省校書郎范陽盧
少康衆二子匡陟緝寧家殘獨與子肅匍匐萬里以祗護喪櫬冬十一月至上
都二十四日壬申虔望公於萬年縣洪原鄉之少陵原附先塋也仍自爲祭文
以抒意其略曰周旋吳蜀備歷艱危不陷寇難賴君攜持一朝孤立更復何依
魚失水而鱗悴樹無根而葉萎詞理精婉才情懇到聞者傷愍焉於戲公以傑
俊之材當艱虞之際伸其智略宣力盛時頡頏鸞鷟之間總統龍犀之節旋登
瑣闥驟陟尹畿方當焜耀高衢升凌台序而一麾出守鍛翻江皋竟吉往而凶
歸殯此志而沒地吾道慙矣真卿何幸得忝維私未終倚玉之歡遽切據梧之
恨吁足痛也銘曰

杜侯峨峨令聞猗猗其用於世爲猷匪他理稱易簡政絕煩苛州縣發跡雲霄
切摩化存江潯威肅岷嶓巴蜀靖謐精誠孔多瑣闥久拜亞尹過過始陟京兆
旋移浙河云如不弔遽此凶殤哲婦哭晝護喪奔波附於先壟映蔚條柯曷用

表德勒銘墳阿

案唐書宰相世系表載濟爲高陵令惠之子此碑及墓誌皆云惠之第三子
表闕其長次二子表又載濟五子匡陟緝寧揚集載此碑及墓誌皆云三子
而以揚爲肅碑云衆二子匡陟緝寧家殘獨與子肅匍匐護櫬蓋緝寧家殘
四字爲句輯和也寧安也用湯普輯寧爾邦家語謂其妻韋氏留二子匡陟
料理家事之殘缺而攜其季子扶櫬於常州也世系表據此碑錄入誤以緝
寧爲二子之名故云五子全唐文據表改碑云衆四子匡陟緝寧則下家殘
二字不成句矣今仍從集本訂正

顏魯公文集卷十

寧鄉黃本驥仲良編訂

湘陰蔣 瓊維揚參校

神道碣銘

杭州錢塘縣丞殷府君夫人顏君神道碣銘

君號真定現瑯琊沂人北齊黃門侍郎之推府君之元孫皇朝秦王記室恩魯府君之曾孫著作郎宏文崇賢學士勳禮府君之孫皇曹王侍讀贈華州刺史昭甫府君之季女錢塘丞殷履直之妻也聰慧明達發乎天性孝仁敬讓迥出人表精究國史博通禮經問無不知德無不備其在家也九族仰其壹儀其移天也六姻賴其任恤天后當宇旁求女史太夫人殷氏以彤管之才膺大家之選召置左右不遑顧復二弟曰秘書監元孫府君太子少保惟貞府君藐焉始孩頃隔怙恃君躬自誨育教之詩書悉擅大名皆君力也叔父吏部郎中敬仲府君爲酷吏所誣君率二妹宜芳令義安期妻司業岑獻妻割耳訴冤因獲減死及誕男成己而左耳缺焉君有三子長曰武康丞嘉紹尤工小篆爲寸字飛白勁利絕倫倫子增郎中柳芳今之良史芳子太樂令寬幼立威名次曰處士齊望有成人之姿幼曰晉州長史成已推善填書兼綜才藝鳴謙勇退不登清秩每與文士族祖潛武平一呂因李嶺陳齊卿族舅斥朝內弟曜卿允南姨弟劉瑾族弟寅同賦詩多擅警絕之句六女長適李氏生安陸令銓孝養於君次適王元淑著漢春秋次適蔡九言生燕學士闕爲當代之冠次適顏昭粹粹女適司勳郎闕才器爲海內關楊欽生濯季淮幼適我兄闕疑仁親友悌有闕度爲尼感殊闕慈明及女甥真卿童孺時特蒙君教言辭音韻闕延壽王孫賦崔氏飛龍篇江淹造化篇五都賦不幸開元二十五年秋七月有五日以隨牒終於成己尉氏尉之公館享年八十四粵以明年春正月合祔於東京萬安山之王寶原禮也嗚呼君全德內充慈仁外被才明可以升博士法度可以律母師雖偕老不俱無石窮魚軒之貴而長筵律慶多鐙鳳乘龍之歡於足云也真卿不敏夙承誨誘追深仁而莫逮謀不朽其庶茲銘曰

表墓碑銘

唐故容州都督兼御史中丞本管經略使元君表墓碑銘

并序 大歷七年十一月

嗚呼可惜哉元君君諱結字次山山皇家忠烈義激文武之直清臣也蓋後魏昭成皇帝孫曰常山王遵之十二代孫自遵七葉王公相繼著在傳史高祖善禪皇朝尚書都官郎中常山郡公曾祖仁基朝散大夫襄信令襲常山公祖利貞霍王府參軍隨鎮改襄州父延祖清淨恬儉歷魏城主簿延唐承恩間輒自引去以魯縣商餘山多靈藥遂家焉及終門人謚曰太先生寶應元年追贈左贊善大夫君聰悟宏達個儻而不羈十七始知書乃授學於宗兄先生德秀著說楚賦三篇中行子蘇源明駭之曰子居今而作真淳之語難哉然世自澆浮何傷元子天寶十二載舉進士作文編禮部侍郎陽浚曰一第汗元子耳有司得元子是賴遂登高第及謁胡首亂逃難於猗玗洞因招集鄰里二百餘家奔襄陽元宗異而徵之值君移居漢溪乃寢乾元二年李光弼拒史思明於河陽肅宗欲幸河東聞君有謀略虛懷召問君悉陳兵勢獻時議三篇上大悅曰卿果破賊朕憂遂停乃拜君右金吾兵曹攝監察御史充山南東道節度參謀仍於唐鄧汝蔡等州招緝義軍山棚高晃等率五千餘人一時歸附大壓賊境於是思明挫銳不敢南侵前是泌南戰士積骨者君悉收瘞刻石立表命之曰哀邱將吏感焉無不勇勵璽書頻降威望日崇時張瑾殺史翽於襄州遣使請罪君爲奏聞特蒙嘉納乃真拜君監察仍授部將張遠帆田瀛等十數人將軍屬荆南有專殺者呂誣爲節度使誣辭以無兵上曰元結有兵在泌陽乃拜君水部員外郎兼殿中侍御史充誣節度判官君起家十月超拜至此時論榮之屬道士申泰芝誣湖南防禦使龐承鼎謀反並判官吳子宜等皆被決殺推官嚴郢坐流俾君按覆君建明承鼎無辜獲免者百餘家及誣卒淮西節度使王仲昇爲賊所擒裴茂與來瑱交惡遠近危懼莫敢誰何君知節度觀察使事經八月境內晏然今上登極節使留後者例加封邑君遜讓不受遂歸養親特蒙褒獎

乃拜著作郎遂家於武昌之樊口著自釋以見意其略曰少習靜於商餘山著
元子十卷兵起逃難於猗玗洞著猗玗子三篇將家漢濱石本漢濱乃自稱浪士
著浪說七篇及爲郎時人以浪者亦漫爲官乎遂見呼爲漫郎著漫記七篇及
家樊上漁者戲謂之聲叟字八又以君漫浪於人間或謂之漫安歲餘上以君
居貧起家爲道州刺史字二州爲西原賊所陷人十無一戶纔滿千君下車行
古人之政二年間歸者萬餘家賊亦懷畏不敢來犯既受代百姓詰闕請
立生祠仍乞再留觀察使奏課第一轉容府都督兼侍御史本管經略使仍請
禮部侍郎張謂作甘棠頌以美之容府自艱虞以來所管皆固拒山谷君單車
入洞親自撫諭六旬而收復八州丁陳郡太夫人憂百姓詣使請留大歷四年
夏四月拜左金吾衛將軍兼御史中丞管使如故君矢死陳乞者再三優詔褒許
七年正月朝京師上深禮重方加位秩不幸遇疾中使臨問者相望夏四月庚
午薨於永崇坊之旅館春秋五十朝野震悼焉二子以方以明能世其業名雖
著而官未立以其年冬十一月壬寅虔葬君於魯山青嶺泉陂原禮也嗚呼君
其心古其行古其言古躬是三者而見重於今雖擁旄麾幢總戎於五嶺之下
彌綸秉憲對越於九重之上不爲不遇然以君之才之德之美竟不得專政方
面登翼泰階而感激者不能不爲之太息也君雅好山水聞有勝絕未嘗不枉
路登覽而銘贊之感中行見知之恩及亡至今分宅以恤其子其不偷也多此
類中書舍人楊炎常哀皆作碑誌以梓君之德業故吏大歷令劉哀江華令瞿
令問故將張滿趙溫張協王進興等感念恩舊皆送喪以終葬竭資鬻石願垂
美以述誠真卿不敏常忝次山風義之末尚存蠶往敢廢無愧之辭銘曰
次山斌斌王之蓋臣義烈剛勁忠和儉勤炳文華國孔武寧屯率性方直石本直
力作直秉心真純見危不撓臨難遺身允矣全德今之古人奈何清賢素志莫申
羣士立表垂聲不泯

墓誌銘

京兆尹兼中丞杭州刺史劍南東川節度使杜公墓誌銘大歷十二年十一月
九有無虞行師貴於社席四方取則鉤鉅資乎浩穰誰其有之則杜公其人矣

公諱濟字應物京兆杜陵人皇主客郎中續之曾孫明堂令知讓之孫贈太子
少保惠之第三子姿度韶舉心靈敏達在家必聞既蘊睦親之志所居則化多
稱不器之能解褐南鄭主簿州主司馬垂引在使幕轉長社尉隴西法曹皇甫
侁江西採訪奏爲推官授大理司直攝殿中侍御史賜緋魚袋尋正除殿中歷
宰郿渭南成都三縣縣州刺史賜紫金魚袋戶部郎中加朝散大夫廣德中檢
校駕部郎中上柱國充嚴武劍南行軍司馬杜鴻漸分蜀爲東西川以公爲副
元帥判官知東川節度拜太中大夫兼劍梓遂都防禦使梓州刺史兼中丞時
寇盜充斥公示以威信入將之不隕公之力焉尋拜東川節度使俄而移軍復
爲遂州都督徵拜給事中開歲拜京兆少尹明日遷京兆尹出爲杭州刺史公
務清簡庭落若無吏焉不幸感風疾以大歷十二年歲次丁巳秋七月二日辛
亥薨於常州之別館春秋五十有八夫人京兆韋氏太子中舍迪之第三女也
沈敏精深高明柔克幹夫之蠱以懋厥家凡生三子四女而公卽世夫人星言
書哭躬護輓輿子肅以冬十一月二十有四日壬申歸窆公於萬年縣洪原
鄉之少陵原附先塋也嗚呼以公之志業才力宜其振鐸麟鳳凌厲清浮而命
作成山功虧長世吁足恨也真卿忝居友壻亟接周行痛音徽之永隔感存歿
其何已銘曰

萬歲萬時維杜公業光臺省政洽軍戎乃尹京兆乃麾江東帝方俟理命則
不融內子謹喪哀哀送終

墓碣銘

曹州司法參軍秘書省麗正殿二學士殷君墓碣銘大歷五年五月

善父母之謂孝睦昆友之謂悌孝悌也者其仁之本歟經天緯地之謂文博古
知今之謂學文學也者其德之蘊歟誰其兼之卽我伯舅殷君其人矣君諱踐
猷字伯起陳郡長平人五代祖不害以孝見梁書高祖英童周御正大夫麟趾
學士曾祖聞禮唐太和中書舍人宏文館學士祖令言校書郎滑川令父子敬
太常博士吳令累葉皆以德行名義儒學翰墨聞於前朝君卽吳縣之元子幼
而聰悟絕倫長而典禮不易年十三日誦左傳二十五紙讀稽聖傳一遍亦誦

之博覽羣言尤精史記漢書百家氏族之說至於陰陽數術醫方刑法之流無不該洞焉與賀知章陸象先我伯父元孫章述友善賀呼君爲五總龜以龜千年五聚問無不知也君性方正志業淳深識理清遠人皆望而服之解褐杭州參軍刺史宋璟以相國之重簡貴自居無所推揖每見君必特加禮敬凡政事之疑難者皆咨決焉開元初舉文儒異等授秘書省學士尋改曹州司法參軍麗正殿學士與韋述袁暉同修王儉今書七志及羣書四錄流別銓次皆折衷於君環與蘇頌既入相每引君詢以當代之務友于兄弟羣從宗黨必盡紼綏之恩長妹蘭陵郡太夫人真卿先妣也中年孀嫠遺孤十人未能自振君悉心訓獎皆究恩意故能長而有立開元九年秋七月九日有叔父臨黃尉子元之喪哀慟嘔血終於京師通化坊之私第夫人蘭陵蕭氏司空瑀之元孫括州司馬宋國公興宗之女賢和齊肅秉修禮度能讀論語周易泛觀史傳率諸婦以和義故閭閻修睦焉君之捐館以清白留遺家道率然夫人躬甘菲糲勸勉桑榆晏息晨興以率勵僮僕行之數歲經費羨焉教誨三子攝寅克齊等皆克負荷攝大斌令克齊高平尉爲真卿河東覆屯軍試判官並不幸早世實聰達有精識能繼先父之業有大名於天下舉宏詞太子校書丞尉筆殺護吏貶移澄城丞久疾將歿顧瞻太夫人欲訣不忍其子監察御史亮年未志學隱而潛禮之及寅卒斬指鬚髮實於棺中誓事太夫人不敢渝常日及有疾不脫衣帶者數年故白燕巢於苦楸乾元元年太夫人季女適於邠州司馬陸超板輿隨牒俄而遽疾三月朔日終於超之官舍春秋八十有一龜筮未從因權殯於三水亮以校書郎遷壽安尉爲真卿荆南節度推官廣德二年十有二月與弟今榮陽尉承簡偕徒步力護雙輓合祔君夫人於新安縣之龍澗原三子壘從理命也嗚呼以君之才之美被服純行加人數等清修素業爲代元龜竟不得贊皇極而叶彝倫登泰階而儀百辟不其惜乎嗟乎仲尼聖者也終於魯司寇而君官與之比公明達者也年纔四十八而君壽與之齊豈聖賢之道有遭遇乎將運命之數有窮通乎茲小子所以獻疑而述報施也大歷五年夏五月真卿以恩宥刺撫於州採石刻頌用寄碣於墓左銘曰

殷之後昆奕葉儒門威烈存今君能濟美於穆不已明德尊今運促道長身歿名揚教義敦今合祔先室述遺理命哀順孫今高墳崔嵬龍澗之隈映鮮原今斯焉寔止以望君子慰營魂兮

祭文

祭姪季明文
乾元元年九月

維乾元元年歲次戊戌九月庚午朔三日壬申第十三叔銀青光祿大夫使持節蒲州諸軍事蒲州刺史上輕車都尉丹陽縣開國侯真卿以清酌庶羞祭於亡姪贈善大夫季明之靈惟爾挺生夙標幼德宗廟瑚璉階庭蘭玉每慰人心方期戢穀何圖逆賊聞聲稱兵犯順爾父竭誠常山作郡余時受命亦在平原仁兄愛我俾爾傳言爾既歸止爰開土門土門既開凶威大震賊臣不救孤城圍逼父陷子死巢傾卵覆天不悔禍誰爲荼毒念爾遺殘百身何贖嗚呼哀哉吾承天澤移牧河東泉明比者再陷常山攜爾首觀及茲同還撫念摧切震悼心頗方侯遠日及爾幽宅魂而有知無嗟久客嗚呼哀哉尙饗

祭伯父濠州刺史文
乾元元年十月

維乾元元年歲次戊戌十月庚子朔二十一日庚申第十三姪男銀青光祿大夫使持節饒州諸軍事饒州刺史上輕車都尉丹陽縣開國侯真卿敢昭告於亡伯故朝議大夫濠州刺史府君之靈曰日者羯胡祿山侵擾河洛生靈塗炭兵甲靡遺二兄某卿任常山郡太守忠義憤發首開土門擒斬逆豎挫其凶慝先蓋授衛尉卿兼御史中丞城孤援絕身陷賊庭聖朝哀榮褒贈太子太保甥姪八人季明盧遯第被賊害者並贈五品京官嫂及兒女皆被拘囚審略昭宣宇宙清廓脫於賊手並得歸京真卿比在平原遭罹凶逆與果卿同心協德亦著徵忱二聖憫焉授戶部侍郎河北採訪招討使又遷工部憲部二尚書再兼御史大夫出爲同蒲饒三州刺史聖恩錫類大父贈華州刺史兄弟姪盡蒙國恩允南授膳部郎中允臧授侍御史威明試太僕丞頒授太子洗馬頂授協律郎頗授秘書省校書郎賜緋魚袋泉明顯類等並蒙遷改一門之內生死哀榮真卿時赴饒州至東京得申拜掃又方遠辭違伏增感咽謹以清酌庶羞

之奠以伯母河南縣君元氏配尙饗

殘碑

橫山廟碑

神居武陵其地有湖每出則神獸前道形如白馬

案此橫山廟殘碑也橫山未詳所在考湖州府志府城南十六里有衡山古

衡橫字通用吳興掌故云諸山中惟此山橫列故名則此碑亦大歷中公在

湖州時撰第所云神居武陵云云則碑無上下文可證不知何所謂耳

逸文存目

勅榮陽鄭延祚停母喪三年不葬疏

奏金吾將軍李延素召蕃客內宴引駕仗不報疏

薦安陵處士張鎬疏

奏范陽節度使安祿山反狀疏

奏安祿山反范陽至洛陽疏

招河北太守賀蘭進明討賊書

上靈武蠟丸疏

再上蠟丸疏

論宰相元載奸狀疏

上所著韻海鏡源表

上選舉利害事宜疏

右見殷亮撰行狀

乞致仕第一疏

乞致仕第二疏

乞致仕第三疏

右見舊唐書德宗紀

請修東都太廟附主疏

右見舊唐書禮志

志云長慶六年吏部郎中鄭亞等請修附主與建中元年禮儀使顏真卿所奏事同

遺表

自祭文

自爲墓誌銘

右見新唐書本傳

梓材賦

右見留元剛撰年譜公二十六歲試進士時作

文殊師利菩薩碑

右見公書文殊帖僧皎然有觀立此碑詩

江州祖亭記

右見歐陽詹弔九江驛碑材文

臨川自沈碑

右見沈顏碎碑記

湖州射堂記

和州刺史張敬因碑

右見集古錄

工部尚書郭虛己碑

富平尉顏喬卿碑

大斌令殷攝碑

顏默碑

顏允南妻陳夫人碑

慈恩寺常住莊地記

右見金石錄

元宗賢妃盧氏墓誌銘

華州刺史顏顯甫碑

右見寶刻叢編

撫州刺史張景倩清德頌

釋林寺智者禪師畫像讚

廣德軍橫山廟碑

撫州元子哲遺愛碑

右見輿地碑目

題大聖慈寺盧稜伽畫壁

右見益州金石記

元武湖記

旌儒廟碑

東莞臧氏故宅碑

右見古今石刻碑目

魯郡太守張府君碑

右見古今碑錄

與柳冕帖

右見梁溪集

顏魯公文集卷十一

原
书
空
白
页

寧鄉黃本驥仲良編訂

湘陰蔣 瓊維揚參校

古近體詩

詠陶淵明

張良思報韓龔勝恥事新狙擊不肯就舍生悲摺紳嗚呼陶淵明奕葉爲晉臣
自以公相後每懷宗國屯題詩庚子歲自謂義皇人手持山海經頭戴漉酒巾
與逐孤雲外心隨還鳥泯

贈裴將軍

大君制六合猛將清九垓戰馬若龍虎騰凌何壯哉將軍臨八荒烜赫耀英材
劍舞若游電隨風榮且迴登高望天山白雪正崔嵬入陣破騎虜威名雄震雷
一射百馬倒再射萬夫開匈奴不敢敵相呼歸去來功成報天子可以畫麟臺
案裴將軍裴旻也新唐書李白傳云文宗時詔以白歌詩裴旻劍舞張旭草
書爲三絕旻嘗與幽州都督孫佺北伐爲奚所圍旻舞刀立馬上矢四集皆
迎刃而斷奚驚引去其事在睿宗時見新書突厥傳王右丞維贈旻詩云腰
間寶劍七星文臂上珣弓百戰勳見說雲中擒黠虜始知天上有將軍維與
魯公詩皆美其北伐事又岑參有裴將軍宅盧管歌亦爲旻作也魯公此詩
當是上元元年入爲刑部侍郎時作

刻清遠道士詩因而繼作

不到東西寺於今五十春揭來從舊賞林壑宛相親吳子多藏日秦王厭勝辰
劍池穿萬仞盤石坐千人金氣騰爲虎琴臺化若神登壇仰生一捨宅數珣珉
中嶺分雙樹迴巒絕四鄰窺臨江海接崇飾四時新客有神仙者於茲雅麗陳
名高清遠峽文聚斗牛津跡異心寧聞聲同質豈均悠然千載後知我揖光塵
附清遠道士同沈恭子遊虎邱寺有作

我本長殷周遭罹歷秦漢四瀆與五嶽名山盡幽竄及此寰區中始有近峯
翫近峯何鬱鬱平湖渺瀾漫吟眺川之陰步上山之岸山川共澄澈光彩交

凌亂白雲蒼欲歸青松忽消半客去川島靜人來山鳥散谷深中見日崖幽
曉非旦聞子感游遨風流足詞翰嘉茲好松石一言常累數勿謂余鬼神忻
君共幽贊

附追和太師顏魯公刻清遠道士游虎邱詩

趙郡李德裕文鏡

茂苑有靈峯嗟余未遊觀藏山在平陸壤谷爲高岸岡繞數仞牆巖潛千丈
幹乃知造化意回幹資奇玩鏤騰昔虎踞劍沒書龍煥潭黛入海底崑崙聳
霄半層巒未升日哀寂寧知且緣篠夏凝陰碧林秋不換冥搜既窮窅回望
何蕭散川晴風氣收江春雜英亂逸人撥清藻前哲留篇翰共扣哀玉音皆
舒文繡段難追彥回賞徒起與公數一夕如再升含毫星斗爛

附追和虎邱清遠道士詩并序

襄陽皮日休襲美

虎邱山有清遠道士詩一首其所稱自殷周而歷秦漢迄於近代抑二
千年末以鬼神自謂亦神怪之甚者格之以清健飾之以俊麗一句一
字若奪若搏彼建安詞人儻在不得居其右矣顏太師愛之不暇遂刻
於巖際并有繼作李太尉衛公欽清遠之高致慕魯公之素尚又次而
和之顏之敘事也典李之屬思也麗并一時之寡和太玄曰大無方易
無時然後爲鬼神也噫清遠道士果鬼神乎抑道家者流乎抑隱君子
乎詞則已矣人則吾不知也

成道自衰周避世窮炎漢荆杞雖云梗煙霞尙容竄茲岑信靈異吾懷愜流
玩石澗古鐵鉉風重輕埃漫松膏膩幽徑蘋沫著孤岸諸蘿幄暮暗衆鳥陶
匏亂巖罅地中心海光天一半玄猿行列歸白雲次第散蟾蜍生夕景沉灘
餘清旦風日采幽什墨客學靈翰嗟予慕斯文一詠復三歎顯晦雖不同茲
吟粗堪贊

附追和清遠道士詩韻

蘇州陸龜蒙魯望

一代先後賢聲容劇河漢況茲邁古士復歷蒼厓宸經幾十萬遊與靈壽
玩海嶽尙推移都鄙固蕪漫羣僧下高閣獨鳥沒遠岸嘯初風雨來吟餘鐘
頃亂知何鍊精魄萬祀忽欲半寧爲斷臂憂肯作秋拍散吾聞鄴宮內日月

自昏且左有脩文郎縱橫灑篇翰斯人久冥漠得不垂慨歎庶或有神交相從重與贊

附補沈恭子詩并序

陸龜蒙

案清遠道士詩題中有沈恭子同遊既為神怪之傳得非姓氏謠得恭子若趙宣子韓獻子之類邪恭子美諡也而詩中有風流詞翰之稱豈獨唱而不和者歟疑闕其文以為恭子之恨乃作一章存於編中亦補亡之義也

靈質質軒昊退年越商周自然失遠裔安得怨寡儔我亦小國裔易名慚見優雖非放曠懷雅奉逍遙游攜手桂枝下屬詞山之幽風雨一以過林麓颯然秋落日倚石壁天寒登古邱荒泉已無夕敗葉翳不流亂翠缺月隱衰紅清露愁覽物性未逸反為情所囚異才偶絕境佳藻窮冥搜虛傾寂寞因敢作雜珮酬

案魯公詩及清遠道士原作摹入宋留元剛所刻忠義堂帖後有大曆五年十二月刑部尚書顏真卿書十七字永泰二年魯公以刑部尚書貶為峽州別駕至大曆十二年始復為刑部尚書大曆五年公方為撫州刺史題衡書前刑部尚書撫州刺史可也不應仍署刑部尚書衡其時公在撫州亦無由得至吳郡唐避國諱改虎邱作武邱詩題不應仍稱虎邱魯公書虎字皆缺末挑帖本不缺詩中旦字及珉字偏旁之民皆唐代廟諱帖亦直書不避諱此帖為魯公書則種種可疑然其詩則確為公作而書與款蓋後人偽託也此詩之作應在大曆六年罷撫州事移寓江寧時繞道吳郡而作詩云不到東西寺於今五十春公卒於貞元元年年七十七歲逆推至大曆六年公年六十二歲又逆推而上五十年為開元十年公年方十有四歲公撰舅父殷踐猷墓碣云父子敬太常博士吳令公母蘭陵郡太夫人為子敬長女公幼而孤其至吳郡蓋侍母氏隨外祖子敬之任故知此詩確為公作清遠道士及沈恭子不知為何時人魯公詩曰悠然千載後則以為秦漢仙者以詩體而論蓋亦唐人也今以李文鏡及皮陸和作彙錄於後以見一時追和之盛

題杼山癸亭得暮字原注亭陸鴻漸所建

杼山多幽絕勝事盈趾步前者雖登攀淹留恨晨暮及茲紆勝引曾是笑無度歛構三癸亭實為陸生故高賢能利物疏鑿皆有越不越方丈間居然雲霄遇魏峨倚修岫曠望臨古渡左右苔石攢低昂桂枝蠹山僧狎猿猱巢來枳根俯視何楷臺傍瞻戴馬路遲迴未能下夕照明村樹

案湖州府志杼山妙喜寺有晉吳興太守何楷釣臺又州東北十八里有戴山譙郡戴馬嘗遊此魯公詩云俯視何楷臺傍瞻戴馬路謂此癸亭即三癸亭見公所撰杼山妙喜寺碑記以下詩三首皆大曆八年公在湖州時作

謝陸處士杼山折青桂花見寄之作

羣子遊杼山山寒桂花白綠萼含素萼采折自逋客忽得巖中詩芳香潤金石全高南越蠶豈謝東堂策會恆名山期從君恣幽覲

贈僧皎然

秋意西山多別岑繁左次繕亭歷三癸趾趾一作流趾鄰什寺元化隱靈蹤始君啟高致一作殊棲養翹楚鞭草理芳穗俯砌披水容逼天掃峯翠境新耳目換物遠風塵一作煙異倚石忘世情援雲得真意嘉林幸勿翦禪侶欣可庇衛法大臣過佐游羣英萃龍池護清激一作激虎節到深遽徒想蟬頂期於今沒遺記

案此詩一作皎然詩題為奉和顏使君真卿與陸處士羽登妙喜寺三癸亭異者惟疏諫煙澈四字第九聯衛法大臣過作魯公詩當是指浙西觀察使袁高巡部過寺佐游羣英萃則指同修韻海諸生也作皎然詩則衛法大臣指魯公言然以作皎然詩為當以舊載公集仍之

登平望橋下作

登橋試長望望極與天平際海兼葭色終朝鴈雁聲近山猶一作金髮鬢遠水忽微明更覽諸公作知高題柱名

案平望驛今在蘇州府震澤縣唐時其地屬湖州烏程縣湖州天寧寺有唐刻斷幢題曰大唐國浙西道湖州烏程縣澄源鄉宜陽里居平望驛南第子芮文琛云云可證此題作平望橋詩云際海兼葭色即其地也此詩亦魯公

刺湖州時作

使過瑤臺寺有懷圓寂上人并序

真卿昔以天寶元年尉醴泉亟過瑤臺寺圓寂上人院秩滿遷監察御史巡覆諸陵而上人已去一作離此寺大曆十三年春二月以刑部尚書謁拜昭陵慨然有懷

上人居此寺不出三十年萬法元無著一作靈法一心唯趣禪忽紆塵外軫遠訪區中一作世間緣及爾不復見支提猶爰一作然

五雜組擬作

五雜組繡與錦往復還與又寢不得已病伏枕

附同擬五人作

五雜組盤上俎往復還頭懶梳不得已醫裏魚李端

五雜組郊外蕪往復還櫪上駒不得已谷中愚殷佐

五雜組酒與肉往復還東籬菊不得已醉便宿袁高

五雜組蘭閣間往復還門上關不得已鬢毛斑陸士

五雜組繡紋線往復還春來燕不得已從征戰蔣志

重擬五雜組

五雜組甘鹹醋往復還烏與兔不得已韶光度

附同擬三人作

五雜組四豪客往復還阡陌不得已長沙謫張薦

五雜組五辛盤往復還馬上鞍不得已左降官李端

五雜組五色絲往復還回文詩不得已失喜期僧清

案五雜組及聯句各詩皆魯公刺湖州時修韻海招集名流而作想見政餘清暇賓從唱酬之樂此作同擬者七人李端字伯高後改名華趙郡廣漢人擢制科官終廬州刺史是時以殿中侍御史辟為防禦使殷佐明官正字袁高字公頤東光人時為浙西觀察使陸士修河南人嘉興縣尉蔣志秘書郎張薦字孝舉深州陸澤人官至工部侍郎與兄讓著弟薦皆從魯公游清畫

詩僧皎然也時居村山

登峴山觀李左相石尊聯句

李公登飲處因石為窪尊真卿人事歲年改峴山今古存劉全榛蕪掩前跡苔蘚餘舊痕裴叔子向遺德山公此迴軒張維舟陪高與感昔情彌敦吳錫謁賢哲事依依離別言強嶠嶠橫道周迴連連山根范餘烈暖林野衆芳相蘭王德暉映巖足勝賞延高原魏遠水明匹練因晴見吳門甫陪遊追感美採德欣討論顏器有成形用功資造化元左輔流霞方泔淡別鶴遽翻翻劉舊規傾逸賞新與麗初顏醉後接離倒歸時驕騎喧楊德遲迴向遺跡離別益傷魂介覽事古與屬送人歸思繁釋清懷賢久阻謝贈遠空攀援崔宏入座欽懿躅高明播乾坤史松深引閑步葛弱供險捫陸花氣酒中馥雲華衣上屯權森沈列湖樹牢落望郊園陸士白日半巖岫清風滿邱樊裴幼旌麾間翠幄簫鼓來朱轡柳間路躡雲影清心澄水源外萍連浦中嶼竹繞山下村顏景落全谿暗煙凝半嶺昏顏去日往如復換年涼代溫項登臨繼風雅激舊府恩李峴山聯句凡二十九人其可致者劉全白評事後為膳部員外郎守池州裴循長城縣尉吳筠字員節華陰人待詔翰林時為道士強蒙處士魯醫王純字德素萬年人魯公外甥後避憲宗諱改名紹官至寧武節度魏理評事顏峴魯公從兄之子承穆丞穆宗時授贊善大夫左輔元撫州秀才魯公門生劉茂魏縣尉顏渾魯公族弟官太子通事舍人韋介京兆人陸羽字鴻漸竟陵人拜太子文學權器時為校書郎官至戶部員外郎柳淡字中庸河東人洪府戶曹參軍釋塵外自號北山子顏頊項皆魯公族姪其不可致者惟范縉楊德元史仲宣裴幼清四人而已四人中惟楊德元見於村山記雲宇通志云峴山在烏程縣南五里本名顯山以避唐諱改之晏殊類要云唐開元中李適之為湖州別駕峴山有石觴員可貯酒五斗適之每挈所親登山酣飲望帝鄉時時以醉士民呼為李相石罇顏真卿及門生弟姪多攜壺觥徹以遊作李相石罇聯句詩敘云因積溜漱石嵌為罇形公貯酒其中結字環欽之處吳興掌故云魯公聯句者二十有九人公之二子亦與焉內劉全

白先以評事游湖後貞元爲守吳筠入嵩山爲道士來此李嶠先任殷中侍御史公辟爲防禦副使左輔元先因公刺撫州增廣韻海五百卷至是來湖三教俱集且不遺後進公之襟度如是真可謂之雅集矣案李適之以天寶元年代牛仙客爲左丞相故稱左相即杜少陵飲中八仙之一也據類要此詩尙有序今不傳峴山本顯山改名張薦詩叔子尙遺德山公此迴軒用襄陽峴山相比也峴顓頊墳皆魯公從子吳興掌故以爲公之二子與焉非也公之二子妙喜寺碑云愚子頤頤家廟碑云男頤男頤頤頤當即頤頤改名公之子又有名頤者天寶十五載年十餘歲爲質於平盧將劉正臣僧皎然詩有奉和顏使君二十八郎隔絕自河北遠歸云相失值氣煙纔應掌上年久離驚貌長多難喜身全即謂頤也其歸正公刺湖州時然此會則三子者皆未與也

水堂送諸文士戲贈潘丞聯句

居人未可散上客須留著莫唱阿鞞迴應云夜半樂真卿奉潘丞詩教刻燭成酒任連盤酌從他白眼看終戀青山郭陸三林栖非姓許寺住那名約會異永和年才同建安作羽呈何煩問更漏但遣催弦索共說長句能皆言早歸惡然公那知殊出處還得同笑謔雅韻雖暫歡禪心肯拋卻待御一宿同高會幾人歸下若簾開北陸風燭焯南枝鵲十五文場苦叨竊釣渚甘漂泊弱質幸見容非材誠重諾述

案此詩魯公及潘述陸羽權器清畫李嶠六人聯句之作潘述時爲長城縣丞湖州府志云水堂在州治南館驛河上舊名南堂爲一郡勝概

水亭詠風聯句

清風何處起拂檻復榮洲裴幼清回入飄華幕輕來疊晚流憑楊桃竹今已展羽翬且從收疑楊經竹吹彌切過松韻更幽左輔元直上青蘋末偏隨白浪頭陸士山催雨過浦浦發行舟權動樹蟬爭噪開簾客罷愁陸度弦方解愴臨水已迎秋真涼爲開襟至清因作頌留清周迴隨遠夢騷屑滿離憂陸豈獨銷煩暑偏能入迴樓喬王風今若此誰不荷明休陸

案楊憑宏農人字虛受官至京兆尹弟凝字懋功官至兵部郎中耿漳字洪源河東人右拾遺大曆十才子之一也陸涓吳人陽翟令此詩與下溪館聽蟬詩皆有以喬字署名者疑係魯公第三兄喬卿爲富平尉者

溪館聽蟬聯句

高樹多涼吹疎蟬足斷聲楊已催居客感更使別人驚楊曉夏猶知急新秋別有情權危瀕和不似細管學難成陸當數附金重無貪燿火明真青松四面落白髮一重生陸向夕音彌厲迎風翼更輕喬單嘶出迴樹餘響思空城裴幼清頃松間坐蕭寥竹裏聲伯成如何長飲露高潔未能名清

案詩內名伯成者失其姓

送耿漳拾遺聯句

堯舜逢明主嚴徐得侍臣分行接三事高與柏梁新真楚國千山道秦城萬里人鏡中看齒髮河上有煙塵清望關飛青翰朝天憶紫宸喜來歡宴洽愁去詠歌頻真願盼情非一聯攜去亦頻吳興賢太守臨水最殷勤清

月夜啜茶聯句

泛花邀客坐代飲引情言陸士醒酒宜華席留僧想獨園張不須攀月桂何假樹庭萱李御史秋風勁向書北斗尊崔流華淨肌膚疏淪條心原真不似春醪醉何辭綠繁清素瓷傳靜夜芳氣滿閑軒修士

案此詩作者六人惟崔萬無考杼山記有後進崔密崔萬即其人及其兄也

夜宴詠燈聯句

桂酒牽詩興蘭缸照客情陸士詎慚珠乘朗不讓月輪明張破暗光初白浮雲色轉清真帶花疑在樹比燦欲分庭清顧以慚微照開簾識近汀高

三言喜皇甫曾侍御見過南樓玩月聯句

喜嘉客關前軒天明淨月雲昏真雁聲苦蟾影寒聞裏灑滴檀欒陸歡宴處江湖開真卷翠幕吟嘉句恨清光留不住李高駕動清角催惜歸去重徘徊清露欲晞客將醉猶宛轉照深意陸

案皇甫曾字孝常官監察御史

七言重聯句

頃持憲簡推高步獨占詩流橫素波不是中情深惠好誰能千里遠經過真詩
書宛似陪康樂少長還同宴永和夜酌此時看碾玉晨趨幾日重鳴珂會萬
井更深空寂寥千方霧起隱嵯峨熒熒遠火分漁浦歷歷寒枝露鳥巢李漢朝
舊學君公隱魯國今從弟子科只自傾心慚煦濡何曾將口恨蹉跎陸獨賞謝
吟山照耀共知殷敷樹婆娑華嚴苦嫌雲路隔衲衣長向雪峯何畫清

送李侍御聯句

吾友駐行輪遲遲惜上春真東西出錢路惆悵獨歸人清歡會期他日馳驅恨
此身張須知貢公望從此願相因李

玩初月重遊聯句

春路與岸平初月出豁明張壁上十壁彩寒仍潔金波夜轉清李孤光遠近滿
練色往來輕真望望隨蘭櫂依依出柳城畫清

重送橫飛聯句

春田草未齊春水滿長溪李上出錢風初暖攀光日漸西真歸期江上遠別
思月中迷畫清

案張薦字孝舉橫飛當是薦之別號此詩因送薦出郊而作前送李侍御詩
薦句云歡會期他日馳驅恨此身是其留別語也既送嵎又送薦故云重送

竹山連句題潘氏書堂

竹山招隱處潘子讀書堂真萬卷皆成奏千竿不作行陸練容冷沆瀣濯足詠
滄浪李守道心自樂下帷名益彰修風來似秋興花發勝河陽康支策曉雲近
援琴春日長清水田聊學稼野圃試修桑畫清巾折定因雨履穿寧爲霜陸士
解衣垂蕙帶拂席坐藜牀房櫺字刷輕翼簪髻染衆芳顏草生還近砌藤長稍
依牆顏魚樂憐清淺禽閑意頗行顏須行空園種桃李遠墅下牛羊章讀易
三時罷園基百事忘李境幽神自王道在器猶藏房畫歡山僧若宵傳野客觴
淡柳遙峯對枕席麗藻映纖細顏偶得幽棲地無心學鄭鄉述
案連句即聯句也裴修前築縣尉康造會稽人推官湯清河大理評事房夔

河南人顏魯公族人李觀字元賓趙郡贊皇人洛陽承還太子校書郎房
益河南人詹事司直湖州志作武康人官監察御史此詩全唐詩未載據石
刻本補錄

夜集聯句

寒花護月色墜葉占風音清茲夕無塵慮高雲共片心真

大言聯句

高歌闌風步瀛洲清煙鵬煥鯢餐未休真四方上下無外頭李一吸頓涸滄溟

小言聯句

長路迢迢吞吐絲真蠨蛸蚊睫察難知畫清

樂語聯句

苦河既濟真僧喜李新知滿座笑相視真戍客歸來見妻子清學生放假偷向

饒語聯句

拈鉗拈指不知休李欲炙待立凝交流真過屠大嚼肯知羞清食店門外強淹

滑語聯句

雨裏下山踰榆皮真華苦石橋步難移清蕪蕪醬醋喫衰葵劉全縫靴蠟線油

塗錐聯句

案詩內有名益者全唐詩作李益案李君虞貞元末始以詩名於時不應大
曆初即與魯公詩會所謂益者當是河南房益竹山聯句中人也

醉語聯句

逢糟遇麴便酩酊劉全覆車墜馬皆不醒真倒著接羅髮垂領清狂心亂語無

人並陸

洪邁容齋三筆云陶淵明作閑情賦寄意女色蕭統以爲白玉微瑕宋廣平
作梅花賦皮日休以爲鐵石心腸人而亦風流豔冶如此顏魯公集有七言

聯句四絕其目曰大言樂語饒語醉語云云以公之剛介守正而作是詩豈非以文滑稽乎然語意平常無可咀嚼予疑非公詩也

句

人心無路見時事只天知書奉使帖後

逸詩存目

庫詩

案留元剛撰年譜云公二十六歲試進士賦此

過皎然郭中山寺 同王員外圓宿皎然寺 同袁侍御高皎然上人登杼山

上峯 同李侍御嶠皎然上人游法華寺 修韻海畢會諸文士東堂重校

開元寺經藏院立文殊師利菩薩碑 同袁侍御高駘橋翫月 九日

登水樓 修韻海畢州中重宴 同皇甫曾西亭重會韻海諸生 登峴山

送張侍御嚴歸臺 峴山送李法曹陽冰西上獻書 清明日同皎然游因

送蕭王簿存 錢宣諭蕭常侍賴士 修韻海畢東溪泛舟錢諸文士 泛

舟送皇甫侍郎曾 送李侍御嶠 觀元真子置酒張樂舞破陣畫洞庭三

山歌元真子張志和也 落元真子舴艋舟歌 清風樓送吳鍊師筠歸林屋洞

晦日同皎然集白蘋洲以上諸詩皆魯公在湖州作僧皎然集皆有和作

經古烈士左伯桃墓下作墓在溧水縣見鄭薰記

和元真子漁父詞公與陸鴻漸徐士衡李成矩共和張志和漁父詞共二十五首今惟志和詞存見續仙傳

送挺養上人歸翠微寺見盧綸詩目

案魯公爲吉州別駕時有廬陵集十卷爲撫州刺史時有臨川集十卷爲湖州刺史時有吳興集十卷見於唐書藝文志及行狀墓誌然則公之詩亦甚夥矣歷年既遠而所存止此蓋不及什之一也今并見於他人詩目者載於卷後以俟能詩者爲擬作之資亦廣徵補亡之意也

顏魯公文集卷十三

寧鄉黃本驥仲夏編訂

湘陰蔣 瓌維揚參校

外集一

舊唐書列傳

顏真卿字清臣琅琊臨沂人也五代祖之推北齊黃門侍郎真卿少勤學樂有詞藻尤工書開元中舉進士登甲科事親以孝聞四命爲監察御史充河西隴右軍試覆屯交兵使五原有冤獄久不決真卿至立辨之天方旱獄決乃雨郡人呼之爲御史雨又充河東朔方試覆屯交兵使有鄭延祚者母卒二十九年殯僧舍垣地真卿劾奏之兄第三十年不齒天下俾動遷殿中侍御史東都畿採訪判官轉侍御史武部員外郎楊國忠怒其不附己出爲平原太守安祿山逆節頗著真卿以霖雨爲託修城浚池陰料丁壯儲廩實乃陽會文士泛舟外池飲酒賦詩或譏於祿山祿山亦密偵之以爲書生不足慮也無幾祿山果反河朔盡陷獨平原城守具備乃使司兵參軍李平馳奏之玄宗初聞祿山之變歎曰河北二十四郡豈無一忠臣乎得平來大喜顧左右曰朕不識顏真卿形狀何如所爲得如此祿山初尙移牒真卿令以平原博平軍屯七千人防河津以博平太守張獻直爲副真卿乃募勇士旬日得萬人遣錄事參軍李擇交統之簡閱以刁萬歲和琳徐皓馬相如高抗朗等爲將祿山既陷洛陽殺留守李愔御史中丞盧奕判官蔣清以三首遺段子光來徇河北真卿恐搖人心乃詐謂諸將曰我識此三人首皆非也遂腰斬子光密藏三首異日乃取三首冠飾草纊支體棺斂祭殯爲位慟哭人心益附祿山遣其將李欽湊高邁何千年等守土門真卿從父兄常山太守臬卿與長史袁履謙謀殺湊擒千年送京師土門既開十七郡同日歸順共推真卿爲帥得兵二十餘萬橫絕燕趙詔加真卿戶部侍郎依前平原太守清河客李崕年二十餘與郡人來乞師謂真卿曰聞公義烈首唱大順河朔諸郡特公爲長城今清河實公之西鄰也僕幸寓家得其虛實知可爲長者用今計其蓄積足以三平原之富士卒可以二平原之

強公因而撫之腹心輔車之郡其他小城運之如臂使指耳唯公所意誰敢不從真卿借兵千人崕將去真卿謂之曰兵出也吾子何以教我崕曰今聞朝廷使程千里統衆十萬自太行東下將出嶺口爲賊所扼兵不得前今若先伐魏郡斬袁知泰太守司馬垂使爲西南主分兵開嶺口之路出千里之兵使討鄴幽陵平原清河合同志十萬之衆徇洛陽分兵而制其衝計王師亦不下十萬公當堅壁毋與挑戰不數十日賊必潰而相圖矣真卿然之乃移牒清河等郡遣其大將李擇交副將平原縣令范東觀裨將和琳徐浩等進兵與清河四千人合勢而博平以千人來三郡之師屯於博平去堂邑縣西南十里袁知泰遣其將白嗣深乙舒蒙等以二萬人來拒戰賊大敗斬首萬餘級肅宗幸靈武授工部尙書兼御史大夫河北採訪招討使祿山乘虛遣史思明尹子奇急攻河北諸郡饒陽河間景城樂安相次陷沒獨平原博平清河三郡城守然人心危還不可復振至德元載十月棄郡渡河歷江淮荆襄二載四月朝於鳳翔授憲部尙書尋加御史大夫中書舍人兼吏部侍郎崔漪帶酒容入朝諫議大夫李何忌在班不肅真卿劾之貶漪爲右庶子何忌西平郡司馬元帥廣平王領朔方蕃漢兵號二十萬來收長安出辭之日百僚致謁於朝堂咸拜王答拜辭亦如之王當關不乘馬步出木馬門而後乘管崇嗣爲王都虞候先王上馬真卿進狀彈之肅宗曰朕兒子每出諄諄教誡之故不敢失禮崇嗣老將有足疾姑欲優容之卿勿復言乃以奏狀還真卿雖天子蒙塵典法不廢治鑾輿將復宮闕遣左司郎中李巽先行陳告宗廟之禮有司署祝文稱嗣皇帝真卿謂禮儀使崔器曰上皇在蜀可乎器遽奏改之中旨宣勞以爲名儒深達禮體時太廟爲賊所毀真卿奏曰春秋時新宮災魯成公三日哭今太廟既爲盜毀請築壇於野皇帝東向哭然後遣使竟不能從軍國之事知無不言爲宰相所忌出爲同州刺史轉蒲州刺史爲御史唐明所構貶饒州刺史旋拜昇州刺史浙江西道節度使徵爲刑部尙書李輔國矯詔還元宗居西宮真卿乃首率百僚上表請問起居輔國惡之奏貶睦州長史代宗嗣位拜利州刺史遷戶部侍郎除荆南節度使未行而罷除尙書左丞車駕自陝將還真卿請皇帝先謁五陵九廟

而後還宮宰相元載謂真卿曰公所見雖美其如不合事宜何真卿怒前曰用捨在相公耳言者何罪然朝廷之事豈堪相公再破除邪載深銜之旋改檢校刑部尚書知省事累進封魯郡公時元載引用私黨懼朝臣論奏其短乃請百官凡欲論事皆先白長官長官白宰相然後上聞真卿上疏曰文入公集其激不重錄切如此於是中人爭寫內本布於外後攝祭太廟以祭器不修言於朝載坐以誹謗貶硤州別駕撫州刺史元載伏誅拜刑部尚書代宗崩為禮儀使又以高祖已下七聖謚號繁多乃上議請取初謚為定哀慘以詔言排之遂罷楊炎為相惡之改太子少傅禮儀使如舊外示崇寵實去其權也盧杞專權忌之改太子太師罷禮儀使論於真卿曰方面之任何處為便真卿候杞於中書曰真卿以福性為小人所憎竄逐非一今已羸老幸相公庇之相公先中丞傳首至平原面上血真卿不敢以衣拭以舌舐之相公忍不相容乎杞瞿然下拜而含怒心會李希烈陷汝州杞乃奏曰顏真卿四方所信使論之可不勞師旅上從之朝廷失色李勉聞之以為失一元老貽朝廷羞乃密表請留又遣逆於路不及初見希烈欲宣詔旨希烈養子千餘人露刃爭前迫真卿將食其肉諸將叢遽慢罵舉刃以擬之真卿不動希烈遽以身蔽之而麾其眾眾退乃揖真卿就館舍因逼為章表令雪己願罷兵馬累遣真卿兄子峴與從吏凡數輩繼來京師上皆不報每與諸子書令嚴奉家廟恤諸孤而已希烈大宴逆黨召真卿坐使觀倡優斥黷朝政為戲真卿怒曰相公人臣也奈何使此曹如是乎拂衣而起希烈慚亦呵止時朱滔王武俊田悅李納使在坐目真卿謂希烈曰聞太師名德久矣相公欲建大號而太師至非天命正位欲求宰相執先太師乎真卿正色叱之曰是何宰相邪君等聞顏杲卿無是吾兄也祿山反首舉義兵及被害詬罵不絕於口吾今年向八十官至太師守吾兄之節死而後已豈受汝輩誘脇邪諸賊不敢復出口希烈乃拘真卿令甲士十人守掘方丈坎於庭曰阮顏真卿怡然不介意後張伯儀敗績於安州希烈令齋伯儀旌節首級誇示真卿真卿慟哭投地後其大將周會等謀襲汝州因迴兵殺希烈奉真卿為節度事洩希烈殺會等遂送真卿於龍興寺真卿度必死乃作遺表自為墓誌祭

文常詣寢室西壁下云吾殯所也希烈既陷汴州僞號使人問儀於真卿真卿曰老夫耄矣曾掌國禮所記者諸侯朝覲禮耳與元元年王師復振逆賊虜變起蔡州乃遣其將辛景臻安華至真卿所積柴庭中沃之以油且傳詞曰不能屈節當自燒真卿乃投身赴火景臻等遽止之復告希烈德宗復宮闕希烈弟希倩在朱泚黨中例伏誅希烈聞之怒與元元年八月三日乃使闖奴與景臻等殺真卿先曰有敕真卿拜奴曰官賜卿死真卿曰老臣無狀罪當死然不知使人何日從長安來奴曰從大梁來真卿罵曰乃逆賊耳何敕邪遂殺之年七十七及淮泗平貞元元年陳仙奇使護送真卿喪歸京師德宗痛悼異常廢朝五日謚曰文忠贈司徒賜布帛五百端男顏頊等超授官職貞元六年十一月南郊赦書節文授真卿一子五品正員官故顏得錄用文宗時以真卿曾孫宏式為同州參軍

新唐書列傳

顏真卿字清臣秘書監師古五世從孫少孤母殷躬加訓導既長博學工詞章事親孝開元中舉進士又擢制科調醴泉尉再遷監察御史使河隴時五原有冤獄久不決天且旱真卿辨獄而兩郡人呼御史雨復使河東勅奏朔方令鄭延祚母死不葬三十年有詔終身不齒聞者嗟然遷殿中侍御史時御史吉溫以私怨構中丞宋渾譴貶賈州真卿曰奈何以一時忿欲危宋璟後乎宰相楊國忠惡之諷中丞蔣冽奏為東都採訪判官再轉武部員外郎國忠終欲去之乃出為平原太守安祿山逆狀牙孽真卿度必反陽託霖雨增陴濬陰料才壯儲廩日與賓客泛舟飲酒以紓祿山之疑果以為書生不虞也祿山反河朔盡陷獨平原城守具備使司兵參軍李平馳奏玄宗始聞亂數曰河北二十四郡無一忠臣邪及平至帝大喜謂左右曰朕不識真卿何如人所為乃若此時平原有靜塞兵三千乃益募士得萬人遣錄事參軍李擇交統之以刁萬歲和琳徐皓馬相如高抗明等為將分總部伍大饗士城西門慷慨泣下眾感勵歸陽太守盧全誠濟南太守李隨清河長史王懷忠景城司馬李暉鄆郡太守王肅各以眾歸有詔北海太守賀蘭進明率精銳五千濟河為助賊破東都遣段子

光傳李愬盧奕蔣清首徇河北真卿畏衆懼給諸將曰吾素識愬等其首皆非是乃斬子光藏三首他日結芻糲數而祭爲位哭之是時從父兄果卿爲常山太守斬賊將李欽湊等清土門十七郡同日自歸推真卿爲盟主兵二十萬絕燕趙詔即拜戶部侍郎佐李光弼討賊真卿以李暉自副而用李銑賈載沈震爲判官俄加河北招討採訪使清河太守使郡人李崑來乞師崑曰聞公首奮裾唱大順河朔恃公爲金城清河西鄰也有江淮租布備北軍號天下北庫計其積足以三平原之有士卒可以二平原之衆公因而撫有以爲腹心他城運之如臂使指耳真卿爲出兵六千謂曰吾兵已出子將何以教我崑曰朝廷使程千里統衆十萬自太行而東將出嶠口限賊不得前公若先伐魏郡斬賊守袁知泰以勁兵拔嶠口出官師使討鄴幽陵平原清河合十萬衆徇洛陽分犀銳制其衝公堅壁勿與戰不數十日賊必潰相圖死真卿然之乃檄清河等郡遣大將李擇交副將范冬觀和琳徐皓與清河博平士五千屯堂邑袁知泰遣將白嗣深乙舒蒙等兵二萬拒戰賊斬首萬級知泰走汲郡史思明圍饒陽遣游奕兵絕平原救軍真卿懼不敵以書招賀蘭進明以河北招討使讓之進明敗於信都會平盧將劉正臣以漁陽歸真卿欲堅其意遣賈載越海遣軍資十餘萬以子頤爲質頤甫十歲軍中固請留之不從肅宗已卽位靈武真卿數遣使以蠟丸裏書陳事拜工部尚書兼御史大夫復爲河北招討使時軍費困竭李崑勸真卿收景城鹽使諸郡相輸用度遂不致第五琦方參進明軍後得其法以行軍用饒雄祿山乘虛遣思明尹子奇急攻河北諸郡復陷獨平原博平清河固守然人心危不復振真卿謀於衆曰賊銳甚不可抗若委命辱國非計也不如徑赴行在朝廷若誅敗軍罪吾死不恨至德元載十月棄郡渡河間關至鳳翔謁帝詔授憲部尚書遷御史大夫方朝廷草昧不暇給而真卿繩治如平日武部侍郎崔漪諫議大夫李何忌皆被劾斥降廣平王總兵二十萬平長安辭曰當關不敢棄趨出樞極乃乘王府都虞候管崇嗣先王而騎真卿勅之帝還奏慰答曰朕子每出諄諄戒戒故不敢失崇嗣老而覺卿姑容之百官肅然兩京復遣左司郎中李巽告宗廟祝畝嗣皇帝真卿謂禮儀使崔器

曰上皇在蜀可乎器遠奏改之帝以爲達識又建言春秋新宮災魯成公三日哭今太廟爲賊毀請築壇於野皇帝東向哭然後遣使不從宰相厭其言出爲馮翊太守轉蒲州刺史封丹陽縣子爲御史唐明諷劾饒州刺史乾元二年拜浙西節度使劉展將反真卿預飭戰備都統李岷以爲生事非短真卿因召爲刑部侍郎展卒舉兵度淮而岷奔江西李輔國遷上皇西宮真卿率百官問起居輔國惡之貶蓬州長史代宗立起爲利州刺史不拜再遷吏部侍郎除荆南節度使未行改尚書右丞帝自陝還真卿先請謁陵廟而卽宮宰相元載以爲迂真卿怒曰用捨在公言者何罪然朝廷事豈堪再破壞邪載銜之俄以檢校刑部尚書爲朔方行營宣慰使未行留知省事更封魯郡公時載多引私黨畏羣臣論奏乃給帝曰羣臣奏事多挾讒毀請每論事皆先白長官長官以白宰相宰相詳可否以聞真卿上疏曰文見中於是中人等騰布中外後攝事太廟言祭器不飭載以誹謗貶峽州別駕改吉州司馬遷撫湖二州刺史載誅楊綰薦之擢刑部尚書進吏部帝崩以爲禮儀使因奏列聖謚繁請從初議爲定哀慘固排之罷不報時喪亂後典法湮放真卿雖博識今古屢建議釐正爲權臣沮抑多中格云楊炎當國以直不容換太子少師然猶領使及盧杞益不喜改太子太師并使罷之數遣人問方鎮所便將出之真卿往見杞辭曰先中丞傳首平原面流血吾不敢以衣拭親舌舐之公忍不見容乎杞矍然下拜而銜恨切骨李希烈陷汝州杞乃建遣真卿四方所信若往諭之可不勞師而定詔可公卿皆失色李勉以爲失一元老貽朝廷羞密表固留至河南河南尹鄭叔則以希烈反狀明勸不行答曰君命可避乎既見希烈宣詔旨希烈養子千餘拔刃爭進諸將皆慢罵將食之真卿色不變希烈以身扞麾其衆退乃就館逼使上疏雪己真卿不從乃詐遣真卿兄子峴與從吏數輩繼請德宗不報真卿每與諸子書但戒嚴奉家廟恤諸孤乾乾無他語希烈遣李元平說之真卿叱曰爾受國委任不能致命顧吾無兵戮汝尙說我邪希烈大會其黨召真卿使倡優斥侮朝廷真卿怒曰公人臣奈何如是拂衣去希烈大慚時朱滔王武俊田悅李納使者皆在坐謂希烈曰聞太師名德久矣公欲建大號而太師至求宰相

孰先太師者真卿叱曰若等聞顏常山否吾兄也祿山反首舉義師後雖被執詬賊不絕於口吾年且八十官太師吾守吾節死而後已豈受若等脇邪諸賊

失色希烈乃拘真卿守以甲士掘方丈坎於庭傳將阮之真卿見希烈曰死生

分矣何多為伯儀敗希烈令齋旌節首級示真卿真卿痛哭投地會其黨周曾

康秀林等謀襲希烈奉真卿為帥事洩曾死乃拘送真卿蔡州真卿度必死乃

作遺表墓誌祭文指寢室西壁下曰此吾殯所也希烈僭稱帝始問儀式對曰

老夫耄矣曾掌國禮所記諸侯朝覲耳與元後王師復振賊慮變遣將辛景臻

安華至其所積薪於庭曰不能屈節當焚死真卿赴火景臻等遽止之希烈

弟希倩坐朱泚誅希烈因發怒使閹奴等害真卿曰有詔真卿再拜奴曰宜賜

卿死曰老臣無狀罪當死然使人何日長安來奴曰從大梁來罵曰乃逆賊耳

何詔云遂縊殺之年七十六嗣曹王皋聞之泣下三軍皆慟因表其大節淮蔡

平子顏頊護喪還帝廢朝五日贈司徒諡文忠贈布帛米粟加等真卿立朝正

色剛而有禮非公言直道不萌於心天下不以姓名稱而獨曰魯公如李正己

田神功董泰侯希逸王元志等皆真卿始招起之後皆有功善正草書筆力遒

婉世寶傳之貞元六年敕書授顏五品正員官開成初又以曾孫宏式為同州

參事

全唐詩小傳

顏真卿字清臣京兆長安人博學工詞章事親孝開元中舉進士又擢制科調

醴泉尉累遷殿中侍御史忤宰相楊國忠出為平原太守安祿山反河朔盡陷

獨平原城守具備使司兵參軍李平馳奏明皇大喜即拜戶部侍郎肅宗即位

靈武真卿數遣使以蠟丸裹書陳事拜工部尚書兼御史大夫為河北招討探

訪處置使至德二年朝於鳳翔授憲部尚書遷御史大夫軍國之事知無不言

為宰相所忌出為馮翊太守改蒲州刺史御史唐明誣劾貶饒州刺史旋拜浙

西節度使召為刑部侍郎李輔國銜之貶蓬州長史代宗立起為戶部侍郎除

荆南節度使未行改尚書右丞尋除檢校刑部尚書追盧杞當國益惡之改太

子太師李希烈陷汝州杞遣真卿往諭拘脇累歲不屈而死贈司徒諡文忠真

卿立朝正色剛而有禮非公言直道不萌於心天下不以姓名稱而獨曰魯公善正草書筆力遒婉世寶傳之詩一卷

全唐文小傳

顏真卿字清臣琅琊臨沂人開元中舉進士又擢制科累官武部員外郎出為

平原太守安祿山反河朔盡陷獨平原城守具備加戶部侍郎肅宗幸靈武授

工部尚書兼御史大夫河北採訪招討使代宗朝封魯郡公為刑部尚書加改

太子太師盧杞惡之奏使諭李希烈希烈脇之不屈遂縊殺之年七十七贈司

徒諡曰文忠

湖州府志名宦傳

顏真卿字清臣臨沂人開元進士歷殿中侍御史守平原討賊有功肅宗即位

拜工部尚書兼御史大夫封魯國公為李輔國元載等所忌數遭貶黜出入中

外大曆八年為湖州刺史辟李崕為防禦副使權器楊昱為判官德政洽於千

里公暇招致名儒七十餘人考集羣書成韻海鏡源三百六十卷又著吳興地

記十卷凡山川陵墓古蹟皆入記刻之石柱因名石柱記十二年元載誅以楊

綰薦擢刑部尚書去郡建中初楊炎當國以直不容盧杞益不喜李希烈陷汝

州乃奏遣真卿往諭之既見希烈脇之再三真卿不屈節遇害淮蔡平子顏頊

護喪還帝廢朝五日贈司徒諡文忠

案魯公在湖州所著有吳興集十卷見行狀墓誌及唐書藝文志其石柱記

僅記山川古蹟名目無十卷府志誤

舊唐書段頡合傳贊

每思先軫免胄子路結纓雖云其忠未聞於道如成公謂段秀實孝於家能於軍忠

於國是武之英也苟無楊炎弄權若任之為將遂展其才豈有朱泚之禍焉如

清臣富於學守其正全其節是文之傑也苟無盧杞惡直若任之為相遂行其

道豈有希烈之叛焉夫國得賢則安失賢則危德宗內信姦邪外斥良善幾致

危亡宜哉噫以仁為己任不亦重乎死而後已不亦遠乎二君守道沒身為時

垂訓希代之士也光文武之道焉贊曰自古皆死得正為順二公云亡萬代垂

訓

新唐書段頤合傳贊

唐人柳宗元稱世言段太尉大抵以爲武人一時奮不慮死以取名非也太尉爲人姁姁常低首拱手行步言氣卑弱未嘗以色待物人視之儒者也遇不可必達其志決非偶然者宗元不妄許人諒其然邪非孔子所謂仁者必有勇乎當祿山反噬噬無前魯公獨以烏合嬰其鋒功雖不成其志有足稱者晚節偃蹇爲姦臣所擠見殞賊手毅然之氣折而不沮可謂忠矣詳觀二子行事當時亦不能盡信於君及臨大節蹈之無貳色何邪彼彼忠臣誼士寧以未見信望於人要反諸已得其正而後慊於中而行之也嗚呼雖千五百歲其英烈言言如嚴霜烈日可畏而仰哉

案新舊唐書以段頤合傳故論贊皆合言之今止錄頤傳而贊論不可分錄故不系於傳後而別錄於此

宏簡錄二顏張許合傳贊

唐已中葉烈士未聞時未可誣史忍闕文堂堂魯公一代幾人聯輝並耀謂果卿方稱同仁天以完節克付遠巡

顏魯公文集卷十三

原
书
空
白
页

顏魯公文集卷十四

寧鄉黃本驥仲良編訂

湘陰蔣 瓊維揚參校

外集二

顏魯公行狀

陳郡 殷 亮

公姓顏名真卿字清臣小名義門子別號應方京兆長安人也顏氏乃春秋小邾子之苗裔昔帝軒轅生昌意昌意生顓帝顓帝生老童老童生吳回吳回生陸終陸終生六子一曰昆吾其國衛也二曰參胡其國韓也三曰彭祖其國徐也四曰會人其國鄭也五曰曹姓其國邾也六曰季連其國楚也曹姓國於邾春秋邾武公爲魯之附庸國武公名儀甫字顏公故公羊傳云顏公有功於齊齊威公命爲小邾子子孫以王父字爲姓氏以其附庸於魯故代代事魯爲卿大夫故先賢傳孔子弟子達者七十二人顏氏有其八則顏氏之儒學可知也若顏無繇字路顏回字子淵顏幸字子柳顏高字子驕顏祖字襄顏噲字子聲顏之僕字叔弁顏何字冉是也至公之十六代祖魏青徐二州刺史諱威自魯國居瑯琊薛臨沂縣西七里十二代祖晉侍中諱含自瑯琊居丹陽五代祖北齊黃門侍郎諱之推自丹陽居京兆長安高祖秦王府記室參軍諱思魯曾祖蔣壬文學著作郎諱勳禮祖曹王侍讀諱昭甫父薛王友贈太子少保諱惟貞卽秘書監師古之曾姪孫也公以家本清貧少好儒學恭孝自立貧乏紙筆以黃土掃牆習學書字攻楷書絕妙詞翰超倫案以黃土掃牆習字據家廟碑乃祖殿子敬吳縣令署不應乏紙筆之具年弱冠開元二十二年進士及第登甲科二十四年吏部擢判入高等授朝散郎秘書省著作局校書郎天寶元年秋扶風郡太守崔瑒舉博學文詞秀逸元宗御勤政樓策試上第以其年授京兆府醴泉縣尉黜陟使戶部侍郎王珙以清白名聞授通直郎長安尉六載遷監察御史制云文學擅於登科器幹彰於適用宜先汗簡之職俾佇埋輪之效尋充河東朔方軍試覆屯交兵使凡閭閻糾士伍舒慘之情事理無不必當七載又充河西隴右軍試覆屯交兵使五原郡有冤獄不決公理之時方久旱而甘澤立應郡人呼爲

御史兩入載又充河東朔方軍試覆屯交兵使有榮陽鄭氏兄弟三人或居長或尉京畿劇任往年母亡殯於太原佛寺空園之內經二十九載未葬公乃勅奏之敕三人放歸田里終身勿齒左金吾將軍李延業素承恩渥曾召蕃客內宴引薦仗不報臺公責之延業憑恃權勢於朝堂喧憤公奏之出爲濟南太守朝廷憚焉不敢不肅八月遷殿中侍御史時中丞宋渾以私怨爲御史吉溫崔珪所誣告謫實州公謂珪溫曰奈何以一時之忿而欲危宋環裔乎由是與二人不平宰相楊國忠初黨於溫亦怒公之不附己令吉溫諷中丞蔣冽奏公爲東京畿採訪判官九載十二月轉侍御史百餘日轉武部員外郎判南曹提綱目勦苛細武調者多感而懷之十二載國忠以前事銜之謬稱精擇乃遂出公爲平原太守其實去之也公至郡訪孝義名節之士皆旌其門閭或蠲其戶役安陵處士張鎬多才博識隱居公詣其居與之抗禮因廉使巡察乃薦焉其後鎬官至中書侍郎同平章事安祿山鎮幽州十餘載末年反跡頗著人不取言公亦陰備之因歲終式修城乃浚濠增堵壞環垣立植本內爲禦敵之計外託勝遊之資及兵興果賴其固而城得全十四載祿山禍謀將發公遣子至范陽啓祿山以今年冬合當入計祿山猜之不許公既不得離郡乃遣親客前漢中長史蹇昂奏其狀狀留禁中不報十一月祿山反於范陽衆號十五萬長驅自趙定而南趨洛陽散勝諸郡莫敢枝梧祿山乃勝公令以平原博平兵七千人防河以博平太守張獻直爲副公登時使平原兵參軍李平乘駟奏之平至東京見封常清云吾得上旨凡四方奏事者使開函而再封之平聽焉常清遂倚帳操筆寄書於公論國家之事詞意甚切並附募捕逆賊牒數十封至平原令堅相待公從之使親表及門客密送於諸郡因此多有而常清乃尋自敗續焉有敕賜死於陝州竟不接聲平之未至京師也元宗數曰河北二十四郡無一人向國乎及聞平至遣中使五六輩迎之兼敕平奔馬直至寢殿門然後令下奏事畢元宗大喜顧謂左右曰顏真卿何如人朕兼未曾識而所爲乃爾祿山之發范陽也時平原郡有靜塞屯平盧鎮兵三千五百人並已發赴鎮在路未達公悉追迴更追諸縣武舉及獵射人兼召募精勇旬日至萬餘人道宗子

平原郡錄事李擇交統之驍勇之士刁萬歲和琳徐皓馬相如高抗朗分押營伍皆千夫之長樂以義舉腹心無阻而爲其將帥焉聚兵後數十日公大饗將士於子城西門之外辦吏四人舉酒食所約五十萬廩役之流無不飽飲公躬自撫巡舉酒下淚言國家之恩戮力死節無以上報衆皆激憤勇思致命焉時饒陽太守盧全誠與司馬李正舉兵據其城河間司法參軍李奐殺祿山所置長史王忠於濟南月餘日清河義兵復歸本郡濟南太守李隨下遊奕將嘗嗣賢渡河得博平僞太守馬冀據其郡各有衆數千或至萬人相次於平原共推公爲盟主公三辭後聽焉諸郡諮稟指揮告敗尅日數十至信都郡武邑縣尉李銑來投本縣令龐宣遠拘留銑母公以私錢十萬募人劫迎之故士衆數感無不願效者果遂羣意兼斬龐宣遠首而攜迴十二月祿山陷東京害留守尙書李愷御史中丞盧奕判官鞏縣尉蔣清等因使以三之首來徇河北且以脅降諸郡逆使者段子光至初拽入門子光大呼曰僕射十三日入東京遠近盡降聞河北諸郡不從故令我告之公若損我悔有日在遂歷指三首各言其人公識其是恐搖人心乃謬謂諸將曰我審此三人皆非也遂命腰斬子光潛令收藏三首誌其處數日稍定取愷奕等首漂潔仍縛蒲爲身棺斂發哀致祭城外殯之哭三日舉聲下淚受文武弔慰左右無不出泣涕者自此義合歸者益多矣斬段子光之日滄州清河縣兵五千攻常山太原節度使王承業擁兵最近不時出救常山遂陷諸郡頗有貳者元宗乃以公爲戶部侍郎依前平原太守充本郡防禦使仍與節度使李光弼計會招討公以景城長史李暉爲副李銑賈載前侍御史沈震爲判官是月又詔公爲河北採訪處置使公又以前威陽尉王延昌爲判官張濬爲支使時清河郡寄客李華_{後因獻封事書宗有敕改名華爲郡人來乞師於公曰竊聞公高義首唱河朔歸順之人皆依倚以爲聲氣洪贍人心可用若不倦於聽則僕請言之公曰何如華曰國家舊制江淮郡租布貯於清河以備北軍費用爲日久矣相傳爲天下北庫今所貯者有江東布三百餘萬正河北租調絹七十餘萬當郡綵綾十餘萬累年稅錢三十餘萬倉糧三十萬時討默啜甲仗藏於庫內五十餘萬編戶七十萬見丁十餘萬計其實足以}

三平原之富料其卒足以二平原之疆若因撫而有之以兩郡爲腹心脅齒其餘乃四支耳安敢有不從者哉彼要僕爲行人以造公之壘僕明見其可同心也取命於屏幃之外惟公圖之公曰所合之衆未曾知戰自死且急安有恤鄰之暇哉雖然諾足下之請則可爲乎華對曰清河遣僕致命於公者蓋欲稟義_{字闕}一大賢以濟謀非力不足而借公之師以當強寇也瞻仰高意未有決詞定色與濟清河也安敢言爲哉時華纔年二十餘皆沮云必動衆無成惟公奇之追於衆情未_{字闕}許耳華乃就館操書以達其意意者略言清河去逆就順以全實之資上公之軍而承公之命時不納而疑之即僕迴轅之後清河必有所託系與他人與公爲西面之難無什日之期耳公及噉臍平公覽而驚之遂排羣議獨仗其決借兵六千人兵既出平原次於竟上華將把公手而歸公曰兵既行矣可以言吾子之意否華曰近聞朝廷遣程千里統精兵十萬自太行東下擬詣鄭口助河北諸軍討滅叛逆而鄭口爲賊所守千里兵不得東出須先伐魏郡袁知泰_{秦豫山所署僞太守}納舊太守司馬垂使爲西南主分開鄭口出千里之軍因令討鄭郡以北直至幽府已來未順城邑平原清河率同盟諸將以十萬人直指河陽分效兵巡河而悉制其奔衝之路計王師東討洛邑必不減二十萬河南諸郡義師西向臨之亦不減十萬公當表請堅壁勿戰不旬月而賊有潰敗相圖之勢矣公然之遂移牒清河等諸郡並遣人將宗子李澤交割將平原令范東襲偏裨和琳徐皓等十餘人促兵清河合勢以便宜從事華復命於清河因兵合之際修永濟渠引水遶州城上大修守戰之具旬日而畢又以清河四千兵與平原連蹤而西時博平亦義兵千人來合於是三郡之師屯於博平郡堂邑縣西南十里袁知泰遣其麾下將白嗣深乙舒蒙等率二萬人來拒戰三郡之兵盡日苦鬪遂大敗之斬首萬餘級生擒一千餘人馬一千匹軍資器械不可勝數其日魏郡城東南面女牆一百五十步無故而崩_{去郡邑百里戰日而崩所}以爲知泰走投汲郡於是自魏郡以東至堂邑百餘里莫不攜壺漿於道側以候官軍公聲益震境內稍安初平原之師既西合清河時賊將史思明圍饒陽恐平原救之仍遣遊奕兵來拒前鋒去舊縣十里公懼不敵乃遣驍將刁萬歲

以三千兵逆之堅壁不戰又以書過河招北海太守賀蘭進明統馬步兵五千來助公陳兵而迎之相揖哭於馬上懷慟三軍宴犒甚厚進明遂屯平原城南息養士馬公每事咨謀之自是兵威之重稍移於進明矣而公不以爲嫌進明未有所之李擇交兵入清河尋又破於堂邑而因公以有功禮遜於進明加河北招討使擇交東觀徵進官級其清河博平有功不錄一人時論進明必有後敗未期果失律於信都城下有詔抵罪公縱之使赴行在進明以全乃公護之也君子曰竊人之財猶爲之賊况竊人之功乎進明之不死幸也然公亦過於寬厚矣三月河北節度使李光弼以朔方馬軍三千步軍五千初出土門將討定河朔公乃抽兵歸并放博平清河等軍各歸本郡斂戢以待光弼之命俄而光弼拔平山郡改常山爲平山續有詔遣郭子儀以萬軍助之兩進兵又拔趙郡史思明方守博陵以自固仍將兵來拒於是兩軍與思明三萬人對陣於嘉山大戰思明敗績徒跣入博陵城兩軍斬首萬餘虜獲不可勝計時平山趙郡已拔劉正臣客奴歸順於平原平盧等十七郡公先據之於是橫截賊路人往來幽府皆以精騎偷路又多被官軍殺之其賊將士父母妻子及曳落河種族並質在范陽絕懷震恐時方盛暑公知光弼子儀禁斷侵掠將士少衣服乃送十五萬帛爲三萬人裝以遣人至饒陽屬潼關不守兩軍却入土門遂留不行然河北諸郡公始復指麾征討之事肅宗之在靈武也公前後遣判官李銑及馬步軍張雲子以蠟爲彈丸以帛書表實於彈丸之內潛至靈武奏事有詔以公爲工部尚書兼御史大夫依前河北招討採訪處置使又於九月內奉敕書及即位改年赦書至平原散下諸郡宣奉焉又令前監察御史鄭昱奉赦書宣布河南江淮所在郡邑風從不疑而王命遂通則公之力也而河北諸郡稟公之命粗爲安肅公以兵興半年軍用已竭思所以贍濟之未得其略先是清河行人李華自堂邑戰勝後又覲公辭權而不有之遂藏於人間不及見公再三盟約號令諸郡及以文牒求之曰清河郡屬桂密交應賊之後更不安行人李華乃崇墉浚隄鍛甲燭薪乞師破敵和衆以安人靜言其功須有甄賞仍牒之於路以求焉華於是復詣平原與公相見公因問以足用之計華遂與公數日參議定

以錢收景城郡鹽沿河置場令諸郡略定一價節級相輸而軍用遂贍時北海郡錄事參軍第五琦隨刺史賀蘭進明招討於河北觀其事遂竊其法乃奏肅宗於鳳翔至今用之不絕然猶未得公本策之妙旨焉是年秋祿山遣其將史思明尹子奇等並力攻河北諸郡前後百餘日饒陽河間景城樂安相次而陷所存平原博平清河三郡而已然人心潰叛不可復制公乃將麾下騎數百棄平原渡河由淮南山南取路朝肅宗於鳳翔行在初公之將過河也乃謂判官穆寧張澹曰賊勢既爾若委命待擒必爲其快心辱國之命也今將徑赴行在公以爲何如若朝廷必誅敗軍之罪以勵天下則王綱可振死亦何恨如復從事以責後效則業不朽矣寧澹與諸將皆贊之策馬發至朝廷除公爲憲部尚書初劉客奴以漁陽歸順時史思明與光弼子儀相持於趙定之間客奴遣使越海與公計會公使判官賈載將男頗爲質信泛海以軍糧及戰士衣服遺之時頗始年十歲餘公更無子息三軍懇請留之不從及載等迴公乃與漁陽聲勢相連尋又使人迎其軍比至公已棄平原歸於行在竟不及事然自肅宗已來河南及諸道立功大將如王元忠田神功董泰侯希逸李正己許杲卿等初皆是公自北海迎致之者終無私謁焉至二年正月又除御史大夫未幾因忤聖旨貶馮翊太守乾元元年三月又改蒲州刺史本郡防禦使封丹陽縣開國子食邑一千戶是年爲酷吏唐昱所誣貶饒州刺史二年六月拜昇州刺史充浙江西道節度使兼宋亳都防禦使劉展反狀已露公慮其侵軼江南乃選將訓卒緝器械爲水陸戰備都統使李岷以公爲太早計因密奏之肅宗詔追未至京拜刑部侍郎及劉展舉兵渡淮岷敗績奔江西淮南遂陷於展議者皆多公而怨岷焉上元元年秋時御史中丞敬羽狙詐險慘班列皆避之公會與之語及政事遂遭誣貶蓬州長史公樂道自怡不以介懷寶應元年八月代宗有詔除利州刺史十二月拜戶部侍郎加銀青光祿大夫上柱國廣德元年又加金紫光祿大夫充荆南節度使觀察處置使遲留未行爲密近所誣遂罷前命代宗幸陝公扈從至行在除尚書右丞宰相元載與公不叶公亦面數之不爲之屈及鑾駕還宮公會建議先謁廟然後即安宮闕事竟不行時載方在於立

班更顧公曰所見雖美其如不合事宜公怒而進曰用捨在相公耳言者何罪乎然朝廷紀綱豈堪相公再破除也載自此銜之而不忘二年正月除檢校刑部尚書兼御史大夫朔方行營汾晉等六州宣慰使載又疑公因使奏對言其短尋罷前命惟知刑部尚書事三月晉封魯郡開國公食邑三千戶載自與公有隙常俟公闕公亦獻書直奏其奸狀代宗俱容不罪之也永泰二年春差公攝職謁太廟公以祭器不修言之於朝載譖公以爲訕謗時政貶峽州別駕代宗爲罰過其罪尋換吉州別駕公與往來詞客詩酒講論爲樂甚有所著編爲廬陵集十卷於大曆三年遷撫州刺史在州四年以約身減事爲政然而接遇才人耽嗜文卷未曾暫廢焉因命在州秀才左輔元編次所賦爲臨川集十卷七年九月拜湖州刺史公以時相未忘舊怨乃加勤於政而以杭州富陽丞李崱爲本州防禦副使蘇州寓客校書郎權器遊客前大理司直楊昱爲判官委壘草闢田之務於專委閱簿檢吏接詞政之務於器昱等而境內晏然公初在平原未有兵革之日著韻海鏡源成一家之作始創條目遠邁祿山之亂寢而不修者二十餘年及至湖州以俸錢爲紙筆之費延江東文士蕭存陸士修裴澄陸鴻漸顏祭朱弁李肅清河寺僧智海兼筆小篆書吳士湯涉等十餘人筆削舊章該搜羣籍撰定爲三百六十卷大凡據法言切韻次其字按經史及諸子語據音韻次字成句者刊成文裁以類編又按倉雅及說文玉篇等其義各注其下謂之字脚韻海者以牢籠經史之語依韻次之其多如海鏡源者八體之本究形聲之義故曰鏡源綿互數載其功乃畢表奏上之有詔付所司藏之於書府大抵求經史撰集篇賦利於後學焉此外錢別之文及詞客唱和之作又爲吳興集十卷今檢校國子祭酒楊昱自御史中丞京畿採訪使除爲漢州刺史轉湖州刺史案昱刺湖州在貞元元年以舊府之恩乘州人之請紀公遺事刊石立去思碑於州門之外即今都官郎中陸長源之詞也十二載元載伏誅召公爲刑部尚書經年公以前後類典刑憲密啓辭焉乃上選舉利害事宜數十條代宗善之人莫知也遂改吏部尚書今上諒闇之際詔公爲禮儀使先自元宗以來此禮儀注廢闕臨事徐創實博古練達古今之旨所以朝廷篤於訕疾者不

乏於班列多是非公之爲公不介情惟搜禮經執直道而行已今上察而委之山陵畢授光祿大夫還太子少師依前爲禮儀使前後所制儀注令門生左輔元編爲禮儀十卷今存焉三年八月遷太子太師四年淮寧節度使李希烈以十四州叛襲陷汝州執刺史李元平歸蔡州朝廷詔公爲淮寧軍宣慰使公乘驛駟至東京河南尹鄭叔則勸公曰反狀已然去必陷禍且須後命不亦善乎公曰君命也焉避之至許州與希烈相見宣傳詔意未畢逆賊使其大將軍王玢周曾詬公以醜詞劫公以白刃又令鄰境同惡所遣使者四人於希烈之前拜舞伏稱誣訴國家之事勃慢凶豪詞所不忍聽也又令親兵五千人號爲希烈養子人各持一刀逼脅於公如欲割食之勢公位不移定色不撓懼希烈親公辭色不變謬爲驚駭以身蔽公兵人既退方揖公就館前後詐爲公表奏自說其強盛以請汴州者數十今上知而寢之希烈雖窮凶極惡然亦感公文義大陳設燕會將欲送公於朝廷先爲賊所擒汝州刺史李元平時在座公指引叱責之元平羞慚而起書其奸意坐上潛通希烈意變罷宴後遂拘公於官舍令甲卒十人守之仍穿一阮於廳之前以脅公公乃直言指希烈云死生有定何足多端相侮哉但以一劍見與公即必親快事無多爲也希烈慚謝焉自後不敢無禮於公也後數月賊於安州城下破官軍得獲將士以頭連誇示於公公大聲叫呼自牀投地憤絕良久乃蘇從此更不復與人言語及哥舒曜收復汝州擒檢校刺史周晃已下百人希烈乃遣周曾康秀林等領二萬人來襲哥舒於汝州曾秀林行至襄城乃謀翻兵殺希烈奉公爲節度使以歸順希烈押衙姚澹亦爲內應先期一日事洩希烈乃遣驛子軍三千奄至襄城殺周曾等收其期兵而回因送公於蔡州龍興寺居焉公度不得全自撰墓誌以見其心又就希烈讀數人之鏤希烈不知而給之自陳設之因爲文祭周曾已下爲賊所害者無不歎歎其十二月希烈陷汴州僭逆稱號爲慘酷之具以逼公意欲其屈禮公憤然而無求生之意賊以止焉貞元元年河南王師復振賊慮蔡州有變乃使其將辛景臻於龍興寺積薪以油灌既縱火乃傳希烈之命若不能屈節自即裁之公應聲投地臻等驚慚扶公而退希烈審不爲己用其年八月

二十四日又使景臻等害於龍興寺幽辱之所凡享年七十七明年三月希烈爲麾下將陳仙奇所殺淮西平仙奇遣軍將營送公神櫬於京師嗣子機陽縣尉顯次子祕書省正字碩迎喪至汝州襄城縣乃葬焉號號屢絕毀裂過不自勝以其年十一月三日附葬萬年縣鳳樓原之先塋有詔贈司徒諡曰文忠賻錢五十萬粟二百碩中使弔祭儀仗送於墓所朝野莫不哀傷公蹈忠節之苦古今無類焉公平居之日自卓有井井之操而能容衆有潔己之方不以疵物與道合歲寒者終始無渝變況君臣大義名教大節而得逢此焉可奪求生而害仁者於戲淮寧之難豈止天不慈遺蓋亦有無良之人以怨報德投之於無存之地也悲夫初遭難後江西節度嗣曹王皋上表云云後表載公之密親懿友動相規用以成其務者即今給事中殷公亮吏部員外郎柳公冕探其謀猷分以休戚者今吉州刺史李公舉重其器悅其能者今檢校國子祭酒楊公昱故戶部員外郎權公器其餘顧盼會假吹噓成名布於詞場及內外之列者不可勝紀李公舉吉州以小子久趨於欄戟定以使言將存刊刻用防逸墜尙實去飾庶無愧焉其故同事之人先後存亡錄之於左謹狀

案新唐書藝文志云殷亮顏氏家傳一卷果卿殷仲容顏氏行狀一卷真卿仲容亮之從曾祖也魯公之祖昭甫爲仲容姊婿公父惟貞少孤育於舅氏仲容教以筆法至公卒時仲容年已百餘歲不應尙存宋史藝文志云殷亮顏果卿家傳一卷又顏真卿行狀一卷則果卿家傳與此行狀皆亮撰也新書誤著仲容之名耳亮爲公母之從子公書辟爲荆南節度使推官又嘗從公於撫州公在湖州亮又與修韻海知公行事甚悉故公卒爲操筆撰狀宋人避太祖父宏殷諱留元剛編公集載此狀作因亮撰避殷爲因也而關中金石記尙仍之何耶

光祿大夫太子太師上柱國魯郡開國公顏真卿神道碑銘原題作墓誌銘今改
太原令狐峴

正議大夫行太子右庶子史館修撰上柱國晉昌縣開國男令狐峴述惟深也故能通天下之志惟幾也故能成天下之務君子極深而研幾不出戶而制動

行諸已而馭化其惟聖德乎有唐名臣贈司徒魯郡文忠公顏公奉大順爲元功建大節爲至忠以安橫流以紐綱綱乘是一心祇事四朝今上興元元年八月三日蹈危致命薨於蔡州之難貞元二年春蔡州平冬十一月二旬有三日嗣子機陽尉顯祕書省正字碩銜恤喪歸葬於萬年縣之舊原皇帝微轅震悼乃冊贈上公詔有司具鼓吹羽儀送於墓所遣中謁者弔祭賻錢五十萬粟三百石令太常考行諡德諡曰文忠凡厥士庶東方侯伯識與不識希聲想形莫不惕然創焉感慕思齊爲人子者益孝爲人臣者益忠爲人弟者益順爲人吏者益敬有以見威德之儼型也公諱真卿字清臣瑯琊臨沂人蓋孔宣父之門人曰回好學知機道亞聖人公其後也五代祖之推北齊黃門侍郎爲海內大儒著家訓稽聖賦冤魂志及文集藏在書府歷代傳之高祖思魯亦儒行仕我太宗掌記秦府列於國史曾祖勳禮著作郎宏文館學士祖昭甫晉曹二王侍讀贈華州刺史考惟貞薛王友贈太子少保儲和葆冲是感聞氣用集於我公公受天純休克廣前烈識度元遠節行不羣早孤太夫人殷氏躬自訓育公承奉慈顏幼有老成之量家貧屢空布衣糲食不改其樂餘力務學甘味道藝五經微言及百氏精理無所不究既聞之必行之尤工文詞善隸書書格勁逸抗行鍾張弱冠進士出身尋判入高第授祕書省校書郎天寶初制策甲科作尉醴泉又以八使表能遷於長安未幾拜監察御史沔承詔旨巡撫河隴曾至五原有冤訟久而不決公理之得情郡人悅服時方炎亢而甘澤澍焉巷俗謠言謂之御史雨又士族有數於名教者朝臣有侮於憲度者公悉彈奏正以禮法憲綱震肅朝旨嘉焉遷武部員外郎屬宰臣楊國忠以外戚登庸惡不附己者出爲平原太守公性本宏裕及到官推是道也以臨其人躬疾苦以勸義寬征徭以勸學令不肅而信行教不敷而化洽十四年賊臣安祿山豕突蟻動逆常千紀徵師矯命自剗長驅公血憤中激乃宣言曰焉有人臣忍容巨逆必當竭節義行天討會郡中方集靜塞軍屯丁三千餘人公因之又召境內舉武藝者仍發財募義勇之士未踰旬成萬人軍於是戒嚴固守仍表其狀是時海內承平祿山竊發兩河之間未有奉章表者時祿山陷洛陽害留守李橙中丞盧

突御史蔣清以三之首傳魯河北列郡至平原公斬其使收三之首哭而葬之遂有表上聞初元宗每朝以薄俗罪已及得公表大悅稱數者久之顧謂左右曰真卿何如人所爲乃得爾因就拜戶部侍郎兼領平原又加河北採訪招討使仍賜以詔書云卿之一門義冠千古由是公之德聲震於天下時公從父兄常山太守杲卿同建義憤激於衷生縛賊將何千年高邈獻於闕下遂通太原之路忠烈之風出於一門詩云孝子不置永錫爾類夫忠臣亦如之是時漁陽太守盧全誠濟南太守李隨清河長史王懷忠景城司馬李暉各擁兵數千或至萬人以附於公鄆郡太守王晙被祿山移攝河間肅德李奐斬僞署河間長史杜暮睦以河間衆歸於公北海太守賀蘭進明率精銳五千濟河有詔助公討伐自是仁者赴仁義者赴義勇者不敢愛其力智者不敢秘其謀清河詞客李崱少年有志獻奇於公以通鄰好增補軍實前殿中侍御史沈震鹽山尉穆寧武邑尉李銑清河主簿張澹清河尉賈載各抒器能參贊成務公以長事進明衆同甘苦莫不畢力能公之役賊帥袁知泰特衆犯我聊城之西公二鼓而破之獲斬萬計其時河朔一十七郡同日嚮順進兵二十萬橫絕燕楚旁貫井陘啓土門通太原河北節度使李光弼朔方節度使郭子儀得橫行河朔復常山趙二郡大破賊帥史思明於嘉山皆公之由也推誠無私信及旁郡平盧將劉正臣以漁陽來歸公以漁陽賊之本根欲堅其意乃割愛子頗令越海與正臣通問兼遣軍資十有餘萬俄而寇陷京師駕在靈武往來傳置梗圯不通公以帛書表章封於蠟丸內俾健步宵行夜伏四遠以聞因奉詔肅宗卽位之初遣使乘驛布於江淮王命再通繫茲是賴又遷工部尚書兼御史大夫採訪招討等使如故其年冬十月賊將尹子奇史思明等以勁兵十萬發自燕南先陷滄瀛次陵德棣猛若燎火衝如決防公內無兼月之蓄外絕同盟之援度勢量力義無幸給不敢委身待擒貽國之恥遂與麾下歸於鳳翔有詔遷憲部尚書尋兼御史大夫西京千思復舊章屢進讜議觸鱗忤旨竟不久留出爲馮翊太守換蒲州刺史充本州防禦使又爲醴吏所搆貶饒州刺史遷昇州刺史充浙西節度使時劉展在於睢陽反狀已萌公乃飭偏師利五刃水

陸戰備以時增修都統使李岷奏以爲過防駭衆肅宗有詔追拜刑部侍郎進爵縣公尋而劉展陷江淮李岷敗績奔走時之議者皆多公之先覺怒岷之沮計焉御史中丞敬羽詐佞取恩惡公剛直以謗語陰中之天威赫然責命斯極貶蓬州長史代宗卽位移利州刺史未之任徵拜戶部侍郎轉吏部侍郎加銀青光祿大夫進金紫光祿大夫除江陵尹兼御史大夫充荆南節度觀察使未辭闕而舉興幸陝州公扈蹕行在拜尚書右丞及還京遷刑部尚書續兼御史大夫充朔方宣慰使進封魯郡公食邑二千戶宰臣元載怙權專政每有公議公正言引經不爲之屈指擿將如規之載心銜色忿蓄而將發者數四矣會攝享太廟公以祭器不修啓於宰臣載因奏公謗讟時政貶峽州別駕未到任換吉州別駕移撫州刺史轉湖州刺史政尚清淨長孤養耆微備浚隍式廉明進吏事特責大旨而已郡人悅之立碑頌德而耽嗜文籍卷不釋手初在德州嘗著韻海鏡源遭難而止至是乃延集文士纂而成文古今文字該於理者撫華撮要罔有不備爲三百六十卷以其包荒萬彙其廣如海自末尋源照之如鏡遂以名之又著吳興集十卷廬陵集十卷臨川集十卷並行於代大曆末姦臣伏誅宰臣楊綰常哀舉公舊德宜在中朝徵拜刑部尚書公乃奏上所著韻海鏡源帝嘉之藏於集賢書院及祕閣公前後三領大司寇以年老辭榮上愛其才遷吏部尚書清汰九流用正庶官代宗晏駕朝廷以公鴻儒詳練典故舉充禮儀使祇護陵寢率禮無違加光祿大夫太子少師使如故著禮儀集十卷上方倚以爲相爲權臣所忌遷太子太師外示崇高實以散地處之也建中四年賊臣李希烈阻兵淮右詔公奉使宣慰豺狼方熾或論公逗遛以需公曰君命也焉避之既見希烈奉宣朝旨詞不屈志不撓賊黨乃交刃脅之慢罵不遜公視之凜如責以悖逆希烈不敢亢逼而退久之置酒大會將餞公復命行有時矣遇叛臣李元平陷我汝海委質賊廷公於座上數其背恩厲氣斥責叛者慚赧密以異語動於希烈希烈意變遂執公囚於官舍防以甲士或掘井於側或積薪於前或給以瘞填或許以焚燬虐毒萬計期公毀節公謂之曰願假一劍豈勞多端服義而終乃其所也賊竟不敢逼貞元初希烈陷汝州是時公幽

辱已三歲矣度必不全乃自爲墓誌以見其志是年遇害於汝州之龍興寺春秋七十有六自登朝及作藩牧常以安君厚俗爲務獎善伐惡爲志言非至公不發於口事非直道不幾於心植操則夷齊之高也理戎則羊陸之仁也當朝則汲黯之正也莅下則廉范之通也蘊是具美行乎至儉強暴莫敢衝千仞不能動大義久廢公起之醇風久醺公還之非賢人之業何以臻此然虛已下士不以名位自高苟有道者蓬門鵠衣必與抗禮在平原嘗薦安陵處士張鎬有公輔之量數年間鎬位列鼎司論者稱之善與人交執友之子義均甥姪介操所至不遷其守剛而中禮介而容衆靜而無悶動而有光便於已希權倖不爲也君有命蹈湯火不辭也心在弭亂不在功志圖報國不圖生故其殺身成仁視死如歸雖漢之龔勝魏之王經無以加焉昔衛銘孔惺魯頌僖公載在禮經形於雅什僉以爲公之事君事親愛敬直清陞步不忘德充也服義戴仁顛沛以之行極也探賻儒府述古立言文經也勤勞王家靖難安仁武功也頌聲不昭後嗣何觀於是故吏廬州刺史李嶠乃刊石建碑旌於不朽以峴嘗參公會府公卿之末備位史臣俾讚丕烈永示將來敢竭不才恭述所聞銘曰天祚聖唐降賢救時烈烈魯公毓德應期巖峙玉鎮伊傳之師文武忠信天子是毗亦既升朝倏然正色潤我王度作藩於德賊爲豺虺流臺下國公飭王族殄掃妖慝解紛以和柔逆以忠萬里狂飈半爲淳風君子知微遇變則通全我庶人入奉宸聰乃副丞相是司喉舌周旋七命內外胥悅營營青蠅不害其潔危行言孫保茲明哲用啓土宇俾侯于魯式是百辟彝倫攸敘亂靡有定盜擾淮浦帝曰汝賢代予宣撫孰不懷忠處死難之於赫我公視險若夷猛獸斷斷履之無疑扇彼薄俗惟緝惟熙昔在申伯作藩周室詩人歌頌尙播聲律矧我文忠人之紀綱功侔四時節貫雪霜煥乎立言歿而彌彰日居月諸垂範無疆

此碑原題作墓誌銘案唐書魯公本傳及殷亮撰公行狀卽令狐峴此文皆云公爲希烈所拘自爲墓誌然則公葬時其子穎碩當以公自作之誌納於壙何事更乞銘於峴此文於公之兄弟七人公次第六妻韋氏太子中舍迪之子女適京兆韋政皆未之及非誌體也且其文曰故吏廬州刺史李嶠刊

石立碑旌於不朽則峴所撰者公之神道碑也以傳刻失實耳及閱留元剛魯公年譜其末條辨正公卒之年亦引此文作神道碑益知愚論爲不謬因改題曰神道碑銘峴令狐德棻之元孫官終祕書少監

顏魯公文集卷十四

原
书
空
白
页

顏魯公文集卷十五

寧鄉黃本驥仲良編訂

湘陰蔣 瓊維揚參校

外集三

顏魯公年譜

宋永春 留元剛 茂潛

中宗景龍三年己酉公生於是年其先琅邪沂人晉侍中西平靖侯舍之十四世孫舍以孝義儒學名家居丹陽五代祖之推北齊黃門侍郎始為京兆長安人高祖思魯隋司經局校書東宮學士長寧王侍讀唐太宗為秦王拜記室參軍曾祖勣禮著作郎崇賢宏文館學士祖昭甫晉王曹王侍讀華州刺史父惟貞薛王友贈太子少保

四年庚戌六月改元唐隆是月睿宗即位七月改元景雲

景雲三年壬子正月改元太極五月改元延和八月傳位元宗改元先天

先天二年癸丑十二月改元開元

開元二十二年甲戌公年二十六考功員外郎孫遜下進士及第試梓材賦庫

詩

二十四年丙子公年二十八平判入等授朝散郎秘書省著作局校書郎

天寶元年壬午公年三十四舉文詞秀逸科元宗御勤政樓策試上第十月授

禮泉尉後黜陟使王鉷以清白名聞轉通直郎遷長安尉按本傳及神道碑

天寶初以制策甲科作尉禮泉考唐會要所載諸科如文詞秀逸皆謂之制

舉通直郎自武德定令為從六品朝散郎從七品

五載丙戌公年三十八是歲有張長史十二意筆法記

六載丁亥公年三十九正月遷監察御史尋充河東朔方軍試覆屯交兵使

七載戊子公年四十是年充河西隴右軍試覆屯交兵使

八載己丑公年四十一又充河東朔方軍試覆屯交兵使勅奏朔方令鄭延祚

八月遷殿中侍御史時中丞宋渾為御史吉溫崔珪誣告謫賀州公面折之

楊國忠黨於溫怒公不附已令溫諷中丞蔣洙奏公為東都採訪判官按史

傳溫性陰詭詔事貴官以訊獄深虐李林甫才其為擢戶部郎中兼侍御史又媚附楊國忠安祿山高力士為國忠謀奪林甫權誣奏京兆尹蕭嵩及渾逐之皆林甫所善林甫不能救後祿山領河東節度表溫自副總留事拜雁門太守以母喪解表為魏郡太守國忠當國引拜中丞十三載祿山薦為武部侍郎國忠與祿山爭寵溫轉厚於祿山國忠忌之發其贓狀遂斥死宋渾之謫當是溫兼侍御史時也家譜以公遷殿中在五月今從行狀

九載庚寅公年四十二二月遷侍御史

十一載壬辰公年四十四三月轉武部員外郎判南曹

十二載癸巳公年四十五楊國忠以前事銜之繆稱精擇出公為平原太守按

十三載有東方畫贊碑陰記云去歲拜此郡則以是年出守明矣

十三載甲午公年四十六二月有東方先生畫贊碑陰記

十四載乙未公年四十七轉兵部員外郎時安祿山反河朔盡陷獨平原城守

具備使司兵參軍李平馳奏元宗始聞亂數曰河北二十四郡無一忠臣邪

及平至大喜顧謂左右曰朕不識顏真卿何如人所為乃若此謹按公嘗為

殿中侍御史與仲昆左補闕允南同列臺省每朝賀宰相已下登殿者不過

三十人公與允南二拱法座於舍元殿朝覲宴集必同行列夫以拱承天辟

執憲殿中久賜清閑參陪左右不為疏遊者矣平原出守才三年耳已有不

識之間元宗末年怠荒盡於妖孽昏昧至是安得不稔胡離之禍哉

十五載丙申七月肅宗即位改元至德公年四十八正月加戶部侍郎兼平原

郡太守三月兼河北招討採訪使七月拜工部尚書兼御史大夫平原郡太

守河北招討採訪處置等使有皇帝即位賀上皇表有修書帖十月史思明

尹子奇圍河間公遣和琳往救思明逆戰擒之河間陷又使康沒野波將先

鋒攻平原公謀於眾賊銳不可抗乃渡河

肅宗至德二載丁酉公年四十九朝於鳳翔授憲部尚書有讓表六月兼御史

大夫有謝表新史行狀月日不同今從家譜九月丁丑廣平王儉平西京十

月壬戌平東京癸亥肅宗發鳳翔丙寅入西京太廟為賊所焚肅宗素服向

廟哭三日按本傳兩京復公建言春秋新宮災魯成公三日哭今太廟爲賊毀請築壇於野皇帝東向哭宰相厭其言十一月出爲馮翊太守有謝上表三載戊戌二月改元乾元公年五十三月除蒲州刺史有謝上表四月有謝晉王曹王侍讀贈華州刺史表按通鑑果卿姊妹及泉明之子流落河北是年公守蒲使泉明往求之九月有祭姪贈贊善大夫季明文十月除饒州刺史有華嶽廟題名至東京拜掃有祭伯父豪州刺史文豪州按通典春秋末鍾離子之國晉僞置徐州安帝時爲鍾離郡宋廢入南兗州齊置北徐州北齊爲西楚州隋開皇二年以地枕濠水更曰濠州自大業至唐武德天寶乾元改爲郡若州者再地理志謂濠字初作豪元和三年改從濠元和郡國志濠當作濠字中開誤去水元和三年字又加水彭晁社亭記碑陰載武德間州印豪字亦不從水元和二年御史崔公中奏請依舊以濠水爲州名三年八月敕豪從水省司重造新印考之濠州乃開皇舊名武德以後始作豪也今舊集作濠誤當從碑本

乾元二年己亥公年五十一有顏司徒碑銘六月爲昇州刺史充浙西節度使兼江寧軍使有謝表江寧郡以元年改置昇州兼浙西節度觀察便是年有與蔡明遠帖李侍御寫真贊有天下放生池碑銘按放生池碑陰記及碑銘所載皆在二年湖州碑陰記後乃書作二年三月致之乞御書碑額表云去年冬任昇州刺史日述碑銘一章自書絹本附史元琮奉進乞御書題額以光揭不朽緣前書點畫稍細恐不經久今謹據石壁窠大書一本奉進特乞聖恩俯遂前請然則碑銘必是年所作而再進壁窠之本在於次年故繫以改書之年月耳藝文類聚有梁元帝荊州放生亭碑世謂放生建碑始於唐非也

三年庚子閏四月改元上元公年五十二時劉展將反公豫飭戰備李岷以爲生事非短公二月追爲刑部侍郎有乞御書天下放生池碑額表八月貶蓬州長史按離堆記以言事忤旨本傳云上皇遷西內公率百官問起居李輔國惡之行狀神道碑又謂爲御史中丞敬羽所誣然二事皆在公貶貳之時

也

上元二年辛丑九月去年號稱元年以十一月爲首歲元年壬寅復以建巳爲四月改元寶應是月代宗卽位公年五十四五月有鮮于氏離堆記拜利州刺史屬匡賊圍城不得入追赴上都十二月劉晏讓爲戶部侍郎有謝表有顏司業碑

寶應二年癸卯七月改元廣德公年五十五三月改吏部侍郎有謝表八月除江陵尹兼御史大夫充荆南節度觀察處置使有謝表未行授代十月轉尚書右丞有臧尚書碑銘

代宗廣德二年甲辰公年五十六正月以檢校尚書兼御史大夫充朔方行營汾晉等六州宣慰使招諭僕固懷恩不行遂知省事二月有與李太保帖十一月有與郭僕射書郭公廟李臨淮碑銘按郭英又爲尚書右僕射封定襄郡王驕蹇侈汰陰事元載魚朝恩以久其權明年嚴武死以英又爲成都尹充劍南節度使自以有內主肆志無有所憚崔旰反英又奔靈池晉州刺史韓澄殺之是月又與李太保帖

永泰元年乙巳公年五十七八月有孫逖文公集序閏十月有與李太保帖有顏秘監碑銘

二年丙午十一月改元大曆公年五十八時元載多引私黨畏羣臣論奏乃給代宗曰羣臣所奏多挾私讒毀請自今論事先白長官長官白宰相宰相定可否則後奏聞公有百官論事疏攝事太廟言祭器不飭載以爲誹謗二月貶峽州別駕時又有廟享議朝會有故去樂議三月移佐吉州道出湫水有平烈士左伯桃詩六月有東林寺西林寺題名歐陽公脩集古錄按唐書公爲元載所惡貶峽州員外別駕撫州湖州刺史載誅復爲尚書而不言其再貶至新史始載本末蓋攷諸碑陰記及題名也

大曆二年丁未公年五十九正月有鮮于少保碑銘十月有靖居寺題名守政帖廬陵集十卷

三年戊申公年六十五月除撫州刺史按魏夫人麻姑華姑仙壇記乞御書題

額恩勅批答碑陰記並在是歲家譜誤作二年當以記爲據有書馬伏波語

四年己酉公年六十一四月歸附季弟少尹於上都時同生十人零落皆盡惟

公獨存有寶應寺翻經臺記魏夫人華姑壇記碑

五年庚戌公年六十二五月有麗正殿學士殷君墓碣銘十二月有宋開府碑

銘

六年辛亥公年六十三三月有寶應寺律藏院戒壇記閏三月臨川代到四月

有南城縣麻姑山仙壇記是年有晉侍中西平靖侯顏公大宗碑又有左輔

元編次所賦爲臨川集十卷

七年壬子公年六十四有八關齋報德記九月至東京除湖州刺史十一月發

東京有與夫人帖

八年癸丑公年六十五正月至任七月追建放生池碑銘按杼山妙喜寺碑云

大曆七年蒙刺是邦觀察判官御史袁君高巡部會於此土遂立亭於東南

陸處士以癸丑歲冬十一月癸卯二十一日癸亥建名曰三癸又云自典校

時著韻海鏡源未遑刊削壬子歲叨刺於湖公務之際與沙門法海李嶠陸

羽褚沖湯某柳察潘述裴循蕭存陸士修楊遂初崔宏楊德元胡仲湯涉顏

祭韋介左與宗顏策以季夏於州學及放生池討論至冬徙於茲山來年春

遂終其事考之乞御書題額恩勅批答碑陰記公七年秋九月歸至東京起

家除湖州刺史來年春正月至任放生池碑後亦書云七年秋九月己亥蒙

除不應壬子之九月至京癸丑之正月至任而壬子之季夏與羣士討論於

州學冬復徙於杼山癸丑之春遂成書而終事碑銘曰三癸嶠岫又曰紛吾

著書羣彥惠臻言羣彥著書於三癸之亭也夫既大曆七年蒙刺是邦癸丑

十月方有此亭安得壬子之冬羣彥已集是必寺碑傳寫於金石剝落之餘

誤以癸丑爲壬子當終事於甲寅之春也郡有韻海樓未徙杼山時所建是

年有題三癸亭酬陸處士折青桂花見寄詩水堂送諸文士戲贈潘承聯句

十二月有沈氏述祖德記元靖李先生碑銘公在郡及門生弟姪多攜壺機

檝以遊峴山觀左相石鱗聯句序謂因積溜漲石嵌爲鱗形酌酒其中結字

環飲

九年甲寅公年六十六正月作千祿字書序書於刺史宅東廳院又有韻海鏡

源公天寶中守平原與封紹高質族弟渾修成二百卷屬祿山作亂止存四

分之一及刺撫州與左輔元等增廣成五百卷至是刊削繁辭纂而成文凡

古今文字該於理者撫筆撮要罔有不備爲三百六十卷是年有乞御書題

額恩勅批答碑陰記妙喜寺碑贈僧皎然詩

十年乙卯公年六十七有元次山表墓碑銘歐陽領軍碑銘

十一年丙辰公年六十八四月有崔孝公陋室銘記初嘗溪東南有白蘋洲梁

太守柳惲江南曲汀洲採白蘋日暮江南春後人因以名洲至是公始翦榛

導流作八角亭及茅亭書惲詩於上有康使君碑銘

十二年丁巳公年六十九四月有柳惲西亭記吳興集十卷元載誅楊綰薦公

四月召於湖州五月有項王碑陰述八月爲刑部尚書

十三年戊午公年七十正月三抗章乞致仕不允二月有過瑤臺寺懷圓寂上

人詩是年進吏部尚書按家譜以十二年十二月爲吏部尚書充禮儀使致

舊史記及詩序今年正月乞致仕二月謁昭陵猶爲刑部尚書不應十二年

已除吏部今參之行狀神道碑史傳所載先後進吏部當在今年充使乃代

宗晏駕之後也

十四年己未公年七十一五月代宗崩德宗即位充禮儀使七月奏列聖謚繁

有請復七聖謚號狀時袁修議云陵廟玉冊已刻不可輕改修蓋妄奏不知

玉冊皆刻初諡而已又有論元皇帝祧遷狀

德宗建中元年庚申公年七十二七月有顏少保碑銘時楊炎當國公以直不

容八月爲太子少師依前禮儀使有左輔元所編禮儀集十卷

三年壬戌公年七十四上方倚以爲相盧杞忌之八月改太子太師罷其使

四年癸亥公年七十五正月李希烈陷汝州盧杞建議遣公爲宣慰使往諭之

公卿失色李勉密表固留不報既至宣詔旨希烈養子千餘人交刃脇公後

又囚於官舍守以甲士掘方坎於廷傳將坑之期公毀節公謂希烈曰死生

有定何多端一劍見與卽親快事希烈不敢逼

興元元年甲子公年七十六有奉命帖題驛舍壁會周曾等謀襲汝州奉公爲節度事洩希烈殺曾等拘送公於蔡州

貞元元年乙丑公年七十七正月有移蔡帖時公已幽辱三載矣度必死乃自作遺表墓誌祭文指寢室西壁下曰吾殯所也八月希烈使闖奴與辛景臻等縊殺公於龍興寺

二年丙寅四月希烈爲牙將陳仙奇所殺蔡州平十一月奉公喪歸葬於萬年縣之鳳棲原公之死也舊史記云貞元元年正月始聞廢朝贈諡傳乃謂死於興元元年八月新史記以爲貞元元年之八月神道碑前書日月同舊傳後又云貞元初遇害希烈之誅新舊史記作今年四年舊史傳復云貞元元年仙奇護公喪歸攷之遺蔡帖貞元元年自汝移蔡行狀及嗣曹王臯柳瑤常侍言旨並云是年八月賊命辛景臻等於蔡州龍興寺縊公明年希烈死仙奇歸喪則舊史記傳不但書公之死先後失次而平蔡歸葬之年亦復差互令狐峒固自戾其說而通鑑復取諸舊史何邪恐他有所據新史當必見行狀與移蔡之帖也新史公年七十六舊史七十七按大曆十三年公年七十爲刑部尙書三抗章乞致仕不允後死於貞元元年當是七十七

顏魯公文集卷十六

寧鄉黃本驥仲夏編訂

湘陰蔣 環維揚參校

外集四

寄章南陵冰余江上乘與訪之遇尋顏尚書笑有此贈

唐 李白

南船正東風北船來自緩江上相逢借問君笑語未了風吹斷聞君攜伎訪情人應爲尙書不顧身堂上三千珠履客囊中百斛金陵春恨我阻此舉淹留楚江濱月色醉遠客山花開欲然春風狂殺人一日劇三年乘興嫌太遲焚却子猷船夢見五柳枝已堪挂馬鞭何日到彭澤長歌陶令前

案此詩乾元二年太白流夜郎中途遇赦還憩漢陽時作王琦太白年譜注

云肅宗時尙書而顏姓者惟魯公一人則所尋之顏尙書必魯公也唐書乾元元年顏真卿由工部尙書出爲饒州刺史二年六月由饒州刺史爲昇州刺史充浙西道節度使此詩應在六月以前魯公在饒州時作故以彭澤陶令相況章冰元珪之子後爲鄆令者也

陪譙湖州公堂

河東 耿 漳 洪源

謝公爲楚郡坐客是瑤林文府重門奧儒源積浪深壺觴邀薄醉笙磬發高音末至才仍短難隨白雪吟

數顏魯公送挺齋歸翠微寺

河中 盧 綸 允言

挺齋惠學該儒釋袖有顏徐真草迹一齋三請紀行詩贈我垂鞭弄鳴鐺寺懸金榜半山隅石路荒涼松樹枯虎迹印雪大如斗閨月暮天過得無

送顏平原

河南 岑 參

十二年有詔補尙書十數公爲郡守上親賦詩饗羣公宴於蓬萊前殿仍贈以繒帛寵錢加等參美顏公是行爲寵別章句

天子念黎庶詔書換諸侯仙郎授剖符華轡分憂置酒會前殿賜錢若山邱天章降三光聖澤該九州吾兄鎮河朔拜命宣皇猷駟馬辭國門一星東西流夏雲照銀印暑雨隨行轡赤筆仍在篋鱸香惹衣裘此地鄰東溟孤城弔滄洲

海風掣金戟導吏呼鳴騶郊原北連燕剗風未休魚鹽隘里巷桑柘盈田疇爲郡豈淹旬政成應未秋易俗去猛虎化人似馴鷗蒼生已望君黃霸寧久留

胡笳歌送顏真卿使赴河隴

君不聞胡笳聲最悲紫綉綾 一作 眼胡人吹吹之一曲猶未了愁殺樓蘭征戎

兒涼秋八月蕭關道北風吹斷天山草崑崙山南月欲斜胡人向月吹胡笳胡笳怨今將送君秦山遙望隴山雲邊城夜夜多愁夢向月胡笳誰喜聞

聞顏尙書陷賊中

荆南 戎 昱

聞說征南沒那堪故吏聞能持蘇武節不受馬超勳國破無家信天秋有雁聲同榮不同辱今日負將軍

奉酬顏使君真卿見過郭中寺寺無山水之賞故予述其意以答焉

潮州 僧皎然 清書

州西柳家寺禪舍隱人間證性輕觀水栖心不買山屢聲和客貴雲影悟身閑彥會前賢事方今可得攀

奉酬顏使君真卿王員外圓宿寺兼送員外使迴

魯公邀省客貧寺人過少錦帳惟野花竹屏有窗篠朝行石色淨夜聽泉聲小釋事情已高依禪境無擾超遙長路首悵望空林杪離思從此生還將此心了

杼山上峯和顏使君真卿袁侍御五韻賦得印字仍期明日登開元寺樓

之會 案袁侍御高也

道情寄遠岳放曠臨千仞香路延絳騶華泉寫金印日歌諸天近雨過三華潤留客雲外心志機松中韻靈嘉早晚期爲布東山信

奉賀顏使君真卿二十八日隔絕自河北遠歸

相一作 失值氣煙纔應掌上年久離驚貌長多難喜身全比信尙書重如威太守憐滿庭看玉樹更有一枝連

同顏使君真卿李侍御峴游法華寺登鳳翅山望太湖

雙峯開鳳翅秀出南湖州地勢抱郊樹山威增郡樓正逢周柱史來會魯諸侯緩步凌彩嶺清鏡發颺颺披雲得靈境拂石臨芳洲積翠遙空碧含風廣澤秋

蕭辰資麗思高論驚精修何似鍾山集微文及惠休

奉和顏使君真卿修韻海畢會諸文士東堂重校

外學宗碩儒游焉從後進恃以仁恕廣不學門闌峻著書裨理化奉上表誠信
探討始河圖紛綸歸海韻親承大匠琢沉視頽波振錯簡記鉛槧閱書移玉鎮
曷絲旌不朽感笑流歌引

奉同顏使君真卿開元寺經藏院會觀樹文殊碑

萬國布殊私千年降祖師雁門傳法至龍藏立言時故實刊周典新聲播魯詩
六銖那更拂刻石盡無期

奉同顏使君真卿哀侍御駱駝橋說月

山中常見月不及共游時水上恐將缺林端愛落遲烏驚憲府客人詠鮑家詩
永夜南樓望裴回若有期

九日陪顏使君真卿登水樓

重陽荆楚尚高會此難陪偶見登龍客同游戲馬臺風文向水疊雲態擁歌迴
持菊煩相問捫襟愧不才

奉和顏使君真卿修韻海畢州中重宴

世學高南郡身封感魯邦九流宗韻海七字揖文江借賞雲歸蝶留歡月在窗
不知名教樂千載與誰雙

春日陪顏使君真卿皇甫曾西亭重會韻海諸生

爲重南臺客朝朝會魯儒喧風衆木變清景片雲無峯翠飄簷下溪光照座隅
不將簪艾隔知與道情俱

奉陪顏使君真卿登峴山送張侍御嚴歸臺

峴首千里情北轅自茲發煙霞正登覽簪筆限趨謁黃鶴望天衢白雲歸帝關
客心南浦柳離思西樓月留賞景不延一作不延景感時芳易歇他晨有山信一爲

訪林樾

同顏使君真卿峴山送李法曹陽冰西上獻書時會有詔徵赴京

漢日中郎妙周王太史才雲書捧日去鶴版下天來草見吳洲一作發花思御

苑開羊公惜一作風景欲別難遲迴

同顏使君清明日遊因送蕭主簿案蕭主簿存也

誰知賞佳節別意忽相和暮色汀洲徧春情楊柳多高城戀旌旆極浦宿風波
惆悵支山月今宵不再過

陪顏使君錢宣諭蕭常侍案蕭常侍類士也

江濤凋瘵後遠使發天都昏墊震心及哀矜詔命數恤民驅急傳訪舊枉征轡
外政藩條最中朝顧問殊文皆正風俗名共溢寰區已事方懷關歸期早戒塗
繁笳咽水閣高蓋擁雲衢暮色生千丈秋聲入五湖離歌猶宛轉歸馭已踟躕
今夕庾公意西樓月亦孤

奉陪顏使君修韻海畢東溪泛舟錢諸文士

諸侯崇魯學羔雁日成羣外史刊新韻中郎定古文魯公著書依切韻起兼百氏雜雅一作素備三墳國語思開物王言欲致君研精業已就惟宴惜應分
獨望西山去將身寄白雲

同顏魯公泛舟送皇甫侍御曾

維舟若許暫從容送過重江不厭重霜簡別來今始見雪山歸去又難逢

奉同顏使君真卿送李侍御嶠賦得荻塘路

落日車遙遙客心在歸路細草暗回塘春泉繁古渡遺蹤歎蕪沒遠道悲去住
寂寞荻花空行人別無數

奉應顏尚書真卿觀元真子置酒張樂舞破陣畫洞庭三山歌案元真子張志和自號

也號

道流迹異人共驚寄向畫中觀道情如何萬象自心出而心澹然無所營手援
毫足踏節披縑灑墨稱麗絕石文亂點急管催雲態徐揮慢歌發樂縱酒酣狂
更好攢筆若雨縱橫掃尺波瀟灑應無涯片嶺峻嶒勢將倒盼來方知造境難
象忘神過非筆端昨日幽奇湖上見今朝舒卷手中看與餘輕拂遠天色曾向
峯東海邊識秋風暮景颯颯容翻疑是真畫不得顏公素高山水意常恨三山
不可至賞君狂畫志遠遊不出軒墀坐蒼翠

奉和顏魯公真卿落元真子舴艋舟歌

滄浪子後元真子冥冥釣隱江之汜
剗木新成舴艋舟諸侯落舟自茲始
得道身不繫無機舟亦閑從水遠逝
令任風還朝五湖兮夕三山停綸乍
入芙蓉浦繫汰時過明月灣太公取
璫我不取龍伯釣鼈我不釣竹竿嫺
嫺魚徒從此中自得還自笑汗漫一
遊何可期後來誰遇冰雪姿上世初
聞出堯世今朝還見在堯時

奉同顏使君真卿清風樓賦得洞庭歌送吳鍊師歸林屋洞

案吳鍊師吳筠也

名山洞府到金庭三十六洞稱最靈
不有古仙啓其秘今日安知靈寶經
山中鍊師栖白雲道成仙秩號元君
安知高仙者有元君次有夫人元君有秩比左仙公三千甲子朝玉帝世上如今名始聞吐納青牙養肌髮花冠玉鳥何高潔不聞天上來謫仙自是人間授真訣吳興太守道家流仙師遠放清風樓應將內景還仙去且從分風當此留湖之山兮樓上見山冥冥今水悠悠世人不到君自到縹緲仙都誰與儔黃鶴孤雲天上物物外飄然天自匹一別千年未可期仙家不數人間日

晦日陪顏使君白蘋洲集

南朝分古郡山水似湘東堤月吳風在
蒲裾楚客同桂寒初結蒴蘋小欲成叢
時晦佳游處高歌聽未終

新樂府青石激忠烈也

下邳白居易樂天

青石出自藍田山兼車載運來長安
工人磨琢欲何用石不能言我代言
不願作人家墓前神道碣墳土未乾
名已滅不願作官家道旁德政碑不
鐫實錄鐫虛辭願爲顏氏段氏碑雕
鏤太尉與太師刻此兩片堅貞質狀
彼二人忠烈姿義心如石屹不轉死
節如石確不移如觀奮擊朱泚日似
見叱訶希烈時各於其上題名諡一
置高山一沈水陵谷雖遷碑獨存骨
化爲塵名不死長使使不忠不烈臣
觀碑改節慕爲人慕爲人勸事君

謁湖州顏魯公祠

宋樂清王十朋梅溪

卞山苕溪高且清魯公祠堂貌如生
言千古英雄在吉吉一點仙丹成姦
臣必欲置之死天下不敢呼其名當
時節義誰可並常山太守公難兄

案湖錄云十朋又有懷忠堂放生池二詩并刻放生池上今未見

題顏魯公畫像

分寧徐師川

公生開元間壯及天寶亂捐軀范陽
胡竟死蔡州叛其賢似魏徵天下非
真觀四帝數十年一身逢百難少時
讀書史此心已斷老來鬢髮衰慨歎
功名晚嗟我忠義途捷去不可緩初
無當年悲只令後世歎一朝絕竊兩
南敵常亢旱小夫計難得斯民蓋塗
炭長歌詠君節千載勇夫懷敬書子
張紳庶幾古人半

游湖州題顏魯公祠堂

臨川童敏德

挂帆一縱疾於鳥長與夜發吳興曉
杖藜上訪魯公祠一見目明心豁未
說邦人懷使君且爲前古惜忠臣德
宗更用盧杞相出當斯位誠艱辛生
逆龍鱗死虎口要與乃兄同不朽狂
童希烈何足罪姦邪嫉忠假渠手乃
知成仁或殺身保身不必皆哲人此
公安得世復有洗空凡馬須麒麟

遊麻姑山

陽安劉涇巨濟

石鼓埋入地荆壁飛上天嗚呼魯公
碑風雨三百年愛字不愛石磨滅安
得傳不敢手觸之謂是甘棠篇

讀中興頌碑

柯山張耒文潛

玉環妖血無人掃漁陽馬厭長安草
潼關戰骨高於山萬里君王蜀中老
金戈鐵馬從西來郭公凜凜英雄才
舉旗爲風偃爲雨洒灑九廟無塵埃
元功高名誰與紀風雅不繼騷人死
水部胸中星斗文太師筆下蛟龍字
天遣二子傳將來高山十丈磨蒼崖
誰持此碑入我室使我一見昏眸開
百年廢興增歎慨當時數子今安在
君不見荒涼渚水寒不收時有游人
打碑賣

案自宋以來遊涪溪題詩詠磨崖石
刻者甚夥大抵贊美元顏二公之行
誼文字或評論元肅兩朝時政非專
爲魯公作也今採文潛此詩以概其
餘其專爲魯公作者於元代探郝伯
常一首餘不備錄

題顏魯公像

舒州朱翌新仲

千五百年如烈日二十四州惟一人
朝衣視坎趨前死羽服行山即此身
廬陵文天祥 宋瑞

過平原

平原太守顏真卿長安天子不知名一朝漁陽動擊鼓大河以北無堅城君家兄弟奮戈起一十七郡連城盟賊聞失色引軍退不敢長驅窺帝京明皇西狩靈武立中興遂起勤王兵唐軍再造李郭力逆賊牽制公威靈哀哉常山舌可裂公歸朝廷氣不折崎嶇坎坷不得去出入四朝仗忠節當年幸脫安祿山白首竟陷李希烈希烈何能遠殺公范陽奸相陰相亂臣賊子歸何所茫茫煙草中原土公去於今六百年忠精赫赫雷行天

顏魯公祠堂

臨川謝 蒨 幼榮

上皇御宇無長策牧羊奴子孤恩澤銀篋分印屬兒曹二十餘州齊陷賊常山死守平原拒公家兄弟聲名赫平原白首列班行忠義凜凜真嚴霜歷事四朝惟一節當年舌砥中丞血豈知丞相面如藍貌雖夷易心嶮巖老臣何罪死虎口到今誰爲祛其銜臨風志士長悲吟矧瞻遺像嚴祠下未能立草迎送詞一奠椒漿淚盈把

書唐匡碑後

元陵川 郝 經 伯常

汝南昔曾謁公祠霜日晴列森英姿乃今江館坐牢落奪目忽覩中興碑神明煥若還舊觀義烈凜凜生見之滯氣激起天宇豁快意發豪揮金鎚生平每爲魯公惜以技掩節如義之不阿相溫止殷浩遺世脫屣終遊嬉平原突兀杲卿死李唐中業公能持政令我公書不工隻字片楮尤當奇矧其超出二王上冠冕百代書家師坡翁論書至公正此本於公又奇至正書篆玉藏李斯出筆存鋒兼漢隸古硬陵轢瘞鶴銘韻勝韜扶蘭亭記離堆雄駿僅能亞畫贊沈深還櫛比書法至此爲絕塵頓覺諸家異端異恢宏正大極適緊馳騁剛方窮壯麗萬古千秋討賊心二十四城忠義氣惜哉歲久頽殘缺苔蝕潮衝磨滅去國幾年似者希滄海遺珠亦奇絕酒酣對酌虎賁郎況乃摩挲是明月斷畫斬薪炭斷金偏彊常山筆端舌中間剝劬向含糊慘淡中丞面餘蟻載看激烈壯士肝意苦時危將泣血置書勿論撫膺數更有何人似公節忠貞端不負巡遠文字尤令重元結只今誰識段文昌世上焉知李希烈終南太華皆可磨後人竟莫墮嵯峨惟餘滄溪青天一石照耀遠古馳江河誰能與世建此不朽業蕩

攘邪穢蠲妖疴再扶元氣捷澆訛踵武至德肩元和九原起公吾其歌

謁湖州顏魯公祠

明澤陽 張 羽 來儀

昔聞天寶時構禍始胡羯大駕方蒙塵妖氣暗金闕逆虜肆長驅州縣皆瓦裂君能嬰其鋒正氣不可奪弟兄收散卒義師同時發賊勢若牽制遂成中興烈投老陷姦臣萬死能一決元龜乃自棄朝野氣騷屑茲郡昔來守千載有遺轍登堂拜君像瞻望仰奇節英靈共血食終古豈磨滅

謁三顏祠於白石山

晉江 蔡道憲 江門

立馬踟躕荒路口青是苔深紅葉厚悲風數里穴松杉顏顏能傾虎豹走白石當顛如拳貌吳工新琢水晶鈕其下古貌塑三顏魯公之左常山守季也孝子亦須眉案有黃雞村白酒我問此山廟何爲屢易斷碑神已久水有蛟龍陸有盜吾民賴公伏九醜當時古柏有二株大者自燒雷火吼嗚呼戎馬暗天時已辭臣身名何有天子不知何如人多謝老翁今爲壽

案白石山在直隸元氏縣以山有漢白石神君碑得名縣在唐隸常山郡顏杲卿爲太守死安祿山之難土人祀之以真卿及杲卿子季明附名曰三顏祠

題韻海樓玉樓春詞并序

本朝江都 吳 綺 圖次

韻海樓在湖州郡治內顏真卿守是土延諸名士作韻海鏡源一書於上朱觀畫棟宏敞壯麗爲一郡大觀今其書不知猶有存否各人所至自有可傳豈千載下遂無有聞而與感者乎作玉樓春

名流當日知無數此地曾爲欣賞處珠簾一片挂春雲畫棟幾番經暮雨人間傳舍無長主一卷能留千萬古焚香掃地更何人悵望神仙歸紫府

坐韻海樓醉筆詞

吳 綺

問南朝多少朱戶雕梁亂蓬殘壁此閣巍然記平原遺蹟惜賞高雲留歡晴月好句莓苔碧銷夜圖書試春簾幙坐人百尺晨鼓初聞萬中無事縱覽湖山盱衡今昔魯國當年未罵淮西賊韻海新繕鏡源初就慷慨尙書筆大節千秋危樓幾代倚闌長息

韻海樓

吳綺

危樓臨廢園猶是昔年餘官舍俱爲客前人獨著書牕分山翠入幔卷晚雲舒
魯國英靈在憑闌或啓予

遊杼山

吳綺

望嶺陟苔嶢沿溪入蔥蒨遂至夏王村復越黃蘗澗三癸溯遺蹟登高足忘倦
清流繞芳原晴陽疊層嶽山谷乃不殊雲嵐時互變東南煙華生城春了如見
遙思顏平原夙與閑士善高唱苔花間塵外有遐羨

顏魯公文集卷十六

原
书
空
白
页

顏魯公文集卷十七

寧鄉黃本驥仲夏編訂

湘陰蔣 瓊維揚參校

外集五

授顏真卿監察御史制

天寶六年

勅長安尉顏真卿文學擅於登科器幹彰於適用宜先汗簡之職俾著埋輪之效可依前件主者施行

授顏元孫滁州刺史制

開元三年

仰並早升清要特擅風規往牧黎人宜榮刺舉可依前件主者施行

贈顏昭甫華州刺史制

乾元元年與嚴方約等同制

門下有後之慶諒存乎義方飾終之典用彰於錫類故利州司功參軍嚴方約等早申嘉績夙負奇才名器重於當時聲著於遠烈雖舟壑已謝久淪過隙之期而子孫皆賢實積高門之祉屬恩加令嗣澤及先臣宜優表贈之禮俾洽榮之命可依前件主者施行

贈顏惟貞祕書少監制

寶應元年與崔璣同制

門下悼往之義必在於懷賢飾終之典允資於錫類銀青光祿大夫行尚書右丞崔渙亡父贈貝州刺史璣等才業貞修風稷淳茂或文儒著稱早踐於周行或幹用馳聲備更於歷選或量才未適或稟命不融永惟過隙之悲是得承家之美教忠斯在行慶攸歸宜覃泉壤之恩式叶哀榮之命可依前件主者施行

贈蘭陵郡太君殷氏蘭陵郡太夫人制

寶應元年與韓擇木母張氏同制

門下禮厚飾終義殷錫類永惟泉壤諒在哀榮金紫光祿大夫守太子少保集賢殿學士副知院事上柱國昌黎郡開國公韓擇木亡母贈南陽縣太君張氏等柔順壹儀慈和家範含章內備純德外昭遠從遷壑之悲空聞擇鄰之訓顧其令嗣光我搢紳或已及追封或未從表贈載覃渥澤爰洽幽明宜宏休命俾協彝典可依前件主者施行

授顏真卿刑部尚書告

大曆二年

門下昔舜命咎繇曰女作士明于五刑惟刑克允重華聖帝也遠人來格庭堅理臣也象刑惟明金紫光祿大夫使持節湖州諸軍事前湖州刺史本州團練守捉使上柱國魯郡開國公顏真卿舍和毓豐經德秉義繼文儒之業宏亮直之風執禮鳴謙敦詩變雅揚名四極流譽三朝夙著嘉猷聿彰大節既茂次公之績宜褒越石之勳詢謀僉同堪登右序矯枉過正亦會左遷知進退而終始一心交榮悖而用捨一致今載舉遺典重理庶獄以遵舊服其教在明可刑部尚書散官勳封如故主者施行

原本

授顏真卿太子少師告

建中元年

國儲為天下之本師導乃元良之教將以本固必由教先非求忠良何以審論光祿大夫行吏部尚書充禮儀使上柱國魯郡開國公顏真卿立德踐行當四科之首懿文碩學為百氏之宗忠謹盡於臣節貞規存乎士範述職中外服勞社稷靜專由其直方動用謂之懸解山公啓事清彼品流叔孫制禮光我王度惟是一有實貞萬國力乃稽古則思其人況太后崇徽外家聯屬顧先勳舊方睦親賢俾其調護以全羽翼一王之制咨爾兼之可太子少師依前充禮儀使散官勳封如故

贈故太師顏真卿司徒詔

貞元元年

君臣之義生錄其功歿厚其禮況才優匡國忠至滅身朕自與歟勞於寤寐故光祿大夫守太子太師上柱國魯郡公顏真卿器質天資公忠傑出出入四朝堅貞一志屬賊臣擾亂委以存論拘膺累歲死而不撓稽其感節實謂猶生朕致貽斯禍慚悼靡及式崇嘉命兼延爾嗣可贈司徒仍賜布帛五百端男顏碩等喪制終有司奏超授官職

授顏峴贊善大夫制

穆宗時元稹行

敕安邑解縣兩池推鹽巡官監察御史裏行顏峴古者公卿之子代為公卿所

以貴貴也況賢者之後死政之孤寧繁班資以礙升獎惟爾峴嘗與從父太師
深犯蜂蟻毒螫之下太師沒焉爾之不回幸而能脫終絕逆地來謁奉天列聖
念功訪求太師之後有司昧蔽不以爾聞今朕將建東朝深思贊論異時使朕
愛子知忠孝之道如爾峴吾何患焉可守太子右贊善大夫餘如故

授顏宏式同州參軍制

開元

朕每覽國史見忠烈之臣未嘗不嗟歎久之思有以報如聞從覽宏式實真卿
之孫承為九原既不可作旌其嗣續諒協典彝考績已深於宦途者命列於中
臺官次未齒於播紳者俾佐於左輔庶使天下再新義風

授顏溫鳳翔文學制

宣宗時與宋都授廣東尉黃去或授
臨安主簿同一制中書舍人李德裕行

勅太宗文皇帝論學書骨力論政化根源朕既達微言則思觀真蹟謂宋又欲
廣書籍之府以正是非謂黃存忠烈之家以勵風俗三者皆吾夢想也而
宋郁等進獻論列有以副焉丞郁簿去文學溫用酬其意可依前件主者施行

授顏堯禮郎中制

昭宗時中書
舍人錢珣行

勅前合州刺史顏堯昔太師魯公拘在寇廷渠魁有危迫之問對以諸侯朝覲
之禮奮發直言不屈端凝守正而沒理合之戒家廟為先賢哉鉅人可謂忠而
知禮矣今堯行高學茂洪緒有承因太師之所為遂以禮曹郎命爾用昭遺德
且勉令修

請贖太師顏真卿歸朝疏

唐陸渾張薦舉

去正月中真卿奉使淮西期不先戒行無素備受命之後不宿於家親黨不違
告別介副不及陳請屏僮單騎即日載馳冒鋒鋒於臨汝折元惡於許下捐軀
仗義威詭羣凶遂令脇制者回慮忠勇者肆情周會奮發於外草清同應於內
希烈蒼黃窘迫奔回舊穴蓋真卿義氣所激也真卿逮事四朝為國元老忠直
孝友羽儀王室行年八十被羸老之疾拘囚環堵之間顧盼鉤戟之下吁嗟憤
恚失寢忘食不知悲翁何以堪此伏聞希烈之母鍾念幼子目不絕泣求責希
烈又希烈妻祖母郭及妻妹封並逮捕京師此三人留之無益請寬境上以贖
真卿先降詔書分明諭告且希烈知真卿人望不欲加害既無嫌隙但因循未

遣耳若歸其親愛賊亦何悵還一使哉臣又聞真卿所遣兄子峴及家僮從官
奉表來者五輩皆留中其子顏等拳拳實希一見望許休澣告以安否

案顏真卿為李希烈所拘遣兄子峴及家僕奏事五輩皆留內客省不得出
薦為左司禦率府兵曹參軍上疏云云疏奏盧杞持之不報新唐書
張鷟傳

請表太師顏真卿忠節疏

嗣曹王李皋
節度

臣見蔡州歸順脚力張希瑑王仕昌等說去年八月二十四日蔡州城中見封
有鄰兒不得名字云希烈令偽皇城使辛景臻右軍安華於龍興寺殺顏真卿
埋於羅城西道南里并立碑臣聽之未畢涕泗交流三軍對臣亦苦鳴咽且臣
死王事子復父讎人倫常經不足蹇異所悲去古日遠澆風蕩浮多苟偷生曾
不顧節使忠孝寂寥人倫憔悴昨昨段秀實奮身擊泚首今顏真卿伏縊希烈庭
皆啓明君臣發揮教訓近冠青史遠紹前賢夫日月麗天幽明向燭忠烈曜世
回邪革心伏請陛下降議百寮遐布九有刻石頌德告廟圖形使元壤感恩皇
風澤物

為淮西宣慰使鄭右丞祭顏太師文

穆員與直

維年月日某使某官某奉勅以清酌庶羞之奠致祭於故顏太師贈司徒魯公
之靈嗚呼天有晦明人有理亂當其厄運則有盜臣至乃憑龍肆凶竊權構逆
蛇吞虎噬擇肉中州天子思所以解將燎之焚拯方割之墊道開景命銷遏亂
源惟公道冠四朝位先百辟望安社稷名動神祇期以日照天臨風清雨滌受
命以出視途如歸嗚呼聲有君父孰如堯舜臣惟共驩子亦朱均稟珍而生雖
聖勿化父不能得之於子君不能得之於臣矧夫禍亂之興蓋乘中否天之方
稔公若之何獨立虞庭卒致君命激昂大義潛草寇心全道為全天年非天期
顯非壽得死為終惟彼凶殘殲我明哲罪均僭逆怒發天人否閉未通鬱鬱茲
久上帝厭亂忠臣應期坐使鯨鯢化為菹醢庸非精爽達於明神幽贊元勳昭
蘇宿憤詔旌大節追冊上公寵以飾終禮惟加等某肅將密命數播皇猷慰拊
痍傷勞勉忠義拜手天關躬承德音命以觴牢備茲俎豆發於聖旨斯謂馨香
公其降靈歆我明德尚饗

爲留守賈尚書祭顏太師文

維年月日某官某謹以清酌少牢之奠敢昭告於故太師贈司徒顏公之靈天寶季年幽都首亂生人流血中夏爲夷公守在一麾援絕千里居鯨之腹而剗其腸履虎之尾而拊其背率先大義以集中興歷事四君匪躬一致全德適俗正詞與邦亮朝孔門兩造其極昇沉開覽東南不開帝謂師臣子厭征伐往以至化勝其凶殘於時公請老未獲蓋三年矣曾不俟駕豈公安車惟物之生善惡有性豺狼犬馬罔克相遷天能生之而不能化沉彼元惡逆成膏肓鍼藥靡攻仁智何及奉命所在顧身如遺奈何明神孤我積善帝念忠烈國恩典刑棟折將壓哲萎安放嗚呼哀哉昔者仰挹重名遐致明德邈焉當代如望古今敬慕高風感歎大節卓爾不朽凜然如生巨猾殲夷幽魂招奉靈車歸路千里同悲永惟忠勳宜在祀典況臨執紼敢廢蘋蘩嗚呼哀哉尙鑒

移顏魯公詩記

鄭薰子淳

顏魯公既用貞鯁爲元載所忌由刑部尙書貶夷陵郡別駕大曆六年又以前秩轉廬陵郡道出宣州之溧水縣縣之南經古烈士左伯桃墓節概交感卽於墓下作詩一首自題於蒲塘之客舍詞韻淒激點畫壯壯窮國藝之奇事厥後洎於大中之丁丑歲八十七年矣孤宇寬聞局膝不固久爲飄暴新牧所困一挑半剔往往淹缺余作鎮到此有客謂余者惜之立召工將王少儒領其部匠鑿垣復匣移瘞於北望樓之西隅且以爲郡居之勝絕鑄石其下俾後之觀者知改置之意無忽大中十二年十一月十九日宣歙池觀察使檢校右散騎常侍兼御史大夫鄭薰記

案地志謂左伯桃羊角哀皆燕人赴楚而死於郢陽郢陽屬同州過墓作詩當是至德二載十一月爲同州刺史時事鄭薰此記謂公轉廬陵郡道出宣州之溧水縣縣南經桃墓而作留元剛撰公年譜從其說謂永泰二年三月移佐吉州道出溧水有此詩愚謂桃墓應在郢陽是時公過潯陽書舊作於蒲塘客舍溧陽人傳刻之非一地也

平九江驛碑材文

晉江歐陽詹行周

辨見文集

平傷而有辭者也噫九江驛之碑其何與辭而弔歟斯碑之材昔太師魯國顏忠肅公案魯公未諱忠肅所建祖亭之碑也公素負辭華昭代之銘誌多公之辭又好采異留名之致頃爲湖州牧州產碑材石每使工琢之與詞兼行磨礱而成常心使用者不可勝數斯碑也終山之窮僻得之於自然跌本有龜護頂有螭雖不甚成而擎踞儼與如神如靈公神而珍之精選所處湖州無稱立罷守迴朝載而途卜出蘇臺入毘陵亦無稱立轉丹陽游建業亦無稱立次江州州南有湖湖東有山蛟奔螭引直至湖心頓趾之處則茂林峭石勢環氣勝非住時所睇而神祠曰祖將軍廟在焉公觀其詭秀與碑材叶卽日以酒脯奠其祖神出錢五萬造亭曰祖亭南香爐峯北潯陽城九江爲庭千艘歷階既就公製亭之文手勒斯碑而立之公文爲天下最書爲天下最斯亭之地亦天下最庶資三善加以斯碑之奇相持萬古而采異留名之致一得也後典州吏於州之九江驛有修坯之勞狀其末績乃取斯碑刻公之述實己之述今爲九江驛之碑焉予旅游江州稅於茲驛祠部員外郎鄭恕同之鄭與州將嚴士良共爲予說而俱以相示嗚呼先賤後貴世之常也先貴後賤人之傷也以祖亭方九江驛則蘭室鮑肆矣以魯公之文方今之文則牢醴糟糠矣以魯公之札翰方今之札翰則錦繡泉麻矣以魯公之用方今之用則華夏夷狄矣痛哉斯碑出祖亭入九江驛失魯公文得人之文削魯公之札翰題人之札翰亡魯公之用就人之用是去蘭室而居鮑肆捨牢醴而食糟糠脫錦繡而服泉麻黜諸夏而卽夷狄可悲之甚者況我質天成必將可名魯公所以卜擇敬慎如彼而常人無良贖辱如此與有道而黥無罪而剛投四裔禦魑魅何以別邪石不能言豈其無冤故弔之有文曰情遽乃傷理悌乃寃人實有之物亦應然嗚呼子碑寬可予知陰陽子材豈曰無意必有以殊方頒以異與顏表勝以殊則名從吏居卑以異奚旌子產既授子不終致悠悠彼蒼何嗟及矣美玉抵禽高冠藉足有類子碑先榮後辱繼世生哲詎無賢今將觀於斯庶幾所贖而復攸宜屹屹子碑如神如祗人得以專天造何爲其不然矣其不然矣

碎碑記

德清沈顏可鑄

乙巳歲案是歲為唐宗光啓元年冬十二月客鍾陵由章江入劍池過臨川時天久霽雨水

泉將涸風不便行維舟於岸左岸有小渚小渚之間垂舟之介揭屬而獲碑

爲介者異而告發而跡之字殘闕者十七八考其文則故臨川內史案臨江隸

爲內史顏魯公之文識者以爲公之牧臨川日所沈碑其文亦多載魯公之德

業輒碎敗而已會同濟者謂余曰且魯公沈是碑也必將德業不稱於後世故

沈之今子既不能文而補之寫傳之亦不可復沈之於湮流俾後人觀是碑者

抑亦昭魯公之德業也子亦蔽人之善歟不然胡碎之而已余曰吁秦嬴政初

併天下天下大定海內一統於是出行郡縣登諸名山刻石記功德焉及其仁

政不修後之人語及秦嬴政者咸以爲虐君也堯舜無爲而治魏魏蕩蕩俾鑿

井耕田者不知帝力歷於萬紀厥遺愈光今之人語及堯舜者咸以爲聖君之

至若峴首之碑睹者墮淚斯乃荆人之感羊公之德化故泣而思之設使羊公

之德化不及於荆人則是碑也不能感荆人之泣矣且魯公之德業史傳載之

矣遺俗傳之矣夫德業者病不著於當世豈病揚於後世乎苟魯公德業史傳

不載雖全是碑亦不能揚魯公德業於後世夫如是碎之何傷

撫州顏魯公祠堂記

宋南豐曾鞏子固

贈司徒魯郡顏公諱真卿事唐爲太子太師與其從父兄杲卿皆有大節以死

至今雖小夫婦人皆知公之爲烈也初公以忤楊國忠斥爲平原太守策安祿

山必反爲之備祿山既舉兵公與常山太守杲卿伐其後賊之不能直窺潼關

以公與杲卿撓其勢也在肅宗時數正言宰相不悅斥去之又爲御史唐旻所

構連輒斥李輔國遷太上皇居西宮公首率百官請問起居又輒斥代宗時與

元載爭論是非載欲有所壅蔽公極論之又輒斥楊炎盧杞既相德宗益惡公

所爲連斥之猶不滿意李希烈陷汝州杞即以公使希烈希烈初慚其言後卒

縊公以死是時公年七十有七矣天寶之際久不見兵祿山既反天下莫不震

動公獨以區區平原遂折其鋒四方聞之爭奮而起唐卒以振者公爲之倡也

當公之開土門同日歸公者十七郡將兵二十餘萬由此觀之苟順且誠天下

從之矣自此至公沒垂三十年小人繼續任政天下日入於敵大盜繼起天子

輒出避之唐之在朝臣多畏怯觀望能居其間一忤於世失所而不悔者寡矣

至於再三忤於世失所而不悔者蓋未有也若至於起且仆以至於七八遂死

而不悔者則天下一人而已若公是也公之學問文章往往雜於神仙浮屠之

說不皆合於理及其奮然自立能至於此者蓋天性然也故公之能處其死不

足以觀公之大何則及至於勢窮義有不得不死雖中人可勉焉況公之自信

也歟惟歷性大奸顛跌撼頓至於七八而始終不以死生禍福爲秋毫顧慮非

篤於道者不能如此此足以觀公之大也夫世之治亂不同而士之去就亦異

若伯夷之清伊尹之任孔子之時彼各有義夫既自比於古之任者矣乃欲瞻

顧回隱以布於市其可乎故孔子惡鄙夫不可以事君而多殺身以成仁者若

公非孔子所謂仁者歟今天子至和三年尚書都官郎中知撫州聶君厚載尚

書屯田員外郎通判撫州林君慥相與慕公之烈以公嘗爲此邦也遂爲堂而

祠之既成二君過予之家而告之曰願有述夫公之赫赫不可蓋者固不繫於

祠之有無蓋人之向往之不足者非祠則無以致其志也聞其烈足以感人況

拜其祠而親炙之者歟今州縣之政非法令所及者世不復議二公獨能追公

之節尊而事之以風示當世爲法令之所不及是可謂有志者矣

豐縣顏魯公新廟記

曹輔

唐魯郡顏文忠公有廟在琅邪之費距縣治東北五十里曰諸滿村室宇庫廩

歲月將圯祀典弗著神不顧享元祐六年洪農楊君元永爲邑之二年也建言

於州曰按祭法能禦大菑能捍大患則祀之以勞定國以死勤事則祀之方魯

公守平原時祿山逆狀未萌公能蹟其端及反河朔盡陷獨平原城守具備與

其從兄常山太守杲卿首倡大順河北諸郡倚之以爲金城可謂能捍大患矣

其後爲姦臣所擠臨大節挺然不屈竟殞賊手可謂以死勤事矣今廟宇不能

庇風雨願諸朝少加崇葺俾有司得歲時奉祠知軍州事安定梁侯彥深下

車未久起廢更弊州既以治蹟是舉也而樂之即具以聞太常議典禮以上春

官氏曰宜如諸公之遠祖曹徐二州刺史威始自魯居於琅邪之臨沂孝悌里

故今子孫之在琅邪者衆其十一世孫安上者言縣謂廟地僻左荒棘跨嶺谷

絕河澗者六七而後至新自出緡錢買地祔河之東以徙置之庶幾子子孫孫與其邦人奔走承祀弗懈是年十二月二十四日廟成楊君以書抵京師曰史氏稱顏公英烈言如嚴霜烈日可畏而仰其信然今廟碑將立無文以刻之懼不足以表忠義勸來世夫子其毋辭焉余考顏氏蓋出於鄭武公之後武公字顏其子友別封鄭為小鄉子遂以顏為氏孔子之門人達者七十有二而顏氏有其八回以殆庶幾得復之初九不遠復無祗悔之義以為門人之冠其後衣冠不絕聞出聞人然則公之知義明信道篤其淵源有自來矣夫人之於死生之變亦大矣而君子處之裕然得其所者蓋有以權其義之輕重而已若夫義有重於生則不必幸其生有重於義則不必致其死故曰非死之難處死之難若魯公者學行內外充衍閱肆以發見於事業非獨一時奮不顧死以取名故前抗祿山之師後拒希烈之命不惑於死生之際而以明君臣之大義可謂真知輕重大丈夫者哉百世之下聞其風者雖亂臣逆夫將消縮摧沮不復牙孽於其心矣楊君欲發明公之義烈以詔後世不諉於文學之士而猥以見屬豈以余為知言哉乃為志其事而系之以銘銘曰

屹屹魯公剛實積中學與問博涵演擴充孝友施家發為公忠直道以行執顧我躬讒口與綸往齒其鋒祿山一呼逆焰熾天炎於崑岡沸於百川杯水車薪勢且莫抗屹屹魯公忠誠是仗大義凜然奮裾首倡一清土門殺斬僞將十有七州同風順嚮力窮功隱英聲獨暢屹屹魯公不戒於剛婉變媚嫉假手虎狼公在艱頑得困之義有嚴分守卒遂吾志屹屹魯公風於百世太山之初魯廟翼翼孰作新之守令其職禮祀茲茲子孫是食惟廟暨孫有祀有息屹屹魯公與山無極

魯公仙蹟記

襄陽米 敬元章

魯公為盧杞所忌李希烈反杞首議遣公諫者甚衆德宗問杞對曰真卿朝廷重臣忠義聞天下誰不懼服臣常父事之今遣使不為賊懼則辱國紛紛之言豈足聽陛下當自斷之無惑衆意德宗不能奪遂遣之公知公不還矣親族錢於長樂坡公既飲乃躍上梁跳躑謂錢者曰吾昔江南遇道士陶八八得刀圭

碧霞館之自此不衰書云七十後有大厄當會我於羅浮山此行幾是數次汜水悅遇陶笑謂曰吉吉指嵩少而去後公死於賊賊平家人啓瘞狀有金色爪髮皆長如生人歸葬偃師北山先塋後有買人至羅浮山遇二道士奕即而觀之問曰子何所來買人曰洛陽其一笑謂曰幸託書達吾家許諾即札書付之其題曰至洛都偃師縣北小顏家及往訪之則塋也守家蒼頭識公書大驚問狀皆公也因與至其家白之家人大哭卜日開壙發棺已空矣嗚呼杞欲害公之人而不能害公之仙也希烈杞等賊耳賊之殺人有常刑公死且不朽又況仙邪元祐三年九月余游吳興適觀郡人新公之祠因得謁拜公像其英氣仙骨凜然如在嘗閱洛中紀異載公前事考史所載杞拜公於中書與對德宗之言姦人表裏無迕則公之仙復何疑焉公之大節紀載甚多而論次於林公之文為備固已激忠義之類風沮陰邪之羞魄至仙真事吾又以刻於碑陰以貽續仙傳者襄陽漫仕米敬記

米老為魯公書碑陰即用魯公書法奇宕可喜至碑中謂杞欲害公之人而不能害公之仙其說亦新余以為杞能害公一時而不能不予公以千古固無論公之仙與不仙也

孫承澤庚子消夏記

魯公為盧杞所忌遣使希烈幽囚汝蔡者殆三年終不屈以死此其義烈真可與日月爭光者也元章痛其死乃為仙去之語以據其憤懣之思用意良善然吾獨以為大失魯公之心當希烈遣縶魯公時僞傳有旨公神色不變徐問旨何日來京師及告言至自希烈乃云此賊耳此其志操定之已久豈復有偷生之志考魯公平生頗溺佛老常時或從陶八八學神仙之術亦未可知及其使希烈一出入動以義命自安蓋舉平時所為神仙者至此已盡付之浮雲矣藉使果得仙去吾猶將諱之以成公之志節況事理之所必無哉元章不識大義乃以無稽小說大書深刻誣讎昔賢可謂慎矣

王樹枏題跋

魯公之死希烈盧杞實主此議論者皆深罪杞此衆人愛魯公之意則可若論大義即非盧杞自必遣魯公當時廷臣公忠無若公者杞對德宗之言雖是小人害正然執議侃侃自是正論無論反與不反其不辱命一也衆人但

知愛公而不知公意正不如此故開命即行既飲且躍上梁跳擲非輕也素位之理安其所當行便無入不得公於此時行乎患難而意實安之故遇險如夷而處之若素耳吾嘗論境無險易惟義所在義之所安雖險亦易無死生一也欲擇意所適雖易亦險亦無死生一也然則險易之間當何如曰視乎所擇後跋開命即行下當節去上梁跳擲等語易之曰絕無顧慮唐書顏真卿傳不詳里居但言為顏師古五世從孫而師古之祖之推自現邪臨沂居關中遂為京兆萬年人此碑稱魯公歸葬偃師北山先塋則又不知何代之先塋也公於乾元二年拜浙西節度使故吳興人為公立祠案吳祠以大曆七年魯公拜湖州刺史在任三年人懷其德非以乾元二年拜浙西節度之故也

宋史米芾傳敘其生平官蹟未嘗至浙不知何因而游吳與據此記是因吳興郡人新公之祠拜公像而作記則宜刻於湖州今此捐本乃在費縣魯公祠內曹輔新廟記之碑陰正碑建於元祐七年此碑無年月當亦七年所刻據費縣志云真卿五世祖師古居費縣東朱滿村新廟記亦云顏文忠公有廟在現邪之費距縣治東北五十里曰諸滿村元祐六年縣令楊君建言於州請新此廟其十一世孫安上者買地而徙置之廟成立碑而此記遂刻於碑陰其所由來不能詳矣王利金石萃編

案魯公先世自十六代祖威以上居現邪葬臨沂縣西七里見殷亮撰魯公行狀十二代祖舍遷居丹陽以下七世皆葬上元縣見公所撰大宋碑五代祖之推遷居長安則葬亦宜在長安其可考者公撰曾祖勳禮碑云歸寧於京城東南萬年縣寧安鄉之鳳栖原先夫人陳郡殷氏泉柳夫人同合祔焉撰兄允南碑云葬於萬年縣鳳栖原先塋之北撰兄幼與碑云望於萬年縣鳳栖原先塋西北夫人陳郡殷氏亦合祔焉撰弟九臧碑云歸祔君於上都萬年縣鳳栖原先塋之北撰從父兄果卿碑云葬於京城鳳栖原先塋西北公父惟貞母殷夫人葬地雖無可考亦應祔葬鳳栖原先塋其別葬者惟公撰伯父元孫碑云薨於絳州翼城縣丞之官舍葬於東京今河南洛陽縣店東北高村原夫人新城縣君元氏故兆異穴而塋然則魯公先塋其地有四一臨沂

一上元一萬年一洛陽而未聞有偃師先塋之說米記所謂歸葬偃師北山之先塋未知為何代之塋也令狐迥撰魯公墓誌銘云歸葬於萬年縣之舊塋無葬偃師之說殷亮撰魯公行狀云迎喪至汝州襄城縣乃葬焉以其年十一月三日祔葬萬年縣鳳栖原之先塋據此自蔡州遷柩時雖權葬河南亦襄城非偃師也公不應有葬偃師北山之事然廣輿記載山東費縣曲阜縣河南偃師江蘇句容縣皆有公墓而陝西之咸寧即唐之萬年反無公墓夫公墓之不應在費縣曲阜句容固不待辨而明矣獨偃師一墓僅見於元章此記

國朝乾隆十四年

高宗純皇帝巡省中州凡

鑾輿所經附近

御道之前代名臣忠烈先賢祠墓遣官致祭偃師之墓亦奉

特旨開列一體致祭而公墓遂定於偃師矣

又案後晉李石續博物志云顏真卿過道人陶八入授碧霞丹餌之曰七十上有厄如言即吉後為盧杞所陷縊死希烈敗返葬貌如生徧身金色爪甲出手背鬚髮皆長數尺人咸異之後有商人遇之於羅浮山寄書至偃師顏氏守塋者曰此先太師親翰書法蠶頭鼠尾真得仙也此條為米記所本蓋後人託為仙者以神魯公不知公之足以千古者不在於仙不仙也南宮此記亦淺之乎視魯公矣

離堆顏魯公祠堂記

丹樓黃 庚子西

上元中顏魯公為蓬州長史過新政作離堆記四百餘言書而刻之石壁上字徑二寸雖崩壞剝裂之餘而典型具在使人見之凜然也元符二年予友強叔來尹是邑始為公作祠堂於其側而求文以為記予謂仁之勝不仁久矣然有時乎不勝而反為所陷焉命也史臣論公晚節偃蹇為姦臣所擠見隕賊手是未必然公孫丞相以仲舒相膠西梁冀以張綱守廣陵李逢吉以韓愈使鎮州而盧杞以公使希烈其用意正相類耳然於數公終不能有所傷而公獨不免

於虎口由是觀之士之成敗存亡豈不有命邪而小人軒然自以爲得計不亦謬乎且吾聞之古之尚友者以友天下之善士爲未足又尚論古之人誦其詩讀其書思見其人而不可得則方欲招屈子於江濱起士會於九原蓋其志所願則超然慕之於數千百載之後而況於公乎公之功名事業已絕於人而文學之妙亦不可及因其名書之所載而祠之此昔人尚友之意也嘗試與強叔登離堆探石室觀其遺跡而味其生平則公之精神風采猶或可以想見也夫元符三年春正月望日記

右宋馬存氏魯公離堆祠記也離堆有祠以公書在巖壁慕其忠節而立也巖故有石室爲二鮮于所居公與之游爲之書又志其墓其賢可知今數百年石室與巖刻猶存獨慨祠廢爲老氏居久矣分巡劉金憲成德請復之進仲通叔明以並祀焉題曰忠賢祠俾百世之下聞其風而興起其爲風教助不小也正德戊寅中秋日監察御史吳郡盧雍謹識

案此記宋文鑑作唐庚撰明盧雍刻之於蜀其跋以爲馬存撰存字子才都陽人與庚同爲哲宗時人今從文鑑離堆在今四川南部縣唐宋新政縣地也

祁陽顏元祠堂記

許承

大抵江山之勝必託諸偉人然後名顯而人樂之蓋江山雖人所樂而所樂非江山也祁陽潯溪湖外江山之勝者也有顏元遺蹟在焉士大夫過之未有不游游而未嘗不得所樂者以此紹興二十一年予守永州夏四月過祁陽乃始盡得所謂潯溪之勝者遠眺晴碧邇聆清瀨游僚往來文禽上下殆非人間世也道旁之碑屹然中立雄文妙畫煥耀心目徘徊而不能去者久之已而復謁二祠上兩旁風廟貌傾委懼將壓焉乃屬縣宰劉卿易而新之未幾解罷去復以宰李和剛董其事既告休以書抵予曰願有述也謹按唐天寶安史之亂河北諸州皆陷魯公以平原烏合之衆獨擣其鋒事雖不成其志有足嘉者晚節不幸爲姦臣所擠寧殞賊手不肯爲不義屈天下之人聞其風者皆曰吾魯公也而不敢名元次山與公同時以討賊功累遷水部員外郎代宗朝爲道州

刺史疏後貶乏道人懷之至爲立祠頌德後世稱次山者亦曰元道州而不忍名嗚呼是二公者皆千載人也使當時所植之草木尚在猶宜欽慕之況文章字畫之工乎自晉宋以來以書名世者多矣而魯公書尤爲世所愛重畫忠義之氣感人之深者也次山之文無慮數萬言而中興頌獨傳天下亦魯公字畫有助焉耳由是言之字畫必資忠義而後顯而文章必託字畫而後傳其勢然也昔曾南豐爲魯公祠堂記取其名節而怪其溺於神仙之說謂不能概於聖人以予考之自古忠臣義士死必爲神仙若比干屈原伍子胥之徒皆爲列仙見於傳記次山雖於傳記無聞而舊說以魯公爲仙以是知懷義秉忠之士雖死而實未嘗死無可疑者故併書其說以告遊觀者使知此然後可以盡潯溪之勝不然未足以樂乎此也紹興二十二年十月日記

吉州顏魯公祠堂記

廬陵歐陽守道公權

唐名賢遺蹟在吾廬陵者惟魯郡開國顏文忠公廬陵去長安二千里唐所選郡守氏名猶可考然名賢罕有至者獨司馬公有名到於今稱使公不以謫故屈臨於此三百年鉅公大人吾州竟不一見邪然則名賢遠去天下之不幸而猶爲所謫州之幸如道州陽公潮州韓文公之類往往始以僻遠爲流竄有罪之所終以流竄爲君子過化之邦天其或者有意焉非唐之君相爲之也魯公未至吾州王朝故罕以名賢出使而士生於此土者亦不見其有人仕於王朝公去五百年人才輩出文物彬彬矣是豈無故宋咸淳之四年古勛孫君洙爲州通判創公祠堂於廳事之西慨然謂某曰今通判唐司馬也洙聞州治自唐至今承平之地官府民居無遷改焉則魯公之爲司馬或者出於此矣西有古柏十二株洙選勝而建公祠焉蒼皮黛色與廟貌宜公平生勁直之氣其肯棲神其間也子爲我記之且自洙來此州人士每有談先賢者自歐公以下輒有若自奮而與齊者洙固願來者之如今然揆厥攸先此州諸君子皆魯公之遺風流俗也魯公事君有犯無隱愠於羣小之死不回此州諸君子之立朝不如此乎魯公遠謫所至安之流落復歸終不懲艾此州諸君子之去國不如此乎諸君子固無一不與公同者而公以八十元老殞於賊手高風勁節誰其儷

之乃有誓爲趙鬼折首剖心於金賊犯鄰都故相奉降款之時者天子聞而哀之面諭大臣直以唐某爲比夫綱常大義天下所同何公所屈臨之州特有此人若合符節也洙讀唐藝文志見公有廬陵集十卷又聞城東有青原山公所遊也留題在焉願一往觀而無暇夫公以謫來青澤有不得下於民者矣而徜徉山水遊戲翰墨士必有得侍公之杖屨書策者公聲名在天下想與臺卒伍猶得以事公爲喜況爲士者乎況親炙之者乎昔屈原謫於湘水之南而忠潔之廟過者式之興起感發者不特以讀離騷而已今此州俗化受公之賜多矣建祠以報而又永其勸也予記之某正襟斂容而對曰事有曠百世而相感者予不自知其何心古人所事之君父非有親愛於今人也或聞談古人之忠臣孝子則泣下交頤古人所亡之家國非有痛切於今人也或聞談古人亂臣賊子則髮上指冠是心何從生哉天理民彝無古無今發於卒然不自知其然也公之留吾廬陵甫兩年而去雖微煮蒿悽愴若或見之者在人目中人固忠孝之天見公矣況君又肖公之像凜然如生平太史公書最喜言名節士平生經行之地每聞其人遺跡輒徘徊悲歎而不能去君於魯公如此其亦有以知君之心也祠既成宜有歌詞以迎饗送神某既奉命書歲月而又爲之詞曰公免豸冠今出專城朝野熙熙今寢五兵海波晏然今伏長鯨斗柄無光今搖櫓槍羣飲熟寢今公心驚密戒不虞今寂無聲大厦瓦解今一柱擎黃河以北今我主盟我力不競今敵愈勦歸見天子今涕交橫終消惡運今復兩京覆車不懲今趨險傾誰塞言路今蔽天明陛下孤立今勢已成存亡一決今臣常爭九關有虎今那可櫻巴峽再徙今廬陵行於撫於鏡今歲幾更天爲宗社今留耆英白首召還今非公榮有拂吾膺今又屢鳴元老進退今國重輕汝蔡難作今詔公征婉愉勁折今仗忠誠頑不我聽今吾無生大罵希烈今訶元平平生許國今今結纓九泉相見今常山兄精誠在天今秋日晶下車惡逆今春霆轟高風勁節今照寰瀛何獨廬陵今留公名儒者立志今逮孺嬰我作廟祝今因人情廟與古柏今俱崢嶸公驚飛龍今揚霓旌薦不敢瀆今屏酒牲辦香再拜今酌以青原山水公以嘗味之深清公不留今使我耿耿至夜魂營營

案誓爲趙鬼謂州人楊邦乂也邦乂爲建康通判金人陷城守臣率官屬迎降邦乂大書其衣曰寧爲趙氏鬼不爲他邦臣遂死之謚忠襄

涪溪書院記

節錄

元稹定蘇天爵伯修

嘗讀元道州中興頌曰大駕南巡百寮竄身奉賊稱臣顏矣人臣不可不知節義也夫食人祿而忘其君曾犬彘之不若矣當天寶全盛時中外公卿將吏可謂衆矣一旦遭值變故死封疆者僅杲卿盧奕等數人其不受僞官者則惟魯公一人而已何忠臣義士之難致歟魯公以區區之平原倡義討賊而河北諸郡復爲唐有賊不敢急攻潼關唐卒賴以中興者惟公倡之於其先也其在朝廷數進讜言李輔國遷上皇居西內首率百官問起居元載請奏事者先白宰相又極論其壅蔽屢忤大姦而不少悔卒爲所擠以死嗚呼天之生材足周一世之用四方無事人材或不克顯及臨大節決大事則忠義材能之士始表見焉然則士可不以節義自重有天下者可不以賢材爲務乎

顏魯公文集卷十七

顏魯公文集卷十八

寧鄉黃本驥仲良編訂

湘陰蔣 璣維揚參校

外集六

顏魯公文集序

宋新喻 劉 敞 原父

魯公極忠不避難臨難不違義是其塵垢糠粃猶祇飾而誦習之將以勸事君況其所自造之文乎然魯公歿且三百年未有祖述其書者其在舊史施之行事蓋僅有存焉而雜出傳記流於簡牘則百而一二銘載功業藏於山川則十而一二非好學不倦周流天下則不能遍知而盡見彼簡牘者有盡而山川者有壞不幸而不傳則又至於千萬而一二未可知也吳興沈侯哀魯公之忠而又佳其文懼久而不傳與雖傳而不廣也於是採摭遺逸輯而編之得詩賦銘記凡若干篇爲十五卷學者可觀焉蓋君子多見則守之以約沈侯好學喜聚書聚書至三萬卷若是多矣然猶常汲汲而不足者至其集魯公之文使必傳於天下必信於後世可謂守之以約而尚友者乎予是以序其意

顏魯公文集後序

永春 留元剛 茂潛

文章節義非二致也聖人入德之序由孝弟而謹信汎愛而親仁行有餘力以學文士君子循本達末自得諸己則英華之發外皆源而流者也世變既降以文名家者攢羅列聚而信道不惑守節仗義泯然無幾是以善觀人者必先節義而後文章文章之輕重在一身節義之輕重在國家存而爲節義發而爲文章盡之於一身推之於國家漢唐以來魯公一人而已公之忠烈始卒不渝窮宙昭明凜凜如在雖庸人孺子莫不知之而予猶以軼言餘事彷彿一二幾於畫渾沌者惟觀之節義然後可以觀公之文章公豈求工於文者哉公之心與天地並星辰河漢山川草木自然之文也不論其心而徒論其文豈知公者耶公之文不多見而天下後世仰公之名景則敬慕不能已者蓋重其所先略其所後也故存亡詳簡有不暇計而其所可見者雖僅存而不詳然有功於名教大矣觀其奏論事先白長官之疏嬰逆鱗陵陷勢抗言不忘上僕射爭坐之書

詆英又朝恩而弗恤自二十六第進士三十四舉制科闋官四十有五而居中者纔十載六遭貶斥竟至殺身英風勁氣使人感悌憤發萬世而下頹波以障懦習以激彼希指阿諛俯首循默嗜寵目前貽臭身後視此孰榮辱受替歸北幾至鋤口拙於生事食粥憂煎固不如屬厭富貴者之適欲而公論則有在也前後忤權臣者五楊國忠李輔國元載楊炎皆誅戮盧杞亦竄死公之流芳遺馥歿且不朽迺聲名與業壤俱腐禍福得失之理昭昭不誣而昧者輒快於所睹不慮於不見豈不痛哉雖然盧杞陷公於死非死公也乃擠唐於亡也以公之所試諒公之所存使其端委廟堂精神折衝則敢於弄兵者未必自是紛紛嗚呼唐亦遽尋不復振矣安有朝無若人而可以國乎所以識者未爲公恨而深爲唐恨也予後公三百九十四年而生又三十五年而守東嘉訪公之來孫自五代徙居於此本朝皇祐紹興間嘗錄其後官者六人忠義之澤濫觴悠久有自來矣求公文而刊之將以砥礪生民而家無藏本得劉原父所序十二卷卽嘉祐中宋次道集其刻於金石者也篇簡漫漶字義舛譌乃以史傳諸書碑蹟雜記銓次年譜繫以見聞參異訂疑援亡補失其涉於公之筆而無攷則不敢及焉故書遺亡網羅未備倘後人按藝文志行狀神道碑公佐吉州有廬陵集十卷刺撫州有臨川集十卷刺湖州有吳興集十卷韻海鏡源三百六十卷爲禮儀使有禮儀集十卷今並逸而不傳

刻顏氏告跋

留元剛

右顏氏告世傳魯公親筆或謂顏禹輩所書英風韻氣千載不磨所以興起人心爲世所重者要之不專以字畫論也華州刺史太子少師告舊刻於永嘉郡齋沂陽有薛王友蘭陵夫人告巴陵有刑部尚書告今以墨本合而模之勒於樂石

顏魯公文集序

明巴陵 楊一清 石湖

文章節義天地間元氣所關而國家氣運興衰端必由之然是二者造物恆若有所靳不兼以畀人夫節義苟歉文雖工君子無取焉唐之文韓柳最著論者終醇醇而疵柳非其文之弗若也節義弗若也當祿山亂作豺豕噬噉前無堅

城顏魯公首倡大順以烏合之衆嬰賊鋒列郡應之如響使賊逡巡不敢長驅而西明皇得從容狩蜀靈武受禪郭李卒成收復之勳要之義氣所激公之功居多比其正色立朝公言直道屢斥屢復百折不屈以狀其軀公之節義炳炳震盪若是隻片語固當見重於世而況其高文大冊典則沉厚真足以昭示無極乎公之文初輯於宋人沈氏劉原父序之留元剛氏又續爲搜輯刻之傳今多不存學者罕得而見散見於金石間者千百之一二耳近錫山安國民泰得傳錄舊本志重梓之請予序夫公之節義不待文而顯然讀其文可概知其心公之文非有意於傳而重其人則其文章不容不與大節並傳也抑予於公之存沒而有以得夫唐室興亡之機方公之舉義明皇聞之曰朕不識顏真卿何如人乃能若是至肅代德宗時則既知之矣是時國步雖艱不若天寶之急授之將可折衝任之相能定國使究其用方岳不竊命乘輿不播辱獨奈之何數君者知而不能用力之弗久且專蓋楊炎元載盧杞輩媚嫉於上而一二羣小又構毀於下以成其私公徒抱孤忠蹣蹣不展卒死李希烈之手盧杞爲之也而唐之亡亦胚胎於是矣公乎何損哉於戲是固有非人力之所及者矣予何人斯敢序公集而請者之意有足嘉者不可以默顧是集未經較訂訛謬至不可讀誠得知言者釐正而銓次之則詞林鉅工別自有序述之者奚俟予言

顏魯公文集後序

吳郡都穆元敬

顏魯公集有二子家舊藏本凡十五卷人間所傳又有宋東嘉守留元剛本視予家者十五而闕其三前有劉原父序云輯於吳興沈侯而不書其名字考之館閣書目謂嘉祐中宋敏求惜公文不傳乃集其刻於金石者爲十五卷及觀元剛之序則云原父所序即敏求集其刻於金石者而乃止十二卷何也按公行狀謂其佐吉州有廬陵集刺撫州有臨川集刺湖州有吳興集并韻海鏡源爲禮儀使有禮儀集今墓碑所載惟禮儀集而新舊唐書列傳於公著述皆不載此殆作史之體然耶元剛復謂公所著書逸而不傳而其本有公文補遺及年譜行狀皆予家所無而予家本自和政公主碑至顏夫人碑十首又元剛之所未有此又何也舊本皆以詩居首今僭爲編訂以奏議第一表次之碑銘次

之書序與記又次之而以詩終焉若補遺諸作則各從其類卷仍十五以符舊集之數而年譜碑狀列傳諸文別爲繕寫以附於後其間字之謬謬復爲校讎損壞不可讀者姑且闕之維公精忠大節皎如日星不俟贊頌予獨怪夫歐陽永叔曾南豐皆世之大儒君子永叔謂公尊嚴剛勁象其筆畫而不免惑於神仙之說南豐謂公文章往往往雜於神仙浮屠而不皆合於理則又似知公之未盡者夫公之屢遭斥逐困於小夫其視人間真若有不足居而欲逍遙乎埃壙之表則神仙浮屠乃公之藉以游戲而欲釋其憤鬱不平者也世或又傳公死而爲仙以予觀之公之忠節固將與天地相爲久永神仙浮屠果足以累公也哉毗陵安民泰欲梓公集少傳石淙公既爲之序而復求予言予久用心於此因民泰之請不覺躍然遂爲書之

重刻顏魯公文集序

平原趙煒

平原古原郡轄也邑侯劉君來令是縣履封懷古遂購魯公文集重刻之嗚呼柳子曰急病讓義義之先國國忘死貞之大而況支履障瀾崎嶇一節老死而不渝如魯公哉則其精貞義烈即片言足遺太岳固不可使先生之手澤泯泯於棠棠之鄉也公之義績肇自平原鑄鼎唐祚人知唐業之中折復振不亡者爲郭李之精英有以留之而不知使羯胡鼓笳漁陽長驅河朔直擣龍圖智不暇謀勇不暇斷則唐之爲唐豈可知哉唯公以一旅扼其吭喉使黠虜不敢捨公而西然後郭李得收之兵行之間則雖謂神堯之天下公以平原還之誰曰不然然當時之所以撫循教督其民又可信矣至於今原人之論及君父猶噴噴義形於色安知非公風化浸漬者深哉渺乎由之而不知所從來矣彼平時滋養茶漁獵之政而望臨難有仗節砥柱之貞載籍以還未前聞也則季世之守是已吾乃今然後知公精忠大義不止一連兵孤城而閉牘政模皆爲正氣威靈之貫注惜也吾不得炙公於儀模猶幸得聆嘉言於斷簡則公雖身陋希烈而義色昌詞今讀之尚凜凜如昨日事固足以廉立萬世之頑懦然則是編之刻也劉侯重有意乎余也生爲公之遺民亦廩民社之寄嘗思事無巨細靡非臣子之靖獻龜黿行不愧於公流風而惕乎恐墜而不前也日夜念之矣今

劉侯之屬余序也遂據衷書之亦以見願有執鞭云爾

顏魯公文集跋

麻城 羅樹聲

顏魯公忠義節烈大都聲稱自平原起至夫竟蹈白刃赴湯火以死靡非卒斯業耳故志士仁人道說魯公輒稱爲平原太守云乃平原故有魯公祠歲久傾圮過者歎歎山海劉侯思誠來遂捐俸拓基別開廳事一切爲之增飾已又蒐得魯公文集屬余查訂舛謬付剞劂氏以藏祠中使與尸祝共久鏤完復屬余以右史余謂文以足志倘浮於人徒飾羽耳魯公謝去年代遯遠而所爲剩語斷篇猶令人寶愛若麟角鳳尾然初宋敏求購爲十二卷益以元剛之補綴都公之家藏然後爲卷十五及覽劉原父留元剛暨楊太傅都少卿序言莫不仰止景則幸睹其手澤之遺而互有散亡蠹落之憾此無異以彼忠義節烈萬古如生讀其文想見其人真足以磨頑而勵鈍矧忠節天植者有不曠世相感耶若乃向友意微而諦取其餘唾則疋之禹而優之敖矣余謹按其重鐫之故而附以臆如此

重刻米元章魯公仙蹟跋

歙縣 鮑觀光 伯達

陳眉公刻舍譽帖有米元章書顏魯公尸解一段顏魯公若從兄顏常山皆海寧人五代時吳越武肅王遣官立廟於治南額曰雙仁祠光承乏茲土方重新廟貌得此帖不啻拱壁購佳手摹勒上石謹按常山公祿山賜紫袍退語長史袁履謙何爲服此歸而借兵伐之既而六日城陷賊殺其子其族二十餘人不屈賊縛公天津橋晉不絕口賊斷其舌舍胡死魯公事載碑中祿山濁亂肅宗中與雖李郭翊運然而公與睢陽實維砥柱而許睢陽若兩公皆產海寧猗歟威哉海寧勁氣鍾於若人即魯公染翰一節亦復超絕一世憶癸丑^{萬曆四十四年}北^{十一月}上遇徐碩菴先生向余稱魯公真蹟有僧手唐箋一幅闊可尺三寸直尺七八寸書華嚴經八十一卷初看如絲不能識認諦視則筆法勁道精神橫溢書尾記年月日積書十載則魯公筆也此碑元章手筆超絕前人王弇州先生稱其神妙如子路初見孔子氣象即此一段纖細亦足想見乃公精神則其握拳透爪八十一猶然兩公顧可易及哉光低徊遺象考唐書不能已他日將別有

刻也爲之銘曰唐室陵遲妖星頻厭二難撐之白刃不變我鑄斯文千秋如見凡百有位視茲靖獻

案魯公之先世爲琅琊人後遷關中非海寧人其卒年七十七歲非八十一歲皆鮑氏誤記此跋刻於天啓四年在海寧雙仁祠記之陰

顏書編年錄序

黃本驥

書一藝耳無足爲魯公重魯公即不能書一字之存猶足爲儒林墨寶況工書如魯公者在唐人中別樹一幟歐虞褚薛裴柳諸家石刻之存於世者皆不若魯公篇幅之巨碑版之多是可無一編以聚之而忍令其剝蝕於風霜榛莽之地敲火礪角之餘乎偶檢行篋得石刻如千種案年編次題曰顏書編年錄取昔賢跋語稍爲刪補以便觀覽此外石本未及目見者皆不備登俟博雅君子得是編而續成之以爲顏書全帙則石刻之存亡無足爲念而一藝之傳未嘗非論世作忠之助有石泐而文存者補註其旁以便快讀其文爲他人所撰及文爲公撰而非公書者皆不錄以是編專爲顏書而作也編成并繪公像於卷端以志景慕又爲官履攷及世系書碑二表以備攷證云

顏魯公文集卷十八

原
书
空
白
页

顏魯公著韻海鏡源始末考

黃本驥

大曆十二年十一月刑部尚書顏真卿以所著韻海鏡源三百六十卷上於朝

韻海鏡源三百六十卷顏真卿撰

舊書經

公初在平原未有兵革之日著韻海鏡源成一家之作始創條目遂遇祿山之亂寢而不修者二十餘年及至湖州以俸錢爲紙筆之資延江東文士蕭存陸士修裴澄陸鴻漸顏祭朱弁李肅清河寺僧智海兼管小篆書吳士湯涉等十餘人筆削舊章該搜羣籍撰定爲三百六十卷大凡據法言切韻次其字按經史及諸子語據音韻次字成句者刊成文裁以類編又按倉雅及說文玉篇等其義各注其下謂之字脚韻海者以牢籠經史之語依韻次之其多如海鏡源者八體之本究形聲之義故曰鏡源綿亘數載其功乃畢表奏上之有司詔所司藏之於書府大抵求經史撰集篇賦利於後學焉

殷亮書

公轉湖州刺史初在德州嘗著韻海鏡源遭難而止至是乃延集文士纂而成文古今文字該於理者撫華撮要固有不備爲三百六十卷以其包荒萬彙其廣如海自末尋源照之如鏡遂以名之

今孤垣書

真卿自典校時即考五代祖隋外史府君與法言所定切韻引說文蒼雅諸字書窮其訓解次以經史子集中兩字已上成句者廣而編之故曰韻海以其鏡照原本無所不見故曰鏡源天寶末真卿出守平原已與郡人渤海封紹高實族弟今太子通事舍人渾等修之裁成二百卷屬安祿山作亂止具四之一及刺撫州與州人左輔元姜如璧等增而廣之成五百卷事物嬰援未遑刊創大歷壬子歲真卿叨刺於湖公務之際乃與金陵沙門法海前殿中侍御史李崕陸羽國子助教州人褚沖評事湯衡清河丞太祝柳察長城丞潘述縣尉裴循常熟主簿蕭存嘉興尉陸士修後進楊遂初崔宏楊德元胡仲南陽湯涉顏祭韋介左與宗顏策以季夏於州學及放生池日相討論至冬徙於茲山東偏來年春遂終其事前是顏渾正字殷佐明魏縣尉劉茂括州錄事參軍盧鐸江寧丞章寧壽州倉曹朱弁後進周願顏頤沈殷李肅亦書同修未畢各以事去

山

杓山妙

喜寺碑

蕭存字伯誠顏士子顏真卿在湖州與存及陸鴻漸等討論古今韻字所原作書數百篇

顏太師真卿典吳興纂文編韻延納以修述之任

符載撰蕭

僧皎然字清晝姓謝湖州人靈運十世孫居杓山顏真卿爲刺史集文士撰韻海鏡源預其論著

新書藝

顏魯公著書依切韻起東字脚皆列古篆

皎然東漢注

案皎然有春日陪顏使君皇甫曾西亭重會韻海諸生詩奉和顏使君修韻海畢會諸文士東堂重校詩奉和顏使君修韻海畢州中重宴詩奉陪顏使

君修韻海畢東漢泛舟錢諸文士詩

顏魯公書韻海 右聞大字朱書魯公作小字他人作蘇駒云在其父刑部尙書處訪錄

徐浩爲顏真卿辟客書韻自張顛血脈來教真卿大字促令小小字放令大非古法也

海嶽

大曆八年癸丑公年六十五正月至湖州刺史任按杓山妙喜寺碑云大曆七年蒙刺是邦觀察判官御史袁君高巡部會於此土遂立亭於東南陸處士以癸丑歲冬十一月癸卯二十一日癸亥建名之曰三癸又云自典校時著韻海鏡源未遑刊創壬子歲叨刺於湖公務之際與沙門法海李崕陸羽褚沖湯某柳察潘述裴循蕭存陸士脩楊遂初崔宏楊德元胡仲南陽湯涉顏祭韋介左與宗顏策以季夏於州學及放生池討論至冬徙於茲山來年春遂終其事考之乞御書題額恩勅批答碑陰記公七年秋九月歸至東京起家除湖州刺史來年春正月至任放生池碑後亦書云七年秋九月己亥蒙除不應壬子之九月至京癸丑之正月至任而壬子之季夏已與羣士討論於州學冬復徙於杓山癸丑之春遂成書而終事碑銘曰三癸嶠岫又曰紛吾書羣彥惠臻言羣彥著書於三癸之亭也夫既大歷七年蒙刺是邦癸丑十月方有此亭安得壬子之冬羣彥已集是必寺碑傳寫於金石剝落之餘誤以癸丑爲壬子當終事於甲

寅之春也郡有韻海樓未徙杼山時所建留元剛魯

顏真卿韻海鏡源十六卷崇文總目

顏魯公爲韻海鏡源以包荒萬彙其廣如海自來尋源照之如鏡崇文總目僅存十六卷今不傳困學紀聞

顏真卿韻海鏡源十六卷宋史藝文志

案韻海鏡源本三百六十卷至北宋時已失三百四十四卷故崇文總目宋史藝文志皆就僅存之卷著錄藝文志鏡作鑑係宋人避太祖祖諱敬字嫌

名所改元史官因之耳

韻海樓在湖州府治後因唐顏真卿得名按真卿著韻海本在杼山後人慕其事而名此樓耳湖州府志

案留元剛撰年譜云郡有韻海樓未徙杼山時所建府志謂後人慕其事而名之者非也

顏魯公湖州賓客考

黃本驥

袁嵩字公頤東光人 陸羽字鴻漸竟陵 李崱字伯高道州人時爲湖州

褚沖字士和長城 湯清河大理評事案湯君名所傳 柳察太 潘述長城

裴循字長城 蕭存字伯誠蘭陵人 陸士修嘉興人 殷佐明正 劉茂

魏縣 盧鏐字子常 章寧江寧 朱弁 倉曹 裴郁起居 蔣志 呂

渭理評事終潭州刺史 魏理大理 沈益 劉全白 膳部員外郎 沈仲

昌 陸向 沈祖山 周蘭 邱悌司 沈咸臨川 張著 陸澤 張著

衛第右 張薦著 弟字孝舉 張薦 權器 蘇州判官終戶部員外郎 章

相尼之妻第 楊遂初公後進 崔宏 楊德元 胡仲 湯涉 雲南 陽

人魯公行 韋介 左與宗 周愿 汝南人終兵 沈殷 李甫 房慶 崔密

崔萬 寶叔蒙 裴繼 皎然 山僧以下方外二人 法海上元人殷氏

公行狀 顏渾太子通事舍人 顏祭公墳居寺題名 顏策 顏暄 顏

超 顏峴 永穆丞超峴 顏頤公長子家 顏頤公次子家

右五十八人見杼山寺碑

吳筠字貞節華陰人待 強蒙處士 范縉 王純 避憲宗名改紹魯公字之

軍節度使 王修甫 左輔元 秀才 人 史仲宣 裴幼清 柳淡字中庸河

參軍 楊憑字虛受安南 楊凝 兵部郎中 耿漳字洪源河東人右拾

陸涓 吳人 皇甫曾 字孝常 監 裴脩 梁縣 康造 會稽人 李觀 元

實贊皇人終 房益 始武康人監御史又滑語聯句有李益按李君虞貞元末

沈益 擇塵外山自號北 喬缺 姓 伯成 顏頤公族子 顏頤 顏須

右二十四人見聯句詩

裴澄江東人與

右一人見殷亮撰行狀

張志和字子同金華隱士自 徐士衡 李成矩二人與魯公和志和漁

右三人見續仙傳

顏魯公生卒葬地考

黃本驥

魯公生年今無可考當據卒時逆推然公之卒年記載各異舊唐書德宗紀云

貞元元年正月癸丑始開太子太師魯郡公顏真卿爲李希烈所害新書紀云

貞元元年八月丙戌李希烈殺宣慰使顏真卿新舊二書魯公本傳皆云與元

元年八月三日希烈使閹奴等縊殺之新舊兩史既已傳聞異辭今孤垣撰公

神道碑以當時人書當時事其說似可憑信前云今上與元元年八月三日陷

危致命於蔡州之難後云貞元初希烈陷汝州公遇害於汝州之龍興寺即令

孤氏一人之說已前後互異貞元改元在興元之後既以興元元年八月三日

薨於蔡州即不應於貞元初遇害於汝州宋留元剛忠義堂帖有公書移蔡一

帖云貞元元年正月五日真卿自汝移蔡其帖爲正月十九日書若公歿於興

元元年不應書是帖於明年正月則兩書本傳及神道碑皆誤矣貞元元年正

月爲丁酉朔癸丑乃十七日是帖書於十九日不應十七日已計開於朝則舊

書本紀作正月癸丑亦誤矣殷亮撰公行狀云貞元元年王師復振賊應蔡州

有變其年八月二十四日使辛景臻等害公於龍興寺貞元元年八月爲癸亥

朔二十四日爲丙戌行狀所載與新書本紀正合則其卒當爲貞元元年八月

十三日乙丑至二十四日丙戌始開訃於朝也舊書德宗紀興元元年十一月劉洽曲環大破希烈之衆希烈遁歸蔡州初公爲希烈所留置於汝州至是挾以之蔡故自汝移蔡爲貞元元年正月事趙德甫金石錄云據新史紀傳魯公以貞元元年遇害而舊史德宗實錄皆云歿於興元元年疑新史誤按公實卒於貞元元年趙疑新史誤不知舊史及德宗實錄作興元元年者皆誤也惟留元剛魯公年譜最爲精確其說云考之遺蔡帖貞元元年自汝移蔡行狀及嗣曹王皋柳理常侍言旨並云是年八月賊命辛景臻等於蔡州龍興寺益公明年希烈死陳仙奇歸公之喪則舊史紀傳不但書公之死先後失次而平蔡歸葬之年亦復差互令狐岵固自戾其說而通鑑復取諸舊史何邪新史當必見行狀與移葬之帖也其年壽新史及神道碑皆云七十六舊史及行狀皆云七十七按大曆十三年公年七十爲刑部尚書三抗章乞致仕不允後死於貞元元年當是七十七由貞元元年逆推而上七十七年則其生當在中宗景龍三年其歸葬之期當以神道碑所載貞元二年蔡州平冬十一月旬有三日歸葬爲得其實顏氏族葬之地在京兆萬年縣今陝西寧安鄉鳳栖原見於魯公所撰碑記者自曾祖勳禮即葬其地其妻殷柳二氏附焉公兄允南弟允臧皆附於其北兄幼與及幼與妻殷氏亦附其西北公父惟貞之卒日葬地公撰家廟碑皆未及載公弟允臧生於開元二年則公父之卒在二年以後其時爲薛王友卒於京師則其葬亦當在關中祖塋公母蘭陵郡君卒於開元二十六年其時公兄允南爲右武衛兵曹公爲校書郎皆京職其母當卒於京師而葬亦當附惟貞之墓神道碑云嗣子碩奉喪歸葬於萬年縣之舊原即鳳栖原祖塋地也今傳公墓在河南府偃師縣偃師在唐隸東都公卒於蔡州何以不歸葬關中而乃別葬於偃師墓誌又云詔有司具鼓吹羽儀送於墓所遣中謁者弔祭則公葬萬年祖塋爲確偃師之墓據米元章所記南海寄書事甚荒誕不知何以流傳至今而關中之墓反湮廢失傳乾隆十四年

高宗純皇帝巡幸過此遣官致祭而偃師之墓遂爲中州掌故矣又按宋史禮志元祐六年詔以沂州費縣顏真卿墓載在祀典而廣輿記又載曲阜句容皆

有顏魯公墓是魯公不應有墓在費與曲阜句容其說皆不足據也

顏魯公祠廟考

黃本驥

顏魯公祠廟所在有山東之沂州府鄆城縣費縣平原縣江蘇之句容縣河南之汝陽縣陝西之同州府浙江之湖州府永嘉縣額曰懷忠江西之撫州府南城縣廬陵縣又建昌府之麻姑山四川之蓬州又南部縣之離堆額曰忠賢又江西之鄱陽縣有顏范祠以公與宋知饒州軍州事范仲淹合祀湖南之祁陽縣有元顏祠以公與唐道州刺史元結合祀浙江之湖州府峴山有三賢祠以公與宋州守蘇軾王十朋合祀後增入晉王羲之謝安梁柳惲唐杜牧宋孫覿明陳幼學爲九賢祠又霅溪上有四賢祠以公與羲之安軾合祀海寧縣有雙仁祠以公與常山太守果卿合祀直隸之元氏縣白石山有三顏祠祀果卿以公與果卿子季明附其沂州府鄆城縣費縣及曲阜復聖顏子廟東廡國朝各設奉祀生以魯公後裔一人承祀

案宋人魯公祠廟碑記惟曾鞏記在撫州曹輔新廟記在費縣黃庚離堆祠記在南部許承元顏祠記在祁陽歐陽守道記在吉安今皆採入集中其在湖州者尙有嘉祐七年知州事澶淵張田字公載所撰祠堂碑北山程俱所撰懷忠辭三章及開禧三年知州事王炎續撰懷忠辭一章今未見

顏魯公文集卷十九

顏魯公文集卷二十

寧鄉黃本驥仲夏編訂

湘陰蔣 瓊維揚參校

外集八

雜紀

安金藏剖腹以明皇嗣段秀實挺笏而擊元兇張巡姚聞之守城果卿真卿之
罵賊又愈於金藏秀實等舊唐書忠義傳序

漢諸葛忠武侯唐杜工部顏文忠公韓文公宋范文正公此五君子其心光明
正大疎暢洞達朱子王龜集序

顏公剛毅忠烈得之天資與其學之不純而詔道佞佛自不相掩有志於道者
師其所當師而戒其所可戒可也朱子跋程

顏魯公忠義大節照映今古豈唯唐朝人士罕見比倫自漢以來殆可屈指也

考其立朝出處在明皇時為楊國忠所惡由殿中侍御史出東都平原肅宗時
以論太廟築壇事為宰相所惡由御史大夫出馮翊為李輔國所惡由刑部侍郎
貶蓬州代宗時以言祭器不飭元載以為誹謗由刑部尚書貶峽州德宗時
不容於楊炎由吏部尚書換東宮散秩盧杞之擅國也欲去公數遣人問方鎮

所便公往見之責其不見容由是銜憾切骨是年七十有五竟墮杞之詭計而
死議者痛之嗚呼公既知杞之惡已或因其方鎮之問欣然從之不然則高舉
遠引挂冠東去杞之所甚欲也而乃眷眷京師終不自為去就以蹈危機春秋

責備賢者斯為可憾司空圖隱於王官谷柳璨以詔書召之圖陽為衰野墮笏
失儀得放還山璨之姦惡過於杞圖非公比也卒全身於大亂之世然則公之
委命賊手豈不大可惜也哉雖然公困於淮西屢折李希烈卒之捐身殉國

以激四海義烈之氣貞元反正實為有助焉豈天欲全界公以萬世之名故使
一時墮於橫逆以成始終者乎洪邁容齋隨筆

顏魯公為郭汾陽家廟碑云端一之操不以險夷概其懷堅明之姿不以雪霜
易其令斯言也魯公亦允蹈之王應麟困學紀聞

顏真卿鄭畋以興復為己任倡義討賊其志壯矣真卿權移於賀蘭進明畋見
襲於李昌言功不克就故才與誠合斯可以任天下之重同上

真卿先進明起兵又為河北採訪使進明乃所部也要與并力可也咨其計畫
可也軍權稍移則過矣讓以堂邑之功則又甚矣真卿為是得非懲常山之敗

乎愚謂二公過猶不及方果卿送俘京師也張通幽請行以救宗族果卿若知
其情宜語之曰君兄陷賊君正應留此相協力破賊乃可以自滿今行未有益

也如此則姦謀沮矣果卿既失之真卿乃移下已以濟國事然進明未嘗有可
容之策而以不情與之未嘗預堂邑之戰而以衆人之功歸之不以郭李犄角

而進明是讓真卿忠義而功烈不就者蓋始乎此矣胡三省通鑑辨誤

魯公清忠直道再為常伯常伯謂尚書魯公會同輔相有虛位而不用人君非知
己矣年踰七十致仕而歸不亦善乎而與盧杞同朝且有不相容之訴而觸其

所惡聞者難以言智矣同上

案舊唐書代宗紀大曆十三年正月魯公常三上章乞致仕不許其時公年
方七十則非戀職者可比此論似尚未確

真卿守平原首倡討賊之義應之者相繼而起唐之亡真卿之力居多陳仁錫

安祿山反河朔盡陷獨平原城守具備玄宗曰朕不識顏真卿何如人所為乃
若此朱泚謀逆段秀實擊泚遇害德宗恨委用不至涕泗久之嗟乎中主之世

愚佞容身於朝得享其利而忠良往往擯棄偏方閑地及其亂也忠良獨受其
害彼容身取位者皆鳥獸散矣向之腹心股肱今日何在而盡力致死乃其所

不識之人及委用不至之士嗟乎此其所以有亂亡之及也至丁亂亡始憐而
惜之夫復何益玄宗吾不論德宗時秀實死真卿尚無恙也徒惜秀實不及用

而於真卿復投之虎口以快奸相之計何中主之難悟而君子之多不幸也何孟春餘冬錄

無以自白此奸計之所以易行也盧杞之惡張鎰也謂鳳翔將校非宰相不可鎮撫其惡顏真卿也謂三朝舊臣名重海內宣慰希烈可不勞師旅其惡李揆也謂諳練故事會盟吐蕃則他人不敢辭遠使此其言非有毀也而三正士爲之出且爲之死矣何其術之巧而易也噫非明君其孰能悟之德宗之愚而弗覺也無怪已上同

寫真堂在杼山唐顏真卿建湖州府志

顏真卿於杼山上起謝臨川寫真堂吳縣志

謝靈運官臨川內史嘗游寓吳興相傳謝村福田寺其故宅也僧皎然自稱靈

運十世孫想寫真堂魯公爲皎然起耳石柱記

東遷館在湖州府城東六十里本名太湖館唐開元中刺史張景遵建大曆中

刺史顏真卿以其在舊東遷縣地改今名湖州府志

雲溪館在湖州府治南梁太守蕭琛改與國寺爲白蘋館唐開元中刺史韋明

敷改爲開政館大曆中刺史顏真卿改今名同州

湖州城東南二百步抵雲溪溪連汀洲一名白蘋梁吳興守柳惲於此賦詩

云汀洲采白蘋因爲名也前不知幾千萬年後又數百年有名無亭韋爲荒

澤至大曆十一年顏魯公爲刺史始翦榛導流作八角亭以游息焉白居易白蘋洲五亭記

案白蘋洲之有亭始於魯公其分建五亭曰白蘋曰集芳曰山光曰朝霞曰

碧波則始於開成三年刺史楊漢公自記爲楊而作也今節錄其文附入顏

集以志斯亭所自始

芳菲亭在湖州府治東南刺史顏真卿建湖州府志

白蘋洲上有顏真卿芳菲亭太平實字記

溫信字輔國以字行安祿山亂往見平原太守顏真卿助爲守計新唐書溫大雅傳

魯郡公顏真卿守平原溫信杖策往謁雲風類隨忠氣合發牛僧孺撰信神道碑

章丹字文明京兆萬年人蚤孤從外祖顏真卿學新唐書章丹傳

章丹既孤以甥孫從太師魯公真卿學太師愛之韓愈撰章丹墓誌

案唐書宰相世系表章丹父政維丞丹爲魯公甥孫則政乃公之增也

王紹京兆萬年人舊名與憲宗同永貞年改焉顏真卿器重之因紹舊名字之

曰德素舊唐書王紹傳

王紹少以厚實爲士友所重顏魯公守湖州時特器之表爲武康尉李絳撰王紹墓誌

張薦字孝舉深州陸澤人少精史傳顏真卿一見歎賞之舊唐書張薦傳

權皋德興父也顏真卿表爲浙西行軍司馬唐書卓行傳

拾遺杜甫上表論房琯有大臣度真宰相器聖朝不容辭言迂誕肅宗令崔光

遠章陟及憲部尙書顏真卿同訊之舊唐書章遠傳

案新唐書杜甫傳云會宰相張鎰救解甫得免死然則魯公訊斯獄與甫無

恩甫稱詩史於祿山事言之甚詳獨平原喧赫之功無一語及之

穆寧河內人攝東光令初佐採訪巡按過平原與太守顏真卿密揣祿山必反

至是真卿亦唱義舉郡兵以拒祿山會間使持書遺真卿曰夫子爲衛君乎更

無他辭真卿得書大喜因奏署大理評事河北採訪使寧以長子屬母弟曰

惟爾所適苟不乏嗣吾無累矣因往平原謂真卿曰先人有嗣矣所謂死有輕

於鴻毛者寧是也願佐公以定危亂真卿深然之其後寧計或不行真卿迫虜

棄郡夜渡河而南見肅宗於鳳翔帝問控賊之狀真卿曰臣不用穆寧之言功

業不成帝奇之發驛召寧以右職待之會真卿以抗直失旨事遂止舊唐書穆寧傳

唐幽州復辟廟頌貞元十二年韋稔撰顏真卿正書并篆金石錄

顏真卿書畫端莊殊有父風王惲秋澗集

案顏魯公次子也

唐鄧州文宣王廟碑顏真卿書墨池編

案顏魯公第九子

唐晉祠新松記元和元年令狐楚撰顏真卿正書金石錄

案禹允臧第三子

唐河中府鸛鵲樓記顏真卿書金石錄

貞元四年麟德殿宴羣臣詩顏真卿防書金石錄

案防魯公族子

顏魯公文集卷二十

原书缺此页

寧鄉黃本驥仲良編訂

湘陰蔣 瓊維揚參校

書評一

總論

聖祖仁皇帝御論云史稱顏真卿立朝正色剛而有禮非公言直道不萌於心天下不以姓名稱咸曰魯公而獨為權奸盧杞所忌遺諭李希烈竟被賊害觀其赴火罵逆何其烈也平生善正草書宋祁稱其筆力遒婉今披閱遺蹟疑重沈鬱奇正相生如錐畫沙直透紙背覺忠義之氣猶勃勃楮墨間朕重其人益愛其書不啻逾於球璧矣傳文齊書畫譜

顏真卿少有詞藻尤工書唐書本傳

顏真卿善正草書筆力遒婉世寶傳之新唐書本傳

後人論書歐虞褚皆有異論至張旭無非短者傳其法惟崔邈顏真卿云新唐書張旭傳

張旭草書得筆法後傳崔邈顏真卿李肇國史補

公貧乏紙筆以黃土掃牆學書字攻楷書絕妙殷亮撰行狀

案以黃土掃牆學書魯公父惟貞與伯父元孫事也見公撰家廟碑豈公亦

書效之邪

公善隸書書格勁逸抗行鍾張今孤垣撰墓誌銘

顏刑部書家者流精極筆法自懷素自敘

晚歲顏太師真卿以懷素為同學鄒兵曹弟子問之曰夫草書於師授之外須自得之張長史旭親孤蓬驚沙之外見公孫大娘劍器舞始得低昂迴翔之狀未知鄒兵曹有之乎懷素對曰似古釵脚為草書豈牽之極顏公於是偷伴而笑經數月不言其書懷素又辭之去顏公曰師暨牽學古釵脚何如屋漏痕素抱顏公脚唱數久之顏公徐問之曰師亦有自得之乎對曰貧道觀夏雲奇峯輒嘗師之夏雲因風變化乃無常勢又無壁折之路一一自然顏公曰噫草

聖之淵妙代不絕人可謂聞所未聞也陸羽懷素傳

徐吏部不授右軍筆法而體裁似右軍顏太保案魯公未嘗為太保當是太師之誤授右軍筆法

而點畫不似何也有博識君子曰蓋以徐得右軍皮膚眼鼻也所以似之顏得

右軍筋骨心肺也所以不似陸羽論徐顏書

吳郡張旭長史雖姿性類逸超絕古今而模楷精詳特為真正真卿早歲常接

游即屢蒙激昂教以筆法資質劣弱又嬰物務不能懸習迄以無成追思一言

何可復得魯公贈懷素上人序

真卿自南朝來上祖多以草隸篆籀為當代所傳及至小子斯道大喪曾見張

旭長史頗示少糟粕自恨無分遂不能佳耳魯公自書帖

真卿嘗作筆法十二意盡備師資之學其正書足以垂世 顏真卿忠貫白日

識高天下其書千變萬化各具一體若中興頌之閔偉家廟碑之莊重仙壇記

之秀穎元魯山銘之深厚種種不同 御府所藏顏真卿書二十有八旌節勅

正書以下顏允南父惟貞贈告顏允南母商氏贈告潘承竹山書堂詩朱巨川告陳

拙帖爭坐前帖以下爭坐後帖送文殊碑文帖顏首夫人帖與李光顏太保帖

蔡明遠都陽帖劉太冲帖劉中使帖開府帖盧侯帖瑤臺帖篆籀帖中夏帖湖

州帖送書帖乞米帖乞脯帖縑細帖馬病帖送辛晃序祭伯父濠州刺史文祭

姪季明文宣和書譜

書法相傳至張顛後魯公得盡於楷懷素得盡於草

顏太師以書自娛晚年嘗載石以行勢而藏之遇事以書隨所在留其所鐫石

監視而考之自公之沒名德雖在人然世豈盡知惟書於石者人得見之故今

獨以書名世或謂公以書流傳俗間至野人田老皆得名之大抵於其所嗜必

傷至其所甚蔽則賤理之必然者也廣川書跋

唐人書有神品妙品能品神品三人顏真卿楷張長史草李陽冰篆朱長文續書斷

魯公嗜書石大幾徑尺小亦方寸碑刻遺蹟存者最多觀中與頌則閔偉發揚

狀其功德之盛觀家廟碑則莊重篤實見其承家之謹觀仙壇記則秀穎超舉

象其志氣之妙觀元次山銘則淳涵深厚見其業履之純點如墜石畫如夏雲

鉤如屈金戈如發弩縱橫有象低昂有態自義獻以來未有如公者也 鍾張義獻之徒以奇筆唱士林天下獨知有體勢豈知有原本惟顏魯公作字得其正爲多雖與說文未盡合蓋不欲大異時俗耳 墨池

魯公忠義出於天性故其字畫剛勁獨立不襲前蹟挺然奇偉有似其爲人魯公忠義之節明若日月而堅若金石可以光後世傳無窮不待其書然後不朽然公所至必有遺蹟故今處處有之唐人筆蹟見於今者惟公爲最多視其鉅書深刻或託於山崖其用意未嘗不爲無窮計也蓋亦有趣好所樂爾 余謂顏公書如忠臣烈士道德君子其端嚴尊重人初見而畏之然愈久而愈可愛也其見寶於世者不必多雖多而不厭也故雖其殘缺不忍棄之 集古錄 跋尾

顏魯公書雄秀獨出一變古法如杜子美詩格力天縱奄有漢魏晉宋以來風流後之作者難復措手 書於魯公文於昌黎詩於工部至矣 孫莘老求墨妙亭詩云蘭亭蠶紙入昭陵世間遺跡猶龍騰顏公變化出新意細筋入骨如

秋鷹 蘇東坡 論書

唐自歐虞後能備八法者獨徐會稽與顏太師耳然會稽多肉太師多骨 顏魯公書雖自成一家人然曲折求之皆合右軍父子筆法書家多不到此處故尊尙徐浩沈傳師耳九方皋得千里馬於沙邱衆工猶笑之今之論書者多牴而驪者也 顏魯公楊少師得蘭亭用筆意 書法自晉以來難得脫然都無風塵似二王者惟顏魯公楊少師髣髴大令爾 余嘗論右軍父子以來筆法絕塵惟顏魯公楊少師二人立論者十餘年聞者瞠若晚識子瞻獨謂爲然士大夫乃云蘇子瞻於黃魯直愛而不知其惡皆此類豈其然乎 余嘗評魯公書獨得右軍父子超軼絕塵處書家未必謂然惟翰林蘇公見許近觀郭忠恕序字源後云家君授以張顏筆法乃知人中常自有精鑒耳 昨見雍人安汾叟家所藏顏魯公書數卷祭濠州刺史文與郭英又論魚開府坐席書祭兄子季明文峽州別駕與李勉太保書爲病妻乞鹿脯帖乃知翰墨之美盡在安氏藏古書於今爲第一 按瘞鶴銘潤州圖經以爲王羲之書字亦奇特然不類羲之筆法而類顏魯公不知何人書也 瘞鶴銘惟顏魯公宋開府碑瘦健清拔

在四五間 論書 黃山谷

顏真卿書如項羽挂甲樊噲排突硬弓欲張鐵柱特立昂然有不可犯之色顏真卿每使家僮刻字故會主人意修改波擊致大失真惟吉州廬山題名題訖而去後人刻之故皆得其真無倣作之差乃知顏書出於諸也夫真蹟皆無蠶頭鼠尾之筆與郭知運知運當作英又爭坐帖有篆籀氣頗傑思也 米元章 論書

沈作誥 寓簡

余少時喜學曹孟德書時劉共父方學顏真卿書余以字書古今論之共父正色謂余曰我所學者唐之忠臣公所學者漢之篡賊耳余嘿然亡以應是則取法不可不端也 公語 朱文

案曹孟德書是隸字世無傳本朱子從何處學來朱子書傳世者亦無隸體此不學者託以風世耳若云說本朱子余不謂然

友人林思源近得顏魯公真蹟一卷其文前後脫落字尙完整持以示予予曰此非魯公不能書也其用夫隸書灑進法乎今之人但求形似之美譬如美女徘徊花月之下遇者孰不數稱其視顏然古君子高情古貌放浪蒼松喬柏間知之者幾何人哉思源其謹藏之伺識者然後出焉 林右公 輔集

凡作楷書須筆筆依法書之鍾繇王羲之獻之智永虞世南歐陽詢顏真卿七家乃合楷法其餘不過真書耳唐人所謂經生字也 王肯堂 墨 岡齋筆麈

魯公筆法奇偉雖其天姿獨得亦忠義秀發能然柳誠懸所謂心正而筆正者世人乃欲以塵埃嫵媚之姿追蹤紙墨之間遠矣 見補之 難助編

唐張顥觀飛蓬驚沙公孫大娘舞劍器懷素觀雲隨風變化顏公謂晉牽法析敘股不如屋漏痕斯師法之外皆其自得者也 雷簡夫 江聲帖

顏魯公平日運筆清活圓潤能兼古人之長米海岳則猛厲奇偉終墮一偏之

失以孔門方之真有回路二子之別吳寬評書

歐陽率更顏平原輩以真爲草李邕西臺輩以行爲真姜夔續書譜

二王顏坡之中正高古縱其書不工亦無凡下之筆况於工乎二王書之經也

顏坡書之傳也其餘則諸子百家耳郝經論書

勒字顏法也描字虞永興法也畫字徐季海法也刷字右軍法也李君實記米元章對徽宗

語

案墨莊漫錄載米元章對徽宗語云蔡襄勒字黃庭堅描字蘇軾畫字臣刷字也此君實記語所自

顏書貴端骨露筋藏柳書貴道筋骨盡露 唐人以書判取士而士大夫字畫

類有科舉習氣顏魯公作干祿字書是也王世貞藝苑卮言

案書家曰顏筋柳骨語本范文正祭石曼卿文

唐賢之資褚柳標幟論乎學力陸顏輩聲項穆論書

童子八歲至十歲學楷書其法必先大而後小如顏魯公大唐中興頃東方朔

碑按此二碑當薄紙鈎出填作墨字楷成影本每日習五十字四年之功可得

七萬字則他日作題匾大字有法豐道生學書法

朱文長論字體有壁窠書今書家不解其義按顏魯公集有云點畫稍細恐不

堪久臣今謹據壁窠大書此法宋人多用之墨札之祖也 唐史稱顏真卿筆

力遒婉又稱柳公權結體勁媚有見之言哉今人竭力倣者但得其遺而失其

婉徒學其勁而忘其媚米元章所以有筆頭如蒸餅之謂也楊慎丹鉛錄

篆草書或真或行或草大小疎密隨宜如顏平原坐位祭姪二帖是也趙宦光論書

顏柳之書余一見即知其美今始識其用意之妙正猶有道君子泊然內運非

久與之居不足知其所蘊也方孝孺志齋集

張長史旭傳書法於顏平原真卿真卿傳柳京兆公權零陵僧懷素鄒彤章玩

崔邈張從申以至楊少師凝式解縉書學傳授

顏真卿書五丁鑿路柳公權書一夫開山解縉書評

米元章稱顏柳挑踢用意太過無平淡天成之趣固宜乃以爲後世醜怪惡札

之祖其所遺書曰海嶽名言者屢屢言之嘻亦過矣蘇東坡嘗言書至顏魯公

天下之能事畢矣蘇米皆名家而其言若此何哉懷麓堂集

顏魯公每游名山必刻己姓名一置高山之巔一投深谷之內曰焉知後世不

有陵谷之變邪古人重名所以重其身今人不重其身只因不重名耳 魯公

學書於張長史言長史楷法精詳特爲真正此見書終以楷爲重魯公楷書帶

漢人石經遺意故祛盡虞褚媚媚之習此或長史口授法乎宋人謂魯公真不

如行有意不如無意此非深知魯公者也宋人無真楷坐是故耳魯公書道輝

映千古終以楷爲極則也庚子銘夏記

顏清臣忠義大節唐代冠冕世人以其書傳蔡元長書法似米南宮以其人掩

書兩美雙傷在人自擇耳 余近來臨顏書因悟所謂折釵股屋漏痕者惟二

王有之魯公直入山陰之室絕去歐褚輕媚習氣東坡有詩於子美書於魯公

非虛語也 顏平原屋漏痕折釵股謂欲藏鋒後人遂以墨豬當之皆成便筆

癡人前不得說夢欲知屋漏痕折釵股於圓熟求之未可朝執筆而暮合轍也

書家以險絕爲奇此竅惟魯公楊少師得之趙吳與弗能解也 書法惟貴

藏鋒然不得以模糊爲藏鋒須有用筆如太阿割截之意蓋以勁利取勢以虛

和取韻顏魯公所謂如印印泥如錐畫沙是也 顏清臣書深得蔡中郎石經

遺意後之學顏者以觚稜斬截爲入門所謂不參活句者也書理室

自宋以來倣顏書者多以雄厚勁健求之此但得顏之貌耳東坡元章皆謂顏

出於褚以褚法求魯公乃得神解魯公書宋廣平及郭太保廟碑於褚法流露

爲甚二碑皆魯公極煇赫有名之書余此書取郭太保三分宋廣平碑七分令

其寬平駘宕無魯公平時方勁拙滯宿習亦不令其圓熟落佐史氣格以此倣

魯公或亦微有契耳盧舟題跋

書法之壞自顏真卿始自顏而下終晚唐無晉韻矣至五代李後主始知病之

謂顏書有楷法無佳處正如義手並足如田舍郎翁耳李之論一出至宋米元

章評之曰顏書如蒸餅大醜惡可厭又曰顏行書可觀真便入俗品米之言雖

近風不爲無理然能言而行不逮至趙子昂出一洗顏柳之病直以晉人爲師

右軍之後一人而已墨池集錄

案自來論魯公書者毀譽均過其實譽之者以爲得自義獻父子或以爲師法褚河南毀之者以爲義手並脚如田夫或以爲肥重似蒸餅卽米元章一人已修毀修譽迄無定論推其致毀之由因學公書入手者多學之不尊遂致癡肥板重臨摹數日皮毛盡得滿紙俗塵其道婉婉白首不能神似也余既歷徵各家心得之言而以墨池環錄所引掌議之說附錄於後爲學書者戒非於公書有異議也况公以書傳書以人重豈一藝擅長者所能幾及哉趙松雪書非不佳至謂爲右軍以後一人而已則非臨池公論也隋龍藏寺碑歐陽公以爲開歐虞之體碑陰則顏書所自出也此語未經人道附識於此

張仁蘊德政碑

第七百七十二周醴泉縣令張仁蘊德政碑齊處仲撰顏真卿正書長壽三年四月金石錄目

右唐醴泉縣令張仁蘊德政碑長壽三年立醴泉尉顏真卿書按魯公雖嘗爲此官然在開元間而魯公以貞元元年爲李希烈所害年七十六上距長壽三年實九十餘歲是時猶未生也又筆法與魯公他書不類以此疑有姓名同者然碑武后時立而不用當時所製字或云碑雖建於長壽中至魯公爲尉重書而刻之未可知也金石錄跋

案年譜魯公以天寶元年十月授醴泉尉重書此碑當在是時年三十四歲魯公宦跡所至如德州之東方朔畫贊亦舊碑重書者然有文記其年月此碑無記故趙德甫以有姓名同者致疑若謂筆法與魯公他書不類公罷醴泉後始與張長史旭講求筆法至天寶五載作張長史十二意筆法記書學始大進此書作於未師長史之前宜其筆法與他書不類也

郭虛己碑

第一千三百唐工部尚書郭虛己碑顏真卿撰并正書金石錄目
郭虛己太原人官銀青光祿大夫守工部尚書兼御史大夫蜀郡大都督府長

史持節充劍南節度度支營田副大使本道并山南西道採訪處置使上柱國贈太子太師諡曰獻魯公文集

郭揆碑

第一千三百一唐河南府參軍郭揆碑顏真卿撰并正書天寶十一載三月金石錄目

多寶塔感應碑

第一千三百三唐多寶塔感應碑岑勛撰顏真卿正書天寶十一載四月金石錄目
右唐多寶塔感應碑岑勛撰顏真卿書多寶塔者僧楚金所造楚金嘗寫法華經千餘部寶塔中今猶有存者余於士大夫家數見之余亦得其一卷乃乾元二年肅宗所造卷首佛像絹素畫蹟尙如新也金石錄跋

多寶佛塔極言建塔光怪夢寐雲物感應不可致詰之事以及一時人主崇信之篤賜予寵賚之隆魯公又爲大書而深刻之今千有餘年家畜人有其見重於人蓋不但如予之所取以魯公之大節名書而已佛之道果足重無窮哉華嚴經竹堂稿

右千福寺多寶塔碑顏公之書多矣惟此碑感傳人間歐陽公作集古錄跋尾而此獨見遺惟趙氏金石錄有之謂多寶塔者僧楚金所造楚金嘗寫法華經千餘部寶塔中趙氏復謂於士大夫家數見之則楚金之書至宋猶有存者碑今在陝西西安府學金石錄項

顏魯公多寶佛塔碑石刻在西安舊搨完善可讀公書如東方畫像家廟碑咸天骨遒峻風稜射人此帖結法尤整密但貴在藏鋒小遠大雅不無佐史之恨耳余州四部稿

魯公書多寶佛塔碑最窘束而世人最喜正如杜少陵詩佳處滿卷而學者徒取其硬澀此殆曹子建所謂蘭茝馨香人之所嗜而海畔有逐臭之夫者也嗟嗟世人苦不具隻眼而隨人語言以評古書此又曷足以言心賞邪余故聊爲淵泉道破必且能爲我下一轉語也著潤軒碑跋

魯公正書惟此碑最著以其字比諸碑稍小使於展玩耳而結法視東方諸家廟碑似覺稍遜碑舊在興平千福寺不知何時移立西安府學

石壘
鐫華

魯公諸碑惟此字法差小平易近人故學書家無不收置一本

庚子
鑄

余十七歲時學書初學顏魯公多寶塔稍去而之鍾王得其皮耳更二十年學

宋人乃得其解處

畫碑室
隨筆

有宦秦中者向余言唐碑石皆如玉其字皆直刻入深一二寸如今刻牙小印者然不似今碑但斜掠也後問之李伯玉亦不盡爾惟此多寶塔等一二碑爲然所以經久不模糊此是魯公最勻穩書亦儘秀媚多姿第微帶俗正是近世掾史家鼻祖又點畫太圓整筆寫不應若此米元章謂魯公每使家僮刻字會主人意修改波擊致大失真觀此良非誣又因此知顏書是腕著案書案亦大有力倚此爲牆壁則旋折皆如意不致軟斜但作字時少減趣亦便無魏晉天然態耳今世所謂顏書率師此亦以其有牆壁易學故大抵字必帶俗乃入時眼乃盛行

書畫
跋

魯公書前輩多推宋廣平碑與爭坐位帖而楚金感應碑則在所痛貶余謂廣平爭坐未嘗不佳然求其始終一貫無一懈筆則莫有過楚金者以魯公全力所在故也當世善本惟金子見素家所藏宋搨宋裝號爲第一此雖不及金本然魯公全力所在絲毫失而不失而紙墨亦舊是亦余家顏碑第一矣子孫其寶之毋失

鐵函
書跋

魯公用筆最與晉近結字別耳此碑能專精學之得其神便足爲二王繼別得見真官帖乃徵吾言也當嘉靖初陸文裕公已有日就剽弊之懼壇長所藏尙有風神是百年舊搨宜珍視之予所親記自吾鄉金文通公家宋搨本而外未有過此也書至陳隋如智永丁道護漸趨勻整入唐而歐虞加之嚴肅非天下由分裂而之太平魄兆於人文者乎褚公趁姿媚而少跌宕然承徽之後又可觀矣顏出於褚而仍還勻整不可謂之不善變也况豐碑與小字不同上下左右必如造雲臺稱平衆木使輕重無錙銖偏負乃成章法邪米顛橫議至云公真書便入俗品自歐虞以下悉謂其安排費工由是恣爲傾欹楷法蕩盡

又云開元以來始合時君所好字體肥俗虞書今已不見唐刻歐書體方固未嘗瘠也丁道護書多肉顏公頗與之近長短肥瘠如質文相循環豈容舉此一碑爲顏公早年書世人猶有以米顛論獻疑亦未折其衷矣近歲獲搨日刊且惜工價木強無神明壇長二兄所收乃秘閣散出宋本結字之血脈用筆之收放纖毫失不失本真平日窺尋所得必有愈出不可窮尙勿斬爲我告之

何義門
題跋

多寶塔爲魯公少時書魯公書碑徧天下權輿於此此碑以前無魯公書也孔子廟堂碑亦同時書斷蝕已久僅存數十字矣此碑書法腴勁最有態度魯公書多以骨力健古爲工獨此碑腴不贅肉健不贅骨以渾勁吐風神以姿媚含變化正其年少鮮華時意到書也王元美論此碑謂貴在藏鋒小遠大雅不無佐使之恨是則固然然近世學顏書者多至枯朽骨立以腴潤導之正須從此覓指南車爾有明內庫所藏宋本亦嘗見十許冊大約皆同時搨字畫風神纖毫不失惟以墨法老嫩之間微分優劣爾如此本之墨光如漆古香滿紙向之所見無第二也

虛舟
題跋

奪乎解谷慎之

虛舟
題跋

魯公之書模楷百代獨此碑後人尤嗜之幾於家有一本矣康熙中石斷缺佛知見法爲五字空王可托本願同七字損歸我無空四字末行缺大夫行內侍趙思七字予所藏者尙是百餘年前搨本較之近時搨者鋒穎猶存真可寶也

潛研堂金
石文跋尾

多寶塔碑書者顏真卿結銜云判尚書武部員外郎唐書百官志兵部尚書一人其屬有四一曰兵部二曰職方三曰駕部四曰庫部龍朔二年改兵部曰司戎光宅元年改曰夏官天寶十一載改曰武部此碑正立於十一載四月則其時新改夏官爲武部也尙書上加判字史志未詳其制據兩唐書顏真卿傳則其時爲東都採訪判官再轉武部員外郎是所謂判者判採訪不知碑何以云判尙書也新書傳真卿被害在興元元年年七十六

舊傳云
七十七其生
在景龍三年
是書此碑年
已四十四虛
舟以爲少時
書者約略之
詞耳
金石
萃編

案是碑及夫子廟堂記殘碑皆徐浩以隸字題額金石萃編誤爲篆額引新

唐書浩署府時辨篆符之妄以爲兼工篆書之證蓋未見是額不知其爲隸也天寶三年始改年稱載碑中天寶元載二載蓋撰文者追改非朝令也碑首題曰西京千佛寺唐書地理志天寶元年改雍州京兆郡曰西京即今西安府治也石墨鐫華謂碑舊在興平千福寺不知何時移立西安府學長安志興平爲西京屬縣其地無千佛寺亦不言有是塔移立之說未足據末記建碑之日爲四月乙丑朔二十二日戊戌是丙戌之誤當以夫子廟堂碑爲正魯公署銜曰判尚書者以武部員外郎掌武官選舉總判兵部職方駕部庫部事金石萃編疑之誤矣萃編謂是時公爲東都採訪判官當云判採訪此碑何以云判尚書不知天寶八載公以殿中侍御史爲楊國忠所忌出爲東都採訪使蔣冽判官此外官也十一載再轉武部員外郎則入爲朝官矣安得復判採訪邪又魯公書碑時實是四十四歲其卒則在貞元元年八月年七十七歲萃編謂卒於興元元年者亦誤也

夫子廟堂記殘碑

夫子廟堂碑唐程浩撰顏真卿正書徐浩篆額碑在杭州文簡古而妙碑頗小尙無恙宋釋夢英重寫刻石於西安學字徑寸

碑帖

華州王氏掘地得石一片云員外郎顏真卿書又有云都官郎中東海徐浩篆其餘數十字則不成文不可知何碑但其字法雖嚴正而鉤磔處不及魯公他碑存之以俟考

金石錄

此文載於唐文粹爲扶風縣文宣王廟記大曆二年駕部郎中程浩文而今西安府學有僧夢英書此一記其文正同但去扶風古縣也以下半篇其跋云此記元刻在湖州臨安縣夢英愛而書之豈駕部先作此於扶風魯公又書之於湖州而去其半篇邪又考唐地里志臨安縣屬杭州不屬湖州得非夢英之誤邪今華州有此殘碑數十字其文同

金石記

此文浩以大曆二年作於扶風魯公會書此於湖州華州有之非也疑後人僞作

關中金

此碑文凡五百四十餘字今存者連銜名祇七十一字文存十之一耳檢唐文

粹刻本有此文錄補成篇文粹載此文題曰扶風縣文宣王廟記撰人爲程浩今碑題與程浩名俱不存但存顏真卿書及徐浩名徐浩必是篆額者也顏真卿結銜存員外郎三字以本傳考之真卿之爲武部員外郎在天寶初年此後未嘗官員外郎然此文末題大曆二年文粹所載要非無據未敢斷以爲誤也文云浩自帝鄉薄遊鳳翔則此文專爲扶風縣之文宣王廟而作魯公不應又書之於湖州至湖州之無臨安縣與杭州臨安縣之見無魯公書此皆夢英之誤記又不足深論總之此碑文爲程浩作固無可疑其書碑結銜與作文之年不合當必有傳刻託名之誤而碑在華州則或是殘石易於轉徙未可知也

編萃

案此碑程浩撰文顏魯公正書徐浩題額建於天寶十一載四月原石久裂僅存華州王氏所藏殘石賴有元買度重摹本尙存當日碑式碑高僅二尺廣僅一尺五寸連題款十有七行行二十五字首行題夫子廟堂記五字二三四行皆低四格書駕部郎中程浩撰爲一行朝議郎判尚書武部員外郎項邪顏真卿書爲一行朝散大夫檢校尚書都官郎中東海徐浩篆爲一行第五行另起書浩文二百四十六字第十六行文末接書唐天寶十一載歲次壬辰四月乙丑朔廿二日丙戌建金石萃編所載諸家考辨皆未見買度摹本故以唐文粹所載大曆二年扶風縣文宣王廟記爲真而疑華州殘石爲僞今案是碑凡有四刻一唐天寶十一載刻即程浩撰而魯公書者一大曆二年扶風縣學刻文宣王廟記前半篇即用此文亦題程浩撰正書無書者姓名增入扶風古縣也以下二百八十七字

文筆與前半篇絕不相類程浩於天寶十一載與顏徐同爲部官至大曆二年相去十有六年矣不應仍以爲部官刻也又據本碑刻後半係扶風人增入文粹則據碑本採錄也又據本碑刻後十四年七月立馬嶺新廟碑亦程浩撰魯公書浩題曰禮部郎中魯公銜曰吏部尚書可見大曆二年立碑時程浩仍署駕部尚書銜又金石萃編謂徐浩未嘗爲都官郎中豈未見多寶塔題額邪又僊師學有貞元十五年張式撰徐浩神道碑云遷金部員外郎轉都官郎中正在天寶時並正此

一宋太平興國七年釋夢英重書浩文刻於西安府學一元至正元年太平路總管賈度重摹魯公書刻於所部今扶風西安二本及賈度摹本俱存惟魯公原刻未見據夢英跋云此記元刊在湖州臨安縣湖州無臨安縣固

夢英誤記卽碑帖紀證云在杭州碑尙無恙又豈可盡信邪天寶十一載程浩與顏徐二公同官京師撰書此碑不應遠刻於杭州今杭州二州皆無是碑而斷石乃出於華州土中則此碑當在華州卽殘石易於轉徙亦應在長安爲近是夢英所見賈度所摹皆華石未斷時拓本也碑帖紀證則據傳聞而載之非目見也扶風人增入之二百餘字其云浩自帝鄉薄遊鳳翔亦託名浩作以自重耳其實浩文止魯公所書之二百四十六字也關中金石記疑華州殘石爲後人僞作今以賈本校之行格正合作僞者不能如是不謀而合石墨鑄華云字法雖嚴正而鉤磔處不及魯公他碑今以多寶塔碑校之字體大小正同而神氣亦無稍異賈本載勒石年月二十一字與多寶塔碑全同可見二碑書於一日惟多寶塔碑廿二日丙戌誤作戊戌此碑作丙戌爲是金石萃編引通鑑四月是丁丑朔非乙丑朔其說亦誤附正於此并摹賈刻於後以存碑式華石存字正寫賈刻原文旁注

夫子廟堂記

駕部郎中程浩撰

朝議郎判尚書武部員外郎顏真卿書

朝散大夫檢校尚書都官郎中東海徐浩題額

天地吾知其至廣以其無不覆載日月吾知其至明以其無不照臨江海

吾知其至大以其無不容納料廣以寸管測明以尺圭航大以一葦廣不

能逃其數明不能私其質大不能亡其險偉夫

夫子後天地而生知天地之始先天地而沒知天地之終非日非月光之

所及者遠不江不海潤之所溥者博三代禮樂吾其損益百王憲章吾其

消息君臣以位父子以親家國用和鬼神以養道不可筌其有物釋未可

證於無生一以貫之我

先師夫子聖人也古之帝聖者曰堯古之君明者曰禹堯之德有時而息

禹之功有時而窮

我夫子之道久而彌芳遠而彌光用之而昌捨之而亡昔否於宗周今泰

於

皇唐不然何耀震而裳垂珠而王者矣唐天寶十一載歲次壬辰四月乙丑朔廿二日丙戌建此本得之冀寧廟學至正改元三月吉日正議大夫太平路總管兼管內勸農事賈度摹勒

顏魯公文集卷二十一

原
书
空
白
页

寧鄉黃本驥仲夏編訂

湘陰蔣 瓊維揚參校

書評二

東方朔書贊并碑陰記

河北道德州安德縣東方朔廟在縣北四十里唐大曆中刺史顏真卿重鐫夏侯湛讚碑見存太平實字記

案碑今在濟南府陵縣在宋爲安德縣屬德州天寶十三載魯公爲平原太守

守重書是讚非大曆中

東方朔書像讚臨川志云晉夏侯湛作初碑在德州天寶十三載平原太守顏真卿作大字勒之他石全碑在宜黃富民家凡爲石六丈高一丈五尺輿地碑目

案碑在陵縣並無遷徙王象之列於撫州云在宜黃富民家當係傳聞之誤

云凡爲石六丈當作石廣六尺則傳寫之誤也

唐東方先生書贊晉散騎常侍夏侯湛撰唐平原太守顏真卿書初開元八年德州刺史韓思復以贊刻於朔廟後真卿爲太守文已殘缺遂以天寶十三載十二月重立此碑

唐書贊碑陰記顏真卿撰并書及題額真卿既易舊碑因記其事迹年月刻於書贊之陰集古錄目

右東方朔書贊晉夏侯湛撰唐顏真卿書贊在文選中今校選本二字不同而義無異也選本日棄俗登仙而此云棄世選本日神交造化而此云神友

右書贊碑陰唐顏真卿撰并書湛贊開元八年德州刺史韓思復刻於廟天寶十三載真卿始別書之集古錄跋尾

第一千三百二十六唐東方朔書贊上第一千三百二十七東方朔書贊下夏侯湛撰顏真卿正書天寶十三載十二月

第一千三百二十八唐書贊碑陰記上第一千三百二十九書贊碑陰記下顏真卿撰并正書金石錄目

顏魯公平生寫碑惟東方朔書讚爲清雄字間櫛比而不失清遠其後見逸少本乃知魯公字字臨此書雖大小相懸而氣韻良是非自得於書未易爲此言

也東坡

東方曼倩書贊昔顏魯公守平原時爲書今其石刻剝後世復爲摹搨以傳然魯公於書其神明煥發正在筆畫外若考朱墨而印於石者此待詔書爾果有道邪公之幸今猶存者更數十百年後石破字缺人間所得皆其傳摹見者必唾而笑之其書不足傳也廣川書跋

案東坡評此書氣韻顏王逸少廣川則斥爲待詔書更數百年必爲見者唾笑一毀一譽皆未得其實

天寶十三載甲午魯公年四十六十二月有東方朔書贊碑陰記魯公年譜

東方朔書像贊碑陰記顏魯公書石刻在陵縣陵即古平原郡也故城址猶存今僅三之一耳碑已再刻余所得乃舊本雖小摩泐然其峭骨遒氣滄鬱奮張亦足辟易餘子牟州四部稿

此碑在山東陵縣王元美曾得舊本余所收乃長安故家者小小摩泐當與元美家損本同書法峭拔奮張固是魯公得意筆也元美謂東方生蹟固奇詭夏

侯文亦有壺公劇子意獨公書嚴整未稱不若留右軍寫其性情可也余則謂魯公以忠義而好神仙小說載公沒後指甲金色透出手背又寄家人手書事

雖涉怪誕而亦可以證公深於神仙之術固東方生千載至契也然其筆却無物外姿態不如書汾陽家廟大是本色石墨錄華

此碑久毀東明穆先生得古搨重刻之石其期立等字多譌想其元搨漫滅者時有之矣余前過平原留意蹤跡之迄不可得後乃購得此本字更明悉何嘗

有譌字且其篆題兼存尤古雅峻峭全無鈍質俗態此時陽冰稱高手乃其文采風流不及此十二字也其贊字視顏他書獨瘦勁恬適與家廟碑相上下蓋

公中年制作最爲得意想此搨在穆先生所收數百年之前可見世之罕物時時在人家但不易遇耳

余既得先生書贊自記希有之遇矣其後又得此記字比書贊更大而筆尤豐偉鋒芒轉換一一如新蓋搨更在前者遂成完璧其

題乃八分魯公分書更少見尤可寶也記稱廟像捏素爲之二細君旁侍風流可想而書之年爲天寶十三載亂在目前而平閣李宋四公又以北平王判官

巡按狎至然魯公兄弟又伺其旁則亂萌節兆又相參錯可爲有國之永永鑒公所爲梓韓君開元八年之新碑而大書之者非亟也關係治亂當傳之百代耳

墨林快事

此贊在山東陵縣書法校他刻更嚴整予以曼倩生平極談謫後世乃有以極正之筆書其贊者使曼倩見之當爲骨竦

庚子錦夏記

右記晉夏侯湛撰顏真卿書唐諱御名凡書行文至無可避處往往缺一筆以存其意魯公於此記民字一見則缺末筆世字三見宏字一見皆不缺且此記載昭明文選中集古錄云較選本二字不同而義無異按選本曰神交造化此云神友選本云棄俗登仙此云棄世夫因避諱而改古人之文或有之矣此則改前文以犯諱何也

金石後錄

案宏高宗太子名卒後追諡孝敬皇帝改宏農郡爲恆農宏文館爲昭文開元七年復至魯公書碑時久不諱矣

魏晉以來作書者多以秀勁取姿欹側取勢獨至魯公不使巧不求媚不趨簡便不避重複規矩削而獨守其拙獨爲其難如家廟元靖等碑皆其晚歲極矜練作也此碑書於天寶十三載距貞元元年七十有七爲李希烈所害尙三十有二年則此爲四十五歲時所作乃其感年書故神明煥發而時出姿態不失清遠耳東坡謂魯公此碑字字臨逸少雖大小不倫而氣韻良是按右軍爲王修書東方朔書贊修死其母以其生平所愛納之棺中則知右軍書不傳久矣故常擬以爲僞而董廣川亦謂後人爲之託逸少以傳今觀魯公後記云取其字大可久不復課其工拙厚自謙抑明是自書又其文字與右軍所書多不同決知其非臨右軍書矣安世鳳墨林快事謂此碑久毀東明穆先生得古搨重刻之故其期立等字多譌據此則此碑今爲重刻然較文選所載原文惟棄俗作棄世神交作神友耳此外絕無譌字不省安氏所云多譌者是何刻也或其所見是南渡後權場所市覆本亦未可知碑首兩額皆魯公所題前贊不書互見耳安氏稱十二字古雅峻拔陽冰高手不及未免譽過其實此書方整實不及陽冰余以魯公篆隸絕少故并臨之按舊唐書楊國忠怒公不附己

出爲平原太守平原去范陽不遠爲祿山東戶是時祿山反兆已萌公託霖雨修城池料丁壯儲廩實乃陽會文士泛舟外池飲酒賦詩祿山以爲書生易之遂不爲防而竟爲公所困此碑立於天寶十三載距祿山之反一載耳而斤斤爲此不急之務大書深刻惟恐後時蓋即當時飲酒賦詩之意明示祿山以書生所急不過如此使祿山以爲不足慮而後可圖大計耳蓋公之用意深曲一至於此千百載後覽此碑者但賞其書法之佳豈知公之苦心有不可明言者哉余故表而出之使覽此碑者直當比於罵賊齒擊賊笏未可但以書目之也

竹雲題跋

碑陰記云殿中侍御史平公列等咸以河北採訪使東平王判官巡按狎至真卿候於境上而先生祠廟不遠道周亟與數公同遊茲願舊唐書安祿山傳引平列李史魚在幕下以此記推之又有閻寬宋審二人與平李並無判官則祿山包藏禍心壁後置人蓋其夥哉曜卿見臬卿傳開元中與兄春卿弟曜卿並以書判拔萃超等者畢曜見酷吏敬羽傳與毛若虛裴昇畢曜同時爲御史又叛臣喬琳傳子儀表琳朔方府掌書記與聯舍畢曜相掉許宰相世系表曜侍御史今碑作曜不從曰按唐書畢構傳子炕世系表炕與曜爲一格疑皆從火碑所書爲正杜集存沒口號畢曜仍傳舊小詩曜一作耀亦耀之轉

授堂金石跋

案杜少陵集有寄韋有夏郎中詩潘淳曰顏魯公東方朔碑陰有朝城主簿韋有夏殆斯人邪今碑作韋更有當別是一人否則杜集誤也

東方朔畫像贊云大夫諱朔平原厭次人魏建安中分厭次爲樂陵郡故又爲郡人焉厭次今移屬樂安郡東去祠二百里故厭次城在今平原郡安德縣東北二十二里廟西南一里致漢志無厭次蓋高祖功臣表有厭次侯爰類是起於楚漢間後省後漢明帝始更富平爲厭次非朔之里居也唐志以厭次移屬棣州樂安郡即後漢富平故去祠轉遠其厭次故城在平原郡安德縣東北者是爲朔之故里而廟亦隸焉樂史太平寰宇記河北道德州安德縣東方朔祠在縣東四十里唐刺史顏真卿重鑄夏侯湛贊見存于欽齊乘東方朔墓在德州東四十里古厭次城北祠在墓南顏魯公書畫贊立碑祠下今碑移州署顧

炎武云今在陵縣署內顏公云去安德二十二里樂史于欽云四十里小參差碑陰記云其像則捏素爲之以兩細君侍焉按朔傳注以細君爲朔之妻又宋當陽妻龍氏輔女紅餘志序稱爲細君今言有兩細君則爲妄矣又玉臺新詠云漢武帝元封中以江都王女細君爲公主嫁與烏孫昆彌至國則細君似亦通稱城述

畫贊碑陰記云先生事跡載在太史公書漢書風俗通按太史書無東方朔傳褚少孫附益史記滑稽傳則有之似當作續太史公書清白

往在京師陳孝廉對初寓齋見舊榻像贊及碑陰記不忍釋手嗣後每過對初輒求觀之甲申秋寓張中丞日涉園忽於敗簾中得此雖不及對初本然亦順治間搢也魯公書廣平碑側記而外卽當以此爲最而趙子函以其無物外姿態謂不如汾陽家廟豈以弁州之言而云然邪 三山林同人得畫贊四紙歸舟觸建溪石爲水所壞後於故家購得一本而無碑陰每以爲恨余茲並得於日涉園雖不及陳對初家搢要亦可以倣同人已藏函齋

右碑在今陵縣大字徑三寸許方整奇偉不減家廟碑金石錄

東方朔畫像贊碑陰記其云河北採訪使東平王者安祿山也平列李史魚二人名見唐書祿山傳碑建於天寶十三載季冬其明年祿山亂作矣潛研堂金石文跋尾

右畫贊文凡二十二行碑陽十八行和而不同棲遲至碑陰四行下位聊以從容起後刻記文十四行陵縣志載東方先生祠在神頭店卽漢之厭次縣也顏書八分惟見此額山左金石志

案是碑係四面旋刻畫像贊二十二行陽面十五行側面三行陰面四行碑陰記十四行陰面十一行側面三行山左金石志僅載陰陽兩面非也

碑在濟南府陵縣今之陵縣在唐時謂之安德縣隸德州平原郡屬河北道兩唐書顏真卿傳但言爲宰相楊國忠所惡出爲平原太守而不詳何年據此碑云去歲拜此郡則是天寶十二載也此碑立於天寶十三載在祿山反之先一年正魯公陽會文士飲酒賦詩之時而完城浚池等事亦卽在此一年之內傳所謂祿山密偵之者殆卽碑陰所記平列諸人乎設使此碑不書則過此一年

遂不及作矣古今名蹟之傳誠有數存非偶然也金石錄

碑陰記所謂東平王者安祿山也平列李史魚皆祿山幕下之人當是時忠與逆尚未分一朝失足千古同恨觀是碑者可不懼哉金石錄

威寧縣孔子廟碑天下金石志

唐威寧縣孔子廟碑顏真卿書天下金石志

案此碑未載撰人姓名亦無建立年月疑卽天寶十四載四月程浩所撰之文而魯公書之也然無確據未敢遽斷攷威寧係京兆附郭縣天寶七載改萬年縣曰威寧乾元中仍名萬年魯公自天寶十二載出爲平原太守至肅宗至德二載十月始由東京扈從回京十二月又出爲同州刺史至乾元二年二月始徵爲刑部侍郎八月又貶蓬州長史計公在京之日甚少宜無書碑之暇此碑以威寧標題仍附於天寶之末以俟詳攷

請御書道遙樓詩碑額表

唐元宗御製登道遙樓詩并分書太常卿姜皎書年月蒲州刺史王璵以詩刻石請御書碑額表一蒲州刺史顏真卿書答詔肅宗書以乾元元年立集古錄

第五百八十唐太宗登道遙樓詩長孫無忌楊師道行書貞觀十二年二月明皇八分書詩顏真卿正書王璵表附錄金石錄

案魯公以乾元元年三月除蒲州刺史所書請御書道遙樓詩碑額表乃前蒲州刺史王璵所撰道遙樓在蒲州太宗元宗嘗幸其地皆有登覽留題之作璵既刻詩於石復請肅宗題額而屬魯公爲書其表

祭姪季明文

魯公祭姪季明文文章字法皆能動人黃山谷集

第一千三百五十七唐祭姪季明文顏真卿撰并行書乾元元年九月金石錄

乾元元年戊戌公年五十按通鑑臯卿姊妹及泉明之子流落河北是年公守蒲使泉明往求之九月有祭姪贊善大夫季明文魯公年譜

峻拔一角潛虛半股此於書法其體裁當如此矣至於分若抵背合如並目以側映斜以斜附曲然後成書而古人如此盡盡之也魯公於書其過人處正在

法度備存而端勁莊持望之知爲威德君子嘗問懷素折釵股何如屋漏痕曰老賊盡之矣前人於其隱處亦自矜持不以告人其造微者然後得之此二體又在八法六體外乃知書一技而其法之衆至此公祭兄子文殆兼存此體者也廣川書跋

右唐人摹顏魯公祭姪文真蹟一卷公節偉矣日月有蔽蝕山河有隕決而一門之金石英烈言言炳炳實與天地相爲終窮是帖蓋當時奠祝之文片言所存皆足以對越無愧數百世而下讀之尙使人凜凜有生氣也嘉定乙酉歲十一月高安倅沈君鏗聲甫得之晉上名卿家明年二月書來緘以見遺筆法蓋雙鉤摹體紙亦唐世物贊曰當天寶之季歲騰紫宮之長慧駭漁陽之馭駸將道洛以飲渭以十五萬衆鼓行之勇涉二十四郡無人之地偉顏門之競爽獨舍生而取義有常山以爲之兄有魯公以爲之弟合羣從而死難勵三軍而雪涕盡將豁百世而開瞶矇澄六合而蕩氛翳手締絕紐躬支橫潰射羿日之並出扶杞天於將墜斯文也所謂質之鬼神而無疑建諸天地而不悖又豈止於區區之一醉於瘴誤主有人效忠何罪胡大廖之正不至於林甫之流而所遭之慘乃及於泉明之輩予持此評氣胸心海豈徒贊八體之書抑以代千載之誄珂寶真堂法書贊

顏魯公唐朝第一等人字畫雄秀奄有魏晉而自成一前輩云書法至此極矣予嘗見公爲叔書告身一通楷法嚴甚案叔當作伯聞公行書尤佳不可得見但時摩挲乞米石刻想象風致耳今王君出示公祭姪季明文稿一紙詳玩此帖縱筆浩放一瀉千里時出遒勁難以流麗或若篆籀或若鐫刻其妙解處殆出天造豈非當公注思爲文而於字畫無意於工而反極其工邪蘇文忠謂見公與定襄王書草數紙比公他書尤爲奇特信夫如公之忠賢使不善書千載而下世固愛重況超逸若是尤宜寶之撫卷三復敬歎因題其末吳郡陳深識 右魯公祭兄子季明帖前十二行甚遒婉行末循爾既事字右轉至言字左轉而上復倭悉字右旁繞我字左出至行端若有裂文適與縉紙縫合自爾既至天澤逾五行殊鬱怒真屋漏迹矣自移牧乃改吾承至尙響五行沈痛切

骨天真爛然使人動心駭目有不可形容之妙與襖敘稿哀樂雖異其致一也承字掠策啄磔之間嗟字左足上搶處隱然見轉折勢推字如泰山壓而砥柱鄭末哉字如輕雲之卷日響字覺如驚龍之入蟄吁神矣觀此見真蹟無疑按史公自馮翊太守轉蒲州刺史封丹陽縣子而帖自署開國侯蓋史誤也果卿爲公之從父兄而季明謂公從祖叔父塗從父字加第十三於叔上公之處名義一字不苟可法也季明果卿少子以死事贈五品官則贊善大夫是已天寶末果卿爲范陽戶曹安祿山表假常山太守祿山叛公爲平原太守遣甥盧邀約起兵時果卿長子泉明方往返真定內邱間計事報盧邀使平原屬之季明宜也元宗不識真卿爲何如人而顏氏兄弟子姪戮力王室如此一門忠義其自來邪元宗拜果卿中丞因傳檄河北陽言王師大至遂開土門十七郡同日推公爲盟主兵勢振矣賊懼急攻常山太原尹王承業不救於是果卿父子被執刃加季明頸謂曰若降活汝子不答遂殺季明果卿至洛陽乃遇害明年史思明歸國又明年則乾元元年也泉明自常山陷後客壽陽清溝之敗復陷思明至是歸公於蒲州以公命購果卿季明尸於洛陽河北果卿僅得一足與張湊所歸髮葬長安鳳栖原季明同塋據此帖季明歸櫬惟首而已哀哉此帖作於泉明購尸還蒲之日死生亦大矣士大夫平居抵掌高議視死宜若易然觀史及此帖髮膚有所不敢遽忍殘身至此邪兄弟子姪駢首就死豈易易哉顏氏出魯國子淵平日循循如和風慶雲及畏於匡孔子意其必死則其履嚴霜烈日之變坦如康莊聖人旣信之矣一門忠義可不謂有所自來邪吳興陳繹曾書 米元章以顏太師爭坐位帖爲顏書第一謂其字相連屬詭異飛動得於意外最爲傑思而黃山谷謂祭姪季明文章字法皆能動人正類坐位帖二帖宋時並藏安師文家安氏之後不知流傳何處坐位帖世有石本而米氏臨本尙在人間余嘗見之與此帖正相類然元章獨稱坐位者蓋嘗屢見而祭姪則聞而未覩今寶章錄可考宜其並稱坐位而不及此也世論顏書惟取其楷法遒勁而米氏獨稱其行草爲劇致山谷亦云奇偉秀拔奄有魏晉隋唐以來風流氣骨回視歐虞褚薛輩皆爲法度所窘豈如魯公蕭然出於繩墨之

外而卒與之合哉蓋亦取其行書之妙也況此二帖皆一時稿草未嘗用意故天真爛漫出於尋常畦徑之外米氏所謂忠義憤發頓挫鬱屈意不在字者也

吳人繹曾字伯數元吳興人二人並以字學知名而跋語考訂精審余復何言姑取黃米之論以備二帖折衷亦補二陳之遺云長洲文徵明書館停雲

續閱顏書祭姪文稿定當以鮮于樞張晏跋尾本為真蹟云 新都吳氏藏顏

書祭姪文真蹟後有鮮于樞張晏跋而無停雲館刻陳深陳繹曾文徵明三跋

中間顏書神妙其結構與石本微有不同當亟購之冀為三公解嘲夫二陳與

文世所稱博雅士也乃稱破鐘為黃花真賞之難如此清河書

海鹽張黃門靜之藏顏魯公祭姪文史丈為予說意都穆編

今世所傳石本即停雲館所摹之本也戲鴻堂亦有此帖筆畫絕異而似稍佳

豈書畫舫中所謂真蹟即戲鴻堂所摹者是而此與停雲館刻果屬偽迹邪慨

真蹟不可得見其是非究不能知徒結想於夢寐云爾 昔陳繹曾據史以跋

此帖至為詳悉第謂泉明購屍洛陽果卿僅得一足則因新史之文未明而誤

按舊唐書泉明求其父屍於東都得行刑者言果卿被害時先斷一足與履謙

同坎瘞之及發瘞得屍果無一足即日與履謙之屍各為一柩護還長安其文

明白因錄於此不使滋後人之惑云金石文鈔

魯公三稿皆奇而祭姪稿尤為奇絕蓋泉明以公命購果卿季明屍於洛陽河

北果卿僅得一足季明僅得一首魯公痛其忠義身殘哀思勃發故繁紆鬱怒

和血迸淚不自意其筆之所至而頓挫縱橫一瀉千里遂成千古絕調想爾時

祭兄果卿亦自有稿意其雄絕處正復不減今不傳耳明季墨迹在吳太史用

卿家刻餘清帖中為祭姪刻本第一停雲館或云米臨非魯公筆也平生愛臨

魯公三稿不惟喜其書以其可以發人忠孝之思故援毫濡墨輒覺腕底有魯

公神至所謂古叙脚屋漏痕峻拔一角潛虛半股諸微妙不傳處筆墨之間自

有契合正不足道也竹雲題跋

肅宗乾元元年公年五十歲三月除蒲州刺史先是安祿山反遣其將蔣欽湊

等以五千衆守土門公從兄常山太守果卿起兵討賊以計殺欽湊開土門之路并擒其將高邈何千年遣子泉明械送京師公所謂土門既開兇威大蹙者也泉明至太原節度使王承業據為己功留泉明不遣及告急承業又擁兵不救城遂陷果卿死之并幼子季明等皆被害公所謂賊臣不救父陷子死者也承業既欲攘功乃厚遣泉明還而陰令翟喬賊於路翟以情告得免遂客壽陽又為史思明所獲裹以草送幽州所謂泉明比者再陷常山者也泉明既獲免乃歸公時公刺蒲州令泉明往河北購果卿等尸果卿失一足季明僅得一首所謂念爾遺殘首觀同還者也元陳繹曾謂果卿僅得一足與張湊所歸髮同葬長安鳳栖原誤也又舊史不載季明之死新史則云兵加季明頸以脅果卿果卿不屈遂被殺今觀此文乃知季明歸櫬惟首而已又行狀及新史皆稱乾元元年改公蒲州刺史封丹陽縣開國子而公所自署乃云開國侯蓋行狀及史之誤當以公所自署為正 果卿歸髮事舊史不載新史但記其略云果卿被殺殉首於衢莫敢收有張湊者得其髮持謁上皇是夕見夢帝寤為祭後湊歸髮於其妻妻疑之髮若動云又魯公所撰果卿碑云公初被殺懸首於右金吾街樹有張湊者收其髮謁元宗俄見夢云雲捍處多兵馬少元宗哭而設祭焉後湊以髮至夫人疑之憑牀而哭忽聞聲如鞭牀者髮箱跳而前夫人始駭信之此事怪甚然以果卿之忠烈其精誠直可貫日月薄蒼穹雖骨化魂銷千載以下血當成碧況及身之膚髮乎箱跳而前固無足異且魯公非妄語者其為果卿作碑應更無誑故新史亦因之特語少簡耳此碑唐元和中已亡宋趙德甫金石錄特據公甥盧佐元所重書者詳錄其事恐久遠湮沒故牽連書之著於祭姪稿後盧舟題跋

金天王廟題名

第一千三百五十九唐金天王廟題名顏真卿正書乾元元年十月金石錄目

乾元元年戊戌公年五十十月除饒州刺史有華嶽廟題名魯公年譜

顏魯公金天王廟題名極適偉而三戈法不無可恨蘇州續稿

歐陽文忠集華石題名自開元至清泰五百餘人今存者魯公二石每見人妄

希託石以傳而不知石終託人以傳耳

康子銘夏記

案華廟唐人題名見存者凡七十二段不止魯公一人魯公題名在周天和碑側亦無二石而王弇州亦謂謁廟題名後另題行筆當是二十年使李希烈而重題者也所稱奉命來此云云卽世所傳奉使帖也今奉使帖刻在同州府乃宋靖康元年知州軍事唐重墓非魯公原刻今據弇州退谷所記則奉使題名原刻當在華廟或明季尙存而今佚之邪存以俟攷

公以乾元元年三月自馮翊太守改刺蒲州尋爲御史唐文誣構卽於是年十月改刺饒州道經華陰乃與監察御史王延昌等同遊華嶽題名金天王祠當是時公內忌於宦官外誣於酷吏連遭貶斥罷於奔命殆無虛日而從容暇豫題名華嶽如無所事者然蓋公之義命自安不爲威武所屈貧賤所移此可見矣 金天王華嶽神也舊史元宗紀開元元年九月封華嶽神爲金天王

虛州題跋

案新舊兩傳皆謂魯公始爲楊國忠所忌出爲平原太守旣爲宰相所忌出爲同州刺史所謂宰相者未實指其人以宰相表致之其時爲崔圓李麟苗晉卿三人不知忌者爲誰然公實未嘗爲宦官所忌也虛舟謂當是時內忌於宦官此語似未實

顏真卿題記以唐書本傳及留元剛年譜攷之公以肅宗至德二載十一月出爲馮翊太守三載三月除蒲州刺史十月又除饒州刺史其貶饒州爲御史唐文所誣殷亮行狀曰天寶十五載元宗以公爲戶部侍郎依前平原太守充本郡防禦使公以景城長史李暉爲副前侍御史沈震爲判官又詔公爲河北採訪處置使公又以前咸陽尉王延昌爲判官張澹爲支使是年秋祿山遣將史思明尹子奇等併力攻河北諸郡前後百餘日饒湯河間景城樂安相次而陷所存者平原博平清河三郡而已人心潰亂不可復制公乃將麾下騎數百棄平原渡河取路朝肅宗於鳳翔初公之未渡河也謂判官穆寧張澹曰賊勢既爾若委命待擒必爲所快心今計徑赴行在公以爲何如寧澹與諸將然之遂行朝廷除公爲憲部尙書令狐恒神道碑曰時前殿中侍御史沈震鹽山尉穆寧武邑丞李銑清河主簿張澹各抒器能參贊成務此王延昌穆寧張澹等與

之偕所自來然攷穆寧傳寧以明經調鹽山尉祿山反寧募兵斬僞景城守劉道元聞真卿拒祿山卽馳謁謂曰我可從公死旣而賊攻平原寧勸固守真卿不從夜亡過河見肅宗行在帝問狀真卿對不用寧言以至此帝異之召寧將以諫議大夫任之會真卿以直忤旨寧亦罷上元初擢殿中侍御史與行狀寧澹然之之說有不合則當以史爲正者矣

關中金石記

顏魯公文集卷二十二

顏魯公文集卷二十三

寧鄉黃本驥仲夏編訂

湘陰蔣 瓊維揚參校

書評三

告伯父豪州刺史文

顏真卿祭叔濠州使君文案叔當作伯父真蹟紙書改抹多在長安安氏子師文攜至京訪錄

京訪錄

第一千三百五十八唐祭伯父濠州刺史文顏真卿撰并行書乾元元年十月

金石錄目

乾元元年戊戌公年五十十月至東京拜掃有祭伯父豪州刺史文豪州按通典春秋末鍾離子之國晉僑置徐州安帝時爲鍾離郡宋廢入南兗州齊置北徐州北齊爲西楚州隋開皇二年以地枕濠水更曰濠州自大業至唐武德天寶乾元改爲郡若州者再地理志謂濠字初作豪元和三年改從濠元和郡縣志濠字中間誤去水元和三年字又加水彭晁社亭記碑陰載武德開州印豪字亦不從水元和二年刺史崔公中奏請依舊以濠水爲州名三年八月敕豪從水省司重造新印改之濠州乃開皇舊名武德以後始作豪也今舊集作濠誤當從碑本當公年譜

長安安氏富善法書顏帖數種此其一也觀其筆法圓勁初不用意實爲奇蹟又歎魯公之義烈而曾不得少容於朝廷至逐爲饒州刺史迄不免淮西之行則時事可知矣元祐九年甲戌四月會稽公穆父題 紹聖初載九月八日上御集英殿策賢良方正陳賜等三人臣京臣經臣執中臣服臣古臣陶臣下同待詔殿門同觀此書下記 右唐顏魯公祭伯父豪州刺史文稿真蹟宣德八年秋九月丙申前史官國子祭酒兼翰林侍講太子賓客致仕胡儼拜觀謹題 右顏魯公祭其伯父豪州刺史公文稿一通觀其出爲饒州刺史眷眷朝廷之恩以一門生死哀榮告伯父於地下略無怨望非上之心真可謂懷忠之士也當明皇寵祿山公固知其必反張九齡亦知其有反相人主蔽錮已深而不

之知及反公以平原太守起兵討之明皇數曰二十四郡都無一人義士獨不識顏真卿何狀而能若是嗚呼其真不識也邪苟識之無能聞之者先與從兄杲卿同心戮力摧挫賊勢杲卿死於賊真卿亦不容於朝九齡隨龍祿山猖獗幾覆唐祚可勝歎哉公歷仕三朝數爲險邪所構累斥而卒至縊死嗚呼悲夫天乎人邪徒起萬世之下扼腕而已撫爲過化之邦祠而祀之宜也其手澤之留於撫者人知寶之代歷兵燹翰墨猶新重若拱璧兼金其有以夫宋元祐中錢緱紹聖中蔡卞題其後皆可以爲奇蹟觀其字體有快戟長劍龍跳虎臥之勢可謂發諸心畫者也撫郡李懋德氏藏之累世屬書副本乃爲錄之如右并題其後觀者當知其忠烈之不磨也宣德九年龍集甲寅春二月肅文淵閣秘書校正豫章進賢包彥孝書 此顏魯公祭文草也公自蒲州刺史封丹陽縣侯乾元元年御史唐文誣劾貶饒州至東京作文以祭伯父及其一門之親約可三百餘字雖改攷塗抹然字字皆有規矩不失常度予觀生平碑刻正書其峻偉如山嶽鋒利若戈戟其嚴毅莊重如端人雅士垂紳正笏於廟堂之上不敢褻近此則小行書也剛勁而圓熟與爭坐位帖大略相似予未敢以伯仲評之也爭坐石刻此則墨蹟尤爲可寶自乾元迄今已近千年楮墨完美筆畫爽朗而其精神英發雖在草草之間正氣凜然史稱其如秋霜烈日可畏而仰非虛語也宜乎博雅君子珍藏什襲愈久而不失也公歷官至太子太師李輔國惡之盧杞嫉之屢遭貶逐年八十遣使李希烈雖不屈罵賊而死亦少知幾哉悲夫景泰四年秋七月既望朝請大夫贊治少尹南京國子祭酒致仕前翰林侍講史官陳敬宗謹題 顏魯公祭伯父豪州刺史文舊在長安安師文家安氏別有魯公書草五紙米老嘗盡得之然獨以此祭文爲天下奇書今從毗陵陸諭德廉伯借觀累日信米老之言不虛也感慨之餘敬題其後吳郡李姓應禎 萬曆庚戌二月八日人以此卷來質錢至八月八日贖去歷閏月凡留清機堂中百八十日閱二旬又復來歸遂獲永寶日華式古堂書畫集考案卞氏所錄七跋內陳敬宗一跋與秋碧堂刊行虎邱清遠道士詩陳繼跋語意全同卞刻在先虎邱詩跋疑是後人僞託

此帖與祭季明姪稿法同而頓挫鬱勃少似遜之然風神奕奕則祭季明姪稿小似不及也末有緇郎題名并州四部稿

案并州所見亦墨蹟也云末有緇郎題名今式古堂所錄七跋無緇流名或者最後一人題日華而不著其姓即并州所謂緇郎歟

山谷老人論爭坐書猶不及祭濠州刺史文之妙蓋一紙半書而真行草法兼備也并州山人云此帖與祭季明姪稿同而頓挫鬱勃少似遜之然風神奕奕則祭姪稿小似不及也按江村高氏銷夏錄此稿向在人間余未之見所見惟淳熙續帖及吾家鬱岡帖刻本筆力緩弱殊不稱魯公風骨余參取論坐祭姪兩稿筆意臨之未知果與魯公真蹟合否耳 按留元剛年譜乾元元年公年五十歲三月除蒲州刺史先時果卿妻妹兒女及泉明之子皆被賊拘囚流落河北至是公使泉明往求之九月得姪季明首櫬故祭姪季明文有攜爾首櫬及茲同還之語尋為酷吏唐文所誣以十月改饒州刺史至東京拜掃以骨肉歸京暨一門卹贈告於濠州刺史濠州名元孫果卿之父也祭姪時刺蒲州故銜稱蒲州刺史告伯時改饒州刺史又行狀及新史皆稱封丹陽縣開國子而兩稿公所自署皆稱開國侯乃記載所誤當以公所自署為正竹雲題跋

公以乾元元年三月刺蒲州尋改饒州至東京以一門卹贈及戚屬還京告於濠州伯父因有告祭以成禮以非特祭故敘而不文世稱祭伯父者非也祭季明稿心肝抽裂不能自忍故其書頓挫鬱屈不可控勒此告伯父心氣和平故容夷婉暢無復祭姪奇崛之氣所謂涉樂方笑言哀已數情事不同書法亦隨以異應感之理也按史常山城陷果卿為賊所執械送東都果卿宗子近屬皆被害果卿妻女及長史袁履謙等妻女數百人賊皆繫之獄及郭子儀李光弼自土門東下收復常山乃破械出之給遺周厚會泉明求訪戚屬亦至乃悉以歸蒲州於時魯公刺蒲州也告文云脫於賊手並得歸京蓋既歸蒲公隨所歸資送之故並得歸京也告文云甥姪季明盧遜等八人皆被賊害舊史載果卿幼子誕姪謂新史顏春卿傳載果卿甥博野沈盈并此季明盧遜凡五人而亡其三家廟碑乃有子幹沛及顏頤者公之子劉客奴以漁陽歸順公遣泛海為

質者也於是八人始全又按史公以土門既開十七郡同日歸順加戶部侍郎後朝肅宗於靈武授工部尚書兼御史大夫河北採訪招討使至德二載四月公朝鳳翔授憲部尚書官位次第與此文不合當由史誤或云公欲約言之故不復計其先後歟又家廟碑後敘魯公公有沂水縣男顏新泰縣男顏此文無之意爾時尚幼未有所立故不之及而此文有華亭丞袁衡家廟亦無之豈作家廟時袁衡已早逝歟所未詳矣盧舟題跋

案舊史載果卿幼子誕姪謂云云誕泉明之子果卿之孫也非幼子謂果卿之姪孫也非姪被害八人中沈盈盧遜皆果卿之甥幹沛皆季明之子果卿之孫也顏則魯公之子也天寶十五載年十餘歲為質於平盧將劉正臣旋復歸依果卿及常山陷傳聞顏死賊中故亦蒙卹贈至大曆八年公刺湖州顏始自河北生還蓋從死者止七人而顏之得免公祭伯父時尚未知也大曆九年公撰湖州妙喜寺記云愚子顏頤家廟碑載公子顏頤皆無顏名疑撰家廟碑時顏已先卒故仍書贈銜而顏頤則顏頤之改名也此文所載尤南公同母兄允臧公同母弟威明果卿子泉明之弟季明之兄也顏允南之子頂公兄幼與之子顏頤顏頤皆公之兄子所敘子姪皆以蒙恩遷秩得書故公子不備列非若大宗家廟二碑歷詳族系也虛舟謂此文有華亭丞袁衡家廟碑亦無之今所存祭文稿內並無袁衡之名魯公子姪見於碑集者不下四十餘人亦並無其人且袁姓也衡名也即有其人亦應是常山長史袁履謙之子姪不知虛舟何以闕入此文跋內 又案魯公草稿傳於世者止祭姪祭伯父爭坐位三種而已道光四年丹徒包祥高又得謝贈祖官謝兼御史大夫讓憲部尚書三表草稿刻於漢上其文皆見魯公集中其書則臨坐位稿者偽作也贈祖官表內刪去建一言而天下倚平合九德而三光式序二句此乃公撰宋廣平碑語移置於此廣平為有唐賢相固足當之魯公之祖昭甫僅王府屬官以果卿死事推恩贈華州刺史固不得謂天下倚平三光式序況臣於君前自譽其祖有如是者乎蓋作草稿不能不有塗改欲自作又恐不類魯公語氣即竊取魯公他文以售其欺而不知敗露處即

此一端已無庸置辨矣又讓憲部表云殞身碎首何以報上初寫作何以上報上字另行拾寫乃塗去上字添注於報字之旁若係魯公自改則應於何以下添報字塗去另行報字則上字仍係拾寫此定理也上報之上輕報之上重豈有塗去尊重之字而旁注者乎其餘塗抹之字皆係後文所有而故書於前者所謂心勞日拙作偽者固不能自掩其偽也今不錄其書而附辨於此

與蔡明遠帖

右蔡明遠帖寒食帖附皆顏魯公書魯公後帖流俗多傳謂之寒食帖其印文曰忠孝之家者錢文僖公自號也希聖錢公字也又曰化鶴之系者丁崖相印也潤州觀察使者錢惟濟也

集古錄跋尾

蔡明遠帖是魯公晚年書與邵伯康謝安石廟中題碑傍字相類極力追之不能得其髣髴 蔡明遠帖筆意縱橫無一點塵埃氣可使徐浩伏膺沈傳師北面

山谷評書

第一千六百五十唐顏魯公與蔡明遠帖行書錄目

乾元二年己亥公年五十一有與蔡明遠帖

魯公年譜

顏公惟蔡明遠序尤為沈古米海岳一生不能彷彿蓋亦為學唐初諸公書稍乏骨氣耳 臨顏太師明遠帖五百本後方有少分相應

畫碑室隨筆

此書堅剛如鐵而用筆一正一偏釵脚漏痕之妙宣洩殆盡山谷極力追之不能得其彷彿余何人斯乃竟放筆效之無乃太不知量也歟然亦彷彿得矣

按年譜乾元二年公年五十一六月自饒州移刺昇州充浙西節度使兼江寧軍使昇州即江寧郡也公與蔡明遠帖中有及來江右中止金陵等語則知此帖當在是年公以去年十月刺饒州明遠相從趨事今來江右又復千里饋餉轉輸不絕公深德之故有此序也

竹雲題跋

乍奉辭帖

此帖疑即報蔡明遠後帖所云乍奉辭者即前帖所謂指期斯復也承已過疎者即過邵伯南垓也惘然珍重者即所謂行李之間深宜尚慎也兩兩相印語

意正同可指而數也蓋明遠與公為大有勞故於其去也丁寧反復不能自己此魯公作人堅剛如鐵乃於朋友之間萬分委至故知千古真君子未有不近人情者也

竹雲題跋

案是帖集本標題作與盧舍曹帖乍誤作昨

顏勤禮碑

右顏勤禮神道碑顏真卿撰并書序顏溫二家之盛云思魯大雅在隋俱事東宮愍楚彥博同直內史省遊秦彥將皆典秘閣按唐書云溫大雅字彥宏弟彥博字大臨弟大有字彥將兄弟義當一體而名大者字彥名彥者字大不應如此蓋唐世諸賢名字可疑者多封德彝云名倫房元齡云名喬高士廉云名儉顏師古云名籀而皆云以字行倫喬儉籀在唐無所諱不知何避而行字余於中書見顏氏裔孫有獻其家世所藏告身三卷以求官者其一思魯除儀同制其一勤禮除詹事府主簿制其一師古如正議大夫制思魯制云內史令臣瑀宣者蕭瑀也侍郎臣封德彝奏舍人臣彥將行不應內史令書名而侍郎舍人書字又必不稱臣而書字則德彝彥將皆當為名師古制有尚書左僕射梁國公元齡右僕射申國公士廉又有吏部尚書君集者侯君集也侍郎纂者楊纂也四人並列於後不應二人書名二人書字也則元齡士廉亦皆當為名矣又師古與令狐德棻同制不應德棻書名而師古書字則師古當為名也然余家集錄有申文獻公瑩北記是高宗時許敬宗撰云公諱儉字士廉敬宗與士廉同時人而為其家作記必不繆誤則士廉又當為字也然告身書字在理豈安今新唐書雖云房元齡字喬顏師古字籀以高儉瑩北記為名則喬籀果為字乎又按元和姓纂封氏舊人隋通州刺史繡生四子曰德潤德德德如德彝又云德彝更名倫亦不知果是否唐去今未遠事載文字者未甚訛舛殘缺尚可考求而紛亂如此故余嘗謂君子之學有所不知雖聖人猶闕其疑以待來者蓋慎之至也

集古錄跋尾

正書錄目

右唐顏勤禮碑魯公撰并書元祐間有守長安者後園建亭樹多登取境內古石刻以爲基址此碑幾毀而存然已磨去其銘文可惜也金石錄跋

顏勤禮字敬魯公之曾祖也官祕書著作郎夔州都督長史上護軍顯慶六年卒葬萬年縣鳳栖原夫人殷氏柳氏附魯公文集

案是碑文載公集無建立年月文中魯公自敘官履至泝爲節度採訪觀察使魯郡公止公以乾元二年爲昇州刺史充浙西節度使兼浙西節度觀察使碑當作於是年

題盧後伽畫壁

乾元初盧後伽於大聖慈寺東西廊下畫行道高僧顏真卿題時稱二絕益州名畫錄

顏允南妻陳夫人碑

顏母陳夫人碑顏真卿草書在鄧州內鄉縣數碑

案陳夫人公次兄允南妻也公撰第九藏碑并敘其妻奉明縣君韋氏撰兄幼輿碑并敘其妻陳郡殷氏獨爲允南撰碑未及其配以陳另有碑故不具爾允南卒於寶應改元之十一月陳先允南而卒當在天寶十五載以前允南貶襄陽丞時襄陽與內鄉鄰近故權葬於此其後允南卒於上都卜葬萬年縣鳳栖原先塋之北而夫人遂未及遷祔也公撰此碑未知年月附於乾元之末

離堆記

第一千三百八十一唐離堆記上第一千三百八十二離堆記中第一千三百八十三離堆記下顏真卿撰并正書寶應元年金石錄目

寶應元年壬寅公年五十四五月有鮮于氏離堆記魯公年譜

唐顏魯公磨崖記在新政縣離堆崖下歐陽公集古錄唐顏真卿撰并書碑以寶應元年立在蘭州碑目

上元中顏魯公爲蓬州長史過新政作離堆記四百餘言書而刻之石壁上字徑三寸雖崩壞剝裂之餘而典型具在使人見之凜然也黃庚顏魯公祠記

離堆山磨崖記顏真卿書在南部縣東南古今碑錄

案魯公撰書鮮于氏離堆記在四川保寧府南部縣唐蘭州新政縣地也上元元年公貶蓬州長史道過新政爲成都兵曹鮮于昱之父故京兆君向作此記全文見魯公集中今石已摩泐止存殘文五段可辨者僅五十餘字以行格推之除前後題識共三行外文凡三十九行行十八字此記據輿地碑目及古今碑錄皆云摩崖刻於縣之西南石壁間而魯公自記則云刻於州序之左右當是州序左右即石壁所在此記分刻兩壁殘文即右壁之餘也今據文集推照原刻行格摹式於後字之存者正寫缺者旁注

鮮于氏離堆記

蘭州之東百餘里有縣曰新政新政之南數千步有山曰離堆斗入嘉陵江直上數百尺形勝雄壯散壁峻蕭上嵒嶺而下迴澗不與衆山相連屬是之謂離堆東南有石堂焉即故京兆尹鮮于君之所開鑿也堂有室廣輪袤丈蕭蕭洞敞虛闊江聲微見羣衆人村川堪若指諸掌堂北磐石之上九曲流杯池焉懸源噴首盛噴噴味醴渠股引迴坐環澗若有夏朋以傾醉酌堂南有茅齋焉遊于斯息于斯聚賓友于斯虛而來者實而歸其齋壁間有時焉皆君舅著作郎嚴從君錫殿中侍御史嚴鉉之等美君考槃之所作也其右有小石廬焉亦可隱而踰據矣其松竹桂椿冬青雜樹皆從他山而栽蒔焉其上方有南宮觀焉署之曰景福君第京兆尹叔明至德二年十月嘗任尙書司勳員外郎之所率置也君諱向字仲通以字行漁陽人卓爾堅毅毅然抗直易有之曰篤實輝光書不云乎沈潛剛克君自高曾以降世以財雄招徠賈囊施舍不倦至君繼緒其流益光弱冠以任俠自喜尙未知名乃慷慨憤發於焉卜築養蒙學立志棲與食不四三載展也大成著作奇之勸以實薦無何以進士高第登臺省天寶九載以益州大都督府長史兼御史中丞持節充劍南節度副大使知節度使事劍南山南西道採訪處置使入爲司農少卿遂作京兆尹以忤楊國忠貶邵陽郡司馬十有二載秋八月除襄陽郡太守冬十有一月終

于所任官舍悲夫雄圖未伸志業已空葬于縣北表附先塋禮也君之墓也家子光祿寺丞昱匍匐奔喪星言泣血自河所缺端險萬重肩高足踣扳筇引袖凡經幾年數塚在目因心則至豈無僊僊最昱之季日尙書都官員外郎吳克爲前烈永言孝思懸口口志反葬于茲行道之人孰不愷而真卿猶子曰紘從父兄故僊師丞春卿之子也嘗尉蘭中君故舊不遺與之有忘年之契叔明昱兄亦爲世親之歡真卿因之又忝憲司之察亟與濟南慶昂率以周旋益著通家之好兄允南以司膳司封二郎中弟允臧以三院御史皆與叔明首末聯事我用是勉君之故乾元改號上元之歲秋八月哉生魄復自刑部侍郎以言事忤旨

聖恩全宥貶貳松蓬州沿嘉陵而路出新政適會昱以成都兵曹取急歸覲還我乎貴州之朝留游締歡信宿陸峴咸今懷昔遂援翰而志之叔明時刺商州昱又申據京兆不同躋陟有恨如何

帝唐龍集後壬寅仲夏己卯朔十五日甲午刻於門序之左右

顏允南碑

顏氏殘碑以家廟碑考之是顏允南碑也家廟碑云允南歷殿中膳部司封郎中司業金鄉男此碑云肅宗入中京還司封尋封金鄉縣男又云遷國子司業此碑云二子頴頴頴好爲五言詩授校書郎早卒家廟碑亦云頴好五言校書而此碑又云與弟允臧同時臺省則爲允南可知不疑惟書頴事家廟碑云侍郎蔣冽賞其判此碑云爲佳器所賞小不同爾

寶應元年壬寅公年五十四有顏司業碑

唐國子司業顏允南碑寶應元年立

顏允南字去惑魯公之仲兄也官正議大夫行國子監司業上柱國金鄉縣開國男寶應元年卒葬萬年縣鳳栖原

顏惟貞并殷夫人告

魯公書顏惟貞蘭陵夫人告佳筆也

案二告皆刻忠義堂帖公父惟貞母蘭陵郡君皆以仲兄國子司業允南官

贈祕書少監蘭陵郡太夫人一寶應元年七月下一二年十一月下

第一千三百八十四唐顏惟貞并殷夫人贈告子真卿正書寶夜二年十一月錄目金石

右魯郡顏允南官國子司業時贈其母殷氏蘭陵郡太夫人告一卷乃允南之第四弟司徒魯公真卿所書蓋公自蓬州召還還尙書右丞之日也唐人最重告命往往令工書者爲之開元二十三年加皇子榮王已下官詔宰相張九齡裴曜卿李林甫朝士蕭嵩等十三人就集賢院人書一通以進三相各賜絹三百匹餘官二百匹其愛重之意可見公尤號能書者故所受刑部尙書馮翊太守太子太師及父惟貞贈告皆公自書世猶或傳之不特此卷而已也然寶應元年四月丁卯唐肅宗崩已巳代宗即位明年七月壬子改元廣德使此告下於七月壬子之前則可稱寶應二年今乃在十一月之一日是屬於廣德之元年矣不知何以復云二年況寶應元年十月二十六日奏上不應經一歲之久至是而始降下也又以裴運慶苗普卿歷官證之歲月亦微有不同豈或二年之二乃元字之訛乎且書告之式自天寶以來官則書名令史則兼書姓元載時秉鈞軸而書其姓亦似史筆之誤此姑實之竊意告命乃當時所給決不應有差第恐後來作史者之失真耳然改元重事史家亦不應不謹也詳疏於此以俟博古之士問焉允南字去惑其卒以寶應元年十一月十日是告之下當不及見之矣卷首字多磨滅其存議字上字當是正議大夫上柱國其存鄉縣等字鄉字上當闕封金二字蓋允南自司封郎中封金鄉縣男也復并及之至若字畫之美精神飛動當爲公平生所書第一不待贊也

韋續碑

唐贈太常卿韋續神道碑獨孤及撰顏真卿書寶應二年立

案唐書宰相世系表續魏王府長史慶植第八子頊之曾孫魯公娶中書舍人迪之女迪則慶植長子瑤之曾孫也公以婦族爲書其碑

郭氏家廟碑

第一千三百八十六唐贈太保郭敬之廟碑顏真卿撰并正書廣德二年十一

月在京北府金石錄

廣德二年甲辰公年五十六十一月有郭公廟碑銘魯公年譜

郭敬之廟碑顏真卿書在咸寧縣郭莊碑錄

案碑自前明趙子函所記已在陝西布政司治此云在咸寧縣郭莊不知何時移置司治則鐵函齋書跋云司治即汾陽府第碑在下庫即家廟舊基亦未足為據

碑在今陝西布政司御題額顏魯公撰并書敬之汾陽忠武王父也夫以汾陽家廟得魯公手書千載而下猶有生氣其文與書又非所論也但其碑在役人雜遯之所雖巋然壁立而不無磨蝕之憂然以二公之靈鬼神呵護有由來矣

石墨
鐫華

碑在今陝西布政司乃汾陽父敬之廟碑文與書俱出魯公手以一代偉人之家廟非得一代偉人之書不足當之可稱古今二絕庚子銷夏錄

此碑書於代宗廣德二年十一月正與論坐書同時是時公年五十六正月除檢校刑部尚書兼御史大夫朔方行營汾晉等六州宣慰使宰相元載與公不協恐公因使奏對必言其短尋罷前命但以公檢校刑部尚書置之閒散故得從容翰墨而為此碑當時以魯公自書告雍容朗暢不類魯公平生風格為其晚歲極深到之作今觀此碑與自書告略同而朗暢處更出自書告上直使人不復思自書告矣虛舟題跋

郭太保敬之乃汾陽王之父碑在今陝西布政司下庫相傳布政司即汾陽府第下庫即家廟舊基也碑雖漫漶然猶當在顏氏家廟上鐵函齋書跋

此碑今在陝西省城布政使司署下庫司署在西安府府城東鐘樓西陝西通志云相傳為秦穆公政府唐為尚書省亦為于志寧郭汾陽宅鐵函齋跋云司署即汾陽府第下庫即家廟舊基也然敬之長安志尚書省在皇城承天門街之東面第四橫街之北向父汾陽郡王郭子儀宅在京城丹鳳門街南親仁坊是尚書省與汾陽宅有皇城京城之別不可謂尚書省即汾陽宅也至于志寧宅與汾陽宅相連則長安志原云于宅在郭宅之西也長安志於親仁坊載汾

陽宅於大通坊載汾陽園而總不云有郭氏家廟則宋氏略也家廟之制唐書禮志云諸臣之享其親廟室服器之數視其品開元十二年著令一品二品四廟三品四品三廟五品二廟嫡士一廟庶人祭於寢天寶十載京官正員四品清望及四品五品清官聽立廟勿限兼爵廟制三品以上九架厦兩旁又三品以上有神主五品以上几筵此皆唐時家廟之制也據此碑乃汾陽為其父立廟不在四廟之例而碑文亦專敘其父太尉之事蹟及汾陽勳業文云初製於舊居永圖而觀德殆即親仁坊宅為廟而以太尉為始祖也金石萃編

石墨
鐫華

郭氏家廟碑陰雖無魯公頌然決知亦是魯公書公既已大書其前誰敢更續紹其後故趙德父金石錄斷然目為魯公書雖非公經意之作然即此尚可函蓋徐季海張少悌等數十輩豈直正碑為足高出一切而已虛舟題跋

碑陰行書精勁神采煥發不著書者姓名而趙子函謂非魯公不能書余嘗於延津周子礎公家見魯公祭姪季明文與此酷肖近人搨碑多缺碑陰如此碑所載汾陽官閥及其兄弟子孫真足補史家之漏何可闕也金石錄

郭氏家廟碑陰斷非魯公書趙子函之言不足信也鐵函齋書跋

案郭廟碑陰金石錄目止載正碑為魯公正書未及其陰亦無跋尾虛舟謂趙德父金石錄斷然目為魯公書豈誤犯趙子函石墨鐫華為趙德父金石錄錄邪即趙子函亦云未審云似非皆疑辭非斷然之決辭也四家之論以鐵函齋為當今富平有李光弼碑為魯公文張少悌行書亦立於廣德二年少悌既能書魯公之文獨不能書此碑之陰邪則虛舟誰敢續紹之說又不足據也又長安崇聖寺經幢亦少悌行書其筆蹟與郭廟碑陰絕相類則碑陰亦少悌書也虛舟謂即此尚可函蓋徐季海張少悌等數十輩豈亦未見少悌他書而為是無稽之言與

郭敬之墓碑

唐郭敬之墓碑顏真卿書在咸寧縣郭莊上古今碑目

案郭忠武王子儀陪葬肅宗建陵其父敬之墓未詳所在然汾陽故里在華陰縣東路旁子孫世居此地此云在咸寧縣郭莊上豈咸寧亦有汾陽故里邪

顏魯公文集卷二十三

原
书
空
白
页

顏魯公文集卷二十四

寧鄉黃本驥仲夏編訂

湘陰蔣 瓊維揚參校

書評四

與郭英又論坐位書

昨日長安安師文出所藏顏魯公與定襄郡王書草數紙比公他書尤爲奇特信乎自然動有恣態乃知瓦注賢於黃金雖公猶未免也

東坡集

魯公與郭令公書論魚軍容坐席凡七紙而長安安氏兄弟異財時以前四紙作一分後三紙及乞鹿脯帖作一分以故人間但傳至不願與軍容爲佞柔之友而止元祐中余在京師始從安師文借得後三紙遂合爲一此書雖奇特猶不及蔡濠州刺史文之妙蓋一紙半書而真行草法皆備也 觀魯公此帖奇偉秀拔奄有魏晉隋唐以來風流氣骨回視歐虞褚薛徐沈輩皆爲法度所窘豈如魯公肅然出於繩墨之外而卒與之合哉蓋自二王後能臻書法之極者惟張長史與魯公二人其後楊少師頗得髣髴

山谷集

魚朝恩擠郭令公折元載搖相里造侵王縉一時權譴熏灼若此魯公秉義以奪其驕至今幾五百年尚凜凜有生意猗其偉與但其間稱譽朝恩尙數千言大半於行間增入豈猶未免於危行言孫邪

鶴山集

魯公作字多壁窠大書端勁而秀偉黃魯直云此所期無不欲高照千載者此帖草略匆匆前所未見開軸未暇熟視已覺粲然忠義之氣橫溢而點畫所至處便自奇勁公嘗謂盧杞曰朝廷法度豈更堪公破壞邪於此又曰朝廷綱紀須共存立凜然想見其爲人蓋公所遭之時如此而所守之道不得不然故倉卒未敢忘國之綱紀也余私有感於中者因記於此

石門文

顏魯公郭定襄爭坐位第一帖 右楷紙真蹟用先豐縣先天廣德中牒起草禿筆字字意相聯屬飛動詭形異狀得於意外世之顏行書第一書也縫有顏氏守一圖書字印在宣教郎安師文處安長安大姓也爲解鹽池句當官攜入京欲稍予得見之安自云季明文鹿脯帖在其家

寶章待訪錄

爭坐位帖是唐畿縣獄狀提熟紙韓退之以生紙錄文爲不敏生紙是草上所

用內小字是於行間添註不盡又於行下空紙邊橫寫與刻本不同此帖在顏

最爲傑思想其忠義憤發頓挫鬱屈意不在字天真盡露在於此書石刻粗存

梗概爾余少時臨一本不復記所在後二十年寶文謝景溫尤京云大豪郭氏

分內一房欲此帖至析八百千衆乃許取示之縫有元章戲筆字印中間筆氣

甚有如余書者面諭之乃云世家收久不以余言爲然

米氏書史

第一千五百五十七唐顏魯公與郭僕射書行書

金石錄目

右唐顏魯公與郭僕射書僕射郭英又也魯公於坐位高下小有失當猶力爭

如此使之立廟其肯逢君之惡乎

金石錄跋

廣德二年甲辰公年五十六十一月有與郭僕射書按郭英又爲尙書右僕射封定襄郡王驕蹇侈汰陰事元載魚朝恩以久其權明年嚴武死以英又爲成都尹充劍南節度使自以有內主肆志無所憚崔旰反英又奔靈池普州刺史韓澄殺之

魯公年譜

坐位帖真蹟在京兆安氏家嘗刻以傳世吳中復守永興謂安氏石未盡筆法因再模刻此二本余家咸有之安氏子孫分析坐位帖乃剖爲二此帖至行香寺僕射指後不復有蓋吳安石刻本卓頭高指後別爲一行遂由是平分爲兩是安氏兄弟不學之謬東坡見安師文時帖尙全嘗手搦數十本余得坡公捐本於東平王氏無纖毫失真旁用眉陽蘇氏及趙郡蘇軾印記米襄陽年少嘗臨之邵伯溫亦云安氏析後不復見全本此卷筆法絕類米老往見乞米帖墨跡於子昂家子昂以重寶得之余心有疑而不敢言今得此帖紙色行墨絕相類遂定爲米老所臨無疑延祐二年八月丁丑袁桷記

清容居士集

顏魯公爭坐位書用先豐縣先天廣德中牒起草真蹟縫中有顏氏守一圖書字印米元章所謂詭形異狀得於意外定爲顏書第一者是也宋時與季明文鹿脯帖俱藏安師文家後來季明文歸壽氏文待詔題識極誦其妙余不及見曾見吾友項又新所藏坐位帖神色秀朗微似宋人摹本要亦書家甲觀矣近來墨刻陝本漫漶不足目戲鴻堂所勒宋搨亦未能精且行款割裂不無失古

人縱橫徐疾之勢不若此本筆筆生動位置儼然信可寶也

陳萬言
新圖集

爭坐帖陝刻字形已漫余家有宋搨精好因摹入石此顏書之烜赫者

容臺集

宋搨魯公坐位帖及二祭文皆手稿也而坐位一帖尤米元章所極力規撫不

能得其仿佛者蓋其書鬱勃奇宕渾以天行而無迹可求故令人自遠魯公與

素師論書素曰如折釵脚公曰何如屋漏痕素撫其背曰得之矣所得於悟後

者盡露三帖中矣

庚子銷
夏記

馬主事抑之藏顏魯公坐位帖上有賈似道印爲元人袁文靖公物

都穆寓
意編

西安府學顏魯公坐位帖得之按察使李俊此帖與北京本字行微有不同處

字亦稍刻不若北京本之精好北京本云初止二石永樂十一年民家發地又

得二石始爲完物然余所得於洪常秀才者亦四幅視此則首缺六行尾缺八

行不知其如何也

某竹
堂稿

元章待訪錄云是楮紙用先豐縣先天廣德中牒起草弄筆今此石刻中禿筆

宛然都元敬寓意編謂馬主事抑之家藏有米臨此帖有元時袁文靖橋跋謂

京兆安氏嘗刻以傳世吳中復守永興以安氏石未盡筆法因再摹京兆永興

皆陝中地名今石在陝中豈即安氏原石邪抑永興重摹者邪又謂安氏分析

時剖此帖爲二至僕射指下遂平分爲兩以石刻較之正居其半今此帖共六

十九行僕射處止十九行正得四分之一多二行豈馬所藏本又止半幅邪元

章書史又謂內小行是於行間添注不盡又於行下空紙邊橫寫與刻本不同

若是米臨本亦當作橫寫乃是何袁跋未見言及此帖首十餘行尙覺屈彊未

舒至僕射指以下乃始活潑飛動至皆有等威後又更渾化入妙結末數行筆

已倦意已懈而餘興淋漓更出屋漏雨蹟外殆若所云懷素自言初不知者若

分得後半當是獲膏腴產矣袁跋又云常得坡翁搨本無毫髮失真蘇公見安

師文帖時尙全嘗手搨數本書遂大進蘇本久不聞應已湮沒馬氏藏本本不

遠今尙能存否內尊者爲賊所傷當是賤所偶又別置一榻下重使字想皆係

原稿誤古人書皆手寫其正本奈何反不傳

書畫
題跋

宋沈括夢溪筆談曰都堂及寺觀百官會集坐次多出臨時唐以前故事皆不

可考惟顏魯公與右僕射定襄郡王郭英乂書云宰相御史大夫兩省五品供

奉官自爲一行十二衛大將軍次之三師三公令僕少師保傳尙書左右丞侍

郎自爲一行九卿三監對之從古以來未嘗參錯此亦略見當時故事

金石文
字記

此魯公與郭英乂書英乂爲尙書右僕射封定襄郡王驕蹇泰侈陰事元載魚

朝恩以固其權時郭子儀大破吐蕃於長安朝臣德之爲興道之會英乂擠入

座尙書坐朝恩下公移書糾正之年譜以此書在代宗廣德二年按行狀公以

肅宗寶應元年加上柱國廣德元年加金紫光祿大夫是年十月吐蕃寇長安

上幸陝州子儀擊却之十二月上還京師以魚朝恩爲天下觀軍容使二年正

月以公檢校刑部尙書三月進封魯郡開國公觀公自署銜及稱朝恩爲軍容

者與年譜正合則知此書正當在廣德二年十一月蓋明年夏劍南節度使嚴

武死英乂往代之即不復在京矣顧寧人金石文字記不知其年列此書於大

曆之後蓋未深考耳按米氏書史爭坐帖是唐畿縣獄狀礎熟紙起草內小

字是於行間添注不盡又於行下空紙邊橫寫與刻本不同石刻竄存梗概耳

又袁清容集爭坐真蹟京兆安師文書刻以傳世吳中復守永興以安氏石未

盡筆法因再摸刻今此二本世未之見所見惟關中刻耳如米氏言行列已非

竄存梗概不知真蹟妙處何如使人神往又不知安氏吳氏所刻比今關中本

又何如或曰今關中本即安氏所刻亦未知其是否也魯公論坐書稿凡七

紙渡汴時在長安安師文家兄弟析產以前四紙作一分後三紙及鹿脯帖作

一分遂離爲二黃山谷從師文借得後三紙於是仍合爲一東坡稱其信手自

然動有姿態比公他書尤爲奇特山谷亦云奇偉秀拔奄有魏晉隋唐以來風

流氣骨米元章云爭坐位帖爲顏書第一字相連屬詭異飛動得於意外蓋由

當時義憤勃發意不在書故天真爛然自合矩度長安所摹石雖已泐然剝蝕

之餘風骨未減不比戲鴻堂草率荒略全體盡失也余自幼酷好此書數十年

來臨寫百餘本畦徑之外輒有合處此本尤可意神氣到來不殊我自作草也

學魯公書須使盡氣力至於無用力處乃見天則魯公爭坐位氣格當與

蘭亭並峙然蘭亭清和醇粹風韻宜人學之爲易及既入手却不許人容易寫

得非整束精神皎然如日初出却無一筆是處爭坐奇古豪宕學之爲難一旦得手即隨意所之無往不是此亦兩公骨格之所由分也

竹雲題跋

書稱英又挫師明跋扈之師抗回紇無厭之請按新史史思明陷洛陽謀掠陳蔡詔英又統淮南節度兵賊叩陝號又改陝西節度使而不言其破思明之功及英又留守東都史稱其無東檢御衆才縱麾下與回紇兵大掠都城並無抗拒回紇之語皆與此書不合當由失書或稱公作書時不免稍有假借爲孔子危行言孫之義公於名義所關執論侃侃略不假借豈肯遽於英又妄推其功如此定是史者失之耳 三稿祭姪爲先告伯父次之論坐最後祭姪告伯皆在乾元元年公以三月刺蒲州故九月祭姪稱蒲州刺史十月改刺饒州故告伯父稱饒州刺史後七年當代宗廣德二年公乃與定襄有論坐書三稿皆公奇絕之作祭姪奇古豪宕告伯父淵潤從容至論坐則兼有祭姪告伯兩稿之奇情緒不同書隨以異所以直入神品足爲蘭亭後勁也

虛舟題跋

米海嶽自序於古名家書學之幾遍故其臨摹之際往往逼真此顏公坐位帖元袁文靖公定爲海嶽所臨者夫魯公平日運筆圓活清潤能兼古人之長米則猛厲奇偉終墮一偏之失以孔門方之其氣象真有回路二子之別故此書則如既見孔子後欲效陋巷自樂而行三軍當一隊之故態時復一發於詞氣間也

翰墨家藏集

跋爭坐帖云爭坐帖米海嶽定爲魯公書第一袁文靖稱其運筆清活圓潤能兼古人之長余謂魯公指實腕懸實得右軍筆法故其不經意之書皆能蒼勁若此真所謂綿裏裹鍼也李後主以魯公書爲失於粗魯豈未見此本與祭姪文邪 又跋云此本圓活堅勁雖魯公得意書然不宜臨摹譬之陶靖節李青蓮詩非不妙絕千古而取而學之不粗則淺矣然則如之何而可曰講求筆法寢食於聖教序數十年則不求其似而無不似矣 涵萬樓舊損爭坐跋云此西安府學損本也孫氏書畫鈔云真蹟在京兆安氏刻以傳世吳中復守永興謂其未盡筆法因再刻一本然則此本之爲京兆爲永興未可知而清活圓潤從容中道則誠有如袁文靖王弼所稱者余向有西安損不甚舊矣未冬見

姜學在宋損忽忽如有所失甲申正月過禾中觀譚書兩涵萬樓藏帖書兩有何敬仲之風以十餘種相贈而此與焉精彩雖不及姜然比序本則稍舊昔蕭翼紹辨才蘭亭敘詐稱寶蠶種人榮實道買永興廟堂碑與錢五十萬余乃不費一文而以無意得之勝於蕭榮遠矣 跋新得爭坐帖云爭坐帖余幼時有一本得之表伯駱叔夜家及長移家吳門遂失所在因別購一本不甚精甲申正月得涵萬樓譚氏本差舊今此本得之福州故家雖多蛙眼然又勝譚氏本林同人親至碑洞與印工對損二本自謂與董宗伯宋損本不相上下余往者借得比較猶之林損之與董本也第未審與駱氏本又何如耳

鐵函齋書跋

王砥齋題跋

米元章重顏魯公行書而不重真書董文敏云歐虞褚薛之書各有門庭學之不深亦得髣髴惟顏魯公行書了無定法此其故殊可參尋今之學公書者獨效其軀殼斬截乃鈍漢也爭坐位帖與祭姪文同法天真爛然於二王神契故當出唐諸家之上

金石品

顏魯公學書於張長史而張書即官碑不見稱顏平原大小楷碑版照四裔而後人尤重草稿皆未尋其源不能心知其意者也正書不熟烏能作草即官壁記乃狂草築基魯公惟從心不踰矩故草稿有天真爛漫之趣但學者未見善本芒鐵全無則筆外之意無從領會安得若此初拓本爲刮眼金篋俾八法頓開覺路也顏魯公忠義大節唐代冠冕豈復存作書之見於胸中而規矩悉合蓋學力精熟故也余論書以立品讀書爲始本此

金石錄

大丈夫平生節概只視其氣如何胸中磊落如萬丈虹蜺遇事而發出之以理

便可如真金美鐵百鍊不回若無主宰爲物所奪則瞬息間已冰消霧釋不能復振顏平原在唐人知其死希烈之難不知此老平生自許者不必待此只如爭坐位時咬釘嚼鐵便得上錫時氣勢元白信此則此帖潦潦草草皆是一段奇氣只當作祭姪文字書麻姑壇文章看之可也 魯公坐位帖本無意於書而天真爛然學者可以知作字寫畫無意於佳而自佳者乃誠爲佳矣 凡臨書摹畫貴在神駿不徒形似米老臨坐位帖譬之孫之於祖雖不必全肖而氣脈自是一派若使他人爲之吾恐其優人爲項羽在場時雖能辟易叱咤而轉背終只是凡夫耳

元牘

以平原爭坐位帖求蘇米方知其變宋人無不寫爭坐位帖也 爭坐位帖在承與安師文家安氏析居分而爲二人多見其前段師文後乃並得之相繼入內府今前段至行香菩薩寺止爲項德新所藏 顏平原爭坐位帖與祭季明文唐時林藻師之楊景度蔡端明皆具有一體 爭坐位帖宋蘇黃米蔡四家皆倣之唐時歐虞褚薛諸家雖刻畫二王不無拘於法度惟魯公天真爛漫姿態橫出深得右軍靈和之致故爲宋一代書家淵源余以陝本漫漶乃摹此宋搨精好者刻之戲鴻堂中 新都汪太學孺仲以宋搨爭坐位帖見示神采奕奕字形較陝本差肥余臨寫之次時有譌字乃知是米海嶽所臨米嘗自記有臨爭坐帖在浙中此殆其真跡入石者邪

畫碑堂

舊唐書代宗紀廣德二年十一月丁未郭子儀自涇陽入覲詔宰相百僚迎之於開遠門上御安福寺待之此帖所稱興道之會正在其時魯公年譜系之廣德二年信矣此書前一段言魚朝恩階雖開府官止監門將軍以班列言之應序於十二衛大將軍之次即欲別列尊崇只可於宰相師保坐南橫安一位如御史臺知雜御史之例不當列於僕射之上後一段言僕射是二品六曹尚書並三品非隔品致敬之類不當擠排尚書使在下坐所云裴僕射者左僕射裴冕也尊者爲賊所逼賤誤作賊唐會要尚書左右僕射自武德至長安四年以前並是正宰相豆盧欽望拜左僕射不言同中書門下三品不致參議省事數日始加知軍國重事至景雲二年韋安石除左僕射東都留守不帶同三品自

後空除僕射不是宰相遂爲故事英又除僕射時已非宰相然官品最高在侍中中書令之上過此則爲三公三師非尋常人臣之職故稱百寮之師長也

堂金石文跋尾

爭坐位帖自宋以來摹刻者有七種一曰京兆安氏刻本長安安師文一曰吳中復重刻本中復守承與再一曰米襄陽臨本見寶章待訪錄一曰北京本見某竹一一曰戲鴻堂本見畫碑堂一曰嘉善魏氏本即半村錢氏本嘉善魏學謙正之學一曰魏氏校正而觀妙齋金石考略定以爲魏氏摹刻魏氏摹刻一曰關中本見竹雲今在西安府學碑林者即關中本也昶藏本南宋時搨 國初爲無錫錢陸燾湘靈所藏字畫端勁湘靈嘗書其生年甲子並科分事實於下則其寶貴可知矣帖中塗抹添注處如謹寓書改爲謹奉書不其感矣改吁足畏也然美則美矣宰相一行坐添注與兩省臺省已下常參官等字文武之左右添注不論二字苟以悅軍容爲心苟以下添取字竊見聞姑息添注甚非謂也君子愛人以禮不等字深入佛海下添注況乎收東京至豈獨有分於僕射哉等字兩省官自爲一行兩省下添注五品以上供奉六字十二三師三公十二下添注衛大將軍次之六字未嘗參錯下添注至如軍將至振古未聞等字不亦可乎下添注聖皇時至亦不聞別有禮數等字蓋不然矣下添注今既三廳齊列足明不同刺史等字此外尚有數處零星添注不計可見魯公當時雖信筆直書之中仍委曲詳盡非率意爲之也文云奉書於右僕射定襄郡王郭公新唐書郭知運傳知運次子英又舊傳作知字元武代宗即位雍王率諸將討賊洛陽留英又殿於陝東都平權知留守以功實封三百戶舊傳作二百戶召拜尚書右僕射封定襄郡王文云魚開府及僕射率諸軍將爲一行魚朝恩傳云朝恩洛陽平徙屯汴州加開府儀同三司文云郭令公以父子之軍破犬羊凶逆之衆郭子儀傳云子儀次子唏復兩京戰最力吐蕃回紇入寇擊破之文云苟以取悅軍容爲心軍容之爲人清修梵行深入佛海魚朝恩傳九節度圍賊相州以朝恩爲觀軍容使自朝恩始而不言其修梵行始由當時宮禁尚沿崇佛之舊習朝恩亦嘗奉之而史家所宜從略耳文云收東京有珍賊之業守陝城有戴天之功朝恩傳

云史思明攻洛陽朝恩以神策兵屯陝洛陽思明長驅至硤石肅宗詔銳兵十萬循渭而東以濟師朝恩按兵陝東使神策將衛伯玉與賊將康文景等戰敗之洛陽即此事也攷之史傳多與此帖語合傳稱郭英乂陰事宰相元載以久其權而真卿亦不為元載所容論事坐以誹謗不久即有硤石別駕之貶然則英乂得此書其以真卿之言為是與否史無明文皆不可知而既為陰事元載之人則真卿之被貶未始非英乂陰為之譖已金石萃編

案漢書王莽傳各為權勢恐獨良民師古曰恐獨以威力脇之也此書云再揭八座尚書再於公堂揭咄咄常伯二揭字皆當作恐獨解是帖金石萃編云摹本凡七種以余所見有西安安氏本襄陽本嘉興本武定本國學本沂州本戲鴻堂本海昌本濮州本 本朝乾隆中

御刻墨妙軒本孔繼陳玉虹鑒真本謝希曾契蘭堂本凡十有二本乾隆中又命大學士彭元瑞撰爭位考證載 恩餘堂經進稿尤為墨林盛事

顏元孫碑

永泰元年乙巳公年五十八有顏祕監碑銘魯公年譜

唐顏元孫碑姪真卿撰并書天下金石志

顏元孫字聿修杲卿之父魯公之伯父也官朝議大夫守華州刺史上柱國贈祕書監開元二十年卒葬東京高村原夫人元氏故北魯公文集

鹿脯帖

天台謝奕修養浩齋藏顏魯公鹿脯帖周密煙雲過眼錄
唐太師顏真卿不審即鹿脯帖乞米二帖在蘇海處背縫有吏部尚書銓印與安師

文家爭坐位責硤石別駕縫印一同米氏書史

廣德二年甲辰公年五十六二月有與李太保帖十一月又有與李太保帖永泰元年十月又有與李太保帖魯公年譜

鹿脯帖真蹟與宋搨本不惟字形大小不倫乃其文亦小異宋搨政自不足據也 顏平原鹿脯帖宋時在李觀察士衡家今為辰玉所藏畫禪室隨筆

顏魯公鹿脯帖真蹟在常州一舊家今為王長安購得紙墨如新精神奕奕能

攝人於十步外劉體仁七頌堂識小錄

鹿脯帖今在王辰玉家非真蹟與祭伯父濠州刺史文並屬一手書云清河書畫舫
帖有三本字形大小不倫其文亦小異一云為天台謝奕修養浩所藏一云宋時在李觀察士衡家今為辰玉所藏一云有王冲隱題跋王名持字正叔長安人惜辰玉有帖而無跋崇禎癸酉春三月二十五日余獲觀鹿脯帖於金閨旅舍無題跋并觀懷素客舍三帖俱為項元度物漫誌之以俟鑒定珊瑚網

宋搨鹿脯帖與三稿稍異而沈毅激昂力透紙背書至此神矣聖矣吾每觀張長史真蹟氣韻古岩此帖無不一一宛合魯公言累代書法皆手傳口授以至長史公之所得者深矣書之一道可漫然而為之哉庚子銘夏記

乞米鹿脯二帖顏魯公書舊刻在忠烈廟廡下今不知尚存否牟蠟陵陽集

案忠烈廟當是宋留元剛所建之忠義堂

古人遺帖有明是偽作却居之不疑而具五官之哲公為所惑全不一思遂容其以黑為白令真白者反自疑其面目良可痛恨此帖原文藥須鹿肉恐鹿肉艱得乃思及於鹿脯中新好者如今之不得鮮薑用乾薑也今云藥要鹿脯矣何以又云新好者文理不通不可以欺下里乃羣然尊信幾至奪真好奇喜異固恆情乎其字不過於原帖中翻轉移易大段不及舊者遠甚墨林快事

鹿脯帖墨跡與宋搨本不惟字形不同文亦小異故董宗伯有宋搨不足據之語然墨跡殆若宋本古雅正自不容軒輊矣虛舟題跋

案鹿脯有二帖第一帖亦有二本一墨蹟一宋搨皆見戲鴻堂帖魯公以廣德二年為刑部尚書此帖與爭坐位郭家廟皆書於十一月其再入刑部在大曆十三年其年三月即進吏部十一月已不在刑部矣故知此帖為廣德二年書第二帖亦見戲鴻堂書於二十日而無年月乞米二帖一云十一月一云二十九日此帖為謝朏作謝在乞後非十一月二十日矣帖有春寒字今定為永泰元年正月書

乞米帖

顏帖為刑部尚書時乞米於李大夫云拙於生事舉家食粥來已數月今已罄

乏實用憂煎蓋其貧如此此本墨蹟在余亡友王子野家子野生於相家而清苦甚寒士嘗模帖刻石遺於朋友故人云魯公爲尚書其貧如此吾徒安得不思守約錄古

唐太師顏真卿乞米帖真蹟在朝請郎蘇解處序支郎中舜元子也得於關中安氏士人多有臨搨本此卷古玉軸縫有舜元字印范仲淹而下題跋某嘗十餘閱訪錄章待

天台謝奕修養浩齋藏顏魯公乞米帖周密煙雲過眼錄

予觀魯公乞米及醋二帖知其不以貧賤爲愧故能守道雖犯難不可屈剛正之氣發於誠心與其字體無以異也黃裳漢山集

案魯公書不聞有乞醋帖疑誤

顏魯公爲刑部尚書有舉家食粥之帖蓋自元載制祿厚外官而薄京官京官不能自給嘗從外官乞貸楊綰既相奏加京官俸魯公以綰薦自湖州召還意者俸雖加猶薄歟困學紀聞

第一千五百五十八唐顏魯公乞米帖行書金石錄目

常州顏魯公問李太保乞米帖并范仲淹題跋在延陵季子廟中輿地碑目

顏真卿學褚遂良既成自以挑踢名家作用太多無平淡天成之趣此帖尤多褚法石刻醴泉尉詩及麻姑山記皆褚法也此特貴其真蹟耳非爭坐帖比大抵顏柳挑踢爲後世醜怪惡札之祖從此古法蕩無遺矣安氏鹿肉乾脯帖蘇氏馬病帖渾厚淳古無挑踢是刑部尚書時合作意氣得紙札精謂之合作筆氣鬱結不條暢逆旅所書李大夫者名光顏唐功臣也寶晉英光集

前代待士大夫禮意極厚祿稱其官不至乏絕況其貴者乎苟有賢者安忍使之有食粥之事於當日乎陵慨想河北能無有感於斯文於乎此自有國家者言之耳士大夫有恆節有不待夫重祿之勸者涿郡盧公以此卷表章劉君達夫之善子孫可不知所自乎道園學古錄

東坡謂魯公書細筋入骨如秋鷹此乞米帖真所謂細筋入骨者也與論坐書故當是一時所作寶晉英光集謂此帖挑踢太多無平淡天成之趣筆氣鬱結

不條暢是逆旅所書余謂此與爭坐同皆圓勁古淡有游行自得之妙比於鹿脯馬病故是異流同源寶晉安有軒輊恐非平允之論若其謂公學褚則可謂知公之深至以李太保爲光顏則不直一笑矣 寶晉英光集以李太保爲光顏以穆宗初年如同中書門下平章事當公爲刑部尚書時光顏名位尙微不得遽稱太保今考光弼傳稱代宗即位拜太子太保正在廣德二年則此太保決知爲光弼無疑也光弼爲國元老盡力王室與魯公爲氣類其從光弼乞米乞鹿脯宜其不厭於煩矣 按乞米鹿脯馬病數帖皆當在廣德二年或永泰元年與論坐略先後蓋永泰二年二月公便貶硤州別駕不得復稱刑部尚書矣竹雲題跋

朝迴帖一名馬病帖

顏魯公馬病帖高宗題簽喬達之贊成號中山所藏周密煙雲過眼錄

案朝迴帖真卿緣馬病朝迴此作馬病疑誤

第一千五百五十九唐顏魯公馬病帖金石錄目

右唐太子太師贈司徒魯郡顏文忠公真卿字清臣朝迴帖真蹟一卷文與秘閣帖相似而小大不同公忠節貫穹壤筆法冠古今胸中所存凜凜不屈筆下是似言言如生百世而下尙可拜而仰也贊曰公之素守日烈霜嚴公之大節斗揭巖瞻筆勢所存心畫可占八法具體匪柔匪鉅庶彙流形如驚如潛塊北是似端倪孰規人以藝進公以德兼凜其高風氣壓萬籤公神在天公書在奩繫贊以藏震於壬憐岳珂寶真齋法帖贊

捧袂帖

顏真卿與李大夫奏事張淑二帖 右在故相張公齊賢孫名直清字汝欽處今爲楚州山陽主簿寶章待訪錄

案與李大夫奏事即捧袂帖也此帖及二月十四日一帖皆有張淑名魯公與李太保凡八帖此錄其二

硤州帖

顏真卿疎拙帖 右麻紙書真字清勁秀發亦與李大夫時顏硤州別駕此顏

第一帖也寶章待訪錄

潤州蘇氏家藏破州別駕帖真字云疎拙抵罪也聖慈含宏猶佐列藩不遠依邇其字類糾宗碑清甚墨莊漫錄

東林寺題銘

第一千三百九十六唐顏魯公東林題名正書永泰元年六月金石錄目

案東西二寺題名年譜皆是永泰二年六月此作元年誤

西林寺題銘

江州唐顏真卿題名在道場碑文之上道場碑歐陽詢撰在西林寺輿地碑目

第一千三百九十七唐顏魯公西林題名正書永泰元年六月金石錄目

永泰二年丙午公年五十八六月有東林寺西林寺題名魯公年譜

顏顯甫碑

唐贈華州刺史顏顯甫碑孫男真卿撰并書永泰二年寶刻叢編引京兆金石錄

案顯甫魯公祖也名避中宗諱改顯為昭大宗家廟等碑皆稱昭甫墓碑不應仍書舊名此文不載集中家廟碑云昭甫字周卿工篆籀草隸書與殷仲容齊名特為伯父師古所賞重官高宗侍讀曹王屬贈華州刺史魯公為遠祖舍曾祖勤禮祖昭甫伯父元孫父惟貞從兄杲卿同懷兄允南喬卿幼與弟九臧皆有墓碑一門懿行紀載無遺求忠臣於孝子之門宜其名節巍然光昭千古掘坎賊庭信非取辦於臨時也

窪尊碑銘

唐元結作銘顏真卿書窪尊在道州城外湖東報恩寺西二十步有小石山山巔有窪尊刻銘其上格古要論

案次山窪尊銘今在道州者乃永泰二年瞿令問篆書非魯公之筆當係吉水王佐誤增入曹昭格古要論者然魯公嘗書次山中與頌或亦曾書此銘而佚其石邪存以俟考

左伯桃墓詩

顏魯公為元載所忌由刑部尚書貶夷陵郡別駕大曆六年又以前秩轉廬陵

郡道出宣州之溧水縣縣之南經古烈士左伯桃墓即於墓下作詩一首自題於蒲堂之客舍大中丁丑歲余作鎮到此召工匠移舊於北望樓之西隅鄭蘇移顏

第一千五百五十二唐顏魯公宣州殘碑顏真卿正書金石錄目

大曆元年丙午公年五十八三月以破州別駕移刺吉州道出溧水有弔烈士

左伯桃詩魯公年譜

龍溪二大字

吉安府永新縣秋山上有七十二峯崖間溪水清澈顏真卿題曰龍溪廣輿記

永新縣禾山寺旁有顏魯公書龍溪兩大字鑄於石壁方廣徑丈數百年已來

石壁如故二字每年輒徙下今離地不二尺矣池北偶談

案黃山谷青原山詩魯公大字在筆勢欲傾摧即謂龍溪二字也

祖關二大字

古禮關二字顏魯公八分書寺舊有魯公題名今惟存此二字耳青原志載汪舟次與寺僧書云祖作禮非傳寫之誤必有原委寺僧答云祖古作禮八分取以相配若二字上石後落永泰年吉州司馬款此山光千丈矣據此則今所傳木刻後有天寶十四年平原太守款者訛也天寶稱載不稱年且如果是天寶年題則寺僧與舟次札內何以云欲落永泰年款乎其為後人妄加可知也但此二字實出魯公手魯公八分惟見東方贊題額未有如此之大者誠至寶也祖字作禮漢宗俱孔謙曹娥諸碑皆如此至如魯公題名年月則寶刻類編云魯公為吉州別駕題名吉之淨居寺大曆二年十月題此其確可據者故為考其大略而系以詩西江魯公題石二其一丙午匡廬陰此題明年孟冬月大書尚記黃李尋八分幾業更雄峙勁勢獨出無古今後題不存存僅此始覺禪境尤清深少陵雙峯得門否曹谿一滴誰嗣音後來姚江講學派亦假題識青谿豈宣城老子執陳迹未會松竹高邱吟亦如寺僧與汪子商略補刻爭摹臨世聞忠孝真仙佛正氣耿耿留精忱森然魄動仰星斗何必更訪東西林區區歲月那足較兩字已重於球琳旌旗歌舞照千載文山黃李猶同岑嘉客來遊偶

然記雲泉相印太古心松門風起衆山響天籟聲答文山琴翁方綱題

青原志云上石後落永泰年吉州司馬款寶刻類編云魯公爲吉州別駕大曆

二年十月題此舊唐書顏真卿傳以誹謗貶硤州別駕撫州湖州刺史不載吉

州別駕之官新傳則云貶硤州別駕改吉州司馬遷撫湖二州刺史真卿之刺

撫州在大曆三年則改吉州司馬當在二年若永泰年其時宜初貶硤州未改

吉州似寶刻類編較確也惟吉州別駕或寶刻傳譌當從傳作司馬耳祖之作

種漢碑多有之孔謙碣述家業正與此同司空宗俱碑種父司隸校尉筆法

大同小異顧藹吉云玉篇種與詛同碑以爲祖字孝女曹娥碑其先與周同種

亦以種爲祖蓋有自來也然則汪舟次與寺僧問答之語似亦所見之不廣矣

金石萃編

案祖詛等字古文多變且作虛說文關音下門種櫨也漢唐人多借作關此

書作關又小異耳

鮮于仲通碑

第一千四百五唐京兆尹鮮于仲通碑上第一千四百六鮮于仲通碑下顏真

卿撰并正書大曆二年正月金石錄目

右唐鮮于仲通碑顏真卿撰并書仲通以多財結楊國忠薦爲劍南節度使討

南詔蠻大敗國忠爲諱之再薦爲京兆尹其始卒無他可稱見於史者惟嘗表

請國忠兼領劍南節度制及爲國忠立碑頌功德耳魯公爲此碑稱述甚盛以

此知碑志所載是非褒貶果不可信雖魯公猶爾況他人乎明皇實錄稱仲通

以漏禁中語貶邵陽司馬而碑言爲國忠所忌貶小人之交初以利合卒以利

敗理固然也金石錄跋

大曆二年丁未公年五十九有鮮于少保碑銘魯公年譜

閩州鮮于氏神道碑二一在二教院崖上一在墓其文與書皆出顏魯公又有

獎諭仲通碑亦在墓田非魯公之文亦魯公之筆也輿地碑目

鮮于氏里門記

金州顏魯公書碑刻魯公爲蓬州長史在蓬四年往來新政縣鮮于氏家爲書

離堆記今在縣之西南崖石間又書鮮于仲通里門記復以小字書之磨崖碑

廣數尺又以大字書之皆在崖石間自書崖石故書體尤爲精妙輿地碑目

案今四川南部縣有鮮于氏里門碑乃大曆二年韓雲卿撰韓秀實書非魯

公筆王象之所記當另有大字小字二本爲魯公磨崖書

靖居寺題銘

右靖居寺題名唐顏真卿題按唐書紀傳真卿當代宗時爲檢校刑部尚書爲

宰相元載所惡坐論祭器不修爲誹謗貶硤州員外別駕撫州湖州刺史載誅

復爲刑部尚書而此題名云永泰二年真卿以罪佐吉州與史不同據真卿湖

州放生池碑陰所序云貶硤州旬餘再貶吉州蓋真卿未書至硤遂貶吉而史

氏但據初貶書於紀傳耳真卿大曆二年始移撫州當遊靖居時猶在吉也集錄跋

大曆二年丁未公年五十九十月有靖居寺題名魯公年譜

吉州顏魯公題名在廬陵之青原山靖居寺輿地碑目

書馬伏波語

大曆三年戊申公年六十五月除撫州刺史有書馬伏波語魯公年譜

案此帖留元剛刻入忠義堂帖款云大曆三年夏四月書此云五月除撫州

刺史則四月尚在吉州不應預書撫州刺史銜則除官非五月矣

顏喬卿墓碣

第一千四百二十八唐富平尉顏喬卿墓碣第真卿撰并正書大曆四年四月

案喬卿官富平尉魯公第三兄也此碑公集不載其事蹟無考公撰太宗碑

云喬卿仁友精晉史又更道曾祖勳禮碑云喬卿仁和有吏幹父惟貞家廟

碑云喬卿仁厚有吏材所可知者如此而已

顏幼輿碑

顏幼輿字令軌魯公第六兄也官左衛率府兵曹參軍賜紫金魚袋天寶九年

七月卒附葬萬年縣先塋大曆四年四月以夫人陳郡殷氏附魯公文集

顏允臧碑

顏允臧字季寧魯公同母弟也授朝請大夫行江陵少尹兼侍御史荆南行軍司馬上柱國大曆三年十一月卒四年四月祔葬萬年縣先塋魯公年譜

案幼與允臧二碑皆見魯公文集未詳書者姓名公於第二兄允南第三兄喬卿碑皆自撰自書則二碑亦公書也魯公年譜云大曆四年己酉公年六十一歸祔季弟少尹於上都時同生十人并姊妹計之零落皆盡惟公獨存故於允臧歸祔時并碑喬卿幼與之墓

顏處士殘碑

第一千五百五十一唐顏處士殘碑顏真卿正書金石錄目

南康軍唐處士顏君碣黃太史記海昏縣齋觀智顯寺竹林中所得顏家龕斷碑魯公大字清勁秀發者也碑目

案魯公先世自十七世祖威以下皆有官位不得以處士稱公同母兄弟七人仲兄允南第三兄喬卿第五兄幼與弟允臧公皆撰有墓碑惟長兄闕疑第四兄真長無之闕疑判杭州參軍亦非處士惟真長無官早世家廟碑稱其清直則是碑當為真長作也喬卿幼與皆以大曆四年四月允臧歸祔萬年縣先塋同為立碑則闕疑真長二碑當亦同時所作而闕疑碑則佚之也輿地碑目云是碑得之海昏縣竹林中顏家龕海昏晉以上縣名即今南康府建昌縣也碑出於此或真長隨魯公至江右而卒遂葬建昌獨未歸葬上都與

謝康樂翻經臺記

大曆四年己酉公年六十一有寶應寺翻經臺記魯公年譜

撫州謝康樂翻經臺記顏魯公撰并書今碑已重刻輿地碑目

魏夫人仙壇碑

大曆四年己酉公年六十一有魏夫人仙壇碑魯公年譜

撫州魏夫人仙壇碑晏公類要云在壇側唐大曆四年立顏真卿文輿地碑目

華蓋山王郭二真君碑記

顏魯公寶蓋山記在撫州崇仁縣輿地碑目

案魯公文集有華蓋山王郭二真君碑記在崇仁縣此云寶蓋當係華蓋之誤

逍遙樓三大字

顏魯公逍遙樓三大字正書在廣西臨桂縣金石萃編

案此三字又刻於四川劍閣大字粵本作遙蜀本作遙款云大曆五年正月一日顏真卿書蜀本小字劣於粵本蓋粵刻在先蜀係重摩者逍遙樓在山西臨漳縣後趙石虎所建唐太宗元宗幸此皆有詩魯公嘗為蒲州刺史王瓊書表此三字則公刺撫州時追書也

殷踐猷墓碣

第一千四百四十唐麗正學士殷踐猷碑上第一千四百四十一殷踐猷碑下顏真卿撰并正書大歷五年五月金石錄目

殷踐猷字伯起陳郡長平人魯公之舅氏也官曹州司法參軍祕書省麗正殿二學士開元九年卒廣德二年葬新安縣龍澗原魯公文集

大曆五年庚戌公年六十二五月有麗正殿學士殷君墓碣魯公年譜

殷攝碑

第一千四百四十二唐大斌令殷攝碑顏真卿撰并正書金石錄目

案踐猷三子攝其長也

顏魯公文集卷二十四

原
书
空
白
页

寧鄉黃本驥仲良編訂

湘陰蔣 瓊維揚參校

書評五

宋璟碑并碑側記

第一千四百六十九唐宋璟碑一第一千四百七十宋璟碑二第一千四百七十一宋璟碑三第一千四百七十二宋璟碑四顏真卿撰并正書大曆七年九月金石錄目

右唐宋璟碑顏真卿撰并書唐書載廣平六子曰昇尚渾恕華衡今此碑言公有七子曰復昇尚渾恕延華衡乃八子也魯公所撰廣平碑側記亦曰公之第八子衡謫官沙州蓋廣平實有八子唐書闕復延二人而此碑魯公誤書八字爲七爾又碑云廣平自吏部侍郎兼攝尚書左丞而史不載後自楚州刺史歷魏克冀三州兼河北按察使遷幽州都督復爲魏州而史但言歷克冀二州刺史河北按察使進幽州都督而已史又載廣平爲廣州都督時郡人爲璟立遺愛頌璟上疏辭讓有詔許停而碑乃云燕公張說書爲碑頌今燕公集中實有此文豈已爲文而未書刻石與金石錄目

大曆五年庚戌公年六十二二月有宋開府碑銘魯公年譜

第一千四百七十三宋璟碑側記顏真卿撰正書無姓名大曆十二年三月立

附金石錄目

右唐宋廣平碑側記顏魯公撰載廣平任御史時持服於沙河縣屬突厥寇趙定州河朔兇懼邢州刺史黃文軌投艱於公公以父母之邦金革無避及賊至城下公爲曉陳禍福其徒有素聞公威名者相率而去之開元末安西都護趙含章冒於貨賄多以金帛賂朝廷之士九品以上悉皆有名後節度范陽事覺有司以聞玄宗將加黜責公一無所受乃進諫焉玄宗納之遂御花萼樓一切釋放舉朝皆謝公衣冠儼然獨立不拜翌日玄宗謂公曰古人以清白遺子孫今卿一人而已公曰含章之賄偶不及臣門非不受也玄宗深嘉之又云公第

八子衡因謫居沙州參佐戎幕吐蕃入寇陷於賊庭素聞太尉名德曰唐天子我之舅衡之父舅賢相也其可留乎大曆十一年以三百騎盡室護歸此皆廣平逸事有以見其清德冠當世威名動夷狄如此而新舊史皆不載故并錄之於此俾覽者得詳焉金石錄目

宋公神道碑獨完好惟碑側記闕八字碑去官道二里餘世罕知者以故久不顯於世致君因謁墓下始得之且難舊史不載新書闕遺乃刻顏公體大書字畫別刻於石庶久其傳邢爲襄國舊都邱塚燦然類皆湮滅於無聞獨公之墓高不踰丈豐碑尙存豈特忠義足以垂名於不朽世亦以顏魯公之賢而此碑尤爲可貴也墓之東有碑□□之租贈邢州刺史爲居民斧而剝之所謂側門是也自衡之後子孫無顯宦於唐今有隸編戶者猶收公諸官直墓田俾耕以守誥爲前政取去莫知所在大宋崇寧二年七月一日編修國朝會要所檢閱文字范致君記

右唐宋文貞公碑并碑側記皆顏魯公撰并書文貞墓在沙河縣碑久埋沒土中近余友方思道作縣出之重樹於墓以損本見示金石錄謂碑與新史不同者二事又謂碑側記載文貞逸事甚詳而新舊史皆無之余家藏魯公文集中有此碑因得比較以補石本之缺但其文時有小異如集本云建一言而天下倚平碑一言作一陽集本云曾祖宏俊碑作宏峻集本云嘗夢大鳥啣書吐公口中公吐之碑作大鳥銜書吐公口中而啣之集本云優游自免碑作鄉里集本云左右震竦碑左右作天后集本云勅使馳救之碑救作救集本云與執政通同碑作與執政通開集本云玄宗將幸西蜀碑作中宗將幸西京集本云公威氣詰之碑氣作色集本云東宮有大功宗廟社稷主也安得異議碑作春宮有大功主安得異議集本云駕幸洛陽碑作駕達東都集本云馳道險隘行不得前碑作馳道險隘車騎不得前集本云以臣免之碑臣字下有言字集本云母龍子愛碑作母龍子異集本云勅公按覆碑無勅字集本云置之座右碑之作諸集本云仲冬十九日碑作十有九日集本云表葬官供碑表葬作器葬集本云戊寅歲五月碑無歲字集本云叨太僕之下烈碑烈作列集本云義形言

色碑言作顏集本云既遷鄴城碑遷作還集本云汧洽流發碑流作如其不同者又如此此趙氏之所未及也

金華碑

宋文貞神道碑側記顏魯公篆書石刻沙河二公剛勁大節相埒書亦稱是真足三絕 余始有碑側記又後一歲乃得碑文頗剝蝕其行筆與記全異碑辭內稱公雅善戲謔不常矜莊凡所談諧人輒疏取昔人見公賦梅花以鐵心石腸為怪故不足怪也非所望於蕭傳亦是一證太史公讀張文成事而疑其偉然丈夫乃如好女子世固有不可曉者

弁州山人稿

右廣平宋文貞公碑顏魯公書在今沙河縣之東北康陵丁丑之年太末方思道為沙河今碑已斷沒出之土中鎔二百斤鐵實而續之今方公所為修復封樹皆無存矣惟此碑屹立於風霜烈日之中恐亦不能久也歐陽文忠公嘗謂魯公真蹟今世在者得其零落之餘猶足以為寶今此碑剝蝕猶少況以廣平之重使歐公得之其為珍賞當倍他書矣

歸震川集

顏魯公書法出於褚河南此宋文貞公碑瘦潤圓勁尤得神髓然細玩數千言無筆不似而絕無一點褚家習氣所謂魯男子善學柳下惠者也

金石品

碑在沙河縣書法方整中帶有虛和視他書稍異尤為可寶余以崇禎己卯于役河南親至碑下見石雖漸泐然規畫尚可撫摩因捐一紙置輿中共晨夕者經年近霍少司馬達捐贈此本大不如二十年前者矣

庚子銷夏記

按年譜顏公以大曆三年除撫州刺史時公年六十大曆七年九月除湖州刺史碑正書於七年九月而猶稱撫州者當書碑時未有湖州之命也又六年當大曆十三年公由刑部尚書改吏部尚書時公年七十始有廣平碑側之記先是顏公以天寶八載遷殿中侍御史於時宋公第四子渾官中丞為御史吉溫所誣謫賀州欲請御製碑文緣此中止大曆五年十二月宋公第七子華之子儷以顏公嘗為中丞屬吏遂請製碑閱二年而公至東京除書未至居閑多暇始為書之及刺湖州復製碑側記未及刻而宋公第八子衡復有沙州之謫至十二年十一月衡自吐蕃還朝明年春乃續書而刻之自大曆二年至十三年凡經九年而碑始完蓋廣平為人魯公所特矜重故於其碑也不憚詳書深考

必至無有闕遺乃止非由宋公能持天下之正以佐唐中興焉得有此功在社稷名垂古今實自致之寧有倖乎 按新史宰相世系表宋公八子與顏碑同舊史僅載其六而無復與延碑文八子俱載而但稱公有七子非緣筆誤當由復先公卒故碑側亦稱第三子渾不稱四也而復稱第八子衡者公實有八子存者乃七數之則八核之則七也然公八子皆以賊私淫穢敗乃門閥廣平風教無復存者名有八子實竟無後自古名臣往往而然天道不可知一至於此豈不惜夫 宋公有名無字新舊史皆同顏碑亦復闕如宋公為唐室名臣其孫屬魯公為之碑且碑之成去宋公之薨不過三十五年而其祖之字已不能舉如此不可解已 按碑與史不同處碑稱父元撫贈戶部尚書舊史作贈邢州刺史碑云俄拜朝散大夫新舊史俱無之碑云中宗將幸西京深虞北鄙乃兼檢校并州大都督府長史新史但云詔環權檢校并州長史不稱將幸西京碑云四年遷吏部兼黃門監五年復兼侍中舊史則云官名改易為侍中碑云十三年駕幸東都新舊史俱作十二年又新史云東巡泰山不云駕幸東都更與舊史及碑文異碑云二十一年抗疏告老新舊史俱作二十年碑云其年駕幸洛陽舊史作二十二年駕幸東都凡此皆以證史書之誤廣平勳業著日月威名冠宇宙顏碑名並典籍書儷篆籀較然在人耳目之前而互有異同如此碑側記所載三事皆於公大有關係而新舊史並闕之所未解已 又碑文與集中不同處碑云夢大鳥銜書吐公口中而吞之集作公吞之碑云異而召還集作后異而召還碑云貴近不宜與執政通問集作不宜與執政通同碑云公實佐奇謀集作其謀碑云中宗將幸西京集作玄宗將幸西蜀碑云又為洛州長史集作尋入為洛州長史碑云東宮有大功主安得異議集本大功下多宗廟社稷主也六字碑云兼黃門監監修國史集本少一監字碑云五年復兼侍中集作改號侍中碑云明年駕幸洛陽集無駕字碑云以臣言免之集無言字碑云母寵子異集作母寵子愛碑云手詔優遂集作優許碑云俾公而歿集作殯公而歿又都穆金薤琳瑯云建一言而天下倚平碑作一陽今碑正作一言欲優游自免碑作優游鄉里今碑正作自免左右震悚碑作天后震悚今碑正

作左右震悚勅使馳救之碑作馳救今碑正作馳救公威氣詰之碑作威色今碑正作威氣駕幸洛陽碑作駕達東都今碑正作洛陽幸字陽字猶勢難可見馳道險隘行不得前碑作馳道險隘車騎不得前今碑正作馳道險隘行不得前敕公覆按碑無敕字今碑正有敕字喪葬官供碑作器葬今碑正作喪葬戊寅歲五月碑無歲字今碑正有歲字義形言色碑作顏色今碑正作言色既還鄴城碑還作還今碑正作還都氏之云皆與元碑不合按碑以宋崇寧五年范致君別刻一石都氏所見必范致君別刻本以見其所見之非而轉疑元碑之是無端自生瘡痍良可笑也 顏碑云開元十三年駕幸東都以公爲西京留守新舊史本傳皆在十二年明年東巡泰山駕發東都蓋帝以十二年十一月幸東都十三年十月將封泰山遂發自東都耳碑蓋欲約而言之故但云駕幸東都也綱目載爲西京留守於開元四年十二月按是年帝未嘗幸東都無用留守或以明年將幸東都故先以公爲留守乎又公引年致政碑在二十一年新舊史本傳皆在二十年而舊史元宗紀仍在二十一年前後自相違反宋公始終右丞相綱目誤書左丞相新舊史及本傳公之拜右丞相在開元十七年綱目不書俱是疎忽

竹雲題跋

以碑證傳互有脫漏如史云張易之誣魏元忠引證張說公語說以名義時人呼易之爲五郎而稱之曰卿韋月將告武三思亂宮掖不奉詔以救之王仁皎卒諫止用竇孝謙故事皆公志節所繫而碑遺之至遷殿中侍御史同列有博於臺中者天后將黜之公獨引過神龍復辟讓封不受改貝州刺史與數人同辭三思獨揖公住公竟出太平長公主有異謀遂奏婦人干政恐生禍階男又縱橫公執奏之及碑側所記必歷歷在人耳目間修史者有何避忌而不之載也當請窮治易之兄弟時武后倉皇欲起遽令之出者新史曰姚璹舊書曰楊再思碑止書內史而逸其名若李邕曰陛下坐則天下安起則天下危詳述其詞蓋揚善隱惡之意焉以公之忠直諸子皆不肖歿後三十五年孫儼始爲樹碑雖公名在天壤不以碑爲久遠然過公之里拜公之墓讀斯碑而興起者未嘗不以魯公之文而歎歎長太息也

金石後錄

蕭瑄至邢訪文貞公後二十四代孫道亨攜族譜來公于七十六無譜惟六子華譜甚詳華子儼蘇州刺史儼二子長嗣先左補闕次子嗣宗奉化令家焉明景泰初兵部侍郎諱炎者公十七代孫也過邢有望墓詩其家南和者十七代而絕弘治間南和令朱銳於奉化取公十九代孫伍來以守祠自伍至亨凡六世今家沙河者百餘人業農家南和者僅道亨一人奉化者久不相往來瑄

震記來齋金石

按棠陵方篆字思道重立宋文貞碑有斷碑集一書以記其事余見之太和堂吳氏藏書目中訪之三衢方氏後人或存者只少有心之人耳

丁敬評觀妙齋金石考略

舊唐書本紀開元二十一年十一月尙書左丞相宋璟以年老請致仕許之碑稱開元二十一年抗疏告老正與舊紀合而新舊書本傳俱作二十年誤矣唐以黃門監

即侍中

紫微令

即中書令

及同三品平章事爲真宰相開元元年改尙書左

右僕射爲左右丞相雖名丞相而非宰相之職文貞以開元八年由侍中拜開府儀同三司始罷政事十七年拜尙書右丞相非再入政府也 碑側記別載

逸事二條又云昭義軍節度觀察使尙書左僕射兼御史大夫平陽郡王薛公

嵩慕公德業乃命屯田郎中權邢州刺史封演購石俾工刻之舊唐書薛嵩傳不稱御史大夫平陽郡王者略之也封演天寶末進士所著有聞見記古今年

號錄石文跋尾

按新舊唐書本傳皆闕復延惟宰相世系表列璟八子獨全趙氏蓋未嘗檢及又魯公記碑側已言第八子而於璟碑書七子此必非誤自魯公亦爲傳刻者過也趙氏又以碑云自吏部侍郎兼攝尙書左丞而史不載後自楚州刺史歷魏兗冀三州兼河北按察使遷幽州都督復爲魏州而史但言歷兗冀魏三州刺史河北按察使進幽州都督而已是兼攝尙書左丞與復爲魏州誠如趙氏所指二史皆未之及然余又以碑按璟之歷官方其始也調上黨尉以後轉王屋主簿又轉合宮尉又授錄事參軍凡三遷官然後拜監察御史裏行自此又遷殿中侍御史又遷天官員外郎然後爲鳳閣舍人新書但於自上黨尉而下卽書爲監察御史遷鳳閣舍人而舊書以累轉鳳閣舍人包之其失皆略也

新書四年遷吏部兼侍中證之此碑所載四年遷吏部兼黃門監五年復兼侍中八年拜開府儀同三司此新書省文誤也舊書四年遷吏部尚書兼黃門監明年官名改易爲侍中與碑次序符合而新書遂於兼侍中亦附之四年之下則中間方隔一年其官仍名黃門監而牽連書之至此是尤疎也舊書弱冠舉進士據碑言十六下卽稱明年進士高第則璟年十七成進士猶未及弱冠也新書刪弱冠二字較舊史爲不苟矣又碑言十三年駕幸東都新舊本傳及元宗紀皆作十二年或碑亦摹勒有失真邪然新書本傳遽改易其文作東巡泰山則爲非是按紀十三年乃有封泰山之文其於幸東都蓋已兩書之而景文又誤以二事合爲一此大不可也新舊書並以璟二十年請老碑作二十一年公抗疏告老碑從當時盧僊所上行狀宜可據璟之子復先璟卒昇尙書郎太僕少卿宰相世系表作太僕少卿渾職方郎中諫議大夫御史中丞東京畿採訪使太子左諭德表作太子右諭德華判入高等登封尉尉氏令表作尉氏令衡右散騎常侍兼御史中丞河西節度行軍司馬表作河西行軍司馬檢校左散騎常侍其中詳略亦可參證然史載廣平諸子皆荒飲俳優而碑云或肅或文或哲或又克篤前烈以休令聞嗚呼諛墓之詞雖魯公亦不免若是與新舊書言渾恕尙坐貶皆書地而華衡得罪獨從略焉今碑言衡謫居沙州是亦史所未及可備錄也外又有神道碑側記趙德父已具錄茲不再贅云

授堂金石跋

此碑兩面一側皆神道碑銘其一側記宋公軼事謂之碑側記魯公文集有碑銘而無側記金薤琳現有側記而無碑銘今取兩書互勘碑闕數字得以補足碑云其先出於殷王元子史記宋世家微子開者殷帝乙之首子而紂之庶兄也武王伐紂克殷釋微子復其位封紂子武庚續殷祀武庚作亂成王誅之乃命微子開奉其先祀國於宋梁玉繩人表考云微子周書紂庶兄始見宋微國名子爵孔傳又作魏子孫爲魏公徐廣引世本作微公本傳微子命序又司馬遷古史補微子作微而殷紀微子索隱亦云家名啓微子之命序又語微或作魏讀從微音此路史所本也蓋二字古通

國於宋爲上公之命微子亦九又作開氏春秋說廉漢人避景帝諱改啓爲開

日殷公見周書要之微子之封宋在成王時也唐書宰相世系表乃謂殷王帝

乙長子啓周武王封之於宋誤矣碑云七世祖弁魏吏部尚書襲列人子祖欽道北齊黃門侍郎據世系表宋氏在楚有上將軍義義生昌居西河介休十二世孫異異三子恭畿洽徙廣平利人畿生榮國榮國下闕子一代孫卽弁後魏吏部尚書襲利人子弁子紀紀子欽道欽道子元節元節子宏峻宏峻子務本務本子元撫卽璟父也是欽道爲璟之五代祖今碑云祖已脫五代二字矣碑所敘高曾以下官位與表同惟表云廣平利人襲利人子碑又魏書弁傳皆作列人爲不同據魏書地形志列人縣屬魏郡表作利人誤也徙居列人者爲璟之十世祖今璟稱邢州南和人不知何代遷南和也魏書宋弁傳弁祖愔

榮國歷位中書博士員外散騎常侍賜爵列人子弁伯父世顯無子養弁爲後弁父叔珍因李敷事死是弁父叔珍嗣父世顯可以補唐表一代之闕也魏傳又稱弁長子維維弟紀字仲烈還尙書終北道行臺卒於晉陽是爲璟之六代祖紀子欽道武定末冀州別駕又北齊書宋欽道傳云初爲大將軍主簿典書記後爲黃門侍郎遷祕書監贈吏部尚書趙州刺史碑與表俱云

碑父元撫碑云衛州司戶參軍贈戶部尚書舊書傳云贈邢州刺史皆彼此互異也碑敘璟歷官與兩傳同者十之八九惟封廣平郡公兩傳在開元五年官侍中之後碑在八年拜開府儀同三司之時爲異碑稱璟轉廣州都督教廣人度材陶旅以弭火災於今賴焉燕國公張說嘗爲碑頌是撰頌立碑者張說也舊傳不載張說撰碑但云人皆懷惠立頌以紀其政是仍立碑也新傳則云廣人爲璟立遺愛頌璟上言頌所言傳德載功也臣之治不足以紀廣人以臣當國故爲溢辭徒成詔諛者欲釐正之請自臣始有詔許停是未嘗立碑也一事而三者不同如此又兩傳載皇后父王仁皎卒葬墳高五丈一尺璟言極剗切帝謂人所難言公等能之賜綵絹四百匹又兩傳載十七年爲尙書右丞相與張說源乾曜同日拜三拜右丞相與張說源乾曜同日拜惟兩傳作十七年與碑同而碑不云月乙酉事而張說之拜左丞相在十七年二月丁卯非三人同日新書本紀則皆不載宰相表亦無惟於開元四年閏十二月書宋璟爲吏部尚書兼黃門監紫微侍郎通鑑詔太官設饌太常奏樂會百官尙書堂帝賦三傑詩自寫以賜亦與新紀同

璟亦有詩應制句云太常陳禮樂中掖降簪裾聖酒山河潤仙文象緯舒此爲

環風節所繫及元宗從諫得賢感事光照史冊皆不可略者而碑皆不書碑載
環告老後駕幸洛陽公迎拜道左元宗使榮王琬勞問此是開元二十二年正
月事據本紀後段環有蒲津迎駕詩云云十四
行本與此段相接刻者誤分爲二今正之

環有蒲津迎駕詩知其迎拜之地爲蒲津也詩云回鑾下蒲坂飛旆指秦京維
上黃雲送關中紫氣迎是自東都回鑾詩也榮王琬者元宗第六子始王鄂從
王榮後諡靖恭太子也環八子新傳僅列六子之名舊傳則極詆其飲諛俳優
廣平風教無存且言衡最危險據碑側記則言衡陷吐蕃素聞名德稱之爲賢
相之子以駝馬盡室護歸使其果危險何能感動若此史家言或失之太過往
往如此碑側記云上欲別加超躐且命待制於側門側門之地無考新唐書代
宗紀大曆十二年四月詔諫官獻封事勿限時側門論事者隨狀面奏則側門
始是論狀進奏之所會善寺牒載大曆二年沙門乘如詣右銀臺門奉表陳謝
此所謂側門或即右銀臺門之類也記爲環之孫儼所請者儼爲環第七子華
之子官蘇州刺史見世系表金石萃編

案大曆六年六月魯公書中與頌於撫州刺史上加前字其時已解撫州任
矣年譜云七年九月除湖州刺史金石錄謂是碑書於九月而仍題撫州或
書時尙無湖州之命然行撫州刺史上應加前字此碑當如年譜云五年十
二月在撫州時所書至七年九月環孫儼始摹勒上石爾竹雲題跋校正史
集與碑文異同處甚詳金石萃編據文集補碑字據金薤琳瑯補碑側記亦
有譌誤如三思食邑公悉獨之思誤作司明年駕幸洛陽洛陽誤作東都行
不得前行誤作騎兕渠既戕誤作滅豐碑揭豎揭誤作碣今并正之銘詞
獨用陽韻到七十五字無一泛及他韻者此爲初見

張景倩碑

撫州張景倩清德碑在州城東三十步大曆五年建顏真卿文并書篆額時景
倩爲刺史碑目

元子哲遺愛碑

撫州元子哲遺愛碑在崇仁縣南五步大曆五年準爲尙書考功符建立刺史

顏真卿文今存見晏公類要碑目

律藏院戒壇記

撫州律藏院戒壇記唐顏真卿撰并書院壇皆僧智融所立在州之寶應寺集古

跋錄

大曆六年辛亥公年六十三三月有寶應寺律藏院戒壇記魯公年譜

麻姑仙壇記

江南西道建昌軍南城縣麻姑山在縣西南二十三里頂有古壇相傳麻姑得
道於此刺史顏真卿按神仙傳撰仙壇碑備詳其事太平實字記

右麻姑壇記顏真卿撰并書顏公忠義之節皎如日月其爲人尊嚴剛勁象其
筆畫而不免惑於神仙之說釋老之爲斯民患也深矣 右小字麻姑壇記顏
真卿撰并書或疑非魯公書魯公喜書大字余家所藏顏氏碑最多未嘗有小
字者惟千祿字書法最爲小字而其體法與此記不同蓋千祿之注持重舒和
而不局蹐此記適峻緊結尤爲精悍此所以或者疑之也余初亦頗以爲惑及
把翫久之筆畫巨細皆有法愈看愈佳然後知非魯公不能書也故聊誌之以
釋疑者集古錄跋尾

第一千四百五十唐麻姑仙壇記顏真卿撰并正書大曆六年四月第一千四
百五十一小字麻姑仙壇記金石錄目

右唐麻姑仙壇記顏魯公撰并書在撫州又有一本字絕小世亦以爲魯公書
驗其筆法殊不類故正字陳無已謂余嘗見黃魯直言乃慶曆中一學佛者所
書魯直猶能道其姓名無已不能記也小字本今錄於後使覽者詳其真僞云

金石錄跋

大曆六年辛亥公年六十三四月有南城縣麻姑山仙壇記魯公年譜

唐麻姑仙壇記顏真卿撰并書碑以大曆六年立在建昌軍南城縣 唐小字

麻姑仙壇記顏真卿撰并書石刻年月與前碑同而字甚小碑目

元豐間封麻姑爲清真夫人元祐改封妙寂真人宣和加上真寂冲應元君徽
宗御書元君之殿四字仁宗亦嘗賜飛白來字余見魯公碑魯公塑像祠堂中

周必大
山日記

作字大至方丈小至粟粒其位置精神不差毫髮然後爲盡如以此字與中興
頌參較當知予言爲信姑漢

右唐小字麻姑壇記顏真卿撰并書在今江西南城縣之麻姑山歐陽公謂或
者疑其非真而復以爲筆畫有法非魯公不能書也趙明誠謂陳無己嘗見黃
魯直言此乃慶曆中一學佛者所書魯直能道其名及觀陸放翁云魯公麻姑
壇記有大小二本蓋用羊叔子峴山故事通志金石略載魯公書亦有小字麻
姑壇記則歐陽公之疑與魯直之言又似不足信元柳待制道傳云麻姑壇碑
小字楷法尤精緊比聞舊石焚毀山中雖重刻無復當時筆意則亦以小字爲
顏書但謂石已不存非也吳文正公云麻姑碑在吾鄉舊爲雷所破重刻至再
字體浸失其真則被焚者乃臨川大字本而南城之石至今固無恙也
顏碑刻於唐大曆六年魯公書文紀山迹也石賦書工良足珍重元季兵燹流
落人間永樂初爲荊州衛知事郡人雷豫所得成化紀元其子泰獻於府遂什
襲藏之蓋欲其可久也謝士

撫州南城縣舊有顏魯公麻姑仙壇碑後分南城入建昌碑隨入公廨聞爲一
守臺之歸而命俗工摹一碑於郡今所相傳者是也余廣訪宋捐命良工精刻
函之邸中用存故事其碑陰衛夫人等書一一並留不差毫髮臨池者尙鑒余
之苦心哉明藩益王
重刻碑跋

仙都觀壇即蔡經故居王方平來會仙人麻姑之處顏魯公記其事手書入刻
往往在京師見一舊本當時購之不得後十餘年來守建昌此刻匣貯郡齋啓視
之石方廣盈尺中斷字多磨滅不可辨爲之慨然偶過近溪羅大參出所藏舊
本點畫波發與京師所見毫髮不差遂鐫之以傳郡之舊跡碑陰有唐衛夫人
褚河南虞永興歐陽率更薛稷柳河東李北海諸小楷因併刻之
季廣

是碑失去既久洪武初郡守新學宮見舊墨聖座東偏爰委仙都道士立石殿
隅今具在也正德中山蹊樵暨於澗底拾出其碑版字跡猶無恙先君以其奇
邁輒珍襲一副後碑入郡中漸就剝裂觀者每爲悵快茲郡公鴈山季先生將

圖翻刻而莫獲善本暇日過從姑山房肆覽遺墨得是冊色喜遂命工入石
跋芳

撫州有魯公仙壇記字形大如指頂筆筆帶有隸意魯公最得意書也不知何
時毀壞世無見者余收此本得之故恭順家宋以前捐楮墨精好最所秘惜至
行世蠅頭小書乃慶曆中人僞書載金石錄而今舉世奉爲楷模誤矣杭州姜
匯思有宋捐大觀第九本帖余家正少此乃持以換仙壇本去今所觀者乃忠
義堂中本耳庚子銷夏記余集附案云陸放翁云顏魯公麻姑壇記東坡先
陵谷變遷向冀其一存耳據此則小字
本亦魯公書趙氏之說未可竟信也

往見魯公所書麻姑壇記皆小字甲戌夏景陵吳既間驥之子鼎彥來京師求
作其文遺集序遺余麻姑壇記大字末云奉議大夫建昌府知府梁伯達重建
蓋臨川舊石毀後梁君重刻於建昌者草廬所謂浸失其真者是也
帶經

右碑高六寸廣尺許相傳爲玉版可入懷袖唐顏魯公真卿撰書共九百餘字
字甚小有尋丈之勢報魯公正書第一碑在麻姑山觀中宋末觀祀吳道士攜
置雲崖山遂流落青綾東平間明永樂中爲荊州衛知事雷豫所得其子泰示
撫州守謝士元以巨石函置之外刻詠碑諸公如宋曾文定輩李說書觀劉郎
中涇李丞相綱潘邠老臨明謝戶部磐左吏部贊詩與書皆足附魯公之後
而士元則戶部子也集古錄云顏公忠義之節皎如日月而不免惑於神仙釋
老之說余觀魯公使李希烈時見危授命非深於二氏之說者不能夫富貴不
淫貧賤不移威武不屈二氏之教與吾儒同也以魯公而猶謂之惑乎即此碑
石既失復歸諒不止魯公忠義之所感召抑有神人如麻姑者校獵於其間乎
錄後
金石

家藏麻姑壇跋云余生平所見麻姑壇有四種其一右從第石公所其一在陸
其清齋一肥一瘦較石公本稍大宋捐其一則此本也大小在石公其清間金
陵瑣事云萬曆間華亭季廣守建昌麻姑碑久爲庫吏所壞召工章田重刻田
病目有神人來治之乃愈是建昌已有前後二本矣今此帖之爲原本爲章田
本皆未可知然奇古適逸寬綽有餘實有如四友齋所云者癸未十月屬石公

裝而藏之 跋石公斷本麻姑壇記云金陵瑣事云麻姑碑爲建昌府庫吏所
跌萬曆間太守華亭李膺召工章田重刻則今日行世大抵皆章本也此本古
逸寬綽與陸氏家搨同而斷痕猶在其爲跌後本無疑無怪乎省吾之寶之也
臨摹一過跋數語歸之 別本小字麻姑記跋云小字麻姑碑歐陽公黃魯直
趙明誠都元敬顧亭林輩皆云後人補刻而通志金石略及陸放翁田衍又確
指爲魯公書聚訟紛紛迄無定論而所見搨本亦復肥瘦不一未知何者是南
城原本此本得之慈仁寺下所謂奇古道逸寬綽有餘者庶幾近之昔人云大
字難於結密小字難於寬綽今此本字細於陰符而有中興頌虎邱劍池之勢
諒非魯公不能辦此亦何庸此紛紛者爲 京師龍安寺麻姑記跋云小字麻
姑壇記余舊所見者其一在從弟石公所一藏吳門陸氏皆不知所從出一在
余家爲北京龍安寺本然皆非建昌此本得之張平州中丞家相傳爲其尊甫
澹明方伯官豫章時所搨而斷痕猶在則真建昌原本矣何以秀潤有餘奇古
未足翻出陸氏本下邪尙有待於世之知之者 再跋建昌小字麻姑帖云壬
午春見孔東塘家小字麻姑記碑陰有趙松雪臨衛夫人褚遂良虞世南歐陽
詢薛稷李邕六人書東塘曰此益王所刻建昌府碑也今此帖得自建昌又帖
尾有褚書其爲益王本無疑然比之孔本則又缺衛虞歐薛李五種書而多一
柳豈別有故邪抑裝搨之不全邪 舊搨建昌麻姑壇記跋云此建昌原石非
萬曆間章田重刻本也而紙墨亦舊丁亥夏六月得之金陵吳氏小字麻姑記
余家有四本原無出此本之右者子孫其寶之 鐵函藏
魯公書麻姑壇記元作大字今有拓本而石亡其小字者乃別本後人補刻非
初碑也 金石文
字記

可知特以公忠義貫日月勲業蓋天地故不以此爲公異耳公之作此書蓋以
退筆因其勢而用之轉益勁健進乎自然此其所以神也碑不知毀自何年吳
文正公云麻姑碑在吾鄉舊爲雷所破重刻至再字體變失其真嗚呼豈書到
妙來天地亦復忌之邪 碑書於大曆六年四月公時年六十有三顏公書碑
必稱官伐獨此碑僅書名姓按公以大曆二年除撫州刺史六年閏三月臨川
代到七年九月至東京始除湖州刺史則六年四月公雖未去撫州而已不復
刺撫故不稱撫州刺史也昔義之事五斗米道自下稱民謝安石亦自稱道民
公作此碑時豈得解組心便儵然濁世浮塵不復一毫羈絆區區官伐脫然何
有旣不外張亦無自貶與王謝風規固有同塗異轍者矣 顏公作書體合篆
籀不肯一筆出入此碑獨不然來字暨蓬萊字皆書作來既而自覺其誤復改
從來間字篆法門中從月徐錯曰夫門夜閉閉而見月光有間隙也無從日字
者碑書間字作日乃是俗字後來人間字從日誤從此始小字刻覆本不可一
二數大字本絕少十五年前曾見一本於京師爲義門何太史所藏欲從借模
不可得也今年五月初新建裴魯青從歸安鄭芷畦借得一本寄余以其難見
絕人事精模一本然後後還之 趙德甫金石錄謂小字本世亦以爲魯公書驗
其筆法殊不類故陳正字無已謂余嘗見黃魯直言慶曆中一學佛者所書魯
直猶能道其姓名無已不能記也而歐陽公集古錄言此記遒勁緊結尤爲精
悍把玩久之筆畫巨細皆有法度愈看愈佳然後知非魯公不能書也陸放翁
亦云魯公麻姑仙壇記有大小二本通志金石略載魯公書亦有小字麻姑仙
壇記元柳待制道傳云麻姑壇碑小字楷法尤精緊比開舊石焚毀山中雖重
刻無復當時筆意則小字本當時已毀今世所云皆覆刻本形模雖是神彩頗
殊矣余所得猶是南城元本爲新建裴魯青所遺以較大字精神結構無毫髮
異惟見鞭著經背作具鞭疊字皆作二爲小異耳 顏魯公書大者無過中興
頌小者無過麻姑壇然大小雖殊精神結構無毫髮異熟玩久之知中興非大
麻姑非小則於顏書思過半矣 盧舟
題跋

樵登偶於山間鋤得之斷其一角故曾子固詩云碑文老勢信可愛碑石小缺誰能鑄後人每珍之謂翻刻新本不如也

麻姑山丹霞洞天記

右麻姑仙壇記小字本黃魯直謂是慶曆間學佛者所書趙德甫亦疑其偽宋人書多放縱不守唐法尤不喜作小楷故有意抑之未可爲定論也碑題撫州南城縣攷南城漢舊縣本屬豫章郡晉宋以後改隸臨川郡唐改臨川爲撫州縣仍隸焉宋始於南城置建昌軍自是乃別於撫州耳

潛研堂金石文跋尾

也
金石萃編

顏魯公文集卷二十五

寧鄉黃本驥仲良編訂

湘陰蔣 瓊維揚參校

書評六

中興頌

右大唐中興頌元結撰顏真卿書字尤奇偉而文辭古雅世多模以黃絹爲圖障碑在永州磨崖石而刻之模打既多石亦殘闕今世人所傳字畫完好者多是傳模補足非其真者此本得自故西京留臺御史李建中家蓋四十年前磨崖石真本也尤爲難得耳

集古錄跋尾

第一千四百五十五唐中興頌上第一千四百五十六中興頌中第一千四百五十七中興頌下元結撰顏真卿正書大曆六年六月在永州

金石錄目

永州大唐中興頌在祁陽浯溪石崖上元結文顏真卿書大曆六年刻俗謂之磨崖碑又按練潛溪熙寧間作峴亭記曰次山文章遒勁魯公筆畫雄偉皆有以動人耳目故中興頌寶之中州士夫家而浯溪之名因大著稱

輿地碑目

中興頌刻永州浯溪上斷崖石書之刺史元結撰結自以老於文學故頌國之中興頌成乞書顏太師以書名此尤瑰瑋故世貴之今數百年薛封葺固遠望雲煙外至者仰而翫之亦天下之偉觀邪

廣川書跋

書至於顏魯公魯公之書又至於中興頌故爲書家規矩準繩之大匠河朔嘗見三數本皆完好而森森如劍戟有不可犯之色今得此本頗爲殘缺既裝褱則反得古中韻勝乃知崖角剝弊本真全露有李白所謂秋水出芙蓉天然去雕飾者尤可賞激也

郝經陵川集

磨崖碑高八尺五寸闊九尺許其文爲元次山大唐中興頌顏魯公所書也字大四寸七分爲平原生平第一得意書亦次山之文有以助其筆力故與山水相映發耳

錢邦芭潯溪記

天下佳山水多矣大半埋沒於荒郊僻野不得表見今潯溪幽異甲於瀟湘然非元顏二公之文字節義照耀前後崖石奇古生人敬仰亦安得流傳至今動

往來之憑弔哉

錢邦芭重游潯溪記

弁州山人曰中興頌方正平穩不露筋骨爲魯公書法第一余向列宋廣平碑側記第一而以弁州之言爲未然丁亥六月得此本於金陵承恩寺前古勁深穩雖欲不以第一推之其可得乎弁州不以書名而評書十得六七豈四部叢法書苑等書成於衆手與呂覽等邪不然何以能中其肯綮也因跋帖尾并附及之

鐵函齋書跋

磨崖碑爲魯公書絕作泰華尊嚴使人不敢仰視

金石品王惲玉堂嘉話

中興頌之雄偉如驅千金駿馬倚邱山而立

魯公諸碑無大於此者歐公云摸打既多石亦殘闕世人所傳完好者多是傳模補足非其真者故子函疑王元美所獲恐是東刻余所見亦完好只缺一字耳訪之曾遊此地者皆云崖石如故不知歐公何以云爾

金石錄續錄

唐磨崖中興頌碑自歐陽公集古錄已謂其歲久剝裂字多缺殘好事者以墨增補之王元美最博雅乃云字畫方正平穩不露筋骨當爲魯公書法第一豈元美所見乃崖石真本邪余獲一紙恐是東刻雖筋骨不露而神氣全亡惜不得至永州崖下一證之

石墨鑄筆

余至衡州欲觀大唐中興頌永州守以墨刻進亦不甚精蓋彼中稱爲三絕碑曰元漫即頌顏平原書并祁陽石爲三絕殊可嗤恨石何足絕也蓋兩公書與文與其人爲三絕耳

畫碑室隨筆

有唐一代碑版顏魯公最多率以雄厚勝獨中興頌及宋廣平二碑瀏漓頓挫態出字外臨書者正未可以輕心掉之也余爲此書初尙雄快及細玩原刻乃知前者矜意太勝如子路初見夫子未爲升堂弟子也智過於師方名得髓凡臨摹古人須令透一步翻一局乃得恰合所謂善學柳下惠莫如魯男子也余臨此碑正以不及一分爲透過一步處世有解人必契余斯語

竹雲題跋

中興頌魯公書之翹然者在八關齋記上

元版記

頌撰於上元二年碑題大曆六年夏六月刻是元結撰頌後十年真卿官撫州刺史而後書且刻也碑頌肅宗中興即位靈武收復兩京上皇還京等事唐肅

宗本紀至德二載十二月丙午上皇天帝至自蜀郡則撰頌又在還京後四年
頌磨崖在祁陽縣涪溪結判南時寓居於此其刻嵒臺銘在大曆二年涪溪
銘唐亭銘俱在大曆三年不知何以刻此頌獨遲至大曆六年也

金石
萃編

案中與頌大字左行刻於大曆六年六月其時公已解撫州之任故題銜云
前撫州刺史元結是記撰於上元二年其時結以水部員外郎佐荆南節度
使呂諲爲判官至大曆六年結已遷容州都督兼御史中丞本管經略使矣
此刻結銜仍題水部員外郎及荆南節度判官蓋公用見銜結則仍用舊銜
也

資州唐顏魯公書中與頌二一在東崖一在西崖

輿地
碑目

劍州中與頌紹興初攝州事吳旰墓刻費少南跋之四川新舊志不復舉其名
矣

吳省欽白
華前稿

案以上二條記蜀中中與頌別本附錄永州評跋之後

臧懷恪碑

唐贈工部尚書臧懷恪碑撫州刺史顏真卿撰并書懷恪字貞節東莞人官至
右武衛大將軍贈工部尚書碑以開元十二年立在三原

集古
錄目

案開元十二年懷恪卒年非立碑之年此碑當立於大曆初年公刺撫州時

詳見後記

第一千五百四十八唐臧懷恪碑上第一千五百四十九臧懷恪碑下顏真卿

正書

金石
錄目

案碑無立時年月金石錄編於大曆諸碑之後

臧懷恪字貞節太原人官右武衛將軍贈工部尚書上柱國上蔡縣開國侯開

元十二年卒年五十六

魯公
文集

廣德元年癸卯公年五十五有臧尚書碑銘

魯公
年譜

右唐臧尚書墓碑顏魯公撰并正書尚書墓在陝西之三原縣顏公此刻人闕
少傳余向以使事道陝得之尚書七子希崇希旭希忱希景希晏希讓皆
爲顯官而希讓至魯國公顏公文集復有臧氏糾宗碑書七子官爵與此不同

金
琳瑯

臧懷恪碑顏魯公撰并書懷恪再爲王峻蕭嵩兵馬使積官右武衛將軍封上
蔡縣侯三贈而至工部尚書則以子希讓貴故也兄懷亮至左羽林大將軍懷
恪有子七人咸顯而希讓至尚書節度使魯國公碑稱兄弟子姪勳賢開出自
天寶距於開元乘朱輪而拖珪組者數百人而唐史不爲立傳故聊載之書法
偉勁不減家廟茅山而石完不泐尤可喜也金石錄又載韓擇木書第三子太
子賓客希忱碑及希晏碑皆韓秀弼書額希讓胄士也而能爲不朽計乃爾誠
有過人者矣

弁州山
人稿

臧將軍碑視魯公他書差勁峭且石又完好鋒穎都具墨寶也

庚子鎔
夏錄

右贈工部尚書臧懷恪碑不見立碑年月趙氏金石錄以爲大曆中立顧氏金
石文字記據碑文載廣德元年十月贈官詔書因系之廣德元年余以魯公署
銜之而知德甫爲可信也魯公麻姑仙壇記云大曆三年真卿刺撫州其撰李
舍光碑云大曆六年真卿罷刺臨川旋舟建鄴今此碑題金紫光祿大夫行撫
州刺史上柱國魯郡開國公則必在大曆三年以後矣寶刻類編以爲開元十
二年立則但據其卒之年月並未讀其全文尤爲疏舛

潛研堂金
石文跋尾

碑云開元初嘗遊平盧屬奚室章大下公挺身與戰所向摧靡新唐書室章傳
惟載開元天寶間凡十朝獻其後貞元四年與奚共寇乃見於傳證之碑則開
元初已內侵而史蓋失錄又碑下文遇突厥斬殺八部落十萬餘衆於狼頭山
今檢突厥部落無此名通鑑聖曆九年九月改默啜爲斬殺當時武然懷恪應
後懷其偏疆故漫爲此號而魯公亦襲用之變給敵功不爲細乃卒不附突厥本傳亦其疎也又所云僕固懷恩父設支適
在其中獨身遮之由此獲免遂與設支部落二千帳來歸案之唐書皆不合傳
載懷恩鐵勒部人則懷恩父亦舊屬鐵勒矣又云乙李啜生懷恩世襲都督則
傳言父蓋名乙李啜今碑乃云懷恩父設支則又名設支矣至云與設支部落
二千帳來歸設支又自有部落及開元初來歸始爲唐臣亦非世襲都督者疑
此數事史文皆未悉並當以碑爲據且足補突厥室章二傳之闕則是碑之傳
益可寶也

授堂金
石跋

右碑題云唐故右武衛將軍贈工部尚書上柱國上蔡縣開國侯臧公神道碑
撫州刺史顏真卿撰并書李秀巖篆額懷恪字貞節東莞人以右武衛將軍封
上蔡縣侯其贈尚書則以第七子希讓貴蓋薨於開元十二年而碑立於廣德
元年之十月全錄詔書示優異也都少卿穆云臧氏糾宗碑所敘七子與此不
同略天驕糾宗碑跋云自靈州君寵而下悉載於碑據此云祖君寵皇通議大
夫靈州長史曾祖滿隋驃騎將軍既曰糾宗曷為遺曾而錄祖豈止敘本朝不
及隋以上也邪糾宗碑亦魯公撰書不應互異惜不得模本證之碑敘臧氏傳
哀二伯文武兩仲其下列丈人子原義和榮緒諸人按莊子文王觀於臧見一
丈人釣李軌云臧地名也則丈人者乃臧之釣叟非即其姓况下距魯隱公殆
四百年不得以為公子疆之後世民二字至高宗時及非連及并諱之而虎字
則諱於貞觀中或全去此字或缺一筆凡碑皆然此曰世祀宜哉又曰猛奮號
虎竟弗之避何也

金石錄

碑文歷敘臧氏曰子原者乃漢臧洪原字从厂从泉後人復添三點今後漢書

作子源金石文

魯孝公子疆字子臧他書不見惟春秋左氏傳孔穎達正義言之是承杜預公
子譜舊說耳今碑亦云又文苑英華載李邕左羽林大將軍臧公神道碑文云
其先派於后稷演於周公洎魯孝公子臧因而氏焉說亦與此同懷恪少隸戎
級起官拜勝州都督府長史轉左衛率府左郎將再轉右領軍中郎將兼安北
都護中受降城使朔方五城都知征馬使充都知兵馬使河西軍前將河源軍
使兼隴右節度副大使關西兵馬使拜右武衛將軍封上蔡縣開國侯薨贈右
領衛大將軍又贈魏州刺史三贈太常卿四贈工部尚書有七子長曰希崇游
擊將軍崇仁府折衝次曰希和豐州別駕贈宋州刺史三曰希忱左郎將劍南
討擊副使贈汝州刺史五曰希景右驍衛郎將靜邊軍使贈秘書監六曰希晏
寧州刺史左金吾衛將軍贈揚州大都督七曰希讓開府儀同三司行太子詹
事兼御史大夫邠寧山南觀察使集賢待制工部尚書渭北節度使魯國公希
讓官最顯父以子貴故得贈工部尚書也懷恪有二兄文中所稱兄左羽林軍

大將軍平盧副持節懷亮未知居何行也又稱兄子謙亦未知為何人之子又
元和姓纂以希讓為懷亮子據碑可證其誤

關中金
石記

此碑無年月以撰書之顏真卿結銜考之碑題行撫州刺史魯郡開國公新唐
書真卿傳代宗立起為利州刺史不拜再遷吏部侍郎除荆南節度使未行改
尚書右丞帝自陝還真卿請先謁陵廟宰相元載以為迂俄以檢校刑部尚書
為朔方行營宣慰使未行留知省事更封魯郡公時載多引私黨真卿上疏載
以為誹謗貶陝州別駕改吉州別駕遷湖撫二州刺史載誅楊綰薦之擢刑部
尚書進吏部舊傳帝自陝還者代宗本紀廣德元年十月庚午吐蕃陷邠州辛
未寇奉天武功京師戒嚴丙子如陝州戊寅吐蕃陷京師十二月甲午至自陝
州是也元載為宰相乃寶應元年建辰月之事元載之誅乃大曆十二年事真
卿之為撫州刺史傳雖不詳何年玩其敘次在載誅之前據麻姑仙壇記大曆
三年已刺撫州則不出三年至十二年矣集古錄曰載顏真卿乞御書放生池
碑額表碑并碑陰記大曆中真卿為
湖州刺史建於州之駱駝橋東以大曆九年立據此
則真卿之刺湖州在九年其刺撫州又在九年之前今據其子希晏大曆五年
立碑則此碑必與同時所立因列於其前碑載懷恪以開元十二年二月薨十
月空乾元三年贈魏州刺史寶應元年贈太常卿廣德元年贈工部尚書自是
又踰數年而後立碑蓋距其薨四十餘年矣碑云祖寵父德據魯公文集東莞
臧氏糾宗碑銘祖寵與此同而父作善德金薤琳瑯載此碑父善德與糾宗同
而祖作君寵蓋金薤譌也碑云斬啜八部落又云僕固懷恩父設支金薤琳瑯
譌作設之
新唐書僕固懷恩傳父乙李啜舊書傳作乙李啜拔似新書脫一拔字啜拔即
碑云啜八皆部落之名至碑所稱設支雖無可考然以其為部落之名亦可無
疑以臆度之猶漢時郵支之遺也疑懷恩之父本未有名即以部落為名故啜
拔設支皆可隨稱而乙李啜拔又著語繁簡之不同也糾宗碑載懷恪有兩兄
懷慶懷亮而懷慶已書贈官是已先卒故碑但書懷亮碑書恪七子官與糾宗
碑不同者長希崇游擊將軍崇仁府折衝糾宗作右衛中郎將贈州刺史次
希和與碑同次希忱以下贈官俱同所不同者希忱左武衛將軍朔方節度副
使糾宗作左驍衛中郎將次希愔右衛左郎將劍南討擊副使糾宗作忠武將

軍次希景右驍衛郎將靜邊軍使紇宗作左威衛中郎將次希景紇宗贈左街使餘同次希讓紇宗但書魯國公不書官位前六子皆有贈官則立碑時皆已先卒惟希讓在矣碑云真卿早歲與公兄子謙敦伯仲之契所謂兄子謙者不知是兄字子謙抑或是兄子名謙據紇宗碑懷恪兩兄既無子謙之稱懷慶五子希古希真希賓希肅希逸懷亮五子敬廉希莊敬之讓之敬此有誤亦無謙名再據碑懷恪以開元十二年卒年五十六其生在總章二年則其兩兄當生於龍朔麟德之間史稱真卿以興元元年卒年七十七其生在景龍二年少於懷恪兩兄之年四十餘則早歲所與敦契者爲兄子無疑特不知謙爲何人之原名耳真卿撰此碑當與紇宗碑同時而文有不同者如此所未詳也

金石萃編

案碑云嚙敢不祗仰祗仰猶敬懼也爾雅仰貳也不與嚙通公撰宋璟碑云仰公而歿文集作躡公而歿彼以仰爲躡此以仰爲嚙皆自公碑始也嚙虎之質與郭氏家廟碑嚙龍虎者十人皆用班固答賓戲嚙龍虎之文句句選注嚙被也謂被龍虎之衣以譬其文采之盛也此云嚙嚙用毛詩闕如虎虎句嚙開險貌與嚙通郭璞江賦嚙如地裂即詩闕如之義毛詩訓闕爲奮怒此借開險之嚙爲奮怒之闕不用虎虎而以嚙嚙對上句蘭玉蓋唐人避虎字諱有此替換用法公文前曰方虎之才後曰猛奮虎兩用虎字皆缺末挑而不諱其字此句獨用嚙字代虎當是偶襲時人替換法無深意也自天寶距於開元距去也爾雅距齊州以南距與距通銘詞光允羽儀二光字連用極言文采之盛也金石萃編以上光字作空方字實未泐蓋疑之也碑前李秀巖十二字非魯公所書末二字殘缺金石萃編謂是題額二字察其泐痕似是校勒非題額也秀巖當是刻是碑者

臧氏糾宗碑

臧氏糾宗碑顏真卿書在三原縣

古今碑目

臧氏故宅碑

臧氏故宅碑顏真卿書在三家村

古今碑目

案臧氏糾宗故宅二碑不列歐趙諸錄今三原亦無是碑糾宗文見集中亦

魯公撰也此云故宅碑在三家村疑是三原縣之誤

顏含大宗碑

顏含大宗碑含十四世孫撫州刺史真卿撰并書真卿罷撫州過含墓因敘含而下十五世子孫名字事迹立此碑以大曆六年十一月立

集古錄

第一千四百六十唐顏含大宗碑上第一千四百六十一大宗碑中第一千四百六十二大宗碑下顏真卿撰并書大曆六年十一月

金石錄

大曆六年辛亥公年六十三有晉侍中西平靖侯顏含大宗碑

魯公年譜

大宗碑顏魯公撰并書在建康府學

輿地碑目

晉侍中西平光祿大夫西平靖侯顏公大宗碑顏真卿書在應天府學

碑數

顏含碑

顏含碑晉江夏李蘭撰傳曾孫宋金紫光祿大夫延之撰銘十四世孫唐前撫州刺史真卿書含字宏都瑯琊臨沂人東晉官至光祿大夫封西平侯謚曰靖此銘舊有刻石大曆七年四月真卿重建

集古錄

第一千四百六十三唐重建顏含碑上第一千四百六十四重建顏含碑下晉李蘭傳曾孫延之銘十四代孫真卿正書大曆七年四月

金石錄

顏魯公書遠祖西平靖侯顏含碑晉李蘭之文也文云含爲光祿大夫馮懷欲爲王導降禮君不從曰王公雖重故是吾家阿龍君是王親丈人故呼王小字晉書亦載其事而不書小字

容齋筆

顏府君碑顏魯公書在建康府學

輿地碑目

西平晉侯顏府君碑顏真卿書在應天府學

碑數

書清遠道士詩及和作

平江府顏真卿虎邱詩刻唐詩紀事二十四卷吳門有清遠道士周恭子遊虎邱詩其詞自商周歷近代近二千年來矣鬼神邪莫能測也辭藻健拔魯公愛之刻於巖際

輿地碑目

大宋開寶七年太歲甲戌四月二十日錢僊將錢十七貫得於懷州濟源縣前河東節度使守司徒兼侍中判河陽軍州事潞國公文彥博 元豐壬戌仲

春望日增中簿薛昌謬同觀 大觀己丑四月初八日賜顏真卿楷書詩卷一

卷勅余深 顏公忠正公直著聲一世今見其書如見其人其忠毅之氣猶勃

勃紙上非尋常能書者所得託而有也不可不寶大觀三年四月日賜到中書

侍郎臣深謹題 顏魯公法書一變晉人獨開生面筋力渾厚不入狂怪怒張

洵有唐一代書家之冠立朝正色剛而有禮夙著勳猷卒成忠盡蓋其精神所

發一於書而寓之此二詩為清遠道士而作筆致遒勁尤見經營慘淡而謂因

人而益重者其斯蹟之謂歟梅山拙逸題 有患忠 微印 右魯公正書詩跡與多寶

塔競是一體惜不刻石以永其傳至元二十四年獲於金陵書肆甲午三月同

神龍閣亭命工重裝於錢塘金城郭昇天錫審定真蹟秘藏於快雪齋中 顏

魯公書晏至得多見乞米祭姪文尤烜赫有名者最後見劉中使帖益歎奇絕

今又得見此二詩晏何修而獨與魯公有緣也大德十年歲次丙午三月八日

集賢學士通議大夫張晏敬書 延祐己未仲秋得見魯公二詩真蹟并觀文

潞公題識末學小生五百年後親觀先賢手跡至幸至幸是月二十八日員嶠

真逸河東李個謹記 唐顏魯公詩筆高妙今古並俟余言而此卷固不可得

也況宋元名賢題識詞翰又妙絕尤不可得也以二不可得言之非寶而何哉

洪武辛亥三月馬生持此卷來余深愛之以置諸左右又一年壬子秋八月二

十又七日松雲生南州徐達左謹書耕漁軒中 此顏魯公為清遠道士而作

書卷時大歷間為刑部尚書年已六十有餘然字字皆有規矩不失常度予觀

生平碑刻正書其峻偉如山嶽銳利若戈戟其嚴毅莊重如端人雅士垂紳正

笏於廟堂之上不敢褻近此卷與多寶塔相似余未敢以伯仲許之多寶石刻

此則墨蹟尤為可寶者宜乎博雅君子珍藏什襲愈久而不失也公歷官太子

太師李輔國惡之盧杞嫉之屢遭貶逐年八十遣使李希烈雖不屈罵賊而死

亦少知幾哉悲夫宣德七年四月二日翰林院國史檢討廬山陳繼敬識 天

順八年歲次甲申冬十月之吉歸田前通議大夫兵部左侍郎兼翰林院學士

知制誥經筵官淳安商輅拜觀 大明正德十有四年太歲在庚辰長至後六

日壬戌雨東豐坊觀於復古堂 石刻 題跋

魯公以正書書清遠道士詩及和詩端勁中氣韻冲夷求之碑版中微與宋文

貞碑相類魯公所謂如印印泥如錐畫沙於此求之思過半矣 庚子鐘 夏記

案是詩原題大曆五年十二月十日刑部尚書顏真卿書據年譜大曆五年

魯公尚在撫州刺史任不應至虎邱題詩亦不應書刑部尚書銜詩云不到

東西寺於今五十春公撰舅氏殷踐猷墓碣云父子敬吳令蓋公幼孤隨母

育於外祖子敬吳縣任內曾到虎邱詩當作於大曆六年公罷撫州事至上

元謁顏舍墓復至吳郡游虎邱時大曆六年公年六十三逆推而上五十年

為開元十年公生於景龍三年其時方十四歲故追憶舊遊而作此詩公書

虎字皆缺末挑此帖虎字凡兩見皆直書不避後有陳繼跋與卞氏所錄祭

伯父文內陳敬宗跋語意全同疑此書是後人偽作今編於大曆六年顏含

碑後俟博雅者正之

虎邱劍池四大字

虎邱劍池四大字顏真卿書在虎邱劍池畔 數碑

虎邱劍池四大字蔡襄真書相傳為顏魯公書今查舊虎邱志訂為蔡公書無

疑金石林 時地考

虎邱劍池顏真卿書又蔡襄書在觀音殿又元周伯溫書在虎邱崖下 古碑目

真卿之劍池陽冰之講臺縱橫生動不假修飾其署書之雄秀者乎 碑學篇

案虎邱劍池四字唐宋元書者凡三家據碑數顏魯公書在池畔據古今碑

目蔡襄書在觀音殿周伯溫書在崖下金石林時地考謂魯公四字即蔡襄

書誤也魯公書無年月當即公罷撫州刺史由上元至吳郡時與清遠道士

詩同時書也

送劉太冲敘

右顏魯公帖 字缺 一番本乃送劉太冲敘也併及其仲氏太真 字缺 一舊唐史文藝

有太真傳不紀其與伯氏繼登天寶上第文集三十卷見館閣書目墓在縣北

號柘塘神市人月有祭禱必應溧陽人尤神之神道碑裴度撰蔣誼書昔曾易

置 字缺 一摩旋轉縣齋接到官初得之縣庖下僅存 字缺 一百七十有九字同郡李

兼經從相與起字一鄉賢出其家藏顏帖再摹入石并斷碑字二應壁敘言彭

城華望以劉於此邑為著字一纂云宣城陳留也開府澤州公山正禮表其先

世也平原從事銓部甲乙顏常汲引字一蹉跎卑位悼其窮也句溪春水此邑

時屬宛陵也鄭薰北望樓記言元載貶顏夷陵別駕後遷廬陵刺史道出蒲塘

有左伯桃詩第序腦亡太沖彭三字考汝越帖亦然莫可補闕云慶元己未上

已宣城戴援跋

送劉太冲序碧牋書王欽臣故物後有王參政名印王云因與唐垆兩出書各

誤收卷去垆以將才不偶命而德其無鄰字翦去碧牋宜墨神彩豔發龍蛇生

動觀之驚人不裝背揭去背紙以厚紙散卷之略一出即卷去其子云與智永

千文柳公權書柳尊師誌歐陽鄱陽帖並同葬矣亦可太息也或謂密為王銑

購去米芾書史

顏魯公送劉太冲敘真蹟在合肥王恩齡納言家亦渭南南氏錄劉體仁七頌堂識小錄

顏魯公送劉太冲敘綠箋書北京國學刻石真蹟奇宕為遼東李帥所藏董其昌

顏魯公送劉太冲序鬱屈瑰奇於二王法外別有異趣米元章謂如龍蛇生動

見者目驚不虛也宋四家書派皆出魯公亦只爭坐帖一種耳未有學此敘者

豈當時不甚流傳邪真蹟在長安趙中舍士禎家以余借摹遂為好事者購去

余凡一再見不復見矣淳熙秘閣續帖亦有刻畫釋堂

送劉太冲敘墨蹟舊在中書趙士禎家後歸之關中南宗伯宗伯沒其邑中舉

人東蔭商得之後復歸之南氏余從東君借臨月餘今國學所摹印即趙氏本

也視紙墨文字及書法俱小異豈世不止一本乎庚子繪夏記

劉太冲宣城人其弟太真唐書文藝有傳敘中云公山正禮策高足於前者漢

劉繇字正禮繇兄岱字公山也碑今在溧水縣學宮中癸卯秋邂逅楊奉修於

秦淮客邸出漢校官碑及此敘相贈余觀董思白戲鴻帖中所刻其精彩較勝

於此意董從真蹟鈎摹而此則後人據拓本而翻刻者也金石文鈔

右敘載魯公集行書筆筆作折釵股法為顏書之冠按宣城戴援跋云得劉太

真墓碑於縣庖下同郡李兼經案援跋云李兼經從謂李因出顏公送太冲真蹟遂刻石同置縣齋此碑蓋刻於慶元間趙氏已不及見然真蹟猶藏於陝西

東氏吾邑宋閔仲遇東孝廉於京師獲見之紙碧如玉墨黝於漆歷數百年如

初落筆者首闕劉太冲彭四字與刻本合冲弟太真史有傳登天寶上第文集

三十卷神道碑文裴度撰蔣潼書史既不為太冲立傳而太真傳又不及其兄

微此碑冲幾湮沒無聞矣米元章書史云此敘碧油牋書王欽臣家故物也華

陰王宏撰云此敘真蹟為渭上大宗伯南子與先生故物一孝廉借觀未還而

逸其姓豈即東孝廉也邪金石錄補

劉太冲帖碧牋書宋時為唐垆所收其子常語米老謂與智永千文柳公權等

書同葬則世間已無此帖矣而董思翁跋又謂在趙中舍士禎家當時有密為

王銑購去之語豈果為晉叔所得故流傳至今邪又米氏書史稱垆將才不偶

命而德其無鄰九字翦去今此帖九字無恙獨闕首行五字不可解也蓋唐人

善鈎摹或別有損本亦未可定顏書多遺古此敘獨秀潤有恣態為顏書最宜

人之作此敘不記所作之年按敘中有秦淮頂潮句溪春水之語亦當在刺江

寧時公以乾元二年六月自饒州移刺江寧明年二月追為刑部侍郎在江寧

者僅八月則知此敘與送蔡明遠敘同時皆當在乾元二年也案魯公以廣德

魯郡開國公此敘款云魯郡公顏真卿敘則非乾元二年作矣戴援跋引鄭薰

記謂公由夷陵別駕遷廬陵刺史時作則事在大曆三年然由硤州至撫州並

不取道江寧其說亦有未確此蓋大曆七年春公罷撫州事至江寧時作也

又敘中言昔在平原拒胡羯而請案石

清與從事乃知公以平原刺史拒祿山時太冲實與有功而舊史但稱清河客

李尊案史不及太冲非有此敘則太冲一段謀略幾沒殺千古矣則知此敘關

係太冲不小非直移贈而已此敘碧牋書碧牋宜墨故在顏書中獨為腴潤

此敘淳熙續帖亦有刻與世間流傳本迥不同其鬱屈飛動處更出今本之上

今本首行全闕劉太冲者彭五字或以小楷書補之淳熙本首闕上半行太冲

彭三字為完冲字有微闕劉字闕右半劉上尚闕三字則不知為何字矣吾謂

唐人善鈎摹此敘必有別本即此可見世稱顏公書多以雄勁題目不知其變

化乃爾人不自立家不能與古人惟肖顏公能打破右軍鐵圍故能爲右軍適嗣有志臨池者不可不知此語 顏公盡絕變化然比右軍猶覺有意所以不及右軍然不始於有意安能至於無跡故知龍跳虎臥真是規矩之至 虛舟題跋

八關齋功德記

會昌中有詔大除佛寺凡鎔塑繪刻堂閣殿宇關於佛祠者焚滅銷破一無遺餘分遣御史覆視之州縣震畏至於碑幢銘鏤贊述之類亦皆毀而瘞藏之此州開元寺先有太師魯國顏公以郡守條吏州人等爲連帥田氏八關齋會鐫紀大幢立石袤丈而圍幾再尋程材巨異八觚如砥偉詞逸翰龍躍鸞翔時刺史邑宰以其大不可折遂整鑿缺敗以仆之蓋三面僅存委埋於土倬大中己巳歲守郡明年嘗暇日訪求前賢事蹟郡從事涂君因言有魯公石幢索而得之墮壤之下瘞瘵壞失文義乖絕尋繹研究不可復知意其邑居之中必有藏錄其文者果於前刺史唐氏之家得其模石本完備炳然輝耀溢目倬自幼學慕習魯公書法纔不能窺涉其門宇然惜其高蹤湮沒遂命攻治其傷殘補續其次雖真贋懸越紹徇相屬且復瞻仰魯公遺文昭示於後矣大中五年正月一日敘 宋州刺史崔倬記

第一千四百七十七唐八關齋會記一第一千四百七十八八關齋會記二第一千四百七十九八關齋會記三第一千四百八十八八關齋會記四第一千四百八十一八關齋會記五第一千四百八十二八關齋會記六顏真卿撰并書崔倬補書大曆七年立 金石錄目

大曆七年壬子公年六十四有八關齋報德記 魯公年譜

右八關齋碑顏魯公書唐河南節度使田神功寢疾宋州刺史徐向等爲禳祈報恩者也唐書神功傳亦概見其事碑在今歸德州城外僧寺中永樂丁酉秋進士尹崇高奉使河南爲余致此本而每行下缺四字蓋打碑時爲夏潦所淹也 東里續集

唐世藩鎮跋扈之患所不忍言只如此碑乃因田公之病而爲之者當時所費不下千萬然當時有烜耀於此者今皆漸滅而田公之事獨以魯公之書而傳

余嘗評此書在顏碑者最爲奇偉蓋以其氣森嚴而又不窘束故爾 著潤軒碑跋

右顏魯公書字徑可二寸許方整遒勁中別具姿態真蠶頭鼠尾得意時筆也

此書不甚名世而其格不在東方家廟下故非餘子所及也記文宋州將吏爲節度使田神功疾愈請禱此猶裨媚驕帥之常亡足怪者第其時有可慨也蓋載縉鴻漸輩方以因果之說聳人主至引阿修羅帝釋爲證每虞至禮佛祈禱退則修八關齋飯僧報謝將帥體解而世風靡矣嗚呼唐之所以終不復振也由我 人稿

八關齋碑去郡城南里許爲魯公碑舊立處崇禎戊寅春碑之址築爲堞下臨濠水久之浸及碑郡人張翻遷之碑高八尺橫八稜稜尺許凡八百八十六字關七十四字 侯方域壯悔堂集

八關碑在歸德府字法大徑三寸許方整而有風致視他書更勝余向年官汴城於故家得一不斷本後督餉彼中親至碑下見石尙完好今爲時三十年得宋長公瑩寄此本乃碑之下段已盡泐落不勝慨然 庚子鎔夏記

案此碑止邦鬱以下至無回是初刻宋拓比今但多四十餘字不復完好矣退谷言得不斷本及尙完好者皆欺人語

新唐書田神功傳頗依此記纂輯故較舊史爲詳此所謂事增於前者也碑下段多闕爲擇甚灼然可知者稍補之以順文理而皆志之以圖蓋不欲以一人之私見愚天下耳目耳神功忠勇有功於唐雖爲鄧景山所引大掠揚州而要

不以一眚掩至慕光弼之所爲待下以謙羣帥感之祈禳報德亦其宜也而趙子函乃謂神功故非良臣徐向等媚其主帥非佳事不亦過乎從叔肖若自歸德府歸拓此本見示較之家藏舊本又闕數字因數金石之堅有時而泐而余愈不能已於集錄也 金石文鈔

右碑題云有唐宋州官吏八關齋會報德記行撫州刺史魯郡開國公顏真卿撰并書後題篆書云唐宋州刺史徐向及官吏奉爲汴宋觀察使右僕射信都王八關齋會報德記信都王者田神功也神功傳事母至孝收滄德攻相州拒杏園守陳留襲南德信討劉從諫攻敬缸及所歷官爵皆與碑合又謂神功寢

王八關齋會報德記信都王者田神功也神功傳事母至孝收滄德攻相州拒杏園守陳留襲南德信討劉從諫攻敬缸及所歷官爵皆與碑合又謂神功寢

疾宋之將吏爲禳祈報恩者卽此記也記云八關齋會者公疾良已之所建也宋州刺史李岑爲賊所圍破其黨而有造於州人不資齋明何有報德五月八日首以俸錢三萬設大會飯千僧於開元寺州縣官吏長史苗藏實等設一千五百人爲一會鎮遏團練官健副使孫琳等設五百人爲一會百姓等設五千人爲一會按代宗大曆中王縉元載杜鴻漸等喜飯僧徒以福業報應感上聽嘗令僧百餘人於宮中陳設佛像經行念誦謂之內道場州郡將吏尤而效之故雖魯公之賢忘其習俗之陋而爲此記良足慨已齊武帝永明元年五月於華林園設八關齋註云釋氏之戒一不殺生二不偷盜三不邪淫四不妄語五不飲酒食肉六不著花鬘纓絡香油塗身歌舞倡伎故往觀聽七不得坐高廣大牀八不過齋後喫食已上八戒故爲八關雜錄名義云八戒者俗衆所受一日一夜戒也謂八戒一齋通謂八關明以禁防爲義也今日叢林以臘月八日四月八日各冬夏結制而設戒期自六戒以下不聞於世然有過午不食之說非卽第八戒之意乎

金石後錄

按碑曰收滄德政相州拒杏園守陳留陷思明斬德信走從諫襲敬缸讓侯希逸破法子營封信都郡王等事舊史皆無之而新史悉合必歐陽公得此碑而更定之也新史又謂八年自力入朝卒代宗爲飯千乘門追福然七年壬子得疾宋州官吏爲之祈禳至八年卒而朝廷又爲飯僧追福可見當時從信釋氏之深也

金石評考

寶刻類編有此碑云顏真卿撰并書田悅篆額大曆七年立大中五年崔倬補書在應天劉昫唐書田神功傳云忠朴幹勇當時所稱而明趙嶠以神功非良臣徐向等媚其主帥非佳事實魯公爲撰爲書蓋以小節掩大功古人不如是矣碑後有刺史崔倬敘石幢事略云云則是此碑毀於會昌刻於大中者也倬寶重刻而非補書寶刻類編蓋誤倬見宰相世系表隋義同鄆城公榮四世之孫所書有太和六年四月裴度撰文宣王廟記在襄州見寶刻類編 篆額云唐宋□□州刺史徐向及官吏奉爲汴宋節度觀察使右僕射信都王八關齋會報德記是宣德郎楚邱縣令田說書其篆至劣寫餘爲偷派爲汴度爲度儀

爲儀簡爲倉唐人之不通篆學如此汴州以水名卽水經汴水出陰溝於浚儀縣北又東至梁郡蒙縣爲堆水地理志滎陽卞水在西南亦但作卞徐鉉注說文云汴今作汴非是或說隋煬帝避反字故改汴爲汴然則猶飯作鉢之屬也今依隸造篆不成字體若从地里志作卞亦當篆作卞字不應下加也悅卽神功族子通鑑大曆十四年二月魏博節度使田承嗣薨有子十一人以其姪中軍兵馬使悅爲才使知軍事卽悅是也後爲田緒所殺贈太尉見劉昫唐書

德宗本紀 中州金石記

右唐宋州官吏八關齋會報德記文字減沒關一百九字因以魯公文集校補以便快讀朝散大夫使下關持節宋州字徐向等下關奉字左右僕射知省下關事兼御史字之所建也下關公名字起下關孝字安安入務在於撫下關柔況字緝熙下關故能殿天字佐今下關右僕射李公忠臣字思明懼忠下關臣圖已令公字公斬下關德信走從諫遂并其字副元帥李下關光弼請公字又討敬缸下關紅歸順焉史字封信下關都郡字每食宿下關皆躬自省視字二年拜下關汴宋節度使遷兵部大曆二字妻信安下關王裒女爲涼國夫人人字居常不離下關左右閱讀史書或時疾字二寺下關以祈福祐三年字功下關既高字忽學熱下關疾沈頓字是卽下關我公字入於煎下關熬矣字徐君悅下關而從之來字開元伽藍將下關佐爭承惟字一千五百人爲下關一字者壽百姓張下關烈等設字又按碑本淪骨體文集作淪字臯文武將吏集作衆字羯胡構連集失胡字又討敬缸集作六年清河張氏集作清州則又集本之譌也元年拜戶部尚書集作戶部睦於烟黨集作親黨不茹薰集作茹薰禮識不絕集作禮識則當從碑爲正也首題顏真下當關卿撰字篆尾唐下當關行宋字則又推而可知也

竹雲題跋

碑今在河南歸德府南門內今之歸德府唐時爲宋州睢陽郡屬河南道故碑題宋州官吏也碑敘田神功歷官與新唐書神功傳同舊傳惟遷徐州刺史及廣德元年拜戶部尚書爲兩傳所無又淄清節度使兩傳作淄青似係碑偶筆誤也傳不載神功封母妻事碑稱妻信安郡王裒女裒爲太宗八子鬱林王

恪之孫贈張掖郡王追封吳王琬之子初封嗣江王徙信安郡王碑無建立歲
月其敘嬰疾修齋事云大歷壬子夏五月是爲七年傳敘神功之卒在大曆八
年而寢疾時宋之將吏爲禳祈報恩惟新書敘其事在八年以前亦不定爲何
年撰碑者顏真卿以其結銜考之宋文貞公神道碑署曰行撫州刺史爲大曆
七年九月立此碑署前行撫州刺史加一前字則已解撫州之任可知而湖州
之命卽在七年九月要是初離撫州未刺湖州中閒撰書此碑故加前字於行
撫州刺史之上則似修齋在五月立碑在九月與宋璟碑同時列於宋璟碑之
後爲宜也碑云設齋於開元伽藍河南通志載歸德府開元寺有三一在府城
東南明正統四年創建一在寧陵縣城西北四十里明正統閒創建一在虞城
縣治東始建未詳今此碑在府城南門當是府城東南之開元寺非寧陵虞城
二處矣設齋之數初徐向飯千僧旣而苗藏實等設千五百人孫琳等設五百
人張烈等設五千人凡飯僧八千人準以俸錢三十萬飯千僧之數則共糜錢
二百四十萬也王圻續文獻通考釋家總紀載大曆八年五月以太宗諱日會
有司修四千僧齋於服成寺八月修一萬僧齋於慈恩寺爲百姓祈福可見是
時修齋之會方盛而修齋必設戒故謂之八關會也續通考又載會昌五年上
惡僧尼耗蠹天下欲去之勅上都東都各留二寺天下節鎮各留一寺凡天下
所毀寺四千六百餘區此卽碑後載大中五年宋州刺史崔倬所記重刻石幢
之語其時幢已委埋於土則寺亦在折毀之數崔倬但云重刻顏碑而不云建
寺則通志所載之府城東南開元寺或非卽唐時此碑所立之舊址矣

金石
萃編

顏魯公文集卷二十六

原
书
空
白
页

寧鄉黃本驥仲良編訂

湘陰蔣 瓊維揚參校

書評七

劉中使帖

右唐太師顏真卿書劉中使帖真蹟著載宣和書譜南渡後入紹興內府至元丙戌以陸柬之蘭亭詩歐陽率更卜商帖真蹟二卷易得於張繡江處此帖筆畫雄健與蔡明遠寒食等帖相類顏而書旨慷慨激烈公之英風義節猶可想見於百世之下信可寶也三月十有二日大梁王芝再拜謹題於寶墨齋北燕喬贊成仲山觀 顏太師之書世不多見不肖生平見真蹟三本祭姪季明文馬病及此帖祭姪行書馬病行真皆小而此帖正行差大雖體製不同然其英風烈氣見於筆端一也此語豈可爲不知者道哉鮮于樞拜手書 右顏魯公劉中使帖微明少時嘗從太僕李公應禎觀於吳江史氏李公謂魯公真蹟存世者此帖爲最微明時未有識不知其言爲的及今四十年逾六十所閱顏書屢矣卒未有勝之者因華君中南持以相示展閱數四神氣爽然米氏所謂忠義映發頓挫鬱屈者此帖誠有之乃知前輩之不妄也帖後跋尾六通首王英孫次鮮于太常又次張彥清白湛淵田師孟最後亦彥清書蓋此帖曾藏於彥清所後易於英孫考觀跋語可見英孫所跋歲月宜在後不知何緣出諸公之前初疑裝池之誤欲令改易而張公鈐印宛然不可拆裂姑記於此以俟博識嘉靖九年庚寅菊月望日微明識 鮮于伯機題祭季明文天下書法第二吾家法書第一此又題劉中使帖漁陽筆法信有所自名不虛傳得此卷余已刻之戲鴻堂帖中董其昌觀因題跋記

生面非石刻所能髣髴也余生平獲見真蹟二小字麻姑記與此耳嘗有云桃源在何處迺見世道迂所以顏魯公細字記麻姑事近荒忽特賢者適嬰多虞世降俗陋假異境以明其志殆子欲居夷也維魯公忠實日月功載旂常固不待善書名於代況筆精墨妙若是邪昔桓伊渡江傷晉之弱及見王導輩語則知有託足之地余於是觀公剪擢之快亦知夫唐燭未息與史侯處厚尚義士也曠歲月而得之非尙義者不出示非其人處厚知所尙哉白珣題 右唐魯郡開國公太子少師顏真卿字清臣劉中使帖真蹟四十一字公嘗學書於張旭得屋漏雨法衍游京師覽公書最多衍之所藏送辛晃序顏昭甫殷夫人二語爭坐後帖朝回馬病帖皆經宣和紹興御府然俱未若此帖之雄放豪逸豈特入季明之室將與元氣爭長昔人云書一藝耳苟非其人雖工不足貴也惟公可以當之至大己酉中秋日拜觀於蘭谷大卿史侯之第蒙城田衍題 太平之日生長京師乃得會觀諸名公法帖故能考其筆法辨其真偽也如顏書且勿論碑本今專審其墨蹟如乞米李太保馬病皆真行祭姪文行草字如錢許大四帖相若皆白紙顏首夫人行書淡黃紙字亦錢許大昭甫諸正書甚嚴整有力白紙字亦錢許大全肖碑刻九南母誥寸五大字筆力不及白紙此劉中使帖字最大觀其運筆點畫如見其人端有開捷慨然效忠之態真希世之寶也時於明窗淨几展玩之餘收卷三數後之學者非不屬志米芾所謂心會而手不遂也飲中常用東坡硯山谷墨敬書於勸學齋張彥清重題 鐵網史丈新收顏魯公劉中使帖凡四十一字白湛淵鮮于樞田師孟跋是嘉興物 盧廷璧藏 都穆寓 意編

顏真卿大字瀛洲帖爲宋宣和御府故物元初藏張可與家後具王芝鮮于樞等六跋喬贊成題名弘治中歸之史明古嘉靖壬辰復在華中甫家而文徵仲爲之跋至甲子歲爲茂實府君所購後歸樵李項氏 清河書 按盧子期之擒在大曆十年十月吳希光之降在十一月新舊史皆同而魯公此帖敘希光降於子期擒前蓋傳聞之異耳史言擒子期事多同彼李承昭李寶臣皆身爲主帥史歸之功各就其人言之亦不足異而新書謂爲王武俊

所擒舊書王武俊傳又云寶臣將有節生擒子期以獻今此帖乃云舍利將軍擒獲之何其異邪有節史既不著其姓而此帖所謂舍利將軍者亦不舉其姓氏則此二人之不幸也舊書寶臣爲中使馬承倩所詬武俊說之與承嗣合曰今中貴人劉清潭在驛斬首送承嗣立質妻孥矣然則所謂劉中使者必劉清潭也希光後從朱泚叛賊平李晟斬之於安國寺金石文鈔

此帖與裴將軍書正同魯公忠義之氣出於天性故不覺色飛神動如此希烈醜奴乃欲屈鐵可恨可恨張丑清河書畫舫云顏真卿大字瀛洲帖爲宋宣和御府故物元初藏張可與家後具王芝鮮于樞等六跋喬贊成題名嘉靖壬辰歸錫山華中甫文徵仲爲之跋後歸楊李項氏康熙間錫山泰公子樹豐見於京師云字大如掌縱橫道古驚欲下拜今董氏所刻戲鴻堂字形差小王芝以下諸跋皆無之戲鴻所刻既拙惡又草率不復匠心一至於此余未見他刻僅據戲鴻堂臨之未知有合否耳竹雲題跋

與夫人帖

顏魯公頤首夫人帖真蹟楮紙破爛過半在駙馬都尉王晉卿家寶章待訪錄

魯公與夫人一帖當是其嫂今在王銑家米氏書史

魯公與夫人書迫切而有禮意黃山谷集

大曆七年壬子公年六十四九月至東京除湖州刺史十一月發東京有與夫人帖魯公年譜

人帖魯公年譜

顏魯公與李夫人帖在宋次道家見之墨池編按李夫人者魯公嫂也亦頤首夫人之例或云與李太保誤爲夫人非是清河書畫舫

案魯公幼孤撰仲兄九南神道碑云開元二十六年丁內憂時魯公年二十歲此帖云奉承十四日遷厝承問悲慕不能自勝惟攀慕不及摧毀何堪痛

當奈何痛當奈何則是遷母蘭陵郡太君殷氏柩與父惟貞合葬而與其夫人

人韋氏書也留元剛刻入忠義堂帖其撰公年譜編入大曆七年時方卸撫州事至東京又新授湖州之命距母沒已三十八年至是始得遷柩故言之

哀慘若此米元章所記乃其墨本因帖首有真卿頤首四字帖後又有真卿

頤首夫人閣下八字疑與夫人帖不應恭謹如是遂云當是其嫂墨池編從而和之又於夫人上加李字遂與頤首夫人帖歧而爲二致魯公同懷兄凡五人長闕疑娶殷氏見公撰殷履直妻顏氏碑次九南娶陳氏見碑數其第五兄幼與亦娶殷氏見公撰幼與墓碑惟第三兄喬卿第四兄真長所娶無考魯公之嫂其可考者皆無李氏蓋墨池編未見是帖臆揣懸度因有是說而清河張氏所謂於宋次道家見之者確是與李太保書非與李夫人書也與夫人書曰真卿頤首夫人閣下可見古人無處不敬即唱隨之際其致敬如此若云與嫂則與嫂叔不通問之禮相背矣

天下放生池碑并乞御書碑額表及碑陰記

唐放生池碑昇州刺史浙西節度使顏真卿撰并書肅宗乾元二年使驍衛郎將史元琮詔天下自山南至浙西七道臨江置放生池八十一所真卿爲天下放生池銘上之碑以大曆九年正月立乞御書放生池碑額表顏真卿書批答肅宗御書表以上元元年上真卿時爲刑部尚書碑以大曆九年立乞御書放生池碑額表碑陰記顏真卿撰并書初肅宗既許書額未及下而真卿貶碑不果立至大曆中爲湖州刺史始追建於州之駱駝橋東集批答御書字以爲額又序其事於批答碑陰以大曆九年立集古錄

乞御書題額恩勅批答碑陰記顏真卿書批答肅宗御書表以上元元年上碑以大曆九年立先是乞御書批額以被貶碑不果立至大曆中爲湖州刺史始追建於州之駱駝橋東集批答御書字以爲額又序其事於批答碑陰集古錄跋尾

湖州有顏魯公放生池碑載其所上肅宗表云一日三朝大明天子之孝問安侍膳不改家人之禮魯公知肅宗有愧於是也故以此諫執謂公區區於放生

哉東坡集

第一千四百九十七唐放生池碑上第一千四百九十八放生池碑下顏真卿撰并正書大曆九年正月 第一千四百九十九乞題放生池碑額表肅宗批

答附

第一千五百放生池碑陰記金石錄目

唐自天寶以後紀綱廢壞職官之濫不可勝載此記具列當時僚屬名氏凡團練副使別駕四人同團練副使一人長史三人司馬三人錄事參軍三人司功司倉司兵皆一人司法司戶皆三人司田司士皆二人參軍四人烏程縣令一人丞三人主簿一人尉三人長城縣令一人丞三人主簿一人尉五人安吉縣令一人攝令一人丞二人主簿一人尉六人武康縣令一人丞三人主簿二人尉四人德清縣令一人丞二人主簿一人尉三人一郡而吏員猥多如此然史不能盡記故詳錄之於此

金石錄

案放生池碑原刻已佚今僅於忠義堂帖見其摹本得金石錄所記亦可想見碑後題款之式湖州府志職官表所引此碑僚屬姓名僅二十二人曰團練別駕盧暹元自勵徐自然劉抗司馬張彥弼黃持志姚執玉烏程主簿李翼長城令朱自勉主簿張退慶杜勉陳宗之賈燦楊渙趙琪安吉丞楊齊光康造主簿盧勝武康令李汧主簿孫秘葉迅德清令范銛其餘則不可考矣金石錄載長城主簿一人尉五人湖志載張退慶等凡六人皆為主簿蓋杜勉等五人乃尉之誤也金石錄載武康丞三人湖志亦少一人

勅天下放生池碑舊在湖州文宣王廟今在魯公祠唐顏真卿撰并書肅宗乾元二年詔天下自山南至浙西臨江置放生池八十一所真卿為天下放生池銘上之碑以大曆八年立顏真卿集肅宗御書批答字題放生池碑額又附其事於碑陰表以上元元年上碑以大曆九年為湖州刺史時立

輿地碑目

乾元二年己亥公年五十一有天下放生池碑銘按放生池碑陰記及碑銘皆載二年湖州碑陰記後乃書作三年三月致之乞御書碑額表云去年冬任昇州刺史日述碑銘一章自書額本附史元琮進乞御書題額以光揭不朽緣前書點畫稍細恐不經久今謹據石壁寫大書一本奉進特乞聖恩俯遂前請然則碑銘必是年所作而再進壁窠之本在於次年故繫以改書之年耳藝文類聚有梁元帝荊州放生亭碑世謂放生建碑始於唐非也三年二月有乞御書天下放生池碑額表大曆八年正月至湖州任七年追建放生池碑銘九年有乞御書題額恩勅批答碑陰記

魯公年譜

肅宗之放生煦煦小仁無足稱者當時池多至八十餘所而此碑獨以魯公詞翰而傳則夫天下之可恃者果在乎尊榮也哉公之書人皆知其為可貴至於正而不拘莊而不險從容法度之中而有閑雅自得之趣非知書者不能識之要非言語所能喻也

碑集

沈氏述祖德碑陰記

大曆八年癸丑公年六十五十二月有沈氏述祖德碑

魯公年譜

沈氏述祖德碑并碑陰記碑下一半缺不見書撰人名氏大曆八年十二月立

復錄碑

梁沈氏祖德碑立金鵝山後裂為十六段藏之縣帑宋元祐中太守林希刻石

記其事

德清縣志

德清縣金鵝山上有沈氏述祖德碑記梁天監癸未春三月系孫麟士述唐大曆癸丑冬十二月刺史顏真卿撰碑陰記

石柱記箋釋

謝太傅塘碑陰記

安吉州晉謝太傅塘碑舊碑在謝公鄉顏真卿取舊史遺文刻石而書其陰

今碑在墨妙亭

輿地碑目

案謝公塘在湖州西四里不在安吉

謝公塘碑唐刺史裴清撰僧道說書大曆七年十月十一日龍興寺沙門皎然

建復錄碑

案魯公記即刻於此碑之陰公以大曆八年正月始至湖州復齋碑錄云此碑大曆七年十月十一日建則公未至之前三月梓山僧皎然所建也公書碑陰應在八年正月以後致湖州志郡守表魯公以前刺湖州者有永泰二年蕭定無裴清之名則志闕也

湖州石記

右湖州石記文字殘缺其存者僅可識讀考其所記不可詳也惟其筆畫奇偉非顏魯公不能書也

集古錄跋尾

湖州石記碑字殘缺不見年月及書人姓名驗其字畫蓋顏魯公書也

輿地碑目

干祿字書

唐干祿字書濠州刺史顏元孫撰湖州刺史顏真卿書初元孫以字書分四聲定爲正通俗三體真卿以大曆九年正月刻石於湖州

集古錄目

右干祿字樣別有模本文注完全可備檢用此本刻石殘缺處多直以魯公所書真本而錄之爾魯公書刻石者多而絕少小字惟此注最小而筆力精勁可法尤宜愛惜而世俗多傳模本此以殘缺不傳獨余家藏之

魯公在湖州所書爲世所傳者惟干祿字書放生池碑尙多見於人家而干祿字書仍楊漢公摹本其真本以譌缺遂不復傳獨余家集錄有之惟好古之士知前人用意之深則其埋沈摩滅之餘尤爲可惜者也

集古錄跋尾

第一千四百五十九唐干祿字書顏元孫撰真卿正書大曆九年正月

金石錄目

大曆九年甲寅公年六十六正月作干祿字書序書於湖州刺史宅東廳院

魯公譜年

案以上四條論湖州原刻本

太師魯公忠孝全德儀刑古今存道沒身煥乎國史文學之外尤工隸書盡鍾繇之精能極逸少之楷則頃因左官曾牧茲郡才大事簡居多餘閒錄干祿字樣鑄於貞石仍許傳本示諸後生一二工人用爲衣食業晝夜不息利缺遂多親姪禹案禹魯公同母弟九歲之子頃牧天台懼將磨滅欲以文字移於他石資用且乏不能克終漢公謬憩棠陰獲觀墨妙得以餘偉成禹之意自看摹勒不差纖毫庶筆蹤傳於永永時用開成四年六月二十九日

楊漢公重刻記

唐重模干祿字書開成四年楊漢公以舊本譌缺重模刻石并爲記附於碑後今其本比顏魯公所刻差完可以備用

集古錄目

右干祿字樣模本顏真卿書楊漢公模真卿所書乃大曆九年刻石至開成中遽已譌闕漢公以謂一二工人用爲衣食之業故模多而速損者非也蓋公筆法爲楷模而字書辨正譌謬尤爲學者所資故當時感傳於世所以模多爾豈止工人爲衣食業邪今世人所傳乃漢公模本而大曆真本以不完遂不復傳若顏公真蹟今世在者得其零落之餘藏之足以爲寶豈問其完不完也故余

並錄二本並藏之亦欲俾覽者知模本之多失真也

集古錄跋尾

第一千四百九十六干祿字書模本

金石錄目

歐陽文忠言漢公模本多失真則不然今觀此書精樸勁媚殊得顏真楊自以爲不差纖毫信矣然文忠又云干祿之注持重舒和而不局促余輒易之曰持重而不局促舒和而含勁氣迺盡魯公之筆意也崇寧壬午歲九月十二夜試

姑蘇仲璋筆

東觀餘論

案以上五條論湖州重刻本

干祿字書碑二一在墨妙亭一在魯公祠

輿地碑目

案在墨妙亭者原刻本也在魯公祠者重刻本也二本今皆不傳惟蜀本行

世

干祿字書宋時已無善本黃伯思云刻者爲衣食計搨者多也仲父得之董文行者頗舊

碑帖紀證

此本宋時已磨糊近世搨者絕少丙戌於同年友呂無黨編修處見之云以千錢市得但不知是楊漢公模本否

金石錄續錄

案湖州原刻歐陽公後無及見者以上二條皆云舊搨當是楊漢公模本

柳公權對穆宗

柳公權對穆宗

固如是

魯公筆蹟乃知公

言不妄魯公忠正

功名事業列於

國

全德偉行英風義

映千古文學之外

隸書大小二體筆

勁如服介冑如冠

凜凜乎若誦盧杞

希烈有不可犯之勢

其心畫

所寓誠可畏而仰之往由左宦臨牧吳興暇隙書干祿字樣鑄刻於石傳示後

生然石刻在刺史宅東廳院傳之惟艱故世罕得善本而蜀士大夫所見惟板

刻尤鮮得其真府尹龍閣宇文公比刺湖州得魯公所書與楊漢公所摹二本

特爲精詳於是俾以楊蜀二本參校若顏書之刊缺者以二本補焉不可推究

者闕之令通顏書之士摹勒刻石於類便學者矜式且欲所傳之廣壬戌八月

既望成都句詠記

顏魯公干祿字書碑在

金州郡治之蓬萊堂

輿地碑目

余讀顏魯公家廟碑知公世有書學及覽顏秘監于祿字書益信蓋秘監於公為伯父其所辨證偏傍結構雅俗燦然而公於此書尤加意幾無一筆縱緩余故識而藏之以為臨池指南書曰于祿蓋唐以書判取士故耳

并州山人四部稿

此顏魯公于祿字也按成都句詠跋公書刺湖州此刻初在其宅東廳後翻刻蜀中余所得乃全帖然缺平聲字雖上聲亦不完豈是二石或一石而兩面書之余所得者乃其半邪或所謂刊缺而不可推究者邪然不應缺之多也書感於晉顧多破壞其體魯公此本特正其謬誤以惠學者則其書名豈特妙於筆墨而已詠所書與公書頗類豈書師公而得其髣髴者邪

魏翁家藏集

右顏魯公于祿字書辨別字之正俗及通用亦間有析其義者云于祿者蓋唐以書取士也而公真書小字之傳於後者亦獨見此耳

東里集

唐人以書判取士而士大夫書類有科舉氣習顏魯公作于祿字書是也

姜堯章書

于祿字書一卷唐顏元孫撰元孫吳卿之父真卿之諸父也官至滌沂濠三州刺史贈秘書監大曆九年真卿官湖州時嘗書是編勒石開成四年楊漢公復摹刻於蜀中今湖本已泐闕蜀本僅存宋寶祐丁巳衡陽陳蘭孫始以湖本鈔本本朝楊州馬曰璐得宋槧翻刻之即此本也然證以蜀本率多謬誤如卷

首序文本元孫作所謂伯祖故秘書監乃師古也蘭孫以元孫亦贈秘書監遂誤以為真卿稱元孫而以序中元孫二字改為真卿以就之曰璐亦承其謬殊為失考其他闕誤亦處處有之今以蜀本附校補闕文八十五字改謬體十六字刪衍文二字始稍復顏氏之舊是書為章表書判官作故曰于祿其例以四聲隸字又以二百六部排比字之後先每字分俗通正三體頗為詳核其中如虫蟲圖商商凍凍截然兩字而云上俗下正又如兒古貌字而云貌正兒通非之作非芻之作莖莖直是俗字而以爲通用雖不免千慮之失然其書酌古準今實可行用非詭稱復古以奇怪釣名者

四庫全書總目提要

顏魯公于祿字書在開成間石本已有刊缺至歐陽公為集古錄稱楊漢公撫本並多滲漫此蜀本勒石於紹興壬戌其去歐公時又百有餘年矣卷中自陽

庚二韻而後類多凌亂失次又嘗見寶祐間柳陽本近日吳門錢板以行與蜀

本小有同異而唐韻之清素略無是正豈開成楊刻印已譌誤邪抑誤自紹興邪又何以蜀楚兩本並誤邪至蜀刻凡脫成凡蚌丰從丰及注中並上小誤或由傳摹失真觀此則其於用筆結體更無足言矣吾友金慕齋閣學籤識前後

位置不爽此石至今尚存雍正癸丑同年顧觀察稼軒官蜀歸曾以見貽較此稍遜蓋此本當是百年前舊搨慕齋宜善藏之恐後此並不多觀也

汪由敦松泉文集

序稱第十三姪男真卿書按顏氏家訓曰兄弟之子北土多呼為姪案爾雅喪服經左傳姪名雖通男女並是對姑之稱晉世以來始呼叔姪

晉書王湛傳濟才氣抗邁於湛

略無子姪姪而又加男此唐人之俗稱也

柳宗元祭六伯母文亦自稱姪男

雅女子謂舅弟之子曰姪喪服傳曰姪丈夫婦人報又曰謂吾姑者吾謂之姪

賈公彥疏曰姪者對姑之稱若對世叔唯得言昆弟之子不得言姪也春秋傳曰姪其從姑繼正用此所謂通男女

之稱又曰齊靈公娶於魯曰顏懿姬無子其姪驪聲姬生光又曰臧宣叔娶於鑄生買及為而死繼室以其姪生紇今人謂兄弟之丈夫子亦曰姪非也古者兄弟之子皆曰子漢書疏廣與其兄子受父子並為師傳後漢書蔡邕與其叔父質得罪上書自陳亦曰言事者欲陷臣父子晉書謝安傳安與兄子元父子皆著大勳世說江左殷太常父子亦謂殷融與其兄子浩

史記武安侯傳往來侍酒魏其跪起如子姪疑當時未有稱姪者漢書作子姪禮記喪大記注子姪謂家子孫也列

子泰穆公謂伯樂曰子姪有可使求馬者乎

朱子語類姪字本非兄弟之子史記外戚世家既體合矣或不能成子姪

所當稱當稱從子為是自曾祖而下三代稱從子高祖四世而上稱族子

金石記

金石文字記收得此本證其序稱第十三姪男真卿書推明姪男為當時俗稱語不為無據然魯公臨書亦少有譌舛證之說文繫傳云此書釐字改未為牙字字轉口為向鄰正體也而謂之譌降俗謬也反謂之正益為病矣蓋徐氏所訂已如此惜余未親全本為一詳攷也又徐氏謂顏元孫作于祿字書其從孫真卿書之於石案序既云第十三姪男家廟碑又云生我伯父諱元孫則從孫殆從子之譌傳鈔者不及審也為附正於此

授堂金石跋

按唐書地理志濠州鍾離郡濠字初作豪元和三年改以濠韓退之有徐泗濠三州節度掌書記廳石記洪慶善致退之作記在貞元十五年因據唐志以證俗本作濠之誤而吳曾能改齊漫錄駁之且引杜佑通典稱濠州北齊爲西楚州隋改曰濠州因濠水爲名而唐初因之佑上通典在貞元十年其書初不見豪字以此知韓文作濠者爲是今攷此碑元孫結銜稱滁沂豪三州刺史豪不從水旁石刻分明可以徵信又廣韻豪字下注州名古鍾離國隋改爲州廣韻本於孫愐愐撰唐韻在天寶十載足徵其時州名不從水也李吉甫元和郡縣志亦云武德五年杜伏威附改濠州濠字中間誤去水元和三年又加水焉正與唐志相合杜氏通典偶漏不載而吳乃據以議歐志之失豈其然乎

潘研堂金石文

尾跋

魯公書石遍天下其存蜀者僅武連逍遙樓三字至南部縣離堆磨崖記已泯建州中興碑則紹興初攝州事吳玠摹刻而費少南跋之四川新舊志不復舉其名矣于祿碑見潼川州志謂公自書在州學予惟歐陽公以謂于祿書真本開成中石已譌缺世所傳者乃楊漢公摹本潼安得有此亟訪之尊經閣下碑石厚尺餘穴兩旁如貫緯之制其正面則表裏刻之碑下斷一尺餘宋人跋已不完跋首言于祿碑在湖州刺史宅東廳蜀士大夫所見惟板刻鮮得其真府尹龍閣宇文公比刺湖州得公所書以下州職官志宇文氏三人昌齡雙流進士時中成都進士峒成都人修治學校四川科第志無時中名惟費著氏族譜言宇文氏凡六院其自廣都院者閔中粹中虛中迭登第時中賜進士第後以直龍圖閣知潼川即是跋所云府尹龍圖閣者矣虛中以建炎初使金被留遇害與時中爲兄弟行碑之立當在建炎紹興之際容訪足本再考之吳省欽白華前稿顏元孫于祿字書一卷見唐志此碑題額標首皆作字書集古錄因楊漢公跋題曰字樣非也元孫果卿之父兩唐書並附見果卿傳碑首題朝議大夫滁沂豪三州刺史上柱國贈秘書監顏元孫撰據傳但云歷官長安尉太子舍人亳州刺史卒此云滁沂豪三州刺史與顏氏家廟碑所述正同則劉歐兩史略也次題第十三姪男金紫光祿大夫行湖州刺史上柱國魯郡開國公真卿書考

家廟碑敘顏氏世系自後齊黃門侍郎之推生思魯思魯楚游秦三子思魯生動禮其兄弟行又有師古相時育德三人動禮生昭甫敬仲殆庶無恤少連務滋辟疆七子昭甫生元孫惟貞二子元孫生春卿果卿曜卿旭卿茂曾五子惟貞生闕疑九南喬卿真長幼與真卿允臧七子是元孫爲真卿之伯以果卿兄弟雁行數之真卿應居十一而云第十三姪者或統男女計之或尙有諸兄早觴廟碑所不及也此碑序云元孫伯祖故秘書監者即顏師古爲勸禮之兄故稱伯祖耳云貞觀中刊正經籍因錄字體數紙以示讎校楷書當代共傳號爲顏氏字樣又云後有羣書新定字樣是學士杜延業續修二書皆不見於著錄蓋是書既出之後較師古延業所著特爲詳善而二書遂以不傳也顏於宋齊隋唐間皆爲著族以簪紱世家至開天時更以忠節顯名天下然顏氏自之推以後類能研覃經史著書立說而於六書聲韻之學尤有專長其所撰述此書之外載隋唐兩志經解小學類者則有之推急就章注一卷訓俗文字略一卷筆墨法一卷感楚證俗音略一卷師古匡謬正俗八卷急就章注一卷真卿韻海鏡源三百六十卷餘如之推家訓書證篇游秦漢書決疑師古漢書注諸書皆於小學家言再三致意是則一門著作多有淵源其討論之功非止旦夕元孫字書繁簡得中辨證確鑿爲歷代楷模者宜也唐制取士之法兼及書判有小學科此書剖析正俗便於蒙誦故以干祿命名書分平上去入四聲所列表韻之先後爲次統分通正俗三等其例凡六有舉二字而注上俗下正者切功之類是也注上通下正者蒙蒙之類是也亦有二字並正者躬躬之類是也有兼舉二字而分疏其義者童僮之注上童幼下僮僕之類是也有舉三字而注上俗中下正者聰聰之類是也注上俗中通下正者茲茲之類是也雖通卷未必折衷至當盡合六書之義然唐承六朝之後書體譌謬百出得是書綜其大概以津逮學者實足以輔翼經史且其時三蒼字林凡將勸學飛龍諸書尙存採擇既博說或不同未可概以許氏說文律之也原碑爲魯公刺湖州時所書刻於大曆九年開成中楊漢公嘗有摹本集古錄兼收兩碑已云原碑殘缺過多則自宋而後濫已不顯今楊漢公本亦不可見而湖州府志猶存其跋

玩謬懸棠陰獲觀墨妙諸語是漢公所摹之本仍在湖州而此碑後刻紹興壬戌成都句詠跋稱府尹宇文公比刺湖州得魯公所書云云則宇文所摹自在蜀中故至今潼川學宮猶存其石與地碑目稱千祿字書湖州有二一在墨妙亭一在魯公祠者謂原碑及漢公本也元談鑰吳興志稱千祿字書今在墨妙亭者其時原碑已亡僅據漢公摹本而言也鄭元慶湖錄論此碑乃謂與地碑目所云即楊漢公宇文時中所摹之二碑談志在紹興之後何以止載其一則元慶誤以宇文摹本為在湖州而反疑談鑰之陋其謬甚矣宋金兩史皆有宇文虛中傳而無時中傳四川通志但於職官志載時中名注云成都人據元費著氏族譜則時中與虛中為兄弟行以直龍圖閣知潼川與碑悉合而不言其嘗刺湖州且時中身為刺史留心古蹟如此當時善政必有可紀者而湖州府志名宦傳不載并郡守表亦無其名何歟碑字方整有法度尚存魯公遺意句詠跋所云令通顏書之士摹勒刻石者信非虛語而鮑翁集直謂詠所書與公顏類則誤也詠跋又謂蜀士大夫所見惟板本是南宋初已有登諸梨棗者其後寶祐丁巳陳蘭孫亦書以是書雕板尚存於世近楊州馬曰璐所刊千祿字書即用宋本然其中謬誤不一而足誠如四庫提要所云者今石刻雖已斷缺而可見之處猶有十之七八以校陳氏之本迥有徑庭昶書手錄其文詳加校定偏旁點畫一依原碑行付剞劂冀復顏氏之舊焉

金石萃編

案本朝魏裔介刊有千祿字書二卷載入四庫全書小學存目類卷端加以考證其題炎午案者當為顧說亦有不標名者疑即裔介所加也

竹山潘氏堂聯句

大曆八年癸丑公年六十五有潘丞聯句

魯公年譜

唐太師魯郡文忠公在吳興日宴客於竹山潘氏堂聯句而手書之凡十九人如處士陸羽僧皎然李觀房夔輩皆知名士而所謂聚韻須者於公為子姓皆有文行官爵具家廟碑中公此書遒勁雄逸而時時吐姿媚真蠶頭鼠尾得意筆大較與家廟韻頤而此乃手跡又當遠勝之第宣和書譜實載之目錄而考無祐陵御題及宣和瓢印前僅冠以緝熙殿章而後有米元暉鑒定按緝熙殿

理宗朝所建也雖隆準宛然能無邯鄲子輿之惑乎哉不知靖康之變玉盤金魚散在人間雖以光亮懸勇爵餅金購募而應者拆洗去之小米能別書不能別所以或為諱其自至理宗日始加以秘殿章識耳此事與楊少師神仙起居法極相類晉府圖書則當見收於恭王以永樂之籍入紀綱手而後佚之如高克明雪霽山行之類不可勝紀余既書此人或笑余直當以入法定真贋不當瑣瑣出處令後人目以為黃長睿也

弁州續集

絹本原屬大幅跋裝冊子正書字大如小拳結字端嚴運筆格如有天然沉着之氣非諸刻本光硬板實者比誠為至寶宣和書譜所載復經紹興內府所收前宋綾隔水宋紙標籤書顏魯公竹山聯句詩帖上上品字亦古雅本絹上下角鈐紹興連珠大璽鈐縫押緝熙敬止朱印又一古印莫辨詩前書竹山聯句題潘書光祿大夫行湖州刺史魯郡公顏真卿敘並書下押珍秘及希世之寶子孫寶之皆明晉府藏印詩後書會大曆九年春三月字下有一舊印模糊難辨上下鈐紹興連珠大寶宋綾隔水鈐押御府之印晉府圖書二大印又鈐張氏珍玩容齋清玩二印後紙米玄暉題右顏真卿書竹山書堂詩真跡臣米友仁鑒定恭跋並王元美昆仲二跋此本為真定相國家藏囊曾有人來售索價甚昂未幾聞已轉入宛平相公家矣以為不能復覩相去三十餘年復得一見是知與翰墨有緣也

雲泉安氏記

蠶頭鼠尾碑即竹山顏魯公書在明月峽中唐宋名人石刻最多惟此碑尤大州縣數來摹損土人憚費擊碎之

下志

按公以大曆七年秋九月除湖州刺史九年三月與處士陸羽等十八人聯句於潘氏竹山書堂時公年六十有六年譜載聯句於大曆八年誤也先是公以天寶中作韻海鏡源屬祿山亂中止乃刺湖州乃以大曆八年與沙門法海李粲陸羽等十八人增修於陸處士之三癸亭九年春遂終其事上之其聯句於一十八人內同者處士陸羽廣漢李嶸河東裴修河南陸士修京兆章介顏粲潘述并公凡八人蓋增修韻海之暇春和景明集燕於潘氏書堂聯句為樂碑銘所謂紛吾著書羣彥惠臻著也時公與元載不協加勤於政而公務餘閒仍

復優游揔適如此不特可以見公之政治并其不畏強禦不懼禍譴胸次浩落亦可見矣此卷宣和御府所收康熙間歸真定梁相國刻秋碧帖中顏楷之存於今唯此及自書告朱巨川告三種而已宋人論魯公書原本登善觀其大凡無毛髮似處余悉心臨寫恍然有契乃知褚顏兩家非徒用筆不殊卽其結體亦無一不合東坡云論畫以形似見與兒童鄰古人精鑒信非兒童輩所能望見鼻孔也虛舟題跋

案此詩摹入秋碧堂法帖劉宋時謝世基齊謝朓皆有連句詩其曰連句卽聯句也曰題潘書當是題潘氏書堂脫氏堂二字也曰顏真卿敘并書謂衆人各爲一韻公爲次敘之并書也全唐詩錄公聯句詩二十一首未載此詩會者十有八人姓名見全唐詩石尊聯句者十一人詩中喜作憲顏顏作顏行

顏魯公文集卷二十八

寧鄉黃本驥仲良編訂

湘陰蔣 瓊維揚參校

書評八

顏杲卿碑

第一千五百四唐顏杲卿殘碑顏真卿撰并正書大曆九年金石錄目

乾元二年己亥公年五十一有顏司徒碑銘唐公年譜

唐贈太子太保顏杲卿碑從弟真卿撰并書大曆九年立至貞元十八年傾倒

石折元和元年十月外甥盧佐元重書孫男證建立寶刻彙編

顏杲卿字昕魯公之同祖兄也以光祿寺丞攝常山太守衛尉卿兼御史中丞

天寶十五載死逆胡之難贈太子太保諡忠節葬萬年縣鳳栖原唐公集

妙喜寺碑

大曆九年甲寅公年六十六有妙喜寺碑唐公年譜

案妙喜寺在湖州杼山僧皎然駐錫地也處士陸羽建三癸亭於此魯公招

集文士修韻海書成作記文載集中無書者姓名然此碑為勝游而作必公

自書也當與放生碑石柱記同為郡守登地具矣可勝慨哉

歐陽瑯碑

唐商州刺史歐陽瑯真卿撰并書瑯字瑯勃海人仕至商州刺史武關防

禦使去官不仕而終碑以大曆十年十月立唐公年譜

右歐陽瑯碑顏真卿撰并書余自皇祐至和以來頗求歐陽氏之遺文以續家

譜之闕既得顏魯公歐陽瑯碑又得鄭真義歐陽謹墓誌以與家所傳舊譜及

陳書元和姓纂諸書參校又問於呂學士夏卿世稱博精於史傳因為余考正

譌舛而家譜遂為定本然瑯瑯碑所失者四顏公書穆公封山陽郡公呂學士

云陳無山陽郡山陽今楚州是也當梁陳時自為南兖州而以連州為陽山郡

然則陳書及舊譜皆云穆公封陽山公為是而顏公所失者一也舊譜皆云堅

石子質南奔長沙顏公云自景達始南遷其所失者二也歐陽生自前漢以來

諸史皆云字和伯而顏公獨云字伯和二字義雖不異然當從衆又顏氏獨異

初無所據蓋其繆爾其所失者三也元和姓氏及謚銘皆云允約之子而顏公

獨以為訖子其所失者四也瑯之世次不應舛亂如此蓋謚之卒葬在咸亨上

元之間去率更未遠真義所誌宜得其實瑯卒大曆中唐之士族遭天寶之亂

失其譜系者多顏公之失當時所傳如此不足怪也治平元年夏至日書銘闕

其末數句不補唐公年譜

案歐陽公云銘闕末數句今集本銘三十二句皆全

第一千五百八唐商州刺史歐陽瑯碑上第一千五百九歐陽瑯碑下顏真卿

撰并正書大曆十年十月金石錄目

大曆十年乙卯公年六十七有歐陽瑯領軍碑唐公年譜

歐陽瑯碑顏真卿撰并書在榮澤縣天下金石志

歐陽瑯字子瑯勃海人官游擊將軍左領軍衛大將軍兼商州刺史武關防禦

使上柱國上元二年卒年六十有五大曆十年冬葬榮澤縣廣武原唐公集

元結墓表

右元次山銘顏真卿撰并書唐自太宗政治之盛幾於三代之隆而惟文章獨

不能革五國之弊既久而後韓柳之徒出蓋習俗難變而文章變體又難也次

山當開元天寶時獨作古文其筆力雄健意超拔不減韓之徒也可謂特立之

士哉唐公年譜

第一千五百五十五唐元結碑上第一千五百五十六元結碑下顏真卿正書

金石錄目

右唐元結碑顏魯公撰并書按唐書列傳結後魏常山王遵十五世孫而碑與

元氏家錄序皆云十二世蓋史之誤又碑與元和姓纂皆云結高祖名善禕而

家錄作善禕未知孰是也金石錄目

大曆十年乙卯公年六十七有元次山表墓碑唐公年譜

按史龐承鼎以申泰芝事被殺嚴鄧坐流見嚴鄧傳今碑言俾君按覆君建明

承鼎無罪而史不之載何邪金石錄目

此元公次山墓表也墓在魯山青條嶺泉陂原故吏大曆令劉袁江華令瞿令
間等樹碑撰書皆出魯公手元公自是唐家賢臣而魯公亦贊揚盡致所謂忠
烈義激文武直清信非溢美碑四面環書字大徑三寸許深厚穩重蓋魯公得
意書也按碑公以道州刺史轉容州都督兼本管經略使丁內憂百姓詣使請
留大曆四年拜金吾衛將軍兼御史中丞本管使如故公矢死陳乞者再三優
詔襄許七年春朝京師四月薨於永崇坊旅館蓋公既宅憂節度使以百姓請
留具疏故以本管使加拜金吾將軍御史中丞及陳乞詔許遂去官服闋入朝
卒於京師碑所云四年七年者語自明悉而新唐書云會母喪人皆詰節度使
府請留加金吾將軍民樂其教至立石頌德罷還京師卒於公矢死懇請優詔
襄許皆略而不書而於加金吾將軍下贅以民樂其教云云若公遂奪情留任
者然且云罷還京師者亦不合此皆記載之謬急宜釐正者至於兼御史中丞
之漏猶其小者也公父延祖移家魯縣故公葬焉碑近移置學宮金石錄

右容州都督元結表墓碑顏魯公書四面刻字與宋廣平李舍光及家廟碑式
相同後題大曆下闕一字據魯公行狀稱大曆七年除湖州此碑署湖州刺史
必在七年以後矣唐書元結傳稱會祖仁基寧塞令而碑云襄信令又稱父延
祖再調春陵丞而碑云歷魏城主簿延唐丞皆其異者潛研堂金石文政尾

碑舊在青條嶺余近所見揭本蓋魯山李居來家所藏持以贈余者字間有剝
泐證以舊志所載全文讀之始無遺缺碑云曾祖仁基朝散大夫襄信令傳乃
作寧塞令次山父延祖歷魏城主簿延唐丞傳僅云再調春陵丞而已春陵漢
舊縣宋景文書唐人仍襲用舊名使其歷官所在後世幾不可考殆非例也元
和郡縣志春陵故城在延唐縣北十里景文於傳書之其亦用古之過而遂僻
澀如是與凡史以紀實也作尋常文字猶不宜遷就其詞況乎成一代之史以
俟後世其毋益滋之惑而大失真與碑載次山起家為道州刺史為西原賊所
陷人十無一戶纔滿千今傳云遺戶裁四千攷次山春陵自序道州舊四萬餘
戶經賊以來不滿四千傳所書當據此文而碑云戶纔滿千真卿在當時手自
傳錄理亦不謬然或更有所本與殆亦詩人靡有孑遺之謂與次山祖傳云諱

亨字利貞碑惟云利貞由避肅宗諱不書授堂金石跋
容州都督元結表墓碑大曆○年十月立其文與新唐書本傳略同宋祁當即
據此為之惟碑云祖利貞史云祖亨字利貞碑云充山南東道節度參謀史作
西道碑云猗玗洞史作猗玗沮碑云將家讓濱史作讓濱蓋傳寫之誤李義山
作元結文集後序云見憎於第五琦元載故其將兵不得受作官不至達母老
不得盡其養母喪不得終其哀碑獨不述其事者以同時忌諱而新唐書則應
採錄此事乃僅襲碑文何也碑云葬君於魯山青嶺泉陂原今在縣城北三十
里青嶺俗名青條嶺也中州金石記

銘載道士申泰芝誣湖南都防禦使龐承鼎謀反并判官吳子宜等皆被決殺
推官嚴郢坐流俾君按覆君建明承鼎獲免者百餘家新唐書結本傳不載此
事惟附於嚴郢傳方士申泰芝舊唐書以術得幸肅宗邀遊湖衡間以妖幻詭
衆姦賊巨萬潭州刺史龐承鼎按治帝不信召還泰芝下承鼎江陵獄郢具言
泰芝左道云云帝怒叱郢去卒殺承鼎流郢建州與誌銘符舊唐書呂諲傳龐
承鼎因奉芝入奏至長沙繫之遣使奏聞輔國黨奉芝召泰芝赴闕既得召見
具言承鼎曲加誣陷詔鞫承鼎誣罔之罪据是則泰芝不過指承鼎為誣陷何
至帝怒不已必致之死地以銘考之泰芝乃誣承鼎謀反傳始未具其實也後
承鼎竟得雪泰芝竟以賊敗流死亦由結建明承鼎而新舊史皆於結本傳不
書其疎甚矣銘載淮西節度使王仲昇為賊所擒裴茂與來瑒交惡事亦見來

瑒傳岳山縣志

此碑顏魯公文集載其文今取以互校有不同者碑云高祖善禕集作善禕曾
祖仁基朝散大夫集作朝請宗兄先生德秀集無先生二字卿果破朕憂同集
破下有賊字招輯義軍集招作拓威望日崇集作日隆部將張遠帆集無帆字
將家讓濱集作讓濱作甘棠頌以美之集無頌字君單車入洞集作單軍七年
春正月集無春字二子以方以明集無以方二字躬是三者而見重於今集見
重作身重擁旄麾幢集作擁旌而感激者不能不為之歎息也集無者不能三
字銘詞率性直方集作方直秉心真淳集作真純實志莫申集作素志莫伸凡

此皆集本刻訛也結所歷官新書傳俱同舊書惟禮部侍郎楊浚傳作湯浚山南東道節度參謀傳作西道將軍讓濱傳作讓濱與類集同陽浚湯浚不能定其孰是山南東道作西道則史誤也碑下文云仍於唐鄧汝蔡等州招輯義軍此四州皆屬山南東道則不應爲西道參謀矣讓濱傳作讓濱據九江志讓濱在瑞昌縣南唐元結嘗居此自號讓濱浪士其詩云尤愛一溪水而能存讓名自當作讓爲是然碑則云讓濱後云讓濱兩皆作讓或亦以結詩有存讓名之語似亦可通也碑云後魏昭成皇帝孫曰常山王遵之十二代孫下云自遵七葉王公相繼著在悼史高祖善禕云云高曾祖考本身加以上世七葉正十二代也昭成皇帝者北魏太祖平文帝之子諱什翼犍據魏書昭成子孫列傳昭成子壽鳩之子遵太祖初有佐命勳賜爵略陽公平中山拜尚書左僕射加侍中遷州牧封常山王考昭成帝稱代王建元建國始於晉咸康四年戊戌自此下推至結當天寶十二載癸巳舉進士之年計之得四百七十五年除昭成父子二代約七十五年則自遵至結約四百年不過十二代而已不至有十五代則傳誤也碑云父延祖以魯縣商餘山多靈藥遂家焉魯縣本隋大業初廢魯州置縣唐初改魯山縣自三代至六朝皆謂之魯陽此稱魯縣者仍隋舊名也魯山縣志大義山又東北爲壺山壺山又東南爲商餘山元結演與詩商餘山有太靈古洞集古錄目云元結隱居教授於商餘之肥溪據此碑則隱居教授者不自結始矣碑云及終門人私謚曰太先生謚法無太字太與泰同說文大也通也私謚殆取義於此不必拘於法也碑云結始知書乃受學於宗兄先生德秀此即元德秀也宗兄之稱始見於此新唐書德秀傳爲河南人蓋與結同姓而不同系故稱之爲宗兄也德秀傳則稱族弟結是既爲同姓即可稱同族矣宗兄而又謂之先生者以其受學也德秀傳稱德秀卒族弟結哭之慟或曰子過哀禮歟結曰若知禮之過而不知情之至大夫高行吾哀之以戒荒淫貪佞綺紈梁肉之徒耳觀此可以見古人師生兄弟之至情矣碑云嘗著說楚賦三篇中行子蘇源明駭之新書蘇源明傳但云初名預字弱夫不著其號中行子傳云源明雅善杜甫鄭虔其最稱者元結梁肅即此源明駭之之證碑云唐鄧汝蔡

等州招輯義軍山棚高晃等率五千餘人一時歸附傳則云降劇賊五千高晃等不過當兵亂之時結山寨以自保一開招輯率衆歸附正見其義而傳乃以劇賊加之此史文之失實也碑云虔葬君於魯山青嶺泉陂原虔葬二字他碑未見魯山縣志歇馬嶺又東南爲青嶺在今縣治北三十里碑稱君之碑誌爲中書舍人楊炎常哀所作此碑則故吏劉哀等竭資鬻石而立之唐書楊炎傳炎由禮部侍郎知制誥遷中書舍人與常哀並掌綸誥常哀傳言天寶末及進士第由太子正字累爲中書舍人兩人之官中書舍人傳皆無年月不能定其撰碑誌之在何年則此碑之立亦不能定今以其碑稱七年正月朝京師四月薨其年冬十一月葬遂系於大曆七年金石萃編

湖州石柱記

石柱碑字殘缺不見年月及書撰姓名驗其字畫顏真卿書也凡湖州諸縣皆記其山川前古陵墓集古錄湖州石柱記舊在烏程縣西南二十里之杼山今在墨妙亭又斷碑二亦載顏真卿書碑目

真卿書碑目

記中所記陵墓頗多舛錯且唐有五縣而記遺其二以石柱殘缺故也因商之朱竹垞先生悉爲辨證而梓行之湖錄

魯公宦轍所屆多冥搜勝蹟如麻姑碑華嶽廟石幢不可數記大抵忠孝人必具真性情所值山川人物未有浮雲過眼者雖間有譌誤亦如子瞻以赤鼻爲赤壁借以張所寓之邦不足深辨也張希聖石錄

顏文忠公勛吳興山川陵墓古蹟於石柱樹杼山年遠剝落孫萃老取而貯之墨妙亭更六百餘禩竟歸銷滅鄭子藍哇搜得真本補亡訂譌箋釋盡善詳石錄

杜篆

案留元剛撰魯公年譜載公自大曆七年九月除湖州刺史八年正月至任十二年四月內召八月入爲刑部尚書所敘刺湖事蹟甚詳獨不及石柱記故不知其作於何年考之唐會要烏程縣大曆十二年二月二十一日新陞望公記烏程注云舊縣今望則知其爲十二年二月後所作也時公膺召赴期進都猶

留心郡事勒之貞石用垂久遠更數百年風雨剝蝕雖沒荒山非孫華老力爲收貯幾乎不與蠶頭鼠尾碑胥歸銷滅也邪謹識之見魯公用意之深且以補年譜所未逮云

鄭元慶集釋

凡境內山川陵墓古蹟皆入記刊之石柱又名吳興地記

吳興志

案 本朝歸安鄭元慶正睦著有石柱記箋釋四卷附注朱彝尊竹垞補記一卷稽考甚詳採入 四庫全書茲不具錄

射堂記

唐射堂記顏真卿撰并書碑石缺謫文理斷續其事迹不可考大曆十二年四月立

集古錄目

右射堂記顏真卿書魯公在湖州所書刻於石者余家集錄多得之惟放生池碑字畫完好干祿字書之類今已殘缺每爲之歎息若射堂記者最後得之今僕射相公筆法精妙爲余稱顏氏書射堂記最佳遂以此本遺余以余家素所藏諸書較之惟張敬因碑與斯記爲尤精勁惜其皆殘闕也

集古錄跋尾

第一千五百十九唐湖州射堂記撰人姓名殘缺世傳顏魯公正書大曆十二年四月

金石錄目

射堂記在湖州墨妙亭顏真卿撰并書碑石殘缺不可考以大曆十二年立

輿地記碑

射堂記孫克洪許光祚俱以爲在長興屠隆考槃餘事亦仍其謬

湖州志

射堂在歸安縣白蘋洲西唐貞元中刺史李詞建顏真卿爲記

湖州志

案湖州郡守表李詞以貞元十六年爲刺史距魯公之歿已十有五年魯公何能作記蓋射堂作於魯公而李詞重修之也

浮玉二大字

浮玉山在府城南碧浪湖中怪石磊砢出於蒲葦之中入郡第一景也

湖州府志

浮玉二大字左方有真卿二字款正書無年月

案浮玉山在湖州府城南湖州有兩浮玉山其在孝豐者爲大浮玉此山在歸安爲小浮玉此浮玉二字魯公刺湖州時所書也湖州府志及金石家皆

未載蔣伯生因培遺余搨本紙墨甚舊不知碑在何所道光二十一年浮梁黃瑜命工摹刻於黔陽之芙蓉樓前款一行則余從放生池碑陰記中移置也

柳惲西亭記

初湖州雷溪東南有白蘋洲梁太守柳惲江南曲汀州采白蘋日暮江南春後人因以名洲至大曆十一年公始蒞榛導流作八角亭及茅亭書惲詩於上十二年丁巳公年六十九四月有柳惲西亭記

魯公年譜

梁吳興太守柳惲西亭記顏真卿撰并書

湖州錄

湖州帖

湖州帖一名江外帖宣和書譜所載牙色紙本質堅厚墨氣如新行草入行字大如小拳後款真卿白用筆與劉中使帖絕相類二帖皆宋宗室趙與懃所藏之物也此帖前黃綾隔水有內省齋白文一印青綾標籤金書顏魯公湖州帖六字上押一寬邊朱文小印本帖前有宣和紹興內府書印下角鈐稽察司半印後政和小璽紹興連珠大璽機暇清玩之印又紹興連珠小璽及張氏珍玩北燕張氏寶藏二印後紙有秋壑圖書歐陽元印卷多項墨林家藏印余收有魯公自書詰並裴將軍詩書詰有蔡忠惠米元暉董思白跋裴將軍詩曾經王弼州所藏有曹武惠跋二卷世稱名跡今皆無存然裴將軍詩不無疑議云

雲泉記

安氏記

案湖州帖宋東平鞏嶸增入忠義堂明董思白摹入戲鴻堂 本朝乾隆中

奉

詔摹入三希堂安氏所記則舊傳墨蹟也

項王碑陰述

唐項王碑陰述顏真卿爲湖州刺史重建項羽廟舊碑以大曆七年五月刻記於碑陰

集古錄目

項王碑陰述唐大曆十二年顏真卿撰并書

集古錄跋尾

第一千四百六十六唐項王碑陰述顏真卿撰并正書大曆七年四月

金石錄目

大曆十二年丁巳公年六十九有項王碑陰述魯公年譜

項王廟碑陰集古錄云顏氏殘碑顏真卿書并項王碑陰記附殘缺不全而事述可見碑陰真卿重建項羽碑以唐大曆七年刻碑目

案項王碑陰述集古錄作大曆十二年集古錄目及金石錄皆作大曆七年

四月項王廟在湖州魯公以大曆八年正月到湖州刺史任十二年八月擢刑部尚書其七年四月不得遽書湖州之碑以集古錄所載為是又輿地碑目云項王廟碑大曆七年刻碑陰真卿重建則七年所建之碑非魯公書魯公書者乃其碑之陰以十二年公將去湖州時刻也

韻海

顏魯公書韻海 右聞大書朱字魯公書小字他人作蘇駒云在其父刑部尚書處訪錄

徐浩為顏真卿辟客書韻自張顛血脈來教顏真卿大字促令小小字放令大非古法也海嶽名言

駱駝橋三字

駱駝橋在湖州府治東南霅溪上舊有顏真卿所書駱駝橋三字後傳刻失真湖州府志

橫山廟碑

廣德軍顏真卿橫山廟碑碑載自梁天監五年至唐天寶中以祈禱感應始贈水部員外輿地碑目

案全唐文是碑僅存神居武陵其地有湖每出則神獸前導形如白馬凡十有九字湖州府志為程縣有衡山衡橫字通用廟祀其山之神

永興字額

鹿苑寺在湖州城南梁處士夏份捨宅建後廢唐大曆間僧明普重建賜名永興寺刺史顏真卿篆額湖州府志

文殊碑

僧皎然奉同顏使君真卿開元寺經藏院會觀樹文殊碑詩云萬國布殊私千

年降祖師雁門傳法至龍藏立言時故實刊周典新聲播魯詩六銖那更佛劫石盡無期全唐詩

宋潤州蘇氏家藏有顏魯公進文殊碑張邦基墨莊漫錄

文殊帖

蘇子才收碧箋文殊一幅魯公妙蹟米芾書史

案魯公自大曆八年正月到湖州刺史任至十二年八月入為刑部尚書在湖五年所書碑版不知凡幾至宋熙寧五年孫莘老築墨妙亭時搜羅殘佚尙得三十二通後為郡守填贅聽事一無存者今據各家記載名存石佚者在湖所書僅得十餘種惟放生池表及碑陰記文殊湖州二帖見留元剛忠義堂摹本干祿字書見字文時中潼川摹本竹山聯句見梁相國秋碧堂摹本雖非原刻尙得窺其遺式餘則無從查考矣

祖亭碑

江州顏魯公祖亭碑事見祖單廟下輿地碑目

案歐陽詹弔九江驛碑材文曰江州州南有湖湖東有山祖將軍廟在焉公出錢五萬造亭曰祖亭製亭之文手勒斯碑而記之輿地碑目云事見祖單廟下者單祖將軍名也王象之有輿地紀勝祖單廟載其書內

李抱玉墓碑并廟碑

第一千五百二十唐李抱玉碑楊綰撰顏真碑正書大曆十二年五月在京兆府長安金石錄

唐李抱玉墓碑顏真卿書在墓前又李抱玉廟碑真卿書在長安縣杜永村古今目碑

唐李抱玉墓碑并廟碑顏真卿撰在杜永村墓下天下金石志

右鳳翔澤潞行營副元帥涼國武昭公李抱玉碑楊文真綰撰顏文忠真卿書見趙明誠金石錄余得之乃一舊拓本最精好而終缺兩處幾二百許字蓋成帖後脫落見殘非石泐也楊公銜稱贈司徒當是文成而卒於位其家乞顏公追書之故耳大曆中名臣無如二公者而一撰文一書丹在涼公誠幸也第公

起邊將中與名位差肩李郭而能守忠節以顯融終介弟承之又大開方面勳且公一武弁能力辭王爵辭司空辭左僕射以視僕固懷忠輩不天壤哉然則微二公公故不朽也非幸也

錄集

李元靖碑

第一千五百二十一唐元靖李先生碑上第一千五百二十二元靖李先生碑

下顏真卿撰并正書大曆十二年五月

金石錄目

大曆八年癸丑公年六十五有元靖李先生碑銘

魯公年譜

建康府唐元靖先生碑顏真卿書大曆二年又云在紫陽觀大曆七年

輿地碑目

右唐元靖李先生碑顏魯公撰并正書碑稱隱居先生以三洞真法傳升元先生升元付體元先生體元付正一先生正一付先生自先生距隱居凡五葉矣

今考之隱居先生者梁陶宏景升元為王遠知體元為潘師正正一為司馬子微三人唐書有傳惟元靖無之予嘗遊茅山至玉晨觀其前有雷平池池南為

伏龍岡元靖葬其上碑今在觀中四周皆刻文字道士以享覆之

金華琳瑯

魯公好仙術不特書麻姑壇已也按李含光者陶隱居裔凡五世其事絕無可紀獨人謂其隸法勝乃父遂斷不作隸差近厚耳魯公書結體與家廟同遒勁

鬱渾故是誠懸鼻祖然視虞永興褚河南閭閻氣象不無小乏

奔州人葉

右結體與家廟碑一同後有小跋云紹興丁巳五月十四日大風折顏碑雲溪

沈作舟扶起之

著潤軒碑跋

茅山元靖先生碑一顏魯公楷書并文一唐柳識文張從申書李陽冰篆額世

號三絕碑俱在直隸應天府句容縣茅山

考案餘事

右碑在茅山玉晨觀中顏真卿撰并書碑云先生諱含光廣陵江都人從司馬

鍊師盡得其道元宗詔居王屋後請居茅山元靖其賜號也按傳法世系自元

靖上溯陶隱居凡五葉其升元先生為王遠知體元先生為潘司正正一先生

為司馬子微史家皆為立傳惟元靖無傳耳余嘗遊茅山過雷平池登伏龍岡

平先坐墓慨然有遺世之想碑中所謂靈芝甘露固不可復得即紫陽之東鬱

岡山上齋壇仙院亦改舊觀惟宮碑屹峙聲施至今使非魯公之書恐亦不能

久遠如是故古之銘碑樹碣者必託諸大手筆也歟碑云先生孩提則有殊異

後錄

時年六十有九先是乾元二年由昇州刺史充浙西節度使兼江寧軍使致書

元靖與之締交越十年而元靖死又八年而公為之作碑留元剛年譜系碑於

大曆八年誤也是年春三月元載伏誅召公為刑部尚書而此碑書於五月猶

稱湖州刺史當由刑部尚書之命猶在五月後耳

原碑斷於宋紹興七年丁巳不知何時毀去今茅山所有碑乃是覆刻筆畫細瘦全乏魯公雄健之氣且

字之訛者七十餘處而原碑不可復得矣余在京師時得一本球圖視之

人稱此碑筆法與家廟碑同余按魯公晚年所書碑跌宕莫如宋廣平肅括莫

如家廟碑此碑風格正在廣平家廟之間信是魯公極筆

虛舟題跋

乾隆壬子秋錢辛楣先生語余云向游茅山至玉晨觀訪顏魯公書元靖先生

碑已糜碎尚存二十餘片道士不知寶愛委諸糞土瓦礫之場恐妙蹟不復留

人間矣并出游山記示余余竊惟辛楣以訪碑出游隨處表章舊蹟而茲復向

余諄諄者盡以拾殘補缺為守土者責也余公冗不暇入山札句容縣學兩廣

文徐君彬俞君獻搜尋殘碑督工椎搗越日來報言此石見存觀中半屬疊床

支竈砌地鋪階及附近居民家供在書案者檢來共得二十三片當運至學舍

藏貯但四面刻字難以架空磊豎並郵到搨本六十紙計存一千四十餘字經

辛楣詳加考訂其完全之字僅得七百六十有六其殘缺者正面三百六十一

字右側八十六字背面三百三十三字左側五十九字計共殘缺字八百三十

有九以硃書補注之適賈人挾此碑宋搨本至其文字與辛楣考訂無異而神

采尤為煥發余且喜且驚豈知余相需之殷來索重賈邪抑魯公之靈默默相

之也乃償賈人直付姚東樵以缺字鈎勒上石期成完璧又恐膠合以還舊觀

日久仍不免有摧裂之虞今仍於玉晨觀中築石臺兩行將殘碑及補石分別大者爲一行小者爲一行排置臺上其兩行之頂亦砌石覆蓋俾免散失又以文字顛倒另縮小字勒碑於旁以爲後人敘次之據復建石亭以覆之爰僭僚友捐廉以襄其事茲因工竣而爲之記

汪志

碑在茅山玉晨觀雲笈七籤紀洞天福地第八曰句曲山洞周迴一百五十里名曰金壇華陽之洞天在潤州句容縣屬紫陽真人治之江寧府志茅山在句容縣東南四十五里初名句曲山又名已山皆以形似名吳越春秋禹巡天下登茅山以朝諸侯更名爲會稽茅山記秦始皇三十七年遊會稽還登句曲今茅山北垂有良常秦望諸山以始皇名也漢有三茅君得道於此因謂之三茅峯梁陶宏景亦隱居此山道書以爲第八洞天第九福地唐六典江南道名山之一曰茅山山以三茅君得名漢茅盈元帝時隱句曲山學道遇至人授以仙術盈弟衷爲西河太守固爲執金吾各棄官來就兄皆得道世稱三茅君者是也玉晨觀在大茅峯下舊傳高辛氏時展上公於此得仙其後周有郭真人巴陵侯漢有杜廣平東晉有楊真人許長史梁有陶宏景唐有李元靖南唐有王貞素俱在此得道梁爲朱陽觀唐太宗時爲華陽觀明皇時爲紫陽觀宋祥符初改今額王圻續文獻通考仙釋考道家姓氏不載李含光歷代道家統紀惟載天寶六載五月詔茅山紫陽觀取側近百戶太平崇元二觀合一百戶並蠲免租差科永充修葺洒掃語與碑所載合但據碑則紫陽觀側近是二百戶續通考疑脫二字也其餘碑文所載俱無考碑敘元靖先世二十一代祖宏不見於漢書高祖文疑陳桂陽王國侍郎文疑陳書無傳桂陽王者陳書列傳諱伯謀字深之世祖第十三子也太建中立爲桂陽王七年爲明威將軍置佐史所謂王國侍郎者蓋即佐史之屬也碑云先生以大曆己酉歲遁化己酉爲大曆四年道家辭世謂之遁化始見於此碑稱元靖各種著撰惟本草音義二卷新唐書藝文志著錄餘如老莊周易學記義略諸篇皆不載碑云先生工篆籀隸書客云賢於其父因投筆不書是其父孝威亦能書也今檢書譜無其名碑云真卿乾元二年以昇州刺史充浙江西節度唐官稱無浙江西節度唐書顏

真卿傳是浙江西道節度使此碑舊文原是充浙西節度充字上泐一字殆亦碑寶宋損本見有缺字因於浙字下妄增江字耳

金石萃編

案李含光本姓宏以孝敬皇帝廟諱改姓李孝敬皇帝高宗第五子初封代王後立爲皇太子爲皇后武氏所酖高宗爲書徽德紀者也上元二年改宏農郡爲恆農宏文館爲昭文至開元七年復故魯公書碑仍用本字又案是碑今已殘泐汪稼門制軍摹本筆意失真惟何子貞紹基所藏一字不損最爲舊損余亦近得一紙乃是碑四面旋刻之前一面存者纔五百六十九字亦明損也又得小楷全文一本是集帖所摹後有晉府圖書白文印御府之印朱文印

杜濟墓碑

右杜濟神道碑顏真卿撰并書藝之至者如庖丁之刀輪扁之斲無不中也顏魯公之書刻於石者多矣而有精麗雖他人皆莫可及然在其一家自有優劣余意傳模鐫刻之有工拙也而此碑字畫遒勁豈傳刻不失其真者皆若是歟碑已殘缺鈐次不能成文第錄其字法爾

錄古錄

第一千五百二十八唐杜濟碑上第一千五百二十九杜濟碑下顏真卿撰并正書大曆十二年十一月

金石錄

杜濟字應物京兆杜陵人官京兆尹御史中丞梓遂杭三州刺史劍南東川節度使大曆十二年卒年五十有八葬萬年縣少陵原夫人太子中舍京兆韋迪之女濟與魯公爲友

魯公文集

右顏魯公書撰杜濟神道碑沉著端重真可入木八分友人曾三異無疑寶藏之按六一先生集古跋謂殘缺不能成文今乃粲然可讀得非摹拓有先後邪濟蓋魯公友婿故又誌其墓六一先生亦有跋云顏撰而不云書筆法非魯公不能爲世頗以爲非顏書更俟識者辨之今考魯公文集大抵碑詳而誌略亦微有異同如碑以濟祖仕明堂丞誌則云令碑以濟爲惠第二子誌作第三又碑與誌並歷渭南宰而文集於碑中乃以爲尉皆傳寫之誤當以此碑爲正慶元乙卯六月二十日周必大書

平園集

杜濟墓誌銘

唐杜濟墓誌刑部尚書顏真卿撰字畫亦類真卿而不著名濟字應物京兆杜陵人官至梓州刺史碑以大曆十二年十一月立

錄目金石

右杜濟墓誌銘但云顏真卿撰而不云書然其筆法非魯公不能爲也蓋世頗以爲非顏氏書更俟識者辨之

集古錄跋尾

第一千五百三十唐杜濟墓誌顏真卿撰并正書大曆十二年十一月

錄目金石

右唐杜濟墓誌但云真卿撰而不云書歐陽文忠以謂非魯公不能爲也蓋世頗以爲非顏氏書俟識者辨之余觀此誌字畫奇偉決非他人可到歐陽公信小字麻姑仙壇記以爲真蹟而尙疑此誌何哉

錄目金石

康希銑碑

第一千五百三十一唐台州刺史康希銑碑上第一千五百三十二康希銑碑

下顏真卿撰并正書大曆十二年

錄目金石

大曆十一年丙辰公年六十八有康使君碑銘

魯公年譜

唐台州刺史康希銑碑顏真卿撰并書大曆十二年立在越州離渚官道匠墓

捐爲村民擊碎

寶刻叢編引諸道石刻錄

紹興府康希銑碑在山陰蘭亭其碑顏魯公撰并書

輿地碑目

康希銑字南金會稽人官銀青光祿大夫海鹽縣尉睦州大州刺史上柱國汲

郡開國公開元三年卒年七十一天寶四載葬山陰縣離渚村

魯公文集

懷圓寂上人詩

第一千五百三十三唐懷圓寂上人詩顏真卿撰并正書大曆十二年十二月

錄目金石

大曆十三年戊午公年七十二有過瑤臺寺懷圓寂上人詩

魯公年譜

顏默殘碑

第一千五百五十三唐顏默殘碑顏真卿正書

錄目金石

右唐顏默殘碑者初穎川人家以其石爲馬臺皇祐中王回深父之弟回容季見而識其爲魯公書因模本以傳深父爲文以記之默仕晉爲汝陰太守故大

曆中魯公追建此碑於汝陰焉

錄目金石

案顏默字靜伯魯公十五世祖魏汝陰太守護軍襲葛繹子晉西平靖侯舍之父也公書含碑爲晉江夏李闡文則默碑當亦重書舊文非公自撰也

顏魯公文集卷二十八

顏魯公文集卷二十九

寧鄉黃本驥仲夏編訂

湘陰蔣 璣維揚參校

書評九

殷君夫人顏君碑

右誌在河南舊府治門內掘土得之委弄葉壤學博齊君懷瑜言于當事移置關將軍廟中剝落殊甚其可識者篆額唐錢塘縣丞殷君夫人^字三側書并序二字第二行十三姪男金紫光^字四湖州刺史上柱國魯郡公真卿撰并誌云君號^缺定瑯琊臨沂人也北齊黃門侍郎之推府君之元皇朝秦王記室思魯府之曾著作郎宏文^賢之孫天皇曹王侍讀贈華州刺史昭甫府君之季女以下文字益漫漶不可句昭甫魯公之祖夫人蓋魯公之父同產也書法類家廟碑而稍大歐公跋魯公斷碑云如忠臣烈士道德君子端嚴尊重後人畏而愛之雖其殘缺不忍棄也余於是誌亦然^{金石錄}金石補遺云四面環刻字徑三寸碑書第十三姪男上柱國魯郡開國公真卿撰文并書年月缺在河南府道居寺天王殿前新自地中掘起者按道居寺乃王虛觀道紀司也字音訛耳^{河南府志}

右杭州錢唐縣丞殷君夫人顏氏碑首云君號^缺定瑯琊臨沂人北齊黃門侍郎之推府君之元皇朝秦王記室思魯府君之曾著作郎集賢學士勤禮府君之孫文中又稱秘書監元孫府君太子少保惟貞府君自父祖以上皆稱府君而直書其名所謂臨文不諱也篇中不稱夫人而稱君亦變例也稱曾元而去孫字與漢尹宙碑同唐書殷踐猷傳族子成已晉州長史初母顏叔父吏部郎中敬仲為酷吏所陷率二妹割耳訴冤敬仲得減死及成已生而左耳缺云讀此碑乃知即魯公之姑其二妹者一為宜芳令裴安期妻其一則殘缺不可辨矣殷君之名殘缺不見寶刻類編載顏魯公書有殷履直夫人顏氏碑開元二十六年立於洛陽疑即此碑也夫人以開元二十五年卒明年正月附葬此碑乃魯公為湖州刺史時追立蓋在大曆間^{潛研堂金石文跋尾}

金石略載真卿書獨遺此碑寶刻類編有顏真卿書殷履直夫人顏氏碑即此碑四面書字多磨滅其稱殷君云皇朝秦王記室^字二府君之曾真卿稱第十三姪男蓋其姑也金石補遺云在河南府學道居寺天王殿前新自地中掘出者按此碑已見寶刻類編則非新出^{中州金石記}

碑四面鐫字半已損滅其序夫人號^字三一定而不書諱字蓋婦人不以名行難表墓之文亦不輕布如此又言夫人贈華州刺史昭甫府君季女與魯公之父為同母而生者宜魯公臨文之慎也^{授堂金石跋}

此碑兩面兩側回環刻今損本失兩側非全文也顏魯公集不載此文無從校補矣額題唐錢唐縣丞殷君夫人顏君之碑夫稱殷君而夫人稱顏君橫題碑首他碑未見文內殷府君名泐不可見杭州府志職官表有唐錢唐縣丞殷履直云見寶刻類編當即其人前題第十三姪男金紫光祿大夫行湖州刺史上柱國魯郡公真卿撰并書兩唐書顏真卿傳真卿之封魯郡公在代宗嗣位之初其官湖州刺史在元載當國之日此碑文內雖云開元廿六年合祔而立碑當在大曆末年也碑直敘夫人事文內於殷府君不甚詳則此碑為夫人作蓋是府君先卒已葬而夫人以開元廿五年卒明年乃合祔也自開元廿六年至大曆末相距四十年而後立此碑則碑為諸孫所立矣碑敘夫人不稱諱某而云號^缺定亦例之變下述夫人先世即真卿之先世而文亦不避祖諱可以見當時臨文之體文多缺泐以真卿撰家廟碑攷之云黃門侍郎者北齊給事黃門侍郎待詔文林館平原太守隋東宮學士諱之推也云皇朝秦王記室^魯府君之曾者秦王記室諱思魯也云著作郎^賢下乃著作郎修國史夔府長史贈號州刺史勳禮也云曹王侍讀贈華州刺史昭甫府君者即真卿之祖本名顯甫工篆籀草隸書與內弟殷仲容齊名高宗侍讀曹王屬贈華州刺史也曹王諱明太宗第九子此先世之可攷者也碑又云太夫人殷氏據魯公文集載曹州司法參軍秘書省麗正殿二學士殷君墓碣銘云君諱踐猷字伯起陳郡長平人五代祖不害高祖英童曾祖聞禮祖令言父子敬君長妹蘭陵郡太夫人真卿先妣也此碑所稱太夫人殷氏似自敘其母然則顏與殷累世迭

爲婚媾矣碑此下敘姓名有稱內弟者有稱姨弟者稱謂多他碑未見又夫人
生六女適某某皆列其姓名亦始見此碑後云開元廿五年卒於□尉之公館
公館二字亦初見中州金石記謂此碑已見寶刻類編而疑河南府志新自地
中掘起之說爲非蓋寶刻類編撰於宋時此碑當自宋以後入土至近時新出
也金石
幸編

案是碑殘泐已甚金石萃編未見兩側所鐫陰陽二面僅得二百八十八字
自全唐文出始得暢讀家廟碑額陰記所謂高祖妣殷夫人是思魯之妻此
碑所謂太夫人殷氏是昭甫之妻萃編謂公自敘其母非也公母亦殷氏踐
猷之妹見公撰踐猷墓碣此碑云君六女幼適我兄闕疑則思魯昭甫惟貞
闕疑既四世娶於殷矣夫人爲殷履直之妻碑又云曜卿允南皆其子成已
之內弟則履直成已亦兩世娶於顏矣

馬璘新廟碑

唐贈司徒馬璘新廟碑禮部郎中程浩撰吏部尚書顏真卿書太子中允翰林
待詔韓秀實分書題額馬璘字仁傑扶風安定人官至四鎮北庭涇原節度使
贈司徒碑以大曆十四年七月立錄目

第一千五百四十唐馬璘新廟碑程浩撰顏真卿正書大曆十四年七月金石
案唐書馬璘傳璘卒於大曆十一年此碑作於十四年七月故題曰新廟

唐涇原節度使馬璘廟顏真卿書天下金

馬承光殘碑

馬承光殘碑在甘肅涇州

案是碑僅存上下兩段計二十五行每行缺者不知幾字原籤題曰馬璘新
廟碑案趙氏金石錄載馬璘新廟碑程浩撰顏真卿書大歷十四年七月立
此碑標題一行存朔陝二字第二行存京兆杜知泰撰六字而泐書者之姓
名其筆迹甚類魯公而撰人則非程浩以爲顏書則可以爲馬璘碑則非也
舊唐書璘傳扶風人祖正會父晟璘官至檢校右僕射封扶風郡王而未嘗
爲衛尉少卿亦未嘗以御史中丞充河東馮翊等五郡節度使皆與碑中存

字不合碑云公諱承光字原空蓋顏頊氏之裔後爲馬氏高祖諱行感
初敘諱字次敘姓源次敘先世則碑爲馬承光立也承光之名不見於新舊
史而碑中有天寶字則與璘爲同時人卒年雖不可攷其立碑當亦在大曆
間也

張敬因碑

右張敬因碑顏真卿撰并書碑在許州臨潁縣民田中慶歷初有知此碑者稍
稍往模之民家患其踐田稼遂擊碎之余在潞陽聞而遣人往求之得其殘闕
者爲七段矣其文不可次第獨其名氏存焉曰君諱敬因南陽人也乃祖乃父
曰澄曰運其字書尤奇甚可惜也 右魯公之碑世所奇重此尤可珍賞也古集

第一千五百四十四唐張敬因碑上第一千五百四十五張敬因碑下顏真卿
正書金石
錄目

唐贈和州刺史張敬因碑顏真卿撰并書在許州爲後人擊碎歐陽公復求得
之缺一角天下金
石志

顏氏家廟碑

顏氏家廟碑顏真卿撰并書真卿父名惟貞仕至薛王友真卿其第七子也述
其祖禰羣從官爵甚詳錄目

第一千五百六十八唐顏氏家廟碑上第一千五百六十九顏氏家廟碑中第
一千五百七十顏氏家廟碑下真卿撰并正書李陽冰篆建中元年七月金石

顏惟貞字叔堅魯公父也官通議大夫行薛王友柱國贈祕書少監國子祭酒

太子少保魯公
文集

建中元年庚申公年七十二七月有顏少保碑銘魯公
年譜

顏真卿之隸書李陽冰之古篆二俱奇絕也好古之士重如珠璧自唐室離亂
其碑倒於郊野塵土之內更慮年深爲牧童稚叟之所毀壞且夫物不終否能
者即興有都院孔目官李延襲者真好古博雅君子也特上告知□郎中移載
入於府城立於 先聖文宣王廟庶其永示多人流傳千古乃命南嶽夢英大

師秉筆書記時太平興國七年八月廿九日移 朝散大夫行殿中侍御史通判永興軍府事師頌 朝散大夫行尚書考功員外郎權知永興軍府事杜國

李準重立

此唐顏氏家廟碑爲魯公真卿撰并書按跋尾此碑遭兵亂仆於野宋太平興國七年都院孔目李延襲始移置府城孔廟中而碑幸完予知碑名久矣恨不可得同年周公瑞都憲巡撫陝西始寄至猶恨缺其額耳蓋以碑額爲無用多不損或碑穹工人艱於損而置之不知碑無額如物無首爲完物乎況此額爲李陽冰篆書可謂二絕何可缺邪魏翁家藏

陸士衡有言文以述祖德爲美故三代彝器皆孝子慈孫爲其祖父而立者魯公此碑蓋近之矣又此碑後有太平興國七年八月二十九日重立李延襲記十七字篆書乃夢英手筆蓋此碑倒於郊野延襲告於上官移載入於府城立於文廟故自記之也夫以顏氏之物子孫不能守而後之人爲之移徙樹立則不惟顏公之名節可重而字畫亦不容泯矣然則爲人子孫思以稱述先德而畢世之後欲圖不朽者可以思矣著潤軒碑跋

右顏魯公家廟碑石刻四面環轉在關中後廟燬宋初有李延襲者語郡移置之結法與東方朔畫像相類而石獨完善少殘缺者覽之風稜秀出精彩注射勁節直氣隱隱筆畫間吁可重也天寶間安氏蹴天柱折而力扶之者郭尚父張睢陽平原與常山四耳顏氏獨擅其二碑之所以重者是寧獨書哉兗州山人編

余嘗評顏魯公家廟碑以爲今隸中之有玉筋體者風華骨格莊密挺秀真書家至寶而其文比之生平所結撰尤自詳雅以語顏氏之後人則又其家至寶也今年冬吾州別駕小山君以家乘來乞敘始知爲公之裔孫播於茶陵者因舉以歸之兗州山人續稿

顏氏家廟碑宣和書譜則稱之曰莊重兗州則曰風稜秀出精彩注射趙子函則曰結法與東方贊同勁節直氣隱隱筆畫間予則以爲魯公楷書自當以宋文貞公碑側記爲第一其次則文貞碑又其次東方贊其次中興頌其次郭敬之家廟碑又其次乃此碑耳余在京師得一本在閩又得一本皆非今時損也

林同人云額陰尚有公書高宗記室君云云八十五字字差小人不知損余實未之見也當令入秦者損之 魯公書米海岳僅取郭英又書其餘皆極醜蘇黃兩公則又推崇不遺餘力或云與杜詩並傳或云與王中令雁行非歐虞褚薛所及予亦以爲醜詆誠非而推崇亦未免過當觀其下筆如此肥重無論歐虞懸絕即登善亦未易言蓋字之肥瘦由乎指之虛實指實則下筆自然瘦勁觀登善聖教等碑可知今魯公碑版無不肥重則指不盡實而借力於紙豈可與登善較優劣邪此碑余向列郭敬之下而損頗舊故略書鄙見如此若蘇米之論則未嘗分左右袒也鐵函齋書跋

此碑大書深刻歷年雖遠字畫完好足貴也真卿爲惟貞第七子碑中直書祖父名所謂臨文不諱者然乎今之人文與書遠不及魯公偶述其祖父行略而輒令他人填諱者又何也金石錄

碑在西安文廟文刻四面制作精工魯公忠孝植於天性殫竭精力以書此碑而奇峭端嚴一生耿耿大節已若顯質之先人矣庚子銷夏錄

碑文自父以上並直書其名而加諱字其他伯叔羣從悉名之予讀張燕公集有唐贈并州刺史先府君碑首曰府君諱隲字成隲范陽方城人也又有周通道館學士張府君墓誌乃說之曾祖也首曰君諱弋字嵩之范陽方城人也又曰君即太常卿隆之曾孫徵君子犯之孫河東從事俊之子又有唐處士張府君墓誌乃說之祖也曰曾祖徵君諱子犯祖河東郡從事諱俊父通道館學士諱弋並直書其名而加諱字唐文粹載陳子昂我府君有周居士文林郎陳公墓誌文曰公諱元敬字某五世祖太樂生高祖方慶生曾祖湯湯生祖通通生皇考辨又有梓州射洪縣武東山陳居士墓銘序曰君諱嗣字宏嗣太樂即君之高祖父也生曾祖方慶生祖湯生皇考迴君即迴之第二子也並直書其名惟父加一諱字劉禹錫集有子劉子自傳曰曾祖凱官至博州刺史祖鎰殿中丞侍御史父諱緒浙西鹽鐵副使贈吏部尚書亦惟父加一諱字白居易集有故鞏縣令白府君事狀曰高祖諱建曾祖諱士通祖諱志善父諱溫公諱鎰即居易之祖又曰長子諱季庚襄州別駕事具後狀其襄州別駕府君事狀

曰公諱季庚字某鞏縣府君之長子即居易之父李翱集有皇祖實錄一篇其首曰公諱楚金蓋古人臨文不諱而子昂禹錫自祖以上不加諱字又所謂不逮事王父母則不諱者也今人自述先人行狀而使他人填諱非古也 文有云子泉宏都之德行子泉即顏淵也避唐高祖諱

金石文記

魯公書高祖記室君國初居此宅云云共八十五字人不知摹搨塵土風翳子拂拭摹出碑前後皆二十二行每行四十七字左右旁皆六行每行五十字字比前後面略小額字又差小

來齋金石考略

自秦造分隸以至東漢增減後任意譌舛相錯篆籀古法遂以大壞魏晉之間鍾王繼起風會雖於是而開然未能有所是正暨乎六朝喪亂之餘譌以滋譌遞相傳染日以郵倍唐與太宗高宗相繼右文書學漸歸於正虞褚諸公出雖未能盡加刊削然六朝謬體蓋已十去七八矣延百餘年顏元孫作千祿字書魯公極力揚挖之於是書體廓然大正每作一字必求與篆籀吻合無敢或有出入匪唯字體用筆亦純以之雖其作草亦無不與篆籀相準蓋自斯喜來得篆籀正法者魯公一人而已評者議魯公書真不及草草不及稿以太方嚴爲魯公病豈知寧樸無華寧拙無巧故是篆籀正法此家廟碑乃公用力深至之作當是時公年已七十有二去其死李希烈之難不過五年年高筆老風力適厚又爲家廟立碑挾泰山巖巖氣象加以俎豆肅穆之意故其爲書莊嚴端整如商周彝鼎不可逼視少師告亦書於是年而風度開明如端人正士冠裳珮玉蓋書家廟則精神肅敬少師告則意緒堂皇故書雖出於一時而韻趣迥別有如此也碑經五季之亂倒於承興郊野宋初太平興國七年都院孔目李延襲者始告於殿中侍御史師頌知承興軍府事李準移植學宮書環四面其後一面字較清朗然比於元刻氣味今古迥絕意其棄擲郊野時經樵夫牧豎毀壞李延襲以舊本重刻而後序末之詳耳元本兩側字形略小余特擴而大之令與前後齊一以便觀覽又李陽冰篆額之後有碑陰一小方詳敘立廟規則知而搨者絕少余并臨於後文闕四字據都穆金薤琳瑯補足之於是家廟碑由篆額以迄碑陰都二千八百二十八字無一字闕後有夢英楷跋并李延襲

篆跋亦夢英所書盡皆臨之經始於雍正七年八月至九月廿有五日乃完即日晚書其後 陸士衡云文以述祖德爲美此碑爲魯公述祖德之書讀其文不獨見顏氏世有令德兼且世篤忠貞自子淵來族望之盛未有如顏氏者所以獨最聖門足與孔氏媲美也吾嘗說天之生材爲力有限既生孔子必不能更生顏子故顏子不免早折然雖早折而天意未盡故世世流行至於無窮理勢然也此碑文字蕪蔓頗不中程律然樸茂之中自有風義奔州謂風稜秀出精采射注勁節直氣隱隱筆墨間信是定論魯公書碑滿天下及其末也盡於此碑若固知其必死而詳述祖德以正其終者述祖德孝也死希烈忠也忠孝之至通於天命嗚呼豈苟然哉 禮不逮事父母則不諱王父母魯公少孤故於勤禮昭甫兩世不稱諱則不諱王父母之義也其於父則稱諱者則禮所謂死則諱之者也然不逮事父母於王父母且不諱乃自欽至思魯十二世又稱諱何歟服絕於高祖廟制親盡則祧以親而言思魯爲魯公高祖親未盡宜稱諱則勤禮昭甫於公益親尤宜稱諱而碑不稱諱若執不諱王父母之義則祖既不諱自祖以上概不必諱而各加諱字殊無義例蓋魯公徒以思魯以上尊故宜稱諱而不準諸禮故多所未合又意在行文不及校點故稱與不稱皆不免錯出耳顧寧人金石文字記謂碑自祖以上並直書名而加諱字蓋未詳察之故若今人自述先人行狀而使他人填諱爲不合於臨文不諱之義則顧氏之辨可謂卓已 按宣和書譜李陽冰字少溫趙郡人官至將作監其書名每作敘說文冰魚陵切凝本字徐鉉云今作筆陵切以爲冰凍之冰陽冰蓋取海賦陽冰不冶之義故字少溫猶韓文公名愈而字退之也今人每稱李監爲陽凝有讀欠者便以爲誤實則當爲冰凍之冰若云陽凝則於少溫之義無取其所以書於者以欠字獨書難以成文故隸楷皆從冰猶主字篆當從 獨書不成文故皆從鍾主之主也今魯公家廟碑書冰作冰并於冰省一筆其非疑可知不然不應以目前好友誤書其名如此

虛舟題跋

案家廟碑前後二面皆是原刻虛舟第一跋謂其後一面毀壞李延襲以舊本重刻蓋意揣之詞今延襲題記在首行之下但云移立並無重刻事虛舟

右贈太子少保顏惟貞廟碑唐書稱真卿爲師古五世從孫以此碑證之魯公乃崇賢學士勤禮之曾孫師古與勤禮爲親兄弟則魯公於師古爲從曾孫不得云五世從孫也廣韻顏姓出瑯琊本自魯伯禽支庶有食采顏邑者因而著族又邾武公名夷字曰顏故公羊傳稱顏公後遂爲氏然則瑯琊顏氏出自姬姓與曹姓之顏源流各別碑稱邾武公名夷甫字顏子友別封鄆爲小邾子遂以顏爲氏多仕魯爲卿大夫魏有青徐二州刺史威始自魯居於瑯琊臨沂孝悌里與廣韻異魯公自云官階勳爵並至二品予以史證之太子少師官也光祿大夫階也皆從二品上柱國勳也魯郡開國公爵也皆正二品 又顏氏家廟碑陰額上題字凡十行八十五字亦魯公所書記改堂爲廟室神廚之事爾雅四達謂之衢謂交道四出者今俗所謂十字街也然北史李庶傳劉家莊七帝坊十字街南此碑亦云殷夫人居十字街西北壁第一宅則十字街之名亦古矣號本从乎今從乎亦體之別者

潛研堂金石文跋尾

碑魯公自敘歷譜其世系所出以逮子姓號爲詳備然載先出於顏頊之孫祝融孫安爲曹姓其裔邾武公名夷甫字顏子友別封鄆爲小邾子遂以顏爲氏顏亭林案左傳襄十九年齊侯娶於魯曰顏懿姬其姪聲姬注曰顏懿皆姬母姓當云母氏則顏之爲姬姓爲魯族審矣姓譜曰顏姓本自魯伯禽支子有食采顏邑者因以爲族其出於邾之說本自國輿洪蓋徒見公羊於邾有顏公之稱而不考之於左氏也昔之犁比公豈必爲犁彌之祖乎案魯公當承其家學如師古註急就篇顏氏魯伯禽支庶食采顏邑因著族又顏頊之後封邾邾武公名夷父字顏公羊傳謂顏公其後遂稱顏氏故魯公臨文不檢已爲後人所詆而世尤妄爲牽附乃於己之所祖而肆詎焉抑何感歟又碑敘之儀則謂黃門兄今北史云之推弟之儀魯公去隋未遠又上書不過五世此必有所據史載之推二子長曰思魯次曰敏楚碑作愍楚敏與愍音同故通用之若之儀碑載出爲集州刺史新野公北史於之儀拒命下云出爲西疆郡守及踐極詔徵還京師進爵新野郡公開皇五年拜集州刺史較碑頗詳而進爵亦稍有先後此尤可互見乃足觀其全者

顏魯公文集 卷二十九

此碑魯公爲其父立廟而建碑以紀之也子爲父立廟而碑題曰顏君文中亦多稱君又金石之一例也文實正書而夢英記乃謂之隸書古人楷字多謂之隸書唐六典校書郎正字所掌有五古文二大篆三小篆四八分五隸書八分石經碑用之隸書典籍奏表公私文疏用之惟其爲楷書始可用於表奏文疏也東魏時有文覺寺碑楷書也而題曰隸書夢英之語同其例也文敘先世云出於顓頊之孫祝融融孫安爲曹姓其裔邾武公名夷甫字顏子友別封邾爲小邾子遂以顏爲氏通志氏族略顏氏曹姓顓頊帝元孫陸終第五子曰安安裔孫挾周武王時封之於邾爲魯附庸至於夷父字顏公羊謂之顏公子孫因以爲氏據國稱陳留風俗傳及葛洪要字皆如此云但謂顏爲武公然邾自顏六世至文公遷蔭始有爵諡武公之號未必然也王儉譜云顏氏出自魯侯伯禽支庶食采顏邑因氏焉真卿尙書譜云未知儉何所憑故當依圈葛二家及舊譜爲定据此知魯公已自不主王儉出自伯禽之說顏氏復不檢左傳齊侯娶魯顏懿姬之語而皆專主顏氏爲曹姓也但氏族略以安爲祝融之孫顓頊元孫之子據碑則安爲顓頊之元孫據史記顓頊生子窮蟬又生稱稱生卷章卷章生重黎卽祝融吳回吳回生陸終陸終生子六人五曰曹姓則與鄭氏合然曹姓是吳回之孫非祝融之孫又不同也碑云孔門達者七十二人顏氏有八攷孔門弟子之顏姓者曰顏回淵字子淵顏無繇字子柳顏幸字子柳顏之僕史記云字叔家語字子叔顏鳴字子叔顏何史記云字冉家語云字稱顏高史記云子轅來語云各產顏祖史記云祖字襄家語顏相字子襄凡八人又据李鍇尙史引呂覽有顏涿聚史記作濁鄒左傳作顏庚齊大夫初梁父之大盜也學於孔子爲天下名士以終其壽史記孔子世家云弟子三千身通六藝者七十有二人如顏濁鄒之徒受業者甚衆則是涿聚亦孔門弟子之姓顏氏者而史記弟子列傳無其人此碑但云八人涿聚亦不在其列矣碑云戰國有率燭秦有芝貞漢有異肆安樂戰國策有顏頤齊宣王見之曰觸前觸亦曰王前按顏頤春秋後語作王觸萬姓統譜併合爲顏燭未見有所謂率燭者芝貞異肆亦無攷安樂字公孫魯國薛人家貧爲學精力官至齊郡太守丞見前漢書儒林傳碑云魏

有裴威威即詳本碑裴見三國魏志附倉慈傳云京兆太守濟北顏裴注引魏略云裴字文林有才學黃初初爲黃門侍郎後爲京兆太守還平原太守吏民啼泣遮道車不得前碑云威生欽欽生默默生舍舍生髦默默皆附見晉書顏含傳而事蹟不詳舍在晉書孝友傳云少有操行以孝聞兄畿死復活舍絕棄人事躬親侍養兩兄繼歿次嫂樊氏因疾失明醫人疏方須髯蛇膽無由得之有青衣童子持青囊乃蛇膽也童子出戶化成青鳥飛去此碑銘詞所謂侍兄疾感蛇童者指此然云兄疾與傳異舍後歷官累遷光祿勳三子髦謙約髦歷黃門郎侍中光祿勳舍喪在殯鄰家失火移棺縛斷火將至而滅舍以爲淳誠所感碑所謂事具孝行傳者如此碑云髦生琳琳生靖之靖之生騰之騰之生炳之炳之生見遠見遠生協協生之推之儀之善之儀爲之推弟碑云黃門梁書顏協傳父見遠博學有志行齊和帝鎮荊州以見遠爲錄事參軍及即位於江陵以爲治書侍御史兼中丞高祖受禪見遠乃不食發憤數日而卒協博涉羣書工草隸世祖鎮荊州轉正記室吳郡顧協亦在藩邸府中稱爲二協平世祖爲懷舊詩傳之云宏都多雅度信乃含賓賓鴻漸殊未昇上才淹下秩傳與碑參攷互有詳略又傳云協撰晉仙傳五篇碑作三篇爲異北齊書顏之推傳云之推九世祖舍據碑當爲八世祖梁書協傳云七代祖舍則於之推爲八世祖此云九世者誤也父協梁湘東王繹鎮西府諮議參軍梁書傳作譚繹湘東王國常侍又兼府記室名與官彼此互異世善周官左氏學之推早傳家業甚爲西府所稱繹以爲其國左常侍加鎮西墨曹參軍繹自立以爲散騎侍郎累官平原太守齊亡入周大象末御史上士隋開皇中太子召爲學士碑不序大象之官傳不載冤魂志證俗音字二書各有略也周書之儀傳字子升官爵與碑同有文集十卷碑所略碑云之推生思魯君之曾祖思魯生勤禮君之祖勤禮生昭甫君之父思魯兩唐書附見思古傳勤禮昭甫俱無攷碑所載國史稱溫大雅在隋與思魯同事東宮彥博與思魯同直內史省彥博將與游秦同典校祕閣二家兄弟各爲一時人物之盛二家兄弟者即謂思魯與弟愍楚遊秦溫大雅與弟彥博字大有字彥今檢兩唐書顏溫諸傳俱不載此國史語蓋史家略之矣碑云昭甫明詁訓工篆籀草隸書與內弟殷仲容齊名又

云君少孤育舅殷仲容氏蒙教筆法殷仲容爲君之舅則爲昭甫之妻兄弟而上文有內弟之稱儀禮舅之子注云內兄弟也爾雅姑舅之子爲內兄弟昭甫稱殷仲容爲內弟則昭甫之子不當稱爲舅矣據碑陰稱高祖妣殷夫人是思魯之妻夫人之兄弟勤禮當稱舅兄弟之子勤禮當稱內兄弟兄弟之孫昭甫當稱內兄弟或者昭甫更娶殷夫人兄弟之孫則君當稱仲容爲舅也又魯公之母亦殷氏見前殷君夫人碑若然則顏氏三世娶於殷矣書小史載顏元孫少孤養於舅殷仲容家尤善草隸仲容以能書爲天下所宗人造請者賤盈几輒令代遣元孫爲君之兄是兄弟並育於舅氏而書法並爲舅氏所授矣碑云君與會稽賀知章陳郡殷踐猷吳郡陸象先上谷寇泚河南源光裕博陵崔瑒友善唐書傳賀知章字季真越州永興人唐書地理志越州永興縣儀鳳二年置天寶元年更名會稽郡與族姑子陸象先善肅宗爲太子授秘書監善草隸殷踐猷即仲容從子字仲起與賀知章陸象先章述最善授秘書省學士陸象先蘇州吳人元方子尤知名元宗朝累官太子少保源光裕相州臨漳人乾曜族孫亦有名由中書舍人累官鄭州刺史崔瑒博陵安平人元暉子官終禮部侍郎惟寇泚無攷碑云豪州生春卿杲卿曜卿旭卿茂曾豪州者即元孫官潞沂豪三州刺史長子春卿次杲卿唐書傳春卿十六舉明經拔萃高第調犀浦主簿轉蜀尉蘇頌在蜀爲長史被譖繫獄爲樓閣賦自託頌遠出之據碑則頌爲春卿舉主也春卿終僊師承臨終捉真卿臂曰爾當大吾族顧我不得見以諸子諱汝真卿主其昏嫁是春卿有子而碑未晰也杲卿字昕開元中與兄春卿弟曜卿並以書判超等吏部侍郎席豫咨嗟推伏據碑則同日試超等者尙有魯公之兄允南也杲卿後死祿山之難自旭卿以下羣從俱無傳碑云君生關疑允南喬卿真長幼與真卿允臧凡七子而真卿爲第六子此碑立於建中元年七月距葬後已踰半年而結銜尙云充禮儀使殆猶未解此職也碑書哉生明爲才生明崇班爲崇班或是借用或重刻之譌唐書宰相世系表不列顏氏故關中金石志特據此碑及晉北齊唐諸顏氏傳攷定爲魯公世系列於志中而攷證未備茲故續述之金石萃編

案顏氏在唐無宰相故世系表不載於新書魯公此碑爲禰廟而作其實公之家譜備載於篇公十世祖見遠爲齊治書侍御史碑避高宗諱改治爲持十一世祖協爲梁鎮西記室高祖思魯爲秦王記室故碑稱思魯爲小記室伯祖師古伯父元孫皆爲祕書監故銘稱元孫爲小祕監皆加小以爲別也碑書河南源光裕誤裕作俗崇班班漢二班字皆誤作班公讓憲部尙書表有姪男永王府典軍康成石尊聯句詩有顏渾公族兄顏現公族姪竹山連句詩又有顏粲顏顥顏須皆公族子此碑僅及康成渾知顏氏子姪繁衍碑未盡載也碑末子泉宏都之德行子泉卽子淵避高祖諱改謂回與舍也巴陵記室之書翰謂騰之與協也特進黃門之文章謂見遠與之推也祕監華州之學識謂師古與昭甫也見遠以治書侍御史兼中丞故稱特進昭甫贈祕書監爲碑所未及銘云亞孔聖浴沂風謂顏曾同學也刺青徐給事中謂威與欽也護營柳渡江楓謂默與舍也默爲護軍故用細柳營事舍隨晉元帝過江故云渡江侍兄疾感地重卽舍事見晉書孝友傳鄰火斷珥貂重謂舍子髦也附見舍傳施七葉傳孝恭謂威至琳之子靖之爲七世武騎都尉司從謂琳爲武騎都尉也便尺牘繼魚蟲謂騰之也慟君難憤而終謂見遠也事具梁書子協傳咨記室游湘東謂協爲梁湘東王繹記室嗟御正謂協子之儀泉黃門謂之推也泉本作洎及也顏碑皆作泉或作泉皆洎之變三韶長事東宮謂思魯與弟愍楚遊秦韶美也謂思魯以三美之長爲東宮學士四穆叔史牢籠謂勳禮與兄師古相時弟育德如魯之叔孫約者凡四人皆有史才也襄華州謂昭甫贈華州刺史小祕監謂元孫贈祕書監也惟少保文翰工莅畿赤五襄崇謂公父惟貞爲長安尉乃畿輔赤縣五爲觀察使所薦也登望苑友桂叢謂爲薛王友如漢開博望苑故事又如小山叢桂爲淮南之友也薛王睿宗第五子業唐六典親王府置友一人從五品下三超贈保儲躬謂由祕書少監國子祭酒三贈而至太子少保也碑稱惟貞得筆法於舅氏殷仲容以草隸擅名長安有蕭思亮墓誌爲惟貞撰文無書者姓名金石錄補云惟貞書武承規墓誌與此誌相似則此誌當亦惟貞所書也

惟貞之卒碑未載爲何年但云御史大夫張知泰妻卒之秋七月前云五郎初開威選寮屬拜薛王友薛王以景雲初封則卒當在景雲元年七月公以景龍三年生其時纔周歲耳

顏魯公文集卷二十九

原
书
空
白
页

顏魯公文集卷三十

寧鄉黃本驥仲夏編訂

湘陰蔣 瓊維揚參校

書評十

朱巨川告

朱巨川告顏書其孫灌園屢持入秀州崇德邑中不用爲蔭余以金梭易之又一告顏徐浩書在邑人王衷處亦巨川告也劉涇得余顏告背紙上有五分墨至今裝爲祕玩然如徐告纔有徐法爾王說與余厚善愛之篇一日見語曰固願得之遂以韓馬易去馬尋於劉涇處換一石也此書至今在王說處

米芾書史

唐告多出善書者之手亦足以見一代文物之盛矧魯公道義風節師表百世其所書尤可寶也至大辛亥仲春廿又二日古涪鄧文原書 右顏魯公書朱

巨川告即宣和書譜所載者上有高宗乾卦紹興圖書而魯公之書蓋東坡先生已嘗論之矣不惟愛玩抑見唐代典故之式尤爲可尙龍集辛亥仲秋朔喬

贊成題停雲館帖

此唐德宗建中三年六月給授中書舍人朱巨川告身符年月職名之上用尙書吏部告身之印計二十九顆世傳爲顏魯公書按唐室書符令史事也代宗之喪魯公以吏部尙書爲禮儀使楊炎惡其直換太子少師領使事及盧杞益不容改太子太師併使罷之是時適在間局而其忠義書法巍然爲天下望巨川欲重其事特求公書亦如今世士大夫得請誥勅封贈多求善書者操筆同一意也米元章書史載朱巨川告顏書其孫灌園持入秀州崇德邑中余以金梭易之劉涇得余顏告背紙上有五分墨裝爲祕玩王說篤好顏書遂以韓馬易去此書今在王說處宣和書譜載書亦有朱巨川誥今卷中無宣和印記獨存梁太宗御前之印前後壓縫有宋高宗乾卦紹興印耳豈舊藏御府靖康之亂散落人間南渡收訪應募者截去本朝璽跋邪然五代時既入御府則宋時不應在灌園處豈王說所得乃別本邪不可得而知矣此卷作字雖小而與東方朔贊用筆同其爲顏書無疑告中細書不知出何人唐制惟侍中中書令爲

真宰相其曰同中書門下平章事雖行宰相事而未爲真中世以後藩鎮節度多授中書令故敕後細書首行云太尉兼中書令臣在使完是年四月盧杞忌張鑑出之鳳翔故第二行云守中書侍郎同中書門下平章事臣張使其第三行云守給事中臣關播奉行杞愛播和柔易制是年十月即同平章事矣牒後細書首行云侍中關第二行云守門下侍郎同平章事杞即盧杞也又吏部正員尙書一人侍郎二人其屬有四曰吏部司封司勳考功吏部郎中一人掌文官階品朝集祿賜告身尙書左右丞各一人掌辦大官吏戶禮左丞總焉兵刑工右丞總焉故牒尾尙書侍郎左丞俱云缺而云判吏部侍郎范陽郡開國公翰者盧翰也後此二年爲興元元年正月亦進同平章事符後書判郎中滋者劉滋也

案滋當是貞元

貞元二年正月遂從吏部爲左散騎常侍末後書令史不名亦可驗此告非令史筆矣一展閱間而唐之典故歷歷可考且魯公書得其背紙

墨蹟尙裝爲祕玩況真蹟邪宜何如其寶愛也正德丁丑五月望日陸完跋右爲魯公真蹟予始見摹本頗怪其神采未適及是與仲醇同觀如探驪得珠爲之一快萬曆壬辰二月三日錫爵書 壬辰元旦後三日展此計大字一百

八十一小字百四十一通總三百三十二字書譜唐神品三人篆李陽冰草張長史楷顏平原褚虞歐柳皆列精品中不得與公駕寶顏堂居士陳繼儒志

余不知書嘗妄論古人具妙莊嚴質即疾趨僕行神觀偉如今人似束芻戴冠纓能仰不能俯古人如俊鶴搏鳩鵠睨目納爪盤飛虛空今人如下劣拳師口

中叱叱時作乙勢古人如造凌雲臺雖欲斜欲墜却自銖兩適均今人如百衲錦采色爛然絲理却絕比仲醇出顏魯公朱巨川誥觀之其頂足懸而相抱鬚

鬚怒而不張以斜表正以拙布巧以緩運適與前所云三法皆合此不待陸全卿校勘其的爲魯公無疑然持以示人疑信參半蓋字學之衰久矣其法盡

盡壞於長洲之文氏字取勻美圓淨而止其頓挫抑揚用而不盡用之際多所未講即如此誥一經模勒便塌拖如肉鴨都無可觀驕驕氣喪豈不惜乎姑爲

拈出紙尾歸仲醇藏之以待識者辰玉王衡

式古堂

魯公此書古奧不測是學蔡中郎石經平視鍾司徒所謂當其用筆每透紙背

者仲醇得此自題其居曰寶顏堂昔米襄陽得王略帖遂以寶晉名齋顏書固不減右軍王略而仲醇鑒賞雅意又不獨在紙墨間也壬辰春二月董其昌題跋記

唐世官誥皆善書名公之手顏魯公爲禮部尚書猶書朱巨川誥如近世之埋誌非籍手宗工以爲孝慈不足其重如此畫碑室

顏書朱巨川誥真蹟有二卷皆絹本前後紹興小璽藏項子京家其停雲館刻墨蹟後有鄧文原喬贊成二跋者向爲陸全鄉太宰所寶跋千餘言今藏予家予故有寶顏堂印陳繼儒

顏魯公書誥一黃紙上所書略無毫髮動名蹟也即停雲館中所刻朱巨川誥文嘉殿分

告身在絹上并鄧喬二跋有瑯琊王士驥鑒定孫克宏范允臨僧滿恩諸留名珊瑚

魯公書朱巨川告身卷白麻紙本款式官印與徐季海書誥略同亦唐朝絲綸典制也大字一百八十一細書一百四十一墨濃筆勁妙得入木五分之勢故劉巨濟從南宮得襟紙裝爲祕玩耳宣和曾載書譜卷中無璽印痕止有高宗乾卦印紹興璽前後騎縫陸太宰完辨之甚詳思翁謂眉公得此遂以寶顏名堂始一故實也大觀錄

朱巨川告絹本米海岳以金梭從朱氏孫所易得者董文敏稱其古奧不測是學蔡中郎石經平視鍾司徒所謂當其用筆每透紙背者也然此告後自書告三年宜其風骨更老乃筆力翻覺小劣何歟豈爲人書與其所自書固不能無間歟余參以自書告筆法令就古澹歸於雄渾庶不致遺恨佐史耳

公書朱巨川小楷真蹟董文敏極稱之每舉以爲學者楷法刻戲鴻帖中摸搨凡下殊失魯公手意余稍參以多寶塔筆法追摸一本老目眊昏不能及其萬

一然六十老人作如此蠅頭細書乃能不用眼鏡亦一奇也盧舟題跋

告身之制通典載唐法選集而試書判既試而銓身言已銓而注擬先簡僕射乃上門下省給事中讀之黃門侍郎省之侍中審之然後上聞主者受言而奉

行焉各給以符而印其上謂之告身今驗建中元年告身內有吏部郎中王定上字給事中崔容讀字門下侍郎同平章事楊炎省字侍中闕當有某人審字此行之次有聞字次有被旨奉行字皆與通典合朱巨川於建中元年官行起居舍人三年守中書舍人而告身並階朝議郎唐六典朝議郎正六品上起居舍人從六品上中書舍人正五品上凡階卑擬高曰守階高擬卑曰行巨川在元年階朝議郎而官行起居舍人以正六品上階擬從六品上官是階高擬卑也故曰行至三年仍階朝議郎而官守中書舍人以正六品上階擬正五品上官是階卑擬高也故曰守階官皆與六典合兩告中惟三年勅典掌王言云云是顏書其元年告列真卿行吏部尚書銜名三年告不列蓋已在開局矣元年告凡數目字作壹貳等字而年月皆作一二三是元宗先天時詔改之制也唐書百官志王言之制七二曰制書大除授用之四曰發勅授六品以上用之制有詞勅無詞此二告元年者無詞授六品以上也三年者雖亦六品以上而仍謂之勅雖曰勅而有詞始中書舍人之官異於常格數朱巨川兩唐書無傳元年告銜名有尙書左僕射知省事希逸者即侯希逸也舊唐書傳希逸平盧人寶應元年討平史朝義加檢校工部尙書私艱去職大曆十一年起復檢校尙書右僕射上柱國封淮陽郡王永泰元年因與巫者夜宿於城外軍士乃閉之不納希逸奔歸朝廷拜檢校右僕射久之加知省事新傳則云夜與巫家野次李正己閉闔不內遂奔滑州召還檢校尙書右僕射知省事兩傳不同據此告希逸列銜是左僕射非右僕射在建中元年非永泰元年且永泰紀元在寶應廣德之後大曆之前非大曆後舊傳誤金石編

案朱巨川兩告乾隆中

命合刻爲卷

御筆書其端云其人乃因書以傳此墨池掌故也

自書太師告

高宗純皇帝撫顏真卿自書告身因題四絕句云 漫將筋骨議前賢朱詰裴詩只廓填却笑劉涇珍紙背豈知徐煥得真傳 端莊流麗兩兼之審定分明

識虎兒立德踐行人喜道如言行者復奚誰 舊稱乞米鄰寒儉乍撫將軍訝
宕雄何似告身垂正大黃庭遺得舊家風 吉光片羽總堪珍三百驪珠一串
陳虎帳幾餘披几研對題心喜得佳鄰御製詩

右顏真卿自書告紹興九年四月七日臣米友仁恭覽審定 魯公末年告身
忠賢不得而見也蕭陽蔡襄齋戒以觀至和二年十月廿三日 官告世多傳
本然唐時如顏平原書者絕少平原如此卷之奇古豪宕者又絕少米元暉蔡
君謨既已賞鑒矣余何容贊一言董其昌 右白麻紙書在予館師韓宗伯家
其昌石刻題跋

唐人重告命故顏魯公自書告身今猶有存者容齋筆
徐容齋瑛子方所藏顏魯公自書行案行下部尚書告迺紙書不可曉周密煙
脫史字

右唐諸逸其首尾姓名以石刻完本考之則魯公真卿也始比公山濤叔孫通
者公嘗爲吏部尚書大曆十四年代宗廟而公爲禮儀使也其後公以直不見
容於楊炎換太子少師猶領禮儀使者德宗嗣位之明年改元建中其年八月
逢尊母沈氏爲皇太后時也故事置使必因事乃置事已輒罷公之爲使不以
一事者若韋紹之在開元以禮儀使而掌五禮也凡制勅冊命皆出於中書是
時郭子儀官中書令而不預省事楊炎同中書門下平章事而官門下侍郎唯
舍人于邵獨在中書起草署行者邵也新史邵本傳稱邵以諫議大夫知制誥
進禮部尚書而不言其爲中書舍人者意必以舍人秩卑於諫議而略之也其
用吏部尚書告身印者尚書實而行之官尚書省者之氏名石刻猶可見也就
其可知者疏之如此其殘脫不可知不敢以臆說參焉亦闕疑之義也黃晉卿
顏魯公自書吏部尚書誥黃麻真蹟建中元年所書後有蔡襄米友仁跋在韓
存良太史家今歸猶子誕嘉慶唐世誥勅例用麻紙或以顏告不用絹爲疑豈
未會降麻之文邪此卷向爲宋思陵故物有紹興小璽亦曾入韓侂冑家有承
與軍節度使印又入賈丞相家有曲脚封字印云丑按季宗元就賈團練家得
顏魯公自書告身見陸友研北雜誌其自書刑部尚書告乃大曆十二年物舊藏

徐容齋所見煙雲過眼錄中則其別本也清河書

白麻紙本高九寸長六尺三寸正書三十二行每行八十字徑寸大豐肥古勁
雄偉之氣奕奕已刻入戲鴻堂細書職銜十四行小楷適整前後年月及牒到
符到奉行計五行鈐大方官印每行各五顆內一行缺一顆計二十四顆前宋
綾隔水墨筆行書唐顏真卿之誥六字理宗筆也下壓宋印接紙處有內殿祕
書之印鈐縫又紹興方璽紹興小長璽曲脚封字印後宋綾隔水亦宋印拖尾
宋印尚多模糊不辨麗箋上米數文奉詔審定行楷二行蔡忠惠大楷六行米
書披扛鼎之筆力盡拿歎之韻度蔡書端謹秀勁如垂紳擗笏揖魯公於前而
氣象復舒泰兩跋貴重似不下告身一等矣董宗伯題亦佳跡大觀

按唐史大曆九年代宗廟德宗立以公充禮儀使明年改元建中八月加公太
子少師時盧杞忌公切骨公以直不爲所容名雖尊之實遠之也是時公年七
十有二去公爲李希烈所害年七十有七不過五年此後惟有朱巨川告耳然
風力不及此遠矣 臨顏書者當得其澹古之韻但以雄厚求之皮相耳此自
書告與臧懷恪碑正相類乃顏書之絕清瘦者余歛其浮情不令脈與血作然
後臨之乃覺小有契耳 魯公自書告董文敏稱其奇古豪宕爲魯公書所絕
少余前臨此告以爲奇古不難須得其淳淡之趣乃佳宋人論顏書謂出自褚
顏之與褚了不相似而以爲體源一同此可謂知書者矣 臨古而不得其體
終日鹿鹿徒勞脚板耳折盡骨肉自現清淨法身乃爲得之余此卷猶有愧於
斯語 魯公自書告爲真定梁相國所藏往在京師曾一見之白麻紙書墨光
如漆遠出朱巨川告上蓋魯公絕矜練作也時余責授吏部竟日承事 乾清
門未暇模取雍正二年太保年雙峯入觀還過真定購之以西逾年余南還與
蔣拙存遇於二泉則魯公告已摹取來矣武陵漁人再入花源欣快無比兩年
來每喜爲人臨寫不可數計此卷亦其一也筆力適古頗不失魯公手意右軍
嘗自題其書云下官此書甚合作願聊存之僕於此卷亦云 八月九日爲稻
兒生日以此卷付之魯公老骨如鐵子子孫孫一門忠孝千載以後談顏氏者
齒頰猶香至於各位壽考皆居最盛老夫之望汝特餘事耳盧舟

王密碑

唐刺史王密德政碑浙東觀察判官李舟撰太子少師顏真卿書國子監丞李陽冰篆額王公名密德宗初自明州移爲湖州刺史州人潘瀾阮津等請立遺愛碑以建中二年十月立并勅書同刻勅徐浩所書也

集古錄目

第一千五百七十二唐明州刺史王公德政碑李舟撰顏真卿書李陽冰篆建

中二年十月金石錄目

太師於書天得也嘗學折釵股謂得古人書法隱處余見此碑特盡之矣故爲世絕藝太師名德偉然爲天下第一忠義之發出於天性今人不得盡知惟書法入石流傳於後故世無賢不肖皆得知之蓋以公爲善書人也今書藝所學皆深墨重筆如指畫木印狀皆謂能學公之書矣昔夫子能拓關而不以力聞蓋以慎其所習也公於書自喜常患後世不傳則其陷流俗中亦自取其累耳

元德秀碑

李華嘗爲魯山令元德秀墓碑顏真卿書李陽冰篆額後人爭模寫之號爲四絕碑

舊唐書李華傳

唐元魯山墓碑監察御史李華撰太子太師顏真卿書

集古錄目

額魯山名德秀字紫芝河南人嘗爲魯山令碑以建中四年秋立

集古錄目

第一千五百七十七唐元魯山墓碑李華撰顏真卿正書李陽冰篆建中四年

秋金石錄目

案魯公以建中四年正月使淮西爲李希烈所困是秋安得爲德秀書碑蓋

集古錄目及金石錄目所書皆立碑年月非書碑時也

唐興寺主碑

第一千五百五十唐唐興寺主碑撰人姓名殘缺顏真卿正書

金石錄目

張府君碑

魯郡太守張府君碑顏真卿書在孔廟

古碑錄今

守政帖

顏魯公忠義氣節史策略盡偶閱臨汝石刻見一帖云政可守不可不守云云此是獨赴謫地而與其子孫者無由考其歲月千載之下使人讀之尚可畏而仰也

容齋四筆

與柳冕帖

魯公草書摹傳於世者多矣此帖尤奇雖筆勢屈折如盤鋼刻玉勁峭之氣不少變蓋類其爲人柳冕唐名士也魯公名呼之而自稱老夫亦可以見當時士契之梗概云

集梁溪

案柳冕之六世從祖宰相頤爲魯公繼曾祖母之父則魯公與冕之祖太子文學彥昭爲同輩冕之父集賢學士芳爲魯公同祖姑殷夫人之孫壻則魯公亦與冕祖爲同輩直呼冕名非倨也

裴將軍詩

魯公集中不見此詩裴將軍不知爲誰既言劍舞疑爲裴文會子言有若無實若虛犯而不校昔者吾友嘗從事於斯矣初不指名爲何人而後世皆以爲顏子不疑此書不見姓名具劍拔弩張之勢非忠肝義膽不能爲此所謂言言如嚴霜烈日真可畏而仰哉

集攻瑰

右顏魯公送裴將軍詩多感慨踴厲是公合作語而不見集中錫山安國續刻之故應是安氏物也書兼正行體有若篆籀者其筆勢雄強勁逸有一掣萬鈞之力拙古處幾若不可識然所謂印印泥雖畫沙折釵股屋漏痕者蓋兼得之矣裴將軍當是裴文文劍舞與張長史書吳道子畫爲開元第一公於時年尙少甫得法長史其書此歌時文豈亦錦繡紫膜盤馬跳躍爲驚雷掣電狀邪不然何公書之酷似道子畫也跋尾曹武惠王林和靖處士俱亦自有筆意可觀

弁州山人稿

顏魯公送裴將軍詩一錫山安氏藏本其家已刻石行世怪怪奇奇前無古人矣蓋魯公劇蹟也

文嘉嚴分宜書紀

顏真卿裴將軍北伐詩西川南充陳氏所藏白麻紙宋名人跋

畫表銘

新史突厥傳裴文嘗與幽州都督孫佺北伐爲奚所圍文舞刀立馬上矢四集

皆迎劍而斷則此裴將軍正文也北代奚人矢迎刃而斷詩則謂將軍臨北荒

烜赫耀英才者也文善劍舞唐文宗謂以李白歌詩裴文劍舞張旭草書為三

絕詩所謂劍舞躍游電隨風榮且迴者也文以龍華軍使守北平一日射虎得

三十一詩所謂一射百馬倒再射萬夫開者也則公此詩蓋字字實錄絕無一

語溢美而詞氣踔厲筆力雄偉驚心動魄如此蓋由裴公奔雷掣電之奇與魯

公忠義激昂之氣兩相激發故不覺詞翰縱逸不可逼壓後世讀其詩觀其書

法尚足廉頑立懦則當日公之忠肝義膽爭光日月為可知矣書兼楷行草若

篆若籀雄絕一世余題為魯公第一奇跡不虛也此書流傳絕少惟見兩卷而

字跡微有不同豈公當日有兩本邪董思白言婁江王弇州所藏與余後見一

本互有同異而後本差勝如思白言則公曾書兩本信矣米海嶽論爭坐稿

謂其字相聯屬詭異飛動得於意外最為傑思黃山谷云奇傑秀拔奄有魏晉

唐以來風流氣骨回視歐虞褚薛皆為法度所掩豈若魯公肅然出於繩墨之

外而卒與之合哉二公之推許論坐如此余謂特未見此書耳此書詭異飛動

出論坐外蓋自右軍來未聞此境其心目中不復欲存右軍一筆蓋所謂善學

柳下惠莫如魯男子者也然非有一段忠義鬱勃之氣發於筆墨之外末由臻

此不求其本而但倣其面目亦未為善學者也欲學古人不可不知此語虛舟跋

誌公像贊

誌公像贊今靈谷寺有石刻吳道子畫李白贊顏真卿書世稱三絕舊刻已壞

此重刻者不復見書法之妙矣碑陰有趙松雪篆書甚佳然余未之得也東里錄

開元寺僧殘碑

第一千五百四十四唐開元寺僧殘碑顏真卿正書金石錄

右唐開元寺僧殘碑雖書撰人姓名殘缺然以字畫驗之為顏魯公書無疑也

初仁宗朝吳長文參政在京師僦居治地得之當時文士皆為賦詩今其石尚

藏汶上長文家云金石錄

臨諸家法帖

右唐人所臨諸家法帖一卷其前數帖類真卿所書蓋其筆畫精勁他人未易

臻此集古錄跋尾

案魯公有臨王右軍二帖刻入甲秀堂帖未知即歐陽公所見否

華嚴經

宋捐顏魯公書華嚴經卷首有羅氏世家印邵達慶書畫題跋記

魯公華嚴帖如萬鈞之弩一發沒羽余稍添以劉太冲蔡明遠等敘令就疏宕

力不足故不免態勝也虛舟題跋

小字華嚴經

憶癸丑萬曆四十四年北上遇徐碩菴先生向余稱魯公真蹟有僧手唐箋一幅闊可

尺三寸直尺七八寸書華嚴經八十一卷初看如絲不能識認諦視則筆勢勁

適精神橫溢書尾記年月日積書十載則魯公筆也鮑觀光重刻米書魯公尸解事跋

黃庭經

右黃庭別本續得之京師書肆不知此石刻在何處其字畫頗類顏魯公甚可

愛而不完更俟來訪以足之集古錄跋尾

摩利支天經

此經與東方朔贊家廟碑政是一輩書耳勁拔嚴重如入宗廟中循牆皆禮樂

器而秀媚流利有翩翩欲飛浩然獨往之趣公生平拒祿山誚盧杞叱希烈直

氣塞天地至與陶八入游得尸解之術證位上真又有浮游埃壘之表者其扶

人紀而闡元風皆可於公筆札中見之昔謂筆為心畫可以觀人於公尤足信

也康虞善鑒字且善鑒人其以此言為何如顧起元藏真草堂集

魯公正書摩利支天經咒硬黃真蹟乃公奉敕書也字體與麻姑壇記無異特

差大如通行錢耳清河書畫舫

自江淮帖即一行帖

卞令之少司寇收魯公自江淮帖僕以劉太冲蔡明遠寒食等帖細意對較字

字皆同則知此為好事者集魯公字雙鉤所成又其所收湖州帖筆法浮蔓少

力亦屬好事者仿顏面貌而為之以便售利顏書雖率爾作草無不沈勁入骨

此書殊不爾決知非魯公余此論似妄實有精鑒不虛也恐來學或未能識別

聊復書之以麗於寒食帖後竹雲題跋

案江淮帖汝帖絳帖皆有摹本

送辛晃序

唐太師顏真卿書送辛子序 右真蹟楮紙書在寶文閣學士謝景溫處前後為好事者以筆描二大印其文亂仍書鉉字其中幸不合縫鑒非鉉筆甚累墨

寶符佐寶文於潭屢經賞閱寶章待訪錄

寒食帖

顏真卿寒食帖 右綾紙書在中書舍人錢經處世多石本寶章待訪錄

與澄師帖

澄師帖刻戲鴻堂帖內幸周副者周當作問摹刻誤也

臯陶碑

臯陶碑顏真卿書在臨汾縣古今碑錄

旌儒廟碑

唐旌儒廟碑顏真卿書在臨潼坑儒谷古今碑錄

元侶法師碑

興唐寺元侶法師碑無撰人名氏顏真卿書寶章待訪錄

霄漢閣石刻

霄漢閣石刻顏真卿書在順慶府廣安州治西古今碑錄

天中山三字

天中山三字顏真卿正書無年月明人重刻寶章待訪錄

真卿二字

唐太師顏魯公書名兩字 右真蹟書嶺南刺史綾告在朝奉郎臨江許彥先

處訪錄

訊後帖 鄒游帖 脩書帖 廣平帖 中夏帖

訊後鄒游二帖見忠義堂第一冊脩書廣平中夏三帖見忠義堂第二冊

別本麻姑壇記

此帖亦見忠義堂摹本字大如中指介在大字小字二本外別成一種未有令姚免三字

顏元孫告 顏昭甫告 魯公授刑部尚書制

元孫昭甫二告及魯公此制皆摹入忠義堂帖留元剛云或係顏碩輩所書不必皆魯公手蹟也

御史帖 南來帖 草隸帖 江外帖 送書帖

五帖皆東平輩續入忠義堂帖

案以上一十四種皆係宋刻未經前人論定彙錄各碑之後又魯公碑刻見於金石家記載而集中無文者有顏允南妻陳氏碑顏顯甫碑顏喬卿碑顏處士碑殷攝碑湖州射堂記文殊師利碑祖亭碑張敬因碑凡九種又文見集中世無石本并金石家亦無記載者有崔沔陋室銘記華姑仙壇記顏幼輿碑顏允臧碑張志和碑李光弼碑李齊物碑清河康公碑徐秀碑鮮于向碑和政公主碑妙喜寺碑以上十二碑雖未必盡為公書而撰書皆出公手者必多存目於此以待搜訪

元宗老子像贊

姑蘇天慶觀道士馬大同得吳道子畫太上混元黃帝聖像乃元宗皇帝四言御贊十有六句題為臣顏真卿書寶慶元年刻於石正書徑五分字不類顏附錄於此

奉使題字

觀此筆蹟不顯歲月以事實攷之蓋使李希烈時也希烈以建中元年陷汝州盧杞建議遣公奉使至貞元元年八月丙戌公不幸遇害困蹟賊庭者逾二年刃加於頸而色不變度無還期誓不易節蓋書此以自表云重既摹公之像於蒲繪而祠之又訪得此石本狀貌老矣公以乾元元年自同徙蒲至奉使時垂三十年氣節不衰而狀貌非昔也乃刻石而寘之祠室俾觀者有考焉靖康元年七月壬申朝散郎祕閣修撰知同州軍州事唐重書

魯公行書奉命來此事期未竟止緣忠勤無有旋意又作二語云人心無路見

時事只天知宋刻同州下有公小像不知原刻在何處然觀其詞意乃使李希烈時也亦足悲夫

石壁
鐫華

公使逆藩逼以偽相羈囚憤懣甘死待日內無可屈之志前無可任之途循省身世思憶君國千愁萬緒莫從告語寄之此圖申以數語用示後人即遙訣君父痛哉未嘗不百拜展卷淚涕承睫下也坐令逆徒兇焰頓化敘崇則此象此字之傳固人心天理之不容泯亦造物之呵護引延留爲血氣之類置榜櫟也夫上可以格之天下可以感逆賊及數百世之人之遠而一堂之近平生合姓之忠義不足以信之君而破奸相之謀公何遇之不幸也然丁此遇而後完大節於八十之年公即無心以自表暴而天若有以就之又何恨乎

墨林
快事

金石文字記載此書在同州上有公像下有靖康元年唐重題字而余所得本無有豈別一刻與公以峭直爲宰相所忌斥逐非一亦未必定是使希烈時書但觀其言詞慷慨意旨悲惋彌令人嘆息痛恨於青蠅之詩也

金石
文鈔

歐陽文忠公跋公殘碑有云如忠臣烈士道德君子端嚴尊重使人畏而愛之雖其殘缺不忍棄也此公使李希烈時書靖康初唐重爲勒石於蒲者其云人心無路見時事只天知對之令人慨想當年幾欲泣下裝潢什襲又寧獨玩其書法而已哉

王砥齋
題跋

唐史德宗建中四年李希烈陷汝州盧杞建議遣公往宣慰之明年希烈僞僞號問儀於公公不爲屈八月希烈縊殺公於蔡公有自汝移蔡帖未之見也公幽於汝蔡凡三年幾死者數矣義命自安始終不易及入龍興寺自度必死乃作遺表自爲墓誌此帖所謂抵緣忠勤無有旋意中心恨恨始終不改者蓋其時書以明志之語也或者議公年踰七十不肯致政難以言智當是時唐室禍亂相仍殆無虛日又林甫盧杞相繼爲相中外之勢危若累卵公以五十年舊臣不忍坐視其亡而寧以身殉此其心跡真與日月爭光可也或又議公不死於希烈僞號之時至爲希烈所殺以爲公惜希烈之陷汝僞號等反耳公不死於僞號之時與不死於使汝之日一也豈謂公於此時尙復有偷生畏死之心哉一日不死或者朝廷匡復尙可留其身以有爲未可知也且建議遣公者杞

也從杞遣公者德宗也以宗社柱石之臣投之亂賊是魯公之死君相死之耳綱目大書顏真卿爲李希烈所殺罪君相也

竹雲
題跋

右顏魯公像并奉使蔡州書在同州府宋靖康元年七月祕閣修撰知同州唐重所刻題云重既墓公之像於蒲繪而祠之又訪得此石本狀良老矣公以乾元元年自同徙蒲至奉使時垂三十年節氣不衰而狀良非昔也乃刻石寘之祠室俾觀者有攷焉案魯公以貞元元年乙丑爲李希烈所害時年七十六則乾元元年戊戌年止四十九故二像鬚眉不無壯老之別重字聖任眉州彭山人建炎初以天章閣直學士知京兆府與金人戰城陷死之蓋忠義得之性成宜其有慕於魯公也

潘研堂金
石文跋尾

右碑上刻顏魯公奉命帖下刻像中則宋唐重跋也云觀此筆跡不題歲月以事實攷之蓋使李希烈時也至貞元元年八月丙戌公不幸遇害困躓賊庭者踰二年案魯公以興元元年奉使貞元元年八月廿四日死難唐書本紀以爲八月丙戌獨行狀以爲興元元年者非跋爲靖康元年七月作

關中金
石記

案唐重字聖任自署爲朝散郎祕閣修撰知同州軍州事故重以右諫議大夫疏斬蔡京父子遷中書舍人言宰輔當先補外爲相所惡落職知同州傳不載其爲祕閣修撰當是略也是年金兵破晉絳重度不能守開門縱州人使出自以殘兵數百守城金疑其有備不渡河而返尋擢天章閣待制卽其時事矣後爲京兆府路經略制置使爲金將寔室所攻城陷殉節致欽宗本紀金破晉絳乃是年九十兩月事也寔室破永興軍乃高宗建炎二年正月事也重在同州繪公圖像刻置祠堂是其忠義之氣根於天性觀此圖者不特使真卿英靈千載不沫重之氣節亦於是乎可見矣

關中金
石志

此碑據魯公年譜以爲興元元年書據魯公碑銘云興元元年八月三日薨於蔡州之難行狀云貞元元年八月二十四日希烈幽殺之新唐書本傳不書薨日舊傳則云興元元年八月三日與碑銘同公之奉使新書本紀及傳皆不書年月舊傳本紀特書建中四年正月庚寅李希烈陷汝州甲午遣顏真卿宣慰李希烈軍是希烈之陷汝真卿之奉使皆在建中四年唐重以陷汝州在建中

元年關中金石記以奉使在與元元年皆誤也兩書傳載真卿先為袁倬所排次為楊炎所惡最後為盧杞所忌數遣人間方鎮所便將出之會李希烈陷汝州杞乃奏顏真卿四方所信使論之可不勞師旅上從之李勉密表固留又遣逆於路不及至河南河南尹鄭叔則勸不行答曰君命可避乎既見希烈宣詔肯就館希烈逼使上疏雪已真卿不從每與諸子書但戒嚴奉家廟恤諸孤訖無它語希烈屢遣人或說或脅皆怒叱之乃拘真卿守以甲士掘方丈坎於庭傳將阮之真卿曰死生分定何多為張伯儀敗肅旌節首級至真卿慟哭投地會其黨周會康秀林等謀襲希烈奉真卿為帥事洩會死拘送真卿蔡州龍興寺真卿度必死乃作遺表自為墓誌祭文指寢室西壁下曰此吾殯所也與元後王師復振賊慮變遣將辛景臻安華至真卿所縊殺之真卿之書此帖當即與作遺表墓誌祭文同時真卿前以直道取忌於小人後以忠貞被拘於逆賊所遇之境艱苦備嘗千磨百折而不變節帖中所謂中心悵悵始終不改游於波濤宜得斯報數年中情事盡在此四語中後人可以想見也傳載真卿被害在與元元年王師復振之後則其書此帖自在與元以前既不能確定其時祇可系於被害之年金石萃編

移蔡帖

按留元剛年譜魯公生於景龍三年己酉距貞元元年乙丑年七十有七殷亮行狀亦云貞元元年八月二十四日希烈使景臻等害公於龍興寺年七十七令狐岵神道碑則云今上興元二年八月三日蹈危致命而碑末復云貞元初遇害舊史則云興元元年八月三日殺真卿然又云年七十七皆不合綱目從舊史而新史不載年月按公有自汝移蔡帖云貞元元年正月五日真卿自汝移蔡天也天之昭明其可誣乎有唐之德則不朽耳十九日書此公所自書者的可據當以貞元元年八月李希烈害公於龍興寺年七十有七為正或云八月二十四日或云八月三日則無須深考矣竹雲題跋

忠義堂帖

宋人有忠義堂祀顏魯公嘉定間留元剛刻魯公帖置其中極其勁秀計十卷

有嘉定丁丑東平鞏嶸跋予僅得八卷貯海雲閣元王秋澗云觀顏魯公忠義堂帖偶悟公書勁而潤蓋筆筆轉而韻勝故也庚子銷夏記忠義堂帖宋人所刻不知幾卷予得二大帙俱顏魯公書東林西林雁塔題名家廟碑北墨白綿紙刻亦清勁惜乎不全碑帳紀

案近日鈎得忠義堂帖即孫退谷藏本凡六冊又另冊二內無東西林及雁塔題名亦無家廟碑豈孫氏本不全邪抑四明范氏所見即孫本之所佚邪忠義堂帖宋人所刻有奉命帖移蔡帖葉少蘊避暑錄話曰顏魯公真蹟宣和間存者猶有數十本其最著者與郭英義論坐位書在永興安師文家祭姪季明文病馬乞鹿脯帖在李觀蔡士衡家乞米帖在天章閣待制王質家寒食帖在錢穆甫家其餘與蔡明遠帖盧八倉曹帖送劉太真序當作太冲不知在誰氏皆有石本坐位帖安氏初析居分為二人多見其前段師文後乃併得之相繼皆入內府世間無復遺矣今忠義堂所刻已上諸帖皆有之又有送辛晃序清遠道士同沈恭子游虎邱寺詩末題大曆五年十二月又有開元二年二月顏元孫告身一通乾元元年四月顏昭甫告身一通寶應元年七月顏惟貞贈秘書少監告身一通殷氏贈蘭陵郡太夫人告身一通大曆十二年八月顏真卿刑部尚書告身一通建中元年八月顏真卿太子太師告身一通後有宋至和二年蔡襄跋嘉定乙亥留元剛刻石金石文字記

附忠義堂帖孫退谷藏本目次

- 第一冊 移蔡帖 爭坐位帖 奉命帖 與蔡明遠帖 寒食帖 鄒游帖 朝迴帖 仁奉辭帖 鹿脯帖 乞米帖 捧袂帖 峽州帖
- 第二冊 脩書帖 守政帖 廣平帖 中夏帖 與夫人帖 華嚴帖 文殊帖 一行帖 鹿脯後帖 書馬伏波語 訊後帖 送劉太冲序 送辛子序
- 第三冊 裴將軍詩 刻清遠道士詩因而繼作 麻姑仙壇記
- 第四冊 東方先生畫贊碑陰記
- 第五冊 郭公廟碑銘上

第六冊 郭公廟碑銘下

另冊一 顏昭甫贈華州刺史制 顏元孫制 顏惟貞贈祕書少監制

蘭陵郡太君殷氏贈蘭陵郡太夫人制 顏真卿太子少師告身有蔡襄題記

顏真卿刑部尚書告身

元剛有跋在各告之後所見稜本首元孫制次昭甫制次少師告次刑部告次惟貞告次蘭陵告其次蓋爲裝者所誤又惟元孫制有前題目餘皆無亦裝者失之也

御史帖 南來帖 草篆帖 江外帖 送書帖

五帖爲嘉定丁丑東平鞏嶠所續宋史藝文志著有邵陵類考一卷

另冊二 乞御書題天下放生池碑額并御書批答原刻御書批答本在放生池碑之後觀標題可見所見稜本誤以御書批答冠於諸制告之前元剛跋但言刻諸告身而不及放生池碑則此碑及批答蓋亦鞏氏續刻也並正之

顏魯公文集卷三十

原
书
空
白
页

顏魯公文集補遺

卷十二 古近體詩

詠陶淵明

朱文公曰陶公栗里前賢題詠顏魯公一篇令人感慨見廬山記集不載紀聞案廬山記陳令舉撰王伯厚云集不載者蓋伯厚見本乃宋次道所編之魯公集也本朝全唐詩所載又不知從何本探入詩中苦不作不肯舍生悲掩紳作含生悲掩紳與孤雲遠作與孤雲外辨隨作心隨與伯厚所載異者數字何義門云此詩已非全篇玩其詞意實止於此何說非也

贈裴將軍

唐李元獨異志云吳道子善畫鬼神開元中將軍裴文居母喪詣道子於東都天官寺圖神鬼數壁以資冥助答曰廢畫已久若將軍有意爲吾纏結舞劍一曲庶因猛勵獲通幽冥文於是脫去衰服若常時妝飾走馬如飛左旋右抽擲劍入雲高數十丈若電光下射文引手執輪承之劍透空而下觀者數千人無不悚慄道子於是援毫圖壁俄頃之際魔魅化出颯然風起爲天下壯觀道子生平所畫得意無出於是案裴文舞劍唐人所記曲盡其妙魯公此詩刻入忠義堂帖所謂劍舞若游電隨風縈且迴適與電光下射之語相合豈亦濡毫吮墨時親見彎弓盤馬之狀有以助其筆力耶不然此詩此字何神宵至此宜其與道子之畫並傳千古也

峴山石尊聯句

今峴山有李適之淫樽顏魯公諸人嘗爲聯句而傳不載其書至湖州爲刺史蓋史失之也避署錄話

大言小言等聯句

江鄰幾雜志云宋次道集顏魯公文爲十五卷詩才十八首多是湖州宴會聯句詩公必在其間又有大言小言樂語滑稽語饒語醉語案次道宋敏求字也是集見館閣書目今已佚而不傳補在容齋三筆後

卷十六 外集四

顏魯公畫像

結芻續體祭中丞鬼質何爲苦見嘆千五百年如烈日二十四州惟一入朝衣

朱翌

視坎趨前死羽服行山卽此身賴有區區張孝舉直言驚倒漢廷臣家新仲此詩前刻從今據瀾山集鈔補

書左善舉秀才乞米圖

宋韓縣會 幾 吉甫

乞米魯公書作帖顏處士繪爲圖若教渾似侏儒飽還有流傳翰墨無補在朱翌後詩

讀顏魯公碑

李無悔

平生肝膽衛長城至死圖回色不驚世俗不知忠義大百年空有好書名書原作詩原明仁和即瑛改家圖回二字亦疑有誤補在曾幾詩後

卷十七 外集五

贈顏元孫祕書監制

廣德二年

故濠州刺史上柱國顏元孫懿道淳茂宏材特達傳經成業聚學爲文清白著於家風聞望光於銓選久膺揚歷愛寄藩條政有其方績宣其用未登大任遽迫流年九原不作郡邑存其遺愛二子象賢艱難立其名節忠能徇國者在榮親贈以儒官揚其盛烈可贈祕書監補在寶應元年贈蘭陵郡太守殷氏制後

顏蘇二公祠記

宋鄭縣袁 燮 和叔

自古人才有卓然關繫世道者其惟節義之士乎蓋水必有防決決則水不可制屋必有棟棟折則屋無以立惟人亦然必有節義之士確乎不可奪者爲之標準則人心興起而公道著明不然者反是其所關繫豈不甚大哉嗚呼若唐之顏魯公本朝之蘇長公履險蹈難終其身未嘗少屈真節義之士乎安祿山之變顏公忠憤奮發首唱大義興起一時士大夫之心卒能摧折姦兇再安唐室李希烈之使心知其危冒死而不顧其剛毅特立有如此者蘇公力爭新法遂以忠鯁顯名羣邪媚疾投諸散地元祐間與羣賢並進志稍伸矣仍不得久安於朝紹聖元符之際遠謫窮荒而氣不懾其砥節礪行無愧於顏公故至今論人物者兩重之初吳興廟祀顏公而祀蘇公於其廡前守陳侯汝始立寶積院之祠以祀顏楊侯長孺始立黃龍洞之祠以祀蘇而祠遂分二公皆此邦良牧人心所不能忘也今守趙侯希蒼至顧黃龍之祠地勢爽塏思前人建立之

艱圖所以永久勿壞者輪奐之美功力之堅有加於往日則合顏蘇二公共爲一祠前臨震澤波瀾浩渺廣吞三郡旁揖卞山形勢嶄巖雄鎮一方登堂遠望蒼翠之色泓澄之輝上下交映使心形俱泰以二公之賢血食於此真不忝矣發爲議論同一肺腸行乎正途同一軌轍此侯所以合而祀之也嗚呼周公管蔡不相爲謀馮稷顏子可以同道是心一差雖同父所生未免乖戾是心無間卽先後曠世自爾合符二公節義其時異而心同者與表前賢之懿行爲後進之師資使蒼生士民則而象之洗濯其背公營私之習振發其守節殉義之心則雖後二公而生其堅正不回之操必有能繼之者矣傳曰有爲者亦若是尙論古人謂之善友此侯之所望於郡人者貽書屬爲記之是舉也實關風化余何敢以不文辭

案湖州府志歸安縣尊經閣左有魯公祠祀唐顏真卿烏程縣峴山有二賢祠祀真卿及宋蘇軾王十朋鎮書樓下有四賢祠祀晉王羲之謝安及真卿軾

本朝吳綺於峴山之祠增入義之安及梁柳惲唐杜牧宋孫覺明陳幼學改爲九賢祠而黃龍洞顏蘇合祀之祠闕焉黃龍洞在卞山蘇軾在郡僅九十日嘗禱雨於此志云淳熙中烏程令蕭德藻因爲軾建專祠卽此記所云嘉定中郡守趙希蒼改建顏蘇合祠之地也攷記中舊祀魯公祠在駱駝橋東陳汶改建之魯公祠在杼山寶積院黃龍洞之蘇長公祠始於嘉定中郡守楊長孺而不始於蕭德藻皆可訂湖志之誤

補在歐陽守道吉州祠堂記後

書顏魯公逸事

明長洲陳仁錫明卿

魯公宦跡家世舉世洞悉其忠節素著文章詞翰特餘事耳頗得仙道自其宿命所通年十八九時以疾有道士過其家自稱北山君出丹砂粟許救之頃刻卽愈因謂之曰子有青蘭之名已誌金臺可以度世上補仙官不宜自沈於宦海若不能擺脫塵網去世之日可以爾之形鍊神陰然後得道復以丹一粒授之戒之曰抗節輔主勤儉致身百年外吾期爾於伊洛之間矣別傳云真卿將縊解金帶以遺使者曰吾嘗脩道以形全爲先吾死之後但割吾支節血爲

吾吮血以給之則吾死無所恨矣縊者如其言既死復收瘞之賊平真卿家遷喪上京啓殯視之棺朽敗而尸形儼然肌肉如生手足柔軟髮青黑握拳不開爪透手背遠近驚異焉行及中路旅櫬漸輕後達葬所空棺而已別傳又云真卿將往蔡州謂其子曰吾與元載俱服上藥彼爲酒色所敗故不及吾此去蔡州必爲逆賊所害爾後可迎吾喪於華陰開棺視之必異於衆及是開棺果覩其異道士邢和璞曰此謂形仙者也雖藏於鐵石之中鍊形數滿自當壁裂飛去矣其後十餘年顏氏之家自雍遣僕往鄭州徵莊租迺及洛京此僕偶到同德寺見魯公衣長白衫張蓋在佛殿上坐此僕遽欲近前拜之公遂轉身去仰觀佛壁亦左右隨之終不令僕見其面乃下佛殿去僕亦步隨之徑歸城東北隅荒萊園中有兩間破屋門上懸箔子公便揭箔而入僕遂隔箔子唱喏公曰何人僕對以名公曰入來僕既入拜輒擬哭公遽止之遂略問十二兒姪了公探懷中出金十兩付僕以濟家匱仍遣速歸勿與人說如家內乏闕卽再來僕還雅述其事家衆大驚貨其金乃真金也顏氏子便市鞍馬與向僕疾來省覲復至前處但滿眼榛蕪一無所有時人皆稱魯公屍解得道焉

案唐李石續博物志云顏真卿遇道人陶八入授以碧霞丹餌之曰七十上有厄如有卽吉後爲盧杞所陷縊死希烈敗返葬狀貌如生偏身金色爪甲出手背鬚髮皆長數尺人咸異之後有商人遇之於羅浮山寄書至偃師顏氏守學者曰此先太師親翰書法蠶頭馬尾馬當作鼠真得仙也明卿所書與米襄陽仙迹記小有異同蓋皆本於李石之說以仙視魯公不知公之自有千古者正不在金丹幻術也揆厥所由皆以平日文字喜與仙佛作緣故後世之惡盧杞而恨希烈者欲藉此以抒其不平之氣亦如諫佛骨之韓昌黎偶與文暢大顛輩以詩文投契遂指爲釋氏華宗此雖細人愛人不窺其大其實皆二公有以自樹之的也魯公爲復聖後裔數百年來議禮諸臣不克躋於兩廡之祀正爲仙迹所累特識於此以俟千百世之具隻眼者

補在元蘇伯衡清溪記後

雜紀

讓美德也然當審其是非趙充國不歸功於二將軍君子以爲是顏真卿歸功於賀蘭進明君子以爲非同上紀聞第二條後

七十懸車古之制也然亦道其常耳際昇平之世遭願治之君聘召之勤倚任之重如漢之張蒼魏之高允宋之潞公諸賢完名令終哀榮備至無得而議焉者也陳蕃張柬之顏真卿孤忠勁節百世瞻仰不可尙矣然其世則亂世也其君則闇君也其年則八十餘也不能引年而退見幾而作卒皆不得其死此君子所以深惜之者歟實備餘談補在前條之後

顏杲卿真卿各以一郡起兵討賊事雖無成大義凜千載矣義聲一動河北響應以二公之才烏合二十萬而常山未及旬日平原亦終不支胡氏史論謂明皇保姦棄賢天固不使得忠義之報信夫杲卿罵賊百世下如聞其聲真卿立朝忠貞勁直侃侃乎社稷之佐臨難則抗節賊庭至死不屈二人爲唐室增光豈小哉朱軾名臣傳論補在錄冬敘錄第二條之後

卷二十二 書評一

總論

觀其書有以得其爲人則君子小人必見於書是殆不然以貌取人尤且不可而況書乎吾觀顏公書未嘗不想見其風采非徒得其爲人而已凜乎若見其誦盧杞而叱希烈何也其理與韓非竊斧之說無異然人之字畫工拙之外蓋皆有趣亦有以見其爲人邪正之粗云蘇東坡文集補在錄冬敘錄尾條之後

楷字無出顏柳雖有骨似疎脫少勁拔且書體一例魯公之書予所見者東方朔像贊與金天王廟題名皆大字也一則莊偉一則俊拔小字如千祿帖與麻姑壇記千祿則持重舒和壇記則遒峻緊潔似非一手所出意者傳模鐫刻之有工拙耳及觀多寶座位等碑則筆意又迥不同把翫久之筆畫形體雖有粗細大小而帖帖有法愈看愈佳此公之書百世不可及也殆如公之爲人雖所遇不同無一毫邪媚歐公云杜濟之碑雖不書名殆非魯公不能也正謂是耳七修類稿補在懷麓堂集條後

卷二十四 書評四

與郭英乂論坐位書

魯公草行不知何時上石石已泐矣而法猶可尋王元美云無一筆不作晉法所謂無意而文從容中道者也又云公剛勁義烈之氣文不能發而發之於筆墨間余嘗謂公學不如其人於麻姑壇記見之詞不如筆楷不如行有意不如無意於此帖見之而都元敬乃謂草草之筆亦爲摹刻目中有筆余不能不服膺元美 此碑雖泐而顏公筆法宛然近董氏摩入戲鴻堂帖乃云陝省者不足觀而自謂存魯公法度今以余觀董氏刻視此則神亡多矣石墨鐫華補在都穆寓意編後條

顏元孫碑

魯公顏元孫墓誌省試九河銘高松賦考劉奇榜曰銘賦音律既麗且新時務五條辭高理贍惜其貼經通六所以屈從常第葬東京鵲店今作曜字江鄰幾案鄰幾所載即元孫墓碑非墓誌也文見顏集其曰考劉奇榜乃考功郎劉奇標榜之八字之脫文商氏刻雜志入稗海錯落甚多非鄰幾原誤也補在錄冬敘錄尾條之後

乞米帖

顏魯公帖曰閨門百口幾至餬口按左傳鄭莊公曰寡人有弟不能和協而使餬其口於四方杜預云餬粥也粥乃貧家所食魯公謂其家幾至餬口則其意與左氏異豈以餬口謂都無所食乎敬齋古今註補在寶晉英光集條後

左伯桃墓詩

魯公以永泰二年丙午二月貶峽州別駕旬餘改吉州司馬六月次江州之廬山有東西林題名必以秋至吉是年十一月改元大曆故次年丁未十月公遊青原寺題名便稱大曆二年又明年戊申五月移撫州刺史已酉庚戌皆在官六年辛亥閏三月代到而四月書麻姑壇記猶以撫州繫銜今於文集及石刻攷之是歲八月次上元縣迺自撫歸京時也上元與溧水實爲鄰邑今皆隸昇州當時溧水則隸宣城公題詩烈士墓在六年或是此時與記合然鄭薰移顏

魯公詩記謂公由刑部尚書貶夷陵大曆六年又以前秩轉廬陵郡道出溧水
薰唐人不應謬誤如此文苑英華辨證補
在魯公年譜條後

卷二十六 書評六

臧懷恪碑

魯公此書偉勁而骨稍瘦於家廟諸碑皆可重也王元美云臧懷恪再為王峻
蕭嵩兵馬使積官右武衛將軍封上蔡縣侯三贈至工部尚書以子希讓貴故
也兄懷亮至左羽林大將軍懷恪有子七人咸貴而希讓至尚書節度魯國公
碑稱兄弟子姓勛賢間出自開元至於天寶乘朱輪而拖珪組者數百人而史
不為傳故聊載之石墨鐫華補在
在魯公年譜條後

書清遠道士詩及和作

唐時有清遠道士同沈恭子游虎邱詩曰余本長殷周遭羅歷秦漢計之至唐
則二千餘歲矣顏魯公愛而刻之且有詩曰客有神仙者於茲雅麗傳蓋指為
神仙也李衛公追和魯公刻清遠道士詩曰逸人綴清藻前哲留篇翰則逸人
指清遠而前哲謂魯公也其後皮日休陸龜蒙輩皆和之仙耶鬼耶則不必問
然僕獨深愛其詩中數句云吟眺川之陰步上山之岸山川共澄徹光彩交凌
亂白雲翥欲歸青山忽消半嗚呼借使非神仙亦一才鬼也許彥周詩話補
在輿地碑目條後

八關齋功德記

此宋州將吏為節度使田神功頃疾愈作齋會也神功故非良臣徐向等媚其
主帥非佳事而魯公為撰為書何也乃其字法大徑三寸許方整遒勁不減曼
倩讚家廟碑石墨鐫華補在
在魯公年譜條後

卷二十七 書評七

天下放生池碑

顏真卿放生池碑銘序云謹緣皋陶奚斯歌虞頌魯之義述天下放生池碑銘
一章所用奚斯事蓋承班固之誤也固序兩都賦曰皋陶歌虞奚斯頌魯按魯
頌云新廟奕奕奚斯所作奚斯乃作廟者非作頌之人也敬齋古今註補
在魯公年譜條後

千祿字書

此本模刻最多此亦模本也故魯公面目十失八九攷歐公集古錄開成中已
有楊漢公模本矣漢公謂工人為衣食業故摹多速損歐公云公書為世楷模
而此字書辨正偽謬尤感傳所以損爾世人所傳乃漢公模本真本以不完遂
不傳然則真本不知在否但得漢公本似猶勝木本也又讀王元美跋乃謂無
一筆縱緩藏之為臨池指南元美好古或宜有真本耳抑亦漢公本耶石墨鐫
在魯公年譜條後

卷二十八 書評八

湖州石柱記

顏魯公吳興地記烏程縣境有顓頊冢圖經云晉初衡山見顓頊冢有營邱圖
衡山在州之東南春秋傳所謂楚子伐吳克鳩茲至於衡山者也今謂之橫山
或疑顓頊都帝邱今濮州是無緣冢在此古今流傳雖不可盡信然舜葬蒼梧
禹葬會稽何必其都耶今州之西南有杆山亦隸烏程其旁有夏駕山王村相
傳以為夏杼巡狩所至杆夏之七王也禹葬會稽則杼之至此固無足怪庸俗
之言未可為全無據也避暑錄話補在
在輿地碑目條後

卷二十九 書評九

顏氏家廟碑

顏氏家廟碑李陽冰篆額顏魯公撰并書石四面環轉製法精工廟不知在何
處後燬宋初有李延襲者語郡守移置文廟此書結法與東方讚正同勁節直
氣隱隱筆畫間石墨鐫華補在
在魯公年譜條後

卷三十 書評十

定慧之閣四字

鍾弱翁名傳所至好貶剝榜額字畫必除去之出新意自立名令具牌當為
重書之鐫刻工匠十數輩然自書不工人皆苦之嘗經過廬陵一山寺有高閣
壯麗弱翁與僚屬部曲擁立望其榜曰定慧之閣字徑八寸旁題姓名漫滅弱
翁放意稱謬使僮僕呼梯取之拭拂視之乃魯國顏真卿書弱翁顧謂客曰似此
字畫何不刻石即令刻石傳者以為笑墨刻揮犀此條原刻所
無補在天中山三字條後

余編顏魯公文集三十卷道光甲辰湘陰蔣君維揚刻於長沙近日偶檢舊書又得宋明名家論魯公行書法凡若干條爲前稿所遺殘璧斷珪皆足以資考訂不忍棄置另編補遺一卷附於全集之後丙午仲春本驥謹識

顏魯公文集補遺

跋

顏魯公宗聖裔孫有唐元老壯歲退祿山之醜義激丹心晚年陷希烈之庭志甘白刃固已名垂竹帛氣作山河揭日月以常行共乾坤而不朽夫豈類丁真永草特一藝以成名亦安在柳骨顏筋作千秋之定論然而書因品貴技以人傳本之於義膽忠肝發而爲銀鉤鐵畫況公世工篆隸學有淵源近承長史之親傳遠接山陰之嫡派絕去經生習氣鼠尾蠶頭居然大雅風流蒼松喬柏卽云妙墨價本無雙矧屬名臣品居第一宜其手蹟之流傳定有明神爲呵護者矣長沙黃虎癡二丈藏富墨林與窮筆陣秦漢之桓碑彝器盡入籤題晉唐之樂石祥金都歸品藻就中獨嗜厥有公書經搜訪者三十餘年萃精華於五十九種或豐碑或斷碣細大不捐或拓本或雙鉤精神悉見蓋先生客中游覽每具軒帷暗裏摩挲便題蓋曰訪古於長安肆上探奇於故紙堆中率更觀索靖之碑因而駐馬李約見子雲之字取以名齋故能極希世之珍藏爲專門之賞鑒裝池以出臨風色煥縹囊輟積而藏入夜光騰芸案景行斯在拱壁何加瑞入鄴侯之書廚曾蒙見示慕米家之畫舫從乞借觀正笏垂紳展視而神皆煥若忠臣烈士臨摹而意便肅然因劃沙印泥之難能知立德踐行之未逮然而小子竊有慨焉夫美男擁後則正士失姿姘女當前則高人寡色誰見茂漪之蹟格競簪花侈談急就之章書不及草以莊勁彊直爲惡札以睢盱側媚爲名家是謂瞽談談厥由心害又或筆真似虎墨更如猪活句不參而觚稜透露藏鋒雖貴而波磔模糊此更誤入迷途適足滋夫訾議者也先生志存尙友愛書而實重其人物貴窮源不學而能通其義費半生之心血存百代之典型因於趙璧之還聊附蘭亭之跋狂言肆意敢云結翰墨因緣叙股漏痕願永作弓裘世業時

道光十有九年歲次己亥孟冬上澣桂林龍啓瑞謹跋

陸宣公集

四部備要

集部

上海中華書局據原刻本

校刊

桐鄉

陸費達總勘

杭縣

高時顯輯校

杭縣

吳汝霖校
丁輔之監造

版權所有不許翻印

朕歷觀古來士之逢時遭會建功立業爲社稷之重臣當國家之大任所抱負者甚鉅展布者非常豈取辦於旦夕者哉必其平日讀書論世於古人之著作經國之良模講貫而熟復之明體達用然後遠大投艱足以勝任而有餘川陝督臣年羹堯才猷敏練學識明通

聖祖皇帝昇以股肱心膂之寄自蒞官秦蜀以來諸邊疆之形勢念民力之作苦每有章奏皆指畫詳明數陳剴切其惓惓忠愛之言時流露於行墨之間固素所蘊蓄者然也既又以所刊陸費奏議進呈考贊之在唐以忠誠結主知中外號爲內相宋儒稱其學問純粹其經緯事功具載文集有補于當時可傳於後世乃歷年既久陳編故繁漫漶已多舛譌不少此本校訂精核魯魚無誤朕披覽數過深爲嘉賞因序其大凡弁諸首簡亦以督臣之言欲凡爲人臣者朝夕誦誦見諸躬行踵其事以守官責其議以敷政體國經世之謨安上治民之略悉於是乎在其爲功顧不偉哉

唐陸宣公翰苑集序

唐權德輿撰

嘗讀賈誼書觀其經制人文鋪陳帝業術亦至矣待之宜室恨得後時遇亦深矣然竟不能達四聰而盡其善排羣議而試厥謀道之難行亦已久矣東陽絳灌何代無之噫一薰一蕕善齊不能同其器方繫圓枘良工無以措巧心所以理世少而亂日多大雅衰而正聲寢漢道未融既失之於賈傳吾唐不幸復擯棄於陸公公諱贄字敬輿吳郡蘇人溧陽令係之子年十八登進士第應博學宏辭科授鄭縣尉非其好也省母歸壽春刺史張鑑有各於時一獲晤言大加賞識暨別鑑以泉貨數萬爲贄曰願以此奉太夫人一日之膳公悉辭之領新茶一串而已是歲以書判拔萃調渭南簿本傳作尉御史府以監察換之德宗皇帝春宮時知名召對翰林即日爲學士由祠部員外轉考功郎中朱泚之亂從幸奉天時車駕播遷詔書旁午公灑翰即成不復起草初若不經思慮及成而奏無不曲盡事情中於機會倉卒填委同職者無不拱手歎伏不能復有所助嘗從容奏曰此時詔書陛下宜痛自引過以感人心昔禹湯以罪己勃興楚昭以善言復國陛下誠能不恠改過以言謝天下俾臣草辭無諱庶幾羣盜革心上從之故行在詔書始下雖武人悍卒無不揮涕激發議者以德宗克平寇亂不惟神武之功爪牙宣力蓋亦資文德腹心之助焉及還京師李抱真來朝奏曰陛下在山南時山東士卒聞書詔之辭無不感泣思奮臣節臣知賊不足平也公自行在帶本職拜諫議大夫中書舍人精敏小心未嘗有過艱難屢從行在輒隨啓沃謀猷特所親信有時謙語不以公卿指名但呼陸九而已初幸梁洋棧道危狹從官前後相失上夜次山館召公不至泣然號於禁旅曰得陸贄者賞千金頃之公至太子親王皆賀初公既職內署母章氏尙在吳中上遣中使迎致京師道路置驛文士榮之丁韋夫人憂去職持喪於洛遣人護溧陽之柩附華河南上遣中使監護其事四方贈遺數百萬公

一無所取素與蜀帥韋南康布衣友善韋令每月置遺公奏而受之服闋復內職權知兵部侍郎觀見之日天子爲之興改容敘弔優禮如此內外屬望旦夕俟其輔政爲寶參忌嫉故緩之真拜兵部侍郎知貢舉得人之威公議稱之貞元八年拜中書侍郎平章事公以少年入侍內殿特蒙知遇不可與衆浮沉苟且自愛事有不可必諍之上察物太精躬臨庶政失其大體動與公違茲諛從而間之屢至不悅親友或規之公曰吾上不負天子下不負吾所學不恤其他公精於吏事斟酌剖決不爽鎔銖其經綸制度具在德宗實錄及寶參納劉士寧之賂爲李異所發得罪左遷橫議者以公與參素不協歸罷相之議於公戶部侍郎判度支裴延齡以姦回得幸害時蠹政物議莫敢指言公獨以身當之屢言不可翰林學士吳通元忌公先達每切中傷陰結延齡互言公短宰相趙憬公之引拔升爲同列以公排邪守正心復異之羣邪沮謀直道不勝十年退公爲賓客罷政事明年夏旱芻糧不給軍校訴於上延齡奏曰此皆陸贄輩怨望鼓扇軍人也貶公忠州別駕上怒不可測賴陽城張萬福救之獲免蜀帥韋令抗表請以贄代己歲賂資糧公在南賓閉門却掃郡人稀識其面復避謗不著書惟考校醫方撰集驗方五十卷行於世江峽十稔永貞初與鄭餘慶陽城同徵還公已薨歿時年五十二公之秉筆內署也推古揚今雄文藻思敷之爲文詰伸之爲典謨俾標校向風懦夫增氣則有制誥集一十卷覽公之作則知公之爲文也潤色之餘論思獻納軍國利害巨細必陳則有奏草七卷覽公之奏則知公之爲臣也其在相位也推賢與能舉直措枉將幹璿衡而揭日月清氛疹而平泰階敷其道也與伊說爭衡考其文也與典謨接軫則有中書奏議七卷覽公之奏議則知公之事君也古人以士之遇也其要有四焉才位時命也仲尼有才而無位其道不行賈生有時而無命終於一慟惟公才不謂不長位不謂不達逢時而不盡其道非命歟裴

氏之子焉能使公不遇哉說者又以房魏姚宋逢時遇主克致清平陸君亦獲幸時君而不能與房魏爭列蓋道未至也應之曰道雖在我宏之在人蜚蝗竟天農稷不能善稼奔車覆轍邱軻亦廢規行若使四君與公易時而相則一否一臧未可知也而致君不及貞觀開元者蓋時不幸也豈公不幸哉以爲其道未至不亦誣乎公之文集有詩文賦集表狀爲別集十五卷其關於時政昭昭然與金石不朽者惟制誥奏議乎雖已流行多謬編次今以類相從冠于編首兼略書其官氏景行以爲序引俾後之君子覽公制作效之爲文爲臣事君之道不其偉歟

宋進呈奏議劄子

元祐八年五月七日蘇軾同呂希哲吳安詩豐稷趙彥若范祖禹顧臨劄子奏臣等猥以空疎備員講讀聖明天縱學問日新臣等才有限而道無窮心欲言而口不逮以此自愧莫知所爲竊謂人臣之納忠譬如醫者之用藥藥雖進於醫手方多傳於古人若已經効於世間不必皆從於己出伏見唐宰相陸贄才本王佐學爲帝師論深切於事情言不離於道德智如子房而文則過辯如賈誼而術不疎上以格君心之非下以通天下之志但其不幸仕不遇時德宗以苛刻爲能而贄諫之以忠厚德宗以猜疑爲術而贄勸之以推誠德宗好用兵而贄以消兵爲先德宗好聚財而贄以散財爲急至於用人聽言之法治邊馭將之方罪己以收人心改過以應天道去小人以除民患惜名器以待有功如此之流未易悉數可謂進苦口之藥石鍼害身之膏肓使德宗盡用其言則貞觀可得而復臣等每退自西閣卽私相告言以陛下聖明必喜贄議論但使聖賢之相契卽如臣主之同時昔馮唐論頗牧之賢則漢文爲之太息魏相條鼂董之對則孝宣以致中興若陛下能自得師莫若近取諸贄夫六經三史諸子百家非無可觀皆足爲治但聖言幽遠末學支離譬如山海之崇深難以一二而推擇如贄之論開卷了然聚古今之精英實治亂之龜鑑臣等欲取其奏議稍加校正繕寫進呈願陛下置之坐隅如見贄面反復熟讀如與贄言必能發聖性之高明成治功於歲月臣等不勝區區之意

臣自少讀書酷嗜唐陸贄奏議追通籍以後久置篋衍去年在關中退食之暇檢閱舊本蠹粉散落字畫缺訛重加校訂雕刊成帙今春入覲

天顏對揚殿陛指陳西陲風土舉措事宜荷蒙

溫綸採納恩典頻頒異數殊榮罕有倫比臣隨以新刻陸贄奏議進

呈比塵

睿覽卽膺褒獎臣拜手謝

恩星馳旋陝於八月十二日

異命重申日邊啣出臣焚香恭接懼忭開械

御製敘文傳冠首簡大文炳蔚榮光燭天臣伏地莊誦神悚心慚竊

惟臣謬沾雨露職守封疆籌策未諳片長莫展祇以致治之道

酌古所以準今馭世之規觀前卽以示後陸氏一集所言皆切

治平懷此葵忱敢用上獻詎期重以

宸章微言提要金泥芝檢日麗星輝非獨臣渥被

寵光力圖報効卽陸贄身後邀榮亦感勦於九原矣臣謹卽付削刷

用裝錦軸家藏珍重傳之世世子孫更廣爲傳播遠至山陬海

澨家家誦習切墨引繩行見羣工式序庶績成熙陸氏遺編得

王言而增重竟成一代之新書永作千秋之金鑑也已

雍正元年八月十六日臣年羹堯恭紀

原
书
空
白
页

唐陸宣公集目錄

卷第一

制誥

奉天改元大赦制

平朱泚後車駕還京大赦制

卷第二

制誥

貞元改元大赦制

冬至大禮大赦制

卷第三

制誥

貞元九年冬至大禮大赦制

蝗蟲避正殿降免囚徒德音

誅李懷光後原有河中將吏并招諭淮西詔

誅李希烈後原有淮西將吏并授陳仙奇節度詔

重宥淮西將士詔

卷第四

制誥

賑卹諸道將吏百姓等詔

優卹畿內百姓并除十縣令詔

重優復興元府及洋鳳等州百姓詔

議減鹽價詔

賜京城及同華等州百姓種子賑給貧人詔

賜將士名奉天定難功臣詔

改梁州爲興元府升洋州爲望州詔

卷第五

制誥

奉天遣使宣慰諸道詔

收復京師遣使宣慰將吏百姓詔

平淮西後宴賞諸軍將士放歸本道詔

加王武俊李抱真官封并招諭朱滔詔

招諭淮西將吏詔

招諭河中詔

安撫淮西歸順將士百姓勅

甄獎陷賊守節官詔

令百寮議大禮期日詔

不許諸軍侵擾勅

放淮西生口歸本貫勅

令諸道募靈武鎮守人詔

卷第六

制誥

冊淑妃王氏爲皇后文

冊嘉誠公主文

冊蜀王妃文

冊杞王妃文

告謝昊天上帝冊文

告謝玄宗廟文

告謝肅宗廟文

告謝代宗廟文

祭大禹廟文

制策問賢良方正能直言極諫科

制策問博通墳典達於教化科

制策問識洞韜略堪任將帥科

答宰臣請停大禮表

答百寮請停大禮表

答第二表

答第三表

答百寮賀利州運理木表

答宰臣請復御膳表

答百寮請復御膳表

卷第七

制詰

李晟司徒兼中書令制

蕭復劉從一姜公輔平章事制

張延賞中書侍郎平章事制

渾瑊侍中制

盧翰劉從一門下中書侍郎平章事制

劉滋崔造齊映平章事制

李納檢校右僕射平章事制

韓滉檢校左僕射平章事制

李勉太子太師制

姜公輔左庶子制

崔造右庶子制

盧翰太子賓客制

卷第八

制詰

賈耽東都留守制

崔縱東都留守制

普王荆襄江西等道兵馬都元帥制

馬燧渾瑊副元帥招討河中制

李晟鳳翔隴西節度兼涇原副元帥制

劉洽檢校司空充諸道兵馬都統制

卷第九

制詰

渾瑊京畿金商節度使制

杜亞淮南節度使制

虔王申光隨蔡等州節度使制

唐朝臣振武節度使論惟明鄜坊觀察使制

韓滉加檢校右僕射制

嘉王橫海軍節度使制

馬燧李臯賜實封制

韓滉度支鹽鐵轉運等制

李叔明右僕射制

李澄贈司空制

除鄧州歸順官制

李納檢校司空制

卷第十

制詰

賜李納王武俊等鐵券文

賜安西管內黃姓羣官鐵券文

慰問四鎮北庭將吏勅書

與回紇可汗書

賜吐蕃將書

賜吐蕃宰相尙結贊書三

卷第十一

奏草

論兩河及淮西利害狀

論關中事宜狀

卷第十二

奏草

論敘遷幸之由狀

奉天論奏當今所切務狀

奉天論前所荅奏未施行狀

卷第十三

奏草

奉天請數對羣臣兼許令論事狀、

奉天論尊號加字狀

重論尊號狀

奉天論赦書事條狀

卷第十四

奏草

奉天論擬與翰林學士改轉狀

奉天請罷瓊林大盈二庫狀

奉天論解蕭復狀

奉天薦袁高等狀

奉天論李晟所管兵馬狀

奉天奏李建徽揚惠元兩節度兵馬狀

駕幸梁州論進獻瓜果人擬官狀

又論進瓜果人擬官狀

卷第十五

奏草

興元論解姜公輔狀

又荅論姜公輔狀

興元論請優獎曲環所領將士狀

興元論解蕭復狀

又荅論蕭復狀

興元論續從賊中赴行在官等狀

卷第十六

奏草

興元賀吐蕃尙結贊抽軍迴歸狀

興元奏請許渾城李晟等諸軍兵馬自取機便狀

興元請撫循李楚琳狀

興元論中官及朝官賜名定難功臣狀

興元論賜渾瑊詔書爲取散失內人等議狀

變駕將還宮闕論發日狀

請釋趙貴先罪狀

論替換李楚琳狀

收河中後請罷兵狀

卷第十七

中書奏議

請許臺省長官舉薦屬吏狀

請遣使臣宣撫諸道遭水州縣狀

論淮西管內水損處請同諸道遣宣慰使狀

謝密旨因論所宣事狀

卷第十八

中書奏議

論嶺南請於安南置市舶中使狀

論宣令除裴延齡度支使狀

論齊映齊抗官狀

請減京東水運收脚價於緣邊州鎮儲蓄軍糧事宜狀

卷第十九

中書奏議

論緣邊守備事宜狀

商量處置寶參事體狀

奏議寶參等官狀

請不簿錄寶參莊宅狀

卷第二十

中書奏議

請還田緒所寄撰碑文馬絹狀

請依京兆所請折納事狀

議汴州逐劉士寧事狀

請不與李萬榮汴州節度使狀

論度支令京兆府折稅市草事狀

論左降官準赦合量移事三狀

論邊城貯備米粟等狀

卷第二十一

中書奏議

論裴延齡姦竊書一首

論朝官闕員及刺史等改轉倫序狀

卷第二十二

中書奏議

均節賦稅恤百姓六條

增輯

卷第二十三

卷第二十四

唐陸宣公集目錄

唐陸宣公集卷第一

後學介春書英重訂

萍鄉文 晟同校

崇仁華廷傑

制誥

奉天改元大赦制

平朱泚後改建中五年爲興元元年

門下致理興化必在推誠忘己濟人不吝改過朕嗣守不構君臨萬方失守宗祧越在草莽不念率德誠莫追於既往永言思咎期有復於將來明徵厥初以示天下惟我烈祖邁德庇人致俗化於和平拯生靈於塗炭重熙積慶垂二百年伊爾卿尹庶官洎億兆之衆代受亭育以迄于今功存于人澤垂于後肆予小子獲纘鴻業懼德不嗣罔敢怠荒然以長于深宮之中暗于經國之務積習易溺居安忘危不知稼穡之艱難不察征戍之勞苦澤靡下究情不上通事既壅隔人懷疑阻猶昧省己遂用與戎徵師四方轉餉千里賦車籍馬遠近騷然行齋居送衆庶勞止或一日屢交鋒刃或連年不解甲冑祀奠乏主室家靡依生死流離怨氣凝結力役不怠田萊多荒暴命峻於誅求疲吐空於杼軸轉死溝壑離去鄉閭邑里邱墟人煙斷絕天譴於上而朕不悟人怨於下而朕不知馴致亂階變興都邑賊臣乘釁肆逆滔天會莫愧畏敢行凌逼萬品失序九廟震驚上辱于祖宗下負于黎庶痛心覲貌罪實在予永言愧悼若墜深谷賴天地降祐神人叶謀將相竭誠爪牙宣力屏逐大盜載張皇維將宏永圖必布新令朕震興夕惕惟念前非乃者公卿百寮累抗章疏猥以徽號加于朕躬固辭不獲俯遂輿議昨因內省良用矍然體陰陽不測之謂神與天地合德之謂聖顧惟淺昧非所宜當文者所以成化武者所以定亂今化之不被亂是用興豈可更徇羣情苟膺虛美重余不德祇益懷慚自今以後中外所上書奏不得更稱聖神文武之號夫人情不常繫于時化天道既隱亂獄滋豐朕既不能宏德導人又不能一

法齊衆苟設密網以羅非辜爲之父母實增愧悼今上元統曆獻歲發生宜革紀年之號式數在宥之澤與人更始以答天休可大赦天下改建中五年爲興元元年自正月一日昧爽以前大辟罪已下罪無輕重咸赦除之李希烈田悅王武俊李納等有以忠勞任膺將相有以勳舊繼守藩維朕撫馭乖方信誠靡著致令疑懼不自保安兵興累年海內騷擾皆由上失其道下懼其災朕實不君人則何罪屈己宏物予何愛焉庶懷引慝之誠以洽好生之德其李希烈田悅王武俊李納及所管將士官吏等一切並與洗滌各復爵位待之如初仍即遣使分道宣諭朱滔雖與賊泚連坐路遠未必同謀朕方推以至誠務欲宏貸如能効順亦與惟新其河南北諸軍兵馬並宜各於本道自固封疆勿相侵軼朱泚大爲不道棄義蔑恩反易天常盜竊名器暴犯陵寢所不忍言獲罪祖宗朕不敢赦其應被朱泚脅從將士官吏百姓及諸色人等有遭其扇誘有迫以兇威苟能自新理可矜宥但官軍未到京城以前能去逆効順及散歸本道者並從赦例原免一切不問天下左降官即與量移近處已量移者更與量移流人配隸及藩鎮効力并緣罪犯與諸使驅使官兼別勅諸州縣安置及得罪人家口未得歸者一切放還應先有痕累禁錮及反逆緣坐承前恩赦所不該者並宜洗雪亡官失爵放歸勿齒者量加收敘人之行業或未必兼構大廈者方集於羣材建奇功者不限於常檢苟在適用則無棄人況黜免之人沉鬱既久朝過夕改仁何遠哉流移降黜亡官失爵配隸人等有材能著聞者特加錄用勿拘常例諸軍使諸道赴奉天及進收京城將士等或百戰摧敵或萬里勤王扞固全城驅除大憝濟危難者其節著復社稷者其業崇我圖爾功特加彝典錫名嘽賦永永無窮宜並賜名奉天定難功臣身有過犯遞減罪三等子孫有過犯遞減罪二等當戶應有差科使役一切蠲免其功臣已後雖衰老疾患不任軍旅當分糧賜並宜全給身死之後十

年內仍回給家口其有食實封者子孫相繼代代無絕其餘敘錄及功賞條件待收京日並準去年十月十七日十一月十四日勅處分諸道諸軍將士等久勤扞禦累著功勳方鎮克寧惟爾之力其應在行營者並超三資與官仍賜勳五轉不離鎮者依資與官賜勳三轉其累加勳爵仍許回授周親內外文武官三品已上賜爵一級四品已上各加一階仍並賜勳兩轉見危致命先哲攸貴掩骼埋胔禮典所先雖効用而或殊在惻隱而何間諸道將士有死王事者各委所在州縣給遞送歸本管官為葬祭其有因戰陣殺戮及擒獲伏辜暴骨原野者亦委所在逐近便收葬應緣流貶及犯罪未葬者並許其家各據本官品以禮收葬自頃軍旅所給賦役繁興吏因為姦人不堪命咨嗟怨苦道路無聊乞可小康與之休息其墊陌及稅間架竹木茶漆摧鐵等諸色名目悉宜停罷京畿之內屬此寇戎攻劫焚燒靡有寧室王師仰給人以重勞特宜減放今年夏稅之半朕以兇醜犯闕遽用于征爰度近郊息駕茲邑軍儲克辦師旅攸寧式當褒旌以志吾過其奉天宜升為赤縣百姓並給復五年尚德者教化之所先求賢者邦家之大本永言茲道夢想勞懷而濇薄之風趨競不息幽棲之士寂寞無聞蓋誠所未孚故求之未至天下有隱居行義才德高遠晦跡邱園不求聞達者委所在長吏具姓名聞奏當備禮邀致諸色人中有賢良方正能直言極諫及博通墳典達於教化并洞識韜鈴堪任將帥者委常參官及所在長吏聞薦天下孤老鰥寡憚獨不能自活者並委州縣長吏量事優恤其有年九十已上者刺史縣令就門存問義夫節婦孝子順孫旌表門閭終身勿事大兵之後內外耗竭貶食省用宜自朕躬當節乘輿之服御絕宮室之華飾率己師儉為天下先諸道貢獻自非供宗廟軍國之用一切並停應內外官有冗員及百司有不急之費委中書門下即商量條件停減聞奏布澤行賞仰惟舊章今以餘孽未平帑藏空竭有乖慶賜深愧于

懷赦書有所未該者委所司類例條件聞奏敢以赦前事相言告者以其罪罪之亡命山澤挾藏軍器百日不首復罪如初赦書日行五百里布告遐邇咸使聞知

平朱泚後車駕還京大赦制

門下致理之體先德後刑禮義興行故人知恥格教令明當則俗致和平然後姦慝不萌暴亂不作古先哲后莫不由斯國家受命百七十載八聖儲慶敷佑下人邁種寬大之德累蠲苛酷之令蓋仁之所積者厚故澤之所流者深茲予小子獲主重器懼於理亂之本溺於因習之安授任不明賞罰乖當立法以齊衆而犯命愈甚興戎以除害而長亂益繁賊臣蓄姦乘釁竊發九廟乏祀兆人靡依猥膺肆其吞噬豺狼穴於宮闕歲未云半載罹播遷仰慚穹昊俯愧臣庶敢愛賈越苟全眇躬誠懼益縱寇讎重辱宗社忍恥誓志庶補前差賴億兆宅心不忘先德諸帥戮力恭行天罰俾余寡昧再膺多祐總乾綱於既紊復天柱於將傾言旋鑄京不改舊物宗祧有序朝享有期責重慶多深增感惕嗚呼君者所以撫人也君苟失位人將安仰朕既不德致寇與禍使生靈無告受制兇威苟全性命急何能擇或虧廢名節或貪冒貨利陷於法網事匪一端究其所由自我而致不能撫人以道乃欲繩之以刑豈所謂恤人罪己之誠含垢布和之義滌清汚俗咸與更新可大赦天下自興元元年七月二十三日昧爽已前大辟罪已下已發覺未發覺已結正未結正見繫囚徒常赦所不原者咸赦除之今年五月二十八日已前左降官即與量移未復資者更與移近處流人及犯配隸藩鎮効力並即放還亡官失爵放歸不齒者量加收敘未復資者更與進改其黜免人等有素著行能傍連譴累特加錄用勿以為負不有忠者誰復社稷不有勞者誰從巡狩連帥之重所以殿邦禦侮也二千石之任所以分憂共理也方鎮將校勤奉戎役中外寮吏恪居官次國有大慶所宜同之内外文武及

致仕官三品已上賜爵一級四品已上加一階仍並賜勳兩轉司徒兼中書令晟英特傑立光輔中興再定皇都一匡天下推恩之典貽慶無窮宜與一子五品正員京官侍中城沉遠忠厚服勞王家保全危城剪除大慝嘉乃茂績次子寵章宜與一子六品正員京官鎮國軍潼關節度使檢校右僕射駱元光京畿渭南商州節度使檢校右僕射尚可孤邠寧等州節度使檢校右僕射韓遊瓌奉天行營諸軍節度使檢校右僕射戴休顏咸秉大節著于艱難同勳叶忠翼我興運宜各與一子七品正員官諸道節度使及行在都知兵馬使興元扈從左右金吾大將軍金吾六軍大將軍等各與一子八品正員官諸道團練觀察處置等使各與一子九品正員官應諸軍赴上都收復將士等俱以純誠奮其勇節連年帶甲百戰摧鋒有忘身以効命有滅親以徇義誓平國難如復私讎競揚貔虎之雄克清梟獍之孽策勳行賞傳嗣榮親播乃功名與國終始自去年冬已來未經甄敘者即與超八資改轉已經甄敘者更與超三資進改三品已上祖父母在先無官封者量與致仕官及邑號亡者並與追贈四品已下父母在先無官封者亦授致仕官及邑號亡者與追贈其賞錢委所司即依元勅支給應扈從將士三品已上賜爵兩級四品已下各加兩階仍並賜勳其祖父父母官封追贈並準收京城將士例處分應扈從官普恩之外三品已上賜爵兩級四品已下各加兩階仍普賜勳三轉其祖父母父母封贈並準收京城例處分應扈從官普恩之外三品已上更加爵一級四品已下更加一階若常參官祖父母父母在先無官封者量授致仕官及邑號亡者與追贈諸州刺史普恩外賜爵一級諸道進奏陪位者更加一階其奉天定難及元從功臣宜令本軍本使即定各聞奏所司各準元勅優賞其諸道軍鎮及行營將士三品已上賜爵一級四品已上加一階仍準今年正月一日制速與甄敘成德淄青魏博等節度并諸軍應歸順將士等各蘊誠義積

著功勞由朕失於撫綏頃歲暫懷疑阻尋能勵節不替舊勳是資宴犒俾洽王澤宜委所司即約額支計各賜錢物賞設仍委本節度準前後勅速條疏甄敘其朔方并諸軍應在河中管內及同州將士等自遠赴難解其重圍念茲功勞並未酬報雖遭脅制情有可矜應到行營未經甄敘者並準元勅超五資改轉其賞錢比收京城將士例各給一半委本軍兵馬使條錄名銜聞奏所司支計給付其食實封者亦便配額令其請受應天下諸道軍將士等如有年老及疾患尪弱不任軍旅願歸鄉里者並給終身優復州縣切加安存勿令侵擾如無家可歸者給田宅使得存濟見危致命先典所尚況忠衛社稷殺身成功朕於斯人義有加等贈太尉秀實天授貞烈沮茲姦邪蒼黃之中獨蘊雄斷將紆國難詭收寇兵兇謀既虧吾事果濟忠誠奮發手擊渠魁英風凜然振邁千古宜即差官致祭并旌表門閭府縣護其喪事緣葬所要一切官供仍於墓所官爲立碑以揚徽烈其所賜實封五百戶嫡子正員三品官諸子授正員五品官委中書門下即準元勅處分應諸道諸軍將士有身死王事者委本道本使具名銜聞奏即與褒贈仍以在身官爵授其子孫內外文武官及諸親諸色人等有橫遭逆賊殺害者各聽其家及親識人於所司陳牒勘實聞奏亦與追贈如跡著忠烈衆所明知仍訪其子孫量加優恤尙齒養老王風之首三代制理未或遺年朕將遵古典以興化本人心而教孝用優秩賜式慰里閭京兆府者壽年八十已上並與板授刺史仍賜紫八十已下及諸州府者壽年八十已上並與板授本縣令仍賜緋天下侍_待老_老者壽亦各與板授官如年九十已上者州縣長吏歲時躬親省問貧弱不能自存者量賜粟帛頃屬多難人流俗弊加之以師旅因之以饑饉賦役繁起農桑失時哀哉殫人汙可小息然以國計猶勦軍實靡充未盡復除良增愧悼應天下建中四年終已前所有諸色逋欠在百姓復內者一切放免百司及諸軍諸使

舉放利錢今年六月已前百姓欠負未納者亦並停徵京兆府百姓
普恩外給復一年其供頓官吏委京兆尹類例具名銜聞奏量與優
獎古者計戶以署吏因時而建職既不乏事亦無冗員今田畝汙萊
版圖凋耗齊人編戶託庇官曹貪吏猾胥誘爲囊橐啓奸墮業爲害
尤深應在京百司色役人及流外等委御史大夫卽與諸司使長官
審詳商議據見所掌事之閑劇定額聞奏仍校名送中書門下務從
減省副朕憂人以後應須署置並定名先奏仍永爲常式今年正月
五日敕書節目有所未行者所司並舉而行之敕書或有不該卽比
類條件聞奏敢以赦前事相言告者以其罪罪之亡命山澤挾藏軍
器百日不首復罪如初赦書日行五百里布告遐邇咸使聞知

唐陸宣公集卷第一

唐陸宣公集卷第二

後學介春耆英重訂

萍鄉文 晟
崇仁華廷傑 同校

制誥

貞元改元大赦制

貞元二年正月一日

門下王者體元立極欽若乎天地纂業承統嚴奉于祖宗用能百神允諧兆庶永賴立國之本斯其大經朕燭理不明違道招損往遭多難淪陷國都天地宗祧曠而莫主則是欽若嚴奉之義缺矣甚用懼焉泊復京師遽將告謝有司以人力耗數禮物廢壞日居月諸歲聿云暮卜其吉日俯在上春齊心永懷坐以待曙而百辟卿士抗疏上言咸謂人心未寧不足以盡敬寇孽猶在不足以告功迫於羣情俯仰誠願郊廟孔邇瞻言莫從悼心慚顏胡寧自處重以和平未洽災沴存臻去歲旱蝗兩河爲甚人流不息師出靡居加之徵求因之以荒饑困窮殍餒轉死邱墟關輔之間冬無積雪土膏未發宿麥不滋詳思咎徵有爲而致兵戎之後餘孽尚存獄犴之中深冤未釋又河中淮右逆將阻兵汙齊齊人陷之死地雖欲自雪厥路無由抱義銜冤足傷和氣此皆由朕爽德播災于人爲之父母實用愧恥今元陰已謝春日載陽勾萌畢伸幽墊咸震思與海內同心自新發號更元用符天意宜改興元二年爲貞元元年自正月一日昧爽已前大辟罪已下已發覺未發覺已結正未結正繫囚見徒罪無輕重咸赦除之先準勅令量移收斂人所司據節文速與處分應河中脅從將士多是奉天赴難功臣本居朔陲夙尚忠節豈以一夫誑誤棄其累代勳庸朕於此軍尤所不忍特宜洗滌待以初誠自非與官軍決戰死於鋒刃其餘雖臨陣擒獲亦從釋放棄逆歸順者在身先有官爵實封一切如舊仍準前後勅所在便給賞錢并與甄敘如有因危効節建立殊庸量其事績特加擢擢李懷光若能幡然悔過束身赴朝

念其嘗有大勳必當終始全護仍準前勅授之官封朕於功臣庶亦無負淮西將吏百姓等皆被劫制久爲匪人詢事原情諒非獲已今王師四合計日誅夷玉石俱焚用增惻憫宜令諸道進軍之日唯存首惡一人其餘徒黨悉從原宥如有歸順及立功者並準河中將士例褒獎夫爲國之要在於審官共理分憂守宰彌切闔境性命繫乎其人將使里閭無愁苦之聲風俗興廉讓之教得不慎東髦彥寄之化源自今已後諸州刺史有闕中書門下於朝官中精擇有理由人才術者授之如刺史縣令在任頻年課績尤異者擢授侍郎給舍郎官御史中外迭處用觀其能賞罰必行期於競勸自頃選曹署吏唯以書判求人務聘浮華莫稽實行且能言者不必適用蘊用者或未能言凡爲擇人其在精覈宜令清資常參官每年於吏部選人中各舉所知一人堪任縣令錄事參軍者所司依資敘注擬便於甲曆之內具標舉主名銜仍牒報御史臺如到任後政尤異者有贓犯事跡著明者所司錄舉官姓名聞奏以爲褒貶其內外員及京城諸使各目委御史審勘會商量并省停減仍集百寮定議務從簡約息費使人其京官職田及息利官錢等點吏詆欺移易疆畔或貧人轉徙捕繫親鄰日月滋深耗弊彌甚亦令百寮議其折衷擇善而行往以賦役殷繁人不堪命定爲兩稅事額易從比屬軍興或踰始制法無所守吏益爲姦哀我勞人汙可小息自諸道州府除兩稅外應有權宜科率差使一切悉停京畿及近縣所欠百姓和糴價直委度支即勘會支給諸道非臨寇賊州縣自冬已來點召官健子弟並宜放散任營生業應經陷賊州縣百姓屋宇被焚毀并貧病老弱及遭傷損之類所在量加優恤使得安存天下名山大川并自古聖帝明王賢臣烈士祠廟墳墓各委當處長吏擇日致祭必資精潔以達志誠班制有差所以序賢也稟秩有等所以明勸也今或高卑失序中外相踰至於卿士之家尚罹凍餒之患忠信重祿豈其然耶內外官祿及俸錢

手力雜給等委中書門下度支即參詳定額聞奏應赴奉天及收城將士等並功存社稷節者艱危中心藏之豈忘酬報頃緣府藏空竭賞給未周乃眷勳臣實用增愧應準元勅合請賞錢人委所司節減在官及百司費用據所有財物速與給付應在京城及諸道立功將士等先有詔旨並許甄升所司勘會淹歷時月委中書門下即準元勅處分諸軍行營并河中朝邑被脅從將士家口在京及諸州府者宜令本道節度觀察使安存賑恤各令優給應諸軍使立仗見在城將士等共賜七萬匹制書有未該備所司速比類條件聞奏敢以赦前事相言告者以其罪罪之亡命山澤挾藏軍器百日不首復罪如初赦書日行五百里遐邇咸知

冬至大禮大赦制

貞元元年十一月

門下君天下者受命于天地繼業于祖宗致其誠心惟敬與孝達敬莫大乎廢祀虧孝莫大乎黷神朕以眇身屬承大統縱欲敗度浸生厲階兵連禍深變起都邑六師播蕩九服震驚郊廟園陵陷於凶逆神人乏主將迨周星列聖大業幾墜于地違虧敬孝罪由朕躬撫臨萬邦甚用自愧側身思咎庶補將來股肱元臣比義叶德爪牙衆士勦力同心誅大憝而都邑廓清窮寇而關河底定茲再與王公卿尹洎億兆之人備其威容脩其禮物薦誠清廟展敬圖丘陳謝罪愆告雪憤恥感慕慚惕若無所容上帝顧懷再新景命豈伊匪德獨荷鴻休思與普天誕膺多福可大赦天下自貞元元年十一月十一日昧爽已前大辟已下已發覺未發覺已結正未結正繫囚見徒罪無輕重常赦不原者咸赦除之左降官量移近處流人及藩鎮効力並即放還應有痕玷禁錮前後恩赦節文未該及者亦宜洗雪勿以爲累李希烈僭逆不道賊所難容朕憫念蒼生務息征討頻有詔命許其自新若能歸降依前勅待以不死准西管內將士官吏百姓等一切原有與之如初先有官封亦皆復舊如能特建功効者當別抽擢

若家口親屬在諸道者長吏綏撫各使安存其歸順百姓仍委節度觀察使刺史給空閑地任便安居優復終身務令全濟待事平已後聽歸本貫天下百姓去年十二月已前欠負官稅官租及諸色人逋懸一物已上但不在官典復內者一切免放內外文武官見任及致仕官三品已上賜爵三級四品已下加一階天下諸使諸將軍士三品已上賜爵一級四品已下加一階白身人賜勳三轉自頃兇渠倡亂逆臣附姦保據國都憑陵甸服朕出次郊邑再遷巴梁險阻艱難靡不經歷暴亂之後仍彰烈士之功憂危之中方見直臣之節錄勳進善其可弭忘應奉天興元元年扈從立功并收京城將士食實封者各隨文武與一子官餘並加兩階仍賜勳三轉其文武百官應扈從到興元府者五品已上賜爵一級六品已下加一階合入三品五品者不拘考限聽敘其五品已下父母未經追贈者與追贈應平河中將士即準元勅速與甄獎自建中四年已來有身死王事義烈著明未經褒贈者本道即具名銜事跡聞奏諸道有解退官健州府長吏切務安存仍量以空閑田地給付免其差役任自營生社稷之勳以輔興王業統帥之任以總制戎麾參戎職者其德崇授旄節者其功大方鎮乃國之垣翰禁衛實予之爪牙尹京實賴於肅清主計尤資於辦集所頒慶澤宜越常倫司徒兼中書令晟宜與一子五品正員官并四品階諸道副元帥與一子六品正員官中書門下平章事充節度使各與一子七品正員官官節度使及神策兵馬使六軍統軍金吾六軍大將軍判度支侍郎各與一子八品正員官都團練都防禦等使京兆河南尹金吾六軍將軍殿前射生兵馬使各與一子九品正員官多難以來三十餘載克平禍亂屬在戎臣或節著艱危或勳高戰伐受任雖專於總帥成功亦賴於羣材懋賞推恩宜加裔嗣諸道大將功業崇高者各與一子官本使即詳定錄名聞奏副元帥都統兼節度下每道各二十人都團練都防禦使下各十人如大將

子孫之中有藝業優長性行純確者本使具狀聞薦仍量事實給令赴上都朕當隨材授官以充侍衛庶使忠臣之後與國無窮故尚父子儀先朝元勳再復京邑贈太尉秀實以死爲國節冠古今宜令與子孫一人五品正員官自至德已後節度使大將有忠烈績効著明其後淪落者所司即條錄聞奏與子孫一人正員官諸色人應在賊中潛奉神主項已甄賞宜便賜優崇三品已上賜爵一級四品已下加一階江淮轉運使檢校左僕射同中書門下平章事韓滉勵精勤職夙夜在公漕輓資儲千里相繼事無愆素人不告勞拯于凶災厥有成績可進封晉國公關畿之內連歲與戎祲屬天災稼穡不稔穀糴翔貴蒸黎困窮倉廩空虛莫之賑贍每一興念惻然痛心宜令度支取江西湖南見運到襄州米十五萬石設法般赴上都以救百姓荒饉如山路險阻車乘難通仍召貧人令其般運以米充脚價務於全活流庸庶事優饒副朕勤恤立國之道始於親親所以厚骨肉之恩明教化之本況荐經艱故宗族漂淪敦睦之情有加常典大長公主長公主公主各與一子七品官嗣王郡王郡主縣主各與一子官出身應陪位皇親五等已上諸親三等已上者三品已上賜爵一級四品五品加一階六品已下及常選官散官等簡選日優與處分未出身人量授文武散官如宗子中有德行才能宗正卿具名聞奏當別獎任致理之本在乎審官審官之由資乎選士將務選士之道必精養士之方魏晉已還澆風未革國庠鄉校唯尚浮華選部禮闈不稽實行學非爲己官必徇人法且非精弊將安救宜令百寮詳思所宜各修議狀中書門下參較得失擇善而行有虞建官三載考績在漢爲吏或長子孫蓋吏久於官則人情不苟官久於事則理化有成日者制度廢墮考課乖舛淹速靡準升降無名欲令庶寮何以懲勸自今以後刺史縣令未經三考不得改移其餘非在職績効殊尤亦不得越次遷轉刺史停替須待魚書內外五品已上及常參官在任

年考已深者卽量才効用與改中外迭處以觀其能夫明目達聰務廣聞見或慮懷才抱器輸忠納諫之倫地處幽遐無由自達永言於此夢想不忘應諸色人有長策濟時忠規匡主任具陳所見詰所居之州委刺史略與討論觀其旨趣但有裨治道不涉私情便與附驥遞送朕當親覽自立兩稅經今百年或初定之時已有偏併或戶口減耗舊額猶存輕重不均流亡轉甚委度支卽折衷條理以卹困窮古者雖有水旱人無菜色皆由儲畜不匱勸導有方前代所置義倉國初亦循其制備災救乏甚便於人卽宜準貞觀故事天下所墾見田上自王公下及百姓每豐稔之歲秋夏兩時州縣長官以理勸課據頃畝多少隨所種粟豆稻麥逐便貯納以爲義倉如年穀不登卽量取賑給官司但爲其立法勸諭不得收管仍各委本道觀察使逐便宜處置聞奏敦本厚生必資播殖當今所切莫甚於斯自今百姓有墾闢田疇如於常歲者所加之地不得輒徵租稅刺史令長考課亦以本界墾田多少爲殿最今年蝗旱損甚州府開春之後量給種子使就農功天下應荒閑田有肥沃堪置屯田處委當管節度使觀察都團練都防禦等使刺史審細檢行以諸色人及百姓情願者使管佃如部署精當收穫數多本道刺史特加褒升屯田等節度優賞如是逃戶田地本主復業卽却給還輦轂之下四方會同供應既多難爲準定急賦繁役人何以堪宜令京兆尹與度支計會長安萬年兩縣每季各先支貯備錢五千貫文於縣庫收納定清幹官專知應緣卒須別索及雜供擬并工匠等縣令與專知官先對給價錢季終之後申度支勘會所是和市和屋並須先給價錢兩稅外一物已上不得科配百姓御史臺朝廷紀綱尙書省治化根本百度得失繫乎其人自頃制勅頒行所司多不遵守王臣奉職豈所宜然委御史臺左右丞切糾稽違無墮朕命南郊太清宮太廟應職掌行事官郊廟攝將軍中郎將及留守副留守內定行從官三品已上各賜爵一

級四品已下加一階並賜勳兩轉其諸色支供作官司直長上流外
灼然要職掌者並賜勳兩轉行事室長掌坐齋郎禮生贊者減二年
勞無勞可減者簡選日優與處分崇賢館學生見在者減帖策各一
道國子監陪位學生賜勳一轉介公鄴公各與一子官如無子孫賜
物一百匹神策大軍殿前左右射生英武威遠皇城左右金吾街使
將士應緣大禮宿衛御樓立仗及守本庫本營者共賜物若干端匹
天災作沴深儆予衷跼蹐憂慚罔知攸措今穀價騰踊人情震驚鄉
閭不居骨肉相棄流離殞斃所不忍聞公私之間廩食俱闕既無賑
恤又復徵求財殫力竭繼以鞭箠弛征則軍糧乏贍厚取則人何以
堪念茲困窮痛切心骨思所以濟浩無津涯補過實在於增修救患
莫如於息費致咎之本既由朕躬謝譴之誠宜自朕始宜令尚食所
進御膳每日各減下一半應宮人等每月惟供給糧米一千五百碩
飛龍殿馬從今已後至三十日已前並減一半料京兆府應差科百
姓及和市和買等諸色目事無大小一切並停公私債負容待蠶麥
熟後徵理

唐陸宣公集卷第二

唐陸宣公集卷第三

後學介春耆英重訂

薛鄉文 晟
崇仁華廷傑 同校

制誥敕符

貞元九年冬至大禮大赦制

門下朕以寡德屬當大統皇天眷佑俾主兆人懼不克承夙夜祗畏
緬懷前烈致于昇平予心浩然罔知攸濟小大之務曷嘗不勤芻蕘
之言亦莫不敬慮每存於致理志常在於恤人中宵屢興終食累歎
一事乖張怒焉疚懷一夫懼殃惻若傷體思與海內同臻大和息其
生業降心從衆實匪有辭克己利人誠無所恡然以視聽有極思慮
難周況乎長自深宮安於近習損益之理寧免過差幽遠之情固多
未達由是兢兢砥礪悔往修來燭理所患於不明推心庶幾於無負
日慎一日于今十有五年矣上靈降監多士叶誠五稼屢豐四鄙不
擾方鎮輯睦干戈底寧邊疆繕完殊方款附協天地會昌之運實宗
社無疆之休慶既荷於元功禮有昭於大報矧惟霜露之感永切孝
思裡療之儀每勤精意將申誠敬其在躬親是與公卿大夫虔奉犧
牲圭璧陳其文物薦其馨香類秩於泰壇朝享于清廟率職來助萬
邦攸同備物致嚴百禮具舉誠慕獲展神人允諧明發永懷慶感斯
集純嘏所錫豈惟朕躬思普天均承惠澤可大赦天下貞元九年
十一月十日昧爽已前繫囚見徒大辟已下罪無輕重咸赦除之其
見於官辯對者亦並放免官人犯入己贓不可令其却上已後勿以
爲累左降官及流人並量移近處其官已經量移未復資者還其階
爵竄謫遐裔冀速沾恩比者準制量移所司比例申牒屢加盤覆累
涉歲年既甚淹遲且不均一宜令吏部刑部審勘檢本流貶及量移
勅旨比類元犯事狀輕重兩月內與處分文武見任及致仕家居
并諸軍諸使將士等三品已上賜爵一級四品已下加一階應百姓

自置義倉仍準貞元元年十一月十一日制處分立人之道惟孝與
忠孝莫大於榮親忠莫先於竭節惟爾師長卿校洎乎方岳列藩保
乂皇家交修庶績竭節之効既昭乃誠榮親之恩宜洽國典內外文
武清望職事官并節度觀察都防禦都團練經略等使父在未有官
量授檢校五品官母在未有邑號者各封邑號父母亡沒者量與追
贈已經追贈者更與改贈佐運之臣納忠之輔功既存於社稷慶宜
及於子孫故周錫田土漢傳帶礪疇其爵邑與國終始以明報德之
恩勸爲臣之節其或年代未遠利澤猶存祠宇已變於荒墟裔嗣不
編於仕籍思其人猶愛其樹況奠享乏主而不如省錄者乎興滅國
繼絕代所以禮先賢也修宗廟敬祀事所以教追孝也化俗歸厚此
其大端應九廟配享功臣及武德以來將相名節特高有封爵廢絕
祠廟無主者宜許子孫一人紹封以時享祀自今以後應有家廟子
孫但傳襲封爵者並許享附于廟其有毀賣私廟及買之者各以犯
教義贓論自古聖帝明王忠臣烈士各令所在長吏以禮致祭書敘
明目達聰垂拱而理詩稱濟濟多士文王以寧舍己從人故能通天
下之志棄瑕錄用故能盡天下之才昔在太宗勤求理道納諫如響
任賢勿疑致俗於太平垂範於永代朕獲承鴻緒追慕聖猷書之座
隅常自儆勵朝夕翹想庶聞嘉謀夢寐勞懷思得賢士凡厥在位所
宜共成諸司官有陳便宜者各盡所見條疏封進事有冤滯政有關
遺悉當極言無或隱避詔勅不便於時者所司執奏以聞天下有蘊
德懷才隱居不仕委所在觀察使表薦當以禮邀致諸色人中賢良
方正能直言極諫或博通墳典達於教化或詳練故事長於著述或
精習律令曉暢法理或該明吏術可委理人或洞識輅略堪任將帥
者委所在州府長吏及臺省常參官詳錄行能舉奏並限來年七月
內到京朕當親試應緣大禮掌職行事仗內引駕攝將軍中郎即將
留守副留守并諸道表狀陪位法駕三引官等三品已上更賜爵一

級四品已下加一階其郊壇官廟行事官仍各賜勳兩轉皇親諸親應陪位者三品已上賜爵一級四品五品加一階六品已下及常選官至選日優與處分白身人及諸色應陪位官等各賜勳兩轉親王大長公主郡主縣主賜物各有差鄰公介公各賜物若干段行事室長掌坐齋郎禮生贊者各減一年勞無勞可減者至簡選日優與處分崇賢館學生減策一道國子監學生陪位者及應緣祗應諸司作官直長長上流外要職掌內侍省白身諸州行綱考典兩京耆壽諸色番役當上在城并量留十月番人等各賜勳一轉鴻臚番客共賜物若干神策六軍英武威遠皇城金吾街使諸軍諸使將士應緣大禮宿衛御樓立仗及守本庫本營者共賜物若干端匹天下耆老百歲已上者各賜錦帛五段米五碩八十已上及鰥寡憊獨不能自存者委刺史縣令各加優恤應緣大禮加階及賜勳爵等申報敘奏期限並準貞元六年十二月二日勅處分餘依常式所司不須更作條件赦書日行五百里布告遐邇咸使聞知

蝗蟲避正殿降免囚徒德音

夫人人事失於下則天變形於上咎徵之作必有由然自去歲已來災沴仍集雨澤不降延歷三時蟲蝗既臻彌互千里穀糴翔貴稼穡卒痒嗷嗷蒸人聚泣田畝興言及此實所痛傷偏祈百神曾不獲應方悟禱祀殊救患之術言詞非謝譴之誠憂心如焚深自刻責得非刑法舛謬忠良鬱堙暴賦未蠲勞師靡息事或無益而重爲煩費任或非當而橫肆侵蝕有一於茲足傷和氣本其所以罪實在予百姓何辜重罹殄餘所宜出次貶食節用緩刑側身增修以謹天戒朕避正殿不御百寮奏事並於延英處分尙食進膳宜更節減百司不急之務一切且除諸軍將士外自餘應食官糧人及諸色用度等並委本使長官商量權行停減以救荒饉仍限十日內具元額及所釐革條件聞奏待至豐稔却令依舊畿內百姓委京兆尹切加慰撫除正稅

正役外徵科差遣並宜禁絕非交相侵奪尋常訴訟不須追擾務且息人京畿內外及京兆府諸縣見禁囚徒死罪降徒流以下一切放免畿內及河中同州界應有因戰陣殺戮遺骸暴露者各委所在長吏隨事瘞瘞咨爾卿佐實惟股肱所當一其誠心同恤災患勉修厥職副我憂勤

誅李懷光後原宥河中將吏并招諭淮西詔

自昔哲王以道化下不竭物以充欲不勞人以樹威億兆之心如戴父母兵革不試四方來同苟或昧於德綏務以力勝士旅疲耗烝黎困窮幸以成功豈云有補李懷光久從戎旅頗著勤勞拔於等倫授以旄鉞誓師河朔奔難奉天有夷兇嫉惡之誠有弭患釋圍之績俾介元帥仍升上台秉心匪彝自底不類怙衆貪亂附姦脅君朕用再遷幾危宗廟洎股肱宣力賊泚就誅率土之人咸懷奮擊朕獨排羣議未忍加兵命復官封志期全貸而乃昏迷不返悖慢逾彰殘害使臣侵敗畿甸密邇京邑人愁無聊論之不悛乃用致討上帝悔禍元臣協謀克集茂勳以夷大難渠魁授首餘衆革心制勝以謀兵無血刃雖事非獲已義在救人而本其所由情深罪己蓋以信誠未著撫馭或乖至使功臣陷於誅戮謂之克敵寧不愧心然以懷光一家法當殲戮念其昔居將相嘗寄腹心罪雖掛於刑書功已藏於王府以干紀之跡固合滅身以赴難之勳所宜有後非常之澤俾洽幽明雖屈彝章庶旌往効大夫君子無我有尤宜以懷光一男爲嗣賜莊宅各一所聽住京城仍還懷光首級及屍任便收葬其妻及諸子孫在室女等並遞送澶州委李舉逐便安置使得存立其出嫁女及諸親戚並宜釋放應先陷河中將士等皆嬰迫脅無路申明多是朔方舊人素蘊忠義并幽州涇原將士頃被朱泚脅從收京之時奔竄在彼究其本末情有足矜況能協力同謀舉城歸順錄其成效咸與惟新宜一切洗雪勿爲瑕累先有官爵實封者並許仍舊其中首謀効順

事績著明者委副元帥條件聞奏別加甄獎河中及同州絳州百姓並經陷賊又久屯軍骨肉流離生業廢棄輿言軫念良用惻然宜各給復一年京兆府奉先美原等縣緣與同州接近隨便供運杼軸既繁流亡頗衆委京兆尹卽量事優恤條件聞奏仍加招輯使各安存河中保義軍保寧軍節度使并管內諸軍行營兵馬副元帥河中保寧等軍節度支營田觀察處置等使銀青光祿大夫檢校司徒同中書門下平章事兼太原尹北都留守北平郡王燧惟嶽降生鬱爲時傑奉上勳匪躬之節訓師懷盡敵之謀略地無遺攻城必拔發揚以威強寇感激而服叛徒嘉謀屢聞能事畢備朔方河中同絳陝虢汴等州及管內諸軍副元帥河中絳州節度觀察處置等使開府儀同三司行侍中兼河中尹咸寧郡王瑊鑒識精明宇量宏博秉義率衆推誠待人堅制不奪之心亟陳必勝之略輯睦士旅安慰流庸威德克彰崇功允集惟乃二帥一其誠心奉行天誅同獎王室有崇讓之美有禁暴之能元惡既除全城底定是加寵命以答崇勳燧可兼侍中仍與一子五品正員官并階餘並如故瑊可檢校司空仍與一子五品正員官并階餘並如故華州潼關鎮國軍節度使開府儀同三司檢校右僕射并華州刺史上柱國武康郡王駱元光邠寧慶等州刺史御史大夫上柱國許昌郡王韓遊瓌鄜坊丹延等州節度觀察使檢校兵部尚書兼御史大夫上柱國東平郡王唐朝臣等並節著艱危功成討伐鎮于衝要隱若長城取彼兇殘進無堅陣比義同德廓清方隅宜增食于真封且延榮於蔭子可各賜實封二百戶仍與一子六品正員官并五品階餘並如故應諸道諸軍同討懷光將士等一自征役淹歷歲時被服干戈略無寧息賴茲勳効是有成功宜並賜三十萬端匹以充宴賞仰度支卽般次送赴並各放歸本道仍令所司敘錄卽超資與改轉其中大將及功效殊尤者委所司速具名銜聞奏先與處分其先在河中將士亦宜依例賜錢宴賞如本

是奉天定難功臣進條合給賞者度支卽排比支付嗚呼自國家多難二紀于茲朕嗣位七年連兵五載追惟往事悔恨于懷今二孽既誅諸方甫定哀彼淮右獨爲匪人其帥不襲其衆何罪朕晨夕惕慮念之甚詳罷征討則阻命止於數州窮戰爭則流禍及於天下利病之勢較然相懸俾人懼殃寧我忍恥今勳賢列鎮疆理有經縱未偃戈足以保境況天地之大無所不容豈令是邦猶隔朝化因茲大慶使洽鴻恩諸道應與淮西接連宜且各守封境非被侵軼不須進討仍委所在長吏明加招諭宣布朕懷李希烈若能歸降待以不死其餘將士官吏百姓等一切並與洗滌與之更新先有官封亦皆仍舊如能去逆効順因事建功理當甄升以示褒勸其所以優賞科條並準前勅處分朕思與海內去危圖安有過自新雖大必有朗然明信彰示兆人期爾庶邦自求多福無有遐邇咸使聞知

誅李希烈後原淮西將士并授陳仙奇節度詔

反易天常悖違人紀衆之所棄罔或逃誅李希烈蔑義背恩窮姦極暴謂神器可以力取謂生靈可以詐欺志在兇殘躬行僭竊罪無與比法實難容以君德不修致人於禍究其端本過實在予不忍悉黎重相攻戰屢施詔命務欲懷柔抑羣帥奮發之誠駐諸軍討逐之勢不憚屈己期於息人希烈曾無悛心益逞驕志虐毒滋甚吞噬無厭惡貫既盈自底夷滅開府儀同三司御史中丞臨漳郡王陳仙奇忠勇有餘沉毅能斷據閭境受污之憤導三軍思順之心唱義一呼羣情響應附廓清氣殺穢戮渠魁驛書上聞函首入獻方隅旣又役戍其休懸賞之科是宜必信其以仙奇爲檢校工部尚書兼蔡州刺史御史大夫充淮西節度仍賜實封五百戶應淮西管內將士官吏百姓等項追兇威遂從脅制既誅元惡俱是平人除李希烈一家其餘並準前後赦勅原放更無所問其將士等或本屬平盧或久鎮淮右素推忠義累著勳庸果能叶志同謀輸誠奉順以茲節効良有可嘉委

仙奇卽以諸色官錢優與宴勞其中首建議議同斬希烈人等宜並條錄聞奏節次褒賞比年以來有潛圖効順節義著明計或未行爲賊屠害者亦當審加訪察具事續以聞如有子孫仍並錄名聞奏百姓等久經淪陷兼被傷夷遐想凋殘實足哀憫除供當道軍用外宜給二年應被希烈差點兵馬及團練子弟並卽放散其本額將士之中有不樂在軍願歸農業者委節度刺史量給逃死戶田宅并借貸種糧優給復終身使之存濟宜令尙書左丞鄭叔則充淮西宣慰使嗚呼往欽哉自希烈叛命于今五年上澤不通下情亦阻所宜宣我信令以釋危疑敷我惠和以慰疲瘵滌清汚俗咸與惟新底難一方以稱朕意

重原宥淮西將士詔

乃者希烈亂常阻兵竊號汚脅士衆殘虐烝黎朕志在好生誠深罪己爲人受恥不忍加兵惟茲一軍代著忠節果殲元惡不替舊勳詢於衆情就拜戎帥人亦勞止期於小康旋乖卹下之方重致喪身之禍由朕薄德俾人不寧撫臨萬邦且愧且悼猶賴將校士旅秉其誠心邦人不驚軍部無撓以茲節効良有可嘉所宜慰安俾洽寬澤應將士吏人承前所有諸過犯罪無輕重一切釋放曠然昭洗咸與惟新其有先請受莊宅財物者各以見管爲主將士衣賜節料并家口糧賜等一切並準舊例以時給付不得停減先令優與賞設亦準元勅處分務令豐厚以稱朕懷仍加曉諭各委知悉

唐陸宣公集卷第四

後學介春耆英重訂

萍鄉文 晟
崇仁華廷傑 同校

制誥優恤賜功臣名改州府

賑恤諸道將吏百姓等詔

國之經制儲畜備災雖遇凶年人無菜色時或弛征散利務勸勤分徙有以均無因豐而補敗救患之術抑其次焉自戊役繁興兩河尤極農桑日廢井邑爲墟丁壯服其干戈疲羸委於溝壑傷夷未復荒饑存臻歷河朔而至于太原自淮沂而被于洛汭蟲螟爲害雨澤愆時稼穡卒瘁黍稷重困然猶徵賦不息征役未寧凍餒流離寄命無所興言感悼焚灼于懷朕聞刑罰失中虐殄斯作致咎之本在予一人萬姓何辜遭罹其弊兢兢惕息不敢違安庶蠲下土之災用答上天之戒其宣武等軍宋亳陳州等節度淄青等州節度河陽懷州節度東都畿汝等州節度潞美軍澤潞磁邢等州節度保寧軍節度成德軍恆深趙等州節度易定等州節度每管各賜米五萬碩所司卽般運都於楚州分付各委本道差官受領賑給將士百姓等務令均洽以惠困窮屬軍費方殷國儲尙歉今所賜賑給其數非多猶慮孤惸或未周瞻穀價翔貴何能自資江淮之間連歲豐稔迫於供賦頗亦傷農收其有餘濟彼不足允孚發斂之術且叶變通之規宜令度支於淮南浙江東西等道量置場加價和糴米三五十萬碩差官般運於諸道減價出糴貴從權便以利於人無或勞煩重予不德方岳守將實朕股肱卹患分憂與朕同體宜卽遣使分道宣慰勞勉將士省問鄉閭有可以救歲之凶災除人之疾苦各與本道節度使商議具以聞奏必精必詳用稱朕意

優恤畿內百姓并除十縣令詔

朕以薄德託於人上勵精思理期致雍熙鑒之不明事或乖當百度

多關四方靡寧傷夷未瘳而征役荐起流亡既甚而賦斂彌繁人怨聞上天災降下連歲蝗旱蕩無農收惟茲近郊遭害尤甚豈非異穹作沴深微予衷踴躍憂慚罔知攸措今穀價騰踊人情震驚鄉閭不居骨肉相棄流離殞斃所不忍聞公私之間廩食俱竭既無賑恤猶復徵求財殫力疲繼以鞭箠弛征則軍莫之贍厚斂則人何以堪念茲困窮痛切心骨思所以濟浩無津涯補過實在於增修救患莫如於息費致咎之本既由朕躬謝譴之誠當自朕始宜令尙食每日所進膳各減一半宮人等每月惟供給糧米一千五百碩其餘悉皆停省年食支酒料宜減五百碩飛龍慶馬從今已後至四月三十日已前並減半料京兆府百姓應差科徵配及和市和糴等諸色名目事無大小一切並停公私債負容待蠶麥熟後徵收百司非至切之務如追擾百姓及追勸徵收等色府縣並不須承受其尋常訴訟非交相侵奪者亦不得爲理百姓及諸色人等如能力行仁義均減有無賙貸貧人全活數衆者府司具事跡聞奏朕當授以官秩蠲其征徭如縣令勸導有方流庸克濟至夏初已來類例勘會但戶口無減田疇不荒亦以狀聞量加優獎百姓有迫於荒饑全家逐食者其田宅家具樹木麥苗等縣司並明立簿書印記令所由及近鄰人同檢校勿容輒有毀損及典賣填納差科本戶却歸使令復業夫致理之本必在於親人親人之任莫切於令長導王者之澤以被於下求庶人之瘼以聞于朝得失之間所係甚大且一夫不獲辜實在予沉百里之安危萬人之性命付以長吏豈容易哉今旬內凋殘亦已太甚每一興想盡然傷懷非慈惠不能卹疲甿非才術無以賑艱食臺郎御史選重當時得不分朕之憂救人之弊昨者詳延羣彥親訪嘉猷尙書司勳員外郎竇申等十人咸以器能理道精心究悉黎之疾苦知教化之宗源輟於周行往蒞通邑申可長安縣令鄭珣瑜可檢校吏部員外郎兼奉先縣令韋武可檢校禮部員外郎兼昭應縣令賈全

可咸陽縣令兼監察御史霍琮可華原縣令兼監察御史王倉可檢校禮部員外郎兼昭應縣令李會可整屋縣令兼監察御史荀會可三原縣令兼侍御史李錕可富平縣令兼殿中侍御史其有散官封賜者並如故應畿內縣令俸料宜準常參官例均融加給涇陽縣令韋滌潔己貞明處事通敏有禦災之術有字物之方人不流亡事皆辦集惟是一邑之內獨無怨之聲古之循良何以過此就如寵秩允叶前規可檢校工部員外郎兼本官仍賜緋魚袋并賜衣一襲絹百匹馬一匹嗚呼積行在躬雖微必著咨乃庶尹其惟欽哉朕聞爲君者必擇人而官爲臣者罔擇官而處弛張繫於理不繫於時升降在乎人不在乎位朕方抑浮華以敦教稽言行以進人非次之恩以待能者彰善黜惡期於必行凡百君子各宜自勉

重優復興元府及洋鳳州百姓等詔

朕巡狩山南自春涉夏師旋殷會日費既廣州閭杼軸歲計其空東作妨時西成罕望雖勉從事人不告勞而憫悼積衷予實知愧昨者減其租稅優以復除庶乎有瘳迄用小息洎駕言旋軫躬履畏途絕磧縈迴危棧綿亘時經霖雨道阻且修工徒造舟縣人葺路靡幼靡耄莫獲寧居而又齎負糗糧供備頓舍涉于千里猷我六師居人露處以罔依宿麥過時而不穫觀茲妨奪彌增感傷前所復除未足酬卹式敷惠澤以紓大勞其興元府除先優復外宜更給復二年鳳州全放今年稅其興元府鳳州界內知頓及修道路閣橋州縣官將士等並委嚴震類例功効具名聞奏量與甄獎嗟乎古先哲王東征西怨顧予不德重以勞人補費錄勩是有申命長吏明加優諭稱朕意焉

議減鹽價詔

三代立制山澤不禁天地材利與人共之王道濩微強霸爭鶩於是設祈望之守與權管之法以佐兵賦以寬地征公私之間猶謂兼澤

歷代遵用遂爲典常自頃寇難荐興已三十載服干櫓者農耕盡廢居里閭者杼軸其空車馬方殷軍食屢調人多轉徙田畝汗萊乃專黃海之利以爲贍國之術度其所入歲倍田租近者軍費日增權價日重至有以穀一斗易鹽一升本末相踰科條益峻念彼貧匱何能自滋五味朱和百疾生害以茲天斃實爲痛傷嗚呼朕不承列聖之緒遐覽前王之典既不克靜事以息用又不獲弛禁以便人征利滋深疲吐致困予則不恤其誰省憂應江淮并峽內權鹽宜令中書門下及度支商議裁減估價兼釐革利害速具條件聞奏削去苛刻止塞姦訛務於利人必稱朕意

賜京畿及同華等州百姓種子賑給貧人詔

春陽布和萬物暢茂實兆庶樂生之日農夫致力之時今茲吾人則異於是迫以荒饑愁怨無慘有離去并疆業於庸保有乞丐途路困於死亡鄉閭依然煙火斷絕種餉既乏農耕不興若東作僦時西成何望爲人父母得不省憂雖國計猶虛公儲未贍濟人之急寧俟盈豐罄其有無庶拯艱厄京兆府百姓並宜賜種子二萬碩同華州各賜三千碩陝隴兩州賜四千碩委州長吏即於度支計會請受差公清仁恤之吏與縣令親至村閭隨便給付仍加勸課勿失農時應諸倉所有遠年粟麥宜令節度更分二萬碩京兆尹即差官逐便般載賑賜貧人先盡鰥寡孤嫠目下不濟者務令均給全活流庸嗚呼朕德之不敷誠之有感上帝降割丁寧厥躬元元何辜罹此災害思欲拯救未知其方長人之官寄任斯重所宜極慮與我同憂勉敷惠和以育疲瘵付聞良術稱朕意焉

賜將士名奉天定難功臣詔

國家受天明命平一字內自武德迄于天寶百四十載海內無事崇德廣化澤浸生人時洽和平俗登富教鰥寡孤獨咸得其所鳥獸魚鼈亦罔不寧凡今有生實賴亭育羯虜伺間盜起幽燕率土之人莫

保性命肅宗以神武戡大難先朝以仁德紹興運區域再造億兆再康室家離析而復安子孫胸膈而相長勞來安集垂三十年則我列聖之於天下惠澤深矣朕以寡昧祗膺寶曆常恐不克負荷罔敢怠荒道有未明事多乖謬羣情壅而不達大信鬱而不彰兩河之間羣盜連禍朕務除大患靡憚暫勞是以興有征之師問干紀之罪昨以涇原土徒將赴汝郊失於撫綏致使潰叛朱泚乘釁因構異圖肆其狠心誘我蠹賊謂君可叛謂天可欺縱恣凌悍無所愧畏朕失守宮闕出次郊畿九廟震驚萬姓奔駭內省思咎外顧懷慙罪實在予不敢自蔽意者宗社降祐大儆于朕躬夙夜殷憂庶乎有補實賴股肱心膂勵從戎之節方岳將校集勤王之師赴難如歸見危思奮堅貞勵操何日忘之平巨猾者必仗羣雄實茂績者不限彝典保勳庸於帶礪傳爵邑於子孫崇功美名與國始終其諸軍使應到奉天縣將士等宜並賜名奉天定難功臣食實封者子孫相繼代代無絕身有過犯遞減罪二等子孫有過犯遞減罪一等當戶應有差科徭役一切蠲免其功臣已後雖衰老疾患不任軍旅者當分糧賜等並與全給身死之後回給家口十年勿絕如有能梟擒朱泚者即以朱泚在身官爵授之仍加實封二千戶朱泚所有田宅財物悉並充賜其梟擒賊大將已下并節級特加優寵仍各與實封應梟擒人所有田宅財物亦使賜之其餘立功應合授官給賞並準今年七月勅處分其今日已前身死王事者追贈官爵亦稱奉天定難功臣子孫爲功臣之家應合襲封減罪蠲免差役等一切同例宣告中外令知朕懷建中四年十一月二十三日

改梁州爲興元府升洋州爲望州詔

自昔多虞順時而動古公避狄兆永祚於岐下高帝徙蜀建雄圖於漢中王蹟所興子孫是奉觀遷居於遐阻知致君之艱難矧天下爲家不常厥邑王者所至四方會同崇號設都於是乎在朕遭罹寇難

播越梁岷烝庶煩於供億武徒勤於扞衛凡百執事各奉厥司人皆競勸物以豐給嘉乃成績予懷不忘今大憝已除京邑甫定將旋法駕展敬園陵眷于是邦復我興運宜其崇大以示將來古者天子省方則問耆年卹百姓以頒慶賜以茂勳勞用宏布澤之恩式慰來蘇之望宜改梁州爲興元府其署置官資望一切與京兆河南府同南鄭縣升爲赤縣諸縣並升爲畿縣見在州縣官各令終考秩至考滿日放選依本資處分耆壽與板授五品官仍並賜緋先已賜緋並賜紫典正等各賜勳五轉百姓除先減放稅錢外更給復一年洋州宜升爲望州見任州官亦並令終考秩并諸縣官等各減兩選無選可減者各加三階應山南西道節度下將士除扈從迎駕已經改官者餘並即與甄敘嗚呼古先哲王東征西怨顧予不德重于勤人撫心咎己良增愧歎宣示有衆明知朕懷

唐陸宣公集卷第四

原
书
空
白
页

唐陸宣公集卷第五

後學介春著英重訂

萍鄉文 晟
崇仁華廷傑 同校

制誥勳勞報撫
處分事

奉天遣使宣慰諸道詔

古者天子巡狩之義以考國典以觀人風在時多虞或所不暇乃命卿士使于四方問人疾苦廉吏善惡苟副所任則如親臨在理平之時尙資勤恤當喪亂之際得無省憂朕以不敏肆于人上撫馭失道誠感未孚寇盜繁興阻兵拒命哀哉臣庶陷于匪人顧茲田疇鞠爲茂草不念柔復遽命徂征徵發兵甲萬里必至暴露營壘連年不息冒于鋒刃繼以死傷焚燬無依父母廢食存者積思家之怨歿者倍異鄉之痛又以軍費滋廣公儲不充厚取於人罔率厥典科條互設誅斂無常農工廢棄其生業商賈咨嗟於道路軍營日益闕井日空涸瘵日窮徭役日甚以財力之有限供求取之無涯暴吏肆威鞭笞督責嗷嗷黔首控告何依怨氣上騰咎徵斯應疫癘荐至水旱相乘罪非朕躬誰任其責朕自嗣位迄今六年連兵不解已踰四稔雖本非獲已義在濟人而事乃重勞敢忘咎己皆以朕之寡昧居安忘危致寇之由實在於此予則不德人亦何辜愧恨積中痛心疾首昨者改元施令悔往布新將反側獲安則干戈日弭賦役差減則衆庶就康還定流亡與之休息猶懼思慮未周于庶務誠感未達于遐方一理失中一夫不獲則何以謝天譴致人和俾代予言其在夏竊宜令門下侍郎同中書門下平章事蕭復充山南東西鄂岳荆南江西淮南浙江東西嶺南福建等道宣慰安撫嗚呼往率乃職敬敷朕命慰勉征戍勞徭困窮訪其所安察其所弊淹滯必達冤濫必申無憚幽遠而不被無略細微而不恤洎乎編氓比屋咸若朕之躬親股肱惟良予則有賴其諸道將士並準今年正月一日制嚴備疆界勿使侵

擾仍各令本使本將速具名銜等聞奏悉與甄敘其殊功勁節超越常倫別條狀續當特優獎百姓除每年兩稅定額外自餘徵率一切並停課勸農桑各令安業寇難既定漸息干戈朕當躬先簡約庶務節省兩稅之內亦更減除其諸道事緣急切須處分者即與所在節度觀察使商議裁度務合便宜其餘利害還日條奏朕當詳省以擇厥中宣布遠邇咸使聞知

收復京師遣使宣慰將吏百姓詔

朕獲承先顧付以大器懼德不類貽列聖羞虔恭惕厲罔敢暇逸將欲立法齊一致俗和平小信未孚衆心遂阻事理乖當百度失中君臣之間鬱埋不達致寇難深於罪己興戎猶昧於省躬期靖亂以濟人反勞師而黷武行者被殺傷之苦居者重齎送之勞四海騷然靡有寧處京輦之下杼軸亦空環列之中遣戍殆盡略內以勤遠居安而忘危賊臣誘姦乘間竊發豺狼穢于宮闕士庶陷于塗炭作威肆戮仇視我人萬姓嗷嗷呼天罔告有殞陪以抗節有脅從以假命且一夫不獲辜實在予朕君臨萬邦作人父母既不克覆育又從而咎之其心愧恥一食三歎退舍內訟介于梁岷庶乎有廖以答譴戒皇天悔禍宗社降靈腹心爪牙奮謀宣力元惡稔惡脫身逃遁餘黨歸誠率衆款附掃氛殄而闔闔翦鯨鯢以清郊原函夏載寧室家相慶非將士夾輔王室非卿士交修予違軍旅叶心畢命盡敵豈伊寡昧克復興運戡定大難載感予懷宜令吏部侍郎班宏充上都宣慰使勞問將士撫綏烝黎招輯流亡慰安反側朕續整飭法駕擇日還京告謝于祖宗請罪于天地策勳行賞大報忠烈銘功永代與國同休明宣朕懷咸使知悉

平淮西後宴賞諸軍將士放歸本道詔

朕纂奉丕業託于上仁不被物義不勝姦頌聲震聞暴亂連起叛臣希烈竊據淮沂誠則彼夫無良亦由朕之不德撫御之道失之於

初師旅一興縣聯莫解服勞者從役不暇受污者無路自新旱蝗相乘穀糴翔貴兵氓餒死十室九空通邑化爲邱墟遺骸遍于原野每念於此傷心涕流且自昔勞師靡有不悔以虞舜之聖屈於苗人漢武之強弊於戎虜矧乎德猶不逮力或未全我其永懷求己自警乃者下哀痛之詔布寬大之恩普天載新殊死必宥然尙勞師旅作扞邊陲有累歲棄離家室有經時不解甲冑忠雖爲國谷實在于君人若斯寧不知愧賴節將士旅一其誠心奮發武威慎固疆宇遠人思服元惡就誅蒸黎方致於安寧役戍永期於休息懋官以旌善錫宴以勞旋賞不踰時式遵彝典都統檢校司空中書門下平章事劉從一宜與子孫一人五品正員官鄭滑節度使檢校尙書右僕射李澄檢校兵部尙書曲環檢校戶部尙書李皋兼御史大夫樊澤等並與子孫一人七品正員官都防禦使工部尙書御史大夫賈耽都團練使檢校左散騎常侍兼御史大夫盧元卿兼御史大夫張建封等並與子孫一人八品正員官檢校司空中書門下平章事李抱真檢校司空中書門下平章事李納檢校尙書右僕射同中書門下平章事韓滉檢校工部尙書御史大夫田緒咸遣士旅遠赴行營同討不庭厥有成績抱真納滉宜並與子孫一人七品正員官緒與子孫一人八品正員官應與淮西接界州縣本界鎮守及諸道赴行營將士等宜共賜物三十萬端匹以充賞設度支卽約據界首及行營軍額分配定數逐便支送仍委本道都統節度防禦都團練使卽條錄功第名銜聞奏並與甄敘其行營將士仍各放歸本道明加宣諭令悉朕懷

授王武俊李抱真官封并招諭朱滔詔

三公之職論道經邦序五行之和任百事之理歷代崇重不常厥官天祚皇家茂生才傑比義齊列同寅協恭以德允台階之望以勳當并賦之賜聿應並命式副具瞻開府儀同三司檢校司空中書門

下平章事使持節恆州諸軍事守恆州刺史充成德軍恆冀深趙等州節度觀察處置等使琅邪郡王王武俊秉志沉密臨事能斷忠而致力勇且有仁奮發之初渠魁卽戮危疑之際大節首彰開府儀同三司檢校尙書左僕射同中書門下平章事潞州大都督府長史昭義軍澤潞磁邢等州節度觀察處置度支營田等使上柱國符陽郡王李抱真質重氣和內精外朗智窮變化守必以常學本明誠動有攸利謀猷屢告規益孔多皆勦力盡瘁志匡王室陳師鞠旅同討不庭仗大義而萬衆叶心體至公而千里同契合軍於呼吸之際決策於指揮之間并轡載馳執桴親鼓兇徒殄殲河右廓清國家無北顧之虞茲應阻南侵之計時乃同德厥功茂焉數五教而阜人均九土以居衆俾爾更踐備揚洪休乃加真實以貽後嗣武俊可檢校司徒同中書門下平章事抱真可檢校司空中書門下平章事賜實封五百戶嗚呼古人有言曰惟理亂在庶官矧惟輔臣與國同體明朕德命爾其欽承朕嗣位不明輕費尙力謂武可以靖暴慢謂刑可以懲姦邪德之不修亂是用長士馬疲耗悉庶流離罪非朕躬誰任其咎自去歲遭變再經播遷歷山川之險艱知軍旅之勞苦惟省前過悔恨盈懷追遠事而不及庶後圖之可補以九廟爲重而不憚屈身以百姓爲心而不專私欲苟可以保安社稷休息甲兵宏濟蒼生獨省徭賦含垢忍恥予無難焉朱滔受任薊門累著誠績委遇旣重封秩亦崇臣節中虧自貽伊阻洎賊泚僭竊上京兄弟之親在法無赦朕以罪不相及情有可原待以如初之誠廣其自新之路執迷不復固敗是求蹙喪而歸旣困方悟累獻款疏深陳懇誠省之惻然良用憫歎雖將相嫉惡之志固所難容以君上懷柔之情未忍拒絕且善莫大於改過德莫威於好生叛而伐之服而舍之銷難愛人實惟朕志宜委武俊抱真開示大信明加曉諭若誠心益固善蹟克彰朕當掩聲錄勳與之昭雪宣告衆庶咸使聞知

招諭淮西將吏詔

朕臨御已來連兵不息自經播越方歷險艱耳聞鼙鼓之聲目視殺傷之苦由是覺悟悔於興師既省己以知非亦欲人之遷善至乃歲有再赦事有屢言務於撫綏不憚煩冗冀朕之誠信日布冀人之患難日除每議用兵惻然不忍而賊臣希烈煽禍滔天虐用其人仇視厥衆狠心多忌梟性無親以芟伐立威以猜刻爲志朝爲昵比夕爲仇讐肆其芟夷蔑若草芥馮陵汝海流血盈川侵軼浚郊積骸遍野農耕廢業井邑成墟積彼妖氛發爲災癘蕭條千里無復人煙朕哀彼生靈陷于塗炭苟存拯物不難屈身故於首春特布新令赦其殊死待以初誠使臣纔越於郊畿巨猾已聞於僭竊酷烈滋甚吞噬無厭將相大臣咸懷憤激繼陳章疏固請除討朕以所行天誅本去人害兵戈既接玉石難分言念忠良遭罹脅制雖欲却陳臣節厥路無由受污終身銜冤沒代淪胥以逞誠足痛傷宜令諸道節度使每欲進軍先加曉諭今所致討唯止元兇其餘脅從一切不問如能去逆効順因事建功明設科條以示褒勸其以一州降者便授刺史封異姓王賜實封五百戶以一萬人已上降者授刺史封國公賜實封三百戶其餘各據功效節級甄升列爵建官以俟能者朗然明信朕不食言宣示遠人各令知悉

招諭河中詔

朔方諸軍應在河中絳州朝邑將士等並以義烈繼代勳業冠時艱虞已來常濟國難肅宗代宗再復京邑皆是朔方將士之功去歲朕在奉天兇黨攻逼解圍赴急亦賴此軍言念爪牙情均骨肉濟朕危厄感之豈忘頃以懷光背恩自生猜阻熒惑將士汚脅忠良朕頻降詔書再三曉諭皆被懷光隱匿兼亦志有加誣朕之誠懷竟未宣布夙夜自愧寢食不安時屬嚴凝屢頒衣賜豈以懷光一人拒命遂令將士俱不沾恩朕於功臣義存終始其朔方及諸軍應在河中絳州

朝邑將士等今年春冬衣賜並準二月二十一日勅緣赴奉天解圍功臣等第給錢物宜令所司并許計料別收貯待道路通流即當時支遣其有歸順者續給其將士等有先賜實封一切準元勅並州給牒委馬燧渾瑊逐分送付其差人請受仍明加宣諭招撫務令忠義之士各悉朕意

安撫淮西歸順將士百姓勅

李希烈首亂淮濱又侵榮汴兇威所及罔不脅從百姓既罹於網羅將士兼質其家口哀我衆庶銜冤莫伸雖欲歸降何由自達朕爲人父母不克保安遂使忠良橫遭脅污與言憫悼思惻深衷今王師四臨所至剋捷將士百姓款附甚多或棄其鄉園或捐其家族脫身効節良有可嘉特宜撫綏以獎誠効應准西界內及鄭汴等州將士歸順者委所在節度防禦等使便與收管切加存恤優給資糧仍各具名銜聞奏當與甄獎并給遺衣賜其百姓從賊界內歸順者亦委所在觀察使刺史量以本道諸色錢物賑給令得存濟如情願便住者卽配與死戶田宅使營生業若欲赴諸州縣者隨其所之當時給文牒發遣不得止遏所至之處準前優賞率土之內莫非王臣雖陷寇中諒非獲已但能効順卽是平人務於招綏副朕所恤

甄獎陷賊守節官詔

沮勸二柄國之大綱獎善懲違固不可廢頃者賊臣構亂京邑震騷惟茲土人奔竄無所或從其誘脅遂染汚名或守以純誠竟全貞節昨所司奏議但舉刑章坐累者各已條疏守節者並已甄異忠正而不報豈朕意焉應在京百司及京兆府長安萬年兩縣去年十月三日見在職事官在城陷於賊中潛藏不受逆命并諸色前資官被僞署官爵頻遭迫脅首末不出事跡昭著衆所明知者並委御史臺訪察勘覈其事勿容虛濫仍限今月內具名銜事跡聞奏五品已上及常參官已授替者委中書門下與處分六品已下各減三選不拘考

例聽集其未得資被替非時放選仍稍優與處分如已喪亡者並與追贈使恩加存歿以稱朕懷

令百寮議大禮期日詔

朕自遷越旋於京師將欲請罪祖宗告謝天地所司擇日行有期矣議者多以大盜之後人勞匪居懼愆歲功請俟農隙若俯順羣議則私懷不安將祗率典章又疲吐重擾夙夜憂惕罔知所裁宜令中書門下與常參官即詳議折衷聞奏

不許諸軍侵擾勅

李希烈阻兵淮右虐害烝人朕哀憫無辜橫遭脅制若興師行伐則玉石俱焚所以頻下詔書再三開諭曾無悛革但益憑陵忠勇之徒皆思奮激朕悔於征伐務在含容以一夫無良遂百姓懼禍安人忍恥初是素懷今東作方興麥秋在近儻行侵抄深害農功一方之人實足矜憫應與淮西接界州縣各委本道都統節度都防禦團練等使申明前勅嚴設隄防務使農人遂其耕穫賊若不先侵軼但自保守封疆勿令越境暴犯田苗及有侵掠務宜朝化以洽遠人仍於所在界首明加招諭咸令知悉

放淮西生口歸本貫勅

遷徙家鄉分離骨肉有生之酷莫甚於斯朕撫育兆人庶臻理道懲過不可以不罰原情不可以不矜將推內恕之心用廣自新之路應從李希烈作亂以來諸道所有擒獲淮西生口配隸嶺南黔中等道宜一切釋放歸本道其投降人等權於諸州縣安置者亦任各從所適

令諸道募靈武鎮守人詔

朕以寡德君臨兆人憂四鄙之不寧懼一物之失所降心以懷戎狄期息征徭極慮以綏烝黎冀遂安輯今諸夏岳牧咸能撫封九姓可汗荐克敦好實瀛之內其謂小康愛人雖發於朕心濟理實由於藩

輔豈惟菲薄所致於茲然獨吐蕃負恩背盟棄約尙勞師旅備禦西陲亦賴方岳同心簡練傑俊助其防鎮遏彼奔衝數年以來邊境寧謐乃眷靈武實惟雄藩扼東牧之咽喉控北門之管鍵軍懸寇邇地遠勢孤雖無交切之虞須建久安之策朕屬慮於此殆今累年晨思廢餐暮想忘寐征兵益戍則憚其勞師移人實邊又念其離土朕欲令萬姓各遂所安抑而使人情有不忍中懷結鬱罔知所從古人有言主憂臣憤今朕憂矣將相牧守得不與我同其慮哉此乃忠臣盡規之時勇士建功之日苟宏良算必有其人宜令諸道節度觀察使各於本管諸色人中募能赴靈武鎮守者取其情願重設賞料仍須精選驍雄薄閑武藝便以本道諸色錢物給付仍優厚裝束發赴上都每道各據所管州縣多少通計每州所募多不得過五十人少不得減三十人若欲將家口相隨便給資糧同發遣如有戶實在州者蠲免本戶差科其官健到日朕當超資與官至鎮便替朕之此意非務廣兵欲使四方驍雄俱到塞上壯邊城士旅之氣杜戎醜窺伺之心方岳信臣所當相悉勿令騷擾副我憂人

唐陸宣公集卷第五

唐陸宣公集卷第六

後學介春耆英重訂

萍鄉文 晟
崇仁華廷傑 同校

制誥冊命祝冊祭
文策問答表

冊淑妃王氏爲皇后文

維貞元二年歲次丙寅十一月丁亥十一日丁酉皇帝若曰乾坤合德聖人則之惟帝承天惟后配帝嗣續百代母臨萬邦位定于中而尊加于外德修諸己而化被於人御於家邦所繫斯在三代崇替靡不由之予是以詢衆採賢重難茲命中壺虛位於今歷年陰儀或虧宗事無主缺於典禮朕甚愧焉稱是徽章聿歸全德咨爾淑妃王氏天與純粹氣鍾元和含章在中發秀于外卓爾風操穆然容輝周旋中規進退有度仁愛共儉稟于生知詩書禮樂成自師氏竭其孝敬祗事先朝承事無違克諧尊旨往居桂苑淑問已彰洎奉椒塗謙光載路言無伐善志在匿瑕柔嘉自持喜愠莫見六宮攸序九族以親嘗屬艱迫累從行幸思賢才以輔佐知臣下之勤勞庶績伊凝願資內助永念頃筐之志且懷求劍之情崇位長秋永懷盛典矧惟元子貞我萬邦稽以舊章是宜從貴今遣攝太尉某官某持節冊命爾爲皇后嗚呼敬哉王教之端始於內範風美關雎之化雅詠思齊之德罔懈厥位忝于前修克念有終庶無後悔奉承休命可不慎歟

丁亥下闕朔字

冊嘉誠公主文

維貞元元年歲次乙丑六月甲子朔十二日乙亥皇帝若曰王者以義睦宗親以禮敦風俗義之深實先於友愛禮之重莫大於婚姻故春秋書築館之儀易象著歸妹之吉予是用祗考令典率由舊章咨爾嘉誠公主孝友柔謙外和內敏公宮稟訓四德備修疏邑啓封命爲公主徽章所被禮實宜之今遣光祿大夫檢校司徒同平章事汧

國公勉持節冊命爾惟欽哉下嫁諸侯諒惟古制肅雍之德見美詩人和可以克家敬可以行己奉若茲道永孚于休懋敷王風勿墜先訓光膺盛典可不慎歟

冊蜀王妃文

維建中二年十一月某日皇帝若曰夫茂建親戚以敦族固本明慎選納以厚別蕃嗣實人倫之始王教之端也朕奉若謨訓允求淑哲賢必有象鍾慶於令門姻不失親載光於戚里故某官駙馬都尉田擇交第若干女生稟柔惠習知禮則容德純備孝睦洽聞可以叶美好速輔成樂善是用使某官某持節冊命爲蜀王妃嗚呼敬之哉備禮以崇其好合起家而居其爵位非義信不固非溫順不親克恭匪懈則罔攸悔朕言必復可不慎歟

冊杞王妃文

維建中二年十一月某日甲子皇帝使某官持節冊命某官寶旒第若干女爲杞王妃曰於戲禮以大婚崇繼嗣本人倫之教詩言淑女配君子繫王化之綱蓋率人成風由內及外得不采嘉耦以固盤石刑閨門以御家邦詳求惟難歷選茲久時乃之擇得于舊姻柔婉稟乎天和禮樂成于家法明章婦順虔奉姆儀克茂鸛巢之規叶宜麟趾之美其祗膺嘉禮欽率內教淑慎厥心無替於後嗚呼可不慎歟

告謝昊天上帝冊文

維貞元元年歲次乙丑十一月癸巳朔十一日癸卯嗣天子臣某敢昭告于昊天上帝顧惟寡昧不克明道丕膺眷命俾作神主常恐獲戾上下而播災於人兢兢業業夙夜祗畏居位五祀德馨萬聞靈靈不歆是用大徹殷憂播蕩踰歷三時誠懼烈祖之耿光墜而不耀側身思咎庶補將來上帝顧懷誘衷悔禍勸兇孽之凌暴雪人神之憤取舊物不改神心載新茲乃九廟遺休兆人介福以臣之責其何解焉間屬寇虜久稽告謝今近郊甫定長至在辰謹以玉帛犧牲粢盛

庶中冀憑禋燎式薦至誠太祖景皇帝配神作主尚饗

告謝玄宗廟文

維貞元元年歲次乙丑十一月癸巳朔十一日癸卯孝會孫嗣皇帝臣某敢昭告于皇曾祖考元宗至道大聖大明孝皇帝皇祖妣元獻皇后楊氏臣猥承聖緒獲主大器懼德不嗣靡所安寧任重道悠竟貽顛越京闕生變神人無依臣懷永圖不敢自棄忍恥含憤迨于載遷戴天履地俯仰慚惕幸賴烈祖遺澤感深于人人心攸歸天意允若肆予小子憑宗廟之積慶再復于鎬京在臣愆尤曷云有補豈敢自蔽以重于厥辜頃以寇孽在郊禮物未備久稽告謝伏積兢惶今祇見闕宮引慝請罪謹以一元柔毛剛蠶明粢薌合薌其嘉蔬醴齊因時備物虔奉嚴禋尚饗

一元下疑落大武二字

告謝肅宗廟文

維貞元元年歲次乙丑十一月癸巳朔十一日癸卯孝會孫嗣皇帝臣某敢昭告于皇祖考肅宗文明武德大聖大宣皇帝皇祖妣章敬皇后吳氏臣嗣服先業不克負荷人流於下事失其中奸魁乘輿作亂京邑播遷之咎臣實自貽震驚宗祧曠時乏祀外憂內愧若墜深泉勵已誓心期刷大恥實賴聖祖中興之業全育兆人澤深慶遠流福裔嗣故上天悔禍羣孽就誅非臣寡昧所能繼服今祇率百辟見于廟廷謹以一元大武柔毛剛蠶明粢薌其嘉蔬醴齊備物潔誠聿申告謝尚饗

告謝代宗廟文

維貞元元年歲次乙丑十一月癸巳朔十一日癸卯孝子嗣皇帝臣敢昭告于皇考代宗睿文孝皇帝伏惟元德廣運重光盛業武平多難仁育羣生謂臣克堪付以大寶臣自底不類再罹播遷宗祧乏享億兆靡依下辜人心上負先顧敢愛隕越苟全眇身大懼社稷阽危

增九廟之愧由是忍恥誓志庶補前羞列聖在天鑒臣精懇數錫丕祐俾之繼承兇渠殄夷都邑如舊茲臣獲執犧牲珪幣載見于廟廷感慕慚惶若罔攸厝謹以云陳誠待罪式奉嚴禋尚饗

祭大禹廟文

維貞元元年某月某日皇帝遣某官以牢醴之奠敬祭于大禹之靈惟王德配乾坤智侔造化拯萬類於昏墊分九州於洪波經啓之功千今是賴巍巍蕩蕩無得而名顧以眇身辱承大寶時則異于今古道寧問于幽明雖依聖垂休諒非可繼而勤人勵己竊有所希迨茲八年理道猶昧沴氣鬱結降爲凶災邦無宿儲野有餓殍上愧明哲下慚生靈夙夜憂惕如蹈泉谷所資漕運用拯困窮底柱之間河流迅激舟楫所歷罕能獲全爰命工徒鑿山開道避險從易涉安代危嗷嗷烝人俟此求濟仰祈幽贊以集丕功享于克誠庶答精意

策問賢良方正能直言極諫科

皇帝若曰蓋聞上古至道之君垂拱無爲以臨海內不理而人化不勞而事成星辰軌道風雨時若邈乎其不可繼何施而臻此數三代以來制作滋廣異文質之變明利害之鄉威之以刑道之以禮敦其俗而彌薄防其人而益媮豈澆淳必繫于時耶何聖賢間生而莫之振也朕祗膺累聖之業猥居兆人之上乾居克勵如恐失墜憂濟庶務夕惕晨興永惟前王之典謨是憲是則師大禹以崇儉法高宗以求賢興夏啓之征作周文之罰旌孝悌舉直言養高年敦本業平均徭稅黜陟幽明勵精孜孜勤亦至矣然而浮靡不革理化不行暴亂不懲奸犯不息五教猶鬱七臣未臻鄉黨廢尚齒之儀烝黎無安居之志賦入日減而私室愈貧廉察日增而吏道愈濫意者朕不明敷何古今之事同而得失之効異也思欲剗革前弊創立新規施之於事而易從考之於文而有據備陳本末將舉而行無或憚煩略於條對自頃陰陽舛候稔疹頻興仍歲旱蝗稼穡不稔上天作孽必有由

然屢推凶災其咎安在傳曰時之不乂厥罰常暘又曰堯湯水旱數之常也二者乖反其誰云從今人靡蓋藏國無廩積朕屢延卿士詢訪謀猷至乃減冗食之徒罷不急之務既聞嘉話亦已遵行而停廢之餘所費猶廣俟轉糧於江徼則遠不及期將搜粟於關中則撓而無獲節軍食則功臣懷怨省吏員則多士靡歸中心浩然罔知攸濟子大夫蘊畜才器通明今古副我虛求森然就列匡朕之寡昧拯時之艱災畢志直言無有所隱

策問博通墳典達於教化科

皇帝若曰朕承祖宗之鴻烈獲主神器任大守重懼不克堪思與賢士大夫共康理道虛襟以佇側席以來而羣議紛紛所見異指或牽古義而不變或趨時會而不經依違以來七年于茲矣國制多缺朕甚思焉今子大夫博習墳典深明教化褒然充舉咸造于庭其極思精心以喻朕之未寤仲尼敘禮樂刪詩書修春秋廣易道六經之教所尚各殊豈學者修行理當區別將聖人立意本異宗源施之於時孰爲先後考之於道何者淺深差次等倫指明其義夫知本乃能通於變學古所以行於今今之教人則異於是工祝陳禮樂之器而不知其情生徒誦禮樂之文而不試以事欲人無惑其可得耶將革前非固有良術堯舜率天下以義比屋可封桀紂率天下以暴比屋可戮然則上之化下罔或不從而三仁四凶較然自異有教無類豈虛言哉作樂移風聞諸昔典夫至雅必淡至音希聲文侯列國之賢君猶曰則惟恐寐矧彼流俗其能化乎將使天地同和災沴不作黎人不變姦慝不萌何施何爲以致於此王者制理必因其時故忠敬實文更變迭救三代之際罔不由之自秦刻古法漢雜霸道紛淪千祀王教不興國家接周隋之餘俗未淳一處都邑者利巧而無恥服田畝者朴野而近愚尙文則彌長其澆風復質又莫救其鄙俗立教之本將安所從自昔哲王惟以三正互用後之術士乃言五運相生以

漢應火行則周爲木德禮稱尙赤義例頗乖永言於茲莫識厥理九流得失之論歷代興亡之由王鄭識理之異同公穀傳經之優劣必精必究用沃虛懷

策問識洞韜略堪任將帥科

皇帝若曰朕遐觀典謨詳求理道三代之際粲然可徵未嘗不文武並興農戰兼務故能居則足食動則足兵兵足則威食足則固威則暴亂息固則教化行理國之本實在於此秦漢已降王制不修選士廢射御之儀教人無蒐狩之禮即戎者不知其稼穡力本者罕習于干戈於是異文武之人分農戰之道守則乏食征則鮮兵歷茲千年竟莫能復抑知者蓋寡將行之惟艱歟朕念之甚勤思繼前躅良以軍旅之士役戍靡寧勦庸既多爵秩咸貴俾服田畝慮與怨咨仰給縣官不可勝計由是版圖日減阡陌歲荒水旱小愆廩餉咸竭欲使軍人悅歸於耜耒儒者兼達於韜鈴田萊盡耕攻取必勝誘人孔易其術安施王者之師本於立德兵家之法務出奇德以信成奇以詐勝理有違反將何適從宋襄成列而敗軍見嘉魯策韓信決囊以摧敵取貴漢朝然則喪國亡身豈霸王之道冒危乘厄非仁誼之心所宜討論以定褒貶夫衆寡不敵克必以謀樂生下齊孫子破楚魏武之勝袁紹宋高之滅姚泓成敗之由備陳本末古人有言曰誅伐不可偃於天下又曰善爲國者不師二端異焉其有深旨子房序次兵法任宏論讓軍書指明異同詳錄名氏想聞商略擇善而行

答宰臣請停大禮表

朕失德致寇再經播越郊廟乏主禋祀曠時感憤積中憂愧形外日月以冀庶補前修賴天地降休祖宗儲慶再新景命祗復皇都自秋涉冬已遷於律候因心致享未展於孝思而公卿上言邀予以備物都鄙興誦諷予以勞人禮將俟於他年卜不先於近日永懷感慕情實未安雖則嘉話重違其如至誠難抑所宜參會羣彥更擇近期無

或因循以增不德

荅百寮請停大禮表

朕再經播遷久曠禋祀不惟霜露之感實貽墜失之憂賴先澤在人上帝臨我克平大難再復舊京朕之失德非曰能補旋欲請罪宗廟展敬郊丘迫以羣情俟于獻歲今滌牲撰吉甫及近期齋心永懷明發不寐忽覽來表良深憂然雖嘉備慮之誠實乖昭事之意朕志先定期於必行即斷來表也

荅百寮請停大禮第二表

國之大事首在祀典所宜嚴奉以達至誠況今之所懷又異常日不克嗣守馴致寇戎淪陷國都震驚園寢幸憑元祐再續鴻休播越三時久虧禋祀之禮旋歸半歲未申告謝之誠感愧積中若墜泉谷坐而待曙跂及上春庶乎天地靈祇以歆精意胡乃股肱卿士尚執疑謀出既不及告辭入又廢於朝獻罔極之慕何心自安宜潔乃誠以祗所奉副予懇切勿復煩煩

荅百寮請停大禮第三表

三省來表深體乃誠明孝敬之大端陳安危之上計祗率嘉話夫豈不懷永言思之固亦難抑進退慚惕罔知所裁中宵求衣當饋忘食且聿修祀事所貴專精苟未至誠則如勿祭今近期甫及當齊潔敬之心而輿誦紛然猶執異同之論禮既虧于嚴奉事奚展於孝思以義制心勉依來請重予不德愧歎良深

荅百寮賀利州連理木表

珍木呈祥允符靈貺顧惟不德何以當之朕聞人事聿修天休乃答今則兇渠尚在戎役方殷虐旱妨農飛蝗害稼諒咎徵之未弭曷嘉瑞而復臻所冀公卿大夫交匡不逮覩茲稱述益用懷慚

荅宰臣請復御膳表

嘗覽典謨每嘉儉德愛人惜費是朕素懷況大兵之餘繼以荒饉軍

儲國計費用皆空凋戶疲吐膏澤已竭致人於此過實在予內懷憂慚躬自損貶今兇渠殘滅粟麥豐成皆祖宗垂休非寡薄所致矧乎邦畿之內餒殍尤多役戍之徒傷夷未復孜孜訓戒克己增修猶懼尋守寶圖罔答元祐豈宜暇逸以厚厥躬卿等誠在致君將順其美顧惟虛缺非所宜然

荅百寮請復御膳表

頃者大勞不息至化未孚雨澤愆期蟲蝗爲害朕以銷災謝譴莫大於修誠節用愛人必先於克己顧慚愆咎躬貶膳羞下以均衆庶之憂上以答昊穹之儆至誠或感嘉應遂臻宿麥方成元兇已殄慶深德薄惕厲彌加忽覽表章過爲稱述雖將順其美則曰乃誠而戒慎不忘諒惟朕志未喻來請深體此懷

唐陸宣公集卷第六

唐陸宣公集卷第七

後學介春耆英重訂

萍鄉文 晟
崇仁華廷傑 同校

制誥除授

李晟司徒兼中書令制

雲雷構屯寓縣興難非山岳降神不生良弼非股肱叶契不集大勳故高宗得傳說中興殷邦宣王任吉甫重光周道天寶之季寇陷二京時則先臣子儀翼戴肅宗戡定禍亂再造區夏于今賴之肆予小子獲纘不構不克負荷失守宗祧天祚我唐降生忠烈有社稷之臣曰開府儀同三司檢校尚書左僕射中書門下平章事充神策軍節度鄜坊等州管内觀察處置等使京畿渭南滑北商華等州兵馬副元帥上柱國合川郡王李晟沉肅有勇堅明能斷難憤奮軍徂征誠激于衷義形于色自河之右萬里濟師殷然雷奔大盜懾駭屬皇家不造戎師誘姦重茲播遷邇甸震蕩而晨蓄銳養士深壘固軍以謀吞元兇以義糾羣帥躬擐甲胄率先啓行布忠信爲軍聲持義烈爲戰器廓清氛沴寧復皇都宗廟載安宇宙斯泰佐予興運時乃茂功德厚者任崇業威者報重升以元輔建于上公熙庶績而翼宜九歌擾兆人而敬敷五教用疇并賦貽厥子孫與國咸休永播丕烈可司徒兼中書令仍賜實封一千戶餘並如故俟還京後所司擇日備禮冊拜宣示中外以彰元勳

蕭復劉從一姜公輔平章事制

宰輔之任獻替爲務內凝庶績外撫四夷調陰陽以成歲功贊化育而熙帝載若金用礪其弼予達如早爲霖允從人望矧時屬多難彌切任賢朕未嘗不朝夕論思夢寐懷想道之所在人遠乎哉朝議大夫守戶部尚書兼御史大夫充荆襄江西等道都元帥統軍長史豐縣開國公賜紫金魚袋蕭復性質端亮理識精敏約己宏物體方用

圓爲邦必表其理能及雷亟聞於鯁議動可成範立不易方守尚書吏部郎中兼御史中丞充荆襄江西等道都元帥判官賜緋魚袋劉從一貞白其行溫恭其文居簡而適用必通體和而臨事有立持重能斷端慤有恆累更委任多所宏益守京兆府戶曹參軍翰林學士賜緋魚袋姜公輔志懷濟物監必通理主文而諫忠靡退言經始以謀事皆前定道無屈撓智適變通並可以參贊大猷光膺僉屬兵戎未靖期爾經綸都邑未康期爾還定予一人有過爾是用匡伊萬姓不寧爾是用義欽哉慎乃有位罔繆厥官復可守吏部尚書同中書門下平章事散官封賜如故從一可守尚書刑部侍郎同中書門下平章事賜紫金魚袋公輔可守諫議大夫同中書門下平章事賜紫金魚袋

張延賞中書侍郎平章事制

兩漢致理由乎審官多以牧宰高第入居台輔黃霸自潁川而次遷丞相卓茂由密令而超拜三公蓋以爲國本於親人舉賢先於稱職旌能勸善風化大端今革車荐興賦煩人散匡弼寡昧屬于才臣光祿大夫檢校吏部尚書兼成都尹御史大夫充劍南西川副大使管内度支營田觀察處置等使上柱國魏國公張延賞崇飭文行勵精理道踐歷中外所至有聲慮必周密心無屈撓簡廉以肅吏慈惠以愛人明以照姦和以定衆去若始至久而見思秉志不渝課績常最以爾循良之化佐予綏兆人以爾經綸之才佐予熙庶績仍資威重兼領蕃維式慰甘棠之思且繼緇衣之美懋昭邦典勿替家聲可中書侍郎平章事依前兼成都尹餘如故

渾瑊侍中制

論道經邦興戎定亂執是二柄毗予一人得諸全才康濟大難懋官胙土備舉彝章開府儀同三司檢校尚書左僕射同中書門下平章事兼靈州大都督府長史充靈鹽銀夏等節度管内觀察處置度支

營田押蕃部落等使仍充朔方鄜寧振武等道奉天永平軍行營節度副元帥柱國樓煩郡王渾瑊神降才傑天資忠厚叶于興運爲國輔臣往以盜起上京駕言出狩羣兇怙亂再犯郊畿時乃奮揚武威董制師律深居籌畫奸慝寢謀當敵指揮士旅增氣危城克固我伐用張重以賊臣蔑恩養寇資亂再罹艱阻播越巴梁時乃并轡載馳執羈從邁有見危致命之節有憂國滅私之誠凜然貞規介若金石縱橫有夷難之略感激陳復國之謀分總偏師徑出重險棄大節以誓羣帥布寬令以宥脅從師次近郊摧兇靡抗軍臨近甸下邑如歸推成功以不居期盡敵以自効率其全衆揚旆前追雄威疾馳元惡授首柔德懷服餘黨歸心掃闢氛昏安復園寢懋乃嘉績其維格天范變之讓能耿弇之殄寇總之二美滅其有焉足以銘勳旂常垂美竹帛宜首台階之列仍囑并邑之賦祗膺時命無替厥庸可侍中仍賜實封八百戶餘如故

盧翰劉從一門下中書侍郎平章事制

寅亮天工宏宣理本俾予從乂時乃輔臣履蹕載驅以勞定國懋官遷列式是彝章銀青光祿大夫行尚書兵部侍郎同中書門下平章事范陽縣開國公盧翰嚴重不撓貞方自持養恬鎮俗居簡濟衆言思無隱事必有恆守刑部侍郎同中書門下平章事賜紫金魚袋劉從一質厚氣深識精體遠冲用無竭貞規不渝從容以和出納惟允自轡車載駕薄狩于梁執轡有從我之勤及奮勵匪躬之節交修不逮庶績其凝俾承命於掖垣仍參掌於樞務今百度伊始六府載張論駁是非不可以不審宣揚憲令不可以不明爾其欽承無墜我休命翰可門下侍郎同中書門下平章事散官勳封如故從一可中書侍郎同中書門下平章事餘如故

劉滋崔造齊映平章事制

朕嗣位君臨精求理道小大之務靡不經心日慎一日于今八載教

化未洽烝黎未康因之以甲兵繼之以災沴斯固鑒有所不至慮有所不周予深浩然若涉深水思所以匡我致理助我官人宣其澤而四方以寧執其要而百工式敘允是大任其惟輔臣夢想勞懷敷求俊乂察言而觀行因事以考能周行之中乃得良弼權知吏部侍郎劉滋履履貞清介然自守居能慎獨動不違仁析理究其精微勵學探於奧旨守給事中賜緋魚袋崔造性合道要誠通化源適時有成務之才事上懷匪躬之節蘊蓄器業居爲名臣中書舍人賜紫金魚袋齊映修己以立自明而誠體賢人可大之規用君子時中之道虛受能擇清通不流惟滋之直方可以激風俗惟造之體度可以振條綱惟映之精深可以該物理我有大典爾其參之懋昭厥猷勿替休聞滋可充散騎常侍同平章事造仍賜金魚袋其有散官封賜並如故

賜金魚袋之下有關文

李納檢校右僕射平章事制

忠所貴乎竭誠善莫大於改過況茂勳有舊崇德日新翼戴勵勤王之節經綸申盡敵之略敦獎之道時惟國章平盧淄青節度管內度支營田處置等使開府儀同三司檢校工部尚書使持節鄆州諸軍事兼鄆州刺史隴西郡王李納稟性端厚執心寬簡通變適用和順積中服勞王家夙有成績垂秋備塞克著威聲累歲專城載揚理行間者心懷險阻誠義鬱埋旋能歸款上聞期於率德自効忠節純固久而益彰爰整銳師式遏亂略保障宋服填壓浚郊疑如長城作固東土嘉乃率服之美懋乃輸力之勤擢升衮司載董戎翰元成嗣台輔之業亞夫繼社稷之勳俾爾兼榮無替厥服檢校右僕射平章事餘如故

韓滉檢校左僕射平章事制

周召由輔弼之臣兼方伯之任蓋以理化根本在於親人通兆庶之

情以佐天子秉家邦之慶以臨諸侯故能中外允釐上下無壅今我有命意其在茲金紫光祿大夫檢校尚書左僕射兼潤州刺史御史大夫充鎮海軍浙江東西節度觀察處置等使上柱國南陽郡開國公韓滉文行忠信備修身之道勤儉貞固有成務之才累更委遇多處繁重一心奉職終始不渝內告謀猷以匡時化外持憲法以一人心理尚廉平事皆釐飭奸盜衰息禮義興行惠茲一方時乃之德陳師旅以遏寇讎納餽糧以修職貢張我威武實我資儲令必應期謀無愆素濟于多難時乃之功宜其參務中樞翼宣大化仍兼漕運兼領蕃維樹南國之風猷瞻中都之慶實予則有望爾其懋哉繼于前人無替厥服可檢校左僕射同平章事依前鎮海軍浙江東西節度觀察處置等使兼充江淮轉運使餘如故

李勉太子太師制

立國之本所繫於元良宏教之方必由於端士非精識前典德冠當時恭敬溫文其將安做吾是以輟台階之老選宗室之賢輔翼春闈是資教諭檢校司徒同平章事充太清官使崇文館大學士上柱國汧國公李勉忠信孝友直方簡儉達君臣父子之際知禮樂教化之端虛澹保和貞明寡欲求舊則德懋敘親則屬尊師範國儲無易其選可檢校司徒兼太子太師散官封勳如故

姜公輔左庶子制

君之任臣有優賢賜告之義臣之事君有量力知止之道故能進退以禮終始可勝此朕三事大夫濟理圖全之意也守諫議大夫同平章事賜紫金魚袋姜公輔首擢高第擢居諫曹爰資美才參掌密命居易勵修身之操見危著從我之勤自處台司累疏陳乞忌滿思退持盈守謙留中久之重難其請式光擢抑俾尹宮坊可太子左庶子勳賜如故

崔造右庶子

宰相之職允釐百工時惟仰成不可廢闕中散大夫行給事中同平章事上柱國安平縣開國男賜紫金魚袋崔造頃居掖垣參掌樞密總領繁重積勞疹深亦既優賢賜之長告歲華云暮有加無瘳披誠自陳章疏三上知止之道守之甚堅處以休閑俾遂頤養可太子右庶子勳賜如故

盧翰太子賓客

求賢審官以康庶績就閑優秩以處舊臣蓋欲敦終始之恩全進退之禮金紫光祿大夫行門下平章事范陽郡公盧翰頃因多難從我于征以其年及老成任推先進方將求舊擢處台衡在茲迄今亟淹星歲勤勞既久衰疾有加宜徙職於春闈用優賢于暮齒可太子賓客勳賜如故

唐陸宣公集卷第七

原
书
空
白
页

唐陸宣公集卷第八

後學介春著英重訂

萍鄉文 晨
崇仁華廷傑 同校

制誥

賈耽東都留守制

河洛舊都時巡久曠命以居守俾之保綏聞者淮甸不寧汝墳屢警增置軍府作藩王畿職任既分威望非重思有總制一其典刑爰資信臣往又東夏銀青光祿大夫守工部尚書魏國公賈耽豁達貞方識通大體明九域山川之要究五方風俗之宜恆因物情以施教化所莅之郡羈其休聲悅李廣之風人皆自便懷羊祜之德敵不敢侵自誠而明在久彌著分我憂寄實惟其人董制軍師安集疲瘵統禦都邑提持紀綱懋昭厥猷無替朕命可守本官兼御史大夫充東都留守東都畿汝州都防禦觀察等使判東都尚書省事散官勳封如故

崔縱東都留守制

居守之重固難其人近歲以來益又繁綜領廉察之任專禦備之權地廣務殷一皆咨稟非利用罔以通濟非純德不能保綏周爰咨詢公論有屬銀青光祿大夫行尚書吏部侍郎上柱國安平縣公崔縱素風自遠代濟忠貞慶之所鍾繼有才哲氣質淳茂識度淹通蘊經遠之沈謀宣適時之利用寬而不弛簡則能周以茲公方多歷要重小大之務必聞休聲輟於周行式是東夏擢居春官之長且兼副相之雄懋昭厥庸期復先構可檢校禮部尚書兼御史大夫充東都留守判東都尚書省充東都畿汝唐鄆等州都防禦觀察處置使散官勳封如故

普王荆襄江西道兵馬都元帥制

君人立極所務於勝殘秉律成師寔先於謀帥申明號令總持紀綱

宏九合之功決百勝之略非慎柬不可以濟事非僉屬不可以臨人集大勳者必舉於宏綱體至公者無避於內舉爰擇蕃翰俾掌元戎開府儀同三司舒王謨性稟忠厚訓知禮樂居常樂善動不違仁察其內恕外溫必能安人和衆體方識敏諒可成功庶乎知子之明授以貞師之律可揚州大都督持節充荆襄江西沔鄂等道節度使及諸軍行營兵馬都元帥餘如故仍賜名諱改封普王嗚呼小子諒其敬聽朕命我國家之有天下百七十載于茲矣祖宗垂化紹統功德繼茂威加殊俗惠洽普天海隅蒼生代受亭育躋之於福壽煦之以仁和源廣流長慶深祚遠歷數有嗣繼于朕躬兢兢業業懼不負荷虔恭寅畏歲五周星循列聖之耿光稽上古之謨訓一物失所是用疚心萬方有罪每懷咎己懸法皆考於天則舉事必酌於人謀期合大中罔循私欲而涉道猶淺燭理未明文闕於化成武乏於定亂刑賞失中授任乖方厚澤未均大信未著致使兇惡熾禍干紀亂常悖違君親蔑棄天地盜據我郡邑痛毒我士庶驅脅丁壯暴骸於原野擄奪羸老轉死於溝壑忠貞隕命義烈銜冤迫以兇殘莫由自奮憤深骨髓怨結蒼旻朕所以中宵屢興終食三歎哀蒼生之無告閱赤子之非辜爲人父母寧忘愧悼賴三事大夫竭誠於內羣帥爪牙宜力於外交修不逮日冀康寧江漢上游建領制寇亘千里之地連千萬之師保大定功宜有統壹允副茲選往哉汝諧無以貴驕人無以善自伐無縱己之慾無嘯衆之謨從諫如流改過勿吝卑躬降志以奉賓傳絕甘分少以撫軍師布誠信以歸人心明賞罰以盡士力詰姦誅暴懋昭乃勳敬事恤人無替朕命膺茲重任可不勉歟建中四年九月二十六日

馬燧潭城副元帥招討河中制

天地殊位君臣異制苟不率道茲謂亂常退而增修於是有舞干之義諭以遷善於是文告之辭若猶不悛乃用致討與戎動衆豈得

已哉李懷光擢自軍候委之節制亟有勳績累加寵榮總衆駁奔自遠赴難解圍逐寇朕甚德之位極上台寄崇總帥親之若同體信之無間言朕於斯人亦已厚矣而器小任重固貽顛覆有功自棄無罪自疑崇信讒邪脅逐將帥養寇資亂蓄奸幸災朕素所推誠猶謂非實優容任遇坦然如初凶跡既盈醜踪彌露謀危社稷通結渠魁公相往來無復忌畏窮極兇悖所不忍言朕播遷巴梁遠遯陵寢大懼失墜爲列聖羞賴先澤在人北庶知感朔方將士忠節不渝懷光既沮姦謀詭稱効順累陳款疏請謁闕庭朕深惟舊勳務欲全貸授以師保之任嚆其井賦之食重書勞問誓以終始懷光遂殺辱使臣完聚守保將以悖慢之罪加於忠義之軍因茲脅從冀與同惡謂衆可罔謂天可欺覆載所不容人臣所共棄討除大慙招輯非辜受咨輔臣以董戎寄銀青光祿大夫檢校司空中書門下平章事兼太原尹北都留守充河東保寧軍節度使北平郡王馬燧操業端亮器宇宏達秉難奪之節負不羈之才常持至公深識大體感激而三軍有勇彌綸而庶績允諧威聲所臨郡邑皆復殿于北土隱若長城奉天定難功臣開府儀同三司行侍中兼靈州大都督靈夏豐等州節度使管內度支營田觀察處置押蕃部落等使充朔方邠寧振武等道奉天永平等軍行營節度兵馬副元帥上柱國樓煩郡王渾瑊淳粹積中仁厚成性布寬大以容衆著誠信以撫人事必沉詳臨危益辦節惟貞固在險逾彰宏濟艱難懋昭勳閔出納朕命光膺具瞻並文武全材安危注意副我憂屬時惟二臣比德協謀往清多難燧可兼充奉誠軍及晉陽磁等州節度管內諸軍行營兵馬副元帥餘並如故瑊可兼河中尹充河中絳州觀察處置等節度使仍充河中絳州同陝虢等管內諸軍行營兵馬副元帥功臣散官勳封如故嗚呼朕不敏不明失於君道連禍未息勞師靡居中心自咎鬱若焚灼又以朔土之衆代著忠勞橫遭汚脅深所憫惜爾其敬敷朕命明諭朕

懷務於招綏非黷威武惟輸誠歸順罔有不赦惟執逆拒命罰止元兇寧失不經無濫無罪列爵懸賞用俟勳賢布告遠邇咸令知悉

李晟鳳翔隴西節度兼涇原副元帥制

周之元老以分陝爲重漢之丞相以憂邊見稱故方岳克寧疆場不聳安人保大致理之端今所以重煩上台作鎮西土奉天定難功臣司徒兼中書令充神策軍節度鄜坊丹延等州觀察處置等使仍充京畿渭北鄜州華州兵馬副元帥上柱國合川郡王李晟勵精剛之操體博大之德適時通變而大節不奪虛受廣納而獨斷自明奉法以身推功以下衆無犯命人用樂從懷德畏威令行禁止誓羣帥於危疑之際駐孤軍於版蕩之中氣凌風雲誠動天地一鼓而兇徒懾北再駕而都邑廓清師皆如歸人不知戰再安社稷功格皇天而明識秉彝清風激俗雅尚恬曠撫謙有光朕以旌隴近郊扶風右地川阜連亘抵於回中限界諸夷蕃屏王室所屬誠重付之元臣兼二將之甲兵崇十連之元帥宣威耀武罷警息兵俾予仰成時乃丕烈可兼鳳翔尹充鳳翔隴右節度營田觀察處置等使仍充鳳翔隴右涇原節度管內諸軍及四鎮北庭行營兵馬副元帥改封西平郡王功臣本官兼官如故

劉洽檢校司空充諸道兵馬都統制

論道經邦允歸碩望建牙統衆必藉雄才中外具瞻安危注意今以二柄付之元臣開府儀同三司檢校尚書左僕射同中書門下平章事持節宋州諸軍事兼宋州刺史充宣武軍節度營田宋毫賴等州觀察處置等使仍權知汴滑宋毫等州都統兵馬事懷德郡王劉洽秉志端亮飭躬簡儉博厚足以容衆和易足以長人純孝榮親盡忠事國分我閭寄殿于大藩扼制淮夷保障楚甸戎捷繼至軍聲再揚殪羣兇於宛邱驅大慙於梁野控引漕輓委輸京師予嘉乃勳懋乃貞節用錫丕命俾揚洪休變贊三台紀綱羣帥式是大任爾惟欽哉

可檢校司空中書門下平章事依前宣武軍節度使度支營田宋
亳等州觀察處置等使仍充宋亳賴等州管内諸軍兵馬都統散官
勳封如故

唐陸宣公集卷第八

原
书
空
白
页

唐陸宣公集卷第九

後學介春耆英重訂

萍鄉文 晟
同校
崇仁華廷傑

制誥 除授

渾瑊京畿金商節度使制

王者之制安不忘危宏其道則文武齊致教其人則農戰兼務故雖縣內不可去兵況密邇寇虞干紀稔惡都邑郊甸騷然靡寧聿求信臣特建戎號濟人夷難允屬勳賢京畿渭北節度使兵部尚書行在左都虞候渾瑊忠貞博厚溫恭簡肅持重不撓好謀而成居業克敦其詩書受賜每陳於廊廡能推誠而撫下不伐己以拒人委任中外咸著聲績夷險一貫隱然殿邦朕越在郊圻偏於兇醜授之師律式是戎昭侍衛增嚴斥候無爽檢身齊衆同士伍之勞苦敦陣整旅壯行列之威容靜以伐謀動而制勝臨危勵節予有賴焉王圻之內沃壤千里絲亘商嶺屏於南門觀風靖人詰禁誅暴俾爾兼領用孚于休可京畿渭北渭南金商節度觀察處置等使餘並如故

杜亞淮南節度使制

淮海奧區一方都會兼水陸漕輓之利有澤漁山伐之饒俗具五方地餘千里聿求良牧豈易其才今又革車方興軍賦屢調體於寬大則事缺務於辦集則人殘自非剛柔適中文武兼備其何以副我憂屬惠綏南方正議大夫行尚書刑部侍郎上柱國扶風縣開國男杜亞識精體要學究宗原妙於用而有常通其變而能久爲理教教化之本立言參禮法之中道無端端行有枝葉回翔省闈表彌綸獻納之勤踐歷方州著清淨循良之稱其嚴重可以鎮俗其才術可以匡時休有令問輝映朝列朕以東南思又注意求賢爰輟名臣俾寧藩服往率厥職時惟欽哉可揚州大都督府長史兼御史大夫充淮南節度觀察處置等使

虔王申光隨蔡等州節度使制

自昔哲王疆理天下必選其明德樹之宗親參制藩維夾輔王室賢戚並建時惟休哉長淮之西厥壤千里人靡寧息于茲有年朕其永懷慘若焚灼思得良帥代予安人釋其危疑彰我信惠以親而授其在干茲開府儀同三司虔王諒性本溫恭生知忠孝祇服訓導躬行不渝言皆副誠事必求當端慎可以鎮俗寬厚可以長人底綏一方庶允憂屬可申光隨蔡等州節度副大使管內觀察處置等使餘如故

唐朝臣振武節度論惟明鄜坊觀察使制

分命使臣統臨方岳弛張之道蓋亦從宜近甸無虞則但廉風俗邊陲式遏則兼假旌旄名制雖殊委任俱重膺是選命莫非勳賢開府儀同三司檢校兵部尚書兼鄜州刺史鄜坊丹延等州節度觀察處置等使平樂郡王唐朝臣嘗總偏師邁于多難仗義率衆臨危不迴保全關衝抗絕兇逆守而能固出則有功每急病而攘夷嘗以寡而敵衆竟殲大憝克集茂勳炳然貞心堅若金石泊師旋歸按俗頒條軍旅慰安流庸悅附奉天定難功臣開府儀同三司檢校工部尚書兼左金吾衛大將軍充右街使上柱國建康郡王論惟明釋位勤王有赴難之節扞城禦寇有持危之功奉主忘身棄家從國越自郊甸再踰巴梁險阻艱難靡不陪扈忠義所在生死以之司禁戎益茂勳績器質敦實識度寬敏通明吏職練達武經本之以純良輔之以才術俾居藩翰會謂汝諧朕以北控單于國之巨鎮彼方戎帥沉痾是嬰臥護邊軍已淹寒暑憫其盡瘁難以重煩爰咨信臣更踐厥職朝臣可依前檢校兵部尚書兼單于大都護御史大夫充振武綏銀鄜勝等州節度營田處置押兵蕃落等使惟明可依前檢校工部尚書兼鄜州刺史御史大夫充鄜坊丹延等都防禦觀察處置等使餘並如故

韓滉加檢校右僕射制

周制以輔翼之臣出作方伯漢官以牧守之最擢拜公卿其在匡時中外同體朕以大勞未又勤卹於黎元多難存與注意於藩岳就加命服式寵能賢則增秩進律亦古之道也金紫光祿大夫檢校吏部尚書使持節潤州諸軍使兼潤州刺史御史大夫充鎮江軍浙江東西節度觀察等使韓滉忠肅剛直清公簡儉持至公以檢下強禦必繩秉大節以事君險艱無易惠能恤衆明足照姦歲發勤王之師日增贍國之賦軍無撓敗俗以阜康殿于大邦理平訟息朝有勸典昭升乃庸胙土以報勤懋官以旌德底又江甸永孚于休可檢校尚書右僕射進封昌黎縣開國公餘如故

嘉王橫海軍節度使制

度土分疆設官治事因時設制期在理安必順物宜且從人欲版圖既溢則疏邑以制州統攝或乖則分部而建長沿革之道亦何常哉滄海之隅地饒俗阜隱然北土實曰雄藩鎮撫之宜是資懿戚開府儀同三司嘉王運氣本元淳重承先訓忠肅孝友寬仁惠和勤於服儒樂在爲善施於事任必有可觀舉不失親至公斯在欽率厥職永孚於休可橫海軍節度使滄景等州觀察處置等使勳封如故

馬燧李臯實封制

列爵以旌德胙土以報功國有彝章是用褒勸朕以不德間逢多虞蒲坂有叛亂之臣淮沂有僭逆之帥萬姓懼害四方靡寧奉誠軍節度兵馬元帥檢校司徒兼侍中馬燧聞難之初忠誠奮發躬帥士旅討茲不庭略地如歸攻城必克晉絳磁隰靡然向風元兇勢窮竟就梟戮清我甸服時惟茂勳荆南節度觀察處置等使檢校戶部尚書嗣曹王臯親率全軍抗於強虜晝夜不息迨於三年謀成必滅師出皆捷復蕲黃之地拔安陸之城隱其威名保又江漢並著節于國存功于人跡効炳然會議攸屬雖懋官已序而食賦未加嘽庸之科無

乃有闕宜其寵錫以荅殊休燧可賜實封五百戶通前七百戶臯可賜實封三百戶

韓滉度支鹽鐵轉運使制

食貨所資邦家大本總領之重必推元臣故周以冢宰制國用漢以丞相調軍食官給人足謂之善經今戶口凋傷財產衰耗邊疆未靜役費尙多思欲均厚薄之征權重輕之制國無匱乏人不怨咨運籌佐時其在良輔金紫光祿大夫檢校尚書左僕射同中書門下平章事充鎮海軍浙江東西節度兼江淮轉運等使晉國公韓滉昔事先朝常掌邦賦貞心獨立一志在公吏無姦欺財以饒羨自臨江甸事舉風行職貢有加轉餉相繼成功允集艱食用康介于方隅未極材術宜其宏濟式副具瞻可充度支及諸道鹽鐵轉運等使餘如故

李叔明右僕射制

行止兩全必惟明哲致其用以匡國敦乎道以保身周旋令名始終不替斯賢者之極致而行之實難金紫光祿大夫守太子少傅檢校尚書右僕射持節梓州諸軍事兼梓州刺史御史大夫充劍南東川節度副大使知節度事兼管內度支觀察處置等使蘇國公李叔明稟粹挺生鬱爲邦傑虛懷朗暢達識周通早以器能累更任遇中外所踐必聞休聲嘗尹京師姦豪屏息洎臨方岳風俗澄清吏服嚴明人懷德惠憂公奉職勵節存誠服勞王家行及三紀以茲盡瘁沉恙所嬰扶疾趨朝披誠告老固陳衰瘵深戒滿盈情皆發衷語且形泣視其激切良所軫懷敦勸既頻辭乞彌固繼獻章疏期於必從省之無然用增感歎難惜其舊德往泣遐藩而憫以高年難違懇志猶資碩望俾長庶寮罷方鎮之煩總中臺之重式彰尚德且示優賢可依前守太子少傅兼尚書右僕射

李澄贈司空制

既明且哲以保其身求之昔賢鮮克全備良以謀始匪易慎終尤難

其有志奉公家力輔王室見危而立節將沒而陳誠操尚堅明謀猷深遠憂國無忘於顛沛周身不離於令各有臣如斯可以旌勸故義成軍節度滑鄭等州觀察處置等使開府儀同三司檢校尚書右僕射兼滑州刺史御史大夫上柱國武威郡王李澄天授將材勇而多智臨危不懼見義必爲崎嶇險艱勦節兼著勩於廣業會未遑安帶甲臨戎連年野處積勞成瘁霜露所侵痾疾攻中癰疽發外迨茲病亟不替忠誠憂國疚懷戀闕流涕懼軍戎之乏帥念方鎮以爲虞上表披陳懇求代免辭情激切備慮精深視之感傷當守興歎雖史魚之陳尸納諫吳漢之在疚獻謀比方於此不足多尙天胡不容奪我良帥惻然嗟悼用切深衷始終存義澄實有之褒美飾終是宜加等可贈司空賜物五百段米粟三百石以左散騎常侍歸崇敬充使弔祭所緣喪葬並準式官供仍以澄讓表宣付史館以彰忠節

除鄧州歸順官制

迫以兇威陷于寇境義不受汚忠能奮誠履重險而不回處疾風而逾勁忘軀徇義獻款投誠足以勵彼勤王激其汚俗去逆効順固先典之攸嘉懋賞勸功驗彝章而不昧咸從序用俾服官常可依前件

李納檢校司空制

鄭武公父子繼爲周司徒內居股肱外作藩翰詩美緇衣之德傳稱夾輔之勩我懷斯人今得良弼開府儀同三司檢校尚書右僕射同中書門下平章事充平盧淄青節度管内度支營田觀察處置陸運海運押新羅渤海兩蕃等使隴西郡王李納宇量宏博質性沉毅體仁能斷見善必遷蘊非常之才守以純一秉難奪之節著于艱危昭升令問茂建勩績屬淮夷構亂東夏震騷奮旅徂征坐籌制勝解商邱之難攘彼兇殘釋陳城之危俘厥渠帥德功克懋官賞宜崇庸建上台宜賜真食惟乃先服勤勞王家以殿邦之勩參論道之職俾爾

嗣續光于前人荷國之寵章承家之不構敬慎厥德永孚于休可檢校司空同中書門下平章事仍賜實封五百戶餘並如故

唐陸宣公集卷第九

原
书
空
白
页

唐陸宣公集卷第十

後學介春耆英重訂

萍鄉文 晟
同仁華廷傑 同校

制誥鐵券慰
制誥問勅書

賜李納王武俊等鐵券文

維興元元年歲次甲子正月癸酉朔二日甲戌皇帝咨爾某官某嗚呼王者所以撫人失於所撫則叛下者所以奉上失於所奉則刑各當其理德用不擾各違其分亂於是生朕德薄化淺昧於君道罔知省己姑務責人是以徵師徂征連歲靡息惟爾以誠志之不達反仄于厥衷阻衆與戎結黨拒命豈非上失於所撫而下失於所奉與書曰萬方有罪罪在朕躬我實不德兆人何咎俾廢其生業離於室家陷于困窮死于戰陣老疾廢養孤惻靡依怨結蒼生感傷和氣朕爲人父母得不愧于心哉晨興以思夕惕以悼自嗣位迄今六載天將悔禍朕方覺悟爾亦知衆心之厭亂思所以保安叶于朕懷若應符契非天地合德人神合謀將茂育羣生則何以臻此朕是用上順天意俯從人心滌爾疵瑕復爾爵位坦然靡阻君臣如初功載鼎彝各藏王府子孫代代爲國勳臣河山帶礪傳祚無絕朕方布大信承天子人若食其言何以享國嗚呼其祗若命用保無疆之休

賜安西管內黃姓勳官鐵券文

維貞元二年歲次丙寅八月丁巳朔三日己未皇帝若曰咨爾四鎮節度管內黃姓勳官驃騎大將軍行左金吾衛大將軍員外置同正員兼試太常卿頓啜護波支惟爾乃祖乃父代服聲教勤勞王家勳書于鼎彝族列于藩籍爾克紹先祖之烈而重之以忠貞嗣守職官祗若朝化率其種落保我邊陲丹誠向化萬里如近是用稽諸令典錫以券書若金之堅永代無變子孫繼襲作我藩臣爾其欽承勿替休命

慰問四鎮北庭將吏勅書

四鎮北庭將士官吏僧道耆壽百姓自祿山首亂中夏不安蕃戎乘釁侵敗封略道路梗絕往來不通哀我士庶忽如異域控告無所歸還莫從朕未嘗一夕忘懷而事勢不及相卹輿言軫念忽以涕流卿等咸蘊忠誠誓死不屈或早從征鎮白首軍中或生在戎行長身塞外克奉正朔堅保封疆援絕勢孤以寡敵衆晝夜勞苦不得休息歲時捍禦不解甲冑勳高百戰義叶一心介然孤城獨守臣節日來月往三十餘年奉國之誠久而彌勵求諸今古忠烈莫儔義激人倫名光史冊靈動知感況於朕懷朕嗣守洪業君臨宇內思安兆庶以絕戰爭遂與贊普約定好和集蕃漢士庶告天地神祇設壇會盟永息邊患疆場罷警于今六年近以賊臣朱泚背恩驚犯宮闕贊普又遣師旅助討茲見兩國交情事同一體北庭去此遙遠信使難通於西蕃既非便宜在國家又絕來往永念士庶隔在殊方歸路無因親戚永訣爲人父母實所感傷已共西蕃定議兼立誓約應在彼將士官吏僧道耆壽百姓等並放歸漢界仍累路置頓供擬發遣待卿等進發然後以土地隸屬西蕃今故遣太常少卿兼御史大夫沈房及中使韓朝彩等往彼宣諭仍便與西蕃交割卿等宜遞相慰勉叶力同心互相提攜速圖進路復歸鄉井重見宗親生人之情莫重於此一勞永逸固不合辭卿等誠節昭宣勳閔茂著到此之後當特甄升仍給田園以贍生業必令優厚用答忠勞如有資產已成不願歸此亦任便住各遂所安宜勉良圖副我勳想夏熱卿等各平安好遣書指不多及

與回紇可汗書

皇帝敬問可汗弟兩國和好積有歲年申之以昏姻約之以兄弟誠信至重情義至深頃因賊臣背恩構成嫌釁天不長惡尋已誅夷使我兄弟恩好如舊周皓及踏本噉黑達干等至得弟來書省覽久之

夏以爲慰第天資雄傑智識通明親仁善鄰敦信明義罷戰爭之患宏禮讓之風保合大和用寧區宇惟茲威美何以加焉朕之素懷與弟叶契爲君之道本務愛人同日月之照臨體天地之覆育其於廣被彼此何殊況累代以來繼敦姻戚與弟俱承先業所宜遵奉令圖自茲以還情契彌固垂之百代永遠無窮緬想至誠當同此意所附踏本嘏奏請降公主姻不失舊顏叶通規待弟表到即依所請宣示百寮擇日發遣緣諸軍兵馬收京破賊頻立功勳賞給數多府藏虛竭其馬價物且付十二萬匹至來年三月更發遣一般餘並續續支付第宜悉也安西北庭使人入奏並却歸本道至彼宜差人送過令其速達第所寄馬並到深愧厚意

賜吐蕃將書

勅尙覽鑠論莫陵悉繼等至省所陳奏朕具悉之國家與大蕃親則舅甥義則鄰援息人繼好固是常規朕嗣位君臨思安兆庶常以信讓爲事不以爭競爲心區域雖殊覆育寧別贊普天資仁德好生惡殺與朕同心重修舊好會蕃漢將相告天地神祇約誓之言至嚴至重大信一立義無改移所請奉天盟書勒於清水碑石審詳事理頗甚乖違往歲賊臣稱兵竊據城關尙結贊志惟嫉惡義在救災頻獻表章請收京邑朕以宗廟社稷悉在上都但平寇戎豈惜酬賞遂許四鎮之地以荅收京之功旋屬炎蒸又多疾疫大蕃兵馬便自抽歸既未至京有乖始望奉天盟約豈合更論朕欲苟徇彼情便令鐫刻則是非務實信不由衷欺天罔神莫大於此凡曰通好貴於推誠將垂百代之名豈顧一時之利但以事之去就須定是非若不辨明便成姑息親鄰之義豈所宜然故遣使臣與卿詳議卿是大蕃輔佐必當智識通明事理昭然不足疑惑儻有他見宜具奏聞審細研窮須歸至當所論先許每年與贊普綵絹一萬匹段者本來立約亦爲收京然於舅甥之情此乃甚爲小事二國和好即同一家此有所須彼

當不怪彼有所要此固合供以有均無蓋是常理贊普若須繒帛朕即隨要支分多少之間豈拘定限假使輸於萬匹亦當稱彼所求朕之所重者信誠所輕者財利思與率土同臻大和想卿深體至公務存大義安人保境垂美無窮勉思令圖以副朕意今遣倉部郎中兼侍御史趙聿與來使同往書中意有不盡並令趙聿口宣尙結贊論莽羅等嘗總師徒遠來赴難功雖未就義則可嘉其所領將士等朕先許與賜物一萬匹段並已排比許卿所商量指定此使却回即發遣往今各賜卿少物至宜領之

賜吐蕃宰相尙結贊書

勅尙結贊卿天資材術作輔大蕃識通古今志奉忠信義聲著積遠近流傳比聞入典樞衡近知還總戎務二國所定和好首末是卿商量得卿却來深以爲慰昨者邊軍狀奏彼國兵馬踰越封疆朕以畫界立盟先有定分贊普素敦仁義卿又特稟純誠背約侵漁必無此理但勅邊城自備不令輒動干戈若使効尤恐成交惡初疑界首遊弈少有乖宜不謂大發師徒漸加侵軼興兵動衆必合有名蕃軍此行未測其故朕自嗣膺寶位即與贊普通和敦以舅甥結爲鄰援懲戰爭之弊知禮讓之風彼此大同務安衆庶乃於境上建立壇場契約至明誓詞至重告于皇天后土諸佛百神有渝此盟殃及其國朕敬奉誠約分毫不移信使交懽歲時無絕碑文具在可以明徵豈有一事不行一言不守頃令趙聿專往近方從彼却回兼聞彼蕃使同來至今獨在道路卿所論奏朕並未知待詳事由乃可商議既稱和好理絕相疑未合輕舉甲兵便踰境界盟誓之語忽焉如遺天地神明豈其可罔卿智識明達朕所深知頃年猶舉義師救此災患今豈不存大信遂棄令各故專遣使見卿欲得審知來意好聞還奏以副所懷趙聿及蕃使合到待覽表中意旨續即商量報卿卿涉遠而來當甚勞頓今賜卿某物至宜領之秋冷卿比平安好將士並存問之

賜尙結贊第二書

趙聿及論拱熱等至得卿表奏具見懇誠省覽言辭即稱和好及觀
事跡唯務侵凌予楯若斯將何取信審察書中之意蓋求四鎮北庭
如此事宜足得商議既言通好理絕相疑未合輕舉甲兵便踰境界
盟誓之語忽焉如遺天地神祇豈其可罔又聞放縱兵馬蹂踐禾苗
邊境之人大遭驅掠在此未爲深損於彼殊非遠謀卿之用心何乃
至是國家利害計須久長和好之道既虧仁義之風何在卿智識明
悟朕所深知頃年猶發義師救此災患今豈不存大信遂棄令名故
遣使見卿欲得審知來意必若守其盟誓務在同和即收斂兵車速
歸本界所掠百姓一切放回然後可表卿直心信卿來奏續即遣使
與論拱熱同往諸事並有商量交歡必令得所或密懷他意將欲別
謀彼雖未說實情此亦略爲準擬但緣誓約本重朕意不欲先違以
此勤勤合有相問佇聞來奏以副朕懷

賜尙結贊第三書

勅尙結贊蕃使論拱熱等與趙聿回到卿所陳奏朕具悉之誠意勤
勤志敦和好上以成舅甥之義次以結鄰援之歡外以彰禮讓之風
內以息戰爭之患兼此數事昔賢所難非卿材越等倫識通今古豈
能匡輔大國宏宣遠圖施美利於當時傳威名於不朽眷懷明略歎
尙良多然以贊普來書務於叶睦卿之所奏亦貴通和初覽其言實
嘉德義及觀其事頗訝乖違以卿賢明朕所信重棄義踰約計必不
然未測事由因何至此頃年所定和好言約頗謂分明至如四鎮北
庭元不割與蕃國及朱泚悖逆作亂上都卿仗義興師請收京邑遂
許四鎮北庭之地將以報答成功旋屬炎蒸蕃軍便退奉天之約豈
可更論事甚分明固無疑惑凡言結好所貴和同通體商量有何不
可大蕃必若要四鎮北庭之地即合直以情言彼但露其誠心此亦
自有分義豈假曲徵前事廣起異端仍發師徒務張威勢蕃使猶未

至此蕃軍早已越疆或稱欲自赴朝或云更定言誓既虧盟約且失
禮儀言與事乖將何取信夫人君立國必不徒然惟漢與蕃各受天
命勝負固有定分強弱寧由力爭卿欲以衆相侵以威相脅謂天地
可罔謂盟誓可渝即當肆意所爲不必更論和好儻欲守其前約敦
以親鄰去就之間固宜有禮遣使來往足得商量張皇師徒是何道
理和好者禮義之事甲兵者爭奪之由二端懸殊理不並用今欲以
用兵之勢定和好之辭事必不成縱成何益卿識見通敏器宇沉詳
如此事宜不言可悉未知來意竟擬如何且首末論和是卿商議清
水會盟之日卿又親發誓辭將期去殺好生修文偃武永安北庶垂
法子孫天下稱嗟以爲盛美未經數歲遽有變移非獨見諂於四方
亦將取笑于千古以此思度甚欲通和彼雖小以侵陵朕亦未即交
惡故遣某官與卿更審籌量卿若必務同和更無他意即宜便歸本
界遣使具述本情所須四鎮北庭朕當自有推讓如或託稱繼好志
在別圖依前縱兵不即歸國惟利是視亦識彼懷和與不和於茲決
定書中事有不盡並令某官某口宣宜令速回峙望來奏所獻方物
深表遠誠今賜卿某物至可領也秋冷比平安好

唐陸宣公集卷第十

原
书
空
白
页

唐陸宣公集卷第十一

後學介春耆英重訂

萍鄉文 晟 同校

崇仁華廷傑

奏草一

論兩河及淮西利害狀

內侍朱冀寧奉宣聖旨緣兩河寇賊未平殄又淮西兇黨攻逼襄城卿識古知今合有良策宜具陳利害封進者臣質性凡鈍聞見陋狹幸因乏使簪組昇朝荐承過恩文學入侍每自奮勵思酬獎遇感激所至亦能忘身但以越職干議典制所禁未信而言聖人不向是以循循默默尸居榮近日日以愧自春徂秋心雖懷憂言不敢發此臣之罪也亦臣之分也陛下天縱聖德神授英謀明照八表思周萬務猶慮闕漏下詢芻蕘此堯舜捨己從人好問而好察邇言之意也臣每讀前史見開說納忠之士乃有泣血碎首牽裾斷軼者皆以進議見拒懇誠激忠遂至發憤踰禮而不能自止故也況今勢有危迫事有機宜當聖主開懷訪納之時無昔人逆鱗顛沛之患儻又上探微旨慮匪悅聞傍懼貴臣將爲沮議首尾憂畏前後顧瞻是乃偷合苟容之徒非有扶危救亂之意此愚臣之所痛心切齒於既往是以不忍復躬行於當世也心蘊忠憤固願披陳職居禁闈當備顧問承問而對臣之職也寫誠無隱臣之忠也謹具件如後惟明主循省而備慮之豈直微臣獨荷容納之恩實億兆之幸社稷之福也臣本書生不習戎事竊惟霍去病漢將之良者也每言行軍用師之道顧方略何如耳不在學古兵法是知兵法者無他見其情而通其變則得失可辯成敗可知古人所以坐籌樽俎之間制勝千里之外者得此道也臣才不逮古人而頗窺其意是敢承詔不默輒陳狂愚伏以尅敵之要在乎將得其人馭將之方在乎操得其柄將非其人者兵雖衆不足恃操失其柄者將雖材不爲用兵不足恃操失其柄者將雖材不爲用兵不足恃與無兵同將不爲用與無將同將不能使兵國不能馭將非止費財翫寇之弊亦有不戢自焚之災自昔禍亂之興何嘗不由於此今兩河淮西爲叛亂之帥者獨四五凶人而已尙恐其中或有傍遭誣誤內蓄危疑奮黃失圖勢不得止亦未必皆是處心積慮果爲姦逆以僭帝稱王者也況其餘衆蓋並脅從苟知全生豈願爲惡若招攜以法悔禍以誠使來者必安安者必久斯道積著人誰不懷縱有野心難馴臣知其從化者必過半矣舞干苗格豈獨虛言假使四五兇渠俱稟梟鴟之性其下同惡復有十百相從是皆卒伍庸流闖茸下品其志好不過聲色財貨之樂其材用不過蹴踘踴躍之能其約從締交則迭相侮詐以爲智謀其御衆使人則例質妻孥以爲術數斯乃盜竊偷安之伍非有姦雄特異之資以陛下英神志期平壹君臣之勢不類逆順之理不侔形勢之大小不倫師徒之衆寡不敵然尙曠歲持久師老費財加算不止於舟車徵卒殆窮於閭閻管肉捶骨呻吟里閭送交別夫號呼道路杆軸已空興發已確而將帥者尙曰財不足兵不多此微臣所以千慮百思而不悟其理也未審陛下嘗徵其說察其由乎股肱之臣日月獻納復爲陛下察其事乎臣愚無知實所深感遂乃過爲臆度輒肆討論以爲尅敵之要在乎將得其人馭將之方在乎操得其柄將非其人者兵雖衆不足恃操失其柄者將雖材不爲用今以陛下効其明聖聖帥畏威雖萬無此虞然亦不可不試省察也陛下若謂臣此說蓋虛體耳不足徵焉臣請復爲陛下效其明徵以實前說田悅唱亂之始氣威力全恆趙齊齊迭爲唇齒陛下特詔馬燧委之專征抱真李芄聲勢相援于時士吏畏法將帥感恩俱蘊勝殘盡敵之誠未有爭功邀利之釁故能累摧堅陣深抵窮巢元惡幸脫於俘囚兇徒幾盡於鋒刃臣故曰尅敵之要在乎將得其人馭將之方在乎操得其柄此其明效也田悅既敗力屈勢窮且皆離心莫有固志乘我師勝捷之氣躡亡虜傷夷之餘比於前功難易百倍既而大

軍遂駐遺孽復安其後餽運日增師徒日益于茲再稔竟不交鋒量兵力則前者寡而今者多議軍資則前者薄而今者厚論氣勢則前者新集而今者乘勝度攻具則前者草創而今者繕完計兇黨則前者威而今者殘揣敵情則前者銳而今者挫然而勢因時變事與理乖當易而反難當進而中止本末殊趣前後易方順理之常必不如此臣故曰將非其人者兵雖衆不足恃操失其柄者將雖材不爲用此自昔必然之効但未審今茲事實得無近於此乎在陛下熟察而亟救之耳固不在益兵以生事加賦以殄人無紓目前之虞或興意外之患人者邦之本也財者人之心也兵者財之蠹也其心傷則其本傷其本傷則枝幹顛率而根柢蹶拔矣惟陛下重慎之愍惜之今師興三年可謂久矣稅及百物可謂繁矣陛下爲之宵衣旰食可謂憂勤矣海內爲之行齋居送可謂勞弊矣而寇亂有益翦滅無期人搖不寧事變難測是以兵貴拙速不尚巧遲速則乘機遲則生變此兵法深切之誠往事明著之驗也夫投膠以變濁不如澄其源而濁變之愈也揚湯以止沸不如絕其薪而沸止之速也是以勞心於服遠者莫若修近而其遠自來多方以救失者莫若改行而其失自去若不靖於本而務救於末則救之所爲乃禍之所起也修近之道改行之方易於舉毛但在陛下然之與否耳儻或重難易制姑務持危則當校禍患之重輕辯攻守之緩急臣謂幽燕恆魏之寇勢緩而禍輕汝洛滎汴之虞勢急而禍重緩者宜圖之以計今失於屯戍太多急者宜備之以嚴今失於守禦不足何以言其然也自胡羯稱亂首起薊門中興已來未暇芟蕩因其降將卽而撫之朝廷置河朔於度外殆三十年非一朝一夕之所急也田悅累經覆敗氣沮羸偷全餘生無復遠略武俊蕃種有勇無謀朱滔卒材多疑少決皆受田悅誘陷遂爲猖狂出師事起無名衆情不附進退遑惑內外防虞所以纔至魏郊遽又退歸巢穴意在自保勢無他圖加以洪河太行禦其

衝并汾洛踞壓其腹雖欲放肆亦何能爲又此郡兇徒互相劫制急則合力退則背憎是皆苟且之徒必無越軼之患此臣所謂幽燕恆魏之寇勢緩而禍輕希烈忍於傷殘果於吞噬據蔡許富全之地益鄧襄鹵獲之資意殊無厭兵且未郢東寇則轉輸將阻北窺則都城或驚此臣所謂汝洛滎汴之虞勢急而禍重代朔邪靈之騎士自昔之精騎也上黨盟津之步卒當今之練卒也悉此疆勁委之山東勢分於將多財屈於兵廣以攻則曠歲不進以守則數倍有餘各懷顧瞻欲欲推倚此臣所謂緩者宜圖之以計今失於屯戍太多李勉以文吏之材當浚郊奔突之會哥舒曜以烏合之衆扞襄野豺狼之羣陛下雖連發禁軍以爲繼援累勅諸鎮務使協同審旨殷憂人思自効但恐本非素習令不適從奔鯨觸羅倉卒難制首鼠應敵因循莫前此臣所謂急者宜備之以嚴今失於守禦不足陛下若察其緩急審其重輕使懷光帥師救襄城之圍李芑還鎮爲東都之援汝洛既固梁宋亦安是乃取有餘救不足罷關右賦車籍馬之擾滅山東飛芻輓粟之勞無擾則禍亂不生息勞則物力可濟非止排難於變切亦將防患於未然徵發既停守備且固足得徐觀事勢更選良圖此於紓亂解紛抑亦計之次也議者若曰河朔羣盜尚未殲夷儻又減兵必更生患此蓋好異不思之說耳臣請有以詰之前歲伐叛之初唯馬燧抱真李芑三帥而已以攻必克以戰必彊是則力非不足明矣洎遲留不進乃請益師於是選神策銳卒以繼之而李晟往矣猶曰未足復請益師於是徵朔方全軍以赴之而懷光往矣幾遣加半之戍竟無分寸之功是則師不在衆又明矣然而可託以爲解者必曰王師雖益賊黨亦增曩獨田悅寶臣今兼朱滔武俊臣請再詰以塞其辭曩之田悅寶臣皆蓄銳養謀劇賊之方彊者也尋而田悅喪敗寶臣殲夷雖復朱滔武俊加於前亦有孝忠日知乘其後是則賊勢不滋於曩日王師有溢於昔時又明矣曩以太原澤潞河陽三將

之衆當田悅朱滔武俊三寇之兵今朱滔遁歸武俊退縮唯此田悅假息危城設使我師悉歸彼亦纔能自守況留抱真馬燧足得觀釁討除是則滅兵東征勢必無患又明矣留之則彼爲冗食徙之則此得長城化危爲安息費從省舉一而兼數利惟陛下圖之謹奏

論關中事宜狀

右臣頃覽載籍每至理亂廢興之際必反覆參考究其端由與理同道罔不興與亂同趣罔不廢此理之常也其或措置不異安危則殊此時之變也至於君人大柄立國有大權得之必彊失之必弱是則歷代不易百王所同夫君人之柄在明其德威立國之權在審其輕重德與威不可偏廢也輕與重不可倒持也蓄威以昭德偏廢則危居重以馭輕倒持則悖悖則威則德喪於身取敗之道也失重則輕移諸己啓禍之門也陛下天錫勇智志期削平忿茲昏迷整旅奮伐海內震疊莫敢寧居此誠英主撥亂拯物不得已而用之然威武四加非謂蓄矣所可兢兢保惜慎守而不失者唯居重馭輕之權耳陛下又果於成務急於應機竭國以奉軍傾中以資外倒持之勢今又似焉臣是以疚心如狂不覺妄發輒踰顧問之旨深測憂危之端此臣之愚於自量而忠於事主之分也古人所謂愚夫言之而明主擇之惟陛下幸留聽焉臣聞國家之立也本大而末小是以能固又聞理天下者若身之使臂臂之使指則小大適稱而不悖焉身所以能使臂者身大於臂故也臂所以能使指者臂大於指故也王畿者四方之本也京邑者又王畿之本也其勢當令京邑如身王畿如臂四方如指故用卽不悖處則不危斯乃居重馭輕天子之大權也非獨爲御諸夏而已抑又有鎮撫戎狄之術焉是以前代之制轉天下租稅委之京師徙郡縣豪傑處之陵邑選四方壯勇實之邊城其賦役則輕近而重遠也其惠化則悅近以來遠也太宗文皇帝既定大業萬方底乂猶務戎備不忘慮危列置府兵分隸禁衛大凡諸府八百

餘所而在關中者殆五百焉舉天下不敵關中則居重馭輕之意明矣承平漸久武備浸微雖府衛具存而卒乘罕習故祿山竊倒持之柄乘外重之資一舉滔天兩京不守尙賴經制頗存典刑疆本之意則忘緣邊之備猶在加以諸牧有馬每州有糧故肅宗得以爲資中復興運乾元之後大慙初夷繼有外虞悉師東討邊備既弛禁戎亦空吐蕃乘虛深入爲寇故先皇帝莫與爲禦避之東遊是皆失居重馭輕之權忘深根固柢之慮內寇則峭函失險外侵則汧渭爲戎於斯之時朝市離析事變可慮須臾萬端雖有四方之師寧救一朝之患陛下追想及此豈不爲之寒心哉尙賴宗社威靈先皇仁聖攘却醜類再安宸居城邑具全宮廟無實此又非常之幸振古所未聞焉足以見天意之於皇家保祐深矣故示大徵將宏永圖陛下誠宜上副元心下察時變遠考前代成敗近鑒國朝盛衰垂無疆之休建不拔之業今則勢可危慮又甚於前伏惟聖謀已有成算愚臣未達敢獻所憂先皇帝還自陝郢懲艾往事稍益禁衛漸修邊防是時關中有朔方涇原隴右三帥以扞西戎河東有太原全軍以控北虜此四軍者皆聲勢雄威士馬精彊又徵諸道戍兵每歲乘秋備塞尙不能保固封守遏其奔衝京師戒嚴比比而有陛下嗣膺寶位威懾殊鄰蠢茲昆夷猶肆毒蘊舉國來寇志吞崑崙梁食冒既深覆亡幾盡遂求通好少息交侵蓋緣馬喪兵疲務以計謀相緩固非畏威懷德必欲守信結和所以歷年優柔竟未堅定要約息兵稍久育馬漸蕃必假小事忿爭因復大肆侵掠張光晟又於振武誘殺羣胡自爾已來絕無虜使其爲嫌怨足可明徵借如吐蕃實和回紇無憾戎狄貪詐乃其常情苟有便利可窺豈肯端然自守今朔方太原之衆遠在山東神策六軍之兵繼出關外儻有賊臣啗寇結虜窺邊伺隙乘虛微犯亭障此愚臣所竊爲憂者也未審陛下其何以禦之側聞伐叛之初議者多易其事僉謂有征無戰役不逾時計兵未甚多度費未甚廣

於事爲無擾於人爲不勞曾不料兵連禍拏變故難測日引月長漸乖始圖故前志以兵爲凶器戰爲危事至戒至慎不敢輕用之者蓋爲此也當勝而反敗當安而倒危變亡而爲存化小而成大在覆掌之間耳何可不畏而重之乎近事甚明足以爲鑒往歲爲天下所患咸謂除之則可致昇平者李正己李寶臣梁崇義田悅是也往歲爲國家所信咸謂任之則可除禍亂者朱滔李希烈是也既而正己死李納繼之寶臣死惟岳繼之崇義卒希烈叛惟岳戮朱滔攜然則往歲之所患者四去其二矣而患竟不衰往歲之所信者今則自叛矣而又難保是知立國之安危在勢任事之濟否在人勢苟安則異類同心也勢苟危則舟中敵國也陛下豈可不追鑒往事惟新令圖循偏廢之柄以靖人復倒持之權以固國而乃孜孜汲汲極思勞神徇無己之求望難必之効其於爲人除害之意則已至矣其爲宗社自重之計恐未至焉自頃將帥徂征久未盡敵苟以藉口則請濟師陛下乃爲之輟邊軍缺環衛虛內廢之馬竭武庫之兵占將家之子以益師賦私養之畜以增騎猶且未戰則曰乏財陛下又爲之算室廬貸商賈傾司府之幣設請權之科關輔之間徵發已甚宮苑之內備衛不全萬一將帥之中又如朱滔希烈或負固邊疆誘致豺狼或竊發郊畿驚犯城闕此亦愚臣所竊爲憂者也未審陛下復何以備之以陛下聖德君臨率土欣戴非常之慮豈所宜言然居安備危哲王是務以言爲諱中主不行若備之已嚴則言亦何害儻忽而未備又安可勿言臣是以罄陳狂愚無所諱避罔敢以中主不行之事有虞於聖朝也惟陛下熟察之過防之且今之關中卽古者邦畿千里之地也王業根本於是在焉秦嘗用之以傾諸侯漢嘗因之以定四海蓋由憑山河之形勝宅田里之上腴弱則內保一方當天下之半可以養力俟時也彊則外制東夏據域中之大可以蓄威昭德也豪勇之在關中者與籍於營衛不殊車乘之在關中者與列於殿牧不殊

財用之在關中者與貯於帑藏不殊有急而須一朝可聚今執事者先拔其本棄重取輕所謂倒持太阿授人以柄議制置則彊幹弱枝之術反語綏懷則悅近來遠之道乖求諸通方無適而可顧臣庸懦竊爲陛下惜之往者不可追來者猶可補臣不勝懇懇憂國之至輒敢效其狂鄙以備採擇之一端陛下儻俯照微誠過聽愚計使李芑援東洛懷光救襄城希烈兇徒勢必退却則所遣神策六軍士馬及點召節將子弟東行應援者悉可追還河北既有馬燧抱真固亦無藉李晟亦令旋旆完復禁軍明勅涇隴邠寧但令嚴備封守仍云更不徵發使知各保安居又降德音勞徠畿甸具言京輦之下百役殷繁且又萬方會同諸道朝奏卹勤懷遠理合優容其京城及畿縣所稅閒架榷酒抽賣貨商點召等諸如此類一切停罷則冀已輸者再恕見處者獲寧人心不搖邦本自固禍亂無從而作朝廷由是益尊然後可以度時宜施教令弛張自我何有不從端本整棼無易於此謹奏

唐陸宣公集卷第十一

後學介春著英重訂

萍鄉文 晟
崇仁華廷傑 同校

奏草二

論敘遷幸之由狀

臣前日蒙恩召見陛下敘說涇原叛卒驚犯宮闕及初行幸之事因自剋責辭旨過深臣奏云陛下引咎在躬誠堯舜至德之意臣竊有所見以爲致今日之患者羣臣之罪也陛下又曰卿以君臣之禮不忍歸過於朕故有此言然自古國家興衰皆有天命今遇此厄運雖則是朕失德亦應事不由人未及對詔之間陛下遂言及宗祧涕泗交集主憂臣憤人理之常情激於衷不覺嗚咽旋屬游璫請對臣言未獲畢辭今輒上煩以盡愚懇臣所謂致今日之患是羣臣之罪者非敢徒飾浮說苟寬聖懷事皆有由言庶可復自胡羯稱亂遺患未除朝廷因循久務容養事多僭越禮闕會朝陛下神武統天將壹區宇乃命將帥四征不庭兇渠稽誅逆將繼亂兵連禍結行及三年徵師四方無遠不暨父子訣別夫妻分離一人征行十室資奉居者有餽送之苦行者有鋒刃之憂去留騷然而閭里不寧矣聚兵日衆供費日多常賦不充乃令促限促限繼畢復命加徵加徵既殫又使別配別配不足於是權算之科設率貨之法興禁防滋章條目纖碎吏不堪命人無聊生農桑廢於徵呼膏血竭於管捶市井愁苦室家怨咨兆庶嗷然而郡邑不寧矣邊陲之戍用保封疆禁衛之師以備巡警二者或闕則生戎心國之大防莫重於此陛下急於靖難累遣東征邊備空虛親軍寡弱尋又搜閱私牧以取馬簿責將家以出兵凡有私牧者例元勳貴戚之門所謂將家者皆統帥岳牧之後是乃嘗蒙親委或著忠勞復除征徭固有常典今忽奪其畜牧事其子孫有乞假以給資裝有破產以營卒乘道路悽惻部曲感傷貴位崇勳孰

不解體加以聚斂之法數下尤嚴邸第侯王咸輸屋稅婢販夫婦畢算緡錢貴而不見優近而不見異其爲憤感又甚諸方誅求轉繁庶類恐懼興發無已羣情動搖朝野騷然而京邑關畿不寧矣陛下又以百度弛廢志期肅清持義以掩恩任法以成理神斷失於太速睿察傷於太精斷速則寡恕於人而疑似之間不容辯也察精則多猜於物而臆度之際未必然也寡恕則重臣懼禍反側之釁易生多猜則羣下防嫌苟且之風漸扇是以叛亂繼起怨讟並興非常之虞億兆同慮惟陛下穆然凝遠獨不得聞至使兇卒鼓行白晝犯闕重門無結草之禦環衛無誰何之人自古禍變之興未有若斯之易豈不以乘我間隙因人攜離哉陛下有股肱之臣有耳目之任有諫諍之列有備衛之司見危不能竭其誠臨難不能効其死所謂致今日之患是羣臣之罪者豈徒言數聖旨又以家國興衰皆有天命今遇此厄運應不由人者臣志性介劣學識庸淺凡是占算秘術都不涉其源流至於興衰大端則嘗聞諸典籍書曰天視自我人視天聽自我人聽又曰德惟一動罔不吉德二三動罔不凶惟吉凶不僭在人惟天降災祥在德又曰天難忱命靡常厥德保厥位厥德靡常九有以亡此則天所視聽皆因於人天降災祥皆考其德非於人事之外別有天命也故祖伊責紂之辭曰我生不有命在天武王數紂之罪曰吾有命罔懲其侮此又捨人事而推天命必不可之理也易曰自天祐之吉无不利仲尼以爲祐者助也天之所助者順也人之所助者信也履信思乎順又以尚賢是以自天祐之吉无不利又曰危者安其位者也亡者保其存者也亂者有其理者也故君子安而不忘危存而不忘亡理而不忘亂是以身安而國家可保又曰視履考祥又曰吉凶者得失之象也夫易之爲書窮變知化其於性命可謂研精及乎論天人祐助之由辯安危理亂之故必本於履行得失而吉凶之報象焉此乃天命由人其義明矣春秋傳曰禍福無門唯人所

召又曰人受天地之中以生所謂命也是以有動作威儀禮義之則以定命能者養之以福不能者敗以取禍禮記引詩而釋之曰大雅云殷之未喪師克配上帝儀監于殷駿命不易言得衆則得國失衆則失國也又引書而釋之曰康誥云惟命不于常言善則得之不善則失之此則聖哲之意六經會通皆爲禍福由人不言盛衰有命蓋人事著於下而天命降於上是事有得失而命有吉凶天人之間影響相準詩書已後史傳相承理亂廢興大略可記人事理而天命降亂者未之有也人事亂而天命降康者亦未之有也六經之教既如彼歷代明驗又如此尙恐其中有可疑者臣請復以近事證之自頃征討頻頻刑網稍密物力竭耗人心驚疑如居風濤洶湧靡定上自朝列下達蒸黎日夕族黨聚謀咸憂必有變故旋屬涇原叛卒果如衆庶所慮京師之人動逾億計固非悉知算術皆曉占書則明致寇之由未必盡關天命伏惟陛下鑒既往之得失建將來之令圖拯宗社陷危刷億兆憤恥在於審察時變博詢人謀王化事修天祐自至恐不宜推引厄運謂爲當然撓追咎之誠沮惟新之望臣聞理或生亂亂或資理有以無難而失守有因多難而興邦理或生亂者恃理而不修也亂或資理者遭亂而能懼也無難失守者忽萬機之重而忘憂畏也多難興邦者涉庶事之艱而知救慎也今生亂失守之事則既往不可復追矣其資理興邦之業在陛下勸勵而謹修之當至危至難之機得其道則興失其道則廢其間不容復有所悔也惟陛下勤思焉熟計焉捨己以從衆焉違欲以導道焉遠儉倭而親忠直焉推至誠而去逆詐焉杜讒沮之路廣諫諍之門焉埽求利之法務息人之術焉錄片善片能以盡羣材焉忘小瑕小怨俾無棄物焉斯道甚易知甚易行不勞神不苦力但在約之於心耳又陛下天資睿哲有必致之具安得捨而不爲哉斯道夕誓之於心則可以感神明動天地朝施之於事則可以服庶類懷萬方何憂乎亂人何畏乎

厄運何患乎天下不寧昔太王以避狄而興周文以百里而王是乃因危難而恢盛業由僻小而闡丕圖況陛下稟英姿承寶曆四海之利權由己列聖之德澤在人苟能增修蔑有不濟至如東北羣孽荏苒誅涇原亂兵倉卒犯禁蓋上元保佑陛下恐陛下神武果斷有輕天下之心使知艱難將永福祚耳伏願悔前禍以答天戒新聖化以承天休勿謂時鍾厄運而自疑勿謂事不由人而自解勸勵不息足致昇平豈止盪滌氛氛旋復宮闕而已愚臣不勝區區憂國奉君之至誠有所切辭不覺煩伏惟陛下不以人廢言不以言廢直千慮一得或有取焉謹奏

奉天論奏當今所切務狀

隱朝昨日奉宣聖旨逆賊雖退猶未收城令臣審思當今所務何者最切具條錄奏來者伏以初經大變海內震驚無論順逆賢愚必皆企竦觀聽陛下一言失則四方解體一事當則萬姓屬心動關安危不可不慎臣謂當今急務在於審察羣情若羣情之所甚欲者陛下先行之羣情之所甚惡者陛下先去之欲惡與天下同而天下不歸者自古及今未之有也夫理亂之本繫於人心況乎當變故動搖之時在危疑向背之際人之所歸則植人之所去則傾陛下安可不審察羣情同其欲惡使億兆歸趣以靖邦家乎此誠當今之所急也然尙恐爲之不易者蓋以朝廷播越王命未行施之空言人或不信何以言其然今天下之所欲者在息兵在安業天下之所惡者在斂重在法苛陛下欲息兵則寇孽猶存兵固不可息矣欲安業則征徭未罷業固未可安矣欲薄斂則郡縣懼乏軍用令必不從矣欲去苛則行在素霽威嚴言且無驗矣此皆勢有所未制意有所未從雖施於德音足慰來蘇之望而稽諸事實未符悔禍之誠且動人以言者其感不深動人以行者其應必速蓋以言因事而易發行違欲而難成易發故有所未孚難成故無思不服今陛下將欲平禍亂拯陷危恤

悉黎安反側既未有息人之實又乏於施惠之資唯當違欲以行己所難布誠以除人所病乃可以彰追咎之意副惟新之言若猶不然未見其可頃者竊聞輿議頗究羣情四方則患於中外意乖百辟又患於君臣道隔郡國之志不達於朝廷朝廷之誠不升於軒陛上澤闕於下布下情壅於上聞實事不必知知事不必實上下否隔於其際真偽雜糅於其間聚怨囂囂騰謗籍籍欲無疑阻其可得乎物論則然人心可見蓋謂含宏聽納是聖主之所難鬱抑猜嫌是衆情之所病伏惟陛下神無滯用鑒必窮微愈其病而易其難如淬鋒潰疣決防注水耳可以崇德美可以濟艱難陛下何慮不行而直爲此懷懷也臣謂宜因文武羣官入參之日陛下特加延接親與敘言備詢禍亂之由明示咎悔之意各使極言得失仍令一一面陳軍務之際到卽引對不拘時限用表憂勤周公勤握髮吐餐而天下歸心則此義也又當假之優禮悅以溫顏言切而理愜者必賞導以盡其情識寡而辭拙者亦容恕以嘉其意有諫諍無隱者願陛下叶成湯改過之美褒其直而勿吝其非有謀猷可用者願陛下體大禹拜言之誠獎其能而亟行其策至於匹夫片善采錄不遺庶士傳言聽納無倦是乃總天下之智以助聰明順天下之心以施教令則君臣同志何有不從遠邇歸心孰與爲亂化疑梗爲訢合易怨謗爲謳歌浹辰之間可使不變陛下儻行之不厭用之得中從義如轉圜進善如不及推廣此道足致和平其於昭德塞違恐不止當今所急也慮有愚而近道事有要而似迂冀垂睿思反覆詳覽必或無足觀採捨棄非遙謹奏

奉天論前所答奏未施行狀

臣某言賊泚逋誅尙穴宮禁陛下思念宗廟痛傷黎元仁孝交感至於憤激猥以急務下詢微臣臣雖鄙懦算慕仁義荷陛下知己之遇感陛下思理之誠愚衷所懷承問輒發不以淺深自揆不以喜怒上

虞誠缺於周防承順之規是亦忠於陛下一下之分也前奉詔問尋具上陳請延羣臣稍與親接廣咨訪之路開諫諍之門通壅鬱之情宏採拔之道自獻咨奏迨茲彌旬不聞施行不賜酬詰未審宸旨以爲何如昧於忖量但務竭盡恐由辭理蹇拙不能暢達事情懷懼血誠敢願披瀝煩煩冒豈不慚惶蓋犬馬感恩思効之心睠睠而不能自止者也臣聞立國之本在乎得衆得衆之要在乎見情故仲尼以謂人情者聖王之田言理道所由生也是則時之否泰事之損益萬化所繫必因人情情有通塞故否泰生情有薄厚故損益生通天之下之情者莫智於聖人盡聖人之心者莫深於易象其別卦也乾下坤上則曰泰坤下乾上則曰否其取象也損上益下則曰益損下益上則爲損乾爲天爲君坤爲地爲臣天在下而地處上於位乖矣而反謂之泰者上下交故也君在上而臣處下於義順矣而反謂之否者上下不交故也氣不交則庶物不育情不交則萬邦不和天氣下降地氣上騰然後歲功成君澤下流臣誠上達然後理道立損益之義亦猶是焉上約己而裕於人人必悅而奉上矣豈不謂之益乎上萬人而肆諸己人必怨而叛上矣豈不謂之損乎然則上下交而泰不交而否自損者人益自益者人損情之得失豈容易哉故喻君爲舟喻人爲水水能載舟亦能覆舟舟即君道水即人情舟順水之道乃浮違則沒君得人之情乃固失則危是以古先聖王之居人上也必以其心從天下之心而不敢以天下之人從其欲乃至兢兢業業一日二日萬幾夫幾者事之微也以聖人之德天子之尊且猶慎事之微乃至一日萬慮豈不以居上接下懼失其情歟書曰人心惟危道心惟微則萬幾之慮不得不精也危則覆舟之戒不得不畏也夫揆物以意宣意以言言或是非莫若考於有跡跡或成敗莫若驗於已行自昔王業盛衰君道得失史冊盡在粲然可徵與衆同欲靡不興違衆自用靡不廢從善納諫靡不固遠賢取過靡不危故詩書

稱堯德則曰稽于衆捨己從人數舜之功則曰明四目達四聰言務同欲也序禹之所由興則曰益贊于禹禹拜昌言述湯之所以王則曰用人惟己改過不吝言能納諫也歌文王作周則曰濟濟多士文王以寧美武王克殷則曰亂臣十人同心同德言皆從善也堯舜禹湯文武此六君者天下之盛王也莫不從諫以輔德詢衆以成則是則德益盛者慮益微功愈高者意愈下及代之衰也則道亦反焉故書曰紂有億兆夷人離心離德言違衆也詩曰汝忽怙于中國斂怨以爲德不明爾德時無背無側爾德不明以無陪無卿又曰雖無老成人尚有典刑曾是莫聽大命以傾言遠賢也書曰謂人莫己若者亡詩曰惟彼不憤自獨俾臧自有肺腸俾人則狂言自用也前史數桀紂之惡曰強足以拒諫辯足以飾非言取過也考得失於已行之迹鑒盛衰於已驗之符孰失道而不衰孰得理而不盛報應以類影響不差胡可不則而象之敬而畏之乎粵自秦漢暨于周隋其間將歷千祀代興者非一姓繼覆者非一君雖所遇殊時所爲異迹然失衆必敗得衆必成與堯舜禹湯同務者必興與桀紂幽厲同趣者必覆全失衆則全敗全得衆則全成多同於善則功多甚同於惡則禍甚善惡從類端如貫珠成敗象行明若觀火此歷代之元龜也尙恐議者曰時異事異臣請復爲陛下粗舉近効之尤章章者以辯焉太宗文皇帝以天縱之才有神器之重武定禍亂文致太平威行如雷霆明照俾日月英略施於百務聖功被於九歌固非庶品之所度量常情之所鑽仰然猶兢兢畏慎懼失人心每戒臣下獻規恆以危亡爲慮夙興聽理日旰忘勞公卿迭趨庭奏庶務評議得失與衆共之下無滯情上無私斷退朝之暇宴接待臣諮訪謀猷詢求過闕或論往古成敗或問人間事情每言及暗主亂朝則省懼自戒言及賢君理代則企竦思齊言及稼穡艱難則上下相匡務遵勤儉言及閭閻疾苦則君臣同慮議息征徭懋德懲違觸類滋長尙恐過言謬舉既

往難追每召宰相平章必遣諫官俱入小有頗失隨即箴規得一善必遽命甄昇聽一諫必明如褒錫故得時無闕事人樂輸誠又引文學之流更直宿於內署或講求典禮或諷誦詩書每至夜分情忘厭倦夫以太宗之德美貞觀之理安且猶務得人心其勤若此是則人心之於理道可一日而不接乎高宗始年亦親聽納故當時翕然歸美以爲有貞觀之風兼賴遺澤在人先範垂裕幸無改作俗以阜康數十年間天下無事承平之業滋久倦動之意頗彰燕居益深接下彌簡前哲之耿光浸遠中宮之威柄潛移卒有嗣聖臨朝天授革命豈不以經邦之道闕疇咨於大猷宴安之懷溺偏信於近狎馴致禍變幾將傾邦雖亂匪自他然其失一也弊俗一靡餘風遂流訖神龍景雲之間皆壁倖亂朝聰明不達元宗躬定大難手振宏綱開懷納忠克己從諫算用舊老採拔羣才大臣不敢墮下情私昵不敢干公議朝清道泰垂三十年謂化已行謂安可保耳目之娛漸廣憂勤之志稍衰侈心一萌邪道並進貪權竊柄者則曰德如堯舜矣焉用勞神承意趣媚者則曰時已太平矣胡不爲樂有深謀遠慮者謂之迂誕驚衆有讜言切諫者謂之誹謗邀名至尊收視於穆清上宰養威於廊廟議曹以頌美爲奉職法吏以識旨爲當官司府以厚斂爲公忠權門以多賂爲問望外寵持竊國之勢內寵擅迴天之謠禍機熾然醖醖滋甚舉天下如居積薪之上人人懼焚而朝廷相蒙會莫之省曰務遊宴方謂有無疆之休大盜一興至今爲梗豈不以忽於戒備逸於居安憚忠懷之佛心甘諛詐之從欲漸漬不聞其失以至於大失者乎肅宗懲致寇之由蘊撥亂之略虛受廣納同符乎太宗招延詢謀輟食廢寢洞啓誠腑推心與人豁披胸襟忘己應物故得來蘇之望允塞配天之業勃興先皇帝繼守恭勤而益之以和惠惠則有感和則有親雖時繼艱屯而衆不離析理尙寬大務因循而重作爲然於紫宸聽朝常限三人奏事亦宜諭德令課責侍臣或賞其盡

規或讓以容默性本仁恕事多含宏諫雖未從且不深忤情苟有阻
終獲上通故君臣相安而人亦小息陛下英姿逸辯邁絕人倫武略
雄圖牢籠物表憤習俗以妨理任削平而在躬以明威照臨以嚴法
制斷流弊日久浚恆太深遠者驚疑而阻命逃死之亂作近者畏懼
而偷容避罪之態生君臣意乖上下情隔君務致理而下防誅夷臣
將納忠而上慮欺誕故審誠不布於羣物物情不達於睿聰臣於往
年曾任御史獲奉朝謁僅欲半年陛下嚴遠高居未嘗降旨臨問羣
臣踴躍趨退亦不列事奏陳軒墀之間且未相諭宇宙之廣何由自
通雖復例對使臣別延宰輔既殊師錫且異公言未行者則戒以樞
密勿論已行者又謂之遂事不諫漸生拘礙動涉猜嫌由是人各隱
情以言爲諱至於變亂將起億兆同憂獨陛下恬然不知方謂太平
可致陛下以今日之所觀驗往時之所聞孰真孰虛何得何失則事
之通塞備詳之矣人之情僞盡知之矣列聖升降之効歷歷如彼當
今理亂之由昭昭如此未有不興於得衆殆於失人裕於僉諧蔽於
偏信濟美因乎納諫虧德由乎自賢善始本乎憂勤失全萌乎安泰
今陛下將欲悔禍徼福去危從安若不循太宗創業之規襲肅宗中
興之理鑒天寶致亂之所以懲今者遷幸之所由則何以孚聖懷彰
令問新遠邇之聽歸反側之心乎前承德音訪及庸鄙敢緣私議輒
以獻聞自爾已來反覆千慮愚智有分信非可移至今拳拳猶滯所
見不勝愚誠懇款謹復布露以聞臣某惶怖死罪謹言

唐陸宣公集卷第十二

原
书
空
白
页

唐陸宣公集卷第十三

後學介春耆英重訂

萍鄉文晟
同校
崇仁華廷傑

奏草三

奉天請數對羣臣兼許令論事狀

朝隱奉宣聖旨頻覽卿表狀勸朕數對羣臣兼許令論事辭理懇切深表盡忠朕本心甚好推誠亦能納諫但緣上封事及奏對者少有忠良多是論人長短或探朕意旨朕雖不受讒譖出外即謾生是非以爲威福朕往日將謂君臣一體都不隄防緣推誠信不疑多被姦人賣弄今所致患害朕思亦無他故却是失在推誠又諫官論事少能慎密例自矜銜歸過於朕以自取名朕從卽位以來見奏對論事者甚多大抵皆是雷同道聽塗說試加質問即便辭窮若有奇才異能在朕豈惜拔擢朕見從前已來事祇如此所以近來不多取次對人亦不是倦於接納卿宜深悉此意者聖德廣大如天包容俯矜狂愚仍賜獎諭嘉臣以懇切目臣以盡忠雖甚庸庸實懷感勵夫知無不言之謂盡事君以義之謂忠臣之夙心久以自誓以此爲奉上之道以此爲報主之資幸逢休明獲展誠願既免罪戾又蒙褒稱庶奉周旋不敢失墜儻陛下廣推此道施及萬方咸獎直以矜愚各錄長而捨短人之欲善誰不如臣自然聖德益彰羣心盡達愚衷懇懇實在於斯睿眷特深縷宣密旨備該物理曲盡人情其於慮遠防微固非常識所逮然臣竊謂天子之道與天同方天不以地有惡木而廢發生天子不以時有小人而廢聽納帝王之威莫威於堯雖四凶在朝而會議靡輟故曰惟天爲大惟堯則之是知人有邪直賢愚在處之各得其所而已必不可以忠良者少而闕於詢謀獻納之道也昔人有因噎而廢食者又有懼溺而自沉者其爲矯枉防患之慮豈不過哉願陛下取鑒於茲勿以小虞而妨大道也臣聞人之所助在乎

信信之所立由乎誠守誠於中然後俾衆無惑存信於己可以教人不欺唯信與誠有補無失一不誠則心莫之保一不信則言莫之行故聖人重焉以爲食可去而信不可失也又曰誠者物之終始不誠無物物者事也言不誠則無復有事矣匹夫不誠無復有事況王者賴人之誠以自固而可不誠於人乎陛下所謂失於誠信以致患害者臣竊以斯言爲過矣孔子曰可與言而不與之言失人不可與言而與之言失言智者不失人亦不失言由此論之陛下可審其所言而不可不慎信其所與而不可不誠海禽至微猶識情僞含靈之類固必難誣前志所謂衆庶者至愚而神蓋以蚩蚩之徒或昏或鄙此其似於愚也然而上之得失靡不辯上之好惡靡不知上之所秘靡不傳上之所爲靡不効此其類於神也故馭之以智則人詐示之以疑則人偷接不以禮則徇義之意輕撫不以恩則効忠之情薄上行之則下從之上施之則下報之若響應聲若影從表表枉則影曲聲淫則響邪懷鄙詐而求顏色之不形顏色形而求觀者之不辯觀者辯而求衆庶之不惑衆庶惑而求叛亂之不生自古及今未之得也故唯天下至誠爲能盡其性能盡其性則能盡人之性若不盡於己而望盡於人衆必給而不從矣不誠於前而曰誠於後衆必疑而不信矣今方岳有不誠於國者陛下則興師以伐之臣庶有虧信於上者陛下則出令以誅之有司順命誅伐而不敢縱捨者蓋以陛下之所有責彼之所無故也向若陛下不誠於物不信於人人將有辭何以致討是知誠信之道不可斯須去身願陛下慎守而行之有如恐非所以爲悔者也臣聞春秋傳曰人誰無過過而能改善莫大焉易曰日新之謂盛德禮記曰德日新日日新又日新商書仲虺述成湯之德曰用人惟己改過不吝周詩吉甫美宣王之功曰咨職有闕惟仲山甫補之夫禮易春秋百代不刊之典也皆不以無過爲美而謂大善盛德在於改過日新成湯聖君也仲虺聖輔也以聖輔而贊揚

聖君不稱其無過而稱其改過周宣中興之賢主也吉甫文武之賢臣也以賢臣而歌誦賢主不美其無闕而美其補闕是則聖賢之意較然著明唯以改過爲能不以無過爲貴蓋爲人之行己必有過差上智下愚俱所不免智者改過而遷善愚者取過而遂非遷善則其德日新是爲君子遂非則其惡彌積斯謂小人故聞義能徙者常情之所難從諫勿拂者聖人之所尙至於贊揚君德歌述主功或以改過不吝爲言或以有闕能補爲美中古已降淳風浸微臣既尙諛君亦自聖掩威德而行小道於是有人則造膝出則詭辭之態興矣茲由此滋善由此沮帝王之意由此感爭臣之罪由此生媚道一行爲害斯甚太宗文皇帝挺秀千古清明在躬再恢聖謨一變流弊以虛受爲理本以直言爲國華有面折廷爭者必爲霽雷霆之威而明言焚納有上封獻議者必爲黜心意之欲而手勅褒揚故得有過必知知而必改存致雍熙之化沒齊堯舜之名向若太宗徇中主之常情滯習俗之凡見聞過則羞己之短納諫又畏人之知雖有求理之心必無濟代之効雖有悔過之意必無從諫之名此則聽納之實不殊隱見之情小異其於損益之際已有若此相懸又況不及中才師心自用肆于人以上以遂非拒諫孰有不危者乎且以太宗有經緯天地之文有底定禍亂之武有躬行仁義之德有致理太平之功其爲休烈耿光可謂威極矣然而人到于今稱詠以爲道冠前古澤被無窮者則從諫改過爲其首焉是知諫而能從過而能改帝王之美莫大於斯陛下所謂諫官論事少能慎密例自矜銜歸過於朕者臣以爲不密自矜信非忠厚其於聖德固亦無虧陛下若納諫不違則傳之適足增美陛下若違諫不納又安能禁之勿傳伏願以貞觀故事爲楷模使太宗風烈重光於聖代恐不可謂此爲歸過而阻絕直言之路也臣聞虞舜察讒言故能成聖化晉文聽輿誦故能恢霸功大雅有詢于芻蕘之言洪範有謀及庶人之義是則聖賢爲理務詢衆心

不敢忽細微不敢侮鰥寡後言無驗不必用實言當理不必違遜于志者不必然逆于心者不必否異于人者不必是同于衆者不必非辭拙而効速者不必愚言甘而利重者不必智是皆考之以實慮之以終其用無他唯善所在則可以盡天下之理見天下之心夫人之常情罕能無惑大抵蔽於所信阻於所疑忽於所輕溺於所欲信既偏則聽言而不考其實由是有過當之言疑既甚則雖實而不聽其言於是有失實之聽輕其人則遺其可重之事欲其事則存其可弃之人斯並苟縱私懷不稽皇極于以虧天下之理于以失天下之心故常情之所輕乃聖人之所重圖遠者先驗於近務大者必慎於微將在博採而審用其中固不在慕高而好異也陛下所謂比見奏對論事皆是雷同道聽塗說者臣竊以衆多之議足見人情必有可行亦有可畏恐不宜一概輕侮而莫之省納也陛下又謂試加質問卽便辭窮者臣竊以陛下雖窮其辭而未盡其理能服其口而未服其心何以知其然臣每讀史書見亂多理少因懷感歎嘗試思之竊謂爲下者莫不願忠爲上者莫不求理然而下每苦上之不理上每苦下之不忠若是者何兩情不通故也下之情莫不願達於上上之情莫不求知於下然而下恆苦上之難達上恆苦下之難知若是者何九弊不去故也所謂九弊者上有其六而下有其三好勝人恥聞過聘辯給眩聰明厲威嚴恣彊懷此六者君上之弊也詔諛顧望畏懷此三者臣下之弊也上好勝必甘於佞辭上恥聞過必忌於直諫如是則下之詔諛者順旨而忠實之語不聞矣上聘辯必勸說而折人以言上眩明必臆度而虞人以詐如是則下之顧望者自便而切磨之辭不盡矣上厲威必不能降情以接物上恣懷必不能引咎以受規如是則下之畏懷者避辜而情理之說不申矣夫以區域之廣大生靈之衆多宮闕之重深高卑之限隔自黎獻而上獲觀至尊之光景者踰億兆而無一焉就獲觀之中得接言議者又千萬不一幸而得

接者猶有九弊居其間則上下之情所通鮮矣上情不通於下則人惑下情不通於上則君疑疑則不納其誠感則不從其令誠而不見納則應之以悖令而不見從則加之以刑下悖上刑不敗何待是使亂多理少從古以然考其初心不必淫暴亦在乎兩情相阻馴致其失以至千艱難者焉昔龍逢誅而夏亡比干剖而殷滅宮奇去而虞敗屈原放而楚衰臣謂夏殷虞楚之君若知四子之盡忠必不勦弃若知四子之可用必不拒違所以至於忍害而捨絕者蓋謂其言不足行心不足保故也四子既去四君亦危然則言之固難聽亦不易趙武訥訥而爲晉賢臣絳侯木訥而爲漢元輔公孫宏上書論事帝使難宏以十策宏不得其一及爲宰相卒有能名周昌進諫其君病吃不能對詔乃曰臣口雖不能言心知其不可然則口給者事或非信辭屈者理或未窮人之難知堯舜所病胡可以一訓一詰而謂盡其能哉以此察天下之情固多失實以此輕天下之士必有遺才臣是以竊慮陛下雖窮其辭而未窮其理能服其口而未服其心良有以也古之王者明四目達四聰蓋欲幽抑之必通且求聞己之過也垂旒於前黈纁於側蓋惡視聽之太察唯恐彰人之非也降及末代則反於斯聰明不務通物情視聽祗以伺罪釁興衆違欲與道乖方於是相尚以言相示以智相冒以詐而君臣之義薄矣以陛下性舍仁聖意務雍熙而使至道未孚臣竊爲陛下懷愧於前哲也古人所以有取君不如堯舜者故亦以是爲心乎夫欲理天下而不務於得人心則天下固不可理矣務得人心而不勤於接下則人心固不可得矣務勤接下而不辯君子小人則下固不可接矣務辯君子小人而惡其言過悅其順己則君子小人固不可辯矣趣和求媚人之甚利存焉犯顏取怨人之甚害存焉居上者易其害而以美利利之猶懼忠告之不旣況有疎隔而勿接又有猜忌而加損者乎天生蒸人合以爲國人之有口不能無言人之有心不能無欲言不宜於上則

怨譏於下欲不歸於善則湊集於邪聖人知衆之不可以力制也故植謗木陳諫鼓刻爭臣之位置采詩之官以宣其言尊禮義安誠信厚賢能之實廣功利之途以歸其欲使上不至於亢下不至於窮則人心安得而離亂非何從而起古之無爲而理者其率用此數苟有理之之意而不知其方苟知其方而心守不壹則得失相半天下之理亂未可知也其又違道以師心弃人而任己謂欲可逞謂衆可誣謂專斷無傷謂詢謀無益謂諛說爲忠順謂獻替爲妄愚謂進善爲比周謂嫉惡爲嫌忌謂多疑爲御下之術謂深察爲照物之明理道全乖國家之顛危可立待也理亂之戒前哲備言之矣安危之効歷代嘗試之矣舊典盡在殷鑒足徵其於措置施爲在陛下明識所擇耳伏願廣接下之道開獎善之門宏納諫之懷勵推誠之美其接下也待之以禮煦之以和虛心以盡其言端意以詳其理不禦人以給不自眩以明不以先覺爲能不以臆度爲智不形好惡以招詔不大聲色以示威如權衡之懸不作其輕重故輕重自辨無從而詐也如水鏡之設無意於妍蚩而妍蚩自彰莫得而怨也有犯顏諫直者焚而親之有利口讒佞者疎而斥之自然物無壅情言不苟進君子之道浸長小人之態日消何憂乎少忠良何有乎作威福何患乎妄說是非如此則接下之要備矣其獎善也求之若不及用之懼不周如梓人之任材曲直當分如滄海之歸水洪涓必容能小事則處之以小官立大勞則報之以大利不忌怨不避親不挾瑕不求備不以人廢舉不以己格人聞其才必試以事能其事乃進以班自然無不用之才亦無不實之舉如此則獎善之道得矣其納諫也以補過爲心以求過爲急以能改其過爲善以得聞其過爲明故諫者多表我之能好諫者直示我之能賢諫者之狂誣明我之能怨諫者之漏泄彰我之能從有一于斯皆爲威德是則人君之與諫者交相益之道也諫者有爵賞之利君亦有理安之利諫者得獻替之名君亦得採納

之名然猶諫者有失中而君無不美唯恐諫言之不切天下之不聞如此則納諫之德光矣其推誠也在彰信在任人彰信不務於盡言所貴乎出言則可復任人不可以無擇所貴乎已擇則不疑言而必誠然後可求人之聽命任而勿貳然後可責人之成功誠信一虧則百事無不紕繆疑貳一起則羣下莫不憂虞是故言或乖宜可引過以改其言而不可苟也任或乖當可求賢以代其任而不可疑也如此則推誠之義孚矣微臣所以屢屢塵黷而不能自抑者蓋以陛下有採亂之志而多難未平有務理之誠而庶績未乂有堯舜聰明之德而未光宅於天下有覆載含宏之量而未翕受於衆情故臣每中夜靜思無不竊歎而深惜也向若陛下有其位而無必行之志有其志而無可致之資則臣固已從俗浮沉何苦而汲汲如是惟陛下詳省所闕亟行所宜歸天下之心濟中興之業此臣之願也億兆之福也宗社無疆之休也謹奏

奉天論尊號加字狀

右冀寧奉宣聖旨往年百官請上尊號曰聖神文武皇帝今緣經此寇難諸事並宜改變衆議欲得於朕舊號之中更加一兩字卿宜商量事體穩便得否者伏以睿德神功參天配地巍巍蕩蕩無得而名臣子之心務崇美號雖或增累盈百猶恐稱述未周陛下既越常情俯稽至理愚衷未諭安敢不言竊以尊號之興本非古制行於安泰之日已累謙沖襲乎喪亂之時尤傷事體今者變輿播越未復宮闈宗祏震驚尚愆禋祀中區多梗大慙猶存此乃人情向背之秋天意去就之際陛下誠宜深自懲勵以收攬羣心痛而貶損以答謝靈譴豈可近從末議重益美名既虧追咎之誠必累中興之業以臣庸蔽未見其宜乞更詳思不爲兇孽所幸此臣之至願也謹奏

重論尊號狀

右冀寧奉宣聖旨卿所商量加尊號事雖則理體甚切然時運必須

小有改變亦不可執滯不信卿宜爲朕更審思量應亦無妨者臣聞德合天者謂之皇德合地者謂之帝德合人者謂之王父天母地以養人理物各得其宜者謂之天子是皆至尊之殊號極美之大名雖欲變更無踰於此故伏羲神農黃帝堯舜自生人已來君德之最神聖者天下尊之美之亦已至矣而其指以爲號者或曰皇或曰帝唯目一字且猶不兼禹湯繼興莫匪大聖尙自菲薄降號爲王嬴秦德衰於殷周而名竊於義曠兼皇與帝始總稱之流及後代昏僻之君乃有聖劉天元之號是知人主輕重不在名稱崇其號無補於徽猷損其名不傷於德美然而損之有謙光稽古之善崇之獲矜能納諂之譏得失不侔居然可辯況今時遭屯否事屬艱難尤宜懼思以自貶抑必也俯稽稽術數須有變更與其增美稱而失人心不若黜舊號以祇天戒天時人事理必相扶人既好謙天亦助順陛下誠能斷自宸鑒渙發德音引咎降名深自剋責惟謙與順一舉而二美從之外可以收物情內可以應元運上可以高德於夏古下可以垂法於無窮興廢典矯舊失至明也損虛飾收美利大智也前聖之所以永保鴻名常爲稱首者達於茲義而已矣陛下何怪而不革反欲加冗號以受寶患哉元元道德經曰王侯自謂孤寡不穀以賤爲本也周襄王遭亂出居于鄭告于諸侯曰不穀不德鄙在鄭地春秋禮之以其能降名也漢光武詔令上書者不得言聖史冊稱之以其能損己也臣願以賤微獲承訪議伊尹恥其君不如堯舜臣亦恥之是以誠發於中不復防慮忌諱救其愚而鑒其理惟明主行焉謹奏

奉天論救書事條狀

右隱朝奉宣聖旨并以中書所撰救文示臣令臣審看可否如有須改張處及事宜不盡條錄奏來者臣謹如詔旨詳省再三猶懼所見不周兼與諸學士等參考得失僉以爲綱條粗舉文理亦通事多循常辭不失舊用於平昔頗亦可行施之當今則恐未稱何則履非常

之危者不可以常道安解非常之紛者不可以常語諭自陛下嗣承大寶志壹中區窮用甲兵竭取財賦吐庶未達於暫勞之旨而怨咨已深昊穹不假以悔禍之期而患難繼起復以刑謫太峻禁防傷嚴上下不親情志多壅乃至變生都輦盡盜宮闈九廟鞠陷於匪人六師出次於郊邑奔逼憂厄言之痛心自古禍亂所鍾罕有若此之暴今重圍雖解逋寇尙存裂土假王者四兇滔天僭帝者二豎又有顧瞻懷貳叛援黨姦其流實繁不可悉數皇輿未復國柄未歸勞者未獲休功者未及賞困窮者未暇恤滯抑者未克伸將欲紓多難而收羣心唯在敕令誠言而已安危所屬其可忽諸動人以言所感已淺言又不切人誰肯懷昔成湯遇災而禱于桑野躬自髡剔以爲犧牲古人所謂割髮宜及膚剪爪宜侵體良以誠不至者物不感損不極者益不臻今茲德音亦類於是悔過之意不得不深引咎之辭不得不盡招延不可以不廣潤澤不可以不宏宣暢鬱堙不可以不洞開襟抱洗刷疵垢不可不盪去癥痕使天下聞之廓然一變若披重昏而覩朗曜人人得其所欲則何有不從者乎應須改革事條謹具別狀同進除此之外尙有所虞竊以知過非難改過爲難言善非難行善爲難假使敕文至精止於知過言善猶願聖慮更思所難易曰聖人感人心而天下和平夫感者誠發於心而形於事人或未諭而宣之以言言必顧心心必副事三者符合不相越踰本於至誠乃可求感事或未致則如勿言一虧其誠終莫之信伏惟陛下先斷厥志乃施於辭度其可行而宣之其不可者措之無苟於言以重其悔言克誠而人心必感人心既感而天下必平事何可不詳言何可不務罄輸愚懇伏聽聖裁謹奏

原
书
空
白
页

唐陸宣公集卷第十四

後學介春耆英重訂

萍鄉文 晟
崇仁華廷傑 同校

奏草四

奉天論擬與翰林學士改轉狀

右冀寧奉宣勅旨卿及諸學士名銜宜並鈔錄進來冀寧又向臣說云聖意以臣等自到奉天書詔填委欲與改轉以獎勤勞者承命竦而顧慚非宜進退徬徨不知所措臣謬以儒學選居翰林雖職異計謀而恩參近侍當陛下用兵之會乏決勝之籌從陛下避狄之遊靡出奇之計見危關授命之節知難無伏死之爭事君大猷臣則皆曠屑屑供職曾何足云夫君之有臣以濟理也理不失道亂何由生亂之浸興由理乖也君之及難實臣罪也是以主憂則臣辱主辱則臣死今陛下躬罹逼脅露處郊畿園廟震驚斯謂辱矣寇讎密邇亦云憂矣臣竊謂凡今在位任重者其罪大職近者其責深臣之職司頗亦爲近是宜當責安可增榮又聞初到奉天已頒詔命應是扈從將吏一例並加兩階今若翰林之中獨蒙改轉乃是行賞不類命官以私錄微勞則臣等遷位過優勸來者則從官加階太薄先後失次輕重不倫凡百具寮誰不解體夫行罰先貴近而後卑遠則令不犯行賞先卑遠而後貴近則功不遺至如徇主忘家固是臣子常分追陪輦蹕曷足甄稱陛下必以朝官之中有來有否事須旌別以儆不從則望先錄大勞次徧羣品然後以例均被臣亦何敢獨辭殊渥曲臨實傷大體不任覲懼之至謹奉狀以聞謹奏

奉天請罷瓊林大盈二庫狀

右臣聞作法於涼其弊猶貪作法於貪弊將安救示人以義其患猶私示人以私患必難弭故聖人之立教也賤貨而尊讓遠利而尙廉天子不問有無諸侯不言多少百乘之室不畜聚斂之臣夫豈皆能

忘其欲賄之心哉誠懼賄之生人心而開禍端傷風教而亂邦家耳是以務鳩斂而厚其帑櫝之積者匹夫之富也務散發而收其兆庶之心者天子之富也天子所作與天同方生之長之而不恃其爲成之收之而不私其有付物以道混然忘情取之不爲貪散之不爲費以言乎體則博大以言乎術則精微亦何必撓廢公方崇聚私貨降至尊而代有司之守辱萬乘以效匹夫之藏虧法失人誘姦聚怨以斯制事豈不過哉今之瓊林大盈自古悉無其制傳諸耆舊之說皆云創自開元貴臣貪權飾巧求媚乃言郡邑貢賦所用盡各區分稅賦當委之有司以給經用貢獻宜歸乎天子以奉私求玄宗悅之新是二庫蕩心侈欲萌柢於茲迨乎失邦終以餌寇記曰貨悖而入必悖而出豈非其明効歟陛下嗣位之初務遵理道敦行約儉斥遠貪饕雖內庫舊藏未歸太府而諸方曲獻不入禁闈清風肅然海內丕變議者咸謂漢文却馬晉武焚裘之事復見於當今近以寇逆亂常變輿外幸既屬憂危之運宜增儆勵之誠臣昨奉使軍營出遊行殿忽觀右廊之下榜列二庫之名懼然若驚不識所以何則天衢尚梗師旅方殷瘡痍呻吟之聲噢咻未息忠勤戰守之効賞賚未行而諸道貢珍遽私別庫萬目所視孰能忍懷竊揣軍情或生缺望試詢候館之吏兼採道路之言果如所虞積憾已甚或忿形謗讟或醜肆謳謠頗含思亂之情亦有悔忠之意是知吐俗昏鄙識昧高卑不可以尊極臨而可以誠義感頃者六師初降百物無儲外扞兇徒內防危堞晝夜不息迨將五旬凍餒交侵死傷相枕畢命同力竟夷大艱良以陛下不厚其身不私其欲絕甘以同卒伍輟食以啗功勞無猛制而人不攜懷所感也無厚賞而人不怨悉所無也今者攻圍已解衣食已豐而諸讎方興軍情稍阻豈不以勇夫恆性嗜貨矜功其患難既與之同憂而好樂不與之同利苟異恬默能無怨咨此理之常固不足怪記曰財散則民聚財聚則民散豈非其殷鑒歟衆怒難任蓄

怨終泄其患豈徒人散而已亦將慮有構姦鼓亂干紀而強取者焉夫國家作事以公共爲心者人必樂而從之以私奉爲心者人必哂而叛之故燕昭築金臺天下稱其賢殷紂作玉杯百代傳其惡蓋爲人與爲己殊也周文之囿百里時惠其尙小齊宣之囿四十里時病其大蓋同利與專利異也爲人上者當辨察茲理洒濯其心奉三無私以壹有衆人或不率於是用刑然則宣其利而禁其私天子所恃以理天下之具也捨此不務而壅利行私欲人無貪不可得已今茲二庫珍幣所歸不領度支是行私也不給經費非宣利也物情離怨不亦宜乎智者因危而建安明者矯失而成德以陛下天姿英聖儻加之見善必遷是將化蓄怨爲銜恩反過差爲至當促殄遺孽永垂鴻名易如轉規指顧可致然事有未可知者在陛下行與否耳能則安否則危能則成德否則失道此乃必定之理也願陛下慎之惜之陛下誠能近想重圍之殷憂追戒平居之專欲器用取給不在過豐衣食所安必以分下凡在二庫貨賄盡令出賜有功坦然布懷與衆同欲是後納貢必歸有司每獲珍華先給軍賞環異纖麗一無上供推赤心於其腹中降殊恩於其望外將卒慕陛下必信之賞人思建功兆庶悅陛下改過之誠孰不歸德如此則亂必靖賊必平徐駕六龍旋復都邑興行墜典整頓棼綱乘輿有舊儀郡國有恆賦天子之貴豈當憂貧是乃散其小儲而成其大儲也損其小寶而固其大寶也舉一事而衆美具行之又何疑焉悵少失多廉賈不處溺近迷遠中人所非況乎大聖應機固當不俟終日不勝管窺願効之至謹陳冒以聞謹奏

奉天論解蕭復狀

右翼寧奉宜聖旨緣國家賦稅多出江淮既未收復京城恐遠路傳說過甚所以欲得遣一大臣往彼宣慰以安遠近之情初欲簡擇此使並先共宰相商量皆云蕭復久任江外刺史諳彼事宜又就宰相

之中名望最重令其往彼宣慰人必望風悅服其時蕭復亦自見此商議更無異同朕猶不能自斷遂喚諸朝士般次對見一一親向說宣慰之意問其穩便已否皆云至要並無異辭朕所以更不疑惑已與擇得發日及其臨行從一等却論奏欲得且留蕭復又頻有朝官上封事亦與從一等意同朕忽見此翻覆非常悵恨數日思量不測其故意者必是蕭復計會遣其論奏蕭復又有何事苦欲得住其意深不可會卿比來諳此人性行否兼與朕子細思料若不肯去其意何在者蕭復往年曾任常州刺史臣其時寄住常州首尾二年閱其理行及到京邑多與往來歲月滋深情意相得復之志性臣則備諳本是貴門又聯戚屬痛自修勵慕爲清貞矯枉太深時或過當論經義則以守死善道執心不回爲本議人物則以魏元忠宋璟爲師己之所行皆欲盡善故涉好名之累亦無應變之才用雖不周行則可保至如二三爽德翻覆挾姦復之爲人必不至是安有親承計議退自變渝私誘官僚曲令干說是同兒戲非近人情雖甚狂愚猶應不敢若稍恭慎固當不爲況乃見稱各流獲踐清實備股肱之任承渥澤之私何心何顏忍至於此假令蕭復之意或欲逗留在於從一之徒寧肯附會臣緣自到行在常居禁中向外事情視聽都絕忽承顧問莫測端由陛下必欲研窮斯理不爲難察初舉蕭復充使本是從一等商量後請蕭復不行又是從一等論奏一矛一楯理必有歸或遣或留意將安在但垂審詰孰敢面謾蕭復若相屬求則從一等何容爲隱從一等儻自迴互則蕭復不當受疑陛下奚憚而不辯明乃直爲此悵恨也夫明則罔惑辯則罔冤惑莫甚於逆詐而不與明冤莫痛於見疑而不獲辯是使情僞相糅忠邪靡分茲實居上御下之要樞惟陛下留意幸察謹奏

奉天薦袁高等狀

袁高楊瑒上二人並會裴誥曾任金孫威曾任京周皓曾任丹袁高楊瑒任御史中丞裴誥吾將軍孫威北少尹周皓都團練觀

察裴賈曾任宣州刺史崔造殷亮李舟已上並任郎官何士幹姚南仲陸淳沈既濟已上曾任右臣近因奏對言及任人陛下累歎乏才惘然憂見於色臣退而思省且喜且慚所喜者樂陛下急於求賢明君致理之資也所慚者恥近侍不能薦士微臣竊位之罪也輒自揣擇思舉所知猶懼鑒識不明品藻非當反覆參校未果上聞昨蒙宣示中書進擬量移官令臣審看可否者因悟貶降之輩其中甚有可稱臣以素所諳知兼聞公議此狀之內僅得十人狀所不該又有三四或因連累左黜或遭讒忌外遷互有行能咸著各跡實之清列皆謂良材若但準例量移及令仍舊出守固非陛下愛賢之意亦乖海內望理之心儻蒙特恩追赴行在試垂訪接必有可觀錄用棄瑕既符德號振淹求舊亦闡大猷謹錄薦陳庶備採擇其餘差序遠近並具別狀以聞謹奏

奉天論李晟所管兵馬狀

右賊泚稽誅保聚宮苑勢窮援絕引日偷生懷光總仗順之師乘制勝之氣鼓行芟翦易若摧枯而乃寇奔不追師老不用諸帥每欲進取懷光輒沮其謀據茲事情殊不可解陛下意在全後委曲聽從觀其所爲亦未知感若不別務規略漸相制持唯以姑息求安終恐變故難測此誠事機危迫之秋也固不可以尋常容易處之今李晟奏請移軍適遇臣銜命宣慰懷光偶論此事臣遂訊問所宜懷光乃云李晟既欲別行某亦都不要藉臣猶慮有翻覆因美其軍威強懷光大自矜誇轉有輕晟之意臣又從容問云昨發行在之日未知有此商量今者從此却迴或恐聖旨顧問事之可否決定何如懷光已肆輕言不可中變遂云恩命許去事亦無妨要約再三非不詳審雖欲追悔固難爲辭伏望即以李晟表出付中書勅下依奏別賜懷光手詔示以移軍事由其手詔之大意云昨得李晟奏請移軍城東以分賊勢朕緣未知利害本欲委卿商量適會陸贄從彼宣慰迴奏云見

卿論敘軍情語及於此仍言許去事亦無妨遂勅本軍尤其所請卿宜授以謀略分路夾攻務使叶齊剋平寇孽如此則詞婉而直理順而明雖蓄異端何由起怨臣初奉使諭旨本緣糧賜不均偶屬移軍事相諧會又幸懷光詭對且無阻絕之言機宜合併若有幽贊一失其便後何悔追伏望聖聰速垂裁斷謹奏

奉天奏李建徽楊惠元兩節度兵馬狀

右懷光當管師徒足以獨制兇寇逗留未進抑有他由所患太強不資傍助比者又遣李晟李建徽楊惠元三節度之衆附麗其營無益成功祇足生事何則四軍接壘羣帥異心論勢力則懸絕高卑據職名則不相統屬懷光輕晟等兵微位下而忿其制不從心晟等疑懷光養寇蓄姦而怨其事多凌己端居則互防飛撓欲戰則遞恐分功齟齬不和嫌釁遂構俾之同處必不兩全強者惡積而後亡弱者勢危而先覆覆亡之禍翹足可期舊寇未平新患方起憂歎危切實堪疚心太上消患於未萌其次救失於始兆況乎事情已露禍難垂成委而不謀何以寧亂李晟見機慮變先請移軍就東建徽惠元勢轉孤弱爲其吞噬理在必然他日雖有良圖亦恐不能自拔拯其危急唯在此時今因李晟願行便遣合軍同往託言晟兵素少慮爲賊泚所邀藉此兩軍迭爲犄角仍先諭旨密使裝詔書至營即日進路懷光意雖不欲然亦計無所施是謂先聲有奪人之心疾雷不及掩耳者也夫制軍馭將所貴見情離合疾徐各有宜適當離者合之則召亂當合者離之則寡功當疾而徐則失機當徐而疾則漏策得其要契其時然後舉無敗謀措無危勢今者屯兵而不肯爲用聚將而罔能叶心自爲鯨鯢變在朝夕留之不足以相制徒長厲階析之各競於擅能或建勳績事有必應斷無可疑解關不可以不離救焚不可以不疾理盡於此惟陛下圖之

以前件事宜臣昨晚自行營迴面奉進止以臣所商量許李晟移

就城東灼然穩便但慮懷光不免悵望因此生詞轉難調息則不如不去令臣更審細思量來者臣以事機得失所繫安危千慮百思通夕忘寐誠以貪因循而不能矯失者終有大患處艱施而不思出險者必無久安罄陳芻蕘惟所省擇謹奏

駕幸梁州論進獻瓜果人擬官狀

右欽徵奉宣聖旨自發洋州已來累路百姓進獻果子胡瓜等雖甚微細且有此心今擬各與散試官卿宜商量可否者伏以爵位者天下之公器而國之大柄也唯功勳才德所宜處之非此二途不在賞典恆宜慎惜理不可輕輕用之則是壞其公器而失其大柄也器壞則人將不重柄失則國無所持起端雖微流弊必大緣路所獻瓜果蓋是野人微情有之不足光聖猷無之不足虧至化量以錢帛爲賜足彰行幸之恩饋獻酬官恐非令典謹奏

又論進瓜果人擬官狀

右欽徵齋中書所與進瓜果人擬官狀示臣仍奉宣聖旨朕所到處欲得人心喜悅試官虛名無損於事宰臣已商量進擬與亦無妨者臣愚以爲信賞必罰霸王之資輕爵褻刑衰亂之漸信賞在功無不報必罰在罪無不懲非功而獲爵則爵輕非罪而肆刑則刑褻爵賞刑罰國之大綱一綱或替萬目皆弛雖有善理末如之何天寶季年嬖倖傾國爵以情授賞以寵加天下蕩然紀綱始紊逆羯乘釁遂亂中原遣戍歲增策勳日廣財賦不足以供賜而職官之賞與焉職員不足以容功而散試之號行焉胥徒金紫普施於輿早薰蕕無辨涇渭不分二紀于茲莫之能整當今所病方在爵輕設法貴之猶恐不重若又自棄將何勸人聖旨以爲試官虛名無損於事臣伏恐陛下思之未熟偶有是言儻或謂之信然臣竊以爲過矣夫立國之道惟義與權誘人之方惟名與利名近虛而於教爲重利近實而於德爲輕凡所以裁是非立法制者則存乎其義至於參虛實

揣輕重並行而不傷迭用而不悖因衆之欲度時之宜消息盈虛使人不倦者則存乎其權專實利而不濟之以虛則耗匱而物力不給專虛名而不副之以實則誕謾而人情不趨故國家之制賞典錫貨財賦秩廩所以彰實也差品列異服章所以飾虛也居上者必明其義達其變相須以爲表裏使人日用而不知則爲國之權得矣謹按命秩之載于甲令者有職事官焉有散官焉有勳官焉有爵號焉雖以類而分其流有四然其掌務而授俸者唯繫於職事之一官以序才能以位賢德此所謂施實利而寓之虛名者也其勳散爵號三者所繫大抵止於服色資蔭而已以馭崇貴以甄功勞此所謂假虛名以佐其實利者也虛實交相養故人不瀆賞輕重互相制故國不廢權今之員外試官頗同勳散爵號雖則授無費祿受不占員然而突銛鋒排患難者則以是賞之竭筋力展勤効者又以是酬之其爲用也可謂重矣今或捧瓜一器挈果一盛亦授試官以酬所獻則彼突銛鋒而竭筋力者必相謂曰吾以忘軀命而獲官此以進瓜果而獲官是乃國家以吾之軀命同於瓜果矣瓜果草木也視人如草木誰復爲用哉且員外試官無俸祿之資無攝管之柄無見敬之貴無免役之優唯假空名以籠浮俗浮俗所以若存若亡而未甚厭棄者徒以上之所惜耳今陛下若又輕用之以爲無損於事人寤斯旨復何賴焉後之立功曷用爲賞陛下若欲賞之以職事則官員有限而勳伐無窮固不勝其用矣陛下若欲賞之以貨財則人力已殫而帑藏皆匱固不充其費矣既未有實利以敦勸又不重虛名而濫施人無藉焉何以爲國且植瓜樹果多是野人貧者所資唯在衣食假以冗號亦奚用焉必欲使之歡欣不如厚賞錢帛人不失利國不失權各得所宜兩全其寶何有不可顧傷大猷願留睿思更少詳度謹奏

唐陸宣公集卷第十五

後學介春者英重訂

荦鄉文 晟
崇仁華廷傑 同校

奏章五

興元論解姜公輔狀

右欽差奉宣聖旨緣唐安公主喪亡不可向此間遷厝權令造一塔安置待收復京城卽擬將歸以禮葬送所造塔役功費用亦甚微小都不合是宰相所論之事姜公輔忽有表奏都無道理但欲指朕過失擬自取名朕本拔擢將爲腹心今却如此豈不負朕至深卿宜商量如何穩便者公輔頃在翰林與臣久同職任臣今據理辨直則涉於私黨之嫌希旨順承則違於匡輔之義涉嫌止貽於身患違義實玷於君恩徇身忘君臣之恥也別嫌獎義主之明也臣今不敢冒行所取亦賴陛下明聖而鑒焉古語有之順旨者愛所由來逆意者惡所從至故人臣皆爭順旨而避逆意非忘家爲國捐身成君者誰能犯顏色觸忌諱建一言開一說哉是以哲后興王知其若此求諫如不及納善如轉圜諒直者嘉之訐犯者義之愚淺者恕之狂誕者容之仍慮驕汰之易滋而忠實之不聞也於是置敢諫之鼓植告善之旌懸戒慎之輶立司過之士猶懼其未也又設官制以言爲常由是有史爲書誓爲詩工誦箴諫大夫規誨士傳言庶人謗尙恐其怠也每歲孟春遣人以木鐸徇于路而振警之官師相規工執藝事以諫其或不恭邦有常刑然非明智不能招直言非聖德不能求過行招直則其智彌大求過則其德彌光唯衰亂之朝闇惑之主則必諱其過行忿其直言以阿諛爲納忠以諫爭爲揚惡怨讟溢於下國而耳不欲聞腥德達于上天而心不求寤迨乎顛覆猶未知非情之昏迷乃至於是故明者廣納以成德闇者獨用而敗身成敗之途千古相襲與敗同轍者罔不覆與成同軌者罔不昌以陛下日月之明江海

之量自當燭夏癸殷辛拒諫飾非之惡協大禹成湯拜言改過之誠矧又時運方屯物情猶鬱乃是陛下握髮吐哺之日宵衣旰食之辰士無賢愚咸宜錄用言無大小皆務招延固不可復有忤逆之嫌甘辛之忌也夫君人者以衆智爲智以衆心爲心恆恐一夫不盡其情一事不得其理孜孜訪納唯善是求豈但從諫不拂而已哉乃至求謗言聽輿誦諤非不以下體而不採故英華靡遺芻蕘不以賤品而不詢故幽隱必達今公輔官在諫議任居宰衡獻替彌綸乃其職分比於芻蕘葑菲豈不優而且重哉此理之常奚足怪也縱使引喻非當不猶愈於輿誦乎矯激過深不猶愈於謗言乎晉文聽輿人之誦而霸業興虞舜設諝謗之木而帝德廣斯實聖賢之高躅陛下何疾焉聖旨又以造塔役費微小非宰相所論之事下臣愚竊竊謂不然當問理之是非豈論事之大小若造塔爲是役雖大而作之何傷若造塔爲非費雖小而言者何罪夫小者大之漸微者著之萌故君子慎初聖人存戒知幾者所貴乎不遠而復制理者必在於未亂之前本立輔臣置之左右朝夕納誨意在防微微而弼之乃其職也涓涓不遏終變桑田醖醖靡除卒燎原野流燭已甚禍災已成雖欲救之固無及矣書曰不矜細行終累大德易曰小人以小善爲无益而不爲也以小惡爲无傷而不去也故惡積而不可掩罪大而不可解然則小之不可不慎也如此陛下安得使之勿論乎虞書載咎繇之言曰兢兢業業一日二日萬幾兢兢慎也業業危也幾者動之微也唐虞之際主聖臣賢庶績咸熙萬邦已協而猶上下相戒既慎且危慮事之微日至萬數然則微之不可不重也如此陛下又安可忽而勿念乎舜之爲君始作漆器羣臣固爭咸謂非宜漆器之爲用也甚堅其爲費也蓋寡然猶相繼諷諫者豈不欲杜其漸而慎其初歟是知君臣之間義同一體事罔大小相須而成故舜命其臣曰作朕股肱耳目夫股肱之奉元首不以煩細而闕於運行耳目之助心靈不以

么微而廢於視聽是以臣子之於君父也盡其敬而敬焉盡其愛而愛焉敬則願及於尊榮愛則懼陷於過惡萬邦黎獻莫不皆然而況位列朝廷任當輔弼主辱與辱主安與安此而不言誰復言者禮曰近而不諫則尸利也若宰相者可謂近矣事或乖誤得無諫乎武丁賢君也傳說賢相也而武丁引金作礪以命其相說論木從繩以戒其君是則輔弼之任匡救攸屬巨細之事悉宜盡規陛下所言役費微小非宰相所論之事又謂指朕過失擬自取名此誠異乎愚臣之所聞是以願披肺腸而不敢自默者也若以諫爭爲指過則剖心之主不宜見罪於哲王若以諫爭爲取名則匪躬之臣不應垂訓于聖典獻替列職竟使奚爲左右有人復將焉用臣竊謂指過以示直固不如改過以見稱進諫以取名固不如納諫之爲美假有意將指過諫以取名但能聞善而遷見諫不逆則所指者適足以彰陛下莫大之善所取者適足以資陛下無疆之休因而利焉所獲多矣儻或怒其指過而不改則陛下招惡直之譏黜其取名而不容則陛下被違諫之謗是乃掩己過而過彌著損彼名而名益彰果而行之所失大矣一獲一失可不慎乎伏願嘉忤旨之忠祛逆耳之吝平積憤之氣弭逆詐之情然後試以愚言反覆參校庶臻至理且亮微誠謹奏

又答論姜公輔狀

右欽敘奉宣聖旨省卿所奏公輔事宜雖甚知卿盡忠然似未會朕意朕意以公輔才行共宰相都不相當在奉天時早欲停罷後因公輔辭退朕已對面許訖尋屬懷光背叛遂且因循容到山南公輔知朕必擬移改所以固論造塔事實直取名據此用心豈是良善朕所以惆悵者祇緣如此卿今疑朕不能納諫殊乖本意者臣以執執務在朴忠推理而言有懷必盡審意玄妙非凡所窺如臣懵昧之材且無希伺之志奏報失旨宜其固然所冀錄微款而矜至愚實天下幸甚古人有言曰明主者可以理奪又曰主聖則臣直今陛下稟天縱

之才備明聖之資臣若抱理莫伸守直不固上虧至化罪莫大焉輒復據直道而理其前言惟陛下留意幸察臣竊以領覽萬幾必先虛其心鑑鏡羣情必先誠其意蓋以心不虛則物或見阻意不誠則人皆可疑阻於物者物亦阻焉疑於人者人亦疑焉萬物阻之兆人疑之將欲感人心致於和平盡物理使無紕繆是猶却行而求及前人也無乃愈疎乎孔子曰不遷怒不儻不信豈非懼於肆情逞憾以至于失中違道者哉臣之區區志欲匡輔是以前者奏疏願陛下平積憤之氣弭逆詐之情然後試以愚言反覆參校庶臻至理且亮微誠今陛下以素欲廢罷公輔之心而謂其所行皆非良善則是遷怒而積憤之氣未平也陛下揣公輔知必移改之意而謂其所言皆欲取名則是儻不信而逆詐之情未弭也逆詐未弭積憤未平固宜公輔獲戾於蓄疑下臣見尤於乖意謂之至當則或不然夫臣之獻言以助理也君之求諫以弼違也言苟助理何必以人而廢言諫苟弼違何必責意而拒諫若彼言無足用意雖善而奚爲諫有可從人雖咎而寧捨古先聖王所以採納非詢芻蕘傳謗言用仇怨急於聽納乃至於斯其意無他惟義所在願陛下不以憎嫌而遺其片善不務精察而謂之大明忠言者利於行而拂於情唯計慮至熟乃能無忤幸紆宸鑒更審所宜謹奏

興元論請優獎曲環所領將士狀

右曲環所領一軍悉是朱泚部曲或頃在鳳翔所管或本從河朔同來後因汴宋用兵權抽赴彼應援所以行營將士猶舉幽隴爲名今之元兇乃其舊帥岐下則楚琳助亂荊門則朱滔黨姦獨此偏師漂然河上其營幕則寄于他土其家屬則陷于匪人又屬汴路姦虞浚城陷覆糧餉屢絕資裝久殫士卒常情固難安處是宜潰歸舊管否則散適樂郊而曲環撫之悉無離叛孤軍自守亦不苟從處危能安聞難輒赴甚推齊肅累著功勳近日將帥之中罕有如環之比考其

才節絕有過人但緣竊寓多時窮賈轉甚繼陳章奏言及酸辛告急朝廷則力未能救求哀郡府則人莫見憂覽其辭情可爲流涕若失於應接則終以危亡良將義徒實在深惜願陛下不以常人遇之不以常事遣之方今勢可相資唯有江左完實恐須密勸韓滉切令瞻恤此軍器甲衣糧咸使周足因賜劉洽手詔亦委加意保持若得自存必有成績非艱難無以表特操非英聖不能全異才有功見知人必悅勸臣不勝區區爲國獎善拯危之意謹啓事以聞謹奏

興元論解蕭復狀

右欽澈蕭復表示臣兼奉宣聖旨朕比緣李懷光兇狂權且就此迴避山南既與京畿接近指麾兵馬日望收城今蕭復勸朕令幸江陵表狀之中張皇頗甚朕不會其意昨問從一從一亦甚驚怪不知事由蕭復奏事官李充朕適喚對共語亦似不是純良此人莫是李承昭家子弟否卿宜審看蕭復表中意趣斟酌奏來者臣伏觀其表兼揣其情蓋以遠路傳聞事多失實大臣獻納務且竭誠雖有過當之虞失中之策但宜勿用不足爲尤何則駐蹕奉天屯難已甚況又不駐艱危可知蕭復備位樞衡奉使宜撫忽聞變故寧免驚憂梁岷之間窮隘特甚輦輓攸止資奉實難凡在戀主之誠各懷後后之志是以延賞奉迎於西蜀韓滉望幸於東吳此乃臣子之常情古今之通理蕭復所請亦類於斯事雖非宜意則可恕李充頃任御史臣嘗與之同寮其人是故福建觀察使李椅之男共承昭房從己遠才頗通敏性亦溫恭宗族之中足稱佳器伏願更廣詢訪方驗臣言不誣謹奏

又答論蕭復狀

右欽澈奉宣聖旨卿所奏蕭復事朕已具悉假使更無別意終是不識事宜今巡行諸道轉恐事多乖失緣孟皞年老今欲除蕭復爲福建觀察使便令赴任去就亦應得所卿意以爲何如者伏以將相之

任所委皆崇中外迭居亦是常理然君臣有禮進退不可以不全理體有宜本末不可以不稱頃盜興都邑駕適郊畿陛下悔征賦之殷繁念黎元之困悴誕降慈旨深示憫傷特遣大臣普詢疾苦本期還報將議優蠲衆情喁喁日上達今若未終前命遽授遠藩則是膏澤將布而復收渙汗已發而中廢事既失望人何以觀斯乃進退之禮不全本末之宜不稱謂爲得所臣實疑之億慮處事乖方不欲淹留在外則當諭以詔旨促其歸程遠郡巡歷未周但令副介分往待其復命親訪物情革弊垂恩用符德號使務既畢能否益彰徐擇所宜以圖進退庶於事體允得厥中謹奏

興元論續從賊中赴行在官等狀

右欽澈奉宣聖旨近日往往有卑官從山北來皆稱自京城偷路奔赴行在大都此輩多非良善有一邢建論說賊中體勢語最張皇察其事情頗有窺覘今且令留在一處安置如此之類更有數人若不根尋恐有姦計卿宜商量如何穩便者臣伏以任總百揆者與一職之守不同富有萬國者與百揆之體復異蓋尊領其要卑主其詳尊尚恢宏卑務近細是以練覈小事糾察微姦此有司之守也維御萬樞選建庶長總綱而衆目咸舉明邇而羣方自通此大臣之任也愚智兼納洪纖靡遺蓋之如天容之如地垂旒黻纘而黜其聰察匿瑕藏疾而務於包含不示威而人畏之如雷霆不用明而人仰之如日月此天子之德也以卑而僭用尊道則職廢于下以尊而降代卑職則德喪于上職廢則事不舉德喪則人不歸事不舉者弊雖切而患輕人不歸者弊似微而禍重茲道得失所關興亡聖王知宇宙之大不可以耳目周故清其無爲之心而觀物之自爲也知億兆之多不可以智力勝故壹其至誠之意而感人之不誠也異於是者乃以一人之聽覽而欲窮宇宙之變態以一人之防慮而欲勝億兆之姦欺役智彌精失道彌遠故宣尼述陶唐之盛曰惟天爲大惟堯則之周

詩美文王之德曰不識不知順帝之則是皆覆育萬物渾然大同無好無惡不忌不克之謂也項籍納秦降卒二十萬慮其懷詐復叛一舉而盡坑之其於防虞亦已甚矣漢高豁達大度天下之士至者納用不疑其於備慮可謂疏矣然而項氏以滅劉氏以昌蓄疑之與推誠其効固不同也秦皇嚴衛雄猜而荆軻奮其陰計光武寬容博厚而馬援輸其款誠豈不以虛懷待人人亦思附任數御物物終不親情思附則感而悅之雖寇讎化爲心膂有矣意不親則懼而阻之雖骨肉結爲仇慝有矣臣故曰茲道得失所關興亡伏惟陛下睿哲文思光被四表孝友勤儉行高百王然猶化未大同俗未至理者良以智出庶物有輕待人臣之心思周萬幾有獨馭區寓之意謀吞衆略有過慎之防明照羣情有先事之察嚴束百辟有任刑致理之規威制四方有以力勝殘之志由是才能者怨於不任忠蓋者憂於見疑著勳業者懼於不容懷反側者迫于攻討馴致離叛構成禍災兵連于外變起于內歲律未半乘輿再遷國家艱屯古未嘗有以陛下至聖之德而遭茲殷憂之期天其或者欲大啓睿心儆小失而崇丕業耳臣謂陛下當奉若天意追咎已然凡所致寇之由悉已詳知其故將革前弊以消羣疑今承德音尚襲流誤若未悔禍何由弭災臣獲蒙過知又辱下問若務順旨是爲欺天庸敢指陳庶裨闕漏往歲初奮師旅四征不庭義烈之徒人思自効捨逆歸款者繼獻于闕下陳謀諫失者爭詣于禁門陛下能於此時乘軍氣之方雄因人心之願盡輟沐浴虛襟坦懷海納風行不疑不滯功者報之義者旌之直者獎之才者任之其或有志而無補於時敢言而不當其理亦必恕其妄作錄其善心率皆優容以禮進退如此則海內風靡翕然歸心賢愚咸懷小大畢力最爾凶醜會何足平臣固知久已理安必無奉天之幸矣其所以孕禍胎而索義氣者在乎獨斷宸慮專任睿明降附者意其窺覲輸誠者謂其遊說論官軍撓敗者猜其挾姦毀沮陳

兇黨強狡者疑其爲賊張皇獻計者防其漏言進諫者憚其宣謗凡此之類悉貽聖憂咸使拘留謂之安置或詰責而實於客省或勞慰而延于紫庭雖呵獎頗異其辭然於圈閑一也既杜出入勢同狴牢解釋無期死生莫測守護且峻家私不通一遭繫維動歷年歲想其痛憤何可勝言由是歸化漸稀而上封殆絕矣徇義之心既阻脅從之黨彌堅而貴近之臣往來之使希望風旨詭辭取容唯揣樂聞不憂失實咸言聖謀深遠策略知神小寇孤危滅亡無日陛下急於誅惡皆謂其事信然窮兵竭財坐待平一人心轉潰寇亂愈滋遂至數下生戎宮闈不守儻陛下能於此際遽數大號謝過萬方敘忠良見忌之冤而舉其尤鯁亮者加之厚秩糾阿諛不實之罪而數其極姦妄者處之大刑賞罰既明忠邪畢辨以此臨下誰敢不誠以此懷人何有不服過而能改亂亦遄安臣固知尋復京師心無梁岷之遊矣陛下既關慎于始又失圖于中收之西隅唯在茲日豈可復使一事紕繆一言過差哉今賊泚未平懷光繼叛都邑城闕契踰迭居關輔郊畿豺狼雜處朝廷僻介于遠郡道路緣歷於連山杖策從君其能有幾推心降接猶恐未多稍不禮焉固不來矣若又就加猜劾且復囚拘使反者得辭來者懷懼則天下有心之士安敢復言忠義哉卵胎不傷麟鳳方至魚鼈咸若龜龍乃遊蓋悅近者來遠之資懷小者致大之術也竊料邢建等輩必非助逆之徒假如過有張皇跡涉疑似亦望矜愚惜體屈法裕人並量器能隨事甄貸武者措之於戎伍文者付之於宰司大則授以職員次但優其選序必有須離行在難處親軍則或除諸道一官或委諸使錄用就其常分各稍加恩古人有言撫我則后虐我則讎惠澤所及謳歌乃歸流聞四方孰不欣戴昔趙殺鳴犢聖人輟行燕寧郭隗賢士繼往況乎天子所作天下式瞻一言阻物則天下莫不自疑一事恤人則天下莫不同悅固不可以小失爲無損而不悔亦不可以小善爲無益而不行小猶慎之矧

又非小願陛下惟事無大小皆以履車之轍爲戒實宗社無疆之休
謹奏

唐陸宣公集卷第十五

原
书
空
白
页

唐陸宣公集卷第十六

後學介春耆英重訂

萍鄉文 晟
崇仁華廷傑 同校

奏草大

興元賀吐蕃尚結贊抽軍迴歸狀

右欽湊奉宣聖旨適得渾瑊奏比日尚結贊頻使人計會擬自領兵馬剋期同收京城緣春來蕃軍多有疾疫近得探報尚結贊等並抽兵退歸不知遠近朕意緣吐蕃士馬強盛又以和好之義自請將兵助國討賊朝夕望其成功今忽抽軍退歸甚失準擬渾瑊李晟等諸軍兵馬並不至絕多若無蕃軍應援深慮被賊衝突卿試料量事勢如何者臣質性孱昧不習兵機但以人情揆之時亦偶有所得自承此旨欣賀實深竊謂蕃戎退歸乃是社稷遐福昨日已附欽湊口奏訖伏恐未盡愚款尚勞聖憂謹附披陳庶解疑結彼吐蕃者犬羊同類狐鼠爲心貪而多防狡而無恥威之不格撫之不懷雖或時有威衰大抵常爲邊患陰詐難御特甚諸夷陛下但舉建中已來近事準之則戎心難知固可明矣頃者方靖中夏未遑外虞因其乞盟遂許結好如恩降禮有欲無違而乃邀求寢多翻覆靡定託因細事噴有煩言首尾凡歷四年要約竟未堅決立碑纔畢復請改移猜矯多端於斯可驗逮至盜驚都邑駕幸郊畿結贊總戎在邊因請將兵赴難陛下推誠允納厚賂招徠逗留持疑竟不時進無濟討除之用但攜將帥之心懷光遽至猖狂頗亦由茲促禍及皇輿再駕移蹕漢中陛下猶望蕃兵以寧內難親倚之情彌厚屈就之事亦多豺狼野心會不知感翻受朱泚信使意在觀變推移頻與諸軍剋期至時皆不赴會致令羣帥進退憂虞欲捨之獨前則慮其懷怨乘蹕欲待之合勢則苦其失信稽延既姦且驕曷望成績非唯變態難測且又妨擾實深戎若未歸寇終不滅臣請復爲陛下根本其說則人情物理昭然

皆可得而察焉向者謀誘蕃兵本是使臣失策陛下急於戡亂嘉彼効誠唯恐後時不暇詳議遽降優詔促令進軍遠近聞之莫不危駭將帥意陛下不見信任且患蕃戎之奪其功士卒恐陛下不恤舊勞而畏蕃戎之專其利賊黨懼蕃戎之勝不死則悉遺之擒百姓畏蕃戎之來有財必盡爲所掠是以順於王化者其心不得不怠陷於寇境者其勢不得不堅怠我之師堅寇之衆戎心變詐復未可量以此益兵但招其損耳以此靖國適資其亂耳抑昨蕃戎未退臣又竊有過憂流聞結贊好謀恐其潛蓄姦計儻或幸朝廷播越之際乘賊泚窮蹙之時輕犯近郊若升虛邑耀兵牧馬不却不前外奉國家內通兇逆兩持誘脅之勢俱納贈遺之資旁觀戰爭坐乘衰弊如此則王師不得伐叛烝黎不得寧居賊必耗亡我亦困竭京甸所有勢無子遺千里邱墟得將安用是乃戎有萬全之利我有不測之危臣所以痛心傷神晝驚夕惕者慮其意及於此也所賴天奪其魄神降之災觀機若暝遽屬自遁實吳穹悔禍之應列聖垂祐之期廓清妖氛慶必非遠何以知其然也自賊泚之亂始於暴兵因徵役之繁興乘衛禁之闕備誘扇羣慝遂謀大姦逆天僭君躬肆攻逼凡有血氣皆知惋嗟矧伊忠良孰不痛憤獨惡無與何能久存加以聖德日新改過不吝布革弊之詔宏恤隱之懷天下黎元翕然遷善易心改觀厭亂思安和風既揚昏侵自斂蠢茲狂悖久合殲夷頃屬懷光昏迷緩師養寇吐蕃干撓生事惑人故使義士無施厲階猶梗今懷光別保蒲絳吐蕃遠避封疆形勢既分腹背無患賊晨諸帥才力得伸又各士馬非多資糧向竭若不降賊即須建功此輩寵任已崇貴位已極建功則寵增而位固降賊則名辱而身危況賊之兇愚滅亡可必賊之孤劣窮撲非難難肯捨固而就危違寵而從辱棄垂成之業臣將滅之虞哉既牽於利害之情理不同惡又迫於單乏之急勢難久居勢理相驅安能無戰渾瑊統戴休顏韓遊瓌乘其西北李晟率駱元光

尚可孤攻其東南同病相資自當合力但願陛下慎於撫接以奮起忠勇之心勤於砥礪以昭蘇遠近之望中興大業旬月可期不宜尚眷眷於犬羊之羣以失將士之情也臣愚不任懇悃之至輒以私懷忤度謹冒昧以聞謹奏

興元奏請許渾城李晟等諸軍兵馬自取機便狀

右欽差奉宣聖旨省卿所奏蕃軍退歸及關中體勢理皆切當其慰朕懷然渾城李晟等諸軍須有商量規畫令其進取朕見欲遣使宣慰卿宜審細條疏速奏來者臣聞將貴專謀兵以奇勝軍機遙制則失變戎帥稟命則不威是以古之賢君選將而任分之於閫誓莫干也授之以鉞俾專斷也夫然故軍敗則死衆戰勝則策勳不用刑而師律貞不勞慮而武功立其於委任之體豈不博大哉其於責成之利豈不精覈哉自昔帝王之所以夷大艱成大業者由此道也其或疑於委任以制斷由己爲大權昧於責成以指麾順旨爲良將鋒鏑交於原野而決策於九重之中機會變於斯須而定計於千里之外違令則失順從令則失宜失順則挫君之嚴失宜則敗君之衆用捨相礙否臧皆凶上有掣肘之譏下無死綏之志其於分畫之道豈不兩傷哉其於經綸之術豈不都謬哉自昔帝王之所以長亂繁刑喪師蹙國者由此道也茲道得失兵家大樞當今事宜所繫尤切蓋以寇盜充斥乘輿播遷人心有觀變之搖王室無自固之重秦梁迴繚千里迢遙臨之以威則力勢不制授之以策則阻遠不精頃者驟降詔書教諭羣帥事無大小悉爲規裁及乎章表陳誠使臣復命進退遲速率乖聖謀豈皆樂於違忤哉亦由傳聞與指實不同懸算與臨事有異故也設使其中或有肆情干命者陛下能於此時戮其違詔之罪乎臣竊恐未能也陛下復能奪其兵而易其將帥乎臣亦恐未能也是則違命者既不果行罰從命者又未必合宜徒費空言祗勞睿慮匪唯無益其損實多何則時方艱屯下陵上替凡在執干戈而

衛社稷者皆自謂勳業由己義烈發心安於專行病於羈制陛下宜俯徇斯意因而委之遂其所安護其所病敦以付授之義固以親信之恩假以便宜之權待以殊常之賞其餘細故悉勿關言所賜詔書務從簡要慎其言以取重深其託以示誠言見重則君道尊託以誠則人心感尊則不嚴而衆服感則不令而事成其勢當令智者騁謀勇者奮力小大咸極其分賢愚各適其懷將自効忠兵自樂戰與夫迫於驅制不得已而從之者志氣何啻百倍哉夫君上之權特異臣下者唯不自用乃能用人其要在順於物情其契在通於時變今之要契頗具於茲儻蒙究思或有可取謹奏

興元請撫循李楚琳狀

右件官比緣性行無良多爲時議所惡頻被封章論奏言其心挾兩端若不隄防恐妄生窺伺謂宜斥絕用杜姦邪近者鳳翔使來絕不蒙恩召見滯留數輩並未放還伏恐陛下不忍忿心頗從輿議以臣意竊竊謂非宜李楚琳乘時艱危倣擾岐下賊殺戎帥款結兇渠奉天之圍頗亦有助其於叛亂海內彰聞論者今始紛紜一何知見之晚耶但以乘輿未復大慙猶存勤王之師悉在畿內急宜速告晷刻是爭商嶺則道迂且遙維谷復爲盜所扼僅通王命唯在褒斜此路若又阻艱南北遂將覓絕以諸鎮危疑之勢居二逆誘脅之中洵洵羣情各懷向背賊勝則往我勝則來其間事機不容差跌儻或楚琳發憾公肆猖狂南塞要衝東延巨猾則我咽喉梗而心膂分矣其勢豈不甚病哉且楚琳本懷惟惡是務今能兩端顧望乃是天誘其衷故通歸塗將濟大業陛下誠宜深以爲念厚加撫循得其持疑便足集事儻能遷善亦可濟師今若徇褊狹之談露猜阻之跡懼者甚衆豈唯一夫自昔能建奇功或拯危厄未必皆是潔矩之士溫良之徒驅駕擾馴唯在所馭朝稱兇悖夕謂忠純始爲寇讎終作卿相知陳平無行而不棄忿韓信自王而遂封蒯通以折理獲全雍齒以積恨

先賞此漢祖所以恢帝業也置射鉤之賊而任其才釋斬祛之怨以免於難此桓文所以宏霸功也然則當事之要雖罪惡不得不容適時之宜雖仇讎不得不用陛下必欲精求素行追扶宿疵則是改過不足以補愆自新不足以贖罪凡今將吏豈得盡無疵瑕人皆省思孰免疑畏又況阻命之輩脅從之流自知負恩安敢歸化斯輩非小所宜速圖孔子曰人而不仁疾之已甚亂也又曰小不忍則亂大謀君陳曰無忿疾于頑又曰必有忍其乃有濟伏願陛下必以英主大略聖人格言爲元龜固不可納賢儒小忠以虧撓興復之業也臣不勝憂國至計謹啓事以聞謹奏

興元論中官及朝官賜名定難功臣狀

右欽湊奉宣聖旨比在奉天將士並賜名定難功臣今宰臣等商量慮從中官辛苦至甚亦合依例並賜此名朕以南衙朝士之中有經奉天重圍又似卿等昨者奔赴行在涉歷危險亦極艱難今不問中官朝官但經重圍又到山南者並擬賜名定難功臣卿宜商量豈不穩便者陛下惠澤暫御仁治庶寮念隨難之憂危恤從巡之勞苦議增寵飾將錫嘉名事雖未行意則已就凡在貴近固知銜恩眷旨淹詳復詢庸賤惟精惟慎允謂防微顧省何知屬當下問臣若自貪榮號傍懼怨憎因循順成不極所見心且知負如天鑒何是以不揆言之淺深不計身之利害但輸狂直唯聖所裁臣聞賞以懋庸名以彰行賞乖其庸則忠實之效廢各浮於行則瀆冒之弊興一足以撓國權一足以亂風俗授受之際豈容易哉頃以駐蹕奉天迫於患難竟攘兇逆實賴武人遂旌定難之勳特賜功臣之目各頒符寶事亦會時所需雖多誰曰非允至如宮闈近侍班列具臣雖奔走恪居各循厥職而驅除翦伐諒匪所任又屬皇輿再遷天禍未悔見危無補曷謂功臣致寇方深孰云定難縱使遭罹圍逼跋履崎嶇難則當之定將安據勞或有矣功其謂何大凡有生之倫莫不各親其類賤彼貴

我抑惟常情黜異疑同亦是常性臣忝搢紳之列又當受賜之科竊自校量猶知不可而況於公議乎況於介冑之士乎人之多言靡所不至必謂陛下溺愛近習故徇其苟得之情況該羣司以分其私昵之謗怨不在大覺皆自微必將沮戰士激勵之心結勳臣憤恨之氣所悅者寡所愠者多所與者虛名所失者實事所悅者臣下之志所病者國家之大猷利害皎然不爲難辨且名者衆之所評也是曰公器亦爲爭端覈之至精猶患相軋處或乖當安能勿踰以漢高之制服雄豪太宗之削平區寓天下既定乃論功勳有蕭曹之殊庸有房杜之碩畫戰守經略倬乎殊倫猶謂豐沛故人刀筆文吏諸將不服頗相訐揚乃至攘袂指天拔劍擊柱偶語謀反誼譴訟冤矧今國步猶艱王化未洽方資武力以殄寇讎蓋非恩倖競進之時文儒角逐之日當功而獎尚恐未孚獎又非功固宜見諸儻有節効尤著理當褒崇賞典甚多何必在此其餘別無續用例徇驅馳且俟賊平甄錄非晚謹奏

興元論賜渾瑊詔書爲取散失內人等議狀

右德亮承旨并錄先所散失內人名字令臣撰詔書以賜渾瑊遺於奉天尋訪以得爲限仍量與資裝速送赴行在者頃以理道乖錯禍亂荐鍾陛下思咎懼災裕人罪己屢降大號誓將更新天下之人垂涕相賀懲忿釋怨煦仁戴明畢力同心共平多難止土崩於絕岸收板蕩於橫流殄寇清都不失舊物實由陛下至誠動於天地深悔感於神人故得百靈降康兆庶歸德苟不如此自古嘗有擲棄宮闕失守宗祧繼逆於赴難之師再遷於蒙塵之日不踰半歲而復興大業者乎今渠魁始平法駕將返近自郊甸遠周實瀛百役疲瘵之毗重傷殘廢之卒皆忍死扶病傾耳竦肩想聞德聲翹望聖澤陛下固當感上天悔禍之眷荷烈祖垂裕之休念將士鋒刃之殃敗黎元塗炭之酷以致寇爲戒以居上爲危以務理爲憂以復宮爲急損之又損

尙懼汰侈之易滋艱之惟艱猶患戒慎之難久謀始盡善克終已稀始而不謀終則何有夫以內人爲號蓋是中靈末流天子之尊富有宮掖如此等輩固繁有徒但恐傷多豈憂乏使翦除元惡曾未浹辰奔賀往來道路如織何必自虧君德首訪婦人又令資裝速赴行在萬目閱視衆口流傳恐非所以答慶賴之心副惟新之望也夫事有先後義有重輕重者宜務之於先輕者宜措之於後故武王克殷有未及下車而爲之者有下車而爲之者蓋美其不失先後之宜也自翠華播越萬姓靡依清廟震驚三時乏祀當今所務莫大於斯誠宜速遣大臣馳傳先往迎復神主修整郊壇展禋享之儀申告謝之意然後弔恤死義慰犒有功綏輯系黎優問耆耄安定反側寬宥脅從宣暢鬱堙褒獎忠直官失職之士復廢業之人是皆宜先不可後也至如崇飾服器繕緝殿臺備耳目之娛選巾櫛之侍是皆宜後不可先也宜後而先則爲君之道喪宜先而後則理國之義差古之興王必慎於此陛下將務興復又安可不慎乎且散失內人已經累月既當離亂之際必爲將卒所私其人若稍有知不求當自陳獻其人若甚無識求之適使憂虞自因寇亂喪亡頗有大於此者一聞搜索懷懼必多餘孽尙繁羣情未一因而善撫猶恐危疑若又懼之于何不有昔人所以掩絕纓而飲盜馬者豈必忘其情愛耶蓋知爲君之體然也以小妨大明者不爲天下固多美人何必獨在於此易曰危者安其位者也亂者有其理者也故君子安不忘危理不忘亂是以身安而國家可保也春秋傳曰或多難以固其國或無難以喪其邦誠以處危則思安之情切遭亂則求理之志深切於思安深於求理國之固也不亦宜乎及夫居安而驕恃理而怠驕則縱肆其奢欲急則厭惡於忠言奢欲日行忠言日梗國之喪也不亦宜乎昔衛獻出奔久而復國大夫迎於境者執其手而與之言迎于門者頷之而已言其驕怠之易生也齊桓將圖霸功管仲戒之以無忘在莒懼其情志

之易變也今臣亦願陛下企思危固國如不及懲忘亂喪國如探湯以在莒爲書紳之規以衰衛爲覆車之鑒則德爲帝範理致時雍與夫貪逸欲而踐禍機其利害亦云遠矣所令撰賜渾瑊詔未敢承旨伏惟聖裁謹奏

鑾駕將還宮闕論發日狀

右先頒勅旨已定行期所司供承亦聞粗備但以霖潦方甚道路阻艱衆情同憂莫敢論奏今發日漸逼陰雲尙繁小大嗷嗷愁懼轉甚臣雖闇鈍亦竊揣量豈不知元惡初平餘氛未殄乃是逆順將分之際吉凶多變之時須速鎮安理宜促駕向使霖潦爲害人功可施其備禦由於智能其役用止於煩費其所患不及於性命其可憂但在於人臣則當公私罄財上下竭力務寧大業奚恤暫勞各應叶奉聖規安敢復忤成命良以褒斜峻阻素號畏途緣側逕於巔巖綴危棧於絕壁或百里之內歷險且千或一程之中涉水數四若遇積雨滯浸羣峯澍流巨石崩奔旬殷相繼深谷瀾漫往來不通悉非功力之所支籌略之所遏斯須之頃跬步之間蒼黃遽殃皆不可測匹夫單騎尙且過防況萬乘時行千官景從而可以蹈不存之險冒無禦之災乎如或磴路淒涼崩閣淹圯環衛之儀少缺屬車之馬微驚縱有億徒何所爲用陛下欲無駭慮其可得乎又或滯滯更深谿澗皆盜徑路既絕傳送無由連山萬重進退不可一日乏食將如之何陛下欲無軫憂固亦難矣人主舉措宜圖萬全必先事以防危不臨危而求幸幸而獲濟貽媿已深不幸罹災追悔何及孔子曰欲速則不達誠哉是言臣今非敢阻陛下欲速之情但願以不達爲慮耳儻迴睿旨少俟開晴則發期雖延涉路無滯不疾而速允叶乾行知幾其神是謂天鑒竊聞羣議輒以上陳懷懣懇誠實冀昭納謹奏

請釋趙貴先罪狀

右欽徽奉宣聖旨前者共卿商量趙貴先欲恕其罪朕朝來更問諸

將皆云貴先順從朱泚則是逆人合依常刑不可寬捨衆人意既如此應難釋放卿宜知悉者臣愚以爲貴先從逆之罪法當不容貴先陷身之由情則可恕陛下所議矜宥原其情也諸將所請誅戮據於法也據法而除君之惡者人臣之常志原情而安衆之危者人主之大權臣主之道既殊通執之方亦異言各有當體各有宜事或相駁而無傷此之謂也往以襄城告急詔命隴右發兵齊映率衆東行貴先卽其部將于時軍至昭應適遇駕幸奉天齊映馳歸鳳翔貴先獨主營幕進無總帥退闕亂兵遂爲賊泚所招給以同迎鑾駕泚既反狀未露貴先安得勿從已受邀留遂遭劫制身縻僞職兵隸兇徒雖居賊中亦不見任首末事跡簡在天心臣亦親承德音非獨聞於傳說其於情狀頗有足矜所可受責之辜唯在不能守節而死耳貴先儻能守節卽是忠烈之徒固獲褒旌豈寬捨凡所議讞蓋緣獄疑罪疑惟輕實編令典脅從罔理亦載聖謨況復懷光未殲希烈猶熾遭罹誘陷其類實繁今京邑初平皇猷更始乃是汚俗觀化之日聖王布德之時所用刑章尤宜審慎一輕一重理亂攸生宥之以恩則自新者咸思歸命斷之以法則懷懼者姑務偷生衆心旣偷賊勢愈固不忍一朝之忿而貽累歲之憂苟循匹夫之談以興億衆之役爲計若此夫何利之有焉曩者羯胡亂華染汚士吏肅宗興復累降赦書罪止渠魁餘所不問河朔遺孽旣聞德澤之宏被且幸脅汚之見原人人皆自怨尤各悔歸國之晚及乎三司按罪繼用嚴科未降之流復喜得計慶緒將消而再結思明已附而重播浸長厲階至今爲梗豈不以任法吏而虧權道小不忍而亂大謀者乎昔漢高帝旣定四方見諸將往往偶語謀反乃問張良曰爲之奈何良曰陛下所最恨者爲誰帝曰雍齒與我有舊而數窘我良曰今急封雍齒則人人自堅矣帝用良計諸將果安皆云雍齒且侯吾屬何患蓋以圖霸王者不牽於常制安反側者罔念於宿瑕今陛下有漢高之英貴先無

雍齒之釁加戮不足威暴逆矜全可以定危疑明恕而行威德斯在何所爲慮尙勞依違微臣區區上言蓋爲將來張本凡非首惡皆願從寬庶使負累之徒莫不聞風而化消殺兇誘惑之計開叛亂降附之門此其大機不可失也陛下前意固爲善矣伏惟不爲浮議所移謹奏

論替換李楚琳狀

右欽淑奉宣聖旨李楚琳不可久在鳳翔欲候朕到日簡擇一人替楚琳充節度使楚琳別與一官便隨朕歸京既有迎駕諸軍威勢甚威因此替換亦是權宜卿宜商量穩便否者臣聞王者有作先懷承圖謀必可傳事必可繼不因利以苟得不乘便而幸成故能上下相定而理可長久也彼楚琳者固是亂人乘國難而肆逞其姦賊邦君而篡居其位按以典法是宜汚瀦既屬多虞不遑致討乃分之以旄鉞又繼之以寵榮逮至南巡頗全外順道途無壅亦有賴焉雖朝命累加蓋非獲已然王言一出則不可渝縱關君臣之恩猶須進退以禮今若因行幸之威勢假迎扈之甲兵易置以歸是同虜執以言乎除亂則不武以言乎務理則不誠禍變繁興爲日久矣負釁居位豈唯一人以此時巡後將安入以此撫御誰其感懷昔漢高僞游韓信見獲功臣繼叛天下幾危征伐紛紜以至沒代其微倖之不可也如此陛下得不爲至戒哉議者謂之權宜臣又未諭其理夫權之爲義取類權衡衡者稱也權者錘也故權在於懸則物之多少可準權施於事則義之輕重不差其趣理也必取重而捨輕其遠禍也必擇輕而避重苟非明哲難盡精微故聖人貴之乃曰可與適道未可與立可與立未可與權言知機之難也今者甫平大亂將復天衢輦路所經首行脅奪易一帥而虧萬乘之義得一方而結四海之疑乃是重其所輕而輕其所重謂之權也不亦反乎以反道爲權以任數爲智君上行之必失衆臣下用之必陷身歷代之所以多喪亂而長姦邪

由此誤也夫以韓信才略當時莫儔且負嫌猜已遭告訐縱之足以亂區寓除之可以安國家幸而成擒猶謂失策當時被攻戰之害百代流詭詐之譏況楚琳卒伍凡材庸養賤品因時擾攘得肆猖狂非有陷堅殲敵之雄出奇制勝之略頗同狐鼠乘夜睚眦晨光既升勢自踈縮今郊畿已入武衛方嚴濟隴鎮壓於其西郊逕扼制於其北顧是岐下若居掌中以楚琳瑣劣之資處掌中控握之地縱令躊躇何惡能爲願陛下姑務含宏普安反側促駕遄止錄功犒勳數肆肯之恩布惟新之令然後徵章舉楚琳俾入分文武之職擇元勳宿望命出總岐隴之師則彼承詔欣榮奔走不暇安敢冀介復勞誅鉏措置得宜萬無一跌何遽過動不爲後圖仰希睿聰試更詳慮謹奏

收河中後請罷兵狀

昨日欽澈奉宣聖旨示臣馬燧渾瑊等奏平懷光收河東狀兼令臣商量須作何處置今欽澈奏來者兇梗殲盡關畿廓清實聖謀廣運之功亦宗社無疆之祚應須處置大略已附欽澈口陳展轉傳言恐未盡意謹復薦其固陋願陛下少留察焉臣聞禍或生福福亦生禍喪者得之理得者喪之端故晉勝鄆陵范變祈死吳克勁越夫差啓殃是知福不可以久微幸得不可以常觀覲居福而慮禍則其福可保見得而忘喪則其喪必臻臣竊懼詔諫希旨之徒險躁生事之輩幸兇醜覆亡之會揣英主削平之心必將競効甘言誘開利欲謂王師所向莫敵謂餘孽指顧可平請迴蒲坂之戈復起淮沂之役斯議一啓必有亂階故微臣姑以生禍爲憂而未敢以獲福爲賀也何則建中之難其事可徵始以蓄憾而陷於含容或以亟勝而輕於戰伐故文喜之討涇上之瘡痛未平崇義之征漢南之莢夷繼甚阻命之帥非不誅也伐叛之師非不克也介焉之斷非不堅也赫斯之怒非不逞也然以人不見恤惟戮是聞有辜無辜不敢自保是以抱甕反側者懼鉅鉞之次加畏禍危疑者慮猜譖之旋及遂乃蠡結以拒討

復顧以背恩彌兩河而亘淮夷邊三輔而盜京邑變輅爲之再駕行宮至于合圍于時海內大搖物情幾去天命莫保于寸壘王威不出於一城邦國之机隄艱屯綿綿聯聯若包桑綴旒幸而不殊者屢矣勢之危窘實足寒心非有曩時能罷翕習之師雷霆奮發之勢武庫劍戟之利帑藏財賦之殷其所以施令率人取威定亂比於建中之始豈不至微至殺哉然而陛下懷悔過之深誠降非常之大號知贖武窮兵之長亂知急征重斂之勦財知殘人肆欲之取危知違衆率心之稔惡知悉庶困極之興怨知上下鬱埋之失情德音渙然與之更始所在宣敷之際聞者莫不涕流雖或兇獷匪人亦必爲之獻款誠之動物乃至于斯懷集鳴以好音消覆沴爲和氣由是姦回易慮黎獻歸心假王叛援之夫削僞號以請罪觀覽首鼠之將壹純誠以効勤流亡凍餒者希保於室家屯戍戰爭者冀全其性命德澤將竭而重霽君臣已絕而更交天下之情翕然一變曩討之而愈叛今釋之而畢來曩以百萬之師而力殫今以咫尺之詔而化洽是則聖王之數理道服暴人任德而不任兵明矣羣帥之悖臣禮拒天誅圖活而不圖亡又明矣尙恐陛下以臣言之略而未喻也請復循其本而申備之往以河朔青齊同惡相扇擁戎據土易代不庭陛下取王化之未同忿姦惡之靡格於是發六軍神策河陽河東澤潞朔方之騎士以徂征于北命永平汴宋幽隴江淮閩嶺之將卒以奮伐于南罄國家庫帑以贍軍悉公私廢牧以張武算斂周於萬類徵徭被於八荒勞已甚矣威亦威矣旣而曠日綿歲老師費財兩河之寇患有如無瘳而邦本已殆覆矣洎涇卒倡亂泚戎構災豺狼整居於禁闥豺獠擇肉於馳道河朔問罪之衆布路而歸宋郊仗順之師守壘不暇于斯之亂海內沸騰儻有問鼎之雄圖滔天之巨猾幸災乘間何所不爲旣而悅納之傳咸自斂縮內無非望之議外無軼境之侵及聞天澤滌瑕制書復爵曾不蒂芥望風款降爭馳表章唯恐居後跡其

素志於此可知是皆假兵救怨之流戀主偷安之輩懷生畏死蠢動之大情慮危求安品物之常性有天下而子百姓者以天下之欲爲欲以百姓之心爲心固當遂其所懷去其所畏給其所求使家家自寧人人自遂家苟寧矣國亦固焉人苟遂矣君亦泰焉是則好生以及物者乃自生之方施安以及物者乃自安之術擠彼於死地而求此之久生也從古及今未之有焉措彼於危地而求此之久安也從古及今亦未之有焉是以昔之聖王知生者人之所樂而已亦樂之故與人同其生則上下之樂兼得矣聖王知安者人之所利而已亦利之故與人共其安則公私之利兩全矣其有反易常理昏迷不恭則當外察其倔強之由內省於撫馭之失修近以來遠檢身而率人故書曰惟干戈省厥躬又曰舞干羽于兩階七旬有苗格孔子曰遠人不服則修文德以來之既來之則安之此其證也如或昧於懷柔務在攻取不徵教化之未至不疵誠感之未孚惟峻威是臨惟忿心是肆視人如禽獸而曝之原野輕人如草芥而勦之鉅鋒叛者不賓則命致討討者不克則將議刑是使負釁者懼必死之誅奉辭者慮無功之責編氓以困於杼軸而思變士卒以憚於死喪而念歸萬情相攻亂豈有定一夫不率闔境懼殃一境不寧普天致擾兵革禍結變起百端故孔子曰遠人不服而不能來也邦分崩離析而不能守也而謀動干戈於邦內吾恐季孫之憂不在顓臾而在蕭牆之內矣此蓋必然之常理至當之格言足以爲明鑑元龜貫百王而不易者也事乃反覆得無懼乎夫理有必然則殊途歸於同轍言有至當則異代應如合符頃以東北孽徒職貢廢闕陛下忿其違命大舉甲兵至令逆泚誘姦乘釁而動所備之寇猶遠介於河山不虞之戎已竊發于都輦蕭牆之戒不其信歟前典垂訓既如彼近事明驗又如此所以德音敘哀痛之情悔征伐之事引衆應以咎己布明信以示人既往之失畢懲莫大之辜咸宥約之以省賦誓之以息兵由是億兆

汙人四三叛帥感陛下自新之旨悅陛下威德之言革面易辭具修臣禮其於深言密議固亦未盡坦然必當聚黨而謀傾耳而聽觀陛下所行之事考陛下所誓之言若言與事符則遷善之心漸固儻事與言背則慮禍之態復興自京邑底寧乘輿旋返屬懷光繼亂天討又行息兵之言我則未復山東羣帥所以未敢生辭者蓋爲河中之地密近王城迫於朝夕之虞不得不剪除之爾今若改轍移旆復指淮西則淮西元兇必將誑脅其同惡之徒間說於新附之帥謂之曰奉天息兵之旨乃因窘急而言朝廷稍安必復誅伐是以朱泚滅而懷光戮懷光戮而希烈征希烈儻平禍將次及則彼之蓄素疑而懷宿負者能不爲之動心哉心既動則盈其喪身覆族之憂憂既盈則慮以脅亡齒寒之病夫病同者雖胡越而相戢憂同者不邀結而自親河朔青齊固當響應建中之禍勢必重興以國家再造之初當羣孽息肩之後迭來鳴吠或肆奔衝討之則我力未遑縱之乃寇患斯甚臣愚竊以爲禍非細未審陛下何方以待之若有其方侮之可也如其未有願陛下勿輕易焉凡將圖終必在慎始禍機一發難可復追臣請粗陳當今維馭之所宜唯聖主省擇萬一夫君之大柄在惠與威二者兼行廢一不可惠而罔威則不畏威而罔惠則不懷苟知夫惠之可懷而廢其取威之具則所敷之惠適足以示弱也其何懷之有焉苟知夫威之可畏而遺其施惠之德則所作之威適足以召敵也其何畏之有焉故善爲國者宜惠以養威蓄威以尊惠威而能養則不挫惠而見尊則有恩是以惠與威交相畜也威與惠互相行也人主之欲柔遠人而服強暴不明斯術之要莫之得焉今皇運中興天禍將悔以逆泚之偷居上國以懷光之竊保中畿歲未再周相次梟殄實衆屬驚心之日羣生改觀之時威則已行惠猶未洽誠宜上副天眷下收物情布恤人之惠以濟威乘滅賊之威以行惠宥河中染汚之黨悉無所問赦准右僭逆之罪咸與惟新蠲貸疲吐休罷

戰士符往歲息兵之令以彰信丕大君含垢之德以布仁俾萬姓皆曰大哉王言又曰一哉王心如是則威不用而畏如神明惠不費而懷如父母凡在危疑懼討者必將曰淮右僭逆之罪且赦矣吾屬何患焉凡在脅從同惡者必將曰河中染污之黨且宥矣吾屬何疚焉凡在倦苦思安者必將曰吾君有戰勝之師抑而不驕信乎其罷征矣凡在凋殘望理者必將曰吾君有嫉亂之憤忍而不據信乎其恤隱矣天下之心若此而禍亂不息理道不行者無之臣所未敢保其必從唯希烈一人而已揆其私心非不願從也想其潛慮非不追悔也但以猖狂失計已竊大名雖荷陛下全宥之恩然不能不自覲於天地之間耳縱未順命斯爲獨夫內則無辭以起兵外則無類以求助其計不過厚撫部曲偷容歲時心雖陸梁勢必不敢陛下但勅諸鎮各守封疆彼旣氣奪算窮是乃狴牢之虜不有人禍則當鬼誅朝廷務崇德以待之臣固知其必不逃於所揣矣古所謂不戰而屈人之兵者斯之謂歟今若不顧機宜復興戎役瀆威而蔑惠捨易而卽難是棄明信而務忿心假敵辭而資寇援窮者不暇恤勞者不得居國之安危或未可保此乃成敗理亂之所繫願陛下難之慎之區區上干憂惜在此儻蒙過納狂瞽不疑所行謹當草具招諭之辭詳陳備禦之畫伏俟宣許方敢以聞謹奏

唐陸宣公集卷第十七

後學介春著英重訂

萍鄉文 晟
崇仁華廷傑 同校

中書奏議一

請許臺省長官舉薦屬吏狀

今月十七日顧少連延英對迴奉宣密旨卿先奏令臺省長官各舉屬吏近聞外議云諸司所舉皆有情故兼受賄賂不得實才此法甚非穩便已後除改卿宜並自揀擇不可信任諸司者臣以闇劣謬當大任果速官謗上貽聖憂過蒙恩私曲降慈誨感戴循省寢興不寧緣是密旨特宣不敢對衆陳謝祇稟成命所宜必行恭惟聖規又合無隱苟有未達安敢勿言雖知塵煩固不可已夫理道之急在於得人而人之難聖哲所病聽其言則未保其行求其行則或遺其才校勞考則巧偽繁興而貞方之人罕進徇聲華則趨競彌長而沉退之士莫升自非素與交親備詳本末探其志行閱其器能然後守道藏用者可得而知沽名飾貌者不容其偽故孔子云視其所以觀其所由察其所安人焉廋哉夫欲觀視而察之固非一朝一夕之所能也是以前代有鄉里舉選之法長吏辟署之制所以明歷試廣旁求敦行能息馳騫也昔周以伯冏爲大僕命之曰慎東乃寮罔以巧言令色便僻側媚其惟吉士是則古之王朝但命其大官而大官得自東僚屬之明驗也漢朝務求多士其選不唯公府辟召而已又有父任兄任皆得爲郎選入之初雜居三署臺省有闕卽用補之是則古之郎官皆以任舉充選此其明驗也魏晉已後暨于國初採擇庶官多由選部唯高位重職乃由宰相考庶官之有成效者請而命焉故晉代山濤爲吏部尚書中外品員多所啓授宋朝以蔡廓爲吏部尚書卽先使人謂宰相徐羨之曰若得行吏部之職則拜不然則否羨之荅云黃散已下悉委蔡廓猶憤恚以爲失職遂不之官是則黃門

散騎侍郎皆由吏部選授不必朝廷列位盡合東在司此其明驗也國朝之制庶官五品已上制勅命之六品已下則並旨授制勅所命者蓋宰相商議奏可而除拜之也旨授者蓋吏部銓材署職然後上言詔旨但畫聞以從之而不可否者也開元中吏部注擬選人奏置循資格限自起居遺補及御史等官猶並列於選曹銓綜之例著在格令至今不刊未聞常參之官悉委宰相選擇此又近事之明驗也其後舊典失序倖臣專朝捨僉議而重己權廢公舉而行私專是使周行庶品苟不出時宰之意者則莫致焉任衆之道益微進善之途漸隘近者每須任使常苦乏人臨事選求動淹旬朔姑務應用難盡當才豈不以薦舉凌遲人物衰少居常則求精太過有急則備位不充欲令庶績咸熙固亦難矣臣實驚鈍一無所堪猥蒙任使待罪宰相惟懷竊位之懼且乏知人之明自揣庸虛終難上報唯廣求才之路使賢者各以彙征啓至公之門令職司皆得自達臣當謹守法度考課百官奉揚聰明信賞必罰庶乎人無滯用朝不乏才以此爲酬恩之資以此爲致理之具爰初受命卽以上陳求賢審官粗立綱制凡是百司之長兼副貳等官及兩省供奉之職并因察舉勞効須加獎任者並宰相臣敘擬以聞其餘臺省屬僚請委長官選擇指陳才實以狀上聞一經薦揚終身保任各於除書之內具標舉授之由示衆以公明章得失得賢則進考增秩失實則奪俸贖金亟得則褒升亟失則黜免非止搜揚下位亦可閱試大官前志所謂達觀其所舉卽此義也自蒙允許卽以宣行南宮舉人纔至十數或非臺省舊吏則是使府佐僚累經薦延多歷事任議其資望既不愧於班行考其行能又未聞於闕敗而議者遽以騰口上煩聖聰道之難行亦可知矣陛下勤求理道務徇物情因謂舉薦非宜復委宰相臣揀擇其爲崇任輔弼博採輿詞可謂聖德之盛者然於委任責成之道聽言考實之方閑邪存誠猶恐有關所謂委任責成者將立其事先擇其人既

得其人慎謀其始既謀其始詳慮其終終始之間事必前定有疑則勿果於用既用則不復有疑待終其謀乃考其事事愆于素者革其弊而黜其人事協于初者賞其人而成其美使受賞者無所與讓見黜者莫得爲辭夫如是則苟無其才孰敢當任苟當其任必得竭才此古之聖王委任責成無爲而理之道也所謂聽言考實虛受廣納宏接下之規明目達聰廣濟人之道欲知事之得失不可不聽之於言欲辯言之真虛不可不考之於實言事之得者勿卽謂是必原其所得之由言事之失者勿卽謂非必窮其所失之理稱人之善者必詳徵行善之跡論人之惡者必明辯爲惡之端凡聽其言皆考其實既得其實又察以情既盡其情復稽於衆衆議情實必參相得然後信其說疑其誠如或矯誣亦實明罰夫如是則言者不壅聽之不勞無浮妄亂教之談無陰邪傷善之說無輕信見欺之失無潛陷不辯之冤此古之聖王聽言考實不出戶而知天下之方也陛下既納臣言而用之旋聞橫議而止之於臣謀不責成於橫議不責實此乃謀失者得以辭其罪議曲者得以肆其誣率是以行觸類而長固無必定之計亦無必實之言計不定則理道難成言不實則小人得志國家所病恆必由之昔齊桓公將啓霸圖問管仲以害霸之事管仲對曰得賢不能任害霸也任賢不能固害霸也固始而不能終害霸也與賢人謀事而與小人議之害霸也所謂小人者不必悉懷險詖故覆邦家蓋以其意性險邪趣尚狹促以沮議爲出衆以自異爲不羣趨近利而昧遠圖効小信而傷大道故論語曰言必信行必果硜硜然小人也夫以能信於言能果於行唯以硜硜淺近不克宏通宣尼猶謂其小人管仲尙憂其害霸況又有言行難保而恣其非心者乎此皆任不責成言不考實之弊也聖旨以謂外議云諸司所舉皆有情故兼受賄賂不得實才者臣請陛下當使所言之人詳陳所犯之狀某人受賄某舉有情陛下然後以事實於臣臣復以事實於舉主

若便首伏則據罪抵刑如或有詞則付法閱責謬舉者必行其罰誣善者亦反其辜自然憲典克明邪慝不作懲一沮百理之善經何必貸其姦賊不加辯詰私其公議不出主名使無辜見疑有罪獲縱枉直同貫人何賴焉聖旨又以官長舉人法非穩便令臣並自揀擇不可信任諸司者伏以宰輔常制不過數人入人之所知固有限極必不能徧諳多士備閱羣才若令悉命羣官理須展轉詢訪是則變公舉爲私薦易明數以暗投儻如議者之言所舉多有情故舉於君上且未絕私薦於宰臣安肯無詐失人之弊必又甚焉所以承前命官罕有不涉私謗雖則秉鈞不一或自行情亦由私訪所親轉爲所賣其弊非遠聖鑒明知今又將徇浮言專任宰臣除吏宰臣不徧諳識踵前須訪於人若訪於親朋則是悔其覆車不易前轍之失也若訪於朝列則是求其私薦必不如公舉之愈也二者利害惟陛下更詳擇焉恐不如委任長官慎東察屬所東既少所求亦精得賢有鑒識之名失實當聞謬之責人之常性莫不愛人況於臺省長官皆是久當朝選孰肯徇私妄舉以傷名取責者乎所謂臺省長官卽僕射尙書左右丞侍郎及侍御史大夫中丞是也陛下比擇輔相多亦不出其中今之宰相則往日臺省長官也今之臺省長官乃將來之宰臣也但是職名暫異固非行業頓殊豈有爲長官之時則不能舉一二屬吏居宰臣之位則可擇千百具寮物議悠悠其惑斯甚聖人制事必度物宜無求備於一人無責人於不逮算者領其要卑者任其詳是以人主擇輔臣輔臣擇庶長庶長擇佐僚所任愈崇故所擇愈少所試漸下故所舉漸輕進不失倫選不失類以類則詳知實行有倫則杜絕徵求將務得人無易於此是故選自卑遠始升於朝者各委長吏任舉之則下無遺賢矣實于周行既任以事者於是宰臣序進之則朝無曠職矣才德兼茂歷試不渝者然後人主倚任之則海內無遺士矣夫求才貴廣考課貴精求廣在於各舉所知長吏之薦擇是

也考精在於按名實實宰臣之序進是也求不廣則下位罕進下位罕進則用常乏人用常乏人則懼曠庶職懼曠庶職則苟取備員是以考課之法不暇精也考不精則能否無別能否無別則砥礪漸衰砥礪漸衰則職業不舉職業不舉則品格浸微是以賢能之功不克彰也皆失於不廣求人之道而務選士之精不思考課之行而望得人之美是以望得彌失務精益求精塞源浚流未見其可臣欲詳徵舊說伏恐聽覽爲煩粗舉一端以明其理往者則天太后踐祚臨朝欲收人心尤務拔擢宏委任之意開汲引之門進用不疑求訪無倦非但人得薦士亦得自舉其才所薦必行所舉輒試其於選士之道豈不傷於容易哉然而課責既嚴進退皆速不肖者旋黜才能者驟升是以當代謂知人之明累朝賴多士之用此乃近於求才貴廣考課貴精之效也陛下誕膺寶曆思致理平雖好賢之心有踰前哲而得人之盛未逮往時蓋由鑒賞獨任於聖聰搜擇頗難於公舉但速登延之路罕施練覈之方遂使先進者漸益凋訛後來者不相接續施一令則謗沮互起用一人則瘡痍立成此乃失於選才太精制法不一之患也則天舉用之法傷易而得人陛下慎東之規太精而失士是知雖易於舉用而不易於苟容則所易者適足廣得人之資不爲害也不精於法制而務精於選才則所精者適足梗進賢之途不爲利也人之才行自昔罕全苟有所長必有所短若錄長補短則天下無不用之人責短捨長則天下無不棄之士加以情有憎愛趣有異同假使聖如伊周賢如楊墨求諸物議孰免讒嫌昔子貢問于孔子曰鄉人皆好之何如子曰未可也鄉人皆惡之何如子曰未可也不如鄉人之善者好之其不善者惡之蓋以小人君子意必相反其在小人之惡君子亦如君子之惡小人將察其情在審其聽聽君子則小人道廢聽小人則君子道消今陛下慎選宰臣必以爲重於庶品精擇長吏必以爲愈於末流及至宰臣獻規長吏薦士陛下則但納

橫議不稽始謀是乃任以重者輕其言待以輕者重其事且又不辯所毀之虛實不校所議之短長人之多言何所不至是將使人無所措其手足豈獨選任之道失其端而已乎臣之切言固非爲己所惜者致理之道所感者見遇之恩輒因陳謝布露以聞惟陛下幸察謹奏

考實下似闕者字

請遣使臣宣撫諸道遭水州縣狀

右頻得鹽鐵轉運及州縣申報霖雨爲災彌月不止或川瀆汎漲或谿谷奔流淹沒田苗損壞廬舍又有漂溺不救轉徙乏糧喪亡流離數亦非少臣等任處台輔職調陰陽一物失宜戶曠斯在五行愆度黜責何逃陛下德邁禹湯恕人咎己臣等每奉詞旨倍益慚惶所以僂俛在公不敢煩煩請罪前者面陳事體須遣使撫綏陛下尙謂詢問來人所損殊少即議優卹恐長姦欺臣等旬日已來更審借訪類會行旅所說悉與申報符同但恐所聞聖聰或未盡陳事實夫流俗之弊多徇詭譎揣所悅意者則侈其言度所惡聞者則小其事制備失所恆病於斯初聞諸道水災臣等屢訪朝列多云無害於物以爲不足致懷退省其私言則頓異霖潦非可諱之事措紳皆有識之人與臣比肩尙且相媚況乎事或曖昧人或瑣微以利己之心希至尊之旨其於情實固不易知如斯之流足誤視聽所願事皆覆驗則冀言無詐欺大明照臨天下之幸也昔子夏問於孔子曰何如斯可謂人之父母孔子對曰四方有敗必先知之斯可謂人之父母矣蓋以君人之道子育爲心雖深居九重而慮周四表雖恆處安樂而憂及困窮近取諸身如一體之於四支其疾病無不恤也遠取諸物如兩曜之於萬類其鑒照無不均也故時有凶害而人無流亡恃天聽之必聞知上澤之必至是以有母之愛有父之尊古之聖王能以天下爲一家中國爲一人用此術也今水潦爲敗綿數十州奔告于朝日

月相繼若哀其疾苦固宜降旨優矜儻疑其詐欺亦當遣使巡視安可徇往來之浮說忘惠卹之大猷失人得財是將焉用況災害已甚申奏亦頻縱不蒙恩復除自當準式蠲免徒失事體無資國儲恐須速降德音深示憂憫分道命使明勅弔災寬息征徭省察冤濫應家有溺死及漂沒居產都盡父子不存濟者各量賜粟帛便委使臣與州府以當處官物給付其損壞廬舍田苗者亦委使臣與州府據所損作分數等第聞奏量與蠲減租稅如此則歿者蒙瘞酹之惠存者霑煦軀之恩濡澤下施孰不欣戴所費者財用所收者人心若不失人何憂乏用臣等已約支計所費亦不甚多儻蒙聖恩允從卽具條件續進臣又聞聖人作則皆以天地爲本陰陽爲端慶賞者順陽之功故行於春夏刑罰者法陰之氣故用之秋冬事或愆時人必懼咎是以月令所載夏行秋令則苦雨數來邱隰水潦夏行冬令則後乃大水敗其城郭典籍垂誠言固不誣天人同符理當必應既有繫于舒慘是能致于災祥頃自夏初大臣得罪親黨坐累其徒實繁邦憲已行宸嚴未解畏天之怒中外竦然若以月令推之水潦或是其應雖天所降沴不在郊畿然海內爲家無論遐邇伏願滌瑕以德消沴以和威惠之相濟合宜陰陽之運行自序臣等不勝觀災慚負之至謹奉狀陳請以聞謹奏

論淮西管內水損處請同諸道遣宣慰使狀

右奉進止淮西管內貢賦既闕所緣水損簡擇宣慰使此道亦不要遣去者臣聞聖王之於天下也人有不得其所者若已納之於隍故夏禹泣辜殷湯引罪蓋以率土之內莫非王臣或有昏迷不覺是由教化未至常以善救則無棄人自希烈亂常污染淮甸職責廢闕責當有歸在於編氓豈任其咎陛下息師含垢宥彼渠魁惟茲下人久懼脅制想其翹望聖化誠亦有足哀傷儻宏善救之心當軫納隍之慮今者遣使宣命本緣卹患弔災諸道災患既同朝廷弔卹或異是

使慕聲教者絕望懷反側者得詞棄人而固其寇讎恐非所以爲計也昔晉饑乞糴于秦大夫百里奚曰天災流行國家代有救災卹鄰道也行道有福丕豹則請因而伐之穆公用百里奚之言拒丕豹之請且曰其君是惡其人何罪遂輸粟以救之其後秦饑乞糴于晉晉大夫魏射曰無損於怨而益於寇不如勿與慶鄭曰幸災不仁貪愛不祥怒鄰不義不如與之惠公信魏射之謀違慶鄭之議遂閉糴以絕焉是歲晉國復饑秦伯又饋之粟曰吾怨其君而矜其人終於秦穆霸強晉惠擒辱是知棄怨而施惠者可以懷敵計利而忘義者罔不失人此乃列國諸侯猶務卹鄰救災矧君臨天下而可使德澤不均被者乎議者多謂淮右荐饑國家之利臣等愚見以爲不然必若與有征之師問不庭之罪因災幸濟已爽德政儻又難於用兵望其艱窘自弊利害之勢或未可知夫悍獸之情窮則攫搏暴人之態急則猖狂當其迫阨之時尤資撫馭苟得招攜以禮便可底寧備慮乖方亦足生惠竊以帝王之道頗與敵國不同懷柔萬邦唯德與義寧人負我無我負人故能使億兆歸心遠邇從化猶有兇迷不復必當人鬼同誅此其自取覆亡尙亦不足含怒今因供稅有闕遂令施惠不均責帥及人恐未爲允伏惟聖鑒更審細裁量其所擇諸道使並未敢宣行伏候進止

謝密旨因論所宣事狀

前日顧少連奉諭密旨每於延英對卿緣有諸人言不得盡中間卿所奏去冬薦人實緣對趙憬執論所以有言相拒亦不是阻卿之意若有要便事但依前者意旨自手疏密封進來卿又頻與苗彛進官朕未放過恐卿未知朕意此人卽苗晉卿之子晉卿往年攝政會有不臣之言又諸子皆與古帝王同名意甚不善緣非諸子之過不欲明行斥逐終是不合令在朝廷卿宜密知此意苗彛兄弟並改與在外閑僻處官仍不得令近兵馬者猥蒙天慈屢降深旨慰眷稠疊誨

論周詳骨肉之恩無以如此士感知己尙合捐軀臣雖庸微能不激勵至於彌綸庶績督課羣官始終不渝夙夜匪懈是皆常分曷足酬恩自揣凡庸之才又無奇崛之効唯當輪罄忠節匡補聖猷衆人之所難言臣必無隱常情之所易溺臣必不回罔然貞心持以上報此愚夫一至而不易者也惟明主矜亮而保容之頃以去冬薦人頻於街衢披訴既以準制許集理合量才授官進擬再三未蒙允許伏慮事轉淹滯所以因對奏陳情於付量推理輒發以趙懷與臣並命俱掌樞衡參奉謀猷事當無間不知避忌輕譴宸嚴陛下特宥愚曲加獎導寵遇踰等恩私倍常顧惟何人叨幸若此偶有所見敢不盡言是彰無隱之誠以申上報之分臣聞王者之道坦然著明奉三無私以勞天下平平蕩蕩無側無偏所謂三無私者如天之無私覆也如地之無私載也如日月之無私照也其或有過如日月之有蝕焉過也人皆見之更也人皆仰之日月不疾于蔽虧人君不吝於過失虧而能復無損於明過而能改不累於德昨者臣所奏惟有趙懷得聞陛下已至勞神委曲防護是於心膂之內尙有形迹之拘職同事殊鮮克以濟恐爽無私之德且傷不吝之明夫元首股肱義實同體諮詢獻納一日萬幾宣之使言猶未盡意言若有阻義何由通啓沃既難機務斯壅雖荷綢繆之顧實增曠廢之憂仰希聖聰更賜裁處苗繁少以門子早登朝班歷拾遺補闕起居員外郎中前後二十餘年溫恭有加恪慎無怠端敏足以守職文學足以飾身詳其器能堪處近侍陛下以繁先父常有過言名子之方又乖義類不忍明加斥黜但令改授外官伏以理國化人在於獎一善使天下之爲善者勸罰一惡使天下之爲惡者懲是以爵人必於朝刑人必於市惟恐衆之不覩事之不彰君上行之無愧心兆庶聽之無疑議受賞安之無忤色當刑居之無怨言此聖王所以宣明典章與天下公共者也獎而不言其善斯謂曲貸罰而不書其惡斯謂中傷曲貸則授受不明

而恩倖之門啓中傷則枉直莫辯而譏間之道行此柄一虧爲害滋大凡是譖愬之輩多非信實之言利於中傷懼於公辯或云歲月已久不可究尋或云事體有妨須爲隱忍或云惡跡未露宜假他事爲名或云但棄其人何必明言責辱詞皆近於情理意實苞於矯誣傷善售姦莫斯爲甚伏惟聖鑒之下必無浸潤之流然於稱毀之言不可不辯賞罰之典不可不明陛下若以晉卿跡實姦邪繁等法應坐累則當公議典憲豈令陰受播遷陛下若察晉卿見誣又知繁等非罪則合隨才獎用不宜降意猜防今忽不示端由但加斥逐謂之掄材則失序謂之行罰則無名徒使繁等受錮於聖朝晉卿銜憤于幽壤以臣蔽滯未見其宜夫聽訟辯讒貴於明恕明者在驗之以跡恕者在求之以情跡可責而情可矜聖王懼疑似之陷非辜不之責也情可責而跡可宥聖王懼逆詐之濫無罪不之責也惟情見跡具詞服理窮者然後加刑罰焉是以下無冤人上無謬聽昔歷不作教化以興晉卿起自文儒致位台輔能以謙柔自處故爲三朝所推當諒闇之辰攝冢宰之任是將備禮豈足擅權安肯露不臣之言招覆族之釁雖甚狂險猶應不爲矧伊老臣寧忍及此假有忍人之意其如言發禍隨求之以情既無端驗之以跡又無兆宜蒙昭恕理在不疑又自陛下御極已來繁及兄丕皆歷清近若以舊事爲累豈復含容至今恐有無良之徒憎嫉丕繁兄弟構成飛語務欲挫傷大抵任重勢疑易生嫌謗以周公之聖不免流言霍光之忠亦遭告訐向非成王覺寤昭帝保明則二主之德美不傳二臣之冤誣莫辯陛下追懷往事得失豈不相遠哉後之視今固亦如此凡所舉措安可不詳伏願稍留睿思特加省察斯實羣臣庶免於戾豈唯苗氏一族存歿幸賴而已乎少連又向臣說云聖旨察臣孤貞猶謂清慎太過都絕諸道饋遺却恐事情不通如不能納諸財物至如鞭靴之類受亦無妨者伏以貨賄之利耳目之娛人間常情孰不貪悅況臣性實凡鄙寧

忘顧私家本憂貧安能無欲所以深自刻慎勉修廉隅者蓋由負戴厚恩尸竊大任既不克導揚風教致俗清淳又未能減息征徭濟人窮困若無恥懼更啓賄門是忘憂國之誠仍速焚身之禍由是苟行特操杜絕交私誠知無補大猷所冀免貽深累陛下責臣以清謹太過斯謂聖明陛下慮事之不通有乖理道或恐貪恤之輩務逞無厭之求巧陳異端惑亂聖聽稽諸事實則甚不然夫以胥吏末流苞苴微貺苟或違道臣猶知慚況乎公卿大臣之間方岳連帥之任豈資納賄然後致誠若因財利交歡是以姑息爲事既乖直道必有過求遂之則法度浸壞阻之則缺望彌甚爲害如此國何賴焉高祖太宗著法垂制監臨受賄盈尺有刑陛下每發德音數有下土大辟之屬皆蒙滌除唯於犯贓往往不赦豈不以貪婪爲弊殘蠹最深至於士吏之微尙當嚴禁矧居風化之首反可通行凡上之所爲以導下也上所不爲以檢下也上所不爲而下或爲之然後可以設峻防實明辟若上爲之而下亦爲之固其理也又可禁乎今更有受監臨之賄者則以爲罪不可容朝廷之制四方所監臨也而宰司公受其賄是亦無恥而不恕者歟孔子曰大臣不可不敬也是人之表也邇臣不可不慎也是人之道也表傾則影曲道僻則行邪若大臣邇臣可以受財則庶長案察孰爲不可朝廷取之於方鎮方鎮復取之於州州取之於縣縣取之於鄉鄉將安取哉是皆出於疲人之肝腦筋髓耳自大盜猾夏耗數生人天下常屯百萬之師坐受衣食農夫蠶婦凍而織餒而耕殫力忍死以供十倍之賦日日引頸望觀昇平之化惠恤之恩凡四十九年矣耆屬多故有加無瘳持利權食厚祿者當憂隱忸怩愧黎庶而又交通私賄扇起貪風是令已困之吐重遭過分之擾陛下尙以爲鞭靴之類受亦無妨若使天下納賂唯有二三宰臣四方誅求止於鞭靴細物行之不足以傷化絕之不足以利人則臣固已微抑私心將順睿旨矣若使國家致理必資饋遺通情辭

之足以失天下之心受之足以濟天下之務則臣固亦不避汗行助我聖功矣臣所以未敢奉詔冒昧塵煩者審知此道不唯無益必有甚損故也亦冀陛下詳察其理普澄其源宏清淨無欲之風守慈儉不貪之寶是將感人心而天下服何有事情不通之患乎夫貨賄上行則賞罰之柄失貪求下布則廉恥之道衰何者善惡不分功過無辯以貨賄之多少爲課績之重輕守道闕供或時致怨招累求得當欲可以釋罪買榮忍行刻剝者見謂公忠巧飾玩好者或稱才智此謂賞罰之柄失也上好利則下思聚斂上求賄則下肆侵蝕不懷愧心但逞私欲遞相企効習以成風閭閻日殘紀綱日壞不可以禮義勸不可以刑法懲此由廉恥之道衰也作法於涼其弊猶貪作法於貪其弊斯亂利於小者必害於大易於始者必悔於終賄道一開展轉滋甚鞭靴不已必及衣裘衣裘不已必及幣帛幣帛不已必及車輿車輿不已必及金璧日見可欲何能自窒于心已與交私固難中絕其意是以涓流不止訟壅成災毫末既差邱山聚斂自昔國家敗亡多矣何嘗有以約失之者乎臣竊料郡府之不願行賄於朝廷猶鄉閭之不願輸貨於郡府也但以行之者有利不行者有虞故爲安身保位之謀不得不行耳夫豈樂而行之哉假如四方俱賂於朝廷朝廷受其三而却其一有所受有所却二端相反則遇却者或有意疑乎見拒而不通焉四方俱賂于朝廷朝廷俱辭而不受則咸知不受者乃朝廷之常理耳適所以服其心而誘其善復何嫌阻之有乎陛下若謂問遺可以通物情潔矩不足敦理化則自建中以來股肱耳目之間蓋常有交利行私者矣乃其所也陛下何尤焉陛下嗣位之初躬行節儉郡國無來獻朝廷無私求行李無贖貨之人邇臣無受賂之事四方風動幾致清平旋以刑峻賦繁兵連禍結理功中否至化未凝洎大懲殲夷吏運興復征伐之役頗息於前時清約之風亦虧於往日此則雖革一弊亦喪一美焉曩興師徒人困暴賦今罷

征伐人困私求是乃殘瘁之餘永無蘇息之望使萬方黎獻當陛下
休明之代不登富壽不洽雍熙追懷前修實用心熱而議者反以納
賂通情之理以感陛下斯不亦誣上行私之甚者乎夫天下公器也
王綱大權也執大權者不任其小數守公器者不徇于私情任小數
而御大權則忿戾之禍起徇私情以持公器則姦亂之釁生故春秋
傳曰在上位者洒濯其心以待之而後可以理人言私曲之不可以
莅衆庶也又曰國家之敗由官邪也官之失德寵賂彰也君人者將
昭德塞違以臨照百官百官於是乎戒懼而不敢易紀律言賄利之
不可以化百官也又曰長國家者非無賄之難無令名之難諸侯之
賄聚於公室則諸侯貳言貪欲之不可以懷諸侯也古之懷諸侯者
蓋有其道矣唯不務賄然後得之故禮記云凡爲天下國家有九經
其一曰理亂持危朝聘以時厚往而薄來所以懷諸侯也是知懷撫
之道貴德賤財於往也則厚其贈送之資於來也則薄其贊幣之禮
訓人以尊讓示人以不貪始于朝廷行于郡國廉節之風漸廣侵漁
之害不萌里閭獲安郡國斯乂朝廷益尊所謂化自上流理由下濟
近者悅服而遠者歸懷是皆無賄之致也及夫王綱浸壞德化陵夷
然後滅公議而徇私情威誅求而崇饋獻故禮記曰天子微諸侯僭
於是相覲以貨相賂以利而天下之禮亂矣是知傷風害禮莫甚於
斯暴物殘人莫大於賂利於絕私去賄者莫先於君主務於愛人助
理者莫切於輔臣然則君主輔臣之間固不可以語及於私賄矣況
又躬行乎臣以受恩特深志欲巨細裨補苟懷疑慮不敢因循亦賴
遭逢聖明庶得竭盡愚直所以每事獻替不以犯忤爲虞意懇詞繁
伏用慚悚謹奏

原
书
空
白
页

唐陸宣公集卷第十八

後學介春著英重訂

萍鄉文 晟
崇仁華廷傑 同校

中書奏議二

論嶺南請於安南置市舶中使狀

嶺南節度經略使奏近日船舶多往安南市易進奉事大實懼闕供臣今欲差判官就安南收市望定一中使與臣使司同勾當庶免隱欺希顏奉宣聖旨宜依者遠國商販唯利是求綏之斯來擾之則去廣州地當要會俗號殷繁交易之徒素所奔湊今忽捨近而趨遠棄中而就偏若非侵刻過深則必招懷失所曾無內訟之意更與出位之思玉毀橫中是將誰咎珠飛境外安可復追書曰不貴遠物則遠人格今既徇欲如此宜其殊俗不歸況又將蕩上心請降中使示貪風於天下延賄道於朝廷黷汚清時虧損聖化法宜當責事固難依且嶺南安南莫非王土中使外使悉是王臣若緣軍國所須皆有令式恆制人思奉職孰敢闕供豈必信嶺南而絕安南重中使以輕外使殊失推誠之體又傷賤貨之風望押不出

論宣令除裴延齡度支使狀

右緣班宏喪亡臣今日面取進止今當此選總有四人杜佑盧徵李衡李巽並曾掌判財賦各有績用可稱資望人才亦堪獎任聖旨以淮南未可移動盧徵又近改官令臣擇一人與江西追取李衡者臣以支計之司當今所切常須銜制黠吏不可斯須闕人待追李衡數月方到或恐綱條弛紊錢物隱欺李巽近追到城請授給事中且令權判若處理稱職便除戶部侍郎如材不相當則待李衡到別商量處分既免曠廢於事又得閱試其能兩人之中必有可取陛下累稱穩便許依所奏施行臣又退更詳思以爲無易於此希顏適宣進止李巽知度支恐未相當且空與給事中朕更思量司農少卿裴延齡

甚公清有才宜令判度支便進擬狀來其李衡亦從追取者伏以周制六官實司理本冢宰制國用量入爲出司徒掌邦賦敷教恤人今之度支兼此二柄準平萬貨均節百司有無懸遷豐敗相補利害關黎元之性命費省繁財物之盈虛加以饋餉邊軍資給禁旅刻吝則生患寬假則容姦若非其人不可輕授裴延齡僻戾而好動躁妄而多言遂非不悛堅僞無恥豈獨有識深鄙兼爲流俗所嗤頃列班行已塵清實更居要重必數大猷是將取笑四方貽殃兆庶尸祿之責固宜及於微臣知人之明亦恐傷於聖鑒伏願重循前議俯察愚誠更於四人之中選擇取其尤者庶諧僉屬不素朝經延齡妄誕小人任之交駭物聽臣雖熟知不可猶慮所見未周趙憬眼疾漸瘳後日卽合假滿待其朝謁乞更參詳去邪勿疑天下幸甚謹奏

論齊暎齊抗官狀

古希顏奉宣進止卿等所進齊暎替李衡緣江南與湖南接近齊暎齊抗既是當家同任方面事非穩便宜別商量者齊暎齊抗同姓別房既非五服之親則與衆人無異聖朝推誠致理未嘗先事示疑曩之李皋李兼鄰接方鎮今之韓潭全義密邇軍城此例甚多無足爲慮但以中朝要職常苦乏人至如暎抗良才並當臺閣妙選臣等先請授暎禮部聖旨令且向外商量儻許移鎮江西亦是漸加恩獎齊抗文學足用精敏罕儔掖垣之駁議司言南宮之掌賦承轄俾居其任皆謂當才若蒙追赴闕庭試加顧問察言稽行必有可觀可否之宜伏候進止

請減京東水運收腳價於緣邊州鎮儲蓄軍糧事宜狀

右臣伏見陛下每垂睿心經略邊境增築城壘加置戍兵至於春秋衣裝歲時宴犒先後遲速悉由宸衷其爲憂勤可謂至矣其爲資費亦以多矣蓋以安人固國不憚煩勞此誠慎慮之深者也然於儲蓄大計則未降意良圖但任有司隨月供應近歲蕃戎小息年穀屢登

所支軍糧猶有匱乏邊書告闕相繼于朝儻遇水旱爲災粟糴翔貴兇醜匪茹寇擾淹時或負輓力殫或饋餉路絕則戍兵雖衆不足恃城壘雖固不克居是使積年完聚之勞適資一夕潰敗之辱此乃理有必至而事無幸濟者也臣竊爲陛下惜之軍志曰雖有石城十仞湯池百步無粟不能守也故晁錯論安邊之策要在積穀充國建破羌之議先務屯田歷代制禦四夷常爲國之大事勇者奮其力智者貢其謀攻守異宜威衰殊勢柔服而不勞師旅者則常聞之矣屯師而不務農食者未嘗有焉今陛下廣徵甲兵分守城鎮除所在營田稅畝自供之外仰給於度支者尙八九萬人千里饋糧涉履艱險運米一斛達于邊軍遠或費錢五六千近者猶過其半犯雪霜跋涉之苦冒豺狼剽掠之虞四時之間無日休息傾財用而竭物力猶苦日給之不充其於儲蓄以備非常固亦絕意而不暇思也夫屯兵守土以備寇戎至而無糧守必不固矣遇寇不守則如勿屯乎居有殘人耗國之煩臨難有啓敵納侮之禍所養非所用所失非所虞以爲制備之規臣竊謂疎矣頃者吐蕃尙結贊率其醜類越軼封疆朔方五原相繼淪陷雖由將帥不武亦因匱乏得辭其事未遑足爲深戒昧理而好諛者必曰當結贊入寇之日遇賊泚作亂之餘戍卒未多邊農尙寡今則甲兵大備稼穡豐比於曩時勢不同等臣請復陳近效以質浮詞今年夏初寇犯靈武禦則寡力守則乏糧告急求哀匪朝伊夕有司爲之請罪陛下爲之軫憂遽擇使臣奔波督運積財以資用高價以招人賴蕃戎自旋糧道獲濟封略不壞固非成謀然則鹽夏覆而靈武全唯在幸與不幸之間耳是皆無不拔之勢有可駭之危其爲規制之方所謂同歸於失矣議者是當今而非既往豈不曰昧理而好諛乎今戍卒之加於往時臣固知之矣今邊農之廣於往歲臣亦知之矣所謂同歸於失者在於措置乖當蓄斂乖宜利之所生害亦隨至故也陛下念蕃醜之暴掠懲邊鎮之空虛繕甲益兵

庇人保境此誠雄武之英志履育之仁心刷憤恥而揚威聲海內咸望有必攻之期矣既而統師無律制事失權戍卒不隸於守臣守臣不總於元帥至有一城之將一旅之兵各降中使監臨皆承別詔委任分鎮亘千里之地莫相率從緣邊列十萬之師不設謀主每至犬羊犯境方馳書奏取裁行李往來動踰旬日比蒙徵發救援寇已獲勝罷歸小則蹂藉麥禾大則驅掠人畜是乃益兵甲而費財用竟何補優軼之患哉夫將貴專謀軍尙氣勢訓齊由平紀律制勝在於機權是以兵法有分閫之詞有合拳之喻有進退如一之令有便宜從事之規故能動作協變通制備垂永久出則同力居則同心患難相交急疾相赴兵之奉將若四支之衛頭目將之守境若一家之保室廬然後可扞寇讎護吐蕃畜牧關田疇天子唯務擇人而任之則高枕無虞矣吐蕃之比於中國衆寡不敵工拙不侔然而彼攻有餘我守不足蓋彼之號令由將而我之節制在朝彼之兵衆合併而我之部分離析夫部分離析則紀律不一而氣勢不全節制在朝則謀議多端而機權多失臣故曰措置乖當此之謂乎陛下頃以邊兵衆多轉餽勞費設就軍和糴之法以省運制與人加倍之價以勸農此令初行人皆悅慕爭趨厚利不憚作勞耕稼日滋粟麥歲賤向使有司識重輕之術宏久遠之謀守之有恆施之有制謹視豐耗善計收穫救麥必歸於公庫布帛悉入於農夫其或有力而無資願居而靡措貸其種食假以犁牛自然戍卒忘歸貧人樂徙可以足食可以實邊無屯田課賣之勞而儲蓄自廣無徵役踐更之擾而守備益嚴果能用之足謂長算既而有司陰吝不克將順忘國家制備之謀行市道苟且之意當益而願糴者則務裁其價不時斂藏遇災而艱食者則莫揆乏糧抑使收糴遂使豪家貪吏反操利權賤取於人以俟公私之乏困乘時所急十倍其贏又有勢要近親羈遊之士或託附邊將或依倚職司委賤糴於軍城取高價於京邑坐致厚利實繁有徒

欲勸農而農不獲饒欲省費而費又愈甚復以制事無法示人不誠每至和糴之時多支絀紆充直窮邊塞互不任衣裘絕野蕭條無所貨鬻且又虛張估價不務準平高下隨喜怒之心精覈在胥吏之手既無信義率下下亦以偽應之度支物估轉高軍郡穀價轉貴遞行欺罔不顧憲章互相制持莫可禁止度支以苟售滯貨爲功利而不察邊食之盈虛軍司以所得加價爲羨餘而不恤農人之勤苦雖設巡院使相監臨既失綱條轉成囊橐至有空申簿帳僞指困倉計其數則億萬有餘考其實則百十不足巡院巧誣於會府會府承詐以上聞幸逢有年復遇無事吞聲補舊引日偷安若遇歲儉兵興則必立至危迫靈武之事足爲明徵臣故曰蓄斂乖宜此之謂也邊之大事在食與兵今食則無儲兵則乏帥謂之有備其可得乎近者緣邊諸州頻歲大稔穀糴豐賤殊異往時此乃天贊國家永固封略之時也而尚日不暇給曾無遠圖軍府有歉食之詞穰人有悔耕之意天贊而不受其利農傷而不恤其窮及凶災流行播植墮廢雖復悔恨事何可追臣是以屢屢塵煩所惜在此頃請擇人充使委之平糴務農陛下以理責因循未賜允許又請乘時豐稔邊城加貯軍糧有司以經費無餘其事復寢臣謬當任使待罪樞衡雖神武之謀不資獻納而職司之分敢忘憂虞夙夜疾心盡如焚灼輒復効其鄙薄庶或裨補萬分不勞人不變法不加賦稅不費官錢不廢耳目之娛不節浮冗之用唯於漕運一事稍權輕重所宜請爲陛下致邊軍十萬人一年之糧以爲艱急之備陛下誠能聽臣愚計不受沮傷百日之間收貯總畢轉運常行之務既無失於舊規太倉歲入之儲亦不闕其恆數圖慮至熟更無所妨謹具揚摧上陳惟陛下留意省察舊制以關中王者所都萬方輻輳人殷地狹不足相資加以六師糴糧百官祿廩邦畿之稅給用不充所以控引東方歲運租米冒淮湖風浪之弊沂河渭湍險之艱所費至多所濟蓋寡習聞見而不達時宜者則

曰國之大事不計費損故承前有斗錢運一斗米之言雖知勞煩不可廢也習近利而不防遠患者則曰每至秋成之時但令畿內和糴既易集事又足勸農何必轉輸徒耗財賦臣以兩家之論互有短長各申偏執之懷俱昧變通之術其於事理可得粗言夫聚人以財而人命在食將制國用須權重輕食不足而財有餘則弛於積財而務實倉廩食有餘而財不足則緩於積食而蓄用貨泉若國家理安錢穀俱富烝黎蕃息力役靡施然後恆操羨財益廣漕運雖有厚費適資貧人三者不失其時之所宜則輕重中權而國用有制矣開元天寶之際承平日久財力阜殷祿食所頒給用亦廣所以不計糜耗勵贍軍儲至使流俗過言有用一斗錢運一斗米之說然且散有餘而備所乏雖費何害焉斯所謂操羨財以廣漕運者也貞元之始巨盜初平太倉無兼月之儲關輔遇連年之旱而有司奏停水運務省脚錢至使郊畿之間煙火殆絕都市之內餒殍相望斯所謂親近利而不防遠患者也近歲關輔之地年穀屢登數減百姓稅錢許其折納粟麥公儲委積足給數年田農之家猶困穀賤今夏江淮水潦漂損田苗比於常時米貴加倍昨庶匱乏流庸頗多關輔以穀賤傷農宜加價糴穀以勸稼穡江淮以穀貴民困宜減價糴米以救凶災今宜糴之處則無錢宜糴之處則無米而又運彼所乏益此所餘斯所謂習見聞而不達時宜者也今淮南諸州米每斗當錢一百五十文從淮南轉運至東渭橋每斗船脚又約用錢二百文計運米一斗總當錢三百五十文其米既糙且陳尤爲京邑所賤今據市司月估每斗只糴得錢三十七文而已耗其九而存其一餒彼人而傷此農制事若斯可謂深失矣頃者每年從江西湖南浙東浙西淮南等道都運米一百一十萬石送至河陰其中減四十萬石留貯河陰倉餘七十萬石送至陝州又減三十萬石留貯太原倉唯餘四十萬石送赴渭橋輸納臣詳問河陰太原等倉留貯之意蓋因往年蟲旱關輔

存鐵當崔造作相之初憲元琇罷運之失遂請每年轉漕米一百萬石以贍京師比至中塗力殫歲盡所以節級停減分貯諸倉每至春水初通江淮所般未到便取此米入運免令停滯舟船江淮新米至倉還復留納填數輪環貯運頗亦協宜不必每歲加般以增不急之費所司但遵舊例曾不詳究源由邇來七年積數滋廣臣近勘河陰太原等倉見米猶有三百二十餘萬石河陰一縣所貯尤多倉廩充盈隨便露積舊者未盡新者轉加歲月漸深耗損增甚縱絕江淮輪轉且運此米入關七八年間計猶未盡況江淮轉輸般次不停但恐過多不慮有闕今歲關中之地百穀豐成京尹及諸縣令頻以此事爲言憂在京米粟太賤請廣和糴以救農人臣今計料所糴多少皆云可至百餘萬石又今量定所糴估價通計諸縣貴賤并雇船車般至太倉穀價約四十有餘米價約七十以下此則一年和糴之數足當轉運二年一斗轉運之資足以和糴五斗比較即時利害運務且合悉停臣竊慮運務若停則舟船無用舟船無用則壞爛莫修儻遇凶災復須轉漕臨時鳩集理必淹遲夫立法裁規久必生弊經略之念始慮貴周不以積習害機宜不以近利隳永制不貴功於當代不流患於他時慮遠防微是其均濟臣今所獻庶近於斯減所運之數以實邊儲存轉運之務以備時要其於詳審必免貽憂舊例從江淮諸道運米一百一十萬石至河陰來年請停八十萬石運三十萬石舊例從河陰運米七十萬石至太原倉來年請停五十萬石運二十萬石舊例從太原倉運米四十萬石至東渭橋來年請停二十萬石運二十萬石其江淮所停運米八十萬石請委轉運使於遭水州縣每斗八十價出糴計以糙米與細米分數相接之外每斗猶減時價五十文以救貧乏計得錢六十四萬貫文節級所減運脚計得六十九萬貫都合得錢一百三十三萬貫數內請支二十萬貫付京兆府令於京城內及東渭橋開場和糴米二十萬石每斗與錢一百文計

加時估價三十已上用利農人其米便送東渭橋及太原倉收貯充填每年轉漕四十萬石之數並足餘尚有錢一百一十三萬貫文以供邊鎮和糴臣已令度支巡院勘問諸軍州米粟時價兼與當管長吏商量令計見墾之田約定所糴之數得鳳翔涇隴邠寧慶鄜坊丹延夏綏銀靈鹽振武等道長原長武平涼等城報除度支旋糴供軍之外別擬儲備者計可糴得粟一百三十五萬石其臨邊州縣各於當處時價之外更加一倍其次每十分加七分又其次每十分加五分通計一百三十五萬石當錢一百二萬六千貫文猶合剩錢十萬四千貫留充來年和糴所於江淮糴米及減運米脚錢請並委轉運使便折市綾絹絁綿四色卽作般般送上都邊地早寒斂藏向畢若待此錢送到卽恐收糴過時請且貸戶部別庫物充用本色續到便令折填其所貸戶部別庫物亦取綾絹絁綿四色並依平估價務利農人仍取度支官畜及軍均融般送請各委當道節度及當城兵馬使與監軍中使并度支和糴巡院官同受領便計會和糴各量入戶墾田多少先付價直立限納粟不願糴者亦勿強徵其有納米者每米六升折粟一斗應所糴得米粟亦委此三官同檢覆分於當管城堡之內揀擇高燥牢固倉窖等收納封閉仍以貯備軍糧爲名非緣城守絕糧及承別勅處分並不得輒有支用待收糴畢具所糴數并收貯處所聞奏并報中書門下總計貯備粟一百三十五萬石是十一萬二千五百人一年之糧來秋若遇順成又可更致百餘萬石邊蓄既富邊備自修以討則有濟以守則可久以加兵則不憂所至乏食以斂糴則不爲貪將所邀懷疆保境者得以遂其謀蹙國跳軍者無所辭其罪是乃立武之根柢安邊之本源守土庇人莫急於此傾公藏而發私積猶當悉力以務之況今不擾一人無廢百事但於常用之內收其枉費之資百萬贏糧坐實邊鄙又有勸農賑乏之利存乎其間此蓋天錫陛下攘戎狄而安國家之時不可失也陛下誠

能過聽愚計先聚軍儲慎擇良圖更貞師律蠢爾兇醜自當畏威縱
迷款塞之心必無猾夏之慮伏惟少留睿思詳省而明斷之其所停
減運脚臣已與本司審細計料并邊鎮分配和糴數及米粟估價等
數各得別狀條件分析謹同封進聽進止

唐陸宣公集卷第十八

原
书
空
白
页

唐陸宣公集卷第十九

後學介春著英重訂

萍鄉文 晟
崇仁華廷傑 同校

中書奏議三

論緣邊守備事宜狀

右臣歷覽前代史書皆謂鎮撫四夷宰相之任不接閭閻屢敢上言
誠以備邊禦戎國家之重事理兵足食備禦之大經兵不理則無可
用之師食不足則無可固之地理兵在制置得所足食在斂導有方
陛下幸聽愚言先務積穀人無加賦官不費財坐致邊儲數逾百萬
諸鎮收糴今已向終分貯軍城用防艱急縱有寇戎之患必無乏絕
之憂守此成規以爲永制恆收冗費益贍邊農則更經二年可積十
萬人三歲之糧矣足食之原粗立理兵之術未精敢試籌量庶備採
擇伏以戎狄爲患自古有之其於制禦之方得失之理備存史籍可
得而言大抵尊卽序者則曰非德無以化要荒會莫知威不立則德
不能馴也樂武威者則曰非兵無以服凶獷會莫知德不修則兵不
可恃也務和親者則曰要結可以睦鄰好會莫知我結之而彼復解
之也美長城者則曰設險可以固邦國而扞寇讎會莫知力不足而
人不堪則險之不能恃城之不能有也尙薄伐者則曰驅遏可以禁
侵暴而省征徭會莫知兵不銳壘不完則遏之不能勝驅之不能去
也議邊之要略盡於斯雖互相譏評然各有偏駁聽一家之說則理
例可徵考歷代所行則成敗異效是由執常理以御其不常之勢徇
所見而昧於所遇之時夫中夏有威震夷狄有強弱事機有利害措
置有安危故無必定之規亦無長勝之法夏后以序戎而聖化茂古
公以避狄而王業興周城朔方而獫狁攘秦築臨洮而宗社覆漢武
討匈奴而貽悔太宗征突厥而致安文景約和親而不能阻患於當
年宣元宏撫納而足以保寧於累葉蓋以中夏之威衰異勢夷狄之

強弱異時事機之利害異情措置之安危異便知其事而不度其時
則敗附其時而不失其稱則成形變不同胡可專一夫以中國強威
夷狄衰微而能屈膝稱臣歸心受制拒之則阻其嚮化滅之則類於
殺降安得不存而撫之卽而序之也又如中國強威夷狄衰微而尙
棄信忤盟蔑恩肆毒論之不變責之不懲安得不取亂推亡息人固
境也其有遇中國喪亂之弊當夷狄強威之時圖之則彼釁未萌禦
之則我力不足安得不卑詞降禮約好通和暗之以利以引其懼心
結之以親以紓其交禍縱不必信且無大侵雖非御戎之善經蓋時
事亦有不得已而然也儻或夷夏之勢強弱適同撫之不寧威之不
靖力足以自保勢不足以出攻安得不設險以固軍訓師以待寇來
則薄伐以遏其深入去則攘斥而戒於遠追雖非安邊之令圖蓋勢
力亦有不得已而然也故夏之卽序周之于攘太宗之翦亂皆乘其
時而善用其勢者也古公之避狄文景之和親神堯之降禮皆順其
時而不失其稱者也秦皇之長城漢武之窮討皆知其事而不度其
時者也尙若遇孔熾之勢行卽序之方則見侮而不從矣乘可取之
資懷畏避之志則失機而養寇矣有攘却之力用和親之謀則示弱
而勞費矣當降屈之時務翦伐之略則召禍而危殆矣故曰知其事
而不度其時則敗附其時而不失其稱則成是無必定之規亦無長
勝之法得失著效不其然歟至於察安危之大情計成敗之大數百
代之不變易者蓋有之矣其要在於失人肆慾則必驟任人從衆則
必全此乃古今所同而物理之所宜也國家自祿山構亂肅宗中興
撤邊備以靖中邦借外威以寧內難於是吐蕃乘釁吞噬無厭回紇
矜功馮凌亦甚中國不遑振旅四十餘年使傷耗遺吐竭力蠶織西
輸賄幣北償馬資尙不足塞其煩言滿其驕志復又遠徵十馬列戍
疆陲猶不能遏其奔衝止其侵侮小入則驅略黎庶深入則震驚邦
畿時有議安邊之策者多務於所難而忽於所易勉於所短而略於

所長遂使所易所長者行之而其要不精所難所短者圖之而其功靡就憂患未弭職斯之由夫制敵行師必量事勢勢有難易事有後先力大而敵脆則先其所難是謂奪人之心暫勞而久逸者也力寡而敵堅則先其所易是謂固國之本觀釁而後動者也頃屬多故人勞未瘳而欲廣發師徒深踐寇境復其侵地攻其堅城前有勝負未必之虞後有餽運不繼之患儻或撓敗適所以啓戎心而挫國威以此爲安邊之謀可謂不量事勢而務於所難矣天之授者有分事無全功地之產者有物宜無兼利是以五方之俗長短各殊長者不可踰短者不可企勉所短而校其所長必殆用所長而乘其所短必安強者乃以水草爲邑居以射獵供飲茹多馬而尤便馳突輕生而不取敗亡此戎狄之所長也戎狄之所長乃中國之所短而欲益兵蒐乘角力爭驅交鋒原野之間決命尋常之內以此爲禦寇之術可謂勉所短而校其所長矣務所難勉所短勞費百倍終於無成雖果成之不挫則廢豈不以越天授而違地產虧時勢以反物宜者哉將欲去危就安息費從省在其慎守所易精用所長而已若乃擇將吏以撫寧衆庶修紀律以訓齊師徒耀德以佐威能邇以柔遠禁侵掠之暴以彰吾信抑攻取之議以安戎心彼求和則善待而勿與結盟彼爲寇則嚴備而不務報復此當今之所易也賤力而貴智惡殺而好生輕利而重人忍小以全大安其居而後動俟其時而後行是以修封疆守要害澶涿蹊隧壘軍營謹禁防明斥候務農以足食練卒以蓄威非萬全不謀非百尅不鬪寇小至則張聲勢以遏其入寇大至則謀其大疑以邀其歸據險以乘之多方以悞之使其勇無所加衆無所用掠則靡獲攻則不能進有腹背受敵之虞退有首尾難救之患所謂乘其弊不戰而屈人之兵此中國之所長也我之所長乃戎狄之所短我之所易乃戎狄之所難以長制短則用力寡而見功多以易敵難則財不匱而事速就捨此不務而反爲所乘斯謂倒持戈

矛以鐔授寇者也今則皆務之矣然猶封守未固寇戎未懲者其病在於謀無定用衆無適從所任不必才才者不必任所聞不必實實者不必聞所信不必誠誠者不必信所行不必當當者未必行故令措置乖方課責虧度財匱於兵衆力分於將多怨生於不均機失於遙制臣請爲陛下粗陳六者之失惟明主慎聽而熟察之臣聞工欲善其事必先利其器武欲勝其敵必先練其兵練兵之中所用復異用之於救急則權以紓難用之於暫敵則緩以應機故事有便宜而不拘常制謀有奇詭而不徇衆情進退死生唯將所命此所謂攻討之兵也用之於屯戍則事資可久勢異從權非物理所恆不寧非人情所欲不固夫人情者利焉則勸習焉則安保親戚則樂生顧家業則忘死故可以理術馭不可以法制驅此所謂鎮守之兵也夫欲備封疆禦戎狄非一朝一夕之事固當選鎮守之兵以置焉古之善選置者必量其性習辨其土宜察其技能知其欲惡用其力而不違其性齊其俗而不易其宜引其善而不責其所不能禁其非而不處其所不欲而又類其部伍安其室家然後能使之樂其居定其志奮其氣勢結其恩情撫之以惠則感而不驕臨之以威則肅而不怨靡督課而人自爲用弛禁防而衆自不攜故出則足兵居則足食守則固戰則強其術無他便於人情而已矣今者散徵士卒分戍邊陲更代往來以爲守備是則不量性習不辨土宜邀其所不能強其所不欲求廣其數而不考其用將致其力而不察其情斯可以爲羽衛之儀而無益於備禦之實也何者窮邊之地千里蕭條寒風裂膚驚沙慘目與豺狼爲鄰伍以戰鬪爲嬉遊晝則荷戈而耕夜則倚烽而覘日有剽害之慮永無休暇之娛地惡人勤於斯爲甚自非生於其域習於其風幼而覩焉長而安焉不見樂土而不遷焉則罕能寧其居而狎其敵也關東之壤百物阜殷從軍之徒尤被優養慣於溫飽狎於歡康比諸邊隅若異天地聞絕塞荒陬之苦則辛酸動容聆強蕃勁

虜之名則懾駭奪氣而乃使之去親族捨園廬甘其所辛酸抗其所懾駭將冀爲用不亦疎乎矧又有休代之期無統帥之馭資奉若驕子姑息如情人進不激之以成功退不處之以嚴憲其來也咸負德色其止也莫有固心屈指計歸張頤待餉僥倖者猶患還期之賒緩恆念戎醜之充斥王師挫傷則將乘其亂離布路東潰情志且爾得之奚爲平居則殫耗資儲以奉浮冗之衆臨難則投棄城鎮以搖遠近之心其弊豈唯無益哉固亦將有所撓也復有抵犯刑禁謫徙軍城意欲增戶實邊兼令展効自贖既是無良之類且加懷土之情思亂幸災又甚戍卒適足煩於防衛諒無望於功庸雖前代時或行之固非良算之可遵者也復有擁旄之帥身不臨邊但分偏師俾守疆場大抵軍中壯銳元戎例選自隨委其疲羸乃配諸鎮節將既居內地精兵祇備紀綱遂令守要禦衝恆在寡弱之卒寇戎每至力勢不支入壘者纔足閉關在野者悉遭劫執恣其焚蹂盡其搜毆比及都府聞知虜已剽獲旋返且安邊之本所切在兵理兵若斯可謂措置乖方矣夫賞以存勸罰以示懲勸以懋有庸懲以威不恪故賞罰之於馭衆也猶繩墨之於曲直權衡之於重輕輓軌之所以行車銜勒之所以服馬也馭衆而不用賞罰則善惡相混而能否莫殊用之而不當功過則姦妄寵榮而忠實擯抑夫如是若聰明可銜律度無章則用與不用其弊一也自頃權移於下柄失於朝將之號令既鮮克行之於軍國之典常又不能施之於將務相違養苟度歲時欲賞一有功翻慮無功者反側欲罰一有罪復慮同惡者憂虞罪以隱忍而不彰功以嫌疑而不賞姑息之道乃至於斯故使亡身効節者獲諡於等夷率衆先登者取怨於士卒債軍蹙國者不懷於愧畏緩救失期者自以爲智能褻貶既闕而不行稱毀復紛然相亂人雖欲善誰爲言之況又公忠者直己而不求於人反罹困厄敗撓者行私而苟媚於衆例獲優崇此義士所以痛心勇夫所以解體也又有遇敵而

所守不固陳謀而其效靡成將帥則以資糧不足爲詞有司復以供給無闕爲解既相執證理合辨明朝廷每爲含糊未嘗窮究曲直措理者含聲而靡訴誣善者罔上而不慚馭將若斯可謂課責虧度矣課責虧度措置乖方將不得竭其才卒不得盡其力屯集雖衆戰陣莫前虜每越境橫行若涉無人之地遞相推倚無敢誰何虛張賊勢上聞則曰兵少不敵朝廷莫之省察唯務徵發益師無裨備禦之功重增供億之弊閭井日耗徵求日繁以編戶傾家破產之資兼有司權鹽稅酒之利總其所入半以事邊制用若斯可謂財匱於兵衆矣今四夷之最強威爲中國甚患者莫大於吐蕃舉國勝兵之徒纔當中國十數大郡而已其於內虞外備亦與中國不殊所能寇邊數則蓋寡且又器非犀利甲不堅完識迷輜鈴藝乏趨敏動則中國懼其衆而不敢抗靜則中國憚其強而不敢侵厥理何哉良以中國之節制多門蕃醜之統帥專一故也夫統帥專一則人心不分人心不分則號令不貳號令不貳則進退可齊進退可齊則疾徐如意疾徐如意則機會靡愆機會靡愆則氣勢自壯斯乃以少爲衆以弱爲強變化翕闢在於反掌之內是猶臂之使指心之制形若所任得人則何敵之有夫節制多門則人心不一人心不一則號令不行號令不行則進退難必進退難必則疾徐失宜疾徐失宜則機會不及機會不及則氣勢自衰斯乃勇廢爲庸衆散爲弱逗撓離析兆乎戰陣之前是猶一國三公十羊九牧欲令齊肅其可得乎開元天寶之間控禦西北兩蕃唯朔方河西隴右三節度而已猶慮權分勢散或使兼而領之中興已來未遑外討僑隸四鎮於安定權附隴右於扶風所當西北兩蕃亦朔方涇原隴右河東四節度而已關東戍卒至則屬焉雖委任未盡得人而措置尙存典制自頃逆泚誘涇原之衆叛懷光汚朔方之軍割裂誅鋤所餘無幾而又分朔方之地建牙擁節者凡三使焉其餘鎮軍數且四十皆承特詔委寄各降中貴監臨人得抗

衡莫相累屬每俟邊書告急方令計會用兵既無軍法下臨唯以客禮相待是乃從容拯溺揖讓救焚冀無危固亦難矣夫兵以氣勢爲用者也氣聚則威散則消勢合則威折則弱今之邊備勢弱氣消建軍若斯可謂力分於將多矣理戎之要最在均齊故軍法無貴賤之差軍實無多少之異是將所以同其志而盡其力也如或誘其志意勉其藝能則當閱其材程其勇校其勞逸度其安危明申練覈優劣之科以爲衣食等級之制使能者企及否者息心雖有濃厚之殊而無缺望之覺蓋所謂日省月試鎮廩稱事如權量之無情於物萬人莫不安其分而服其平也今者窮邊之地長鎮之兵皆百戰傷夷之餘終年勤苦之劇角其所能則練習度其所處則孤危考其服役則勞察其臨敵則勇然衣糧所給唯止當身例爲妻子所分常有凍餒之色而關東戍卒歲月踐更不安危城不習戎備怯於應敵懈於服勞然衣糧所頒厚踰數等繼以茶藥之饋益以蔬醬之資豐約相形縣絕斯甚又有素非禁旅本是邊軍將校詭爲媚詞因請遙隸神策不離舊所唯改虛名其於廩賜之饒遂有三倍之益此則儔類所以忿恨忠良所以憂嗟疲人所以流亡經費所以褊匱夫事業未異而給養有殊人情不能甘也況乎矯佞行而廩賜厚績藝劣而衣食優苟未忘懷孰能無愠不爲戎首則已可嘉而欲使其協力同心以攘寇難雖有韓白孫吳之將臣知其必不能焉養士若斯可謂怨生於不均矣凡欲選任將帥必先考察行能然後指以所授之方語以所委之事令其自揣可否自陳規模須某色甲兵藉某人參佐要若干士馬用若干資糧某處置營某時成績始終要領悉俾經綸於是觀其計謀校其聲實若謂材無足取言不可行則當退之於初不宜貽慮於其後也若謂志氣足任方略可施則當要之於終不宜掣肘於其間也夫如是則疑者不使使者不疑勞神於選才端拱於委任既委其事既足其求然後可以覈其否臧行其實罰受其實者不以

爲濫當其罰者無得而辭付授之柄既專苟且之心自息是以古之遣將帥者君親推轂而命之曰自闔以外將軍裁之又賜鉞鉞示令專斷故軍容不入國國容不入軍將在軍君命有所不受誠謂機宜不可以遠決號令不可以兩從未有委任不專而望其尅敵成功者也自頃邊軍去就裁斷多出宸衷選置戎臣先求易制多其部以分其力輕其任以弱其心雖有所懲亦有所失遂令分闔責成之義廢死綏任咎之志衰一則聽命二亦聽命爽於軍情亦聽命乖於事宜亦聽命若所置將帥必取於承順無違則如斯可矣若有意乎平兇靖難則不可也夫兩疆相接兩軍相持事機之來間不容息蓄謀而俟猶恐失之臨時始謀固已疎矣況乎千里之遠九重之深陳述之難明聽覽之不一欲其事無遺策雖聖者亦有所不能焉設使謀慮能周其如權變無及戎虜馳突迅如風颺駟書上聞旬月方報守土者以兵寡不敢抗敵分鎮者以無詔不肯出師逗留之間寇已奔逼託於救援未至各且閉壘自全牧馬屯牛鞠爲椎剽畜夫樵婦罄作俘囚雖詔諸鎮發兵唯以虛聲應援互相瞻顧莫敢遮邀賊既縱掠退歸此乃陳功告捷其敗喪則減百而爲一其據獲則張百而成千將帥既幸於總制在朝不憂罪累陛下又以爲大權由己不究事情用師若斯可謂機失於遙制矣理兵而措置乖方馭將而賞罰虧度制用而財匱建軍而力分養士而怨生用師而機失此六者疆場之蠹賊軍旅之膏肓也蠹賊不除而但滋之以養膏肓不療而苟啗之以滑甘適足以養其害速其災欲求稼穡豐登膚革充美固不可得也臣愚謂宜罷諸道將士番替防秋之制率因舊數而三分之二其一分委本道節度使募少壯願住邊城者以徙焉其一分則本道但供衣糧委關內河東諸軍州募蕃漢子弟願傳邊軍者以給焉又一分亦令本道但出衣糧加給應募之人以資新徙之業又令度支散於諸道和市耕牛雇召工人就諸軍城繕造器具募人至者每家給

耕牛一頭又給田農水火之器皆令充備初到之歲與家口二人糧并賜種子勸之播植待經一稔俾自給家若有餘糧官爲收糴各酬倍價務使營田既息踐更徵發之煩且無幸災苟免之弊寇至則人自爲戰時至則家自力農是乃兵不得不強食不得不足與夫條來忽往其可同等而論哉臣又謂宜擇文武能臣一人爲隴右元帥應涇隴鳳翔長武城山南西道等節度管內兵馬悉以屬焉又擇一人爲朔方元帥應鄜坊邠寧靈夏等節度管內兵馬悉以屬焉又擇一人爲河東元帥河東振武等節度管內兵馬悉以屬焉三帥各選臨邊要會之州以爲理所見置節度有非要者隨所便近而并之唯元帥得置統軍餘並停罷其三帥部內太原鳳翔等府及諸郡戶口稍多者慎柬良吏以爲尹守外奉師律內課農桑俾爲軍糧以壯戎府理兵之宜既得選帥之道既明然後減姦濫虛浮之費以豐財定衣糧等級之制以和衆宏委任之道以宜其用縣賞罰之典以考其成而又慎守中國之所長謹行當今之所易則八利可致六失可除如是而戎狄不威懷疆場不寧謐者未之有也諸侯軌道庶類服從如是而教令不行天下不理者亦未之有也以陛下之英聖人心之思安四方之小休兩寇之方靜加以頻年豐稔所在積糧此皆天贊國家可以立制垂統之時也時不久居事不常兼已過而追雖悔無及明主者不以言爲罪不以人廢言罄陳狂愚惟所省擇謹奏

強者乃三字衍文一本無

商量處置實參事體狀

右希顏奉宣進止朝來共卿等商量實參事卿等所奏雖於大體甚好然此人文結中外意在不測朕試根尋灼然審知情狀所以有此商量又聞實參在彼處亦共諸處交通不絕社稷事重卿等只合與朕同憂宜即作文書進來此事非小不可更遲者臣面承深旨又奉密宣皆以社稷爲言又知根尋已審取不上同憂憤內絕狐疑豈願

遲迴更貽念慮但以嘗經重任斯謂大臣進退之間猶宜有禮誅戮之際不可無名劉晏久掌貨財當時亦招怨讟及加罪責事不分明叛者既得以爲辭衆人亦爲之懷愍用刑曖昧損累不輕事例未遙所宜重慎實參項司鈞軸頗怙恩私貪婪貨財引縱親黨此則朝廷同議天下共傳至於潛懷異圖將起大惡跡既未露人皆莫知臣等親奉威顏議加刑辟但聞兇險之意尙昧結構之由況在衆流何由察悉忽行峻罰必謂冤誣羣情震驚事亦非細若不付外推鞠則恐難定罪名乞留審聽更少詳度實參於臣素分陛下固所明知有何顧懷輒欲營救良以事關國體義絕私嫌所冀典刑不濫於清時君道免虧於聖德特希天鑒俯亮愚誠謹奏

奏議實參等官狀

右希顏奉宣進止實參結朕左右兼有陰謀皆有馮據事不曖昧只緣連及處多不可推按卿等宜更商量若謂恐事體不穩即且流貶向絕遠惡處實參實榮李則之首末同惡無所不至又並微細不比實參宜便商量處置其實參等所有朋黨親密並不可容在側近宜便條疏盡發遣向僻遠無兵馬處先雖已經流貶更移向遠惡處者伏以實參罪犯誠合誅夷聖德含宏務全事體特寬嚴惠俯貸餘生始終之恩實足感於庶品仁育之惠不獨幸於斯人所議貶官謹具別狀其實榮實申李則之等既皆同惡固亦難容然以得罪相因法有首從首當居重從合差輕參既蒙恩矜全申等亦宜減降又於黨與之內亦有淑慝之殊稍示區分足彰勸勵實榮與參雖是近屬亦甚相親然於款密之中都無邪僻之事仍聞激憤屢有直言因此漸構猜嫌晚年頗見疎忌若論今者陰事則尙未究端由如據比來所行必應不至兇險恐須差異以表詳明臣等商量實榮更貶遠官實申則之並除名配流謹具別狀進擬庶允從輕之典以治好生之恩夫趨勢附權時俗常態苟無高節出衆何能特立不羣實參久秉鈞

衡特承寵渥君之所任孰敢不從或遊於門庭或結以中外或偏被接引或驟與薦延如此之徒十恆七八若聽流議皆謂黨私自非甚與交親安可悉從貶累況寶參罷黜迨欲周星應是私黨近親當時並已連坐人心久定不可復搖今者再責寶參特緣別有結構陛下親自尋究審得事情所與連謀固知定數今若普加譴斥則恐翻類淪胥罪無指名誰不疑懼中外洵洵殊非令猷臣等商量除同謀陰邪事狀分明者其餘一切更無所問將爲穩便未審可否

請不簿錄寶莊宅狀

右希顏奉宣進止凡是官吏貪濁取受錢物猶並徵贓寶參負朕至深廣納賄貨又更交結謀行惡事其莊宅錢物奴婢之類豈不合收納入官寶參身既遠貶亦恐被人破除隱沒今欲使人勾當收拾卿等商量可否者謹按國家典法沒入官產唯有兩科一謂姦贓一謂叛逆皆須先鞠犯狀審得實情憲司察冤法寺論罪會府覆奏掖垣參詳如是悉無異詞然後謂之獄成而聞于天子其有抵于深辟者制可既下所司猶三五覆奏庶或有之聖王愛人恤刑乃至如此精慎罪法既定方合徵收叛逆則盡沒其家姦贓則止徵所犯蓋示懲戒匪貪貨財何嘗有罪未斷有法未詳而可以納其資產者也伏惟聖德廣大如天包含懲忿於彝憲之中念終於常情之外已存惠貸不真嚴刑今若簿錄其家竊恐以財傷義猥蒙下問實荷皇明輒罄愚誠所祈天鑒謹奏

唐陸宣公集卷第二十

後學介春著英重訂

萍鄉文 晟
崇仁華廷傑 同校

中書奏議四

請還田緒所寄撰碑文馬絹狀馬一匹并鞍絹二千匹

右田緒使節度隨軍劉瞻送書與臣其書意緣奉進止令爲其亡父承嗣撰遺愛碑文故送前件馬絹等以申情貶臣先奉恩旨令撰碑文於今半年竟未綴緝良以勸戒之道忠義攸先褒貶之詞春秋所重爵位有僥倖而致名稱非詐力可求將使循軌轍者畏昭憲而莫渝怙姦妄者顧清議而知取仲尼修春秋而亂臣賊子懼豈必臨之以武脅之以刑哉褒貶苟明亦足助理田承嗣阻兵犯命靡惡不爲竟遣天誅全歸土壤此乃先朝所愧恨義士所惋嗟今田緒尚干宸嚴請頒遺愛微臣隘踴實憤於心謬承恩光備位台輔既未能滌除姦慝匡益大猷而又飾其愧詞以贊兇德納彼重賂以襲貪風情所未安事固難強是以屢嘗執翰不能措詞輒投所操太息而止緣承聖誨姑務懷柔昨見田緒使人臣亦婉爲報答但告云所爲碑頌皆奉德音既異私情難承厚貺候稍休暇續當撰成既無拒絕之言計亦不至疑阻其來書謹封進所送馬及絹等令劉瞻便領却迴訖不敢不奏謹奏

請依京兆所請折納事狀

京兆府先奏當管蟲食豌豆全然不收請據數折納大豆奉敕宜依度支續奏稱據時估豌豆每斗七十價已上大豆每斗三十價已下京兆府所請將大豆替豌豆望令據估計錢數折納則冀免損官司者求瘼救災國之令典求瘼在知其所患救災在恤其所無只如螟蛾爲殃豌豆全損檢覆若非虛謬地稅固合免徵直道而行大體斯在府司折納充數已爲剋下從權度支進估計錢乃是幸災規利所

得無幾其傷實多傷風得財非謂理道且豌豆爲物入用甚微舊例所支唯充畜料準數迴給大豆諸司誰曰不然計價剩徵義將安在理無所據事不可從望依前勅處分未審可否

議汴州逐劉士寧事狀

右希顏奉宣聖旨適得李萬榮奏劉士寧因出遊獵三軍將士遂閉城門不放入發遣令赴朝廷萬榮安撫軍州今已寧帖卿等宜知悉者伏以劉士寧昏荒暴慢惡貫久盈聖情愛人久爲含忍親離衆叛自取奔亡不勞師徒克靖方鎮恭承宣諭欣賀實深然梁宋之間地當要害鎮壓齊魯控引江淮得其人則安則強失其人則危則弱今士寧見逐雖是衆情萬榮總軍且非朝旨此亦安危強弱之機也陛下審之慎之或恐奏事之人苟私所奉之將妄陳體勢輒欲徵求承前授任失宜多爲此輩所誤假使心無詐罔其如識乏經通與之籌量鮮不撓敗今軍州既定足得安詳望且選一朝臣馳往宣勞更淹旬日徐察事情見情而後圖之則冀免有差失候至坐日續更面陳謹先狀以聞謹奏

請不與李萬榮汴州節度使狀

右希顏奉宣進止萬榮安撫有功聞亦忠義甚得衆心若更淹遲却恐事不穩便今商量除一親王充節度使且令萬榮知留後其節度制便從內出萬榮須與改官卿等即商量進來者臣性習儒術藝識空乏辱當獎任待罪宰司事關安危不敢容默雖服戎角力諒匪克堪而經武伐謀或有所見夫制置之安危由勢付授之濟否由才勢如器焉唯在所置置之險地則覆致之夷地則平材如負焉唯在所授授踰其力則踣授當其力則行故負重者不可以微劣勝器大者不可以輕易處有巨力而加重負猶懼蹶跌之不虞擇安地而實大器尙慮傾覆之難備焉有委非所任置非所安而望其不顛不危固亦難矣劉士寧窮兇極暴衆所不容李萬榮因人之心閉城拒逐爲

國除害亦有可嘉誠宜星夜上聞請擇節將今所陳奏頗涉張皇但露徵求之情殊無退讓之禮據茲鄙躁殊異純良又聞本是滑人偏厚當州將士與之相得纔止三千諸營之兵已甚懷怨據此頗僻亦非將材且邀君而力取其位不忠逐帥而謀代其權不義犯此二者而加之非材得志驕盈不悛則敗俾謂犯上敗謂債軍俱爲厲階莫見其可今雖遽加寵命務饜貪求曲示保持冀消凶慝然其所行不遜所得無名縱之則反側而益疑奪之則缺望而肆惡夫善始而克終者猶寡況始於不善而求能以義自全者乎又緣嘗自蓄謀以危主將及居人上恆恐見圖必於部校之間多有疑阻之釁上下猜貳何能久安縱未干紀亂常亦必喪師蹙境所以承前方鎮之任選建才德而不副所委者則有矣其不由才德而授終能殿邦固節者未之有也是猶置器欲安而不擇可安之勢負重欲濟而不量可濟之材處非所宜不敗何待陛下若謂臣說體迂闊有異軍機引喻乖疎不同事實臣請指陳汴宋一管近代成敗之跡皆陛下之所經見者以爲殷鑒惟陛下覽而察之往者田神功作鎮河南領汴宋徐泗兗鄆曹濮八州之地兵食兼足職貢備修左肅齊右弭滑魏南控淮浙北輔滎滙殷如長城不震不聳此由制置於可安之地付授得可濟之材其爲利宜斯謂大矣及神功入覲遽屬不還先皇帝示眷悼之優崇貪因循之便易知神玉才不勝任排衆議而竟授之既而維御無方經略失制權歸豪將勢散列城禍機一興內叛外破委三軍於暴帥陷五郡於匪人轉輸所經塗路亟阻此由制置於必危之地付授於必躓之才其爲敗傷亦已甚矣近者劉元佐驅擾巨猾底復大梁卽鎮如茲幾將十載雖不能動身節用以撫疲吐畢力竭誠以揚丕烈然尙號令由己部屬畏威緝修戎旅振耀聲勢遠邇談矚且爲完軍制持東方猶有所倚及元佐歿朝廷命吳淦代之士寧兇頑輒敢毗睚素非得衆且甚不材緩之旬時必自離沮隨機制馭指

顧可平陛下念深黎元姑務容養適使姦徒得計庸賢作狂但肆醜厲之詞豈懷任置之惠運路幾絕生人重殘殷然垣翰之軍鞠爲汙染之俗追思致患之本豈不失於苟且哉今若又授萬榮則與士寧何異負力而取誰曰不然邀取而除孰爲非據苟邀則不順苟允則不誠君臣之間勢必嫌阻與其圖之於滋蔓不若絕之於萌芽志久遠而樂因循固非英主御天下長筭遠慮之計也且爲國之道以義訓人將教事君先令順長用能弭爭奪之禍絕窺覷之心聖人所以興敬讓而服暴強禮達而分定故也假使士寧爲將慢上虐人萬榮懷奉國之誠稟嫉惡之性棄而違之斯可矣討而逐之亦可矣謀其帥而篡其位則不可焉何者方鎮之臣事多專制欲加之罪誰則無辭若使傾奪之徒便得代居其任利之所在人各有心此源潛滋禍必難救非獨長亂之道亦開謀逆之端四方諸侯誰不解體得一夫而喪羣帥其何利之有焉矧茲一夫猶未可保徒亂風教以生人心昨者所逐士寧蓋起於倉卒諸郡守將固非連謀一城師人亦未協志況又待之不一撫之不均黨助萬榮其能有幾仍各計度於成敗之勢迴遑於逆順之名安肯捐軀與之同惡今所以未卽變者皆爲萬榮所誘許其實給貨財且相服從以候制旨陛下但於文武羣臣之內選一和惠寬敏素爲軍旅所愛信者命爲節度仍降優詔慰勞彼軍獎萬榮以撫定之功別加寵任褒將士以輯睦之義厚賜資裝衆知保安人且懷惠舍此助亂更將何求揆其大情理必寧息萬榮縱欲跋扈勢何能爲三軍既自離心列城又不爲援緣其迫逐主將諸道必復憎嫌邇無所親遠無所與不勞天討必自殲夷陛下何所爲虞而欲受其邀致臣雖辱怯竊有未安昨因希顏宣旨却迴已與趙憬等同附口奏展轉申吐慮多闕遺臣更通夕詳思恐亦無易於此不勝拳拳愚懇謹復密啓以聞如蒙聖恩察納臣卽與趙憬等商量應須處置事宜具作條件聞奏備後事有愆素臣請受敗撓之罪

謹奏

論度支令京兆府折稅市草事狀

度支奏緣當年稅草支用不充諸場和市所得又少所以每至秋夏常有欠闕請令京兆府折今年秋稅和市草一千萬束便令人戶送入城輸納每束兼車脚與折錢二十五文既利貧人兼濟公用希願奉宜進止宜依者伏以制事之體所貴有常順人之情尤重改作革而能當倘恐未孚動且非宜曷由無擾臣等每承睿旨常以百姓爲憂審知事不可行安敢默而無述每年蓄聚芻蕘所司素有恆規計料稅草不充卽便開場和市既優價直復及農收人皆樂輸事不勞擾陛下追想往年之事豈嘗有緣草不足上關宸慮者乎延齡欲銜己能頗躐舊制苟收經費之用以資贏羨之功遂使儲備空虛支計寥落廐園告闕頻煩聖聽去歲已然今夏尤甚此乃不遵舊制之過也舊制何害而變之哉臣等謹檢京兆府應徵地稅草數每年不過三百萬束其中除留供諸縣館驛及鎮軍之外應合入城輸納唯二百三十萬而已百姓般運已甚艱辛常迫春農僅能得畢今若更徵一千萬束仍令並送入城卽是一年之間併徵三年稅草計其所加車脚則又四倍常時物力有窮求取無藝其爲騷怨理在不疑旬服且然四方安仰假使時當豐稔家悉阜殷有草可輸有車可載然於途程往復理須淹歷歲時牛廢耕犁人妨播植東作既闕西成曷期況蒸黎之間貧富不等收穫之際豐耗靡均今忽併役車牛雇車傭必騰貴併徵稅草買草價必倍高是使豪富之徒乘急令以邀其利窮乏之輩因暴斂以毀其家非所謂均節財物準平賦法之術也臣等又勘度支京兆比來雇車估價及所載多少大率每一車載一百二束每一里給傭錢二十五文百束應輸二束充耗今京畿諸縣去城近者七八十里遠者向二百里設令遠近相補通以百里爲程則雇車載草百束悉依官司常估猶用錢三千五百文卽是一束之草

唯計般運已當三十有五文買草本價又更半之而度支曾不計量自我作古徑以胸臆斟酌限爲二十五文謂之加徵則法度廢墮謂之和市則名實乖反儻可其奏人何以觀豈如官自置場要便收市欲少市則平其估以節費欲多市則優其價以招人買賣既和貧富俱便有餘者趨如鑄易售之利不足者免轉求貴賈之資比之抑徵固不同等幸有舊制足可遵行何必捨易而卽難棄利而從害臣誠暗滯未見其宜伏望戒勅度支令依舊例和市承前既有恆用以後不得闕供稍峻隄防使知懷懼妄作但不施用歲計必免愆違陛下若以軍廩之中馬畜漸衆度支所營芻蕘纔可供給當年或慮水旱不虞別須蓄積爲備今屬歲稔亦是其時但要收斂有方不宜科配致擾若度支併市延齡必復辭難須有區分使之均濟望委京兆尹勾當別和市草五百萬束以充貯備其所和市並隨要便官自置場每場貯錢旋付價直時估之外仍稍優饒交易往來一依市利勿令官吏催遣道路遮邀但不抑人自當趨利其市草價直並於年支留府錢數內以給用不盡者充每市滿十萬束一度聞奏便以府司郵遞車牛并更雇脚相添轉徙場所般載送付苑中輸納如蒙聖恩允許臣卽依此宣行既免擾人又不增費以資儲蓄足禦災度支謹守恆規亦自不闕常用臣等商度將爲合宜謹錄奏聞伏聽進止

論左降官准赦合量移事狀

右竄謫之徒皆在遐僻或迫於衰暮顧景思還或因於瘴癘翹心望徙既關需澤許以量移企躍之情遠想可見若准所司舊例須俟州府錄申盤勘檢尋動踰年歲上稽恤宥之旨下虧慶賴之心臣等商量恐須釐革望令所司據承貞元六年恩赦檢勘已量移未量移官及貞元六年恩後左降官等除遷改亡歿之外具名銜及貶責事由年月速報中書門下不須更待州府申請臣等據所司報到則便進擬不出歲內冀悉霽恩未審可否謹錄奏聞伏聽進止

再奏量移官狀

右伏以國之令典先德後刑所後者法當舒遲故決罪不得馳驛行下所先者體宜疾速故赦書日以五百里爲程誠以聖王之心務宏慶惠必迴翔於行罰而企躍於舒恩不加罰於典法之外不虧恩于德令之內則受責者莫得與怨荷貸者咸思自新所謂威之斯懲宥之斯感懲以致理感以致和致理則尊致和則愛爲人父母必在兼行陛下德配上元澤流下土頃因郊祀普降鴻恩凡足貶責之人並許量移近處臣等任叨輔翼職在宣行尋具奏聞請便進擬聖心精一務欲均齊令待所司檢尋一時類例處分其左降官內或罪非可棄才有足甄亦許別狀商量不拘常例擬用臣等據所司檢勘左降官及流人送名到者都比擬量移及別追用分爲三狀前月十二日封進其流人量移狀已蒙印出行下訖餘兩狀至今未奉進止竊以赦書宣布僅欲半年若更淹遲恐乖事體又諸州刺史及臺省官等繼有事故頗多缺員睿旨精於選求至今常不充備以舊掩德見非古人錄用棄瑕允歸聖造願廣含宏之美庶增誘掖之途謹奉狀陳聞伏聽進止

三進量移官狀

右希顏奉宣進止舊例左降官每准恩赦量移不過三百五百里今度進擬稍似超越又多足近兵馬處及當路州縣事非穩便宜更商量伏以罰宜從輕赦宜從重所以昭仁恕之道廣德澤之恩也夫位尊者其惠不可以不重言大者其實不可以不豐位尊而惠輕則體非宜言大而實寡則人失望陛下躬行威禮渙發德音念謫居之荒遐哀負累之沉棄俾移近處將合新恩赦令初行室家相慶惠亦至矣言亦大矣竊料竄逐窮僻喜聞霽澤降臨固必破產以飾行裝計日而俟休命在再淹息復經半年儻又所移之官還與舊任隣近竊恐乖陛下垂愍之意虧制書行慶之恩口惠重而事實輕非所以揚

鴻休而布大信也謹按承前格令左降官非元勅令長任者每至考滿卽申所司量其舊資便與改敘縱或未有遷轉亦卽任其歸還逮于開元末李林甫固權專恣凡所斥黜類多非辜慮其却迴或復冤訴遂奏左降官考滿未別改轉者且給俸料不須卽停外示優矜實欲羈係從此已後遂爲恆規一經貶官便同長往迴望舊里永無還期縱遇非常之恩許令移遠就近雖各改轉不越幽遐或自西徂東或從大適小時俗之語謂之橫移馴致忌刻之風積成天寶之亂展轉流弊以至於今天下咸病此法深苛而不能改從舊典者良以猜嫌之慮易惑上心將謂負譴之人悉包樂禍之意已經黜責遂欲隄防故高論則痛嫉林甫之陰邪而密網則習行林甫之弊法儉邪爲蠹乃至於斯然則左降永絕於歸還量移不離于僻遠蓋是姦臣詭計殊非國典舊章且貶黜之中情狀各異犯有輕重責有淺深固非盡是回邪皆須備慮王者之道待人以誠有責怒而無猜嫌有懲沮而無怨忌斥遠以儆其不恪甄恕以勉其自新不做則浸及威刑不勉則復加黜削雖屢進退俱非愛憎行法乃暫使左遷念材而漸加進敘人知復用誰不增修何憂乎亂常何患乎蓄憾如或以其貶黜便謂姦兇恆處防閑之中長從擯棄之例則是悔過者無由自補蘊才者終不見伸凡人之情窮則思變含懷貪亂或起於茲雖則何患能爲亦足感傷和氣謂非帝王開懷含垢之大體聖哲誘人遷善之良圖也臣等昨進擬商度非不精詳既審事宜亦尋舊例參求折衷兼務齊平大約所擬之官各移近地一道郡邑稍優於舊任官資序進於本銜並無降差亦不超越其有累經移改已至關畿則但以大州增其常秩所冀人皆受賜施不失平上副鴻恩下塞延望纔將得所殊匪爲優今若裁限所移不過三百五百里則有改職而疆域不離於本道遷居而風土反惡於舊州徒有徙家之勞是增移配之擾又當今郡府多有軍兵所在封疆少無館驛應合量移之例約有二百

許人道路須計其遠邇之差州縣則校其高下之等若必選非當路復不近兵則恐類例失倫署置偏併示人疑慮體又非宏幸希聖聰更賜裁審其擬官狀並未敢改革謹重封進伏聽進止

請邊城貯備米粟等狀

右兵之所屯食最爲急若無儲蓄是棄封疆自昔敗亂之由多因餽餉不足臣以任當體國職合分憂奏減河運腳錢用充軍鎮和糴幸蒙聖恩允許又屬頻歲順成二年之間沿邊諸軍共計收糴米粟一百八十餘萬石準元敕各委當道節度及監軍中使度支知巡院官同勾當檢納仍以貯備軍糧爲名非緣城守乏絕及不承別敕處分並不得輒有費用若能堅守此制有用隨卽却填則是邊城當貯十五萬人一歲之糧以爲急難之備永無懸絕足固軍情去歲版築五原大興師旅所司素無備擬臨事支計缺然齎送悉貸此糧乃得軍行辦集過事之後准敕合填迨今二年竟不支遣加以諸鎮軍食例皆闕供及其告急上聞宣旨下迫則又請貸貯粟以充將士月糧既務廢墮且無愧畏所未置竭其能幾何夫栽植至難毀拔至易古人以植楊爲喻能不爲之歎惜哉況水旱流行固宜有備戎狄爲患可不爲虞將欲安邊先宜積穀今當歲稔令益軍儲反罄聚蓄之資用供朝夕之費儻遇災難則如之何惟陛下詳思後圖不貽他日所悔臣之願也疆場之幸也不勝區區慮患之意謹冒昧以聞謹奏

唐陸宣公集卷第二十

原
书
空
白
页

唐陸宣公集卷第二十一

後學介春書英重訂

萍鄉文 晟
崇仁華廷傑 同校

中書奏議五

論裴延齡蠶蠶書一首

十一月二日具官臣某惶恐頓首獻書皇帝陛下臣聞君子小人用捨不並國家否泰恆必由之君子道長小人道消於是上下交而萬物通此所以爲泰也小人道長君子道消於是上下不交而萬物不通此所以爲否也夫小人於蔽明害理如目之有昧耳之有充嘉穀之有蟲梁木之有蠹也昧離婁之目則天地四方之位不分矣充子野之耳則雷霆蠅虻之聲莫辨矣雖后稷之穡禾易長畝而蠹傷其本則零瘁而不植矣雖公輸之巧臺成九層而蠹空其中則圯折而不支矣是以古先聖哲之立言垂訓必殷勤切至以小人爲戒者豈將有意讎而沮之哉誠以其蔽主之明害時之理致禍之源博傷善之憂深所以有國有家者不得不去耳其在周易則曰大君有命開國承家小人勿用必亂邦也在尚書則曰除惡務本去邪勿疑在毛詩則曰無縱詭隨以謹無良曾是培克斂怨以爲德盜言孔甘亂是用斂讒人罔極交亂四國在論語則曰惡利口之覆邦家者在春秋則曰聚斂積實不知紀極讒信廢忠崇飾惡言靖譖庸回服讒蒐惡天下之人謂之四凶在禮記則曰小人行險以徵幸長國家而務財用者必自小人矣小人使爲國家而災害並至雖有善人無如之何臣頃因讀書常憤此類不圖聖代目觀斯人戶部侍郎裴延齡者其性邪其行險其口利其志凶其矯妄不疑其敗亂無恥以聚斂爲長策以詭妄爲嘉謀以培克斂怨爲匪躬以靖譖服讒爲盡節總典籍之所惡以爲智術冒聖哲之所戒以爲行能可謂堯代之共工魯邦之少卯伏惟陛下協放勳文思之德而鑒其方鳩僇功體仲尼天縱

之明而辨其順非堅僞則天討斯得聖化允孚小往大來孰不欣幸跡其姦蠹日長月滋陰祕者固未盡彰敗露者猶難悉數今請粗舉數事用明欺罔大端悉非隱微皆可覆驗陛下若意其負謗則誠宜亟爲辨明陛下若知其無良又安可曲加容掩願擇左右親信兼與舉朝公卿據臣所言閱實其事儻延齡罪惡無狀卽臣之奏議是誣宜申典刑以制虛妄俾四海法朝廷之理兆人戴陛下之明得失之間其體甚大不當復有疑慮使辨之不早以竟失天下之望也前歲秋首班宏喪亡特詔延齡繼司邦賦數月之內遽銜功能奏稱勾獲隱欺計錢二十萬貫請貯別庫以爲羨財供御所須永無匱乏陛下欣然信納因謂委任得人既賴贏餘之資稍宏心意之欲興作浸廣宜索漸多延齡務實前言且希睿旨不敢告闕不敢辭難勾獲既是虛言無以應命供辦皆承嚴約苟在及期遂乃搜求市鄽豪奪入獻追捕夫匠迫脅就功以勒索爲名而不酬其直以和雇爲稱而不償其傭都城之中列肆爲之晝閉興役之所百工比於幽囚聚詛連羣遮訴盈路持綱者莫敢致詰巡察者莫敢爲言時有致詰爲言翻謂黨邪醜直天子轍下囂聲沸騰四方觀瞻何所取則蕩心于上斂怨於人欺天陷君遠邇危懼此其罪之大者也總制邦用度支是司出納貨財太府攸職凡是太府出納皆稟度支文符太府依符以奉行度支憑按以勘覆互相關鍵用絕姦欺其出納之數則每旬申聞其見在之數則每月計奏皆經度支勾覆又有御史監臨旬旬相承月月相繼明若指掌端如貫珠財貨少多無容隱漏延齡務行邪詭公肆誣欺遂奏云左藏庫司多有失落近因檢閱使置簿書乃於糞土之中收得銀十三萬兩其疋段雜貨百萬有餘皆是文帳脫遺並同已棄之物今所收獲卽是羨餘悉合移入雜庫以供別勅支用者其時特宣進止悉依所奏施行太府少卿韋少華抗表上陳殊不引伏確稱每月申奏皆是見在數中請令推尋足驗姦計兩司既相論執

理須辨鞠是非臣等具以奏聞請定三司詳覆若左藏庫遺漏不謬隱匿固合抵刑如度支舉奏是虛誣詎亦宜得罪陛下既不許差三司按問又不令檢奏辨明度支言太府隱漏至多而少華所任如舊太府論度支姦欺頗甚而延齡見信不淪枉直兩存法度都弛以在庫之物爲收獲之功以常賦之財爲羨餘之費罔上無畏示人不慚此又罪之大者也國之府庫用實貨財物合入官則納於其內事合給用則出乎其中所納無非法之財所出無不道之用坦然明白何曲何私而延齡險猾售姦諂諂求媚遂於左藏之內分建六庫之名意在別貯贏餘以奉人主私欲曾不知王者之體天下爲家國不足則取之於人人不足乃資之於國在國爲官物在人爲私財何謂贏餘復須別貯是必巧詐以變移官物暴法以刻斂私財捨此二途其將焉取陛下下務崇信不加檢裁延齡既怙寵私益復放肆遂錄積久逋欠妄云察獲姦賊總計緝錢八百餘萬聽其言則利益雖大考其事則虛誕自彰或是水火漂焚或緣旱澇傷敗或因兵亂散失或遭寇賊斂歛或准法免徵或經恩合放或人戶逃逸無處追尋或綱典拘囚不克填納或沒入店宅歲久摧殘或收獲舟船年深破壞類皆如此難以殫論在人者並無可科徵屬官者悉不任貨責但存名額虛掛簿書大抵錢穀之司皆取財物減少所以相承積累不肯滌除每當計奏之時常充應在之數延齡苟稱察獲遂請徵收恢張利門誘動天聽貽誚傳於方岳賈怨於蒸黎于茲累年一無所得其爲疎妄亦已殆哉陛下姑欲保持會無詰問延齡謂能蔽惑不復懼思姦威既沮於四方儉德復行於內府由是蹂躪官屬傾倒貨財移東就西便爲課績取此適彼遂號羨餘愚弄朝廷有同兒戲諸州輸送布帛度支不務準平抑制市人賤通估價計其所折即更下徵重困疲吐展轉流弊既彰忍害且示不誠及其支送邊州用充和糴則於本價之外例增一倍有餘布帛不殊貴賤有異剝徵罔下既以折

估爲名抑配傷人又以出估爲利事多矛盾交駭物情窮蹙痛憤切於骨髓下土編戶冤叫徹於蒼旻而延齡以冒取折估爲公忠苟得出估爲贍利所謂失人心而聚財賄亦何異割支體以徇口腹哉殊不寤支體分披口安能食人心離析財豈能存此又罪之大者也平原遠鎮扼制蕃戎五原要衝控帶靈夏艾夷榛蕪逐豺狼崎嶇繕完功力纔畢地猶寬絕勢頗孤危新集之兵志猶未固尤資瞻恤俾漸安居頻勅度支令貯軍糧常使平原有一年之蓄鹽州積半年之儲循環轉輸不得闕數近者二鎮告急俱稱絕糧陛下召延齡令赴中書遣希顏宣旨質問延齡確言饋餉不絕儲蓄殊多歲內以來必無闕乏希顏懼其推互邀令草狀自陳狀亦如言略無疑畏陛下覽其所奏翻謂軍吏不誠遂遣中官馳往檢覆道路無轉運之跡軍城無旬日之儲將卒嗷嗷幾將不守有如是之顛沛有如是之欺護按驗既明恩勞靡替其爲蠱媚曠代罕聞此又罪之大者也國之憲度會府是司位列諸郎猶應辰象任居六事實代天工內總轄於庶官外敷化於列郡舉措繫生靈之命得失關理亂之源爲人軌儀安可容易未有大官弛縱而能使羣吏服從朝典陵遲而欲禁天下暴慢是以天寶將季楊國忠爲吏部尚書亟於私庭詮集選士果令逆豎得以爲詞史策書之足爲國恥而延齡放情亂紀又甚國忠憚於夙興多闕會朝之禮徇其鄙次大墮省署之儀徒郎曹於里閭視公事於私第盡室飫官廚之饕餮街持簿領之書復有諸部參辭四方申請決遣資其判署去就俟其指擣延齡或聚客大誇不令白事或縱酒恣怒莫敢入言至有遺切而來逾旬未省輪納之後累月不歸資糧罄於滯淹筋力困於朝集晨趨夕散十百爲羣里中喧闐常若閭閻衢巷列屠沽之肆邑居成逆旅之津離次慢官虐人數法求之今古鮮有其倫此又罪之大者也總領財賦號爲殷繁自必識究變通智權輕重大不失體細能析微濟之以均平莅之以勤肅近無

滯事遠無壅情網條之下無亂繩鑒照之內無隱匿然後人不困而公用足威不厲而姦吏懲苟或未然則非稱職況延齡以素本僻戾之質而加之以狂躁滿盈既憚且驕事何由理遂以國家大計委於胥吏末流當給者無賄而不支應徵者受賂而縱免紀綱大壞貨賂公行苟操利權實竊邦柄近者度支小吏屢爲府縣所繩鞠其姦贓無不狼籍通結動運於節將交私匪止於苞苴威福潛移乃至於是職司失序固亦可知此又罪之大者也風教之大禮讓爲先禮讓之行朝廷爲首朝廷者萬方之所宗仰羣士之所楷模觀而効焉必有甚者是以朝廷好禮則俗尙敬恭朝廷尊讓則時取貪競朝廷有失容之慢則凌暴之弊播於人朝廷有動色之爭則攻鬪之禍流於下聖王知其然也故選建賢德以爲公卿使人具瞻不論而化昔周之方盛多士盈朝時靡有爭用能俾又故其詩曰慎爾出話敬爾威儀無不柔嘉又曰有來雍雍至止肅肅相維辟公天子穆穆言羣臣相與事上敬而能和言語動作靡有不善也周德既衰小人在位務相侵侮以至危亡故其詩曰方茂爾惡相爾矛矣又曰既之陰汝反予來嚇又曰涼曰不可覆背善言小人得志惡怒是憑肆其褊心以相詬病也陛下勤修儀式以靖四方慎選庶官以貞百度內選則股肱耳目外選則垣翰藩維濟濟師師咸欽至化庶相感率馴致大和而度支憑寵作威恃權縱暴侵刻軍鎮匱資糧將帥每使申論延齡率加毀訾或指誣隱盜或謗訐陰私或數其出處賤微或億其心志邪悖詞皆醜媒事悉加誣匹夫見凌猶或生患況將帥素加委遇多著勳庸縱有踰分取求但宜執理裁處苟當其所孰敢不從豈可對彼偏裨恣行侵辱使其慚覲於麾下憤恥於朝廷惟口起羞諒非細故爲國聚斂實由斯人而又虐害羣司幸其闕敗蔑彼彝典逞於兇懷氣吞等夷隸畜即吏時有履道而不爲屈撓守官而莫肯由從遭其詆訶事則尤劇或辱兼祖父或毀及家門皆名教所不忍聞敘

述所不堪紀其爲構陷抑復多端故示兇威使人懾憚人之狂險乃至於斯上虧大猷下扇流俗怙然禮義之府饑汗清明之朝此又罪之大者也度支舊管牛驢三千餘頭車八百餘乘循環載負供饋邊軍既有番遞之倫永無料配之擾延齡苟逞近効不務遠圖廢其葺修減其芻秣車破畜耗略無子遺每須載運軍資則令府縣差雇或有卒承別旨須赴促期遂於街市之間虜奪公私雜畜披猖頗甚費損尤多吏因生姦人不堪命所減者則奏以爲利所費者則隱而不論破實徇虛多如此類度支應給宮內及諸司使芻蕘薪炭等除稅草之外餘並市供所用既多恆須貯備舊例每至秋穫之後冬收之時散開諸場逐便和市免費高價復資貧人公私之間頗謂兼濟延齡悉隳舊制但飾姦情旋計芻薪價錢以爲節減剩利及乎春夏之際糞枯已殫霖潦之中樵薪不繼軍廩輟莖官廚待然告闕煩煩於聖聰徵催絡繹於省署崎嶇求買何暇計量屢損官錢不啻累倍聯蹇狼狽率以爲常此則審鑒之所明知物情之所深駭事之舛繆觸緒皆然臣愚以謂若斯之流不過歲費國家百萬緡錢及事體非宜耳其爲罪焉未足傾危事之可憂不在於此是以不復詳舉以煩聽覽也至如矯詭之態誣罔之辭遇事輒行應口便發靡日不有靡時不爲自非狀迹尤彰足致其禍者又難以備陳也延齡有詐僞亂邦之罪七而重之以耗數闕遺愚智共知士庶同憤以陛下英明鑒照物無遁情固非延齡所能蔽虧而莫之辨也或者聖旨以其甚招嫉怨而謂之孤貞可託腹心以其好進譏諛而謂之盡誠可寄耳目以其縱暴無畏而謂之強直可肅姦欺以其大言不疑而謂之智能可富財用將欲排衆議而收其獨行假殊寵而冀其大成倘陛下誠有意乎在茲臣竊以爲過矣夫君天下者必以天下之心爲心而不私其心以天下之耳目爲耳目而不私其耳目故能通天下之志盡天下之情夫以天下之心爲心則我之好惡乃天下之好惡也是以惡

者無謬好者不邪安在私託腹心以售其側媚也以天下之耳目爲耳目則天下之聰明皆我之聰明也是以明無不鑒聰無不聞安在偏寄耳目以招其蔽惑也夫布腹心而用耳目舜與紂俱用之矣舜之意務求己之過以與天下同欲而無所偏私由是天下臣庶莫不歸心忠讜既聞元德逾邁故虞書云臣作朕股肱耳目又云明四目達四聰言廣大也紂之意務求人之過以與天下違欲而溺於偏私由是天下臣庶莫不離心險詖既行昏德彌熾故商書云崇信姦回大雅云流言以對寇攘式內言邪僻也與天下同欲者謂之聖帝與天下違欲者謂之獨夫其所以布腹心而任耳目之意不殊然於美惡成敗若此相遠豈非求過之情有異任人之道不同哉太宗嘗問侍臣何者爲明君何者爲暗主魏徵對曰君之所以明者兼聽也其所以暗者偏信也又曰秦之胡亥偏信趙高肆其姦欺卒至顛覆徵之此說理致甚明簡冊備書足爲鑒戒趙高指鹿爲馬愚弄厥君歷代流傳莫不痛憤陛下每覽前史詳考興亡固亦切齒於斯人傷心於其主臣謂鹿之與馬物類猶同豈若延齡掩有而爲無指無而爲有陛下若不以時省察得無使後代嗟誚又甚趙高者乎斯愚臣所以焦慮疚懷以陛下爲過者良有所以也夫理天下者以義爲本以利爲末以人爲本以財爲末本盛則其末自舉末大則其本必傾自古及今德義立而利用不豐人庶安而財貨不給因以喪邦失位者未之有也故曰不患寡而患不均不患貧而患不安有德必有人有人必有土有土必有財百姓足君孰與不足蓋謂此也自古及今德義不立而利用克宜人庶不安而財貨可保因以興邦固位者亦未之有焉故曰財散則人聚財聚則人散與其有聚斂之臣寧有盜臣無令侵削兆庶以爲天子取怨於下其有若此者行罰無赦蓋爲此也殷紂以貪冒失人而亡周武以散發得人而昌則紂之多藏適所以爲害己者之資耳尙何賴於財賄哉太宗亦云務蓄積而不恤人

甚非國家之計隋氏不道聚斂無厭所實洛口諸倉卒爲李密所利此則前代已行之明効聖祖垂裕之格言是而不懲何以爲理陛下初膺寶曆志翦羣兇師旅繁興徵求窮廣權算侵剝下無聊生是以經原叛徒乘人怨咨白晝犯關都邑吐庶恬然不驚反與賊衆相從比肩而入宮殿雖蚩蚩之性靡所不爲然亦由德澤未浹於人而暴令驅迫以至於於是也于時內府之積尙如邱山竟資兇渠以餌貪卒此時陛下躬親之矣是乃失人而聚貨夫何利之有焉車駕既幸奉天逆泚旋肆圍逼一壘之內萬衆所屯窘如涸流庶物空匱嘗欲發一健步出視賊軍其人懇以苦寒爲辭跪奏乞一櫛椅陛下爲之求覓不致竟憫默而遣之又嘗宮壘之中服用有闕聖旨方以戎事之急不忍重煩於人乃剗親王飾帶之金賣以給直是時行從將吏赴難師徒倉黃奔馳咸未冬服漸屬凝沍且無薪蒸饑凍內攻矢石外迫晝則荷戈奮迅夜則映堞呻吟凌風颺冒霜霰踰旬而衆無攜貳卒能走強賊全危城者陛下豈有嚴刑重賞使之然耶唯以不厚其身不藏其資與衆庶同其憂患與士伍共其有無乃能使捐軀命而扞寇讎餒之不離凍之不憾臨危而不易其守見死而不去其君所謂聖人感人心而天下和平此其効也及乎重圍既解諸道稍通賦稅漸臻貢獻繼至乃於行宮外廡之下復列瓊林大盈之司未賞功勞遽私賄玩甚沮惟新之望頗攜死義之心於是興誦興譏而軍士始怨矣財聚人散不其然歟旋屬蠹賊內攻翠華南狩奉天所積財貨悉復殲於亂軍既遷岷梁日不暇給獨憑大順遂復皇都是知天子者以得人爲寶以蓄義爲富人苟歸附何患蔑資義苟修崇何憂不富豈在貯之內府方爲己有哉故藏於天下者天子之富也藏於境內者諸侯之富也藏于困倉篋匱者農夫商賈之富也奈何以天子之貴海內之富而猥行諸侯之棄德聲守農商之鄙業哉陛下若謂厚取可以恢武功則建中之取既無成矣若謂多積可以爲己有

則建中之積又不在矣若謂徇欲不足傷理化則建中之失傷已甚矣若謂斂怨不足致危亡則建中之亂危亦至矣然而遽能靖滔天之禍成中興之功者良以陛下有側身修勵之志有罪己悔懼之詞罷息誅求敦尚節儉渙發大號與人更新故靈祇嘉陛下之誠臣庶感陛下之意釋憾迴慮化危爲安陛下亦當爲宗廟社稷建不傾不拔之永圖爲子孫黎元垂可久可大之休業懲前事徇欲之失復日新盛德之言豈宜更縱檢邪復行刻暴事之追悔其可再乎臣又竊慮陛下納彼盜言墮其姦計以爲搏噬攫摯集有司積聚豐盈利歸君上是又大繆所宜慎思夫人主昏明繫於所任咎繇夔契之道長而虞舜享濬哲之名皇甫聚橋之驛行而周厲嬰顛覆之禍自古何嘗有小人柄用而災禍不及邦國者乎譬猶操兵以刃人天下不委罪於兵而委罪於所操之主蓄蠱以殃物天下不歸咎於蠱而歸咎於所蓄之家理有必然不可不察臣竊慮陛下以延齡之進獨出聖衷延齡之言多順宸旨今若以罪實辟則似爲衆所擠故欲保持用彰堅斷若然者陛下與人終始之意則善矣其於改過不吝去邪勿疑之道或未盡善焉夫人之難知著自淳古試可乃已載於典謨陛下意其賢而任之知其惡而棄之此理之常於何不可倘陛下猶未知惡但疑見擠固有象恭挾詐之人亦有黨邪害直之士所資考覈兩絕欺誣陛下以延齡爲能愚臣以延齡爲罪能必有跡罪必有端陛下胡不指明其所効之能以表忠賢按驗其所論之罪以考虛實與衆同辨示人不私若能跡可稱而罪端無據則是黨邪害直之驗也陛下當繩其傷善以勵事君罪端有徵而能跡無實則是象恭挾詐之驗也陛下當糾其包禍以戒亂邦如此則上之於下釋嫌構之疑下之於上絕偏惑之議何必忠邪無辨枉直莫分薰蕕同藏其臭終勝此則小人道長之象也實時運否泰安危之所繫豈但有虧聖德不利善人而已乎陛下若以必與己同者爲忠良自我作者無

改變如此則上之所欲莫不詔上之所失莫不從水火相濟不爲非金礪相須不爲是恥過忤非不足戒捨己從人不足稱惟意是行則匡輔或幾乎息矣匡輔息則理不可致仲尼所謂一言喪邦者在於予之言而莫予違也事關興亡固不可忽希旨順默浸已成風變之使言猶懼不旣若又阻抑誰當貢誠伏恐未亮斯言請以一事爲證只如延齡凶妄流布實區上有公卿近臣下逮輿臺賤品誼誼談議億萬爲徒能以上言其人有幾陛下試令親信博採輿詞參校比來所聞足鑒人間情僞臣以卑鄙任當台衡既極崇高又承渥澤豈不知觀時附會足保舊恩隨衆浮沉免貽厚責謝病黜退獲知幾之名黨姦苟容無見嫉之患何急自苦獨當豺狼上達懼情下餌讒口良由內顧庸昧一無所堪夙蒙眷知唯在誠直綢繆帳展一紀于茲聖慈旣以此見容愚臣亦以此自負從陛下歷播遷之艱跪覲陛下致興復之艱難至今追思猶爲心悸所以畏履車而駭懼慮燬室而悲鳴蓋情激於衷雖欲罷而不能自默也因事陳執雖已頻繁天聽尙高未垂諒察輒申悃款以極愚誠憂深故語煩懇迫故詞切以微臣自固之謀則過爲陛下慮患之計則忠廉驅奉君非所敢避沽名銜直亦不忍爲願迴睿聰爲國熟慮社稷是賴豈唯微臣不勝荷恩報德之誠謹昧死奉書以聞臣誠惶誠恐頓首再拜

論朝官顯員及刺史等改轉倫序狀

右臣聞於經曰濟濟多士文王以寧又曰無曠庶官天工人其代之蓋謂士不可不多官不可不備敷付物以能之義闡恭己無爲之風此理道得失之所由也夫聖人之於愛才不唯仄席求思而已乃復引進以崇其術業歷試以發其器能旌善以重其言優祿以全其操歲月積久聲實並豐列之於朝則王室尊分之於士則藩鎮重故詩序太平之君子能長育人才書比梓人之理材既動機斷惟施丹腹禮著造士易尚養賢蓋以人皆含靈唯所誘致如玉之在璞抵擲則

瓦石追琢則圭璋如水之發源壅閼則汙泥疏濬則川沼是以書籍所載歷代同途祚屬殷昌必時多雋又運鍾衰季則朝乏英髦當在衰季之時咸謂無人足任及其雄才御寓淑德應期賢能相從森若林會然則興王之良佐皆是季代之棄才在季而愚當與而智乃知季代非獨遺賢而不用其於養育獎勸之道亦有所不至焉故曰人皆含靈唯其誘致漢高稟大度故其時多魁傑不羈之材漢武好英風故其時富瓌詭立名之士漢宣精吏能故其時萃循良核實之能迨乎哀平桓靈昵比小人疎遠君子故其時近習操國柄嬖威擅朝權是知人之才性與時升降好之則至獎之則崇抑之則衰斥之則絕此人才消長之所由也臣每於中夜竊自深惟朝之乏人其患有七不澄源而防末流一也不考實而務博訪二也求精太過三也嫉惡太甚四也程試乖方五也取舍違理六也循故事而不擇可否七也夫多少相繆非嘉量不平輕重相欺非縣衡不定用之苟不得其道則主者實病而權量無尤故按名責實者選吏之權量也宰相者主權量之用也宰相之主吏猶司府之主財主吏在序進賢能主財在平頒秩俸假使用財失節則司之者可以改易而秩俸不可以不頒主吏乖方則宰之者可以變更而賢能不可以不進其行甚易其理甚明頃者命官頗異於是常以除吏多少准量宰相重輕宰相承寵私則援引雖濫而必進宰相見疎忌則擬議雖當而罕俞是使羣材仕進之窮通唯繫輔臣恩澤之薄厚求諸理道未謂合宜夫與奪者人主之利權各位者天下之公器不以公器徇喜心不以利權肆忿志不以寡妨衆不以人廢官或其此處有阻執事而擁羣材所謂不澄源而防末流之患也經曰無以小謀亂大作無以嬖人疾莊士蓋務大者不拘於小累謀小者不達於大猷嬖者或行異於莊莊者必性殊於嬖理勢相激宜其不同進賢援能諒君子之事遏惡揚善非小人所能君子以愛才爲心小人以傷善爲利愛而引之則近黨

傷而沮之則似公近黨則不辨而遽疑似公則不覈而縣信是以大道每隳於橫議良才常困於中傷失士啓讒多由於此所謂不考實而務博訪之患也夫人之器局有圓方大小之殊官之典司有難易閑劇之別名稱有虛實之異課績有升降之差將使官不失才才不失序在乎制法以司契擇人而秉鈞制之不得厥中則其法可更而其契不可亂也擇之不當所任則其人可去而其秉不可奪也如或事多錯雜任靡適從而但役智以求精勞神而救弊則所救愈失所求愈蠱故書曰元首明哉股肱良哉庶事康哉元首叢脞哉股肱墮哉庶事隳哉頃之輔臣鮮克勝任過蒙容養苟備職員致勞睿思巨細經慮每有關官須補或緣將命藉才宰司慎擇上聞必極當時妙選聖情未愜復命別求執奏既不見從則又降擇其次如是至於再至於三所選漸高所得轉下或斷於獨見罔徇僉諧或擢自旁求不稽公議權衡失柄進取多門等差不倫聲實相反此所謂求精太過之患也臣聞耀乘之珠不能無類連城之璧不能無瑕矧伊有情寧免愆吝仲尼至聖也猶以五十學易無大過爲言顏子殆庶也尙稱不遠而復無祗悔爲美況自賢人以降孰能不有過失哉珠玉不以瑕類而不珍髦彥不以過失而不用故元元之教曰常善救人則無棄人文宣亦云赦小過舉賢才齊桓不以射鉤而致嫌故能成九合之功秦穆不以一眚而掩德故能復九敗之辱前史序項籍之所以失天下曰於人之功無所記於人之過無所遺管仲論鮑叔牙不可屬國曰聞人過終身不忘然則棄瑕錄用者霸王之道記過遺才者衰亂之源夫登進以懋庸黜退以懲過二者迭用理如循環進而有過則示懲懲而改修則復進既不廢法亦無棄人雖纖芥必懲而才用不匱故能使黜退者克勵以求復登進者警飭以恪居上無滯疑下無蓄怨俾人於變以致時雍陛下英聖統天威莊肅物好善既切計過亦深一抵譴責之中永居嫌忌之地夫以天下士人皆求宦名

獲登朝班千百無一其於修身勵行聚學樹官非數十年間勢不能致而以一言忤犯一事過差遂從棄捐沒代不復則人才不能不乏風俗不能不偷此所謂嫉惡太甚之患也臣聞君子約言小人先言君子之道闇然而日章小人之道的然而日亡孔子曰始吾於人也聽其言而信其行今吾於人也察其言而觀其行又曰舉直措諸枉則民服舉枉措諸直則民不服然則舉措不可以不審言行不可以不稽訥訥寡言者未必愚喋喋利口者未必智鄙樸忤逆者未必悖承順愜可者未必忠故明主不以辭盡人不以意選士凡制爵祿與衆共之先論其材乃授以職所舉必試之以事所言必考之於成然後苟妄不行而貞實在位矣如或好善而不擇所用悅言而不驗所行進退隨愛憎之情離合繫異同之趣是猶捨繩墨而意裁曲直棄權衡而手揣重輕雖甚精微不能無謬此所謂程試乖方之患也天之生物爲用罕兼性有所長必有所短材有所合亦有所睽曲成則品物不遺求備則觸類皆棄是以巧梓順輪軸之用故枉直無廢材良御適險易之宜故驚驥無失性物既若此人亦宜然其於行能固不兼具前志所謂千年一聖五百年一賢者才難不其然乎夫唯聖人方體全德賢之爲目猶有未周且以未周之才彌五百年而有一造次求備易由得人若夫一至之能偏稟之性則中人以上迭有所長苟區別得宜付授當器各適其性各宜其能及乎合以成功亦與全才無異但在明鑒大度御之有道而已帝王之威莫盛唐虞臣佐之威莫盛稷禹稷禹之比無非大賢然猶各任所能不務兼備故尚書序堯舜命官之美自稷禹咎益以降凡二十二人所命典司不踰一職用能平九土播百穀敷五教序五刑禮樂興和蠻夷率服洎鳥獸魚鼈亦罔不寧蓋由舉得其人任得其所鑒擇職授審之於初不求責於力分之外不沮撓於局守之內是以事極其理人盡其材君垂拱於上臣濟美於下功煒當代名施無窮及其失也則升降任情

首末異趣使人不能量其器與人不由其誠以一言稱愜爲能而不核虛實以一事違忤爲咎而不考忠邪其稱愜則付任逾涯不思其所以不及其違忤則責望過當不恕其所不能是以職司之內無成功君臣之際無定分此所謂取捨違理之患也今之議者多曰內外庶官久於其任又曰官無其人則闕之是皆誦老生之常談而不推時變守舊典之糟粕而不本事情徒眩聰明以撓理理古者人風既朴官號未多但別愚賢匪論資序不責人以朝夕之効不計事於尺寸之差不以小善而褒升不以一眚而罪斥故虞書三載考績三考黜陟幽明是則必俟九年方有進退然其所進者或自側微而納於百揆雖久於任復何病哉漢制部刺史秩六百石郡守秩二千石刺史高第者即遷爲郡守郡守高第者即入爲九卿從九卿即遷爲丞相相國是乃從六百石吏而至台輔其間所歷者三四轉耳久在其任亦未失宜近代建官漸多列級逾密今縣邑有七等之異州府有九等之差同謂省郎即有前中後行郎中員外五等之殊並稱諫官則有諫議大夫補闕拾遺三等之別洎諸臺寺率類於斯悉有常資各須循守若依唐虞故事咸以九載爲期是宜高位常苦於乏人下寮每嗟於白首三代爲理損益不同豈必樂于變易哉蓋時勢有不得已也至如鯀陟洪水績用靡成猶終九年然後殛竄後代設有如鯀之比者豈復能九年而始行罰乎臣固知其必不能也行罰欲速而進官欲遲以此爲稽古之方是猶却行而求及前人也頃者臣因奏事論及內外序遷陛下乃言舊例居官歲月皆久朕外祖曾作祕書少監一任經十餘年董晉將順睿情遂奏云臣於大曆中曾任祠部司勳二郎中各經六考陛下之意頗爲宜然以臣愚慮實有偏見凡徵舊例須辨是非是者不必逾非者不必守況於舊例之內自有舛駁之異哉先聖之初權臣用事其於除授類多徇情有一月屢遷有積年不轉迨至中歲君臣構嫌姑務優柔百事凝滯其於選授尤所艱

難始以頗僻失平繼以疑阻成否至使彝倫闕敘庶位多淹是皆可
懲曷足爲法夫覈才取吏有三術焉一曰拔擢以旌其異能二曰黜
罷以糾其失職三曰序進以謹其守常如此則高課者驟升無庸者
亟退其餘績非出類守不敗官則循以常資約以定限故得殊才不
滯庶品有倫參酌古今此爲中道而議者暗於通理一槩但曰宜久
其任得非誦老生之常談而不推時變者乎夫列位分官緝熙帝載
匪唯應務兼亦養才是以職事雖有小大閑劇之殊而俱不可曠缺
者蓋備於時而用耳故記曰天子以騶虞爲節樂官備也唯經邦贊
國之任則非有盛德不可以居故記曰設四輔及三公不必備惟其
人議者昧於明徵一槩但曰官無其人則闕得非守舊典之糟粕而
不本事情者乎今內外羣官考深合轉陞下或言其已有次第須且
借留或謂其未著功勞何用數改是乃循默者既以無聞而不進著
課者又有成績而見淹雖能或差而沉滯無異人之從宦積小成
高至於內列朝行外登郡守其於更歷多已長年孜孜慎修計日思
進而又淹逾考限亟易星霜顧懷生涯能不興歎殊異登延之義且
乖勸勵之方夫長吏數遷固非理道居官過久亦有弊生何者時俗
常情樂新厭舊有始卒者其唯聖人降及中才罕能無變其始也砥
勵之心必切其久也因循之意必萌加以盈無不虧張無不弛天地
神化且難常全人之所爲安得皆當是以分分而度至丈必差銖銖
而稱至鈞必謬莅職既久寧無咎愆或爲姦吏所持或坐深文所糾
偶以一跌盡墮前功至使理行不終能名中缺豈非上失其制而推
致以及於斯乎故聖人愛人之才慮事之弊採其英華而使之當其
茂暢而獎之不滯人於已成之功不致人於必敗之地是以銳不挫
而力不匱官有業而事有終此理之中庸故書以爲法遷轉甚速則
人心苟而職業不固甚遲則人心怠而事守浸衰然則甚速與甚遲
其弊一也陛下俯徇浮議謂協典謨久次當進者既曰務欲且留缺

員須補者復曰官不必備則才彥何由進益理化孰與交修此所謂
循故事而不擇可否之患也伏惟陛下憂勤務理夢想思賢體陶唐
有虞聰明之德以數求法太宗天后英邁之風以拔擢然而得人之
咸尚愧前朝底又之功未光當代良以七患未去三術未行而又審
察太深震嚴太峻常人才器曷副天心故雖獲超升亦驟從黜廢人
物殘瘁抑斯之由而議者莫究致弊之端但思革弊之策反以廣於
進用爲情故以梗於除授爲精詳以避謗爲奉公之誠以摘瑕爲選
士之要乃至稱毀紛糅笑惡混并凡有遷升必遭掩撫聖德廣納不
時發明小人多言益敢陰詐以是眩惑目無全人進用之意轉疑汲
引之途漸隘舊齒既凋敗幾盡下位或滯淹罕升故令官序失倫人
才不長資望漸薄砥勵浸微高卑等衰殆不相續臣以竊位屬當序
才懼曠庶官亟贖宸展昧識不足以周物微誠不足以動天徒勤進
善之心轉積妨賢之罪慚惶交慮焚灼盈懷凡除吏者非諉刺之所
生必怨咎之所聚宰臣獲戾多起於茲屢屢上干何所爲利但以待
罪鈞轉職思其憂兼迫於感恩願効之誠不得不冒昧言之耳其於
裁擇用捨惟陛下圖之謹奏

唐陸宣公集卷第二十一

唐陸宣公集卷第二十二

後學介春耆英重訂

萍鄉文 晟

崇仁華廷傑 同校

中書奏議

均節賦稅恤百姓第一條論兩稅之弊

國朝著令賦役之法有三一曰租二曰調三曰庸古者一井之地九夫共之公田在中藉而不稅私田不善則非吏公田不善則非民事頗纖微難於防檢春秋之際已不能行故國家襲其要而去其煩丁男一人授田百畝但歲納租稅二石而已言以公田假人而收其租入故謂之租古者任土之宜以奠賦法國家就因往制簡而一之每丁各隨鄉土所出歲輸若絹若綾若絁共二丈綿三兩其無蠶桑之處則輸布二丈五尺麻三斤以其據丁戶調而取之故謂之調古者用之力歲不過三日後代多事其增十之國家斟酌物宜立爲中制每丁一歲定役二旬若不役則收其庸日準三尺以其出絹而當庸直故謂之庸此三道者皆宗本前哲之規模參考歷代之利害其取法也遠其立意也深其斂財也均其域人也固其裁規也簡其備慮也周有田則有租有家則有調有身則有庸天下爲家法制均一雖欲轉徙莫容其姦故人無搖心而事有定制以之厚生則不隄防而家業可久以之成務則不校閱而衆寡可知以之爲理則法不煩而教化行以之成賦則下不困而上用足三代創制百王是程雖維御損益之術小殊而其義則一也天寶季歲羯胡亂華海內波搖兆庶雲擾版圖隳於避地賦法壞於奉軍建中之初再造百度執事者知弊之宜革而所作兼失其源知簡之可從而所操不得其要舊患雖減新沴復滋救跛成痿展轉增劇凡欲拯其積弊須窮致弊之由時弊則但理其時法弊則全革其法而又揆新校舊慮遠圖難規略未詳悉固不果行利害非相懸固不苟變所爲必當其悔乃亡若好

革而不知原始要終斯皆以弊易弊者也至如賦役舊法乃是聖祖典章行之百年人以爲便兵興之後供億不恆乘急誅求漸墮經制此所謂時之弊非法弊也時有弊而未理法無弊而已更掃庸調之成規創兩稅之新制立意且爽彌綸又疎竭耗編氓日日滋甚夫作法裕於人未有不得人者也作法裕於財未有不失人者也陛下初膺寶位思致理平誕發德音哀痛流弊念徵役之煩重憫烝黎之困窮分命使臣敷揚惠化誠宜損上益下節用節財望侈欲以蠲其貪風息冗費以紓其厚斂而乃搜摘郡邑勅驗簿書每州各取大曆中一年科率錢穀數最多者便爲兩稅定額此乃採非法之權令以爲經制總無名之暴賦以立恆規是務取財豈云恤隱作法而不以裕人拯病爲本得非立意且爽者乎夫財之所生必因人力工而能勤則豐富拙而兼惰則窶空是以先王之制賦入也必以丁夫爲本無求於力分之外無貸於力分之內故不以務穡增其稅不以輟稼減其租則播種多不以殖產厚其征不以流寓免其調則地著固不以飭勵重其役不以窳怠蠲其庸則功力勤如是然後能使人安其居盡其力相觀而化時靡遁心雖有惰遊不率之人亦已懲矣兩稅之立則異於斯唯以資產爲宗不以丁身為本資產少者則其稅少資產多者則其稅多會不悟資產之中事情不一有藏於襟懷囊篋物雖貴而人莫能窺有積於場園倉庫雖輕而衆以爲富有流通蓄息之貨數雖寡而計日收贏有廬舍器用之資價雖高而終歲無利如此之比其流實繁一槩計估算緝宜其失乎長僞由是務輕費而樂轉徙者恆脫於徭稅數本業而樹居產者每困於徵求此乃誘之爲姦毆之避役力用不得不弛風俗不得不訛閭井不得不殘賦入不得不闕復以創制之首不務齊平但令本道本州各依舊額徵稅軍興已久事例不常供應有煩簡之殊牧守有能否之異所在徭賦輕重相懸既成新規須懲積弊化之所在足使無偏減重分輕是將

均濟而乃急於聚斂懼或蠲除不量物力所堪唯以舊額爲準舊重之處流亡益多舊輕之鄉歸附益衆有流亡則已重者攤徵轉重有歸附則已輕者散出轉輕高下相傾勢何能止又以謀始之際不立科條分遣使臣凡十餘輩專行其意各制一隅遂使人殊見道異法低昂不類緩急不倫逮至復命于朝竟無類會裁處其於踴駁胡可勝言利害相形事尤非便作法而不以究微防患爲慮得非彌綸又疎者乎立意且爽彌綸又疎凡厥疲人已舉其弊就加保育猶懼不支況復亟繚焚絲重傷宿病其爲擾病抑又甚焉請爲陛下舉其尤者六七端則人之困窮固可知矣大曆中紀綱廢弛百事從權至於率稅少多皆在牧守裁制邦賦既無定限官私懼有闕供每至徵配之初例必廣張名數以備不時之命且爲施惠之資應用有餘則遂減放增損既由郡邑消息易協物宜故法雖久刊而人未甚瘁及總雜徵虛數以爲兩稅恆規悉登地官咸繫經費計奏一定有加無除此則人益困窮其事一也本懲賦斂繁重所以變舊從新新法既行已重於舊旋屬征討國用不充復以供軍爲名每費加徵二百當道或增戎旅又許量事取資詔敕皆謂權宜悉令事畢停罷息兵已久加稅如初此則人益困窮其事二也定稅之數皆計緡錢納稅之時多配綾絹往者納絹一疋當錢三千二百文今者納絹一疋當錢一千五六百文往輸其一者今過於二矣雖官非增賦而私已倍輸此則人益困窮其事三也諸州稅物送至上都度支頒給羣司例皆增長本價而又繆稱折估抑使剝徵姦吏因緣得行侵奪所獲殊寡所擾殊多此則人益困窮其事四也稅法之重若是既於已極之中而復有奉進宣索之繁尙在其外方岳頗拘於成例莫敢闕供朝典又束以彛章不許別稅綺麗之飾統素之饒非從地生非自天降若不出編戶之筋力膏髓將安所取哉於是有巧避徵文曲承睿旨變徵役以召雇之目換科配以和市之名廣其課而狹償其庸精其入

而總計其直以召雇爲目而捕之不得不來以和市爲名而迫之不得不出其爲妨抑特甚常徭此則人益困窮其事五也大曆中非法賦斂急備供軍折估宣索進奉之類者既並收入兩稅矣今於兩稅之外非法之事復又並存此則人益困窮其事六也建中定稅之始諸道已不均齊其後或吏理失宜或兵賦偏重或瘡疾鍾害或水旱薦災田里荒蕪戶口減耗牧守苟避於殿責罕盡申聞所司姑務於取求莫肯矜恤遂於逃死闕乏稅額累加見在疲吐一室已空四隣繼盡漸行增廣何由自存此則人益困窮其事七也自至德訖於大曆二十年餘兵亂相乘海內罷弊幸遇陛下紹膺寶運憂濟生靈誕敷聖謨痛矯前弊重愛人節用之旨宜輕徭薄賦之名率土蒸黎感涕相賀延頸企踵咸以爲太平可期既而制失其中斂從其重頗乖始望已沮羣心因之以兵甲而煩暴之取轉加繼之以獻求而靜約之風浸靡臣所知者纔梗槩耳而人益困窮之事已有七焉臣所不知何啻於此陛下倘追思大曆中所聞人間疾苦而又有此七事重增於前則人之無聊不問可悉昔魯哀公問於有若曰年饑用不足如之何有若對曰盍徹乎哀公曰二吾猶不足如之何其微也有若曰百姓足君孰與不足百姓不足君孰與足孔子曰有國有家者不患寡而患不均不患貧而患不安蓋均而無怨節而無貧和而無寡安而無傾漢文恤患救災則命郡國無來獻是以人爲本以財爲末人安則財贍本固則邦寧今百姓艱窮非止不足稅額類例非止不均求取繁多非止來獻誠可哀憫亦可憂危此而不圖何者爲急聖情重慎每戒作爲伏知貴欲因循不敢盡求釐革且去其太甚亦足小休望令所司與宰臣參量據每年支用色目中有不急者無益者罷廢之有過制者廣費者減節之遂以罷減之資迴給要切之用其百姓稅錢因軍興每費加徵二伯者下詔停之用復其言俾人知信下之化上不令而行諸道權宜加徵亦當自請蠲放如是則困窮之

中十緩其二三矣供御之物各有典司任土之宜各有常貢過此以往復何所須假欲崇飾燕居儲備賜與天子之貴寧憂乏財但教有司何求不給豈必旁延獻別徇營求減德示私傷風敗法因依縱擾爲害最深陛下臨御之初已宏清淨之化下無曲獻上絕私求近歲以來稍渝前旨今但滌除流誤振起聖猷則淳風再興賄道中寢雖有貪饕之輩曷由復肆侵漁州郡羨財亦將焉往若不上輸王府理須下紓疲人如是則困窮之中十又緩其四五矣所定稅物估價合依當處月平百姓輸納之時累經州縣簡閱事或涉於姦冒過則不在戶人重重剝徵理甚無謂望令所司應諸州府送稅物到京但與色樣相符不得虛稱折估如濫惡尤甚給用不充唯罪元納官司亦勿更徵百姓根本既自端靜枝葉無因動搖如是則困窮之中十又緩其二三矣然後據每年見供賦稅之處詳論詔旨咸俾均平每道各令知兩稅判官一人赴京與度支類會參定通計戶數以配稅錢輕重之間大約可准而又量土地之沃瘠計物產之少多倫比諸州定爲兩等州等下者其每戶配錢之數少州等高者其每戶配錢之數多多少已差悉令折衷仍委觀察使更於當管所配錢數之內均融處置務盡事宜就於一管之中輕重不得偏併雖或未盡齊一決當不甚低昂既免擾人且不變法粗均勞逸足救凋殘非但徵賦易供亦冀逋逃漸息俟稍寧阜更擇所宜

均節賦稅恤百姓第二條

請兩稅以布帛爲額不計錢數

夫國家之制賦稅也必先導以厚生之業而後取其什一焉其所取也量人之方任土之宜非力之所出則不征非土之所有則不貢謂之通法歷代常行大凡生於天地之間而五材之用爲急五材者金木水火土也水火不資於作爲金木自產於山澤唯土爰播植非力不成衣食之源皆出於此故可以勉入功定賦入者唯布麻繒纈與百穀焉先王懼物之貴賤失平而人之交易難准又立貨泉之法以

節輕重之宜斂散弛張必由於是蓋御財之大柄爲國之利權守之在官不以任下然則穀帛者人之所爲也錢貨者官之所爲也人之所爲者故租稅取焉官之所爲者故賦斂捨焉此又事理著明者也是以國朝著令稽古作程所取於人不踰其分租出穀庸出絹調雜出繒纈布麻非此族也不在賦法列聖遺典粲然可徵曷常有禁人鑄錢而以錢爲賦者也今之兩稅獨異舊章違任土之通方效算緡之末法不稽事理不揆人功但估資產爲差便以錢穀定稅臨時折徵雜物每歲色目頗殊唯計求得之利宜靡論供辦之難易所徵非所業所業非所徵遂或增價以買其所無減價以賣其所有一增一減耗損已多且百姓所營唯在耕織人力之作爲有限物價之貴賤無恆而乃定稅計錢折錢納物是將有限之產以奉無恆之輸納物賤則供稅之所出漸多則人力不給納物貴則收稅之所入漸少少則國用不充公私二途常不兼濟以此爲法未之前聞往者初定兩稅之時百姓納稅一疋折錢三千二百文大率萬錢爲絹三疋價計稍貴數則不多及乎頒給軍裝計數而不計價此所謂稅入少而國用不充者也近者百姓納絹一疋折錢一千五百文大率萬錢爲絹六疋價既轉賤數則漸加向之蠶織不殊而所輸向欲過倍此所謂供稅多而人力不給者也今欲不甚改法而粗救災害者在乎約循典制而以時變損益之臣謂宜令所司勘會諸州府初納兩稅年絹布疋估比類當今時價加賤減貴酌取其中總計合稅之錢折爲布帛之數仍依庸調舊制各隨鄉土所宜某州某年定出稅布若干端某州某年定出稅絹若干疋其有純綿雜貨亦隨所出定各勿更計錢以爲稅數如此則土有常制人有常輸衆皆知上令之不遷於是其一其心而專其業應出布麻者則務於紡績供綿絹者則事於蠶桑日作月營自然便習各修家技皆足供官無求人假手之勞無賤鬻貴買之費無暴徵急辦之弊無易常改作之煩物甚賤而人

之所出不加物甚貴而官之所入不減是以家給而國足事均而法行此直稍循令典之舊規固非創制之可疑者也然畫畫之俗罕究事情好異端妄行沮議臣請假爲問答以備討論陛下誠有意乎憐愍蒼生將務救恤但垂聽覽必有可行議者若曰每歲經費所資大抵皆約錢數若令以布帛爲額是令支計無憑若曰國初約法已來常賦率由布帛輪二甲子制用不愆何獨當今則難支計且經費之大其流有三軍食一也軍衣二也內外官月俸及諸色資課三也軍衣固在於布帛軍食又取於地租其計錢爲數者獨月俸資課而已制祿唯不計錢故三代以食人衆寡爲差兩漢以石數多少爲秩蓋以錢者官府之權貨祿者吏屬之常資以常徇權則豐約之度不得恆於家以權爲常則輕重之柄不得專於國故先王制祿以食而平實以錢然後國有權而家有節矣況今餽餉方廣倉儲未豐盡復古規或慮不足若但據羣官月俸之等隨百役資課之差各依錢數少多折爲布帛定數某官月給俸絹若干某役月給資布若干端所給色目精麤有司明立條例便爲恆制更不計錢物甚賤而官之所給不加物甚貴而私之所稟不減官私有准何利如之生人大端衣食爲切有職田以供食有俸絹以供衣從事之家固足自給以茲制事誰曰不然夫然則國之用財多是布帛定以爲賦復何所傷議者若曰吏祿軍裝雖頒布粟至於以時斂糴用權物價重輕是必須錢於何取給答曰古之聖人所以取山澤之蘊材作泉布之寶貨國專其利而不與人共之者蓋爲此也物賤由乎錢少少則重重則加鑄而散之使輕物貴由乎錢多多則輕輕則作法而斂之使重是乃物之貴賤繫於錢之多少錢之多少在於官之盈縮官失其守反求於人人不得鑄錢而限令供稅是使貧者破產而假資於富有之室富者蓄貨而竊行於輕重之權下困齊人上虧利柄今之所病諒在於斯誠宜廣卽山殖貨之功峻用銅爲器之禁苟制持得所則錢不

乏矣有糴鹽以入其直有權酒以納其資苟消息合宜則錢可收矣錢可收固可以斂輕爲重錢不乏固可以散重爲輕弛張在官何所不可慮無所給是未知方議者若曰自定兩稅以來恆使計錢納物物價漸賤所納漸多出給之時又增虛估廣求羨利以贍庫錢歲計月支猶患不足今若定供布帛出納以平軍國之資無乃有闕若曰自天寶以後師旅數起法度消亡肅宗撥滔天之災而急於功賞先帝適舍垢之德而緩於糾繩由是用頗殷繁俗亦靡弊公賦已重別獻繼興別獻既行私賂競長誅求刻剝日長月滋積累以至於大曆之間所謂取之極甚者也今既總收極甚之數定爲兩稅矣所定別獻之類復在數外矣間緣軍用不給已嘗加徵矣近屬折納價錢則又多獲矣比於大曆極甚之數殆將再益其倍焉復幸年穀屢豐兵車少息而用常不足其故何哉蓋以事逐情生費從事廣物有劑而用無節夫安得不乏乎苟能黜其情約其用非但可以布帛爲稅雖更減其稅亦可也苟務逞其情侈其用非但行今重稅之不足雖更加其稅亦不足也夫地力之生物有大數人力之成物有大限取之有度用之有節則常足取之無度用之無節則常不足生物之豐敗由天用物之多少由人是以聖王立程量入爲出雖遇災難下無困窮理化既衰則乃反是量出爲入不恤所無故魯哀公問年鑄用不足如之何有若對以盡徹桀用天下而不足湯用七十里而有餘是乃用之盈虛在節與不節耳不節則雖盈必竭能節則雖虛必盈衛文公承滅國之餘建新從之業革車不過三十乘豈不甚殆哉而能衣大布冠大帛約己率下通商務農卒以富強見稱載籍漢文帝接秦項積久傷夷之弊繼高呂革創多事之時家國虛殘日不暇給而能躬儉節用靜事息人服弋綈履革鳥却駸馬而不御罷露臺而不修屢賜田租以厚庶蒸使戶口蕃息百物阜殷乃至鄉曲宴遊乘牝犢者不得赴會子孫生長或有積數十歲不識市鄽御府之錢貴

朽而不可校太倉之粟紅腐而不可食國富於上人安於下生享遐福沒垂令名人到於今稱其仁賢可謂盛矣太宗文皇帝收合板蕩再造寰區武德年中革車屢動繼以災敷人多流離貞觀之初薦屬霜旱自關輔綿及三河之地米價騰貴斗易一縑道路之間餒殍相藉太宗敦行儉約撫養困窮視人如傷勞徠不倦百姓有鬻男女者出御府金帛贖還其家嚴禁貪殘慎節餼弛不急之用省無事之官黜損乘輿斥出宮女太宗嘗有氣疾百官以大內卑濕請營一閣以居尚憚煩勞竟不之許是以至誠上感淳化下敷四方大和百穀連稔貞觀八年以後米升至四五錢俗阜化行人知義讓行旅萬里或不齎糧故人到於今談帝王之盛則必先太宗之聖功論理道之崇則必慕貞觀之故事此三君者其經始豈不艱哉皆以畜用愛人竟獲豐福是所謂能節雖虛必盈之效也秦始皇據嶠函之固藉雄富之業專力農戰廣收材豪故能滅暴強宰制天下功成志滿自謂有太山之安貪欲熾然以爲六合莫予違也於是發閭左之戍徵太半之賦進諫者謂之宜謫恤隱者謂之收恩徵發未終而宗社已泯漢武帝遇時運理平之會承文景勤儉之積內廣興作外張甲兵修汰無窮遂至殫竭大搜財貨算及舟車遠近騷然幾至顛覆賴武帝英姿大度付任以能納諫無疑改過不吝下哀痛之詔罷征伐之勞封丞相爲富民侯以示休息邦本搖而復定帝祚危而再安隋氏因周室平齊之資府庫充實開皇之際理尚清廉是時公私豐饒議者以比漢之文景煬帝嗣位肆行驕奢竭耗生靈不知止息海內怨叛以至於亡此三君者其所憑藉豈不豐厚哉此皆以縱欲殘人竟致蹙喪是所謂不節則雖盈必竭之效也秦隋不悟而遂滅漢武中悔而獲存乃知懲與不懲覺與不覺其於得失相遠復有存滅之殊安可不思安可不懼今人窮日甚國用歲加不時節量其勢必蹙而議者但憂財利之不足罔慮安危之不持若然者則太宗漢文

之德曷見稱秦皇隋煬之敗靡足戒唯欲是逞復何規哉幸屬休明將期致理急聚斂而忽於勤恤固非聖代之所宜言也

均節賦稅恤百姓第三條論長吏以增戶加稅開田爲課績

夫欲施教化立度程必先域人使之地著古之王者設井田之法以安其業立五宗之制以綴其恩猶懼其未也又教之族墳墓敬桑梓將以固人之志定人之居俾皆重遷然可爲理厥後又督之以出鄉遊墮之禁糾之以版圖比閭之方雖訓導漸微而檢制猶密歷代因襲以爲彝章其理也必謹於隄防其亂也必慢於經界斯道崇替與時興衰人主失之則不可御實區守長失之則不可釐郡邑理人之要莫急於茲頃因兵興典制弛廢戶版之紀綱罔緝土斷之條約不明恣人浮流莫克禁止縱之則湊集整之則驚離恆懷倖心靡固本業是以賦稅不一教令不行長人者又罕能推忠恕易地之情體至公徇國之意迭行小惠競誘姦吐以傾奪鄰境爲智能以招萃逋逃爲理化捨彼適此者既謂新收而獲宥倏忽往來者又以復業而見優唯懷土安居首末不遷者則使之日重斂之日如是令地著之人恆代惰游服役則何異驅之轉徙教之澆訛此由牧宰不克宏通各私所部之過也及夫廉使奏課會府考功但守常規不稽時變其所以爲長吏之能者大約在於四科一曰戶口增加二曰田野墾闢三曰稅錢長數四曰徵辦先期此四者誠吏職之所崇然立法齊人久無不弊法之所沮則人飾巧而苟避其網法之所勸則人興僞以曲附其文理之者若不知維御損益之宜則巧僞萌生恆因沮勸而滋矣夫課吏之法所貴戶口增加者豈不以撫字得所人益阜蕃乎今或詭情以誘其姦浮苛法以析其親族苟益戶數務登實條所誘者將議薄征已遽驚散所析者不勝重稅又漸流亡州縣破傷多起於此長吏相効以爲績安忍莫懲齊人相扇以成風規避轉甚不究實而務增戶口有如是之病焉所貴田野墾闢者豈不以訓導有術人

皆樂業乎今或牽率黎蒸播植荒廢約以年限免其地租苟農夫不增而墾田欲廣新畝雖闢舊倉反無人利免租頗亦從令年限纔滿復爲汙萊有益煩勞無增稼穡不度力而務闢田野有如是之病焉所貴稅錢長數者豈不以既庶而富人可加賦乎今或重困疲羸力求附益捶骨瀝髓墮家取財苟媚聚斂之司以爲仕進之路不恤人而務長稅數有如是之病焉所貴徵辦先期者豈不以物力優贍人皆樂輸乎今或肆毒作威殘人逞欲事有常限因而促之不量時宜唯尙強濟絲不容纖粟不暇春矧伊貧虛能不奔迸不怨物而務先徵辦有如是之病焉然則引人逋逃蹙人艱窘唯茲四病亦有助焉此由考覈不切事情而泛循舊轍之過也且夫戶口增加田野墾闢稅錢長數徵辦先期若不以實事驗之則真僞莫得而辨將驗之以實則租賦須加所加既出於人固有受其損者此州若增客戶彼郡必減居人增處邀實而稅數有加減處懼罪而稅數不降倘國家所設考課之法必欲崇於聚斂則如斯可矣將有意乎富俗而務理豈不刺謬歟當今之要在於厚人而薄財損上以益下下苟利矣上必安焉則少損者所以招大益也人既厚矣財必贍焉則暫薄者所以成永厚也臣愚謂宜申命有司詳定考績往貴於加者今務於減焉假如一州之中所稅舊有定額凡管幾許百姓復作幾等差科每等有若干戶人每戶出若干稅物各令條舉都數年別一申使司使司詳覆有憑然後錄報戶部若當管之內人益阜殷所定稅額有餘任其據戶均減率計減數多少以爲考課等差其當管稅物通比校每戶十分減三分者爲上課十分減二分者次焉十分減一分者又次焉如或人多流亡加稅見戶比校嚴罰法亦如之其百姓所出田租則各以去年應輸之數便爲定額每歲據徵更不勘責檢巡增闢者勿益其租廢耕者不降其數足以誘導墾植且免妨奪農功事簡體宏人必悅勸每至定戶之際但據雜產校量田既自有恆租不宜更

入兩稅如此則吏無苟且俗變澆淳不督課而人自樂耕不防閑而衆皆安土斯亦當今富人固本之要術在陛下舉而行之

均節賦稅恤百姓第四條論稅期限迫促

建官立國所以養人也賦人取財所以資國也明君不厚其所資而害其所養故必先人事而借其暇力先家給而斂其餘財遂人所營恤人所乏借必以度斂必以時有度則志勞得時則易給是以官事無闕人力不殫公私相全上下交愛古之得衆者其率用此數法制或虧本末倒置但務取人以資國不思立國以養人非獨徭賦繁多實無蠲貸至於徵收迫促亦不矜量蠶事方興已輸縑稅農功未艾遽斂穀租上司之繩責既嚴下吏之威暴愈促有者急賣而耗其半直無者求假而費其倍酬所繫遲速之間不過月旬之異一寬稅限歲歲相承遲無所妨速不爲益何急敦逼重傷疲人頃緣定稅之初期約未甚詳衷旋屬征役多故復令先限量徵近雖優延尚未均濟望委轉運使與諸道觀察使商議更詳定徵稅期限聞奏各隨當土風俗所便時候所宜務於紓人俾得辦集所謂惠而不費者則此類也

均節賦稅恤百姓第五條論以稅茶錢置義倉以備水旱

臣聞仁君在上則海內無餘殍之人豈必耕而餉之蠶而食之哉蓋以慮得其宜制得其道致人於歉乏之外設備於災沴之前是以年雖大殺衆不恒懼夫水旱爲敗堯湯被之矣陰陽相寇聖何禦哉所貴堯湯之盛者在於遭患能濟耳凡厥哲后皆謹循之故王制記虞夏殷周四代之法乃云國無九年之蓄曰不足無六年之蓄曰急無三年之蓄曰國非其國也周官司徒之屬亦云掌鄉里之委積以恤艱阨縣鄙之委積以待凶荒王制既衰雜以權術魏用平糴之法漢置常平之倉利兼公私頗亦爲便隋氏立制始創社倉終於開皇人不饑饉貞觀初戴胄建議積穀備災之議太宗悅焉因命有司詳立條

制所在貯粟號爲義倉豐則斂藏儉則散給歷高宗之代五六十載人賴其資國步中艱斯制亦弛開元之際漸復修崇是知儲積備災聖王之急務也語曰百姓足君孰與不足百姓不足君孰與足此言君養人以成國人戴君以成生上下相成事如一體然則古稱九年六年之蓄者蓋率土臣庶通爲之計耳固非獨豐公庾不及編氓記所謂雖有凶旱水溢人無菜色良以此也後代失典藉備慮之旨忘先王子愛之心所蓄糧儲唯計廩庾犬彘厭人之食而不知檢溝壑委人之骨而不能恤亂興於下禍延於上雖有公粟豈得而食諸故立國而不先養人國固不立矣養人而不先足食人固不養矣足食而不先備災食固不足矣爲官而備者人必不贍爲人而備者官必不窮是故論德魯明在乎所務本末務本則其末自遂務末則其本兼亡國本於人安得不務頃以寇戎爲梗師旅亟興惠恤之方多所未暇每遇陰陽愆候年不順成官司所儲祗給軍食支計苟有所闕猶須更取於人人之凶荒豈遑賑救人小乏則求取惠利人大乏則實鬻田廬幸逢有年纔償逋債斂獲始畢糶糧已空執契擔囊行復貸假重重計息食每不充倘遇薦饑遂至顛沛室家相棄骨肉分離乞爲奴僕猶莫之售或行丐鄆里或縊死道途天災流行四方代有率計被其害者每歲常不下一二十州以陛下爲人父母之心若垂省憂固足傷惻幸有可救之道焉可捨而不念哉今賦役已繁人力已竭窮歲汲汲永無贏餘課之聚糧終不能致將樹儲蓄根本必藉官司助成陛下誠能爲人備災過聽愚計不害經費可垂永圖近者有司奏請稅茶歲約得五十萬貫元敕令貯戶部用救百姓凶饑今以蓄糧適副前旨望令轉運使總計諸道戶口多少每年所得稅茶錢使均融分配各令當道巡院主掌每至穀麥熟時即與觀察使計會散就管內州縣和糴便於當處置倉收納每州令錄事參軍專知仍定觀察判官一人與和糴巡院官同勾當亦以義倉爲名除賑給

百姓已外一切不得貸便支用如時當大稔事至傷農則優與價錢廣其糶數穀若稍貴糶亦便停所糶少多與年上下准平穀價恆使得中每遇災荒即以賑給小歉則隨事借貸大饑則錄奏分頒許從便宜務使周濟循環斂散遂以爲常如此則蓄財惠債者不能耗吾人聚穀幸災者無以牟大利富不至侈貧不至饑農不至傷糶不至貴一舉事而衆美具可不務乎俟人小休漸勸私積平糶之法斯在社倉之制兼行不出十年之中必盈三歲之蓄宏長不已升平可期使一代黎人永無餒乏此堯湯所以見稱於千古也願陛下遵之慕之繼之齊之苟能存誠蔑有不至

均節賦稅恤百姓第六條

論兼併之家私斂重於公稅

國之紀綱在於制度商農工賈各有所專凡在食祿之家不得與人爭利此王者所以節財力勵廉隅是古今之所同不可得而變革者也代理則其道存而不犯代亂則其制委而不行其道存則貴賤有章豐殺有度車服田宅莫敢僭踰雖積貨財無所施設是以咸安其分罕徇貪求藏不偏多故物不偏罄用不偏厚故人不偏窮聖王能使禮讓興行而財用均足則此道也其制委則法度不守教化不從唯貨是崇唯力是騁貨力苟備無欲不成租販兼并下錮齊人之業奉養豐麗上侔王者之尊戶畜羣黎隸役同輩既濟嗜欲不慮憲章肆其貪怵曷有紀極天下之物有限富室之積無涯養一人而費百人之資則百人之食不得不乏富一家而傾千家之產則千家之業不得不空舉類推之則海內空乏之流亦已多矣故前代致有風俗訛靡氓庶困窮由此弊也今茲之弊則又甚焉夫物之不可掩藏而易以閱視者莫著乎田宅臣請又措其宅而勿議且舉占田一事以言之古先哲王疆理天下百畝之地號曰一夫蓋以一夫授田不得過於百畝也欲使人無廢業田無曠耕人力田疇二者適足是以貧弱不至竭涸富厚不至奢淫法立事均斯謂制度今制度弛紊疆理

墮壞恣人相吞無復畔限富者兼地數萬畝貧者無容足之居依託強豪以爲私屬貸其種食貸其田廬終年服勞無日休息罄輸所假常患不充有田之家坐食租稅貧富懸絕乃至於斯厚斂促徵皆甚公賦今京畿之內每田一畝官稅五升而私家收租殆有畝至一石者是二十倍於官稅也降及中等租猶半之是十倍於官稅也夫以土地王者之所有耕稼農夫之所爲而兼并之徒居然受利官取其私取其十穡人安得足食公廩安得廣儲風俗安得不貪財貨安得不墮昔之爲理者所以明制度而謹經界豈虛設哉斯道浸亡爲日已久頓欲修整行之實難革弊化人事當有漸望令百官集議參酌古今之宜凡所占田約爲條限裁減租價務利貧人法貴必行不在深刻裕其制以便俗嚴其令以懲違微損有餘稍優不足損不失富優可賑窮此乃古者安富恤窮之善經不可捨也 右臣前月十一日延英奏對因敘賦稅煩重百姓困窮伏奉恩旨令具條疏聞奏今且舉其甚者謹件如前臣聞於書曰無輕人事惟艱無安厥位惟危此理之所以興也又曰厥後嗣王生則逸不知稼穡之艱難此亂之所由始也以陛下天縱聖哲事更憂危夙夜孜孜志求致理往年論及百姓必爲悽然動容每言朕於蒼生支體亦無所惜臣久叨近侍亟奉德音竊謂一代黔黎必躋富壽之域昨奏人間疾苦十分纔及二三聖情已甚驚疑皆謂臣言過當然則愁怨之事何由上聞煦育之恩何由下布典籍所戒信而有徵一虧聖猷實可深惜臣又聞於書曰非知之艱行之唯艱竊惟陛下所以驚疑於微臣之言者但聞之未熟耳此乃股肱耳目之任仰負於陛下誠所謂知之非艱尙未足深累聖德也今則既知之矣願陛下勿復艱於所行居安思危億兆幸甚謹奏

奏請從祀原疏

山東道監察御史 吳傑

奏爲請

旨酌增從祀事竊惟

孔庭從祀典禮攸崇前代名臣原不必盡升兩廡若其事功彪炳而

又言純學粹遠契心傳者祀典既關於列朝

感舉宜行於

聖代以表前賢而勵後學伸公論而慰人心臣伏考唐臣陸贄貞元

再造功燭實區唐書稱其論諫數十百篇皆本仁義炳如丹青

宋儒楊時謂贄當擾攘之際說其君未嘗用術數可爲論天下

事法陸九淵又謂賈誼就事上說仁義陸贄就仁義上說事是

以贄之奏議有稱爲仁義百篇唐孟子者是其純粹精微實能

上宗鄒嶠而契洙泗之心源特贄年少得君出入帷幄值師旅

倥傯之際未遑講學著書案從祀諸人如諸葛亮范仲淹歐

陽修等原不必皆有講學之名而贄學術粹然本仁祖義舉而

措之可致純王上理觀贄自謂上不負天子下不負所學兩言

固已印合道真踐履無愧矣贄謫忠州別駕卒於任所祠墓俱

存臣前督學四川按試忠州閣邑士民熙熙然景慕前賢咸以

未列從祀爲憾伏見我

皇上廣運并包

特崇祀典如明臣黃道周劉宗周等均已

准列從祀

尊儒重道正學昌明極千載一時之

盛遇而贄在唐世權德輿已稱其道與伊說爭衡文與典謨接軫厥

後宋臣司馬光作資治通鑑採贄奏疏至三十九篇之多蘇軾

等又請校正贄奏議進讀以爲三代以還一人而已是當時後

世於贄備極推崇而從祀闕如蓋千百年彰微闡幽之

鉅典實有待於

陛下應請

勅下禮臣詳悉核議是否有當伏乞

皇上

訓示施行謹

奏三月初九日奉

硃批禮部議奏欽此

禮部議奏原疏

禮部謹

奏爲遵

旨議奏事內閣抄出掌山東道監察御史吳傑奏請以唐臣陸贄從

祀一摺奉

硃批禮部議奏欽此查原奏內稱

孔庭從祀典禮攸崇前代名臣原不必盡升兩廡若其事功彪炳而

又言醇學粹遠契心傳者祀典既闕於列朝

感舉宜行於

聖代臣伏考唐臣陸贄貞元再造功耀實區唐書稱其論諫數十百

篇皆本仁義炳如丹青宋儒楊時謂贄當擾攘之際說其君未

嘗用術數可爲論天下事法陸九淵又謂賈誼就事上說仁義

陸贄就仁義上說事是以贄之奏議有稱爲仁義百篇唐孟子

者是其純粹精微實能上宗鄒嶧而契洙泗之心源特贄年少

得君出入帷幄值師旅倥偬之際未遑講學著書臣案從祀諸

人如諸葛亮范仲淹歐陽修等原不必皆有講學之名而贄學

術粹然本仁祖義舉而措之可致純王上理觀贄自謂上不負

天子下不負所學兩言固已印合道真踐履無愧矣贄謫忠州

別駕卒於任所祠墓俱存臣前督學四川按試忠州閭邑士民

熙熙然景慕前賢咸以未列從祀爲憾伏見我

皇上廣運并包

特崇祀典如明臣黃道周劉宗周等均已

准列從祀

尊儒重道正學昌明極千載一時之

盛遇而贄在唐世權德輿已稱其道與伊說爭衡文與典謨接軫厥

後宋臣司馬光作資治通鑑採贄奏疏至三十九篇之多蘇軾

等又請校正贄奏議進讀以爲三代以還一人而已是當時後
世於贄備極推崇而從祀闕如蓋千百年彰微闡幽之

鉅典實有待於

陛下應請

勅下禮臣詳悉核議等語臣等查康熙五十四年題准以宋儒范仲

淹從祀

聖廟位列東廡唐儒韓愈之次雍正二年遵

旨議定以縣置牧皮樂正子公都子萬章公孫丑漢諸葛亮宋尹焞

魏了翁黃幹陳淳何基王栢元趙復金履祥許謙陳澧明羅欽

順蔡清

本朝陸隴其二十人增祀

文廟乾隆二年以元儒吳澄復祀大學在東廡元儒趙復之次道光

二年三年五年節經遵

旨議准以明臣劉宗周從祀西廡以

本朝湯斌從祀東廡明臣黃道周從祀東廡本年復遵

旨議奏以明臣呂坤從祀西廡各在案伏思先儒附饗

廟庭必其人扶持名教羽翼

聖經有裨學術人心始堪升諸從祀之列典至鉅也茲查唐書本傳

陸贄嘉興人年十八第進士中博學弘詞授鄭縣尉以書判拔

萃轉渭南簿累官翰林學士兵部侍郎遷中書侍郎平章事旋

罷政事貶忠州別駕卒贈兵部尚書諡曰宣權德輿序其集謂

贄從德宗幸奉天時書詔旁午灑翰即成無不由盡事情中於

機會詔下武夫悍卒皆揮涕激發贄自以年少特蒙知遇不可

與衆浮沉軍國利害巨細必陳在相位推賢讓能舉直措枉道

與伊傳爭衡文與典謨接軫等語至我

朝

御選古文淵鑑稱其燭理於微論事舉要深識遠慮忠悃之情溢於楮墨

欽定提要稱其於古今來政治得失之故無不深切著明足爲萬世龜鑑是贊之有功正學不愧醇儒似無遺議惟恭查雍正二年

禮部等衙門遵

旨議奏從祀諸儒欽奉

世宗憲皇帝諭旨先儒從祀

文廟關係學術人心必詳加考證折衷盡善爾等所議從祀諸儒雖皆有功經學然戴聖何休未爲純儒鄭衆盧植服虔范甯謹守一家言轉相傳述視鄭康成之淳質深通似乎有間至如唐之陸贄宋之韓琦勳業昭垂史冊自是千古名臣然於孔孟心傳果有授受而能表章羽翼乎其他諸儒是否允協務期至當不易等因欽此嗣經各衙門再議贊與琦俱未獲

從祀_臣等伏思漢唐以來賢臣甚衆而贊與琦獨廬

聖念稱爲千古名臣是贊學術精粹久在

聖明洞鑒之中特以事關巨典是以復加咨訪_臣等竊考贊當日近參帷幄遭時多故機務填委日夕不遑貶後又以避謗不復著述故其生平制詔章疏而外別無明道詰經之書然觀其奏議諸篇請罷兵則述論語修文德之語諫聚財則引大學戒悖入之言闡周易否泰損益之象發詩書補闕改過之旨以及履信思順舍己從人等語皆本於孔孟而散小儲以成大儲一言本義引之以釋渙之九五此外凡所敷納無非根據經術發爲昌言較之漢唐諸儒依經訓義者尤爲遠契心傳直窺奧窔再查現在從祀先儒如諸葛亮范仲淹司馬光等均無講學之名亦無釋經之作祇以學行精純俱得列於兩廡今贊文章道德實無愧於諸人綜厥生平正以守己忠以事君綜天德王道之全

無術數權謀之禳行之當世有實效傳之後代無間言使與七

子并世當在德行政事之科擬諸三代下賢臣實超蕭曹杜

房而上應如該御史所奏准其從祀

文廟東廡在隋臣王通之次庶明體達用之儒遇雖詘於當時道大

光於

聖世且俾海內士子知砥廉隅而懷忠盡勉德業而勵修能於學術

人心不無裨益所有_臣等擬議緣由是否有當伏乞

皇上聖鑒謹

奏

四庫全書提要

翰苑集二十卷

內府藏本

唐陸贄撰贄事蹟具唐書本傳案藝文志載贄議論表疏集十二卷又翰苑集十卷常處厚纂陳振孫書錄解題載陸宣公集二十二卷中分翰苑榜子爲二集其目亦與史志相同惟晁公武讀書志所載乃祇有奏議十二卷且稱舊有榜子集五卷議論集三卷翰苑集十卷元祐中蘇軾乞校正進呈改從今名疑是哀諸集成此書與史志各目全不相合今考尤袤遂初堂書目所列實作翰苑集而錢曾讀書敏求記載所見宋槧大字本二十二卷者亦作翰苑集則自南宋以後已合議論表疏爲一集而總題以翰苑之名公武所見乃元祐本恐非全冊而今世刊行贄集亦有題作陸宣公奏議者則又沿讀書志而失之者也宋祁作贄傳贊稱其論諫數十百篇譏陳時病皆本仁義炳炳如丹青而惜德宗之不能盡用故新唐書例不錄排偶之作獨取贄文十餘篇以爲後世法司馬光作資治通鑑尤重贄議論採奏疏二十九篇其後蘇軾亦乞以贄文校正進讀蓋其文雖多出於一時匡救規切之語而於古今來政治得失之故無不深切著明有足爲萬世龜鑑者故歷代寶重焉贄尙有詩文別集十五卷久佚不傳全唐詩所錄僅存試帖詩二首及語林所載逸句然經世有用之言悉具是書其所以爲贄重者固不必在雕章繪句之末矣

協辦大學士兩廣總督臣宗室耆英跪

奏爲敬繕唐臣陸贄守備事宜狀進呈

御覽恭摺具奏仰祈

聖鑒事竊惟居安不可忘危有備始能無患方今諸務底定通市如常邊圉靜謐相安無事然而制禦之術時宜講求措置之方亟須籌畫臣按之當今考諸往代伏見唐臣陸贄奏議內有論緣邊守備事宜狀一疏於理兵儲餉再三致意蓋兵不練者見敵必怯食不足者固守無資舍此不謀徒事外飾即使營壘修整勝負有難必之虞飛挽饋餉有不繼之患古之善用兵者推恩義以懷之申號令以一之練其膽使之敢於進練其技使之效所長登躡練於山涉行練於水搜伏練於林麓巷戰練於街衢而復鳴兩風霆練其時寒暑晝夜練其苦於是結之以信感之以恩訓習既精悉能用命是誠無敵於天下也雖然食或未足兵未可用昔晁錯安邊之謀要在積穀趙充國破羌之議先務屯田或設廣惠之倉或立和糴之法因豐凶而計出入乘緩急以備轉輸是以軍實常充士氣自倍否則戈矛雖利不足恃其強城堞雖堅不足據其險然則貞以師律聚以軍儲實安邊之本源爲講武之根柢此卽陸贄所謂非萬全不謀非百刻不闢者也亦卽所謂安其居而後動俟其時而後行者也至其洞達難易長短之勢指畫八利六失之規雖云今昔異宜要皆議論深切臣反復熟誦不覺感發奮興有所資益伏思陸贄奏議自宋臣蘇軾錄進元祐世已流傳迨我

朝雍正年間經川陝督臣年羹堯恭繕進呈蒙

世宗憲皇帝

御製敘文弁諸首簡所期臣工則效者至周且備而是篇曲盡防邊要領尤屬至理名言臣簡練有心觀摩未得竊謂敷陳剴切冀

邀

俯賜覽觀雖非賢

聖之同時或有芻蕘之可採謹將陸贄守備事宜狀敬繕恭

進合無仰懇

敕下海疆諸臣咸錄一通置諸座右庶於制禦之術酌古可以準今

措置之方觀前卽以示後斟酌以求其當變通以適其宜於籌

策邊防不無裨益臣愚昧之見是否有當伏乞

皇上聖鑒

訓示謹

奏道光二十六年九月十二日奉

硃批留覽欽此

宣公真像

載三才圖會



陸宣公集增輯目錄

卷第二十三

賦

聖人苑中射落飛雁賦

東郊朝日賦

傷望思臺賦

月臨鏡湖賦

冬至日陪位聽太和樂賦

登春臺賦

鴻漸賦

詩

曉過南宮聞太常清樂

禁中春松

賦得御園芳草

逸句

卷第二十四

年譜集略

舊唐書傳贊

新唐書傳贊

論贊二則

陸宣公傳

宣公廟記

唐陸宣公集卷第二十三

後學介春者英增輯

梓鄉文 嚴同校

崇仁華廷傑

賦七篇見全

聖人苑中射落飛雁賦以題爲韻次用

於穆我皇受天明命與乾坤而合德配唐虞而齊威成功斯著射中九霄之禽文教已宣道應千年之聖想彼禽矣離離可珍配玉帛於前禮齊山木於至人棲必擇處翔無失倫候律南徂洞庭之芳草猶碧順時北向上林之繁花已春苟應弦以啓聖同殺身以成仁爾乃雲收遠天水落上苑風蕭蕭而勁夕日杳杳而低晚於是聖人悅年豐修武功有直斯矢有昭其弓因肅殺之候遊苑囿之中彼雁于飛斜當禁掖帶輕雲之微素映遙天之晴碧雖逢蒙之絕藝莫敢措心固離婁之明眸其纔能觀我弓斯張我矢斯射算分數之遠近則舍拔而應鏑質毛紛其已墜弦聲振猶未釋聞之者足蹈手舞觀之者目駭心惕彼實心稱妙穿葉無作一則三年而後發一則百步以爲約豈如料必中於飛動騁絕伎於寥廓雁以遠而矢發矢既發而雁落異哉莫高者天戾天者飛彼搏空之逸翰尚無所逮矧荒服之逆命曷不咸歸則知皇聖有作夷夏無間鄙楚莊之戲猿笑晉平之失鵲固將威九垓而清八荒豈直落翔雲之一雁

東郊朝日賦以國家行仲春之令爲韻

日爲炎精君實陽德明至乃照臨下土德威則光被四國天垂象聖作則候春分之節時則罔愆順周官之儀事乃不忒於是載青旗儼翠華蓋留殘月旗拂朝霞咸濟濟以皇皇備禮容於邦家天子躬整服以待曙心既誠而望賒修而罷嚴更闢禁城五輅齊駕八鸞啓行風出郊而草偃澤先路而塵清卷餘霽於林薄動神光於旆旌初破鏡而半掩忽成輪而止征杲耀榮光分輝於千品萬類煙煥瑞色均

燭於四夷八紘一人端冕以仰拜百辟奉璋而竭誠故曰天爲父日爲兄和氣旁通帝德與日德俱遠清光相對帝心與日心齊明時也春事既用夾鐘律中登觀臺而瑞集觀芳甸而農衆東爲陽位故出拜於國東仲居時中乃展禮於春仲既而威禮畢陳錫鑾回輪家有罄室巷無居人備禮服之燦燦殷游車之鑾鑾人望如草我澤如春惟天德與聖壽配朝日而長新伊茲禮之可持歷前代而修之漢拜庭中成煩褻之細事魏朝歲首失禮經於舊時國家欽若天命率由時令矯前王之失德修古典而施敬俾伯夷之掌禮倅軒后以作聖恭承命於春卿遂觀光而興詠

傷望思臺賦

桃野之右蒼茫古原草木春參風煙晝昏攬予轡以躊躇見立表而斯存乃漢武戾祠勦命地也然後築臺以慰遺魂吁自古有死胡可勝論苟失理以橫斃雖千祀而猶冤當武帝之季年德不勝而毫及浮誕之士疊至詭怪之巫繼集忠見疑而莫售讒因隙而競入忘嗜欲之生疾意巫詛而是因將搜蠱以滌災縱庸瑣之奸臣言何微而莫離冤雖毒而奚伸構儲后以掛殃矧具寮與齊人旋激怒而誅充竟奔湖而滅身異哉漢后因姦邪之是誘俾冢嗣而罹咎彼傷魂之冥冥故築臺其何有嗟爾戾祠盍入明以見志遽興戈而自棄諒君父之是叛雖竄身其焉實嗚呼一失其理孝慈兩墜不其傷哉夫邪不自生釁亦有託信其讒興利則妖作恣鬼神之愆變實人事之紛錯故子不語於怪亂道亦貴乎淡泊蓋爲此也水滔滔而不歸日杳杳而西馳時徑往兮莫追人共盡兮臺隳榛焉莽焉俾永代而傷悲

月臨鏡湖賦以風靜湖滿輕波不動爲韻

月配陽含虛而明湖止水體柔而平光無不臨故麗天並耀清可以鑒因取鏡表名月包陰以成象水粟月而爲精兩氣相合實不入而疑入二美交映伊本清而又清色皎潔而秋天愈靜波演漾而宵風

乍輕類泗濱之磬見疑合浦之珠明至明洞幽至清無垢同元澤無遠不遍等達人以虛而受滿不可恃望之足戒以虧盈形或未分鑒之則辨其妍醜輕重不起纖塵莫過沉璧影而爲鏡碎金輝以成波皓質未判空聞田鶴之唳香風乍度暗傳蓮女之歌萬象皆總湛清光而不動極望靡窮凝虛皓而如空照同心千里之外洞游鱗百丈之中權影乍浮如上天邊之漢桂華不定多因蘋末之風白晝誠窮殘夜將短臨遠峯而欲落沉餘景而猶滿月之德也朗而迴水之性也柔而靜照有餘暉光無匿影滿而將缺顧免自殊於太陽導之則流無禽豈同於舊井原夫德無不應理必相符湖以柔而藏月月因朗而彰湖不私其明明則有裕無逆於物物乃不孤異投珠而按劍等藏冰而耀壺惟水月之叶美與君子而同塗

冬至日陪位聽太和樂賦

以文德光宅天敬萬壽爲韻

樂自上古兮和洽是聞日至南極兮陰陽肇分名太和而順氣取初陽而配君則知天授聖而正曆聖應天而放勳惟至也去陰就陽惟樂也偃武修文八佾初陳雜鸞鳳而容裔九奏既畢降佳氣之氤氲爾其順元辰體乾德赫容衛之森肅儼宸位之恭默班禮樂於千品陳贊幣於萬國濟濟皇皇威容孔彰望北辰以列位指南山而獻觴慶雲協符榮觀臺之加麗太陽臨照煜燿闕而增光於是太常導千羽而前曰八音自設千古靡隔所以賞諸侯之功暢聖君之澤失其度則涼滯寢興適其儀則上下咸格清淨順氣而不擾和樂自心而來宅可以導情欲可以滌煩劇既而筍簾齊列笙簧互傳偕肅肅而合雅亦啾啾而同元備以四夷識四海之無外成於九土知九德之咸宣崇易簡豈同於濮水務德化寧比於鈞天既損之而又損蓋斯焉而取焉故所以移風易俗發號施令周天地而不流匝寰宇而無競斥鄭衛而不御暢柔和而全正羣黎足蹈而手舞百僚儀肅而心敬則知一人作則萬邦維憲來遠人以千舞播聲頌而吹萬則鄭之

細晉之思不可以勸湯之放武之伐而猶有怨豈比我照二儀形九有舒太和之至德居威陽之元首咸有典而有則固可大而可久明我后於斯萬壽

登春臺賦

以瞻眺春野氣和感深爲韻

春發生以煦物臺居高而處明俯而望焉舒郁郁之和氣登可樂也暢怡怡之遠情觸類斯感衆芳俱榮風出谷以天霽雲歸山而景晴俛視平皋傍臨遠嶠窮漢苑以周覽匝秦城而迴眺林巒彩翠浮佳氣於遙天宮觀參差麗飛臺於夕照望莫若兮望遠感何深兮感春登其臺則歷階而至極應平律故陰滲而陽伸令行斯順澤布惟均視雖微而必審思何遠而不親懿夫情之誘人人罔或舍時之感物物莫能假臺有春而必望春何情而不寫條風始至散灼灼之紅桃穀雨初收潤萋萋之綠野天何言哉生衆稟人有靈兮感元氣既望春而可樂亦升高而足貴賞同沂水聊舞雩以詠歌登異觀臺寧觀蜡而增歡周望既極含情則多媚遲日之未下愛清風之屢過目眇眇以心遠野悠悠而氣和可以樂芳時之景物壯皇室之山河豈比夫羈士登樓而作賦碩人在軸而爲歌者哉春無物而不滋臺無遠而不覽豈老氏之或論伊潘生之所感稽其趣時之規遠創意之義深春非臺而何樂臺非春而罔尋故望春者惟臺是履登臺者惟春是臨繫在物之可用必從時之所任儻自下而可託庶升高而至今

鴻漸賦

以鴻漸路適之爲韻

深不測者道大無疆者空空非羽而何適道匪人兮孰通通於道者是謂君子適於空者莫如漸鴻故聖人託象以明義務勤以飭躬將自邇而圖遠必因卑而致崇始其素卵新化青春戲融一之日乳哺衡陽之曲二之日翱翔彭蠡之中且爰居以樂水亦從正而養蒙羣毛其成洞庭之芳草初綠弱羽云就武陵之繁華已紅而見其進未知其終美夫姿淑偉麗飛鳴有檢動靡求棲遊皆遠險思奮志於寥

廊且藻容於葦茨昇不越次先冒履木之危進而得中孚及于磐之
漸漸如何其往有攸措方去渚而戾止俄躋陵而還顧風水遙輔於
羽毛煙雲未通於道路嚙嚙相召驚月夜而亂趨肅肅運行拂天池
而徑度信梁燕之莫儔豈谷驚之足慕亦猶九層起於累土千里始
於投迹琢玉者日就其功爲學者月將其益皆自微以成著固何求
而不適異夫出陸搏空驤首矯翮順寒暑以攸往亘山川而罔隔以
言乎鳥也尙不忘進以言乎人也如何勿思思者所以志道進者所
以修辭誠既往而莫返冀將來而可追蒙亦有望於斯漸敢不肅然
而勉之

試律三首 見全唐詩

曉過南宮聞太常清樂

南宮聞古樂拂曙聽初驚烟遙迷處絲桐暗辨名節隨新律改聲
帶緒風輕合雅將移俗同和自感情遠音兼曉漏餘響過春城九奏
明初日寥寥天地清

禁中春松

陰陰清禁裏蒼翠滿春松雨露恩偏近陽和色更正一作濃高枝分曉
日一作虛吹一作靈韻雜宵鐘香助鑪煙遠形疑蓋影重願符千載一作歲
壽不羨五株封一作長得迴天眷全勝老碧峯

賦得御園芳草

陰陰御園裏瑤草日光長羃靡含烟霧依稀帶夕陽雨餘萋萋更密風
暖蕙初香擁仗緣馳道乘輿入建章溼煙搖不散細影亂無行恆恐
韶光晚何人辨早芳

逸句

遠增流瀾瀾來砌樹陰陰任江淮尉題
廳見語林

唐陸宣公集卷第二十三

原
书
空
白
页

唐陸宣公集卷第二十四

後學介春著英增輯

萍鄉文 晟
崇仁華廷傑 同校

年譜集略按留餘堂刻本載宣公年譜詳列左

按公諱贄字敬輿姓陸氏唐吳郡嘉興人曾祖諱敦信高宗時拜左待極檢校左相封嘉興子祖諱齊望代宗時爲秘書少監志人物並父諱侃以蔭補深陽令母章太夫人序元宗天寶十三年甲午公一歲誕生五月三十日辰時或云

代宗大曆六年辛亥公十八歲

刺史張鎰與語奇之贈錢百萬曰願以此奉太夫人一日之膳公辭不受領新茶一串而已是年登進士博學弘辭科授鄭縣尉又以書判拔萃科調渭南尉尋改監察御史序以五術八計三科四賦六德五要說黜陟使庾何等十一人時皆建其言詳載本傳

八年癸丑公二十歲

試禁中春松詩

十四年己未公二十六歲

德宗即位以春宮時素聞公名詔對翰林即日爲學士數問公計策

德宗建中四年癸亥公三十歲

是年八月兩河未平時朱滔據幽州盧龍軍李納據平盧淄青王武俊據鎮州成德軍田悅據魏博天雄軍帝命河東節度使馬燧河陽節度使李元平昭義軍節度使李抱真暨神策軍李晟朔方節度使李懷光先後討之逾二年未有成功又准西李希烈寇襄城希烈據淮西鄭元武軍節度使李元平討之希烈兵三千詔問公計將安出公上兩河淮西利害狀指陳得失瞭如觀掌惜帝不能用各狀年月俱查對御製歷代年表

又上關中事宜狀時禁兵俱出四征畿內事窮民窮思亂故公連上奏不省隨有遷幸之變乘輿播越十月

涇原兵變朱泚反公從幸奉天上遷幸之由狀時公觀難扈從啓沃謀猷特見親信

德宗間以事詢公惟呼行輩而不名厚愛之至也然公絕不自得恩寵小心精謹未嘗有過書詔一日數十下皆公爲之操紙立就無不曲中事情同職者莫能復有所助惟拱手嘆服而已

十一月上當今切務狀時李懷光戰敗朱泚先是十月帝以逆賊雖退京城未收以切務問公公因上奏

又上啓奏未施行狀

請數對羣臣兼許令論事狀仍申前二奏之議

十二月上赦書事條狀草與元大赦詔詔下兵民感泣諸叛藩皆自去偽號先是朱滔稱冀王王武俊稱趙王田悅稱魏王李納稱齊王李希烈僭帝位國號大楚朱泚僭帝位國號大秦時平賊者賴有李晟渾瑊馬燧等諸將而居中調度實惟公是賴德宗克復天位再續唐祚公之力也讀公諸奏狀則了然矣東坡稱爲智如子房術過賈傳不其信歟

又上算號加字二狀此狀依允

論擬與翰林改轉狀 由祠部員外轉考功郎中

興元元年甲子公三十一歲

正月論蕭復宣慰狀

請罷瓊林大盈二庫狀

薦袁高等狀

二月出使懷光營因糧賜上李晟所管兵馬狀

奏李建徽揚惠元兵馬狀唐二帥爲懷光所併帝猶豫竟不及救

三月李懷光叛公從幸梁州梁州即山南上瓜果擬官二狀重名

山南道險公相失在後帝驚且泣號於軍中能得公者賞千金及進謁太子諸王皆賀其一時見重如此

上撫巡李楚琳狀初楚琳使虜至皆不見見狀上召見

四月帶本職拜諫議大夫論解姜公輔二狀

請優獎曲環所領將士狀

論解蕭復二狀

論續從賊中赴行在官等狀

五月上結贊回軍狀帝惟恐軍回公則深幸謂京城不日可復果

不出公所料雖有宰相主大議公常居中參決可否時人號爲內相

又上諸軍兵馬自取機便狀

六月李晟等收復京城上替換李楚琳狀

論中官及朝官賜名定難功臣狀此狀依九

論詔書爲取散失內人狀狀上帝遂不復降詔而遣中使求之

論還宮發日狀

請釋趙貴先罪狀

七月從車駕還長安

以公爲中書舍人

貞元元年乙丑公三十二歲

公母章太夫人在吳中原註帝遣中使迎致京師道路皆爲之置

驛鄉里文士咸榮焉八月馬燧等平河中懷光自縊死河中平上

請罷兵狀且論希烈不有人禍則當鬼誅希烈果神魂失據明年

四月爲其下陳仙奇所殺此下大內二年內在憂服之中餘則不復諫說章帝訪問之遺教以愚度之正謂長

源周旋三帝間已爲後進嫌有爭能之意耳

五年己巳公三十六歲

丁韋太夫人憂去職營葬於洛帝遣中使監其事又遣中使護漂

陽之喪會葬河南四方賻遺數百萬公一無所取蜀帥章阜因布

衣友善每月致餽公奏而後受之

七年辛未公三十八歲

服闋覲見天子改容敕弔復入翰林權知兵部侍郎中外屬意旦

夕俟其爲相被實參等忌嫉解內職八月真拜兵部侍郎知禮部

貢舉取韓愈等二十二人時號龍虎榜試明水賦御

八年壬申公三十九歲是年春實參黜

四月拜中書侍郎同平章事上長官薦舉狀

論改轉倫敘狀

奏請均節賦稅狀六條

七月論宣令除裴延齡度支使狀時權文公爲左補闕亦曾參奏延齡

八月請遣使臣宣撫諸道遭水州縣狀

論淮西遭水請同諸道遣宣慰使狀

九月上京東水運狀

論緣邊守備事宜狀

論嶺南市舶狀

九年癸酉公四十歲

三月上實參等三狀時謂參死由公乃小人奸論議之過

五月上密旨宣事狀

論齊映齊抗官狀

十二月議汴州逐劉士寧事狀

請不與李萬榮汴州節度使狀

十年甲戌公四十一歲

請還田緒所寄撰碑文馬絹狀

請依京兆所請折納狀

論度支令京兆府折稅市草狀

論左降量移三狀

論邊城貯備狀

十一月論裴延齡奸蠹狀

十二月罷爲太子賓客被延齡等羣小譏忌而帝亦好諛惡直故

也

十一年乙亥公四十二歲

四月貶忠州別駕禍幾不測賴陽城張萬福等救免上怒未解中外惴恐無敢

敬者城開而起曰不可令天子信用奸臣殺無罪人即帥拾遺王仲舒能執易崔邠等守延英門上疏論延齡奸佞等無罪上大怒欲加城等罪太子爲之營救乃解金吾將軍張福開諫官伏閣諫趨往至延英門大言賀曰朝廷有直臣天下必太平矣遂通拜城與仲舒等萬福武人時初公守正疾邪或規其太銳公曰吾年八十餘從此名重天下初公守正疾邪或規其太銳公曰吾上不負天子下不負所學違恤其他既放常閉戶不出郡人稀識其面又避謗不著書地多瘴厲祇爲古今集驗方五十卷新唐書作五十篇行於世時李吉甫爲忠州刺史吉甫故公所貶也不修怨於公且結好更以宰相禮事公吉甫固不可及抑公之威德有以致之後帝亦稍思公會薛延爲刺史諭旨慰勞劍南節度章臯屢表請以公代己帝不從

順宗永貞元年乙酉公五十二歲

順宗立特詔起公詔未至公卒贈兵部尚書諡曰宣葬忠州屏風山又名翠玉虛觀南今屬四川重慶府祠祀在州治之南又嘉興府北府學西南有祠有司歲時致祭子一諱簡禮登進士第累辟使府官兵部郎中

嚴按陸氏出自嬌姓爲田完之後齊宣王少子通封於平原般縣陸鄉即陸終故地因以氏焉通諡曰元侯生恭侯發爲齊上大夫發二子萬臯臯生豈豈生漢大中大夫賈萬生烈爲吳令豫章都尉既卒吳人思之迎其喪葬於胥屏亭子孫遂爲吳縣人烈之孫曰閔爲潁川太守閔之孫曰康見萬姓統宗曰續見陸氏懷橘之陸續林康少子也避抗機雲康之族裔也續爲楊州別駕生三子曰稠曰逢曰襄稠爲荊州刺史次子肅丹徒令號丹徒枝其後曰敦信稠十五子相高宗曰耽敦信涇原節度使檢校尚書曰威耽之子兵部侍郎襄之後曰玩襄十一子晉侍中空贈太尉號太尉枝其後曰元方玩十一子相高宗曰象先元方相元宗曰景融元方工部尚書曰審傳景融三子工部侍郎曰希聲景融四子相昭宗襄之後曰瑾審十一子晉中書侍郎號侍

郎枝瑾五世孫文威齊散騎常侍生宣猛梁宣威將軍宣猛生陳吏部侍郎澤潯九世孫齊望爲秘書監生八子泌左散騎常侍灋主客郎中潤左司郎中淮兵部郎中倕一名溧陽縣令兵部滙戶部郎中渭戶部侍郎禮侍御史倕生宣公相德宗灋生師德侍御史灋生則杭州刺史渭生實監察御史宣公生簡禮屢辟使府請系作兵部郎中師德生潭監察御史潭生展相昭宗

舊唐書傳贊

史臣曰近代論陸宣公比漢之賈誼而高邁之行剛正之節經國成務之要激切仗義之心初蒙天子重知末塗淪蹟皆相類也而誼止中大夫贊及台鉉不爲不遇矣昔公孫鞅挾三策說秦王淳于髡以隱語見齊君從古以還正言不易昔周昭戒急論議正爲此也贊居珥筆之列調鉅之地欲以片心除衆弊獨手遏羣邪君上不亮其誠羣小共攻其短欲無放逐其可得乎詩稱其維哲人告之話言又有誨爾聽我之恨此皆賢人君子歎言不見用也故堯咨禹拜千載一時攜手提耳豈容易哉

贊曰良臣悟主我有嘉猷多僻之君爲善不周忠言救失啓沃曰讎勿貽天問蒼昊悠悠

新唐書傳贊

贊曰德宗之亡顧不幸哉在危難時聽贊謀及已平追仇盡言佛然以讒倖逐猶棄梗至延齡輩則寵任磐桓不移如山昏佞之相濟也世言贊自一作自罷翰林以爲與吳通玄兄弟爭寵實參之死贊漏其言非也夫君子小人不兩進邪詔得君則正士危何可嘗耶觀贊論諫數十百篇譏陳時病皆本仁義可爲後世法炳炳如丹帝所用纔十一唐祚不競惜哉

論贊

胡致堂曰陸贊之學其師承不可考然觀其陳輕重之義破反道之

說皆秦漢諸儒所不能及者宜其操守堅固議論端實獻爲通達而不畔於道也使遇太宗其效不在魏文貞下矣

朱考亭曰史以宣公比賈誼誼才高似宣公宣公論諫本仁義諳練多學更純粹宣公奏議數卷論說事極盡纖悉便是經濟之學識

唐名臣陸宣公傳

國朝朱高安相國蔡開之尚書博採諸史爲歷代名臣傳所載宣公傳較新舊唐書尤

於左

陸贄字敬輿嘉興人也年十八舉進士及第中博學弘詞調鄭尉罷歸刺史張鎰有重名一見奇之請爲忘年交既行餉錢百萬曰請爲母夫人一日費贄不納止受茶一串曰敢不承公之賜以書判拔萃補渭南尉德宗立遣黜陟使庾何等十一人行天下贄說使者請以五術省風俗八計聽吏治三科登俊又四賦經財實六德保罷廢五要簡官事五術曰聽謠訟審其哀樂納市價觀其好惡訊簿書考其爭訟覽車服等其儉奢省作業察其趨舍八計曰視戶口豐耗以稽撫字視墾田贏縮以稽本末視賦役薄厚以稽廉買視按籍煩簡以稽聽斷視囚繫盈虛以稽決滯視姦盜有無以稽禁禦視選舉衆寡以稽風化視學校興廢以稽教導三科曰茂異賢良幹蠱四賦曰閱稼以奠稅度產以衷征料丁壯以計庸占商賈以均利六德曰敬老慈幼救疾恤孤賑貧窮任失業五要曰廢兵之冗食蠲法之撓人省官之不急去物之無用罷事之非要時皆建其言遷監察御史帝在東宮已聞其名召爲翰林學士會馬燧討賊河北久不決請濟師李希烈寇襄城詔問策安出贄言今幽燕恆魏之勢緩而禍輕汝洛榮汴之勢急而禍重田悅覆敗之餘無復遠略王武俊有勇無謀朱滔多疑少決互相制劫不能越軼此謂緩也希烈果于奔噬據蔡許富全之地益以鄧襄掠獲之資東寇則饒道阻北窺則都邑震此謂急也代朔鄆寧昔之精騎上黨盟津今之選師舉而委之山東將多而勢分兵廣而財屈則屯戍失於太繁也李勉文吏也而當汴必爭之

地哥舒曜爲合也扞襄城方銳之賊則守禦失於不足也今若還李芑河陽以援東都李懷光解襄城之圍專以太原澤潞兵抗山東則梁宋安矣又論關中形勢以爲王者蓄威以昭德偏廢則危居重以馭輕倒持則悖王畿者四方之本也太宗列置府兵分隸禁衛諸府八百餘所而在關中者殆五百焉承平日久武備漸微故祿山竊倒持之柄一舉滔天乾元之後繼有外虞悉師東討故吐番乘虛深入先帝避之東遊是皆失居重馭輕之權忘深根固本之慮追想及此豈不寒心今朔方太原之衆遠在山東神策六軍之兵繼出關外關輔之間徵發已甚宮苑之內備衛不全萬一將帥之中又如朱滔希烈竊發郊畿驚犯城闕未審陛下將何以備之臣願追還神策六軍節將子弟明敕涇隴邠寧更不徵發仍罷間架等稅冀已輸者弭怨見處者獲寧則人心不搖而邦本固矣帝不能用其冬涇原兵過京師作亂朱泚反帝如奉天贄從幸時天下騷擾遠近徵發書詔日數十下皆出於贄贄若不經思操筆輒成皆周盡事情中數會旁史承寫不及同列咸拱手嗟歎嘗與帝論致寇之由皆羣臣罪意指盧杞也帝護杞因曰此天命非由人事贄上疏言陛下四征不庭兵連禍結行有鋒刀之憂居者有誅求之困非常之虞億兆同慮惟陛下穆然凝遠獨不得聞至使兇卒鼓行白晝犯闕陛下有股肱之臣有耳目之佐見危不能竭其誠臨難不能效其死所謂羣臣之罪豈徒言數臣又聞天所視聽皆由於人人事理而天命降亂者未之有也自頃征討頻頻刑網稍密物力耗竭人心驚駭果如所虞非關天命臣聞理或生亂亂或資理有以無難而失守有以多難而興邦今生亂失守之事則既往不可追矣其資理興邦之業在陛下克勵而謹修之而已帝又問當今切務贄言當今急務在於審察羣情羣情之所甚欲者陛下先行之所甚惡者陛下先去之君臣同志何有不從遠邇歸心孰與爲亂疏奏旬日無所施行贄又上疏曰臣聞立國之

本在乎得衆得衆之本在乎見情在易乾下坤上曰泰坤下乾上曰否損上益下曰益損下益上曰損夫天在下而地處上於位乖矣而反謂之泰者上下交故也君在上而臣處下於義順矣而反謂之否者上下不交故也上約己而裕於人人必悅而奉上矣是不謂之益乎上蔑人而肆諸己人必怨而叛上矣豈不謂之損乎是以古先聖王之居人上也必以其欲從天下之心而不敢以天下之人從其欲陛下以明威照臨以嚴法制斷故遠者驚疑近者畏懾人各隱情以言爲諱至於變亂將起億兆同憂獨陛下恬然不知方謂太平可致陛下以今之所睹驗往時之所聞則事之通塞人之情僞盡知之矣因勸帝使羣臣參日極言得失若以軍務對者見不以時上乃遣中使諭之曰朕本性甚好推誠亦能納諫將謂君臣一體全不限防緣推誠信不疑所以反致患害諫官論事例自矜銜歸過於朕以自取名又多雷同道聽塗說試加質問遽則詞窮所以近來不多對人非倦於接納也贊以書對曰天不以地有惡木而廢發生天子不以時有小人而廢聽納且一不誠則心莫之保一不信則言莫之行陛下所謂失於誠信以致患者斯言過矣誠信之道不可斯須去身願陛下慎守而力行之非所以爲悔也夫仲虺贊揚成湯不稱其無過而稱其改過吉甫歌誦周宣不美其無闕而美其補闕是則聖賢惟以改過爲能不以無過爲貴蓋以爲知者改過而遷善愚者恥過而遂非遷善則其德日新遂非則其惡日積也諫官不密信非忠厚其於聖德固亦無虧陛下善納諫不違則傳之適足增美若違諫不納安能禁之勿傳衆多之議足見人情必有可行亦有可畏恐不宜一概輕侮莫之省納且陛下雖窮其辭而未窮其理能服其口而未服其心也夫上好勝必甘於佞辭上恥過必忌於直諫如是則下之諂諛者順旨而忠實之語不聞矣上辨必勤說而折人以言上衛明必臆度而虞人以詐如是則下之顧望者自便而切磨之言不盡矣

上厲威必不能降情以接物上恣懷必不能引咎以受規如是則下之畏懼者避辜而情理之說不伸矣上情不通於下則人惑而不從其令下情不通於上則君疑而不納其誠誠不納則應之以悖令不從則加之以刑下悖上刑不敗何待故諫者多表我之能好諫者直彰我之能從諫者有失中而君無不美如此則納諫之德光矣帝頗採用其言會術者言國家厄運數鍾百六宜有所變更帝議加尊號贊曰尊號本非古制行於安泰之日已累謙沖況今喪亂尤非所宜若以屯難當有變革不若引咎降名以祇天戒帝納其言但改興元年號下赦令贊言方今書詔宜痛自引過罪己以感人心昔成湯以罪己勃興楚昭以善言復國陛下誠能不吝改過以謝天下使詔書之辭無所忌諱庶能令叛逆者回心喻旨帝以中書所撰赦文示贊贊言動人以言所感已淺言又不切人誰肯懷今茲德音悔過之意不得不深引咎之辭不得不盡乃爲制曰小子長於深宮之中暗於經國之務不知稼穡之艱難不惜征伐之勞苦澤靡下究情未上通事既壅隔人懷疑阻由昧省己遂用與戎遠近騷然衆庶勞止天譴於上而朕不悟人怨於下而朕不知馴致亂階變興都邑萬品失序九廟震驚上累祖宗下負蒸庶痛心覲面罪實在予自今中外書奏不得言文武聖神之號李希烈田悅王武俊李納等咸以勳舊各守藩維朕撫御乖方致其疑懼皆由上失其道下罹其災朕實不君人則何罪宜併所管將吏等一切待之如初朱滔緣泚連坐路遠必不同謀念其舊勳務在宏貸如能效順亦與維新朱泚反易天常竊盜名器暴犯陵寢所不忍言獲罪祖宗朕不敢赦其脅從將吏百姓等官軍未到以前並從赦例赴奉天及收京城將士并賜名奉天定難功臣其所加墊陌錢稅間架竹木茶漆權鐵之類悉宜停罷赦下人心大悅後李抱真入朝言山東宣布赦書士卒皆感泣臣見人情如此知賊不足平也帝於行宮設瓊林大盈二庫別貯貢物贊言天子

與天同德以四海爲家何必撓廢公方藏聚私貨效匹夫之藏以誘姦聚怨乎且頃者六師初降百物無儲殆將五旬死傷相枕畢命同力陛下絕甘輟食以啗功勞無厚賞而人不怨悉所無也今者攻圍已解衣食已豐而謠譏方興軍情稍阻豈不以患難既與之同憂而安樂不與之同利乎誠能近想重圍之殷憂追戒平居之事欲凡在二庫貨賄盡令出賜有功每獲珍華先給軍賞如此則亂必靖賊必平徐駕六龍旋復都邑天子之貴豈當憂貧是散小儲成大儲捐小寶固大寶也帝卽命去其榜李懷光與朱泚通謀李晟密奏恐爲所併請移軍東渭橋帝遣贊諒懷光營宣慰贊還言賊泚勢窮援絕懷光乘勝芟蕪易若摧枯而寇奔不用諸帥每欲進取懷光輒沮其謀若不別思制持終恐變故難測伏望卽以晟表出付中書敕下依奏別賜懷光手詔示以移軍東分賊勢詞婉而直理順而明雖蓄異端無由起怨帝從之時李建徽楊惠元猶與懷光聯營贊復言晟軍旣移二人孤弱可託言晟兵素少慮爲賊泚所邀藉此兩軍以爲犄角帝曰卿所料極善恐懷光因此生辭轉難調息且更俟旬時不閱旬懷光果襲奪建徽惠元軍殺惠元行在震驚帝徒幸梁供儲不豫道乏食民有獻瓜果者帝欲官之贊曰爵位須宜慎惜不可輕用賜以錢帛可也若授以官則彼突銛鋒志軀命者必曰吾之軀命乃同瓜果視人如草木誰復肯爲用哉帝居艱難中雖有宰相大事必與贊謀之故當時謂之內相帝行止必與俱山南道險從官相失帝夜召贊不得驚且泣詔軍中得贊者與千金久之乃至帝大喜太子以下皆賀贊素直諫忤帝盧杞雖貶帝心庇之贊極言杞奸邪致亂帝貌從心頗不悅俄以勞遷諫議大夫仍兼翰林學士鳳翔節度使李楚琳數遣使貢行在帝惡其爲人皆不見欲以渾瑊代之贊奏楚琳罪固大但乘輿未復大慙猶存宜厚加撫循便足集事必欲精求素行追挾宿疵則是改過不足以補愆自新不足以贖罪凡

今將吏孰免疑畏帝悟召見其使優詔勞安之帝又欲加內外從官普號定難功臣贊奏言官官具僚恪居奔走勞則有之何功之有難則當之何定之有今乃與奮命者齒恐沮戰士之心結勳臣之憤帝乃止上又問贊近有卑官自山北來者論說賊勢語多張皇頗似覘覘若不追尋恐成奸計贊上奏曰以一人之聽覽而欲窮宇宙之變態以一人之防慮而欲勝億兆之姦欺役智彌精失道彌遠項籍阮秦卒防虞已甚漢高齡達大度天下之士至者納用不疑蓄疑之與推誠其效固不同也陛下知出庶物有輕待人臣之心思用萬幾有獨馭區寓之意謀吞衆略有過慎之防明照羣情有先事之察嚴束百辟有任刑致理之規威制四方有以力勝殘之志由是才能者怨於不任忠盡者憂於見疑著勳業者懼於不容懷反側者迫於及討馴致離叛構成禍災願陛下以覆轍爲戒天下幸甚帝以李晟渾瑊兵少欲倚吐蕃以復京城贊極言吐蕃遷延觀望翻復多端致令羣帥進退憂虞彼若不歸賊終不滅帝曰卿言甚善然晟瑊諸軍當議規畫令其進取贊以爲秦梁千里兵勢無常遙爲規畫未必合宜彼違命則失君威從命則害君事進退羈礙難以成功不若假以便宜之權待以殊常之賞則將帥感悅智勇得伸矣京師平帝命贊草詔賜渾瑊使訪求奉天所失內人贊諫曰今大難甫平疲瘵之民瘡痍之卒尚未拊循而首訪婦人非所以副維新之望蓋事有先後義有重輕宜遣大臣馳傳迎復神主修飭郊邱展禋祀之禮申告謝之儀恤死義犒有功崇進忠直優問耆老若內人當離潰之後或爲將士所私天下固多憂人何必獨此帝不復下詔猶遣中使求之帝發梁州問今至鳳翔諸軍甚盛可遣人代李楚琳贊曰如此則事同脅執以言乎除亂則不武以言乎務理則不誠易一帥而虧萬乘之義結四海之疑不如俟到京邑徵授一官彼將奔走不暇安敢復勞誅鉏哉河中平上問贊今復有何事宜區處者贊以河中既平慮希旨生

事之人請乘勝討淮西李希烈必誘諭所部及新附諸帥曰奉天息兵之言乃因窘急而言朝廷稍安必復誅伐如是則四方負罪者自疑河朔齊魯響應兵連禍結賦役繁興建中之憂行將復起乃上奏曰陛下悔過降號聞者流涕故諸將效死叛夫請罪逆泚懷光相繼梟殄曩以百萬之師而力殫今以咫尺之詔而化洽是則聖王之敷理道服暴人任德而不任兵明矣今叛帥革面修臣禮然其深言密議固亦未盡坦然必聚心而謀傾耳而聽觀陛下所行之事考陛下所誓之言若言與事符則遷善之心漸固倘事與言背則慮禍之態復回所宜布恤人之惠以濟威乘滅賊之威以行惠臣所未敢保者唯希烈耳想其私心非不追悔但以猖狂失計已竊大名縱未順命斯爲獨夫內則無辭以起兵外則無類以求助陛下但敕諸郡各守封疆彼已氣奪算窮是乃從牢之類古所謂不戰而屈人之兵者斯之謂歟詔以李懷光嘗有功宥其一男歸其尸使收葬諸道與淮西連接者非被侵軼不須進討李希烈若降當待以不死自餘一無所問越明年希烈將陳僊奇果殺希烈以降時劉從一姜公輔等材不逮贊遠甚皆由下位建台宰而贊孤立一意爲左右權倖沮短又言事無所回諱陰失帝意久之不得宰相還京但爲中書舍人丁母憂免喪權知兵部侍郎復入翰林中外屬意旦夕俟其爲相實參深忌之贊亦數言參罪失貞元七年罷學士以兵部侍郎知貢舉於進士中得人最多爲唐代第一明年參黜乃拜中書侍郎同平章事贊既相益以天下爲己任面論敷奏不遺餘力帝自貞元後懲楊炎盧杞引樹私黨排忠良天下怨疾雖置宰相至除用庶官反復參詰乃得下贊請令臺省長官各自薦其屬有不職坐舉者帝初許之或言諸司所引皆親黨帝復詔宰相自擇贊奏言臺省長官乃將來之宰相今乃不能進一二屬吏則後日位宰相安能擇天下材乎夫求賢貴廣考課貴精往者武后收人心務拔擢非徒人得薦士亦許自薦

然而課責嚴進退速當世稱知人之明累朝賴多士之用帝雖嘉之然卒停薦士詔舊制吏部選每歲集人其後遂三年一選人稽壅案牒叢積爲冒混真吏因得大爲奸弊選士一蹉跌或至十年不得官缺者或累歲不補贊乃請以內外員爲三分每歲計闕集人檢視吏奸天下便之贊又言於上曰邊儲不贍由措置失當蓄斂乖宜故也今戍卒不隸於守臣守臣不總於元帥至有一城之將一旅之兵各降中使監臨皆承別詔委任每有寇至方從申覆比蒙徵發救援寇已獲勝罷歸此措置失當也頃設就軍和糴之法以省運制加倍之價以勸農此令初行人皆悅慕而有司競爲纖蓄不時斂藏遂使豪家貪吏反操利權度支物估轉高軍城穀價轉貴此蓄斂乖宜也舊制關中歲運東方租米至有斗錢運斗米之言將制國用須權重輕食不足而財有餘則弛財而務實倉廩食有餘而財不足則緩食而畜用貨泉近歲關輔屢豐公儲委積江淮水潦米貴加倍運彼所乏益此所餘可謂習聞見而不達時宜矣今江淮斗米直百五十錢運至東渭橋值直又約二百而市司估糴三十七錢耗其九而存其一餒彼人而傷此農每年江淮運米百一十萬斛至河陰太原留七十萬斛而以四十萬斛輸東渭橋今二倉見米猶有三百二十餘萬斛京兆諸縣斗米不過直錢七十請令來年江淮止運三十萬斛至河陰以次運至京師其江淮所停八十萬斛委轉運使每斗取八十錢於水災州縣糴之以救貧乏計得錢六十四萬緡減值直六十九萬緡先令戶部以二十萬緡付京兆糴米以補渭橋之闕數斗用百錢以利農人以一百二十萬六千緡付邊鎮使糴十萬人六年之糧餘十萬四千緡以充來年和糴之價其江淮米錢值直並委轉運使折市綾絹絲綿以輸上都償先貸戶部錢詔行其策邊備浸充時與趙憬盧邁賈耽同相上嘗使人諭贊曰自今要重之事勿對趙憬陳論當密封手疏以聞又苗晉卿往年攝政嘗有不臣之言諸子皆與古

帝王同名今不欲明行斥逐宜各除外官又卿清慎太過諸道饋遺一皆拒絕恐事情不通鞭靴之類受亦無傷贊奏曰昨臣所奏唯懷得聞陛下委曲防護是於心膂之內尚有形迹之拘職同事殊鮮克以濟恐爽無私之德古者爵人於朝刑人於市唯恐衆之不睹事之不彰凡是譴訴之事多非信實之言利於中傷懼於公辯或云歲月已久不可究尋或云事體有妨須爲隱忍或云惡逆未露宜假他事爲名或云但棄其人何必明言責辱傷善售姦莫斯爲甚若晉卿父子實有大罪則當公議典憲若被誣枉豈令陰受播遷夫監臨受賄盈尺有刑士吏之微尙當嚴禁矧居風化之首反可通行賄道一開展轉滋甚鞭靴不已遂及金玉目見可欲何能自窒於心已與交私豈能中絕其意乎至是懷反疑贊排己與有隙贊又嘗奏論備邊六失以爲措置乖方課責虧度財置於兵衆力分於將多怨生於不均機失於遙制宜罷諸道防秋令本道但供衣糧募戍卒願留及蕃漢子弟多開屯田官爲收糴寇至則人自爲戰時至則家自力農又擇文武能臣爲隴右朔方河東三元帥緣邊諸鎮有非要者隨便併之滅姦濫虛浮之費以豐財定衣糧等級之制以和衆宏委任之道以宣其用懸賞罰之典以考其成如是則疆場寧謐矣帝不能盡用心甚重之又以郊赦寬謫者未霑恩擬三狀以進奏曰王者待人以誠有責怒而無猜嫌有懲沮而無怨忌斥遠以儆其不恪甄恕以勉其自新人知復用誰不增修如其貶黜長從擯棄含悽念亂或起於茲矣帝性猜忌官無大小必自選用以辯給取人不得數實之士贊諫曰明王不以辭盡人不以意選士但在明監大度御之有道而已以一言稱愜爲能而付任逾涯以一事違忤爲咎而罪責過當則職司之內無成功矣又奏請均節財賦凡六條其一論兩稅之弊曰舊制租庸調法天下均一雖欲轉徙莫容其姦人無搖心事有定制兵興以來版圖隳壞更舊法以爲兩稅但取大曆中一年科率最多者以

爲定數唯以資產爲宗不以丁身爲本務輕資而樂轉徙者恆脫於徭稅數本實而樹居產者每困於徵求又大曆中供軍進奉既收入兩稅今於兩稅之外復又並存望稍行均減以救彫殘其二請兩稅以穀帛爲額不專以錢穀定稅其三論長吏以增戶減稅闢田爲課績其四論稅限迫促請更定徵稅期限其五請以稅茶錢置義倉以備水旱其六論兼并之家私斂重於公稅請爲占田條限裁減租價事皆不行初贊參惡李異出爲常州刺史及參貶異爲湖南觀察使奏參交結藩鎮受汴州節度劉士寧賂遺帝怒欲殺參贊言朝廷大臣誅之不可無名昔劉晏之死罪不明白至使叛臣得以爲辭參於臣素分陛下所知豈欲營救其人蓋惜典刑有濫耳乃貶參驪州司馬帝又欲理其親黨籍其家資皆以贊切諫而止時宦官恨參尤深日謗毀竟賜死於路贊請以李異權判度支帝許之又復欲用裴延齡贊言度支準平萬貨刻吝則生患寬假則容奸延齡誕妄小人不可用弗聽俄而延齡姦佞天下皆嫉怨以得幸天子莫敢言贊復上書苦諫帝不憚延齡謀去贊譖毀百端十年罷爲太子賓客明年夏旱芻糧不給軍校訴於上延齡奏曰此皆陸贊輩怨望鼓煽軍人也帝遂發怒欲誅贊賴陽城等交章論奏乃貶忠州別駕順宗立召還詔未至而卒年五十二諡曰宣生平權古揚今繫情度物敷之爲文誥傳狡猾者嚮風則有制誥集一十卷論思獻納興利除害吏事巨細酌量精絕則有奏草七卷其在相位推賢與能舉直錯枉內格君心外圖治要將以致久安長治又有中書奏議七卷始入翰林年尚少以材得幸於天子歌詩宴遊朝夕侍從及出居艱阻之中雖有宰臣而謀猷參決多出於贊議者謂興元戡難之功雖爪牙宣力蓋贊有助焉天子常以行輩呼爲陸九而不名解衣推食同列莫敢望及輔政不敢自愛事之不可者皆爭之所言悉剴拂帝短惡到深切或規其太過贊曰吾上不負天子下不負所學違他恤乎居忠州十餘

年常闔戶人不識其面又懼謗不敢著書地苦瘴癘祇爲古今集驗方五十卷示鄉人云其奏議至今傳

論曰若贊者乃可謂知無不言言無不盡者也剛直如魏徵而性行較醇方正如宋懷而謀略更優指陳時政洞若觀火皆本仁祖義而出之昏佞漆膠正直不容貶竄在外十餘年以歿何竟忘奉天被圍梁州再幸時也贊之自言曰上不負天子下不負所學所學者學爲忠與孝也學爲明理而察物也學爲理國而安民也若贊者始可以言學矣贊不負德宗而德宗負贊悲夫

唐陸宣公廟記

明薛瑄

有唐三百年逢時建策所以成翊戴宏濟之大功者累有其人至於學術純正事君以格心爲先論事以行義爲急隱然有王佐之才者余於中唐獨得一人焉陸宣公敬輿是已當建中艱危之際公居近地竭忠盡以籌畫機宜代王言以感召人心雖提兵討賊諸將是賴而其運謀帷幄再造唐室之功居多皆載之信史天下後世所知余置不論獨推公有王佐之才者蓋三代之佐皆以正君行義爲本自漢以來爲輔相者鮮克知此而其所論不過人才政事故無以清出治之源明義利之分以致主於王道獨公之告德宗者有曰一不誠則心莫之保一不信則言莫之行誠信之道不可以斯須去身必慎守而力行之又曰民者邦之本財者民之心心傷則本傷本傷則枝幹凋悴而根抵蹶拔矣知誠信不可不存則心必正知財利不可厚斂則義必行人君正心行義使天下萬事粹然一出於天理之公此王道也惜乎公言雖大所告不合入相未久卽有忠州之行而卒不得大行其志遂使後世論唐之賢相曰房杜姚宋而公不與夫豈知公有王佐之才使時君能用其言三代之治可復豈徒貞觀開元之盛而已哉故善論相業者當觀其學術規模之大小不當以事功成與否而高下之也史載公蘇州嘉興人卽今之嘉興府城北有公

遺廟世傳以爲公之故宅前代碑志備載其事景泰二年知府事江西舒君敬上章以公乃唐之名臣忠節著於當時奏議行於後世其遺廟雖存自昔以來官無祭饗宜量給官錢循舉春秋祀事以褒表忠賢激勵臣節詔從其請又二年爲景泰四年舒君以書來求記其事余惟世之爲守者類以督辦爲能而於世教風化所關者漠不留意獨舒君卓然以表忠勵俗爲急乃論奏公之事蹟於朝舉久缺之文以秩登祀典廟貌益崇血食不泯其所以爲天下後世人臣盡忠盡節之勸而有補於世教風化甚大是不可不記也遂具述其事俾刻之石使千萬世知崇舉公祀以樹風教於無窮者自我天朝始

唐陸宣公集卷第二十四